

ILLUSTRISSIMI, ET REVERENDISSIMI DOMINI  
**D. F. JOSEPH-MARIÆ PERRIMEZZI**  
EX ORDINE MINIMORUM  
**S. FRANCISCI DE PAULA**

S. CONGREGATIONIS INDICIS IN URBE CONSULTORIS,  
S. Romanæ, & universalis Inquisitionis Qualificatoris, SS. Domini  
nostrí Prælati Domestici, & Pontificio Solio Episcopi  
Assistentis, Sanctæ Oppidensis Ecclesiæ Episcopi,

**I N S A C R A M**  
**D E D E O S C I E N T I A M**  
DISSERTATIONES SELECTÆ  
HISTORICÆ, DOGMATICÆ, SCHOLASTICÆ.  
PARS SECUNDA.

AD EMINENTISSIMUM, ET REVERENDISSIMUM  
PRINCIPEM  
**ALVARUM CIENFUEGOS.**  
S. ROMANÆ ECCLESIAE CARDINALEM AMPLISSIMUM.



NEAPOLI MDCCXXX.  
Ex Typographia Januarii Mutio Hæredis Michaëlis Aloysii.  
*Superiorum Permissu.*



AD EMINENTISSIMUM, ET REVERENDISSIMUM  
P R I N C I P E M  
ALVARUM CIENFUEGOS.  
S. ROMANÆ ECCLESIAE CARDINALEM AMPLISSIMUM.

A U C T O R



I cuiquam alteri theologicæ rei lucubratio offerenda , ejusdenque defensio si a quopiam alio est imploranda , hunc Te solum esse, EMINENTISSIME ALVARE , illos tantum ignorare arbitror , qui Te non norunt ; ac proinde illos a Te non protegi , qui ad Te non confugiunt , illos non adjuvari , qui Te non implorant . Quum enim ubique gentium , per electissima volumina , quæ edidisti , doctrinæ tuae

fama latissime pervagetur ; & quum in tota Ecclesia comperiatur , per præclara munera , quæ supra omnem laudem obis , illa , qua maxime fulges , summa auctoritatis amplitudo ; quis hominum ignorat , in Te uno comprehendit , & mentem , quæ oblata assequatur , & cor , quod oblationem gratam habeat , & acceptam ? Erunt profecto plurimi , qui , vel theologicæ doctrinæ laudem de industria affectant , vel amplissimæ dignitatis honorem cupide exoptant ; at quam pauci , qui illam per labores assequuntur , hanc vero per merita ; quod utranque studio , ac sudore consequi , aut negligunt , aut detrectant ?

Attamen si Te homines contueantur , AMPLISSIME PRINCEPS , citra negocium invenient , & qui alteram per crebra experimenta merueris , & qui postremam numeris omnibus æquaveris . In illa enim Societate educatus , quæ proborum , ac doctorum hominum in Ecclesia Societas est , adeo fortiter in literarum palæstra cucurristi , ut omne pallium fueris jure merito assequutus . Testantur Hispaniarum celebriores Academiæ , in quibus theologicam facultatem per plurimos annos edocens , florentissimos habuisti Auditores , qui nomen tuum quoquo versus clarius omnibus , ornatiusque , reddiderunt . Testantur romani Eminentissimorum Cardinalium Conventus , in quibus suffragia tua quisque uti oracula veneratur ; & in illis ferendis Te sequendi gloriam fere omnes contendunt . Testatur Romanum Concilium , paucis ab hinc annis coactum , in quo quotquot interfuerunt , facilitatem , qua abstrusiora exponebas , proprietatem , qua de cunctis loquebaris , subtilitatem , quam in cæteris exhibebas , omni ex parte admirabantur .

Testor denique & Ego , si hanc mihi præbeas facultatem , aliquando in tuum Musæum perhonorablem admissus , & de theologicis rebus differere jussus ,  
harum

harum omnium adeo vividam, solidam, completan-  
que peritiam in Te admiratus sum, ut dixerim ve-  
re apparere, Te cathedram non modo rexisse, sed  
& regere. Et quum exteriora negocia adeo animum  
tuum occupatum retineant, ut vix ocium habeas le-  
gendi, quæ ad præsens tuum pertinent ministerium;  
theologica tamen volumina ea assiduitate evolvebas,  
ut vix ita faceret, qui sacram illam scientiam pro-  
munere haberet in scholis, & circulis, docere, ac  
profiteri. Quod quidem ex longo usu, ac peculiari  
consuetudine, in literarum palæstris provenire nemo  
ambigit; immo etiam fateri omnes oportet, animum  
tuum factum ad omnia, non ideo amittere quæ pos-  
sedisti, quia modo exerces quæ non curabas. Proin-  
de absque mendacio dicimus, Te ita scientias omnes  
habere, ut una alteri det locum in mente tua; ut  
altera non impedit quamlibet in ore tuo; ut tan-  
dem omnes, prout res exigit, prodeant alternatim  
ex calamo tuo, quo nihil acutius, ac rectius, ad res  
dirimendas, si difficiles, & ad easdem, si dissonæ,  
componendas.

Hinc, quod omnes sane demirantur, in rebus ge-  
rendis ea polles solertia, ea fidelitate, ea constantia,  
ut AUGUSTISSIMUS DOMINUS NOSTER haud  
valeat majorem desiderare, nosque subditi amantio-  
rem colere nequeamus. Quis in Romana aula, quæ  
omnium uti est princeps, ita est magistra, adeo est  
peregrinus, ut Te non prædicet hominem, in re-  
gerenda vividum, acrem, atque vehementem? Quis  
in IMPERATORIS CAROLI negocio procurando  
Te navum, sedulum, impigrum, non dicit? Quis  
in Germaniæ, cuius es Comprotector, juribus obser-  
vandis, Te non laudat summæ curæ, perspicacis in-  
genii, studii infaticabilis, horarum denique, ac mo-  
mentorum, observantissimum? Et quod pluris est mu-  
nus

mus tuum adeo accurate imples, ut etiam amabiliter gratus omnibus, nemini autem infestus, appareas. Si præcipis, ea est præcipientis humanitas, ea urbanitas, ea dignitas, ut non jubere, sed rogare potius videaris. Si exhortaris, sic rationabiliter, ac modeste, loqueris, ut non imperium, sed eloquentiam exerceas. Si postulas, ita efficaciter, & amanter discurras, ut nemo possit postulata negare. Accedunt etiam verbis ut plurimum opera, munera quoque sapientius, laudes semper; quibus sit, ut nemo a Te tristis discedat, immo qui Tibi beneficiis obstrictum se omnimode non fateatur.

Quæ quum ita se habeant, quid mirum, si CÆSAR INVICTISSIMUS adeo gratum, acceptumque habeat ministerium tuum, ut illud desinat nunquam laudibus, & præmiis honestare? Quæ sunt præclariora Siculi regni Sacerdotia, sive redditum opulentiani, sive Ecclesiarum decora, sive jurisdictionis amplitudinem, spectemus, Tibi contulit; & ea etiam alacritate, ac omni prorsus cunctatione abjecta, contulit, ut plane ostenderit, Te omnia ex animi sui sententia operari; unde non tantum verbis, sed muneribus, illa omnia velit benigne accipere, ac largiter approbare. Munus autem, quod obis, cunctis quidem amplius, ac præclarior, ita sibi pergratum sentit, ut non semel Tibi confirmare dignatus fuerit; unde Subditorum gaudia in immensum crescunt, & Deo optimo maximo grates sine fine reddunt, quod in extenso munere tuo, nostrum omnium saluti, ac solatio, prospicere non dedignetur. Quid enim in præcipuo REGIS NOSTRI Ministro desiderare possumus, quum in illo habeamus sine ostentatione auctoritatem, amorem sine fallacia, liberalitatem sine jactantia, sollicitudinem sine præcipitatione, sine denique pigritia longanimitatem? Is omnia disponit ad tem-

tempus , diemque suum ; itaut nec præmaturæ , nec feræ , determinationes evadant ; sed potius , ut decet , dispositæ , suum omnino fortiantur effectum . Is tandem nec PRINCIPI SANCTISSIMO quem orat , nec PRINCIPI AUGUSTISSIMO , cuius nomine orat , injucundus ; ita exequitur cuncta , quæ ei committuntur , ut & illius benevolentiam sibi conciliet , & hujus sibi fartam tectam afferat humanitatem .

Tua sunt decora , CARDINALIS DOCTISSIME , quæ modo in sancto Ecclesiæ Principe , & in Sacro Imperii Ministro , qui Deo , quæ sunt Dei , & qui Cæsari reddit , quæ Cæsaris sunt , fusis laudibus exaltavi . Et sola modestia , quæ in Te est , tua esse contendet ; quum de cætero omnes fateantur , Te Sacerdotii jura non frangere , quando Imperii sustines privilegia ; & vicissim Imperii leges observare , quando Sacerdotii ornamenta veneraris . Hæc est felicitas temporum , quibus vivimus , habere Pontificem , qui pergratus Cæsari , nil ei judicet denegandum , quia hic nil petit non concedendum ; habere Imperatorem ; qui Pontifici obsequentissimus , illius nutu fertur , quod nutus non sine ratione feratur ; habere denique fidissimum Ministrum , & simul Cardinalem amplissimum , qui inter utrumque foveat unitatem , itaut aniborum sit cor unum , & anima una . Hanc vere Tibi debemus , concordiam scilicet Sacerdotii , & Imperii , quam per plures annos , Te procurante , ac servante , habuimus , & quam in posterum habituros credimus , si Tu non desines ministerium implere , ut usque modo , non sine divini Numinis complacentia , & utriusque Principis acceptatione , gessisti .

At veniamus ad rem ipsam , quam sub tutela tua , ut fidenter ponimus , ita & a Te protegendam , constanter speramus . Continet hic liber noster primo loco sublimem illam de Trinitate doctrinam , quam

Tu

Tu duobus voluminibus exposuisti , ea quidem profunditate , ac perspicuitate simul , ea elegantia , ac eruditione , ut non tantum Theologum egeris acutissimum , verum quoque Oratorem floridum , ac disertissimum . Continet præterea de Angelis , de primorum hominum , ac de rerum omnium creatione , dissertationes selectas , ac luculentas , ut rei ratio postulabat . Et in his non solum , quæ in scholis agitantur quæstiones , verum quoque controversiæ , quæ cum Heterodoxis sustinemus , & quæ insuper inter Eruditos in re historica , præcipue sacra , disquisitiones fiunt , qua potuimus brevitate , ac concinnitate , continentur . Quæ quidem omnia sicut genium tuum minime defraudant ; ita & mihi spem addunt , qua firmiter expectem officii mei approbationem , & muneris quoque non designationem . Tractamus quæ vel tractasti , vel tractas ; etsi non illa perfectione virtutis , qua cuncta , quibus calamum imponis , tractare , in usu habes ; quod sane non omnibus datum esse , fatemur . Attamen similitudo laboris , etsi absit operis æqualitas , efficiet , ut illa grata habeas in aliis , qui iisdem manus imponunt , quæ probare sudoribus tuis , præcipuo , ac singulari studio , elegisti .

Accedit sanguinis claritas , qua genus tuum priscis sane temporibus adeo fulsit , ut non solum Hispanias , sed & Gallias quoque , aliasque finitimas regiones , quoquo versus illuminaret . Et domi , & foris , rebus præclare gestis , Majores tui sic se Regibus commendarunt , ut toga , & armis quovis tempore illustrarentur . Hinc Contribules tui apud nos familiae tuæ vetustatem , generis dignitatem , domi opulentiam , ac prosapiam multis , veteribusque imaginibus , clarissimam , communibus vocibus , prædicant , atque proclamat . Tu vero , PRINCEPS CLEMENTISSIME , illorum comprobas dicta , & regali illa munificentia ,

qua

qua prosequeris cunctos , qui tua benevolentia honestantur ; & magnificentia splendidissima , quæ in cunctis operibus tuis principem obtinet locum ; & eleganti , concinnaque urbanitate , qua omnes ad Te attrahere dignaris , & neminem a Te pateris tristem discedere . Hæc sane sunt infallibilia veræ nobilitatis insignia , quibus stirpis amplitudo probatur , plusquam imaginibus , vel titulis , vel etiam stemmatibus splendidissimis .

At majora sunt , quæ Tu reddis Majoribus tuis , a quibus accepisti natalium claritatem , & quibus quoque debes virtutum exempla , quæ posteros quoisque ad conservandam inducunt generis amplitudinem , quam iisdem virtutibus partam , a Progenitoribus suis acceperunt . Siquidem fidelitatem illam , quam Austriacis , Catholicisque Regibus intactam , inviolabilemque quovis ævo Homines tui sanguinis servarunt , Tu supra omnes adeo fortiter tutatus es , ut pro illa servanda quocunque subire discrimen non dubitaveris . Amor ille pro Patria , & Gente tua , quo exarserunt corda illorum , qui domi Te præcesserunt , & quorum argumenta , sive in pace , sive in bello , nec pauca , nec infima leguntur , quo ardoris altitudine in Te serveat , Hispani omnes ubique fatentur , & obstupescunt . Largitatem denique illam , ut alias , omnesque egregias , prætereamus virtutes , quibus Te generi tuo parem reddis , quæ ad cunctos extenditur , sive illis beneficiendo , ut Ecclesiæ Princeps , cuius est pauperes sublevare , sive illos adjuvando , ut augustissimi Principis Orator , qui suum esse credit , nemini deesse ; sic Populi omnes , gentes omnes , ac nationes , in Te admirantur , ut nesciant quid in operibus tuis primo loco exalent ex virtutibus tuis , quum omnes , sive civiles , sive politicas , sive potissimum morales , & christianas , in altiori gradu in

PAR. II.

b

ani-

animo tuo inveniant, & unam alteri non cedere, non  
sine admiratione, experiantur.

A tuis revertimur ad Te, SAPIENTISSIME AL-  
VARE ; ad illas scilicet virtutes commemorandas,  
quæ Te reddunt religiosi instituti tui sapientissimum  
sectatorem, episcopalis tui muneris integerrimum  
exemplar, doctrina denique, ac sanctitate, & digni-  
tate, eminentissimum. Quod sane nobis comprobat,  
vel Religionis austeras, quam inter delicias, & pom-  
pas, mordicus observas; vel solitudinis amor, quo  
ad Deum quotannis raperis piis illis exercitationibus,  
quibus ad S. Patris tui leges, mens excolitur, ani-  
mus perpolitur, ac regularis perfectio, vel acquiri-  
tur, vel augmentatur; vel pastoralis denique sollici-  
tudo, qua prospicis ovibus tuis, et si longe dissipitis,  
quod eas monitis, ac mandatis tuis ita dirigis, ut  
ad vocem tuam, et si non ad oculum, continuo in  
via salutis incedant. Nec sane Tibi reluantur aulæ  
strepitus, rumores urbis, Orbis etiam vicissitudines,  
quominus cœlestibus rebus insistas, ac præstantiora  
tua studia in Deo figas, ac colloces: quum ea pie-  
tatis præstantia animum imbueris, ut etiam inter  
mundanas varietates valeas Te ad Deum, ac tua om-  
nia referre. Hoc profecto miraculum insuper in Te  
omnes demirantur, ut uno, eodemque tempore, Mi-  
nistrum agas, & Principem, in aula, & in claustro  
Religiosum adimpleas, & Episcopum; & hoc ita ada-  
mussim ad sanctitatis, & humanæ prudentiæ regulas,  
ut una alteram non impedit, immo nec ut altera  
ullam retardet.

Hæc de Te scribere scribendi consuetudo coegit,  
non sine quidem tuæ modestiæ commotione, at nec  
pariter sine nostræ sinceritatis discrimine. Invaluit  
usus, ut quicunque alteri suas lucubrationes nuncupa-  
ret, eidem in fronte Operis panegyricam scriberet.

Mo-

Morem hunc sectari modo necessitas est ; patere igitur , ut epistolam de inventæ jam consuetudinis lege scribentes , Tibi ea narraverimus , quæ Tu facere , quam audire malueris , & nos admirari potius , quam loqui elegissimus . Hoc unum igitur remanet , ut a Te , PRINCEPS EMINENTISSIME , deprecemur , quod hoc qualemque munusculum nostrum illo hilari , ac benigno oculo intuearis , quo assoles ea recipere , quæ Tibi a præstantiori manu offeruntur ; nosque illo protectionis tuæ privilegio honestes , quo possimus majora scribere ad Jesu Christi Ecclesiæ tutamen , ac ornamentum , si faxit Deus ; & ulteriora Tibi , ad nostræ observantiæ argumentum , nuncupare .

# LEGENTIBUS PROLOQUIUM.



AUCIS in priori parte Vos detinimus, nec pluribus hac in altera detinebimus. Idem porro est in scribendo consilium, eadem operis ratio, nec diversus differendi modus, aut extranea methodus disputandi. Solummodo res, quae differuntur, ac disputantur, alia sunt ab illis, quas in praecedenti volumine exposuimus. Sic quippe erat ordinis lex, ut post sacra de Deo scientiae primordia, de subsequentibus ad illa tractaremus.

Continet igitur hoc volumen, quod secundæ partis titulo nominamus, tractatus, quos dicunt, de Deo Trino, de Angelis, ac de prima rerum creatione. Curavimus in ipsis posteriora scribere, quæ sive Polemici, sive Scholastici, sive sacram Profitentes historiam, de iisdem agere consueverunt. Ea tamen lege, ut nec prolixitate molestiam, nec caliginem brevitatem, vobis ingerere videbemur. Si non de omnibus differuimus, cuncta certe tetigimus; & eo quidem fine, ut qui plura desiderarent, apud alios, qui de iisdem latiori calamo pertractant, facili negocio adinvenirent.

Et quidem in primis, de Deo Trino materias, sive mysterii profunditatem spectetis, sive heresum multitudinem, sive Scholarum dissidia, ita est ambagibus involuta, ut vix possit, vel sine confusione, vel sine obscuritate, pertractari. Ea tamen moderatione peragenda sunt omnia, ut scrutator majestatis non opprimatur a gloria. Quæ Deus nobis credenda proponit, absconum est, quinimmo etiam impium, velle eadem scire; & nolle iisdem assentiri, nisi per demonstrationem probentur contra omne rei christiana institutum est. Captivitatem intellectus exigit a nobis nostræ fidei Auctor in iis, quæ de fide sunt, non mentis acumen, ut perscrutemur per naturale lumen, & per humana ratiocinia usque ad evidentiam demonstremus. Sat est, ut Adversantium objecta solvamus, ut contradictiones, quas comminiscuntur, diluamus, ut inconvenientia, qua opponunt, futilia, & imania esse, probemus. Hoc sane fit a cunctis, qui Dogmaticam pertractant; & hoc quoque pro virili nos agere conatus sumus.

Quæ vero tradidit Deus hominum disputationi, sic explere studuimus, ut a Sanctorum Patrum dictis, si qua fuerunt, nec in minimo discedere, voluerimus. Scholarum argutias, Philosophorum speculationes, naturales rationes, hac admisimus temperantia, ut supra Ecclesia mentem, & Patrum doctrinam non prævalerent. Illa enim in cunctis est magistra, isti sunt Duces, a quorum vestigiis discedere apertissima insanæ est, ac temeritatis inconsultissima. Quis enim divinorum oraculorum sensum supra illos assequuntur est, ut iisdem preferri valeat jure merito aspirare & ipsi Patres nostri sunt, quorum si assequimur mentem, præ cunctis hac sola gloria, debemus esse contenti. Hinc factum est, ut quoties nobis se occasio obtulit, in aliquibus dubiis, in quibus a paucis censuram subjerunt, eos ex instituto defendimus, ac vindicavimus. Eorum quippe contextibus genuinam doctrinam, quam profitebantur, ostendimus; & naevos, quos illis impingebant, omnino removere, conatus sumus. Sic porro fieri oportebat, ut venerationem, quam Catholicci universi illorum dictis debent, non solum voce, sed re ipsa, ostenderimus.

Ceterum molestos illos haud dubie habemus, qui nimia libertate freti in sanctos, antiquioresque Patres calamum accidunt, illosque sapientius vel hallucinationis, vel inconsiderantia, vel erroris etiam, accusant. Quum enim temporibus illis, quibus Ecclesia Patres florebant, non adhuc dogmata essent inter Catholicos disputata, ab Hareticis controversa, a Pontificibus Romanis, & a Conciliis definita, ac, ut uno verbo dicamus, non adhuc essent in tuto posita, ut modo sunt; quid mirum, si unus,

aue

aut alter ex illis non ita perspicue, ac inconcussæ de iisdem laquobatur, ut modo loquimur? Dandum profecto est aliquid temporum rationi, mysteriorum obscuritati; scribentium primordiis; qui quæ Duces non haberent, quos in fidei doctrina sequentur, nec omnia ex diuinarum Scripturarum oraculis habere possent, sola naturalis rationis luce ambulantes, quæ ut plurimum deficit, & aliquando etiam obscuratur, humani aliquid se passos esse, nemo prudens demirabitur. Verum nec hoc in illis deprehenditur, si nos velimus ipsorum volumina discendi, non reprehendendi animo, voluntare. Voces fortassis, quæ tunc temporis in usu erant, & modo non sunt, diversitatem praeferrre videntur; at res eadem est; insuper, quod in uno loco obscure pronunciatur, clariori modo in altero dicitur; & denique aliquando ex Adversantium opinione loquuntur, quandoque ex propria. Quam discretionem quum non faciant Legentes, ideo tam faciles se ostendunt, ad censura illos inurendos; quos quidem non inurerent, si ipsorum meniem assequerentur.

Profecto nobis optandum venit, ut majori veneratione Patres, & minori studio Philosophos, prosequamur. Quis enim feret, Catholicos Viros piaculum ducere Ethnicos Philosophos aspernari, & eruditioñis honorem Ecclesiasticos Patres reprehendere? Si loquatur Aristoteles, si Plato, si Epicurus, si Democritus, si Anaxagoras, silentio ipsorum dicta venerari; & si loquatur Augustinus, Ambrosius, Hieronymus, Gregorius, Athanasius, Chrysostomus, Basilius, Nazianzenus, querere nodum in scirpo, & de illorum dictis Judicem se facere? At deteriora sunt, quæ in pluribus insuper deploranda occurrunt. Sanctis, & antiquis Patribus nuperos Scrip-  
tores anteponunt; & horum sectantes placita, parum, aut nihil ducunt illis se opponere, & adversari. Vel quia ut plurimum curiosis ingenii nova placent, vel quia debiliores intellectus deteriora eligunt, sanctam oppugnare antiquitatem pro merito parant, & doctrinæ auram captare student, quia nec scribunt, quæ omnes calamo tradunt, nec affirmant, quæ ab omnibus mente, & ore affirmantur. Hoc sane nobis, & rationi dissonum, & prudentia contrarium, & nec in fide tutum visum est; unde erga antiquos Patres reverentiam, in dictis eorum excipiendis, & preelectionem in ipsorum sententiis examinandis, & fortitudinem, in iisdem vindicandis ab erroribus, qui ipsis a quibusdam impinguntur, ostendere, qualencunque operam nostram, si Superi voluere, navavimus.

Redeamus autem ad rem nostram. Post de Deo Trino Dissertationes continet hoc alterum Theologia volumen, alias de Angelis, & alias quoque de prima rerum creatione. De Angelis differuimus, & qua Polemici, & qua Scholastici differunt; at sobrietate illa, quæ necessaria quidem est, ut differentes nec brevitaris vicio obscuri, nec prolixitatis radio, molesti reddantur. Si quas novas in medium adduximus exco-  
gitationes, de illis fuerunt, quas Deus in nostra posuit disputatione. Nec omisimus illas probatorum hominum auctoritate vallare; ut non solum ratiocinii vi, sed etiam doctrina testimonio, disputare videremur. Qua vero de iisdem narrantur, non disputantur; & sunt ut plurimum aniles fabulae, quas mulierculæ prepostera fide sequuntur; exacto criterio subjecimus; ut illa tantum amplectemur, que post accu-  
ratum examen amplectenda videbantur; qua vero respuenda, responderemus.

Dissertationes denique de prima rerum creatione componere curavimus ea solidae, studio, labore, quibus non Theologi, sed Sacrorum Codicum Interpretes pertractare in usu habent. Siquidem res illas ea oportebat perspicuitate exponere, ea secrectione exscribere, ut Legentes noscerent, quæ credere debuissent, quæ scire, & quæ probabiliter opinari. Sicco nimis calamo Theologi, & præcipue qui sunt de Schola, illa pertractant; nec de illis, quæ potiori jure sunt pertractanda, discurrunt. Disfusiores postea se reddentes in iis, quæ ad rem non faciunt; quum potissimum sint hypotheticae quæstiones, de rebus scilicet, quæ nunquam erunt, sed quæ fuissent, si conditiones, quas singunt, suum habuissent effectum. Quem quum non habuerint, nec habitura sint, plane fit, ut totæ quæstiones illa prorsus ad nihilum redigantur. Hinc temporis dissipatio, laboris inanitas, & studii defectio, quibus non Legentium profectus, sed falsa scribentium gloriola comparatur.

Ve-

Verum, quod majus est; Legentes discretissimi, alicere vos curamus ad voluntatis hujusc lectionem, non operis commendatione, qua nulla esse probatur, quum nihil habeamus nos, quod commendabile credamus; sed potissimum benignitate illa vestra, quam nos ipsi multoties experti sumus. Eandem illam prosequi dignamini, quia sicut nos illa freti, operi admovimus manum, ita si eadem nos destitueris, incepitum laborem minime prosequemur. Quod si fieri, hand quidem literarum Respublica dolore gravabitur, quia nullum expectat ex quoquaque labore nostro ornamentum; at in hoc tantum, si faceri volumus, dolebit, quod hoc alterum non habebit patientia, ac humanitatis vestra testimonium.

Nos autem ea quidem fiducia suscepitam provinciam prosequemur, ut quam semel putavimus suscipiendam, nisi finem attingamus, non eam derelinquemus. Siue bene, siue male, de nobis, & de fætibus nostris, dixerint homines, qui non eadem, ac Vos, prædicti sunt benevolentia, ac urbanitate; hoc nobis cordi erit, genio nostro imprimis indulgere, & deinde beneficio vestro prospicere. Genio nostro indulgemus, scribentes, quæ scribimus; si ad decus, si ad dedecus, Vos judicos estis, vos judices volumus. Beneficio vestro prospicimus, quia post Deum, quem primo loco respicimus, & ad quem quoslibet labores nostros ordinamus, ad Vos dirigimus cuncta, quæ scribimus, ut ex studio nostro, si Superis placuerit, qualunque modo, proficiatis. Valete.

## INDEX

# INDEX

## DISSERTATIONUM.

<b>Dissertatio CI.</b>	<i>carum rationum momentis.</i>	39
<b>D</b> e cognoscibiliate Sanctissima Trinitatis mysterii, de Hæreticorum erroribus, & de Scholasticorum sententiis, circa eandem. I		
<b>Dissertatio CII.</b>		
<i>De Philosophis Ethnicis, an Trinitatem agnoverint, quid de ea senserint, ut unde illius notionem hauserint.</i>		
	9	
<b>Dissertatio CIII.</b>		
<i>De Judeis, tum ante, tum post, Christi adventum; &amp; de eorum, circa Trinitatis mysterium, aut incredulitate, aut fide.</i>		
	13	
<b>Dissertatio CIV.</b>		
<i>De Patribus, qui ante Arii heresim in Ecclesia floruerunt, &amp; quid de Trinitate, &amp; senserint, &amp; scripsierint.</i>		
	16	
<b>Dissertatio CV.</b>		
<i>De antiquioribus Hæreticis, &amp; de eorum contra Trinitatem insaniis.</i>		
	22	
<b>Dissertatio CVI.</b>		
<i>De Sectariis recentibus, &amp; de eorum contra Trinitatem deliriis.</i>		
	26	
<b>Dissertatio CVII.</b>		
<i>De existentia Trinitatis Personarum ex veteri Testamento contra Judeos.</i>		
	29	
<b>Dissertatio CVIII.</b>		
<i>De existentia Trinitatis Personarum ex novo Testamento contra Heterodoxos.</i>		
	34	
<b>Dissertatio CIX.</b>		
<i>De existentia Trinitatis Personarum, ex Ecclesie definitionibus, Patrum traditione, &amp; theologo-</i>		
		100
		Dif-
<b>Dissertatio CX.</b>		
<i>De Vocibus, qua in explicando Trinitatis Mysterio a Sanctis Patribus, vel a Theologis Scholasticis usurpantur.</i>		
	49	
<b>Dissertatio CXI.</b>		
<i>De modo loquendi circa Trinitatem.</i>		
	53	
<b>Dissertatio CXII.</b>		
<i>De Processionibus in divinis Personis; de Erroribus contra easdem, illorumque Auctoribus; &amp; de Scholasticorum sententiis circa illas.</i>		
	60	
<b>Dissertatio CXIII.</b>		
<i>De Relationibus inter divinas Personas; An sint? Quid sint? Quot sint? Quam habeant distinctionem? An constituent Personas? Et an perfectionem dicant? Et de peculiari pro his ultimis P. Magnani sententia.</i>		
	68	
<b>Dissertatio CXIV.</b>		
<i>De unitate naturæ in tribus divinis Personis; de Hæreticis, qui tribus prioribus Ecclesiæ seculis contra eandem errarunt; &amp; de Patribus, qui eadem tempore pro eadem scripsierunt.</i>		
	84	
<b>Dissertatio CXV.</b>		
<i>De Ariane Heresim origine, ortu, &amp; progressu; de variis illius Sectis; de Conciliis, &amp; Conciliabulis, in quibus, aut damnata, aut pallitata, fuit; &amp; de illis, qui eidem, vel calamo, vel ense, patrocinati sunt; deque illis, qui contra eandem bellum implacabile gesserunt.</i>		
	91	
<b>Dissertatio CXVI.</b>		
<i>De Hereticis aliis, qui post Arium, ejusdem Sectores, Unitatem nature trium divinarum Personarum negarunt, &amp; ad hac usque tempora inficiantur.</i>		
	100	

# INDEX DISSERTATIONUM.

## Dissertatio CXVII.

*De Divinitate Verbi, ex Scripturis, Conciliis, Patribus, ac Rationibus theologicis, asserta, & probata.* 102

## Dissertatio CXVIII.

*De Hæresibus contra divinitatem Spiritus Sancti, & de illarum Auctoribus.* 111

## Dissertatio CXIX.

*De Divinitate Spiritus Sancti, Scripturarum oraculis, Consiliorum decretis, Sanctorum Patrum testimoniis, ac Rationum momentis, affirmata, ac probata.* 115

## Dissertatio CXX.

*De Appropriatione in divinis, de divinarum Personarum Aequalitate, & Consubstantialitate, de earundem Circummissione, Notionibus, & Missione.* 121

## Dissertatio CXXI.

*De Prima Trinitatis Persona; de ejusdem nominibus, & quomodo ipsi convenient; quoniam sit proprium ipsius nomen, & an solum ipsum in ratione prima personæ eam constitutum.* 129

## Dissertatio CXXII.

*De Secunda Trinitatis Persona, & de variis ipsis nominibus; quænam sint, & quomodo ipsi convenient?* 138

## Dissertatio CXXIII.

*De Processione Verbi; & ex quorum cognitione procedit.* 148

## Dissertatio CXXIV.

*De Processione Filii, quod sit Generatio, non sic autem Processio Spiritus Sancti; contra Hæreticos: Et quare dicatur Generatio, non sic vero illa Spiritus Sancti; inter Scholasticos.* 152

## Dissertatio CXXV.

*De tertia Trinitatis Persona, & de Nominibus, quæ eidem, vel a Patribus Ecclesie, vel a Theologis de Schola, tribuntur.* 159

## Dissertatio CXXVI.

*De Erroribus contra Processionem Spiritus Sancti a Patre, & Filio; & de Propugnatoribus ilorum.* 164

## Dissertatio CXXVII.

*De Processione Spiritus Sancti a Patre, & Filio, divini Testimenti vocibus, Conciliorum votis, Patrum dictis, ac Theologorum ratiociniis demonstrata.* 168

## Dissertatio CXXVIII.

*De Additione particula Filioque Symbolo facta; quandonam fuerit facta; & an fuerit legitime facta?* 176

## Dissertatio CXXIX.

*De Scholasticorum Controversia; Si Spiritus Sanctus a Filio non procederet, an ab eo distingueretur; an Hypothesis sit admittenda, & quid de Controversia dicendum?* 182

## Dissertatio CXXX.

*De Existentia Angelorum; de Hæresibus contra illam, & de earundem Auctoribus; ac de illius probationibus, tum ex auctoritate, tum ex ratione.* 190

## Dissertatio CXXXI.

*De Auctore, & creatione Angelorum; de erroribus antiquorum, & de sententiis recentiorum, circa illam; & de loco, & tempore creationis ipsorum, juxta Patrum traditionem, & Theologorum doctrinam.* 196

## Dissertatio CXXXII.

*De Natura Angelorum; de Philosophorum, & Hæreticorum, erroribus, & de opinionibus Patrum, circa illam; & quid modo catholica Fides nobis credendum proponat?* 204

## Dissertatio CXXXIII.

*De carnali cum mulieribus commercio, quod Angelis falso tribuitur; germana Scripturarum intelligentia afferitur; Errors proscribuntur; Patres vindicantur.* 211

## Dissertatio CXXXIV.

*De Apparitione Angelorum sub aliena forma. Ap-*  
*pari-*

# INDEX DISSERTATIONUM.

<i>partitionis substantia in sacris libris continetur ; Modus autem Scholasticorum disputationibus controvertitur. Communis sententia explicatur ; &amp; peculiaris P. Magnani opinio de hoc eodem modo exponitur.</i>	<i>216</i>	<i>gnoscantur, &amp; quomodo ?</i>	<i>272</i>
<b>Dissertatio CXXXV.</b>			
<i>De Immortalitate, &amp; incorruptibilitate Angelorum ; de Acatolicorum erroribus, &amp; de Scholasticorum disputationibus de illa. Errores impugnantur, Opiniones examinantur, probabilius eligitur.</i>	<i>222</i>	<i>De Medio, quo Angeli propria objecta cognoscunt ; &amp; de Dotibus cognitionis ipsorum.</i>	<i>277</i>
<b>Dissertatio CXXXVI.</b>			
<i>De multitudine, &amp; distinctione Angelorum. Errores proscribuntur, Opiniones referuntur, quae verosimilior est sententia defenditur.</i>	<i>229</i>	<i>De Voluntate Angelorum, &amp; de precipuo ejus actu, qui est Amor, an sit in Angelis, &amp; qualis, &amp; ad quæ objecta se extendat ?</i>	<i>282</i>
<b>Dissertatio CXXXVII.</b>			
<i>De Hierarchiis, Ordinibus, &amp; Nominibus Angelorum, Sectariorum infamia confutatur; Theologorum sententiae amplectuntur.</i>	<i>237</i>	<i>De Loquitione Angelorum, qui sint contra ipsam Hereticorum errores, &amp; quæ Scholasticorum circa eandem explicationes. Veritas contra primos defenditur, &amp; probabilius sententia inter secundos eligitur.</i>	<i>286</i>
<b>Dissertatio CXXXVIII.</b>			
<i>De Statu beatitudinis, &amp; gratia, in quo sicutur Angeli creati. Quod certum est, proponitur ; quod probabile est, probatur.</i>	<i>243</i>	<i>De Illuminatione Angelorum ; qui sunt inter illos illuminantes, &amp; qui illuminati ? &amp; quomodo illorum illuminatio fiat.</i>	<i>292</i>
<b>Dissertatio CXXXIX.</b>			
<i>De celebriaciter Scholasticos Controversia ; An Angeli potuerint in primo sua creationis instanti peccare.</i>	<i>250</i>	<i>De Missione Angelorum ; an a Deo mittantur Angelii ? qui Angeli mittantur ?, quibus, &amp; ad quæ, mittantur ?</i>	<i>295</i>
<b>Dissertatio CXL.</b>			
<i>De Loco Angelorum ; An Angeli sint in loco in quibus reperiantur locis ? Quomodo, &amp; per quid, sint in loco ? Ubi de Sphera præsentia Angelorum, secundum P. Magnum.</i>	<i>255</i>	<i>De Custodia Angelorum ; &amp; de erroribus Hereticorum, ac opinionibus Scholasticorum, contra, &amp; circa illam. Quibus detur, ad quæ se extendat ; &amp; an cuique detur etiam Angelus malus ?</i>	<i>300</i>
<b>Dissertatio CXLI.</b>			
<i>De motu Angelorum ; An scilicet sit, qualis, &amp; quotuplex ? Et an possint Angeli de uno extremo ad aliud moveri, absque eo quod medium pertranscant ?</i>	<i>266</i>	<i>De Merito Angelorum : An meruerint; quid vero, &amp; per quid meruerint ?</i>	<i>308</i>
<b>Dissertatio CXLII.</b>			
<i>De objecto cognitionis Angelorum ; quenam cognoscant Angelii, &amp; quomodo cognoscant ? Ubi de futuris liberis, &amp; fortuitis, de secretis cordium, &amp; de Mysteriis Gratiae, an ab Angelis co-</i>		<i>Dissertatio CL.</i>	
		<i>De Adoratione, &amp; Invocatione Angelorum . Hereses, earunque Auctores, enumerantur, ac profligantur. Catholica veritas explicatur, ac defenditur ..</i>	<i>312</i>
<b>Dissertatio CLI.</b>			
		<i>De primo Angelorum Peccato. Heretici adducuntur ; &amp; impugnantur, afferentes, malos Angelos natura, non culpa, fuisse malos. Primi Angelo-</i>	

# INDEX DISSERTATIONUM.

*rum Peccati adducitur origo, & species; & qui faciunt, Angeli prævaricatores, illorumque Princeps, investigatur.*

316

## Dissertatio CLVI.

*De Operibus quinta, & sexta diei; ubi an calestia corpora sint animatae & an bestie, & herba noxia fuerint ab initio creatae? Et quid per res quinta, & sexta die conditas intelligatur?*

358

## Dissertatio CLII.

*De Pena peccati Angelorum. Quanam fuerit an eterna ad que se extendat? & an Angelos malos omni principatu, sive erga Angelos, sive erga homines, sive erga res alias, prævaricerit? Hæreses præfligantur, dogmata statuuntur, scholasticae opiniones justo examini subjiciuntur.*

325

## Dissertatio CLIII.

*De Angelorum, sive bonorum, sive malorum, extraordianariis operationibus; ubi de Spectris, Energumenis, Magis, Malefiscis, Pythonibus, Laetiis, Incubis, & Succubis, aliisque similibus.*

330

## Dissertatio CLIV.

*De operibus prima, & secunda diei in prima rerum creatione:*

*Ubi an materia aliqua res productas præcesserit? an omnia simul, vel distinctis diebus creatae fuerint? & quid per res prima & secunda die creatas intelligatur?*

345

## Dissertatio CLV.

*De Operibus tertia, & quarta diei; ubi, an dies fuerit prior nocte, an contra? Et an mundus fuerit aut anno, an vere, conditus? & quid per res tertia, & quarta die productas intelligatur?*

354

## Dissertatio CLVII.

*De Terrestri Paradiso; an fuerit corporeus, an spiritualis? In qua orbis parte situs? An modo extet? Et quid in eo fuerint Arbor scientia boni, & mali, & Arbor vita?*

363

## Dissertatio CLVIII.

*De primi Hominis creatione; an fuerit Adam prius Homo a Deo creatus; an vero fuerint Homines Praadamiti? De statu Gratiae, in qua fuit Adam creatus; & de Beatitudinibus dono, quo idem in sua creatione fuit a Deo ornatus.*

373

## Dissertatio CLIX.

*De statu Innocentia in Homine; ubi de dotibus spiritualibus ad intellectum, ad voluntatem, & ad corpus, hominis innocentis: An Adamus, & Eva, si non peccassent, generassent cum libidine? Et quis in eo statu modus generationis filiorum fuissent?*

383

## Dissertatio CLX.

*De peccato primorum parentum; quanam fuerint causæ ipsius? que species? que gravitas? que pena?*

393



IN



# IN SACRAM DE DEO SCIENTIAM

DISSERTATIONES SELECTÆ  
HISTORICÆ, DOGMATICÆ, SCHOLASTICÆ.

PARS SECUNDA.

## DISSESTITO CI.

*De cognoscibilitate Sanctissimæ Trinitatis mysterii,  
de Hæreticorum erroribus, & de Scholasti-  
corum sententiis, circa eandem.*

**C**UJUSCUNQUE divini mysterii cognoscibilitas, aut implicita dicitur, aut explicita. Illa habetur per deductionem, & mediate, quatenus scilicet ex unius cognitione alterius notio comparatur; ut ex cognitione essentiae notio attributorum; ex notione unius attributi alterius cognitio. Hæc vero quando mysterium in se ipso, & immediate cognoscitur. Utique etiam haberi potest, vel naturali ratione, vel supernaturali revelatione. Primo modo, quando naturalis lumen vi acquiritur; altero modo, quando a Deo superius lumen creato intellectui infunditur.

Ex possibiliitate cognitionis emanat possibilitas probationis. Si enim naturali lumine cognosci potest mysterium, potest etiam naturali ratione probari. Et quia cognitio esse potest, vel probabilis, vel evidens; inde etiam probationes esse possunt, vel probabiles, vel demonstrativæ. Ulterius probationes, aut sunt positivæ,

aut sunt negativæ. Per illas probatur mysterium rationibus directis, & convincentibus intellectum ad assentendum illi. Per negativas vero solvantur argumenta, quæ adduci possunt in contrarium, & ostenduntur ex eo admissis nullas oriri implicantes, vel contradictiones. Denique rationes istæ adinveniri possunt, vel supposita revelatione, vel ea præcisa; itaut mysterium cognoscatur, & probetur, absque eo, quod per revelationem aliqua de eo notitia habeatur; aut vero supposita notitia habita, vel per revelationem, vel per fidem, possit intellectus speculari rationes, congruentias, aut alia hujusmodi, quibus mysterium, aut positive, aut negative, naturaliter probetur.

Si de Hæreticorum erroribus loquimur, habemus primo Claudianum Mamertum, Presbyterum, qui quinto seculo vivebat, & jactabat, solo rationis lumine, quemque posse cuncta fidei mysteria, & cognoscere, & probare. De eo loquitur Hennus tract. de Deo trino disp. 3. q. 2. Unde pari-

PARS II.

A

## Dissertatio CI.

2

pariter de Trinitatis mysterio insatiām suam intelligendam esse, volebat; ut apud præsumum Hennum. Meminit præterea ejusdem Claudiani, quem modo Mameratum, modo Mamertinum, vocat, Petavius tom. 2. theol. dogm. lib. 1. c. 2. num. 6. recitans ejus verba lib. 2. de statu animæ, quæ omnia sunt in Platonis commendationem, quem, ob Trinitatis notitiam, quam eundem putavit naturali vi affequatum fuisse, summis laudibus extollit. Re vera tamen Petavius afferit, Claudianum, si attente Platonis, & Platonicorum libros legisset, non scripsisse ea, quæ nunquam Plato, nec Platonici, solumnariunt.

Secundo nobis se objicit Hietax, Ægyptius, infelix Manichæorum sectator, qui inter alia sua deliria, hoc pariter venditare non erubuit; se scilicet posse Trinitatis mysterium adæquate omnibus explicare, & adeo naturalibus similitudinibus expōnere, ut quilibet ei facilime assentiat. Lucerne exemplum adducebat, habentis tamen per ipsum sola duo lumina, Patrem scilicet, & Filium; & illud usurpabat, *Lumen de Lumine*, ad errorem suum probandum. In quo quidem a S. Hilario reprehensum lib. 6. de Trinitate, testatur Berninus in Hæresum Historia sec. 3. c. 13.

Tertio scribimus Petrum Abailardum, de quo S. Bernardus epist. 110. refert, publice dixisse, se Trinitatis mysterium, & profundissima quæque alia Fidei nostræ arcaña, posse solo ingenii sui acumine penetrare. Habemus a laudato Henco, cit. loc. Præterea Du Hamel hæc Bernardi verba recitat: *Et dum paratus est de omnibus reddere rationem, etiam quæ sunt supra rationem præsumit, & contra fidem.* *Quid enim magis contra rationem, quam ratione rationem conari transcendere?* *Et quid magis contra fidem, quam credere nolle quidquid non possit ratione attingere?*

Post tres hosce recensitos Hæreticorum errores, tres alias Scholasticorum sententias circa rem; de qua loquimur, in medium adducimus. Prima est quorundam Theologorum, qui docent, Trinitatis mysterium ita humanæ mentis captum superare, ut nulla naturalis luminis perspicuitate possit detegi; & non solum illud esse supra, sed etiam contra, humanæ rationis vim; itaut si quis sola ratione ducatur, mysterium illud omnino impossibile esse judicet. Refert hanc Theologorum sententiam, suppresso tamen nomine, Frassen de Trinit. tract. 3. disp. 1. art. 1. q. 2,

Secunda sententia est Raymundi Lullii, qui ex opposito docuit, mysterium Trinitatis non solum non repugnare naturali rationi, sed ita illi esse conforme, ut per eam possit evidenter etiam demonstrari. Ita Lullius in libro, cui titulus *Apostopen*, & in libris pariter sententiarum. In quibus, teste citato Frassen, intendit, tria hæc, quæ Trinitatis mysterium constituunt, posse naturali lumine demonstrari. Nimirum, primo, plures esse in Deo personas; secundo, nec plures esse, nec pauciores, quam tres; tertio, personas *hæc* Patrem, Filium, & Spiritum Sanctum esse. Citatur etiam Eymericus in dictorio Inquisitorum p. 2. qu. 9., de Lullio scribens.

Tertia sententia est communior inter Theologos, qui docent, Trinitatis mysterium non esse contra, quanvis sit supra naturalem rationem; adeoque eti posse non possit, nec cognosci, nec probari naturaliter, potest tamen negative probari; solvendo scilicet argumenta, quæ in contrarium adducuntur, & repugnantias, quæ ab Adversariis excogitantur. Et hoc quidem non seclusa divina revelatione, sed ea supposita, & habita, aut immediate a Deo, aut mediate ab Ecclesia per fidem. Dicimus ergo I. dogma fidei esse, Trinitatis mysterium nec ita esse juxta naturalem rationem, ut naturali evidētia probari possit; nec adeo esse contra naturalem rationem, ut naturaliter probari possit, illud esse impossibile, aut repugnans. Secunda conclusionis pars probabitur, quando Trinitatis existentiam contra divini mysterii hostes probabimus, ex parte; & ex parte probabitur etiam in secunda hujusc Dissertationis conclusione, in qua ejus non repugnantiam ostendemus; & negative probando, omnia argumenta solvere conabimur, quæ congeri contra ejus possibilitatem ullatenus possunt. Primam probabimus modo contra Hæreticos illos, quos nuper adnumeravimus; & pariter contra Raymundum Lullium, de quo dixit Frassen, verisimilius sibi esse, cum censuisset, evidenter demonstrari posse divinarum Personarum Trinitatem independenter ab aliqua supernaturali illustratione; quod in sequentibus etiam ostendit.

I. Probarur ex Scripturis. Mæth. 11. 27. *Enīmo novit Filiū, nisi Pater; neque Pater novit, nisi Filius;* & cui voluerit Filius revelare. Et expressius Lucas 10. 22. *Enīmo scit, quis sit Filius, nisi Pater; & quis sit Pater, nisi Filius,* & cui voluerit Filius

707

revelare. Hæc eadem testimonia a Concilio Nicæno I. proferuntur, ut prober, impossibile esse naturaliter penetrare divinæ generationis mysterium. Matth. 16.17. *Beatus es Simon Bar-Jona; quia caro, & sanguis non revelavit tibi, sed Pater meus, qui in cælis est.* Nomine autem carnis, & sanguinis, ait S. Cyrillus Alexandrinus in orat. de Verbi incarnatione, non venire tantum cognitionem habitam ex sensibus, sed quancumque, dummodo sit naturæ viribus acquisita. In ipsam rem curiosus noli inquire: non enim per Græcorum sapientiam, aut mundanum sensum percipitur, sed ab utroque est aliena: *Beatus es Simon Bar-Jona, inquit Dominus, quia caro & sanguis non revelavit tibi, &c.* nam Filii Dei cognitione celeste, divinæque inspirationis donum est.

II. Probatur ex Conciliis. Nicænum I. generale lib. 2., probat, ut diximus, divinæ generationis naturalem incognoscibilitatem ex verbis Matthæi, & Lucæ, nuper relatis. Synodus Antiochena I. celebrata tempore Dionysii Papæ, ut ait Frassen, in professione Fidei hæc habet: *Notionem, Dei utcunque mediocrem si habemus revelante Filio ejus, sicut ait: Nemo novit Patrem, nisi Filius, & cui Filius revelaverit, contenti esse debemus.*

III. Probatur ex Patribus. Epiphanius hæres. 76. *Omnia prætervolant, & excedunt, & omnem causam syllogisticam relinquunt doctrinali illi ex divina Scriptura sententia, nempe, nemo novit Filium, nisi Pater; neque Patrem, nisi Filius, & cni is revelari.* Revelas autem per Spiritum Sanctum non bis, qui de ipso per syllogismos ratiocinantur, sed qui in ipsum legitime, ac perfecte credunt. Nazianzenus orat. de Theologia num. 67. *Ducem potius fidem, quam rationem, sequar, si modo ingenii tui imbecillitatem in propinquioribus didicisti, rationisque id esse cognovisti, ut quænam sint ea, quæ rationis humanae captum excedunt, cognoscas: Ne aliqui prorsus terentes sis, ipsam quoque ignorantiam tuam ignorans.* Ambrosius lib. 1. de Fide ad Gratianum c. 10. *Impossible est, generationis Verbi divini scire secretum, mens deficit, vox silent. Hieronymus in procœm. lib. 18. in Isaiam, Trinitatis recta confessio est ignoratio scientia.* Hilarius lib. 1. de Trinit. *Respsuit captiosas, & inutiles Philosophia questiones fides constans; neque humanarum ineptiarum fallaciis succumbens, spolium se præbet veritas falsitati.* Augustinus lib. 15. de Trinit. c. 6. *Deum esse Trinitatem, credimus potius, quam videmus.* Idem epist. 55. *Multa sunt, quæ de Trinitate.*

tatis ineffabilitate dicuntur, non ut ipsa dicatur, alioqui non esset ineffabilis, sed ut illis dictis, illa dici non posse intelligatur. Hornisda Papa in ep. ad Justinianum Imperatorem: *Secretum Trinitatis neque ulla visibilium, vel invisibilium creaturarum potuit investigare natura.*

IV. Probatur Rationibus I. Debet esse proportio inter objectum, & potentiam; sed nulla est proportio inter potentiam naturalem, & objectum supernaturale: ergo nullo modo potest naturalis intellectus potentia creata cognoscere mysterium Trinitatis, quod est omnino supernaturale. II. Nulla potest esse demonstratio, quæ Trinitatis possit probare certam, & evidenter cognitionem: ergo demonstrative probari non potest. Probatur antecedens. Non potest esse demonstratio a priori; quia sancta Trinitas causam non habet, quum sit omnino independens ab omni causa extrinseca, nequit esse demonstratio a posteriori; quia creaturæ non dicunt ordinem ad Deum ut trinum, sed ad Deum ut unum; nec potest etiam esse aliquid æquivalens, quod constituat demonstrationem æquiparentiæ, ut Lullius afferit; quia omnes Lullii rationes vel Trinitatem supponunt, vel eam impugnant, & solvunt: ergo vel negative, vel supposita revelatione probant. Quod esset probandum, in solutione argumentorum Lullii videbitur. III. Quodcumque in creatis invenitur est Trinitati magis dissimile, quam similes ergo non potest esse perfectum exemplum, vel adæquatum vestigium, ut Trinitas naturaliter vel cognoscatur, vel probetur. Antecedens probat P. Magnanus ex S. Thoma in 1. dist. 33. ar. 1., & magis constat ex inspectione exemplorum, & vestigiorum, quæ ab Adversariis proponuntur. IV. Si Trinitas posset naturaliter demonstrari, maxime demonstraretur per interna principia ejusdem; sed hæc non sunt minus nobis incognita naturaliter, quam sit ipsa Trinitas: ergo per illa demonstrari non potest. Probatur minor. Non est ita evidens, Deum esse trinum, ex eo quod sit Deus, quam est evidens, Deum esse omnipotentem, justum, sanctum, omniscium, ex eo quod sit Deus; sed contrarium hujuscæ assertionis sequeretur, si principia interna Trinitatis essent nobis minus incognita, quam sit ipsa Trinitas: ergo &c. Minor constat consideranti connexionem, quam illa cum Deo, habent, & Trinitas non habet. V. Non supposita revelatione non possunt cognosci divinæ

## Dissertatio CI.

processiones naturaliter: ergo non potest naturaliter cognosci Trinitas. Consequen-  
tia sequitur, quia in processionibus divi-  
nis Trinitas consistit: Antecedens proba-  
tur. Si cognosci possent, cognoscerentur  
ex iis, quae in naturalibus viderentur; sed  
in naturalibus nihil apparet, quod hu-  
iusmodi processionum cogitationem nobis  
ingerat; & quod magis est, in naturali-  
bus nullam invenimus processionem sine  
dependentia, posterioritate, distinctione  
naturæ, &c. ergo non supposita revelatio-  
ne non possunt cognosci divinæ proces-  
siones naturaliter. VI. In ratiocinio mere  
naturali facilius est discurrere, quod non  
detur Trinitas, quam quod detur: ergo  
per discursum mere naturalem nec potest  
cognosci, nec probari Trinitatis myste-  
rium. Probatur antecedens. In ratioci-  
nio mere naturali facilius est discurrere,  
quod in Deo non detur processiones illæ,  
quaes in creatis inseparabiles involvunt im-  
perfectiones, quam quod detur sine im-  
perfectionibus istis; sed processiones illæ  
Trinitatem in divinis constituant: ergo  
in ratiocinio mere naturali facilius est di-  
scurrere, quod non detur Trinitas, quam  
quod detur.

Arguunt I. Creaturæ sunt effectus divinæ  
Trinitatis: ergo ex cognitione crea-  
turalium potest cognosci, & probari, divina  
Trinitas. Probatur antecedens. Creatio ho-  
minis divinæ Trinitati tribuitur: ergo  
creatüræ sunt effectus divinæ Trinitatis.  
Probatur antecedens. Dicitur Gen. 1. 26.  
*Faciamus hominem ad imaginem, & si-  
militudinem nostram:* ergo creatio ho-  
minis non unitati, aliter dictum esset, faciam,  
& meam, sed Trinitati divinæ tribuenda  
est, quum dictum sit, faciamus, & nostram.  
II. Homo est divinæ Trinitatis imago; sed  
facilis, & naturalis est cognitio originalis  
ex illius imagine; ergo facilis, & naturalis  
est cognitio Trinitatis ex hominis cogni-  
tione. III. Potest sola naturali cognitione  
cognosci objectum, in quo Trinitas con-  
tineatur: ergo saltem implicite potest natu-  
raliter cognosci Trinitas. Probatur ante-  
cedens. Potest naturaliter, saltem imper-  
fecte, cognosci divisa essentia; sed in di-  
vina essentia continetur Trinitas: ergo  
potest sola cognitione naturali cognosci  
objectum, in quo Trinitas continetur.  
IV. Philosophi multi habuerunt Trinitati  
notitiam; sed illam non habuerunt per  
fidem, nec per revelationem: ergo natu-  
raliter. V. S. Athanasius in disput. cont.  
Ariani, quæ in Nicaeno Concilio inveni-

tur, & orat. 2. contra Arianos, totus est,  
ut offendat, Philosophos Gentiles fuisse  
inexcusabiles, quia Verbi divinitatem  
ex creaturis non agnoverunt: ergo si po-  
terant naturaliter ex creaturis cognoscere  
Verbi divinitatem, poterant etiam eodem  
modo Trinitatem cognoscere. VI. Oppo-  
nitur prima ratio Lullii: Sicut se habet bo-  
nitas finita ad bonitatem finitam, ita  
bonitas infinita ad bonitatem infinitam;  
sed bonitas finita, utpote diffusiva sui,  
producit bonitatem finitam: ergo bonitas  
infinita, utpote pariter sui diffusiva, de-  
bet producere bonitatem infinitam; sed  
non potest esse bonum infinitum, nisi sit  
Deus; & non potest esse Deus, nisi sit in  
eadem natura, & in diversa persona: ergo  
bonum illud infinitum esse, Deus in  
identitate naturæ, & in pluralitate perso-  
næ. VII. Deus est actus purus, æternus,  
& infinitus: ergo semper agit, & agit  
æternaliter, & infinite; sed non potest  
semper agere, & agere æternaliter, & in-  
finite, nisi producat æternum, & infinitum:  
ergo æternum, & infinitum producit;  
atqui hoc tale est Deus; & quidem non in  
natura, sed in persona distinctus: ergo,  
&c. VIII. Deus est Deus in existendo: er-  
go etiam est Deus in operando; sed non  
esse Deus in operando, nisi produceret  
alium Deum: ergo alium Deum producit;  
non diversum in natura: ergo in persona  
distinctum. Antecedens est certum, aliter  
non esset actus purus. IX. Divina essen-  
tia, & divina potentia idem sunt; sed di-  
vina essentia, quum distet a nihilo in in-  
finitum, facit etiam, ut divina potentia di-  
stet a nihilo in infinitum: ergo divina  
potentia, ut distet a nihilo in infinitum,  
non debet solum producere naturaliter fi-  
nitum; si non potest solum naturaliter  
produccere finitum: ergo debet naturaliter  
produccere non finitum: ergo infinitum:  
ergo Deum. X. Nobilis est ens, quod est  
bonum, & facit bonum, quod est infinitum,  
& facit infinitum; quod est perfectum, &  
facit perfectum; quam quod est tale, &  
non facit tale; sed Deus est ens perfectissi-  
mum: ergo non solum debet esse bonum,  
infinitum, perfectum, sed etiam debet fa-  
cere bonum, infinitum, perfectum; atqui  
ens bonum, infinitum, perfectum, est so-  
lus Deus: ergo Deus producit Deum; non  
distinctum in natura, quia aliter non esset  
Deus: ergo in persona.

Respondeamus ad I. quod, quum actiones sine  
suppositorum, actio creativa non solum  
respondere debeat virtuti divinæ produ-  
ctivæ

etivæ creaturæ, sed etiam supposito, in quo talis virtus esse debeat. Et hoc est, quod potest naturaliter cognosci. Quod autem hoc suppositum sit unum, vel sint terra, nullam habet connexionem naturalem cum effectu; & per consequens nullam habere debet cognoscibilitatem naturalem ex eodem effectu. Et eo magis, quod in creatis experimur, effectus correspondere virtuti operativæ, quæ est in uno supposito, & non in pluribus. Ad illud Genesis non dicitur, quod produxit mundi appellat Trinitatem, & non unitatem Dei; quem Gen. 1. 1. dicatur; *in principio creavit Deus cælum, & terram*, Et quavis in verbis hisce secundum textum hebreicum contineatur etiam Trinitas, ut videbimus, hoc tamen ab omnibus non admittitur; ut nec admittitur pariter, verba illa *faciamus &c. appellare Personas diuinæ*; quia secundum aliquos per illa videntur Angeli indicari.

Ad II. distinguimus minorem; facilis, & naturalis est cognitio originalis ex illius imagine, quando utecumque cognoscitur originale, conceditur; quando cognoscitur ratio formalis imaginis, & habitudo, quam habet ad originale, negatur. Et in hoc stat difficultas, quia quando cognoscitur homo sub ratione imaginis, ut dictum est, non potest esse, ut cognitio illa sit per ingenitum sibi rationis lumen. Unde Augustinus, explanans illud Apostoli 1. Cor. 13. *Videmus nunc per speculum, & in anigate*; lib. 15. de Trinit. c. 24. docet; *Non ait Apostolus, videmus speculum, sed per speculum... Qui ergo vident suam mentem, quomodo videre possunt in ea Trinitatem istam*.

Ad III. dicitur, quod ex essentia imperfekte cognita in Deo, ut nos de facto cognoscimus eam, non potest cognosci Trinitas, quæ cum essentia divina identificatur. Cognita enim essentia Dei cognoscitur utique id, quod est Trinitas, sed non cognoscitur Trinitas. Non enim nos ex cognitione utecumque naturali essentiae divinae possumus cognoscere ea, quæ omnino supernaturalia in ipsa sunt, & cognitionem omnem naturalem excedunt; immo quæ nullam habent cum naturalibus similitudinem, vel proportionem.

Ad IV. responso dabitur in sequenti Dissertatione.

Ad V. respondet Frassen, quod Athanasius intellexit auxilium supernaturale gratiæ excitantis, quo Philosophi illi illustrati, ex creaturarum contemplatione aliquam,

salem obscuram Trinitatis noticiam acquirere potuerunt. Quod confirmat verbis ejusdem Athanasii orat. 1. contr. Arianos scribentis: *Gratiæ ejus in nos collata magna haud dubie sunt, & supra hominem, & quod transcendit suæ excellentia omnia charismata Patris illa, ipsiusque Verbi cognitio, & donatio Sancti Spiritus,*

Ad VI. quod est primum argumentorum Lullii, dicitur, quod propositio illa; non potest esse Deus, nisi sit in eadem natura, & in diversa persona; primo non est evidens naturali lumine, ut est certa supposito lumine, fidei supernaturali; quod si deficit evidētia, non est amplius demonstratio: Secundo est manifesta petitio principii; hoc enim est in quæstione, hoc Trinitatis nomine sentimus, hoc sibi demonstrandum incumbit; assumere autem ut probatum, quod est probandum, est apertissime principium petere. Alia plura subdit P. Magnus, quæ ex hac Lullii ratione, repugnantiæ emanant.

Ad VII. dicitur, quod vel argumentum loquitur de actione transeunte, qualis est actio creaturæ ad extra, vel de actione immanente; non de actione Dei ad extra, & transeunte, ut Lullius ipse concedere debet; & tamen hoc tantum argumentum suum probaret: Nec etiam de immanenti; primo, quia non est evidens, ut purus actus producat infinitum, perfectum, ad intra, ex eo quod agat infinite, perfecte &c., & hoc quia non est evidens, ut ita sit actio immanens: immo in nobis ita non est. Secundo subdit P. Magnus, quod neque pariter est evidens, quod actio sit simul productiva, & non factiva; quod convenit sane creato agenti, Deo autem nullo modo convenit; quam quidem responsonem P. Magnus etiam præcedenti argumento dedit.

Ad VIII. respondeat per instantiam P. Magnus: Sol est tam in existendo, quam in agendo, sol: ergo sol producit solem. Directe distinguit consequens dupliciter; primo: ergo etiam in operando est Deus; ita ut possit producere Deum, negatur; ita ut possit operari a se, sicut a se existit, & perfectissime operari, sicut perfectissime existit, conceditur. Secundo: in operando ad extra, ita ut operetur ad latitudinem suæ omnipotentiaz, & producat omne possibile, conceditur; ita ut producat alium Deum, qui non est possibilis, negatur.

Ad IX. dicimus cum eodem; quod vel intelligit Lullius potentiam essentialem in Deo,

Deo ; vel potentiam notionalem . Non potest intelligere essentialem , quia hæc non est productiva ad intra ; tum etiam quia hæc satis infinite distat a nihilo , quando operatur ad extra , & creat ; persona divina non potest educi de nihilo : ergo non potest hoc modo nec ad extra , nec ad intra produci . Si vero loquitur de potentia notionali , hæc pariter distat a nihilo ratione suæ actualitatis , & infinite distat ; non vero per hoc sequitur , quod etiam distare debeat in infinitum ratione suæ activitatis , ut sit productiva de se , & ex se naturaliter . Et si esset , nec hoc esset quoque evidens , ut demonstrationem faceret .

Ad X. vel loquitur Lullius de operatione ad extra , & falsum est ejus principium , quia non fuisset Deus minus nobilis , minus perfectus , quam est , si mundum non fecisset . Si loquitur de operatione ad intra , quum hæc sit operatio necessaria non libera , non potest supponi , quod in Deo non sit ; adeoque quod sine illa possit concipi Deus . Cum autem dicat Lullius , quod alias sequeretur , potentiam , & privationem esse meliores , quam sit actus ; hoc ipso pariter supponit capacitem boni illius infiniti , perfecti &c , seu potentiam ut producatur ; per quod distinguitur a chimæra , quæ non est producibilis . At hoc , quod supponit , non est evidens , quia probatione indiget . Et eo magis , quia non est evidens , dari posse productionem , quæ non sit effectio : ergo quia divina persona non potest produci effecti- ve , non est evidens , quod produci possit , & sit producibilis . Unde nec esset evidens , esset nobiliorem illum , qui producit personam ad intra , illo , qui non producit .

Dicimus II. Sicut supposita revelatione Fidei possumus aliqua invenire , quæ Trinitatis existentiam suadeant , & confirmant ; ita possumus omnia solvere , per quæ intendatur ejus impossibilitas , vel repugnancia , probari . Est contra Theologos illos primæ sententiaz propugnatores ; & est secundum illos , qui tertiam amplectuntur , & tacentur .

I. probatur . Sancti Patres Athanasius , Nazianzenus , & Cyrilus Alexandrinus , Trinitatis vestigium agnoverunt in sole , cuius exemplo illius existentiam illustrarunt , & confirmarunt : ergo vere supposita Fide possumus suadere , & explicare ex rebus naturalibus Trinitatis mysteriū , in iisdem illius vestigium , & ima-

ginem , ostendentes . Probatur antecedens . Athanasius q. 4. ait : Quemadmodum enim sol conflat tribus subsistentiis , ita & unus Deus tribus personis . Typus enim Patris est orbis solaris : Typus Filii est radius : Typus Spiritus Sancti est lumen solis . Proinde facit in sole orbis , radius , & lumen , nondicuntur tres soles , sed unus sol ; similiter & in Deo Pater , Filius , & Spiritus Sanctus , unus Deus , & non tres . Eadem habet Nazianzenus orat. 45. , & Cyrilus Alexandrinus inquit : Sol est Pater , radius Filius , splendor ignitus est Spiritus Sanctus .

II. probatur . Adhuc Sancti Patres agnoscunt Trinitatis vestigium in aliis creatis rebus ; nimirum in igne , in aere , in aqua , in terra , in creaturis omnibus , & præcipue in homine : ergo nostra Conclusio Patrum experimento elucidatur . Probatur antecedens . S. Athanasius cit. loc. hæc scribit de igne : Tres sunt subsistentie unius ignis ; scilicet subiectum ignis , & urens , & lucens ; & tamen una est natura ignis . Sic Pater est ignis , Filius est urens , Spiritus Sanctus est vis illuminans . S. Isidorus lib. 2. de differentiis spiritualibus c. 2. Sicut ignis , candor , & calor , tria quidem vocabula , sed res una : ita in relatione Personarum Trinitas est , in substantia vero natura unus Deus . S. Augustinus lib. 6. de Trinit. c. ult. Oportet , ut Creatorem , per ea , quæ facta sunt , intellectum conspiciemus , Trinitatem intellegamus , cuius in creatura quomodo dignata est , appareat vestigium . Idem lib. pariter 6. de Trin. c. 10. Hæc igitur omnia , que arte divina facta sunt , & unitatem quandam in se ostendunt , & speciem , & ordinem . Idem lib. 15. de Trin. c. 20. Quisquis hac tria , scilicet memoriam , intelligentiam , & voluntatem , in sua mente , naturaliter divinitus instituta , vivaciter perspicit , & quam magnum sit in ea , unde potest etiam sempiterna , immutabilisque natura recali , conspi- ci , amplecti . Reminiscitur per memoriam , intuitur per intelligentiam , amplectitur per dilectionem : profecto reperit illius summa Trinitatis imaginem . Ad quam summam Trinitatem , reminiscendam , videndum , diligendum , ut eam recordetur , eam contempletur , eam delectetur , totum debet referre , quod vivit .

III. probatur . Quia multa ex exemplis di- etis attulerunt Patres in libris suis , con- venit ut dicamus , illos navasse operam , ut ea adinvenirent , & postea curasse , ea- dem ad posteros demandare , quia mul- tum profutura , & fidelibus , & infidelibus , judicabant . Quæ quum ita sint , ar- gumen-

gumentum nobis faciunt, non improbabile quidem, & quanti nobis sint adjuventi exempla ista ad credendum, præcipue in mysteriis, quæ non possumus naturalis rationis virtute assequi; & quantum pariter nobis conferant lucem ad disputandum contra illos, qui divina mysteria denegant ut plurimum, quia non comprehendunt. Præcipue nobis arridet Augustinus, qui præ cæteris aliis exemplis hisce utitur, ut in eis ostendat, et si imperfecta, non obscura tamen, divinæ Trinitatis vestigia. Hinc lib. 9. de Trin. c. 4. ait: *Igitur ipsa mens, & amor, & notitia ejus, tria quædam sunt, & hec tria unum sunt, & cum perfecta sunt, aequalia sunt.* Insuper cit. lib. c. 7. *Nemo enim volens, aliquid facit, quod non in corde suo prius dixerit, quod verbum amore concipitur, sive creatura, sive creatoris; id est, aut naturæ mutabilis, aut incommutabilis veritatis.* Adhuc eod. lib. c. 12. *Sicut Dei Verbum Filiū esse, nullus Christianus dubitat, ita caritatem esse Spiritum Sanctum.* Alia subdit inferius, quæ clariorem rem redunt, & quæ nos non recitamus, ne nimil simus. Modo ad probandum negative accedimus, solutione scilicet argumentorum.

Arguunt igitur I. Opponitur mysterio Santissimæ Trinitatis principium illud syllogisticum: Quæ sunt idem inter se, sunt idem uni tertio; & quæ sunt idem uni tertio, sunt idem inter se. Nam Personæ divinæ sunt idem cum natura divina, & tamen non sunt inter se idem, sed realiter distinctæ; item sunt inter se realiter distinctæ, & cum natura divina sunt idem realiter. II. opponitur aliud principium syllogisticum, quod est; Dici de omni; scilicet, quicquid de aliquo superiori affirmatur, debet pariter de omnibus sub ipso contentis affirmari; sed de essentia affirmatur, quod sit idem realiter cum Paternitate, cum Filiatione, cum Spiratione passiva; ergo debet pariter affirmari de Paternitate, quod sit idem cum Filiatione, & Spiratione passiva realiter; & idem de Filiatione cum Paternitate, & Spiratione passiva; & idem de Spiratione passiva, cum Paternitate, & Filiatione. III. opponitur principium alterum syllogisticum, quod est; Dici de nullo; nimirum, quicquid negatur de aliquo superiori, pariter negari debet de omnibus, quæ sub ipso continentur; sed de essentia negatur, quod producat: ergo debet pariter negari de Paternitate, Filiatione, &

Spiratione passiva. IV. opponitur principium illud metaphysicum; impossibile est aliquid simul esse, & non esse; nempe, affirmatio, & negatio non potest simul, & semel verificari de una, & eadem rē; sed essentia divina communicatur, & personalitas, quæ est idem cum essentia, non communicatur; Pater generat realiter, & essentia, quæ est idem realiter cum Paternitate, non generat; ulterius, eademes est singularis, & communis, nam essentia est singulariter hæc, & tamen est communis tribus Personis: ergo est sicut communis, & non communis. V. Trinitas est incompossibilis cum unitate Dei; quum enim ratione unitatis Deus sit primum ens, non solum debet esse solus ratione personæ, quam ratione essentiae. VI. Deus est a se: ergo non potest esse Trinus. Probatur consequentia; quia, quum Filius, & Spiritus Sanctus, non sint a se, sed ab alio, non possunt esse Deus. VII. Deus est infinitus: ergo non potest esse Trinus. Probatur consequentia. Eesse Deum Trinum importat plures Personas; sed non possunt omnes Personæ esse infinitæ, ut est Deus: ergo si Deus est infinitus, non potest esse Trinus. VIII. Deus est perfectissimus in omni genere, & habet omnem imaginabilem perfectionem in se ipso: ergo non potest esse Trinus. Probatur consequentia. Perfectiones, quæ sunt in una Persona vel sunt in alia, vel non sunt; si sunt: ergo non est realis distinctio inter unam, & alteram; Si non sunt: ergo unaquæque ex illis non habet omnem imaginabilem perfectionem: ergo non est Deus. IX. Quicquid est in Patre vel est in essentia, vel non; si non est: ergo datur in Deo quaternitas, quia esset aliquid in Patre, quod non esset essentia. Si est; sic contra: In Patre est distinctio a Filio: ergo pariter est in essentia; hoc dici non potest: ergo &c. X. Ex vi syllogismi expositiorii, valet hic discursus: Paulus est sanctus; sed hic homo est Paulus: ergo hic homo est sanctus: Non valet autem in divinis hic syllogismus: Hæc natura divina est Pater; sed Filius est hæc natura divina: ergo Filius est Pater.

Respondemus ad I. cum P. Magnano, principium illud syllogisticum verum esse logicæ, in prædicando scilicet, in supponendo, in significando; itaut sensus ejus sit; quæ in significando, prædicando, & supponendo, seu logice, & secundo intentionaliter, sunt idem cum uno tertio; itaut

## Dissertatio CI.

itaut possint pro illo supponere, & prædicari, eodem omni modo, quo illud tertium supponit, & prædicatur; illa etiam sunt inter se idem logice in prædicando, supponendo &c. Et hoc pacto vera est propositio; sed altera, quæ ad eam sequitur, est falsa; scilicet, Personæ divinæ sunt idem, cum essentia modo dicto; quia Personæ divinæ sigillatim non sunt logice idem cum essentia divina. Pater enim non supponit pro omni eo, pro quo supponit essentia; nec prædicari potest de omni eo, de quo prædicatur essentia. Ita de aliis Personis. Quum ergo Personæ hoc pacto non sint idem cum essentia, non mirum, si neque sint idem inter se. Subdit P. Magnus, quod si accipiatur principium illud metaphysice, seu physice, neque urget; quia illud admittimus ex experientia, quam habemus in creaturis; at non admittimus, quia nobis nōrum sit ex terminis; itaut ita sit ex terminis evidens, ut nullam pati possit exceptionem. Debet ergo Adversarius prius probare, principium illud esse universaliter verum, ut intentum suum probet. Illud autem nunquam probabit, quia semper probabit idem per se ipsum. Ex Scoto addit Frassen tertiam responsonem, admittendo scilicet principium, quando extrema, quæ conveniunt in tertio, habent ex suis principiis, & ex sua ratione formalis, quod etiam inter se ita convenient. Quando hoc ita non habent, nec pariter inter se identificari exigunt.

Ad II. dicitur, quod essentia divina non est genus ad Personalitates divinas, sicut est animal ad suas species; itaut debeat verificari de quacumque specie quod dicitur de genere; ut verificetur principium illud logicum; dici de omni. Species enim non habet eandem numero naturam, ac genus, ac aliæ species; sicut habent Pater, & Filius, & Spiritus Sanctus. Non est vero inconveniens, ut principium illud verificetur in iis, in quibus habetur ratio generis, & speciei, non vero in illis, in quibus non habetur. Ulterius ratio generis est tantum abstracta, & est pomen tantum secundæ intentionis; unde non, bene applicatur ad essentiam divinam, quæ est quid concretum, & a parte rei existens. Denique haud bene argumentatur ex terminis logicis, abstractis, ac secundæ intentionis, ad res physicas, concretas, & primæ intentionis; & quod majus est a rebus limitatis, finitis, & imperfatis, ad illimitatas, infinitas, ac perfectissimas.

Ad III. Eadem est responsio, ac ad II. Ad IV. Ad probandam contradictionem non sufficit probare, quod affirmatio, & negatio sit de eadem re secundum suam realem entitatem; sed requiritur etiam, ut probetur, quod sit secundum eandem, aut formalitatem, aut virtualitatem. Causa discurrat, ut est rationalis; & non discurrat, ut est sensitivus: ergo dicetur, quod discurrat, & non discurrat? Nequam; discurrere enim, & non discurrere, non dicuntur de eodem homine Cajo secundum eandem formalitatem, vel virtualitatem. Ita pariter in Divinis, ut suo loco dicetur.

Ad V. dicimus per rationem primi entis nati multitudinem Deorum, quæ quidem per Trinitatem non afferitur; quia tres personæ sunt semper unus Deus. Quilibet pariter Persona in sua propria ratione est una; quia est unus Pater, unus Filius, unus Spiritus Sanctus. Per multiplicarem vero Personarum non destruitur naturæ unitas; ut suo loco ostendatur.

Ad VI. Ascitas excludit dependentiam, non vero productionem. Filius a Patre est productus, at non dependens; Spiritus Sanctus a Patre, & Filio, eodem modo. Ceterum nec Pater est causa Filii, nec Pater, & Filius sunt causa Spiritus Sancti; quod posset aliquo modo importare dependentiam; sed sunt solummodo principium.

Ad VII. Infinitas personarum est rationes essentiæ divinæ; adeoque est una, & eadem in tribus Personis infinitas, sicut una, & eadem est in tribus Personis essentia.

Ad VIII. eodem modo responderetur, dicendo nimirum, quod perfectio Patris, & Filii, & Spiritus Sancti, est perfectio naturæ divinæ; unde una, & eadem est in tribus Personis ratio perfectissimi plena, & in omni genere. An vero Personæ dicant perfectionem ultra perfectionem essentiæ, quæstio est inter Scholasticos; de qua infra paulisper forsitan disseremus.

Ad IX. dicimus, quod quicquid est in essentia, est in Patre, at non quicquid est in Patre est in essentia; unde quavis essentia prout in Padre sit idem cum Patre, & prout in Filio sit idem cum Filio; non tamen sequitur, eandem prout in Patre, else idem cum Filio; cum sit evidens, inquit P. Magnus, aliam esse rationem essentia sumpta ut in Patre, aliam essentia sumpta in Filio, aliam sumpta secundum se.

Ad

Ad X. responderet pariter P. Magnanus, dico, argumentum non esse in forma; quia natura divina, quæ est medius terminus, in modo significandi convenit cum terminis singularibus, in re vero significata convenit cum terminis communibus. At in syllogismis expositoriis me-

dius terminus ita accipi debet singularis; ut non extendatur ad rem significatam; quia aliter non distribuit; ut est in casu, in quo quanvis sit verum, quod natura divina est Pater, non tamen est verum, quod omne, quod est natura divina est Pater.

## DISSESTITO CII.

*De Philosophis Ethnicis, an Trinitatem agnoverint,  
quid de ea senserint, ut unde illius  
notionem hauserint.*



NIUS, Trinique Dei mystrium est quidem medium, in quo & veritas, inter Gentilium, & Judæorum extrema; si quidem Judæi, sola unitate contenti, pluralitatem omnem respuebant; Gentiles vero, solam pluralitatem amplectentes, unitatem omnimode repudiabant; Christiani autem, per medium viam incidentes, unitatem in natura amplexati sunt, & pluralitatem admiserunt in Personis. Unde Julianus Augustus, turpissimus christianæ religionis Desertor, nobis exprobrans, teste Cyrillob. 2. cont. Julianum, dicere quidem per injuriā intendebat, sed nolens cum veritate tamen pronunciabat: *Eam a Gentilium, & Judaorum religione diversam, medium inter utraque incidere.* Quod & expressius deinde dixit Gregorius Nyssenus orat. catech. *E judaica persuasione natura divina singularitas manat; ex gentili autem errore solum discrimen hypostaseon; & utrinque congruenti remedio impia curatur opinio.* Est enim velut medicina quadam iis, qui circa unum aberrant, Trinitatis numerus: iis vero, qui in multitudinem dispersi sunt, singularitatis ratio. Utinam, & Gentiles, & Judæi, exemplo christianæ fidei, aliquando saperent, & intelligerent, extrema relinquendo, in quibus est vitium, & medium amplexando, quod Beatorum est accipere, ac retinere.

Adhuc tamen uti verum nobis venditare non pauci, inter Gentiles fuisse Philosophos, qui intra suorum Deorum turbas sanctissimæ Trinitatis notitiam habuerint. Quod si hoc nos concedamus; quum Philosophi illi nullam a Deo receperint de mysterio hoc revelationem, dicere oportebit, cognitionem illam naturam vi-

*PAR. II.*

ribus acquisivisse; quod esset contra a nobis dicta in præcedenti Dissertatione. Si vero negemus; magnum quidem auferimus catholicæ veritati subsidium, quo contra Atheos, vel Gentiles, ostendarur, cæteris etiam extra christianam religionem lumen aliquod, undecunque veniret, divinæ Trinitatis affluisse. Rem ergo oporteret omni ex parte expendere, considerando nimurum cujuslibet Philosophi ex illis, qui adducuntur in medium, dicta; & in iisdem observando, an notitia illa, de qua agitur, inveniatur; & quando vere sit in illis, investigando demum, a quo fonte hauserint illam, & an puram exhibuerint, an vero erroribus suis obiectam, & implicatam.

Primo loco afferimus Platonem, qui assertuit, esse unum summum, ac supremum Deum, qui sit cæterorum pater; deinde alium esse Deum, qui sit omnium rerum artifex, & principium; postremo alterum Deum esse, qui sit anima mundi. Leguntur hæc in Platonis Timæo; sed clarius in ejusdem epistola secunda ad Dionysium: *Circa omnium Regem cuncta sunt; ipsius gratia omnia; ipse pulcrorum omnium causa: circa secundum secunda; tertia circa tertium.* Ex hisce Platonis verbis deduxit Eusebius 11. præp. evang. tres divinitatis personas, secundum sententiam Platonicerum: *Hac Platonis verba, qui explicandam Philosophi mentem suscepere, ad primum Deum, secundumque principium referunt: nec non ad tertium, quem mundi animam, Deumque tertium ipsi quoque appellare solent. Insignis est alter Platonis locus in epist. 6. ad Hermiam, & Erastum, & Coriscum: Etiam jurejurando, ut aquum est, interposito, non sine eleganti studio, atque bujus studii sorore disciplina:*

B

estans

estando Deum rerum omnium ducem, que sunt, & qua futura sunt; ac ducis, & principii Patrem Dominum.

Post Platonem succedit Plotinus, in platonica schola non alteri secundus, qui Enn. 5. lib. 1. c. 6. & 7. primum de illis tribus putavit esse perfectum, quem vocavit mentem potiorem; secundum vero dixit mentem posteriorem, a priore genitam, & illius imaginem; tertium denique voluit esse animam mundi, a secunda mente generatam, & quae ejusdem est λόγος. Hic Plotinus citatur a Cyrillo lib. 8. contra Julianum.

Numenius insuper, qui ex Pythagori schola fuit, teste Eusebio lib. 11. præpar. evang. trium Deorum primum vocavit caußam, secundum dixit artificem, tertium appellavit ideam.

Proclus lib. 2. Numenii sententiam recepit, & explicavit; si quidem in Commentariis ad Timæum hæc scripsit: *Numenius tres Deos prædicans, Patrem quidem appellat primum; factorem autem secundum; opus vero tertium. Mundus enim ex illius opinione vertius est Deus. Itaque duplex ab eo constitutus artifex, primus, & secundus Deus; quod autem conditum est, tertius. Sub hisce aliis omnibus pariter hæc tria appellabat; Avinimicum, Patris, & Nepotis; πατρος, θυγατρος, ανεγενησαντος. Alii aliter sententes Proclum impugnant, & de Platonis mente inter plures acerrime certatur; ut videre est apud Petavium theolog. dogm. t. 2. lib. 1. c. 1. num. 4. & seqq.*

Post modo recensitos Philophos affectur in medium Philo, Platonicae scholæ sectator, quanvis Judaicæ legis professor. Hic pariter duos admisit Deos, Platonis mentem sequi, & a se qui eonatus. Multa ejus testimonia leguntur apud Eusebium lib. 7. præpar. evang. Nos afferimus ejus verba, quæ recitantur a Petavio: *Nihil enim mystale ad supremi, & universorum parentis imaginem singi poterat, sed ad secundi Dei, qui illius est logos, hoc est ratio, vel sermo. Oportebat enim rationalem hominis in anima figuram a divina imprimi ratione. Si quidem Deus ille logon antecedens rationalem omnem naturam antecellit. Ad ejus vero similitudinem, qui supra rationem optima in specie, eximiaque conficiuntur, genitum aliquid commodari nefas erat.*

Verum ante Platonem, ejusque tempora, non pauci intendunt, hæc eadem suis scripta, apud Chaldaeos, & Ægyptios, a Zoroastre, & a Meroetio Trismegisto, qui ibidem in sapientia principes habe-

bantur. Siquidem Zoroastres in libro, cui titulus, Oracula magica, quem Plethon, & Psellus, notis illustrarunt, Platonis doctrinam expresse proponit. Et Mercurius in libro, cui inscriptio hæc est Ηερόδοτος, expressius, & distinctius eandem visus est omnibus exposuisse, ac explicasse. Hæc utecumque possent admitti, si libri, quæ producuntur, vere illorum essent factus, quorum nomina ostentant. At falso uterque factus Zoroastræ, & Mercurio, suppositus est, et mox ostendemus.

Et quidem de Mercurio, Eruditæ omnes conveniunt, opus illud Mercurii non esse, at potius Auctoris, qui vixit post Christum natum, & qui fuit etiam Christianus, aut Semi-Christianus, ut afferunt plerique. Natalis Alexander hist. eccl. sec. 1. c. 13. ar. 17. multis rationibus hoc probat; quærum præcipuae hæc sunt. Auctor Pimandri, quæ dicitur Mercurii factus, multa ex Genesis libro desumptissime prodit; ergo non fuit Moysæ antiquior; atqui Mercurius multis seculis Moysen præcessit; ergo auctor Pimandri non est Mercurius. Ulterius, idem Auctor multa ex Evangelii mutuatus est: ergo vixit post Christum natum: ergo non fuit Mercurius. Insuper ex Christianorum ritibus desumpta videntur, quæ scripta sunt c. 13. Pimandri; *justificati sumus, o Fili, in iustitia absente... Nemo nisi regenerationis prodens mysterium, non tanquam Diaboli habeamur. Demum c. 16.* Auctor afferit, si libri sui a Græcis insuam linguam transferrentur, obscuriores evasuros; unde verat, ne communicentur Græcis: Sed tempore, quo verus Mercurius vivebat, Græcorum nomen adhuc in mundo non audiebatur; ergo &c. Hæc eadem exhibet Petavius, omnino legendus, lib. 1. rat. tempor. c. 7. Quod vero auctor iste floruerit post Christum natum, immo paulo post Apostolorum tempora, constat, quia opus suum citavit Justinus in fine Cohortationis ad Græcos; citavit etiam Lactantius lib. 4. divin. instit. c. 6., citavit Cyrilus Alexandrinus lib. 1. cont. Julianum p. 30., citavit deinde, ut alios omittamus, Augustinus lib. de quinque hæresibus c. 3. Nec per hoc, quod laudati Patres opus istud sub nomine Mercurii citaverint, quis inferet, quod vere Mercurii fuit; etenim Patres illi ita cum citarunt, quia Gentiles illud Mercurio tribuebant, ac propterea pluri-mi aestimabant. Arguentes properea contra Ethnicos ad hominem, illorum Philosophi testimonio utebantur, ut fortius illos

los convincerent; parum proinde curabant inquirere, an opus vere Mercurii esset, an non. Demum quod Christianus, aut potius Semi-Christianus fuerit, praeter alias afferit Isaac Casaubonus Exercit. i. ad apparat. Annal. Baronii sest. 10. verbis hisce: *Librum integrum, qui sub nomine Trismegisti circumferri ab aliquot seculis caput, non veremur pronunciarē, & omni afferatione confirmare, esse Φιλοσόφων, utpote qui sit Christiani alienus, vel, ut melius dicam, Semi Christiani merum fragmentum.... Porro quis fuerit hic Mercurius, aut quando vixerit, omitto quaerere. Constat literarum, & omnium scientiarum inventionem ad istum referri solitam.*

De utroque Opere, Zeroastræ scilicet, & Mercurii, Petavius t. 2. theolog. dogm. lib. 1. c. 2. num. 3. hæc literis consignavit: „Sed opus utrumque suppositum, & confictum mihi videtur, nec tantæ verū statis esse, quantam ei vulgo fere docti, indoctique omnes adscribunt. Ut de Magis istis, & Chaldaicis quisquiliis hoc loco raceam; certe qui Pæmandrem sub Mercurii Trismegisti nomine publicavit, non belle minimum suum peregit; nec sic latere potuit, ut attentos, minimeque stolidos lectores falleret; quin certa identidem adspersit indicia, ex quibus de fraude non levius conjectura ducatur.“

Etsi vero admittatur illa, quæ veteres gentiles Philosophi de summa Trinitate scripsierunt, consona esse mysterio, aut indicando, aut explicando, quod quidem non concedimus, ut mox dicetur; potest nihilominus non una assignari ratio, cur eadem fuerint ab ipsis scripto tradita. Prima, quia potuerunt notitiam illam excipere per traditionem ad Adamo usque ad Noë dum etiam, & a Noë usque ad Abrahamum, & ad Moysen, propagatam. Moyse quidem Ægyptiis Philosophis potuit ea tradere, & ab Ægyptiis Philosophis didicerunt Orpheus, Pythagoras, Plato, aliquique Philosophi Græci; quos ab illis eductos fuisse, testantur Justinus, & Cyrillus. Secundo, quod Plato, aliquique Philosophi, multa didicerunt ab Hebræis, & Chaldaeis, ad quos a primis Patriarchis Trinitatis notitia pervenerat; & hoc afferit Clemens Alexandrinus lib. 5. Stromatum. Tertio addunt alii, quod veteres Philosophi habuerunt cognitiones illas a Sybillis, quæ multa de Divinitate, & de Trinitate, scripsierunt. Verum eruditæ Critici hoc non admittunt, quum velint sy-

billinos libros primo, vel secundo Ecclesiæ seculo fuisse confictos. Natalis tamen Alexander hoc non sine distinctione concedit, afferens, octo libros sybillinos, qui leguntur t. 8. Biblio. Patrum, ex parte esse confictos, non vero in totum; quia multa illorum testimonia a sanctis Patribus, & ecclesiasticis Auctoribus priorum seculorum citantur; Unde, quum Laestantius afferat, lib. 1. inst. c. 6. Sybillas plura vaticinaras fuisse de Trinitate, admittenda pariter videtur hæc tertia ratio. Quarto, quia Philosophi Ethnici potuerunt pariter legere libros Moysis, præsertim Plato, aliquique, qui post Moysen floruerunt. Quinto demum, quod potuerunt assequi Philosophi notitias illas per Dæmonum oracula, quibus Trinitatis mysterium fuit ante lapsum revelatum. Et ita docent Eugubinus lib. 2. de perenni Philosophia c. ult., Vives in 10. lib. de civit. Dei cap. 23. a Frassen citati.

Cæterum omnium prædictorum Philosophorum verba ita obscura sunt, adeo erroribus implicata, sic ineptis referta, ut potius ex ipsis hæreses innumeræ prodierint, quam catholicæ veritates fuerint firmatae, ac roboretæ. Et hinc potissimum judicatur, Dæmones oracula illa dedisse, ut ex iis male intellectis, tot, tanquam hæresum monstra in Ecclesia nascerentur. Fuerunt proinde, qui vocare non veriti sunt veteres illos Philosophos, aut Prodromos Arianorum, aut Patriarchas Hæreticorum, aut Heterodoxorum condimentarios; ut præcipue Tertullianus pluribus in locis. Unde Petavius, temporum illorum calamitatem deplorans, cit. loc. c. 1. n. 1. scribebat, „Ac longius sane disputando Plato provectus, ejusque discipuli, speciem quendam Trinitatis informarunt: quo eriam nomine nostrorum aliqui supra modum illos admirantur, ac prædicant. Sed profecto majore flagitio, ac dispendio veritatis, quam operæ pretio, istud illorum dogma prodisse mihi videtur; neque ulla ex alia re gravior christianæ fidei noxa, & pernicies, importata fuisse. Ut perinde de facere illos putem, qui Platonicos deosculantur, quod larvam, nescio quam, personarum trium adumbraverint; ac si quis Poetas, & profanæ superstitionis, idolorumque buccinatores, impense collaudet; quod in Jove, Neptuno, ac turpioribus etiam Deorum portentis, divinitatis utcunque nomen, majestatemque commendent. Etenim quidquid hære-

, secundum, opinionumque falsarum, primis illis Ecclesiæ temporibus emerit, ac præsertim Ariana tota perfidia; ex illo Platoniconorum commento causam, & originem accepit, .

Quæ quidem ut ad oculum pene demonstrantur, adducimus principaliora Hæreticorum capita, quæ a fabulis hisce Philosophorum sua impia, & falsa dogma deduxerunt. Ante tamen Hæreticos proponimus Julianum augustum, cognomento Apostatam, qui in oratione, quam scripsit in Solem, post supremum Deum, alium secundo loco ponit, quem vocat unum, & a Platone dictum, ipsum bonum; ponit tertio loco Solem, non hunc, quem oculis videmus, sed alterum priorem, intelligibilem, augustinum, & præsidentem intelligibili mundo, & intelligentibus Diis; quæ quidem Julianus, ut Petavius conjicit, a Maximo, præceptore suo, forsitan didicerat. Videsis doctrinam, quam in Platonicis commendamus, ut eam pariter in impius religionis nostræ deserto, ac irrisore, commendare debeamus.

Inter hæreticos primo se offert Marcion, qui Platonice Philosophiae sectator fuit, & juxta Platonis doctrinam suam hæresim concinnavit. Testatur Epiphanius hæres 42. tria admisisse principia, scilicet tres Deos; primum, quem dicebat omnium summum, & supremum, quem dicebat bonum; secundum aspectabilem, & creatorem, quem mundi volebat opificem, ac conditorem fuisse; tertium medium inter duos illos, quem Diabolum nominabat. En quæ dogmata emanarunt ex altissimis illis Platoniconum principiis, falsa, impia, & execranda.

Post Marcionem subnectere deberemus alios christiani dogmatis errores, qui subsequentibus temporibus apparuerunt; at uno verbo omnes indicamus, quando dicimus, omnes illos fuisse, qui Deorum pluralitatem, juxta propria cuique deliria, in Christianismum inducere, conati sunt. Sic fuerunt numerum Gnostici, Manichæi, Valentianiani &c. Originem silentio præterire nolumus; quem pluriora fuerint hæresum monstra, & deteriora, quæ hausit ipse ex Platoniconum Philosophia. Comendant quidem ipse, & summis laudibus extollit Platonem hom. 14. in Genes. Sed nonnulli omnes Eruditæ in suo libro Patriarcha quo continantur hæreses, quas omnes ex eadem penu, ex Platonis scilicet doctrina, desumpserit. Quapropter,

Epiphanius, & Hieronymo testimoniis, de Origene scriptis Petavius cit. loc. c. 4. n. 2., De Origene, ut ejus habent hodie, scripta, longe alter sentias, quam Epiphanius, Hieronymus, aliquique veteres arbitrari sunt. His enim de Trinitate quædam adscribunt Origeni absurdâ prorsus, & impia, quæ in illius libris minime comparent; præsertim iis, quos de Principiis inscripsit; in quibus omnis errorum illius officina constituitur. Hujus aucto rarietatis Ruthinus interpres fuit; qui, ut illius invidiam minueret, complutes ejus scriptis errores sustulit, ac pro iis catholica dogmata substituit; ut in Præfatione testatur ipse, quam illius operi præfixit, .

Rem ergo perficiamus, Dissertationi suorum imponentes, & Philosophorum veterum placitis jura administrantes, dicendo numerum; quod si in eorum libris aliqualis obscura Trinitatis notitia adinvenitur, non equidem illa debetur ratiociniis illorum, vi naturalis potentiae factis; sed illis potius fontibus, a nobis dictis, unde illam hauserunt. Vere in libris suis majora numero inveniuntur falsa contra Trinitatem; quam vera pro Trinitate; quod nobis indicium est judicandi, ea, quæ forsitan de Trinitate ab aliis audierant, vel in aliis legerant, vera quidem, ipsos erroribus suis, quorum præjudiciis ab infan tia tenebantur, deformasse, ac omnia fecerat. Non est ergo, cur laudemus eos, quod de Trinitate loquunt fuerint; sed potius ut eosdem improbemus, quod male de eadem senserint, si de ea senserunt, ut scripserunt. Unde postea ex ipsorum scriptis fædissima illa hæresum ingluvies progenita est, atque diffusa.

Pro Mercurio Trismegisto citantur verba illa: *Monas genuit Monadem, & in se sumpsit reflexit ardorem; ut probetur, cum vere Trinitatis notitiam fuisse assequutum; Sed verba hujusmodi Petavius non citat, qui tamen plura ejusdem Mercurii præcedentia intento refert; nec etiam illi, qui eadem citant, locum indicant libri Mercurii, in quo legantur; sed unusquisque ut ab aliis relata recitat. Pariter de Zoroastre refert Eusebius lib. 1. præpar. evang., quod scripserit; *Monas genuit Duadem, & in toto mundo luet Trias*. Si vere in Mercurii libro, vel potius in libro Mercurio attributo, præcedentia verba inveniuntur; & si vere in altero libro Zoroastri supposito subsequentia alia verba leguntur; quis dubitet, eadem omnia scripserit.*

se Christianum illum, seu Semi-Christianum pro illo Mercurii; vel alium, quiunque fuerit, pro illo Zoroastræ; qui

eodem, & temere, & insulse, & fædissime, consarcinavit?

## DISSERTATIO CIII.

*De Judæis, tum ante, tum post, Christi adventum;  
& de eorum, circa Trinitatis mysterium,  
aut incredulitate, aut fide.*



Uum Divinæ Trinitatis cognitionem mens nostra assentiatur, & naturæ viribus non possit, necesse omnino est, ut a lumine fidei adjuvetur ad eam habendam. Nequit autem esse fides absque revelatione, cui credendo assentimur, & assentiendo credimus; unde fideles nominamur, & sumus. Vendum proinde primo est, an Judæis facta fuerit a Deo Trinitatis revelatio, cuius ratione contraxerint obligationem credendi mysterium, iisdem jam revelatum. Et quia revelatio potest esse explicita, & implicita; illa nimur expresse, & propriis terminis facta; hæc vero contenta in illo, quod explicite, & expresse revelatur; hæc est, quod fides etiam, ad revelationis mensuram, explicita dicitur esse, & implicita. Possimus ulterius nos aliquid non credere, quod sit revelatum; & possimus non credere aliquid, quod non sit revelatum. Non credentes primum, culpabiles sumus; non credentes autem alterum, culpabiles non sumus; & quanvis in utroque casu non sit fides in nobis; in secundo tamen nec fides est, nec infidelitas, nec credulitas, nec incredulitas; in primo vero non est fides, sed infidelitas, non credulitas, sed incredulitas. Ratio autem est manifesta, quia in primo debitum credendi contraximus propter revelationem, quam supponimus nobis factam; adeoque si non credimus, quum possimus, & debeamus credere, culpabiliter non credimus; & hinc est in nobis infidelitas, & incredulitas. In altero vero casu non est in nobis credendi debitum, nec est credendi potestas, quum nobis revelatum non sit quid credamus, & quid credere debeamus; unde in nobis non est infidelitas, quanvis non sit fides; nec est incredulitas, licet non sit credulitas. Ad Judæos modo devenientes, certum est, quod illis inveteri testamento non fuit fa-

cta Trinitatis revelatio; adeoque eam credere ante Christi adventum non tenebantur. Sed hoc cum limitatione sit dictum; non fuit facta Trinitatis revelatio singulis personis, sed fuit facta corpori Ecclesiæ; hoc est Majoribus, qui Ecclesiæ corpus repræsentabant. Et quidem tam in lege naturæ, quam in lege scripta, ut habetur ab Hugone a S. Victore, quem citat Gonetus, expressa Trinitatis revelatio facta fuit corpori Ecclesiæ, quanvis non fuit facta singulis personis, expressa scilicet, & explicita, implicita autem omnibus, & singulis fuit facta. Proindeque pro illo utroque statu sufficiens erat, ut Majores haberent fidem explicitam de Trinitate, minores autem implicitam. Et ita intelligere debemus S. Thomam, quando scribit, quod omni tempore oportuit credi aliquo modo explicitè Incarnationis mysterium; eadem est ratio de Trinitatis mysterio; scilicet tempore legis naturæ, & legis scriptæ; a Majoribus tamen, sive Doctoribus, non vero a rudioribus. Quapropter 2. 2. q. 2. ar. 6. ad 3. inquit: Si qui tamen saluti fuerunt, quibus revelatio non fuit facta, non fuerunt saluti absque fide Mediatoris; quia, et si non habuerunt fidem explicitam, babuerunt tamen implicitam &c.

Post adventum vero Christi, & post Evangelii prædicationem, quum Trinitatis revelatio sit facta omnibus, & singulis explicita, & expresa, omnes, & singuli tenentur explicitè eam credere. Unde S. Thomas loc. cit. ar. 7. & 8., & in 3. sent. dist. 25. ar. 2. quæstiunc. 2. hæc pariter de Incarnatione scriptit, quæ similiter possunt Trinitati applicari. Intertio autem statu, post adventum Christi, quia jam mysterium Incarnationis impletum est, & corporaliter, & visibiliter, & prædicatum; omnes tenentur ad explicitè credendum; & si aliquis instruktem non habueret, Deus revelaret; nisi ex sua culpa remane-

manceret. Et quidem S. Doctor non loquitur tantum de necessitate præcepti, sed etiam de necessitate mediæ; quatenus de illa eadem necessitate loquitur, de qua fuerat in duobus prioribus statibus loquutus; sed in illis loquutus fuerat de necessitate mediæ: ergo pariter in tertio. Præterquam quod non dixisset, & si aliquis instrutorem non haberet, Deus ei revelaret, si tantum de necessitate præcepti intellexisset; quia inviabiliter ignoraret, & non peccaret.

Et nihilominus, hisce minime obstantibus, Judæi, qui ut sunt in sua cæcitate perfidi, ita pariter sunt in sua perfidia pertinaces, Trinitatis mysterium, quod ante Christi adventum explicite non credebant, quia sic credere non tenebantur, post Christi adventum, quando scilicet ita eum credere tenentur, non tantum non credunt, sed pernegant, & totis viribus oppugnare conantur. Quod per Moysen non fuerit Judæis Trinitatis mysterium expresse revelatum, rationem assignant, ex eo nimirum, ne Judæi in polytheismum se cœco errore dejicerent. Afferit Theodoretus lib. 2. ad Graecos, ubi de Hebræis scribit: Cum in Ægypto longinquum sene tempus permanissent, multorumque ibi Deorum cultus ritu ægyptiaco didicissent; sapientissimus Deus nequaquam illis manifeste, apertaque proflua oratione, Trinitatis mysteria tradidit; ne propositam sibi esse Deorum multitudinem arbitrantes, occasionem hanc haberent ad impietatem ægyptiam declinandi. At non per hoc, subdit idem Theodoretus, Trinitatis existentiae veritatem in Scripturis sanctis non scripsit, minus quidem expresse, at non adeo ut si voluissent intelligere, non potuissent: Trinitatis tamen dogmata ne tunc quidem venturis in posterum penitus occultavit; in antiquis enim Scripturis perfectioris Theologia materiam, quasi semina quedam, dispergit.

Et quidem adeo in veteris etiam testamenti paginis sacrae Trinitatis cognitio continetur, ut vere scriperit Augustinus ser. 38. de tempore: Omnis Scriptura veteris, ac novi testamenti, si catholice intelligatur, hoc insinuat, quod Pater, & Filius, & Spiritus Sanctus, unus fit Deus, ejusdem substantia, uniusque existentia, atque inseparabilis in Divinitate unitas. Et quod in libris antiqui fœderis, veluti umbrarum involucris implicatum, continuabatur, in novi paginis quasi detectum, & per Christi verba toti Ecclesiæ suæ legitur manifestum. Hinc idem et Christus,

Apostolos alloquens, Joann. 16. 25. Venit hora, cum jam non in proverbis loquar vobis, sed palam de Patre meo annuntiabo vobis. Unde S. Cyrillus lib. de cardinalibus operibus Christi in prologo de mysterio Trinitatis hæc habet: Ad hanc rerum adeo profundarum indigenem, nisi incarnati Verbi magisterium accessisset, humana defecissent ingenia, & nescio si & aliqui auderent ad hanc tentanda consitus assurgere. Verum propius omnium rem detexit S. Gregorius Magnus, scribens lib. 2. in Ezech. hom. 16., & rationem, quare Trinitatis mysterium Judæorum singulis revelatum non fuerit; & quod fuerit corundem primoribus expressissime manifestatum; & tandem, quod Domino aveniente in carne nostra omnibus, & singulis prædicatum fuerit, ut omnes, & singuli ad eum explicita fide credendum teneantur. Sua verba sunt. Hebraeorum populus mandata Decalogi servare consitus est; sed tamen de cognitione sancte Trinitatis eruditus non est: Et quanvis hanc spirituales Patres perfecte cognovissent, multitudo tamen Sinagoga, nec invenire mysterium Trinitatis potuit, nec querere scivit. Superveniente autem gratia omnis fidelis populus unum Deum Trinitatem esse cognovit.

Et re vera quis negare auderet, Trinitatis mysterium fuisse revelatum primo Adæ inter homines, a quo ad Sethi revelatione pervenit; deinde ad Noë, ad Abraham, præcipue quando tres vidit, & unum adoravit, ad Isaac, ad Jacob, ad Joseph; insuper ad Moysen, qui in sacris libris, quos compositi, non semel meminit trium Personarum in uno Deo, ut videbimus suo loco. Alii etiam sacrorum librorum Scriptores, & præsertim Rex, & Propheta David; non semel mysterium ipsum indicarunt, intellexerunt, invocarunt. Non est hic locus, ubi corunderi testimonia adducamus; quum hæc ad aliam differantur Dissertationem, in qua nimirum ex professo divinæ Trinitatis existentia contra Incredulos probabitur. Cæteri autem Judæi credentes Deum, cuius erat nomen: Sum, qui sum; hoc ipso etiam Trinitatem implicite credebant; ex hoc enim nomine Dei, quod est nomen tetragrammaton, nos suo loco, probabimus, sanctæ Trinitatis etiam existentiam evinci. Et hoc ante Christi adventum, quo scilicet tempore credere non tenebantur id, de quo sufficientem non habebant revelationem; & quod pariter sufficienter credebant, quum saltem implicite cre-

crederent, quod eis fuerat implicite revelatum.

At post Christi adventum, si Judæi non creduant, & quidem explicite, excusationem non habent; quia jam explicite fuit illis, ut & cæteris hominibus, mysterium Trinitatis revelatum, quod explicite pariter credere tenentur. Nec juvat illis dicere, quod antecessores ipsorum non crediderunt; nam non crediderunt, quia illis non revelatum est, quod ipsiusmet Christus expresse revelavit. Verum Christus ipse Judæis dicebat, ut scrutarentur Scripturas, si de eo testimonium invenire desiderabant. Joan. 5.39. Scrutamini Scripturas, quia vos putatis in ipsis vitam aeternam habere: Et illæ sunt, que testimonium perhibent de me.

Et in primis multos habemus Judæorum Doctores, quos Rabbinos appellant, qui Trinitatem ex Scriptura vel ex traditione, deducunt. Videndi sunt apud P. Alloysium Mariam Benettielli, Ordinis nostri in hebraica lingua peritissimum, in suo Opere, cui titulum præfixit: *Saette di Gionata, scagliate a favor degli Ebrei*: Apud Josephum Ciantes, Episcopum Marsicensem, in suo libro, quem inscripsit: *De sanctissima Trinitate, ex antiquorum Hebraeorum testimoniosis evidenter comprobata*: Apud plures alias, qui contra Hebreos incredulos dimicant, eisque christianæ religionis mysteria quasi ad oculum ostendunt; quem tamen Hebrei claudunt, ne videant, ut aures obturant, ne audiant, & mentem distrahant, ne intelligent, & bene agant.

Pauca afferamus hic; quæ ex magna segerè selegitimus. Rabbi Simeon ad verba Isai. 6.3. *Et clamabant alter ad alterum, & dicebant: Sanctus, Sanctus, Sanctus, Dominus Deus exercituum*; quæ interpretatur ad rem nostram, hæc scribit: *Sanctus hic est Pater, Sanctus hic est Filius, Sanctus hic est Spiritus Sanctus*; quod refert Galatinus lib. 2. de arcanis c. 4. Addit insuper idem Galatinus, a veteribus Talmudistis fuisse cautum, ut Trisagium ita explicatum quilibet Judæus bis in die recitaret. Et catholica Ecclesia tam Latina, quam Græca, identidem idem Trisagium in sacris solemnioribus canere in usu posuit; quod asserit Antheon, Episcopus Arsinois, in epist. ad Petrum Antiochenum, quæ ponitur in Concilio Constantinopolitano sub Felice III. in causa Petri Fullonis; ut scribit Frassen.

Insuper Rabbi Haccados, scribens mysteria,

quæ continentur in nomine teragrammaton, Antonio, qui urbis Romæ Consul erat, affirmat, illud significare Deum generantem; & quia nequit esse generans sine genito; nec uterque sine amore procedens; ideo nomine illo divinam Trinitatem significari. Galatinus pariter refert lib. 2. c. 10. Hinc est, quod vulgo apud Hebreos nomen teragrammaton dicitur *nomen expositum*; & explicatur per duodecim literas hebraicas, quæ si simul jungantur, latine componunt, & indicant verba hæc: *Pater, Filius, & Spiritus Sanctus*. Dicitur etiam nomen quadraginta duarum literarum; ex eo quia, ut afferit idem Rabbi Haccados, sic illud interpretantur; *Pater Deus, Filius Deus, Spiritus Sanctus Deus: Trinitas in Unitate, & Unitas in Trinitate*. Ad quæ addit Frassen:

Quibus constat, quæ fuerit veterum Rabbinorum de divina Trinitate sententia, quamque longe a suis Patribus exorbitent recentiores Judæorum Doctores, dum huic constantissimæ veritati tantopere repugnant, . . .

Sed ulteriora præstemos. Rabbi Hai Gaon, quem Hebrei omnes summis laudibus extollunt, tres luges, quas posuit Rabbi Cordoverus, magnæ etiam apud suos estimationis homo, memorat, verbia hisce: *Nunc vobis declarabo tres sublimes luges, quæ supra decem Sephirot (spiritus scilicet) sunt . . . quorum nomina a nostris veteribus Sanctis accepimus. Lucem interinsecam, antiquam; (hoc est æternam) Lucem clarificatam; (idest clarissimam) Lucem claram . . . Ha tres Luges sunt in infinito (videlicet in Deo); ut explicat Ciantes. Confirmat Rabbi Chamai Gaon, dicens: *Hec tria nomina . . . sunt in Radice omnium Radicum*. Ut alia testimonia Rabbinorum omittamus, quæ idem Ciantes refert, hoc adducere nobis placet, quod & plurimum attestacionem præfert, & ferre omnium explicationes suo sermone comprehendit. Rabbi Mair Gabbai hæc scribit: *Et occulta sunt inclusa in numero ternario, & vocantur lux antiqua, lux clarificata, lux clara; secundum traditionem* Rabbi Simconis, filii Jocai, in suo libro *Ticunim*. *Eadem est traditio Rabbi Hai Gaon b. m., quod hæc tria lumina sunt supra decem intelligentias, aut Sephirot; & pariter id invenitur in lib. Unitatis Rabbi Chamai Gaon b. m.**

Hæc quidem enarravimus, non ut iisdem contra Judæos Trinitatis existentiam probaremus, sed ut traditionem Trinitatis, quæ

que omni tempore viguit inter Majores, Doctores, Magistros, ipsorum, propriis illorum verbis, quæ ipsius ut oracula venerantur, ostenderemus. Cæterum Sacrae Scripturæ auctoritates nobis superueunt non paucæ, nec lexis quidem roboris, quibus contra Hebreos Trinitatis mysterium proponimus: quod suo loco præstabilitus. Pro modo igitur sufficiat, re-

centibus Judæis, qui vivunt, & utimur ad perditionem suam non vivant! offensisse, quam culpabiliter agant, quando Trinitatis mysterium, jam ipsa sufficientissime promulgatum, non credunt; præcipue, quia ipsum Majores ipsorum considerunt semper, Rabbini explicarunt, & usus denique inter eos adhuc firmi, & permanentes, roborant, atque confirmans.

## DISSE R T A T I O C I V .

*De Patribus, qui ante Arii hæresim in Ecclesia fluerunt, & quid de Trinitate, & senserint, & scripserint.*



Egare omnino non possumus; quod, ob Platonorum Philosophiam, inter christianæ religionis professeores jam pridem introductam non modo, verum quoque communis fere calculo amplexatam, iidem errores, quos circa Trinitatis mysterium in Platonis detegimus, inter Christianos fuerint patiter disseminati. Et eo quidem successu, ut non solum illi, qui de christianæ religionis nomine gloriantur, de dogmate vero non curabant, erroribus illis assentientur; verum etiam illi, qui & nomen, & dogma in religione venerabantur, iisdem adhærere, inventi sunt. De primis non miramur; quum enim pejora semper in disputando quererent, & fidei in omnibus philosophiam præferrent; inde factum est, ut hæretici potius, quam christiani fierent; & eos Ecclesia de finu suo dejicet, quando inter ejus brachia consistere se jactabant! Unde Augustinus ser. 1. ex illis, quos Sirmundus edidit; *Sunt quidam eorum, qui christiani vocantur, & non sunt; quos partim digessit Ecclesia, tanquam stercore; ut sunt omnes hæreses, & omnia scismata.* De aliis vero tristauerunt quam valde, non admiramur solum; quum enim orthodxi omnino fuerint in fide, in moribus sancti; nihilominus eos deceptos quoque, etsi non deceptores, invenimus. Caussam tribuit Hieronymus, vel eorum simplicitati, vel bonæ fidei in scribendo, vel librariorum fraudibus, vel qualitatibus temporum, quando nimis dogmata non ita erant digesta, ut occasione hæresis Arianæ postmodum sunt discussa. Verba sunt Hieronymi apol. 2. cont. Ruffinum,

quibus libenter subscribimus: *Fieri potest, ut vel simpliciter erraverint, vel alio sensu scripserint, vel a librariis imperitis eorum paulatim scripta corrupta sint. Vel certe, antequam in Alexandria, quasi demonium meridianum, Arius nasceretur, innocentem quædam, & minus caute, locuti sunt; & quæ non possint perverorum hominum calumnias declinare.*

Non quidem de primis animus nobis est hac in Dissertatione loquendi; quum illi ab Ecclesia extores fuerint; de insdem tunc loquemur, quando de Hæreticis, qui contra Trinitatis mysterium insurrexerunt dissertationem instituimus. Modo vero tantum de Ecclesiæ Patribus sermonem facimus, qui primis illis temporibus, antea scilicet Arii hæresim, fortassis de Trinitate minus caute, quam par erat, loquuti sunt. Et hoc, vel quia platonico more discurrebant, vel quia platonis utplutissimum verbis utabantur; unde factum est postea, quod etsi semper sancti, & catholici in Ecclesia fuerint, vel quanvis fuerint aliquando, tamen absque crimine personæ toleravit eos Ecclesia, quæ adhuc de tanti mysterii ratione definiendi judicium non exercuerat. Interim nos ubi occasionem hosce excusandi, & defendendi etiam, habebimus, eam non negligemus; ubi vero ipsorum verba aliter non poterunt intelligi, nos ipsos, excusatos volamus, si de illis minus illis digna pronunciabimus. Renovamus huc proinde Petavii protestationem lib. 1. de Trin. c. 3. num. 1., Quod posterius ad sanctos postissimum, atque omni dignos veneratione, Patres attinet, quos neque culpare debeo, aut in hæretis nefariae crimen adducere;

, neque si quid minus ab iis accurate dicitur extat, atque a catholica forma diffundens, possum prætermittere .

A Græcis Patribus exordium sumimus. Et Primo se offert Ignatius Martyr, qui primo Ecclesiæ seculo floruit; & secundo ineunte obiit. In Epistola ad Ephesios sic loquitur de Christo: *Unus est medicus carnis, & spiritualis, factus, & non factus, in carne Deus, in morte vita eterna, & ex Maria, & ex Deo.* In quibus verbis Deus vocatur Verbum, dicitur non esse factum, appellatur vera vita; & quanvis dicantur de Christo; nequeunt tamen de Christo dici nisi ratione Verbi. Alia Ignatii testimonia alibi referentur. Epistola autem ad Ephesios est genuina Ignatii epistola; tum quia a sanctis Patribus citatur; tum etiam quia catholici critici de ea non dubitant, si aliquæ interpolationes demandant; ut videre est apud Natalem Alaxandrum in I. Sec.

Secundo habemus S. Polycarpum, S. Joannis discipulum, qui Eusebio teste hist. lib. 4. e. 5. martyrium suscipiens, sic orabat: *Quamobrem de omnibus te laudo, te benedico, te glorifico, per sempiternum Pontificem Jesum Christum, dilectum filium tuum, per quem tibi, una cum ipso, in Spiritu Sancto, gloria nunc, & in secula seculorum. Amen.* Ubi Christus vocetur sempiternus, glorificatur cum Patre, aequaliter cum illo gloriam habens; & quidem ratione Verbi. Et quanvis solus Pater vocetur Deus; hoc tamen in usu fuit apud veteres Patres, qui Deum vocabant Patrem tanquam fontem Deitatis; ut docuit Athanasius. Deus etiam fuit Sacerdos; hoc est ratione naturæ divinae vocavit Polycarpus Christum sempiternum; ratione vero naturæ humanæ Christum dixit Sacerdotem.

Tertio loco occurrit nobis Justinus, Martyr, & Philosophus, qui pluribus in locis videatur contraria divinæ Trinitati docuisse. I. In Dialogo cum Tryphone afferit, Dei filium ante suam incarnationem apparuisse Patriarchis, tanquam Dei Patris administrum: *Qui administer est Dei universorum Creatoris.* II. In eodem Dialogo dicit, quod Pater Patriarchis non apparuit, & filium videndum tradidit, quia Pater neque superiora cælo spacia relinquare possit, nec in exigua terra parte conspicere. III. De Filio Dei hæc ait in eodem loco: *Qui sed Pater, ac Domino subiectus; ejusque voluntati servias.* IV. In apologia II. scribit, quod Christiani Filium Dei in secundo loco habentes cum ratione venerantur. V. Ibi BAR. II.

dem afferit, quod Dei Filius sit prima potestas post parentem, & Dominum universorum Deum. Hæc adeo gravis momenti visa sunt Peratio, ut nil curaverit eadem ad bonum sensum reportare, nec proinde Justinum defendere, & a gravi injuria vindicare. Alter se gessit Juveninus, qui eadem retulit, & benigniori sensu explicavit; subdens præterea alia Justini testimonia, quibus & orthodoxam ejusdem probavit mentem. & contra ipsum allata testimonia vindicavit. Eadem nos quoque adhæremus, & quantum possumus a Justino suspicionem omnem, aut platonizandi, aut judaizandi, in sancta Trinitate, removemus.

Afferimus ergo pro Justino sequentia I. In apologia, quæ dicitur II. reprehendit negantes Filium esse Deum; & ex se afferens: *Filium esse Patri universorum, qui quod Verbum Dei primogenitum sit, Deus etiam existit.* II. In Dialogo cum Tryphone docet, Filium esse numero, seu persona, a Patre distinctum, non esse vero distinctum natura, & essentia: *Virtutem istam, quam Deum sermo propheticus vocat, non ut solis lumen nomine tantum numerari, verum numero aliud quiddam esse, ratione exquisita super paucis explicavi: Virtutem hanc dicens de Patre genitam virtute, & consilio ipsius, non per abscissionem, tanquam disperita effecit Patris essentia, prout alia omnia divisa, & secta, non eadem sunt, quæ ante fuerunt, quam scinderentur.* III. In apologia identidem II. respondens Gentilibus, qui Christianis exprobabant, quod Athei essent, hæc de tribus Personis divinæ Trinitatis scribit: *Fatigur quidem, nos talium, qui habentur, Deorum esse expertes, & atheos: Sed non verissimi illius Dei, Patris videlicet justitiae, & castitatis, & virtutis aliarum. . . . Veruno bunc ipsum, & qui ab eo venit Filium, & Spiritum Sanctum, colimus, & adoramus, cum ratione, & veritate venerantes.* IV. In Oratione parænetica ad Græcos, quam hodie, ut ait Juveninus, Docti omnes Justiniani esse convenient; hæc loquitur: *Ipsæ omnipotens, & omnium conditor, & invictibilis Deus, e cœlis veritatem, & Verbum sanctum, & incomprehensibile inter homines locavit, non quemadmodum aliquis conjicere possit, missò hominibus ministro aliquo, sed ipso opifice, & creatore omnium. . . . tanquam Rex mittens Filium Regem misit tanquam Deum, tanquam ad homines, missi, tanquam servans sibi. In verbis hisce observare quisque poterit, a Justino Verbum non dici Patris ministerum, sed opificem omnium,*

C. omnium,

omnium, & creatorem; dici Regem non minus, quam Rex est Pater; dici Regem a Rege missum: Et in aliis antea dictis, Filium eadem cultu a nobis esse adorandum, Justinum docere, quo Patrem adoramus. Quæ omnia apertissime ostendunt, & tres in Deo Personas, & unam divinitatem in tribus Personis, esse ex mente Justinii.

Respondemus modo ad illa, quæ Justino obiciuntur. Ad I. dicitur Justinum vocare Filium ministrum Creatoris, non propriæ, sed impropræ. Propriæ enim minister dicuntur, qui non agit nec per se, nec proprio nomine; impropræ vero qui agit ratione esse, quod ab alio habet: Filius ergo quum acceperit esse a Patre, & hoc esse sit ipsi Filio proprium, operatus est simul cum Patre in mundi creatione: unde non est minister primo modo, sed secundo tantum. Ad II. dicimus, Justinum assertisse, Deum Patrem non apparuisse Patriarchis veteris legis, quia Deus Pater nunquam humanam speciem gessit. Cæterum Filius æque est invisibilis, ac Pater; sed sumptus sub humana specie, quam aliquando portaturus erat, visibilis fuit; & hoc veteres Patres dicebant, fuisse factum, ut homines disponerentur ad fidem incarnationis, quæ suo tempore perageenda erat. Ad III. Loquutus est Justinus de Filio, quatenus est homo, non vero ut est Deus; quum contraria aliis in locis dicat de Filio ut Deo. Ad IV. subdividimus, Justinum loqui, quod fidèles venerabantur Filium secundo loco, & proinde recognoscabant Patrem potestatem primam; hoc est primam originis ratione, non vero ratione dignitatis. Et ratio responsionis nostræ est, quia Justinus ibi probare intendebat, quod Hæretici, quibus deinde Sabelliani adhaeserunt, negabant, plures scilicet personæ in divinis esse, non vero unam multiplici prædictam virtutem, & nomina multiplici donatum. Et contra hos ostendere conabatur, plures esse personas, licet una ab altera esset, illa prior esset, sed prior originis quidem, non vero temporis, que dignitatis, ratione. Cæterum legentibus proposimus ea, quæ pro Justinio articulamus, & ea, quæ Justino opponimus; quæ si integræ se comparare velint, facile invenient ubi expressius Justinus loquatur, an quando pro Trinitate scribie, an vero quando alii volunt, quod minus digne de Trinitate scripsérunt. Ulterius observabunt quoque, ea, quæ Justinus aliquatenus obscuræ dixit in locis, quæ

oppontuntur, dilucidasse in aliis locis, quæ pro eo defendendo proponimus; ut consideranti patebit. Denique dandum est aliquid temporum conditioni, quando scilicet modus loquendi in Trinitate non erat adhuc satis exppositus, & clarificatus, eo quia hæreses contra ipsam non erant adhuc oborsæ; & propterea de ipsa loquabantur Patres non ita exacte, & ad rem, ut modo nos loquimur.

Quarto loco venit Athanagoras, Philosophus etiam christianus, Athenis natus, & Justino fere synchronus. Hæc eidem opponuntur. I. In apologia pro Christianis ad M. Aurelium Antoninum, & L. Aurelium Commodum, scripsit, quod Verbum sic λόγος, & Pater sic πατήρ; quasi Verbum sit ratio, & ratio sit forma in essence Patris; at hic loquendi modus ab Augustino, & a Catholicis omnibus non admittitur: ergo &c. II. Ibidem voluit, Verbum produisse a Patre non ab æterno, sed in tempore, quando scilicet creatus est Orbis terrarum. III. In eodem loco docuit, Verbum aliquando fuisse intra Patrem, aliquando vero extra Patrem; quæ omnia cum catholica veritate pugnant. At his pon obstantibus pro Athanagora habemus I. Quod Pater per Verbum omnia fecit, & Verbum, & Pater, & Spiritus Sanctus, unam sunt in natura. En sua verba in eadem Apologia: Ab ipso enim, & per ipsum omnia facta sunt... Cum sit unum Pater, & Filius, & sit in Patre Filius, & Pater in Filio, unitate, & virtute Spiritus. Mens, & Verbum Dei Filius est. In quibus distinguit Patrem, & Filium; dicit in iisdem unam esse naturam; subdit, omnia per Filium, & a Filio esse facta. II. Ibidem aperte dicit, Patrem esse Deum, Filium esse Deum: Quis igitur non miretur, cum audiat, nos, qui Deum Patrem predicamus, & Deum Filium, & Spiritum Sanctum, eorum in unitate virtutem, & in ordine distinctionem explicantes, Atheos vocari. III. Ibidem explicat, & exponit quid Christiani sentiant de Trinitate: Deum assertimus, & Filium ipsius Verbum, & Spiritum Sanctum virtute unitos. IV. In eodem loco assertit, Filium non esse factum, sed a Patre progenitum: Quod si qui intellectus subtilitate excellitis, attius repetendum videatur, quidnam sibi velit hic Dei Filius & paucis dicam. Primogenitum illum esse Patris progeniem, non quasi factum quiddam sit. Ad ea, quæ opposuntur, respondeamus; ad I. dicendo, quod non inferent ex eo, quod Deus dicatur sagiens, per formam.

dissimilatam sic dici, & sic intelligendum esse cum, qui itadicit. Per se ipsum est talis; & qui modum loquendi damnant, formam distinctam, quæ in Deo locum habere non potest, damnant. Ad II. Intelligendus est exterior, non vero interior; quatenus scilicet Verbum, quod ab æterno a Patre interior prodierat, postea exterior in tempore prodiit, quando mundum creavit. Athanagoras explicet Athanagoram: A principio enim Deus, qui est æterna mens, habuit in seipso λόγον, cum æternum suum λόγον. Ad III. dicimus Athanagoram loquutum fuisse de Verbo antequam Deus mundum crearet, & postquam Deus mundum creavit. Ante mundi creationem fuit intra Patrem, quod non negatur; postea vero fuit extra, non quidem essentia, vel natura, sed virtute, operatione &c. quatenus Pater omnia per Verbum fecit.

Quinto loco proponimus Irenæum, qui fuit Polycarpi discipulus, & ann. 210. vivere desit I. lib. 4. c. 17. afferit, Patrem non indigere ministerio Angelorum in operationibus suis, quia sufficit ipsi ministerium Filii: Ministrat enim ei ad omnia sua Prægnescies, & figuratio sua; id est Filius, & Spiritus Sanctus, Verbum, & Sapientia, quibus servientes, & subiecti sunt omnes Angelis. II. lib. 3. c. 8. docet, Patrem præcepisse Filio, ut mundum crearet. Explicans enim verba illa Psalmi 32. 9. Ipse mandavit, & creata sunt; inquit: Cui ergo præcepit? Verbo scilicet, per quod cœli firmati sunt. III. In eodem loco nominat Spiritum Sanctum, Sapientiam; quod nomen tantum Verbo convenit. IV. lib. 2. c. 49. afferit, Filium, ut Verbum est, diem judicii ignorare. V. Ibidem vult, Patrem esse majorem Filio, per hoc quod Pater, non autem Filius, scit judicii diem. Verum pro Irenæo hæc alia testimonia proferuntur, I. lib. 3. adhæres. c. 6. dicit, Verbum, seu Filium, in sanctis Scripturis definitive, & absoluto nomine nominari Deum: Neque Dominum, neque Spiritum Sanctum, neque Apostolos, eum, qui non est Deus, definitive, & absolute. Deum nominasse aliquando, nisi esset verus Deus: Neque Dominum appellasse aliquem ex sua persona, nisi qui dominatur omnium, Deum Patrem, & Filium. II. tradit lib. 4. c. 11. Deum apparuisse in rubro Moysi; & Verbum fuisse, seu Dei Filium, qui in rubro Moysi loquutus est: subdens deinde de Christo, quæ de Verbo afferuerat, & quæ de Verbo intelligenda sunt: Ipse igitur Christus cum Patre, vivorum est Deus,

PAR. II.

qui & lacus est Moysi, qui & Patribus manifestatus est. III. lib. 4. c. 8. tribuit Filio eandem infinitatem, & immensitatem, quam tradit Patri; & lib. 2. c. 42. eandem æternitatem, & cum Patre æqualem coextentiam: Neque enim ineffectus es, o homo, neque semper coexistebas Deo, sicut proprium ejus Verbum. Ad ea, quæ opponuntur occurritur, respondendo ad I., quod Irenæus vocavit Verbum ministrum Patris connaturalem, & internum; eo quia confutabat illos, quo dicebat, Patrem in mundi creatione egisset Angelorum ministerio: Unde dicebat, non egisset ministerio externo, quia satis ei erat ministerium Verbi; impropter quidem dictum, sed ad majorem explicationem usurpatum. Ad II. pariter Irenæi verba intelligenda sunt impropriæ, non propriæ; qua quidem loquendi forma usi sunt pariter Patres, qui post Arii hæresim, & post Nicænum Concilium, floruerunt; puta Athanasius or. cont. gentes; Basil. lib. de Spir. Sanct., Cyrus lib. 29. thesaur. &c. Ad III. loquitur de Sapientia essentiali, quæ tribus divinis Personis est communis. Ad IV., & ad V., dicimus loqui de Verbo, non ut Verbo, sed de Christo, ut homo est. De illo enim intelligendus est, loqui, quem dixit nos docuisse: Ut discamus per ipsum; sed Christus nos docuit: ergo &c. Ulterius, de illo debemus dicere, quod loquutus fuerit, quod contradicuntur a Spiritu Salvatoris, ut ex ejus verbis patet: Etsi enim Spiritus Salvatoris, qui in eo est, scrutatur omnia Gra.; at illud aliud non est, nisi Christi humanitas: ergo &c.

Sexto scribitur Clemens Alexandrinus, Originis magister, & Pantæni auditor; cui opponuntur I. quod lib. 7. Strom. dixerit, naturam Filii esse soli omnipotenti conjunctissimam: ergo non eadem, si conjuncta, sed potius unita. II. in eodem libro dicit, Filium omnipotentis Patris voluntati deservire: ergo inferior Patre. III. lib. 5. Stromat. vocat Verbum, & Filium Dei, primo creatam sapientiam. Atreamen pro Clemente faciunt, quæ subdimus, I. initio admonitionis ad Gentes: Unus quidem est universorum Pater, unum est etiam Verbum universorum; & Spiritus Sanctus unus, qui & ipse est ubique. Quid clarius de Trinitate scripsisset, si Nicæno Concilio interfuisset? II. Ibidem c. 8. Nil odio habet Deus: Sed neque Verbum, utrumque enim unum est, nempe Deus. Ubi omnia Dei attributa absolute Verbo tribuuntur. III. lib. 3. Pedagog. c. 7. Est enim minime indigens qui

C 2 Ver-

*Verbum habet Deum omnipotens, & nullo eorum, quibus opus habet, unquam eget. Verbum enim possessio est, cui nibil deficit, & causa omnis copia. Ad testimonia Clementis, quæ adducuntur contra Clementem, respondemus, ad I. Verbum solas, quod interpretantur quidam pro natura, alios interpretari pro persona; & in hoc sensu etiam usurparunt Patres aliquot post Arium damnatum; videlicet Nyssenus in epist. ad Ablavium: Unde dicendum est, Clementem, ante Arium sribentem, accepisse pro persona, non pro natura; alioqui sibi contradiceret. Ad II. loquitur Clemens de Christo, ut homo est; quia loquitur de Salvatore; Salvator autem est Christus; & Christus ut Salvator voluntati Patris, volentis omnium salutem, deservit. Ad III. Creata ibi idem est, ac genita, seu producta; ut ex Clementis contextu apparet. De Paeribus Græcis contenti sumus hisce, quos attulimus; pergitus modo ad Latinos.*

Seprimo nobis se offert Tertullianus, qui floruit declinante seculo secundo, & tertio insidente. Opponuntur ei, quæ sequuntur. I. lib. cont. Hermogenem c. 3. dixit, Deum non semper fuisse Patrem: *Quia & Pater Deus est, & Index Deus est; non tamen ideo Pater, & Index semper, quia Deus semper. Nam nec Pater esse potuit ante Filium, nec Index ante delictum. Fuit autem tempus, cum & delictum, & Filius non fuit; quod Judicem, & Patrem Dominum faceret: Hoc autem Trinitati repugnat: ergo &c.* II. lib. adv. Præcam c. 6. ait, sermonem, seu Verbum, seu Sophiam, procedere a Patre per separationem quandam; quæ autem separantur, non sunt idem: ergo &c. III. lib. 2. cont. Marcionem c. 27. dicit, Patrem esse invisibilem, non sic vero Filium. At pro eo adducuntur sequentia alia testimonia. I. In Apologetico c. 4. expressis verbis sanctam Trinitatem facetus, loquens enim de Verbo ait: *Hunc ex Deo prolatum dicimus, & prolatione generatum: Es idcirco Filium Dei, & Deum dictum, ex unitate substantie. II. lib. advers. Præcam c. 17. Filio, pronuntias, omnia nomina, & absoluta Patris attributa, convenire: Nomen Patris, Deus omnipotens, alifimus, Dominus virtutum, Rex Israelis, qui est. Hec dicimus, & in Filium competit, & in his Filium venisse, & in his semper egisse, & sic ea in se hominibus manifestasse. III. Ibidem c. 22. De Christo, ut Filius est Patris, scribit: Unum sumus, dicens, ego, & Pater; ostendit duos esse, quos aquat, & jun-*

git. IV. lib. de pudicitia c. 21. etiam Trinitatem consubstancialem aperiissime pronunciat: Trinitatem unius Divinitatis, Patrem, Filium, & Spiritum Sanctum. Ad Opposita respondemus; & quidem ad I. Tertullianus urgebatur ab hoc argumento Hermogenis: *Si materia non esset æterna, Deus non semper fuisset Dominus: Si quidem nihil habuisset, quod ipsi paruisse. Respondebat Tertullianus, quod nullum erat inconveniens dicere, Deum non fuisse semper Dominum; quia nec etiam inconveniens erat dicere, Deum in aliquo sensu non fuisse semper Patrem. Hoc autem intendebat, quod non semper fuerat agnitus ut Pater, sed tunc solum quando mundum creavit, & per Verbum creavit. Ceterum in ipsomet libro contra Hermogenem facetur non semel Tertullianus, Patrem genuisse Filium ab æterno; & præcipue c. 18. & insuper lib. adv. Præcam c. 5., & c. 13. Ad II. dicitur, quod separatio illa est improprie dicta, quatenus nil aliud est, quam missio Filii ad opera ad extra. Separatio vero proprie dicta a Terrulliano negatur omnino Personis divinis; etenim lib. con. Valentini c. 8. ait: *Filius in Patre semper, & nunquam separatus a Patre. Ad III. intelligendus est, quia Filius humanam carnem, quæ certe visibilis est, assumpsit, quam non assumpsit Pater; & ideo Pater est invisibilis, Filius vero visibilis.**

Octavo Cyprianum inducimus, qui floruit medio seculo tertio. Opponuntur ei I. quod dixerit Filium esse Patri subordinatum. II. Quod sit Patre minor. Pro eo autem adducuntur I. præcipue verba, quæ scribit in epistola ad Jubajanum de hereticis baptizandis, & in quibus exprimitur unitas naturæ, & Trinitas Personarum: *Cum tres unum sint. II. In eadem epistola afferit, non valere baptismum collatum sub nomine Christi; & ratione adducit, quod ipse Christus gentes baptizare jubeat in plena, & adunata Trinitate. III. lib. 2. testimoniorum adversus Judæos ad Quirinum Scripturarum auctoritatibus probat, Christum esse Deum, & ei tribuit omnia absolute attributa, quæ Patri convenient; si Christo, etiam Verbo: ergo vere facetur Verbum esse Deum: ergo Trinitatem facetur. Ad argumenta in contrarium allata dicimus, quod intelligendus est Cyprianus, vel de Christo secundum carnem, vel de Verbo, sed tantum de originis prioritate, quam impropriæ majoritatem, & superioritatem appellat.*

Nono.

Nono Dionyphius Romanus advenit, qui floruit sub imperio Valeriani, & Gallieni, ex Eusebio lib. 7. hist. eccl. c. 7. Nulla ei opponuntur; & non pauca ex illo pro Trinitate adducuntur. I. In Epistola contra Sabellianos scripta, quæ perii, sed Athanasius aliqua refert fragmenta in lib. de decretis Nicœnæ Synodi t. 1. hæc leguntur: *Audio, quosdam apud vos esse cœcistas, & doctores divini Verbi, qui illius sunt opinionis autores, qui ex diametro, ut sic dicam, pugnant cum Sabellii placitis. Hic enim blasphemat, Filium ipsum afferens esse Patrem, & e converso Patrem esse Filium. At isti & res quodammodo Deos prædicant, dum sanctam Monadem dividunt in tres hypostases peregrinas, a se invicem plane separatas. Descendens postmodum ad confutandum errorem illum, sic ait: Etenim necesse est uni vi omnium Deo Verbum, & in Deo manere, & habitare Spiritum Sanctum. Jam vero diuinam quoque Trinitatem in unum, velut in caput quoddam, & summum, omnipotentem Denum universorum dico, colligi, & coalescere prorsus est necesse. II. De Verbo, secunda Trinitatis Persona, negat quod sit creatum, aut factum: Ceterum non minus culpaveris eos, qui Filium Dei opus existimant, & Dominum factum esse, sicut cetera, opinantur, cum sacra eloquia generationem ei congruentem, & decentem, non autem formationem, & creationem testimoniis suis ascribant.*

Desimo inducunt Arnobium, primum Gentilem, deinde Christianum, & Rethoricos in Africa magistrum. Septem libros composuit adversus Gentes; & in iisdem, & plurius, & recte, de Trinitate loquutus est. Christum assertit esse verum Deum; quod est idem, ac Trinitatem, cum veritate fateri. Qui enim, ut nuper diximus, credit Christum esse Deum, credit pariter Verbum esse Deum: Qui autem credit Verbum esse Deum, Trinitatem divinatum Personarum aperie credit; in ea nimirum credens & Personarum Trinitatem, & naturæ unitatem.

Recensitos decem Patres contra Petavium, & cum Juenino, a noxa, quæ illis impunitur, usque modo vindicamus. Vindiciæ autem nostræ & Catholicis placere, & Hæreticis dispicere, omnino debent. Petavio autem non invidiam afferimus facto nostro; et si enim ab ipso discedimus, non tamen ipsum accusamus. Quod quidem fecisse, aut voluisse facere, Jueninum credimus, quando scriptit. „Dionysium Petavium lib. 1. de Trinitate non sequumur

„fuisse censem Parram, qui ante Concilium Nicœnum, sive in Oriente, sive in Occidente, floruerunt; cum eos omnes, paucis exceptis, afferuit, Arianismo circa Verbi divinitatem laborasse. . . . Socianos, ut Traditionis vim enervent, immrito Catholicis objicere, Patres trium priorum seculorum docuisse, Verbum non esse Patri consubstantialem. . . . Ab iisdem Socinianis, ac aliis Hæreticis immerto objici Petavii hoc in capite judicium, „Nam Petavius in præfatione sui Oporis in antecessum retractat, quod docet lib. 1., quippe qui contendat, Patres trium priorum seculorum magis loquendi ratione, quam in rei veritate, differre ab iis Patribus, qui post Nicœnum I. Concilium scripsierunt. Addendum est, Catholicam Ecclesiam in capite, de quo agitur, non probare Petavii judicium, si revera senserit, Patres trium priorum seculorum aliud de Verbi divinitate sensisse, quam quod Nicœni Patres definierunt. . . . De aliis vero, qui a Petavio accusantur, & a Juenino non defenduntur, nescimus, an debeamus eos vel accusare, vel defendere. Atamen re vera defendi non possunt, præcipue Theophilus Alexandrinus, Tatianus, Methodius, ex Græcis; & ex Latinis Lactantius Firmianus; quanvis hunc etiam Jueninus, sicut & Origenem, aliquiliter defendat. Dicit nihilominus de Lactantio, quod Rhetor erat, non Theologus: unde non mirum, si in Theologia rebus non ita scriptis accurate, ut eloquenter scriptis secundum Rethoricos præcepta. Hieronymus vere Lactantium percutit in lib. de Scriptor. Eccl. dicens: *Lactantius in libris suis, ut maxime in epistolis ad Demetrianum, Spiritus Sancti omnino negat substantiam, & errore judaico dicione, vel ad Patrem referri, vel ad Filium, & sanctificationem utrinque persona sub ejus nomine demonstrari. Multa assert Petavius contra Lactantium, sed unum nos hic adducimus, quod sufficiens nobis ad rem videtur. Lib. 4. c. 14. de Christo loquens, scribit: Docuit enim, quod unus Deus sit, cumque solum coli oportere: nos unquam scipsum Deum dixit, quia non servisset fidem, si missus, ut Deus tolleret, & unum affereres, induceret alium, praeter unum. Hoc erat non de uno Deo facere præconium; nec ejus, qui miserrat; sed suum proprium negotium gerere; ac se ab eo, quem instrutum venerat, separare.*

De Origene vero clarior res est. Bellarmenus hoc de eo judicium profert, in lib. de Scriptor.

Scriptor. Eccl., Quanvis doctissimus fuit, deceptus tamen ex Platonis Philosophia in multos errores incidit. S. Basilius in lib. de Spir. Sanc. c. 2. dicit, Origenem non habuisse sanas de Spiritu Sancto opiniones. S. Epiphanius in lib. de heret. ponit Origenem in numero aliorum Hæretorum. S. Hieronymus vertit in latinum, idiomate libros Origenis Periarchon, ut ostenderet errores plurimos, quibus libri illi scarent. Denique in quinta Synodo generali collat. 8. can. 2. dicitur anathema Origeni, & Scriptis ejus. S. Hieronymus de Origena hæc afferit apud Petavium, quod scilicet is in lib. Periarchon scripterit, Christum Filium Dei non natum esse, sed factum; Deum Patrem per naturam invisibilem, a Filio non videri; Filium, qui

est imago visibilis Patris, comparatum Partem non esse veritatem; apud nos autem, qui Deum omnipotentis non possumus recipere veritatem, imaginariam veritatem videri; ut maxime festas, ac magnitudo majoris quodammodo circumscripta sentiantur in Filio: Deum Partem esse lumen incomprehensibile; Christianum collatione Patris splendorem esse perpetuum; qui apud nos pro imbecillitate nostra magnus esse videatur.

Plura de his, & de aliis dicere, supersedemus; remittentes, qui plura cupiunt, apud Petavium, qui fuit de singulis tractat; eosque pariter admonentes, ut, quandocumque fieri possit, eos, qui excusari possunt, excusat; & qui damnari merentur, damnent.

## DISSE R T A T I O C V.

### De antiquioribus Hæreticis, et de eorum contra Trinitatem insanis.



DNOTARE hic prius oportet, nos non de quibuscumque Hæreticis loqui, qui contra Trinitatem calamum acuerint; sed de illis solum, qui Personarum pluralitatem negantur. Alibi deinde erit locus, ubi de Hæreticis aliis loquemur, qui contra naturæ unitatem loquuti sunt. Et quidem hæc duo distinguere consueto debemus; illosque pariter secernere, qui contra unum, aut aliud, Fidei dogma pugnarunt. Illi enim, qui diversas in personis naturas adnaserunt ex uno capite evertendi sunt; ex alio vero sunt impugnandi illi, qui in natura non diversas commentur sunt personas. Ac proinde non uno, eodemque loco contra utrosque scribere debemus, ut exactius rei series, & differendi ordo, peragatur. Primo igitur Hæreticos adnumeramus, qui contra Personarum trinitatem insanierunt; illosque impugnamus: Altero vero loco illos inducemus, qui contra essentiaz unitatem delirarunt, ibique illos confutabimus.

Primo loco scribunt Simonem, qui fuit rex, & nomine magus, qui pariter Hæretorum omnium fuit facile antesignanus, & Princeps. Hic ex Irenæo lib. i. c. 20. afferuit, inter alia impia dogmata, quæ in aperto ponere non erubuit, se esse Deum, qui apparuit in Samaria ut Pater;

esse Deum, qui apparuit in Iudea ut Filius; se esse Deum, qui apparuit in Gentibus ut Spiritus Sanctus. Refert Frassen in Indice Hæretorum adversus adorandum Trinitatis mysterium insanientium, quem Tractatu de Trinitate præposuit. Unde non alias, quam unam tantum Personam agnovit, scilicet ipsum, qui juxta suas varias apparentias, quas facerat modo Pater sit appellatus, modo Filius, modo Spiritus Sanctus. Floruit Apostolorum temporibus, & præcipue an. ær. christ. 57. Simonis hæresis restes producit Cardinalis Laurentius Cozza, in libro nostræ olim censuræ concredito, Commentarii scilicet in Hæreses libri S. Augustini, Augustinum ipsum, Epiphanium, Theodoretum, aliosque. Du-Hamel pariter citat Augustinum lib. de hæres. hæresi 4.

Secundo loco referuntur a Frassen cit. loc. Montani, qui dixerunt, in Deo non solum esse essentiaz unitatem, verum quoque Personæ. Pro Montanis hisce non intelligit Cataphrygas, hoc est Montani Phrygii Sectatores; inferius enim scribit de Montano hoc, quem floruisse ait ann. 220. Montanos vero, de quibus loquimur, ann. 180. Alii proinde fuerunt; & quidem invenimus apud Dominicum Bernardi antiquo amicitiaz fædere nobis arctissime junctum, in sua hæresum omnium historiæ t. i. sec. 3. c. 5. fuisse in Africa Montenses,

tenses, qui Felicissimum sequebantur contra S. Cyprianum, Carthaginensem Episcopum. Fuerunt sic dicti, quia in monitibus se receperant, ibique temeritate, & iustitia stipati, suos errores propagare, & defendere volebantur. Cæterum apud Bernini historiam nomen quidem invenimus, at hæresim non legimus, Montanen-  
sium, seu Montanorum, quoquo nomine dicantur. Coccius insuper in thes. Catholico t. 1. lib. 1. ar. 4. hæc tradit: Montani Trinitatem in unius Persona angustias co-  
gunt. Hieron. epist. ad Marcellam. A quo fortassis Frassen accepit. A Du-Hamel numerantur quoque Ebion, & Cerinthus, Apostolorum temporibus; cæteri autem omnes de iisdem silent.

Tertio ponitur Præxæas, qui non aliter putat Uatum Deum esse credendum, quam si dicat, se ipsum esse, eundemque simul, Patrem, & filium, & Spiritum Sanctum. Citatus Coccius ex Tertulliano advers. Præxæam hæc refert, Præxæas unum Deum non aliter putat credendum, quam si ipsum, eundemque & Patrem, & Filium, & Spiritum Sanctum, dicat: Deumque Pa-  
trem descendisse in Virginem, ipsum ex ea natum, esse passum, denique ipsum esse Christum, Auctor Appendix ad li-  
brum de Præscriptionibus Tertulliani cap. ult. scribit: Sed post hos omnes etiam Præxæas quidam hæresim introduxit, quam Victorinus corroborare curavit. Hic Deum Patrem omnipotentem Jesum Christum esse dicit, hunc crucifixum, passumque esse contendit, mortuum præterea, se ipsum sibi sedero ad dex-  
teram suam cum profana, & sacrilega autho-  
ritate proponit. Subdit Cardinalis Cozza, laudatus t. 2. c. 4. n. 34., Propter hujus-  
modi hæresim damnatum fuisse Præxæam, idem Tertullianus cit. loc. non obscure demonstrat, Certe Operatus Milevitanus lib. 1. adv. Parmenianum inter hæreticos illos Præxæam adnumerat, qui fuerunt ab Ecclesia proscripti, atque damnati, Marcion, Præxæas, Sabellius, Valentinus, & cæteri temporibus suis a Victorino Pictaviensi, & Zepherino Urbico, & Tertulliano Carthaginensi, usque ad Cataphrygas, & ab aliis adsertoribus Ecclesia Catholica superati sunt.

Quarto adnumeratur Hermogenes, qui, ex Frassen, in Deo unam tantum Personam posuit. Hermogenem hunc describit Tertullianus in lib. contra ipsius editio c. 1. verbis hisce: Hereticus turbulentus, qui loquacitatem facundiam existimet, & impuden-  
tiā constantiam deputet, & maledicere sin-

gulis officium bone conscientia judicet. Præ-  
rea pingit licite, nubit assidue, legem Dei in libidinem defendit, in artem contemnit, bis falsarius, & cauerio, & stylo, totus adulter, & predicationis, & carnis. A Christianis enim conversus ad Philosophos, de Ecclesia ad Academiam, & Porticum, unde sumpsi a Stoiciæ materiam cum Domino ponere, que & ipsa semper fuerit, neque nata, neque facta, neque initium habens omnino, nec finem, ex qua Dominus omnia posse fecerit. Hanc primus umbrano plane sine lumine pessimus Pictor illis argumentationibus coloravit. In hisce, & aliis, Tertulliani verbis nulla est hæresis, de qua loquimur, mentio; nulla pariter lo-  
gitur apud Coccium, Cozzam, Bernini, Natalem Alexandrum, Dupinum, Petavium, aliosque, qui de Hæreticis, & de Hæresibus, tractant. A quo igitur Frassen desumpterit notitiam, quam refert, nos omnino later. Alexander in hist. eccl. sec. 2. c. 3. ar. 15. afferit, errorem ejus palmarum fuisse, quod diceret, materiam esse ingenitam, & infectam; & nihil de præsentis hæresi loquitur; ut nec pariter loquuntur Du-Hamel, Jucinlus, aliquie.

Quinto adsignatur Montanus, ejusque Asso-  
ciæ, Montanistæ dicti, vel Cataphryges, ex eo quia, ut ait Frassen, jactavit, se esse Paracletem; subdens, & quod mireris, tan-  
tam insaniam tanto viro, Septimio Tertulliano, persuasit. At Iveninus tradit, quod quidam Montanistæ, non omnes, hanc hæ-  
resim amplexati sunt; quod aperte testat-  
tur Tertullianus in lib. de Præscript. c.  
ult., scilicet Trinitatem in divinis non  
esse. De Montano vero testatur idem Jucinlus: Ipse tamen Montanus eo in capite cum Catholicis censuit, ut videre est apud Epiphanius hæres 48., & apud Theodoreum lib. 3. hæreticar. fabular c. 2. Petavius quoque docet, Tertullianum de parte quadam  
Cataphrygarum, quæ Cara Æschinem,  
dicebatur, loquutum fuisse in præfato cap.  
ult. Verba Tertulliani sunt: Privatis au-  
tem blasphemiam illi, qui sunt Cataphry-  
gæ, hanc babent, quæ adiiciunt etiam hoc, ut  
dicunt, Christum ipsum esse filium, & Patrem.  
Natalis Alexander nec verbum facit de hac  
hæresi, Montani errores omnes recensens.  
Coccius quoque silet, ut & Du-Hamell.

Sexto exhibetur Noetus, qui negavit nume-  
rum Personarum, & docuit, eundem esse Patrem, & Filium, & Spiritum Sanctum, qui fuit & genitus, & in carne passus. Te-  
statur Frassen, & Coccius; qui testes pro-  
fert Epiphanium, Philastrum, Augusti-  
num, & Damascenum de Noetianis. Peta-  
vius

vius afferit, Noetum docuisse Patrem, Filium, & Spiritum Sanctum, non natura solum, sed etiam persona, unum, & singularem esse Deum. Ab hoc Noeto incipit Alphonsus de Castro catalogum Hæretorum, qui Personarum Trinitatem negarunt, in lib. adv. Hæres. verb. Deus, ad hæres. 5. dicens: *Hujus hæresis autor fuit Noetus quidam, a quo Noetiani etiam dicti sunt.* Didicerat forsitan ab Epiphanius, qui hæres. 57. scripsit, ante Noetum neminem hanc hæresim invexit, Sed Petavius ex adverso observat, Noetum vixisse anno 245., sed ante hoc tempus alii eandem hæresim invexerant; ut nos quoque usque modo exhibuimus. Idem adnotat Natalis Alexander sec. 3. c. 3. ar. 7. num. 2. dicens: „Unde non satis accuratus est S. Epiphanius, cum ante Noetum neminem tam hæresim invexit scribit, quem quidam anno ante 130. annos, quam ista lumen cubraret, extitisse memorat. Itaque sub annum Christi 245. Noetus erupit, Ante vero hoc tempus jam illam hæresim Praezeas prædicaverat. „Noetus tandem ex Epiphanius fuit Ephesius; ex Theodoreto fuit Smyrnæus; ut idem Alexander refert.

Septimo adducuntur Marcellus, & Phorinus, qui ex Frassen docuerunt Deum singularem, & mox Judæorum, non esse tres Personas, sed unam dumtaxat, licet tria sint nomina. Coccius idem restatur, scilicet Deum singulum esse, & solitarium, hos Hæreticos dixisse & more judasco, non esse tres personas, sed unam dumtaxat, licet tria sint nomina, Pater, Filius, & Spiritus Sanctus, ramen non esse personas peculiares. Testes nominat Vincentium Lyrinensem contra hæreses, Marium Victorinum lib. 1. contra Arium, Theodoretum lib. 2. hæretarum fabularum. Phorini etiam, ejusque hæresis, quam diximus, meminit Bernini in sec. 4. cap. 6.

Octavo Sabellius in aciem trahitur, qui eundem voluit esse Patrem, Filium, & Spiritum Sanctum; qui in veteri testamento legem dedit, ut Pater; in novo factus est homo, ut Filius; & ad homines advenit, ut Spiritus Sanctus. Testantur Hilarius, Epiphanius, Augustinus, Theodorus, Leoninus, & Damascenus de Sabellianis apud Coccium. Sabellius, qui natus est in Libya, sive Periæpoli, ac Cyrenaica Provincia, discipulus Noeti, ut ait Philastrius, Pater fuit, & Magister Sabellianorum, quorum secta plusquam illa Noeti floruit, & maiores in Ecclesia turbas excitatavit. Diciti

sunt etiam Patripassiani, quia, quum unam Personam admitterent, Patrem etiam fuisse passum concedebant. Testatur Augustinus trac. 6. & 30. in Joannem: *Nam Sabelliani dicti sunt quidam Hæretici, qui vocantur Patripassiani; qui dicunt ipsum Patrem fuisse passum.* Floruit Sabellius sub Sexto II. Pontifice, & Gallieno Imperatore. De Hæreticis hisce Epiphanius hæres. 62. hæc scribit: *Horum hac opinio est, eundem esse Patrem, & Filium, & Spiritum Sanctum; ut ad eandem hypostasis tres appellations convenient, aut perinde atque in uno homine corpus, & anima, & spiritus, inest. Ita ut corporis instar sit Pater, anima Filius, Spiritus denique in ipsa Divinitate humani Spiritus instar habeatur. Alias addebant similitudines, & que sacrilegas, ac ineptas.*

Nono Priscillianus habetur, qui voluit, eundem esse Patrem, qui & Filius, & Spiritus Sanctus. Refert Augustinus hæres. 70. S. Leo epist. 93. Ex Augustino testatur Bernini in sec. 4. c. 8. Alphonsus de Castro l. c., & cum eo Coccius loc. pariter citatur, qui habet: *Priscillianisti adhuc perseverantes, Patris, Filii, ac Spiritus Sancti, unam, atque eandem assertant esse personam: tanquam idem Deus nunc Pater, nunc Filius, nunc Spiritus Sanctus non sineatur; nec aliis sit qui genuit, aliis qui genitus est, aliis qui de utroque processit.*

Decimo fuit Paulus Episcopus Samosatenus, dicit Jueninus, alii dicunt, Episcopus Antiochenus, circa an. 265. negans Personarum distinctionem, & Christi divinitatem; unde ann. 270. in altero Antiocheno Concilio damnatus est, & e sua sede dejectus; ut testatur Eusebius lib. 9. hist. eccl. c. 22. & seq. De eo loquuntur Petavius, Jueninus, Du-Hamel, Alexander &c. ex antiquis Patribus Athanasio orat. de salut. advent. Euseb. l. c. aliisque, Gregales Samosateni dictos fuisse Paulianistas, tradit Alexander. De ejus errore hæc habet Epiphanius hæres. 65. *Est autem Pauli hac opinio, Deum Patrem, & Filium, ac Spiritum Sanctum, unum esse Deum. Verbum Dei, & Iesusque Spiritum inesse Deo perpetuo, sicut hominis in corde proprium Verbum inesse certius. Filium Dei subsistentiam habere per se se nullam, sed in Deo subsistere. Ad hanc Dei Verbum in terras delapsum, in Iesu, qui homo merus esset, habitasse. Ita unus, inquit ille; Deus est: neque aut Pater est Pater, aut Filius Filius, aut Spiritus Sanctus. Spiritus est Sanctus. Imo vero Deus unus est Pater, hujus in ipso Filius, ut est in homine sermo. Philastrius etiam de Hæres. c. 65. loquitur*

quitur apud Bernini.

**Undecimo** Faustus Manichæus inducit, quem dixisse tradit Augustinus, apud Cœcium, lib. 20. c. 2. contra Faustum: *Unum sub triplex appellatione Numen colimus, sed Patrem credimus lucem incolere summam, & inaccessibilem: Filius in hac secunda luce consistit, cuius virtus in sole, sapientia in luna habitat: Sedem Spiritus Sancti omnem mundi ambitum fatemur.* Frassen Coccio adhæret.

**Duodecimo** afferuntur a Coccio, & a Frassen; Theodore Mopsuestanus, & Nestorius, qui, ut iidem scribunt, *dum impie negant Deum, id est Dei Filium de Virgine natum esse, nec tamen negant Filium Dei esse consubstantialem Patri, aut verum hominem assumpsisse, Quaternitatem pro Trinitate dogmatizant.* Et rescrunt Quintam Synodum Occumenicam, & Maxentium in Fidei confessione.

**Decimotertio** scribitur Anastasius Imperator, quia Edictum fecit, quo præcipiebat, non Trinitatem, sed Quaternitatem, adorandam esse. Ob quam hæresim, impiam sane, ac putidam, fulmine percussus misserrime interiit. Coccius, & Frassen adducent testes Paulum Diaconum, Pomponium Lætum, & Blondum, in hujuscem Imperatoris vita.

**Decimoquarto** Chilpericus, Francorum Rex, cupiens Sabellianam hæresim propagare, ac promulgare in regno suo, Galliarum Episcopis scripsit, ut abjecta Trinitate, unum tantum Deum affererent. Subdens, eundem esse Patrem, qui & Filius, & Spiritus Sanctus est; & eundem esse Filium, ac Spiritum Sanctum, qui Pater est; nec divisionem Personarum in Deum ulla modo cadere. Testatur Gregorius Turenensis hist. Franc. lib. 5. c. 44. Aimoinus lib. 3. c. 4 f.

**Decimoquinto** Mahometus, ait Coccius, ponit unum Deum, universi auctorem, qui neque genitus sit, neque generaverit: negat in unitate Trinitatem, & solum binarium numerum in Trinitate confiteret, scilicet ipsam divinam essentiam, & animam ejus: unde pluraliter loquentes ipsum introducit Azoara 11. & 12. Testatur etiam Frassen; uterque autem ex Damasco de hæresibus, & Auctore Summolæ contra Saracenos. Item Mahometanorum hanc hæresim sectantium minit Du-Hamel. Natalis Alexander Hist. Eccl. sec. 7. c. 2. ar. 2. hæc scribit, de Mahometo loquens: *Deum unum prædicat cum Christianis, & Judæis, cumque*

*, universi conditorem proficitur, pium, misericordem, solum colendum, solum invocandum, bonorum remuneratorem, malorum judicem. Deum Filium habere negat, idque eo probat argumento, quod nullius rei sit indigus. Proinde Christum Filium Dei, Deumque esse iniciatur, eosque incredulos vocat, qui ipsum Deo consimilem, & æqualem statuunt. Jesum a Deo increpitum, quod se, matremque suam, velut duos Deos, ab hominibus cali jussisset; se excusasse, ac purgasse fabulatur, his verbis: *Tu scis me nihil hominibus, nisi mandata tua, dedisse, scilicet quod te Deum meum, atque suum invocent, & adorant.* Azoara 13. & 14., Falsus hic Prophetæ Cyrencus fuit a Saracenis raptus, in Arabiam deportatus, Ismaeli, diviti mercatori, fuit venditus. Ab hoc camelorum Præfectus factus, eo defuncto, uxorem eius viduam uxorem duxit. Prius, post nuptias mercator fuit, deinde miles postmodum Princeps esse voluit. Sergio Monacho sibi adjuncto, Legislator cupiit fieri, & novam Religionem instituere. Legem publicavit, quam dixit Alcoran Arabicæ, hoc est volumen præceptorum. Se etiam suam per novem annos concepit, ac parturiit; postea per decem, & novem ferro, & armis, dilatavit. Imperante Heraclio floruit, & ann. 631. obiit. In oppido Mecha sepultus, ibi convenit frequissima Mahometanorum multitudo, reliquias ergo. Ex Laonico lib. 3. de rebus turcicis refert Alexander loc. cit.*

**Decimosexto** Bogomili, qui originem ducebant a Bogomile, ut ait Coccius, sed melius a Basilio Medico, qui habitu Monachus incedebat, & qui fuit ab Alexio Commeno, Orientis Imperatore, in amphitheatro exultus, dixerunt, non esse in Deo Trinitatem. Ex Euthymio in Panoplia p. 2. tit. 23. referunt Coccius, & Frassen. Ex Paulicianorum, novorum Manichæorum, & Messalianorum, putri, hanc hæresim, secundumque Bogomilorum circa ann. 1118. ortam fuisse, tradit Natalis Alexander. hist. eccl. 11. c. 4. ar. 5. De hac tamen eorum hæresi idem Alexander habet: *Simplicibus fucum faciebant, dicendo, se credere in Patrem, & Filium, & Spiritum Sanctum: Sed re vera Patri hæc tria nomina tribuebant; eumque corpore a forma prædictum, ex binis cerebri panniculis binos radios emittere, alterum Filium, alterum Spiritus Sancti delirabant.* Bogomili dicebantur, hoc est Dilecti Dei; sic enim Bulgariæ vocabulum

D latine

latine sonat; ut ait Berninus in sec. 12. c. 1.  
ex Zonara, Euthymio, Baronio ad an.  
1119. n. 28., aliisque.

Decimo septimo sunt Loysius, alii dicunt  
Lisojus, & Hæribertus, qui blasphemabant,  
dicendo, deliramenta esse quicquid in ve-  
teri, ac novo testamento de Trinitate, ac  
Unitate Dei est scriptum. Ex Glabero Ro-  
dolpho lib. 3. c. 8. referunt Fassen, &

Coccius. Hæc quidem de veterum Hære-  
ticorum erroribus contra Trinitatem Per-  
sonarum invenire posuimus apud Auosto-  
res, qui eosdem referunt; & hæc quoque  
afferre Legentibus voluimus, si scire eos-  
dem voluere; ut scilicet laborem nostrum  
sua patientia suppleant, & pariter sua ac-  
ceptatione coronent.

## DISSE R T A T I O C V I .

### *De Sectariis recentibus, & de eorum contra Trinitatem deliriis.*



Uemadmodum in præterita  
Dissertatione de illis egimus  
Heterodoxis, qui Personarum  
Trinitatem in sacrosancto  
mysterio impugnarunt, non  
vero de illis, qui naturæ uni-  
tatem non agnoverunt: Ita et modo in præ-  
senti de illis loqui intendimus Sectariis,  
& quidem recentibus, qui contra Perso-  
narum Trinitatem, non vero naturæ uni-  
tatem, insanientes deliraverunt. Nec pa-  
riter hic scribimus de iis, qui in eisdem  
Personis inæqualitatem admirerunt, aut  
Personas ipsas quomodo libet explicarunt;  
dummodo in earum numero convenerint.  
De his enim erroribus alibi erit locus, ubi  
referentur, & refellentur. Interim acce-  
damus ad modernos Sectarios agnoscen-  
dos, & enumerandos, qui contra Perso-  
narum Trinitatem sua deliria ostensa-  
runt.

Primo occurrit Michael Servetus, qui, Coc-  
cio, & Fassen testimoniis, negat consistere  
posse tres illas res incorporeas in una  
Deitate distinctas; qui atheos, & Tritheis-  
tas vocat omnes, qui Trinitatem statuunt  
in essentia Dei, non habentes Deum, nisi  
tripartitum, & aggregatum. Denique,  
Theodorus teste, Patrem, Filium, & Spi-  
ritum Sanctum, Cerberum tricipitem  
appellavit. Sic Servetus lib. 1. cont. Tri-  
partitum; & Theodorus Beza epist. 1. Da-  
Servero Jueninus hæc scribit. „ Michael  
Servetus, Hispanus, extinctam jamdiu-  
,, Sabelli hæresim iterum clapsa proxime  
,, seculo in orbem invexit, editis quibusdam  
,, libris, quos de erroribus Trinitatis in-  
,, scripsit. Apud Polonus, ac Transilvanos,  
,, obtinuit Serveti error, agentibus Georgio  
,, Blandrata, Paulo Alciato, Francisco Da-

„ vid, Fausto Socino, Senensi, qui peragrat  
„ variis orbis regionibus, tandem sedem su-  
„ xit suam in Polonia, ubi diem extremum  
„ clausit „. In Hæresim historia, gallice  
scripta, cuius auctor est Dominus de San-  
cta Guardia, par. 2. de Socinianis, legimus;  
quod post Lutherum emiserunt inter ejus  
discipulos Michael Serverus, Hispanus,  
Gregorius de Paulo, Georgius Blandrata,  
Pedemontanus, Valentinus Gentilis, Cala-  
ber, Franciscus David, Paulus Alciatus,  
Mediolanensis, Lælius Socini, aliqui, qui  
publice docebant, non aliam Personam  
esse, nisi Patrem, quæ sit Deus; Filium ve-  
ro, & Spiritum Sanctum, esse quidem de  
Deo, at non esse Deum. Ex his plures  
ferro, & igne extinti sunt, alii per orbem  
dispersi. Postmodum Faustus Socini, Lælii  
nepos, profugus ex Italia, in Poloniam se  
recepit, ibique hæresim cum Servero pro-  
pagavit, eo quidem successu, ut deinde  
ejusdem sectatores non Serveriani, sed So-  
ciniani, communis vocabulo fuerint appella-  
ti; quanvis etiam aliqui Servirianos, &  
Antitrinitarios, eos appellant; ut apud  
Berninum, Genevæ crepus interiit, Cal-  
vino mandante; post illius mortem erro-  
res ejus, discipulis suis procurantibus, &  
præcipue Socinis, in Poloniam, Transilva-  
niam, & Hungariam, peragrarunt.

Secundo in aciem venit Martinus Lutherus,  
qui de abyssō in abyssum irruens, nullus  
fere fuit error, quem non patrocinatus  
fuerit, nulla impietas, quam non laudaver-  
it, nulla fæditas, quam non amaverit. In  
enarratione Evangelii de sancta Trinitate  
scribit: Sanctissimæ Trinitatis diem hodie fe-  
stum celebramus, ubi prospiciendum est, ne in  
casum solemnum diem ducamus. Tametsi ve-  
cula hac Trinitas nusquam in divinis Scri-  
pturis.

peuris reperiatur, ceterum humanitus tantum inventa sit. Unde omnino frigide sonat, & multo præstabilius foret, si Deus potius, quam Trinitas diceretur. Et in confutatione Latomianæ rationis: Si odit anima mea vocem homouion, & nolim ea uti, non ero hæreticus &c. Nec est, quod mihi objectes adversus Arianos receptum: Non fuit receptum a multis, quod & Hieronymus optavit aboleri, ideoque non effugerunt periculum, hoc inventa vocabulo, ut Hieronymus queratur nescire, quid veneni lateat in syllabis, & literis, adeo ut illud Ariani magis, quam Scripturas, exagrabant. Falsarius homo iste de Hieronymo scribit, quæ Hieronymus nunquam somniauit; ut Coccius advertit. Quibus verbis non minus unitatem in natura divina, quam Personarum Trinitatem, intendit ab Ecclesia derubare; itaut vere de ipso dici possit, erroribus suis omnia Ecclesiæ dogmata de medio tollere voluisse, omnes Fidei articulos aboleri, Deum ipsum de cordibus hominum expellere; ut aliquando atheismus in mundo, Lutherò protegente, triuimphet.

Tertio Joannes Calvinus expressioribus verbis malignitatis suæ virus diffundit. Lib. I. Instit. c. 13. §. 5. Utinam sepulta essent nomina (Trinitatis, Persona, Consumentialis); constaret modo inter omnes hæc fides, Patrem, & Filium, & Spiritum Sanctum, unum esse Deum: Nec tamen aut Filium esse Patrem, aut Spiritum Filium, sed proprietate quadam esse distinctos. Epistola ad Polonos pag. 946. Unus Deus, id est Trinitas. Creditis in Deum, id est in Trinitate, ut cognoscant te unum Deum, id est Trinitatem. Hoc non modo tanquam insipidum, sed ut profanum quoque repudiamus. Ad cap. I. Joannis: Personas vocarunt discretas in Deo proprietates, quæ se mensibus conspicendas offerunt. Et quanvis contra Servetum fol. 880. dicat: Servetus Athanasium dicit fuisse Satanasum, bunc tripartitum Deum invenisse; Nicenos Patres omnes fuisse cacos Sophistas, ministros bestiarum, mancipia Antichristi, ejusque præstigiis fascinatos. Hæc tamen scominata impia, & sacrilega quum non impugnet, approbare videtur.

Quarto Valentinus Gentilis protulit quoque, Patrem, Filium, & Spiritum Sanctum, tres esse æternos spiritus, ejusdem quidem naturæ, ordine tamen, gradu, & proprietate, distinctos. Pater solus habet auctoritatem, & est auctoritas, qui in se deitatis immensam essentiam habet; ab hoc Filium, & Spiritum Sanctum essentias esse, qui suam deitatem ab illo dependentes habeant; &

PAR. II.

idcirco in Scripturis Deum unum dici; non quod sit unus numero, sed auctoritas, principii nimirum, & originis, ratione. Ita ex Josia Simlero de æterno Dei Filio c. 1. refert Coccius. At Frassen de eodem Gentili hæc dixisse refert: Confusio trium in unum, & eundem numero spiritum fundamentum, & origo omnium errorum fuit. Qui enim unum Deum in tres Personas distinguit, vel sibi præstigias facit, vel necessario unius Dei substantiam dividit, ac discerpit. De hoc Gentili plura diximus in 1. tom. , ubi etiam probavimus, cum Calabrum non fuisse, ut plerique scribunt. Hic subiectimus hæc alia ex Bernino sec. 16. c. 8., Valentino Gentile, Antitrinitario Serveziano, per le sue orribilissime stemmie decapitato in Berna dagli stessi Eretici Calvinisti, del quale dice l' Istoriaco ( Spondan. ad an. 1562. num. 34.) Cum ad supplicium duceretur, non desit in geminare, se pro gloria altissimi Dei Patris mortem oppetere, quod nemini hæcenus contigisse dicebat, sed omnes Apostolos, & Marthas, pro Filii tantum gloria passos esse .

Quinto VVolfangus Musculus I. Anticlaeo hæc effutiebat: „ Nolle coram Ethnici Patrem, Filium, & Spiritum Sanctum, dicere tres Personas, ne viderer dicere tres Deos: vocabulum hoc Persona non ita necessarium est ad fidem Christianam, ut sine illo nequeas esse Christianus, cum illud primi Christiani ignoraverint „. Ita referunt Coccius, & Frassen.

Sexto Bernardinus Ochinus dial. 2. dicitur a Coccio, quod vehementer exarsit in hæc sancta, divinaque nomina, Deum infinitum, Dei essentiam, & substantiam, Deum in Trinitate Personarum: ea vocans monstra satanicæ, Prophetis, & Apostolis, incognita. Postmodum ipse met inducitur dicens dial. 20. Si Trinitas non aperte tradatur in sacris literis, nemo ad eam credendam obstringitur. Et dial. 21. Cum sit una Ecclesia, & una Fides, non debemus plura credere, quam crediderunt Sancti fæderis antiqui: alioquin essemus deteriori, quam ipsi, conditione, qui ad plura, quam illi, credenda obstringeremur. Illi autem non crediderunt Trinitatem, non Personas coæquales, consubstantiales, coæternas.

Septimo Christianus Francus lib. con. Trinitatem, Cracoviæ impressio, has venditat blasphemias simul, & ineptias: „ Quales fuerint, a quibus avidissime receptum, comprobatum, ac prosemnatum est Tri-

D 2

„ nita-

„ nūtatis dogma, nemo ignorat: Eos enim  
 „ maxime omnium constat, imbutos consue-  
 „ tudine colendi multitudinem Deorum,  
 „ cum majorum, ut Apollinis, Martis, tum  
 „ minorum, ut Castoris, Pollucis, Liberi,  
 „ Proserpinæ, Dianæ. Ex hoc uberrimo  
 „ Deorum fonte, & innumeri Sancti tan-  
 „ quam minores invocandi Dii, & tres  
 „ etiam diuinæ Personæ, veluti majores Dii,  
 „ adorandi, in orbem christianum proflu-  
 „ xerunt,. Referunt Coccius, & Frassen.  
 Octavo Theodosius Schimbergius in epist.  
 præfixa Scriptis Joannis Sommeri, hæc  
 impudenti calamo exaravit: „ Manifestum  
 „ est, Trinitatem, & diuinitatem Filii, non  
 „ esse articulos fidei veros, quia sunt impos-  
 „ sibilia mentis: Ideo in rei veritate sunt  
 „ blasphemata dogmata, & horrenda, ex imo  
 „ orco, per filium perditionis, virtute Sa-  
 „ thanæ, Ecclesiæ obtrusa. Falsus Deus, &  
 „ factus a filio perditionis est, Deus unus, &  
 „ trinus. Hic enim nomine tenus Deus est,  
 „ re ipsa autem Idolum,. Idem Coccius,  
 & Frassen, testantur.

Nono Nathanael Alianus, libro germanico idiomate scripto, & inscripto: Mat-  
 thian 1a: verbis hisce delirat: „ Quod Deus  
 „ unus sit in essentia, & persona, etiam  
 „ Christus, & Apostoli, testantur in novo  
 „ testamento. Christus cum dicit: Audi Israel,  
 „ Dominus tuus, Deus unus est. Item Joan-  
 „ nis 17. Hec est vita æterna, ut credant te  
 „ solum unum Deum; Paulus autem 1. Co-  
 „ rinth. 8. Et si multi Dii, nobis tamen unus  
 „ est Deus Pater,. Coccius est testis.

Decimo Theodorus Dorschius, libro etiam  
 germanice scripto, quo nititur tueri  
 impia Francisci Davidis dogmata, ait:  
 „ Falsus hic, & factus Deus ab homine pec-  
 „ cati, est Deus trinus, & unus: Nam hiq  
 „ nomine tantum Deus, revera autem Ido-  
 „ lum est, de quo Paulus ait, quod nihil sit,  
 „ Nam impossibile omnino est, quod talis  
 „ aliquis existens, qui unus, & trinus sit,  
 „ possit, aut debeat, verus esse Deus. Nam  
 „ verus Deus non est tantæ potentiaz, ut  
 „ possit facere, esse eas res revera, quæ sunt  
 „ impossibiles menti,. Coccius, & Frassen,  
 „ cum adnumerant, & sua verba recitant.

Undecimo Franciscus Dayidis, in disput.  
 Albana act. tertiaz diei: Item in defens.  
 non invocand. Christ. hæc impuro ore  
 eructavat: „ Dico ergo Christum homi-  
 „ nem non esse illum altissimum Jesum, sed

„ Filium ejus: Patrem Deum altissimum so-  
 „ lum ab ipso Deum dicimus: Filium vero  
 „ dicimus Deum communicatione. Item:  
 „ Si Christus adorandus, & invocandus est,  
 „ Christus erit ille solus verus Deus propo-  
 „ situs Deut. 6. At illud jam olim per nos  
 „ negatum, & destructum est. Non ergo di-  
 „ cere, & affirmare possumus, Christum  
 „ adorandum, & invocandum esse, nisi præ-  
 „ varicatores esse velimus,, Frassen hæc  
 sua verba reportat.

Duodecimo Georgius Blandrata dixit, esse  
 quidem Patrem, esse Filium, esse Spiritum  
 Sanctum; non tamen tres debere dici per-  
 sonas, quod sic Scriptura non loquatur;  
 multoque minus debere dici Deum tri-  
 num, & unum e tribus Personis; insuper  
 Symbolum Athanasii Sathanasii Symbo-  
 lum appellavit. Refert Coccius ex Petro  
 Carolino in explication. Fidei, & Geor-  
 gio Majori in confutation. errorum  
 Georgii Blandratae,

Decimotertio Lambertus Danæus, lib. ad-  
 vers. Genebrardum, afferit; Orationem  
 illam, qua dicimus in Litania: Sancta Tri-  
 nitas unus Deus miserere nobis: esse inéptam,  
 insanam, inconcinnam, a Patribus male  
 inventam, atque periculosam. Conve-  
 niunt Frassen, & Coccius.

Decimoquarto sunt illi de familia Amo-  
 ris, quorum articuli Londini impressi  
 ann. 1579. inter alia monstra continebant,,  
 „ Trinitatem, & Christi diuinitatem, passio-  
 „ nem, mortem, ac resurrectionem, ut Pa-  
 „ pistarum inventa, diligenter studeant, tan-  
 „ quam vepres, & spinas, e vinea Domini  
 „ extrahere &c. Non est Trinitas: Impie lo-  
 „ quuntur, qui dicunt, Patrem esse Deum,  
 „ Filium esse Deum, & Spiritum Sanctum  
 „ esse Deum. Hoc enim est proficeri tres  
 „ Deos. „ Coccius pariter, & Frassen, tran-  
 scribunt.

Si qui alii sunt minoris notæ Scribentes in-  
 Sanctissimæ Trinitatis Personarum myste-  
 rium, eos perlustrando remittimus apud  
 illos, qui ex proposito hæreses, & illorum  
 Auctores, tractant. Nobis vero alii non  
 occurrerunt, et si Hæresum tractatores  
 plures, quos apud nos habemus, legere  
 non omiserimus. Interim ad alia pergi-  
 mus, & ad ea sane, quæ dogmaticam par-  
 tem respiciunt; quum usque modo circa  
 historicam dumtaxat, & forsan plus æquo,  
 versati simus,

# DISSERTATIO CVII.

## *De existentia Trinitatis Personarum ex veteri Testamento contra Judæos.*



Robatur ex Genes. 1. 26. Faciamus hominem ad imaginem, & similitudinem nostram. Et Genes. 2. 18. Faciamus ei adjutorium simile sibi. Ubi verbum Faciamus denotat pluralitatem, quum non sit loquutio unius, sed plurium; atqui apud ipsos Judæos nequeunt plures isti esse plures in natura: ergo sunt plures in Personis. Minor est cœtra, quia Judæi non admittunt nisi unum Deum: non possunt plures illi esse plures in natura. Tanto magis, quod naturæ unitas ostenditur in aliis verbis in iisdem Genesis capitibus, nimirum c. 1. n. 27. Et creavit Deus hominem ad imaginem, & similitudinem suam; ad imaginem suam creavit illos: masculum, & feminam creavit eos. Et c. 2. n. 7. Formavit igitur Dominus Deus hominem de limo terræ, & inspiravit in faciem ejus spiraculum vitæ &c. Unde in præfatis locis habemus, Deum in hominis creatione indicasse, & Personarum Trinitatem, & naturæ unitatem; hanc quidem per posteriora verba, quæ in singulari numero proferuntur; creavit, formavit, inspiravit &c. Trinitatem vero per priora verba, quæ in plurali numero dicuntur; faciamus, faciamus &c.

Ad hoc augumentum respondent Judæi I. Deum loquutum fuisse more Principum, qui ut plurimum loquuntur, & scribunt per Nos, & non per Ego; ut videtur in eorundem legibus, edictis &c, in quibus semper plurali numero utuntur, dicendo; præcipimus, mandamus, prohibemus &c. II. Deum, dicunt, Angelos fuisse alloquutum, ut scilicet eum Angeli in homine, condendo adjuvarent; quatenus Angeli facerent corpus, Deus vero animam; quod dixit Aben Esdra; vel quod Elementis imperasset; ut patavat Moyses Gerundensis; vel quod cum cœlesti, & terrena fabrica verbum fecisset; ut scripsit R. Levi; vel quod cum caussis secundis quod facturus erat, communicaseret; ut R. Sanin fabulator est. III. Deum, subdunt, secum fecisse verba, seipsum excitans ad hominis productionem; unde sibimet dixisse faciamus. IV. concludunt, quod quum non possit a

nobis determinari, cujus illa sint verba, Patris ne, Filii, an Spiritus Sancti; & quum ex altera parte non possit esse essentiæ diuinæ a Personis præcisæ; sequitur, quod sint solius Dei, qui solus in sua persona loquitur, absque aliis Personis.

Contra I. Judæorum responsionem instamus. Etenim nullibi in sacris Scripturis inventur, quod quando de Deo loquuntur, seu Deum loquentem introducunt, de ipso in plurali loquantur, vel faciant ipsum in plurali loqui. Ubique semper est Deus, est Rex Regum, est Dominus Dominantium; cur ergo in aliis locis in singulari loquuntur, & solum hic, aut alibi, Personarum Trinitatem indicare ibi volens, in plurali loquens exhibetur? Quod quidem recte observavit Theodoretus q. 19. in Genes. Quod si Deus nullibi gentium in Scripturis sanctis in plurali loquitur, & ita loquitur in hoc Genesis loco, ubi hominem creat, mysterium sane indicat; & hoc aliud esse non potest, quam quod trium divinarum Personarum significatio in creatione hominis præcedere, & figurare, debebat trium pariter divinarum Personarum invocationem in hominis regeneratione.

Contra II. responsionem urgemos. Et I. ad illos dirigitur Dei sermo, qui hominem creaverunt; sed Angeli, vel elementa, vel cœlestis, & terrena fabrica, vel causæ secundæ, ex divina Scriptura hominem non creaverunt: ergo Dei sermo ad Angelos non dirigitur. Minor constat ex iisdem locis Genesis; Creavit Deus hominem; & c. 5. in die, qua creavit Deus hominem &c. Deus quidem, non Angeli. Si ergo Angeli, vel alii, creare non debebant, cur eos Deus alloquitur, quando vult hominem creare? Nec consilium dare poterant, nec adjutorium: Superfluum igitur illos alloqui. II. Illos alloquitur Deus, ad quorum imaginem, & similitudinem creandus erat homo; sed homo non erat creandus ad imaginem, & similitudinem Angelorum, vel aliorum: ergo illos non alloquitur Deus, quando hominem vult creare. Ex adductis verbis patet discursus. Dicitur enim: *Faciamus hominem ad imaginem, & si-*

*& similitudinem nostram ; & deinde : Crea-  
vit eum Dominus ad imaginem , & simili-  
tudinem suam ; & rursus c. 5. ad similitudinem  
Dei fecit illum . III, Creatio hominis , sive  
pro corpore , sive pro anima , soli Deo  
tribuitur , non Angelis , ab illis Scripturæ  
verbis Gen. 2. 7. Formavit igitur Dominus  
Deus hominem de limo terre , & inspiravit  
in faciem ejus spiraculum vite ; & factus est  
homo in animam viventem . Concinunt di-  
ctis Tertullianus lib. de resurrec. carn. c.  
6. Clemens Alexandrinus lib. 5. Stromat.  
cum c. 6. Irenæus lib. 4. c. 37.*

Contra III. responsionem insistimus. Et quidem verbis S. Basili hom. 9. Hexameron. utimur : *Quis enim faber, aut ararius, aut lignarius, aut certe coriarius, futor, solus ipse quidem, nec alio quodam sibi cooperante stipatus, interque suæ artis instrumenta desiderans : Quis, inquam, sibi soli admurmurat dicens : faciamus gladium, aut compingamus aratum, aut conficiamus calceamentum; ac non potius silentio suam, cum libuerit, accommodatam ad artem exequitur operationem.* Sunt enim insignes profecto nugæ, unum aliquem inveniri, qui sibi imperet.

**Contra IV.** prosequimur ; Et quidem nulla sequitur inconvenientia , si dicatur, verba illa fuisse Dei Patris Filium alloquenteris ; vel Dei Patris alloquentis Filium , & Spiritum Sanctum , vel denique omnium divinarum Personarum, inter se simul alloquentium . Primum dixit Augustinus lib. I. de Trinitate c.7. , quia Filius in Scripturis dicitur magni consilii Angelus , & consiliarius Patris . Secundum asseruit Basilius lib. 4. cont. Eunomium . Tertium docuerunt Cyrus Alexandrinus lib. I. thesauri advers. Julianum , & Fulgentius lib. I. de Fide ad Petrum . Quæcunque ex his tribus opinio admittatur , ratio ex verbis illis petita , semper stat , & pro Personarum pluralitate pugnat .

II. probatur ex eodem modo in plurali numero loquendo in aliis sacræ Scripturæ locis, ad Personarum Trinitatem indicandam. Genes. 11. 7. *Venite igitur, descendamus, & confundamus sibi linguam eorum.* Item Genes. 3. 22. *Ecce Adam quasi unus ex nobis factus est.* Nyssenus lib. de Trinit. Basilius lib. 5. cont. Eunomium, ex præfatis verbis Trinitatem Personarum probant; & Chrysost. ser. de Trinit. hæc habet: *Dicendo, Venite, pares honore exhortando vocat; neque enim, si Angelis imperasset, dicere debuit, Venite, sed imperando, Ite.* Vide autem obsecro quomodo Patris vox Filium, & Spiritum Sanctum, vocet; nam si ad

*unum solum hoc dictum esset, debebat dicere,  
Veni, & descendamus; quia autem dixit,  
Venite, unius est vox ad duos homines aqua-  
les.*

**III.** probatur. Gen. i. i. dicitur: *In principio  
creavit Deus cœlum, & terram;* hebraice au-  
tem sic exprimuntur hæc verba.

**בראשיך ברא אלהים את השמיִם**: In quibus verbum *Elahim* in plurali. **ואת הארץ** numero

significat Personarum pluralitatem ; verbum vero *bara* in singulari , *creavit* , importat unitatem naturæ ; quum sit sensus , secundum hebraicum textum , *In principio creavit Dii cælum , & terram.* Ineptus autem esset sensus , si nomine *Elohim* non veniret Trinitas Personarum : ergo vere per hæc verba , secundum hebraicam loquitionem , importatur Trinitas Personarum , & naturæ unitas .

Respondent Rabbini , nomen Elohim esse , pluralis pronunciationis , at singularis significationis ; & quidem quod sit pluralis pronunciationis patet , quia singulare nomen non habet . Si enim singulare haberet , esset *EI*, vel *Elohab* ; at si haec essent , pluralia deberent esse *Elim* , *Elohaboth* ; *Eloboth* , non *Elohim* ; *Elim* autem est nomen Deo indignum , & sacrilegum ; *Elohaboth* vero , & *Eloboth* inepra sunt , & barbara; ut observat P.Benetelli: ergo necesse est , ut qui nomen *Elohim* usurpare vult , illud in plurali forma usurpet , & retineat deinde singularis formæ significationem . Ulterius nomen *Elohim* non significat tantum Deos, verum quoque Angelos . Judices &c.

Contra autem Rabbinorum insulsas imaginaciones sic procedimus. Quum sint tot, tantaque apud Hebræos Dei nomina, ut vigintiquatuor numerentur, cur unum usurpatum est, quod sit pluralis formæ; & non potius aliud ex tot aliis, quod sit formæ singularis? Præcipue quod agebatur de sensu verborum illorum, qui esse debebat proprius, legitimus, sanus, & non ineptus, & solæcismo incompositus? Signum est ergo, quod mysterium in verbo illo latebat; & hoc est sane, quia Personarum Trinitatem indicabat. Si dicant, alibi etiam in divinis Scripturis hoc idem nomen Elohim usurpari; videlicet Jos. 24. 19. Jer. 10. 10. dicimus, [quod his pariter in locis Personarum Trinitas indicatur; ut P. Benetelli in sagitta 1.c.5. probat con-

tra R. Chumchi, & R. Salomonem. In epistola est autem altera responso, quod scilicet per nomen Elohim significantur Angeli, Judices &c. Non enim isti mundum creantur, quem ibi de mundi creatore loquuntur. Et semper etiam remanet difficultas, cur usurpatum fuerit verbum bara, .creavit, singularis formæ; quando poterat saepe Scriptor plurali forma uti, & dicere, creaverunt?

IV. probatur ex illo Genes. 18. 1. & seqq. Apparuit autem ei Dominus in convalle, Mambre sedenti in ostio tabernaculi sui in ipso fervore diei. Cumque elevasset oculos, apparuerunt ei tres viri stantes prope eum: Quos enim vidisset, currexit in occursum eorum de ostio tabernaculi sui, & adoravit in terram. Et dixit: Domine, si inveni gratianum in oculis tuis, ne transeas servum tuum. Sed afferram panxillum aqua, & lavate pedes vestros, & requiescite sub arbore. In quibus verbis tres illos viros, quos Abraham vidit, Abraham modo ut plures, modo ut unum, alloquutum fuisse, apparet; ut unum dicens; Domine, oculis tuis, transeas &c.; ut plures, dicens; pedes vestros, requiescite &c. Quod quidem indicium est, in illis tribus viris Abraham Trinitatis mysterium fuisse a Deo revelatum; aliae autem observationes adduntur a Patribus, ut hoc idem contra Judæos ostendatur; quas omnes complectitur S. Cyrillus Alexandrinus lib. 1. contra Julianum circa medium: Tres quidem fuisse, qui apparuerunt, substitisse, aut propriis subsistentiis, singulos sermonem consubstantialitatis in unum comprehensos, & ita dedita opera colloquia inter se miscuisse. Et clariori modo Augustinus declarat lib. 2. de Trinit. c. 12. Quod tres viri visi sunt, nec quisquam in eis, vel forma, vel essentia, vel potestate major ceteris, differt. est: Cur non hic accipiamus visibiliter insinuatam per creaturam visibilem Trinitatis equalitatem, atque in tribus Personis unam eandemque substantiam?

Respondent Rabbini, quod verbum illud Domine, in textu hebraico legitur ? יְהוָה, Adonai; & verbum Adonai idem importat, ac Domini mei; unde deducunt, quod Abraham tres illos viros, non in singulari, Domine, sed in plurali, Domini mei, alloquutus est. Secundo subdit Aben Esdra, quod viri illi sunt postmodum inter se divisiti, quia duo ex illis Sodomam perrexerunt; Personæ autem divinæ inter se nec dividi, nec distingui possunt; ergo per tres illos viros Personarum Trinitas non

significabatur. Tertio idem Aben Esdra, inquit, ex aliorum Rabbinorum sententia, quod Dominus ante Abram apparuerat, & post Domini apparitionem, tres viri illi apparuerunt; unde non mirum, si Abraham dixit, Domine, & non Dimiti, quia cum Domino loquebatur, non vero cum tribus viris illis.

Contra I. Rabbinorum imaginationem dicimus cum citato P. Benetelli sagit. 1. c. 8. falsam esse responsonem illam ex dupliciti capite; primo, quia aliter ficeretur textus in grammatica erraret; dicit enim

**אֵל חַצְבָּנָז**; idest ne transeas, quod est numeri singularis; Si autem Adonai esset pluralis numeri, dicere deberet **אֵל חַצְבָּרָן**, scilicet, ne transeat.

Secundo, quia quando Adonai importat Domini mei, notatur Patach, dummodo non sit in Athnach, aut in Sopha passu; hoc in loco non est in Athnach, nec in Sopha passu, sed in Reviab: ergo est Dei nomen; & ita legitur in Targum cum verbo יְהֹיָה, quod responderet nomini essentiali Dei, quod est Jehovah. Et haec eo magis locum habent, quod Rabbini assertunt, puncta in literis hebraicis a Deo fuisse Moysi data; vel quod Sinagogæ Patres ex Dei inspiratione addiderunt illa.

Contra II. responsonem addimus, quod quando duo viri illi Sodomam perrexerunt, primus ex illis cum Abraham remansit; & hunc Abraham veluti Deum alloquebatur; quia in illo vel Deum unum, vel Deum Patrem, agnoscebat. Et haec est sententia S. Augustini, S. Epiphani, Justini martiris &c., ut referte Marianna in hoc Genesis loca. Personæ igitur distinctæ sunt itaque, sed essentia una est, quæ indivisa in tribus remansit, quanvis duæ ex illis personæ fuerint separatae. Cæterum figurati divisio repugnat, non vero divisio figuræ; aliter Politheismus in mundum induceretur, & inter Christianos vigeret, a quo postmodum in Atheismum dilaberentur; quod nec fuit, nec erit unquam; & utinam inter Judæos neque sit, nec fuerit aliquando, saltem inter non paucos ex illis, qui vere in corde, & novam respuunt legem, & veterem non credunt.

Contra III. responsonem proferimus R. Ioseph Galilæum, qui apud R. Salomonem docet, in quolibet quasi Scripturaræ facto inve-

inveniri summarium, post quod historia sequitur, & deinde historiam, quae est summarii declaratio. Sic Moyses dixit: *In principio creavit Deus cælum, & terram;* deinde subdit, quod fecit firmamentum, & vocavit eolum. Nunquid duas creationes fuerunt istæ. Néquaquam; una tantum fuit; sed prima summarii locum, secunda vero tenuit locum narrationis. Sic pariter: Deus creavit hominem ad imaginem, & similitudinem suam; & deinde, Deus fecit hominem de limo terræ. Non fecit duos homines, sed unum; sed in primo est summarium, in secundo loco est narratio. In casu nostro sic etiam Deus primo apparuit Abrahæ, & hoc est summarium; secundo videt tres viros, & hæc est narratio, quæ apparitionis modum exprimit, atque declarat. Ulterius, Dominus nūsquam in Scripturis apparuit, quintam loquutus fuerit; in hoc tamen loco apparuisset, Abrahæ, & nihil Abrahæ dixisset; quia semper tres viri illi cum Abraham loquuti sunt. Denique, si Dominus antea Abrahæ apparuisset, non dixisset Abraham: Domine ne transcas, sed Domine ne discedas; quod quidem est signum, Dominum apparuisse ei in formam trium vivorum illorum. Quod confirmat ipsemet Philo Hebraeus in lib. de Abraham, scribens: *Cum enim ille sapiens suppliciter oras tres viatoribus similes, ut suo vellint uti hospitio, alloquitur non tanquam tres, sed tanquam unum: Domine, si inueni gratiam coram te, ne prætercas servum tuum.* Nam hæc verba, Domine, apud te, ne prætercas, similiaque, ad unum, non ad plures, dici convenit. Quæ quidem Philonis verba convenient cum illis, quæ adhibet Ecclesia, quando de Abraham dicit, quod tres vident, & unum adoravit.

V. probatur ex illo Deuteronomii 6.4. *Audi Israel: Dominus Deus noster, Dominus unus est.* Ubi dicitur in Vulgata Dominus, in hebraico textu ponitur nomen tetragrammaton יהוה Jehovà, & hoc designatur naturæ unitas; tria autem Personarum repetitio Personarum indicat Trinitatem. His similia sunt verba Psalmi 66.7. *Benedicat nos Deus, Deus noster, benedicat nos Deus.* In quibus Pater significatur per verba; *benedicat nos Deus;* Filius per verba; *Deus noster;* Spiritus Sanctus per verba; *benedicat nos Deus.* Ad quid igitur triæ repetitiones istæ, si in illis mysterium non esset? Et quodnam aliud mysterium, si non Trinitatis mysterium?

Respondent Hæbrei, valde se mirari, nos pluralitatem Deorum colligere ex illo maxime loco, in quo Deus apertissime suam unitatem manifestavit. Si enim dicitur in illo Deuteronomii, quod unus est, quomodo nos ex illo eodem loco colligimus esse trinum? Et si Trinus nominatur non est nisi major expressio vocis, non autem pluralitas significat; aliter pluralitas appellaret non Personas, sed Deos; quum ibi Dei nomen, quemadmodum in altero loco Psalmi, triplicetur.

Contra Judæorum responsionem dicimus, quod in præfatis locis dicitur utique Deum esse unum, sed in natura; in Personis vero esse trinum; falsum autem est, quod ipsi dicunt, nos ex illis locis colligere pluralitatem Deorum, tantum enim pluralitatem colligimus Personarum, ut diximus. Et quum verbis illis indicentur tres, tres scilicet Personæ; & unaquæque ex Personis sit Deus; ideo dicitur tribus vicibus Deus. Cæterum tantum abest, ut Judæi unum Deum adorent, quod potius modo, in obstinatione sua permanentes, nec unum Deum agnoscant. Et quanvis ante Christi adventum vere agnoscebant unum Deum verum; hoc ideo erat, quia Trinum non credebant, sed non negabant; & implicite etiam credebant, ut diximus, licet explicite non crederent. Modo autem quia expresse negant, & tenentur expresse credere, ideo est, quod Deus, quem ipsi modo agnoscunt ut unum, & negant ut trinum, non est verus Deus, sed falsus, quem ipsi sibi temere fingunt. Quod nos quoque alibi adnotavimus, & hic ex Bustorphio confirmamus; qui dicit Deum, quem modo agnoscunt Judæi, esse Deum secundum dici, non vero Deum secundum esse. Bustorphii verba referuntur a P. Benetelli in sagitta 1. c. 18. num. 70. *Deus Rabbinicus non est Deus secundum esse, sed tantummodo secundum dici: Judæi cum Trinitatem Deo negant, imperfectionum abyssum in Divinitatem inducent.*

VI. Probat ex illo Psalmi 32.6. *Verbo Domini Cœli firmati sunt; & Spiritu oris ejus omnis virtus eorum.* In quibus verbis per vocem Domini importatur Pater, qui per Verbum operatur; per vocem Verbo significatur Filius, quia per Verbum omnia facta sunt; & per vocem Spiritu oris ejus indicatur Spiritus Sanctus, quia eidem peculiari modo applicatur, & appropriatur virtus, & perfectio divinorum operum. Et quum ipsis divinis Personis tribuatur eadem operatio totius mundi, sic manifestum a

stum, quod in ipsis sit identitas potentiarum, atque naturae. Sic praefata verba explicant Sancti Patres, quos congerit Ruiz disp. 36. fess. 5: apud Frassen loc. cit., & pariter ita intelligunt sapientiores Rabbini, quos assert Galatinus lib. 2. de arcanis c. 4.

VII. Probatur ex illo Isaiae 6. 3. Et clamabant alter ad alterum, & dicebant: Sanctus, Sanctus, Dominus Deus exercituum, plena est omnis terra gloria ejus. Hunc textum interpretantur non solum ad catholicorum sensum Sancti Patres Ecclesiarum, verum quoque Judaeorum Doctores, & Sinagogae Rabbini. Ex Patribus sufficiat Ambrosius lib. 2. de fide ad Gratianum c. 4. Quid sibi vult sub uno sanctitatis nomine trina repetitio? Si trina repetitio, cur una laudatio? Si una laudatio, cur trina repetitio? Trina repetitio cur, nisi quia Pater, & Filius, & Spiritus Sanctus, sanctitate unum sunt? Non dixit semel, ne Filium sequestraret: Non bis, ne Spiritum Sanctum præteriret: Non quater, ne creaturas conjungeret, & ut ostenderet, Trinitatis unam esse Deitatem, cum ter dixisset Sanctus, Sanctus, Sanctus, addidit singulariter, Dominus Deus Sabaoth. Ex Rabbinis adducimus R. Simeonem dicentem: Sanctus hic est Pater; Sanctus hic est Filius; Sanctus hic est Spiritus Sanctus. Quod refert Galatinus, a Frassen citatus, qui ex eodem pariter refert, Talmudistas statuisse, ut præfatum Triflagium bis in die, mane scilicet, & vespere, ab unoquoque Judaeorum diceretur; quod nos quoque alibi diximus.

VIII. Probatur iterum ex verbis Genesim 19. 24. Igitur Dominus pluit super Sodomam, & Gomorram, sulphur, & ignem, a Domino de celo. Ubi adnotanda sunt verba, Dominus a Domino; scilicet Filius distinguitur a Patre in Persona; quanvis in operatione sit unum & idem cum illo; pluit super Sodomam, & Gomorram. Hoc Scripturarum testimonio utitur contra Judaeos Justinus Martir, & Philosophus in Dial. cum Tryphonie; utitur Irenæus lib. 3. advers. haereses c. 7. Et denique tantam vim habere contra Sabellianos judicarunt Patres Concilii Sirmii, ut dixerint anathema contra Photinum, & alios, qui idem testimonium in aliud sensum reportarent. Si igitur pluit Dominus a Domino, non de Filio, & Pater intelligat, sed ipsum a se dicat pluuisse, anathema sit. Pluit enim Dominus Filius a Domino Patre.

IX. Probatur ex verbis Psalmi 2. 7. Filius mens es tu; ego bodie genui te. Verba quidem hæc intelligi haud possunt de Davi-

de, aut de aliquo alio, præter Messiam; de quo vere ea intellexerunt Judæi, qui Christi tempore vivebant. Christus enim iisdem verbis utebatur Matth. 22. 44, ut se Filium Dei contra Judæos esse probaret. Si ergo de Messia intelliguntur, ut Judæi concedebant; ergo pariter de Filio intelligi oportet: ergo jam David in spiritu cognovit Filium in Trinitate: ergo Patrem quoque: ergo &c. De Filio etiam intelliguntur verba Psal. 2. 8: Dabo tibi gentes hereditatem tuam, & possessionem tuam terminos terræ; item verba Psalmi 109. 1. Dixit Dominus Domino meo: sede a dextris meis; ubi Deus Pater alloquitur Filium a se genitum; subdit enim: Ex uero ante Luciferum genui te. In quibus semper inauit Personarum distinctio; non enim eadem Persona potest sibi mettere dicere, vel sede a dextris meis; vel dabo tibi hereditatem; vel ego bodie genui te:

X. Probatur ex illo Isaiae 48. 16. Ex tempore, antequam fieret, ibi eram: Et nunc Dominus Deus misit me, & Spiritus ejus. Hieronymus in Isa. hoc pacto verba ista interpretatur: Quando siebant omnia a Patre, ipse (intellige, Filius) erat cum eo, cui audebat, qui etiam nunc dixit; ego, qui semper eram cum Patre, & cum Patre, & sine Patre nunquam eram: Etiam nunc loquor, & juxta fragilitatem carnis assumpta dico, quod Dominus Deus miserit me, & Spiritus ejus: Breuique versiculo Trinitatis nobis ostenditur Sacramentum.

Argumenta in contrarium, quæ possent Judæi afferre, in Dissert. CI. Lectores inventent soluta; eadem enim sunt, quæ possunt, & contra Trinitatis possibilitatem, seu non repugnantiam, fieri, & quæ fieri possunt contra ejusdem existentiam. Atamen quia illa ex naturali ratione desumpta sunt, alia hic afferimus, quæ ex veteris testamenti auctoritate desumuntur.

Arguunt igitur Judæi I. Psal. 85. 10. Tu es Deus solus: ergo non est in Deo societas Personarum. II. Deuteronom. 6. 4. Audi Israel: Dominus Deus noster, Dominus unus est: ergo ita est essentialis Deo unitas, ut non sit Deus, si non sit unus. III. Deuter. 4. 35. Ut scires, quoniam Dominus ipse est Deus, & non est alius, præter eum: ergo non est alius Deus præter Deum Patrem. IV. Ex S. Epiphonio in Anchorato habemus: Una Deitas a Moyse præcipue annunciatæ est; Personarum dualitas vehementer a Prophetis prædicata: Trinitas vero Personarum in Evangelii manifesta facta est: ergo non est verum, quod in veteri in testamento Tri-

nitatis Personarum sit mentio, V, Psal. 61.  
12. *Semel loquutus est Deus, duo haec audiri.* Hebræus textus legit: *Unum loquutus est Deus;* Aut ergo per hoc unum nihil intelligitur; aut si intelligitur, una Persona intelligitur, & deficit tertia: ergo vere in veteris testamenti libris omnes tres divinæ Personæ non exprimuntur, VI. Sicut Trinitas est post Christi adventum, ita erat ante Christi adventum; & sicut erat vera tunc, ita & postea; & quemadmodum credibilis fuit postmodum, sic & prius ergo vel tunc tenebantur eam Fideles credere, vel nunc non tenentur.

Respondemus ad I. Deum dici solum per exclusionem aliorum Deorum, non vero per Personarum exclusionem. Et sic dicitur pariter Baruch 3. 36. *Hic est Deus noster, & non estimabitur aliis adversus eum;* Et num. 38. subdit: *Post hac in terris visus est, & cum hominibus conversatus est.* En, quomodo sit sermo de aliis Diis, qui excludentur, per hoc quod Deus sit solus, non vero de Personis, quæ potius incliduntur.

Ad II. diximus in Probatione quinta huiusc Dissertationis, verba haec esse potius pro Trinitatis mysterio, quam contra illud; etenim per eadem indicatur simul, & naturæ unitas, & Personarum Trinitas; ut ibi fuit explicatum.

Ad III. Clara sunt verba, ut quilibet possit in iisdem agnoscere, excludi alium Deum, non vero Personas. Utique

Dominus ipse est Deus, & non est aliis Deus praeter ipsum; sed stat cum hoc, quod in hoc uno Deo, extra quem non est aliis in natura, identificantur in eadem natura divina tres Personæ, quæ sunt inter se realiter distinctæ.


Ad IV. Non diximus nos, in veteri testamento Trinitatis mysterium fuisse clare, & expressè revelatum, sed tamquam implicite omnibus, & singulis, majoribus vero expressè, & explicite. Quod docet Angelicus. *Ante Christi adventum fides Trinitatis erat occultata in fide Majorum; sed post Christi adventum manifestata est mundo.* Et hoc ipsum intendit Epiphanius,

Ad V. Augustinus intelligit verba illa pro Trinitatis mysterio, non contra illud. Etenim in Psal. 61. haec scribit: *Apud semel loquutus est, quia unum Verbum genuit Deus, per quod facta sunt omnia.* Quod autem tertia Persona non exprimatur, nil officit, quia alibi exprimitur; sufficit, quod exprimantur pro modo duas, & non unam, ut Adversarii intendebant.

Ad VI. Erat Trinitas ante Christi adventum, erat vera, erat credibilis, sed non erat ab omnibus credenda, quia non erat omnibus, & singulis sufficipter revelata; cuiusmodi est nunc, & proinde modo omnes, & singuli debemus eam expressè credere. Nec modo pariter omnia quæ sunt in Deo, sunt nobis revelata; & tamen vera sunt, credibilia sunt, & non credenda.

## DISSE

### *De existentia Trinitatis Personarum ex novo Testamento contra Heterodoxos.*



I. Robatur ex illo Joannis 1. 1. In principio erat Verbum, & Verbum erat apud Deum, & Deus erat Verbum. In his verbis distinguitur Verbum a Deo Patre; quia dicitur esse Verbum apud Deum: ergo apud alium; nemo enim dicitur esse apud semetipsum. Non distinguitur autem ratione naturæ; quia idem Verbum ibidem dicitur, quod est Deus; unde eandem naturam, eandem scilicet divinitatem, cum Deo Patre habet. Remanet ergo, ut distinguatur Persona: ergo sunt plures Personæ in una natura, quod erat probandum. Hoc argu-

mentum usitatur Tertullianus aduersus Præiam c. 26., hoc idem adhibet Athanasius oratione contra Sabellii Gregales.

II. Probatur I. Joannis 5. 7. *Tres sunt, qui testimonium dant in celo, Pater, Verbum, & Spiritus Sanctus; & hi tres unum sunt.* Et tres sunt, qui testimonium dant in terra, *Spiritus, aqua, & sanguis; & hi tres unum sunt.* Tres isti, qui sunt in celo, non sunt Angeli; Angeli enim sunt plusquam tres. Sunt ergo Personæ divinæ, quæ quidem ternarium numerum faciunt, & Trinitatem constituant. Neque Adversarii dicant, verba illa; *tres sunt, qui testimonium dant in celo;* a solo Hieronymo legi, non vero ab aliis

aliis Patribus: ergo revera in sacro textu non sunt: Non dicant quidem; etenim præter Hieronymum producimus S. Cyprianum, qui eadem legit lib. de unitate Eccles; Fulgentium lib. contra decem objectiones Arianorum; Idacium Clarum lib. cont. Varimadum Arianæ Sectæ Diaconum; alios quoque refert Jueninus Disser. 1. de Trin. c. 2. Profertur etiam Epistola prima Hygini Papæ; sed de ejus genuitate non conveniunt Eruditi omnes. Alias Arianorum responsiones afferemus, quando de Personarum unitate in essentia tractabimus; hic solum de Trinitate agimus, contra quam nil aliud, circa hæc verba, opponunt.

III. Probatur Joannis 20. 30. *Ego, & Pater, unum sumus.* En Personarum distinctio in his verbis; *Ego, & Pater.* En naturæ unitas, in verbo *Unum.* En denuo Personarum Trinitas in verbo *Sumus.* Sic eadem intelligit Augustinus lib. 5. de verbis Domini: *Quod ait, Unum, audiant Ariani; quod ait, sumus, audiant Sabelliani; & nec illi aequalis, nec illi alterum, negando sint vani.* Idem Augustinus tract. 36. in Joann. sic iterum argumentatur: *Non dicit Pater ego sum, aut Ego, & Pater unum est; sed cum dicit, Ego, & Pater unum sumus, utrumque audi, & unum, & sumus, & a Charybdi, & a Scylla, liberaberis.* In duobus istis verbis, quod dixit unum liberat te ab Ario; quod dixit sumus, liberat te a Sabellio. Si unum: non ergo diversum: Si sumus: ergo & Pater, & Filius. Sumus enim non diceret de uno: Sed unum non diceret de diversis.

IV. probatur. Joannis 14. 7. *Si cognovissetis me, & Patrem meum utique cognovissetis;* & amodo cognoscetis eum, & vidistis eum. Et n. 9. Philippe, qui videt me, videt & Patrem meum. Et n. 10. Non creditis, quia ego in Patre, & Pater in me est? Et n. 16. Et ego rogabo Patrem, & alium Paraclitum dabit vobis; ut maneat vobiscum in æternum. Et n. 26. Paraclitus autem Spiritus Sanctus quem mittet Pater in nomine meo. Et cap. 15. n. 26. Cum venerit Paraclitus, quem ego mittam vobis a Patre, Spiritum veritatis, qui a Patre procedit. Ex his præmissis testimonii sic argumentamur. Ubi est alius, & alius, ibi est distinctio Personarum, sed inter Patrem, & Filium, & Spiritum Sanctum, est alius, & alius: ergo inter ipsos est realis distinctio Personarum. Minor probatur. Etenim non potest esse realiter eadem Persona visa, & non visa, cognita, & non cognita, missa, & non missa, procedens, & non proce-

*PAR. II.*

dens: ergo debent esse plures Personæ: ergo inter Patrem, & Filium, & Spiritum Sanctum, est alius, & alius.

V. probatur ex illo Matth. 28. 19. *Euntes ergo docete omnes Gentes, baptizantes eos in nomine Patris, & Filii, & Spiritus Sancti.* Quibus verbis non solum innuitur unitas naturæ per vocem *in nomine*, sed etiam Trinitas Personarum per voces *Patris, & Filii, & Spiritus Sancti.* Et particula illa *Et*, replicata in expressione cujuscunque Personæ, denotat non solum diversitatem vocis inter Personas, vel significatioonis, vel connotationis, ut Hæretici dicunt; sed quoque realem diversitatem inter Personas, tanquam inter res, & res. Non enim dicimus, loquentes de uno, eodemque homine, qui vocatur Joseph Antonius Maria, & Joseph, & Antonius, & Maria; qui loquendi modus indicat tres Personas, & non unam. Sed dicimus absolute absque *Et Joseph Antonius Maria.* Denique Ariani vicii ab illa voce *in nomine*, de medio eam tollere conati sunt, dicendo, quando baptizabant: *Baptizo te in Patre, & Filio, & Spiritu Sancto.* Quod refert Athanasius lib. 7. ad Teophilum.

VI. probatur Matth. 3. 16. & 17. *Et ecce aperti sunt Cœli, & vidit Spiritum Dei descendenter sicut columbam, & venientem super se: Et ecce vox de cœlis dicens: Hic est Filius meus dilectus, in quo mihi complacui.* Marci 1. 10. & 11. *Vidit cœlos apertos, & Spiritum tanquam columbam descendenter, & manentem in ipso.* Et vox facta est de cœlis: *Tu es filius meus dilectus, in te complacui.* Et Lucæ 3. 21. & 22. *Et Iesu baptizato, & orante, apertum est cœlum: & descendit Spiritus Sanctus corporali specie sicut columba in ipsum:* Et vox de cœlo facta est: *Tu es Filius meus dilectus, in te complacui mihi.* In his verbis exprimitur Pater, qui dicit: *Hic est Filius meus dilectus &c.* Exprimitur Filius, qui in Jordane baptizatur, & de eo dicitur: *Hic est Filius meus &c.* Exprimitur Spiritus Sanctus, qui in columba specie apparuit: *Kedit Spiritum Dei descendenter &c.* Tres ergo Personæ exprimuntur, Pater, Filius, & Spiritus Sanctus.

Respondent Sociniani, I. Qui appellatus est Filius, non est Filius naturalis, seu consubstantialis Patri; sed dictus est Filius per unionem quandam, quam habet cum Deo Patre per charitatem. Ac proinde Filius appellatus est Christus, qui per unionem illam per charitatem dicitur largo modo

E 2 Deus.

Deus . II. nomine Spiritus Sancti venire virtutem tantum Divinitatis , qua fuit Christus in baptismo abunde cumulatus ; non vero intelligi Personam a Deo Patre distinctam .

Contra I. Responsionem dicimus primo, quod etiam Christus est vere , & proprie Deus, ut suo loco contra Nestorium probabimus ; & hoc ratione substantialis unionis naturae humanae cum Persona Verbi: Unde etiam Verbum est Deus vere , & proprie , & vere, & proprie Filius . Secundo Christus in loco illo non dicitur Filius unicunque; sed dicitur tali modo , ut vere possit cognosci , quod non dicitur Filius per adoptionem , quemadmodum dicuntur alii , sed per naturam , ut dicitur ipse solus . Quis enim credit , Patrem voluisse Christum Filium suum declarare per illa verba : *Hic est Filius meus dilectus , in quo mibi complacui : non excellentiori modo , quo cæteri Filii sunt ? Si ergo cæteri sunt adoptivi , Christus est naturalis Filius ; quum non sufficiat ad verba illa verificanda , quod sit Filius adoptivus modo nobiliori , ut Sociniani intendunt .*

Contra vero II. Responsionem dicimus, verba illa in Evangelio tum Matthæi , tum Lucee , non indicare virtutem , sed Personam . Dicitur enim : *Et descendit Spiritus Sanctus corporali specie sicut columba in ipsum . Descensus utique est personalis actio , quæ nunquam dicitur , nec dici potest , de Dei virtute , de Dei proprietate , sed tantummodo de Persona . Cæterum communiter Ecclesiæ Patres in citatis Evangelii verbis tres Personas agnoscunt ; scilicet Patrem loquentem; Filium , quem alloquitur ; & Spiritum Sanctum super Christum descendenter . Nunquid enim credere quisquam poterit , quod Spiritus Sanctus supra Christum descendere , si non esset cum Patre , & Filio , ejusdem naturæ , potentiae , & auctoritatis ?*

VII. probatur ex I. Joannis 4. 13. , & 14. *Quoniam de Spiritu suo dedit nobis . Et nos vidimus , & testificamur , quoniam Pater misit Filium suum Salvatorem Mundi . Ubi observare oportet ; quod in his verbis fit mentio expressa de Patre, Filio , & Spiritu Sancto ; & quidem non tanquam de quatuor nominibus , seu synonimis , rem eandem significantibus ; ut Sabelliani delirabant ; sed tanquam de tribus Personis , realiter existentibus , & realiter inter se distinctis . Non enī convenit nomini , sed Personæ , quod mittat , & mittatur ; quod donet , & sit donum ; unde si Patri,*

& Filio , & Spiritui Sancto hæc applicantur ; dicendum est omnino , Patrem , & Filium , & Spiritum Sanctum , non esse tria tantum nomina distincta , aut synonymos varios , sed esse veras , & reales Personas , inter se quidem realem habentes distinctionem , sed in propria essentia habentes quoque realem identitatem , & omnimodam unitatem .

VIII. probatur ex Epistola ad Titum 3. 4.

*Cum autem benignitas , & humanitas apparuit Salvatoris nostri Dei : Non ex operibus iustitiae , quæ fecimus nos , sed secundum suam misericordiam salvos nos fecit , per lavacrum regenerationis , & renovationis Spiritus Sancti ; quem effudit in nos abunde per Jesum Christum Salvatorem nostrum . In verbis hisce tres designantur Personæ ; nimirum Persona , quæ effudit Spiritum Sanctum ; Persona , per quem effudit Spiritum Sanctum ; Persona , quæ est Spiritus Sanctus effusus . Prima est Pater , secunda est Filius , tertia est Spiritus Sanctus .*

IX. probatur ex Epistola ad Romanos 11.

36. *Quoniam ex ipso , & per ipsum , & in ipso , sunt omnia : Ipsi gloria in secula . Amen .* Quum ter prioribus verbis exprimatur Deus , Trinitas Personarum ostenditur ; quum vero in singulari dicatur , ipsi gloria in secula , unitas naturæ manifestatur . Quod confirmat Apostolus 11. Corinth. 13. 13. *Gratia Domini nostri Jesu Christi , & charitas Dei , & communicatio Sancti Spiritus sit cum omnibus vobis .* Ubi pariter aperta fit mentio de Deo Patre , per verba , charitas Dei ; de Deo Filio , per verba , Gratia Domini nostri Jesu Christi ; de Deo Spiritu Sancto , per verba , & communicatio Sancti spiritus sit cum omnibus vobis . Et quidem hæc tria intelligi nequeunt de una , eadēque Persona ; tum per replicationem particulæ . Et quæ reperitur in primis verbis ; tum per diversas expressiones , & quidem realiter distinctas , quæ in alteris verbis observantur .

X. probatur ex illo Apocalypsis 4.8. *Et quartuor animalia , singula eorum habebant alas suas ; & in circuitu , & intus plena sunt oculis : & requiem non habebant die , ac nocte , dicentia : Sanctus , Sanctus , Sanctus , Dominus Deus omnipotens , qui erat , & qui est , & qui venturus est .* En in his verbis Trinitas Personarum ; per illa : Sanctus , Sanctus , Sanctus ; en unitas naturæ , per illa ; Dominus Deus Omnipotens . Et similia sunt quidem Isaiae verbis , quæ in præterita Dissertatione contra Judæos exhibuimus .

XI. pro-

**XI.** probatur ex Joann. 17.3. *Hac est autem vita eterna, ut cognoscant te solum Deum verum, & quem misisti Iesum Christum.* Quorum verborum sensus hic est, ut docet Alphonsus de Castro adv. hæres. lib. 5. verb. Deus, hæres. 5. ut cognoscant Te, & quem misisti Iesum Christum, esse solum verum Deum; & rationem adducit, dicens; quia quum Patrem, & Iesum Christum conjunctione copulativa numerasset, eos dixit, esse verum Deum. Unde ex verbis dictis colligimus, & Personarum pluralitatem, & naturæ unitatem.

**XII.** probatur ex verbis Joannis 8. 16. & seqq. *Et si judico ego, iudicium meum verum est, quia solus non sum: Sed ego, & qui misit me, Pater.* Et in lege vestra scriptum est; quia duorum hominum testimonium verum est. *Ego sum, qui testimonium perhibeo de me ipso: & testimonium perhibet de me qui misit me, Pater.* Ex quibus verbis sic argumentatur citatus Alphonsus de Castro. „Si enim Pater, & Filius, una est Persona, ut Sabellius sonnivit, Filius, solus esse dicitur, etiamsi cum illo sit Pater: Quemadmodum dicerem, solum Tullium scripsisse Tusculanas Quæstiones, etiamsi Cicero scripsiterit eas, quoniam Tullius, & Cicero una est persona, quanvis diversa sint nomina. Quod vero sequitur, apertius adhuc est. Volens enim probare testimonium suum esse verum, citavit pro se legem dicentem, duorum hominum testimonium esse verum. Cum ergo ipse, & Pater illud testimonium perhiberent, oportet, ut illud sit verum. Ecce quo arguento Phariseos convincit. Si vero Pater, & Filius una esset Persona, male argumentaretur, nec bene pro se legem citaret; quia lex testimonium duorum probat, non testimonium unius. Oportet ergo, ut Pater, & Filius duæ sint Personæ, si Christi argumentum alicujus est valoris. His efficaciora, & clariora, dare, impares nos omnino fatemur; hinc ab ulterioribus abstinemus, & ad Contrariorum solvenda argumenta pergi mus.

Opponunt Heterodoxi I. Joannis 10. 30. dicitur: *Ego & Pater unus sumus:* ergo sunt una persona, & pluralitas cadit potius in nominibus, quam in Personis. II. Joannis 14. 10. *Ego in Patre, & Pater in me est:* ego Pater, & Filius sunt una Persona, quæ est tantum duobus nominibus distincta. III. Quando omnia quæ sunt in uno, sunt etiam in altero, non est inter eos distinctio; sed omnia, quæ sunt in Patre,

sunt in Filio: ergo non est inter eos distinctio. Minor probatur ex illo Matth. 11.27. *Omnia mihi tradita sunt a Patre meo; ex illo Joannis 16. 15. Omnia quæcumque habet Pater, mea sunt; ex illo Joannis 17. 10. Et mea omnia tua sunt, & tua mea.* IV. ad Timotheum 1.17. *Regi seculorum, immortali, invisibili, soli Deo: Ergo Deus solitarius est; atque solitudo nequit stare cum Personarum pluralitate: ergo plures Personæ non sunt in Deo admittendæ.* V. Ad Ephesios 4. 6. *Unus Deus & Pater omnium, qui est super omnes, & per omnia, & in omnibus nobis:* ergo non est alius Deus præter Patrem. VI. I. Corinth. 6. *Nobis tamen unus Deus Pater, ex quo omnia, & nos in illum: Et unus Dominus Iesus Christus, per quem omnia, & nos per ipsum:* Solus ergo Pater dicitur Deus, & non Jesus Christus: ergo tantum est Deus una Persona, quæ dicitur Pater, & non sunt aliæ Personæ. VII. Joannis 17. 3. *Hec est autem vita eterna, ut cognoscant te solum Deum verum, & quem misisti Iesum Christum:* ergo solus Pater est Deus, & non alia Persona ultra ipsum. VIII. Solus Pater dicitur in Scripturis sanctis Deus Abraham, Deus Isaac, Deus Jacob: ergo solus Pater est Deus. Probatur antecedens ex illo Actorum 3. 13. *Deus Abraham, & Deus Isaac, & Deus Jacob, Deus Patronus nostrorum, glorificavit Filium suum Iesum, quem vos quidem tradidistis, & negastis ante faciem Pilati, judicante illo dimitti;* quibus verbis Pater, & non Filius dicitur Deus: ergo solus Pater dicitur in Scripturis sanctis Deus Abraham, Deus Isaac, & Deus Jacob.

Respondemus ad I. verba illa Joannis intelligenda esse, ut ea intelligit, & explicat, Augustinus, pluribus in locis, a nobis adductis in tertia probatione hujus Dissertationis; scilicet, per unum intelligi unitatem naturæ; per sumus intelligi Trinitatem Personarum. Et ultra Augustini explicationem, aliam subdimus Gregorii Nazianzeni lib. de Fide: *Vnum ad unitatem Divinitatis refert; sumus autem Personis adsignat.* Aliani quoque subiectimus Tertulliani lib. 4. cont. Marcionem, ubi expōnens illud I. Joannis 2. *Tres sunt, qui testimonium dant in cœlo, Pater, Verbum, & Spiritus Sanctus; & hi tres unum sunt;* hæc scribit: *Qui tres, unum sunt, non unus, quomodo dictum est, ego, & Pater unus sumus?* Et responder: *Ad substantiam unitatem, non ad numeri singularitatem.*

Ad II. dicimus, quod verba illa pariter sancti

Eti Patres intelligunt de Personarum distinctione, non vero de earundem identitate. Sic S. Athanasius dialog. 3. de Trinitate. Et S. Hilarius lib. 4. de Trinit. explicans illud Isaiæ 43. & 44., quod cum allatis verbis habere videtur similitudinem: *Tantum in te Deus, & non est absque te Deus; vere tu es Deus absconditus; hæc habet: Habitantem ab eo, in quo habitat, discernens Isaias, Personæ tantum distinctionem; non generis: Deus enim in eo est, & in quo est Deus, Deus est; non enim Deus in diversa, atque alienæ a se naturæ habitaculo est.* Verba adeo sunt clara, ut nostra explicatione non egeant.

Ad III. Patres ex verbis illis colligunt Personarum Trinitatem; quia nemo dat sibi ipse, sed alteri; & Pater dedit omnia Filio, præter esse Patrem. Unde Concilium Florentinum in literis unionis docet: *Omnia, quæ Patris sunt, ipse Pater unigenito Filio suo gignendo dedit, præter esse Patrem.* Hoc ipsum docuerat Nazianzenus orat. 44. in S. Pentecosten. *Omnia quæcumque Pater habet, sunt Filii, præterquam ingenitus non est: Omnia quæcumque Filius, Spiritus Sancti sunt, si generationem excepteris.* Vere tamen exceptio hæc in prædictis verbis subintelligitur, & continetur; quod clare docet Athanasius orat. 4. cont. Arianos: *Sed ne quis videns Filium habere omnia quæcumque Pater habet ex indiscreta similitudine eorum, quæ babentur, Sabelliano more deceptus, impie sentiat; existimetque Filium etiam Patrem esse: Ea de causa hoc verbum prolatum est: Datum est mibi, & accepi, & traditum est mibi, nulla alia de causa, quam ut ostenderet, se Patrem non esse.* Et post non multa expendens illud Joannis 5. Quemadmodum Pater habet vitam in semetipso, ita quoque Filio dedit, vitam habere in semetipso; subdit: *Nam ex hac voce dedit indicat se esse Patrem non esse; ex ipso autem dicto ita Filii similitudinem, proprietatemque cum Patre significat.*

Ad IV. Deus est quidem solus, at non est solitarius. Solus importat alterius Dei exclusionem; & hoc pacto Deus est solus. Solitarius vero dicit exclusionem Personæ; & ita Deus non est solus. Verba præfata intelliguntur primo modo; non autem secundo. Cæterum ipsem Christus Joan. 10. dicit: *Solus non sum; sed ego, & qui misit me, Pater.* Et in lege vestra scriptum est; *quia duorum hominum testimonium verum est: Ego sum, qui testimonium perhibeo de me ipso, & testimonium perhibet de me qui misit me Pater.* Athanasius ad hæc verba,

ita loquitur contra Gregales Sabellii: *En-  
tibi duas Personas, & nisi dicas vere duos esse,  
cum hæc loquitur, non permittis testimonium  
verum existere; id enim testimonium confir-  
mat, sed si non ab uno, sed a duobus perbi-  
beatur.*

Ad V. Utique unus est Deus Pater, & non est aliis Pater; & hoc si explicare velimus verba illa cum coniunctione copulativa Deus, & Pater. Possumus tamen dicere, unum esse Patrem omnium, quatenus omnes sumus filii adoptivi ipsius; & sic Patrem in hoc loco non intelligi de operatione ad intra, sed de operatione ad extra; & idem est dicere esse Parrem omnium, ac esse omnium Creatorem. Et hoc pacto unus est Creator, & est Pater, Filius, & Spiritus Sanctus; quia creatio, quum sit operatio ad extra toti simul Trinitati con-  
venit.

Ad VI. Pater dicitur unus cum exclusione inanum Deorum, quos adorabant Gen-  
tes. Non vero dicitur unus cum exclusione Filii. Et ratio est; quia in iisdem verbis eodem modo Pater dicitur unus Deus, quo Christus dicitur unus Dominus; sed Christus non dicitur unus Dominus cum exclu-  
sione Patris: ergo nec Pater dicitur unus Deus cum exclusione Filii, & Spiritus Sancti. Minor negari non potest; quia esse dominum toti Trinitati convenit, adeoque Patri, & Filio, & Spiritui Sancto.

Ad VII. Verba illa Joannis exponi debent; ut nos eadem cum Alphonso de Castro in Probatione XI. exposuimus; & ita exposita faciunt potius pro nobis, quam contra nos. Verum adhiberi pariter potest re-  
sponsio, quam alibi dedimus; scilicet Pa-  
trem vocari Deum solum, & verum, ad exclusionem Deorum, qui non sunt nec soli, nec veri. Ita Athanasius orat. 4. cont. Arianos: *Quapropter cum Pater solus Deus, & verus, appellatur, non ad exaltationem ejus appellatur, qui dicit: Ego sum veritas; sed ad demolitionem eorum, qui ex natura-  
tales non sunt, qualis est Pater, & Patris Ver-  
bum; neque veri Dii sunt.*

Ad VIII. dicitur, quod in Scripturis sanctis Deus Abraham aperte opponitur Filio, ut est homo, non vero ut est Verbum. Deus enim Abraham dicitur, quod glorificavit Filium suum, in quantum scilicet erat humana carne induitus, non vero prout erat Verbum, altera scilicet Trinitatis Persona. Hoc probatur; quia Deus Abraham illum Filium glorificavit, per quem novissime loquutus est nobis; ut ait Apo-  
stolus eodem loco; sed non loquutus est nobis

nobis per Filium, ut est Verbum, & se-  
cunda Trinitatis Persona, sed per Filium,  
prout est Verbum cum humana carne

unitum, hoc est per Christum: ergo Chri-  
stum, ut est homo, glorificavit.

# DISSERTATIO CIX.

## *De existentia Trinitatis Personarum, ex Eccle- siae definitionibus, Patrum traditione, & theologicarum rationum momentis.*

**D**ebatur I. ex Conciliis. Conci-  
lium Aquilejense, celebratum  
ann. 381., cui praefuit S. Am-  
brosius, Mediolanensis Episco-  
pus, sub Damaso Papa, & Gra-  
tiano Imperatore. Scimus controversiam  
de hoc Concilio esse, quam innuit Bail;   
accusam ex libro Synodico, quem latine  
reddidit Puppus, & Argentorati editus  
est ann. 1601., & denuo Lutetiae Parisio-  
rum ann. 1661, constat, vere hoc Conci-  
lium fuisse coactum contra duos Arianos  
Episcopos, Palladium, & Secundianum, &  
in eo Personarum Trinitatem agnoscere  
omnes, & proclamasse. Cartaginense ann.  
217., & fuerunt in eo Episcopi 423.; ut  
asserit Dominicus a SS. Trinitate in bi-  
blio, theolog. t. 5. par. 2. lib. 4. sect. 11,  
c. 3. At apud Bail, ceterosque, hunc nu-  
merum non invenimus. Celebratum ajunc  
tempore Zephyrini Papæ, ut se oppone-  
ret Concilio Africano, coacto eodem an-  
no ab Agrippino, Cartaginensi Episcopo,  
in quo Rebaptizantium error firmatus  
fuerat. Baptismi occasione de Personarum  
quoque Trinitate actum est; ut remur,  
Cartaginense ann. 396., quod ordine est  
II., quanvis, vulgo inscribatur III. illi  
praefuit Aurelius Cartaginensis Episcopus,  
sub pontificatu Siricii. Bail asserit fuisse ce-  
lebratum ann. 397. In hoc Concilio ex-  
pressa inveniuntur Personarum divinarum  
mentio, quum in eodem statuatur, ut asse-  
rit S. Fulgentius lib. 2. ad Monitionem c. 2.  
omne enjuslibet honorificentia, & sacrificii  
salutaris, obsequium, & Patri, & Filio, &  
Spiritui Sancto, hoc est sancta Trinitati, ab  
Ecclesia Catholica pariter exhiberi. Tolca-  
num I. pari voto Personarum Trinitatem  
cum novendecim Episcopis agnoscit, & in  
assertione Fidei, in eodem Concilio edita,  
publicavit. Legitur enim ibi: Credimus in  
unum verum Deum, Patrem omnipotentem, &  
& Filium, & Spiritum Sanctum, visibilium,

& invisibilium factorem, per quem omnia fa-  
cta sunt in caelo, & in terra, unum Deum, &  
unam esse divina substantia Trinitatem. Pa-  
trem autem non esse Filium ipsum, sed habe-  
re Filium, qui Pater non sit. Filium non esse  
Patrem, sed Filium Dei de Patris esse natura.  
Spiritum quoque esse Paracletum, qui nec  
Pater sit ipse, nec Filius, sed a Patre, Filio-  
que procedens. Celebratum est hoc Conci-  
lium ann. 400. contra Priscillianistas a  
Patrono, Toletano Episcopo, sub Anasta-  
sio Papa, & Honorio, & Arcadio, Im-  
ператорibus, Stiliconem Consule, sub die se-  
ptimo idus septembris; Bail teste, quem  
in omnibus consulere, irtuote exactum, &  
veridicum, non optimissimum.

Subdit Dominicus a SS. Trinitate Concilium  
Parisienne sub Pelagio I. ann. 567. Con-  
cilium Parisiene sub Pelagio I. ait Bail, ce-  
lebratum fuisse circa annum 555. fuit con-  
vocatum propter caussam Saphoraci, Pari-  
sensis Episcopi; praesedit, Sapandus, Arc-  
latensis Episcopus, sub Childeberto Rege;  
sed in eo nulla Trinitatis Personarum est  
mentio. Nec pariter est in altero Parisien-  
si Concilio, quod dicitur III. & fuit con-  
vocatum tempore Joannis' Papæ III. con-  
tra Sacrifilegos, & ambitiosos, circa ann.  
557. Addit idem Dominicus Concilium  
Aurelianense, quod celebratum dicit anno  
sequenti, hoc est 568. sub Joanne III. Sed  
nec pariter hoc Concilium apud Bail po-  
tuimus invenire. Invenimus Bracharense  
I., quod Dominicus a SS. Trinitate omis-  
tit, celebratum sub Theodosiro, Suevo-  
rum Rege, ann. 563. tempore Joannis  
Papæ III. contra Priscillianistas; in cap. I.  
sic legimus: Si quis Patrem, & Filium, &  
Spiritum Sanctum, non confiteetur tres Pers-  
onas unius substantia, & virginitas, ac potesta-  
tis, sicut catholicæ, & apostolica Ecclesia do-  
cat, sed unam tantum, & solitariam dicit es-  
se Personam, itaque ipse sit Pater, qui Filius,  
ipse etiam sit Paracletus Spiritus, sicut Sa-  
bellius,

belli, & Priscillianus ; dixerunt, anathema sit. Et in cap. 2. Si quis extra sanctam Trinitatem alia ( nescio qua ) Divinitatis nomina introducit, dicens, quod ipsa Divinitas sit Trinitas, sicut Gnostici, & Priscillianus, dixerunt, anathema sit.

Additur Concilium Toletanum IV. anno 643. dicit Dominicus, ann. 633. afferit Bail, celebratum; tempore Honorii Papæ I. in quo septuaginta Episcopi interfuerunt. In ejus cap. 1. legitur Confessio Fidei, in qua sic dicitur : Secundum enim divinas Scripturas, & doctrinam, quam a Sanctis Patribus accepimus, Patrem, & Filium, & Spiritum Sanctum, unius Deitatis, atque substantiam confitemour, in Personarum diversitate Trinitatem credentes, in Divinitate unitatem predicantes, nec Personas confundimus, nec substantias separamus. Concilium Toletanum VI. ann. 648. secundum Dominicum, ann. 638. juxta Bail, coadunatum, tempore Honorii Papæ I., in cuius capitulo 1. legimus: Credimus, & profitemur sacratissimam omnipotentissimam Trinitatem, Patrem, & Filium, & Spiritum Sanctum, unum Deum solum, non solitarium, unius essentiae, virtutis, potestatis, maiestatis, uniusque naturæ, discretam inseparabiliter Personis, indiscretam essentialiter substantia Deitatis, creatricem omnium creaturarum &c. Concilium Toletanum XI. habitum juxta Dominicum ann. 660. juxta Bail ann. 675. in cuius Expositione Fidei hæc leguntur: Confitemur, & credimus sanctam, atque inefabilem Trinitatem, Patrem, & Filium, & Spiritum Sanctum, unum Deum naturaliter esse, unius substantiae, unius naturæ, unius quoque maiestatis, atque virtutis. Et Patrem quidem non genitum, non creatum, sed ingenitum profitemur. Ipse enim a nullo origine ducit, ex quo & Filius nativitatem, & Spiritus Sanctus processionem accepit &c. Concilium Toletanum XII. ann. 674. ex Dominico, ex Bail vero ann. 719. coactum, circa tempora Agathonis Papæ, vel Leonis Papæ II. Et in eo santissimæ Trinitatis sit expressa confessio in Symbolo, quod in eodem inseritur.

Citat insuper Dominicus a SS. Trinitate Concilium VVormatiense, quod afferit celebratum ann. 860. Apud Bail unum. Concilium VVormatiense legimus, quod dicit habitum ann. 890. sed nulla in hoc sit Trinitatis Personarum mentio, quum tantum tradat fuisse convocatum in causa Hermanni Coloniensis, & Adelgarii, Hamburgensis, Episcoporum, de Bremen si Ecclesia contendentium. Invenimus ca-

men apud Battaglini Concilium VVormatiense, habitum ann. 868., ut dicit, & in eo assentit fuisse recitatum Symbolum, continens confessionem omnium articulorum, in generalibus Conciliis definitorum, ac declaratorum, & damnans hæreses omnes dissentientes ab iisdem. Hæc peculiaria Concilia a præfato Dominico citantur; modo adducimus generalia, quæ ab eodem quoque adducuntur.

Concilium Ephesinum I. quod est generale III. , celebratum ann. 431. sub Cœlestino Papa, in causa Nestorii ; Continetur in ipso explicatio mysterii Incarnationis, & in ea expressa est mentio Trinitatis Personarum. Concilium Chalcedonense, quod est generale IV. habitum ann. 450. sub Leone I. contra Eurychæa, & Dioscorum. In eo fuit lectum Symbolum Nicænum, & fuit ab omnibus Patribus receptum, & acclamatum; ut patet in definitione quarti Coacilii, in qua sic legitur: Et postea sancto Nicæno Symbolo, & centum, atque quinquaginta Sanctorum Patrum decreto lesto, intulerunt : Satis igitur ad perfectam veræ pietatis cognitionem, & confirmationem est, sapienter conceptum, & salutare illud divina gratia Symbolum . De Patre enim, & Filio, & Spiritu Sancto, absolutam continet doctrinam &c. Concilium Constantinopolitanum II. quod est generale V. ann., secundum Dominicum a SS. Trinitate, 500. secundum Bail ann. 553. coadunatum sub Vigilio Papa, Justiniano Imperatore; in Anathematismis sic legimus c. 1. Si quis non confitetur Patris, & Filii, & Spiritus Sancti, unam naturam, sive substantiam, & unam virtutem, & potestatem, Trinitatem consubstantialem, unam Deitatem in tribus subsistentiis, sive Personis, adorandam, talis anathema sit. Unus enim Deus, & Pater, ex quo omnia; & unus Dominus Jesus, per quem omnia; & unus Spiritus Sanctus, in quo omnia. Concilium Constantinopolitanum III. quod est generale VI. ann. 670. juxta Dominicum, juxta autem Bail ann. 681. convocatum sub Dono Papa, & celebratum sub Agathone, & terminatum sub Leone II. contra Monothelitas, tempore Constantini Pogonati Imperatoris; in cuius Actione 10. & 11. expressa habetur Trinitatis Personarum confessio, a Patribus Concilii facta. Concilium Nicænum II., quod est generale VII., ann. 780. a Dominico dictum celebratum, a Bail vero ann. 787. sub Hadriano I., & Imperatore Constantino IV., ac Irene, eius Matre, contra Iconomachos, & tempore etiam

etiam Caroli magni, Occidentis Imperatoris; in cuius Concilii definitione fidei hæc legimus: *Credimus in unum Deum Patrem omnipotentem, creatorem cœli, & terra, visibilium omnium, & invisibilium: Et in unum Dominum Jesum Christum, filium Dei unigenitum, Deum de Deo, lumen de lumine, Deum verum ex Deo vero; genitum, non factum, consubstantialem Patri ante omnia secula, per quem cuncta facta sunt.... Et in Spiritum Sanctum Dominum vivificantem, qui ex Patre, Filioque procedit, qui cum Patre, & Filio simul adoratur, & conglorificatur &c.* Concilium Constantinopolitanum IV., quod est generale VIII. habitum ann. 870. per Dominicum, per Bail vero ann. 869. inchoatum, & ann. 870. absolutum, Hadriano II. Papa, & Basilio Imperatore, in causa Photii, & Ignatii, pro Constantinopolitano Patriarchatu. Post canonem 27. hujus Concilii legimus apud Bail: "Postremo iussu Vicariorum senioris Romanæ prolatus est, & lectus terminus (ut illi vocant,) in quo per modum epilogi continentur omnia, quæ acta sunt in hac sancta Synodo. Primo ibi paucis explicantur mysteria sanctæ Trinitatis, & Dominice Incarnationis, . Et hæc sunt generalia Concilia in Oriente celebrata; modo devenimus ad illa, quæ in Occidente habita sunt.

Concilium Lateranense I. generale IX. celebratum ann. 1122. sub Callixto II., & tempore Henrici Imperatoris V., ubi interfuerunt trecenti, & amplius Episcopi, innumeri peccati Abbates, aliquæ multi. In hoc Concilio statuitur, quod ingressus in Christianam Religionem in baptismo fiat per fidem expressam superiorum Trinitatis, Incarnationis, ac Redemptionis humani generis per Christum. Concilium Lateranense IV. generale XII. habitum ann. 1215. sub Innocentio Papa III., & tempore Friderici, Regis Germaniæ, & postea Imperatoris, contra hæreses Albigensium, & Almarici, & errores Abbatis Joachimi. Ejus decretum habetur in corpore juris c. 1. de summa Trinitate, & fide catholica: Firmiter credimus, & simpliciter confitemur, quod unus solus est verus Deus, aeternus, & immensus, omnipotens, incommutabilis, incomprehensibilis, & ineffabilis, Pater, & Filius, & Spiritus Sanctus. Pater a nullo, Filius autem a solo Patre, ac Spiritus Sanctus ab utroque pariter, absque initio semper, & fine. Pater generans, Filius nascens, & Spiritus Sanctus procedens; consubstantiales, & coequales &c. Concilium Viennense;

PARTI.

quod est generale XV. coactum ann. 1311. sub Clemente Papa V., & tempore Henrici Imperatoris, contra hæreses Petri Joannis, Beguardorum, & Beguinatum. In ejus decreto de summa Trinitate, & fide Catholica, quod resertur Clement. I. sub eodem titulo, hæc legimus: *Fidei catholicæ fundamento, præter quod, teste Apostolo, nemo potest aliud ponere, firmiter inhaerentes; aperte cum sancta matre Ecclesia confitemur Unigenitum Dei Filium in his omnibus, in quibus Deus Pater existit, una cum Patre aeternaliter subsistentem, partes nostræ naturæ simul unitas &c.* Concilium Florentinum, quod est generale pariter, ann. 1439. habitum sub Eugenio IV. contra errores Græcorum in præsentia Joannis Paleologi, Constantinopolitanus Imperatoris; in decreto Eugenii expressa habetur mentio Trinitatis Personarum. Concilium Lateranense V. coactum ann. 1511. sub Julio II., & terminatum ann. 1518. sub Leone X. in orationibus antea recitatis, & in gratiarum actionibus in fine decantatis, manifestissimam Trinitatis Personarum confessionem exhibuit. Demum Concilium Tridentinum, incepsum ann. 1545., & absolutum ann. 1563. sub Pio IV. non semel, nec bis, Trinitatem Personarum apertissime confitetur.

II. probatur ex Patribus Græcis. Auctor Constitutionum Apostolicarum, quæ Clementis Romani nomine ornatae circumferentur, lib. 6. c. 11. Confitemur unum Deum, unius Filii Patrem, & non plurimum; unius Paracleti per Christum aliorum ordinum effectorem. Auctor pariter Epistolæ ad Philippenses, quæ s. Ignatii martiris nomen gerit: *Unus Deus Pater, non duo, neque tres. Unus qui est, nec aliis est præter ipsum, solus, & verus. Unus & est Filius Verbum Deus. Unus & Paracletus. Non itaque tres Pates, neque tres Filii, neque tres Paracleti; sed unus Pater, unus Filius, & unus Spiritus Sanctus. Quare & dominus mittens Apostolos ad docendum omnes gentes, præcepit illis, ut baptizarent in nomine Patris, & Filii, & Spiritus Sancti; non in unum trinominem, neque in tres in-creatós, sed in tres ejusdem honoris.* Auctor quoque libri de divinis nominibus, qui S. Dionysio Areopagitæ tribuitur, c. 1. *Quo circa in omnibus ferme sanctis libris advertimus Divinitatem sancte predicari, ut singularem quidem, atque unicam, ob simplicitatem, atque unitatem excellentis illius individui, ex quo veluti vivifica virtute in unum evadimus, dividuisse nostris alteri-*

P. tati-

## Dissertatio CIX.

catibus, supra mundanum modum comglobatis, in divinam monadem, atque unionem Deum imitantem colligimur. Ut Trinitatem vero propter divinæ fecunditatis in tribus Personis expressionem, ex qua omnis paternitas in calo, & in terra, est, & nominatur. Auctor Vitæ S. Joannis sub ficto nomine Prochori c. 5 Joannes caput eos docere de una sola Divinitate Patris, & Filii, & Spiritus Sancti, quam deberent adorare; & quod tres hypostases sint una substantia. Auctor Expositionis fidei, seu de recta confessione, quæ S. Justino Philosopho, & Martiri, tribuitur: Unum nos convenit profiteri Deum, cuius est in Patre, Filio, & Spiritu Sancto, notio; qua quidem Pater, Filius & Spiritus Sanctus, unius divinitatis existentias agnoscentes: qua vera Deus existentiarum secundum naturam, & essentiam communionem intelligentia complectentes. Unitas nanque in Trinitate intelligitur, & Trinitas in Unitate cognoscitur. Quoniam vero id modo, neque ex aliis percontari ipse velim, neque mihi ipsi persuaderem possum, rerum arcanarum, & ineffabilium rationem ut lingua latea, & carne squallida proferre audeam.

Post hos addimus alios, de quorum genuinitate librorum eruditii Critici non dubitant, si intemperantiores non fuerint. Athanagoras in Legatione pro Christianis: Deum afferimus, & Filium ipsum Verbum, & Spiritum Sanctum. Tria quidem secundum potentiam, Patrem, Filium, & Spiritum; atque vero & essentia unum. Filius enim Patris mens, Verbum, & Sapientia est; & ab eadem Spiritus, ut lumen ab igne profluit. Irenæus lib. 1. c. 2. Ecclesia per universum orbem usque ad fines terræ seminata, & ab Apostolis, & a discipulis eorum accepit eam fidem, qua est in unum Deum Patrem omnipotentem, qui fecit cœlum, & terram, mare, & omnia, quæ in eis sunt; & in unum Iesum Christum Filium Dei, incarnatum pro nostra salute; & in Spiritum Sanctum, qui per Prophetas prædicavit dispositiones Dei. Clemens Alexandrinus lib. 3, Pedagogi c. 12. Laudemus unum Patrem, & Filium: Filium inquam Pedagogum, & magistrum, una cum sancto Spiritu, qui unus est omnia, in quo omnia, & per quem omnia unum; per quem est quod semper est, cuius membra omnes, cuius sunt gloria & secula, qui est undequaque bonus, undequaque justus. Athanasius contra Sabellii gregales: Ne igitur, quasi in corpore, tria membra indivisa imaginemur, sed accipiamus indivisam coexistentiam, invicem sibi coexistentibus si-

ne ullo intervallo: Et tres cum re vera sint, unam formam intelligamus, quæ quidem incipit a Patre, sed resplendet in Filio, apparet autem, & demonstratur in Spiritu Sancto. Basilius in Hexamerone hom. 10. Dixit, faciamus hominem, ut hoc insigni dicta agnoscas Patrem, & Filium, & Spiritum Sanctum... Neutiquam dixit: Fecerunt Dii hominem, sed fecit Deus; discreta licet sit Patris, ac propria hypostasis, persona videlicet, propria item Filii, propria quoque Spiritus Sancti. Quidni igitur tres sunt? Quod una sit Divinitas. Cyrillus Hierosolymitanus Catechesi 16. Neque separamus sanctam Trinitatem, sicut quidam; neque contrahimus, sicut Sabellius; sed agnoscamus eam religiose, unum Patrem, qui misit nobis Salvatorem Filium, promittentem mittere a Patre Spiritum Sanctum Paracletum. Nazianzenus orat. 29. Unus Deus retinendus est, & tres hypostases, sive tres Personæ confitenda, & quidem unaquecum sua proprietate. Epiphanius hæres. 62. Trinitas semper est Trinitas, & nunquam Trinitas appositionem accipit, una existens Deitas, una dominatio, una glorificatio; sed Trinitas numeratur Pater, & Filius, & Spiritus Sanctus, non veluti unum quiddam tribus nominibus appellatum, sed vere perfecta nomina, perfectæ substantiae, nihil immutatum. Nyssenus ser. de Trinitate cont. Judæos. Quæ cum ita sint perspicue, & clare sancta Trinitas, Patris inquam, & Filii, & Spiritus Sancti, demonstrari, atque probari potest. Chrysostomus hom. 11. in Marcum: Nos in Trinitate credimus, non credimus in quaternitate, duas in Christo esse Personas. Si enim Christus duas Personas habet, Pater, & Filius, id est Christus, duplex est: ergo quatuor Personæ sunt. Nos ergo credimus in Patrem, & Filium, & Spiritum Sanctum.

III. probatur ex Paribus Latinis. Tertullianus advers. Præream c. 2. Perversitas hec damnanda est, quæ se existimat meram veritatem possidere, dum unicum Deum non alias putat credendum, quam si ipsum, eundemque & Patrem, & Filium, & Spiritum Sanctum dicat; quasi non sic quoque unus sit omnia, dum ex uno omnia, per substantias videbilem unitatem, & nihilominus custodiatur aequalitas sacramentum, quæ unitatem in Trinitatem disponit, tres dirigens Patrem, & Filium, & Spiritum Sanctum. Cyprianus de Orat. Dominic. In orationibus celebrandis invenimus, observasse cum Daniele tres pueros in fide fortis, & in captivitate vittores, horam tertiam, sextam, nonam, Sacramento scilicet Trinitatis, quæ in novissimis tem-

temporibus manifestari babebat. Osius Cor-dubensis in Nicena Synodo lib. 2. Divinitas non est una Persona, ut Iudei opinantur; sed tres Personae vere subsistentes, non solo nomine. Hilarius de Synodis advers. Ari-anos: *Manifesta utique Pateris vere Pateris, certaque Filii vere Filii, non quo Spiritus Sancti vere Spiritus Sancti; bisque nominibus non simpliciter, neque octofois, propositis, sed significantibus diligenter propriam anius cuiusque nominatorum substantiam, & ordinem, & gloriam, ut sint quidem per substantiam tria, per consonantiam vero unum.* Ambro-sius lib. 2. de fide c. 4. *Unus Deus, non ut ipse sit Pater, & Filius, sicut impius Sabellius assertit; sed quia Pater, & Filius, Spiritusque Sancti una divinitas sit. Ubi autem una divinitas, una voluntas, & una perecep-tio.* Hieronymus epist. 57. ad Damasum: *Interrogamus, quid tres hypostases posse arbitrentur intelligi. Tres Personas subsistentes, ajunt. Respondemus, nos ita credere. Non sufficit sensus, ipsum nomen efflagitant; quia nescio quid veneni in syllabis latet. Clamamus, si quis tres hypostases, aut tria eny-postata, hoc est tres subsistentes Personas, nos confiteatur, anathema sit.* Gaudentius tract. de Exod. *Est enim sola in Trinitate Personarum distinctio, non natura diversitas.* Au-gustinus de Trinit. lib. 1. c. 4. *Non sunt tres Dii, sed unus Deus; quaprovis Pater Piu-lum generit, & ideo Filius non sit qui Pa-ter est, Filiusque a Patre sit genitus, & ideo non sit Pater qui Filius est; Spiritusque Sanctus nec Pater sit, nec Filius, sed tantum Pateris, & Filiis Spiritus, Patri, & Filio etiam ipse coequalis, & ad Trinitatis perti-nens unitatem.* Petrus Chrysologus ser. 60. *Divinitas in Personis trina est, sed una est in Trinitate Divinitas. Personis Trini-tatis distincta est, non est divisa substantiis. Deus unus est, sed Trinitas; Deus solus est, sed non solitarius. Divinitas nec Trinitate dividitur, nec confunditur unitate.* Leo mag-nus ser. 1. de Pentecoste c. 3. *Cunque in Personarum proprietatibus. alius sit Pater, aliis Filius, aliis Spiritus Sanctus; non tam-alia deitas, nec diversa natura est.*

IV. probatur Rationibus. I. ratio est, quæ dicitur argumentum Præscriptionis, & sic proponitur a Juuenio. Argumentum Præscriptionis est, quod fundatur in fide, quam professa est Ecclesia certo seculo, & ex fide illa colligitur, antecedentibus se-culis Ecclesiam tenuisse semper fidem il-lam sine intermissione; sed hoc argumen-to demonstratur Trinitas Personarum in Deo: ergo demonstrari potest argumen-

PAR. II.

to præscriptionis. Minor probatur. Ter-tio seculo hanc fidem profitebatur Eccle-sia: ergo antecedentibus seculis eandem fidem tenebat. Probatur antecedens. Tercio seculo Sabellius in aperio posuit haeresim huic fidei conterariam; sed statim omnes orbis Ecclesiaz contra Sabellii ha-resem insurrexerunt: ergo tertio seculo hanc fidem Ecclesia profitebatur. Minor probatur. testimonii Scriptorum, qui tempore illo florebant. Primo Dionysius, Episcopus Alexandrinus, hæc scripsit Xisto, Romano Pontifici, quod refert Eusebius hist. eccl. lib. 7. c. 6. *Nam de dog-mate illo, quod nuper apud Prolemaidem, urbem Pentapoleos, commotum est, pleno im-pietatis, ac blasphemie, aduersus omnipo-tentem Deum. Patrem Domini nostri Jesu Christi; pleno etiam incredulitatis erga Uni-genitum ejus Filium, primogenitum omnis creatura, Verbum, quod inter homines ver-satum est; pleno denique superoris aduersus Spiritum Sanctum: Cum ab utraque parte & litera ad me allata essent, & Fratres mei cum differturi venissent, epistolam quasdam, quantum Deo iuvante posui, tractatoris mo-re fusi scripti, quarum exemplaria ad Te misi. Secundo Xistus, Romanus Pontifex, acceptis literis Dionysii, non accusavit illum, sed potius Sabellium, violatæ fidei. Tertio Dionysius, Romanus Pontifex, qui Xisto in Pontificatu successerat, pariter Dionysio Alexandrino adhæsit; quia a Reprapolitanis accusatus Dionysius apud ipsum, quod destrueret unitatem naturæ divinæ, admixtando Personarum divinitatem contra Sabellium; accusa-tionem apud ipsum depulit Dionysius, sed dogma semper defendit; & a Diony-sio Pontifice prædicto tam depulito ac-cusationis, quam dogmaris defensio, ac-ceptata fuit; ut restatur Athanasius lib. de sententia Dionysii adversus Arianos con-scriptio. Hispositis, sic discurrimus. Si ter-tio Ecclesiaz seculo erat in toto Ecclesia fides distinctionis Personarum, fuerat quoque eadem in secundo, & in primo seculo, & nunquam fuit immutata. Et hoc ulterius probatur, quia non assignatur ab Adversariis tempus, in quo facta fuerit mutatio illa; quia non exhibentur Scriptores, qui testentur mutationem illam accidisse; quia demum nec fuit opera Dionysii dogma illud in Ecclesiis investitum; si enim Dionysius hoc assertasse, insur-rexissent contra eum aliarum Ecclesiarum Episcopi, & ipsimet Romani Pontifices, Xistus, & Dionysius, cum non commen-das-*

F 2

daf.

dassent, sed potius redarguisserent; quod non fuit ullo modo factum.

II. Ratio dicitur ab eodem Juvenino argumentum discussionis; & sic proponitur. Argumentum discussionis est, quo veritas aliqua Scripturarum auctoritatibus, & Patrum testimoniis, firmatur; sed sic est veritas distinctionis Personarum in Deo, ergo probatur pariter argumentum discussionis. Minor probatur ex allatis a nobis Scripturarum auctoritatibus in praecedentibus Dissertationibus, & ex conjectis in hac præfenti Patrum testimoniis. Verum nos addimus, argumentum discussionis pariter esse, quando veritas aliqua fuit inter partes disputata, atque discussa; & quem fuerit pro una parte definita, semper stetit in possessione definitionis, absque eo quod ullus contra ipsam declamaverit. Sic fuit veritas Trinitatis Personarum; fuit enim discussa contra Sabellium, fuit definita, & Sabellii haeresis damnata; & usque ad decimum sextum seculum, in quo Servetus, & Socinus, contra eam insurrexerunt, per tredecim fere secula in tota Ecclesia veritas eadem in sua possessione definitionis persistit: ergo vere pro illa facit argumentum discussionis, etiam hoc modo sumptum. Et quanvis aliqui Hæretici, a nobis allati, posterioribus seculis contra eam senserint; semper tamen fuerunt ab Ecclesia repressi, atque damnati; quod est signum majoris firmatatis, quod dogma de Trinitate Personarum semper habuit in Ecclesia; unde ex hoc firmiores defumit vires argumentum discussionis.

III. Ratio probat, non posse esse in Deo nec plures, nec pauciores, quam tres Personæ. Si essent plures, quam tres, non esset unus Deus, sed plures Dii; non possunt esse plures Dii: ergo non possunt esse plures, quam tres Personæ. Probatur major: Ideo in Deo, quanvis sint in ipso tres Personæ, est una natura divina, quia prima Persona communicat secundæ suam naturam, per generationem, quæ est per intellectum; & quia prima, & secunda communicant tertiarum per spirationem, quæ est per voluntatem; sed hujusmodi communicationes essent in Deo impossibilis, si in Deo essent plures Patres, si essent plures Filii, si essent plures Spiritus Sancti: ergo si essent in Deo plures, quam tres Personæ, non esset unus Deus, sed plures Dii. Minor probatur ex S. Basilio lib. 3. con. Eunomium: Sic in Trinitate unitas ratiq conservabitur, si unum Patrem prof-

teamur, unum Filium, unum Spiritum Sanum: Ex S. Epiphanius hæret. Gq. Pater, & Filius, & Spiritus sanctus, unus Deus, Trinitas in veritate, & Mores; propereas enim unus Deus, quoniam nec duo Patres, neque duo Filii, neque duo Spiritus Sancti: Ex S. Fulgentio in Responsione ad I. Objectiōnem Arianorum: Si ambo vocarentur Patres, essent profecto natura distinctiles; unusquisque enim ex semetipso constaret, & communem substantiam: cum altero non haberet, nec Deitas una esset, quibus una natura non esset: Et in Responsione ad 5. Objectiōnem subdit: Duo quippe Ingeniti non possunt unam habere naturam, ubi nec unus in una veritate ex se generationem intenit, nec unus ex una vere in se substantiam nativitatis agnoscit.

IV. Tot esse debent divinæ Personæ, quot esse possunt Personæ improductæ, & productæ; sed istæ nequeunt esse plures, nec pauciores, quam tres; ergo tres pariter debent esse illæ. Probatur minor. Persona improducta non potest esse, nisi una; Personæ productæ non possunt esse, nisi duæ: ergo Personæ improductæ, & productæ nequeunt esse plures, nec pauciores, quam tres. Probatur antecedens. Si Personæ improductæ essent plusquam una, essent infinitæ; non conceditur esse infinitas: ergo nec concedi debet, quod sint plusquam una. Minor est certa; quia Personæ ille improductæ infinitæ, vel essent ejusdem speciei, vel diversæ; non secundum, quia non essent divinæ; quia non haberet unaquæque perfectionem alterius: Neque primum, quia quum numero different, haberent naturam communem, ut habent homines, & non unam, & eandem naturam, ut habent Personæ divinæ. Major etiam constat; quia quicquid potest esse in pluribus, & non determinatur per aliquid a se distinctum ut sit in tot, & non pluribus, ex sua ratione potest esse in infinitis; & si est ens necessarium, de facto est in infinitis; Persona autem divina improducta non habet aliquid a se distinctum, a quo determinetur, & est ens necessarium: ergo Persona improducta si non est una, & est plusquam una, infinitæ debent esse Personæ improductæ. Veniamus modo ad Personas productas; haec non possunt esse nisi duæ; & probatur. Tot debent esse Personæ productæ, quot sunt in producente principia productiva adequata, & sufficientia diversæ rationis; atqui haec principia tantum duo sunt, intellectus scilicet, & voluntas: ergo duas

go duas tantum sunt personæ productæ. Hoc totum clarius constabit, quando de divinis Processionibus loquemur. Hæc ratio est Scoti in 1. dist. 2. q. 7. & assertur a Frasset.

V. ratio est S. Bonaventuræ in 1. dist. 2. ar. 1. q. 4. Prima Persona debet esse innascibilis, & inspirabilis; & debet generare, & spirare; & hæc est Pater. Secunda Persona debet esse inspirabilis, & genita; & proinde non generare, sed spirare; & hæc est Filius. Tertia Persona, quia spiratur, & procedit a generante, & a genito, nec generat, nec spirat; & hæc est Spiritus Sanctus. Atque nec plures his, nec pauciores, excogitari posunt: ergo &c.

VI. ratio est Ricardi a S. Victore lib. 3. de Trinit. c. 20., & eam desumit ex triplici amore. Triplicem ponunt quidem amorem, gratuitum scilicet, debitum, & ex utroque permixtum: ergo tres poni debent divinæ Personæ, ut triplici amori respondeant. Probatur consequentia. Una Persona debet esse, quæ tantum donat, & in ea est amor gratuitus; & hæc est Pater. Altera Persona, quæ tantum accipit; & in ea est amor debitus; & hæc est Spiritus Sanctus. Alia Persona, quæ donat, & accipit; & in ea est amor mixtus ex gratuito, & debito amore; & hæc est Filius.

VII. ratio est, quam idem S. Bonaventura colligit ex origine. Intelligimus Personam, quæ est principium Personæ, & non est principiatum; & hæc Persona est Pater; Intelligimus Personam, quæ est principiatum, & non principium Personæ; & hæc Persona est Spiritus Sanctus. Intelligimus Personam, quæ est principium, & principiatum; & hæc Persona est Filius. Non possumus vero intelligere Personam, quæ nec sit principium, nec principiatum, quia est inintelligibilis, & impossibilis; ergo Tres tantum sunt Personæ divinæ, & non plures, nec pauciores, quam tres.

VIII. Aut admitti non debet Trinitas, quia in Deo dicit imperfectionem, vel quia Scripturæ de illa non loquuntur, vel quia Patres eam non proficiuntur, vel quia Ecclesia eam non declaravit, nec definitivit; sed quodcumque ex his dicatur, falsum est: ergo admitti debet Trinitas. Probatur major; & quidem constat apertissime, quod Ecclesia Trinitatem Personarum definierit, ex tot Conciliis, sive peculiariis, sive generalibus, quæ in hac Dissertatione adduximus; quod Patres eam

proficiuntur, ex totis ipsorum clarissimis testimoniis, quæ in hac eadem Dissertatione recitavimus; quod Scripturæ de illa loquuntur, ex totis locis, sive veteris, sive novi testamenti; quæ in praecedentibus Dissertationibus attulimus. Quod vero in Deo imperfectionem non dicat, sic probatur. Vel diceret imperfectionem, quia induceret pluralitatem naturarum, vel quia firmaret pluralitatem Personarum; atqui pluralitatem naturarum non inducit, & quod firmer pluralitatem Personarum tantum abest, ut imperfectionem dicat, quod potius perfectionem importat; ergo nullam in Deo dicit imperfectionem Trinitas Personarum. Probatur minor pro secunda parte. Perfectio est in Deo, quod sit secundus, quod sit se communicans, quod sit solus, at non sit solitarius, quod sit bonus, & ideo se ad intra communiqueret, quod sit intellectivus, & per intellectum generaret, quod sit voluntivus, & per voluntatem spiret; sed hæc omnes perfectiones in Deo supponuntur, & manifestantur per Trinitatem Personarum: ergo tantum abest ut pluralitas Personarum imperfectionem in Deo dicat, quod potius perfectionem denotat, & importat.

Arguunt I. Admittenda est in Deo generatione ex secunditate naturæ: ergo præter duas processiones est in Deo admittenda altera. Antecedens negari non potest; quia in creatis omnis generatio procedit ex secunditate naturæ. Consequentia probatur. Admittitur una processio per intellectum, admittitur altera per voluntatem; sed natura ex his est ex secunditate naturæ: ergo præter has duas admitti debet altera; sed admittendo alteram debet admitti alia Persona; ergo non tres, sed quatuor erunt divinæ Personæ. II. Quanvis sint in Deo duo principia productiva, possunt tamen esse plures Personæ productæ; ergo non est sufficiens ratio, personas productas esse duas, quia duo sunt in Deo principia productiva. Antecedens probatur. Intellectus est principium productivum verbi mentis; & tamen non unum habet productionem in creatis, nec unum verbum mentis producit; ita pariter voluntas: ergo &c. III. Superfluum reputari debet in Deo omne id, quod si auferatur, remanet Deus pari modo infinitus, & perfectus; sed si auferatur Trinitas Personarum Deus pari modo remanet infinitus, & perfectus; ergo superflua est Trinitas Personarum in Deo. IV.

Ex

**Ex Gregorio Nazianzeno orat. 13.** habemus, quod tres Personæ divinæ distinguuntur solum mente; postquam enim articulit tria divina supposita, & nominibus propriis appellavit, dixit: *Deum unum quodque si seorsim consideretur, mente videbitur ea, qua separari nequeunt, separantur.* Et orat. 35. *Unam quoque Dei essentiam, & naturam, & appellationem esse; tametsi per cogitationes quasdam distinctas nomina quoque simul distinguuntur.* V. quod est argumentum Valentini Gentilis. Qui non generat, nec generatur, non spirat, nec spiratur, non est verus Deus; sed unus Deus in essentia non generat, nec generatur, non spirat, nec spiratur: ergo unus Deus in essentia non est verus Deus. Major probatur. Nullus est Deus præter Patrem, & Filium, & Spiritum Sanctum; sed Pater generat, & spirat, Filius generatur, & spirat, Spiritus. Sanctus spiratur: ergo qui non generat, nec generatur, non spirat, nec spiratur, non est verus Deus. Minor prioris argumenti etiam probatur. Deus in essentia nil aliud est, quam ipsa essentia communis tribus; sed essentia non generat, nec generatur, non spirat, nec spiratur: ergo unus Deus in essentia non generat, nec generatur, non spirat, nec spiratur. VI. quod est argumentum Transylvanorum lib. I. c. 5. Si tres Personæ dicuntur unum in essentia, jam in Deo erit quaternitas, non Trinitas; & sic probant: Essentia, Pater, Filius, & Spiritus Sanctus, sunt quatuor nomina, & non sunt synonyma: ergo significant quatuor res diversas: ergo in Deo datur quaternitas, non Trinitas. VII. Nos in Symbolo dicimus, *Credo in unum Deum*, & scribimus virgulam, ne dicamus, *Credo in unum Deum Patrem*: ergo distinguimus Deum a Patre; atqui etiam distinguimus Patrem a Filio, & Filium a Spiritu Sancto: ergo quatuor in Deo ponimus, non tres. VIII. Persona divina vel est finita, vel infinita; si infinita: ergo una tantum esse debet: si finita: ergo debent esse infinitæ, ut infinitati essentiæ respondeant: IX. In Deo idem sunt intellectus, & voluntas, idem sunt quoque intellectio, & volitio: ergo pariter sunt idem Verbum, & Amor; Filius scilicet, & Spiritus Sanctus. X. In Deo nihil aliud est nisi essentia, & relatio; sed essentia non generat, nec generatur, relatio non generat, nec generatur: ergo nihil est in Deo, quod generat, nihil est, quod generatur: ergo in Deo non sunt Personæ.

Respondemus ad I. cum Scoto; quod in Deo admittitur productio ex fecunditate naturæ, non tanquam ex principio adæquato, sed tanquam ex principio inadæquato, & partiali. Nominis principii adæquati, & totalis respectu Filii venit intellectus, & essentia divina; respectu Spiritus Sancti venit voluntas, & essentia divina. Attamen essentia divina concurrit ut quo, intellectus, vel voluntas concurrit ut quod; & inde est, quod essentia divina non habet rationem principii distincti adæquati, & per se productivi alicujus Personæ divinæ; habet tamen aliquo modo, quatenus concurrit cum intellectu, & voluntate, licet ut quo, & non ut quod. Et quia tantum duo sunt principia adæquata productiva Personarum, duæ etiam sunt Personæ divinæ, quæ producuntur.

Ad II. dicetur, quod argumentum procedit de terminis productis, quia non sunt adæquati, tam extensive, quam intensive, omnimodæ perfectioni principii producentis, & in essendo, & in operando; isti enim quum non adæquent principium producens, possunt ab hoc produci plures, & plures. Non vero procedit de terminis productis, qui adæquant in omni modo perfectionem omnimodam principii producentis; quemadmodum est Verbum in divinis, quod adæquat omnem perfectionem sui principii productivi; & in essendo, quia est consubstantiale Patri; & in operando, quia exhaustit fecunditatem omnem divini intellectus. Idem dicendum est de Spiritu Sancto.

Ad III. negatur minor; tum quia conditio illa est omnino impossibilis; tum etiam quia sublata una persona non remaneat alia infinitæ perfecta. Ratio est, quia omnes personæ identificantur cum essentia realiter, unde in ratione essentiæ indentificantur etiam omnes personæ invicem realiter; est vero implicatio, quod afferatur unum realiter identificatum, & quod aliud subsistat; quia sequeretur, quod idem esset ablatum, & non esset ablatum, quod repugnat.

Ad IV. Nazianzenus intelligendus est, quod personæ ita sunt cum essentia identitatis, ut vix mens nostra possit uham personam seorsim ab alia concipere, & separare; & ratio est, quia per circummissionem quælibet persona habet in se duas alias, & in ratione essentiæ est idem cum illis, unde non potest ab illis realiter sejungi, ac separari. Cæterum quod Nazianzenus agnoverit veram, & realem Per-

Personarum distinctionem, sit manifestum ex verbis ipsius orat. 49. Quippe cum & hanc secundam (intelligit Scbellianam) in eodem libello damnaverim, & personarum distinctionem secundum vocabulum scripsimus, nam & nemo pro una persona potest, unum sunt, dicere, & unitatem generis nisi personis assignare. Et orat. 35. Paris impietatis est, vel Sabellii more personas connectere; vel ARII instar naturas distingue-re, ac separare.

Ad V. responderet Bellarminus lib. 2. de Christo c. 7. explicando minorem primi argumenti; sed unus Deus in essentia non generat, nec generatur, non spirat, nec spiratur; si vox unus Deus accipiatur pro personis in communi, falsa est propositio; quia verum est dicere, unus Deus in essentia generat, & generatur, spirat, & spiratur; quum ille unus Deus sit Pater, qui generat, & spirat, sit Filius, qui generatur, & spirat, sit Spiritus Sanctus, qui spiratur. Si vero vox Deus sumatur pro Deitate, propositio etiam est falsa, quia in Deo non distinguitur persona a natura. Si vero vox Deus accipiatur pro persona divina in communi, propositio est vera; quia qui non generat, nec generatur, non spirat, nec spiratur, non est persona divina. Pariter si intelligatur pro essentia ipsa, vera est etiam propositio. Sed ex hoc inferitur tantum, essentiam non esse personam divinam formaliter, non autem inferitur, essentiam non esse verum Deum. Aliam responsionem affert Bellarminus, quae est Joannis Vigandi lib. cont. novos Arianos; sed illam impugnat.

Ad VI. idem Bellarminus responderet, dicendo, illa nomina non esse synonima; & tamen non significare quatuor res, sed vel unam, si intelligantur de re absoluta, vel tres, si intelligantur de relativis. Quod docuit Augustinus lib. 1. de doctrin. Christi c. 5. Res, quibus frumentum est, Pater, & Filius, & Spiritus Sanctus est; eademque Trinitas una quedam summa res. Anselmus pariter lib. de incarn. Verbi c. 3. clarius afferit, tres personas esse tres res, & unam rem; tres res relativas, & unam absolutam. Ceterum dicit, non esse insolitum, plura nomina non synonima significare unum, sed diverso modo. Nec per hoc, quod significantur una res absoluta, & tres relativae, inferre quis potest, quod significantur quatuor res; quia res illa ab-

soluta non distinguitur re, sed ratione tantum ab illis tribus relativis; unde vere in Deo est unitas essentiae, est Trinitas Personarum, & nulla est quaternitas.

Ad VII. idem Cardinalis responderet, rationem hanc habere vim contra Benedictum Arearium Zuinglianum, qui in hist. de supplicio Valentini Gentilis c. 6. & 11. nesciens respondere ad Gentilis argumentum, quo probabat, solum Patrem esse verum Deum unum, quia in Symbolo dicitur, Credo in unum Deum Patrem, recurrat ad virgulam illam, quam dixit, ponit debere inter Deum, & Patrem. Hanc tamen virgulam non habent omnes Catechismi catholici; & antiqui Patres, qui Symbolum exposuerunt, semper verba illa legerunt absque virgula. Videndi sunt Irenaeus lib. c. 2. Cyrillus catech. 7. Rufinus in explicat, Symboli. Et quanvis virgula illa ponatur, non per hoc admittetur quaternitas; quia in hoc sensu Deus distingueretur a Patre, ut significaretur tantum, nomine Dei non comprehendi solum Patrem.

Ad VIII. idem responderet, personam divinam ut talem esse infinitam, & per consequens dicere summam perfectionem; nec potest ex hoc inferri, personam divinam esse unam tantum; sed solum hoc; ergo una est perfectio omnium personarum; quia est una, & eadem infinita perfectio in omnibus personis, sed non eodem modo; quum in Patre perfectio illa sit paternitas, in Filio filiation, in Spiritu Sancto passiva spiratio.

Ad IX. idem quoque responderet, quod minor distinctio requiritur in principiis, quam in terminis. Deus enim creat tot genera rerum, & tamen unus est. Intelleximus nos pariter tot conceptus diversos, & nihilominus unus est. Truncus producit tot ramos, & pariter unus est. Sufficit autem distinctio rationis inter intellectum, & voluntatem, ad hoc ut habeant terminos, qui realiter sint distincti.

Ad X. dicimus, in Deo esse relativam, nequit enim esse relatio, nisi sint relativae; & relativae sunt, quae generant, & generantur, quae spirant, & spirantur. De essentia vero dicitur quod dictum est in response ad primum argumentum, & in subsequentibus pariter responsionibus est replicatum.

# DISSE

# RAT

# A T I O C X.

*De Vocibus, quæ in explicando Trinitatis My-  
sterio a Sanctis Patribus, vel a Theologis  
Scholasticis usurpantur.*



Oces; quas adhibemus, explicantes quæ de Trinitate dicimus, vel propugnantes quæ pro ejusdem mysterio credimus, ne hæretici homines deridant, quasi a nobis proprio marte inventas, vel ne iidem traducant, alieno a nobis sensu venditantes easdem; hac in Dissertatione, secundum Patrum mentem, & juxta Theologorum Scholasticorum rationem, suscipimus simul, & ex vi nominis, quos signantur, expōnere, & ex vi rei, quam significant, explanare. Quis enim nescit, & Valentini Gentilis Gregales, & Transylvanorum greges, voces hæc deridere; quia contrarias eas inveniunt figuratis suis, & apprime proprias sciunt ad Catholicorum veritates explicandas, atque firmandas? Inter Nostros vero utinam non essent, vel qui eas missirando excipiunt, quia se pares ad easdem intelligendas non inveniunt; vel qui eas turpiter errando adhibent, quia nunquam earum studio ex proposito, ut decebat, se applicarunt! Ne ergo Hæretici rideant, & ne, si qui sunt, ex Catholicis non volentes quidem, aliquando errent; harum omnium explicationes in hac peculiari Dissertatione afferre, non incongruum visum est. Quod etiam juabit, ut Sanctorum Patrum loquendi modum percipientes, eorundem verba juxta catholicum sensum, ut vere debet, intelligamus.

Cardinalis Bellarminus t. 1. controv. lib. 2. de Christo c. 2. hanc eandem provinciam sumens, quæ sequuntur nomina sibi explicare proponit. *Essentia, Homousios, Hypostasis, Substantia, Persona, Proprietas, Relatio, Notio, Circumfessio, Trinitas.* In quibus explicandis vult primo refellere quæ Transylvani lib. 2. c. 9. in iisdem in communi reprehendunt; deinde sigillatim vult easdem exponere. Et quidem Transylvani dicunt, hujuscmodi nomina, eti profana, a Catholicis adhiberi quinque ob causas. Quarum prima est, quia censem, ea utilia esse ad Hæreticos.

confutandos; secunda, quia Patres iisdem nominibus usi sunt; tercia, quia juvant nos, non ut aliquid dicamus, sed ut non taceamus; quarta, quia utilia censem, ea ad Scripturæ mysteria explicanda; quinta, quia intendimus, quod eti eadem in Scripturis non reperiuntur, sunt tamen in illis alia nomina, quæ hisce equivalent. Post quæ pergit refellere has omnes quinque causas, quas in nobis invenisse, gloriantur. Pro prima refellenda dicunt, quod non sunt facienda mala, ut eveniant bona. Hæreticos autem vocibus istis nunquam confutari; quia si Scripturis non convincuntur, multo minus vocibus hisce oppugnantur. At Bellarminus ait, nominibus istis Hæreticos non oppugnari, sed damnari, & ab Ecclesia excludi. Nec mirum nova nomina introduci; quia dum novæ emergunt hæreses, nova nomina invenimus, ut Catholici ab Hæreticis distinguantur. Augustinus trac. 97. in Joannem ostendit, eti fugiendæ sint profanae vocum novitates, non tamen fugi deberi nomina nova, quæ contra novas hæreses introducuntur. Pro secunda refellenda inferunt: ergo omnes Patrum errores recipiendi sunt. At Bellarminus consequentiā negat; quia nunquam Patres erant, quando omnes simul idem afferunt, & docent; eti aliquando aliquis ipsorum in particulari eret. Exemplum afferit Cypriani, quem non sequimur dicentem, nullum esse baptismum ab Hæreticis collatum, sequitur tamen docentem, Christum esse verum Deum. Pro tertia refellenda dicunt, stultum esse loqui, ut nihil dicas. At Bellarminus occurrit dicendo, Transylvanos non intellexisse Augustinum docentem lib. 4. de Trinit. c. 9. dici tres personas in Deo, non ut dicatur, sed ut non taceatur. Augustinus intendit per hæc verba dicere, nullam sufficere vocem ad illaria explicanda; vocamus tamen eadem personas, non ut credamus, per hanc vocem perfecte declarari illarum vim, & naturam, sed ne omnino reddamur muti, quando nos alii interrogant, quid sint illa.

Ia tria? Pro quarta refellenda dicunt, esse nomina ista exotica, & obscura, & proinde ad fiduci mysteria explicanda prorsus inutilia. At Bellarminus ait, exotica non esse, quum fuerint per tot secula, communis omnium consensu, usurpata. Si vero sint utilia, vel ne, videbitur, quando eadem explicabimus. Pro quinta deum, refellenda negant, in Scripturis inveniri nomina, quae sunt iisdem synonyma, & aequivalentia. At Bellarminus dicit, hoc putidum esse mendacium, quod paulo inferius ostendetur, quodlibet ex iisdem nominibus exponendo, & aequivalens nomen pro quolibet afferendo. Modo ad easdem sigillatim explanandas devemus.

Prima vox est Essentia. Essentia græce dicitur *είσησις*. In Scripturis invenitur, aut vox, aut significatum vocis, per aliam vocem, synonymam, & aequivalentem. Luc. 15, 12. dicitur; *da mibi portionem substantiam*. Græcus Textus habet, *μετονομάσθε με*. In quo *είσησις* significat substantiam Patris, seu paternas opes. Habetur igitur vox; quavis non habeatur significatum; unde Epiphanius scripsit hæres. 73. *Essentia nomen nudo modo in veteri, ac novo testamento non habetur*. Habetur tamen significatum ipsum; quod idem Epiphanius docuit, loc. cit. Subdens: *Sensus autem, & significatio ubique habetur*. Ad Rom. 1. 20. legitur: *Semper ita quoque ejus virtus, & divinitas*; græce scribitur; *Θεόντος*; quod idem est ac *είσησις Θεός*. Ad Philippiens. 2. 6. habetur *forma Dei*; græce dicitur: *μορφή Θεού*, II. Petr. 1. 4. scribitur; *divine confortes natura*; græce: *Θεός φύσις*. In quibus liquido apparet, haberi naturam, quæ idem est cum essentia; haberi divinitatem, haberi formam Dei; quæ synonyma pariter sunt cum essentia. Denique Exod. 3. 14. legitur: *Ego sum, qui sum*; ... *Qui est, misit me ad vos*; græce *εἰμί*. Ubi si Deus dicitur ens, ejus quoque natura dici poterit essentia; radix enim essentiae est ens; quia essentia dicitur ab esse, & est abstractum ejus nominis, quod in concreto dicitur essentia; ut loc. cit. c. 3, docet Bellarminus.

Respondent Transylvani, Deum vocari posse ens, sed non essentiam; sicuti Petrum, vocari posse hominem, sed non humanitatem. Et hac response vere demonstrant, se rorum theologiarum omnino ignoros esse. Deus enim, quia simplicissimus est, cujusmodi non sunt omnia, entia creata, quæ vocari potest nominis.

PAR. II.

bus abstractis, ac concretis. Sic in Scripturis dicitur bonus, & bonitas, verus, & veritas, sapiens, & sapientia; eodenque modo poterit quoque dici ens, & essentia. Attamen quod hic contendimus non est, an Deus vocari possit essentia, sed an hoc nomen essentiae in Scripturis inveniatur; vel an sit alienum a Scripturis prout a nobis accipitur, ipsum pro Dei natura accipientes. Ex essentiae nomine fit *είσησις*, nempe *εις τὴν εσσόντα*; & hoc erat, quod Ariani maxime adversabantur, & quia in Scripturis non erat, & quia novum ipsis videbatur. Attamen non advertebant, quod nova quoque erant nomina, & neutriquam in Scripturis inveniebantur, quæ ipsimet usurpabant; nimirum *επέστροψος*, *αλλερius essentia*, & *εις τὸν εσσόντα*, *similis essentia*. Attamen Patres respondebant Ariani, in Scripturis reperi, si non vocem nominis, sensum tamen ipsius. Joan. 10. dicitur: *Ego & Pater unus sumus*. Et haec est responsio Augustini tract. 97. in Joan., & in disput. cum Pascentio. Dicebant quoque, nomen hoc alienum a Scripturis non esse, quia similibus nominibus utitur. Sic Ambrosius lib. 3. de fide c. 7., Cyrillus lib. 1. de Trin. Ulterius addebat Patres, nomen illud non fuisse in Nicæno Concilio inventum, sed fuisse a vetustioribus Patribus usitatum; quod plane testimonis plurimis ostendit Bellarminus, a quo quæ usque modo scriptissimus, mutuari suum.

Attamen, si credere valamus Du-Hamel, subdere quoque possumus, quod antiqui Philosophi voce hac *είσησις* usi sunt. Eaque explicarunt pro singulari, individuaque substantia, quam primam substantiam appellabant; unde apparet, quod ipsi personam cum substantia confundebant. Et hinc est, quod Hæretici, tum Sabelliani, tum Ariani, aut unam substantiam, aut tres substancialias, inducebant. Consuetudo tamen Ecclesiarum fuit, ut nomine *είσησις* intelligeretur; prima vero, & individua substantia hypostasis dicta est. Verum est, quod ex antiquis quidam pro hypostasi aliquando intellexerunt naturam, ut dicemus; at nemo pro *είσησις*, seu essentia, intellexit hypostasis, seu personam. Cæterum etsi Ariani vocem essentiae, & hypostasis, repudiarent, Semi-Arianii tamen, qui Sirmii ann. 357. convernerant, vocem *είσησις* dixerunt, in Scripturis inveniri, si non in materialitate vocis, saltet in formalitate significationis; adducentes illud exodi, quod diximus: *Ego sum*.

G

*Sunt, qui sunt: Petavius vero de Trinit.*  
*lib. 4. c. 1. docet, non eodem modo hac*  
*voce & Gentiles, ac Christianos Phi-*  
*losophos fuisse usos. Et citat Anastasium*  
*in O'my c. 6. p. 96., & Theorianum*  
*in Legatione ad Armenos p. 110., qui*  
*testatur: Exteri sapientes individuum, sive*  
*hypostasim, & quod unum est numero, defi-*  
*nunt usiam; quod sane divini Patres non*  
*admittunt. Quippe Patres illi Deiseri usiam,*  
*& naturam esse dicunt universalie, quam*  
*Scriptores exteri formam, sive speciem ap-*  
*pellarunt. Ideo in sancta Trinitate naturam*  
*unam, & usiam esse professi sunt, hypostases*  
*vero tres: natura nimirum, & usia, plures*  
*hypostases continente.*

Denique, ut essentiæ explicationem terminemus, subdimus quoque, nomen huc usiæ displicuisse Arianis, ut dictum est; & displicuisse quoque Catholicis quibusdam, ut afferit Bellarminus, eo quia Patres Concilii Antiocheni aperie negarunt, Filium esse Patri homousion contra Paulum Samosatenum; & hoc Arii hæresim præcessisse: Atramen nos habemus ex Athanasio Dionysios duos, Romanum, & Alexandrinum, qui Concilium Antiochenum præcesserunt, & dixerunt, Filium Patri homousion esse. Unde Athanasius idem conciliat omnes dicendo, Patres Antiochenos negasse Filium esse homousion Patri ad mentem Samosateni. Mens Samosateni erat, homousion significare consubstantialitatem Patris, & Filii, ut est consubstantialitas Petri, & Pauli, qui sunt duas substantias, sed unus, & ejusdem speciei. Testis est S. Hilarius in lib. de Synod. extr. *Male homousion Samosatenus confessus est, sed nunquid melius Ariani confessi sunt?* Octoginta Episcopi olim responderunt, sed trecenti decem, & octo nuper recuperunt. Illi contra Hæreticum improbarerunt; nunquid & isti non contra Hæreticum probaverunt? Si & probando, & improbando unum utrique statuerunt, quid bene constituta convellimus? Cæterum hoc unum nomen inter se contrarias hæreses Sabellii, & Arii, uno codenque iectu confudit. Homousios enim dicitur de iis, quorum est una, eademque omnino substantia, vel essentia, & quorum proinde unum est ab alio, & ab alio recipit essentiam eandem. Quod docent Athanasius lib. de Synod. Arim., & Seleuc., & Basilius in epist. ad ancillas Dei. Et hoc est contra Sabellium, fatentem quidem Patrem, & Filium habere eandem essentiam, sed unum ab alio esse, negantem. Est quoque contra Arium,

fatentem quoque, Filium esse a Patre, sed eandem essentiam a Patre accepisse negantem. Ex quo factum est, quod Ariani omnium aliarum vocum, quas Catholicæ usurpabant, sonum tolerantes, hujus unius tantum non poterant ullo modo sonum perferre; quia hanc unam tantum ad suum sensum trahere non poterant; ut testatur Athanasius in lib. de decr. Nicæn. Synod. Concilium quoque Nicænum dixit in Symbolo: *Dcum de Deo, Dcum verum de Deo vero, genitum non factum, & ex substantia Patris natum;* at non contentum his vocibus, quas poterant eludere Ariani, subdit quoque, *homousion Patri.* Epiphanius quoque in Ancorato observat, aliud esse *essentiam*, aliud *essentiam*, quia primum recipiebat Sabelliani, non vero secundum. Synousion enim significat unitatem sine distinctione; homousion vero unitatem cum distinctione, & processionem unius ab altero. Unde Ambrosius lib. 3. de fide c. 7. *Recte homousion Patri Filium dicimus, quia verbo eo, & personarum distinctione, & natura unitas, significatur;* ut apud Bellarminum cit. loc.

Post essentiam explicamus hypostasim. Hypostasis significat suppositum, quod dicitur in omnibus, & in naturis intelligentibus dicitur persona; & vocatur quoque universum prima substantia. Distinguitur ab essentia, quod hæc in hypothesi Aristoteleorum concipitur ut forma in alio existens; hypostasis vero accipitur ut totum, non in alio, sed in se, & per se existens. Unde dicimus, hypostasis non addere ad essentiam aliquam naturæ gradum, aut actum, sed essendi modum dumtaxat; quod docet S. Thomas 1. p. q. 25. ar. 2. Unde essentia dicitur communicabilis, hypostasis vero incomunicabilis. Et quia hypostasis addit aliquid supra essentiam, quid sit hoc, quod addit, inter Philosophos controvertitur. Thomistæ enim docent, esse aliquid positivum physicum; Scotistæ vero, esse aliquid negativum; Magnanistæ deum esse aliquid positivum morale, quod explicant per hoc, quod sit juris sui, & non juris alterius.

Ex dupli capite vox ista hypostasis videtur posse aliquam inducere suspicionem; primo, quia quidam antiqui Patres non aliam inter essentiam, & suppositum posuerunt differentiam, quam illam, quæ est inter speciem, & individuum; inter hominem ut sic, & Franciscum. Secundo, quia a quibusdam etiam Patribus ad signifi- can-

candam substantiam videtur usurpata. At, duobus hisce non obstantibus, dicimus, esse illam omnino recipiendam, quod est indubitatum apud omnes Catholicos, firmiter asserentes, tres hypostases in Deo esse. Et quidem primum non obstat, quia et si Basilius ep. 43., Nyssenus in lib. de differ. essent. & hypost., Damascenus lib. 3. c. 3., Cyrilus lib. 1. de Trinit., Justinus, aut quicunque sit auctor libri de recta fidei confessione, & Theodoretus in libello contr. Sabellium, qui legitur t. 2. Conciliorum, in additionibus ad Breviarium S. Liberati, videantur illud dixisse; tamen eidem quoque profertur, Deum ita esse unum numero, non specie, ut tres hypostases divinæ dici non possint. Cetera individua divina, ratione naturæ, quasi tres sint individua deitates; sed solum dici tria ratione hypostaticæ proprietatis; ut ex eorum mente asserit Bellarminus cit. loc. c. 4. Nec obstat secundum, quod videtur assertum a Hieronymo in epist. duab. ad Damas. de hypost., & Nazianzeno orat. de laud. Athanasii, & a Mario Victore in lib. de homous., quia non ex rei significatione, sed ex vocis tantum intelligentia, loquebantur. Etenim, ut asserit Du-Hamel, de Trinit. lib. 3. dis fert. t. c. 1. Antiochiae non conveniebant Catholici inter se in quarundam vocum explicatione; quia quidam, Paulino adhaerentes, unam hypostasim tuebantur, alii vero, Meletium sequentes, tres hypostases admittebant. Arhanasius vero in Alexandrina Synodo eensuit, quemlibet posse, aut unam, aut tres hypostases, dicere, dummodo Nicæna Synodo conformatetur. Insuper asserit in Epistola Synodica, se interrogasse eos, qui tres hypostases admittebant, an hypostases intellexerent per se, ac separati existere, ac ab se invicem alienas, ut Arius intelligebat; & invenisse eos intelligere sic hypostases ut vere subsisterent, nec præterea tria esse principia, aut tres Dii, sed esse Trinitatem in una essentia. Insuper interrogasse eos, qui unam hypostasim admittebant, an cum Sabellio sentirent; & invenisse eos, admittere hypostasim ut unum quid cum natura, aut &c.; ac proinde accipere hypostasim pro natura. Unde Athanasius judicavit diversitatem esse in vocibus, non in rebus; diversæ fidei speciem præbuit levis illa, & jejuna de vocabulo alteratio; quod pariter Nazianzenus commemorat orat. 32. Alia remittimus videnda apud Bellarminum.

PART II.

vium, Du-Hamel, loc. cit. aliosque. Persona accipitur a Scripturis, & Patribus, pro substantia prima, Actor. 10. 34. Ad Rom. 2. 11. dicitur, quod Deus non sit acceptator Personarum; & personarum nomine veniunt hypostases humanæ. Hoc explicat S. Augustinus lib. 2. ad Bonifac. c. 7. apud Bellarminum dicens, quod tunc est acceptio personarum in distributione præmiorum, quando qui distribuit non respicit merita hominum, sed ipsos homines, idest tribuit plus uni, quam alteri, non quia ille plus meretur, sed quia illam personam plus diligit. Insuper Tertullianus lib. cont. Praxeam, Hilarius lib. de Synod. Hieronymus in epist. ad Damasum, Augustinus lib. 5 & 7. de Trinit., Nazianzenus in orat. in Athanas., & alibi, vocant tres Personas Patrem, & Filium, & Spiritum Sanctum; Gregorius Nazianzenus vero græce nominat περσονα. Laurentius Valla personæ nomine intellexit qualitatem hominis; sed a Bellarmino egregie impugnatur. Et quidem ut Theologus, qui vere non erat, Personam non explicat; sed neque ut Grammaticus, qui esse gloriabatur; nam Cicero lib. de invent. in Topicis, & Partitionibus, nomen etiam personæ usurpat, ut nos accipimus. Dicit enim, alia esse rerum, alia Personarum attributa; & rursum personam in Deo, & in homine considerari. Valerius Maximus lib. 2. c. 21. homines vocat etiam personas. Et Civilium Institutionum lib. 2. tit. 9. persona pariter in hac significatione accipitur. Hæc apud Bellarminum leguntur. Apud Du-Hamel vero dicitur, quod Persona, vel etiam Hypostasis, aut significat substantiæ conditionem, & qualitatem, aut substantiæ singularitatem. Primo modo personæ nomen intelligebant Sabelliani; & sic nos dicimus, Oratorem Regis loqui ex persona Regis. Et hac ratione Patres quidam asserunt identitatem Personæ. Sic Ambrosius: *Et miraris si ex persona hominis Patrem dixit majorem, qui in persona hominis se verem dixit esse, non hominem.* Quando hæresis Sabellii orta est, testatur Facundus lib. 1. Personæ vocem adhiberi coepit. Personarum autem nomen, non nisi cum Sabellius impugnaret Ecclesiam, necessario in usum prædicationis assumptum est; ut qui semper tres crediti sunt, & vocationi Pater, & Filius, & Spiritus Sanctus, unoque simul, & communis personarum nomine vocarentur. Sabelliani in ipsorum sensu personæ nomen non repudiabant,

G 2 sed

sed etes hypostases fateri omnino nolabant. Et tunc subdit idem Facundus, subsistentiaz nomen usurpari coepisse. Nazianzenus vero orat. 21. docet: *Qui tres Personas profitearentur, jis Sabellianus error impingi consueverat; ii autem, qui tres hypostases defenderent, ariana perfidia affines esse credebantur. Sabellius enim varias Deum induisse personas, cum mundum condidit, Patris; cum humanam subiit naturam, Filii; cum Ecclesiam sanctificavit, Spiritus Sancti personam exhibuisse.*

Proprietas est nomen, quod in Scripturis non invenitur, sed ex Scripturis colligitur. Joannis 1. 18. Filius dicitur Unigenitus; igitur proprium est illi esse Filium: ergo filiatio est ejus proprietas. Item 1. Corinth. 8. 6. habetur: *Nobis tamen unus Deus Pater*; igitur proprium est illi esse Patrem: ergo paternitas est ejus proprietas. Ulterius Joann. 14. 26. significatur, quod solus Spiritus Sanctus procedit a Patre, & Filio; igitur proprium est illi sic procedere: ergo haec processio est ejus proprietates. Nomine tandem proprietatis in hoc sensu, de quo loquimur, utuntur Hilarius lib. 2. de Trinit., Basilius epist. 43. Nazianzenus orat. 3. de Theologia, Augustinus lib. 5. de Trinit. c. 11. & 12., & sequentibus, Cyrillus lib. 1. de Trinit., aliquique plurimi videndi apud Petavium de Trinit. lib. 4, in proemio; qui ex Basilio lib. 2. cont. Eunomium assertit: *Nam proprietates non a quedam, & formae, qua in substantia considerantur, dividunt quod est commune propriis characteribus; at ejusdem communionem substantiae non discindunt. Sic pariter loquitur Tertullianus cont. Praxeam c. 2.*

Relatio, quæ est in creatis, est pariter in divinis; unde sicut in creatis inter Patrem, & Filium est relatio, ita pariter est inter Patrem, qui est verus Pater, & inter Filium, qui est verus Filius, in divinis. Si autem Filius nullam haberet relationem ad Patrem, non verus, sed fictus, Filius esset; & Pater, & Filius, revera his nominibus abuterentur. Hujuscemodi relationes dicuntur etiam proprietates relativæ, ex quibus personæ, sive hypostases, aut constituuntur, aut certe dignoscuntur, & explicantur; ut ait Petavius loc. citato. Apud eundem legimus ex Caleca lib. contra Græc. c. 38. *Quadam enim vocantur idemata, hoc est proprietates, quæ maxime propria sunt personarum, & eas constituant; velut est paternitas, quæ personam Patris subsistentem facit.*

Notio quoque in divinis est nomen, quo Pater e. g. a cæteris Personis distinctus cognoscitur. Unde Paternitas dicitur Patris notio, quia per hanc Pater a Filio, & a Spiritu Sancto, distinguitur. Sic pariter filiatio respectu Filii; & spiratio passiva, seu processio, respectu Spiritus Sancti. Theologi Scholastici hoc notionis nomine utuntur, & desumpterunt illud a Sanctis Patribus Basilio epist. 43. & Augustino lib. 5. de Trinit. c. 6., ut Bellarminus docet. Alter tamen intelligit Augustinum Petavius loc. cit. scribens: „Latini Theologi proprietates utrasque Personarum notiones appellare solent: atque ita, videri possit Augustinus nominare, dum in 5. de Trinitate cap. 5. sic scribit: *Alius notio est, qua intelligitur genitor, alia qua ingenitus.* Verum notio hic communi significatione pro *tria*, & pro intellgentia sumitur: quasi dicat, alia ratione intelligi, & cogitatione percipi. Affimat tamen idem Petavius, quod Augustini auctoritate Scholastici Theologi suas notiones non male statuerunt. S. Thomas 1. par. q. 32. ar. 3. sic notionem definit: *Notio est id, quod est propria ratio cognoscendi divinam Personam.* Quinque dicuntur esse notiones in divinis apud Scholasticos communiter, quas etiam amplectuntur, & referunt, Bellarminus, & Petavius. Innascibilitas, Paternitas, Filiatio, Spiratio activa, & Spiratio passiva. Spiratio activa dicitur etiam spiratio communis; & spiratio passiva vocatur quoque processio. Ex his quinque quatuor dicuntur proprietates, & quatuor dicuntur relationes. Proprietates sunt Innascibilitas, Paternitas, Filiatio, Spiratio passiva. Relationes sunt: Paternitas, Filiatio, Spiratio activa, & Spiratio passiva.

Circummissione, quæ dicitur græce *metaphysica*, est illa intima, & perfecta inhabitatio unius personæ in alia, & e converso. Joann. 14. 10. de hac circummissione dicit Christus. *Ego sum in Patre, & Pater in me est.* Augustinus lib. 6. de Trinit. c. ult. de eadem hæc scribit: *Singula sunt in singulis, & omnia in singulis, & singula in omnibus, & omnia in omnibus, & unum omnia.* Qui videt hoc, vel ex parte, vel per speculum, & in enigmate, gaudet conognoscens Deum, & sicut Deum honoret, & gratias agat: *Qui autem non videt, tendat per pietatem ad videndum, non per cœtitatem ad calumniandum.* Quoniam unus est Deus, sed tamen Trinitas: nec confuse

fuse accipiendum est. Ex quo omnia , per quem omnia, in quo omnia: Nec Deus multis, sed ipsi gloria in secula seculorum . Eadem fere habent Hilarius lib. 4. de Trinitate, Ambrosius in c. 13. II. ad Cor. , & Damascenus , qui adhibet vocem illam, ~~in exhortatione~~ lib. 1. c. 11., & ex hoc , ait Bellarminus , circummissionis vocabulum Scholasticos Theologos desumpsisse. Cæterum circummissionis etsi secundum vocem in Scripturis non reperiatur , continetur tamen secundum significationem; quemadmodum quoque habetur in Patribus, ut vidimus .

Trinitas, græce pariter dicitur Τριάς , & in Scripturis secundum hanc vocem expresse non legitur ; continetur tamen id omne , quod per hanc vocem significatur. Matth. ult. 19. legimus : Euntes erga docete omnes gentes , baptizantes eos in nomine Patris, & Filii, & Spiritus Sancti. Et I. Joann. 5. 7. Quoniam tres sunt , qui testimonium dant in celo, Pater, Verbum, & Spiritus Sanctus . Hoc nihilominus etiam nomine , non tantum nominis significato,

utuntur omnes Patres; inter quos citantur a Bellarmino Auctor libri de divinis non-minibus, c. 1., Justinus de recta confessione fidei , Gregorius Thaumaturgus in sua fidei confessione , Tertullianus lib. cont. Præream, Cyprianus lib. de orat. Dominic. & omnes, qui eos sequuti sunt . Advertere huc nihilominus oportet , Valentinius Gentilem, de quo alias diximus, impie, ac falso asseruisse , Trinitatem trium unitatem significare . Veritas tamen est , Trinitatem significare simpliciter ternarium personarum . Et hoc innoscit tum ex græca voce Τριάς , tum ex aliis considerationibus , quæ ad hoc probandum a Bellarmino scribuntur , ad quem remittuntur Legentes . Et quanvis S. Thomas 1. p. q. 31. ar. 1. dicat, Trinitatem vide ri dictam quasi trium unitatem ; hoc tamen dixit , sonum vocis considerans; quum de cætero ibidem affirmeret, si rei significatio consideraretur , non significari proprie ea voce trium unitatem , sed solum numerum trium Personarum ; ut apud eundem Bellarminum legimus .

## DISSERTATIO CXI.

### *De modo loquendi circa Trinitatem.*

 UB hoc eodem nomine caput inscribit Cacheranus trac. 2. de Deo trino , quod pluribus ss. absolvit , alii quoque Theologi peculiarem suscipiunt tractationem ; sed præ cæteris Dissertationem instituit Juenius , quæ est numero sexta in par. 2. inst. theolog. Et in ea quinque questionibus retractat quæcunque spe dare possunt ad rectum institwendum modum loquendi circa omnia, quæ respiciunt Trinitatis mysterium . Illa autem distinguit primo agens de nominibus quibus debent exprimi numerus , distinctio , & unitas Personarum in divinis. Secundo tractans de modo quo essentialia de relativis, & relativa de essentialibus, in Trinitate prædicantur. Tertio quærens, an essentialia pro relativis supponere possint? Quarto, exponens , utrum abstracta prædicentur de concretis? Et quinto , explicans , an concreta de abstractis pariter prædicari possint? Quæ omnia , ex ipso , & ex aliis hac in Dissertatione explebimus . Nomina, quibus exprimitur Personarum nu-

merus , reducuntur ad hæc ; Pluralitas, Multiplicitas, Trinitas , & quidem omnia recte in divinis adhibentur ; quod sic ostendimus. Ubi sunt plura , quam unum, est pluralitas ; in divinis sunt plura, quam unum: ergo est pluralitas. Major patet ex perceptione terminorum . Minor probatio ne non indigeret , quia in Deo sunt tres Personæ. Consequentia sequitur . Et hæc de Pluralitate. De Multiplicitate autem , sive sine addito , sive cum addito Personarum , quod admitti , & adhiberi debeat in divinis , sic probatur . Si admitti non deberet , ideo esset , quia includeret multipliciter naturarum ; sed non includit: ergo &c. probatur minor . Multiplicitas sine addito abstrahit a multiplicitate: sive naturarum , sive personarum: ergo non includit : Quod si non includit: ergo nihil exprimit , quod Deo repugnat. Multo magis postea cum addito Personarum , quia jam penitus excluditur multiplicitas naturarum. Unde quum dicamus , in Deo esse multipliciter Personarum , dicimus quoque esse multiplicem processionem , multiplicem relationem ; & pariter esse mul-

multiplicitatem relationum, multiplicitatem processionum. Denique optimo quoque jure Trinitatis nomen adhibemus, quando de divinis simpliciter, & sine addito loquimur; quod quidem in praeterita Dissertatione firmavimus. Hic pariter addimus ex Concilio Toletano XI, Confitemur, & credimus sanctam, atque ineffabilem Trinitatem; ex Concilio Lateranensi IV. c. 2. Et ideo in Deo Trinitas est solummodo, non quaternitas; ex Concilio Florentino: In nomine igitur Sanctae Trinitatis; habet Eugenius IV. in Synodi definitione.

Dices I. Nomen Pluralitas, si aliquid non additur, potest æque intelligi de naturis, & de Personis: ergo non debet in divinis adhiberi. II. Non potest dici: Deus est multiplex: ergo multiplicitas sine addito nequit in divinis admitti. III. Concilium Toletanum XI. docet: Nec recte dici posset, ut in uno Deo sit Trinitas: ergo Trinitatis nomen non debet in divinis usurpari. IV. Si in Deo admitti posset Trinitas, Deus dici posset Trinus; si dici posset Trinus, diceretur etiam triplex; atque ex Augustino lib. 6. de Trinit. c. 7. triplex dici non potest: ergo &c. V. Nomen Trinitatis non significat substantiam, quia hæc una est; neque relationem, quia hæc est ordo unius ad aliud; non potest autem hic ordo nomine hoc significari: ergo &c.

Respondemus ad I. quod, quum nomen pluralitas sit indifferens ad significandum portus unum, quam aliud, determinatur ejus significatio a subiecto, de quo prædicitur. Quia ergo Deus in suo conceptu excludit pluralitatem naturarum, cum de eo prædicatur pluralitas, ratione ipsius, qui est subiectum, restringitur pluralitas ad significandam Personarum pluralitatem. Ad II. dicitur, quod multiplicitas simpliciter enunciata non includit naturam: unde potest simpliciter de Deo prædicari. Quando autem dicitur: Deus est multiplex; tunc Deus non abstrahit a natura, sed illam formaliter includit: unde propositio illa admitti nequit. Ad III. Concilium Toletanum loquitur de Trinitatis nomine, quatenus pro essentia supponit, non vero quatenus supponit pro personis. Unde post relata verba: Non recte dici posset, ut in uno Deo sit Trinitas; statim subdit: sed unus Deus Trinitas. Ad IV. Deus dici potest trinus, non autem potest dici triplex. Ratio est, quia trinus importat unum existens tribus distinctis modis; triplex vero non solum dicit tres

distinctos existendi modos, sed etiam tres res, & tres essentias. Ipsummet Augustinum adducimus lib. 6. de Trinit. c. 7. hæc scribentem: Nec quoniam Trinitas est, ideo triplex putandus est; alioquin minor erit Pater solus, aut Filius solus, quam simul Pater, & Filius. Et c. 8. Cum itaque tantus est solus Pater, vel solus Filius, vel solus Spiritus Sanctus, quantus est simul Pater, & Filius, & Spiritus Sanctus, nullo modo triplex dicendus. Et Concilium Toletanum XI. in professione fidei. Hac est Trinitatis relata narratio; quæ non triplex, sed Trinitas & dici, & credi debet. Ad V. dicitur, in Deo praeter substantiam, & relationem, esse numerum relationum, seu personarum; & hic numerus est, qui per Trinitatis nomen significatur. Unde de una sola persona nequit dici, quod sit Trinitas; quia de una sola ternarius personarum numerus non verificatur.

Ex his colligimus I. Trinitatis nomen ita esse proprium divinorum, ut in creatis inveniri non possit; trini vero nomen, etiam in creatis invenitur. Unde dicimus trinam monitionem &c. Ita Albertus I. p. sum. q. 45. memb. 1. ar. 15. ad 1. Trinitas est in divinis, & non est nisi in divinis, & hoc est divinis proprium. II. Trium secundum vim nominis, & Theologorum usum, importare ita distinctionem, & numerum, ut simul unitatem importet. Triplex vero importare præcise distinctionem, & numerum, & nullo modo unitatem importare. Et quia Deus admittit distinctionem cum unitate, non vero sine unitate, ideo dicitur trinus, & non triplex. Ita S. Bonaventura in 1. dist. 19. III. Sicut dicitur trina deitas, ita pariter dici potest trina essentia. Trina deitas dicitur in hymno Sacris Solemnis, qui recitatatur in festo corporis Christi, & qui ab Angelico Doctore compositus creditur, ut egregie contra Papebrochium vindicavit Natalis Alexander. Legitur enim ibi: Te trina deitas, unque poscimus. Verum non in hoc sensu dicitur, ut essentia, vel deitas ex se importet multitudinem, sed quod deitas una, & indivisa sit tribus personis identificata. Primo modo est falsa propositio, secundo autem vera. IV. dici etiam posse trinam unitatem, seu unitatem trinam; quia hoc non significat aliud, quam quod essentia una tribus distinctis personis identificata existat. V. Trinitatem non posse dici trinam; quia aliter dicetur trina Trinitas, quod non significaret tres, sed novem. Concilium Tol-

canum

canum XI. in professione fidei dicit : *Hoc est sancta Trinitatis relata narratio, quæ non triplex, sed tria dici, & credi debet. Attra- men dicitur, quod in voce tria est men- dum, & corrigi debet, dicendo, Trinitas. Labbeus in sua Conciliorum editione sic legit : Hoc est sancta Trinitatis relata nar- ratio, quæ non triplex, sed Trinitas dici, & credi debet. VI. Admittendum esse hunc loquendi modum ; Unitas in Trinitate, & Trinitas in Unitate. Sic legitur in Athana- sii Symbolo, de cuius genuinitate in se- quentibus erit sermo. Et quanvis Conci- lium Toletanum XI. habeat : Nec recte dici potest, ut in uno Deo sit Trinitas, sed unus Deus Trinitas ; atamen sensu horum verborum est, quod in uno Deo non sit Trinitas essentia, sed quod Deus unus, aut essentia una, sit idem cum tribus Per- sonis, quarum numerus Trinitatem con- stituit ; ut scribit Jueninus. VII. Recti- sime pariter dici ; Sancta Trinitas unus Deus; ut in Litaniis canimus. His loquen- di modus displicet Calvino, ejusque Se- culariis; vel propter vocem sancta, quia fa- ceret sensum eundem, ac quando dicimus; Sancta Theresia e. g. Sed immerito, quia etiam Graeci addunt eandem vocem no- mini & tripli : Vel propter vocem, Trini- tas; quia hæc appellat Trinitatem Per- sonarum cum essentia unitate. Vel prop- ter vocem Unus Deus; quia hæc denotat unitatem essentia in tribus Personis. Hoc docet Augustinus trac. 39. in Joannem : Quanvis nec ille, qui est Pater, sit Filius; nec ille, qui est Filius sit Pater; nec Spiritus Sanctus Patris, & Filii, sit vel Filius, vel Pater : Tres Deos tamen esse non dicimus; quanvis de singulis si queratur, necesse est, de quoque interrogati fuerimus, Deum, esse fateamur.*

modo accedimus ad explicanda nomina, quibus exprimitur numerus, & distinctio manifestatur, in Personis. Et sunt hæc: Distinctus, discretus, secretus, alius, alter, non unus, dissimilis, alienus, dispar, discrepans, diversus, differens, divisus, separatus, solus. Et circa hæc nomina dicimus I. Tres Personas recte dici distin-ctas, discretas, secretas, non unam. Ratio est; quia in Concilio Tolentano XI. legi- mus: *Trinitatem igitur in Personarum dis- distinctione agnoscimus*. In Concilio Latera-nensi IV. c. 2. invenimus : *Ut distinctiones sint in Personis, & unitas in natura*. Insuper hæc erat Sabellii hæresis, quæ Per- sonas ab invicem non distinguebat. Deni- que distinguere idem est, ac discernere,

& secernere ; unde si distinctæ dicuntur, pariter discretæ, & secretæ, dici possunt. Dicimus II. Vocem aliud recte usurpari in divinis Personis, non vero vocem aliud. Ratio est; quia in Concilio Latera-nensi IV. c. 1. habemus : *Liceat igitur aliis sit Pater, aliis Filius, aliis Spiritus Sanctus; non tamen aliud*. Et rationabili- ter quidem, quia vox aliud denotat perso- nam; vox vero aliud significat naturam. Angelicus Doctor I. p. q. 31. ar. 2. ad 4. docet : *Unde etiam in rebus humanis si qua- ratur; quis est iste à Respondetur; Sacrates, quod nomen est suppositi. Si autem queratur; quid est iste à Respondetur; animal rationa- le, & mortale*. Vincentius Lirinensis: In Trinitate aliud, atque aliud, non aliud, at- que aliud : *In Salvatore aliud, atque aliud, non aliud, atque aliud*. Augustinus trac. 36. in Joannem : *Quid vis ire in alteram partem, ut dicas, aliud est Pater, Filius aliud à Alius est, recte dicis; aliud, non recte. Alius enim est Filius, quia non est ipse qui Pater; & aliis Pater, quia non est ipse qui Filius: Non tamen aliud, sed hoc ipsum est & Pater, & Fi- lius*. Dicimus III. Sanctissimæ Trinitatis Personas dici non posse dissimiles, alienas, dispares, discrepantes, differentes, divisas, separatas. Ratio est, quia hi om- nes termini significant naturam, non per- sonam; & quum in divinis Personis natu- ra sit eadem, quanvis distinctæ sint Per- sonæ, termini illi adhiberi non possunt. S. Thomas I. p. q. 36. ar. 2. in corp. do- cet : *Nec tollatur simplicitas divine essentie, vitandum est nomen separationis, & divisionis, quæ est totius in partes*. Ne autem tolla- tur equalitas, vitandum est nomen disparita- tis. Ne vero tollatur similitudo, vitandum est nomen alieni, & discrepantis. Dicimus IV. dictio exclusivam, solus, catego- rematice sumptam, non posse habere locum in divinis; syncategorematice vero acceptam, posse habere locum. Ratio est; quia dictio exclusiva, solus, tunc catego- rematice sumitur, quando sumitur per se, & significative; ita quidem, ut suam si- gnificationem, nempe solidine, vel so- litarietatem, applicet, vel subjecto, de quo prædicatur, vel termino, cui adjun- gitur. Tunc vero accipitur syncategore- matice, quando accipitur consignificati- ve, & modificative; ita quidem, ut modifi- fieret unum extremum in ordine ad aliud; nec applicet significationem suam aut sub- jecto, aut prædicato secundum se, sed vel subjecto in ordine ad prædicatum, vel prædicato in ordine ad subjectum. Sic

ex-

explicat Cacheranus; Juveninus vero sic dicit. Quando ponit exclusionem in subjecto, seu efficit ut subjectum sit solitarius; ut quando dicitur; Joannes est solus; tunc est categorematice sumptus. Quando vero denotat ordinem praedicationis ad subjectum, seu significat praedicatum non convenire alteri, quam subjecto; ut quando dicitur; solus Deus est æternus; tunc est syncategorematicae accepta. Hinc propositio hæc: Deus est solus; quia primo modo sumitur, est falsa: hæc vero altera; solus Deus est bonus; quia accipitur secundo modo, est vera. Et non solum cum termino essentiali, verum quoque cum notionali, secundo modo sumptus, conjungi potest dictio, solus; dicendo nimirum; & solus Deus est sanctus; & solus Pater generat; & solus Filius generatur; & solus Spiritus Sanctus spiratur; & semper bene.

Devenimus ad explicationem nominum, quæ adhibenda sunt, ut divinarum Personarum unitas recte explicitur. Et sunt quæ sequuntur; Idem, Unus, Solitarius, Singularis, Unicus, Unitus, Coniunctus. Et dicimus I. Nomen idem, & unum in neutro genere de Personis divinis dici posse; in genere vero masculino dici posse, si jungantur termino relativo, secus vero si absoluto. Ratio est; quia idem, & unum in genere neutro significant essentialiam, non vero personas: unde recte dicere possumus; Pater, Filius, & Spiritus Sanctus, sunt unum, & idem. Si vero idem, & unus in genere masculino jungantur termino relativo, significant unitatem suppositi; in Deo autem suppositum non est unum, sed multiplex. Unde hæc propositio: Pater, & Filius sunt unus, & idem, est Sabelliana, & falsa. Si tandem jungantur termino absoluto, significant naturam, vel attributa; & sic possunt de divinis dici: Unde veræ sunt propositiones istæ: Pater, Filius, & Spiritus Sanctus, sunt unus, & idem creator, unus, & idem infinitus, unus, & idem omnipotens, Sanctus &c. II. dicimus, vocem, solitarius, de Personis divinis dici non posse. Ratio est; quia vox ista excludit non solum naturæ, sed personarum quoque pluralitatem. Augustinus lib. 6. de Trinit. c. 7. audiatur: Quanquam non invenitur, quomodo dici posse, aut Pater solus, aut Filius solus, cum semper, atque inseparabiliter & ille cum Filio sit, & ille cum Patre: non ut ambo sint Pater, aut amba Filius; sed quia semper in invicem, nenten-

solus. Ulterius, vox, solitarius, significat separabilitatem; scilicet, quod una persona possit esse sine aliis; hoc tamen in divinis nequit esse. Concilium Tolitanum XI. in fidei professione habet: Tria erga ista unum sunt, natura scilicet, non persona, nec tamen tres ista persona separabiles estimandæ sunt, cum nulla ante aliam, nulla post aliam, nulla sine alia, vel extitisse, vel quidpiam operasse aliquando, credatur. Inseparabiles enim inveniuntur, & in eo quod sunt, & in eo quod faciunt III. dicimus, vocem, singularis, loquendo in divinis, adhiberi non posse. Ratio est, quia hec vox significat incommunicabilitatem naturæ; unde hæc propositio est falsa? Pater est Deus singularis. S. Thomas i.p. q. 31. ar. 2. in corp. docet: Ad vitandum Sabellii errorem, vitare debemus singularitatem, ne tollatur communicabilitas essentia divina. Unde Hilarius dicit 7. de Trinit. Patrem, & Filium, singularem Deum praedicare, sagrilegum est. Dicimus IV. vocem, Unius, non deberi in divinis admitti. Ratio est, quia idem significat unicus, ac singularis; sed singularis in divinis admitti non potest: ergo unicus admitti non debet. S. Thomas i. p. q. 31. ar. 2. docet: Debemus etiam vitare nomen unici, ne tollatur numerus Personarum: Unde Hilarius in eodem libro dicit, quod a Deo excluditur singularitas, atque unica intelligentia. Dicimus V. Voces has, unitus, coniunctus, quid unitum, non admitti in divinis. Ratio est, quia compositionem denotant, quæ omnimodæ simplicitati Dei omnino repugnant.

Dices I. Propositio ista: Pater est idem cum Filio; vel est vera, vel falsa; non vera si idem sumatur in genere masculino; non falsa, si idem sumatur in genere neutro: ergo neque vera, neque falsa. II. De natura divina dici potest, quod sit individua natura, seu natura in particulari: ergo dici potest, quod sit singularis. III. Concilium Tolitanum XI. in professione fidei, adhibet vocem singulariter, dicens: Deus ergo Pater, Deus Filius, Deus Spiritus Sanctus singulariter dicitur... Singulariter ergo, ut unaqueque persona plenus Deus, & tota tres persona unus Deus confitetur, & creditur: ergo potest etiam adhiberi vox singularis. IV. Dicimus Filium unicum: ergo dicere quoque possumus Deum unicum. V. Propositio; Unicus est Deus; est vera: ergo pariter propositio; Deus est unicus. VI. Quæ non sunt divisa, sunt unita; Personæ divinæ non sunt divisæ:

er-

Ergo sunt unitæ.

Respondemus ad I. Propositionem illam in uno sensu esse veram, in uno sensu esse falsam; unde nulla sequitur repugnantia. Verum afferit Cacheranus, esse propositionem ambiguam, ac suspectam; & ad tollendam ambiguitatem, & suspicionem, debere addi aliquid, quod determinet To idem ad genus neutrum; dicendo ex. gr. Pater est idem, quod Filius; non vero est idem, qui Filius; sicut bene dicitur, Pater est id, quod Filius; non vero est is, qui Filius &c. Ad II. dicitur, quod natura divina est individua natura communicabilis, ac proinde non est singularis. Natura individua incommunicabilis hæc quidem est particularis, & singularis; & de hac procedit argumentum, quod Cacheranus nobis opponit. Ad III. dicitur, quod Concilium usurpat vocem illam singulariter, quatenus opponit eam multiplicati naturæ, vox vero singularis opponitur naturæ communicabilitati. Unde recte dicitur; tres Personæ sunt singulariter Deus; hoc est sunt unus Deus, non plures Dii: Non vero recte dicitur: tres personæ sunt Deus singularis; quia esset sensus, quod unaquæque Persona esset Deus singularis; scilicet haberet naturam, quam aliæ Personæ non haberent. Ad IV. Dispar est ratio; quia cum dicitur unicus Filius, est sensus, quod non sint plures Filii: cum vero dicitur unicus Deus, est sensus, quod una in Deo sit Persona. S. Thomas p. I. q. 31. art. 2. docet: Dicimus unicum Filium, quia non sunt plures Filii in divinis; neque tamen dicimus unicum Deum, quia pluribus Divinitas est communis. Ad V. Quando dicimus; unicus est Deus; propositione est vera; quia To unicus cadit supra naturam; quando vero dicimus; Deus est unicus; propositione est falsa; quia To unicus cadit supra personam. Ad VI. Personæ divinæ respectu naturæ divinæ nec sunt divisæ, nec sunt unitæ, sed sunt identificatæ; ubi autem est identitas, neque est divisio, neque unio.

Explicantes modo nomina omnia, quæ in divinis de se invicem prædicari, aut possunt, aut non possunt; distinguimus nomina absoluta, & relativa. Absolutis nominibus significantur essentia divina, & attributa; relativis denotantur personæ, & notiones. Distinguimus pariter abstracta, & concreta; prima exprimunt formam sine subiecto; ut deitas, sapientia, paternitas, filiatio &c. Altera sunt, quæ PAR. II.

exprimunt formam, & subjectum, seu subjectum habens formam; ut Deus, Pater, Filius &c. Distinguimus tandem concreta in adjectiva, & substantiva; illæ sunt sapiens, justus, bonus &c. Hæc vero Deus, Dominus &c. His adnotatis, de horum nominum prædicatione modo quaerimus,

Dicimus I. nomina absoluta abstracta non prædicari de Personis in plurali, sed in singulari. Sicque valet hæc propositione: Tres Personæ sunt deitas, immensitas, omnipotentia &c. Non valet autem hæc altera: Tres Personæ sunt deitates, immensitates, omnipotentia &c. Dicimus II. nomina absoluta concreta substantiva prædicari de tribus personis in singulari, non autem in plurali. Et ita falsa est propositione: Tres Personæ sunt tres Dii; vera tamen hæc: Tres Personæ sunt unus Deus. Augustinus lib. I. de Trin. c. 4. docet: Omnes, quos legere potui, qui ante me scripserunt de Trinitate, que est Deus, divinorum librorum veterum, & novorum catholici tractatores hoc intenderunt secundum Scripturas docere, quod Pater, & Filius, & Spiritus Sanctus unius, ejusdenque substantia, inseparabili æquitate divinam insinuant unitatem: Ideoque non sunt tres Dii, sed unus Deus. Dicimus III. nomina absoluta concreta adjectiva prædicari de divinis Personis in plurali. Unde dicimus: Tres Personæ coæternæ sunt, & coæquales. Dicimus IV. nomina relativa adjectiva in divinis non prædicari de essentialibus; sicque dici non potest: essentia divina est generans, spirans, generata, spirata, procedens; ut contra Abbatem Joachimum Concilium Lateranense IV. c. 2. definitivit. Dicimus V. nomina relativa substantiva in divinis de essentialibus prædicari, unde dicimus: Essentia est tres personæ; essentia est Pater; essentia est Filius; essentia est personalitas; essentia est paternitas, essentia est filiatio, spiratio, &c. Et ratio est, quia hæc omnia sunt in divinis realiter idem cum essentia, sive sint concreta, sive abstracta, dummodo sint relativa, & substantiva.

Dices I. Vera est propositione, si dicatur: Tres Personæ sunt tres res: ergo nomina substantiva prædicantur de Personis etiam in plurali. Antecedens patet ex Augustino lib. I. de doct. christian. c. 5. docente: Res, quibus fruendum est, sunt Pater, & Filius, & Spiritus Sanctus. II. Est vera propositione hæc: tria sunt albae; si per divinam omnipotentiam una nume-

so albedo in tribus subjectis esset: ergo etiam est vera hæc in divinis Personis: tres sunt Domini. III. Persona est nomen concretum substantivum; sed prædicatur in plurali: ergo &c. Probatur minor. Si-  
cūt est vera propositio hæc: tres Personæ sunt unus Deus; ita etiam est vera hæc alia: unus Deus est tres Personæ: ergo Persona prædicatur in plurali. IV. Nomina adjectiva in divinis non prædicantur in plurali, sed in singulari; & probatur ex illo in Athanasii Symbolo: *Increatus Pater, increatus Filius, increatus Spiritus Sanctus; immensus Pater &c., aeternus Pater &c.* Et tamen non tres immensi, non tres increati, non tres eterni; sed unus increatus, unus immensus, unus aeternus: ergo fallit regula, qua diximus, nomina adjectiva prædicari in plurali, quando de multis suppositis prædicantur.

Respondemus ad I. Nomen hoc *Res* esse substantivum transcendens, quod & in absolutis, & in relativis verificatur; cum  
hac tamen differentia, quod in plurali prædicatur de relativis, quia relativa sunt plura; de absolutis prædicatur in singulari, quia absolute sunt unum. Unde propositio illa Augustini est vera, & est de ejus mente, si res sumatur substantialiter, & absolute; secus vero, si accipiatur relative est vera in plurali, ut diximus nos, non autem in singulari. Ad II. discrimen est inter duas illas propositiones, quod in una prædicatur *To alba*, quod est adjectivum; in altera prædicatur *To Domini*, quod est substantivum. Ratio est, quia substantiva significant formam, & suppositum, ut unum; adjectiva vero significant ut duo. Ad III. dicitur, quod Personæ est nomen concretum relativum; & nomina relativa, quæ Patri, & Filio, & Spiritui Sancto sunt communia, prædicantur in plurali; quia formæ, quæ significantur per illa relativa, vere a parte rei in divinis multiplicantur. Personalitates sunt formæ, quæ significantur per Personam; Personalitates sunt plures; unde plures sunt Personæ. Ad IV. dicimus, quod nomina illa immensus, aeternus, increatus &c. sunt quidem nomina adjectiva, sed quæ nonnunquam substantives sumuntur; prout de facto accipiuntur ab Athanasio. Unde S. Thomas i. p. q. 39. ar. 3. Dicimus enim vel tres sapientes, & tres eternos, & increatos, & immensos, si adjective sumuntur. Dicimus autem unum increatum, immensem, & aeternum, ut Athanasius dicit. Concilium Toleranum XI. pariter in

fidei professione dicit: *Item & Pater omnipotens, & Filius omnipotens, & Spiritus Sanctus omnipotens, singulariter dicitur; nec tamen tres omnipotentes, sed unus omnipotens, sicut & unum lumen, unumque principium predicatorum. Ulterius in eodem Symbolo eadem nomina adjective sumuntur; totæ tres Personæ coegera sibi sunt, & coæquales.* Et in Concilio Lateranensi IV. c. 1. pariter accipiuntur adjective: *Pater generans, Filius nascens, & Spiritus Sanctus procedens; consubstantiales, & coæquales, coomnipotentes, & coæterni.*

Videndum quoque superest, an, & quomodo in divinis, relativa prædicentur de essentialibus? Et dicimus I. quod nomina relativa, si sint adjectiva, in divinis non prædicantur de essentialibus. Raus est, quia aliter hæc nomina, Generans, Spirans, Generata, Spirata, Procedens, prædicari possent de essentia divina; quia sunt simul nomina relativa, & adjectiva; hoc autem est falsum; quod patet ex Concilio Lateranensi IV. c. 2. definiente contra Abbatem Joachimum, nomina hæc, Generans, Spirans, Generata, Spirata, Procedens, de essentia dici, & prædicari non posse. Dicimus II. Si autem relativa sint substantiva, posse in divinis prædicari de essentialibus. Ratio est, quia relativa hæc substantiva, sive concreta, sive abstracta, idem sunt cum essentialibus; aliter Deus non est omnino simplex; si autem sunt idem, possunt de iisdem prædicari, ut clarum est. Vera sunt proinde propositiones hæc: Essentia est tres Personæ. Essentia est Pater. Essentia est Filius. Essentia est personalitas. Essentia est Paternitas. Essentia est Filiatio, Spiratio &c.

Dices I. Falsa hæc propositio est: Pater est Trinitas; & tamen, juxta a nobis dicta, deberet esse vera; quia Trinitas prædicatur de essentia, & per consequens prædicatur de singulis personis; quum quod convenit essentiæ, tribus personis est commune. II. In divinis relativa sunt inferiora respectu essentialium, quia sunt minus communia, quam essentialia; sed inferiora non prædicantur de superioribus; non enim homo, qui est inferior, prædicatur de animali, quod est superior: ergo &c.

Respondemus ad I. Verum esse, quod prædicatur de essentia sine notionibus accepta, prædicari de singulis personis; at de essentia concepta cum notionibus, esse falsum. Quando dicimus: Essentia est Trinitas; essentia supponit cum notionibus; quia hæc significantur per nomen Trinitas; falsum

sum est autem, quod hæc propositio non sit vera in hoc sensu; quia vere essentia cum notionibus, scilicet cum Paternitate, Filiatione, & Spiratione passiva, est Trinitas. Ad II. responderet S. Thomas i. p. q. 39. ar. 6. *Ad secundum dicendum, quod cum dicitur, Deus, vel divina essentia est Pater, est prædicatio per identitatem, non autem sicut inferioris de superiori: quia in divinis non est univorse, & singulare: Unde sicut est per se ista: Pater est Deus; ita & ista, Deus est Pater, & nullo modo per accidens.*

Denique, quum loquuti fuerimus de prædicatione, remanet, ut de suppositione loquamur. Et dicimus I. nomina essentialia abstracta non supponere pro personis. Ratio est; quia essentia, deitas, sapientia, bonitas, sunt nomina essentialia abstracta, quia significant formam sine subjecto; verum hæc nomina non supponunt pro personis; quia aliter veræ essentia propositiones istæ: Essentia generat, essentia spirat; contrarium autem definivit Concilium Lateranense IV. c. 2. ubi loquens de essentia, seu natura divina, dicit; & illæ res non est generans, neque genita, nequæ procedens. Ulterius; si possemus dicere: Essentia generat, possemus quoque dicere: essentia est genita: ergo essentia generat seipsum; quod non est dicendum. Dicimus II. Nomina essentialia concreta supponere pro personis. Ratio est; quia hoc nomen, Deus, est nomen essentialiale concretum; & supponit pro persona; quum ei tribuatur generatio cum activa, cum passiva. Legimus enim in Symbolo: *Deum verum de Deo vero.* Et apud Augustinum lib. 15. de Trinit. c. 14. *Verbum ergo Dei Patris unigenitus Dei Filius, per omnia Patre similis, & aequalis, Deus de Deo, lumen de lumine, sapientia de sapientia, essentia de essentia &c.*

Dices I. Apud Patres impugnantes Arianos, & apud illos confutantes Sabellianos, habetur, Filium esse de substantia Patris, & Patrem esse fontem totius deitatis: ergo vere substantia, deitas, quæ sunt nomina abstracta, supponunt pro personis. II. Nomina hæc, res generans, supponunt pro persona, non pro essentia, quia essentia nec generat, nec generatur; sed hæc sunt nomina abstracta; quia dicunt formam, & non subjectum: ergo nomina abstracta supponunt pro personis. III. Si dicamus, Deus creat; nomen Deus supponit pro essentia, non pro persona; quia creare est terminus absolutus, non relativus: ergo

*PAR. II.*

nomina concreta essentialia pro personis non supponunt.

Respondemus ad I. Patres, quando dicunt, *Filium esse de substantia Patris, non intelligere, substantiam Patris esse principium productivum, sed tantum accipere pro aliquo, quod significet veluti causam materialis, scilicet ad instar causæ materialis;* quod nimis Filius sit ipsam substantiam Patris, quum ei Pater suam substantiam integre, ac perfecte communicet. Quando vero dicunt; Patrem esse principium totius deitatis, sumere nomen Deitatis pro essentia; non tamen quod per hoc intelligent, deitatem a Patre generari, vel spirari, sed quod deitas a Patre communicetur tanquam a principio primo, quod a nullo alio recipiat suum esse. Ad II. dicitur, nomina illa, res generans, dicere essentiam non simpliciter, & in se sumptam, sed reduplicative, prout scilicet est idem cum Persona Patris. Ad III. dicimus, quod nomina concreta per se, & in se considerata significant personas; per accidens vero significant essentiam, quando scilicet aliquid additur, quod determinet illa nomina ad significandam essentiam.

Regulas quasdam afferit denique Cacheranus, quas dicit generales, circa modum in mysterio Trinitatis loquendi; & alias exponit Jueninus, quem usquemodo fere transcriptimus, ad cognoscendum, quando nomen hoc, Deus, supponat pro persona, & quando pro essentia. Primas Regulas primo afferimus; sed indicamus solum, non autem probare prosequimur; quia apud Cacheranum citatum qui vult probatas inventiet.

- I. Regula est: In mysterio Trinitatis, loquendo de Personarum distinctione, utendum est propositionibus, & vocibus, quæ non sapientiæ diversitatem. II. In mysterio Trinitatis, loquendo de unitate essentiæ, utendum est propositionibus, & vocibus, quæ non sapientiæ confusionem, & indistinctionem Personarum. III. In mysterio Trinitatis circa nomina adjectiva duo sunt observanda; primum, quod sequuntur exigentiam nominis substantivi, cui adjunguntur; secundum, quod faciunt sensum formalem, non identicum. IV. In mysterio Trinitatis circa nomina substantiæ hæc non multiplicantur sine multiplicatione formarum; unde non possunt magis multiplicari nomina substantiæ concreta, quam multiplicentur nomina abstracta. V. In mysterio Trinitatis nomina essentialia sumpta in concre-

H 2

ca

to supponere possunt pro personis ; quæc-  
ties determinantur a prædicato ad talem  
suppositionem . VI. In mysterio Trinita-  
tis non debemus laborare in reddenda ra-  
tione vocabuli , vel loquutionis , sed ar-  
tendendus est in pluribus usus Sapientum ,  
qui juxta temporum , nationum , aliarun-  
que circumstantiarum varietatem varius  
esse potest . Hæc sunt Regulae , quas a Ca-  
cherano ad verbum scripsimus . Quæ se-  
quentur sunt a Juenino excerptæ .

I. Regula est . Quando nomini Deus nihil  
adjungitur , quod vel ampliet , vel restri-  
gat , ejus significationem , supponit pro  
natura divina , ut est eadem in tribus Per-  
sonis ; unde æque principaliter , & primo  
supponit pro persona , ac pro natura . Pa-  
ret in hac propositione : *Soli Deo honor ,*  
*& gloria .* II. Quando nomini , Deus , tri-

buitur actus essentialis , qui convenit per-  
sonis ratione essentiae ; tunc supponit  
principaliter pro essentia , & secundario  
pro personis : ut Deus creat . III. Quando  
eidem nomini tribuitur actus essentialis ,  
qui convenit essentiae , prout ipsa distin-  
guitur a personis ; tunc supponit tantum  
pro essentia : ut Deus est communis tribus  
Personis : Deus est Trinus : Deus est Tri-  
nitatis &c . IV. Quando eidem nomini tri-  
buitur actus notionalis ; tunc supponit pro  
Persona : ut Deus generat Deum ; subje-  
ctum supponit pro Patre , & prædicatum  
pro Filio : Deus spirat Deum ; subjectum  
supponit pro Patre , & Filio ; prædicatum  
pro solo Spiritu Sancto : Has omnes Re-  
gulas faciet Jueninus a Sylvio accepisse ;  
sicuti nos non diffitemur ab ipsis aucto-  
ribus transcriptis ,

## DISSESTITO CXII.

*De Processionibus in divinis Personis ; de Errori-  
bus contra easdem , illorumque Auctoribus ; &  
de Scholasticorum sententiis circa illas .*



Dinstar actionum , quæ sunt  
in creatis , concipimus quo-  
que illas , quæ sunt in divi-  
nis ; et si has ex omni imperfe-  
ctionum labore depuratas con-  
cipere miratur . Actiones  
istæ in creatis proprie dicuntur emanationes , in divinis vocantur Processiones ;  
quanvis aliquando processionis nomen  
etiam in creatis , sicut illud emanationis  
in divinis , sed improprie quidem , usur-  
pentur . Igitur in creatis processio idem  
sonat , ac origo , seu emanatio unius ab alio ,  
tanquam a principio , vel a causa . Duplex  
proinde statuitur emanatio , & per conse-  
quens etiam processio ; immanens nimis etiam ,  
& transiens . Hæc ultima est , cuius terminus  
est extra suum principium , vel causam ,  
a qua producitur ; ut sunt actiones ad ex-  
tra . Prima vero est , cuius terminus est in-  
tra principium , vel causam suam , ut sunt  
actiones ad intra . Hæc quidem in creatis ;  
at in divinis proprie processio significat  
veram , & realem emanationem unius per-  
sonæ ab alia , quæ extra Deum non exeat ,  
sed intra entitatem divinæ substantiæ man-  
neat ; & veluti in sinu personæ producen-  
tis æternum subsistat ; ut ex illo Joannis I.  
18. *Unigenitus , qui est in sinu Patris ; expli-*

*cat Frassen .* Hic idem ulterius observat ,  
quod quanvis Teologi ad explicandum  
mysterium unius personæ procedentis ab  
alia utantur nominibus productionis , pro-  
cessionis , & originis , seu emanationis ; at-  
tamen sic in rigore accipiuntur hæc nomi-  
na , ut productio significet actionem unius  
personæ producentis aliam ; alia vero no-  
mina exprimant exitum , seu emanationem  
unius personæ ab alia . Distinguunt  
proinde duplēm processionem , activam  
scilicet , & passivam . Activa est ipsa actio  
personæ producentis ; passiva est emanatio  
personæ productæ . Denique advertitur ,  
quod quanvis processio tributatur ex Eccle-  
siæ usu emanationi Spiritus Sancti ; unde  
dicitur in Symbolo Athanasiano ; *non gen-  
itus , sed procedens* : Apud Theologos ta-  
men usurpatur processio ad significandam  
originem , & emanationem utriusque divi-  
næ personæ , Filii scilicet a Patre , & Spi-  
ritus Sancti a Patre , & Filio . Etiam Pro-  
cessio immanens , vel est processio unius ab  
alio tanquam a causa , vel tanquam a me-  
ro principio . Illa importat receptionem ,  
esse in termino cum dependentia a prin-  
cipio , a quo oritur ; hæc vero dicit quidem  
receptionem esse , sed sine dependentia .  
His adnotatis .

Con-

**C**ontra divinas Processiones error fuit aliquotum, qui dicebant, divinam essentiam ex se determinari ad tres Personas sicut ad primum sine ulla productione. Hi fuerunt dicti Autotheani, qui assertebant, omnes divinas Personas a se ipsis esse, & non ab aliis. Refutat Praetextus trac. 3. disp. 1. ar. 2. q. 1. Cachetanus trac. 2. libr. 1. c. 1. §. 4., qui & 1. refutat adducit Genebrardum in præfatione librorum de Trinitate, afferentem Hæreticos hosce, declinantes ab Arianiis in extreum oppositum, dixisse, personam Filii, & personam Sp̄iritus Sancti, esse a se æque, ac personam Patris. Subdit quoque Cachetanus dicto §. 4. catholicam veritatem erroris huic oppositam constare non solum certitudine fidei, sed etiam evidētia scientiae. Contra hunc errorem. **D**icimus, de Fide constare, in divinis esse reales Processiones ad intra, secundum quas Filius procedit, & producitur a Patre, & Sp̄iritus Sanctus ab utroque.

I. probatur ex Scripturis. Joan. 7. 29. *Ego scio eum, quia ab ipso sum.* Joan. 8. 42. *Ego ex Deo processi.* Sunt pariter alia novi testamenti testimonia, quæ asserunt, Filium accepisse a Patre vitam, potestatem, auctoritatem &c. Joan. 5. 26. *Sicut enim Pater habet vitam in semetipso, sic dedit & Filius vitam habere in semetipso.* Joan. 17. 2. *Sicut dedisti ei potestatem omnis carnis.* Matth. 11. 27. *Omnia mibi tradita sunt a Patre meo.* Hæc autem perfectiones omnes divinas divina essentia realiter continet; unde si Pater dedit Filio omnes hasce perfectiones, dedit quoque essentiam. Hæc dicta sunt de Filio, sequentia de Sp̄iritu Sancto dicuntur. Joan. 15. 26. *Cum autem venerit Paracletus, quem ego mittam vobis a Patre, Sp̄iritum veritatis, qui a Patre procedit, ille testimonium perhibebit de me.* Et cap. 16. 14. *Ille me clarificabit; quia de meo accipiet, & annuntiabit vobis.* Item ex veteri testamento Psal. 2. 7. *Ego hodie genui te.* Eccles. 24. 5. *Ego ex ore Altissimi prodivi; sensus est de Patris intellectu; primogenita ante omnem creaturam.*

II. probatur ex Conciliis. Concilium Nicænum I. in Symbolo fidei habet: *Deus de Deo, lumen de lumine, Deus verus de Deo vero, genitus, non factus;* hæc de Filio; de Sp̄iritu Sancto quoque: *Qui ex Patre procedit:* Concilium Constantinopolitanum I. *Credimus in Sp̄iritum Sanctum, Dominum & vivificantem, & ex Patre procedentem, & cum Patre, & Filio adorandum.* Concilium Lateranense III., & refutatur in cap. firmiter, de summa Trinitate, & fide catholica.

Concilium Florentinum generale in literis unionis. Concilium Tolitanum XI. celebratum ann. 675. in fidei expositione. Confitemur, & credimus sanctam, atque ineffabilem Trinitatem Patrem, Filium, & Sp̄iritum Sanctum unum Deum naturaliter esse. . . . Et Patrem quidem non genitum, non creatum, sed ingenitum profitemur; ipse enim a nullo originem dicit, ex quo & Filius nativitatem, & Sp̄iritus Sanctus processionem accepit.

III. probatur ex Parribus. Ambrosius ad verba Joannis 1. *Sicut Pater habet vitam in semetipso, sic dedit & Filius vitam habere in semetipso;* hæc scribit lib. 4. de fide c. 5. *Quis non advertat, ad unitatem patræ, quod eadem Patris, & Filii vita sit, esse referendum?* S. Hilarius lib. de Synodis ad can. 4. Orientalium: *Quod in utroque vita est, in utroque significatur essentia, . . . Non enim aliud habet quod dedit, & sicut vitam habet, ita habendam dedit vitam.* Augustinus lib. 15. de Trinit. c. 26. *Sicut Filio præstat essentiam, sine initio temporis, sine ulla mutabilitate naturæ de Patre generatio; ita Sp̄iritui Sancto præstat essentiam, sine initio temporis, sine ulla mutabilitate naturæ de utroque processio.* Nazianzenus orat. 35. propoenens sibi hanc questionem: *Quomodo igitur non sunt (Filius, & Sp̄iritus Sanctus) simul cum Patre principii expertes, siquidem eterni sunt?* Ita sibi meti pli responderet: *Quia inde procedunt, et si non post illum sunt; & responsione rationem reddens, subdit, Evidem quod principio caret, etiam aeternum est: quod autem aeternum est, non protinus omni caret principio, quandiu ad Patrem, velut ad principium, refertur.* Ergo illi, quantum ad causam, non parent principio. Athanasius orat. cont. Sabellii gregales, Patrem, ait, jure merito dici solum Deum, quod solus ingenitus sit, & solus fons Deitatis. Auctor libri de Trinitate, qui reperitur inter opera Tertulliani, & qui Auctor creditur Novatianus, c. 31. *Quidquid est Filius, non ex se est, quia nec innatus est, sed ex Patre est, quia genitus est; sive dum Verbum est, sive dum virtus est, sive dum sapientia est, sive dum lux est, sive dum Filius est, & quidquid horum est, non alinde est, quam ex Patre, Patri suo originem suam debens.* Fulgentius ad quintam objectionem Ariannorum: *Duo quippe ingeniti non possunt unam habere naturam, ubi nec unus in uno veram ex se generationem invenit; nec unus ex uno vere in se substantiam nativitatis cognoscit.* Cyrillus lib. 2. thesaur. c. 1. *Divina substantia ineffabili quadam, supra ma-*  
*natu-*

natura constituta, Filium ex Patris hypostasi genuit: Non enim potest esse perfecta Deitas, nisi Filiū habeat, & filium ex se pariat.

IV. probatur Rationibus. I. Nequit esse realis distinctio inter divinas Personas sine reali productione, & processione unius personae ab alia; sed de fide habemus realem distinctionem inter divinas Personas: ergo etiam de fide habemus productionem, & processionem unius personae ab alia. Probatur major. Sine processione non est oppositio; sine oppositione non est distinctio. Hoc totum patet; quia natura divina, quam sit infinita, omnia sibi identificat, cum quibus oppositionem non habet. Essentia autem divina non potest habere oppositionem, nisi propter relationes oppositas; quia omnia in divinis sunt idem, ubi non obstat oppositio relativa. Omnis autem relatio in divinis est propter processionem; quia omnis relatio est vel propter mensuram, quae in ente infinito non habet locum; vel propter unitatem, quae nec pariter habet locum in natura divina, quae omnem naturae distinctionem excludit; vel propter productiōnem, quae sola in Deo reperitur. II. Nequit in divinis admitti consubstantialitas naturae, & distinctio personarum, nisi admittantur reales processiones; sed illae admittuntur: ergo & istae. Probatur major. Quia sine realibus processionibus personae aut essent improductae, aut productae a principio extrinseco, & in essentia diverso; si primum; non esset major ratio, cur personae non essent infinitae, quum omnes a se essent; quod Adversarii non dicunt: Si secundum: ergo non haberent eandem naturam: ergo non esset in ipsis consubstantialitas naturae. III. In Deo est intellectus habens objectum actu intelligibilem sibi praesens, & proportionatum, scilicet essentiam divinam: ergo producet terminum sibi adaequatum, scilicet notitiam genitam infinitam; atqui nullum infinitum potest in alio existere: ergo notitia illa genita, quum sit infinita, erit per se subsistens; sed praeter Deum, & extra ipsum, nihil est per se subsistens infinitum: ergo notitia illa genita infinita, & per se subsistens, & Deus. Idem argumentum efformari potest de Voluntate Dei respectu Spiritus Sancti.

Arguunt I. Ens a se nequit ab alio originem habere; sed qualibet divina Persona est ens a se: ergo nequit habere originem ab alio. II. Quod ab alio procedit debet ha-

bere naturam specie eandem, sed numero diversam; sed personae divinae habent unam naturam specie, & numero: ergo una ab alia non procedit. III. Processo importat prius, & posterius; principium enim prius est termino, qui ab ipso procedit; sed in divinis non dantur prius, & posterius: ergo in divinis non dantur processiones. IV. Personae divinae nequeunt habere esse receptum, quia hoc esse dicie imperfectionem; at si una persona procederet ab alia persona procedens haberet esse receptum: ergo &c. V. Qualibet persona divina est ex se ens necessarium; sed nullum ens productum est ens necessarium: ergo nulla persona divina est producta. Minor probatur, Nullum ens necessarium indiget alio, ut sit; sed quodlibet ens productum indiget alio, ut sit: ergo nullum ens productum est ens necessarium. VI. Multae sunt imperfectiones, quae comitantur generationem; atqui nullae in divinis esse possunt imperfectiones: ergo nulla in divinis est generatio. VII. S. Epiphanius haeres, 69. vocat Filium Autotheon, quod Haeretici Autotheani interpretantur, a seipso essentiam habere. VIII. Augustinus in psal. 109., & Cyrilus lib. 7. de Trinit. docent, Patrem, & Filiū esse unum principium: ergo sicut Pater principio caret, ita & Filius; & per consequens Filius non est a Patre, sed a seipso.

Respondemus ad I. distinguendo majorem: Ens a se non potest habere originem ab alio, ut principio diversae naturae, vel ut causa extrinseca, concedimus, ut a principio eiusdem naturae, excludente omnem dependentiam, causalitatem, & contingentiā, negamus. Igitur ens a se, ut ait Brassen, potest dupliciter intelligi; vel ut excludit principium extraneum, & alterius naturae; & ita omnes divinae personae sunt a se: Vel ut excludit reale principium, quod sit eiusdem naturae; & ita solus Pater est a se.

Ad II. distinguimus pariter majorem: Si processio est finita, corporea, & materialis, conceditur diversitas naturae; negatur vero, si processio est infinita, intellectualis, & spiritualis. Ratio est, quia infinitas omnia sibi identificat, quae non dicunt oppositionem; quum autem nulla sit oppositio inter naturam, quae est in Patre, & Filio, & Spiritu Sancto; hinc est, quod quanvis Filius procedat a Patre, & Spiritus Sanctus a Patre, & Filio, non per hoc habere debent naturas numero distinctas.

Ad

Ad III. quoque distinguimus majorem: Processio importas prius, & posterius, vel temporis, vel originis, concedimus; temporis tantum, negamus. In divinis habet tantum locum prioritas originis, quæ sufficit ad salvandas processiones; non autem est necessaria prioritas temporis, quæ nequit habere locum in illis Personis, quæ aeternæ sunt; ut ait Nazianzenus: *Quod autem aeternum est, protinus omni caret principio.*

Ad IV. concedimus majorem propositionem in creatis, in divinis vero negamus. Ratio est, quia in creatis non datur id, quod est idem numero cum dante, sed datur quid simile. Sic homo generat hominem, & dat illi naturam suam, sed non eandem numerum, bene vero similem. In divinis vero eadem omnino numero est natura, quam Pater communicat Filio, & Pater, & Filius Spiritui Sancto. Et hinc est, quod in creatis recipere dicit imperfectionem, quia dicit dependentiam; in divinis vero non dicit, quum idem non possit a seipso dependere; scilicet eadem natura, quæ est in tribus personis.

Ad V. distinguimus minorem primi argumenti: Nullum ens contingenter productum est ens necessarium, concedimus; nullum ens necessario productum est ens necessarium, negamus. Divinæ personæ sunt entia necessaria, & quæ necessario producuntur. Eadem distinctio adhiberi potest in majori, & minori propositione, quibus praefata minor probatur.

Ad VI. dicitur, quod in divinis non sunt imperfectiones generationis, est tamen generatio; quia est productio, quæ connotat rem productam. Hæc autem res producta tunc in divinis implicaret, quando in sui productione transiret de non esse ad esse; at non est ita, quia in divinis res producta accipit idem omnino esse, quod habet principium producens. Unde in hac generatione non est mutatio, quanvis sit productio.

Ad VII. Epiphanius explicatur afferendo, quod verbis illis intelligat, Dei Filium esse vere, & proprie Deum, non vero suppositum, & fictitium; nec divinitatem quasi alienam, & indebitam habere, sed propriam, & sibi debitam, non minus, quam Patri, qui eam communicavit. Aut enim nil aliud importat, quam propriæ, & per se; ut ex Platone, & Aristotele, narrat Genebrardus lib. I. de Trinit., & observat Ruiz, & refert Frassen.

Ad VIII. Patres aliquando appellare Filium

nomine principii, sed comparative, & respectiva ad Spiritum Sanctum, aut ad creaturem; unde respectu Spiritus Sancti sunt revera Pater, & Filius unicum principium; ita etiam respectu creaturem, ad extra.

Certum est autem, in divinis non dari processionem unius personæ ab alia tanquam a causa, sed tanquam a principio. Et ratio est, quia repugnat Deo processio unius personæ ab alia tanquam a causa; & adeo repugnat, quod ipsam destruit divinitatem. Et hoc probatur. Procedere ab alio tanquam a causa importat essentialiter dependentiam, quam scilicet necessario habere debet effectus a sua causa; sed Deus est essentialiter independens, quum essentialiter sit a se: ergo processio unius personæ ab alia tanquam a causa adeo Deo repugnat, quod ipsam destruit divinitatem. Et in hoc re vera conveniunt Græci, tum Latini; quanvis in loquendi modo disconvenire videantur. Græci enim pro causa intelligent principium, quando dicunt, unam personam ab alia procedere tanquam a causa; quia sumunt causam improprie, quatenus scilicet est simplex communicatio esse; præscindendo deinde, an per communicationem illam dependeat terminus a principio, aut non dependeat. Et quod Græci, quando afferunt, unam personam dependere ab alia tanquam a causa, non intelligent causam proprie, sed improprie, sumptam, evidenter habemus ex eo quia iidem Græci fatentur, Verbum esse verum, & substantialiter Deum; ergo fatentur pariter, Verbum non esse terminum, qui dependeat a suo principio, scilicet Patre, tanquam effectus a causa. Illo autem loquendi modo volebantur, ut clarissim personarum distinctionem contra Sabellianos, aliosque Hæreticos, demonstrarent. Sic igitur, & non aliter, intelligendi sunt Patres Græci, quando unam personam in divinis afferunt alterius esse causam. Ita Justinus in Dialogo cum Tryphone docet, Deum Patrem esse Filio causam cur sit. Constantinus magnus in orat. ad Sacerdotum coetum apud Eusebium hæc habet: *Pater quidem Filii causa est, Filius vero est causatum.* Basilius lib. I. contra Eunomium: *Nos autem secundum causarum habitudinem ad ea, quæ ex illis oriuntur, Patrem collocari ante Filium afferimus.* Idem in eodem libro: *Vox ipsa Patris quid aliud significat, nisi hoc, quod causa est, & principium ejus, qui ex ipso genitus est.* Nazianzenus

zenus orat, 29. *Deus quidem, hoc est Pater, est Deus; siquidem Filius, & Spiritus Sanctus ad unam causam referuntur.* Et hæc profecto apud omnes Theologos sunt inconcussa.

De divinarum Processionum numero in praesenti agendum est, ac de earundem distinctione. Et quidem recolentes quæ Dissertationis hujusc in exordio diximus, Processiones esse vel activas, vel passivas; modo subdimus, has omnes Processiones quatuor modis posse inter se comparari. Primo modo comparantur processiones activæ inter se, ut generatio, & spiratio; secundo processiones passivæ inter se, ut generari, & spirari; tertio activa comparatur cum passiva sibi respondentे, ut generare cum generari; quarto activa comparatur cum passiva sibi disparata, ut generare cum spirari. Venientes modo ad distinctionem earundem Processionum; dicimus, Processiones passivas realiter inter se distingui; quia aliter Personæ divinæ realiter inter se non distinguerentur. Ulterius dicimus, spirationem activam realiter distingui a passiva sibi respondentे; quia aliter persona producta non distingueretur realiter a producente. Adhuc subdimus, quod num processio activa distinguatur a passiva sibi disparata, dependet a decisione quæstionis illius inter Scholasticos; Si Spiritus Sanctus a Filio non procederet, an ab eo realiter distingueretur; circa quam in sequentibus nostram mentem aperiemus. Demum remanet modo examinare, quomodo Processiones activæ inter se invicem distinguantur.

Cohærenter ad hæc, quæ diximus, videre debemus primo, an Processiones in divinis passivæ sint duæ tantum, & an possint esse plures? Secundo, quot sint in divinis Processiones activæ, & quomodo inter se distinguantur? Tertio, quid re vera, & proprie sint divinæ Processiones? Pro primo quæsito refert Frassen errorem Raymundi Lullii, qui, Eymerico teste, asserebat, vel unicam in Deo dari Processionem, vel plures, & pene innumeræ. Unicam asserebat, quando dicebat intra Deum unum esse tantum bonificandi actum, hoc est communicandi bonitatem, & essentiam divinam; subdens, quia si essent plures actus, quilibet ipsorum esset finitus, & limitatus, atque adeo incompetens, & repugnans Deo, qui est omnimode infinitus. Plures etiam admitebat, quia lib. 1. sent. q. 2, hæc scribe-

bat: *In divinis essentia non est otiosa, sed essentia; & natura naturaliter, bonitus bonificat, & infinitas infinitificat, & eternitas eternificat.* Et quidem verbis hisce intellexit, varias esse essentiae, & attributorum operationes, quemadmodum sunt intellectus, & voluntatis intelligere, & amare. Quod ipsemet expressit his aliis, quæ subjunxit, verbis: *Sicut Deus naturale habet intelligere, & amare intrinsecè; ita intrinsecè habet naturale bonificare, eternificare, possificare, & virtuificare.* Pro secundo vero quæsito Scholastici distinctionem illam admittunt, quam quicunque juxta propria principia propugnat; formalē nimirum ex natura rei Scotistæ; virtualem Thomistæ, vel rationis ratiocinatæ; ex patre actus Neuterici, vel Nominales; ut alibi nos etiam explicavimus, quando nimirum de Attributorum distinctione agebamus. Pro tertio tandem varias quoque Scholasticorum opiniones asseremus, & ex illis felicemus, quæ magis videbitur fidei, & rationi, consentanea.

Dicimus I. Duas esse tantum in divinis Processiones passivas, & non posse esse plures.

I. probatur. Personæ productæ in divinis duæ sunt tantum: ergo pariter duæ sunt tantum processiones passivæ. Antecedens patet; quia, quum Pater, ex communione Patrum traditione, sit fons, & origo totius deitatis, nequit ab alia persona generari, aut produci; remanet ergo, quod soli Filius, & Spiritus Sanctus, producantur. Consequentia sequitur; quia quot sunt termini producti, tot debent esse productiones, quæ sunt processiones passivæ.

II. Ex Scripturis, Conciliis, & Patribus, Filius dicitur unigenitus: ergo unica est generatio, & unius termini est generatio; atqui eodem modo dicendum est de Spiritu Sancto: ergo &c. III. Si in Divinis possunt esse plures productiones ejusdem rationis, poterunt etiam esse infinitæ; immo infinitæ necessario erunt, quia in ente necessario idem est esse, & posse; hoc nemō dixit, nec dicet unquam: ergo processiones passivæ in divinis ita sunt duæ, ut plures esse non possint. Sequela probatur ex S. Augustino lib. 3. cont. Maximinum c. 12. *Immoderata efficit divina generatione, si genitus Filius nepotem gigneret Patri, quia & ipse nepos nisi Avo suo pronepotem gigneret, secundum vestram mirabilem sapientiam impotens diceretur . . . . Nec impleretur generationis series, si semper alter ex altero gigneretur; nec etiam nullus per-*

*ficeret eam, si non sufficeres emui posens animus.*  
IV. Potentia generativa divina generans Filium haber actum sibi adæquatum: ergo non potest alium habere. Antecedens probatur. Filius est terminus infinitus, sicut est intellectus, qui ipsum generat: ergo haber actum sibi adæquatum. Consequencia sequitur; quia quævis potentia, quæ haber actum adæquatum, dum illum haber, non potest alium habere.

Dicimus II. Duas quoque tantum in divinis esse processiones activas.

I. probatur. Duo sunt in divinis actus immanentes: ergo duas tantum sunt processiones activæ. Consequentia sequitur; quia actus illi immanentes in divinis dicuntur processiones, ut diximus. Antecedens probatur. Sunt enim intelligere, & velle; sed hi duo tantum sunt actus: ergo &c. Et quidem alii actus omnes sunt transcuentes; ut sunt creare, conservare, destruere, punire &c. II. Duo tantum in divinis sunt termini producti: ergo duas tantum sunt processiones activæ. Antecedens negari non potest; quia Filius, & Spiritus Sanctus tantum, sunt in divinis termini producti. Consequentia probatur. Si essent processiones plures, quam duas, quum duo sint termini, altera ex illis processionibus esse absque termino; quod non est dicendum. III. Intellectus divinus producens Filium vel explet totam suam virtutem, vel non explet; si explet, unicum tantum potest habere Filium; si non explet, ergo Filius non adæquat totam suam virtutem. De distinctione autem nihil hic innovamus, vel reperimus, præter ea, quæ diximus de Attributis; illa enim omnia hic etiam possunt pari ratione applicari.

Dicimus III. Processiones in divinis esse proprie actiones vitales, non simplices emanationes; non esse dictionem, vel spirationem activam, prout distinctas ab actibus essentialibus intelligendi, & volendi in Deo; sed esse actiones, quæ habent divinam essentiam pro principio quo mediato, & remoto; habent intellectum, & voluntatem pro principio quo immediato, & proximo; & esse per consequens intellectionem, & volitionem, non essentialiales pure, & secundum se consideratas; nec addere supra intellectionem, & volitionem essentialias aliquid spectans ad linéam intelligendi, & volendi; sed addere solam relationem propriam personæ producentis; seu esse ipsasmet intellectionem & volitionem essentialias, ut affectas speciali ratione personæ producentis. Plu-

res haber partes Conclusio; & pro singulis explicatur, & suadetur.

Pro prima Conclusionis parte, in Aristote-  
corum systemate supponuntur accidentia quædam, quæ dicuntur emanare, resulta-  
re, effluere, ex subjectis; sicut ajunt esse  
relationes, quæ non producuntur per ve-  
ram actionem, sed per simplicem emanationem effluunt. Et hoc pacto esse Proces-  
siones in divinis, seclusis tamen imperfe-  
ctionibus omnibus, docent Suarez, & Thom-  
istæ quidam; si fides sit adhibenda Fras-  
sen, cuius testimonio utimur. Ipsemet Frassen Conclusionem sic probat: Alio modo essentia divina determinatur ad Pa-  
trem, ac ad Filium, & Spiritum Sanctum;  
sed ad Patrem determinatur per sim-  
plicem resultantiam: ergo ad Filium, & Spi-  
ritum Sanctum non per simplicem resul-  
tantiam, sed per vitalem actionem, deter-  
minatur. Majorem supponit certam; quia  
essentia divina determinatur ad Filium, &  
ad Spiritum Sanctum, quatenus dicuntur  
producit; sed Pater a nullo producitur: er-  
go alio modo &c. Minorem quoque dicit  
esse evidenter; quia ratio formalis consti-  
tutiva primi suppositi non producitur ab  
aliquo, sed effluit ex natura divina quasi  
proprietas ex essentia. Subdit ulterius, quod  
simplex resultantia, emanatio &c. est a  
natura divina immediate, si igitur proces-  
siones essent resultantiae, emanationes &c.  
essent pariter a natura divina immediate;  
quod mox impugnabimus contra Duran-  
dum. Denique concludit, quod persona  
subsistens debet produci per veram actio-  
nem; sed processiones in divinis producunt  
personas subsistentes: ergo sunt veræ  
actiones.

Pro secunda parte Conclusionis sumus con-  
tra Scotum, qui in 1. dist. 2. q. 7. §. ad se-  
cundum dubium; & quodlibet. 14. §. hic  
intelligendum, distinguit, tanquam duos  
actus intellectus, intelligere, & dicere; &  
tanquam duos actus voluntatis, amare  
simpliciter, & amare productivum. Sub-  
dit, processiones esse dicere, & amare pro-  
ductivum, qui sunt actus notionales, &  
esse diversos ab actibus essentialibus, qui  
sunt intelligere, & amare simpliciter. Di-  
cit etiam Cacheranus, esse conclusionem  
contra Henricum quolib. 6. q. 1., & in  
summa q. 54., & contra Valentiam 1. p.  
disp. 2. q. 1. punct. 3., sed ob alios dicen-  
di, & explicandi modos, apud ipsum vi-  
dendos. Ratio autem, quæ a Cacherano  
affertur, hæc est: Actus intellectus, & vo-  
luntas, diversi in linea intelligendi, &

volendi , ab intellectione , & volitione essentiali, id divinis non dantur ; & probatur ex Angelico i.p. q. 27. ar. 5. ad 3. Deus uno simplici actu omnia intelligit , & similiter omnia vult . Item de potentia q. 9. ar. 9. in c. Non est in Deo nisi unum simplex intelligere , & unum simplex velle; quia intelligendo essentiam suam intelligit omnia , & volendo bonitatem suam vult omnia , quæ vult . Et probatur pariter ratione ; quia non datur in Deo intellectus diversus , & voluntas diversa , ab intellectu , & voluntate essentialibus: ergo neque actus. Probatur consequentia ; quia nequeunt diversificari inter se actus secundi , nisi diversificantur primi ; & per consequens , nequeunt diversificari actus intelligendi , & volendi , nisi diversificantur intellectus , & voluntas .

Pro tertia conclusionis parte , quæ supponit fœcunditatem in natura divina , sic contra Aureolum in i. dist. 9. p. 1. ar. 4. argumentamur . Ex Scriptura Isaiae 66. 9. Nunquid ego , qui alios parere facio , ipse non pariam , dicit Dominus ? Si ego , qui generationem cateris tribuo , steriles ero , ait Dominus Deus tuus ? En huc fœcunditas divinarum naturarum ad generandum ; non quidem ut principium quod , aut quo proximum ; quia ratio principii quod est propria suppositi , & personæ ; & ratio principii quo proximi non esset sufficiens ad distinguendas in Deo processiones ; ut mox dicemus . Pro eadem fœcunditate divinarum naturarum scribunt Hilarius , Fulgentius , Damascenus , quos refert Aversa i. p. q. 27. sect. 4. §. secundo dico ; adducens etiam Dionysium , & Ignatium . Si dicatur , Sanctos Patres velle , quod Filius in divinis non procedat modo libero , sed necessario , & per hoc dicere , quod per naturæ fœcunditatem procedat: Adhuc admisso hoc , subdimus nos , non per hoc tamen naturæ fœcunditas negatur , sed potius adstruitur ; & hæc nobis sufficie ad intentum nostrum probandum .

Pro quarta parte conclusionis , quod scilicet processiones in divinis sint actiones , quæ habent intellectum , & voluntatem pro principio quo immediato proximo ; pugnamus contra Durandum , qui docuit , habere essentiam divinam pro principio immediato proximo ; contra Richardum de S. Victore , qui voluit , utrunque divinam processionem esse per voluntatem ; si verum est quod ipsi tribuunt nonnulli ; contra Aureolum , qui posuit in divinis principium quo tantum per modum

actionis , nullatenus vero per modum potentiarum . Et sic illam probamus . Dicendo , quod processiones divinæ habeant intellectum , & voluntatem tanquam principium quo , immediatum , & proximum ; hoc ipso salvamus , eas esse per intellectum , & voluntatem ; & pariter explicamus , quomodo sint per intellectum , & voluntatem : ergo vere habent processiones divinæ intellectum , & voluntatem pro principio quo immediato , & proximo . Probatur antecedens , & explicatur . Dicendo processiones divinas esse per intellectum , & voluntatem , bene explicamus , qua ratione terminus unius processionis sit Verbum , alterius vero sit amor ; explicamus , quomodo termino unius approprientur quæ ad intellectum spectant , & termino alterius quæ spectant ad voluntatem ; explicamus , quomodo una processio sit altera prior , quomodo sint duas processiones , & non plures , nec pauciores . Hæc omnia fere inexplicabilia essent , si divinæ processiones non ponantur esse per intellectum , & voluntatem . Insuper dicendo , quod processiones divinæ habeant intellectum , & voluntatem pro principio quo immediato , & proximo , cum facilitate assignamus principia illa respectu divinarum processionum , quæ respectu cujuscunque productionis assignari solent; hoc est assignamus pro principio quod Personam ; pro principio quo remoto naturam , & quasi formam principii quod ; pro principio quo proximo virtutem , & potentiam consequentem ad principium quo remotum ; quæ omnia sic optime exponit Cacheranus , cuius est discursus , ut concludat , quod quanvis divina ad modum creatorum explicari non possint ; quando tamen potest id commode fieri , non esse omittendum , ut ex duplice lumine , fidei , & naturæ , veritas clarior evadat .

Pro quinta conclusionis parte , quod scilicet intellectio , & volitio , quæ sunt processiones , & principia processionum in divinis , non sint intellectio , & volitio essentiales pure , & secundum se præcise consideratae ; habemus S. Thomæ patrocinium . i. p. q. 34. ar. 1. ad 3. & q. 37. ar. 1. , & Scholasticorum fere omnium suffragiata , qui in hoc convenienter , quanvis discrepant deinde in assignando illo , quod addunt actus , qui sunt processiones , & principia processionum , supra intellectiōnem , & volitionem essentiales pure , & secundum se præcise consideratas . Et sic eam probat

**B**ar Cacheranus contra Gabrielem. Processiones, & principia processionum non sunt in divinis quid commune omnibus personis; sed intellectio, & voluntio essentiales pure qua tales, & praecise secundum se consideratae, sunt quid commune omnibus divinis personis &c. Major constat, quia generare, & spirare, non sunt quid commune omnibus divinis personis; aliter Filius generaret, & Spiritus Sanctus spiraret. Minor etiam patet; quia omnia essentialia, si pure, & secundum se praecise considerentur in divinis, sunt communia, quemadmodum essentia ipsa communis est.

**P**ro sexta parte conclusionis, quod nimirum actus, qui sunt processiones, & principia processionum, non addant supra intellectionem, & volitionem essentiales, aliquid spectans ad lineam intelligendi, & volendi; nec sint actus intellectus, & voluntatis diversi ab intellectione, & volitione essentialibus, habemus etiam pro nobis S. Thomam, aliosque Thomistas, insuper & Lugum, Arriagam &c. apud Cacheranum, contra Scotum, atque Scotistas. Verum in secunda conclusionis parte hoc satis pertractavimus, & contra Scotum, atque Henricum, & Valentiam, peregrinatus.

**P**ro septima demum parte conclusionis, quod nempe actus, qui sunt processiones, & principia processionum, addant supra intellectionem, & volitionem essentiales, solam relationem propriam personae producentis; seu quod sint ipsamet intellectio, & voluntio essentiales, ut affectae speciali relatione personae producentis; utimur quoque hoc Cacherani ratiocinatio. Actus, in quibus divinae processiones consistunt, primo debent esse actus intellectus, & voluntatis, ut verificetur, processiones esse per intellectum, & voluntatem; secundo non debent esse communes omnibus Personis, ut verificetur, Patrem tantum generare, non filium; Patrem, & Filium spirare, non Spiritum Sanctum: Sed haec duo reperiuntur optime in intellectione, & volitione,

essentiali, ut affectae speciali relatione Personae producentis; nec reperi possunt in alio actu, aut intellectione, & voluntate aliter considerata: ergo &c. Minor probatur. Intellectio essentialis est actus intellectus; voluntio essentialis est actus voluntatis: ergo habent primam conditionem. Insuper utraque ut affecta speciali relatione personae producentis converte soli illi personae, in qua reperitur talis specialis relatio: ergo habent secundam pariter conditionem. Quod autem reperi non possint haec duæ conditions in alio actu, aut intellectione, & voluntate aliter considerata, probatur sic. Non potest dari in Deo actus intellectus, & voluntatis, qui non sit intellectio, & voluntio essentialis; ut dictum est; nec intellectio, & voluntio essentialis potest aliunde haberi, quam a relatione, quod non sit communis omnibus personis; quia sola prædicata relativa non sunt communia in divinis: ergo duæ illæ conditions reperi non possunt in alio quocunque actu, seu intellectione, & volitione, aliter considerata. Ex his infert Cacheranus, intellectionem notionalem, dictionem, & processionem activam, esse synonima in divinis, & importare unum, & eundem actum intellectus, seu intellectionem essentialiem, ut affectam speciali relatione personae producentis, scilicet affectam relatione Parentitatis. Pariter dilectionem notionalem, spirationem, & processionem activam, esse quoque synonima, & significare unam, eandemque volitionem essentialiem, ut affectam speciali relatione personae producentis, scilicet affectam relatione Spiratoris sibi identificante relationem cum paternitatis, cum filiationis. Unde intellectio notionalis ab intellectione essentiali nec etiam ratione distinguitur; quia intellectio notionalis se habet ad intellectionem essentialiem tanquam includens ad inclusum, tanquam totum ad partem; unde nec etiam ratione ratiocinata distinguitur; ut apud Cacheranum fusi, & expressius inveniuntur.

# DISSESTITO CXIII.

*De Relationibus inter divinas Personas; An sint?  
Quid sint? Quot sint? Quam habeant distinctionem? An constituant Personas? Et an perfectionem dicant? Et de peculiari pro his ultimis P. Magani sententia.*



Elationum nomine intelligimus proprietates divinas, non quidem absolutas, sed relatives, quae realiter in Deo sunt, & realiter divinas Personas constituant. Et quum relationes in creatis distinguantur a Philosophis secundum esse in, & secundum esse ad; quas ultimas Peripatetici sub accidentium nomine collocant; Alii vero non nisi sub accidentium praedicabilium, non vero praedicamentalium, genere agnoscunt: nihilominus in divinis totum quod habent, reale est, & substantiale; quia est a Deo realiter indistinctum, in quo accidentia, quae physica vocitantur, locum habere nullo modo possunt. Sed de hoc fusior erit sermo inferius; interim, quae in Dissertationis titulo exposuimus, explamamus.

Dicimus I. Vere dari in Deo ad intra Relationes reales, cum secundum esse in, tum secundum esse ad.

I. probatur ex Scripturis. Matth. 28. 19. Baptizantes eos in nomine Patris, & Fili, & Spiritus Sancti. Nomina Patris, & Fili, sunt nomina relatives, & innivent, dari relationes paternitatis, & filiationis. & quia Personæ Patris, & Fili reales sunt, reales quoque sunt ipsæmet relationes. Alia etiam sunt in Scripturis loca, in quibus de Patre, & Filio fit sermo; & ex illisdem potest eodem modo argumentari, sicut modo factum est. Expressius tamen loquitur textus ad Ephes. 3. 14. & 15. Patrem Domini nostri Jesu Christi, ex quo omnis paternitas in celis, & in terra nominatur. Hic igitur non solum Paternitatis relatio proprio nomine memoratur, verum quoque ejusdem relationis realitas ex ipsomet dicendi modo evincitur.

II. probatur ex Conciliis. Concilium Remense in Symbolo, a Paribus illius Concilii pronunciato, expresse divinas rela-

tiones memorat, Concilium Lateranense IV, sub Innocentio III., & refertur in cap. firmiter, & in cap. damnamus, de summa Trinit., & fide catholic. Concilium Florentinum sess. 18., & 19., & in literis unionis; ubi præcipue in Sess. 18. Joannes, Theologus Latinorum, hæc asserebat: Sola relatio apud omnes, tam Graecos, quam Latinos Doctores, divina processione Personas multiplicat; itaut non alia ratione, quam vi relationis, una Persona ab alia differat. Concilium Tolitanum XI. in Confessione, in qua relationes divinæ exprimuntur verbis sequentibus: In relativis vero Personarum nominibus Pater ad Filium, Filius ad Patrem, Spiritus Sanctus ad utrumque refertur, quæ cum relative tres Personæ dicantur, una tamen naturalis substantia creditur.

III. probatur ex Paribus. Cyrillus Alexandrinus dialog. de Trinit. lib. 4. Si non est Filius existens genitus, neque Pater esset juxta rationem congruum; Pater siquidem est, quia genuit: igitur & simul subsistere, & simul tolli utrumque verum. Basilij lib. 2. cont. Eunomium: Ex quo Pater est, & Filius est, & illico cum quis Patris cogitationem capit, Filius etiam incurrit, nam Pater, Filius videlicet Pater. Cyrillus Jerosolymitanus catechesi. 7. Patris nomen simul cum ipsius nominis appellatione exhibet intelligendum & Filium; quemadmodum similiiter Filium quis nominans, etiam Patrem intelligit. Nyssenus epist. cont. Apollinarem: Ubi quis Patrem nominaverit, certum est eum Filii cuiuspiam significationem intulisse; quomodo enim Pater appellabitur, nisi Filius etiam intelligatur? Hilarius lib. 7. de Trinit. Nomen Patris habet in se Filii nomen, non enim nisi per Filium Pater est; & significatio Filii demonstratio Patris est, quia non nisi ex Patre sit Filius. Boetius lib. de Trinit. circa finem: Substantia præbet unitatem, relatio multiplicat Trinitatem.

IV. prog

IV. probatur Rationibus. I. In divinis ad intra est reale fundamentum proximum Relationis, & est terminus realiter distinctus : ergo in divinis est realis relatio ad intra. Sequitur consequentia ; quia hæc ad relationem fundandam requiruntur , fundamentum proximum, & terminus, seu fundamentum , ratio fundandi , & terminus ; & quando fundamentum proximum reale est in se , & realiter a termino distinctum , tunc habetur realis relatio : Si ergo hæc sunt in divinis , in divinis quoque sunt relationes reales. Probatur autem antecedens. In divinis habemus Personam producentem , realem productiōnem, & terminum productum realiter distinctum : ergo in divinis habemus reale fundamentum proximum relationis , & terminum realiter distinctum. II. Personæ divinæ realiter distinguuntur inter se; sed distinguuntur per relationes: ergo relationes sunt reales. Major est certa ; minor patet clarius infra ; consequentia sequitur . III. Relationes sunt perfectiones, simpliciter simples; sed omnis perfectio, quæ in Deo est , realis est : ergo Relationes sunt reales. IV. In divinis sunt paternitas, filiatio , & spiratio , & sunt reales; sicut sunt in Deo Pater , Filius , & Spiritus Sanctus , qui sunt reales ; sed paternitas, filiatio , & spiratio , sunt relationes , & sunt reales : ergo &c. V. Pater independenter a nostro intellectu est Pater ; sic aliæ personæ divinæ : ergo relationes, quæ importantur a Patre , & a cæteris personis , sunt tales , etiam nullo cognitante intellectu : ergo sunt reales . VI. In Deo dantur reales processiones: ergo dantur reales relationes . Probatur consequentia . Realis processio est origo unius ab alio; ex hac origine sequuntur relationes , quæ sunt habitudines principii ad principiarum , & principiati ad principium & ergo si in Deo sunt reales processiones , sunt etiam reales relationes .

Arguunt I. Relationes important dependentiam in divinis personis; sed Deus omnem dependentiam excludit: ergo non dantur in divinis. Probatur major. Divinæ Personæ , quæ essent relationum extrema , ab se invicem dependenter : ergo relationes important &c. II. Relationes in divinis non supponunt in extremis realem distinctionem , sed faciunt ; atqui omnis relatio realis supponit in extremis realem distinctionem : ergo &c. Major pater; quia in divinis Personæ , quæ sunt extrema relationum , non distinguuntur per essen-

tiam , sed per relationes : ergo relationes non supponent in divinis distinctionem inter extrema , sed faciunt . III. In Deo non datur ordo unius ad aliud; quia quicquid in Deo est , Deus est; sed relatio est ordo unius ad aliud : ergo in Deo non dantur relationes . IV. Relationes dicuntur de subiecto vel secundum substantiam , vel secundum accidentem; nevrro modo possunt esse in Deo: ergo &c. Probatur minor . Non secundum substantiam ; quia efficerent , quod essentia divina non esset eadem in singulis personis: Non secundum accidentem ; quia in Deo non dantur accidentia . V. Boetius docet , relationes in Deo prædicari non posse , & esse ejusdem ad seipsum ; sed relatio, quæ est ejusdem ad seipsum, non est realis ; sicut non est reale in Deo quod prædicari non potest in divinis: ergo relationes in Deo non sunt reales . Major patet ex Boetii verbis lib.de Trinit. *Cum quis predicamenta in divinam veritatem prædicationem , cuncta mutantur in substantiam, quæ prædicari possunt: Ad aliquid vero omnino non potest prædicari . Item: Similis est relatio Patris ad Filium, & utriusque ad Spiritum Sanctum, scilicet ut ejus , quod est idem , ad id , quod est idem . VI. Relationes secundum esse. Ad sunt semper rationis : ergo in Deo relationes secundum esse Ad non sunt reales . VII. In divinis non datur aliud ; sed relationes semper important aliud : ergo in divinis non dantur relationes . VIII. Relativa important simultatem cognitionis ; sed personæ divinæ non habent simultatem cognitionis : ergo non sunt relativæ . Probatur minor . Non habent simultatem originis: ergo non habent simultatem cognitionis .*

Respondemus ad I. tunc esse dependentiam inter extrema relationis , quando dependent per modum causæ , vel per modum effectus , non vero quando dependent per modum simplicis termini ; scilicet , ex suppositione , quod inter duo sit mutua relatio transcendentalis, unum non potest esse sine alterio . Relationes in divinis faciunt , ut ipsarum termini , scilicet personæ , sibi invicem coexistant , sed non faciunt , ut ab se invicem dependeant , tanquam effectus a causa ; quia producuntur actionibus , quibus eandem numero naturam una haber ab alia , a qua producitur , unde omnis dependentia excluditur .

Ad II. dicitur , quod hæc est differentia inter relationem in creatis , & relationem in divinis ; quod relatio in creatis supponit

nit extrema realiter distincta ; secus vero in divinis , in quibus non supponit , sed facit distinctionem , quum constitutae extrema relativa prout sunt relativa .

Ad III. dicimus , relationem esse ordinem unius ad aliud ; & sic nulla est implicatio ut in divinis admittatur . Si vero objectio dicere intendat ad aliud , & non ad aliud ; responsionem dabimus quando mox respondemus ad VII.

Ad IV. restatur Augustinus lib. 3. de Trinit. c. 3. , argumentum hoc fuisse olim ab Arianis contra Catholicos objectum , verbis hisce : *Quidquid de Deo dicitur , vel intelligitur , non secundum accidentis , sed secundum substantiam dicitur . Quapropter ingenitum esse Patri secundum substantiam est , & genitum esse Filio secundum substantiam est . Diversum est autem ingenitum esse , & genitum esse : Diversa est ergo substantia Patris , & Filii .* Augustinus autem respondebat his aliis solidioribus , & expressioribus verbis : *Si quidquid de Deo dicitur , secundum substantiam dicitur , ergo quod dictum est , ego , & Pater unus sumus , secundum substantiam dictum est . Una est igitur substantia Patris , & Filii . Aut si hoc non secundum substantiam dictum est , dicitur ergo aliquid de Deo non secundum substantiam , & ideo jam non cogimur secundum substantiam intelligere ingenitum , & genitum . Subdit idem Augustinus cit. lib. c. 4. Accidens non solet dici , nisi quod aliqua mutatione ejus rei , cui accedit , amitti potest . . . Nihil itaque accidens in Deo , quia nihil mutabile , aut amissibile . Dicimus ergo , dari medium inter dici secundum substantiam , & dici secundum accidens , quod est dici secundum esse relativum ; etenim esse relativum , praeclite ut relativum , abstractit a substantia , & accidente , quia in suo conceptu nil aliud dicit , quam referre unum ad aliud . Quod doceat Augustinus c. 5. Dicitur enim ad aliquid , sicut Pater ad Filium , & Filius ad Patrem , quod non est accidens , quia ille semper Pater , & ille semper Filius . . . Quamobrem quavis diversum sit , Patrem esse , & Filium esse , non est tamen diversa substantia , quia haec non secundum substantiam dicuntur , sed secundum relativum , quod tamen relativum non est accidens , quia non est mutabile .*

Ad V. Boetius loquitur de relationibus ad extra , quae concedi possunt reales non esse . Vel ut responderet S. Thomas 1. p. q. 28. ar. 1. ad I. Boetius non excludit relationem a Deo , sed excludit relationem prout est in creatis , quae praedicatur per

modum inhærentis , in Deo autem praedicatur per modum inexistentis . Dicitur etiam , Boetium voluisse , relationes divinas convenire in aliquo cum relatione identitatis ; quatenus divina essentia per relationes non diversificatur , quemadmodum non diversificatur per relationem identitatis , seu per relationem ejusdem ad seipsum . Quod docet pariter Angelicus Doctor cit. loc. ad II.

Ad VI. cum eodem Angelico dicimus , sub formali conceptu relationis contineri relationes alias rationis , alias reales ; quasdam ad aliquid rationis , quasdam ad aliquid reale . Si igitur quilibet relatio ad esset rationis , non esset verum , quod sub suo formali conceptu continetur ratio rationis , & relatio realis . Docet hoc S. Thomas 1. p. q. 28. ar. 1. in c. , & de Veritate q. 1. ar. 5. ad 15. , & quodlib. 9. ar. 4. in c. Negatur ergo absolute , quod relationes secundum esse ad sint semper rationis . Ceterum dici etiam potest , propositionem veram esse in creatis , secus vero in divinis , de quibus loquimur .

Ad VII. dicimus , de conceptu relationis esse , quod sit ad aliquid , non vero ut sit ad aliud . Verum est , quod ad hoc , ut sit realis , requirit alietatem termini ; sufficit tamen alietas suppositi , & indifferens est , ut sit ad aliud , vel ad aliud . At in divinis quia datur aliis , & non aliud ; aliis enim indicat personam , aliud vero naturam ; sufficit dari aliud ad faciendam distinctionem realem , quæ requiritur ad realem relationem ; quanvis non detur aliud .

Ad VIII. dicitur , simultatem cognitionis convenire etiam Personis divinis eo modo , quo ceteris relativis convenit . Et ratio est , quia una Persona divina , ut formaliter relativa ad aliam , non est aut prior alia , aut cognoscibilis sine alia . Ad habendum autem simultatem cognitionis falsum est , quod requiratur simultas originis .

Pro secunda Dissertationis Parte , in qua quæritur , quid sint in divinis Relationes , dicimus , quod si loquimur de relationibus secundum esse in , jam diximus ; quod consistunt in fundamento , ratione fundandi , & termino ; haec autem sunt Persona producens , realis productio , & terminus productus realiter distinctus ; & de hoc omnes convenienti . Si vero loquimur de relationibus secundum esse ad , hic est discursus P. Magnani Philos. sacr. cap. 20. prop. 8. Admittit quidem relationes , quae dicit integrari proprietate relata-

relativa , origine , & ratione formalis esse reales , & esse perfectiones ; quærit deinde , an tales sint se totis ; hoc est simul , & æque secundum hæc tria integrantia , an vero secundum aliqua eorum , scilicet secundum aliquam solum sui velut partialem rationem . Subdit , negari non posse absque aliquali censura , esse reales , absque restriktione , & absolute ; unde affirmat , proprietatem Patris esse etiam realem secundum rationem ad . Et ratio ipsius est , quia relatio realis est , quæ fundamentum habet reale ; sed generatio , & fœcunditas , quæ sunt reale fundamentum adæquatum paternitatis præcisæ sumptæ ut est relatio formalis , & dicit solum rationem ad , reales sunt : ergo pariter relatio paternitatis secundum esse ad realis est . Quia tamen dicit , aliud esse , formalem relationem paternitatis esse vere realem propter veram realitatem fœcunditatis , & generationis , secundum se sumptarum , ex qua resultat ; & aliud esse , realem esse secundum se , ac secundum formalem præcisam rationem ad , quæ est ipsa : Hinc cum distinctione ascrit , Patris relationem integre sumptam , ratione fœcunditatis , & generationis , esse realem physice ; ratione vero formalis relationis , seu præcisæ sumptæ ad esse realem prædicamentaliter , hoc est juxta naturam prædicamenti ad ; quod ita , ait , esse genus entis , ut secundum propriam suam rationem , prout scilicet a cæteris prædicamentis differt , nihil superad dat enti relativo , nisi logicum , & metaphysicum . Hæc sua sunt ipissima verba .

Objicere tamen possunt , qui volunt , contra P. Magnani explicationem , I. Hoc logicum , seu metaphysicum esset ens rationis , seu fictum ; quod non est in Deo admittendum . II. P. Magnani explicatio est contra S. Thomam , a quo , in re tam gravi , non est recedendum . III. Paternitas est id , quo dicitur Pater , & est Pater ; ergo si paternitas non est realis , neque realiter est in Deo , neque in Deo realiter est Pater , sed tantum secundum rationem intelligentiarum ; atqui hoc importabat hæresis Sabellii : ergo &c. IV. Relationes secundum esse ad sunt paternitas , filiationo , spiratio activa , spiratio passiva , sed hæc omnimode , & in omni sensu , reales sunt : ergo explicatio P. Magnani omnimode reprobanda .

Respondet P. Magnanus ad I. negando , quod quicquid est logicum , aut metaphysicum sit continuo fictum ; cæterum ratio ad in ea , quod addit de suo formalis , non

addit ens rationis , seu fictum , sed addit quid reale , quatenus ipsamet ratio ad est realis , sed prædicamentaliter , idest logice , aut metaphysice .

Ad II. explicationem suam probat P. Magnanus etiam ratione S. Thomæ , asserens :

„ Et hoc innuit satis clare D. Thomas q. „ 28. ar. 1. in corp. , ubi postquam dixit , „ hoc esse peculiare prædicamento ad , quod „ cum alia secundum propriam rationem , „ five , ut vocant , modum intrinsecum , si „ gnificant aliquid alicui inhærens ( hoc est , „ ut Cajetanus ibi g. ad has dubitationes , „ circa finem explicat , aliquid existens , ut „ vox inhærens importet omnem modum „ essendi ex sua ratione vere in rerum natu „ ra ) , prædicamentum ad significat solum „ respectum ad aliud ; concludit sic : Cum „ igitur processiones in divinis sint . . . . neces „ se est , quod relationes , quæ secundum proces „ siones divinas accipiuntur , sint relationes „ reales . Concludit enim , ut patet , esse rea „ les , in quantum accipiuntur secundum „ processiones ; processiones autem five „ actus notionales existimat S. Doctor . . . . „ esse fundamentum ; & ex iis resultare for „ males relationes , quæ sunt paternitas , fi „ liatio &c. sumptas nimur secundum „ præcisam rationem ad juxta modum pro „ prium intrinsecum hujus prædicamenti . „ Cum ergo concludit , relationes istas in „ Deo esse reales , quia processiones sunt „ reales , aut sumit relationes integre , prout „ includunt proprietatem relativam , pro „ cectionem , & relationem formalem , juxta „ dicta prop. 7. num. 22. , aut concludit , „ sicut ego concludebam hic num. 2. rela „ tionem formalem esse realem , eo quod , „ & secundum quod , fundamentum habet „ reale , videlicet processionem . . . Alia „ etiam in sequentibus sibi objicit ex eodem „ Angelico , ad quæ omnia opportune re „ spondet .

Ad III. dicit , quod hæresis Sabellii esset , si acciperetur paternitas , seu relatio paternitatis , pro toto integrato ex fœcunditate , generatione , & relatione formalis , & di „ ceretur , non esse realem , nec esse realiter in Deo . Sabellius enim negabat realem „ esse fœcunditatem , generationem &c. Aliud tamen est accipere formalem illam relationem , seu præcisam rationem ad to „ tuos integræ sumptæ paternitatis , sicut ipse accipit , & dicere , secundum se ut sic non esse realem ; neque ut sic habere rationem in ; ideoque ut sic non esse in Deo realiter . Hoc enim non spectat ad Sabellii hæresim , sed ad doctrinam logicam , aut meta „

metaphysicam de praedicamento ad . Unde concludit, controversiam, si qua esset, esse tantummodo logicam , aut metaphysicam, non vero theologicam .

Ad IV. eadem adhibetur distinctio, quæ ad tertium data est , & in qua tota P. Magnani explicatio consistit. Videlicet, quod Paternitas, Filiatio, Spiratio activa, Spiratio passiva, quæ sunt relationes secundum esse ad , integre sumptæ , reales sunt , ut nos quoque paulo ante probavimus , reales quidem physice ; acceptæ vero secundum præcisam rationem ad , sunt reales pariter , in quantum non sunt fictæ , sed non sunt reales physice, at logice tantum, aut metaphysice. Qui plura de hoc cupit, P. Magnanum consulat. Nos autem pro relationum quidditate explicanda , sive secundum esse in , sive secundum esse ad , his , quæ usque modo diximus , contenti sumus .

Ad tertiam modo Dissertationis partem devientes , dicimus , Relationes quatuor esse in Deo in ordine ad divinas Personas; scilicet Paternitatem , Filiationem, Spirationem activam, & Spirationem passivam, quæ vocantur relationes reales originis . Hæc conclusio est communis inter Theologos ; adeo ut opposita censeatur temeraria , & a Molina etiam dicatur erronea. Verum, ut ait Cacheranus, de fide est, dari in Deo realiter spirationem activam sub ratione originis, & notionis , at non sub ratione relationis. Gabriel, & Ariminiensis, non negant relationem spirationis activæ , discrepant tamen a communi sententia in modo loquendi, quia asserunt, spirationem activam esse eandem relationem cum paternitate , & filiatione , cum quibus identificatur ; unde non possit dici quarta relatio. Hugo Etherianus , & Albinus Flavius , relati a Cardinali de Lugo , ex citato Cacherano , magis direxte sentiunt, contra communem sententiam .

I. probatur ex Conciliis. Concilium Luggdunense generale sub Gregorio X. definit , Spiritum Sanctum a Patre , & Filio unica spiratione procedere; & refertur in c. unic. de summa Trinitate in VI. : ergo præter tres relationes, communiter admissas, datur etiam quarta , scilicet spiratio activa, quæ est realis relatio originis. Concilium Florentinum, sub Eugenio IV. in literis unionis hoc idem statuit , & expressit . Concilium Toletanum XI. in Confessione docet, Personas divinas ad invicem relative dici ; sed quatuor modis possunt

relative dici : ergo &c. II. probatur ex Patribus . S. Augustinus lib. 5. de Trinit. c. 11. Donum ergo Donatoris, & Donator doni, cum dicimus, relative utrumque ad invicem dicimus . Idem ser. 38. de tempore : Ipsa relatio Spiritus Sancti non ita reciproca relatione converti poterit sicut Pater , & Filius ; nam Pater Filii Pater dicitur , & Filius Patris Filius dicitur . Spiritus vero Sanctus uniformiter dicitur ad Patrem, & Filius , quia Patris, & Filii Spiritus est; dicimus enim Spiritum Sanctum Spiritum Patris . . . Sed non vicissim dicimus Patrem Spiritus Sancti , ne Filius ejus intelligatur Spiritus Sanctus . Item dicimus Spiritum Sanctum Spiritum Filii , sed non dicimus Filium Spiritus Sancti , ne Pater ejus intelligatur Spiritus Sanctus . Ex quibus constat, præter relationem mutuam ratione paternitatis , & filiationis, esse aliam mutuam admittendam ratione spirationis activæ, atque passivæ. Idem lib. 5. de Trinit. c. 12. Cum dicimus donum Patris , & Filii, non quidem dicere possumus , Patrem doni, aut Filium doni, sed ut bac sibi vicissime respondeant , dicimus donum donatoris , & donatorem doni , quia hic potest inveniri usitatum vocabulum , illuc non potuit. Dicimus ergo relative Pater, idemque relative dicitur principium , & si quid forte aliud , sed Pater ad Filium dicitur, principium vero ad omnia, quæ ab ipso sunt . Boetius lib. de Trinit. circa finem : Similis est in Trinitate relatio Patris ad Filium , & utrinque ad Spiritum Sanctum . Anselmus lib. de Process. Spir. Sanct. c. penult. Est tribus commune ad duos habere relationem : Pater enim ad Filium , & Spiritum Sanctum refertur &c. Spiritus Sanctus ad Patrem , & Filium &c.

III. probatur Rationibus. I. Numerus relationum in divinis desumendum est a numero respectuum, seu ordinum, qui sunt unius ad alterum ; sed hic numerus est quaternarius : ergo & ille. Probatur minor. Pater dicit ordinem ad Filium , & hic est unus respectus; Filius ad Patrem, & hic est alius; Pater , & Filius ad Spiritum Sanctum , & hic est tertius; Spiritus Sanctus ad Patrem , & Filium , & hic est quartus; ergo quaternarius est hic numerus . II. Relationes tot sunt in divinis, quot provenire possunt ex processionibus , quæ in Deo sunt; ex processionibus , quæ in Deo sunt , quatuor tantum provenire possunt relationes: ergo quatuor tantum sunt in Deo relationes . Major est patens , quia fundamenta relationum processiones sunt . Minor probatur , Datur processio per intellectum , & datur

darur processio per voluntatem; ex processione per intellectum resultant paternitas, & filiatio; ex processione per voluntatem resultant spiratio activa, & passiva; atqui non dantur plures his processiones; ergo non dantur plures his relationes. III. Spiratio passiva resulet ex spiratione activa; sed datur in divinis spiratio activa; ergo & spiratio passiva; Atqui haec duas duas constituunt relationes: ergo quatuor sunt in divinis relationes. Probatur minore primi argumenti. De fide est dari in Deo processionem activam, qua Spiritus Sanctus producitur: ergo datur in Deo spiratio activa; si de fide est, dari spirationem activam, pariter de fide est, dari spirationem passivam. Subsumpta etiam probatur. Per hoc, quod Filius a Patre procedat, dantur duas relationes: ergo per hoc quod Spiritus Sanctus procedat a Patre, & Filio duas pariter dari debent relationes. IV. Ex Scriptura, & ex Patribus, Pater refertur, Filius etiam refertur ad Spiritum Sanctum; sed Pater non refertur ut Pater, nec Filius refertur ut Filius; ergo refertur ut Spirator. Ita etiam Spiritus Sanctus refertur ad Patrem, & ad Filium; sed non refertur ut Filius: ergo refertur ut Spiritus. Hoc argumento usus est Cardinalis Bessarion in Concilio Florentino c. 6., probans inter Filium, & Spiritum Sanctum esse mutuam relationem ut caussae ad cauſſatum, & cauſati ad cauſam, loquens more Graecorum, qui nomen cauſae pro principio intelligunt; ac proinde relationem illam, deducit, per filiationem non fieri. Placet nobis sua verba referre: *Cum Filius prout Filius non refertur ad Spiritum, non enim dicitur Filius Spiritus, reficit, ut refertur ad Spiritum tanquam aspirans, cum spiritus etiam referatur ad Filium tanquam Spiritus; Spiritus enim Spiranti, & passiva spiratio activa spirationi correspondet. Spiritus vero, & Spiritus Filii multis locis sacra Scriptura dicitur, & spiratio ejus. Hic enim Spiritus, ut sacer Athanasius, spiratio est Filii. Cum igitur ad Filium Spiritus, & tanquam spiratio, & tanquam Spiritus refertur, Filius quoque tanquam spirans refertur ad Spiritum.*

Arguunt I. Plures Sancti Patres docent apud Ruiz disp. 16. sect. 1. relationem Spiritus Sancti ad Patrem, & Filium, non esse reciprocam: ergo non sunt quatuor relationes. II. Si in Deo essent quatuor relationes, & omnes reales essent, non esset in Deo trinitas, sed quaternitas; at in Concilio Lateranensi IV. c. 2. definitum est, in PAR. II.

*Deo trinitatem esse solammodo, non quatenus paternitatem: ergo &c.* III. Patres communiter docent, tres tantum esse in Deo relationes personales: ergo non sunt quatuor. IV. S. Joannes Damascenus lib. 1. de fide c. 10. & 11. de divinis relationibus luculentius tractat; sed nec verbum de activa spiratione inservit: ergo inter relationes adnumeranda non est. V. Spiratio activa vel constituit Patrem, & Filium, vel non constituit; non potest dici, quod constitut, quia invenit, & supponit illos jam constitutos; si non constituit, ergo illis est adventitia, & accidentaria; quod non est dicendum. VI. Deus etiam est principium creaturarum, & tamen non dicit realem relationem ad creaturas: ergo quanvis sit principium Pater, & Filius Spiritus Sancti, non per hoc dicendum est, quod dicant realem relationem ad Spiritum Sanctum. Respondeamus ad I. dicendo, Sanctos Patres docuisse, Patrem, & Filium non respicere Spiritum Sanctum per paternitatem, & filiationem; & primam, & secundam Personam non posse appellari Spiritus Patris, & Filii. Non negant tamen, Patrem, & Filium, sub ratione Spiratoris, respicere Spiritum Sanctum per relationem reciprocam activa spirationis. Et hoc pacto Lugs intelligit, quoque loquutos fuisse Albinum Flavium, & Hugonem Etherianum; de quibus supra sermonem fecimus. Ad II. negatur major; quia spiratio activa, quae est actio productiva Spiritus Sancti, non distinguitur realiter a paternitate, & filiatione; unde nullo modo potest quartam rem in Deo constituere. Ad III. dicitur, ideo Sanctos Patres assignasse tres tantum proprietates personales realiter distinctas, quia loquebantur tandem de relationibus, quae constituunt personas, & realiter distinguunt. Et haec vera tres sunt; paternitas scilicet, filiatio, & spiratio passiva. Spiratio vero activa personam non constituit, nec realiter distinguitur a paternitate, & filiatione; unde de illa Patres pro hac ratione tandem non loquebantur. Ad IV. S. Jonnes Damascenus loc. cit. c. 11. haec habet: *In solis proprietatibus paternitatis, filiationis, & processionis, secundum causam, & causale, Deum intelligi. In quibus verbis innuit, esse mutuam reciprocationem principii producentis, & termini producti, inter Spiritum Sanctum, & Patrem, & Filium; haec autem nequit esse paternitas, nequit esse filiatio: ergo spiratio activa.*

K

Ad

Ad V. dicimus, spirationem activam non constitutere Patrem, & Filium, quia supponit ipsos jam constitutos per paternitatem, & filiationem. Non esse tamen adventitiam, seu accidentariam, quia ab intrinsecō est, & eos constituit in ratione Spiratoris, seu in ratione Spirantis, quae quidem ratio accidentaria non est.

Ad VI. dicitur, quod relatio creatoris ad creaturas est ad res diversi ordinis, & naturæ, & Deo advenit tantum in tempore; & inde est relatio rationis. Spiratio vero activa est ad terminatum ejusdem ordinis, & naturæ, & Deo ab æterno covenit, & proinde nos est relatio rationis, sed realis.

Pro quaerâ Dissertationis parte, quæ respicit distinctionem relationum ab essentia, & relationum inter se, recolenda sunt, quæ diximus, quando de distinctione attributorum ab essentia, & attributorum inter se, agebamus. Superfluum enim judicamus illa eadem hinc repetere; unde illic remittendo Legentes, hinc solum addere animus est, quæ proprie relationes, & earum distinctionem respiciunt. Ibi ergo invenient errores Eunomii, Porphyrii, Palamæ, historicæ expositorum, & dogmaticæ impugnatorum, qui legere exoptant; & impugnationes ibidem factas facile ad rem, quam modo tractamus, applicabunt; eadem enim est ratio pro hoc, & de attributis, & de relationibus. Invenient quoque sententias Scotistarum, Nominalium, & Thomistarum, illarumque confutationes, & explications, quas quoque, sine alio verborum dispendio, applicare ad rem nostram poterunt. His præmissis, sic mentem nostram aperimus.

Dicimus, Relationes reales in divinis tres tantum distingui inter se realiter, scilicet Paternitatem, Filiationem, & Spirationem passivam; Spirationem vero activam, distingui solum virtualiter, & ratione ratiocinata. Hac eadem distinctione distinguuntur pariter relationes omnes ab essentia. At quia diximus, hanc virtualem distinctionem esse vel extrinsecam, vel intrinsecam; & hanc rationis ratiocinata, vel esse tantum formalem, qualem Neuterici defendunt, vel esse solum objectivam, qualem amplectuntur aliqui ex Thomistis; nos ibidem admittimus distinctionem, quam appellavimus formalem objectivam, fundatam scilicet in re distinguibili, & in intellectu distinguente: Hanc eandem quoque admittimus hinc, formalem videlicet objectivam, fundamentum habentem

in limitatione, & imperfectione intellectus nostri, & in objecti operationibus. Verum in attributis, & essentia admittimus virtualem extrinsecam, quæ consistit in eminentia, æquivalencia &c. jam explicatis; in relationibus modo admittimus virtualem intrinsecam, quæ consistit, vel in eo, quod habeat fundamentum tantum in Deo, & non in aliis extra Deum; vel in eo, quod ipsa impedit contradictionem, quæ non possunt per virtualem extrinsecam impediiri; vel quomodounque alter explicetur, semper tamen ab illa distinctione, quæ dicitur virtualis extrinseca, suo modo diversa, & supra illam aliquid aliud addens, per quod contradictionem impediatur.

I. probatur, Relationes reales in divinis tres tantum distingui inter se realiter, paternitatem scilicet, filiationem, & spirationem passivam; quæ quidem conclusio est de fide; & est contra Sabellii gregales. Per relationes prædictas distinguuntur realiter Personæ per ipsas constitutæ: ergo multo magis inter se distinguuntur realiter relationes ipsæ. Consequenter sequitur, ex illo principio; Propter quod unumquodque tale, & illud magis. Antecedens probatur. Pater, Filius, & Spiritus Sanctus, sunt personæ inter se realiter distinctæ, & sunt realiter distinctæ per paternitatem, quæ constituit Patrem, per filiationem, quæ constituit Filium, per spirationem passivam, quæ constituit Spiritum Sanctum: ergo per relationes prædictas, quæ sunt Paternitas, filiatio, & spiratio passiva, distinguuntur realiter personæ per ipsas constitutæ. II. probatur, quatenus negat conclusio realem distinctionem spirationis activæ a paternitate, & filiatione; contra Durandum in 1. dist. x 3. qu. 2., qui distinguit spirationem activam a paternitate, & filiatione, plusquam ab essentia; quia distinguit spirationem, & alias relationes ab essentia realiter, tanquam modum a re, spirationem vero activam a paternitate, & filiatione realiter, tanquam rem a re. Si spiratio activa distingueretur realiter, tanquam res a re, a paternitate, & filiatione, darentur in divinis quatuor res, saltem relativæ; sed quatuor res dari non possunt in divinis ex Concilio Lateranensi generali IV, ergo spiratio activa non distinguitur realiter, tanquam res a re, a paternitate, & filiatione. Probatur major. Quia paternitas distinguitur realiter a filiatione, & quia spiratio passiva distinguitur realiter a paternitate, & filiatione;

tione, ex omnium Theologorum sententia dantur in divinis tres res relativæ: ergo si per Durandum spiratio activa distingueretur realiter, tanquam res a re, a paternitate, & filiatione, darentur in divinis quatuor res, saltē relativæ. III. Spiratio activa est communis Patri, & Filio: ergo est identificata cum paternitate, & filiatione. Probatur consequentia. Spiratio activa est communis Patri, & Filio, non ratione essentiæ, aliter esset communis etiam Spiritui Sancto: ergo est communis ratione paternitatis, & filiationis, adeoque est communis parternitati, & filiationi: sed omnis communicatio in divinis est per identitatem: ergo spiratio activa si est communis paternitati, & filiationi, est eadem cum illis. IV. probatur, quod spiratio activa distinguatur formaliter obiective a paternitate, & filiatione; adeoque virtualiter intrinsece, quemadmodum etiam relationes ab essentia, & intellectus, & voluntas in Deo. Hæc dicta distinguuntur aliqua distinctione; non quidem distinctione reali, ut contra Porrectanum probatum est de Attributis; non distinctione formali ex natura rei, ut contra Scotorum perfecimus; non distinctione rationis ratiocinantis, ut contra Nominales ostendimus: ergo distinctione virtuali, & rationis ratiocinatæ, quam diximus formalem objectivam. Atqui distinctione virtualis extrinseca non sufficit: ergo necessaria est distinctione virtualis intrinseca. Hæc sola minor subsumpta probanda est; ceteræ enim propositiones jam supponuntur alibi probatae; & probatur. Distinctione virtualis intrinseca stat non in hoc solum, quod illius extrema ob sui eminentiam æquivalent pluribus realiter distinctis in creatis, quod præstat distinctione virtualis extrinseca; sed etiam, quod realis, & formalis identitas extermorum æquivalent pluralitati, & distinctioni eorundem extermorum; sed hoc habetur, & verificatur inter essentiam, & relationes in divinis, inter intellectum, & voluntatem, inter spirationem activam, & paternitatem, atque filiationem: ergo inter hæc eadem datur distinctione virtualis intrinseca, & non tantum extrinseca. Probatur minor. Extrema identitatis eodem eminent modo, quo identitas ipsa est sibi eminent: ergo si hæc extrema ob sui eminentiam æquivalent pluribus distinctis, ipsa quoque identitas æquivaleret pluralitati, vel distinctioni. V. hoc ipsum probatur, & modo facta probatio explicatur. Illa distin-

PAR. II.

guuntur virtualiter intrinsece, quæ ita convenienter formaliter in uno, ut exerceant in illo uno propria utriusque; sed ita se habent in Deo absolutum, & relativum, scilicet in divina realitate, in qua convenienter quoque formaliter: ergo virtualiter intrinsece distinguuntur. Probatur minor. Entitas illa, & formalis divina Patris ira est una entitas, & formalitas absoluta, & relativa, ut qua absoluta est, sit a parte rei communicabilis sine ulla oppositione, & distinctione reali a Filio; qua vero relativa, sit incomunicabilis, distincta, & opposita illi: ergo ita in una realitate convenienter, & divina formalitate, ut utriusque propria exerceant. Obstant Adversarii I. Magis distinguuntur relativum ab absoluto, quam relativum a relativo; sed relativum a relativo distinguuntur in divinis realiter actu: ergo sic saltē pariter distinguiri debet relativum ab absoluto. Major videtur, quod negari non posset, quia relativum, & relativum sunt in eodem ordine, relativum vero, & absolum in diverso ordine. Minor etiam pater, quia in divinis est realis distinctio, ubi est relativa oppositio. II. Dicuntur prædicata contradictoria de essentia, & de relationibus in Deo: ergo realiter distinguuntur. Probatur antecedens. De essentia dicitur, quod communicatur, de relationibus dicitur, quod non communicantur; de intellectu dicitur, quod producit Verbum, de voluntate dicitur, quod non producit Verbum, de Spiratio active dicitur, quod sit productiva Spiritus Sancti, de Paternitate, & filiatione dicitur, quod non sunt productivæ Spiritus Sancti; sed hæc omnia sunt contradictoria: ergo &c. III. Major omnium oppositionum est contradictionis, ut patet ex Logicis; sed in divinis oppositio relativa, quæ est minor, parit distinctionem realem: ergo a fortiori oppositio contradictionis, quæ est major. IV. Natura, & Persona ex SS. Patribus in Deo non sunt idem: ergo distinguuntur realiter. Probatur antecedens. Theodoretus apud Porrectanum docet: *Qui naturam, & personam idem esse intelligit, in divisionem Arii incidet, aut in confusione Sabetii: Et Hilarius apud eundem: Non est idem natura, quod res natura.* V. In Concilio Florentino ses. 13. dictum fuit a Joanne Episcopo, qui pro Latinis arguebat: *Divinam substantiam, & personam, re quidem idem esse, secundum autem modum intellectus nostræ videri differre;* & huic assertioni Marcus Ephesinus, qui Græcorum

X 2

rum

rum partes agebat, assentiit. In eodem Concilio sess. 19. dicitur, substantiam, & personam in divinis sola ratione, ac intelligentia differre: ergo sola distinctione rationis ratiocinantis distinguuntur. IV. Prædicata absoluta, & relativa in Deo convenientiunt actu formaliter: ergo distinctio, quæ vincat eorum oppositionem, nequit esse virtualis, nec formalis per intellectum, sed actualis realis; non realis realis; ergo realis formalis. VII. Est communicabile, & incommunicabile, & similia, sunt actu in Deo ante omne opus intellectus: ergo actu petunt distinctionem, quæ eorum supereret oppositionem: ergo non sufficit distinctio virtualis. VIII. Distinctio virtualis vel ponit in extremis aliquid actu diversum a parte rei; vel non; Si ponit: ergo non est distinctio virtualis, sed actualis; Si non ponit: ergo non est distinctio, sed virtus, seu potentia, sive possiblitas distinctionis.

Respondemus ad I, negando majorem; ratio est, quia inter relatum, & absolutum, non est oppositio, quanvis sint ordinis diversi; inter relatum vero, & relatum, licet ejusdem ordinis, est oppositio, & talis oppositio in divinis, ut ab se invicem excludantur; qui enim dicit principium, dicit terminum, qui a principio distinguitur. Hac responseione utebantur Patres contra Sabellium, ut realem Personarum distinctionem probarent; & hac eadem utuntur Theologi, firmantes commune illud effatum: *Omnia sunt unum in divinis, ubi non obstat oppositio relativa.*

Ad II. dicimus, quod tunc de una, & eadem re non possunt dici prædicta contradictoria, quando non est virtualiter multiplex; quando vero est multiplex virtualiter, æquivaler pluribus actu realiter distinctis, & sic prædicata vel non sunt contradictoria, vel si sunt, secundum unam rationem, seu virtualitatem dicuntur, secundum aliam non dicuntur; quod pariter idem est, ac impedire contradictoria, ne sint, non est autem ea verificare, ut sint.

Ad III. dicitur pariter, quod in divinis oppositio contradictoria non est, quanvis appareat quod sit. Et non est, quia eam impedit infinita Dei eminentia, supra quam distinctio virtualis fundatur, ne sit. Opposito vero relativa vere est in Deo, nec ullatenus potest impediri; & inde est, quod ratione hujus oppositionis est realis distinctio in divinis, ubi est hujusmodi relativa oppositio.

Ad IV. distinguitur antecedens: Non sunt

idem virtualiter, conceditur; non sunt idem realiter actu, negatur. Patres, qui opponuntur, hoc tantum volunt, quod conceptus naturæ non sit conceptus personæ, & conceptus personæ non sit conceptus naturæ; hoc totum a nobis libenter conceditur. At ex hoc potius fit, ut quanvis natura realiter actu sit idem cum persona, potest nihilominus ratione infinitatis ipsius ab intellectu nostro concipi modo sub naturæ, modo sub personæ conceptu. Ad V. tam Latini, quam Græci Patres, in Concilio Florentino, asserebant, essentiam, & personam differre sola intelligentia, sola ratione, sed cum fundamento in re, non autem sine fundamento in re. Et quanvis hujuscemodi fundamenti expresse mentionem non fecerint, illud tamen absque dubio supponebant; aliter chimærica fuisse distinctio, quam inter illas esse, dicebant; quod non est de iisdem afferendum.

Ad VI. cum retortione argumenti dicimus; quod prædicata absoluta, & relativa in Deo convenientiunt non tantum actu formaliter, sed etiam realiter: ergo si ex actuali formaliter convenientia excludenda est virtualis distinctio tanquam insufficiens, ex actu reali excludenda quoque est ut insufficiens formalis Scotica. Directe negatur consequentia; & ratio est, quia distinctio virtualis oritur ex Divinitatis eminentia; unde supplet omne id, quod realis distinctio præstare posset; quemadmodum per Scotistas supplet distinctio formalis sine reali.

Ad VII. distinguimus antecedens; sunt actu in Deo distinguibilia concedimus; distincta, negamus. Distinguimus pariter consequens; ergo actu petunt distinctionem, virtualem, concedimus; realem, negamus. Quis enim asseret, quod prædicata illa actu in Deo realiter sint distincta? Hoc esset in Porrectani, vel in Palamæ, errores incidere. Sunt quidem distinguibilia; at hæc distinguibilitas est virtualis distinctio. Unde sequitur, quod actu petunt distinctionem virtualem, non vero realem; vel, si mavis, actu petunt distinctionem faciendam per intellectum, quæ est formalis objectiva, & quæ distinguibilitatem illam, seu virtualem distinctionem, habet pro fundamento.

Ad VIII. dicimus, quod non ponit aliquid actu diversum, sed tantum virtualiter; scilicet eminentiam illam, quæ continet distinctionem actualem, quæ reperiatur inter extrema limitata, & finita; & per hoc

hoc sit, quod ejus continentia, seu eminentialis distinctio suppleat omne id in Deo, quod praestat in nobis actualis distinctio. Ad id, quod dicitur: ergo non est distinctio; distinguitur consequens; ergo non est distinctio actualis, conceditur; virtualis, negatur. Sed est virtus, seu potentia, seu possibilis distinctionis, conceditur totum; quia vere distinctio, quae est actualis, non est ante opus intellectus, sed per opus intellectus; ante opus intellectus est distinguibilitas, seu virtualis distinctio, quae est actualis virtus distinctionis, sed non actualis distinctio.

Ad quintam Dissertationis partem accedimus, in qua differendum est, an Relationes constituant Personas? Pro qua observamus, quod sicut nostro intelligendi modo in Personis divinis ponimus distinctivum, ita etiam ponimus constitutivum; idem enim est constitutivum intrinsecum alicujus, ac distinctivum. Absit autem, quod hoc intelligatur de constitutivo physico, quod summae Dei simplicitati obstat; nequit etiam intelligi de solo constitutivo metaphysico, quod cum Dei realitate non compatitur. Est autem, ut ait P. Magnus prop. 7. num. 1., aliquis medius modus realiter constituendi, quo non sit constitutio physica, ob indistinctionem realem, constituentium; nec pure metaphysica, ob realem, non pure metaphysicam, communatem naturae. Hoc posito, controvertitur inter Scholasticos, an formale cuiusque personae constitutivum, seu proprietas, sit aliquid absolutum, an vero ratio?

Dicimus, Personam quamlibet divinam in ratione personae formaliter constitui per Relationem. Est communis assertio, si pauci ex Scholasticis excipiuntur:

I. probatur ex Conciliis. Concilium Lateranense IV. in cap. damnamus habet: Una summa res est, quae nec est generans, neque genita, nec procedens: Sed est Pater, qui generat; Filius, qui gignitur; & Spiritus Sanctus, qui procedit; ut distinctiones sint in personis, & unitas in natura. En quomodo in divinis unitas habetur ex natura, numerus vero, & multiplicatio ex relativis; sed numerus, & multiplicatio constituit personas: ergo personae per relationes constituuntur. Concilium Toleranum XI. In relatione personarum numerus cernitur, in divinitatis vero substantia quid enumeratum sit, non comprehenditur. Ergo hoc solo numerum insinuant, quod ad invicem sunt, & in hoc numero carent, quod ad se sunt. Ex

quibus verbis arguitur, quod per relationes, quae importantur per ad invicem esse, numerus habetur, non vero per substantiam, quae exprimitur per esse ad se. Concilium Florentinum generale in Decreto Fidei docet: Omnia, quae Patris sunt, ipsum Patrem Unigenito Filio suo gignenda dedisse, prater esse Patrem.

II. probatur ex Patribus. Basilius ep. 391. Commune deitas, proprium est paternitas: utroque ergo copulato dicere oportet: Creda in Deum Patrem. Nazianzenus orat. 23. Commune est enim Patri quidem, & Filio, & Spiritui Sancto, non esse factos, necnon divinitas ipsa: At Filio, & Spiritui Sancto, commune est produci a Patre: proprium est autem Patris quidem esse ingenitum, Filius vero generatio, Spiritus Sancti processio. Et orat. 24. Cum legitur: Ego, & Pater unus sumus, essentia conjunctio ob oculos habendam: Cum autem Patris, & Filii, & Spiritus Sancti nomen audiuntur, proprietates tres esse cogandas. Et orat. 37. respondens Ariano, qui quarebat, quid Spiritui Sancto deerat, ne Filius esset, docet: Nihil deesse: neque enim deesse rem ullam Deo: Verum manifestationis, ut ita dicam, mutuaque eorum relationis differentia, differentem, & ipsorum facit appellationem. Non enim Filius est Pater; sed non defectus propter eum illud ipsum non esse genitum, & esse genitum, & procedere, hinc quidem Patris, iste vero Filius, illi Spiritus Sancti appellationem indidit. Nyssenus lib. 1. cont. Eunomium: Cum Patris nomen audimus, hanc notionem animo concipimus; quoniam nomen istud non in se tantum intelligitur, sed etiam habitudinem quandam ad Filium propria vi, & significacione declarat: Non enim separatus Pater, & per se comprehendendi animo potest, nisi simul & Filius in ipsa Patris appellatione jungatur; quam cum Patrem discimus, eadem voce fidem etiam in Filium edocti sumus. Cyriillus lib. 11. Commentariorum in Iohannem: Nihil esse, quod Filium a Patre dividat, ac differre faciat, quo minus in omnibus similis, aequalisque sit, prater hoc unum, quod Pater est. Theodoretus dialog. 1. Mox ea, que de divina natura dicuntur, communia sunt Patris, & Filii, & Spiritus Sancti; ut sunt; Deus, Dominus, Omnipotens, & id genus alia. Quae vero hypostases significant, non iam ea sanctae Trinitatis communia sunt, sed illius hypostasis unumquodque est, cuius est proprium. Augustinus epist. 74. His enim appellationibus personarum, hoc significatur, quod ad se invicem referuntur, non ipsa

*ipsa substantia, qua unam sunt. Nam & Pater cum dicitur, non nisi alicujus Filius dicitur; & Filius non nisi alicujus Patris intelligitur; & Spiritus Sanctus secundum id, quod ad aliquid referatur, Spirantis alicujus est. Et tract. 39. in Joan. Ista, quæ dico, potest is de similitudinibus agnoscere quotidianis. Homo, & alter homo, si ille sit Pater, ille Filius, quod homo est, ad seipsum est; quod autem Filius est, ad Patrem est. Pater enim nomen est dictum ad aliquid, & Filius ad aliquid.... Hoc solo numerum insinuant, quod ad invicem sunt, non quod ad se sunt. Et lib. 7. de Trinit. c. 2. Et propterea non eo Verbum, quo sapientia; quia Verbum non ad se dicitur, sed tantum relative ad eum, cuius est Verbum; sicut Filius ad Patrem: Sapientia vero eo, quo essentia; & ideo quia una essentia, una sapientia. Et lib. 11. de Civit. Dei: Sed ideo simplex dicitur, quoniam quod habet, hoc est; excepto, quod relative quæque persona ad alteram dicitur. Nam utique Pater, nec tamen ipse est Filius; & Filius habet Patrem, nec tamen ipse est Pater. In quo ergo ad seipsum dicitur, non ad alterum, hoc est quod habet. Et ser. 58. de verb. Domini: Nec aliqua alia causa est, quæ divisionem faciat personarum, nisi quod hic ingenitus est, & ille genitus; ideo hic Pater est, & ille Filius. Fulgentius lib. de Trinit. Paten non sibi est, sed Filio. Filius non sibi est, sed Patri. Spiritus alicujus est aspirantis; erga ad Patrem, Filiumque, referatur. Illa itaque relativa nomina Trinitatem faciunt; essentia vero nullo modo multiplicantur. Bernardus ep. 190. contra Petrum Abaelardum hæc scribebat: Nam quod alter ex altero, vel alter ad alterum, veracissime dicitur, personarum sane designatio est, non unitatis divisio.*

**III. probatur Rationibus.** I. Nihil deficit relationibus divinis realiter distinctis, quin sint personales proprietates, & constitutiva ultima divinarum personarum; ergo vere ita sunt. Probatur antecedens. Relationes sunt tres distinctæ realiter, sunt incommunicabiles, sunt singulæ singularum personarum propriæ, sunt cum essentia identificatae; quæ quidem essentia est alterum constitutivum commune omnibus personis; sunt substantiales, sunt infinite perfectæ &c.: ergo nihil deficit, quin sint personales proprietates, & constitutiva ultima divinarum personarum. II. Personæ divinæ constituuntur per id, quod est singulare, non per id, quod est commune, in Trinitate; sed per hoc importantur relationes; ergo per relatio-

nes constituuntur. Probatur minor. Omnia in divinis sunt communia, præfer relationes; paternitas enim soli Patri convenit, Filiatio soli Filio, Spiratio passiva soli Spiritui Sancto; alia vero, quæ sunt absolute, ut natura, & attributa, in singulis personis reperiuntur: ergo relationes tantum sunt singulare quid in Divinis. Major primi argumenti patet; quia quod est commune constituit essentiam, quod vero est singulare constituit personas in divinis. III. Personæ divinæ constituuntur per id, quod est ad alium, non vero per id, quod est ad se; sed per id, quod est ad alium, intelliguntur relationes, per id vero, quod est ad se, intelligitur essentia divina: ergo Personæ divinæ constituuntur per relationes, & non per essentiam. Major proposicio constat ex allatis auctoritatibus Conciliorum, & Patrum; minor non negatur; consequentia sequitur.

Objiciunt I. Constitutivum quodlibet non debet supponere suum constitutum; sed relationes divinæ supponunt constitutas divinas personas: ergo illas non constituunt. Probatur minor. Relationes in divinis supponunt origines; sed origines supponunt constitutas personas: ergo multo magis supponunt eas constitutas relationes. Major est certa; quia relationes fundantur in originibus: ergo origines supponuntur a personis. Minor probatur. Persona Patris, ex. gr. supponitur constituta, antequam habeat originem Filii productivam, seu antequam generet: ergo a fortiori supponitur constituta antequam respiciat Filium: ergo antequam habeat paternitatem. Probatur consequentia. Paternitas supponit actum generandi, seu originem Filii productivam, tanquam rationem fundandi: ergo prius est Patrem generare Filium, & deinde referri ad Filium. II. Ex Augustino lib. 7. de Trin. c. 6. Non enim est aliud Deo esse, aliud Personam esse, sed omnino idem: ergo ex Augustino personæ constituuntur per esse ad se, non per esse ad alium; seu, quod idem est, per absolutum, & per relativum. III. Ex eodem Augustino loc. cit. habemus: Quocirca ut substantia Patris ipse Pater est, non quo Pater est, sed quo est; ita & persona Patris non aliud, quam ipse Pater est: Ad se quippe dicitur persona, non ad Filium, vel Spiritum Sanctum; sicut ad se dicitur Deus, & magnus, & bonus, & justus, & si quid aliud hujusmodi: ergo per Augustinum Pater constituitur per id, quod dicitur ad se. IV. pariter ex Augustino eodem loco:

loco : Nam si esse ad se dicatur, persona vero relative, sic dicamus tres personas, Patrem, Filium, & Spiritum Sanctum, quemadmodum dicuntur aliqui tres amici, aut tres propinqui, aut tres vicini, quod sunt ad invicem, non quod unusquisque eorum sit ad seipsum ; hoc autem non est dicendum, quia aliter esset unitas collectionis, non unitas identitatis: ergo neque illud . V. Prius concipiimus personam in divinis, quam relativum: ergo persona non constituitur per relativum . Probatur antecedens . Prius in divinis concipiimus personam, quam illud, quod est principium relativi : ergo prius concipiimus personam, quam relativum . Probatur antecedens . Principium quo relativi in divinis est intellectio, & volitio; sed hoc principio prior est persona in nostro conceptu: ergo prius in divinis concipiimus personam, quam illud, quod est principium relativi . VI. Prius est personam existere, quam referri: ergo antequam referatur jam supponitur constituta persona, quia jam supponitur existens .

Respondemus ad I. cum Cacherano, qui multos respondendi modos assert ex aliis Theologis, & impugnat, assignando discrimen inter relationem prædicamentalem, & trascendentalem; quia dicit, illam esse accidentalem, hanc vero essentialiem; unde illa supervenit, haec vero constituit. Exemplum assert potest activae, quae causa constituitur, & illam dicit esse relationem trascendentalem ad effectus producibilis . Subdit deinde verba haec : Et ecce vestigium aliquid veri modi, quo divinae relationes personas constitutae . Sequenti postmodum s. probat suam responsionem asserto, quod firmae; ut apud ipsum Legentes invenient .

Ad II. explicatur Augustinus, & intelligitur a parte rei, seu realiter, non vero ex parte intellectus nostri, seu mentaliter, scilicet, non aliud est Deo esse, aliud personam esse, a parte rei quidem, quia esse Dei non distinguitur realiter a persona; quam, quicquid in Deo est; Deus sit; non vero ex parte intellectus nostri; quia hic etiam in Deo distinguit unum ab alio, fundatum habens in re .

Ad III. pariter Augustinum explicamus, dicens, quod Pater, Filius, & Spiritus Sanctus, possunt dici tres personae, sicut dicuntur tres amici &c, quantum ad aliquid, non vero quantum ad omnia. Quantum ad aliquid scilicet, quia totum esse amici, vicini, propinqui &c, est ad aliud; totum vero esse Patrem in divinis non est

ad aliud. In Patre enim persona, & essentia a parte rei sunt idem; at essentia prout essentia, & sub conceptu formalis essentiae, non est ad aliud; unde sequitur, quod persona secundum totum, & adaequatum suum esse non sit ad aliud, quanvis sub conceptu formalis personæ, prout distinguuntur ab essentia, sit ad aliud .

Ad IV. denique intelligimus Augustinum, quod Pater ut est ad se dicitur persona, si persona accipiatur indirecte, & in obliquo; quia sic accepta idem est cum essentia; non vero si sumatur directe, & in recto; quia sic Persona Patris dicit ordinem ad Filium, unde dicitur non ad se, sed ad aliud ,

Ad V. dicitur, quod Persona in divinis dicit essentiam divinam, tanquam materialem, nostro intelligendi modo; & dicit respectum ad aliud, tanquam formale. Si primo modo accipiatur persona, certum est, quod prius potest a nobis concipi, quam intellectio, & volitio; at si secundo modo sumatur, non potest .

Ad VI. conceditur, quod suppositum debet existere, antequam agat; sed sufficit ut supponatur existens secundum aliquam confusam rationem suppositi, non vero est necesse, ut sit constitutum secundum rationem specificam, & adaequatam ipsius suppositi. Ceterum haec argumenta ut plurimum desumuntur ex paritate rerum creatarum; quae in divinis non habet locum . In divinis enim salvere debemus omnimodam a parte rei identitatem, & debemus omnem excludere imperfectiōnem; quae quidem duo in creatis neutrum inveniuntur,

P. Magnanus novam hac in re incedendi viam excogitavit, qua scilicet Theologorum diversas, immo oppositas, semitas uniret, & Conciliorum, ac Patrum mentem amplectens, a Scholasticorum sensu non discederet. Inter absolutum, & relativum, posuit medium, quod non sit absolutum, & sic Conciliis, & Patribus non adversaretur; & quod neque sit relatio formalis, & sic scholiarum difficultates viseret. Hoc autem medium, quod non sit absolutum, neque sit formalis relatio, ab ipso dicitur relativum. Nominis vero relativi non intelligit, quod sit nude referibile, vel in potentia ad referri, vel cum indifferentia ad referri, & non referri; sed intelligit, quod sit cum exigentia ab intrinseco, & necessario ex vi sua conditionis, relativum; unde non possit, nisi relative intelligi, si distinetur prout

prout in se est, intelligatur. Sic postmodum clarius, & in particulari, se explicat. Primo supponit, quod sit impossibile intelligere relationem, nisi praesupposito ejus fundamento; unde impossibile est intelligere paternitatem, nisi praesupposito generatio, quae est fundamentum paternitatis, quae est relatio. Secundo impossibile dicit esse intelligere, generationem esse ab aliquo, quin praesupposito generans in actu primo. Post hec ait, quod perfectio haec propria, quae constituit Patrem formaliter in esse fecundi velut in actu primo; & quod actualis fœcunditatis usus, seu realis actualis actio generandi, quae constituit Patrem, formaliter in esse genitoris; non sunt pure absolutæ; vel quod idem est, non possint intelligi, nisi relative, & tamen non esse formales relations.

Primum probat, & alterum quoque, sequentibus verbis, quae ad literam referimus, ut melius ejus mens a Legentibus percipiatur, & nos absque mutatione apicis quoque referamus. „ De primo res est evidens, quia & generatio nequit intelligi, nisi ut alicujus geniti generatio; & conceptus fœcunditatis, prout fœcunditas est, formari non potest, nisi duo includat, directe quidem ipsam illam perfectionem, quae est fœcunditatis; indirecte vero illum, ad quem ut gignendum est fœcunditas. De secundo etiam res est pariter evidens. Quia cum relatio paternitatis supponat suum fundamentum, fieri nequit, saltem secundum modum intelligendi, ut fundamentum sit ipsa formalis relatio paternitatis. At vero generatio actualis est paternitatis, seu relationis, quae est paternitas, fundamentaliter proximum; & fœcunditas est fundamentum remotum; nempe id, quod refertur, sive id, secundum quod Pater refertur; non enim refertur secundum essentiam communem: ergo &c. Constat itaque ex his proprietatem quasi geminam, quae scilicet Patrem constituit tum in actu primo, tum in actu secundo, neque esse absolute, neque esse formalem relationem; sed esse relativam, nempe esse fundamentum hinc primum, hinc remotum relationis formalis, quae vocatur paternitas. .

Pergit postmodum ostendere, quod proprietas illa, quam dicit geminam, ita sit relativa, ut non sit mere referibilis cum potentia illa nuda, qua quid accidentale importat, vel cum indifferentia; sed sit ne-

cessario, & ab intrinseco, ac formaliter vi sui, relativa. Et sic explicat simul, & probat: Supponit primo, actionem universaliter non distingui ab agente, & termino; supponit secundo in sententia S. Thomæ, creationem non distingui realiter a creatore, & creature; supponit tertio, in creatore omnipotentiam, & in quovis agente viam activam, esse quodammodo relativam; scilicet esse fundamentum relationis, in quantum est ad aliquid agendum. Quia tamen separabilis est ab actione, quum Deus non semper creet, & alia agentia non semper agant; hinc sit, quod quanvis habent relationem fecundi in actu primo, non tamen habent necessario relationem fecundi in actu secundo. Unde infert, quod quanvis illa sunt referibilia, seu possunt esse fundamentum relationis, quando advenit actio, non tamen sunt secundum se, ac vi sui, sic proprie relativa, ut intelligi non possint, nisi relative.

In Trinitate vero non sic. Fœcunditas enim Patris, ait ipse, ranta necessitate nexa est cum actuali sui usu, sive cum actuali generatione, ut sit ipsam suam formalis actio generandi; & eatenus sit se ipsa, & vi sui fundamentalis relatio, seu fundamentum immediatum formalis relationis, quae est paternitas. Postmodum in paternitate Patris tria distinguit, vel quasi tria, quibus integratur; scilicet id, quod refertur, quod est fundamentum remotum, & est fœcunditas de se relativa; id quod est fundamentum proximum, seu formalis ratio relationis, & est actio generandi, quae vocatur relatio fundamentalis; & relatio formalis, seu denominatio ab actu generationis, quae est paternitas. Haec autem omnia, scilicet, esse, generare, & referri, idem sunt, quia non sunt res distinctæ; propterea uno nomine relationis, seu paternitatis, vel etiam nomine originis, seu generationis; vel quoque nomine proprietatis paternæ simpliciter; venit ea perfectio, seu proprietas personalis per modum formæ constitutivæ, quae est vi sui tum fœcunditas in actu primo, tum simul generatio in actu secundo. Vel clarius se explicando dicit, quod nomine relationis, indiscriminatum sumpto, venit primum illud relationis integrans, hinc secundum, hinc tertium. Attamen si in modo intelligendi, & loquendi, haec rite distinguantur, omnia argumenta in contrarium facile solventur, & repugnantiis omnibus, quae forsitan adduci possent, proinde etiam occurretur. Verum, ut haec quoque majori perspicuitate

rate percipientur, ex illius verbis objeciones efformamus, & ex iisdem pariter responsiones exhibemus.

Arguunt contra P. Magnani sententiam.  
I. contra hanc explicationem militant Concilia, & Patres: ergo non sustinenda.  
II. Explicatio ista est nova, & prorsus usque adhuc inaudita: ergo non admittenda.  
III. Nullum datur medium inter absolutum, & relationem formalem; & probatur; quia si praescinditur ratio ad, non remanet, nisi ratio in; atque hæc est absolute: ergo si negatur, personam constitui relatione formalis, remanet, ut dicatur, constitui per absolutum.  
IV. Est contra omnes Scholasticos hæc P. Magnani sententia: ergo omnino rejicienda.

Respondemus ad I. Ex Conciliis, & Patribus nil aliud haberi expresse, quam personas per absolute non constitui. Immo Vasquez addit, Concilia, & Patres, non loqui de constitutivo personarum, sed de distinctivo; & nec etiam de isto agnere in sensu ita formalis, ut non possit dici, constitutivum personæ esse relativum, non formalem relationem. Quum igitur Concilia, & Patres, possint in utroque sensu intelligi, & Ecclesiæ auctoritas non determinaverit, in quo sensu intelligi debeant; liberum est Theologis sensum illum præeligere, qui ipsi rationi videbitur aptior, atque conformior.

Ad II. dicit Magnus, suum dictum nemini debere esse aut mirum, aut novum; quia illi ipsi, qui afferunt, personas constitui proprietatibus secundum quod sunt origines, non autem secundum quod sunt relations, non dicunt constitui per absolute; immo acriter illud negant. Ex his est S. Bonaventura dist. 26. q. 3. ad 4., cuius adducit editionem romanam, & in margine verba hæc addita afferit: *Ex his patet falso Scotum imponere Sancto Bonaventura, quod personæ constituantur per absolute.* Et tamen S. Bonaventura per relations non constituit: ergo non est mirum, nec novum, afferere, personas non constitui per absolute, non constitui per relations formales, sed constitui per medium, quod S. Bonaventura dicit esse originem, & P. Magnus dicit esse relativum.

Ad III. inquit, quod ratio in, hoc est fundamentum remorum, scilicet fecunditas, prout est alicujus vel in aliquo fecunditas, præcise, & formaliter ut sic, non est ratio ad; & ratio est, quia in, & ad, non sunt idem formaliter; quanvis specificative illi eidem, cui convenit ratio in, com-

P.A.R.II.

petat etiam ratio ad. Atamen eadem ratio in, seu fecunditas, esset quid absolute, & pure referibile, si ei ratio ad accidentario adveniret. Si autem ei est annexa ratio ad ita intrinsece, ut intelligi non possit, sicuti est, nisi relative; tunc est insuper proprie relativum, & minime absolute specificative, & secundum rem.

Ad hæc addit, quod licet non sit medium inter absolutum, & relativum, est tamen medium inter absolutum, & relationem; quod est relativum ipsum, ut diximus.

Ad IV. occurrit dicendo, quod Scholastici nullam habuerunt differentiam inter relationem, & relativum, & posuerunt raptum discrimen inter absolutum, & relationem. Hinc est, quod a communi Scholasticorum mente non recedit, qui afferit, personas non constitui per absolute; hoc enim Scholastici intellexerunt. Et sic pariter nec discedit a mente Scripturarum, Conciliorum, & Patrum; quorum omnium una est vox, personas non constitui per absolute. An vero constituantur per relationem formalem, an per relativum, apud illos nullum est verbum. Verba denique ipsorum, quod aptius per relativum, quam per relationem, explicentur, P. Magnus lato calamo ostendit; apud quem Legentes, qui plura cupiunt, ad satietatem videbunt.

Pro ultima denique Dissertationis parte, in qua quæritur, an Relationes perfectionem dicant? Lis est inter Thomistas, qui affirmant, & inter Scotistas, qui negant. P. Magnus dupli modo quæstionem intelligit; primo, de relationibus collective sumptis, & quasi per modum unius, prout simul dicunt esse trinum in unitate naturæ divine: Secundo de relationibus sigillatim acceptis, prout seorsim dicunt, hinc esse Patrem, hinc esse Filium, hinc esse Spiritum Sanctum. Primo modo P. Magnus tuerit, proprietates personales ad perfectionem Dei pertinere; & hoc tenet cum Vasquez disp. 122. c. 2. contra Scotum. Secundo modo defendit quoque easdem proprietates personales esse perfectiones; & hoc afferit cum Suarez lib. 3. de Trin. c. 9. contra Vasquez.

Dicimus, proprietates personales in divinis, sive collective, & quasi per modum unius sumantur, sive accipiuntur sigillatim, ad Dei perfectionem pertinere, non minus, quam attributa.

I. Probarunt pro prima parte a P. Magnano ratione, quam ait expressam verbis ipsius Vasquez; & hæc est: „Quia sicut Deus.

L

„ ob

„ ob suam infinitam perfectionem postulat  
 „ esse sapientem , sic etiam ob eandem sce-  
 „ cundus est, ut sit Pater, Filius, & Spiritus  
 „ Sanctus. Negari ergo non potest, paterni-  
 „ tatem esse aliquam Dei perfectionem , si-  
 „ cut sunt attributa. Porro fœcunditatem ,  
 „ & relationes ad Dei perfectionem perti-  
 „ nere non minus quam attributa , quanvis  
 „ non eodem modo, hac ratione probatur .  
 „ Quia sicut melius est Deo esse sapientem,  
 „ quam non esse sapientem ; ita melius est  
 „ Deo esse Patrem , Filium , & Spiritum  
 „ Sanctum, quam non esse. Illud autem ,  
 „ quod melius est alicui rei , quam negatio  
 „ illius , non potest non esse perfectio rei ;  
 „ quod enim alicui melius est , illi perfe-  
 „ ctius est ; melius enim, & perfectius idem  
 „ sunt, sicut bonum , & perfectum , .

II. probatur pro secunda parte ab eodem  
 P. Magnano , ratione, quam dicit a priori . Divinæ personæ ita sunt realiter tres  
 res, ut una realiter non sit alia : ergo pro-  
 prietas , quibus divinæ personæ diffe-  
 rent , & quibus intime constituuntur ,  
 etiam sigillation sumptæ , quid amplius  
 sunt , quam merum nihil . Antecedens est  
 certum , quia aliter Trinitatis mysterium  
 rueret . Consequentia sequitur ; quia si  
 esset merum nihil , non distinguenter ,  
 immo nec esset ; quia per merum nihil  
 esse , & constitui , idem est ac non esse ;  
 per merum nihil distingui , idem est ac  
 non distingui . Subsumimus modo . Sed si  
 non sunt merum nihil , sunt aliquid , & qui-  
 dem aliquid reale : ergo bonum ; ergo  
 perfectum .

III. probatur. Actio generandi est realis ,  
 tum ex parte termini, tum ex parte prin-  
 cipi ; quia producit terminum realem ,  
 nempe Filium ; & provenit a forma reali ;  
 quia aliter non produceret terminum  
 realem ; sed hæc actio non est propria es-  
 sentiæ ; aliter non minus generaret Pater ,  
 quam Filius , & Spiritus Sanctus ; sed est  
 propria Patris ratione proprietatis perso-  
 nalitatis : ergo in Patre connotat perfectio-  
 nem realem . Et re vera non per purum  
 nihil haberi potest actio realis generandi ,  
 nec ipsa est purum nihil : ergo aliquid , &  
 quidem reale ; non negativum ; quia aliter  
 esset nihil : ergo aliquid reale positivum ;  
 quod ad perfectionem , de qua loquimur ,  
 sufficiens est .

IV. probatur . Implicat , ut attributa simul  
 sumpta sint una totalis perfectio , & quod  
 libet attributum non sit una partialis per-  
 fectio : ergo pariter implicat , ut propri-  
 tates personales simul sumptæ sint realis

perfectio , & carum quælibet non sit realis  
 perfectio . Hæc quidem omnes , & aliae  
 etiam , quas , brevitati studentes , hic non  
 afferimus , sunt rationes P. Magnani . Mo-  
 do remanet , ut secundum communem lo-  
 quendi modum Scholasticorum rem ex-  
 plicant , alias quoque rationes affera-  
 mus .

Et quidem Scholastici certum habent , relatio-  
 nes secundum in esse in Deo perfectiones ,  
 quatenus sive sumantur , ut sunt idem rea-  
 liter actu cum essentia divina , sive ut sunt  
 ab eadem ratione nostra distinctæ , semper  
 sunt perfectiones . Relationes vero secun-  
 dum ad , secundum se spectatas , nolunt  
 Scotistæ , & aliqui etiam ex Thomistis , ut  
 ait Jueninus , esse perfectiones . Plures ta-  
 men ex iisdem Thomistis perfectiones es-  
 se assertunt . Cum quibus

Dicimus , Relationes in divinis , etiam consi-  
 deratas secundum esse ad , seu prout dicunt  
 respectum ad alias personas , esse perfe-  
 ctiones .

I. probatur ex Patribus . Cyrillus lib. 2. the-  
 sauri c. 1. Non potest esse perfecta divinitas ,  
 nisi Filius habeat , & fructum ex se pariat .  
 Cohærenter ad hæc Cyrilli verba Ange-  
 licus Doctor opusc. 1. contra errores Græ-  
 corum scribebat : Non posset esse Pater per-  
 fectus , nisi Filius haberet ; quia nec Pater  
 sine Filio esset , nec esset Deus perfectus , nisi  
 haberet Verbum . Augustinus lib. 6. de Tri-  
 nit. c. 13. Dicitur erga relative Pater , idem  
 que relative dicitur principium , & si quid  
 forte aliud ; sed Pater ad Filium dicitur , pris-  
 cipium vera ad omnia , quæ ab ipsomet sunt .  
 Item dicitur relative Filius , relative dicitur  
 & Verbum , & imago , & in omnibus his vo-  
 cabulis ad Patrem refertur . Non est dubium ,  
 quod hæc sit sermo de relatione secundum  
 esse ad ; & hanc Augustinus vult esse per-  
 fectionem , quia dicit , perfectionem esse  
 Patrem referri ad Filium , Filium ad Pa-  
 trem .

II. probatur rationibus . I. Relationes divi-  
 næ secundum esse ad sunt reales ; ut pro-  
 batum est : ergo dicunt realitatem , seu  
 realem entitatem : ergo dicunt veram , &  
 realem perfectionem . Consequentia pa-  
 tet ex Augustino lib. 83. questionum q.  
 24. Omne , quod est , in quantum est , bonum  
 est . II. Personæ divinæ perficiuntur per  
 relationes : ergo relationes sunt perfectio-  
 nes . Consequentia sequitur ; antecedens  
 probatur . Personæ divinæ perficiuntur ,  
 per quod distinguuntur ; per relationes  
 formalissime acceptas distinguuntur : ergo  
 per easdem perficiuntur . III. Relationes  
 in

in Deo non dicunt imperfectionem, nec præscindunt a perfectione, & imperfectionem: ergo dicunt perfectionem. Antecedens pro prima parte probatione non indiget; pro secunda parte probatur. Præscindere a perfectione in Deo est imperfectio: ergo relationes in Deo non præscindunt a perfectione, & imperfectione. Probatur antecedens. Præscindere a perfectione est non dicere perfectionem sicutem positive; sed in ente perfectissimo, qualis est Deus, non dicere perfectionem est imperfectio: ergo præscindere a perfectione in Deo est imperfectio. IV. Non omnis perfectio est absoluta: ergo in Deo præter absolutas perfectiones sunt etiam admittendæ perfectiones relativæ. Probarur antecedens. Non est de conceptu perfectionis, ut sit absoluta: ergo non omnis perfectio est absoluta. Probatur antecedens. Est de conceptu perfectionis, ut sit de aliquo, quod realiter est ens, est unum, est verum; sed non minus absolutum, quam relativum, est ens, est unum, est verum: ergo non est de conceptu perfectionis, ut sit absoluta.

Obstant I. Si Relationes in Deo essent perfectiones, sequeretur, quod aliqua perfectio esset in una Persona, quæ non esset in alia; scilicet perfectio paternitatis esset in Patre, & non in Filio; & sic de aliis; hoc non est dicendum: ergo, &c. II. Sequeretur, quod tres illæ perfectiones trium relationum in divinis, quum non essent ejusdem speciei, essent diversæ, & oppositæ; hoc autem importaret, quod una persona esset perfectior alia; & probatur; quia quum non essent æqualis perfectionis: ergo essent majoris, vel minoris perfectionis: ergo una esset perfectior alia; quod nec pariter est dicendum. III. Si paternitas in Deo esset perfectio, esset infinita perfectio: ergo includeret omnem perfectionem: ergo includeret quoque perfectionem filiationis; quod est absurdum. IV. Si quælibet relatio in Deo esset perfectio, esset infinita, & esset infinita simpliciter; sed esse infinitum simpliciter convenit soli Deo: ergo relatio non est perfectio. V. Ex Augustino lib. 7. de Trinit. c. i. omnis perfectio est absoluta; docet enim: *Deus ad se dicitur & magnus, & bonus, & justus*: ergo non datur perfectio relativa. VI. Sequeretur, si relationes essent perfectiones, quod Filius esset perfectior Spiritu Sancto; quia Filius haberet duas relationes, scilicet filiationem, & spirationem activam, Spiritus Sanctus

P AR. II.

vero haberet solam spirationem passivam. VII. Sequeretur pariter, quod sola essentia non esset infinite perfecta, quia deficerent ei perfectiones relationum. VIII. Sequeretur quoque, quod in Deo essent tres res, si in Deo relationes essent perfectiones; sed in Deo non sunt tres res; & probatur, quia aliter essent tres substantiae: ergo, &c.

Respondemus ad I. quod tunc illud esset absurdum, quando perfectio, quæ est proprietas Patris ut talis, nullo modo esset in Filio; at non esse absurdum, quando licet non sit formaliter, est tamen eminenter in Filio; & quidem est eminenter ratione essentia divinæ, quæ Patris proprietatem eminenter continet. Sic ad argumentum Vasquesi responderet P. Magnus cum Suarez.

Ad II. dicitur, proprietates personales esse invicem æquales, tum propter essentiam, quam includunt, tum etiam propter seip-sas, licet sint distinctæ, & quasi diversæ speciei, & dissimiles. Et hoc sic probat Magnus contra Vasquesium: *Vel prima proprietas plus conferit, quam secunda, vel non?* Si hoc ultimum: ergo habemus æqualitatem cum diversitate; quia etiæ diversæ, æqualiter conferunt, conferendo totum, quod sunt. Si primum: ergo Vasquez negando earum perfectionem non vitat earundem inæqualitatem, quam alias vitare deberet, ne in divinis personis aliquo modo detur inæqualitas.

Ad III. dicimus, Paternitatem esse perfectionem infinitam, sed non esse omnem perfectionem. Ex Philosophis enim supponimus, infinitum non dicere omne; infinitos homines non dicere omnes possibiles homines; quia potest esse infinitum in aliquo genere, licet non omnia, quæ sunt ejusdem generis includat.

Ad IV. Proprietates personales esse infinitas simpliciter in suo genere, non vero in omni genere entis; scilicet esse infinitas in genere proprietatis personalis, vel in genere perfectionis divinæ relativæ; non vero in genere cuiuslibet entis, adeoque etiam essentia. Quam enim sumantur solum in genere proprietatis personalis relativæ, cum præcisione ab essentia, in hoc genere sufficit, ut sint perfectæ, & infinite simpliciter perfectæ.

Ad V. Augustinus in loco illo loquitur dum taxat de perfectionibus absolutis, quum dicat, *magnus, bonus, & justus*; magnitudo enim, bonitas, & justitia, sunt absolutæ perfectiones. Nequit autem a perfectio-

L. 2 ni-

nibus absolutis peti argumentum ad relativas.

Ad VI. realiter perfectionem cuiuslibet personæ contineri in essentia divina, & ratione essentiæ divinæ contineri pariter in qualibet persona, cum qua essentia realiter est idem. Et hoc propter circuminfessionem, de qua in superioribus diximus. Et de hac loquitur Augustinus lib. 6. de Trinit. c. 8. docens: *Tantum esse solum Patrem, vel solum Filium, vel solum Spiritum Sanctum, quantum tres persona simul sumptæ.*

Ad VII. eadem est responso; quum enim relationes sint realiter idem cum essentia, ita ut quælibet ex relationibus actu realiter sit ipsam et essentia divina, & essentia divina actu realiter sit quælibet ex relationibus; sequitur, infinitam perfectiōnem, & cuiuslibet relationis, & omnium

divinarum relationum, in essentia divina esse, & contineri realiter actu ante quodcumque intellectus opus.

Ad VIII. dicitur, quod in Deo sunt tres res relativæ, quia sunt tres personæ realiter distinctæ inter se, quæ sunt vere tres res relativæ: Non vero sunt tres res absolute. Et hæc est assertio catholica, contra Sabellium, qui tres res relativas non admisit; & contra Arium, qui tres res absolutas posuit; Unde Augustinus lib. 7. de Trin. c. 4. Cum enim conaretur humana inopia loquendo proferre ad hominum sensus, quod in secretario mentis pro captu tenet, du Domino Deo creatore suo, timuit dicere tres essentias, ne intelligeretur in illa summa aequalitate ulla diversitas. Rursus non esse tria quædam, non poterat dicere, quod Sabellius quia dixit, in heresim lapsus est.

## DISSESTITO CXIV.

*De unitate naturæ in tribus divinis Personis;  
de Hæreticis, qui tribus prioribus Ecclesiæ  
seculis contra eandem errarunt; &  
de Patribus, qui eodem tempore  
pro eadem scripserunt.*



UO sunt essentialia sacratissimi mysterii, de quo tractamus, trinitas nempe realis, & realiter distincta, personarum, de qua satis in superioribus egimus; & unitas realis individua, & indistincta realiter naturæ, de qua instituimus in præsenti differere. In illa realem distinctionem probavimus, in hac realem debemus astrarere identitatem. Et quia hæc identitas esse nequit, nisi in singulis tribus personis natura divina proberetur; hinc nobis onus est, divinitatem Verbi, & Spiritus Sancti, probare; de Patre enim conveniunt omnes, Deum esse, & nemo ex Hæreticis expresse inficiatur. Primo de Verbi divinitate, seu de Verbi cum Patre unitate, & identitate naturæ, loquimur; postmodum de Spiritu Sancti divinitate dicturi. Aliud autem est, Verbum esse Deum, aliud Christum esse Deum; potest enim quis concedere, Verbum esse Deum, & postmodum hoc de Christo negare; ut

de facto egit Nestorius. Hic igitur de divinitate Verbi loquimur, de Christi autem divinitate suo loco agemus. Præcipuus contra Verbi divinitatem Adversarius Arius fuit, qui quarto Ecclesiæ seculo suæ hæresis virus evomuit; de illo peculiari Dissertatione agendum est; interim de aliis, qui ipsum præcesserunt, in hac pertractantes. Et quia antiqui Patres, qui ante Arium in Ecclesia fuerunt,plerisque insimulantur, Verbi divinitatem non agnovisse; hinc est, quod in hac quoque Dissertatione de iisdem agere volumus, & corundem verba perpendere, ut possimus deinde concludere, an vere in Verbi divinitate neganda, Arium præcucurrerint; an vero in eadem afferenda, Catholicos præcesserint, docuerint, atque firmaverint? Ab Hæreticis incipimus. Primo, error, de quo scribimus, a S. Thoma 4. contra Gentes c. 6. circa finem, tribuitur Platonicis, afferentibus, Patrem esse summum Deum, & rerum omnium creatorem; & a quo primitus effluxit quædam mens,

mens, in qua serum omnium formæ continebantur, & hanc mentem dicebant, paternum esse intellectum. Unde postmodum Platonici asserebant, illud, quod in Scripturis dicitur Verbum, & Filius Dei, esse mentem creatam, & primam omnium creaturarum, & inter illas eminentissimam; ad differentiam mentis increasæ, quam solum Patrem esse, seu paternum intellectum, ut modo dictum est, profitebanrur.

Secundo ponitur Dionysius quidam, de quo loquitur Augustinus lib. de ecclesiasticis dogmatibus c. 3. Verum hic liber, et si inter Augustini opera inveniatur, non est legitimus Augustini fœtus. Eruditæ censem, ipsius Auctorem esse Gennadium Massiliensem. Videatur Bellarminus, aliique de Scriptoribus ecclesiasticis pertractantes. Hic igitur Auctor vocat Dionysium hunc Arii fontem, verbis hisce: *Nihil creatum, aut serviens, in Trinitate credamus, ut vult Dionysius, Arii fons.* Quum autem non dicatur, quo tempore floruerit Dionysius iste; & quum de eo non Augustinus, sed Gennadius, qui Augustino fuit posterior, loquatur; nonnisi possumus eum dicere, tribus prioribus Ecclesiæ Seculis floruisse, quam quia cum Gennadius dixit, Arii fuisse fontem, ac per consequens Arium præcessisse.

Tertio scribitur Origenes. Eum S. Thomas I. p. q. 34. ar. 1. ad 1. vocat Arianorum fontem, ac per consequens Arii præcursorum. Sunt qui cum defendant, dicentes, re vera Origenem errorem hunc non docuisse; & si in libris suis hic error legitur, non fuit ejus manu, sed manibus ejus inimicorum scriptus; ut tanti viri famæ calumniam struerent, & Operum ejus doctrinæ detraherent. At pro modo nobis sufficit, in ejus Operibus errorem hunc contineri, quoquo modo habeatur; unde postmodum ex illis Arius hausit, & famosiorum in mundo reddere conatus est.

Quarto ponuntur ab Alfonso de Castro lib. 5. adv. hæref. verb. Deus, hæref. 6. Metangismonitæ, qui, Augustino teste lib. de hæref. c. 58. dicebant, Filium esse in Patre, sicut vas parvum in vase majore; unde Filium Patre minorem faciebant. Sic dicebantur, quia ἀγγελος græce, latine est vas; οὐρανός vero est dictio composita, & idem sonat, ac infusio unius vas in aliud. Unde dicti sunt græce Metangismonitæ, quod latine idem esset ac dicere Transvasantes, vel Invasantes; ut ait a Castro.

Quinto fuerunt Alogi, seu Alogiani, hoc est sine Verbo; ita dicti, quia in Deo Verbum negabant. De his loquuntur Epiphanius hæref. 51., & Augustinus hæref. 30. & hos etiam præcessisse Arium, testatur Cacheranus tract. 2. de Deo trino c. 1. §. 1. Attamen Berninus in sua Hæresum historia in sec. I. c. 11. aliud de Alogis, seu Alogianis, judicium profert. Asserit enim illos sic dictos, quia scientia, doctrina, ac judicio, expertes erant; nec ipsorum errorem alium fuisse, quam quia dicerent, Verbum in Jesum venisse, in Jesu operatum fuisse, tanquam principium assistens, & a Jesu denique discessisse, ei- que Dei filii nomen reliquise, tanquam præmium bonorum operum, quæ fecerat. Et ad hoc probandum, Epiphanium citat, sed ejus verba non recitat. Verum, pace tanti Viri, nobis olim in primis carri, aliud ab ipso judicamus. Quantum enim ad nomen attinet, ipsem Augustinus de hæref. c. 8. testimonium profert verbis hisce: *Alogiani propterea sic vocantur, ut tanquam sine Verbo. Logos enim græce Verbum dicitur, quia Dei Verbum recipere noluerunt, Joannis Evangelium respuentes, cuius nec Apocalypsim recipiunt: Has videlicet Scripturas negant esse ipsum.* Epiphanius hæref. 31. n. 1. nec aliter nomen exponit, sed non ut exponit Berninus. Ait enim: *Quæmobrem cum Verbum, a Joanne prædicatum, respuant, Alogi, hoc est, a Verbo alieni, nuncupandi sunt.* Error ipsorum erat, non quod dicerent, aliquod non esse Dei Verbum, quia ipsis etiam constabat, Deum fuisse loquutum; sed negabant Deum Verbum, idest Verbum esse Deum. Hinc Isidorus lib. 8. etymol. inquit: *Alogi vacantur tanquam sine Verbo. Logos enim græce, latine Verbum dicitur. Deum enim Verbum non credunt, respuentes Joannis Evangelium, & Apocalypsim.* Et Damascenus tom. 1. monum. Eccles. græcae, secundum Corelerii versionem, asserit: *Alogi a nobis nominati, Evangelium, & Apocalypsim Joannis rejiciunt; eo quod ipsi non admittant Deum Verbum, qui a Patre profectus est, et que aeternus. Alogorum, seu Alogianorum, Auctor fuit Theodosius; non ille, qui Bizantinus Coriarius, & Theodotianorum antesignanus fuit; ut putarunt aliqui apud Cardinalem Cozam in c. 8. de hæref., sed alius, qui dictus est argentarius; ut citatus Berninus asserit. Alii vero dicunt, horum auctorem fuisse Artemonem quandam, de quo loquitur Eusebius lib. 5. hist. c. 28. & hu-*

jus

*ius opinionis est Lambertus Danæus in lib. de hæres. c. 30. At hi pariter a præfato Cardinali Cozza rejiciuntur; qui & postremo concludit, quosdam obscuri nominis viros, antiquam Ebionis, Cerinthi, præcedentiumque Hæretorum hæresim adversus Christi divinitatem reassumpisse, & evulgasse. At Alogi non contra Christum, sed contra Verbum pugnabant; ut ipsemer fateretur; & nos supra præmonuimus, distinctionem hanc esse necessario faciendam.*

*Igitur si qui aliqui ante Arium Christo divinam naturam denegarunt, non loquuti fuerunt de Verbo, ac proinde non sunt hic adducendi, ubi de Verbo, non de Christo, loquimur. Fuerunt illi quidem Cerinthus, Ebion, aliique; sed de his omnibus, quando de Christi agemus divinitatem, ad sacerdotem quoque pertractabimus. Restat ut modo de Ario loquamur; sed de hoc integrum instituemus Dissertationem, quæ erit immediate sequens. Modo devenimus ad perlustrandos antiquos Patres, qui Arium præcesserunt, tribus prioribus Ecclesiæ seculis; inquirendo nimis, quid iidem de Verbi divinitate senserint; an de ea tacuerint, ut plerique volunt; an eam fassi fuerint, ut alii defendunt; an denique eam negaverint, ut pauci ex Hæreticis sustinent. Et hoc sane perficiendum est de singulis agendo, & ipsorum testimonia examinando, & ex eisdem mentem corundem qualis fuerit in rei veritate aperiendo. Sociniani sunt quidem, qui ex parte asserunt, trium priorum seculorum Patres divinitatem Verbi agnovisse, sed fuisse novatores doctrinæ illis traditæ ab Apostolis, quia Apostoli nunquam hoc docuerunt; ac proinde post Apostolorum mortem illos doctrinam ipsorum immutasse, docendo Verbum esse Deum, quod Apostoli non docuerant. Ex alia deinde parte iidem Sociniani contendunt, Patres trium priorum seculorum, usque ad Nicænum Concilium, constanter docuisse, Verbum non esse Deum. Nos contra hos omnes probabimus, & Patres Græcos, & Patres Latinos, qui ante Nicænum Concilium floruerunt, & Arium præcesserunt, unanimiter docuisse, Verbum esse Deum. A Patribus Græcis incipimus.*

*Ignatius Martir primo se offert. Is in epistola ad Ephesios hæc habet: *Vnus est medicus carnalis, & spiritualis, factus, & non factus, in carne Deus, in morte vita vera, & ex Maria, & ex Deo.* Ubi quanvis loqua-*

*tur de Christo, expresse tamen dicit, Verbum esse Deum. Quis enim assumpsit carnem, nisi Verbum? At Ignatius Deum vocat, qui carnem assumpsit; dicit enim, in carne Deus: ergo Verbum dicit Deus: ergo unitatem divinæ naturæ agnoscit in Verbo. Iterum in epist. ad Philippenses ait: *Vnus Deus Pater, non duo, neque tres. Vnus, qui est, nec aliis est præter ipsum, solus, & verus. Vnus & est Filius Verbum, Deus. Vnus & Paracletus.* Sed de hac ad Philippenses epistola Eruditii non consentiunt, ut eam Ignatio judicent tribuendam; quemadmodum illam ad Ephesios, ex auctoritate Eusebii, & Hieronymi, constanter adscribunt; quanvis & hanc ad Philippenses Bellarminus censeat quoque adscribendam eidem esse.*

*Polycarpus in Doxologia in gloriæ societatem conjungit Patrem, Filium, & Spiritum Sanctum. In Oratione, quam habuit morti proximus, & quam refert Eusebius, invocat Deum Patrem, quem dicit Verbi Patrem, creaturarum vero creatorem, verbis hisce: *Pater dilecti, & benedicti Filii tui, Iesu Christi, per quem tui notitiam accepimus; Deus Angelorum, Potestatum, & universæ creatura.* Iterum subdit: *Propterea & de omnibus te laudo, te benedico, te glorifico per sempiternum Pontificem Jesum Christum dilectum Filium tuum, per quem i tibi cum ipso in Spiritu Sancto, gloria nunc, & in futura secula seculorum: Amen.* In quibus verbis Filius dicitur sempiternus: ergo Deus. Filio æqualis gloria cum Pare tribuitur: ergo eadem divinitas afferitur. At Sociniani opponunt. I. Solum Patrem dici Deum: ergo non Filius. II. Filius dicitur Sacerdos: ergo Minister: ergo non Deus. III. Dicitur in Spiritu Sancto, non Spiritui Sancto, vel cum Spiritu Sancto, ut dicitur cum Filio: ergo Spiritus Sanctus non est Deus. Ad quæ dicimus respondendo ad I. Solum Patrem dici Deum, quia, ut ait Athanasius, solus Pater est fons Deitatis. Concilium Nicænum I. habet: *Credimus in unum Deum Patrem omnipotentem, omnium tam visibilium, quam invisibilium, creatorem:* At quis dicit, Nicænum Symbolum Verbi divinitatem non continere? Ad II. Vocat Sacerdotem ut hominem, non ut Deum; loquitur enim de Christo, non de Verbo solum. Ad III. Dicit in Spiritu Sancto, quia Spiritus Sanctus est quasi vinculum Patri, & Filii; ut a plerisque pariter nominatur. Cæterum Smirnæ in fine epistolæ gloriam tribuunt Spiritui Sancto una*

una cum Patre, & Filio, scribentes: Optamus Fratres in Domino valere, inbarentes præceptis, & Evangelio Iesu Christi, cum quo gloria, & bonos Deo Patri, & Sancto Spiritui.

Justinus Martir in Apologia II. insectatur illos, qui negant, Filiū esse Deum; & hoc contra illos probat, quia Filius est primogenitus, & Dei Verbum, scribens: *Filiū esse Patri universorum, qui quod Verbum Dei primogenitum sit, Deus etiam existit.* In Apologia I. Christus Filius Dei Patris, qui solus proprio Filius dicitur, estque Verbum, quod simul cum illo ante creaturas, & existit, & gignitur, quando primitus per ipsum omnia creavit, & ordinavit. Pariter in Dialogo cum Tryphone docet, Filiū esse numero, seu persona, distinctum a Patre, sed non esse distinctum natura, & essentia: *Virtutem istam, quam Deum sermo propheticus vocat, non ut solis lumen nomine tantum numerari, verum numero aliud quiddam esse, ratione exquisita supra paucis explicavi: Virtutem hanc dicens de Patre, genitam virtute, & consilio ipsius, non per abscissionem, tanquam dispertea esset Patris essentia, prout alia omnia divisae, & secessae, non eadem sunt, quae ante fuerunt, quam scinderentur.* At Justino Sociniani opponunt I. In Apologia II. dixit, Christianos in secundo loco habentes cum ratione venerari Filiū Dei II. ibidem scribit, Filiū esse primam potestatem post parentem, & Dominum universorum Deum. III. In Dialogo cum Tryphone vocat Filiū Deum, qui administer est Dei universorum creatoris. IV. in eodem loco docet, Deum non apparuisse antiquis Patriarchis, sed Filiū. V. dicit, Patrem esse Filio causam ut sit. Verum ad primum, & secundum dicitur, Justinum loqui de prioritate originis, non dignitatis. Ad III. improprie vocatur minister Filius, quia non agit, nisi ratione esse, quod habet a Patre; quod quidem esse habitum a Patre, est suum proprium esse. Ad IV. intelligit, quod Deus pater non apparuit Patriarchis, sed apparuit Deus Filius. Deus enim Pater non erat sumpturus humanam carnem, quam sumere debebat Filius. Ad V. nomine causas intelligit Justinus causam late sumptam, hoc est principium; non vero causam stricte sumptam; ut alibi adnotavimus.

Athenagoras in Legatione pro Christianis scribit: *Deum afferimus, & Filiū ipsius Verbum, & Spiritum Sanctum: Tria quidem secundum potentiam, Patrem, Filiū, & Spi-*

*ritum: actus vero, & essentia unum; Filius enim Patris mens, Verbum, & Sapientia est, & ab eodem Spiritus, ut lumen ab igne proficit. Ibidem subdit: Quis igitur non mittetur, cum audiat, nos, qui Deum Patrem prædicamus, & Deum Filium, & Spiritum Sanctum, eorum in unitate virtutem, & in ordine distinctionem explicantes, Atheos vocari? Eodem quoque in loco afferit: Est Filius Dei Verbum Patris in idea, & operatione. Ab ipso enim, & per ipsum omnia facta sunt, cum sint unum Pater, & Filius, & sit in Patre Filius, & Pater in Filio, unitate, & virtute Spiritus. Mens, & Verbum Dei Filius Dei est. Sociniani obstant, asserentes, Athenagoram docuisse, Verbum prodiisse a Patre tempore illo, quo Deus mundum creavit, verbis hisce: Sed ita ut cum materia concreta omnia, informisque natura, atque terra instar vetriculi subjicerentur, in iisque crassioribus leviora admixta essent, ad hoc ut idea, & actus illorum esset, prodierit. At respondetur, Athenagoram intellexisse, Verbum prodiisse exterius, non interius. Et revera Verbum prodiit exterius, quando per ipsum facta sunt omnia. Hoc autem in tempore fuit, non ab æterno. Interius vero ab æterno prodidit, quia, ut ipsem Athenagoras docet in eadem sua Apologia: A principio enim Deus, qui est aeterna mens, habuit in se ipsa λόγον, cum aeternum sit λόγος.*

Irenæus lib. 3. adv. hæres. c. 6. Neque Dominum, neque Spiritum Sanctum, neque Apostolos, cum, qui non esset Deus, definitive, in absolute Deum nominasse aliquando, nisi esset verus Deus: neque Dominum appellasse aliquem ex sua persona, nisi qui dominatur omnium, Deum Patrem, & Filium. Idem lib. 4. c. 1. confutat Ebionitas, probans, eos salvari non posse, nisi Deus esset, qui salutem illorum super terram operatus est; & quomodo homo transibit in Deum, si non Deus in hominem? Et lib. 5. c. 17. Peccata remittens Christus, manifeste respondit quis esset. Si enim nemo potest peccata remittere, nisi solus Deus: remittebat autem hoc Dominus; manifestum est, quoniam ipse Verbum Dei. Contra Irenæum objiciunt I. lib. 3. c. 8. Cui ergo præcepit? Verbo scilicet, per quod cœli firmati sunt. Si ergo Pater præcepit Verbo, Verbum non est Deus. II. lib. 4. c. 17. Ministrat enim ei ad omnia sua progenies, & figuratio sua: Ergo si Verbum est minister, non est Deus. III. lib. 2. c. 48. Patrem esse super omnia, & super Christum, ipso consciente, & dicente: Pater major me est. At respondeamus ad I. & ad II. ut responde-

spondimus ad Justinum; nomen præcepti, & ministri, improprie, non proprie, ab Ireneo sumi; & illud dixisse, ut Hæreticos rejiceret, qui dicebant, Patrem per Angelos mundum creasse. Ad III. illud de Christo dixisse ratione humanæ naturæ; dicit enim super Christum, non super Verbum.

Clemens Alexandrinus lib. admonitionis ad gentes c. 8. *Nihil odio habet Deus; sed neque Verbum; utrumque enim unum est, nempe Deus.* Idem lib. 3. Pædagog. c. 7. *Est enim minime indigens, qui Verbum habet Deum omnipotentem, & nullo eorum, quibus opus habet, unquam eget. Verbum enim possessio est, cui nihil deest, & est causa omnis copia.* Idem in Protreptici initio: *Verbum divinum, qui est manifestissime verus Deus, qui est universorum Domino exaequatus; quoniam erat ejus Filius, & Verbum erat in Deo.* Contra Clementem opponunt I. Strom. 5. docet, creatam esse Sapientiam: ergo creatum Verbum, quod Sapientia nomine venit. II. Strom. 7. dicit, naturam Filii esse propinquissimam soli omnipotenti: ergo inferior. III. Strom. 6. afferit, Filium esse factum: ergo non Deus. Ad I. occurrimus, quod Græci Patres ante Concilium Nicænum nomine ~~christi~~ intelligebant omnem productionem, non solam creationem; unde dixit potius, Sapientiam esse genitam. Ad II. dicitur, in illo loco pro natura intelligere personam; Hæc enim ante Concilium Nicænum facile confundebantur. Ad III. eadem est responso, ac ad I., quod nomine *factum*, intelligatur a Græcis productum, seu genitum.

Dionysius Alexandrinus eo impetu Sabellii hæresim debellare aggressus est, ut fere in similibus advenit, in aliud extremum deflectere visus est. Propugnabat enim contra Sabellium Personarum distinctionem, sed Adversarii ejus occasionem hinc acceperunt, ut eum criminarentur, quasi naturæ quoque distinctionem admisisset. Accusatio delata est ad Dionysium, tunc temporis Romanum Pontificem; a quo Alexandrinus coactus est suam mentem aperire, & accusationibus respondere. Quod quidem statim, & egregie præstítit Dionysius; & omni prorsus ambiguitate rejecta confessus est, & probavit, se agnoscere, & agnovisse, in Divinis, Personarum distinctionem, naturæ vero identitatem. Ex quibus inferimus primo, tempore illo, ita apud omnes pro certo fuisse, personas omnes eandem omnino naturam habere, ut Dionysium accusarent, qui ali-

ter sensisse ipsis videbatur. Dionysius autem tantum absuit, ut accusationem defenderet, quod potius ab accusatione se defendit, ostendens illam falsam, & suam fidem ab orthodoxa confessione non discessisse. De hoc convenient Scriptores omnes; & Eusebius lib. 7. hist. c. 26. ejus meminit Apologæ; expressius autem Athanasius tom. 1. pag. 508. Superfluum est modo ejus proferre testimonia, quum facti series testimoniis omnibus major sit.

Gregorius Thaumaturgus par. 1. ejus Operum hanc fidei confessionem exhibet: *Unus Deus, Pater Verbi virantis, Sapientia subsistens, & potentia, & characteris semipaterni: Perfectus perfecti genitor, Pater Fili unigeniti. Unus Dominus, solus ex solo, Deus ex Deo . . . Unusque Spiritus Sanctus ex Deo existentiam habens.* Sociniani dicunt, hanc fidei confessionem non esse Gregorii, quia ejusdem Eusebius, & Hieronymus, non meminerunt. Refertur tamen a Gregorio Nysseno in vita Gregorii Thaumaturgi; qui & ulterius subdit, in Ecclesia Neocæsariensi, cuius erat Episcopus Thaumaturgus, illius confessionis traditionem inviolatam permanisse; quod etiam afferit Basilus tom. 2. ejus Operum pag. 360. Nec mirum, quod Eusebius, & Hieronymus de eadem confessione non fecerint verbum; quia non omnia retulerunt, quæ scripserunt Patres, qui antea ipsos floruerant. Opponunt ulterius, Gregorium dixisse in eadem, Patrem, & Filium esse unum hypostasi; Basilus tamen dicit, id dixisse ex Adversariorum suppositione, contra quos scribebat. Denique objiciunt Gregorium vocasse Christum, creaturam, facturam &c.; At idem Basilus responderet, nomina illa applicasse humanæ, non divinæ, nature.

Lucianus, qui fuit Presbyter Ecclesiae Antiochenæ, ut scribit Eusebius lib. 6. hist. c. 13. symbolum scriptit proprio charactere, his conceptum verbis: *Credimus in unum Deum Patrem . . . Et in unum Dominum Jesum Christum, Filium ejus unigenitum Deum, per quem omnia facta sunt, & Deum ex Deo, totum ex toto, solum ex solo, perfectum ex perfecto, regem ex rege;* *Et in Spiritum Sanctum &c.* Opponunt ei tamen, quod ejusmodi symboli nec Eusebius, nec Hieronymus meminerunt; subduntque, quod ipsum attributum est Luciano ab Episcopis Concilii Antiocheni, quod celebratum est ad Encænia imperante Constantio, ut tradit Sozomenus lib. 3. hist.

c. 5. Attamen opponitur silentio Eusebii, & Hieronymi testimonium Athanasi lib. de Synodis Arimin., & Seleucensi t. 1., & Socratis lib. 2. hist. c. 10. Quod autem Episcopi Antiocheni Concilii symbolum illud promulgaverint sub nomine Luciani, non est argumentum, ut illud effinxerint; tum quia ex illis plures Arianis favebant, unde non est creditum dignum, quod evulgaverint monumentum Arianis contrarium; tum etiam, quia impostura detegi facile potuisse, apud Antiochenos factam, qui Luciani scripta omnia custodiebant.

Synodus Antiochena in epistola ad Paulum Samosatenum hæc scribebat: *Quod si Christus, Dei virtus, & Dei sapientia, ante secula est, ita & quatenus Christus, unum, & idem existens substantia, licet maxime pluribus notionibus consideretur. Et post pauca subdens: Hunc vero Filium genitum, unigenitum Filium, imaginem invisibilis Dei, primogenitum omnis creature, Sapientiam, & Verbum, & virtutem Dei, qui & ante secula, non præscientia, sed substantia, & hypostasis, Deum, & Dei Filium in veteri, & novo testamento agnoscentes confitemur. Cæterum hi fuerunt sex Episcopi, qui antequam cæteri majoris numori Episcopi ad Concilium convenienter, in quo fuit Paulus Samosatenus damnatus, hanc Epistolam eidem Paulo dare, ut cum ad meliorem reducerent, convenientissimum judicarunt.*

Pamphilus Martir in libro apologetico, quem scriptit pro Origene, ut memorat Eusebius lib. 6. hist. c. 33. probat, quod Origenes non erraverit, quando scripsérat, eandem esse inconvertibilitatem Spiritus Sancti, qua & Patris, & Filii, aqualem esse Trinitatem; sicut Pater novit initia omnium, qua sunt & fines, sic & Filium, sic & Spiritum Sanctum scire, & non esse cum Patre. Filium, id est unius substantia. Si non probat Origenis mentem, suam certe manifestat.

Methodius, Tyri Episcopus, in lib. de Martyribus dialog. 1. apud Theodoretum, nominat Christum Dominum, & Filium Dei, qui non rapinam arbitratus est, esse se aqualem Deo: ergo pariter Verbum. Insuper apud Photium Cod. 237. inquit; existentiam Verbi nec initium, nec finem habuisse, sed semper fuisse eandem. Opponunt nihilominus Methodio, quod apud Photium Cod. 235. dixerit, I. in Deo esse duas potentias effectrices; II. quod tribuerit Patri creationem orbis; III. quod

afferuerit, Filium a se ipso non operari; sed solum Patrem. At respondeatur ad I. esse duas potentias effectrices personaliter, non substantialiter; quatenus sunt plures personæ operantes, quanvis sit una substantia operans. Ad II. dicitur, quod quemadmodum de schola Theologi per appropriationem tribuerunt potentiam Patri, sapientiam Filio; bonitatem Spiritui Sancto, quanvis hæc æqualiter singulis tribus personis convenienter ita pariter Patres aliquando dixerunt, quod secundum aliquem loquendi modum, non vero absolute orbis creatio, quæ ab omnipotenti pender, Patri tribueretur. Ad III. dicimus secundum Methodium, Filium non operari a se ipso; scilicet per esse, quod ab alio non acceperat; quatenus suum esse, & suam omnem operationem ad extra, a Patre per generationem habuerat. Operatur tamen per esse, quod ab alio accepit, & a se ipso operatur.

Romaner, ut pro coronide Græcorum Patrum de Origene agamus, de quo loco suo non fecimus verbum, ut huc ejus causæ discussionem remitteremus. Parum certe referret, si in dogmate, de quo agimus, minus sapiens Origenes invenirotur, quum in aliis multis codem modo coavictum inveniamus. Unde in superioribus diximus, suam doctrinam fuisse fontem, ex quo Arius suum virus ebibit, illudque toto fere orbi propinavit. Attamen quia, ut patiter innuimus supra, multi doctrinam ejus defendunt, afferuntque libros ejus fuisse falsis dogmatibus, dolo male prosequentibus eum, refertos; hinc est, quod plures subire voluerunt laborem, quo inventirent in libris suis, quos fortassis interpolatos non credunt, aut innocentiam ejus, aut crimen. Inutilem nos hunc laborem suscipere existimamus pro viro, cuius laus non est in Ecclesia, ut est aliorum Patrum, quos usque modo defendimus. Unde remittentes Legentes apud alios Scriptores, qui ipsum defendunt, ad alia properamus. Properamus quidem referre Latinos Patres, qui omnes, & singuli, pro divinitate Verbi orthodoxe senserunt, ut data serie ostendemus.

Tertullianus Apologet. c. 21. inquit: *Hunc ex Deo prolatum dicimus, & prolatione generatum; & idcirco Filium Dei, & Deum dicimus, ex unitate substantiae: ergo ex Patre genitus: ergo Deus; ergo unius substantiae cum Patre. Lib. de Pudicitia c. 21. Trinitatem unius Divinitatis, Patrem, & Filium, & Spiritum Sanctum: ergo non solius Ver-*

## Dissertatio CXIV.

90

bi, sed rotius Trinitatis est una, & eadem consubstantialis natura. Lib. cont. Praxeum c. 4. *Filium non aliunde deduco, quam de substantia Patris.* Et c. 12. *Ceterum, ubique teneo unam substantiam in tribus coarentibus.* Et c. 9. *Eesse dico, alium esse Patrem, & alium Filium, & alium Spiritum, Sanctum.* Male accepit Idiores quisque, auctor perversus, hoc dictum, quasi diversitatem sonet, & ex diversitate separationem protendat Patrem, & Filii, & Spiritus Sancti. At contra Tertullianum arguunt I. ex Lib. cont. Hermogenem c. 3. *Quia & Pater Deus est, & Judge Deus est; non tamen ideo Pater, & Judge semper, quia Deus semper.* Nam nec Pater esse potuit ante Filium, nec Judge ante delictum. Fuit autem tempus, quando & delictum, & Filius non fuit, quod Iudicem & Patrem Dominum faceret: ergo ex Tertulliano Deus non semper fuit Pater: ergo Filius non est aeternus: ergo non est consubstantialis. II. Lib. cont. Praxeum c. 9. *Patrem dicit invisibilem, Filium vero visibilem: ergo Filium facit Patre inferiorum.* III. Et c. 12. afferit, *Filium esse a, Patre genitum, quando mundum Patrem condidit: ergo non aeternus: ergo non Deus.* Ad I. Bellarminus responderet, intelligi de Filio per adoptionem, non per naturam. Jueninus responsionem Bellarminij non admittit, quia Tertullianus absque ulla limitatione loquitur, Deum non semper fuisse Patrem. Sed nos objectionem Juenini non probamus, quia Tertullianus cum limitatione loquitur. De illo enim Filio loquitur, cuius est & Pater, & Judge; sed Pater, & Judge est solius Filii per adoptionem, non per naturam: ergo de solo Filio per adoptionem cum limitatione loquitur. Ad II. dicimus, Filium fuisse visibilem, vel quia Patriarchis invisibili assumpta forma apparuit, vel quia visibilem humanam naturam sibi univit; at non per hoc est inferior Patre. Ad III. intelligendus est de externa Filii manifestatione in prima mundi creatione; quemadmodum superius in confutatione ad similem argumentum diximus.

Dionysius Romanus, qui fuit Romanus Pontifex, & sub Imperatoribus Valeriano, & Gallieno floruit, ut scribit Eusebius lib. 7. hist. c. 7. contra Sabellianos epistolam dedit, quae desperita est; attamen inter ejus fragmenta, quae referit Athanasius lib. de decretis Nicenaz Synodi t. 1., legimus: *Audio, quosdam apud vos esse catechistas, & doctores divini verbi, qui illius sunt opinio- nis auctores, qui ex diametro, ne sic dicam,*

*pugnant cum Sabellii placitis. Hic enim blasphemat, Filium ipsum afferens esse Patrem, & e converso Patrem esse Filium. At isti tres quodammodo Deos predican, dum sanctam Monadem dividunt in tres hypostases peregrinas, a se invicem plane separatas. Hunc ultimum errorem postmodum impugnans, subdit: Etenim necesse est uniri omnium Deo Verbum, & in Deo manere, & habitare Spiritum Sanctum. Jam vero divinam quoque Trinitatem in unam, velut in caput quoddam, & summum, omnipotentem Deum universum dico, colligi, & coalescere, prorsus necesse est. Denique de Verbo expressis loquitur, quod dicit non factum, nec creatum, sed genitum: Ceterum non minus culpaveris eos, qui Filium Dei opus existimat, & Dominum factum esse, sicut cetera, opinantur, cum sacra eloquia generationem ei congruens, & decentem, non autem formationem, & creationem, testimonios suis attribuant. En in Ecclesia Romana, quae mater est, & magistra omnium Ecclesiarum, & cuius caput Dionysius erat, perpetua traditio trium divinarum personarum unius, eiusdemque naturae, atque substantiae.*

Cyprianus in epist. ad Jubajanum dicit: *Cum tres unum sint: ergo unitas naturae in tribus divinis personis. In eadem epistola: Quod ipse Christus gentes baptizari jubeat in plena, & adunata Trinitate: ergo si Tripartita est plena, & adunata, una est in natura.* Lib. 2. testimoniorum adversus Judaeos ad Quirinum, disertet probat ex Scripturis, Christum esse Deum: Si credidit Christum esse Deum, credidit quoque Verbum esse Deum. Opponunt I. ex lib. de Idolorum vanitate: *Vetus omnium Dominus est Deus, Neque illa sublimitas potest habere conspectum, cum sola omnem teneat potestatem.* II. ex libro de Trinitate multa sunt, quae Verbi divinitati adversantur. Verum respondemus ad I. loquutum fuisse de unitate naturae, non de unitate Personarum; unde subdit ad allata verba: *Hic Deus noster, hic Christus est.* Ad II. dicitur, librum illum falso tribui Cypriano, quem re vera sit Novatiani, ut eruditio omnes conveniunt. Ceterum quoque possunt illa omnia, quae ex codem libro opponuntur, benigna interpretatione salvari, data uestimenta responsive, quae oppositis coutra Tertullianum data est.

Lactantius lib. 4. c. 29. sibi objicit ex Gentilibus: *Fortasse querat aliquis, quomodo cum Deum nos unum colere dicamus, duos tamen esse assereramus, Deum Patrem, & Deum Filium.* Et responderet: *Cum dicimus Deum Patrem,*

*Patrem, & Deum Filius, non diversum dicimus, nec utrumque secernimus, quia nec Pater sine Filio esse potest, nec Filius a Patre secerni; siquidem nec Pater sine Filio nuncupari, nec Filius potest sine Patre generari. Et postmodum concludit: Cum igitur & Pater Filium faciat, & Filius Patrem, una utriusque mens, unus spiritus, una substantia est. Multa sunt, quae Laetantio a Socinianis opponuntur. Verum omnia, quae opponuntur, vel condonanda sunt Viro, qui fuit quidem Rhetor, & Orator eximius, ac disertissimus, at non Theologus; vel dicendum est cum aliis, fuisse ab Hæreticis supposita, & adulterata, præcipue lib. 2. c. 9., & lib. 4. c. 8.; vel denique esse benigne interpretanda, præcipue quum super allatis ejus verbis mentem suam manifestissime aperiat, & si quid alibi contrarium scribat, cohærenter ad hæc verba justissimum quidem est, ut exponantur simul, & explicitur.*

Minutius Felix fuit etiam Cypriano antiquior, & contra Idololatras scribens unitatem Dei proficitur in suo Dialogo cum Octavio: *Nec nomen Deo querendum, quia solus est. Et postmodum scribit, Christum esse Deum, & uti Deum a Christianis coli:*

*Quod religioni nostra hominem noxium, & crucem adscribitis, longe de vicinia veritatis erratis, qui putatis, Deum credi, aut meruisse noxium, aut potuisse terrenum. Si igitur negat, Christum fuisse noxium, aut terrenum: ergo facetur esse Deum. Si credidisset enim, Verbum non esse Deum, aut Christum, illud aperte negasset; sicut negavit, Christum fuisse noxium, aut terrenum.*

Arnobius lib. 1. adversus Gentes scribit; *Christum aequaliter bonis, malisque subvenisse; & rationem reddens, subdit: Hoc est enim proprium Dei veri, potentiaeque regalis, benignitatem suam negare nulli. Post quæ descendit ad aperre ostendendam Patris, Filiique, divinitatem his aliis verbis in eodem libro: Deus ille sublimis, Deus radice ab intima, Deus ab incognitis regnis, & ab omnium Principe Deus sospitator est missus. Et lib. 2. apertioribus verbis Christi divinitatem prædicat: Et ideo Christus, licet vobis iniquitus, Deus: Deus, inquam, Christus: Hoc est enim sepe dicendum, ut Infidelium dissiliat, & dirumpatur, auditus: Dei principis iussione loquens sub hominis forma,*

## DISSERTATIO CXV.

*De Arianae Hæresis origine, ortu, & progressu; de variis illius Sectis; de Conciliis, & Conciliabulis, in quibus, aut damnata, aut palliata, fuit; & de illis, qui eidem, vel calamo, vel ense, patrocinati sunt; deque illis, qui contra eandem bellum implacabile gesserunt.*



Riana Hæresis, ut ex ipsomet nomine innotescit, Arium habuit auctorem. Arius in Lybia sortitus est natale solum; in ea scilicet Lybia, quæ Ægypto est vicina, & Alexandriæ contributa: propter quod Constantinus, teste Socrate lib. 1. hist. c. 19., Arium Alexandrinum appellat. Corporis forma, & habitus specie, humilis apparebat, gravis, modestus; ac morum elegancia, comes, dulcis, urbanus. Primus fuit schismaticus; nam, quum adhuc Diaconus esset, adhæsit Meletio, Lycopolitano in Thebaide Episcopo, qui, quod

P.A.R. II.

depositus a Petro, Alexandriæ Episcopo, fuisset, propterea quod Idolis in Diocletiani persecuzione sacrificasset, schisma compositum. Postmodum Arius ab Achilla, qui in cathedra alexandrina Petri successor fuit, reconciliatus Ecclesiæ fuit, & Presbyter ordinatus. Hoc modo rem narrat Du-Hamel; at Natalis Alexander refert, quod ex schismate conversus, a Petro Alexandrino Diaconus est ordinatus. Et quia deinde Petrus fautores Meletii excommunicaverat, & eis prohibuerat, ne baptismum administrarent, & cætera ecclesiastica munera exercent, Arius contra Petri ordinationem inclamavit, &

M 2 ob-

obloquus est; & propterea fuit ab eodem ex Ecclesia pulsus.

Baronius ad ann. 310. n. 4. & 5. narrat ex Actis S. Petri Alexandrini, quae in latinum transtulit Anastasius Bibliothecarius; quod Arius petens a Petro, qui erat in carceribus ob fidei confessionem, & proximus martirio, ut cum in communionem restitueret; a Christo, noctu Petro apparenti, ueste discissa, fuit ostensus, ut caussa disissionis illius; eique dicente: Arius mihi scidit, Præcave omnino ne cum in communionem recipias. Quin potius jubeto Achilla, & Alexandro, Presbyteris, qui post tuum exitum recturi sunt Ecclesiam meam, ne cum in communionem recipiant. At Alexander in sec. 4. c. 3. ar. 3. §. 1. scribit, visionem, & acta ipsa, in quibus refertur, suspecta esse Eruditis; quod & ipse singulari Dissertatione confirmat.

Gelasius Cyzicenus refert, Arium a S. Alexandro, Alexandriæ Episcopo, fuisse Presbyterum ordinatum, atque Ecclesiam Baukalensi regimini præfatum. At potius fides danda est S. Epiphanius, qui hæres. 69. asserit, eum fuisse ab Achilla in communionem suscepsum, ac Presbyterum factum. Achillæ in alexandrino throno Alexander successit; cujus electioni dicit Philostorgius, historicus arianus lib. 2. c. 3. Arium fuisse libentissime suffragatum. At non ita res est, ut asserit Theodoretus lib. 1. hist. c. 2., & lib. 4. hæretic. fabul. c. 1. ipsem etiam Arius regimen alexandrinum ambiebat, & ægre tulit, ut Alexander sibi præferretur. Hinc factum est, quod Alexandro, conciones habenti, detrahere, & insultare, incepit; & quum Alexander aliquando dixisset, Filium esse Patri æqualem, ac ejusdem cum eo substantiæ; Arius non solum cum clam objurare non erubuit, verum quoque palam, & apertissime, suggillavit, asserens, Verbum ex nihilo fuisse creatum, & ex natura sua mutabile esse. Hæc prima Arianæ Hæresis origo; hæc impii erroris primordia; quibus primo dicebat, solum Patrem esse Deum, & deinde Verbum Dei pessime quidem habebat. Sic legitur in Arii Taleja, cuius fragmentum refert Athanasius in epist. de Synodis Arianorum, & Seleuciae. Solum ingenitum, solum æternum, solum nullo principio inchoatum, solum verum, solum immortalitate præditum, solum sapientem, solum bonum, qui genuit Filium unigenitum ante tempora æterna, per quem secula condidit. Post quæ hæc alia subdit verba. Filium esse creaturam Dei

perfectam, sed tamen, non ut aliquid ex eternis, non esse verumua Patri consubstantiale; voluntate Dei ante tempora conditum, non esse coeterum Patri; neque Patris naturam, ut in se est, cognoscere, nec suam ipsius; alienum, externumque esse a Patre quantum ad substantiam; ex non extantibus factum esse, εἰς χοῦτν, fuisse tempus, quando non erat; Verbum mutabilitati obnoxiam esse, ac in libero ejus arbitrio fuisse, quandiu vellet, bonum permanere. Deum porro, cum præcognosceret eum bonum futurum, anticipando illi hanc gloriam dedisse, quam homo postmodum ex virtute meretur: ipsum proinde participatu gratia Deum scrii; ut reliquos omnes, sic & ipsum, titulo tenus Deum vocari. Legenduntur pariter hæc verba in epist. Discipulorum Arii ad Alexandrum, Alexandriæ Episcopum, quam idem Athanasius refert cit. loc., in epist. synodic. Concilii Nicæni ad Ecclesiam Alexandrinam, quam Socrates afferit lib. 1. c. 6. , & alibi.

Hæc autem facta sunt ann. Æræ christianæ 317. iis scilicet diebus, quibus Crispus, & Constantinus junior, Cæsares creati sunt. Sic profert ex Orosio lib. 7. c. 28. Natalis Alexander, Ex S. Hieronymo alii consignant ad ann. 321. Arianæ hæresis ortum. Baronius anno 315. affigit. Alii cum Lactantio ante Licinii persecutionem ponunt; Lactantius enim lib. 4. divin. instit. c. ult. Arianos nominat. Sed forsitan melius alii putant, Arianorum nomen in Lactantij textum irrepsisse; quod quidem, ut ait Alexander, in melioris notæ Codicibus non legitur.

Interim Alexander, Alexandrinus Episcopus, mansuetudine, & humilitate, Arium ferens, omnem subibat curam, ut eum ad meliorem frugem reduceret, & ad catholicam semitam revocaret. At paternis hisce studiis Arius nil melior factus, Alexandrum demum coegit, ut ei palam interdiceret, ne quid contra a se dicta, aut sentiret, aut doceret. Tunc ipse obstinatior redditus, omnem proiecit, quam professus Episcopo suo fuerat, obedientiam, omnem reverentiam aperte denegavit; errorumque suum publice prædicans, aliquos post se Presbyteros, alias etiam Virgines, prostravit, & hæresi insuper suæ Sectam adjunxit. Et tunc etiam fuit, quando tanquam pertinax in hæresi, audax in schismate, de novæ Sectæ initiosis elatior factus, ab Alexandro fuit demum publice excommunicatus.

Hucusque diximus de Arianæ Hæresis origine, ortu, & progressu, usque ad tem-

pus, quod Hæreti Secta adjuncta est; ulteriora, quæ progressum respiciunt, in sequentibus subjungemus. Modo de variis illius Sectis, in quas divisa est, distutri, congruum ducimus ab iis incipere sermonem, qui primo Ario adhæserunt. Semper Presbyteros fuisse, narrat Epiphanius, Episcopum unum, qui fuit Secundus Pentapolitanus, & Virgines septingentas. At Alexander in epistola encyclica, quæ legitur apud Socratem lib. 1. c. 3. refert, tantum fuisse quatuordecim ejus discipulos, inter quos erant Secundus, & Theonas, ille Ptolemaidis, hic Marmaricæ, Episcopus. Relinquimus pro modo Sectas, quas mox realsumemus, & ad Concilia accedimus.

Primum Concilium, quod in Arii causa coactum est, fuit Alexandrinum, quod S. Alexander Episcopus convocavit. In eo convenerunt centum circiter Episcopi, qui omnes uno ore Arium, & discipulos ejus, damnarunt; deque eorum damnatione Alexander epistolam encyclicam ad universos catholicæ Ecclesiæ Episcopos dedit. Hujus primi Concilii, in quo anathemate percussus est Arius, ejus doctrinæ damnata, meminit Sozomenus lib. 1. c. 14.

Post hæc, Arius in Palestinam fugiens se contulit; ubi novos discipulos congregavit, inter quos eminuit Eusebius Nicomedensis, ejus fautor, & protector infaticabilis. Ut ipse erat in dialectica insignis, & in assertione præcipuus, non paucos Palestinæ Episcopos dementare aggrediebatur; quando ab Alexander datæ literæ ad hos pervenerunt, in quibus monebantur, ne Arii cuniculis darent manus; unde a multis quidem ex illis rejectus est. Hoc tempore dicitur Talejam compausisse; quæ erat cantilena mollis, & impura, in qua plenum suæ hæresis venum continebatur. De ea loquitur Athanasius lib. de Synodis Arimini, & Seleuciæ; & orat. 2. contra Arianos. Constantinopolim deinde venit, & Constantiam augustam, Constantini magni sororem, quam suæ doctrinæ tabe infecerat, suis partibus addictam reddidit, siveque erroris habuit propugnatrixem.

En primum Conciliabulum ab Arianis habitem. Illud indixit in Bythinia Eusebius Nicomedensis, qui & Conciliabuli nomine literas dedit ad omnes Episcopos, eos regans, ut Arium, ejusque Sectatores, in communionem reciperent. Alexander, his auditis, libellum opposuit in Arium,

illumque misit Episcopis Ægypti, Thebaidis, Lybiæ, Pentapoleos, Syriae, Lyciæ, Pamphiliæ, Cappadociæ, Asiae, & finitimarum provinciarum: Qui omnes Episcopi Alexandro adhæserunt, catholicæ doctrinæ subscripti sunt, & Arium communis voce damnarunt. Testatur Theodoreus lib. 1. hist. c. 4.

Traxerat nihilominus Arius Eusebium Cæsariensem, & Theodotum Laodicenum, Episcopos in Syria, in suas partes; & Eusebius Nicomedensis, Paulino, Episcopo Tyri, scribens, gratulatur, quod Cæsariensis veritatis defensionem susceperebat, ariana dogmata amplexus. Nicomedensis quoque Alexandro scripsit, cum rogans, ut pristina concertatione extincta, excommunicationis sententiam rescinderet, & Arium in communionem recipere. Arius quoque eidem Alexandro epistolam dedit, in qua afferit, Verbum a Patre creatum ante secula fuisse, eique Patrem sic contulisse splendorem omnem suum, & gloriam, ut semper Patre remanserit inferior, & neque æternum esse; putido demum mendacio epistolam concludens, dicit, se hanc doctrinam ab Alexander didicisse. Epistolæ, quæ data est Nicomediae, subscripti Arius, & cum eo subscripti Secundus, & Theonas, Episcopi, & Presbyteri, & Diaconi, qui Arii Sectatores erant. Memoratur hæc epistola ab Epiphanio, & refellitur S. Hilario lib. 1., & 2. de Trinitate.

Magna hinc Orientis pars ab Ario commota est, & præcipue Alexandria clamoribus, contentionibus, turbisque repleta. Quapropter Constantinus Imperator, post Licinium debellatum, Nicomediam se conferens, & ibi audiens scissuras, quæ erant inter Catholicos, ut eos ad concordiam revocaret, ad Alexandrum, & Arium, scripsit, eosdem suadens, ut exortis controversiæ finem imponerent. Has literas Constantinus tradidit Hosio, Cordubensi Episcopo, ut eas Alexandriam deferreret, & totam suam impenderet operam, ut vel pacem inter dissidentes firmaret, vel si lentium dissidio imponeret.

Secundum Concilium Alexandrinum tunc celebratum est ab Hosio, quem miserat quidem Constantinus, sed erat Apostolicæ Sedis Legatus, a Silvestro Papa missus. In eo concilio iterum damnatus est Arius; & quanvis ab Eusebio Nicomedensi Constantino plurimum laudatus, & a Constantino non male habitus, Patrum tam omnium contra se judicium vitare omni-

omnino non potuit.

Videns nihilominus Constantinus, augeri magis in dies iurgia, & contentiones, in Ecclesia, propter Arium, ejusque fautores, & sectatores; auctor fuit, ut a Silvestro, Romano Pontifice generale Concilium Nicæe in Bythinia congregaretur. Concilium coactum est, in eo tercentum, & octodecim Episcopi in eo convenerunt, qui omnes Catholici erant, præter solos virginis, qui Ariani comperti sunt. In eo etiam damnatus est Arius, & Constantino jubente exilio pulsus. Postmodum Constantia, Constantini soror, a fratre obtinuit, ut Arius ab exilio revocaretur, & in aulam conveniret. Interrogatus ab Imperatore, an Nicæenæ fidei adhæret; maxime respondit. Iudicatus, ut fidei professionem scriberet, hanc exhibuit, qua profitebatur credere in unum Deum, Patrem omnipotentem, & in Dominum Iesum Christum, Filium ejus, ex ipso ante omnia secula genitum, Deum Verbum, per quem omnia facta sunt, cum quæ in cælis, tum quæ in terris. Subdola est hæc fidei professio, & admodum æquivocat illa Arius Constantinum decepit.

Deinde Constantinus decretit, ut Arius Alexandriam reverteretur. Quod factum est ann. 331., quando Alexandrinæ Ecclesiæ Episcopus jam erat Athanasius. Et quavis Eusebius cum Athanasio etiam commendasset, noluit tamen Athanasius recipere, & in communionem admittere; in nullo perterritus, quod ei Imperator, si Arium non reciperet, depositionem, & exilium, comminatus fuisset. Referunt Athanasius ipse in Apologia 2., & Socrates lib. 1. c. 20., & Sozomenus lib. 2. c. 26.

Tunc a Constantino Conciliabulo coacto Tyri, ann. 335., ibidem ab Episcopis, ut plurimum Arianis, fuit Arius in communionem admissus, probata ejus fidei professio, & Athanasius citatus, & in Concilium vocatus. Comparuit Athanasius, ne sua absentia se reum ostenderet. Fuerunt eidem per calumniam multa capita opposita; sed ab his omnibus se purum, & innocentem, probavit.

Eodem anno celebratum est Conciliabulum Hierosolymitanum ab iisdem Eusebianis, seu Arianis, Episcopis. In ipso iterum admissa est Arii fidei professio, & Arius Alexandrinæ Ecclesiæ restitutus. Athanasius vero iterum accusatus, ab Imperatore Constantino in exilium mittitur. Treviris recipitur a Maximino Episcopo, & non tanquam exul, sed veluti triumphans, acclamatetur.

Conciliabulum Constantinopolitanum sequenti anno, vel ut aliis placet ann. 337., ab Arianis celebratur. In eo Marcellum Ancyranum, alterum post Athanasium, Nicæenæ Fidei propugnatorem, hæresis damnant, Episcopatu privant, & in exilium mittunt. Arius, quem Alexandrina Plebs ab Ecclesia etiam arcebat, Constantinopolim ab Imperatore vocatur. Eusebii Nicomediensis patrocinio suffultus, & Constantini nimia credulitate securus, in Constantinopolitanam Ecclesiam recipi procurat. At S. Alexander, Constantinopolitanus Antistes, & S. Jacobus, Nisibis Episcopus, immobiles Nicæenæ Fidei columnæ, grande malum timentes, quod humanis viribus vitare non poterant, ad Deum preces fundunt, ut Ecclesiæ periculis prospicere dignaretur. Annuit Servorum suorum precibus Altissimus, & Arium communione non solum, verum quoque vita privavit. In expectato moritur Hæresiarcha, a Deo invisibili fulmine percussus, & infamem animam cum visceribus in cloaca projecta. Testantur Epiphanius hæres. 69., Socrates lib. 1. c. 25., Athanasius or. 1. cont. Arianos; Sozomenus lib. 2. c. 28., aliisque.

Ad varias Arianæ Hæresis sectas regredimur. Primo referimus Episcopos Arianos, qui Nicæno Concilio interfuerunt, & quorum nomina a Scriptoribus exhibentur. Fuerunt quidem qui sequuntur, Eusebius Nicomediensis, Eusebius Cæsariensis in Palestina, Theodosius Laodicensis, Paulus Tyrius, Athanasius Anazarbensis, Gregorius Beryensis, Arius Liddensis in Palestina, Narcissus Nerodias in Cilicia, Patrophilus Scyropoleos, Theognis Nicææ, Theonas, Secundus, Maris Calcedonis Episcopus. Modo Sectas narramus.

Tres fuerunt temporis progressu Arianæ Hæresis Sectæ. Harum prima Arii errorum principalem, & primigenium sequebatur, & ejusdem blasphemiam totis viribus propugnabat. Hujus sectæ Coriphæ fuerunt Aëtius, & Eunomius; qui alias proprios errores arianis erroribus addentes, sectam propriis nominibus appellaverunt. Horum fuerunt socii Georgius Alexandrinus, & Eudoxius Antiochenus, pariter Uranius Tyrus, Valens Mursæ, & Ursacius Singidonis, Episcopi; etiam Germanius Sirmiensis, Cajus, Demophilus, & Auxentius Mediolanensis. Hi pariter anno dieti sunt; quod in Conciliabulo, Antiochiae ann. 360. coacto, formulam Fidei com-

composuerunt, in qua Dei Filium Patri per omnia dissimilem confitebantur. Scounda Secta fuit Semi-Arianorum, qui asserebant, Filium non esse Patri consubstantialem, ac per omnia similem. Dicentes proinde, Filium non esse Patri *similem*, hoc est ejusdem substantiae, sed *materialis*, scilicet similis substantiae. Hujus Sectæ principes fuerunt Basilius Ancyranus, Georgius Laodicenus, Silvanus Tarsensis, Sophronius Pompejopolitanus, Eleucus Cyzicus, Macedonius Constantopolitanus, qui deinde hæresim suam peculiarem contra Spiritum Sanctum evomuit, Marcus Arethius, Cyrilus Hierosolymitanus, Eusebius Samosatenus, & Meletius Antiochenus. Hi omnes propugnabant, Filium esse creaturam, non tamen cæteris similem; ut assert Epiphanius. Inter hos, Basilius Ancyranus, Cyrilus Hierosolymitanus, Meletius Antiochenus, Eusebius Samosatenus, ab hæresis labe liberandi sunt; illos enim Sancti Patres laudant, Ecclesia aliquos colit, & quidam martirio etiam coronati sunt. Fortassis vocis *materialis*, & vocis *materialis*, decepti intelligentia, materiale tantum, non formale, erroris amplexi sunt; quod postmodum quoque, veritatis lumine affulgentem, rejecerunt.

Tertia Secta fuit Acacianorum. Sic dicti sunt ab Acacio, qui fuit Episcopus Cæsaræ, & Sectæ antesignanus. Hic Filium asserebat Patri consubstantialem non esse, sed non esse creaturam; similem quidem Patri, non tamen substantiam, vel *materialis*, similem. Unde non dicebat *materialis*, ut profitebant Catholicæ; non *materialis*, ut asserebant Semi-Ariani; non *materialis*, ut volebant Aetiani, Eunomiani, & Eudoxiani; sed *materialis* prædicabat. Hoc autem sic explicabatur. Statuarius simulacrum conficit, quod vivi hominis effigiem, & similitudinem exprimit; non tamen est ejusdem substantiam, & naturam cum vivo homine, sed tantum cum illo habet similitudinem in corporis specie, & in membrorum lineamentis. Sic Pater Filium procreavit, qui non fuit illi divinitate, & eternitate par, & æqualis, sed simili tantum. Acacium sequuti sunt Uranius Tyrius, & Eurychius Eleutheropolitanus. Additur Meletius ab Epiphanio; sed imerito. Hic enim fuit Nicæna Fidei acerbus propugnator.

Ad Concilia ipso redimus. Ann. 337. Concilium Romanum celebratum est a Julio I. Romano Pontifice, in quo cœperunt, &

sexdecim Episcopi interfuerunt; & in ipso Nicænum Symbolum professi sunt, & Nicænum Concilium amplexati; ac pariter Arianæ Hæresi anathema dixerunt. Ann. 339. Alexandrinum Concilium fuit coactum, in quo Athanasius, innocens repertus, Ecclesiæ suæ restituitur. Ann. 340. habitum est Concilium Antiochenum; & in eo prævalentes Ariani Episcopi, Constantii Imperatoris favore freu, Athanasium iterum deposuerunt, in exilium mandarunt, & Alexandrinæ Ecclesiæ Gregorium Cappadocem intruserunt. Ann. 341. Concilium Romanum II. sub Julio I. celebratur. In eo Athanasius, qui Romanum venerat, innocens iterum declaratur & quinquaginta Episcopis, qui in illo convenierant, in communionem receptus, & suæ Ecclesiæ restitutus. Ann. 341. Concilium Romanum III. sub Julio I. iterum Athanasium contra Ariana calumnias defendit, ac suæ innocentias, communio nis, & restitutionis, decretum confirmat. Ann. 344. Conciliabulum Antiochenum celebrant Ariani, aliam fidei formulam condunt, quæ in specie quidem catholica erat, ac in re perfidiæ arianæ substantiam continebat. Hanc Episcopis Occidentalibus miserunt; sed cognita, rejecta est. Ann. 344. Catholicæ congregant Concilium Mediolanense; in eo prædictam formulam conditam in Conciliabulo Antiocheno, & ab Episcopis Orientalibus missam per Eudoxium, Martirium, Macedonium, & Demophilum, examinant; & quia consubstantialis vocem non invenerunt, rejiciunt iterum, atque iterum.

Sardicensse Concilium, a Julio I. indictum, quod a quibusdam generale dicitur, ab aliis vero dicitur appendix ad generale Nicænum, ann. 347. celebratum est. In hoc convenerunt Episcopi tercentum septuaginta sex; nimirum tercentum Occidentales, & septuaginta sex Orientales. Quia Occidentales in Concilium receperant Athanasium, & Marcellum Ancyranum, quos Orientales execrabantur, ab illis isti se disicerunt; & Philippopolim convenientes, inibi Conciliabulum celebrarunt. Unde duplex Concilium Sardicensse unum legitimum, & vere Concilium, a Catholicis habitum; alterum illegitimum, & Conciliabulum, ab Ariana compositum. In legitimo Concilio Nicæna Fides firmata; novi Canones nova editi, sed confirmati, vel explicati, qui Nicæni fuerant; unde Concilii Cartaginensis VI. Patres Sardicensses Canones Nicænos.

cætios appellant: Ann: 350. Concilium Mediolanense II. a Catholicis in Arianos habetur. In eo Valens, & Ursacius, qui pahodiam cecinerant, & Athanasio fuciant reconciliati, in communionem recipiuntur, & ad Julium Romanum Pontificem mittuntur; ut coram ipso hæresim abjurarent, & exomologesim agerent. Eodem anno Hierosolymitanum agitur a Maximo, Hierosolymitano Antistite; in quo Episcopi, qui contra Athanasium subscriptis erant, consentes errorem suum, atque delictum, reconciliationem petunt, & Athanasii communionem, & impeccant. Et hoc etiam sub Julio, Rom. Pont.

Mediolanense, quod quidam universale dicunt, sub Liberio; Rom. Pont. ann. 355. celebratum est. Constantius Imperator Edictum promulgaverat, quo Athanasii condemnationem ab omnibus Occidentalibus Episcopis faciendam, præcipiebat. Liberius ad avertendam persecutionem hanc, quam Ecclesiæ imminere cognoscebat, Concilium hoc Mediolani tercentum, & amplius Episcoporum congregavit. Comparuerunt in Concilio Valens, & Ursacius, dudum in communionem Catholicorum recepti, sed in hæresim postmodum relapsi; & vim omnem adhibuerunt, ut Athanasius, urgente etiam Imperatore, condemnaretur. Athanasii condemnationi, ex eo quod per hoc sperarent Ecclesiæ pacem, plures Episcopi subscribunt. At Lucifer, Episcopus Calaritanus, Pancratius Presbyter, & Hilarius Diaconus, Apostolicæ Sedis Legati, Dionysius Mediolanensis, Eusebius Vercellensis, Episcopi, subscribere renuunt, ne Athanasii condemnationi consentiendo, fidem quoque Nicænæ Synodi damnare viderentur. Proinde in remotas provincias relegantur; & ipse met Romanus Pontifex Liberius, in Mediolanensem civitatem vi, & furtim tratus, subscribere omnino nolens, exul in Thraciam mittitur. Hinc omnes Concilium hoc Conciliabulum dicunt.

Sequitur Biterrense Conciliabulum aliud; ann. 357. Celebratur a Saturnino, Arelateni Episcopo Ariano, quod fuerat Constantii favore convocatum. Hilarius, Pictaviensis Episcopus, libellum obtulit Catholicis legendum, ne ab Ariani deciperentur; & obtinuit in præmium, ut in Phrygiam relegareretur, operante cum Constantio Arelateni Episcopo Saturnino, qui & Arianus erat, & Ariani favebat.

Sirmiense Concilium habetur Sirmii in Pan-

nonia ann. 357. Tercentum Episcopi adfuerunt, praesente Liberio Papa, in eadem urbe exultante. Contra Phœtinum, Sirmiensem Episcopum, celebratum dicitur. Ariani duas ibi produxerunt fiduci formulas, catholicam secundum se unam, alteram hæreticam. In prima continebatur, Christum esse Patrem similem secundum substantialiam, ratabatur causa con-substantialitas; in altera substantialitas nomine omittebatur. Pro Phœtini damnatione, afferentis cum Paulo Samosaceno, Magistrō suo, Christum non esse Deum, sed purum hominem, approbatum est Concilium; reprobatum vero, pro illo, quod docebat, Filium Dei, qua Deus est, esse Patri obsequenter, & ministrum. Liberius Papa, per vim impulsus, primæ formulæ subscriptis, Athanasium damnavit, & cum Ariani communicavit. Non ideo tamen dicendus est hæreticus, quia formula illa bonum sensum habere poterat, & quia coetus Arianastrum damnavit, & cum Ariani communicavit. Hosius vero secundæ formulæ subscriptis; at postmodum poenituit, afferens, se vi illud fecisse; & Arianastrum Hæresim iterum damnans, in communionem Catholicorum acceptus est.

Ancyranum habitum est ann. 358. a Semi-Arianiis Ancyræ in Galatia. In eo damnata est secunda fidei formula Sirmiensis, & statutum, Filium Dei secundum substantialiam per omnia similem esse Patri. Ediderunt Orientales Episcopi, qui Conciliabulum componebant, duodecim fidei definitiones, quæ secundæ fidei formulæ Sirmiensis opponebantur; easque ad Constantium, Sirmii degentem, miserunt.

Ariminense Concilium ann. 359. sub Liberio celebratur. Occidentales tantum Episcopi interfuerunt, Orientales vero Seleuciæ in Isauria remanserunt. Arimini quadringenti numerati sunt Episcopi, Seleuciæ circiter ducenti. Voluit Constantius Imperator, ut haec duo Concilia, unum dicerentur; attamen a majori Episcoporum numero Ariminense appellatum est. Seleuciæ congregati omnes erant Ariani, vel saltem Semi-Ariani, aut Acaciani, præter Hilarium, Pictaviensem Episcopum, tunc exulantem in Phrygia, & alios paucos Ægypti Episcopos; unde Conciliabulum evasit, in quo Acaciani a Semi-Arianiis damnati sunt. Congregati vero Arimini omnes erant catholici; præter quinquaginta, juxta Severum Sulpitium, vel octoginta, juxta Athansium, qui erant Ariani; & inter ipsos eminabantur.

bant Ursacius, Valens, Germinius &c. Inter Catholicos vero præcipui erant Phæbadius, Aginnensis Episcopus, Servatius Tungrensis, Restitutus Cartaginensis, & alii. Catholicæ omnes Nicænam fidem firmarunt, Sirmensem damnarunt, Valentem, Ursacium, & alios Arianos divis deuoverunt. Legatos ad Constantium mittunt Catholici, mittunt & Aiani; sed a Catholicis missi male habentur ab Imperatore, bene autem missi ab Arianis. Aiani interim condunt novam fidei formulam, quæ in specie catholica apparebat, sed in re Ariana erat eamque sub nomine Nicænae fidei promulgant. Huic formulæ, Imperatore urgente, vi, metu, exilio, peritæsi, ac fraudibus decepti, Catholici subscriptibunt. In ea continebatur, Filium non esse creaturam, cæteris creaturis similem. Præter Liberium, Rom. Pont., Servarium, Tungensem Episcopum, & alios decem, & octo Episcopos, cæterorum omnium subscriptio facta est. Unde postmodum Hieronymus in dialog. cont. Lucifer. exclamavit: *Totus ingemuit orbis, & se Arianum esse miratus est.* At pro traditione servanda, satis erat, quod eam Roma na Ecclesia, omnium Ecclesiarum mater, caput, & magistra, servaret. Illi, qui non subscripterunt, Arimine exeuntes, in aliud locum se receperunt; qui proinde Catholicæ nomine dictus est, & usque modo la Cattolica nominatur.

Constantinopolitanum Conciliabulum habi tum est tempore illo, quo Arimini Catho licí Episcopi Constantii jussu detineban tur. Quinquaginta Episcopi ex Bithynia interfuerunt, qui novam fidei formulam ediderunt, in qua nulla vox substantiæ, nulla vox hypostasis, vel subsistentiæ. Semi-Ariani hanc formulam derestantes ab Arianis condemnantur, suis sedibus pri vantur, & in exilium mittuntur. Antio chenum Conciliabulum ann. 360, cele bratur ab Arianis, & Acacianis, sub Con stantii patrocinio; & in eo multi Semi Ariani deponuntur, Meletius quoque cat holicus deponitur, & relegatur. Fide formulam componunt, in qua Filium dicunt Patri substantia, & voluntate dissimilem, atque ex nihilo ortum.

Alexandrinum Concilium ann. 362. aust roitate Liberii habetur ab Athanasio, tertio ab exilio reduce; cui præfuerunt Eusebius, Vercellensis Episcopus, & Lucifer Calaritanus. In hoc Concilio Alexandrina Ecclesia ab Arianæ hæresi sordibus purga ta est; & aliqua disciplina capitula statuta.

PAR. II.

Pariter terminata est controversia, qua inter Latinos, & Græcos exarserat; Græci enim, dum tres hypostases dicebant, videbantur Latinis tres *eiæ*, seu substantias dicere, & cum Ario sentire; Latini vero rejiciebant nomen hypostasis, & personas dicebant; & sic videbantur Græcis non admittere realem distinctionem inter personas, sed tantum ratione muneric, sive officii; quia personæ nomen officii auctoritatem designabat. Unde pro illa Græ corum contentione scriptit Hieronymus ep. 57. *Tota Græcorum profanorum schola discrimen inter hypostasim, & *eiæ*, ignorabat.* Et de nominibus seu vocibus hisce, quorum lis erat, Nazianzenus orat. de laudibus Athanasii inquit: *Periculum esset, ne orbis terrarum fines, una cum syllabis, a se invicem distraberentur, & abrumperentur.* Athanasio autem procurante, effec tum est, ut Græci personæ nomen pro hypostasi, & Latini hypostasim pro persona usurparent. Augustinus lib. 5. de Tri nit. c. 8. & 9. distinctionem hanc non approbavit; at Hieronymus ep. 57. apud Damasum effecit, ut reciperetur. Unde quanvis olim vox hypostasis pro substantia, essentia, & subsistentia, fuerit intel lecta, postmodum Ecclesiæ usu factum est, ut non solum in divinis, sed etiam in qualibet natura intellectuali, pro persona intel ligatur; quemadmodum de facto intelligitur. Denique in hoc Concilio Fidei formula nomine Sardicensis Concilii ab Arianis evulgata, ute pote spuria, & surreptitia, rejecta est.

Parisiense Concilium ann. 362. sub Liberio Luteriæ Parisiorum habetur, in quo, S. Hilario procurante, Nicænae Fidei professio suscipitur, contrarius ei error damnatur, & pariter damnantur omnes, qui consubstantialitatis nomen a Dei Filio relegant. Alexandrinum II. sub Liberio ann. 363. celebratur, post obitum Juliani Apostata; ubi Orthodoxi Episcopi, convocati ab Athanasio ex Ægypto, Thebaide, & Lybia, fidei catholicæ libellum conscripserunt, & novo Imperatori Joviniano miserunt, qui fidem doceri perebat, & hoc magna sollicitudine factum est, ne ab Hæreticis præventus Augustus, illorum factionis fautor evaderet. Antiochenum II. etiam sub Liberio ann. 363. a Meletio, Antiocheno Episcopo catholicæ, ad Acaciorum instantiam convocatum est. Ibidem Acaciani ipsi Nicænam Fidem amplexi sunt; timebant enim a Semi-Arianis pulsandos e propriis sedibus, si in sua perfidia persi stire.

N

ferent; & hoc a novo Imperatore timabant, quem Semi-Ariani sperabant tracturos in partem suam: Unde Acaciani potius Catholicis, quam Semi-Arianis consentire voluerunt.

**Conciliabulum Lampsacenum** pariter sub Liborio, ann. 364. habetur a Semi-Arianis contra Arianos Lampsaci in Helle-sponio. Acta Constantinopoli, opera Eudoxii, & Acacii, in hoc Conciliabulo abrogantur; fidei formula, edita in Ecclesiæ Antiochenæ consecratione, & confirmata Seleuciæ, recipitur; & suis Ecclesiis restituuntur ii, qui ab iisdem abdicati essent, quod dicere, Filium non esse Patri dissimilem, eorum opera, qui Filium esse Patri dissimilem asserebant. Sunt qui putant cum Sozomeno lib. 8. hist. c. 7. catholicum fuisse Concilium hoc, quia in eo Ariana Hæresis damnata est, Nicæna Fides recepta, & nihil contra orthodoxam doctrinam sancitum. At alii ex adverso melius judicant, Conciliabulum fuisse, quia ab Arianis, & Semi-Arianis convocatum, & habitum.

**Conciliabulum Singedunianum** ann. 366. a Valente, & Ursacio, aliisque Arianis Episcopis Singeduni in Mysia celebratur adversus Semi-Arianos. Procurabant enim Semi-Arianos inducere, ut fidei formulam Ariminensem, & Constantinopolitanam, amplecterentur; quod quem consequuti non essent, eosdem damnarunt.

**Concilium Romanum I.** sub Damaso Papa ann. 367. coastum est, in quo Valens, & Ursacius, aliquique publici Ariani, damnantur, & tanquam damnati omnibus orbis Ecclesiis denunciantur. **Romanum II.** sub eodem Damaso ann. 369. a nonaginta Episcopis Italis, & Gallis, componitur; & in eo condemnatur Auxentius, Mediolanensis Episcopus intrusus, & Arianus; & Ursinus pariter, qui multoties contra Damasum schismata renovaverat. Aquilejense Concilium sub Damaso quoque ann. 381. habetur a triginta duobus Episcopis Italis, & Pannonicis, praesentibus Legatis Gallorum, & Afrorum, & S. Ambroso, Mediolanensi Antistite, Præside. Damnantur in eo Palladius, & Secundianus, Ariani Episcopi. Hi enim a Gratiano Imperatore obtinuerant, ut generale Concilium haberetur ad eorum fidem probandam; sed Ambrosius apud Augustum effecit, ut de Concilio generali non amplius haberetur sermo, & tantum hoc Aquilejense satis esset. Ad hoc Italæ Episcopi vocati sunt; aliis vero extra Ita-

liam permisum, ut venirent, si vellent; non venirent, si nollent. Et hæc de Conciliis, & Conciliabulis, cursum nobis seribentibus, dixisse sat videtur..

Patroni præcipui Arianæ Hæresis fuerunt, auctoritatis scilicet, & potentiae, brachio, illius & Auctorem, & Professores, protegentes, Constantia, Constantini Soror, & Constantius, Constantini filius. Constantinus vero ipse aliquando deceptus, aliquando de Ecclesiæ dogmatibus minus sciens, visus est Arianorum Sectæ adhærere, sed revera neutiquam Hæresi adhæsit. Quæcumque enim aut præcepit, aut permisit, aut fieri fecit, vel Eusebii Nicomediensis artibus illusus, vel ejus fraudibus præventus, semper ramen catholicæ religionis zelo exæstuans, operatus est. Unde nullo modo possumus eum dicere Arianum; licet cogamur concedere, ut plurimum fuisse Arianorum, quos ipse, non Hæreticos, sed Catholicos esse, putabat, patronum, ac defensorem.

Inter illos vero, qui Arianam Hæresim calamo propugnarunt, adnumerantur duo Eusebii principaliori loco, Nicomedensis scilicet, & Cæsariensis. Postmodum, Valens, & Ursacius; qui tot turbas excitauit, tot epistolas scripserunt, tot formulas ediderunt, tot Conciliabula celebrarunt. Eunomius quoque, Actius, Eudoxius, & Acacius, qui novas studuerunt Sectas condere, ut celebriores in nefaria impietate essent. Auxentius, Mediolanensis Antistes, contra quem scripsit S. Hilarius, ut mox dicemus. Maximinus, Arianorum Episcopus, contra quem pugnauit tribus integris libris S. Augustinus. Fastidiosus Apostata, adversus quem liberum edidit S. Fulgentius. Felicianus pariter, Marivadus, Palladius, quos impugnarunt Augustinus, & Fulgentius. Fuerunt præter hos alii Arianorum præcipui Sectatores, qui aliarum Sectarum fuerunt Principes; nempe Eustathius, Sabastenus, qui Eustathianorum Sectam condidit; Macedonius, in Spiritum Sanctum blasphemus, qui Macedonianorum Actor fuit; Aérius, qui Aérianorum Sectæ nomen contulit, & fuit Eustathii Sebastiani olim sodalis, deinde æmulus; Hi omnes Arianam Sectam, cui primitus nomen dederant, magnis viribus defendebant, & Arianam quoque Hæresim aut voce, aut scripto propugnare non omittebant; usque dum pervenirent ad tempus, quo proprias hæreses promulgarent, & Sectas suas constituerent;

Aria-

Arianæ vero Hæresis Impugnatores acer-  
vi, & Arianorum Sectæ Hostes implaca-  
biles, fuerunt in primis Athanasius, Ale-  
xandrinus Episcopus. Quatuor scripsit  
Orationes contra Arianos; alia vero, quæ  
inscribitur Oratio, est potius Epistola  
contra eosdem ad Episcopos Ægypti, &  
Lybiæ. Evulgavit pariter librum in illud  
Matth. 11. *Omnia mibi tradita sunt a Patre  
meo*; Epistolam ad Adelphium; Oratio-  
nem de Divinitate Christi ad Maximum  
Philosophum, Epistolam de Fide ad Jo-  
vianum; Epistolam de Fidei Nicænæ  
decretis contra hæresim arianam; Episto-  
lam de sententia Dionysii Alexandrini  
contra Arianos; Epistolas ad Orthodoxos,  
ad Antiochenos, ad Episterum, ad Solita-  
rios, ad Africanos; Epistolam de Synodis  
Ariminensi, & Seleuciensi; Apologiam 1.  
ad Constantium; Apologiam de Fuga  
sua.

Hilarius, Pictaviensis Episcopus, eminet post  
Athanasium. Edidit duodecim libros de  
Trinitate; Libellos ad Constantium au-  
gustum; & librum adversus eundem Im-  
peratorem, jam mortuum; pariter contra  
Auxentium, Mediolanensem Episcopum;  
Scripsit de Synodis adversus Arianos; li-  
brum contra Valentem, & Ursacium;  
Historiam Synodorum Seleuciensis, &  
Ariminensis; quæ opera veniunt sub no-  
mine Fragmentorum S. Hilarii.

Lucifer Calaritanus tertio loco ponitur.  
Scripsit libros duos pro S. Athanasii de-  
fensione; unum de *Regibus Apostatis*, con-  
tra Constantium augustum; unum de *non  
conveniendo cum Hereticis*, contra eun-  
dem Constantium; alterum de *non parcen-  
do in Deum delinquentibus*, contra pariter  
Constantium; alterum, cuius hæc est in-  
scriptio: *Quod sit moriendum pro Filio  
Dei.*

S. Phæbadius, seu Soebadius, Episcopus Agin-  
nensis in Gallia, quarto loco scribitur. Li-  
brum edidit de Trinitate contra Arianos;  
qui in tom. 4. Bibl. PP. invenitur. Ma-  
rius Victorinus, Afer, quinto loco venit;  
qui sub Constantio scribens, quatuor li-  
bros contra Arium evulgavit; & in eo-  
dem tomo Bibl. PP. inveniuntur. S. Gre-  
gorius Nazianzenus orat. 25. 35., & 36.  
48. & 49., quæ est expositio Fidei Ni-  
cænæ, Arianos expugnat. S. Basilus Aria-  
nos Eunomianos refellit lib. 1. contra Eu-  
nomium, pariter & 2. S. Cyrillus Alexan-  
drinus Hæresim Arianam confudit in  
Thesauro, Operc scilicet in 35. libros di-  
viso; & septem Dialogis de sancta Tri-  
nitate. S. Epiphanius hæres. 69., & 73.  
Arianos impugnat. S. Ambrosius Arianos  
errores convallis, & Filii Dei divi-  
nitatem asserit, libris quinque de Fide  
ad Gratianum Imperatorem.

S. Augustinus edidit integrum librum contra  
Sermonem unum Arianorum, qui in ejus  
manus venerat; pariter tres libros contra  
Massiminum, Arianorum Episcopum; &  
libros quindecim de Trinitate. Faustinus  
Presbyter scripsit librum contra Arianos,  
eumque dicavit Flaccillæ Imperatrici,  
Theodosii magni uxori. S. Fulgentius, Ru-  
spensis Episcopus in Africa scripsit li-  
brum contra sermonem Fastidiosi, Mo-  
nachi, & Presbyteri Apostatae, qui ad  
Arianos defeccerat; alterum etiam librum  
contra Arianos; Decem responsiones ad  
totidem objectiones. Eorum quoque hæ-  
resim confutat lib. 2. ad Trasamundum  
Regem, & in libro de Fide Orthodoxa  
ad Donatum. Vigilius, Tapsensis Episco-  
pus in Africa edidit duodecim libros de  
Trinitate seculo quinto contra Arianos  
in Africa grassantes. Hos omnes refert  
Natalis Alexander, a quo transcripsimus.



# DISSERTATIO CXVI.

*De Hæreticis aliis, qui post Arium, ejusque Sectatores, Unitatem naturæ trium divinarum Personarum negarunt, & ad hæc usque tempora inficiantur.*



Rimo post Arium contra Trinitatem erravit Apollinaris, qui gradus quosdam in divinis personis excogitavit, magnum scilicet, maius, & maximum: Unde

Spiritus Sanctus magnus, Filius major, Pater maximus diceretur. S. Gregorius Nazianzenus ep. 1. ad Cledonium Apollinaris fragmentum igitur verbis hisce: *Divinitatis scalam, qua non in celum deducit, sed e celo deicit.* Meminerunt etiam erroris ejus Theodoretus lib. 4. hæretic. fabul. c. 8. antiquè plures: Hinc audiendus non est Leontius, qui lib. de Sestis act. 4. afferit, Apollinarem circa Divinitatis dogma nihil erroris admisisse. Duo fuerunt Apollinares, Pater, & Filius, ambo Hæretici, & Hæresiarchæ, a quibus Apollinaristarum Sesta progenita.

Secundo loco scribimus Donatistas, qui ex Coccio, qui citat Augustinum hæres. 69. afferebant, quanvis Personæ divinæ essent ejusdem substantiæ, minorem tamen Patrem Filium, & minorem Filio Spiritum, Sanctum, esse. Afferit etiam Frassen; qui Augustinum quoque profert in testem, sed hæres. 66.

Tertio Faustus Manichæus, cuius hæc erat vox apud Augustinum lib. 20. contra Faustum c. 2. Unum sub triplici appellatione Numen colimus; sed Patrem credimus lucem incolere summam, & inaccessibilem; Filius in hac secunda luce consistit, cuius virtus in Sole, sapientia in Luna consistit; Sedem Spiritus Sancti omnem mundi ambitum fatemur. Ex quibus verbis deducimus, nec Trinitatem Personarum, nec naturæ unitatem agnovisse, ac proinde turpiter negasse, impium, atque, ac vaferimum Heterodoxum. Sub iisdem terminis de eodem loquitur Coccius, qui pariter Augustinum citat; cuius certe auctoritas si in omnibus plurimi est habenda, hic autem maxima est, quum de illo sit, contra quem longum, & præcipuum habuit bellum.

Quarto advenit Paratarum hæresis, qui, eccl. Theodorero lib. 1. c. 18. hæretic. fabular. dicebant, Trinitatem esse tres Deos, tres mentes, &c. Refert etiam Bellarminus tom. 1. controv. gener. 2. lib. 1. c. 2. Autorem habuerunt Peraticum Euphraten; ut afferit Dominicus a Sanctissima Trinitate in bibliotheca theologica t. 5. p. 2. lib. 4. secl. 1. c. 3.

Quinto ponitur Joannes Philoponus, qui vixit tempore Focæ Imperatoris ann. 604., quiique eundem commentus est erorem; ut referunt Suidas verb. Joannes Grammat., & Nicephorus lib. 18. hist. c. 48. apud Bellarmimum cit. loc.

Sexto eandem insaniam docuit ann. 1090, Gallus quidam, contra quem S. Anselmus calatum acuit lib. de incarnatione Verbi; in quo vere dejectus appetit, & confusus videtur, acuta S. Doctoris soliditate, ac subtilitate,

Septimo ejusdem insimulatur erroris Abbas Joachimus, Monachus Cisterciensis, & Florensis Abbas in Calabria. Hic enim ann. 1190, docuisse videtur, ut ait Bellarminus cit. loc. , tres personas non esse unam rem, sive unam essentiam numero, sed solum per collectionem, sicuti multi fideles dicuntur una Ecclesia, multi cives unus Populus, multi milites unus exercitus, Frassen de eodem Abbatे afferit: „ Joachim Abbas docuit, quod Pater, Filius, & Spiritus Sanctus, sit una essentia; verum unitatem hujusmodi non propriam, & veram, sed quasi collectioniam, & similitudinariam esse, sicuti multi fideles sunt una Ecclesia, ita ut essentia est quarta res; „ & citat Guidonem de hæresi. Eadem verba leguntur apud Coccium, qui eundem Guidonem afferit. Bellarminus vero citat Concilium Lateranense sub Innocentio III. c. 2.

Ostovo accusatur pariter erroris præfati Raimundus Lullus, qui vixit circa ann. 1260., & de quo dicitur docuisse, tres personæ esse tres essentias. Coccius hæc de Lullo refert: „ Raimundus Lullius

„ da-

„ docuit, Deum tres habere essentias: Pa-  
„ trem esse priorem Filio, & Spiritum San-  
„ cillum conceptum esse ex Patre, & Filio.,,  
Citat Nicolaum Eymericum par.2. Direc-  
torii q.19., & Bernardum Lutzenbur-  
gum de illius hæresi, quem etiam affert  
Bellarmine citato loco.

Nono adducuntur Petrus Abailardus, & Ar-  
noldus Brixensis, qui ann. 140. ex Cocco  
dixerunt: „ Deum Patrem plenam  
esse potentiam, tam in generando, quam  
in discernendo; Filium quandam poten-  
tiam in discernendo per Sapientiam; Spi-  
ritum Sanctum nullam esse potentiam,  
sed benignitatem. „ Citat S. Bernardum  
epist. 190. Othonem Frisensem de rebus  
gestis Friderici I. c. 49. Frassen eadem  
scribens verba, citat ulterius Guidonem  
de Hæresibus.

Decimo a Coccio refertur Erasmus Rotero-  
damus, qui in præfatione tomī secundi  
Operū S. Hieronymi scripsit: „ Ari-  
anos non tam hæresim fuisse, quam  
schisma fecisse; cum essent illi nostris  
numero pares, eloquentia, doctrinaque  
superiores. „ Quid præferat hic lo-  
quendi modus Erasmi, norunt omnes,  
qui libertatem ejus in scribendo, ac di-  
citatatem sciunt.

Undecimo habetur Martinus Lutherus in  
confutatione Latomianæ rationis, qui  
apud Coccium hæc loquitur: „ Si odit  
anima mea vocem homousion, & nolim  
ea uti, non ero hæreticus, &c. Nec est  
quod mihi objectes adversus Arianos re-  
ceptum: Non fuit receptum a multis,  
quod & S. Hieronymus opravit aboleri,  
ideoque non effugerunt periculum, hoc  
invento vocabulo, ut Hieronymus que-  
ratur nescire, quid veneni lateat in syl-  
labis, & literis, adeo illud Ariani magis,  
quam Scripturas exagitabant. „ Subdit  
Coccius: Nusquam hoc Hieronymus de Ho-  
mousion scripsit.

Duodecimo ponitur Valentinus Gentilis, de  
quo alibi scripsimus, qui cum suis Asseclis  
dixit, tres esse Spiritus æternos, Patrem,  
Filium, & Spiritum Sanctum, essentiali  
numero differentes. Ita apud Bellarmi-  
num, qui citat ipsum Gentilem in pro-  
thesi 20., & 23., pariter & Benedictum  
Arietum initio historiæ de supplicio Va-  
lentini Gentilis. Coccius vero hæc de  
Gentili narrat: „ Valentinus Gentilis Pa-  
trem, Filium, ac Spiritum Sanctum, ita  
distinguit, ut etiam separet. Inquit enim,  
hos esse æternos spiritus, ejusdem quidem  
naturæ, ordine tamen, gradu, & propriet-

„ tate distinctos: Pater solus haber ~~autem~~,  
„ & est ~~autem~~, qui in se deitatis immensam  
„ essentiam haberet; ab hoc Filium, & Spi-  
ritum Sanctum essentialios esse, qui suam  
„ deitatem ab illo dependentes habeant; &  
„ idcirco in Scripturis Deum unum dici,  
„ non quod sit unus numero, sed ~~autem~~,  
„ principii nimirum, & originis ratione.  
„ Josias Simlerus de æterno Dei Filio c. 1.,  
Post hæc alia Valentini testimonia in  
medium affert, quibus apertius sua mens  
intelligatur; nimirum: „ Prophesi 33.  
„ Confusio trium in unum, & eundem nu-  
mero spiritum, fundamentum, & origo  
omnium errorum fuit. Qui enim unum  
Deum in tres personas distinguit, vel si-  
bi præstigias facit, vel necessario unius  
Dei substantialiam dividit, ac discerpit.  
„ Et Prophesi 24. Solus Pater est spiritus  
~~autem~~, universitatis auctor, immensæ  
que substantiæ; Filius vero spiritus est  
ex Deo ineffabiliter genitus, paternæ vo-  
luntatis executor, ac pro generationis  
modulo circumscriptibilis, genitus, & a  
genitore substanciali numero differens.  
Et Prophesi 9. Solus Pater est ~~autem~~, id-  
est a nullo superiore numine essentiatus,  
sed a se ipso Deus, qui vim generandi, &  
propagandi habuit, quia voluit; ideoque  
& ~~autem~~ ante secula genuit, & spiritum  
propagavit. Et Prophesi 22. Christus, &  
Spiritus Sanctus, etiam si sint ejusdem  
naturæ, substantiæ, intelligentiæ, idest  
spiritus æterni consubstantiales; ita sunt  
tamen congruo gradu, ordine, & pro-  
prietate distincti, ut quemadmodum Pa-  
ter, immensi, & infiniti esse non possint.  
Ex Valentino Gentili novi Ariani prodi-  
erunt, ut ait Bellarmine, qui numerat er-  
rores, quos amplectantur. Primus est, quem  
diximus, Patrem, Filium, & Spiritum San-  
ctum essentiali numero differre. Secun-  
dus, tres Personas non esse æquales, sed  
Patrem esse cæteris longe eminentiorem,  
ita ut ipse essentiator, cæteri duo essentia-  
ti dici debeant. Tertius, Filium Dei non  
esse ex nihilo, neque in tempore genitum,  
sed ab æterno, & ex Patris substancialia.  
Bellarmine etiam affert loca, in quibus  
Gentilis hæc exaravit portenta in suis  
Operibus; insuper cum erroribus Ariano-  
rum eadem conferens, Conciliorum, &  
Patrum jaculis, quibus illi damnati sunt,  
eadem ferit, ac comprimit. Cæterum sci-  
re oportet, quod Valentinus Gentilis ex  
Dominico a SS. Trinit. loc. nuper cit., &  
ex aliis, primum Sabellianus fuit, deinde  
Arianus factus est; & quia videbat Scri-  
pturam.

pturas Deorum multiplicitati adversari , docuit, solum Patrem esse verum, & summum Deum , seu essentiatorem , cæteras vero personas essentiatas .

Decimotertio Lucas Loffius in Alcuini libros de Trinitate non raro afferit , ex Coccio , „ tres personas inter se essentia- liter esse discretas . Et Alcuinum ita loquenter facit lib. i.c. 12. „ Hæc tria (per- sonæ divinae ) essentialiter tria sunt ha- bentia proprietates suas : Quæ mox ver- ba ipse contra unitatem naturæ præmit , & hoc modo dilatat : Essentialiter tria sunt ; hoc est, hæc tres personæ Trinitatis vere inter se distinctæ sunt, quarum quælibet suas habet proprietates , quibus ab aliis substantialiter distinguitur . „ Decimoquarto adnotatur Theodorus Beza in magna confessione fidei Gallica , in principio secundi articuli puncto primo , hæc afferens : „ Verbum Dei clare nos docet, quod ista essentia divina est distin- cta realiter , & secundum veritatem , & ab æterno in tres personas . „ Et in confes- sione fidei duodecim Ministrorum ,

quorum primarius fuit Beza , Plissiaci , publicis regni Comitiis in Gallia propo- sita , hæc leguntur . „ Sancta nos edocet Scriptura , quod in sola , & simplici es- sentia divina , quam confessi sumus , tres sunt personæ , Pater , Filius , & Spiritus Sanctus . Pater prima causa, principium , & origo omnium rerum : Filius sermo , & sapientia ipsius : Spiritus Sanctus ejus virtus , & efficacia . „ Refert Coccius ; refert & Frassen .

Decimoquinto Henricus Bullingerus de Scripturæ , & Ecclesiæ auctoritate ad- versus Joannem Cochlaeum , scribit ; „ se confiteri tres in divinitate personas, non statu , sed gradu ; non substantia , sed for- ma ; non potestate , sed specie , differre . „ Habemus ex Coccio .

Decimosexto refertur a Dominico a Sanctissima Trinitate in Bibliotheca theologica t.5. p.2. lib.4. sect. i i.c.3. Georgius Paulus in Polonia , & eo duce plures alii ; ci- tans quandam Polonorum epistolam ad Senatum Genevensem ; Canisium quoque lib. de corruptelis verbi Dei .

## DISSE R TAT I O C X V I I .

### *De Divinitate Verbi , ex Scripturis , Conciliis Patribus , ac Rationibus theologicis , asserta , & probata .*

I. **D**ebatur ex sacris paginis ve- teris foederis , & novi simul : Exod. 20. 2. *Ego sum Domi- nus Deus tuus , qui eduxi te de terra Ægypti.* Deuteronomii 32. 12. *Dominus solus Dux ejus fuit , & non erat cum eo Deus alienus.* Quanvis fortassis hæc verba a Judæis , Mahometanis , Hæ- reticis , intelligantur de Deo absolute , vel de Deo Patre ; ab Apostolo tamen Juda in sua Epistola catholica num. 5. ac- cipiuntur de Christo : ergo de Verbo : *Quoniam Jesus populum de terra Ægypti salvans , secunda eos , qui non crediderunt , perdidit . Cui igitur danda fides ? Beda in hunc locum de Christo intellexit . Psalm. 67. 18. Currus Dei decem millibus multi- plex , millia latantium : Dominus in eis in- Sina in sancto .* Et num. 19. *Ascendisti in- altum , capisti captivitatem : accepisti dona in hominibus .* S. Paulus in Epist. ad Ephes. num. 7. & 8. intelligit de Christo : *Uni- quique autem nostrum data est gratia secun-*

*dum mensuram donationis Christi . Prope- quod dicit : Ascendens in altum capi- tam duxit captivitatem : dedit dona hominibus : ergo de Verbo. Psal. 96. 8. Adorate eum omnes Angeli ejus . Et Psal. 101. 26. Imi- tatio tu , Domine , terram fundasti , & opera manuum tuarum sunt cœli . Paulus pariter intelligit de Christo in Epist. ad Hebræos c. 1. 6. Et cum iterum introducit primoge- nitum in orbem terræ , dicit : Et adorent eum omnes Angeli ejus . Et num. 10. Et tu in principio Domine terram fundasti : Et opera manuum tuarum sunt cœli . Ipsæ peribunt , tu autem permanebis , &c. Et num. 13. Ad quem autem Angelorum dixit aliquando: Se- de a dextris meis &c. In quibus locis pro- bat Apostolus , Christum esse majorem Angelis : ergo verba illa intelligit de Christo : ergo de Verbo. Isaiae 6. 1. Vidi Dominum sedentem super solium excelsum ; & elevatum : & ea , que sub ipso erant , re- plebant templum. Seraphim stabant super il- lud : sex ala uni , & sex ala alteri ; duabus vela-*

velabant faciem ejus, & duabus velabant pedes ejus, & duabus volabant. Et clamabant alter ad alterum, & dicebant: Sanctus, Sanctus, Sanctus, Dominus Deus exercituum, plena est omnis terra gloria ejus. Et num. 9. Et dixit, vade, & dices populo huic: Audite audientes, & nolite intelligere: & videte visionem, & nolite cognoscere: Excaca cor populi hujus, & aures ejus aggrava; & oculos ejus clade; ne forte videat oculis suis, & auribus suis audiat, & corde suo intelligat, & convertatur, & sanem eum. S. Joannes Apoc. 4. 8. dicit: Sanctus, Sanctus, Sanctus, Dominus Deus omnipotens, qui erat, qui est, & qui venturus est; sed qui venturus est Christus est: ergo intelligit de Christo; ergo de Verbo. Idem Joannes in Evangelio c. 12. 40. Et excacavit oculos eorum, & induravit cor eorum, ut non videant oculis, & non intelligent corde, & convertantur, & sanem eos. Et num. 41. Hec dixit Isaías, quando vidit gloriam ejus, & loquutus est de eo. Sed hic Joannes loquebatur de Christo: ergo verba illa intelligebat de Christo: ergo de Verbo.

II. Probatur ex sacris paginis veteris fœderis tantum. Isaiae 45. 14. Hæc dicit Dominus: Labor Ægypti, & negotiatio Æthiopia, & Sabaim viri sublimes ad te transibunt, & tui erunt: Post te ambulabunt, vincti manibus pergent, & te adorabunt, teque deprecabuntur. Tantum in te est Deus, & non est absque te Deus. Vere tu es Deus absconditus, Deus Israel Salvator. Verba hæc vel intelliguntur de Cyro, vel de Patre, vel de Verbo, quod est Filius Dei. Non de Cyro; quia eccl in superioribus loquatur de Cyro, tamen verba hæc: Non est absque te Deus: Cyro convenire non possunt; Et admittere si volumus, intelligi de Cyro, opus est ut dicamus, de Cyro dici ut Christum referente. Non de Patre; ipse enim Pater est, qui de alia persona dicit: te adorabunt, teque deprecabuntur: Et subdit verba illorum, qui deprecabuntur: tantum in te est Deus, & non est absque te Deus. Nec Patri recte diceretur: in te est Deus: ergo intelliguntur de Christo, seu de Verbo, quod est Filius Dei. Huic enim omnia convenient; quia in ipso est Deus, humanitas enī Christi est quasi etiā plūm divinitatis; absque ipso non est Deus; ipse solus cum Patre, & Spiritu Sancto, est verus Deus. Et ita intelligit Hieronymus in hunc locum; ut testatur Bellarminus.

Psalmus secundus, totus ut est, de Christo intelligitur. Farentur Rabbini ipsi, quod intelligatur de Messia, ut asserit R. Salo-

mon, & restatur Galatinus lib. 3. c. 7. Sed quod magis est, testimonium habemus ex c. 4., & 13. Actorum, & ex c. 1. ad Hebr. Ubi Paulus ex hoc psalmo adducit argumentum contra Hebreos; non adduxisset autem, nisi cognovisset, Hebreos psalmmum ipsum de Messia intelligere. Legimus ergo in hoc psalmo num. 7. Filius meus es tu, ego bōdie genui te. Non potest intelligi de filio per adoptionem, sicuti Israel quoque primogenitus Dei dictus fuit; quia subdit num. 10. Et nunc Reges intelligite, erudimini qui judicatis terram, apprehendite, disciplinam &c. Hæc ultima verba in textu hebreo sic leguntur קָרְבָּן;

osculamini Filium; in signum scilicet subjectionis osculamini manum, vel pedem; ut scribit Bellarminus. Et num. 12. dicitur; ne quando irascatur Dominus; in textu hebreo non legitur verbum illud Dominus; quia refertur ad Filium, & facit sensum: ne quando irascatur Filius. Et de Filio etiam intelliguntur, quæ dicuntur nu. 13. Cum exarserit in brevi ira ejus, beati omnes, qui confidunt in eo. Si ergo Messias est Filius Dei, quem adorare debent omnes Reges; in quem, qui confidunt, beati sunt; a quo, quando irascitur, omnes perirent: ergo Messias est Deus.

Zachariæ 2. 8. Quia hæc dicit Dominus exercituum: Post gloriam misit me ad Gentes, quia spoliaverunt vos; qui enim tetigerit vos, tangit pupillam oculi mei; quia ecce ego levo manum meam super vos, & erunt præda his, qui serviebant sibi, & cognoscetis, quia Dominus exercituum misit me. Lauda, & latare filia Sion, quia ego ecce venio, & habito in medio tui, ait Dominus, & applicabuntur gentes multæ ad Dominum in die illa, & erunt mihi in populum, & habitabo in medio tui, & scies, quia Dominus exercituum misit me ad te. Intelligent hunc locum de Messia Augustinus lib. 20. de civit. Dei c. ult., Ambrosius lib. 2. de fide c. 3., Hieronymus, Theodoretus, Rupertus in Comment. hujus Prophetæ, & Eusebius lib. 5. demonstr. evangelic. c. 25. & 26. Dicitur enim Dominus exercituum missus a Domino exercituum; scilicet Filius a Patre; quibus, quum idem nomen Domini exercituum tribuatur, ostenditur, eandem esse naturam, eandem esse Divinitatem. Franciscus David disp. 8. ut evadat vim hujus testimonii, negat primo in eodem legi: Jehova misit me Jehova: Et secundo dicit, intelligi de conversione gentium facta post Christi ascensionem;

unde.

unde non probat, Christum fuisse ante incarnationem. At fallitur; quia quanvis verba illa non legantur immediate posita, leguntur tamen paucis interpositis, quae non mutant sensum. Nec facit ad casum, quod loquatur de futuro, aut praeterito; sed tantum, quod qui dicit se missum a Domino exercitum, seipsum vocet Dominum exercitum; & quia unus est Dominus exercitum; sequitur, Christum esse unum Deum, & Dominum cum Patre, quanvis duæ sint personæ.

III. Probatur ex sacris pagenis novi fœderis. Joannis 1. 1. In principio erat Verbum, & Verbum erat apud Deum, & Deus erat Verbum. Ex quibus sic argumentamur. Cui competit æternitas, est Deus; sed Verbo competit æternitas: ergo est Deus. Minor probatur ex explicatione vocis, in principio, quæ intelligitur ante omnia; hoc est, ante omnia erat Verbum. Unde Concilium Nicænum ex hoc Joannis testimonio damnavit Arianos, qui dicebant, fuisse aliquando tempus, quando Filius Dei non erat. Insuper ex voce illa, erat, quæ quater a Joanne replicatur; & quæ denotat, Verbum semper fuisse: Unde Ambrosius lib. 1. de fide ad Gratianum c. 5. Erat apud Deum, erat, erat. Ecce quater erat: Ubi impius invenit, quod non erat? Ulterius. Qui dicitur Deus est ejusdem naturæ cum Patre; at Verbum dicitur Deus: ergo, &c. Minor est in verbis ipsis Joannis: Et Deus erat Verbum. In his verbis solum controvèrtitur, an Verbum sit subjectum, & Deus prædicatum; itaut faciant sensum; Verbum est Deus: an vero Deus sit subjectum, & Verbum prædicatum; itaut sit sensus: Deus est Verbum. At in quounque accipiatur, semper verum est, Verbum habere naturam divinam, & eandem naturam cum Patre; ut apud Logicos est evidens; & S. Hilarius lib. 1. de Trinit. c. 7. ostendit. Denique. Deus est, qui creat; Verbum creat: ergo Deus est. Minor est in verbis pariter Joannis: Omnia per ipsum facta sunt, & sine ipso factum est nihil. Præterea. Omnia facta sunt per Verbum; ut ait Joannes: Verbum autem vel est factum, vel non factum; si non factum: ergo Deus: Si factum, vel factum per aliud Verbum, vel per se ipsum; non per seipsum, aliter supponeretur factum, antequam esset factum; non per aliud Verbum, aliter daretur processus in infinitum; quia idem de alio Verbo quereretur, & postea de alio Verbo, & sic in infinitum. Quod est argumentum Augustini trac. 1. in-

Joannem. Ereat nunc nescio quis infidelis Arianus, & dicat, quia Verbum Dei factum est. Quomodo potest fieri, ut Verbum Dei factum sit, quando Deus per Verbum fecit omnia? Si & Verbum Dei ipsum factum est, per quod aliud Verbum factum est? Si hoc dicas, quia hoc est Verbum Verbi, per quod factum est, illud ipsum dico ego unicum Filium Dei. Si autem non dicas Verbum Verbi, concede non factum, per quod facta sunt omnia; non enim per se ipsum fieri potuit, per quod facta sunt omnia. Crede ergo Evangelista.

Contra hæc Joannis verba multa opponunt Adversarii. I. Vox in principio intelligitur ab Augustino lib. 6. de Trinit. c. 5. de Patre æterno, in quo erat Verbum, quando Deus creavit mundum. II. a quibusdam aliis Patribus explicatur de inicio rerum omnium; scilicet, quod quando Deus creavit mundum, Verbum erat. Potuit igitur Verbum esse in Patre, tanquam in principio, a quo dicit originem, & non esse æternum; potuit quoque existere, antequam mundus crearetur, & nec pariter esse æternum. Et ita Aiani antiqui facebantur, Verbum fuisse ante rerum omnium creationem, at negabant esse æternum. III. Si ex verbis: In principio erat Verbum &c. colligitur æternitas Filii, colligitur etiam æternitas mundi ex verbis illis: In principio creavit Deus cælum, & terram; hoc non: ergo neque illud. IV. Per Verbum, de quo in Evangelio loquitur Joannes, non venit persona distincta realiter a Patre, sed venit sapientia Patris, ab ipso indistincta, & per quam Deus creavit omnia. Ita intelligebant quidam Aiani apud Athanasium or. cont. Arianos. V. Quanvis Verbum appellatur Deus, non est tamen Deus summus, sed quidam minor Deus, qui, propter eminentiam suam supra cætera creatæ, dicitur Deus. VI. In textu græco Deus, qui prædicatur de Verbo, legitur sine articulo; semper autem cum articulo invenitur: θεος, quando pro vero Deo supponit; signum est igitur, quod quando de Verbo dicitur, non vere, sed per hyperbolēn, aut per emphasis, dicitur. Et sic Aiani quidam apud Chrysostomum hom. 3. in Joan. argumentabuntur. VII. Verbum dicitur Deus, quemadmodum Moyses Exod. 7. 1. vocatur Deus Pharaonis: Ecce constitui te Deum Pharaonis. VIII. Excipitur Verbum ab illa propositione universalis: Omnia per ipsum facta sunt; quemadmodum exceptit seipsum Christus, quando dixit de Joanne Marc. 3. Inter natos mulierum non surrexit maior.

Joan-

*Joanne Baptista.* IX. Per illa verba intelligitur, quod Verbum fuerit veluti instrumentum, quo Pater in mundi creatione usus est; & hoc patet, quia Joannes non dixit, a Verbo facta esse omnia, sed per Verbum. Hoc pariter argumentum adhibebant veteres Arianii; ut videre est apud Athanasium lib. de communi essentia Patris, & Filii, & Spiritus Sancti; & apud Basilius lib. de Spiritu Sancto c. 2.

Ad hæc omnia respondemus; & quidem ad I. quod esto intelligatur de Patre, quia tamen in Patre erat Verbum, & ab æterno erat; sequitur, quod Verbum etiam erat æternum. Ad II. dicitur, quod ante mundi creationem Deus erat Verbum: ergo ab æterno erat, & non solum præcise ante mundi creationem; scilicet erat, quando erat Deus; Deus ab æterno erat. Ad III. discrimen est, quod mundus in principio dicitur creatus; unde non potest intelligi, quod sit æternus: Verbum vero dicitur, quod erat, & quod per ipsum facta sunt omnia; unde ipsum ante mundum erat, & per consequens æternum. Ad IV. objectio ad terram dejicitur per verba subsequentia Joannis; *Verbum caro factum est, & habitavit in nobis:* Item: *Vidimus gloriam ejus, gloriam quasi Unigeniti a Patre:* quæ verba nequeunt de sapientia Patris, & a Patre realiter indistincta, intelligi, sed de Verbo, quod est persona a Patre realiter distincta. Ad V. Hic minor Deus apud Christianos est inauditus, sed tantum apud Ethnicos audiebatur; unde futilis est, ineptaque, imaginatio Ariano rum objectio hæc. Ad VI. dicimus cum Chrysostomo, quod aliquando Pater dicitur in textu græco Deus cum articulo, & aliquando sine articulo; sic etiam Verbum aliquando dicitur Deus cum articulo, ut legitur in Epist. ad Rom. 9. 5. Hic autem non ponitur articulus, quia Græci non solent proponere articulum prædicato propositionis, sed tantum subjecto. Ad VII. dicit S. Hilarius lib. 1. de Trin. c. 7., quod Moyses non absolute dictus fuit Deus, sed cum addito *Deus Pharaonis;* ac ideo subdit: *Moyses Pharaoni Deus datus est, dum tinetur, dum oratur, dum punis, dum medetur.* Verbum vero absolute dicitur Deus. Ulterius, Moyses dicitur Deus datus Pharaoni, Verbum vero dicitur, quod erat Deus. Dicitur enim Exodi 7. *Ecce constitui te Deum Pharaonis.* Ad quæ S. Hilarius cit. loc. Aliud est, *Deum dari, aliud Deum esse.* Eo ipso quod dicitur constitutus Deus, non naturalis, sed fictitious sic.

PAR. II.

gnificatur Deus. Insuper alii dicunt, Deum Pharaonis significare Deum in opinione Pharaonis. Denique in Moyse non legitur verbum hebraicum *Adonai,* quod apud Hebreos est nomen proprium Dei; sed *Elohim,* quod interpretatur R. Abraham, *Nuntium, ac Legatum ad Pharaonem.* Ad VIII. non compatitur exceptio cum aliis verbis ejusdem textus. Dicitur enim, omnia per Verbum fuisse facta, & quod Verbum erat; igitur Verbum non fuit factum. Dicitur etiam, quod sine ipso nihil fuit factum: ergo non fuit factum aliquid, quod esset Verbum. Additur quoque, quod factum est, ut significetur, nihil ex iis, quæ facta sunt, sine Verbo fuisse factum. Ad IX. nullum est discrimen inter a & per, quod vane excogitarunt Arianii; etenim in multis Scripturæ locis ponitur per, & conjungitur cum causa principali. Videlicet; Proverb. 8. *Per me reges regnant.* 1. ad Cor. 1. Paulus vocatus Apostolus per voluntatem Dei. Nequeunt tamen Arianii, quod dicunt, per Scripturas, aut Patres, probare.

Habemus etiam testimonium Matthei 16.

16., quod continet confessionem Petri, Christo dicentis: *Tu es Christus, Filius Dei vivi.* Intelligitur hic filius verus, & naturalis Dei; & ideo dicitur *vivi;* quia, ut ait Bellarminus, est proprium viventium generare sibi simile in natura. Uode Joan. 3. 16. dicitur, *Filius unigenitus:* Ad Rom. 8. 32. *Filius proprius:* 1. Joan. 5. 20. *Filius verus, & verus Deus:* Ad Coloss. 1., & ad Hebr. 1. *Filius naturalis;* dicitur enim imago, seu character Patris, quod filii adoptivis convenire non potest. Ulterius dicitur, quod eidem Filio serviant Angeli; Angeli autem sunt filii adoptivi; ergo ille, cui serviunt Angeli, est filius naturalis.

Insuper, Joan. 19. 7. *Nos legem habemus, & secundum legem debes mori, quia Filium Dei se fecit.* Non fuit autem accusatus, quia se fecisset Filium Dei adoptivum, quia hoc apud Judæos non fuisset delictum: ergo quia se fecit Filium Dei naturalem. Dicebant enim etiam Judæi Joan. 8. *Unum Patrem habemus Deum.* Christus autem non negavit: ergo concessit ut verum. Si igitur Filius Dei naturalis est; ergo est ex substantia Patris genitus; non autem accepit partem substantiæ Patris, ut quidam Arianii dicebant, quia substantia Dei est indivisibilis. Nec juvat cum Transylvanicis Ministris respondere lib. 2. c. 7. & cum Blandrata disp. 6. Albana, quod Christus

O

stus

Hūs fūr verus, & proprius Dei filius, sed ab Spiritu Sancto conceptus; hoc est non de semine viri: Non juvat quidem, quia etiam Angeli, etiam Adam, etiam Eva, ex semine viri geniti non fuerunt, sed immediate fuerunt a Deo facti; & tamen non dicuntur Filii Dei proprii, & veri.

Præterea, Joann. 10. 30. Ego, & Pater, unum sumus. Non intelliguntur hæc verba de personis: ergo de natura. Et ita intellexerunt Patres contra Arianos. At Transylvani lib. 2. c. 9., & Franciscus David disp. 2. Albana, dicunt, hæc verba intelligi de unionē charitatis, qua Pater, & Filius unum erant. Et adducunt illud Joann. 17. 11. Ut sint unum, sicut & nos sumus; quæ verba non possunt de unitate naturæ intelligi; non enim Apostoli cum Christo eandem, & unam naturam habebant. Et sic pariter intellexerunt Erasmus, Calvinus, Arius, Eunomius, &c. Verum aperie falluntur omnes; quia Basilius lib. 1. in Eunom. circa fin., & Chrysostomus in hunc locum, intelligunt ex præcedentibus verbis de unitate essentiæ; & hoc argumento utuntur. Ratio, qua utitur Christus, nihil concluderet, si sua verba de unitate essentiæ non intelligerentur; hoc non est dicendum, ergo neque illud. Probatur major. Christus dicit: Nemo potest rapere quæ de manibus Patris mei, quia ipse major omnibus est; & quia ego, & Pater meus unum sumus, neque quis potest eas rapere de manibus meis; sed hæc ratio nihil concluderet, si eadem non esset manus: ergo ratio, &c. Si autem eadem est manus, eadem est potentia; si eadem est potentia, eadem est essentia; si eadem essentia, eadem unitas essentiæ. Subdit Augustinus, subdit & Chrysostomus, quod Judæi auditis verbis illis Christi, volebant eum lapidibus obruere: Quia audito hoc verba, Judæi sustulerunt lapides, ut jacerent in eum. Non fecissent hoc Judæi, si de unitate charitatis verbum illud, unum sumus, intellexissent: ergo de unitate essentiæ intelligebant. Denique ipsemet Christus sua verba exponit. Quum enim dixisset; Ego & Pater unum sumus; & cognovisset, quod cum Judæi lapidare volebant, dixit eis: Vos dicitis; quia blasphemas; quia dixi, Filius Dei sum. Ergo de illa unitate loquebatur, qua Pater, & Filius unum sunt; hæc autem est unitas naturæ, non vero concordia, & unitatis: ergo, &c.

IItem in I. epist. Joannis c. 5. 7. Quoniam tres sunt, qui testimonium dant in cœlo: Pater,

Verbum, & Spiritus Sanctus: & hi tres unum sunt. Atqui non sunt unum unitate personæ, quia jam dicitur, quod sunt tres; ergo sunt unum unitate essentiæ. Nec dicant, esse unitatem consensus; nam sic contra argumentamur. Unitas, de qua loquitur Christus, refertur ad testimoniū, quod Pater, Verbum, & Spiritus Sanctus, dant in cœlo; sed testimonium, quod dant in cœlo, indicat unitatem naturæ, non consensus: ergo unitas illa est naturæ, non consensus. Probatur minor. Testimonium illud opponitur testimonio creaturarum, & dicitur testimonium Dei: Ait enim n. 9. Si testimonium hominum accipimus, testimonium Dei maior est: Quoniam hoc est testimonium Dei, quod maior est, quoniam testificatus est de Filio suo; sed si intelligeretur de unitate consensus, posset etiam verificari de testimonio creaturarum; & si est testimonium Dei, est testimonium unitatis Dei: ergo testimonium, quod dant in cœlo, indicat unitatem naturæ, non consensus. Vanum est fugium, quo Adversarii utuotur, ut vim horum verborum elydant, negando scilicet, versum illum reperiri in exemplaribus græcis, & in multis etiam latinis; jam præclusum fuit, quando Trinitatem divinarum Personarum probantes, eodem testimonio usi sumus.

IV. Probatur ex Conciliis. Concilium generale Nicænum 1. in quo editum est Symbolum, quod refert Russinus lib. 10. hist. c. 6., & explicavit Athanasius, & Cyrilus. In hoc Symbolo dicitur, quod Filius sit verus Deus; quod sit auctor, hoc est consubstantialis Patri, vel ejusdem essentiæ cum Patre; quod sit æternus; quod sit immutabilis, & invertibilis, sicut Pater; quod sit genitus, non factus. Concilium generale Constantiopolitanum 1., quod etiam asserit Filium esse Patri auctor. Concilium generale Ephesinum 1. in epist. ad Neitorium. Concilium generale Chalcedonense act. 2. Quinta Synodus generalis, quæ cap. 1. asserit, tres personas esse unius essentiæ, & c. 11. dicit anathema Ariu, Eunomio, &c. Sexta Synodus generalis act. 17. Octava Synodus generalis act. ult. Concilium generale Lateranense sub Innocentio III. c. 1. Concilium generale Vienense, & refertur in Clementina unica de sum. Trinit. & fid. Cathol. Concilium Florentinum sess. ult. in decreto de processione Spiritus Sancti. Concilium Tridentinum sess. 3. Hæc sunt

**omnia Concilia generalia; particularia vero sunt pene innumera, in quibus Patres Verbi divinitatem confitentur. Horum plurima retulimus, quando Personarum Trinitatem probavimus, & præcipue Toletana sunt observanda.**

V. Probatur ex Patribus; Patres, qui Ariam Hæresim præcesserunt, jam adducti fuerunt in Difserit. 14. modo alios afferre volumus, qui illam subsequuti sunt. S. Hilarius lib. 9. de Trinit. Nunquid Pater major non est? Major utique Pater est, dum Pater est: Sed Filius, dum Filius est, minor non est. Nativitas Filii Patrem, constituit majorum; minorem vero Filium esse, nativitatis natura non patitur. Et post pauca: Si igitur donantis auctoritate Pater major est, nunquid per doni confessionem minor Filius est? Major itaque donans est; sed minor jam non est, cui unum esse donatur . . . . Major itaque Pater Filio est, & plane major, cui tantum donat esse, quantus ipse est; qui innascibilitatis esse imaginem, sacramento nativitatis impertit; quem ex se in forma sua generat; quem rursus de forma servi in formam Dei renovat. Augustinus lib. de fide, & symbolo c. 9. Pater major me est propter administrationem suscepit hominis . . . Pater debet, quod est, hoc etiam utique debens Patri, quod eidem Patri æqualis, aut par est: Pater autem nulli debet quicquid est. Et lib. 3. cont. Maximinum c. 14. rationem reddens, cur Filius minor dicatur, inquit; vel ex forma servi, in qua vere minor est Patre; vel ut demonstraretur alter esse ex altero. Chrysostomus in 1. cap. 1. ad Timoth. hom. 4. loquitur de Patre: Ipse hanc per naturam habet, nos autem per gratiam; nunquid ita & Filius? Minime vero. Verum & ipse hanc per naturam habet. Hieronymus in c. 4. ad Ephes. Si, ut existimat Ariani, Deus Pater solus est Deus, eadem consequentia solus erit Dominus Jesus Christus, & nec Pater erit Dominus, nec Filius Deus. Sed absit, ut non sit vel in dominatione deitas, vel in deitate dominatio. Unus est Dominus, & unus est Deus, quia Patri, & Fili dominatio una divinitas est. Propterea & fides una dicitur, quia similiter in Patrem, & in Filium, & in Spiritum Sanctum credimus. Ambrosius lib. 5. de fide c. ult. Ad te nunc, omnipotens Pater, cum lacrimis verba converto. Ego te quidem inaccessibilem, incomprehensibilem, inestimabilem prompte dixerim; sed Filium tuum minorem non ausim dicere. Et infra: Si majarem Filio dixero, ut Arius afferit, impie judicavi. Et in c. 2. ep. ad Philippens. Jure exequarit se Deo. Item Christus sciens, in forma Dei se

PAR. II.

esse, aqualem se ostendit Deo. Gregorius Nyssenus de Trinit. Quia cum ita sint, perspicue, & clare sancta Trinitas, Patris, inquam, & Filii, & Spiritus, demonstrari, atque probari potest. Quippe hujus ad seipsam sancta, & coessentialis Trinitatis est illud: Faciamus hominem ad imaginem, & similitudinem nostram, &c. Atque in pluribus veteris testamenti locis sensim, & tacite indicante sancta Trinitate, deprehendi, atque animadvertisse potest ejus hypostass; id est representatio personarum, & coessentialitas, vel consubstantialitas, hoc est unitas, & identitas essentia, & naturæ. Cyrillus Alexandrinus c. 6. Sancta, & consubstantialis Trinitas excellentior est, quam ut ulla specie, aut simulacra corporeo contingatur. Certa autem fide comprehendendum est, quod Pater in Filio, & Filius in Patre, & qui videt Filium, videt & Patrem. Cernitur autem Filius in consubstantiali Spiritu. S. Leo I. scr. 1. de Pentecoste c. 3. Cunque in personarum proprietatibus alius sit Pater, alius Filius, alius Spiritus Sanctus; non tamen alia deitas, nec diversa natura est. S. Gregorius magnus lib. 2. in Ezechiel. hom. 21. In illa summa Trinitate, que omnia creavit, omnia continet, dimidium nihil est, nec ex duobus dimidiis aliquod unum.

VI. Probatur Rationibus I. Verbum aut est Deus, aut non est Deus? Si est Deus: ergo ejusdem naturæ cum Patre: Si non est Deus: ergo non facit Trinitatem personarum cum Patre. Probatur prima consequentia. Unus est Deus; ut probatum supponimus: ergo si Verbum est Deus, unam naturam habet cum Patre: ergo ejusdem naturæ cum Patre. Probatur secunda consequentia. Ut faciat Trinitatem non sufficit, ut sit pluralitas personarum, sed requiritur, ut sit identitas naturæ; sed si non est Deus, non est identitas naturæ, quanvis sit pluralitas personarum: ergo si non est Deus, non facit Trinitatem personarum cum Patre, & Spiritu Sancto. II. Verbum est filius Dei: ergo æqualis Patri, & ejusdem naturæ cum Patre. Probatur consequentia. Non est possibile, ut filius hominis non sit homo: ergo non est possibile, ut filius Dei non sit Deus; sed si est Deus, est ejusdem naturæ cum Patre: ergo si Verbum est filius Dei, est æqualis Patri, & ejusdem naturæ cum Patre. III. Si Verbum est Deus, aut est idem Deus cum Patre, aut alter Deus? Si idem Deus cum Patre; ergo ejusdem substantiae, & ejusdem naturæ cum Patre: Si alter Deus: ergo inducetur polytheismus in mundo, quem nos altero in loco diffuse-

O 2 impu-

impugnavimus; IV. Aut Pater æternus ab æterno genuit filium, aut non? Si ab æterno: ergo filius est æternus, uti est Pater: ergo Deus, quemadmodum est Pater: ergo ejusdem naturæ cum Patre, Si non ab æterno: vel potuit producere ab æterno, vel non potuit? Si potuit, & non produxit, Verbum libere produxit: ergo non produxit per potentiam necessariam, quæ est intellectus. Si non potuit: ergo non habuit ab æterno perfectionem Pater, quam tempore habuit: ergo non fuit ab æterno Deus: ergo nec tempore fuit. V. Personæ Trinitatis non habent naturas distinctas numero, multo minus distinctas specie: ergo habent veram consubstantialitatem in natura. Probatur antecedens. Si personæ Trinitatis habent naturas realiter distinctas, istæ naturæ vel sunt similes, & omnino æquales in perfectionibus, vel una est perfectior altera; sed nevirum dici potest: ergo non habent naturas distinctas numero, vel specie. Probatur minor. Non potest dici, quod sint æquales in perfectionibus; quia, quum essent distinctæ, ut supponitur, essent tres Dii, contra fidem, & naturalem rationem, qua pluralitas Deorum invictè impugnat. Nec potest dici, quod habeant inæquales perfectiones, ita ut una sit altera perfectior; quia sic vel daretur una persona divina, & non tres; vel daretur persona divina, quæ non esset in omni genere perfectissima. VI. Verbum est Filius Patris; aut ergo est filius naturalis, aut filius adoptivus? Si naturalis; ergo est ejusdem naturæ cum Patre: Si adoptivus: ergo non facit pluralitatem personarum cum Patre. Probatur hæc ultima consequentia. Non solum Verbum est filius adoptivus Patris, verum quoque Angeli, & homines; aut ergo Verbum, quia filius adoptivus, non facit pluralitatem personarum cum Patre; aut cum Verbo Angeli, & homines facient personarum, non solum pluralitatem, verum etiam multitudinem; quod Adversarii non dicent. VII. Verbum dicitur unum cum Patre; vel igitur est unum identitate naturæ, vel unitate collectionis? Si unum identitate naturæ: ergo jam habet eandem naturam cum Patre; Si unum unitate collectionis: ergo non minus Verbum erit unum cum Patre, quam Angeli, & homines. Probatur consequentia. Unitatem collectionis non minus haberet Verbum, quod ab ipsis dicitur factum, quam Angeli, & homines, qui pariter sunt facti: ex-

go si dicit Verbum, dicent & Angeli, & homines: Nusquam ramen legitur in Scripturis, quod Angeli, & homines sint unum cum Patre, sicuti legitur, quod sit Verbum. VIII. Verbum vel est distinctum a Patre, vel indistinctum? Si indistinctum; rēdeunt argumenta facta contra illos, qui negant Personarum pluralitatem: Si distinctum; vel est Deus, vel non est Deus? Si Deus: ergo ejusdem naturæ cum Patre? Si non est Deus: ergo non est ex Patre, sed a Patre, quemadmodum sunt cæteræ creature, quæ a Deo sunt productæ, & non sunt Dii. Atqui hæc non vocantur Dii in Scripturis, sicut vocatur Verbum: ergo si Verbum est distinctum in persona, erit quoque in natura indistinctum, quia est ex substantia Patris, uti non sunt creature cæteræ, non vero a substantia Patris, uti sunt creature omnes.

Arguunt Adversarii I. Verbum idem est cum Sapientia Dei; sed Sapientia Dei a Deo est creata; ergo pariter Verbum. Probatur minor. Eccl. 24. 14. Ab initio, et ante secula creata sum. II. Pater major est Verbo: ergo Verbum non est æquale Patri: ergo non est ejusdem naturæ cum Patre. Probatur Antecedens. Joan. 14. 28. Si diligenteris me, gauderetis utique, quia vado ad Patrem, quia Pater maior me est. III. Verbum non habet scientiam Patris: ergo non habet naturam Patris. Conscientia liquet; quia scientia est attributum Dei; qui non habet attributum Dei, non habet naturam Dei. Antecedens probatur. Filius Dei nescit dicem judicii, quem solus Pater scit; ergo Verbum non habet scientiam Patris. IV. Verbum non habet dominium Patris: ergo non habet divinitatem Patris. Sequitur consequentia, ut patet. Antecedens probatur. Matth. 20. 23. Sedere ad dexteram meam, vel sinistram, non est mentem dare vobis, sed quibus paratum est a Patre meo. V. Christus dicitur primogenitus omnis creaturæ: ergo adnumeratur inter creature, quarum est primogenitus. Antecedens est Pauli, scribentis ad Colosenses 1. 15. Qui est imago Dei invisibilis, primogenitus omnis creaturæ. VI. Ex Christo, & ex ejus Apostolis habemus, statim post seipso venturum Antichristum, & suam fidem abolitum; sed post Christi, & Apostolorum mortem adoratus fuit Deus trinus in personis, & unus in essence: ergo, aut mentiri sunt Christus, & Apostoli; aut fides Trinitatis est fides Antichristi. Probatur major. Lucas 21. 8. Videz, ne seducamini, multi enim

entes venient in nomine meo, dicentes, quia ego sum, et tempus appropinquaret; nolite ergo ire post eos. Act. 20, 29. Ego scio, dicit Apostolus, quoniam intrabunt post dismissionem meam lupi rapaces in vos, non parcentes gregi. I. Joan. 4, 3. Omnis Spiritus, qui salvit Iesum, ex Deo non est, et hic est Antichristus, de qua audistis, quoniam venit, et nunc jam in mundo est. VII. Et Deus vocatur Pater in Scripturis, & Deus vocatur Filius; sed Dei nomen non est nomen essentiae, sed dignitatis, & imperii; ergo nomen illud, ut est in Patre, denotat imperium maximum, & summum in omnes, etiam in Filium; ut est in Filio, denotat imperium magnum etiam, sed minus, in omnes quidem, sed non in Patrem. VIII. Christus non docuit invocare Trinitatem, sed solum Patrem; & olim Ecclesiae orationes hoc modo dirigebantur; exeat quoque decretum Concilii Carthaginensis III. c. 23, ergo non sunt alias Personae, quae sunt invocandae. IX. Filius facetus, omnia accepisse a Patre: ergo facetus, se minus esse beatum Patre. Probaetur consequentia. Act. 20, 35. Ac meminisse verbi Domini Iesu, quoniam ipse dixit: Beatus est magis dare, quam accipere. X. Christus est Filius unicus veri Dei: ergo qui non habet Christum Filium, non est unus verus Deus; sed Trinitas non habet Christum Filium: ergo Trinitas non est unus verus Deus.

Respondemus ad I. primo, Sapientiam esse creatam, non creatione proprie dicta, quae productio est ex nihilo, sed creatione improprie dicta, quae est productio, vel generatio. Ratio est, quia creata est Sapientia ea creatione, quae conjuncta est cum eternitate; dicit enim: ab eterno ordinata sum; creatio autem proprie dicta non est conjuncta cum eternitate, bene verae creatio improprie dicta, quae est productio, vel generatio. Secundo dicitur, auctoritatem illam intelligi de Sapientia incarnatione, scilicet de Christo, prout homo est. Unde ait Ambrosius lib. 1. de fide c. 7. *Caro Dominum agnoscit, Divinitas Patrem.* Dicitur autem Dominus creavit me: ergo intelligitur de carne. Et sic intelliguntur Augustinus lib. 10. de Trinit. c. 12., & Fulgentius lib. adversus objectiones Arianorum.

Ad II. primo dicitur, Patrem esse majorem Filio, si Filius secundum naturam assumptam consideretur, scilicet quatenus est homo non vero secundum Divinitatem, scilicet quatenus est Deus. Ratio responsio-

nis est, quia Christus dixit verba illa, ut consolaretur Apostolos, qui mortui apparabant de suo reditu ad Patrem. Christus autem ut homo, non ut Verbum, ad Patrem redibat. Et sic intelligunt Cyrillus lib. 10, in Joann. c. 1.; Athanasius lib. de humana natura susceptra; Hilarius lib. 3. de fide c. 4.; Augustinus lib. 3. cont. Maximinum c. 14.; S. Ambrosius, aliquique Italiz Episcopi in Concilio Aquilejensi contra Palladium, & Secundinum Episcopos Arianos. Secundo dicitur, Patrem esse Filio maiorem ratione, quadam, & dignitate personali, quatenus est Filio, prior origine, & est ejus principium; non vero esse maiorem dignitate naturae, quasi Filius sit inferior Patre natura, posterior duracione, & impar perfectione. Et sic intelligendus est S. Alexander, Patriarcha Alexandrinus in epist. ad Alexandrum Episcopum Constantinopolitanum, apud Theodoreum lib. 1. hist. c. 4. Et sic patriter intelligi debent Patres Concilii Sardicensis in epistola synodica; Athanasius or. 2. cont. Arianos; Basilius lib. 1. cont. Eunomium; Nazianenus or. 35. 36. & 40.; Cyrilus Alexandrinus lib. 2. thesauri; Damascenus lib. 1. c. 6.; Augustinus lib de fide, & Symbolo c. 9., & Hilarius lib. 9. de Trinitate; ut latissime ostendit Natalis Alexander in sec. 4, dissent. 42.

Ad III, primo respondent aliqui Patres dicendo, Christum nescire diem judicii ut hominem, scire ut Deum. Ita Athanasius or. 4, adv. Arianos; Eustathius Antiochenus apud Eusebium lib. 1.; Nazianenus or. 36.; Basilius ep. 391.; Cyrilus Alexandrinus in thesauro assert. 22. Secundo respondente alii Patres, loquutionem illam esse figuratam; quatenus scilicet Christus illud dicat, non nomine proprio, sed nomine membrorum, & in persona ipsorum. Homines enim judicii diem nesciunt; homines sunt membra Christi: Christus igitur, ut caput suorum membrorum, hoc est hominum, loquitur, & horum nomine, & persona dicit judicii diem ignorare. Ita Eulogius, Patriarcha Alexandrinus in lib. advers. Agnoetas. Tertio alii Patres dicunt, Christum nescisse diem judicii nobis, non sibi; quatenus nimirum nesciebat, ut nobis revelaret, quia nobis revelare nollebat. Ita Cyrilus lib. 9. de Trin. Nec dici potest, quia si hoc esset, etiam Pater nesciret; quia etiam Pater nobis non vulnus revelare; nam discrimen est latum, quia non attinet ad Patrem revelare, sed ad Filium, qui missus est a Patre, ut ceter-

cetera hominibus revelaret.

Ad IV. dicitur, verba illa sic esse accipienda, quod Christus dixerit, non esse suum, non esse scilicet aequitatis, & justitiae sue dare regnum propinquis, vel amicis, propinquitatis, vel amicitiae, jure; aut per meram gratiam concedere; quod quidem regnum meritis, & labore acquirendum esse volebat. Non vero accipienda sunt, quod Christus intellexerit, non esse suæ potestatis dare regnum potentibus illud. S. Augustinus lib. 1. de Trin. c. 12. respondet, non esse suum, ut homo, dare regnum, sed esse suum, ut Dei Filius, & ut Deus. Non est humana potestatis hoc dare; ut intelligatur hoc dare; per quod & Deus, & aequalis est Patri.

Ad V. Christus dicitur primogenitus omnis creaturæ, & quia ab æterno fuit a Patre, & ex Patre genitus, & hoc ad creaturæ utilitatem redundare debebat; & quia per ipsum fuit primum creaturæ communicata adoptio filiorum; non vero sic dicitur, ut sit e numero creaturarum, & solummodo tempore res creatas præcedat. Dicitur etiam primogenitus mortuorum; sed non quia prius mortuus est aliis, qui pariter sunt mortui; sed quia iisdem sit causa, ut a mortuis resurgent. Sic responderet S. Basilius lib. 4. cont. Eunomium; Cyrilus in thesauro assert. 25., aliquæ Patræ.

Ad VI. negamus omnino, Christi fidem statim fuisse abolendam post Christi ascensionem, & Apostolorum mortem. Tot enim labores, languores, flagella, crucifixionem, & mortem, credibile est, Christum sustinuisse, ut illorum fructus illico periret? Falsitatem illius ostendunt innumeræ Dei, & Christi, promissiones. Luke 1. 33. Et regni ejus non erit finis. Matth. 16. 18. Et porta inferi non prævalebunt adversus eam. Matth. ult. 20. Et ecce ego vobis sum omnibus diebus usque ad consummationem seculi. Ad illud Lucæ responderet Cardinalis Cajetanus, quod verbum illud, tempus appropinquavit, non fuit dictum a Christo nomine proprio, sed nomine Seductorum, qui dicturi erant, iudicii dictum jam instare. Unde Apostolus II. ad Thessalonici. 2. 2. Neque terreamini. . . . quasi infelix dies Domini. Ulterius dicitur, Christum dixisse, quod appropinquaverit tempus multorum Hæreticorum, qui sub suo nomine Fideles deciperent, non vero tempus iudicii, vel Antichristi, vel sua fidei destructionis. Et hujusmodi fuerunt Simon magus, Menander, Cerinthus,

aliæque pestes, Apostolorum temporibus exortæ. De his etiam loquutus est Apostolus, scilicet de Hæreticis, qui nondiu postea ex Asia prodituri erant. Johannes quoque Antichristos vocavit Hæreticos Ebionitas, Cerinthianos, Marcionitas, aliosque, qui vere fuerunt veri Antichristi præcursori.

Ad VII. Si spectatur significatio vocis, Dei nomen non denotat imperium, nec principatum, sed vel scientiam, vel providentiam. Græco idiomate Deus dicitur Θεος a Θεοθεῳ; quod latine sonat videre; quia omnia scit, omnibus prospicit; ut afferit Damascenus lib. 1. c. 12. Vel dicitur a Θεων, quod latine importat currere; aut quia omnibus succurrit, ut idem Damascenus afferit; aut quia perpetuo currit, ut Theodoretus lib. 3. ad Græcos dicit; ea motus ratione, quod illi dixerint, sydera esse Deos, & quia sydera perpetuo currunt, Deum etiam a cursu nominarunt. In hebraico autem idiomate nomen Dei primarium est יְהָוָה ab יהָוָה, quod idem est, ac esse; pariter illud aliud אלהָיְהָ venit ab אלהָיְהָ, quod idem est, ac jurare; quia scilicet, vel Deus est id, quod est, vel est prima ratio essendi; vel per Deum juramus. Hoc itaque certum apud omnes est, hoc nomen Deus non fuisse primo impositum ad significandum imperium, principatum, potestatem &c.; quia si hoc esset, Deus non esset æternus; ab æterno enim nihil erat, cui Deus imperare potuisset. Sed potius significasse rem præstantissimam, & perfectissimam simpliciter absolute, & in omni genere; sic etiam est Verbum, & nullo modo est Princeps Patre minor: unde eodem omnino modo est Deus, quo Pater est Deus, quia uterque unus est Deus.

Ad VIII. Orationes Ecclesiæ non negamus terminari ad Patrem, ut Ecclesiarum omnium fert consuetudo; & hoc vel ex eo maxime, quia commodius terminantur per Jesum Christum Filium tuum. In Patrem tamen omnes tres personæ invocantur; nam, ut ait Tertullianus lib. de Orat. hoc ex orationis conclusione manifestatur; dicitur enim; Qui tecum vivit, & regnat in unitate Spiritus Sanctus Deus &c. Negatur omnino, Christum præcepisse solum Patrem invocandum; nam Joan. 14. 13. dicitur: Et quodcumque petieritis Patrem in nomine meo, hoc faciam: Et num. 14. 5. quid petieritis me in nomine meo, hoc faciam.

etiam. Ubi, & Patrem, & seipsum invocandum dicit; & in uteroque casu, ipse faciet: Hoc faciam. Docuit etiam invocandam Trinitatem, quando Matth. 28. 19. baptizari jussit omnes gentes in nomine Patris, & Filii, & Spiritus Sancti. Quod observarunt Nazianzenus or. 2. de pace circa finem; & in orat. ad 150. Episcopos; Marius Victorinus in 3. hymn. de Trinit., Augustinus in fin. lib. de Trinit., & Auctor libri de mystica Theologia sub nomine S. Dionysii Areopagitae.

Ad IX. Tunc recipere importare imperfectionem, quando recipiens est in potentia ad recipiendum, & ideo est indigens, & imperfectus. At Filius Dei sic accepit potentiam, sic accepit vitam, sic sapientiam, ut nusquam fuerit non potens, non vivens, non sapiens; accepit enim quando genitus est; at ab aeterno fuit genitus, & genitus potens, vivens, sapiens, & per-

fectissime talis. Unde Augustinus lib. 3. cont. Maximinum c. 24. Beatus est dominus, quam accipere, sed in hac vita, ubi est inopia, qua meique melior est copia.

Ad X. dicit Bellarmine, illud sophisma est simile huic: Petrus est Filius unius veri hominis: ergo qui non habet Filium Petrum, non est verus homo. Quoniam enim Deitas non sit quid universale, ut est humanitas, est nihilominus in pluribus suppositis, & ideo vim habet universalis. Haec Bellarmine, Nos tamen dicimus quod quavis Trinitas non habeat Christum Filium, unus tamen de Trinitate habet, & est Pater; & unus de Trinitate est Filius; & unus de Trinitate est Spiritus Sanctus, qui procedit ex Patre, & Filio, & qui est Deus: ergo vere Trinitas est unus verus Deus, quem tres illi, qui Trinitatem faciunt, sine unus verus Deus.

## DISSESSATIO CXVIII.

### *De Hæresibus contra divinitatem Spiritus Sancti, & de illarum Auctoribus.*

**D**OST assertam, arque probaram aeterni Verbi divinitatem, remanet, ut quoque assertamus, arque probemus divinitatem Spiritus Sancti; unde plene unitas in natura in sanctissima Trinitate propugnata remaneat. Antequam autem ad probationes deveniamus, congruum ducimus, historicam partem adimplentes, praemittere notitiam errorum, qui contra hoc catholicum dogma aliquando emerserunt, & Auctorum pariter, qui eisdem commenti sunt.

Primo Spiritum Sanctum negarunt Hæretici quidam, quos commemorat S. Ignatius Martir in Epistola ad Trallianos, ut afferit Du-Hamel lib. 2. de Trinit. diss. ult. c. 1. Haec Ignatii Epistola memoratur ab Eusebio lib. 3. hist. c. 30., & a Hieronymo in lib. de Scriptoribus Ecclesiasticis. Nullo tamen nomine Hæreticos hunc Ignatius distinguit, nec Du-Hamel investigat. Invenimus nos apud Cœcium, Sadduceos Spiritum Sanctum esse genitus non eensus; & citat Nazianzenus Or. de S. Theologia, & Epiphanius hærel. 14. Adnumerat hos Sadduceos inter Hæreticos post Christum natum, eosque ponit anno 50. At Sadduceorum Secta fuit

inter Hebreos ante Christum natum, ut ex Evangelio etiam habemus; fortassis adhuc perdurabat post Christum, & vere perduravit; sed qua ratione ponantur inter Hæreticos Christianæ Religionis, non videmus. Audiatur Hieronymus in dialog. cont. Luciferianos scribens: Tacco de Judaismi Hæreticis, qui ante adventum Christi legem traditam dissiparunt: Quod Dosibens, Samaritanorum Princeps, Prophetas repudiavit; quod Saducei ex illici radice nascentes, etiam resurrectionem carnis negarunt.

Secundo ex eodem S. Ignatio Martire, ponit quoque Du-Hamel alios Hæreticos, qui dicebant, Spiritum Sanctum esse Patrem, & Filium, & Spiritum Sanctum. Hos neque nominat ipse, nec ab Ignatio nominatos afferit.

Tertio ponitur Valentinus, qui, ut ait idem Du Hamel, Filium, & Spiritum Sanctum ad Angelorum sortem, & conditionem redegit. Non enim in Deo distinxit personas alias, præter unam; & alias, quas nos adoramus, Filium scilicet, & Spiritum Sanctum, inter Spiritus, seu Angelos, connumeravit.

Quarto scribitur Montanus, qui se dixit esse Paracletum, & divinum Spiritum. Asserit

serit Nicæphorus lib. 4. hist. c. 22. apud Cœcium. Attamen Du-Hamel obseruat, non satis liquere, Montanum Paracletum se haberi voluisse, aut docuisse, Spiritum Sanctum in se plenius, quam in Christo, loquutum fuisse. Verso hoc posterius additum legitimus in calce libri Tertulliani de Præscriptionibus; sed Viri eruditus suspicantur, additionem illam esse quidem Auctoris antiquissimi, non autem Tertulliani. Certe Tertullianus nunquam Montanum Paracletum dixit; et si duas feminas ipsius, Priscam scilicet, & Maximillam, per quas Montanus dicebat, quemadmodum per seipsum, multa Spiritum Sanctum docuisse, in fin. lib. de resurrectione carnis, vocet novam Prophetiam de Paracletis inundantem. Denique Epiphanius hæres. 48., & Theodoretus lib. 3. de hæres. c. 2. plerique alii, testantur, Montanum de Trinitate recte sensisse.

Quinto Tertullianus hujuscce hæresis accusatur à Cœcio verbis hisce: „Tertullianus post medium agitatem in Montani hæresim lapsus, Montanum hæreticum Paracletum subinde nominat; ut lib. de resurrectione carnis c. 1., de anima c. 55., lib. 1. adv. Marcion. c. 29., advers. Præcam c. 1.2.8.13.„ Attamen testimonium libri de resurrectione carnis vidimus intelligi de Prisca, & Maximilla, non de Montano; aliud de veland. virgin. est de vero Paracleto, non de Montano, ut diligenter obseravimus; illud de anima deficit; ultimum enim caput libri de anima est 52. in aliis pariter locis de Paracleto quidem loquitur, sed Montanum nullo modo exprimit. Ceterum non negamus, errorem hunc fuisse quorundam Montanistarum; at afferimus quoque, Montanum, & Tertullianum, non ob hunc errorem, sed ob alias errores, ejectos ab Ecclesia fuisse.

Sexto Helcesitæ ponuntur, qui nugantur, Spiritum Sanctum esse uxorem Christi, formico habitu traditam. Dixerunt pariter, Spiritum Sanctum, & Christum, habere altitudinem sex milliariorum, & latitudinem viginti quatuor. Cœcius refutat ex Epiphanio contra Helcesitas.

Septimo habetur Origenes, qui t. 2. in Joann. dicit, Spiritum Sanctum esse factum per Christum; tr. 13. in Joann. assertit, Patrem tantum esse superiorem Filio, & Spiritu Sancto, quanto hi superiores sunt creaturis. Alibi quoque scribit, Spiritum Sanctum esse creaturam, & ministerum post Patrem, & Filium, dignita-

te, & honore tertium, & inferiorem; fortitudinem Filii esse majorem fortitudinem Spiritus Sancti. Sic referunt Epiphanius epist. ad Joannem Hierosolymitanum. Hieronymus apologia ad Russinum, & epist. ad Avitum. Russinus autem, Origenes defendens, in libro de depravatione librorum Origenis, afferit, hujusmodi hæreses Origenis non esse, sed ab Arianis fuisse Origenis operibus assutas. Attamen Hieronymus Russinum respondet in apolog. 2. aduersus ipsum Russinum, quod si suum effugium valerer, nec Marcion, nec Manichæus, nec Arius, nec Euno mius, accusari possent; quia semper eorum discipuli nobis dicentes, quicquid a nobis est illis objectum, ab inimicis fuisse attributum, ac falso impositum. Certe Didymus excusat errores Origenis, at non negat Origenis fuisse, dicit autem illos bona fide Origenem scriptisse; unde re vera quod scriptum est non negat, sed fatetur; Scriptoris vero sensum vel ad bonum trahere studet, si potest, vel si non potest, excusat.

Ostovo Dionysius Alexandrinus Origeniani erroris accusatur, quod scilicet Spiritum Sanctum a Deitatis consortio se junxit, & creatæ, & servili naturæ adnumerasset. At perperam putamus hoc factum; S. Basilius enim ait: *Fertur, sed ea suspicio tantum fuit.* Nam in epistola ad Paulum Samosatenum perspicue tradit, Spiritum Sanctum cum Patre, & Christo adorari; Deum, inquit, loquens de Christo, cum Patre, & Spiritu Sancto adoratum. Et sicut ex hac adoratione probat divinitatem Christi, ita ex eadem divinitatem Spiritus Sancti probabit; quemadmodum quaque ex impeccabilitate probat: *Nemo est, qui peccare non posse, nisi unus Christus, sicut & Pater Christi, & Spiritus Sanctus.* Ulterius in respons. ad 10. qq. Pauli Samosateni aperte divinitatem Spiritus Sancti astruit; nam in respons. ad q. 2. Spiritum Sanctum vocat Deum: *Paracletus est Deus;* in resp. ad 6. Deum pariter infert esse ex ejus scientia: *Profunda Dei tanquam Deus scit Spiritus.* Denique docet, Ananiam, & Saphiram, mortuos fuisse, quia mentiti essent Spiritui Sancto, hoc est Deo; & similem exitum Samosateno timebat, quia blasphemus in Spiritum Sanctum erat.

Nono de Ario non una est Scriptorum sententia; etenim Alphonsus de Castro ponit illum inter negantes Spiritus Sancti divinitatem, verbis hisce: „Eandem hæresim prius docuerat Arius, qui sicut di-

xit Filium dissimilem Patri, & esse creaturam, ita etiam docuit de Spiritu Sancto.,, Coccius quoque hæc habet: „ Ariani dicebant, Spiritum Sanctum non esse Deum, sed creaturam a Filio; ideoque creaturam creaturæ vocabant; alii dicebant, Spiritum Sanctum tantummodo quoddam esse Dei donum, seu virtutem.,, Et citat Athanasium disp. con. Arium, & lib. de communi essentia Patris, & Filii; Didymum de Spiritu Sancto, & Augustinum hæref. 49. Jueninus vero ex adverso hæc scribit: „ Ex Arii principiis sequebatur quidem, Spiritum Sanctum non esse Deum; sed cum Arius id aperte non protulisset, nec Alexandrina Synodus, nec Nicæna I., in quibus solemniter damnatus est, hæresis hujusmodi meminerunt. „ Subdit postmodum, Arii discipulos palam docuisse, quod Arius aperte non docuerat; & inter ejus discipulos nominat Aetium, Eunomium, Eudoxium, Episcopum Antiochenum, plures ex Semi-Arianis, & apertius omnium Macedonium. Hæc eadem scribit pariter Du-Hamel. „ Arius quidem nullam de Spiritu Sancto initio mentionem fecit. Hinc Nicæna Synodus nihil fere de Spiritu Sancto constituit, quod nulla de eo mota esset quaestio: Ac licet Ariani Spiritum Sanctum non anteponerent Filio, nulli quippe hæretico id in mentem venit, tamen Patres, quod majore contentione Ariani vulgaverant de Filio dogma oppugnare, contenti vix de Spiritu Sancto, certamen injerunt. Sed cum Ariani in duas essent divisi partes, quique Semi-Ariani dicti sunt, propius ad Catholicos accederent, ac Filium similis esse cum Patre substantiæ farerentur, utrique Spiritum Sanctum in rerum creatarum ordinem cogere voluerunt.,, His ultimis nos accedimus, afferentes, Arium implicito quidem Spiritus Sancti divinitatem negasse, non autem explicite; quod deinde Ariani fecerunt.

Decimo ponitur Firmianus, qui in epist. ad Demetrianum scribit, Spiritum Sanctum sæpe Patrem, sæpe Filium, nominari; & cum perspicue in Trinitate credamus, tertiam personam auferens, non substantiam ejus vult esse, sed nomen. Verba sunt Coccii; qui hunc Firmianum ad ann. ponit 320., & testimonium inducit Hieronymi ad cap. 4. epist. ad Galatas.

Undecimo in aciem adducitur Macedonius, qui docuit, Spiritum Sanctum solum esse creaturam, & nihil habere cum Filio com-

P AR. II.

mune, sed tantum esse ministrum, ac simul Patris, & Filii. Refert Coccius ex Basilio ep. 78., Epiphano hæref. 74., Augustino hæref. 52., Ruffino lib. 1. c. 15., Sozomeno lib. 4. hist. c. 7., Damasceno de hæref., Zonara in Valentiniano. De Macedonio scribit Du-Hamel: „ Cum autem Macedonius ab Arianis defecisset, Filium Patri per omnia similem esse professus, Spiritum Sanctum non solum a consortio divinitatis excludebat, sed eum creatum esse pertendebat.,, Jueninus pariter scribit. „ Idem dogma propugnabunt plures ex Semi-Arianis, seu ex iis, qui tuebantur homousion, hoc est, Filium esse similem Patri; sed quod apertius inter eosid propugnarit Macedonius, audiit apud veteres tanquam author Pneumatomachorum sectas, seu eorum, qui Spiritui Sancto divinitatem abnegarunt. „ Alphonsus a Castro denique scribit. „ Istorum dux fuit Macedonius, ideo ab eo nomen accepit, ut Macedoniana Hæresis diceretur. Hi sic sentientes vocati sunt Pneumatomachi, id est Spiritus Sancti impugnatores; πνεῦμα græce, est idem quod Spiritus latine. Quod si in sacris literis reperiatur præposito articulo (ut annotat Didymus in lib. de Spiritu Sancto), semper significat Spiritum Sanctum; πνεῦμα græce, est idem quod latine pugno. Inde dictio composita πνευματοποιος, id est, Spiritus Sancti oppugnator. „ Et late confutat Bernardum de Lurzemburgo, qui in suo Hæreticorum catalogo originem vocis derivavit a pneuma, id est Spiritus, & tocos, id est mater; quia Spiritum Sanctum ex matre ipsa processisse dicebat, & de Filio Dei. Macedonius, quum esset Arianus, favore Constantii Imperatoris, ad Constantinopolitanam sedem electus est; at deinde quam propter corporis Constantini translationem factam, in scio Constantio, ab hoc electus esset, hæresis suæ venenum in Spiritum Sanctum evomere incepit; eo quidem successu, ut perfidiæ suæ sectatorem populum non exiguum habuerit Constantinopoli, in Bythinia, Thracia, & Hellesponto, & in aliis quoque nationibus; ut ex Sozomeno lib. 4. hist. c. 26. refert Natalis Alexander in sec. 4. c. 3. art. 10. §. 1. Qui & ulterius afferit, Macedonii hæresim natam esse ann. 360., quod pariter afferit Coccius; primo vero damnatam ann. 362. in Synodo Alexandria.

Duodecimo scribuntur Marcellus, & Pho-

P

tinus,

tinus; qui voluerunt; Spiritum Sanctum non esse propriam personam, sed extensionem extensionis. Ita Basilius ep. 74. Epiphanius, & Theodoreetus de illorum hæresi, apud Coccium.

**D**ecimotertio sunt Aetius, & Eunomius, qui docuerunt, Spiritum Sanctum essentia alienum esse a Patris, & Filii substantia, esseque meram creaturam a Patre, & Filio ante alias creature fabricatam; deitate, ac creandi potestate carere; non solum minorem, sed etiam mittendarium esse. Sic Basilius lib. 2. cont. Eunomium; Didymus lib. 1. de Spiritu Sancto; Ruffinus in Symbolo, Epiphanius, Sozomenus, Theodoreetus, &c.

**D**ecimoquarto Eustathius habetur, de quo scribit Du-Hamel: „Alii nec Deum, nec creaturam, ausi sunt cum appellare. Ex quorum numero fuit Eustathius Sebastianus. „Ab hoc Eustathio Eustathiani processerunt, qui innumeratas alias hæreses profitebantur, ut videre quisquis poterit apud Natalem Alexandrum cit. loc. art. 10. Inter ejus tamen hæreses hanc, de qua loquimur, Alexander non numerat.

**D**ecimoquinto numerantur a Coccio Petilianus, Croconius, & alii Donatistæ, qui dixerunt, ante Salvatoris adventum Spiritum Sanctum non fuisse super terram. Testem vocat Augustinum lib. 2. contra literas Petiliani.

**D**ecimosexto ann. 560. ponitur ab eodem Coccio Leovichildus Hispaniæ Rex, qui dicebat: *Manifeste cognovi Christum Filium Dei aequalem Patri; sed Spiritum Deum penitus esse non credo, eo quod in nullis codicibus legatur Deum esse.* Narrat Coccius ex Gregorio Turonensi lib. 6. histor. Francorum c. 18.

**D**ecimoseptimo est Petrus Abailardus, qui dicebat, Spiritum Sanctum nullam esse potentiam, non personam ex substantia Patris, & Filii, sed animam esse mundi. Sic Bernardus ep. 190. Otho Frisigenensis de rebus gestis Friderici I. lib. 1. c. 49.

**D**ecimoctavo ponimus alios gregatim, qui ab eodem Coccio adducuntur; & sunt: Raymundus Lullius, qui dixit: *Spiritus Sanctum esse conceptum ex Patre, & Filio;* Nicolaus Eymericus par. 2. Directori q. 9. Bernardus Lutzenburgus. Erasmus Roterdamus in præfatione ad libros S. Hilarii: *Audemus Spiritum Sanctum appellare Deum verum ex Patre, Filioque procedentem;* quod veteres aliquandiu non videntur ausi. Guillelmus Farellus negat, *Spiritus Sanctum natura esse Deum,*

& dicit esse motum in rebus creatum; Petrus Carolus in Summa Gallica. Joannes Calvinus lib. 1. instit. c. 13. §. 22. *Spiritus Sanctus est essentialis Dei virtus.* Philippus Melanchthon in Locis communibus, editis ann. 39., & 45. In Spiritu Sancto est aliiquid essentiae Dei &c. In Spiritu Sancto est aliiquid Dei. Bernardinus Ochonus in Polonia prædicavit Spiritus Sancti hypostasim, & personam nullam esse; Jofias Simlerus in vita Bullingeri fol. 40. Lucas Sternberger irrisit Spiritum Sanctum, afferens nihil in Scripturis sacris veteris, & novi testamenti de illius divinitate haberi, seque potius velle redire in cœnobium, quam credere in Spiritum Sanctum, quia nusquam in Scripturis Spiritus Sanctus appellatur Deus, aut Dominus; Prætolus de hæres. lib. 10. c. 10. Theodorus Beza Confess. Gallic. punt. 1. art. 1. Nos credimus in Spiritum Sanctum, quæ est potentia Patris, & Filii.

**D**ecimonono addimus alios, quos idem Coccius refert. Michael Servetus lib. 1. de Trinit. f. 28. De Spiritu Sancto non fit mentio, nisi ubi est sermo de agendo, quod est notatum dignum, quasi Spiritus Sanctus non rem aliquam separatam, sed Dei agitationem, & energiam quandam, seu inspirationem virtutis Dei, designet. Et lib. 6. in fin. Dic igitur, quod Spiritus est divina hominis agitatio in Spiritu; & quia sic movendo in Christo credentes sanctificat, ideo dicitur Spiritus in homine Sanctus. Matthias Cervarius, Anabaptista, hæc de Spiritu Sancto dicit: Per unicum Spiritum, quem non peculiarem personam, sed Dei virtutem esse confitemur, ambo, Pater nimirum, & Filius, ut verus Deus operati sunt, & dominati a principio, & in æternum; Adducitur in testimonium Protocollum Franckentalense. Matthias Steinbach dixit, se esse Spiritum Sanctum; Zuvingerus in theatro c. de Hæretic. Petrus Goniezius, Polonus, inquit, de Spiritu Sancto nondum esse revelatum quod sit Deus; Alphonsus Pisanus præfat. in acta Concilii Nicæni I.

**V**igesimo subjungimus cæteros, qui a præfato Coccio superadduntur. Georgius Blandrata in disputatione Albana act. 6. diei. scribit: *Quæstio est, utrum Verbum, & Spiritus sint personæ?* Nos dicimus, non esse personas, aut individua, aut aliud sophisticum; sed esse altissimi Dei Patris virtutes, quibus & olim, & nunc quoque in novi mundi creatione uti- tur.

cor. Joannes Sommerus, Pirnensis, Lector Scholæ Claudiopolitanæ in Transylvania, in refutatione scripti Petri Caroli, Vittembergæ editi, lib.2. fol.171. in Confessione Spiritus Sancti, hæc ait: *Credimus Spiritum Sanctum esse Dei Patris, & Filii Spiritum; quem quidem nos Deum dicere dubitamus; invocare autem, atque adorare, nobis religio est, cum id nusquam mandatum sit a Deo Patre.* Et fol.160. Spiritus Sanctus adorandus est: ergo verus Deus est. Antecedens falsum est. Sanctus enim Paulus dicit: *Hodie si vocem ejus audieritis &c.* non dicit: *Venite adorate me;* sed: *Venite adoremus Dominum;* Sunque verba Prophetæ, dictata illi a Spiritu Sancto. Quomodo autem Carolius hinc colligat, Spiritum Sanctum adorandum esse, profitemur ingenui, nos non assequi. Et fol. 167. Spiritum Sanctum Deum esse, & seorsim a Patre distinctam habere, negamus cum universa Scriptura. Esse autem illum motum tantum in animis excitatum, non dicimus, sed fatimur esse occultam vim, & inspyham Dei, quæ nos in vitam æternam regenerat. Familiari dicunt, Spiritum Sanctum non esse Deum; phantasma esse, quod Papistæ de Spiritus Sancti, vel essentia, vel deitate credunt. Stous in Elisabeth f. 1195. Christianus Francus lib. con. Sanctam Trinitatem edito, hæc blasphemando scribit: *Cum nondum contenti duabus divinis personis, tertiam quoque adjicere.*

vellet, que *Spiritus Sanctus vocaretur;* non autem ignorarent, nullum extare in totis bibliis de divinitate *Spiritus Sancti apertum,* testimonium, imo unigenitum *Dei Filium,* nullum alium Deum admittere, sed prorsus excludere, tertiam personam fixerunt *Spiritus Sanctum,* & *mox* quidem *Patri, & Filio,* & ab utroque productum, quam tamen commentitiam, fidamque doctrinam communis totius sacrae Scripturae consensus refellit.

Cardinalis Bellarminus de solis Transylvanicis mentionem facit, quorum objectiones refert, ac dissolvit; additque in principio cap.13., Probandum est, *Spiritus Sanctum esse verum Deum:* Id quod Adversarii tametsi negant, tamen non magnopere de eo laborant; ipsi enim contendunt pro excellentia Patris; sed si ea excellētia tolli debeat propter confessionem aliquuj personæ æqualis Patri, parum refere credunt, utrum ea persona sit una, vel duas. Itaque Valentinus Gentilis semper fere dicebat, de Spiritu Sancto non esse questionem. Transylvani autem lib. 12.c.5. negant quidem, *Spiritus Sanctum esse adorandum, aut invocandum Deum,* tamen non accurate id probant, nec refellunt contraria. Ac proinde totus est doctissimus Cardinalis, ut Transylvanos impugnet; quod quidem nos in sequenti Dissertatione facturos contra quosunque Spiritus Sancti divinitatem inficiari ausi sunt, cum Dei auxilio speramus.

## DISSESTITIO CXIX.

*Dé Divinitate Spiritus Sancti, Scripturarum oraculis, Conciliorum decretis, Sanctorum Patrum testimoniis, ac Rationum momentis, affirmata, ac probata.*



Robatur ex Scripturis utriusque testamenti. Isai. 6.8. & seqq. Et audi vi vocem Domini dicentes: *Quem mittam?* Et quis ibit nobis? Et dixi, ecce ego, mitte me. Et dixit: *Vade, & dices populo huic: audite audientes, & nolite intelligere; & videte visionem, & nolite cognoscere.* Oraculum hoc respiciens S. Paulus Acto. 28.25. & 26. dixit: *Quia bene Spiritus Sanctus locutus est per Iсаiam Propheta.*

PAR. II.

nam ad Patres nostros, dicens: *Vade ad populum istum, & dic ad eos: Aure audietis, & non intelligetis; & videntes videbitis, & non perspicietis.* Ubi observatu dicitur dignum, quod ille idem Dominus exercituum, de quo loquitur Isaias, & quem omnes Deum esse fatentur; ille idem ab Apostolo dicitur Spiritus Sanctus; ac proinde fateri pariter debemus, Spiritum Sanctum esse Deum. Ulterius; Prophetæ omnes, qui in veteri testamento sermones suos ad populum explicabant, hac

P 2

com-

communi, & usitata formula uebanturi. *Hæc dicit Dominus Deus.* At S. Petrus docet, Prophetas omnes loquutos fuisse a Spiritu Sancto inspiratos, seu Spiritum Sanctum loquutum fuisse per ora omnium Prophatarum; dicitur enim. II. Petr. 1.21. *Non enim voluntate humana allata est aliquando prophetia; sed Spiritu Sancto inspirati, locuti sunt sancti Dei homines:* ergo ille Spiritus Sanctus, qui per ora Prophatarum loquebatur, est Deus. Et confirmatur hoc ipsum ex verbis Lucæ 1.68. *Benedictus Dominus Deus Israel, quia visitavit, & fecit redemptionem plebis suæ;* & num. 69. *Et erexit cornu salutis nobis, in domo David pueri sui;* & n. 70. *Sicut locutus est per os Sanctorum, qui a seculo sunt, & Prophatarum ejus:* ergo semper Spiritus Sanctus, qui per os Sanctorum, & Prophatarum, loquitur, Deus est. Praeterea; Psal. 105. 14. tentaverunt Deum in inaquo: *Hic idem Deus, quem Judæi tentaverunt ex Davide, ab Apostolo vocatur Spiritus Sanctus;* scribit enim ad Hebr. 3.7. *Quapropter, sicut dicit Spiritus Sanctus: Hodie si vocem ejus audieritis, nolite obdurare corda vestra, sicut in exacerbatione, secundum diem temptationis in deserto, ubi tentaverunt me Patres vestri:* ergo vere Spiritus Sanctus est Deus.

II. probatur ex Scripturis veteris testamenti. II. Regum 23.2. David hæc loquebatur: *Spiritus Domini locutus est per me,* & sermo ejus per linguam meam. *Dixit Deus Israel mihi, locutus est fortis Israel, Dominator hominum, justus dominator in timore Dei.* Id quibus verbis idem dicitur Spiritus Sanctus, & Deus. Insuper; Psal. 138. 7. *Quo ibo a Spiritu tuo? Et quo a facie tua fugiam?* Ubi Spiritus Sanctus dicitur ubique esse, sicuti ubique est Deus; dicitur in Cœlis esse, sicut in Cœlis est Deus; *si ascendero in Cælum, tu illic es. &c.*

III. probatur ex Scripturis novi testamenti. S. Petrus Actorum 5. 3. hæc Ananias dixit: *Anania, cur tentavit Satanás cor tuum mentiri te Spiritui Sancto, & fraudare de pretio agri?* Et n.4. subdit: *Non es mentitus hominibus, sed Deo.* Ubi Spiritus Sanctus apertissime dicitur Deus. Ulterius; Hoc idem expresse habetur 1. ad Corinth. 3. 16. *Nescitis, quia templum Dei estis,* & *Spiritus Dei habitat in vobis?* Et c. 6.19. *An nescitis, quoniam membra vestra templum sunt Spiritus Sancti?* Pariter in verbis hisce Deus nominatur Spiritus Sanctus. Insuper 1.ad Cor. 12.4. *Divisiones vero gratiarum sunt, idem autem Spir-*

*tus: Et divisiones ministrantium sunt, idem autem Dominus: Et divisiones operationum sunt, idem vero Deus, qui operatur omnia in omnibus.* Et n. 11. postquam sigillatum gratias omnes numerasset, subdit: *Hæc autem omnia operatur unus, atque idem Spiritus, dividens singulis, prout vult.* Adhuc Matth. 28.19. *Euntes baptizate omnes gentes in nomine Patris, & Filii, & Spiritus Sancti.* Si Spiritus Sanctus esset creatura, & divinam naturam non haberet, qua ratione a Christo cum Patre, & seipso, qui divinam unam naturam habent, copularetur? Quomodo poneretur sub nomine in singulari, per quod unitas naturæ, ut in Patre, & Filio, ita etiam in Spiritu Sancto, intelligitur? Quoniam etiam pasto tribueretur ei regeneratio, sanctificatio, gratiæ diffusio, si per Davidem psal. 83.12. *gratiam, & gloriam dabit Dominus?*

IV. probatur ex Conciliis. Synodus Alexandrina ann. 362. congregata, Præsidente S. Athanasio, hæc fuit prima, in qua Macedonii error damnatus apparuit. In Illyrico pariter, Valentiniano imperante, eoque etiam procurante, congregati sunt Episcopi quamplures, qui Nicenam Synodum confirmarunt, & Spiritus Sancti divinitatem stabilierunt. Constat ex Epistola Synodica ad Asianos, quam Illyrici Episcopi scripserunt, & quam Imperator subjecit epistolæ a se scriptæ. Hæc Synodus habita est ann. 367. teste Theodoreto. Ex Sozomeno lib.6. hist. c. 22. refert Du-Hamel, quod orta in Orientale controversia, an Spiritus Sanctus esset consubstantialis Patri, & Filio; ad Romanum Pontificem quæstionem dirimendam miserunt. Romanus vero Pontifex cum Episcopis Occidentalibus ad Orientales scripsit, ut Trinitatem colerent ejusdem substantiaz, ejusdemque gloriæ. Subdit Du-Hamel: „Quo perfecto, tanquam res semel a Romana Ecclesia dijudicata, singulos acquivisse; atque hunc in modum controversiam terminaram esse. „ Postmodum habitum est Concilium Romanum sub Damaso Papa adversus Auxentium, & in eo definitum est, Spiritum Sanctum esse unius naturæ cum Patre. Refert Theodoretus lib.2. hist. c.22., qui recitat quoque Epistolam Damasi ad Episcopos Illyrici; & pariter lib.5.c.1. aliam epistolam ejusdem Pontificis synodicas assert ad Paulinum Antiochenum. In hoc Concilio sic definitum legitur: *Vnam divinitatem, & potentiam credimus, & cognoscere*

*gnoscimus, Patris, & Filii, & Spiritus Sancti, cum sit unus Deus in tribus personis. Secundum Baronium habitum est ann. 372. Ann. postmodum 381. habemus Concilium generale Constantiopolitanum I. ex centum quinquaginta Episcopis sub Theodosio magno congregatum a Domo, Romano Pontifice. In hoc haeresis Macedonii proscripta est, Maximus Cynicus fuit depositus, & Spiritus Sanctus Dominus, & vivificans fuit dictus, ac simul adorandus cum Patre, & Filio, ut in Symbole legitur. In epistola Synodica ad Damasum plura scribunt Patres de Spiritus Sancti divinitate. Ephesinum Concilium generale I. postmodum eandem docuit veritatem; pariter & Concilium generale Chalcedonense. Quibus deinde successerunt Concilia generalia Lateranense sub Innocentio III., & refertur in c. firmiter de summa Trinitate, & fide catholica; Florentinum, Tridentinum &c. Innumerata vero sunt particularia Concilia, quae de eodem fidei dogmate tractant, praecipue Tolterana.*

**V.** probatur ex Patribus Græcis. Ignatius Martir in epist. ad Philadelphios: *Unus est ingenitus Deus, & Pater; unus unigenitus Filius Deus Verbum, & homo; unus Paracletus Spiritus veritatis.* Justinus martir in lib. cui. titulus *Expositio fidei.* At hunc librum eruditus Critici Justino abjudicant: verum si Justini non est, certe est antiqui, & catholici Scriptoris: *Si in mundi disciplina, & in baptismi doctrina, & insuper in creationis ratione, potestatisque virtute, conjunctim nobis unum Patrem, & Filium, & Spiritus Sancti numen, & nomen traditum est, quænam ratio, & oratio insciando afferere poterit, Filiū, & Spiritum Sanctum divinæ naturæ, & essentia non esse?* Ireneus lib. 4. c. 37. Et quoniam Verbum, id est Filius, semper erat cum Patre, per multa demonstravimus. Quoniam autem & sapientia, quæ est Spiritus, erat apud Deum ante omnem constitutionem, per Salomonem ait Deus: *Sapientia fundavit terram, parvit autem cælum prudentia.* Clemens Alexandrinus lib. 3. Pædagogi c. 12. Laudemus unum Patrem, & Filium una cum Spiritu Sancto, qui unus est omnia, in quo omnia, per quem omnia: *Unum, per quem est, quod semper est; cuius membra omnes, cuius sunt gloria & secula, qui est undequaque bonus.* Eusebius Alexandrinus ser. in Ascens. Domini. Sed mittam, dicit Christus, *Spiritus Sanctum consubstantiale Patri, & mihi:* Gregorius Neocæsariensis or. in Epiph-

*nia: In cuius te nomine baptizabo? (dicebat Joannes ad Christum) In nomine Spiritus Sancti? At ille tecum est semper, utpote tibi consubstantialis. Eadem illi servitus, eadem mens, eadem vis, idem honor, eadem, quæ tibi, adoratio ab omnibus exhibetur.* Athanasius in epist. ad Serapionem de Spiritu Sancto: *Quemadmodum Filius, eo quod habet proprietatem cum Patre, quodque proprium germe est, ex illius substantia, non est creatura, sed Patri homousios, hoc est ejusdem essentie; sic haud quaquam Spiritus Sanctus posse esse creatura; quin potius impius est, qui haec dicat, eo quod habet proprietatem cum Filio, quod ex illo datur omnibus; denique quod quæ habet, Filiis sunt.* Hæc sufficiabant ad persuadendum vel cuivis contentioso, ne posthac dicat, esse creaturam Spiritum Dei, qui est in Deo. quique profunda scrutatur Dei, qui ex Patre datur per Filium; ne ex his cogatur & Filium dicere creaturam, qui est Verbum, qui est Sapientia, qui figura, qui splendor Patris. Basilius lib. 5. cont. Eunomium: *Proprium Dei est peccata dimittere;* Si ergo nullius, nisi solius Dei est, peccata dimittere; dimittit autem Spiritus Sanctus per Apostolos: *Deus est ergo Spiritus Sanctus, & ejusdem operationis cum Patre, & Filio.* Nazianzenus or. 54., quæ est ep. 2. ad Cledonium: *Unam, eandemque Patris, & Filii, & Spiritus Sancti divinitatem agnoscendam esse,* Deum quoque videlicet Spiritum profiendo. Epiphanius haeres. 61. Non alienus a Patre, & Filio, (Spiritus Sanctus), sed ex eadem essentia, ex eadem deitate, ex Patre, & Filio, cum Patre, & Filio semper in substantia, Spiritus Sanctus, Spiritus divinus, Spiritus gloriae, Spiritus Christi, Spiritus Patris: *Nam Spiritus Patris, qui loquitur in vobis; & Spiritus meus consistit in medio vestrum.* Tertius nomenclatura, equalis deitate, non alteratus. preter Patrem, & Filium, vinculum Trinitatis, signaculum confessionis. Chrysostomus de consubstantiali Trinitate: *Quæcum omnia recte dederis, crede, quod Patri Filiis consubstantialis sit, & quod consubstantialis sit Spiritus Sanctus.* Nam si ex Patre procedit, & a Filio sumit, non alterius substantiae est Spiritus. Spiritus Dei, Spiritus Christi, Spiritus veritatis, Spiritus consolator, non habens. alium oppositum, Spiritus Deus.

**VI.** probatur ex Patribus Latinis. Cyprianus in lib. de cardinalibus operibus Christi, si ipsius genuinus est foetus. cap. de ablutione pedum: *Ipse summus Sacerdos sui est sacramenti institutor, & auctor: in ceteris homines Spiritum Sanctum babuere Doctorem:*

Et

*Et sicut pars est Spiritui Sancto, & Christo di-*  
*vinitas, ita in suis institutis æqua est auctoritas,*  
*& potestas; nec minus ratum est, quod Spi-*  
*ritu Sancto dictante Apostoli tradiderunt,*  
*quam quod ipse tradidit, & in sui commemora-*  
*tionem fieri præcepit. Hilarius lib. 2. de Tri-*  
*nit. Est enim, (Spiritus Sanctus) quandoqui-*  
*dem donatur, accipitur, obtinetur: Et qui*  
*confessioni Patris, & Filii connexus est, non*  
*potes t a confessione Patris, & Filii separari.*  
*Ambrosius lib. 3. de Spiritu Sancto c. 11.*  
*Nec solum hoc loco evidenter Sancti Spiritus*  
*Divinitas, hoc est divinitatem testatur Scriptu-*  
*ra; sed etiam ipse Dominus dixit in Evangelio:*  
*Quoniam Deus Spiritus est: Quem-*  
*locum ita expresse Ariani testificamini esse de*  
*Spiritu Sancto, ut eum de vestris codicibus*  
*aferatis, atque utinam de vestris, & non*  
*etiam de Ecclesiæ codicibus tolleretis. Hiero-*  
*nymus ad cap. 63. Isaiae: Ejusdem Spiritus*  
*Sanctus cum Patre, Filioque naturæ est. Au-*  
*gustinus lib. 2. cont. Maximinum c. 11. Non*  
*vis Spiritum dicere Deum, cuius tamen di-*  
*vinitatem per laudem coactus es confiteri: Ut*  
*cum sit unus, ubique sit præsens, & nemini*  
*sanctificando defit, ubicumque quisque Chri-*  
*stianus esse, & Deum orare voluerit, simul*  
*se omnibus exhibendo, sive in Oriente, sive*  
*in Occidente baptizentur in Christo: Hoe &*  
*nos dicimus, talem, ac tantum absit a nobis,*  
*ut Deum negemus. Chrysologus ser. 57.*  
*Postquam suscepta carnis confessus es sacra-*  
*mentum, oportet te Deitatem Spiritus confi-*  
*teri; ut Trinitatis unitas æqua, Patris, Fi-*  
*lli, & Spiritus Sancti, per omnia, & in*  
*omnibus virtutis integrum fidei in nostra con-*  
*fessione custodiat, & teneat veritatem. S. Leo*  
*magnus ser. 2. de Pentecoste c. 2. Cum igi-*  
*etur ad intelligendam dignitatem Spiritus San-*  
*cti aciem mentis intendimus, nihil diversum*  
*ab excellentia Patris & Filii cogitemus; quia*  
*in nullo ab unitate sua discrepat divinitatis*  
*essentia. Semperitnum est Patri consempiter-*  
*ni sibi Filii sui esse genitorem: Semperitnum*  
*est Filio intemporaliter a Patre esse genitum:*  
*Semperitnum quoque est Spiritui Sancto Spi-*  
*ritum esse Patris, & Filii. Ut nunquam Pa-*  
*ter sine Filio, nunquam Filius sine Patre,*  
*nunquam Pater, & Filius fuerint sine Spi-*  
*ritu Sancto, & omnibus existentia gradibus*  
*exclusi, nulla ibi persona sit anterior, nulla*  
*posterior. Fulgentius de fide orthodoxa c.*  
*8. Inde est, quod etiam Spiritum Sanctum*  
*creatorem vera fides asserit, non creaturam.*  
*Et in responsione cont. Arianos ad finem:*  
*Sanctum quoque Spiritum non aliud fatetur*  
*esse, quam Deum, nec a Filio, nec a Patre,*  
*diversum; nec in Filio, nec in Patre conju-*

*sum. S. Gregorius magnus hom. 5. in Eze-*  
*chielem: Quia Spiritus Sanctus Deus ante*  
*secula Patri, & Filio est coeternus, que-*  
*rendum nobis est, cur discurrere dicatur &c.*

VII. Probatur Rationibus I. In divinis quod procedit ab alio Deus est; Spiritus Sanctus procedit ab alio, hoc est a Deo: ergo Deus est. Major est indubitate apud Patres, qui hoc principio utebantur, ut Verbi divinitatem contra Arianos probarent. Unde Ambrosius lib. 1. de Spir. Sanct. c. 4. rationem hanc reddit; quia procedere ab alio est est recipere ipsum esse principii, a quo est processio: Minor est inne-

gabilis ex verbis Christi apud Joann. 15. 26. Cum autem venerit Paracitus, quem mittam vobis a Patre, Spiritum veritatis, qui a Patre procedit, ille testimonium perhibebit de me. II. In baptismō non invocatur nomen, nisi Dei; sed invocatur nomen Spiritus Sancti: ergo Spiritus Sanctus est Deus. Major est certa; quia baptismus est sacramentum fidei, in quo fidei auctor est invocandus: ergo invocandus est Deus: Unde Athanasius in lib. ad Serapionem: Nam qui de Trinitate aliquid eximit, & in solo Patris nomine baptizatur, aut in solo nomine Filii, aut sine Spiritu, in Patre ac Filio, nihil accipit; sed inanis, ac sine initiatione manet, tam ipse, quam qui tribuero videtur. III. Scrutator cordium, & rerum non potest esse, nisi Deus; Spiritus Sanctus scrutatur internas hominum cogitationes: ergo est Deus. Major est Psal. 7. 10. Scrutans corda & renes Deus. Minor est in I. ad Corinth. 2. 10. Nobis autem revelavit Deus per Spiritum suum; Spiritus enim omnia scrutatur, etiam profunda Dei. Quis enim hominem scit, quæ sunt hominis, nisi spiritus hominis, qui in ipso est? Ita & quæ Dei sunt, nemo cognovit, nisi Spiritus Dei. IV. Collator gratiæ sanctificantis hominem nequit esse, nisi Deus; at Spiritus Sanctus hanc gratiam confert: ergo est Deus. Major est S. Basilii lib. 5. adv. Eunonium dicentis: Creatura non potest sanctificare creaturam. Minor pariter constat ex multis Scripturarum locis, in quibus Spiritus Sanctus vocatur Spiritus sanctificationis; ad Rom. 8. Spiritus adoptionis; ad Hebr. 11. Spiritus gratiae. Act. 15. In nationes gratia Spiritus Sancti effusa est &c.; ad Rom. 5. Charitas Dei diffusa est in cordibus nostris per Spiritum Sanctum, qui datus est nobis; ad Galat. 5. &c. V. Nemo remittit peccata, nisi Deus; Spiritus Sanctus remittit peccata: ergo est Deus. Minor ex eo constat, quod Spiritus Sanctus est principium, unde

unde provenir potestis dimittendi peccata, quæ est in Ecclesia. Dicitur enim Joan. 20. *Accipite Spiritum Sanctum; quorum remiseritis peccata, remittuntur eis &c.* VI. Qui habitat in anima intelligentia tanquam in templo, Deus est; Spiritus Sanctus habitat in anima rationali tanquam in templo: ergo Deus est. Major constat ex pluribus; tum quia soli Deo templum debetur; tum quia pervadere totum creaturæ esse proprium est Dei &c. Minor fit patens ex illo Apostoli 1. ad Cor. 3. *Nescitis, quia templum Dei estis, & Spiritus Dei habitat in vobis.* VII. Nemo aliquid usquemodo creavit, nisi solus Deus; at Spiritus Sanctus dicitur in Scripturis creasse: ergo est Deus. Minor probatur ex illo Job. 33. *Spiritus Dei fecit me,*: Ex illo Psal. 103. *Emitte Spiritum tuum, & creabuntur.* VIII. Solus Deus futura prædictus; Spiritus Sanctus futura prædictus: ergo est Deus. Major patet ex illo I. ad Cor. 4. 23. *Annuntiate que ventura sunt in futurum, & sciemus, quia Dii estis vos.* Minor patet ex illo II. Pet. 1. *Spiritu Sancto inspirati, locuti sunt sancti Dei homines.*

Opponunt I. Pater, Filius, & Spiritus Sanctus, in Scripturis diverso modo exprimuntur: ergo sunt diversæ naturæ. Probatur antecedens. I. ad Cor. 8. dicitur: *Nobis tamen unus Deus Pater, ex quo omnia, & nos in illum; & unus Dominus Jesus Christus, per quem omnia, & nos per ipsum; & unus Spiritus Sanctus, in quo omnia;* sed ex per, & in, diversos important modos: ergo Pater, Filius, & Spiritus Sanctus, in Scripturis diverso modo exprimuntur. II. Scripturæ nunquam nominant Deum Spiritum Sanctum; nunquam eum adorandum proponunt: ergo Spiritus Sanctus non est Deus. III. Quæ Scripturæ Spiritus Sancto tribuunt, convehire non possunt Deo: ergo ex mente Scripturarum Spiritus Sanctus non est Deus. Probatur antecedens. Scripturæ tribuunt Spiritui Sancto gemere, interpellare, postulare pro nobis; sed hæc convenire non possunt Deo: ergo &c. Probatur minor. Gementes dicunt defectum, & corpori, non Spiritui convenit; interpellare, & postulare, inferioritatem dicunt: ergo &c. IV. Spiritus Sanctus dicitur missus; sed qui mittitur inferior est eo, a quo mittitur: ergo Spiritus Sanctus est inferior cæteris personis: ergo non est Deus. V. Spiritus Sanctus vel producitur per naturam, vel per artem; non per naturam, quia aliter esset Verbum; si per artem: ergo est artificium,

vel opificium; & consequenter non ejusdem naturæ cum producente. VI. Spiritus Sanctus non est ingenitus, nec est genitus: ergo non est naturæ divinæ consors. Antecedens patet; quia ingenitus est solus Pater, genitus est solus Filius: ergo &c. VII. Spiritus Sanctus non loquitur a semetipso: ergo non est Deus. Consequentia sequitur; quia qui a semetipso non loquitur, & tantum ea profert, quæ audit, Legatus est potius Dei, quam Deus. VIII. Dionysius Alexandrinus ex Basilio ep. 42. apud Petavium lib. 1. de Trinit. c. 14. hæc de Spiritu Sancto scribit: *Hunc ab adorandæ deitatis consortio segregasse, & creatæ, ac servili naturæ annumerasse fertur; verba sunt Basili de Dionysio.* IX. Basilus ipse non semper credit, Spiritum Sanctum esse Deum; quia non in omnibus suis libris ipsum Deum appellavit. X. Gregorius Nazianzenus or. 20. commendat hanc Basili omissionem: ergo vere articulus de divinitate Spiritus Sancti, saltem pro eo tempore, quo Patres isti vivebant, ad fidem non pertinebat: ergo deficit traditio.

Respondeamus ad I., quod quanvis aliquando tres divinæ personæ dissimili modo exprimantur; aliquando tamen eadem expressio, quæ uni tribuitur, tribus etiam datur. Ita ad Rom. 11. dicitur: *Quoniam ex ipso, & per ipsum, & in ipso;* quibus verbis totæ illæ tres expressiones, vel unæ personæ dantur, vel uni naturæ, quæ eadem est in tribus personis: Unde expressiones illæ dissimiles nihil ad intentum Adversariorum faciunt.

Ad II. dicitur, quod quanvis in aliquibus Scripturæ locis Spiritus Sanctus explicite non dicitur Deus, dicitur tamen implicite. Quum enim Scripturæ testentur, Spiritum Sanctum a Patre procedere, esse primarium nostræ fidei objectum, habere eandem efficientiam cum reliquis personis, in creaturis intelligentibus, tanquam in templo, habitare &c., hæc omnia quæ non conveniunt, nisi Deo, Spiritum Sanctum ostendunt esse Deum. Cæterum sufficit, ut in aliquibus Scripturæ locis etiam explicite Spiritus Sanctus vocetur Deus; ut in probationibus diximus.

Ad III. Illa omnia improprie, non proprie Spiritui Sancto tribuuntur. Dicitur enim, quod gemat, interpellet, postulet; non quod ipse hæc faciat, sed quod hæc facere facit a nobis; nos enim facit gementes, interpellantes. Unde Augustinus ep. 105. *Dictum est interpellat pro sanctis, quia inter-*

*interpellare Sanctos facit ; sicut dictum est : Tentat vos Dominus Deus noster , ut sciat , si diligatis eum, hoc est, ut scire vos faciat .*

**Ad IV.** occurrit Augustinus lib. 2. de Trin. c. 5. dicendo , quod missio per modum imperii significat excellentiam mittentis , non vero quælibet alia missio . Filius , & Spiritus Sanctus , non mittuntur secundum imperium , sed solum mitti dicuntur , quia Filius procedit a Patre , Spiritus Sanctus procedit a Patre , & Filio; uterque autem visibili forma inter homines apparuerunt; unus quidem in carne humana , aliis in columbae specie &c.

**Ad V.** dicitur , quod modus agendi per naturam est per intellectum , & per voluntatem; Filius procedit per intellectum ; Spiritus Sanctus per voluntatem ; & sic non procedit per artem .

**Ad VI.** Quanvis Spiritus Sanctus nec sit ingenitus , nec genitus , tamen est procedens . Non enim genitus , & ingenitus , adeo opponuntur , ut inter ipsa non sit medium , per quod alia via procedat a Patre , & Filio ; adeoque sit procedens per voluntatem , quando genitus procedit per intellectum .

**Ad VII.** Spiritus Sanctus . quum accipiar a Patre , & Filio simul cum essentia alia attributa , hæc aliquo modo dicitur ab alio habere ; adeoque cum ipsis haberet etiam sapientiam , itaut quæcumque loquitur aliquo pariter modo dicatur non a semetipso , sed ab alio loqui . Cæterum nullo modo loquitur ut Legatus alterius , sed a se ipso prout loquitur ut Deus . Audiatur Augustinus tract. 99. in Joann. Non ergo loquetur a semetipso , sed quæcumque audiet , loquetur . Ab illo audiet , a quo procedit . Audire illi est scire ; scire vero esse . Quia ergo non est a semetipsa , sed ab illo , a quo procedit , a quo illi est essentia , ab illo scientia , ab illo agitur audientia , quia nihil est aliud , quam scientia .

**Ad VIII.** Basilius non loquitur nisi de audi-

tu . Non enim ipse legerat , quæ refert , in Dionysio Alexandrino ; sed tantum ait , quod ferebatur , ea Dionysium scripsisse . Servili naturæ annumerasse fertur . Falsus autem fuit rumor ; quod ex aliis Dionysiis verbis ostenditur . Nimirum in responce ad propositiones Pauli Samosateni : Non impune ferctis , qui aduersus benignum Spiritum Sanctum blasphemus est ; Spiritus autem est Deus . Et in epist. ad eundem Paulum Samosatenum : Nisi enim esset Christus Deus Verbum , non potuisse non esse peccati obnoxius . Nullus enim non obnoxius est peccato , nisi unus Christus , ut & Pater Christi , & Spiritus Sanctus .

**Ad IX.** Basilius semper creditur Spiritus Sancti divinitatem , quanvis de eadem non semper expresse , quæ ejus fuit prudens æconomia , loquutus fuerit . Ut enim testatur Nazianzenus or. 20. Illi nudam , & apertam vocem de Spiritu Sancto , quod Deus esset , arripere studebant , ( quod quidem tametsi verumerat , impium tamen illis , atque improbo impietatis antistiti videbatur ) ut eum quidem cum theologica lingua civitate pellerent , ipsis autem Ecclesiam occuparent . Attamen quando Basilius tacebat , Spiritum Sanctum esse Deum , nec dicebat , non esse Deum ; immortalia de Spiritu Sancto scribebat , quæ non poterant , nisi vero Deo , convenire .

**Ad X.** Nazianzenus non commendat Basilius omissionem , sed ejus æconomiam . Cæterum Basilius ipse Nazianzeno scribebat , ut ipse non taceret , quæ ab eo non dicebantur ; quum ipse non haberet tacendi necessitatem , quæ in eo erat . Denique Basilius non semper æconomia illa usus fuit , quia eam necessariam in quolibet casu non agnovit . Ait enim ep. 141. Confundendum est , Deum esse Patrem , Deum Filium , Deum Spiritum Sanctum ; quemadmodum divina Scriptura , & qui sublimiora contemplati sunt , docuerunt .



# DISSESTITO CXX.

*De Appropriatione in divinis, de divinarum Personarum Aequalitate, & Confubstantialitate, de earundem Circuminfessione, Notionibus, & Missione.*



Une proprietates, quæ dicuntur divinarum Personarum in communi; & sunt proprietates, quæ sunt earundem in particulari; Patris nimirum, Filii, & Spiritus Sancti. De his ultimis agemus in Dissertationibus, in quibus de qualibet ex Personis fiet sermo; de primis vero hac in Dissertatione pertractamus. Proprietates igitur divinarum Personarum in communi hæc numerantur; nempe Appropriatio, Aequalitas, Confubstantialitas, Circuminfessio, Notiones, Missio. Hoc ordine de singulis agendum est.

Appropriatio est loquutio, qua aterribita aliqua, vel quædam operationes, quæ vere sunt omnibus Personis communes, ex Patrum nihilominus, & Theologorum usu, potius uni Personæ, quam alteri, tribuuntur. Et quidem loquitiones istæ adhuc in divinis Scripturis fundamentum habent; unde Patres, & Theologi se moverunt ad eas in loquendi, vel scribendi usum introducendas. In Scripturis enim saepè videmus, Patri tribui omnipotentiam, Filio sapientiam, bonitatem Spiritui Sancto. Et hoc vel propter eminentiam divinarum personarum, vel propter mentis nostræ imperfectionem. Eminentiam quidem divinarum personarum facit, ut æquivaleat quæque ipsarum perfectionibus in aliis distinctis, quanvis sit ipsa una, & indistincta. Imperfæcio quoque mentis nostræ; quia non potest personales Dei proprietates nisi difficulter cognoscere, quam nullam habeant cum proprietasibus personalibus creaturarum convenientiam; unde recurrit ad cognoscendum eas per proprietates essentiales, quæ nobis sunt notiores. Ut hoc autem recte fiat, debent congruentias quædam observari.

Congruentiae ejusmodi dicuntur quadruplices; nimirum Esse, Unitatis, Virtutis, & Habitudinis. Propter congruentiam, quæ respicit Esse, sit, ut specialiter appro-

PAR. II.

rientur personis, quæ habent aliquam similitudinem cum esse personarum. Unde S. Hilarius lib. 2. de Trinit. appropriat æternitatem Patri, pulcritudinem Filio, fruitionem Spiritui Sancto. Æternitas est in Patre, species in imagine, usus in munere. Hæc enim analogiam habene cum esse Patris, Filii, & Spiritus Sancti; quatenus Pater, quia est sine principio, habet æternitatem, & dicitur Pater æternus; Filius, quia est imago Patris, & imago perfecta, adeoque pulchra, dicitur species; Spiritus Sanctus, quia est amor, & amor ad fruitionem, sive ad usum pertinet, vocatur usus. Propter congruentiam, quæ respicit Unitatem, Patri tribuitur unitas, Filio æqualitas, Spiritui Sancto concordia. Unde Augustinus lib. 6. de Trin. c. 10. In Patre est unitas, in Filio aequalitas, in Spiritu Sancto æqualitatibus, unitatisque concordia. Unitas tribuitur Patri, quia unitas non presupponit aliam unitatem, sic Pater non presupponit aliam personam. Äqualitas Filio, quia æqualitas supponit aliud, & Filius supponit Patrem, cui est æqualis. Concordia est duorum nexus, & ideo tribuitur Spiritui Sancto, qui est quasi vinculum Patris, & Filii, & utriusque amor. Propter congruentiam, quæ respicit virtutem, potentia tribuitur Patri; potentiam enim haber rationem principii, & hac ratio est inerior seca Patri; sapientia Filio; quia quum sit Verbum, spectat ad intellectum, cui est sapere, & scire; bonitas Spiritui Sancto; bonitas enim est amoris objectum, & per amorem Spiritus Sanctus producitur. Propter congruentiam habitudinis, aeternitatis, quæ habent habitudinem ad causam, modo tribuuntur Patri, modo Filio, modo Spiritui Sancto. Et quidem voces, quæ designant causam materialem, veluti *Ex*, & est sermo de operationibus ad intra, significant Patrem. Et sic loquebantur Patres contra Arium, quando dicebant: *Pater Filium genuit ex se, ex sua substantia*; Et sensus erat, quod Pater non generat Filium ex nihilo, ut dicebant Arius.

Q

Aria.

Ariani, sed ex sua substantia, veluti ex causa materiali, in quantum suam essentiam ipsi communicavit; Si vero eadem vox referatur ad operationes ad extra, significat causam efficientem; & tribuitur Patri, quia Patri etiam tribuitur omnipotentia. Voces vero, quae significant causam medium, scilicet Per, tribuuntur Filio; quia Pater per Filium creaturas omnes creavit; Joan. 1. *Omnia per ipsum facta sunt, & sine ipso factum est nihil.* Voces denique, quae significant propensionem Dei in creaturas, veluti In, tribuuntur Spiritui Sancto. Unde Augustinus lib. 6. de Trinit. c. 10. *Non confuse accipendum est quod ait Apostolus, Ex ipso, & per ipsum, & in ipso. Ex ipso dicens, propter Patrem; Per ipsum, propter Filium; Et In ipso, propter Spiritum Sanctum.* Denique fit, ut Filio approprientur ea, quae convenient intellectui, per quem ipse generatur; ut veritas, sapientia, scientia &c.; & Spiritui Sancto approprientur ea, quae convenient voluntati, per quam ipse procedit; ut bonitas, amor, fructus, gaudium, donum &c.

**A**equalitas in divinis Personis attendi potest in tribus; nimirum in essentia, in attributis, in relationibus; & in tribus hisce dicimus illas aequales esse. I. in essentia; quia in iisdem est una, & eadem numero essentia; sunt enim consubstantiales, ut dictum, & probatum est. II. in attributis; quia in ipsis sunt eadem numero attributa absolute, quae a Patre Filio communicantur, & a Patre, & Filio communicantur Spiritui Sancto. III. in relationibus; quia quum relationes sint omnino aequales, aequales erunt personae ratione relationum. Quod relationes sint omnino aequales ex eo pater, quia una non est altera dignior, nisi una sit ab altera diversa.

Opponi potest nihilominus contra hæc I. Esse, & omnipotencia specialiter Patri tribuuntur; sapientia Filio; amor Spiritui Sancto: ergo personæ non sunt aequales in essentia, & in attributis. II. Aeternitas non convenit Filio, & Spiritui Sancto; quia aeternitas, quum sine, & principio: careat, convenire non potest iis, qui principium habent: ergo respectu saltem aeternitatis personæ non sunt aequales. III. Paternitas est dignitas, & tamen reperiatur in una persona, & non in aliis: ergo talcum ratione hujus dignitatis personæ non sunt aequales. IV. Majorem perfectiōnem dicunt omnes relationes simul sumptae, quam una, aut alia relatio seorsim

accepta; ergo personæ sigillarum sumptae non sunt aequales in perfectione personis simul acceptis.

Respondemus ad I. quod quanvis eadem essentia, & eadem attributa, non repertantur in singulis personis secundum illum loquendi modum, qui dicitur appropriatio, & quem nuper explicavimus; reperiuntur tamen cum omnimoda identitate, & aequalitate a parte rei; & hoc sufficit, ut aequales omnino dicantur. Ad II. dicitur, quod aeternitas careret principio durationis, quo quidem omnes divinæ personæ carent; quanvis Filius, & Spiritus Sanctus habeant principium originis. Fit proinde aequivocatio in principio, quod diversimode sumitur in argumento. Ad III. dicitur quod perfectio, quam dicit Paternitas, est in aliis personis per circummissionem; de qua mox loquemur. Ad IV. eadem est responsio; quodlibet enim cuiuslibet personæ est per circummissionem in alia.

Consubstantialitas superat difficultatem quandam, quae potest esse in aequalitatibus aequalitas enim, si in rigore loquamur, importat distinctionem, quia nemo dicitur aequalis sibi ipsi, sed alteri; quum ergo in tribus divinis personis una sit substantia, melius visum fuit dicere illas consubstantiales, quam in rigore aequales. Vox consubstantialis, quae latina est, correspondet græcæ voci Homousios; & maxime adhibita fuit in Niceno Concilio ad exprimendam unitatem essentiæ, & substantiæ trium divinarum personarum. Porro hæc una vox simul condemnat Sabellium, & Arium; Sabellium, quia idem non potest essi sibi consubstantialis; si ergo Pater, Filius, & Spiritus Sanctus, sunt consubstantiales, non sunt una persona, sed plures, quae consubstantiales dicuntur. Arium quoque, quia si Pater, Filius, & Spiritus Sanctus non haberent unam naturam, non essent homousii, seu consubstantiales, sed essent homiousii, hoc est similis substantiæ, quæ ipsius hæresis erat. Unde nec dicendæ sunt divinæ personæ secundum Sabellium Synusii, quod excludit pluralitatem personarum; nec homiousii secundum Arium, quod excludit unitatem naturæ; sed homousii secundum Catholicos, quod importat distinctionem in personis, & in natura unitatem. Hinc Epiphanius hæres. 69. scribebat: *Ut serpens bituminis odorem refugit, aut cerva balutum, aut gagata lapidis, aut syracis suffitum.* Sic Arius, & Sabellius

bellius illam veritatem consubstantialis professionem exosam habent. Liberius Papa ep. 11. ad Orientales circa medium de Fide Nicena sic loquitur pariter de hac voce: *Quia nomine consubstantialis comprehensa tanquam propugnaculum firmum, & inexpugnabile omnes impetus, & machinas Arii refundit, & reprimit.* Marianus Victor in Opusc. de voce homoufios vocem hanc *divinitus inventam fuisse* tradit. Et S. Athanasius lib. de Synodo Ariminensi eam vocat *columnam, vel cippum, in quo illorum, nempe Arianorum, impietas proscriptitur, ac velut trophane de ea superata, prostrataque statuitur.*

Ariani opponebant Catholicis novitatem vocis; secundo etiam opponebant, quod ea usi fuissent Sabelliani ad probandum distinctionem numericam naturarum in personis divinis tanquam inconveniens; tertio opponebant, quod vocem illam exosam habuit Constantinus Imperator, ut legitur in epistola, quam scripsit per Hosium, Cordubensem Episcopum, ad Alexandrum, & Arium; quarto tandem, quod vocem homoufionis & consubstantiam Concilia Ariminense, & Sirmiense, proscripterunt, atque damnarunt.

Respondebant nihilominus Catholici ad haec omnia; & quidem ad I. primo, argumentum esse retorquendum contra Arium, qui multas vocum novitates in medium induxit; ut enim ait S. Athanasius lib. de Synodo: *Num si penitus excludenda putare vocabula omnia non scripta, cur Aries tantum acervum distinctionum, qua nusquam in Scripturis occurrunt, accumulaverit?* Quales sunt; ex non extantibus; & non erat Filius, antequam gignoretur; & erat, quando non erat; & mutabilis est; & ineffabilis est; atque invisibilis Pater suo Filio; & Filius ne suam quidem noverit substantiam. Et cetera, qua in ridiculo, impioque commentatio suo Aries evomuit ex opinione sua, non illi contradixerunt? Et S. Hilarius in lib. cont. Constantium Imperatorem Arianum: *Non novitates vocum, sed profanas devitari jubet Apostolus; tu cur pias excludis, cum præsertim ab eo dictum sit: Omnis Scriptura divinitus inspirata utilis est?* Innscribilem scriptum nusquam legis; nunquid & hoc negandum erit, quia novum est? Decernit similem Patri Filium; Evangelia non praedicant. Quid est, quod non refugis hanc vocem? In uno novitas eligitur, in alio submovetur. Vbi impietas occasio patet, novitas admittitur; ubi autem religionis maxima, & sola cautela est, excluditur.

PAR II.

Secundo dicebant, homoufion nomen non esse novum; quia illud usurpaverat Tertullianus lib. 4. cont. Marcionem. Parizer Dionysius Alexandrinus in epistola, ad Dionysium Romanum dixit, Christum esse *spousum regis*, consubstantialem Deo; ut testatur Athanasius in lib. de sententiis Dionysii contra Arianos, & de Synodo. Afferunt etiam recentiores Catholici quidam testimonia Prochori in vita S. Joannis, & Martialis in epist. 1. ad Burdegalenses c. 10., sed inter Eruditos nostrorum temporum nemo dubitat, supposititia esse haec opera, & falso Auctoriibus, quorum nomina praeserunt, tributa; ut ipse Bellarminus censet. Verbum Eusebius ipse, Episcopus Cæsariensis, et si Arianus, postquam tamen Nicenæ Synodo subscriptis, dixit: *Novimus quosdam ex priscis eruditos, & praelatos Antifitites, aliasque Scriptores, cum de Patris, & Filii deitate loquerentur, voce consubstantialis usus esse.* Refertur haec Eusebii epistola & Theodoreto lib. 1. hist. c. 12. Tertio occurrabant dicendo, quod sicut novis morbis nova remedia adhibentur, ita novis erroribus novæ fidei formulæ opponuntur. Quæ fuit responsio Athanasii in disputacione habita Laodiceæ, coram Probo: Ecclesiastica semper moris est discipline, si quando Hereticorum nova doctrina exurgit, contra insolentes questionum novitates, rebus immutabiliter permanentibus, nominum vocabula mutare, & significantius rerum naturas exprimere, que tamen existentiam causarum virtutibus congrua, & quæ magis easdem antiquitatis fuisse demonstrent.

Ad II. Verum est, quod refert S. Athanasius in lib. de Synodo Ariminensi, & Seleuciensi, Paulum Samosatenum, assertorem, Christum non esse a Deo ab aeterno genitum, sed tantum in tempore ex Maria ortum, hoc argumentum adhibuisse; Si hoc non esset, sequeretur, Christum esse Patri consubstantialem; adeoque tres esse substantias, unam primariam, & duas ex illa derivatas. Et sic videtur intellexisse vocem consubstantialis pro unitate specifica, non numerica naturæ; quemadmodum in creatis Pater dicitur consubstantialis Filio, quia Petrus scilicet Filius habet eandem naturam cum Paulo Patre, a qua eam per generationem accepit; eandem quidem specie, non numero. Unde, ut testatur etiam in fine illius libri idem S. Athanasius, Episcopi, qui conuerterant Antiochiae, numero septuaginta, vel secundum S. Hilarium octoginta,

Q 2

con-

contra Samosatum decreverunt, Filium non esse homousion, id est consubstantiam Patris; sed in eo sensu, quo vocem illam intelligebant Samosatenus, ejusque Sestatores. Unde ex hoc facto nos deducimus pro nobis, vocem illam non esse novam, & primo in Nicæna Synodo inventam; & deinde probamus Hæreticorum intelligentiam, & pro re nostra sañori modo intelligimus. Audiatur S. Hilarius lib. de Synodis circa finem; *Male homousion Samosatenus confessus est; sed numquid melius Ariani negaverunt?* Octoginta Episcopi plim respuerunt; sed trecenti decam, & octo nuper receperunt. Illi contra bareicum improbarerunt, si & probando, & improbando unum utrique statuerunt. Quid bene constituta canvellimus?

Ad III. Vera sunt verba, quæ in Epistola Hosii Constantini nomine scripta sunt ad Alexandrum, & Arium; quæ sunt sequentia: *Valde exilis, & neutquam tantâ contentionē digna visa est;* Et inferius: *De innani quadam questionis particula sc̄iscitaberis;* Et in super: *De rebus hujusmodi nec omnino rogetis, nec ad rogatum respondentis;* Tales enim questiones, quales nulla lex, canonice ecclesiasticus necessario prescribit, sed inanis dissoluti otii certatio proponit. Sed ad hæc respondemus, quod p̄tētissimus Cæsar zelo, quo æstuabat, impulsus, quæstiones illas in Ecclesia omni studio componere satagebat. Et quia dictum ei fuerat, quod ex solius hujusce vocis impedimento concordia retardabatur; ideo erat, quod vocem illam, non satis eam intelligens, tanquam impedientem maximum bonum in Ecclesia, exosam habebat. Sed postea de rei veritate certior factus, a priori sententia recessit, & Nicænam Fidem amplectens, omnia, quæ in Synodo illa statuta sunt, adoravit. Legimus in lib. 2. Concil. Nicæn. paulo ante subscriptiones in fragmento; quod Constantinus Imperator laudabat Deum, cum divina hæc audiisset dogmata, & gaudens de nostrorum Episcoporum concordia, exultabat spiritu: Studebat enim neminem, neque magnum, neque parvum, ab hac confessione dissentire. Referuntur pariter in lib. 4. ejusdem Concilii epistolæ orthodoxæ, quas contra Arium scripsit, & evulgavit.

Ad IV. Ariminense Concilium, quod deinde Arianæ Hæresi faverit, plurimi non recipiunt, quin & apertissime respuunt. Verum in eo nihil contra aut vocem, aut rem, homousios, seu consubstantialis, decreum legitur; sed potius veritas catho-

lica definita continetur; & Valens, & Ursacius, cum ipsorum octoginta sequacibus, condemnati. At non probans hæc Constantius, Imperator, Arianis addictus, coacti sunt ab illo aliqui ex illis Patribus Arianorum confessioni subscribere; & hinc est, quod Ariminense Concilium in Conciliabulum transit. Attamen Conciliabulum fuit ex præfata injusta subscriptione, vi & minis ab Imperatore extorta; non vero quod in illo res fidei, & præcipue consubstantialis vox, aut proscripta, aut mutata, aut damnata, fuerit. Pariter in Sirmiense Concilio omnia per vim gesta, fuerint; ut quando de ipso in superioribus agebamus, diximus.

Ratio autem, propter quam fuit vox ista, homousion, seu consubstantialis, adhibita, fuerunt variæ fidei formulæ, omnes quidem ambiguæ, & captioñæ, quas Ariani proponebant; simulque intelligentiae, a vero, & catholicō sensu alienæ, qua Catholicorum formulæ impingebant. Quum enim Catholici proposuissent dicere, *Filiū esse Deum de Deo unigenitum;* Eusebius, Nicomediensis Antistes, apertus Arianorum fautor, & ipse Arianus, dixit cæteris suis sociis, se recepturum hanc Catholicorum formulam, quia omnes res creatæ similiter sunt ex Deo. Catholici addiderunt; *Filiū esse ex substantia Patris.* Ariani assentiebant; quia *Filius*, uti dicebant, *est potentia, & imago Patris, eique per omnia similis, & immutabilis.* Tunc Catholici, ad præcludenda Hæreticis effugia omnia, vocem homousion induxerunt, affirmantes, *Filiū esse Patri consubstantiale;* hoc est non solum similis, sed ejusdem omnino naturæ, ac substantiæ, cum Patre.

Verum primus vocis hujusce inventor fuit Eusebius Nicomediensis, ut testatur S. Ambrosius lib. 3. de fide c. 7. Scripsit Eusebius epistolam ad suos Consecrarios, in qua eos admonebat, ne concederent Filiū esse verum; quia hoc idem esset, ac fateri Filiū consubstantiale; quod quidem eorum sententiae erat omnino contrarium. Hæc epistola incidit in manus Catholicorum; unde ipsi postmodum, ad Eusebii, & aliorum Arianorum, cavillationes excludendas, hac voce usi sunt. Audiatur Ambrosius: *Nam cur homousion Patri nolint Filiū dicere, nisi quia nolunt verum Dei Filiū confiteri?* Sicut author ipsorum Eusebius Nicomediensis epistola sua prodidit dicens; si verum, inquit, Dei Filiū, & increatum dicimus, homousion cum Patre inci-

incipimus confiteri. Hac cum letta esset Epistola in Concilio Nicano, hoc verbum in tractatu fidei posuerunt Patres; quod id viderent Adversariis esse formidini, ut tanquam evaginato ab ipsis gladio, ipsorum nefanda carpat heresis amputarent. Et quanvis Ariani omnia alia vocabula, a Catholicis inventa, clusissent; hoc tamen homousion cludere non valentes, illud toto conatu oppugnauit. Quod adnotavit Nazianzenus or. 49. Potuissent homousion, sicut & cetera, verbotenus nominare, si habuissent quomodo illud ad aliam intelligentiam suo sensu perveterent. Sed cum viderent se in hoc verbo concludi, nullam omnino mentionem hujus rei fieri voluerunt; ne aut profendo crederent, aut credentes professi videbentur, subili ingenio excusantes, quod aut scriptum non esset, aut Deum in substantia dici non oporteret, ne corporeus videretur. Et S. Athanasius lib. de Synodo Ariminensi addit: Vocis istius exquisita ratio, cum omnium ipsorum simulationem, siquidem illum dicant ex Deo esse, redarguit; tum eorum argutias, quibus simplices circumveniunt, excludit. Sane quum omnia sophisticis calumnias adulterare, & immutare possint ad arbitrium; solam hanc distinctionem, ut quae ipsorum convincit heresim, reformidant; quam quidem Patres pro munimento, & arte contra omnia illorum impia commentaria scriptam objecerunt. Hæc de vocis hujuscem homousion, seu consubstantialis, origine, nativitate, progressu, ac artibus demum, quibus eam fidei hostes oppugnarē conati sunt; opportunum visum est adnotasse; quæ quidem omnia ex Frassen & ex Petavio lib. 4, de Trinit. c. 5. a quo fortassis Frassen ipse traxerat, excerpimus, & in clariorem merendum redigere, quantum pro viribus licuit, studuimus.

Circuminssessio, vel ut aliis placet, Circumincepsio, in Dissertatione 110. sicut a nobis explicata, ad quam Legentes remittimus. Hic solum aliqua addimus, quæ ipsius præferunt usum in disputando contra Sabellianos, & Arianos, & quem pariter antiqui Patres adhibuerunt; solventes postmodum quæ contra ipsam Adversarii opponere student. Et quidem multum inservit Circuminssessio contra Arianos; nam si Pater est in Filio, & si Filius est in Patre, necessario Pater, & Filius consubstantiales sunt. Quod sic probatur. Debent necessario esse ambo immensi, æterni, increati; quia si unus non esset immensus, non esset ubique esse alius; si unus non esset æternus, non esset

omni tempore in alio; si unus non esset incrementus, non posset intime pervadere, & penetrare divinam essentiam: ergo ambo sunt increati, immensi, æterni; ac per consequens consubstantiales. Inservit quoque contra Sabellianos; nam si unus est in alio; sunt duo, & non est unus; non enim est in se ipso, sed in alio. Unde Cyrillus Alexandrinus scribebat in lib. 12. thesauri: Eo ipso quod ait Christus, bunc in illo, & illum in hoc, videri, identitatem deitatis, & unitatem substantis, monstrari dicit: Cum autem alterum in altero inesse assertit, excludi illud, ne quis unum aliquid esse numero putet.

Quod autem hac ratione usi sint Patres ad Hæreticos hosce confodiendos, ex ipsorum testimoniis elucescit. Athanasius or. 5. adv. Arianos, sope asserit, Verbum impartibile, & inseparabile esse a Patre, quod Verbum sit in Patre, & vicissim Pater in Verbo. En circuminssessionis usus apud Athanasium. Augustinus lib. 6. de Trinit. c. ult. Ita & singula sunt in singulis, & singula in omnibus, & omnia in omnibus, & unum omnia. En circuminssessionis usus apud Augustinum. Dionysius Alexandrinus in epist. ad Dionysium, Romanum Pontificem, eadem utitur, ut calumniam depeliat, qua ab Adversariis suis afficiebatur, dicentibus, se adversus Sabellianos pugnantem, Patrem a Filio, & Spiritu Sancto separasse. En tertio seculo, quo Dionysius floruit, circuminssessionis usus apud eundem.

Opponunt autem Adversarii I. Si Pater est in Filio, pariter Paternitas est in Filio; paternitas enim est forma, qua Pater est Pater, unde ubicunque erit Pater, Paternitas quoque erit. Si autem Paternitas est in Filio, Filius erit Pater. Sicut enim, quia Paternitas est in Patre, Pater est Pater, ita etiam quia Paternitas est in Filio, Filius erit Pater: hoc autem non est dicendum: ergo nec pariter dici potest, quod Paternitas sit in Filio, & quod in Filio sit Pater. II. Personæ divinæ se invicem excludent, quia relative opponuntur; non enim idem potest referri ad seipsum. Quæ autem se invicem excludent, non possunt esse in se mutuo: ergo nec Pater est in Filio, & in Spiritu Sancto, nec Filius in Patre, & Spiritu Sancto, nec Spiritus Sanctus in Patre, & Filio.

Respondemus ad I. cum Juenino, quod in Patre Paternitas est per modum formæ, & proprietatis personalis, cuiusmodi non est in Filio; & ideo in Patre facit, ut sit Pater,

Pater, in Filio vero non facit, ut sit Pater. In Filio enim tantum est per simplicem identitatem cum essentia; quia Personæ Trinitatis non tantum sunt in invicem secundum essentiam, sed etiam secundum relationem; non autem per modum relationis, sed per modum identitatis cum essentia, seu natura. Alii dicunt, quod sint in invicem per concomitantiam; unde in Christo in Eucharistia existente dicitur etiam, quod sit Pater, & Spiritus Sanctus, sed per concomitantiam. Et proinde Ecclesia canit in sanctissimæ Trinitatis festo: *In Patre totus Filius, & totus in Verbo Pater.*

Ad II. dicitur, quod vere sese invicem excludunt, quæ relative opponuntur secundum omnia, non vero, quæ secundum aliqua tantum opponuntur. Personæ Trinitatis opponuntur relative secundum aliqua, scilicet prout dicunt relationes, quæ se habent per modum formæ determinantis essentiam divinam, ut sub tali ratione existat, seu sub ratione Patris, aut Filii, aut Spiritus Sancti: non autem opponuntur secundum omnia, quia secundum essentiam convenienter. Paternitas enim realiter, & entitative est idem cum essentia, cum qua pariter est realiter, & entitative idem filiatio, & spiratio passiva. Hanc responsonem Jueninus desumit a S. Thoma, i. p. q. 42. ar. 5. ad 3. docente: *Dicendum, quod Pater, & Filius, opponuntur secundum relationes, non autem secundum essentiam; & tamen oppositorum relative unum est in altero, ut dictum est.*

Notiones pariter explicavimus in Dissert. CXI. in qua diximus, quid, & quorūplex sit notio in divinis; & quod Theologi de schola notionis nomen, seu potius significatum, a Sanctis Patribus desumperunt; ut Bellarminus facetur, & Petavius nondifficitur. Hic autem addimus, quod tria ad notionem requiruntur; primo, ut nomen, quod per ipsam significatur, exprimat aliquem characterem, qui importet dignitatem; secundo, ut aliquid speciale, ac distinctivum dicat; tertio, ut pertineat ad originem; quia in divinis nihil est distinctivum, & speciale, quod ad originem non spectet. Quæ omnia in notionibus divinis verificantur, ut illas consideranti manifestum redditur.

Opponunt I. Innascibilitas est negatio; negat enim nascibilitatem, producibilitatem, generabilitatem; unde idem est ac negatio nascibilitatis, producibilitatis, generabilitatis; sed negatio non potest esse notio;

quum non possit deducere audientem in cognitionem personæ, cuius est notio; ergo innascibilitas non est notio. II. Spiratio activa est communis Patri, & Filio; sed notio debet esse specialis unius Personæ; quum significare debeat proprium, & speciale characterem illius; ergo Spiratio activa non est notio in divinis. III. Præter quinque notiones communiter assignatas, dantur etiam inspirabilitas in Filio, & ingenerabilitas in Spiritu Sancto, quæ sunt notiones Filii, & Spiritus Sancti; sicut innascibilitas est notio Patris: ergo septem sunt notiones. IV. Notiones etiam sunt personarum generatio, nativitas, verbum, imago, donum, amor; quæ deducunt nos in speciale cognitionem divinarum personarum: ergo fere ad decimum tertium numerum notiones perveniunt.

Respondemus ad I. Negationem illam, quæ deprehenditur in innascibilitate, fundari in positivo; quia fundatur in eo, quod prima Persona sit a se; quando duæ aliae, tanquam a principio originis sunt ab alio. Negatio autem, quæ non fundatur in positivo non potest esse notio; potest tamen esse illa, quæ in positivo fundatur; quemadmodum est innascibilitas.

Ad II. Non est verum, quod notio debet esse specialis unius personæ, sed verum est, quod non debeat esse communis pluribus personis; si per plures personas intelligantur tres personæ, non vero si intelligantur duæ. Et ratio est, quia si intelligantur tres, essent communes toti Trinitati, adeoque nullo modo speciales essent; cuiusmodi essent quidem, si intelligantur duæ, quia duæ Trinitatem non constituant.

Ad III. Hæc est differentia inter innascibilitatem, & inter ingenerabilitatem, & inspirabilitatem, ratione cujus illa est notio in divinis, non vero istæ; quia innascibilitas est negatio, quæ fundatur in positivo, quod dignitatem importat; importat enim esse a se; ut nuper diximus: At ingenerabilitas, & inspirabilitas, etsi dicantur in positivo fundari, nulla tamen dignitas a positivo illo importatur; quia si esset dignitas non generari, non esset dignitas generari; & si esset dignitas non spirari, non esset dignitas spirari; & inde est, quod nec ingenerabilitas, nec inspirabilitas notiones esse possunt.

Ad IV. dicitur, quod generatio, & nativitas, exprimunt fieri divinarum personarum, non vero significant personas jam-

existentes, scilicet prout sunt, ex existunt; unde non possunt in notionum numero collocari. Pater enim non est Pater, nisi post generationem; & Filius non est Filius, nisi post nativitatem: unde neutra ex illis potest esse notio personarum ut existentium. Verbum, & imago, sunt synonima cum filiatione; donum, & amor, sunt pariter cum spiratione passiva synonima.

Remanet, ut Missionem Personarum in divinis explicemus; de qua nihil in superioribus diximus. Missio in divinis est processio unius personæ ab alia in ordine ad aliquem effectum ad extra de novo producendum. Et quidem dicitur processio unius personæ ab alia, quia missio est tanquam emissio missi a mittente, sicuti flores a planta emittuntur; divinae autem personæ tantum per processionem emittuntur. Dicitur quoque ad aliquem effectum ad extra de novo producendum; quia missio est ad aliquid, quod antea non erat; unde aliqui dicunt, ad aliquem effectum temporalem; & per consequens denotat aliquid ad extra, quia operaciones ad intra sunt ab æterno. Ex his autem duobus, quæ dicit Missio, scilicet processione, & effectu ad extra, quodnam dicatur principalius, & in recto, quodnam vero minus principaliter, & in oblique; quæstio est inter Thomistas, & Scotistas; pro qua Scribentes pro utraque parte videre poterunt, qui eam videndi desiderio tenentur. Augustinus certe lib. 2. de Trinit. c. 5. de utroque sic scribit: Si ergo (Filius) missus dicitur, in quantum apparet foris in creatura corporali, qui intus in natura spirituali oculis mortalium semper occultus est: jam in promptu est intelligere etiam de Spiritu Sancto, cum missus & ipse dicatur. Facta est enim quadam creatura species ex tempore, in qua visibiliter ostendetur Spiritus Sanctus... Hæc operatio visibiliter expressa, & oculis oblata mortalibus, missio Spiritus Sancti dicta est.

Unde habemus, quod missio, sumpta adæquate, & proprie, dicit quid æternum, processionem scilicet æternam, & quid temporale, effectum nimirum ad extra, temporaliter producendum. Soli Filio, & Spiritui Sancto, competit mitti; quia illis tantum competit processio, sine qua non est missio. Pater autem nunquam mittitur, nec improprie quidem, quia nunquam ab alio potest procedere. Et si Pater carnem sumpsisset, ut de facto Verbum sumpsit, neque missus potuisse dici. Augustinus

lib. 2. de Trin. c. 5. Pater nunquam legitur missus. Et lib. 4. c. 20. Pater, cum ex tempore a quoquā cognoscitur, non dicitur missus; non enim habet, de quo sit, aut ex quo procedat. Et lib. 6. c. 4. Quoniam non habet authorem, a quo genitus sit, vel a quo procedat.

Quod autem hæc missio personarum in divinis sit, & existat, clarum ex Scripturis habemus; Joan. 8. Et si judico ego, iudicium meum verum est, quia solus non sum: Sed ego, & qui misit me, Pater. Joan. 10. Quem Pater sanctificavit, & misit in mundum, vos dicitis; quia blasphemat; quia dixit Filius Dei sum. Ad Galatas 4. Quando venit plenitudo temporis, misit Deus Filium suum. Joann. 16. Si autem abiiero, mittam eum ad vos. Magister Sententiarum in 1. dist. 4., ut distinguat duplē missionem, æternam scilicet, & temporalem, duplē quoque distinguat processionem, æternam pariter, & temporalem. Unde dist. 15. §. quod duobus modis, probat, quod a quibusdam processioni æternæ Filii tribuatur missio-nis nomen; & quod etiam tribuatur processio-ni æternæ Spiritus Sancti; affert re-stimonium S. Gregorii magni hom. 26. in Evangel., ubi postquam dixerat de Fi-lio: Eo ipso a Patre Filius mitti dicitur, quo a Patre generatur: De Spiritu Sancto. subdit: Ejus missio ipsa processio est, qua de Patre procedit, & Filio. Denique, quod processio temporalis vocetur missio, probat testimonio Bedæ, in hom. Domini. 1. post Ascensionem dicentis: Cum gratia Spiritus Sancti datur hominibus, profecto midetur Spiritus a Patre, mittitur & a Filio; procedit a Patre, procedit & a Filio; quia & ejus missio est ipsa processio.

Unde primo dividunt Theologi Scholastici Missionem in propriam, & impropriam. Impropria est illa; quam modo ex Magistro diximus esse processionem æternam; vel quæ tribuitur effectui temporali manifestativo personæ procedentis, qui quidem effectus, sicut est a tota Trinitate, ita pariter a tota Trinitate dicitur facta mis-sio. Et in hoc sensu S. Augustinus lib. 2. de Trinit. c. 5. dixit Filium missum a Spi-ritu Sancto, & a se ipso. Propria missio, quæ est illa, quam definiimus, dividitur in activam, & passivam; in visibilem, & invisibilem. Divisio in activam, & passi-vam, est ratione processionis æternæ, quam diximus importari a missione pro-prie dicta: Et divisio in visibilem, & in-visibilem, est ratione effectus ad extra, seu termini temporalis, qui etiam a missione pro-

## 128 Dissertatio CXX. De Appropriatione, &c.

proprie dicta importatur. Missio activa dicit processionem, seu originem activam in ordine ad effectum ad extra; missio passiva dicit processionem, seu originem passivam in ordine ad eundem effectum. Missio visibilis est processio unius personae ab alia in ordine ad effectum ad extra, mediante aliquo signo sensibili, quod ut plurimum soleret esse visibile; missio invisibilis est processio unius personae ab alia in ordine ad sanctificationem creaturæ rationalis per donum invisibilis gratiae. Aliæ subdivisiones apud Scholasticos passim inveniuntur.

Opponunt contra hæc dicta I. In divinis est omnimoda æqualitas: ergo non est missio, quæ majoritatem dicit in mittente, minoritatem in missio. II. In divinis non datur separatio: ergo non datur missio, quæ importat separationem missi a mittente. III. SS. Patres docent, missionem a Patre aliud non esse, quam Filii a Patre processionem; ita Cyrillus lib. 2. in Joan. IV. Patres etiam agnoscunt aliquando missiōnem, ubi nulla est processio; dicunt enim Filium mitti a seipso, & a Spiritu Sancto; & præcipue hoc legitur in Concilio Toletano XI. in professione fidei.

Respondemus ad I. quod in missione, de qua loquimur, est tantum prioritas originis in mittente; & hæc sola salvat missionis rationem; absque eo, quod in illa dicatur majoritas vel per imperium, vel per consilium, quæ neutiquam in divinis esse potest.

Ad II. Separatio in missione locum habet in creatis, quia qui mittitur, mittitur in locum, in quo nec missus, nec mittens, prius erant: Non vero in divinis, ubi tam mittens, quam missus, sunt propter immensitatem in omni loco; quanvis missus incipiat in eo esse secundum quid, secundum modum scilicet extrinsecum.

Ad III. vel dicitur, quod Patres loquuntur de missione impropriæ dicta, quam nuper explicavimus; vel quod intelligendi sunt de missione inadæquata, quæ aliud non dicit, quam alicujus personæ æternam processionem; missio autem adæquata importat etiam effectum ad extra, ut diximus.

Ad IV. dicitur, quod modo explicatum est de missione; quæ a tota Trinitate dicitur facta, secundum Augustini auctoritatem, quam de impropria missione intelleximus. Sic pariter Concilii Toletani testimoniūm intelligimus.

Remanet, ut loquamur de Dei apparitionibus in veteri testamento factis, cuinam personæ tribuendæ sint? Ariani intelligebant de solo Verbo, quia non erat invisible, sicut Pater. Patres non pauci ex antiquis intellexerunt etiam de Verbo, afferentes tamen contra Arianos, & Verbum esse consubstantiale Patri, & esse invisible, sicut est Pater. Fuerunt Justinus, Ireneus, Athanasius, Cyrilus, Basilius, Chrysostomus, Ambrosius, & Patres antiocheni Concilii in epistola synodica ad Paulum Samosatenum. Augustinus tamen, & fere omnes Patres Latini post ipsum, docuerunt I. Non solum Verbum, sed etiam aliquando Patrem, aliquando Spiritum Sanctum, aliquando totam Trinitatem simul apparuisse. II. quando Scriptura non exprimit, non posse sine temeritate dici, quænam persona apparuerit potius, quam alia. III. tribui debere apparitiones Deo ut causæ principali, ut instrumentalis Angelis. IV. per Angelum non intelligi Verbum, quando in Exodo, vel in aliis Scripturæ libris legitur, quod Angelus apparuerit. Videatur Augustinus lib. 2. de Trinit. c. 9. 10. & 11., ad quem Legentes remittimus.



DIS:

# DISSERTATIO CXXI.

*De Prima Trinitatis Persona ; de ejusdem nominibus, & quomodo ipsi convenient ; quodnam sit proprium ipsius nomen, & an solum ipsum in ratione primæ personæ eam constituat ?*



Rima Trinitatis Persona vel consideratur secundum suam primitatem, ut ajunt Scholasti ; quatenus scilicet a nulla alia persona originem dicit ; & dicitur Innascibilis , seu Ingenita : vel spectatur per respectum ad Filium , quem sola ipsa produceit ; & vocatur Pater : vel denique inspicitur per habitudinem ad duas personas, quas producit, & quibus suam deitatem communicat , ex infinita sua fecunditate ; & appellatur earum principium : Præter hæc nomina, alia etiam eidem primæ Personæ tribuuntur ; veluti caussæ, initii, auctoris, radicis, capitis, fontis; de his omnibus videbimus, quomodo ipsi convenient ; quodnam sit proprium ejus nomen ; & an solum hoc nomen ipsam in ratione primæ personæ constituat :

Observare pariter juvat , quod in divina Trinitate numerantes personas , unam primam, aliam secundam , aliam tertiam , non attenditur præcisè ordo numeri , qui est ad arbitrium numerantis ; siquidem non potest a numerante numerari ut prima, quæ est secunda, vel tertia; sed necessario debet dicere primam unam , & non aliam, vel alteram. Ulterius non consideratur ordo durationis ; quia omnes sunt æqualiter æternæ ; & nulla in hoc durationis ordine dici potest prima . Insuper non inspicitur ordo dignitatis , perfectio- nis, dominii, principatus &c.; quia omnes in hoc quoque ordine sunt omnino æqua- les . Attenditur igitur solummodo ordo originis ; & sic inspicitur ordo rei numera- ræ , qui ex origine derivatur ; sive una persona dicitur prima , quia origine alias præcedit ; alia dicitur secunda , quia pariter præcedit aliam origine . Unde di- vinis personis negatur numerus , & con- ceditur ; negatur numerus prædicamen- talis , & quantitativus , qui rebus mate- rialibus convenient ; conceditur vero nu-

merus trascendentalis, qui rebus omnibus convenit . S. Hilarius in lib. de Synodis , vel alias Pater , si dicunt , divinam sub- stanciam non habere numerum, intelligun- tur , vel de substantia , non de personis ; vel de numero prædicamentali , non tra- scendentali ; ut explicant Theologi , & præcipue Eustius in 1. dist. 24. §. 1.

Ad particularia modo nomina primæ Tri- nitatis personæ convenientes , exordium sumimus a nomine innascibilis , vel inge- niti . Ingeniti nomen primo invexit Aë- tius , Magister Eunomii , teste S. Athana- sio dialog. 2. de Trinit. Ariani postmodum illud in usum induxerunt, ut facilius divini Verbi consubstantialitatem impugna- rent . Sic enim contra Catholicos argue- bant : Vel sunt plures ingeniti , vel unus . Si unus: ergo Filius non est ingenitus , sed solus Pater , & per consequens Filius est creatura : Si plures sunt ingeniti , scilicet Pater , & Filius , & Spiritus Sanctus : er- go tres erunt Dii . Ex quo argumento Arianorum deducimus , apud ipsos pro certo fuisse , naturam Dii consistere , ut sit ingenitus . Unde S. Epiphanius hæref. 76. testatur , Aëtium ex hoc solo nomine in- geniti plusquam quadraginta argumenta desympsiisse contra Catholicos ; & Nazian- zenus or. 37. ingeniti vocabulum dicit , arcem , ac murum perfugii Hæreticorum iistorum ; & Nyssenus lib. 1. cont. Euno- mium vocat , propugnaculum , unde in cat- holicum dogma impressionem faciebat Euno- mius . Et propter hoc fuit , quod plerique Patres hoc ingeniti nomen abominati sunt , & a theologia rejiciendum omnino dixerunt ; quod afferit Athanasius or. 2. cont. Arianos circa medium : Vanam esse institutionem hujus vocis , cum nihil aliud in se contineat , nisi meram præstigiationem .

Quæ quum ita sint , necessarium ducimus ex- ponere , quot significaciones hæc vox in- genitus habere possit . Et quidem sunt quatuor , ut ait S. Athanasius or. 2. cont.

R

Aria-

Arianos. Prima est, quando opponitur factum, seu existens, & idem est ac inse-  
stum, seu non-existentis, sed quod potest  
existere: Unde cit. loc. Athanasius: *Sic  
ingenitus dicitur, quod nondum factum est,  
ut lignum, quod nondum abiit in formam  
scaphæ.* Secunda est, quando est idem ac  
res, quæ nec existit, nec existere potest.  
*Sicut triangulus*, ait Athanasius, *nulla ra-  
tione fieri potest quadrangulus.* Tertia qua-  
tenus dicit improductum; unde Athana-  
sius; *ingenitus esse, quod jam est, sed  
natum ab aliqua non est, nec aliqua ratione  
sua originis Patrem habet.* Quarta est,  
quando significat quod factum non est, sed  
est sempiternum, & incorruptum; ut idem  
Athanasius explicat. In tercia significa-  
tione solus Pater est ingenitus; unde dicit  
Athanasius: *unicum, & solum Patrem esse  
ingenitum.* In quarta vero significacione  
non minus Pater, quam Filius, & Spiritus  
Sanctus, sunt ingeniti; quia omnes sunt  
æterni, & in corrupti; unde Maximus,  
Taurinensis Episcopus, in homil. de sym-  
bolo, deitatem dicit ingenitam, & inna-  
scibilem: *In Deo natura innascibilis, in  
Patre Unigeniti veritas, in Omnipotente ple-  
nitudo virtutis ostenditur; est nanque per in-  
genitam deitatem omnipotens, & per omni-  
potentiam Pater.*

Præterea hoc nomen ingenitus, prout æter-  
no Patri convenit, accipi potest negative,  
& privative. Tunc accipitur negative,  
quando significat puram negationem pro-  
ducibilitatis; & in hoc sensu ratio ingeniti  
convenit deitati, quia deitas est omni-  
no incapax realis productionis. Tunc au-  
tem sumitur privative, quando negat  
omnem productionem, & producibilita-  
tem in subjecto, quod supponitur capax  
producere, ut persona est, licet non pro-  
ducatur, nec possit producere, quia talis  
persona est. Non repugnat enim Patri pro-  
ductio, ut persona divina est, quia de fa-  
cto alias personæ divinæ producuntur;  
repugnat autem ut Pater est; & hinc est,  
quod in eo ratio ingeniti sumitur privati-  
ve. Diximus, quod negat omnem pro-  
ductionem, ita ut idem sonet, ac impro-  
ductum, & improducible; quia si tantum  
negaret productionem, quæ dicitur gene-  
ratio, vel nativitas, Spiritus Sanctus etiam  
diceretur ingenitus, quum non sit neque  
genitus, neque natus.

Certum est tamen, quod ratio ingeniti, pro-  
pria primæ personæ, quanvis exprimat  
negationem, seu privationem; fundamen-  
taliter tamen importat aliquod positivum;

quod communiter Theologi docente cum  
S. Thoma in 1. dist. 28. q. 1. ar. 1. ad 1.,  
& Scoto in 1. dist. 28. q. 1. §. idea videtur  
dicendum. Positivum autem, quod pro  
fundamento dicit ratio ingeniti, aliqui  
putant, esse relationem paternitatis; ut  
Joannes a S. Thoma, *Lucus*, *Albertinus*  
&c. Alii volunt, esse relationem opposi-  
tam relationi geniti; ita *Præpositivus* apud  
Cacheranum: Alii sustinent, esse ratio-  
nen primi principii, quæ nec paternita-  
te, nec spiratione, sufficienter exprimitur,  
sed addie paternitati, sub proprio conce-  
pitu consideratæ, relationem rationis. Sic  
Vasquez, apud cit. Cacheranum: Alii  
denique defendunt, esse paternitatem, &  
spirationem activam indivisibiliter acce-  
ptas, & *Filium*, & *Spiritum Sanctum* in-  
divisibiliter respicientes; ita Alarcon,  
Aversa, apud eundem, ad quem Legen-  
tes remittimus.

Dicimus modo, nomen & rationem ingeniti,  
seu innascibilis, sive improducibilis,  
vel ut nimis scholastice dicunt, improces-  
sibilis, quatenus excludit privative omnem  
productionem, re vera esse propriam pri-  
mæ Personæ divinæ.

I. probatur ex Conciliis: Concilium Antio-  
chenum I. in professione fidei habet: *E-  
sse unum Deum ingenitum sine principio.* In  
quibus verbis, ait Frassen, quod nomen  
Dei supponit pro Patre, juxta morem  
Scripturæ sacrae. Concilium Nicænum  
generale I. lib. 2. Disputatori hæc crèden-  
da, & non scrutanda, proponit: *Unus in-  
genitus Deus, & Pater: Unus ex eo genitus,  
unigenitus Filius, Deus., Verbum.* Sic  
non est alter Deus cum Deo, & Patre inge-  
nitus; ita neque congenitus, neque prior, ne-  
que posterior Filius. Ad quæ fortassis respe-  
xit Athanasius in ep. ad Serapionem, re-  
latus a S. Thoma opusc. 1. cont. errores  
Græcorum c. 8. *In principiatum esse, & in-  
genitum soli Deo Patri Catholica Ecclesia  
congregata apud Nicæam fideliter attribuit,*  
& toti mundo sic esse credendum sub anath-  
emate mandavit.

II. probatur ex Patribus. Justinus Martir,  
vel quisquis est auctor libri sub tit. de Ex-  
positione fidei: *Si modum, quo Pater con-  
sistit, queras, cum eum a nullo alio ortum  
videas, ingenitum appellabis.* Basilius lib.  
2. con. Eunomium: *Ingenitum est, quod  
nullum principium habet, neque causam exi-  
stendi.* *Eternum* vera, quod omni tempore,  
ac seculo secundum esse antiquius est. Unde  
Filius neque ingenitus est, & est aeternus.  
Athanasius in QQ. de natura Dei q. 5. Pro-  
prium

**P**rius Patris ingenitum esse, Filii vero genitum, Spiritus Sancti procedere. Nazianzenus or. 23. Patris proprietas hæc est, quod ingenitus sit. Nyssenus lib. de differentia essentiae, & hypostasis: Eximum insigne, non amque solius Patris esse, quod a nulla causa subsistit. Augustinus lib. 15. de Trinit. c. 2. Pater solus non est de alio, ideo solus appellatur ingenitus; non quidem in Scripturis, sed in consuetudine disputantium. Idem repetit lib. 5. c. 5. & 6.

III. probatur Rationibus I. Nomen ingeniti secernit primam personam a quacumque alia: ergo est primæ personæ proprium. Probatur antecedens. Nomen ingeniti dicit, quod sit expers cujuslibet principiis, sive creationis, sive productionis, sive originis; sed hoc sufficit ad distinctionem aliarum personarum, quæ non sunt sine principio originis: ergo &c. II. In tribus divinis Personis unica est persona improducta, & hæc est Pater; sed quod sit improducta importatur per hoc ingeniti nomen; & quod sit improducta est ipsi personæ proprium: ergo ingeniti nomen est primæ personæ proprium. III. Ratio ingeniti est personali, & uni personæ conveniens: ergo est propria illius personæ, cui convenit: convenit primæ: ergo est propria primæ. Antecedens probatur. Per hanc rationem Pater distinguitur a Filio, & Spiritu Sancto, qui producuntur; etiam aliquo modo ab essentia, & attributis; quæ licet non producantur, tamen communicantur a Patre Filio, & Spiritui Sancto; & in hac ratione docet S. Thomas. 1. p. q. 34. ar. 4. ad 2. loquens de divina essentia, & in ea ratione, qua communicatur; dicit posse, quod est in Filio, vel in Spiritu Sancto ab alio, scilicet a Patre.

Argunt I. Nomen ingeniti non reperitur in divinis Scripturis, & Ethniciis Scriptoribus suam debet originem: ergo rejicendum; uti de facto S. Athanasius lib. 2. cont. Arianos rejecit. II. Hoc nomen ingeni vel respicit substantiam, vel relationem: Si substantiam: ergo est commune toti Trinitati; quod non est dicendum: Si relationem; assignetur ad quam personam ordinem dicat. Quæ quum non assignetur, infertur, neque respicere personam: ergo non admittendum, quum neque substantiam, neque relationem respiciat. III. Sicut prima persona non dicitur inspirabilis, ita nec debet dici ingenita; non enim minus spirat, quam generet; & non minus non generatur, quia generat, quam non spiratur, quia spirat. IV. ex Basilio

lib. 1. cont. Eunomium sic contra vocem ingeniti scribente: *Ego ingeniti sive innascibilis appellationem, quanvis summopere cogitationibus nostris congruat, tamen quoniam nullo loco in Scripturis ipsam inventio, & quoniam primum est clementum blasphemia istorum, silentio tradendam merito dixerim, praesertim cum Patris vox & id possit, quod ingeniti.* V. Genuina significatio hujus vocis ingeniti est, quod sit in creatum; sed esse increatum convenit omnibus tribus Personis: ergo non soli primæ Personæ. VI. Non posset salvari identitas substantiæ in Patre, & Filio, si Pater esset ingenitus, Filius vero genitus: ergo vel ambo geniti, vel ambo ingeniti. Probatur antecedens. Si essent consubstantiales, in nullo differre deberent: ergo vel dicendum ingenitum a genito non differre, vel ambos genitos, vel ambos esse ingenitos.

Respondemus ad I. Athanasius exosum habebat nomen ingeniti prout ab Ariani accipiebatur, scilicet pro eo, quod creatum non est: unde concludebant, Filium esse creatum, quia non est ingenitus; non vero prout illud accipiebant Catholicæ, hoc est pro eo, quod non solum non est creatum, sed etiam quod non est quovis modo productum, & per consequens cujuslibet principii est expers. Quod autem hæc vox in Scripturis non reperiatur, non per hoc est rejicienda, quando Scripturis non adversatur; nec per hoc, quod ab Ethniciis Scriptoribus sit inventa, abroganda est, quando catholicæ veritati non opponitur, sed famulatur.

Ad II. dicitur, vocem hanc nec respicere substantiam, nec relationem, sed respicere relativum, & habere pro fundamento relationem. Unde docet Augustinus lib. 5. de Trinit. c. 6. Ingenitus porro quid est, nisi non genitus? Non ergo receditur a relativio prædicamento, cum ingenitus dicitur. Sicut enim genitus non ad seipsum dicitur, sed quod ex genitore sit; ita cum dicitur ingenitus, non ad seipsum dicitur, sed quod ex genitore non sit, ostenditur.

Ad III. Ratio disparitatis assigatur, quia sub nomine ingemiti venit etiam inspirabilis, ut nuper diximus; non enim per nomen ingeniti negatur tantum generatio, vel nativitas, sed quæcumque productio, adeoque etiam spiratio.

Ad IV. Basilio displicuit vox ingeniti prout significabat quod non est creatum; quomodo eam Ariani accipiebant, ut dictum est in responsione ad I. Unde idem Basilio

lius lib.2. cont. Eunomium docet: *Genitum, sique ingenitum esse specificas quasdam proprietates Filii, & Patris divini.*

Ad V. responderet S. Cyrillus lib. 11. thesaуri c. unico: *Quod ingenitum unico N. grece scriptum, non factum neque creatum significat, & de Deo universaliter praedicatur; id est de singulis personis divinis; gemino autem N.N. scriptum, non natum, nec ex alio esse, significat, & Patri accommodatur. Et Hugo Eterianus lib.2. contra Græcos c. 5. Ingenitum, quoniam per unum N. apud Græcos scribitur, quando hoc nomen increatum significat, & non solum divina natura, si sic dicatur, verum tribus competit personis; etenim natura pariter cum personis incaussata est: Cum autem per duo N.N. a yevnrov scribitur, soli propriæ Patri, non Filio, non Spiritui, neque alicui creature convenit.*

Ad VI. quod quanvis ingenitus, & genitus differunt inter se, convenient tamen cum essentia, cum qua quisque est identificatus; & hoc sufficit, ut ingenitus, & genitus; dicantur consubstantiales, quantumvis sint personæ realiter inter se distinctæ.

*Patris nomen modo exponendum sumimus: Pro quo scire oportet, hoc nomen trifariam in Scripturis usurpari. Primo generaliter, & significat principium productivum creaturarum omnium; unde Deuteronom. 32. dicitur: *Nunquid non ipse est Pater tuus, qui possebit te, & fecit, & creavit te?* Et in hoc sensu tres divinæ personæ sicut indivisibiliter habent creandi potestatem, & exercitium, ita pariter Patris nomine gaudent. Secundo specialiter significat Deum per justificationem adoptantem sibi creaturam rationalem in filium; quod sit beneficio gratiæ justificantis; juxta illud ad Roman. 8. *Accipistis spiritum adoptionis filiorum, in quo clamamus Abba Pater.* Et hoc pacto convenient quoque tribus divinis personis, quæ pariter indivisibiliter concurrunt ad justificationem nostram; quanvis Spiritui Sancto tribuatur, quia justificatio sit per amorem, & Spiritus Sanctus est amor. Tertio notionaliter accipitur, & significat principium generativum Filii consubstantialis, & ejusdem naturæ cum suo principio, & hoc modo nomen Patris proprie primæ tantum personæ convenient, aliis autem divinis personis analogice.*

*Vocatur autem prima Persona potius Pater, quam genitor, vel generans, quia genitor, & generans, ait Jueninus, perfecte primam personam non exprimunt; non*

enim est prima persona nisi per completam relationem ad Filium. Completa autem non est, quando concipitur generare actu; quia tunc intelligitur esse quasi in via ad generandum, seu ad habendum Filium; quando vero concipitur cum Filio jam existente, & jam genito, tunc est completa relatio ad Filium, & dicitur Pater. Non per hoc tamen sit, quod dici non possit genitor, vel generans; sed tantum intelligitur, quod magis proprie, & magis usitate, dicitur Pater. Unde communiter omnes Theologi docent cum S. Th. 1.p. q.33. ar.2. & 3., primam Trinitatis Personam proprie, hoc est non metaphorice, proprie, hoc est non essentialiter, sed notionaliter, dici Patrem. Cum quibus

Dicimus, primam Trinitatis Personam dici Patrem proprie, modo disto, & explicato.

I. probatur ex Scripturis. Psal. 2. *Ipse invocabit me, Pater meus es tu.* Matth. 28. *Baptizantes eos, in nomine Patris. c. 10. Confitebor & ego cum coram Patre meo. c. 11. Confitebor tibi Pater. c. 16. Caro, & sanguis non revelavit tibi, sed Pater meus, qui in celis est.* Joan. 16. *Venit hora, cum jam non in proverbiis loquar vobis, sed palam de Patre meo annunciaro vobis.* Atqui Filius non ab alia persona subsistentiam, & filiationem accepit, quam a prima Trinitatis persona: ergo prima Trinitatis persona est Pater.

II. probatur ex Conciliis. Concilium generale Nicænum I. in Symbolo fidei. *Credo in unum Deum Patrem.* Concilium generale Constantinopolitanum I. pariter in eodem Symbolo. *Credo in unum Deum Patrem.* Concilium Toletanum VI. *Confitemur Patrem ingenitum, increatum, fontem, & originem totius divinitatis.* Concilium Antiochenum plures usurpat nomen Patris; quod postea statuit etiam Nicænum I. de quo Athanasius scribit in epist. ad Serapionem: *In principiatum esse, & ingenitum soli Deo Patri Catholica Ecclesia congregata apud Nicæam, fideliter attribuit, & toti mundo sic esse credendum sub anathemate mandavit.* Eadem habent Concilium Toletanum XI. Florentinum generale, Lateranense generale sub Innocentio III. aliaque multa generalia, & particularia Concilia.

III. probatur ex Patribus. Athanasius in epist. ad Serapionem: *Ob id solus, & unus Pater solius, & unius Filii Pater est. Atque in sola deitate istud Patrem esse, ac Filium con-*

consistit, & semper est. Nam inter homines si quis Pater dicitur, ille alterius Filius fuit; & si quis hujus Filius, vicissim alterius Pater appellatur: adeo ut in hominibus non servetur Patris, & Filii appellatio. Cyrillus Alexandrinus ad verba Joann. 7. Manifestavi nomen tuum hominibus, quos dedidi mihi; haec scribit lib. 1. in Joan. c. 7. Manifestavit nomen Patris Pilius, quatenus in eam notionem, ac sinceram contemplationem nos induxit, ut intellegeremus, non solum Deum illū esse reverā id enim & ante Christi adventum vulgo prædicabatur per diuinam Scripturam: Sed hoc insuper præter quād quod Deus est; eundem quoque esse non emētita appellatione Patrem, qui in seipso, & ex seipso, proprium habet sētum, natura sua concurrentem, atque coaternum.... Nomen autem Patris magis proprie Deo convenit, quam Dei: Hoc enim dignitatis, illud autem substantiæ proprietatis notionem contineat. Nam qui Deum dicit, universorum Dominum indicat: qui autem Patrem nominat, quod ad proprietatem spectat, attingit; ostendit enim, illum genuisse. Idem lib. 10. Thesauri c. 6. Manifestavi nomen tuum hominibus, quia videlicet verus Pater es, & Filium verum habes. Hieronymus in cap. 3. ad Ephesios; ad illa verba: Ex ipso omnis paternitas in celis, & in terra nominatur; haec habens quomodo Deus essentia sua nomen, atque substantia ceteris impertit, ut ipsa quoque dicantur &c. Sic & paternitatis nomen ex semetipso largitus est omnibus; Sicut ergo solus bonus bonos facit, & solus immortalis immortalitatem tribuit, & solus verus veritatis nomen impertit; ita solus Pater, qui creator est omnium, & universorum causa, substantiis præstat ceteris, ut Patres esse dicantur. Et quāvis Hieronymus videatur loqui in generali acceptione Patris, tamen ratio, quam affert, etiam de specialissima verificatur. Unde Faustinus lib. 2. cont. Arianos scribit: Solus proprio verus est Pater, qui sine inicio, & fine Pater est; non enim aliquando corpore esse quod Pater; sed semper Pater est, semper habens Filium ex se genitum.

IV. Probatur Rationibus. I. Significatum Patris proprie, ac vere primæ Trinitatis personæ convenit: ergo & nomen. Probatur antecedens. Significatum Patris est, quod persona, cui datur, aliam producat per veram generationem, quæ sit origo viventis a vivente in similitudinem naturæ; sed prima Trinitatis persona sic producit secundam: ergo significatum Patris proprie, ac vere primæ Trinitatis perso-

næ convenit. II. Nomen Patris sic proprie convenit primæ Trinitatis personæ, quod nullus aliis, sicut ipsa, sit proprie dicendus Pater: ergo vere, & proprie est Pater. Probatur antecedens. Nullus est ita Pater, qui non possit filio carere, adeoque suam paternitatem amittere ergo nomen Patris sic proprie primæ personæ convenit, quod nullus aliis, sicut ipsa, sit proprie dicendus Pater. III. Nomen Patris distinguit primam personam a ceteris personis: ergo eam constituit. Sequitur consequentia: Probatur antecedens. Nomen Patris est relativum, per quod personæ distinguuntur; sed per hoc nomen nulla alia persona distinguitur: ergo prima persona per ipsum distinguitur. IV. Nomen Patris convenit proprie personæ illi, quæ proprie, & non metaphorice, seu per translationem, generat; ita est prima Trinitatis persona: ergo hac proprie est Pater. Probatur minor. Ex Damasco lib. 1. de fide c. 9. Quin illud quoque nosse interest, paternitatis, filietatis, & processionis; vocabula, non a nobis ad beatam divinitatem translata fuisse, verum conera, illuc ea nobis communicateda: ergo non per translationem convenit. V. Nomen Patris non convenit secundæ personæ, nec tertiae: ergo tantum primæ, prout distinctæ ab illis. Probatur antecedens. Nec secunda persona, nec tertia generat: ergo nomen Patris neutræ ex illis convenit.

Arguunt I. Ex Auctore libri de Theologia mystica, qui dicitur S. Dionysius Areopagita, c. 5. circa medium, habetur: *Denn nec Spiritum esse, ut nos sciamus, nec Filii, nec Patris rationem esse, nec aliquid eorum, qua nobis, aut cuiquam natura sunt cognita:* ergo non convenit Deo nomen Patris. II. Ex S. Basilio trac. de vera, & pia fide circa medium: *Vocabulum Patris, si cum integra significatione, sicut apud nos est in usu, accipiamus in Deo, impie facimus: ergo ex Basilio Deo tribui non debet Patris nomen.* III. Ex eodem Basilio lib. 2. cont. Eunomium circa medium: *Pater noster est Deus, non abusione, aut translatione, sed proprie, primo, ac vere, dictus: ergo prima Persona est Pater secundæ ita proprie, primo, ac vere, sicut creaturæ Pater est Deus: ergo non est nominaliter Pater.*

Respondemus ad I. Auctorem illum, qui cunque sit, intelligere, nomen Patris non esse a Deo removendum, sed removendam esse rationem illius nominis prout illa creaturis convenit, & tribuitur. Et quod

quod hæc sit mens Auctoris illius, ex ejus contextu patet. Antea enim in eodem loco dixerat, Deum non esse scientiam, nec veritatem, nec regnum, nec sapientiam; neque unum, neque unitatem, neque divinitatem, aut bonitatem. Et hæc intelligenda sunt de modo, quo nos eadem imperfecte cognoscimus. Sic pariter intelligendus est de nomine Patris. Et quod Auctor intendat, ideo Deum non esse hæc omnia, quia est super hæc omnia, excellentiori, & eminentiori modo; ipsemet se explicat in eodem loco dicens: *Et omnem affirmationem supererat illa, & singularis causa omnium, & omni negatione superior sit præstantia ejus, qui & ab omnibus omnino secretus est, & universa multum superat.*

**Ad II.** Non negat Basilius, non convenire Deo nomen Patris; sed afferit, non convenire cum integra significacione, sicut apud nos est in usu. Rescanda enim sunt, quæ apud nos importat nomen Patris, & imperfectionem dicunt; & tunc quæ remanent omnino perfecta de nomine Patris, Deo conveniunt. Hoc ex eodem Basilio, loco in objectione citato, habemus: *Quandoquidem una cum eo necessario simul, & affectio, & defluxio seminis genitivi, & ignorantia, & infirmitas, & talia quæcumque in ipso nomine Patris evulgantur in creaturis.* Cæterum Basilius lib. 5. cont. Eunomium afferit, vere Deum generare, & edere Verbum; & lib. 2. cont. eundem dicit, quod qui in Deo negat generationem, Patrem, & Filium, totum negat Evangelium.

**Ad III.** dicitur, quod Basilius loquitur de Patre generaliter sumpto, & dicit, eum esse propriæ, primo, ac vere Patrem, comparative ad nos. Deus enim præstantiori modo est principium creaturarum, quam sint parentes suorum filiorum; tum quia solus Deus creat animam, & corporis organa format; tum etiam quia nobis vitam præstat, & necessaria ad vitam; tum denique quia nos regit, conservat, augeat, defendit; & respectu horum Deus respectu nostrum quasi dici potest propriæ, primo, ac vere Pater. Unde Christus Matth. 23. dicebat: *Patrem nolite vocare vobis super terram; unus est enim Pater uester, qui in celis est.*

**De Principii nomine nunc est differendum.** Principium pariter trifariam in divinis accipitur; essentialiter nimirum, & significat fœcunditatem divinitatis ad extra; & hoc pacto convenit tribus personis di-

vinis indivisim; quia opera Trinitatis ad extra a voluntate, & potentia proveniunt, quæ una est, & eadem in tribus personis. Notionaliter, & significat fœcunditatem divinitatis ad intra; & hoc modo Pater dicitur principium Filii, & Pater, & Filius dicitur principium unicum Spiritus Sancti. Principaliter, & significat dignitatem, per quam prima persona a nulla alia producta duas alias producit; & in hoc sensu solus Pater est proprium, & principale principium in divinis.

Dicimus ergo, solum Patrem esse proprium, & principale principium in divinis.

**I.** Probatur ex Patribus. Phæbadius, lib. cont. Arianos, ait de Patre: *Hic est principium sine principio.* Cyrillus Alexandrinus lib. 2. thesauri c. 1. *Alius est Pater, alius Filius, & alius est principium, alius ex principio.* Augustinus lib. cont. Maximum c. 17. *Pater principium non de principio, Filius principium de principio, sed utrunque simul, non duo, sed unum principium.* Idem lib. 2. de Trin. c. 14. *Si lignans ad id, quod lignitur, principium est, Pater ad Filium principium est, quia lignit eum.*

**II.** Ex Scholasticis primæ notæ. Magister Sententiarum in 1. dist. 29. c. 1. ait: *Pater principium sine principio, Filius principium de principio, Spiritus Sanctus principium de utroque.* Doctor Angelicus opusc. 1. contra errores Græcorum c. 32. *Necessarium est credere sanctam Trinitatem, Patrem scilicet sine principio; Filium vero principium a Patre principio; Spiritum autem Sanctum cum principio Filio unum Deum esse.*

**III.** Probatur rationibus. Illud est vere, proprie, & principaliter principium, quod a nemine producitur, & a quo cætera producuntur; sic se habet Pater in divinis: ergo solus Pater in Trinitate est vere, proprie, & principaliter principium. Probatur minor. Pater a nemine producitur; Filius a Patre generatur, & Spiritus Sanctus a Patre procedit; ergo solus Pater in divinis a nemine producitur, & cætera producuntur. II. Prima persona in divinis est Pater, & est ingenitus: ergo prima persona in divinis est principium, quod a nemine procedit, & a quo cætera procedunt. Probatur consequentia. Quia est ingenitus, a nemine procedit: ergo principium non habet: Quia est Pater, producitur; ergo est principium, quod non producitur, & producuntur.

Arguunt I. Si Pater esset principiū, Filius esset principiatum, principiatum quoque esset Spiritus.

Spiritus Sāctus; at nequeunt hi principiata dici: ergo neque Pater principium dici potest. Major est certa proprie relationē inter principiatum, & principium. Minor patet, quia esse principiatum convenie creaturis. Consequentia sequitur. II. Ratio principii importat prioritatem, ut ex ipso met nomine pater; sed in divinis nulla potest prioritas admitti: ergo ratio principii non est admittenda in Patre, saltem proprie, ac vere. III. Infertur ratio principii in prima Persona, quia est Pater: ergo quia solum ad intra proprie est Pater, ita solum ad intra proprie est principium; sed hoc repugnat communi Theologorum consensui, afferentium, Patrem, immo totam Trinitatem, esse vere, & proprie principium ad extra; quum tamen vere, & proprie prima persona non sit Pater ad extra, immo neque tota Trinitas, ut patet: ergo saltem ratio illa, ex ratione Patris petita, non concludit.

Respondemus ad I. principiatum dupliciter sumai, vel prout refertur ad principium originis, & in hoc sensu significat praece trahere ab alio originem: vel prout refertur ad principium durationis, & in hoc sensu significat habere principium durationis. In primo modo admittitur in Filio, & Spiritu Sancto ratio principiati, & nullam imperfectionem dicit; at non secundo modo, quia in hoc modo principium non agnoscunt. Verum quia apud nos hoc solum principiati nomen non bene sonat; ideo ab eo in quaunque acceptance abstinendum; ut bene monet S. Thomas 1.p. q. 33. ar. 1. ad 2. *Ad secundum dicendum, quod apud Græcos invenitur de Filio, vel Spiritu Sancto, dici, quod principientur; sed non est in nōn Doctorum nostrorum.*

Ad II. dicitur, quod importat prioritatem originis, q̄rā nullam dicit imperfectionem; quatenus hæc prioritas non dicit prioritatem naturæ, aut temporis, sed tantum productionis. Ulterius tamen addimus, quod quanvis nomen principii sit impositum a prioritate, non tamen sequitur, quod semper quando adhibetur, prioritatem importet; quod optime observat S. Thomas in 1. dist. 23. q. 1. ar. 2. ad 1., & dist. 29. q. 1. ar. 1. ad 1.

Ad III. dicimus, rationem Patris ad rationem principii se habere ut maius ad minus, ut includens ad inclusum. A majori ad minus, ab includente ad inclusum, valet argumentum affirmative, non negative. Unde ex eo, quod in prima persona est

propria ratio Patris ad intra, affirmamus inferendo, & quidem bene, esse in eadem rationem principii ad intra. Non vero e contra discurrendum est; scilicet non debemus negare propriam rationem principii ad extra, quia negatur propria ratio Patris ad extra. Responsio est Cache rani.

Restat, ut modo loquamur cursim de aliis nominibus, quæ non sunt quidem principalia, ut prædicta. Et primo intendimus, quod prima Trinitatis persona dici non debet Initium aliarum personarum. Ratio est, quia hoc nomen Initium importat principium durationis; quod in divinis admitti non debet, ubi omnia sunt æterna, & sine durationis, seu temporis principio. Concilium Toleranum x i. in Confessione fidei docet: *Filiū natūm sine initio, ante secula.* Quod pariter tradit Concilium Vormatiense in Confessione etiam fidei. S. Hilarius lib. 4. de Trinit. inquit: *Novit Ecclesia unum innascibilem Deum: novit unigenitum Dei Filium: Conficitur Patrem ab origine liberum: Confiteatur & Filii originem ab initio, non ipsum ab initio, sed ab ininitiabili.* Nec obstat, quod dicitur Ecelesi. 24. de divina Sapientia, scilicet de Verbo divino: *Ab initio, & ante secula creata sum.* In hoc enim loco idem est ab initio, ac ab æterno; quod verbum subsequens exponit, declarat, & confirmat; scilicet, ante secula. Sic etiam dicitur Micheæl 5. *Et egressus ejus ab initio a diebus æternis.* En quomodo initium idem sonat, quod sonant dies æterni.

Nomen Caussæ a Græcis Patribus passim, a Latinis vero aliquando, primæ Trinitatis personæ tribuitur. Apud Aristotelem certum est, idem importare caussam, & principium; Ipse enim 5. Metaph. tex. 1. enumerat omnes modos, quibus principium dici potest, & totidem pariter affirmat caussam dici posse. Hoc de ipso affirmat Scotista Frassen. Et quanvis dicat, quod eum defendat Asclepius in commentario ad illum locum, dicens, hoc Aristotelem non asseruisse ex rei veritate, neque ex opinione sua, sed ex vulgi sensu; attamen hæc nova defensionis institutio potest cuilibet errori excusando applicari, sed non per hoc errorum autores apud Sapientes excusabiles sient. Differentia igitur est inter principium, & caussam, quod caussa est illa, quæ influit esse in aliud antea non existens; principium vero est id, ex quo aliud, vel alias; aliud quidem, si sit in natura diversum; alias

ve-

vero, si sit in natura idem, in persona vero distinctus, ut sunt personæ divinæ. Et accipiendo sic causam in rigore suo, Pater nullo modo dici potest causa Filii, nec Pater, & Filius causa Spiritus Sancti, sed tantummodo principium. Intelligendo vero causam, ut eam Aristoteles intellexit, & ut Græci Patres intelligebant, tolerandum est causæ nomen in personis divinis. Et in hoc sensu loquutus est Nazianzenus or. 24. *Quod si omnia, quacumque Pater habet, Filiis sunt, excepta causa: Quicquid item Filius habet, idem quoque Spiritus Sanctus est, si Filietatem excipias.* Pariter Basilius lib. 1. conç. Eunoium: *Nos autem secundum causarum habitudinem ad ea, quæ ex illis oriuntur, Patrem colloccari ante Filium assertimus.* Item Nyssenus ad Abladium c. 2. Cum dicimus causam, & quod est causa, iis vocabulis naturam (intelligit divinam) minime significamus. Etiam Augustinus in lib. 83. questionum q. 16. *Deus omnium, quæ sunt, causa est.* Quod autem rerum omnium causa est, etiam Sapientia sua causa est. S. Hilarius quoque lib. 12. de Trinit. loquens de æterna Filii generatione: *Et ex causa licet perfecta, atque indemnabilis nascens, necesse est, causa in causæ ejus proprietate nascatur.* Chrysostomus adhuc in c. 1. Ep. ad Hebreos hom. 2. *Si enim causa Filii Pater est, multo amplius eorum causa est, qua per Filium facta declarantur.* Damascenus denique, ut alios omittamus; *Unus Pater sine principio, hoc est sine causa; non enim ex aliquo. Unus Filius, & qui Filius est, & non sine principio, hoc est sine causa, ex Patre enim est.* Cæterum audiendus est Cardinalis Bessarion, qui in oratione habita in Concilio Florentino, quando erat Nicænus Episcopus Græcus, sic loquebatur: *Notandum, quod Sancti Doctores Orientales etiam in divinis utuntur nomine causa, & causati largo modo; non quidem ut limitationem, & dependentiam importat, sed prout productionem, & emanationem a principio ejus, quod est a principio significat.*

Ex quibus inferimus, Ecclesiam probare utique utrumque loquendi morem, tum Græcorum, tum Latinorum; dummodo tamen accipiatur causæ nomen late, scilicet pro omni eo, a quo aliquid habet esse; non autem stricte, scilicet pro illo, a quo aliquid habet esse cum dependentia. Græci quidem late semper causæ nomen accepunt; quod ex eo patet, quia Patres Græci semper contra Arianos sustinebant, Verbum esse consubstantiale Patri;

& tamen docebant, Patrem esse causam Verbi. Intelligebant ergo pro causa, idem, ac principium, quod dependentiam in verbo non importasset; aliter Verbum Patri consubstantiale non fuisset. Unde Concilium Florentinum in decreto unionis definit: *Filium esse, secundum Græcos quidem, causam, secundum Latinos vero principium subsistentia Spiritus Sancti, sicut & Patrem.*

Authoris nomen aliquando etiam apud Latinos idem est, ac nomen principii; Græci autem eo nomine non utuntur, quia non habent vocem huic nomini accommodatam; verum aliquando cum causæ nomine confundunt. Unde Nazianzenus or. 29. docet, Patrem esse causam, & auctorem divinitatis, que in Filio, & Spiritu Sancto, consideratur. Et S. Athanasius dialog. 2. cont. Anconæum, dixit; Patrem esse causam, & auctorem Filii; & post pauca: *Deus est fons Spiritus Sancti, & author ejusdem, non extrinsecus eum recipiens, sed ex se sinens scaturire.* Ex Latinis vero S. Hilarius lib. 6. de Trinit. de Verbo hæc scribit: *Ex Patre enim exiens, neque aliena nativitatis habuit naturam, neque nullam; sed eum sibi testatur auctorem, ex quo se proficitur exisse.* Et lib. 9. *Naturalis igitur Filius Dei, & congenita omnis potestas est; que cum data sit, non alienata est per id ab auctore, quia data est, cum quod est authoris, datum sit.* Et lib. 12. *Cum natus sit, Patrem testatur auctorem.* Augustinus lib. 3. cont. Maximinum c. 14. *Sed habet, inquis, Dei Filius auctorem Patrem; si propterea Deum Patrem Dea Filio dicis auctorem, quia ille genitus, genitus est iste; quia iste de illo est, non ille de isto; fateor, & concedo. Si autem per nomen authoris minorum vis facere Filium, Patremque majorem, nec ejusdem substantia Filium, cuius est Pater, detestabor, & respiciam.* Ex quibus verbis clare deducitur, in quo sensu authoris nomen Patri tribuendum sit, & in quo non.

Opponunt nihilominus I. quod Patres Græci nunquam authoris nomen Patri tribuerunt; & si apud aliquos invenitur, ab Interpretibus eorum fuit adhibitum. II. Inter Latinos solus S. Hilarius invenitur, qui hoc nomen divinis personis tribuat. III. S. Thomas in 1. sent. dist. 29. q. 1. ar. 1. negat aperte authoris nomen Patri convenire.

Respondemus ad I. quod est argumentum Petavii lib. 3. de Trin. c. 5., Quamobrem frustra sunt recentiores quidam de Schola Theologi, qui ut Patrem auctorem

, ap-

„ appellari posse demonstrent , testes Græcos Patres adhibent , Dionysium , Athanasium , Gregorium Nazianzenum , Eusebium , & cæteros : Nam eorum dumtaxat „ interpres auctoris nomen assumpsérunt „ Diximus quoque nos nuper , apud Græcos non esse vocabulum , quod authoris voci æquivaleat ; attamen si interpres in hoc consenserunt , ut illud inducerent , hoc sufficit , ut ex ipsorum sententia dicatur inventum , & usurpatum . Induxerunt quidem , & interpretati sunt , si non ex nomine uno , quod apud Græcos non erat , saltem ex pluribus , quæ huic nostro æquivalebant .

Ad II. Sufficeret sola Hilarii authoritas , & præcipue in libris de Trinitate , de quibus scribebat Hieronymus ad Lætam , Hilarii de Trinitate libros posse inoffenso pede decurri : Attamen nos produximus etiam Augustinum , cuius verba aperte demonstrant , in quo sensu authoris nomen personis divinis tribui possit , & in quo sensu non possit .

Ad III. responderet Juveninus , quod S. Thomas in sua Summa , quæ est postremum suum opus , omisit hanc quæstionem , an authoris nomen Patri conveniat ; & hoc ideo fecit , quia ei displicuit quod scripsérat in lib. Sententiæ . At responsio hæc non probatur ; non enim , quæ sibi ex S. Doctore opponit Juveninus , in allegato ab eo loco invenimus , sed potius quæ sequuntur verba leguntur : *Nomen auctoris addit supra rationem principii hoc quod est non esse ab aliquo ; & ideo solus Pater auctor dicitur , quantvis etiam Filius principium datur notionaliter ; quæ verba pariter a Cæcherano citantur . Non igitur Angelicus Authoris nomen Patri denegat , sed Patri soli concedit , & aliis personis divinis negat . Cæterum ipsem S. Doctor clarus se explicat r. p. q. 33. ar. 4. ad 1. Auctoritas nihil aliud significat in divinis , quam principium originis . Et in opusc. r. c. 32. Sub titulo , quod *Filius est auctor Spiritus Sancti* , docet ; *auctoritas in divinis personis unius ad alteram non est , nisi secundum quod aeternaliter una est ab altera* . Unde concludendum est , juxta catholicam doctrinam , & secundum mentem Angelici Doctoris , auctoris nomen tribui posse Patri respectu Filii , tribui posse Filio respectu Spiritus Sancti , una cum Patre ; sed illa adhibita distinctione , quam S. Augustinus adhibet , & nos nuper diximus .*

Alla nomina , quæ primæ Trinitatis personæ tribuuntur , sunt hæc : fons , caput , radix .  
PAR. II.

dix ; quæ quidem nomina tribui possunt Patri vel respectu aliarum personarum Trinitatis , vel respectu deitatis . Unde Theologi hanc adhibent distinctionem , dicendo , quod Pater proprie dicatur fons , caput , origo , radix , aliarum personarum ; improprie autem dicatur fons , caput , origo , radix , deitatis .

Probant primam partem ex Patribus . Tertullianus lib. 6. cont. Praxeam c. 8. Nec dubitaverim *Filium dicere & radicis fruticem , & solis radium* . Ambrosius lib. 4. de fide: *Fons Pater Filii est , radix Pater Filii est* . Basilus hom. 27. cont. Sabellianos : *Est quidem Pater perfectum habens esse , & nullius egens , radix , & fons , Filii , & Spiritus Sancti* . Athanasius cont. gregales Sabellii circa finem: *Pater radix , & fons Filii , & Spiritus Sancti* .

Probant pariter secundam ex Conciliis , & Patribus . Concilium Florentinum in literis unionis: *Pater fons , & principium totius deitatis* . Concilium Toletanum VI. dicunt quidam , sed potius XI. in professione fidei: *Confitemur Patrem ingenitum , in-creatorem , fontem , & originem , totius Divinitatis* . Concilium Vormatiense eadem habet in fidei quoque professione . Auctor libri de divinis nominibus , qui S. Donyhi Areopagitæ nomen portat , c. 2. *A diuinis Scripturis accepimus , Patrem quidem esse , ut ita dicamus , fontanam divinitatis ; Jesus autem , & Spiritum fæcundæ divinitatis , si ita fas est loqui , gemma , seu germina* . Athanasius contra gregales Sabelli , de solo Patre scribit , quod sit *situs fons deitatis* . Augustinus lib. 4. de Trinit. c. 20. exponens illa verba Joannis 15. *Spiritu veritatis , quem ego mittam vobis a Patre ; habet : Videlicet ostendens , quod totius divinitatis , vel si melius dicitur , Deitatis , principium Pater est* . Quæ verba citantur a S. Thoma r. p. q. 33. ar. 1.

Quod autem respectu deitatis dicantur impropriæ , explicatur simul , & ostenditur . Deitas enim a Patre non procedit ; quia deitas idem est ac essentia ; Concilium autem Lateranense IV. definit , quod essentia nec est generans , nec genita , nec procedens : Non potest vero Pater propriæ dici fons , origo , radix , caput , nisi respectu illorum , qui ab ipso procedunt : ergo non potest respectu deitatis sic propriæ dici . Dicitur autem impropriæ , quatenus est principium , fons , radix , origo , caput , Filii , & Spiritus Sancti ; & quia in his singulis est tota deitas ; ideo tale dicitur respectu totius deitatis . Sed hanc re-

S

spon-

sponctionem non probant cæteri Theologi, ex eo quia, si hoc esset, etiam Filius tale diceretur, respectu Spiritus Sancti, qui etiam ab ipso procedit. Unde alias subjungunt rationes, quæ sunt; quia in Patre est deitas tanquam in primo principio, quod eam aliis personis communicet; & quia sit principium omnium divinarum personarum, præterquam sui ipsius.

Dicitur etiam Pater in Concilio Vormaenense, fons, & origo totius Trinitatis. Quæ quidem propositio prima facie non satis constat, quia nomine totius Trinitatis venit etiam Pater; adeoque Pater esset fons, & origo, sui ipsius. At intelligenda sunt verba illa Concilii, quod Pater dicatur fons totius Trinitatis, sicut Adam dicitur principium, fons, origo, caput, totius generis humani; quatenus nullus est homo, qui ab Adamo non prodeat. Unde quia duæ aliæ Trinitatis personæ a Patre procedunt, & Pater a nulla alia persona; ideo Pater dici etiam impropriè potest fons, & origo totius Trinitatis.

Denique propriissimum primæ personæ nomen, quod ipsam in ratione primæ personæ constituit, est Pater. Ratio est, quia Pater est nomen relativum; personæ autem constituunt per relativa, ut diximus ergo Pater est propriissimum primæ personæ nomen, quod ipsam in ratione primæ personæ constituit. Ulterius; prima persona per paternitatem distinguitur a Filio; sed idem est distinctivum, & constitutivum; ergo per paternitatem, constituitur; ergo Pater est propriissimum primæ personæ nomen. Denique; hoc nomine apud omnes prima persona vocatur; non enim dicitur ingenitus, principium, fons, caussa, author, origo, caput, radix, origo &c. sed absolute Pater: ergo vere hoc nomen Patris ipsius est distinctivum, ac constitutivum. Unde Athanasius in epist. ad Serapionem scribit: *Ob id solus, & unus Pater solius, & unius Filii Pater est; atque in sola deitate istud Patrem esse, ac Filium constituit, & semper est.*

## DISSERTATIO CXXII.

*De Secunda Trinitatis Persona, & de variis ipsis nominibus; quænam sunt, & quomodo ipsi convenient?*



ECUNDA Trinitatis Persona duodecim nominibus ab Ambrosio lib. 2. de Trinit., si ejus genuinus est fœtus, vocata dicitur a Frassen, quæ continentur in verbis hisce, quæ ab eo citantur: *Hi sunt pretiosi illi lapides, sardius, jaspis, smaragdus, chrysolitus, & alii, quibus sancti Aaronis, qui Christi figuram gessit, vestimentum intexitur: Hic vers amictus est Sacerdotis, hæc vestis nuptialis, hoc pretiosum rationale . . . Filius Dei dicitur, quia ex Deo Patre nascitur; Verbum, quia ex ore Altissimi, cum perfecta ejus notitia, prodit; imago, splendor glorie, & speculum, quia nihil ei deest, quominus perfecte Patrem exprimere possit; vapor virtutis Dei, quia ejusdem cum Patre natura; candor lucis aeterna, quia ei coæternus, character, quia a Patre, personali differentia, non essentiali perfectione, discretus. Inter hæc nomina sunt aliqua tribus personis communia, & Filio tantum appro-*

priata; uti lux, virtus, idea &c., aliqua vero sunt propria, & notionalia, uti Filius, Verbum, imago, character, figura substantiæ. S. Thomas pariter i.p. q.15. ar. 1. ad 3. Filii nomina numerat sequentibus verbis: *Ad exprimendas diversas Filii Dei perfectiones, diversa ei attribuuntur nomina: nam, ut ostendatur connaturalis Patri, dicitur Filius; ut ostendatur coæternus, dicitur splendor; ut ostendatur omnino similis, dicitur imago; ut ostendatur immaterialiter genitus, dicitur Verbum &c.*

Exordium a Verbo sumimus. Contra Dei Verbum plures Hæretici insurrexerunt, non solum negantes Deum esse, ut de Arianis, & de illis, qui Arianos, vel præcesserunt, vel subsequuti sunt, diximus; verum quoque illud ambagibus, somniis, & erroribus, obvolventes, & confundentes. Primo dicitur Valentinus, qui negavit, Dei Filium esse Verbum, & a Deo immediate processisse; afferens, conjugio incenarrabilis tanquam Patris, & silentii

Silencii tanquam Matris, fuisse partam-  
mentem; quæ quidem mens cum unigenito  
Filio postea peperit veritatem; & de-  
inde post multa secula ex mente simul, &  
veritate, processisse Verbum. Refert Irene-  
næus lib. 1. c. 1. Secundo afferit Paulus  
Samosatenus, qui dixit, divinum Verbum  
non esse subsistens, sed prolatitium, &  
transitorium. Narrat Epiphanius hæres.  
65. & Athanasius or. 5. cont. Arianos:  
*Quidam ex discipulis Samosatenis dividen-  
tes Verbum a Filio, dicunt, Pulum quidem  
esse Christum, Verbum tamen aliud.* Ter-  
tio scribuntur Alogii a Frassen, qui affer-  
it, respuisse Verbi appellationem, eo  
quod inquietabant, Filium Dei nec ore, nec  
mente, esse pronunciatum; unde omnia  
scripta S. Joannis, in quibus apertissimum  
est sermo de Verbo, rejiciebant; & pro-  
teste adducit Augustinum hæres. 30. Nos  
autem satis de Alogiis in superioribus lo-  
quuti sumus. Quarto idem Frassen adnu-  
merat Arium, & Eunomium, existimantes,  
omne Verbum esse prolationem vo-  
cis; ut narrat S. Athanasius in lib. de de-  
cretis Nicænae Synodi. Ariani autem  
quidam dicebant, Verbum semper fuisse,  
sed non semper fuisse Filium Dei; alii  
volebant, hominem a Verbo assumptum  
fuisse Filium; alii duo distinguebant Ver-  
ba, unum in Deo existens, quod est ejus  
Sapientia, a persona Patris indistincta; &  
aliud a Patre substantia extraneum; de  
quo, dicebat Arius, loquutum fuisse  
Joannem, quando scripsit: *In principio  
erat Verbum.* Quinto ponitur Michael Ser-  
vetus, qui ann. 1540. dixit, Verbum Dei  
nil aliud esse, quam dispositionem, qua  
placitum est ei arcum voluntatis suæ  
nobis revelare.

Attamen Sancti Patres, explicantes quid  
Verbi nomine intelligatur, hæc nos do-  
cuisse, invenimus. Augustinus lib. de fide.  
& symbolo c. 3. tradit, Filium Dei Verbum  
Patris ideo dictum esse, quia per ipsum inno-  
tescit Pater. Sicut ergo verbis nostris id agi-  
mus, quem verum loquimur, ut noster ani-  
mus innotescat audienti, & quidquid secre-  
tum in corde gerimus per signa hujusmodi ad  
alterius cognitionem proferatur: Sic illa Sa-  
pientia, quam Deus Pater genuit, quoniam  
per ipsam innotescit animas secretissimus Pa-  
tris, Verbum ejus convenientissime nomina-  
tur. Ad quæ cohærenter scripsit Richardus  
a S. Victore lib. 6. de Trinit. c. 12.,  
solum Filium esse Verbum, non autem  
Spiritum Sanctum; quia Verbum nascitur  
de corde solo, & ipso propositum proferentis

. intentio: *Jure igitur solius Patris sola geni-  
tura Verbum nominatur, per quod ipse, qui  
principalis est Sapientia, manifestatur.* Idem  
nihilominus Richardus aliam additæ ratio-  
nem, quare Filius Dei Verbum appelle-  
tur; quia scilicet dictione producitur;  
supponit enim, idem esse Verbum, quod  
corde concipitur; & quod voce profertur;  
*Quid enim est vox, nisi verbi vehiculum;*  
*vel, si magis placet, verbi indumentum?*  
*Nunquid est alius aliquis homo induitus,*  
*& alius aliquis cum fuerit exutus?* *Quod si au-  
rem haberet aliquis ad locutionem cordis,*  
*quemadmodum habet ad locutionem oris, non*  
*omino opus haberet, ut si exterior locatio  
fieres.*

Cæterum communius Sancti Patres, & Theo-  
logi, docent, Verbi nomen, quod secun-  
dæ Trinitatis personæ tribuitur, intelli-  
gi de Verbo interno, scilicet de illo Verbo,  
quod mens interne efformat; non vero de  
Verbo prolatitio, quod nempe ore pro-  
feratur exterius. Debet enim intelligi no-  
men illud de Verbo, quod sit æternum,  
& necessario productum; hujusmodi au-  
tem non est verbum prolatitium, quod di-  
ctum est in tempore, & libere, tum in  
creatione rerum, tum in aliis Dei opera-  
tionibus ad extra. Augustinus autem, &  
si qui alii sunt, qui cum ipso Verbum de  
prolatitio explicant, intelligendi sunt, ut  
etiam ex Augustini verbis innotescit, de  
officio Verbi, non de ejusdem entitate.  
Non enim dicunt, quod secunda Trinitatis  
persona idem sit cum verbo nostro se-  
cundum suam entitatem; quia non est so-  
nus exterior, sicuti est verbum nostrum;  
neque dicunt, quod sit idem cum verbo  
prolatitio Patris, scilicet cum termino  
extrinseco, quem Pater produxit in tem-  
pore; quia hic terminus exterior est crea-  
tura. Conferunt igitur tantummodo Ver-  
bum Patris, sive cum verbo nostro, sive  
cum verbo Patris prolatitio, quoad offi-  
cium; quia sicut verbum nostrum exte-  
rius verbum interius manifestat; & sicut  
verbum exterior Patris, seu terminus ille,  
est manifestatio interioris verbi illius, seu  
cognitionis ejus; ita pariter Filius mani-  
festat Dei mentem, & internam illius  
aperit cognitionem. Unde Origenes t. I.  
in Joann. f. 166. Ut enim apud nos sermo  
nuntius est earum rerum, quæ a mente cer-  
nuntur: sic ille Dei sermo, qui Patrem agno-  
vit, Patrem agnatum revelat. Si qui autem  
Pares afferantur, qui fortassis aperte di-  
xerint, Filium, etiam sumptum secundum  
entitatem, esse verbum prolatitium Patris;

ad

ad eorum explicationem nos subdimus, hoc vel ideo dixisse, quia verbum prolatum manifestius est interno; unde magis multitudinis intelligentias hoc loquendi modo se aperabant; vel quia pugnantes cum Sabellianis, & Arianis, illo etiam dicendi genere, fortius, & apertius illorum erroribus se opponebant.

**D**e convenientia modo loquentes, vel de inconvenientia Verbi divini cum verbo creato, quod scilicet creatæ cognitionis est terminus; tria proferimus, in quibus convenient, & tria alia, in quibus discrepant. Primum, in quo convenient, est, quod utrumque verbum est spirituale, quia est mentis fœtus permanentis, & non transitorius: unde scribit Auctor libri de cognitione veræ virtutis, qui sub Augustini nomine latet: *Summus Pater Verbum suum, seipsum cogitando, genuit, quod in Patris, & Spiritus Sancti essentia simul coessentialis subsistit.* Secundum est, quod utrumque est immanens intra ipsum dicentem. Verbum divinum exit a Paatre, sed nunquam extra ejus simum exit. Unde Chrysologus: *Processit a Patre, sed a Patre penitus non abscessit.* Et Tertullianus lib. cont. Praxeam: *Protulit Deus sermonem, quem admodum radix fruticem, fons fluvium, & sol radium . . . . Nec tamen frutex a radice, nec flumen a fonte, nec radius a sole discernitur; nam, ut ait Joannes; Verbum erat apud Deum.* Tertium est, quod utrumque repræsentat, & exprimit objectum, ad cuius intuitum formatur; unde utrumque est expressa objecti imago, utrumque est terminus actualis intellectio- nis. Hinc Anselmus docebat in monologio c. 31. *Quamcumque enim rem mens, seu per corporis imaginationem, seu per rationem, cupit veraciter cogitare, ejus utique similitudinem, quantum valet, in ipsa sua cogitatione conatur exprimere.* Primum, in quo differunt, est, quod verbum creatum non est perpetuum, divinum autem perpetuum est; unde Augustinus lib. 15. de Trin. c. 16. inquit, quod ideo non dicitur cogitatio, ne aliquid esse quasi volubile crea- datur in Deo, quod nunc accipiat, nunc reci- piat formam, ut Verbum sit, eamque possit amittere. Secundum est, quod creatum verbum non est unum solum in qualibet creato intellectu, sed multa sunt; quia unum non est par rebus omnibus exprimendis, aut efficiendis: At Verbum di- vinum per se satis est ad omnia, & ideo singulare est, & unum. Tertium est, quod Verbum creatum non est, quid per se

subsistens; at divinum per se subsistit, & per se hypostasim habet. Si alia sunt di- versitatem capita, ad hæc dicta referuntur. His prænorat.

Dicimus, nomen Verbi secundæ Trinitatis personæ proprium esse, eoque propriæ convenire, sive proprie sumatur ut oppo- nitur metaphorico, sive accipiatur ut distinguitur a communi, & essentiali.

I. probatur ex Scripturis. Joan. i. *In prin- cípio erat Verbum, & Verbum erat apud Deum, & Deus erat Verbum . . . . Et Verbum caro factum est.* Joan. ep. 1. c. 1. *Quod fuit ab initia, quod audivimus, quod vidimus de Venbo vita, hoc annuntiamus vobis &c., & c. Tres sunt, qui testimonium dant in celo, Pater, Verbum, & Spiritus Sanctus.* Apo- calyp. 19. *Et vocatur nomen ejus Verbum.* Quæ omnia sunt ex novo testamento te- stimonia; ex veteri autem sunt quæ se- quuntur. Sapient. 9. *Qui fecisti omnia Ver- bo tuo.* Eccle. 1. *Fons Sapientia Verbum, Dei in excelsis.* Psal. 44. *Eructavit cor meum Verbum bonum.* Psal. 55. *In Deo laudabo Verbum, Cæcerum hæc, & alia, quæ ex veteri testamento desumti possunt, ita non sunt efficacia, ac illa, quæ ex novo desu- muntur.*

II. probatur ex Patribus. Cyrillus lib. 7. the- sauri c. 1. *Ut hoc nomen quasi proprium Fi- lii elegisse videatur, in principio, inquit, erat Verbum, & Verbum erat &c. Vide, quomo- do ipsum esse Filii secundum naturam hoc nomen significat.* Et post pauca: *Frusbra miramur, Evangelikam, & quasi magnum quid proprium tonasset, tonitri filium appella- lamus, nisi Verbum, quasi proprium, mira- bile, & inauditum, pronunciasset.* Augu- stinus lib. 7. de Trin. c. 2. *Pater igitur, & Filius simul, una essentia, & una ma- gničudo, & una veritas, & una sapientia; sed non Pater, & Filius simul ambo unus Verbum; quia non simul ambo unus Filius:* *Sicut enim Filius ad Patrem refertur, non ad seipsum dicitur; ita & Verbum ad eum, cuius est Verbum, refertur, cum dicatur Ver- bum. Eo quippe Filius, quo Verbum, & Verbum, quo Filius.* Post quæ concludit: *Quoniam igitur Pater, & Filius simul non utique unus Filius, consequens est, ut Pater, & Filius simul non ambo unus Verbum.* Lo- quens postmodum de Verbo, cuius ratio est propria Filio, & de sapientia, quæ est Filio tantum appropriata, subdit: *Et propterea non eo Verbum, quo Sapientia;* *quia Verbum non ad se dicitur, sed tantum relative ad eum, cuius est Verbum; sicut Fi- lius ad Patrem: Sapientia vero eo, quo essen- tia;*

cia; & ideo quia sua essentia, sua Sapientia. Quoniam vero & Verbum Sapientia est, sed non eo Verbum, quo Sapientia; Verbuna enim relative, Sapientia vero essentialiter intelligitur, id duci accipiamus, cum dicitur Verbum, ac si dicatur nata Sapientia, ut sit Filius, & imago. Athanasius ser. 3. con. Arianius circa medium: Quarendum est, cur non tunc sit Dei Verbum, quale nostrum est, cum Deus nequaquam talis sit, quales nos sumus. Anselmus in Monologio c. 6. Hoc est mirabile in Trinitate, quod cum sint tres persona, quarum qualibet seipso dicit, & alias, est tamen unum solum Verbum, scilicet solius Patris.

III. probatur Rationibus. I. Nomen Verbi significat modum, quo procedit secunda Trinitatis persona: ergo est illius proprium. Consequentia sequitur; nomina enim, que significant modum, sunt personalia. Antecedens probatur. Verbi nomen significat, secundam personam procedere per generationem: ergo significat modum, quo procedit secunda Trinitatis persona. Probatur antecedens. Verbi nomen significat, secundam personam procedere per intellectum: ergo procedere per generationem. Antecedens est certum; consequentia constabit ex infra dicendis, quando de Verbi generatione tractabitur. II. Verbum est imago rei intellectae ab intellectu vitaliter elicita, & exemplata ab objecto; sed hoc totum proprie convenient secundæ personæ: ergo secundæ persona proprie est Verbum, non metaphorice. Minor patet infra; major admittitur. III. Dictio solius Patris producit Verbum; sed Filius a solo Patre producitur: ergo solus Filius habet nomen Verbi proprie, prout proprie distinguitur a communi, & essentiali. Probatur major. Dictio solius Patris supponit fœcunditatē in intellectu divino; sed Verbum procedit ex fœcunditate divini intellectus: ergo dictio solius Patris producit Verbum. Major est certa; quia intellectus communicatur Filio a Patre, & Spiritui Sancto a Patre, & Filio, sine fœcunditate: ergo fœcunditas est in intellectu divino, prout est in Patre. Minor negari non potest; consequentia sequitur.

Obstant I. Joan. I. ubi Vulgata legit Verbum, SS. Patres, & præ cæteris Cyprianus, Hieronymus &c. legunt Sermonem, & Rationem; sed sermo, & ratio non convenient proprie secundæ Trinitatis personæ: ergo nec pariter Verbum. II. Ex S. Irenæo, S. Ambrosio, & S. Athanasio, Verbi no-

men vel convenit Deo, ut Deo, vel omnibus divinis personis: ergo non convenit proprie Filio. Probatur antecedens. Ireneus lib. 2. c. 48. inquit: Deus totus existens mens, & totus existens logos; hoc est Verbum. Ambrosius lib. unic. de Filiis diuinitate c. 5. Sive lumen de lumine dicas, sive Verbum de Verbo, sive Spiritum de Spiritu, sive Domum de Domino; quocunque de eo dixeris, unius tamen essentie Patrem, & Filium credas. S. Athanasius adv. eos, qui dicunt passus est Deus &c. Qui dicit Deum logon, essentiam simplicem significat. III. Ex Chrysostomo hom. 1. in Joannem Verbum intelligitur in divinis de prolatio, non de mentali; ait enim: Præcipuum causam, ob quam Joannes Filium appellavit Verbum, fuisse, quoniam Patrem nobis annuntiatus erat: Omnia enim, inquit, quæcumque audiri a Patre, nota feci vobis. IV. Ex Theophila nomen Verbi tantum metaphorice tribuitur Filio; scribit nanque ad illud Joan. I. Hoc erat in principio apud Deum: Neque ullum aliud proprium nomen quis invenerit dignum Deo; Verbum ipsum substantialiter, & proprie non est nomen Unigeniti; sed tantum manifestat absque affectione, natum de Patre Filium. V. Ex S. Basilio lib. 3. cont. Eunomium, Spiritus Sanctus etiam est Verbum: Dei quidem Verbum Filius est; Filii autem Verbum Spiritus; & probat ex illo ad Hebr. 1. Portans omnia Verbo Virtutis sua: Subdens: Et quoniam Verbum Filius per Deum, inquit idem Apostolus Ephes. 6. Gladium Spiritus, quod est Verbum Dei. VI. Verbum divinum distinguitur a Filio; & ratio Verbi distinguitur a filiatione: ergo Verbum non dicit quid proprium Filio. Antecedens probabant Samosatenses ex Actor. 10. Verbum misit Deus Filiis Israel pacem annuntians per Christum.

Respondemus ad I. cum Augustino lib. 8. 3. qq. quæst. 6. 3. Quod græce λόγος dicitur, latine & rationem, & Verbum significat; sed hoc loco Joan. I. melius Verbum interpretamur, ut non significetur solum ad Patrem respectus, sed ad illa etiam, qua per Verbum facta sunt operativa potentia. Scimus, Erasmus in annot. ad c. 1. Joannis voluisse, potius dicendum sermonem, quam Verbum; cui adhæserunt Calvinus, & Beza, aliquique Novatores. Sed Catholicorum una est assertio, posse quidem in aliquo legitimo sensu dici sermonem; melius autem, & convenientius dici Verbum, quam sermonem, vel rationem. Ratio est, quia per sermonem intelligitur ut plurimum Verbum prolatum, non mentale; & per

& per rationem non importatur vis illa productiva, quae importatur per Verbum, ut per ipsum fiant, quæcunque sunt facienda; ut dicebat Augustinus.

Ad II. explicatur Irenæus, quando dicit, totum Deum esse logon, quod intelligat, Verbum non esse partem Dei, sed esse totum Deum. Cæterum Irenæus in eodem loco inquit: *Ex cogitatione, & sensu Verbum emitti*; intelligens Verbum mentale, quod emititur per cogitationem; & exteriorum, seu prolatitium, quod a nobis emititur per sensum. Ambrosius non ex se ipso afferit, quod Filius sit Verbum de Verbo; sed ait, quod si quis hoc diceret, pon per hoc consubstantialitati opponatur. Athanasius non negat, sermone, & Verbo significari personam, sed negat significari duas naturas, sicut significantur in Christo, in una persona. Ait enim: *Qui vero dicit Christum, is duarum coniunctionem naturarum declarat.*

Ad III. Chrysostomus loquutus fuit de Verbo externo, seu prolatitio, at non per hoc negavit Verbum internum, seu mentale: Cæterum diximus quoque nos, Verbum, divinum explicari aliquando per Verbum prolatitium, sed quoad officium, non vero quoad entitatem; ut Augustini etiam verba explicavimus.

Ad IV. Theophilactus loquitur de nomine Dei, afferens, nullum a nobis posse excoigitari nomen, quod sit proprium, & dignum Deo, & illius vere significativum, & expressivum. Unde Chrysostomus pariter cit. loc. docebat: *Deum neque dicere, neque intelligere, pro ipsius magnitudine quisquam potest; & cum dici nequeat quanam sit Dei substantia, eam nobis ex operibus manifestas.*

Ad V. Basilius nomen Verbi Spiritui Sancta tribuit non proprie, sed figurate, & metaphorice; & metaphoræ consistit, quod sicut Filius mittitur a Patre, ut Patris voluntatem hominibus manifestetur, ita Spiritus Sanctus ob eundem finem a Filio mittitur.

Ad VI. In allegato Actorum loco Verbum non accipitur pro persona divina, sed pronuntio, quod dicitur extra Deum, & annuntiatur hominibus. Sic aliqui occurserunt. Athanasius autem or. 5. cont. Arianos dicit, significari divinum Filium, quem Deus Pater misit in mundum, ut Evangelium pacis in assumptione humanitate prædicaret. Quod autem non sit novum, reperi eandem personam in eodem Scripturæ loco, non expresso ejus nomi-

ne, aut pronomine relativo; probat ex illo 1. ad Cor. 1. *Expectantes revelationem Jesu Christi, qui & confirmabit eos sine crimen in die adventus Domini nostri Jesu Christi.*

Filius nomen modo explicandum sumimus. Nomen Filii datur in divinis Scripturis & secundæ Trinitatis personæ, & creaturis, sed diversimode; sicut diversimode primæ personæ respectu secundæ, & respectu creaturarum, Patris nomen tribuitur primæ. Creatorum tamen filiatione impropria est; at non in omnibus creaturis æqualis. Prout enim magis, vel minus ad personæ divinæ filiationem accedit, magis, vel minus de Dei filiatione participat; & magis, vel minus ad personæ divinæ filiationem accedit, prout creaturæ magis, vel minus Deo assimilantur. Estius in 1. dist. 26. §. 4. varios gradus in creaturis agnoscit, & secundum graduum varietatem, diversas quoque in illis filiations agnoscit. Hanc aurem gradationem ex Scriptura colligit modo, quem subdimus. Primo, ait, tribui filiationem creaturis etiam irrationalibus, ob participationem divini esse, quam per creationem habent; unde dicitur Job. 38. *Quis est pluviae Pater, vel quis genuit filias rooris?* Secundo tribui creaturis rationalibus, etiam pon existentibus in gratia; & hoc propter specialem Dei imaginem, quam habent, ipsis impressam ratione intellectivæ potentiaz, & sic habetur Isai. 1. *Filios entravi, & exaltavi, ipsis autem spreverunt me.* Tertio tribui fidelibus ratione specialis cultus, quem Deo offerunt ut Patri; unde in dominica oratione dicimus: *Pater noster, qui es in cælis.* Quartio tribui Justis, ratione participationis divinæ naturæ per gratiam, & similitudinis cum Deo propter vitæ sanctitatem, & mentis rectitudinem; unde Joan. 3. habetur: *Charitatem dedit nobis Pater, ut filii Dei nominemur, & simus.* Quinto tribui Prædestinatis, ratione conformitatis ipsorum cum Prædestinatorum capite Christo; secundum illud Joan. 13. *Ut filios Dei, qui erant dispersi, congregaret in unum.* Sexto tribui Beatis, ratione specialis similitudinis, quam propter visionem dum Deo habent; ut dicitur Sapient. 5. Ecce quomodo computati sunt inter filios Dei; & Lucæ 20. *Fili sunt Dei, cum sint filii resurrectionis.*

Ad hæc cohærenter triplicem distinguit Catheranus Paternitatis, & Filiationis, seriem. Una est, quam dicit divinarum perso-

## De Secunda Trinitatis Persona, &c. 143

personarum inter se; altera, quam vocat creaturarum inter se; ultima, quam nominat inter divinas personas, & creature. Ex his affectit, quod prima, & secunda continent rationem propriam paternitatis, & filiationis; prima tamen est superior, & longe perfectior; secunda vero inferior, imperfecta, & a prima dependens. Tertia demum est omnino impropria, & metaphorica. Igitur, concludit ipse, filatio dicitur per prius in divinis ad intra; deinde de una creatura in ordine ad aliam; postremo de creaturis in ordine ad Deum. Et sic etiam paternitas dicitur per prius in divinis ad intra; postmodum de una creatura in ordine ad aliam; & ultimo de Deo in ordine ad creature.

Dicimus modo, Filii nomen convenire secundae divinæ personæ proprie, sive sumatur proprie prout non est metaphorice, sive prout non est communiter, & essentialiter.

I. probatur ex Scripturis. Psal. 2. 7. *Filius meus es tu, ego hodie genui te. Sapient. 2. 13. Et Filium Dei se nominat;* & n. 18. Si enim est verus Filius Dei. Daniel. 3. 92. Species quarti similis Filio Dei. Matth. 11. 27. *Nemo novit Filium, nisi Pater;* & c. 14. 33. *Vere Filius Dei es.* Lucæ. 3. 22. *Tu es Filius meus dilectus.* Joan. 1. 18. *Unigenitus filius, qui est in senu Patris;* & n. 34. *Quia hic est filius Dei.* Ad Rom. 1. 4. *Prædestinatus est filius Dei;* & c. 8. 3. *Deus filium suum mittens.*

II. probatur ex Conciliis. Concilium Nicænum generale I., & Concilium Constantinopolitanum generale I. in Symbolo: *Credo in unum Dominum nostrum Jesum Christum Filium Dei unigenitum.* Concilium Sardicense apud Theodoreum lib. 2. hist. c. 8. *Confitemur, unam esse Patrem, & Filii divinitatem.* Concilium Constantinopolitanum generale VI. act. 1. *Dominus noster Jesus Christus cum Patre, & Spiritu Sancto diuinam, & omnipotentissimam naturam communem habet.* Si unus est Pater, alter necessario est Filius; dicunt enim inter se infallibilem relationem. Concilium Bracarense 1. 3. *Si quis dicit Filium Dei dominum nostrum, antequam ex Virgine nascetur, non fuisse, sicut Paulus Samosatenus, & Photinus, & Priscillianus, dixerunt, anathema sit.* Concilium Tolitanum V. c. 1. *Filius a Patre intemporaliter, ante omnem creaturam, sine initio genitus, non creatus.* Nam nec Pater unquam sine Filio, nec Filius existit sine Patre. Sed tamen Filius Deus de Pa-

tre Deo, non Pater Deus de Filio Deo: illi autem Filius Patris, & Deus de Patre; per omnia coequalis Patri, Deus verus de Deo vero.

III. probatur ex Patribus. Athanagoras Apolog. pro Christianis: *Filius Dei est Verbum Patris.* Clemens Alexandrinus lib. 1. pædagog. c. 2. *Pædagogus noster est Deo Patri suo similis, cuius est Filius.* Cyrilus Hierosolymitanus catechesi 4. de Christo: *Credo in Filium Dei, unum, & solum Dominum nostrum Jesum Christum, Deum ex Deo genitum &c.* Basilius homil. de fide: *Filius ex Patre genitus, Verbum vivens, Deus existens.* Tertullianus in apologet. c. 21. *Hunc Sermonem ex Deo prolatum didicimus, & prolatione generatum, & idcirco Filium Dei, & Deum dictum ex unitate substantia.* Hilarius lib. 2. de Trinit. *Filium mens consternatur attingere, & trepidat omnis sermo se prodere.* Est enim progenies ingeniti, unus ex uno, verus a vero, vivus a vivo, perfectus a perfecto, virtutis virtus, sapientia sapientia, forma Patris ingeniti. Hieronymus lib. 6. Comment. in Ezechielem c. 18. *Via Patris, Filiique potestas, virtus, atque substantia.* Augustinus in Joann. tract. 36. *Agnoscis quia Pater, Pater est; & Filius, Filius est.* Bene agnoscis, sed noli dicere: *Pater major est, Filius minor est.* S. Leo magnus ser. 8. c. 1. *Deus Dei Filius de semper, & ingenito Patre unigenitus.*

IV. probatur Rationibus I. Secundæ Trinitatis personæ convenit aliam personam tanquam Patrem respicere, & ab illa eadem per veram generationem producere ergo eidem convenit proprie, non metaphorice, nomen Filii. Consequentia sequitur; illud enim, & non aliud, Filius nomine intelligitur. Antecedens probabitur, cum de Filii processione differemus, eaque generationem esse probabimus: II. Sola secunda Trinitatis persona generatur: ergo sola illa est Filius. Antecedens etiam constabit cit. loc., & Consequentia sequitur. III. In tribus divinæ Trinitatis personis est aliqua persona, quæ est Filius, & Filius vocari debet; sed haec non est prima, neque tertia: ergo secunda. Probatur minor. Non prima, quia est ingenita; non tertia, quia non est genita: ergo secunda, quæ est genita. IV. Pater est ingenitus: ergo non genitus: ergo non convenit illi Filii nomen: Insuper Spiritus Sanctus est spiratus: ergo non genitus: ergo neque illi convenit Filii nomen. Atqui solus Filius est genitus: ergo illi soli convenit Filii nomen; & quidem proprie, non tantum prout

prout proprie opponitur metaphorico, sed etiam prout distinguitur a communi, & essentiali.

**Opponunt I.** Aliquando in Scripturis impropre usurpatur nomen Filii: ergo etiam sic usurpatur, quando in iisdem secundæ Trinitatis personæ datur. II. Justinus Martir in Expositione fidei docet: *Intelligimus Filium a Patre prognatum, sicut lumen e lumine promicans; sed lumen non est Filius luminis: ergo neque secunda persona primæ.* II. Si Filius erat: ergo non est genitus: ergo non est Filius: Et si natus est: ergo non erat: ergo vel non est Filius, vel non est æternus. III. De Patre scriptum est: *Te solum verum Deum:* ergo si Pater est solus verus Deus, Filius non potest esse naturalis, sed adoptivus. IV. In sacris Scripturis solus Pater appellatur Deus, Filius vero dicitur dominus: ergo non habet eandem cum illo naturam, licet maximam ab eo habeat potestatem: ergo non est Filius naturæ, sed adoptionis.

**Respondemus ad I.** impropre usurpari nomen Filii, quando creaturis applicatur in ordine ad Deum; nunquam vero inveniatur, quod impropre sumatur, quando secundæ personæ divinæ in ordine ad primam tribuitur. Cæterum ineptissimus hic est arguendi modus: Aliquando in Scripturis usurpantur aliqua nomina improppria: ergo semper usurpantur: Aliquando aliqua vox impropprie accipitur: ergo semper impropprie accipitur. Impropprie tantum intelligenda est, quando impropprie usurpatur; quando vero proprio sumitur, est proprio etiam explicanda.

**Ad II.** Justinus Martir luminis exemplo clarificat Filii generationem, non autem adeo exponit, ut quæcunque in uno inveniuntur, debeant de altero necessario verificari. Non enim paritates omni ex parte currere habent; sed satis est, ut ex illa parte currant, secundum quam ad exemplificandum sumuntur. Cæterum liber ille de Expositione fidei non est genuinus Justini foetus, sed falso illi tributus; ut etiam mitiores Critici non abnuunt.

**Ad III.** responder Chrysostomus, vel quisquis alias lateat sub ejus nomine, in Serm. de sancta, & consubstantiali Trinitate: *Si dixeris mihi, de Patre scriptum est: Te solum verum Deum.* Sed est & hoc scriptum: *Et Deus erat sermo.* Et quomodo igitur aquilis Patri? Dicendo enim de Patre, quod ipse sit solus verus Deus, monstravit Filium non

naturalem, sed adoptatum Filium. At quid propria salutis inimice? Num quia scriptum, sicut dicit Joannes de Patre, *Deus lux est;* de Filio autem, erat lux vera; ideo aedes propter hoc dicere minorem Patrem, eo quod non adjectit, quod sit lux vera, sed de Filio solo dicit, quod sit lux vera? Sicut igitur non aedes minorem facere Patrem, eo quod non appositum est, quod sit vera lux; ita cum audis de Patre: *Te solum verum Deum:* de Filio autem, solum quod sit Deus, ne audeas minorem facere Filium; quoniam nomina diverso modo nunc illi, nunc huic, adharent.

**Ad IV.** Responder Hieronymus, in Comment. ad c. 4. ad Ephes. Si, ut existimat Ariani, Deus Pater solus est Deus; eadem consequentia, solus erit Dominus Jesus Christus; & nec Pater erit Dominus, nec Filius Deus. Sed absit, ut non sit vel in dominatione deitas, vel in deitate dominatione. Unus est Deus, & unus est Dominus; quia Patris, & Filii dominatio una est Divinitas. Propterea & fides una dicitur, quia similiter in Patrem, & Filium, & Spiritum Sanctum, credimus.

Advenit nomen Imaginis in Filio explicandum: Et quidem imago describitur a S. Th. 1. par. q. 35. ar. 1. in corp. ex S. Augustino lib. 83. qq. quest. 74., quod sit aliquid ex alio procedens simile ei, quod est in specie, vel saltum in signo speciei. Dividitur in naturalem, intentionalem, & artificialem. Naturalis est similitudo physice producta a principio naturali, representans id, a quo est naturaliter producta. Intentionalis est similitudo intentionaliter producta ab objecto, & potentia cognoscitiva, representans intentionaliter objectum, a quo producta est, cognoscitivæ potentiaz, a qua patriter est producta. Artificialis est similitudo elaborata ab artifice, representans exemplar, ad cuius imitationem est producta. Filius dicitur imago naturalis; Verbum mentis imago intentionalis; imago naturalis est quæ fere ab omnibus dicitur imago. His positis.

Dicimus, secundæ Trinitatis personæ convenire nomen imaginis naturalis, & intentionalis, proprie, non metaphorice, non autem imaginis artificialis; & convenire respectu solius primæ personæ, & ratione essentiæ simul, & personalitatis, quanvis principalius ratione essentiæ.

**I.** probatur ex Scripturis. Apostolus ad Colossenses 1. ait: *Qui est imago Dei invisibilis, primogenitus omnis creatura.* Ad Hebreos 1. *Qui cum sit splendor gloria ejus, & figura substantia ejus.* Quod vertit S. Juan-

**Joannes Chrysostomus** ibidem hom. 3. **Character substantia ejus**. Item in veteri testamento Filius dicitur per nomen, & equivalentis imaginis; scilicet per faciem; facies enim est quasi imago cordis. Unde Psal. 138. habetur: *Quo ibo a Spiritu meo, & quo a facie tua fugiam?* Ubi inquit Nyssenus: *Fili hypostasis quasi forma, ac facies est, qua Pater cognoscitur.*

**II. probatur ex Paribus.** Athanasius epist. de decretis Nicenæ Synodi: *Quod si cum imaginem nomines, Filium hoc esse eo ipso indicaveris; quid enim est simile Deo, nisi sua ipsius progenies? Nazianzenus or. 4. de Theologia: Brevis, & compendiosa, facilisque paterna natura declaratio est Filius: Omnes enim, quod genitum est, genitorem suum tacita quadam voce definit.* Nyssenus lib. de differentia essentiae, & hypostasios: *Fili hypostasis quasi forma, ac facies est, qua Pater cognoscitur; & Patris hypostasis in forma Filii cognoscitur, manente ea, qua in his consideratur, proprietate ad discretionem personarum.* Cyrillus Alexandrinus lib. 3. thesauri c. I. Propter hoc *Filius Verbum, & imago Dei est, quia ex ipso Patre vere, ac proprie genitus est.* Basilus hom. de fide: *Imago ipsissima invisibilis Dei Filius ex Patre genitus.* Hilarius lib. 2. de Trinit. *Imago invisibilis Dei, forma Patris ingeniti.*

**III. probatur Rationibus.** I. Duo requiruntur ad rationem propriæ, & perfectæ imaginis; similitudo scilicet, & processio; sed hæc duo verificantur in Filio in divinis: ergo Filio in divinis convenient propriæ imaginis ratio, & nomen. Minor constabit infra, quando de Filii generatione differetur; major autem non negatur; & consequentia bene infertur. II. Imago naturalis idem est ac Filius; imago intentionalis idem est ac Verbum; sed secunda Trinitatis persona est Filius, & est Verbum: ergo est imago naturalis, & intentionalis. Præmissæ constant ex dictis in hac eadem Dissertatione; consequentia sequitur. III. Imago naturalis importat similitudinem in natura: ergo in Filio est ratio imaginis per respectum ad essentiam; & quidem principalius, quia essentia ei a Patre communicatur, & principalius communicatur. Unde scribit Cyrius in ep. 10., quæ in Concilio Ephesino approbata fuit: *Propter eandem, quam cum illo habet essentiam, & imago, & character, & splendor est gloria ejus.* IV. In imagine non tantum est ratio similitudinis, quæ respicit essentiam, sed etiam ratio

*PAR. II.*

processionis, quæ respicit personam: ergo ratio imaginis in Filio est propter essentiam, & personam.

**Arguunt I.** Ratio imaginis convenit etiam Spiritui Sancto: ergo non proprie Filio. Probatur antecedens. Ad Rom. 8. dicitur: *Quos præscivit, & prædestinavit conformes fieri imaginis Filii sui;* sed imago Filii est Spiritus Sanctus, quia ab ipso producitur: ergo &c. II. Idem Apostolus I. ad Cor. 15. hæc habet: *Primus homo de terra terrenus, secundus homo de cœlo cœlestis.... Igitur sicut portavimus imaginem terreni, portemus & imaginem cœlestis.* In quibus verbis per hominem terrenum intelligitur Adam, per hominem cœlestem Christus, & per imaginem ejus Spiritus Sanctus. III. Græci Patres non pauci, qui ab Eustio recensentur in I. dist. 27. §., nomen etiam imaginis Spiritui Sancto tribuunt. IV. Nomen imaginis respectu Dei convenit etiam homini; dicitur enim Genes. 1. 26. *Faciamus hominem ad imaginem, & similitudinem nostram:* ergo non convenit proprie Verbo, quum non conveniat soli Verbo. V. Imago supponit similitudinem; sed Spiritus Sanctus habet eandem similitudinem in natura cum Patre, & Filio, quam habet Filius cum Patre: ergo pariter Spiritus Sanctus est imago. V. Verbum nullam habet similitudinem cum Patre: ergo nequit dici imago Patris. Probatur antecedens. Si haberet similitudinem, vel haberet illam cum persona, vel cum essentia; non cum persona Patris, quia hæc non solum non est similis, sed etiam est diversa: Non cum essentia, quia est eadem in utroque, & idem non est simile sibi; identitas enim similitudinem excludit, non includit.

Respondemus ad I. sensum illorum verborum esse, quod Prædestinati ita conformatur Filio Dei, ut fiant veluti imago ipsius; & hoc ab Apostolo dici transitiva quadam loquutione; ut ait Cacheranus.

Ad II. idem Cacheranus occurrit dicendo, quod Apostolus hortatur Corinthios ad vitam instituendam ea quidem morum probitatem, qua dici possint, se vitam hominis cœlestis imitari; & sic aliqualiter exprimant hominis cœlestis, seu Christi Domini, imaginem.

Ad III. dicitur ab eodem Cacherano, quod Græci Patres minus accurate loquuti fuerint de ratione imaginis in divinis ad intra; & quod imaginis nomen latius usurpaverint ad significandum omne id, quod procedit simile, etiam si non procedat

T

for-

formaliter tale, & ex vi propriæ processionis, ut ad rationem propriæ imaginis requiritur. Quod autem illos movit, ad imaginis nomen Spiritui Sancto tribendum, fuit, ut hoc nomine processionem Spiritus Sancti a Filio, & ejusdem substancialitatem cum Patre, & Filio, adstruerunt.

Ad IV. Homo dicitur improprie, non proprie, imago Dei; quia imago proprie sumpta dicit similitudinem secundum speciem; improprie vero accepta, dicit similitudinem secundum aliquam tantum perfectionem. Deus, & Homo non sunt ejusdem naturæ; adeoque homo non est imago Dei secundum speciem. Homo ex altera parte est intelligens, sicut Dei natura est intelligens; unde habet aliquam perfectionem, quam habet Deus; & in hoc est ei similis, ejusque dicitur imago, sed improprie. Verbum vero haberet eandem naturam cum Patre, non solum specie, sed etiam numero; & per consequens est proprie Patris imago.

Ad V. dicimus, ad rationem imaginis non sufficere similitudinem duorum in natura, sed requiri, quod talis similitudo sit vi processionis. In Spiritu Sancto respectu Patris, & Filii est similitudo in natura, sed non est vi processionis; adeoque proprie non est imago nec Patris, nec Filii. In Verbo autem respectu Patris est similitudo in natura, & est vi processionis; ac proinde dicitur imago Patris. Quod perbellic explicat Augustinus lib. 83. qq. q. 74. Si gemini inter se similes sint, similitudo dici potest alterius cuiuslibet in altero, non imago; & ovum alteri ovo quam maxime simile est, nec imago tamen ejus est, quia de illo expressum non est.

Ad VI. distinguunt propositionem illam, quæ ab arguento supponitur: Ubi est identitas in natura, non est similitudo in natura; si eadem quoque sit persona, conceditur; si non sit eadem persona, negatur. Ratio est, quia, ut dicunt, ad similitudinem duo requiruntur, unum, in quo convenientia, quæ sunt similia; alterum, in quo disconveniant. Non est autem necesse, ut id, in quo conveniunt, seu forma, in qua similitudo formatur, sit distincta; sed satis est, ut sint distincta subjecta, in quibus reperitur forma illa. Et proprie hanc rationem persona Filii, quæ realiter distinguitur a persona Patris, est perfecte similis Patri in essentia; eo quia forma, seu essentia, in qua fundatur simi-

litudo, est in utraque persona eadem omnino. Sic Jueninus, quod ultius quoque confirmat.

Remanet tandem, ut de aliis nominibus agamus; scilicet de Sapientia, specie, singulari, charactere; quibus pariter secunda Trinitatis persona nominatur. Et quidem de Sapientia loquentes, supponimus, in divinis esse discrimen inter essentialia, propria, & appropriata. Essentialia sunt communia tribus personis; ut natura divina, bonitas, sanctitas, immensitas &c. Propria sunt proprietates relativæ, quibus unaquæque persona constituitur, & ab alia distinguitur. Appropriata sunt quidem prædicata essentialia, & absoluta, & tribus personis communia; sed quæ tam uniuersi potius personæ, quam alteri accommodantur, propter quandam singularem rationem, & affinitatem, quæ potius respectu nostrum est, seu concipitur, in una persona, quam in alia. Et hoc patet Patri, vel quia principium est certarum personarum, vel quia illum Hæretici aliqui, a Frassen memorati, ob sequentem impotentem dicebant, Omnipotens tributa fuit. Filio autem, quia per intellectum, cuius proprium est noscere, intelligere, sapere, procedit, Sapientia fuit accomodata. Spiritui Sancto demum, quia procedit per voluntatem, quæ sedes est amoris, bonitatis, ac sanctitatis, amor, bonitas, & sanctitas, appro priantur.

Hujusmodi autem appropriations non solum apud Patres, sed etiam in Scripturis leguntur; ut inde possimus affirmare, non inconsulto fuisse factas, & irrationabiliter non admitti. S. Leo ser. 2. de Pentec. c. 2. inquit: Ut per proprietatem vocis, aut operis, insinuetur nobis veritas Trinitatis, & non dividat intellectus, quod distinxit auditus. Nunquam enim intelligetur Trinitas, si semper inseparabiliter dicitur. Appropriatio autem a S. Thoma<sup>11</sup> sic dicitur: Via similitudinis, & dissimilitudinis; ab Alberto: Accessus, & recessus; ab Henrico: Correspondentia secundum similitudinem; ab Alenso autem eam fieri docetur, ut inferatur veritas, & occurratur errori.

Dicimus, Sapientiam tribui Filio, non autem tribui proprie, sed appropriate; non tribui vero Patri ea ratione, qua tribuitur Filio. Tres habet partes Conclusio.

I. probatur pro prima parte. Prov. 8. Divina Sapientia dicit: Nondum erant abyssi, & ego jam concepta eram . . . Ante omnes colles ego parariebam. Ecclesiast. 24. Ego ex ore

ore Altissimi prodigi primogenita ante omnia creaturam. Si igitur Sapientia dicitur genita, & genitus inter personas divinas est solus Filius, vere Sapientia tribuitur Filio. Unde S. Basilius lib. 4. cont. Eu-nomium: *Si est Christus Dei virtus, & Dei sapientia, hec autem increata, & coeterna sunt Deus (non enim fuit aliquando sapientia, tunc virtus expers) increatus, & coeternus est Deo Christus.* Ambrosius lib. de Sym-bolo c. 11. *Numquid potuit esse tempus, quando Pater sine vita, sine sapientia, sine virtute, sine Verbo, quod Christus est, fuerit?* Augustinus lib. 7. de Trinit. c. 1. *Impium est dicere, Deum non esse Patrem Sapientia sua.*

II. pars probatur; cum quia Sapientia est aliquid absolutum; unde non potest conve-nire proprie, hoc est per exclusionem, uni personæ, & non aliis; tum etiam, quia quando absolute sapientia dicitur, intel-ligitur communis toti Trinitati; quando vero dicitur de Filio, cum aliquo addito dicitur: ergo signum est; quod non est propria, sed appropriata Filio. Unde Augustinus lib. 7. de Trinit. c. 2. *Quia in illa simplicitate non est aliud sapere, quam esse, eadem ibi sapientia est, qua essentia.* Post quæ addit: *Pater igitur, & Filius simul una essentia, & una magnitudo, & una veritas, & una sapientia; sed non Pater, & Filius simul ambo unum Verbum, quia non simul ambo unus Filius.* Addit insuper: *Propterea non eo Verbum, quo Sapientia, quia Verbum non ad se dicitur, sed tantum relative ad eum, cuius est Verbum, sicut Filius ad Patrem. Sapientia vero, quo essentia; & ideo quia una essentia, una sapientia.* Huc usque loquutus est Augustinus de sapien-tia essentiali, quæ est communis tribus personis, & non est propria, nec appro-priata Filio. Modo loquitur de sapientia Filio appropriata: *Quoniam vero & Verbum sapientia est, sed non eo Verbum, quo sapientia; Verbum enim relative, sapientia vero essentialiter intelligitur: Id dici accipiamus, cum dicitur Verbum, ac si dicitur nata Sapientia, ut sit Filius, & imago. Et bac duo cum dicuntur, id est nata Sapientia in uno eorum eo quod nata est, & Verbum, & imago, & Filius intelligitur, & in his om-nibus nominibus non intelligatur essentia, quia relative dicuntur.*

III. pars probatur. Sapientia, quæ appro-priatur Filio, est sapientia genita; sed hac sapientia genita non potest dici sapiens Pater: ergo Patri sapientia non tribuitur ea ratione, qua tribuitur Filio. Unde docet Augustinus lib. 15. de Trinit. c. 7. *Si enim solus sibi Filius intelligit, ut intelligentia sit & sibi, & Patri, & Spiritui Sancto, ad illam reditur absurditatem, ut Pater non sit sapiens de seipso, sed de Filio, nec Sapientia Sapientiam generat, sed ea sapientia Pater dicitur sapiens esse, quam genuit.... Ec-si hoc est Deo esse, quod sapere, & ea illi es-sentia est, quæ sapientia, non Filius a Patre, quod verum est, sed a Filio potius habet Pa-ter essentiam; quod absurdissimum, atque falsissimum, est.*

Reliquæ modo nomina explicantur. Species dicitur secunda Trinitatis persona. Ha-bemus ex Joan. 5. ubi Christus ait: *Pater testimonium perhibet de me, neque vocem ejus unquam audistis; neque speciem ejus vi-distis, & Verbum ejus non habetis in vobis manens, quia quem misit ille, huic vos non creditis.* Ad quæ verba Athanasius or. 4. cont. Arianos scribit: *Pulcre sic Verbum conjunxit formam, ut palam fateres, se esse Verbum Dei, & imaginem, & characterem, & speciem sui Patris.* Danielis etiam 3. ha-bemus: *Species quarti erat similis Filio Dei.* Unde Athanasius fer. cont. omnes haere-ses concludit, Arianos deteriores esse Na-buchodonosore, quia Filius Deo neque simi-lem, neque consubstantialm, esse vo-lunt.

Nomina Sigilli, & Characteris colligunt ex verbis Joann. 6. *Hunc Pater signavit Deus.* Quæ a Basilio lib. uoit. de Spiritu Sancto c. 6. sic exponuntur; *Christus splendor gloriae, hunc Pater signavit Deus, seque to-tum in eo expressit.* Ambrosius quoque in procemio lib. 2. de fide: *Imago, & splen-dor, & character, dicitur Dei Filius, quia hac incomprehensibilem, & investigabilem paterna divinitatem majestatis in Filio, & expressam similitudinem revelarunt.* Chrysostomus hom. 3. in ep. ad Hebr. *Chara-cter substantiae ejus.* Et Nazianzenus or. 4. de Theologia; docet, *Filium vocari Cha-racterem ut purum Patris sigillum, minime que mendax.*

# DISSESSATIO CXXIII.

*De Processione Verbi; & ex quorum cognitione procedit.*



Ilius, ait P. Magnus Philos. sac. de Deo Trino c. 20. prop. 13. secundum quod est intentionalis imago Patris, est etiam ejusdem Verbum; quatenus, ut subdit, est ejus, ut dicitur dicitio; idem enim sunt dicitio, per modum forme dicendi sumpta, & Verbum. Et quidem solius Patris est dicitio, & solius Patris est Verbum, si principium ejus originis inspiciatur; non sic autem, si inspiciantur objecta, quatenus dici potest etiam horum Verbum, tanquam dictorum, seu Verbo a dicente expressorum. Et hinc emergit celebris controversia, quae agitur in scholis sub his terminis: Ex quorum cognitione procedit Verbum? seu, quod idem est; quænam sine ea, quæ Verbo Patris exprimitur, & dicuntur? Horum enim omnium quodammodo est Verbum; quatenus, ut Magnus dicit, ea Pater omnia simul uno Verbo dicit, quæ cognoscendo, atque dicendo, generat Filium. Et hoc est, quod in hac Dissertatione suscipimus disputandum.

Præsupponere tamen oportet primo, Verbum divinum dupli modo dici posse, quod ex alicujus objecti cognitione procedat; vel formaliter, & per se, vel materialiter, & concomitanter. Primo modo est, quando cognitio, ipsiusque objectum connectitur, & identificatur cum productione Verbi formaliter, seu ingreditur formalem rationem illius productionis, & respicit Verbum tanquam terminum formaliter, & reduplicative a se productum. Secundo modo est, quando cognitio, & ipsius objectum, se habent materialiter, & concomitanter, ad Verbi productionem, respiciens scilicet Verbum non titulo productionis, sed alio titulo, puta infinitatis, & per hunc cum Verbi productione conjungitur. Secundo præsupponere debemus, Verbum divinum dupli etiam modo sumi posse. Primo modo adæquate, & ut omnino tale, quale de facto est: Altero modo formalissime, & secundum puram, ac præcifissimam rationem Verbi. Secundum primum modum Verbum accipitur, prout dicit rationem representativam omnium, quæ sunt

in Deo necessario; secundum vero alterum modum intelligitur Verbum, quod sit persona divina procedens per intellectum, tanquam imago intentionalis rei intellectæ. Hinc Verbum divinum sumptum primo modo procedit ex cognitione cujuscunque cognoscibilis; difficultas igitur tantum est de Verbo divino altero modo accepto; & in hoc Theologi deschola inter se acerrime digladiantur.

Sciimus, Theologos quosdam inter hos duos modos ponere tertium, in quo eorum difficultate cardinalis constitueunt. Concedunt enim per primum modum, Verbum procedere ex cognitione omnium cognoscibilium, ut diximus. Concedunt pariter per secundum modum, Verbum procedere ex cognitione solius essentiae. Tertius autem modus hic est, quod Verbum divinum non accipiatur sic late, ut sumitur primo modo, nec sic stricte, ut accipitur secundo; sed intelligatur ut tale, quale de facto est, & comparetur ad objectum, ex cuius cognitione formaliter procedit. Et in hoc tertio modo dicit Catheranus maxime controverti, an Verbum divinum procedat ex cognitione solius essentiae; an etiam attributorum, & personarum; an pariter possibilium; an denique futurorum? Verum nos cum P. Magno discurrentes

Dicimus I. Verbum divinum non procedere per scientiam, quæ aliquid includat contingentia, seu per scientiam liberam; quod idem est ac dicere, per cognitionem futurorum.

I. probatur. Filius procedit per cognitionem necessariam: ergo non procedit per scientiam liberam. Explicatur antecedens, & probatur. Filius ut procedens, tantam habet necessitatem, quantam habet Pater in producendo; & Pater tantam habet necessitatem in producendo; quantam habet divina essentia sub ratione intellectus, hoc est naturæ, in fundando eam productionem; sed divina essentia, & Pater, maximam habent necessitatem, ut nemo negare potest: ergo & Filius: ergo Filius procedit per cognitionem necessariam. Consequentia primi enthymematis pariter probatur, & explicatur. Scientia libera,

libera, & contingens, prout est de obiecto contingente, qua talis est, non est necessaria; ergo si Verbum per scientiam necessariam procedit, non potest per scientiam liberam procedere.

II. probatur ab eodem P. Magnano. Completa, & veluti exercita Filii processio est ante quodcumque obiectum contingens: ergo est ante, & praeter scientiam, vel independenter a scientia, quae est de obiecto contingente, ut talis est. Probatur antecedens. Obiectum contingens prout talis, potest absolute non esse; potest etiam scientia, prout de ea est, absolute non esse; & tamen non per hoc non procederet Filius ex vi antecedentis absoluta necessitatibus, qua essentia divina fundat in ratione naturae, & Pater exercet ejus productionem; ergo completa, & veluti exercita Filii processio est ante quodcumque obiectum contingens; & per consequens independenter a scientia, quae est de obiecto contingente, ut talis est. Dicimus ut talis est, quia si acciperetur secundum entitatem actus, non esset interminis praesentis questionis, & aliter dicendum esset; ut Magnanus moneret. Et hinc habetur, Verbum non procedere per scientiam visionis, quae est futurorum; quia est contingens, quatenus est futurorum; neque per scientiam medium, ut talis; quia haec recedit a scientia simplicis intelligentiarum, & accedit ad scientiam visionis; quatenus quanvis sit de possibilibus, est tamen plus quam de mere possibilibus, quia est de adepturis existentiam sub conditione.

Opponunt I. Post S. Augustinum afferit S. Thomas i.p. q. 34. ar. 3. quod Verbum dicit respectum ad creaturas, quorum est factivum; atqui Pater non plura Verba, sed unicum Verbum, producit, quatenus se, & omnia unico actu intelligit: ergo per idem Verbum Pater intelligit se ipsum, & creaturas; quatenus unicum Verbum ejus est expressivum non solum Patris, sed etiam creaturarum. II. Cognitio, per quam Verbum producitur, est comprehensio; sed non esset comprehensio, nisi extenderetur ad omne scibile: ergo extenditur ad omne scibile; sed intra omne scibile comprehenduntur etiam futura: ergo cognitio, per quam producitur Verbum, extenditur etiam ad futura. III. Per illam scientiam producitur Verbum, quae est in ipso Verbo, & est in eo vi processionis; sed scientia cum visione, cum media, sunt in Verbo, & sunt vi processionis:

ergo per has scientias productur Verbum. Probatur minor. Scientia visionis, & media, sunt communes tribus personis: ergo sunt in Verbo, & sunt vi processionis.

Respondemus ad I. Verbum procedere per cognitionem creaturarum, non quatenus libera est, sed quatenus est necessaria, & secundum hanc importat respectum ad creaturas. Et quod haec sit mens S. Thomae, P. Magnanus probat ex ipiusmet S. Doctoris verbis. Dicit enim Angelicus; Verbum importare respectum ad creaturas, non quas facit, vel quas faciet, sed quarum est factivum; per factivum inteligitur quid necessarium, per facit, vel faciet, quid contingens: Unde S. Thomas intelligendus est de cognitione creaturarum, non ut libera est, sed ut est necessaria. Ulterius, concedimus, Verbum esse expressivum creaturarum possibilium, & futurorum, cum absolute, cum conditio-  
nate; ac negamus, esse expressivum formaliter vi processionis, sed solum concomitantem, consequenter, materialiter &c., quatenus scilicet scientia necessaria, per quam solam formaliter Verbum procedit, extenditur in signo rationis posteriori ad contingencia, & ideo sit contingens.

Ad II. pariter cum P. Magnano dicimus, Verbum procedere per cognitionem comprehensivam eorum, per quorum cognitionem procedit, non vero per quorum cognitionem non procedit. Non autem oportet, ut cognitio illa, per quam procedit, sit comprehensio omnium, sed sufficit, ut sit comprehensio necessiorum: Addit etiam, quod cognitio illa necessiorum comprehensiva transit secundo signo rationis in comprehensivam quoque liberorum; quatenus primo signo est quidem identice comprehensiva liberorum, sed non formaliter.

Ad III. cum eodem dicimus, quod ambae illae scientiae sunt in Verbo vi processionis, ac non formaliter, sed consequenter tantum; & hoc ideo, quia scientia necessaria, quae presupponitur processioni Verbi, transit in liberam secundo signo rationis, ex sola conformatio-  
ne obiecti contingenter futuri, sive sit futurum actu absolute, sive sub conditione.

Dicimus II. Verbum divinum procedere per unam cognitionem divinam necessariam; scilicet essentia Dei, Personarum trium divinarum, & creaturarum possibilium.

I. pro-

I. probatur a P. Magnano ex S. Thoma. Etenim S. Doctor I. p. q. 34. ar. 1. ad 3. docet, Verbum procedere per cognitionem personarum, & possibilium; a fortiori autem, vel saltem a pari, procedit per cognitionem essentiae. Ulterius, ar. 13. in corp. docet, Verbum notionaliter sumptum esse expressivum omnium, quæ Deus cognoscit; sed per ipsum S. Doctorem cognoscit suam essentiam, personas, & possibilia: ergo ex S. Thoma procedit per cognitionem essentiae, personarum, & possibilium.

II. probatur. Perfectius, atque nobilis est, aliquod procedere per cognitionem sumptam secundum se totam, & in sua latitudine, quam per eandem diminutam; sed Verbo tribuendum est, quod est perfectius, & nobilis: ergo potius dicendum est, Verbum procedere per cognitionem sumptam in sua tota latitudine, quam per eandem diminutam; sed cognitione sumpta in tota sua latitudine includit cognitionem essentiae, personarum, & possibilium: ergo per hanc cognitionem Verbum procedit. Major probatur. Perfectius est esse aliquod expressivum plurium, quam paucorum; sed est expressivum plurimum, quando procedit per cognitionem sumptam secundum se totam, & in tota sua latitudine; paucorum vero, quando procedit per eandem cognitionem diminutam: ergo perfectius, atque nobilis &c. Vel alio modo eadem major probatur. Perfectius est, Verbum esse expressivum plurium formaliter vi processionis, & in primo rationis signo, quam solum consequenter, & in secundo signo; quod quidem importat cognitionem comprehensivam, non contingentem, quam paulo ante exclusimus, sed necessariam, quæ divinitate cognitioni deneganda omnino non est: Hoc autem importat cognitione sumpta secundum se totam, & in sua latitudine, & non diminuta: ergo hæc processioni Verbi concedenda est.

III. Pater æternus signo illo, quo Verbum producit, cognoscit expresse, & suo Verbo dicit, omne cognoscibile: ergo productio Verbi est cognition, seu dictio, omnis cognoscibilis, & quidem formaliter, & intrinsece. Probatur antecedens. Signo illo non præscindit Pater ab aliquo cognoscibili: ergo cognoscit expresse omne cognoscibile. Consequens prima sequitur; quia dicere Patris est producere Verbum; ergo si Pater primo signo cognoscit omne cognoscibile, productio

Verbi est cognition, seu dictio, omnis cognoscibilis. Subsumimus modo; atqui non potest intelligi de cognoscibile contingente, quod præcedit Verbi productio, ut diximus: ergo intelligitur de omni cognoscibile necessario.

Obstant I. Verbum procederet adhuc, si nulla essent possibilia: ergo Verbum per cognitionem possibilium non procedit. Antecedens est certum; quia Verbum divinum, ut pote magis necessarium, etiam procederet, si nulla essent possibilia; & absurdum quidem esset, dicere, Verbum non esse in Trinitate, si nulla creatura esset possibilis. Consequens sequitur; non enim procedit Verbum per cognitionem eorum, quæ non sunt, & tamen Verbum etiam procedit. II. Procederet etiam Verbum, si Spiritus Sanctus non esset possibilis, & consequenter à Pare, non cognosceretur ut talis: ergo Verbum non procedit per cognitionem Spiritus Sancti. Antecedens est clarum; quia Verbum est prius origine Spiritu Sancto: ergo procederet etiam Verbum, si Spiritus Sanctus non esset possibilis. III. Ex nostra Conclusione sequeretur, Verbum procedere a se ipso, & a Spiritu Sancto, & a creaturis, saltem in esse cognito; hoc non est dicendum: ergo neque illud. Probatur sequela. Verbum procedit per cognitionem sui, Spiritus Sancti, & creaturarum possibilium; sed hoc idem est, ac Verbum procedere a se ipso, & a Spiritu Sancto, & a creaturis: ergo &c. IV. Si Verbum procederet per cognitionem sui ipsius, secundum nostrum modum intelligendi esset prius se ipso: hoc dici non potest: ergo &c. Probatur sequela. Id, per quod quis procedit, prius est termino processionis: ergo si Verbum procederet &c. Probatur minor prioris argumenti. Nec Verbum, nec aliud quodvis ens, potest esse se ipso prius.

Respondemus ad I. cum P. Magnano, necessitatem possibilium esse non tantum aqualem necessitati processionis Filii, & necessitati existentiae Dei, sed esse omnino eandem necessitatem possibilium, & essentiae divinae, acceptas hinc in ratione exemplaris, inde in ratione omnipotentiae. Sicut ergo ne Filius Dei sit in Trinitate, non est periculum, quod essentia divina non sit possibilis, ita nec est periculum, quod creaturæ non sint possibles.

Ad II. Si non esset possibilis Spiritus Sanctus, neque esset possibilis Filius. Ratio est;

est; quia Filius debet habere naturam diuinam intellectualem integrum, & perfectam, non vero dimidiaram, & imperfetam. Natura divina intellectualis integra complectitur intellectum, & voluntatem; sine voluntate esset dimidiata. Sine voluntate esset, si non esset possibilis Spiritus Sanctus; sic autem non posset esse in Filio: ergo non esset Filius: ergo si non esset possibilis Spiritus Sanctus, neque esset possibilis Filius. Addit P. Magnanus, in hypothesi impossibili de Spiritu Sancto ab Adversariis facta, esset etiam impossibilis Pater, esset quoque impossibilis divina essentia. Posito nanque uno impossibili, cetera impossibilia sequuntur, quae cum illo inseparabiliter sunt connexa: Unde non procederet Verbum, si Spiritus Sanctus non esset possibilis. Denique, Verbum est prius origine Spiritu Sancto, sed non prius cognitione, quam Pater de Spiritu Sancto haberet; quia, ut docet P. Magnanus, nec Spiritus latuit Patrem in eo signo, quo Pater se ipsum, ac suam essentiam dicebat Verbo, quod ita dicendo produxit.

Ad III. responderemus primo Magnanus cum retortione: Filius procedit per cognitionem essentiae divinae: ergo procedit ab essentia divina; sed ab essentia non procedit: ergo neque per cognitionem essentiae. Sophisma autem Adversariorum est in hoc, quod sumunt cognitionem pro objecto; vel sub obtentu sumendi cognitionem pro objecto in esse cognito, sumunt pro objecto in esse reali, ac secundum se considerato. His verbis secundo ad argumentum respondet Magnanus.

Ad IV. dicimus, Verbum non procedere per cognitionem ipsiusmet Verbi actu produceti; & in hoc sensu procedit propositum argumentum. Attamen si Verbum accipietur objective, tunc dicitur, ipsum produci per ipsam cognitionem Verbi.

Quia tamen controvertitur etiam hic inter Scholasticos; An Verbum divinum procedat per cognitionem paternam, quae sit intuitiva, nec ne? Et quidem pariter in hoc ambagibus tot, tantisque obvolvitur quaestio, quot sunt Theologi, qui de ea loquuntur opposita; nos ab eadem cum P. Magnano sic breviter expeditus.

Dicimus III. Cognitionem paternam, qua Filius procedit, dici posse, & esse, respectu divisorum, intuitivam, & non intuitivam.

Conclusionem sic explicat, & probat, P. Magnanus. Cognitio intuitiva est objecti secundum propriam existentiam visi in se ipso. Hoc tripliciter fieri potest, adeoque tribus modis esse potest intuitiva cognitio. Primo videtur objectum in se ipso secundum existentiam ita quidem, ut primo videatur ipsa existentia, non solum futura, vel praeterita, sed etiam praesens; seu videatur objectum de praesenti existens, coram secundum se positum, sive expositum cognitioni sui, per ejusdem sui realem cum illa coexistentiam, & praesentiam durationis; ut ipsam sua verba sonant: Et hoc modo dicit, esse visivam cognitionem sensitivam nostram. Secundo modo, ut ipsem scribit, ut videatur velut anticipata existentia nondum posita, sive sit ponenda tempore suo, sive non. Et hoc pacto esset, si nunc Deus exponeret oculo speciem impressam propriam rosae sequentis anni; videretur rosa nunc intuitiva, seu secundum propriam existentiam, licet non esset secundum se visioni coexistens. Tertio modo, ut videatur eadem rosa, initio non coexistens realiter secundum se visioni sui, sed tandem coextitura mox eidem subinde continuandæ. Post quæ verba, sic ad propositum descendit.

Certum est, visionem paternam esse primo modo intuitivum, secundum quod est essentiae, ac trium personarum. Ratio est, quia nullum est reale instans durationis, in quo ea cognitio antecedat existentiam alicujus personæ. Et hoc ideo, quia in divinis non reperitur prioritas, neque etiam pro uno instanti, secundum realem durationem, sed tantum secundum originem, aut secundum rationem cum fundamento in re. Manifestum quoque esse, ait, cognitionem paternam non esse intuitivam possibilium primo modo; sed tantum secundo; ut patet. Manifestum genique dicit, cognitionem futarorum, quae representat consequenter, ut diximus, non esse intuitivam primo, aut secundo modo, sed tantum tertio.

# DISSERTATIO CXXIV.

*De Processione Filii, quod sit Generatio, non sic autem Processio Spiritus Sancti; contra Hereticos: Et quare dicatur Generatio, non sic vero illa Spiritus Sancti; inter Scholasticos,*

**G**ENERATIONIS nomine non intelligimus hic illam, quæ latissime sumpta, importat productionem omnem, quæ non sit creatio; nec pariter illam, quæ, late accepta, dicit omnem mutationem; quæ non sit alteratio, nec augmentatio. Hæc namque generatio fæcæ explicatae involvunt, & dependentiam a subiecto, quæ cum divina perfectione nequit stare, & mutationem, quæ cum divina actualitate, simplicitate, & immutabilitate, cohædere non potest. Intelligimus ergo illam, quæ strictissime intellecta, accipitur pro speciali generatione viventium; & quæ communiter definitur; quod sit origo viventis a vivente principio coniuncto in similitudinem naturæ. Hæc quidem generatio nullam in se importat imperfectionem; unde in Deo admetti sine injuria potest. Antequam autem controversiam hanc celebrem, non minus inter Theologos, quam inter Patres, pertractemus, necessarium ducimus dogma fidei stabilire, quo docemur, Processionem Verbi esse generationem, non vero processionem Spiritus Sancti.

Contra hoc fidei dogma desipuerunt Hæretici illi, quos supra enumeravimus, & impugnavimus, de Filii, & Spiritus Sancti, divinitate pertractantes, & præcipue p[ro]p[ter]o Filii persona. contra Transilvanos modernos, qui dicunt, Christum esse vestrum Filium Dei secundum humanitatem sanctum, secundum quam operatione divina, & de Spiritu Sancto, conceptus fuit. Ut refert Bellarminus t. 1. Controv. 2. lib. 1. c. 6. Item pro Spiritu Sancto contra Macedonianos, aliosque, qui impossibile putant, Spiritum Sanctum esse Deum, procedentem a Patre, & Filio, & non esse genitum, sicuti genitus est Filius; ac proinde negantes Spiritum Sanctum esse Deum, ne cogantur adnuntiare illum esse Filium.

Dicimus ergo: Processionem Verbi esse generationem proprie, & strictissime sumptam, non vero processionem Spiritus Sancti.

I. probatur ex Scripturis. Joan. 1. *Vidimus gloriam ejus quasi Unigeniti a Patre.* Nec difficultatem ingerit verbum illum quasi; quia, ut optime observat P. Magnus in Philosophia sacra c. 20. de Trinit. prop. 12. verbum hoc quasi non minuit vim illius, quæ est Unigeniti, sed potius auger; quum sensus illius sit: *Vidimus gloriam ejus talem, qualem decet esse Unigeniti.* Joan. 3. *Sic Deus dilexit mundum, ut Filium suum unigenitum daret.* Et Joan. 1. *Unigenitus Filius, qui est in sinu Patris, ipse enarravit.* Ex veteri etiam testamento. Psal. 2. *Ego hodie genui te.* Psal. 109. *Ex etero ante Luciferum genui te.* Isai. ult. *Nunquid ego, qui alios parere facio, ipse non pariam?* Hæc fere eadem Scripturarum testimonia, præcipue ex novo testamento desumpta, probant Spiritum Sanctum non esse genitum. Si enim ibidem dicitur unigenitus: ergo solus Filius est genitus: ergo Spiritus Sanctus non est genitus.

II. Probatur ex Conciliis. Concilium Nicænum generale I. in Symbolo expresse proficeretur, *Filium esse genitum, non factum, Spiritum Sanctum vero procedentem.* Hoc idem habet Concilium Tolitanum I., & Concilium Tolitanum XI. Docet pariter Concilium Constantinopolitanum generale I., & Ephesinum generale I. Præter Symbolum, & varias fidei Confessiones, quæ in præfatis Conciliis editæ sunt, in Nicæno I., paulo post medium, hæc legimus: *Unus ingenitus Deus, & Pater, unus ex eo genitus Filius, Deus, Verbum:* Sicut non est alter Deus cum Deo, & Pater ingenitus; ita neque congenitus, neque prior, nec posterior, *Filius diversus a Deo unigenito Filio ejus.* Pariter in Ephesino I. c. 4. legimus: *Filius Dei nuncupatus est primogenitus, & unigenitus; primogenitus compare-*

*paratione ad filios adoptionis, & unigenitus per exclusionem alterius Filii naturalis. Et in Tolerano XI. Nec enim de nihilo, neque de aliqua substantia, sed de Patris utero, id est de substantia ejus, idem Filius genitus, vel natus esse, credendus est. Et in Tolerano II. in confessione fidei: Hic etiam Spiritus Sanctus nec ingenitus dicitur, nec genitus creditur; ne si aut ingenitus dixerimus, duos Patres dicamus; aut si genitum, duos Filios prædicare demonstremus.*

III. Probatur ex Patribus. Basilius lib. 3. cont. Eunomium: *Spiritus Sanctus nec ingenitus, nec genitus, quia unus Unigenitus. Nazianzenus or. 5. de Theologia: Nec Spiritus est Filius, quia ex Deo est, unus enim Unigenitus. Athanasius dial. 3. de Trinitate. Dicitur Unigenitus, quoniam solus ex essentia genitus est ... Nec enim scriptum est: Spiritus ex me genitus est, sed ex me procedit. Et ante hos Justinus martir apolog. 2. Sic proprie etiam præter communem nativitatem genitum ipsum ex Deo Verbum Dei dicimus. Dionysius Alexandrinus in ep. adv. Paulum Samosatenum: Deus enim manifestatus est in carne, factus ex muliere; qui ex Deo Patre genitus est ex utero ante Luciferum, velut e corde Verbum ex Patre editum. Alexander, Episcopus Alexandrinus, in ep. ad Alexandrum, Constantinopolitanum Episcopum; Quid illud; Ex utero ante Luciferum genui te; nonne palam ostendit naturalem partus paterni filietatem? Fulgentius lib. responsionum ad objectiones Arianorum resp. 9. loquens de illo Psalmi: In splendoribus Sanctorum ex utero ante Luciferum genui te; haec scribit: Multum fallitur, qui hujus Scripturae locum divina nativitati non credit convenire. Augustinus ser. 3. in Epiph. Spiritus Sanctus nec ingenitus, nec genitus, alicubi dicitur; ne si ingenitus diceretur, sicut Pater, duo Patres in sancta Trinitate intelligerentur; aut si genitus diceretur, sicut Filius, duo itidem Filii in eadem astimarentur esse sancta Trinitate. Idem lib. 1. cont. Maximinum: De Patre est Filius, de Patre est Spiritus; sed ille genitus, iste autem Spiritus utriusque, quoniam de uteroque procedit.*

IV. Probatur Rationibus. I. Si non sola Processio Verbi esset generatio, sed etiam esset generatio processio Spiritus Sancti, sequeretur, processionem Verbi non esse in sua linea infinitam, nec fecunditatem Patris explere; & per consequens Verbum non esse infinitum in sua linea, nec esse Patri æquale; sed haec omnia sunt absurdia: ergo absurdum est illud, ex quo po-

PAR. II.

sito sequuntur. Sequela patet, quia deficeret processioni Verbi in linea generationis, quod in eadem linea haberet processio Spiritus Sancti; & Patris fecunditas, quum per alium filium exploraretur, per primum dicendum esset, quod non expleatur. Unde Verbum non esset in sua linea infinitum, nec Patri æquale. Minor constat; consequentia non negatur. II. Si secunda Trinitatis persona non esset sola genita, & esset genita etiam tertia, non solum duæ personæ genitæ darentur in divinis, sed infinitæ; hoc non est dicendum: ergo nec illud. Probatur sequela. Ex quo non possunt admitti plures Dii, quin admittantur infiniti Dii; non possunt dari plures ingeniti, quin dentur infiniti geniti; ex illo etiam non possunt in divinis ponи plures filii, quin admittantur infinitæ personæ genitæ, infiniti filii. III. Si præter Filium Spiritus Sanctus etiam esset genitus, sequeretur unam, & eandem processionem esse Verbi, & Spiritus Sancti: ergo male posueretur una per intellectum, altera per voluntatem; una altera origine prior; sic etiam Verbum non esset secunda persona, nec Spiritus Sanctus tertia, ordine rei numeratae, sed tantum ordine numeri, & arbitrio numerantis. Quæ omnia sunt omnino neganda, omnino damnanda. IV. Processioni Verbi convenit, quod sit origo viventis a vivente; quia Pater est vivens, vivens est Verbum; convenit, quod sit a principio conjunctio; quia Verbum non habet aliquam partem sui principii, ut est in viventibus creatis, sed habet totam sui principii substantiam; convenit denique, quod sit in similitudinem naturæ; tum quia est per intellectum, qui ex sua virtute assimilat; tum etiam quia habet eandem naturam, nedum specie, sed numero quoque, cum suo principio: ergo Processio Verbi est vera generatio. V. Secunda Trinitatis persona, seu Verbum, dicitur Filius; tertia vero persona, seu Spiritus Sanctus, non dicitur Filius: ergo processio illius, non hujus, est generatio. Probatur consequentia. Terminus generationis est tantum Filius: ergo si secunda tantum dicitur Filius, hujus tantum processio est generatio.

Arguunt I. In generatione debet esse similitudo naturæ, non identitas, ut ex ejus definitione patet; sed inter primam, & secundam Trinitatis personam, non est similitudo naturæ, sed identitas: ergo non est generatio. II. De conceptu generatio-

V.

nis

nis est mutatio; generatio enim in communi, prout a creatione distinguitur, definitur, quod sit mutatio; & prout etiam distinguitur ab alteratione, & augmentatione, definitur quoque, quod sit mutatio: ergo etiam generatio strictissime sumpta debet de suo genere, quod est generatio in communi, importare mutationem; hæc autem omnimode Deo repugnat: ergo, &c. III. Generatio in creatis partim perficitur virtute activa, partim virtute passiva; unde in ea datur & esse acceptum a principio, & esse receptum a subiecto; hæc autem in Divinis non verificantur, ut patet; immo nec verificari possunt: ergo non datur in divinis generatio. IV. In Scripturis nomen Unigeniti non excludit alterum, qui sit genitus: ergo non per hoc, quod Filius dicatur unigenitus in Scripturis, Spiritus Sanctus non erit etiam genitus. Probatur antecedens. Proverb. 4. Salomon dicitur unigenitus; & tamen alios habebat fratres, qui ex eodem Patre Davide geniti fuerant. V. Ad Colos. 1., & ad Hebreos 1. Christus dicitur Primogenitus Patris; Christus autem est idem ac Verbum: ergo dicitur etiam Verbum primogenitum respectu Spiritus Sancti, qui est secundogenitus. VI. Hæretici, teste Nazianzeno, or. 5. de Theologia, sic contra Catholicos arguebant: Spiritus Sanctus vel procedit a solo Patre, & sic erit filius Patris, & frater Filii: Vel procedit a solo Filio; & sic erit filius Filii, & nepos Patris: Vel procedit ab utroque; & sic uterque erit illius Prens: Quum autem uterque nequeat esse illius genitor, dicendum est, quod unus illius est mater, alter vero Pater. VII. Macedoniani, & Eunomiani, sic pariter infaniebant: Quicquid in divinis est, aut est genitum, aut est ingenitum; sed Spiritus Sanctus non est ingenitus, quia ingenitus est solus Pater: ergo est genitus. VIII. Sicut voluntas non generat, ita nec generat intellectus: ergo si Spiritus Sanctus non est genitus, nec genitum erit Verbum. Probatur antecedens. Angeli, & homines, habent intellectum, & voluntatem, & non generant.

Respondemus ad I. quod verbum illud in similitudinem naturæ, in definitione generationis positum, non debet præcise intelligi positive; sed sufficit, quod intelligatur tum negative, tum eminenter. Natura enim, quæ est eadem numero, est negative maxime similis, quia maxime a dissimilitudine recedit, quum omnem diffi-

militudinem neget. Est etiam maxime similis eminenter, quia maxime accedit ad illam formæ unitatem, quæ a generante in genito, maxime intenta est. Hæc autem sufficiunt ad salvandam rationem similitudinis in generatione divini Verbi:

Ad II. Generatio in communi vel comprehendit solas generationes, quæ sunt in creatis; & sic illi convenient definitiones, in quibus dicitur, quod sit mutatio. Vel comprehendit etiam generationem, quæ est in divinis; & sic illi allatae definitiones non convenient. Unde quando dicitur, generatio ut sic, generatio in communi, generatio abstracta, præcisa, &c. distinguendum est, a quibus abstractabatur, & præscindatur; & quas sub se contineat species, a quibus abstracta dicitur, & præcisa.

Ad III. Generatio in divinis perficitur tantum virtute activa pure; & datur ibi esse acceptum a principio, absque eo quod detur esse receptum in subiecto. S. Thomas 1. p. q. 27. ar. 2. ad 3. docet: *Quod non omne acceptum est receptum in aliqua subiecto, alioquin non posset dici, quod tota substantia rei creatæ sit accepta a Deo, cum totius substantia non sit aliquid subiectum receptivum.* Et quia generatio in divinis virtute tantum activa perficitur, idem S. Doctor lib. 4. cont. Gentes c. 11. in fine, infert rationem, quare Filius in divinis habeat Patrem, & non matrem; cur unicum generationis principium dicatur Pater, & non mater. Afferens nimis, quod mater est principium, aut totaliter, aut partialiter, passivum. Ut igitur ostendatur, nullum esse in generatione illæ principium passivum, nulla ibi est mater, & qui generat solus dicitur Pater.

Ad IV. Aliqui dicunt, quod Salomon ibi dicitur est unigenitus non simpliciter, sed coram matre sua; quia mater sua ipsum ut unigenitum diligebat. Alii vero respondent, quod quilibet primogenitus potest dici unigenitus, quia saltem pro tempore illo, quo natus nondum erat secundogenitus, ipse unigenitus erat. Attramen Filius, & Spiritus Sanctus, & æterni sunt ambo, & eadem dilectione dilecti, ac diligentes; unde si Filius unigenitus dicitur, non sub his rationibus dicitur, sed quia vere talis est.

Ad V. Quidam dicunt, Christum dici primogenitum ut hominem, & cum comparatione ad creaturas, quæ post ipsum sunt productæ; non autem ut Deum, & cum comparatione ad personam aliquam divinam,

nati, quæ sit secundo genita. Alii autem respondent, aliquem dicti posse primogenitum dupli modo, negative scilicet, & positive. Negative, quatenus non habet alios, qui sunt illo priores nati, immo nec posteriores; positive, quatenus non habet priores, habet tamen posteriores. Christus dicitur primogenitus primo, non autem secundo, modo. Cæterum Concilium Ephesinum I. c. 4. Hæc docet: *Pilius Dei nuncupatus est primogenitus, & unigenitus, primogenitus comparatione ad filios adoptivos, & unigenitus per exclusionem alterius filii naturalis.* Et Augustinus lib. de Fide, & Symbolo c. 4. Secundum id, quod unigenitus est, non habet fratres; secundum id autem, quod primogenitus est, fratres vocatione dignatus est omnes, qui post ejus primicias in Dei gratia nascimur per adoptionem Filiorum.

Ad VI. Spiritus Sanctus procedit ab utroque, sed a nullo est genitus; cur autem non sit genitus, mox investigabimus. Interim contra haereticos illos observare jucvat, quod nullam ipsi processionem in divinis agnoscerebant, quæ non esset generatio. Si enim agnoscissent processionem, quæ non esset generatio, non ita inepte contra Catholicos argumentari essent, ut vidimus.

Ad VII. eadem est responsio. Attamen a nonnullis Sanctis Patribus Spiritus Sanctus etiam dicitur ingenitus; sed sub hac ratione. Ingenitus duobus modis usurpatur; & pro eo, quod a nullo principio producitur; & pro eo, quod producitur, sed non per generationem. Primo modo Pater dicitur ingenitus, qui nullum habet principium; secundo modo ab aliquibus Patribus Spiritus Sanctus dicitur ingenitus, quia non est ingenitus, quanvis sit procedens.

Ad VIII. dicimus, intellectum non generare in creatis, generare autem in divinis. In creatis non generat, quia Verbum productum, vel realiter est ab intellectu distinctum, & est accidens peripateticum, & nequit esse simile naturæ cum substantia intellectus producentis. Vel non est realiter ab intellectu distinctum, & est ipsam substantia intellectus, de qua verificari non potest origo viventis a vivente &c. Non sic autem in divinis, ut patet.

Explicarò jam dogmata fidei, atque etiam propugnato, quod Filii processio sit generatio, non sic vero processio Spiritus Sancti; devenientius modo ad celebrem scho-

PAR. II.

lasmam controversiam pertractandam, quæ in eo consistit, ut assignetur vera, & germana ratio, quare processio Filii sit generatio, non sic autem illa Spiritus Sancti? Negari enim non potest, quod inter utramque processionem discriminem sit, & discriminem quidem reale, & positivum; quia quæstio, ut ait P. Magnus, est de re ipsa, non de solo nomine. At difficultas est in assignando veram, & quæ in fe est, discriminis rationem. Revelavit quidem Deus esse discriminem; & ideo dicimus, unam generationem, nostram esse aliam; unam personam esse genitam, non esse alteram. At non revelavit, quale sit hoc discriminem, & quodnam. Quod non revelaverit, habemus ex Patribus, qui ingenue fateri non erubescunt, discriminem hoc nescire; Augustinus lib. 3. cont. Maximum c. 14. hæc scribit: *Quid autem inter nasci, & procedere, intersit, de illa excellentissima natura loquens, explicare quis potest?* Et post pauca: *Distinguere inter illam generationem, & hanc processionem, necesse, non valeo, non sufficio.* Et lib. 15. de Trinitat. c. 27. *Difficillimum est generationem a processione distinguere.* Et Damascenus lib. 1. de fide orthod. c. 10. monet: *Et quidem generationem, & processionem inter se differre, compertum habemus; cæterum quis hujus differentiae modus sit, prorsus nos fugit.*

Hujuscemodi difficultatis, & quidem maximæ, signum habemus apertissimum in tot, tanquamque Scholasticorum speculationibus, quibus discriminem hoc adinvenire conantur. Et quidem, aliis alias impugnibus, illis vero hos refellentibus, res obscurior evasit, & controversia celebrior. Attamen si fateri omnino debemus, quod hic in via nullam evidenter habere possumus rationem discriminis illius; concedere pariter oportet, posse in via assignari, non solum congruentias, verum quoque sufficientes theologicas rationes, quibus discriminem illud perquiratur, inventari, & adsignetur. Primum tradunt Sancti Patres, secundum Theologi docent. Praeter loca Augustini, nuper adducta, alium habemus in lib. 5. de Trinit. c. 27. *Cum sit communio quædam consubstantialis Patris, & Filii, amborum Spiritus, non amborum, quod absit, dictus est Filius. Sed ad hoc dilucide, perspicueque cernendum non potes ibi aciem fugere, scio, quia non potes.* S. Ambrosius lib. 1. de fide c. 5. *Mibi impossibile est generationis istius nosse mysterium; vox silet, mens deficit, non tantum mea, sed*

V 2

etiam

*etiam Angelorum*. S.Bernardus ser. i. Pentecost. Processionem Spiritus Sancti posuisse cenebras latibulum suum. Anastasius Sinaita lib. de rectis fidei dogmatibus: *Non est tuum hoc inquirere, quod soli Trinitati cognitum est.*

De Theologis vero de schola, qui secundum propugnant, habemus plurimos, ex quorum numero sunt Lugo, Vasquez, Hesinx, Marchinus, Estius, P.Magnanus, P.Lallemander, aliquique communiter, contra Magistrum sententiarum, Gregorium Ariminensem, Gabrielem, Majorem, aliosque paucos, afferentes, nullam assignari posse sufficientem rationem, cur processio Verbi sit generatio, non sic illa Spiritus Sancti. Adnumerant etiam Scotorum his ultimis, qui in 1.dist.13. q.unic. §.ad quæstionem, hæc docet. „Respon. „deo, quod productiones se ipsis formaliter „distinguuntur; generatio enim se ipsa for- „maliter est generatio; & spiratio se ipsa „formaliter spiratio: Ita quod non oportet „quærere, quibus distinguuntur; quia tota „ratio formalis unius est non eadem toti „rationi formalis alterius. „Verum subtilia Doctor aliter docuit in 1. dist.10. n.13., & dist.13. n.20. scribens: „Quod gene- „ratio sumitur uno modo pro generatione „substantiaz, vel alio modo specialiter pro „productione vivi ex vivo; & hoc modo „dicitur animal generari, & non ignis: „Et ibi communiter concurrat ex parte „agentis inclinatio naturalis, sive forma „naturalis, quæ est principium generandi; „& hoc modo ultima videtur esse generatio „in divinis: „Unde dicendum putamus, primo modo Scotorum fuisse loquutum de ratione evidenti, de qua etiam loquebantur Patres, quæ vera non adest, ut per eam discrimen hoc agnoscamus; secunda autem loco de congruentia, & probabilitate conjectura, secundum quam Scholastici omnes loquuntur. Unde contrarium sentientes non est, cur sibi blandiantur, vel de Patrum auctoritate, vel de Scotti subsidio, ut turius opinionem suam tueantur. Modo ad explicandi modos accedimus.

Primus explicandi modus est. Processio Verbi est generatio, quia Verbum primo producitur; processio vero Spiritus Sancti non est, quia Spiritus Sanctus secundo producitur. Auctores opinionis hujuscemodi sunt recentiores quidam, qui sine nomine citantur ab Arriaga i. p. disp. 47. sect. 2. Intendunt sibi patronos adsciscere S. Augustinum, & S.Thomam; primum, quia

lib.15. de Trinit. c.27. docuit, Spiritum Sanctum non nasci, sed procedere, quia est a duobus; secundum, quia in 1.dist.13. q.1. ar. 2. in corp. distinxit generationem Verbi a processione Spiritus Sancti, per hoc, quod illa sit processio unius personæ ab una; quod idem est ac dicere, processio prima; ista vero sit processio unius personæ a duabus; quod idem est ac dicere, processio secunda. Sed falluntur apertissime; Augustinus enim docens, Spiritum Sanctum non nasci, quia est a duobus, non fundat vim suæ rationis in hoc, quod processio a duobus sit secunda, sed in hoc, quod nullus est filius duorum, nisi Patris, & Matris; nefas autem est suspicari in Deo rationem Patris, & Matris, ut ait Cacheranus. S.Thomas non vult in eo loco assignare rationem, cur una processio sit generatio, & non altera, sed cur in divinis poni debeant duas processiones, & non unica. Et hoc probat ex eo, quod una processio sit a duabus personis, & per consequens non solum a persona, a qua altera procedit, sed etiam ab ipsa persona, quæ procedit; ut pariter Cacheranus adnotat. Impugnat autem hic explicandi modus. Non requiritur ad generationem, quod sit prima productio: ergo cadit hic explicandi modulus. Probatur antecedens. Prima productio vel intelligitur prout distinguitur a conservatione, quæ est secunda productio; vel prout distinguitur a posteriore productione alterius termini; neutrum facit, quod prima productio tantum sit generatio: ergo &c. Probatur minor. Non primum; quia conservatio non est secunda productio, sed continua productio; unde si productio fuit generatio, est continuata generatio: Neque secundum; quia in creatis non tantum prima, sed etiam secunda, tertia, quarta, &c. productio est generatio. Unde vere generatio præscindit ab eo, quod sit prima, vel secunda, vel ulterior, productio, quando in omnibus productionibus verificatur, & in singulis, quod sit origo viventis a vivente principio conjuncto in similitudinem naturæ. Cæterum admittimus, in divinis non dari duas generationes; sed hæc non est ratio, cur ex duabus productionibus una sit generatio, altera sit processio.

Secundus explicandi modus. Processio Verbi est generatio, quia Verbum procedit in similitudinem naturæ secundæ; illa autem Spiritus Sancti non est, quia Spiritus

tus Sanctus procedit in similitudinem naturae infocundæ. Citantur pro hac opinione Richardus a S. Victore, Alexander Zuniga, Major. Credunt pro sua sententia habere S. Basilius, & Concilium Florentinum. Primum, quia docuit lib. 5. con. Eunomium: *Si Spiritus Sanctus esset Filius ex Filio, ex hoc alius Filius utique naturæ esset: Quibus verbis innuere videtur Basilius, quod de ratione Filii sit, quod alterum producat, seu quod habeat naturam fœcundam.* Secundum, quia seſſ. ult. docet: *Credentes Spiritum Sanctum ex Filio nequaquam procedere, necesse est, ut intelligant, Spiritum ex solo Patre procedere, & consequenter non esse Filium.* Sed immemrito de utroque præsidio gloriantur. Basilius non intendit inferre tertium filio ex eo tantum, quod Spiritus Sanctus esset Filius, sed ex eo, quod esset Filius ex Filio, & per hoc essent duo Filii; scilicet non quod Spiritus Sanctus procedit ex Filio, uti de facto procedit, sed quod procederet ex Filio, uti Filius a Patre procedit. Quod ad rem nostram nihil omnino facit. Concilium autem Florentinum, per to non esse Filium, non negat simpliciter personam Filii, sed refertur ad Spiritum Sanctum; & sensum reddit, quod Spiritus Sanctus non esset Filius, etiam si secundum Græcos a solo Patre procederet. Impugnatur etiam hic modus. Sequeretur enim ex illo, Verbum non esse simile Patri perfecte in natura, adeoque non esse propriæ Filium. Et sic probatur. Ideo Spiritus Sanctus non est similis in natura cum Patre, quia non habet vim spirandi, quam habet Pater; sed neque Verbum habet generandi vim, quam habet Pater: ergo neque Verbum est perfecte simile Patri in natura; & per consequens non est Filius. Ulterius; Si Spiritus Sanctus non procederet a Filio, & Filius non haberet vim spirativam ipsius, adhuc Filius esset Filius: ergo non est Filius præcise per hoc, quod habet vim spirativam.

Tertius explicandi modus. Processio Verbi est generatio, quia Verbum procedit ut imago; non sic autem illa Spiritus Sancti, quia Spiritus Sanctus ut imago non procedit. Hæc opinio est Vasquez i.p. disp. 113. c.7., aliorumque post ipsum. Verum contra hunc explicandi modum dicitur, quod obscurum vult perobscarius clarificare. Quam enim evidentiam præstat, ut cognoscamus, Filium procedere ut imaginem, non sic vero Spiritum Sanctum? Certe uterque procedit ut similis princi-

pio producenti: ergo cur potius una persona erit imago, & non altera?

Quartus explicandi modus. Processio Verbi est generatio, quia est per intellectum, & intellectio est formaliter, seu virtualiter naturæ; non sic autem processio Spiritus Sancti, quæ est per voluntatem. Est sententia Pesantii, Arriagæ, Suarez, Luigi, aliorumque. Impugnatur. Intellectio, divina est constitutivum divinæ naturæ, non vero divinæ essentiæ; uti nos suo loco diximus, & Adversarii etiam fatentur: ergo per hoc, quod Verbum procedat per intellectuonem, sequitur tantum, quod procedat formaliter in similitudinem naturæ divinæ, non vero essentiæ divinæ; sed hoc secundum ad veram generationem requiritur: ergo insufficiens est modus iste. Probarur minor. Quod generatur, ex S. Thoma i.p. q.27. ar.2. in corp. debet procedere secundum similitudinem in natura ejusdem speciei; sed prædicata, quæ constituunt naturam ejusdem speciei sunt prædicata essentialia rei, & quæ pertinent potius ad esse, quam ad operari: ergo ad veram generationem non sufficit similitudo in natura, sed requiritur similitudo in essentia.

Quintus explicandi modus. Processio Verbi est generatio, qui Verbum procedit simile in proprietate personali, non sic autem Spiritus Sanctus; adeoque generatio non est ejus processio. Defendit hanc opinionem De Quiros. Impugnatur. Nec Verbum procedit simile in proprietate relativa; nec similitudo in proprietate relativa, aut sufficit, aut requiritur, ad generationem: ergo modus iste explicandi ad nihil inservit. Probatur prima pars antecedentis. Proprietas relativa Verbi non solum non est similis, sed est opposita, proprietati relativæ principii, a quo procedit. Probatur quoad secundam. Proprietas relativa se habet in divinis ut proprietas personalis, & individualis, & numerica; sed similitudo hujus proprietatis nec ad generationem requiritur, nec sufficit: ergo &c.

His modis explicandi rejectis, aliquis alias a nobis eligendus est, ut discriben, quod quærimus, inveniamus. Antequam autem illum proponamus, cum P. Magnano prænotare oportet. Origo in generacionis definitione idem est ac productio; & hoc modo significat vim activam in generante, non vero solam principii materialis præsuppositionem. Sic Eva originem duxit ab Adamo, sed non fuit ad Adamo genita, quia vere non fuit producta, sed tantum

cantum ædificata , formata , fabricata &c.  
Præterea , verbum illud *conjunctio* , significat , quod genitum manet ex substantia  
gignentis; & ideo utriusque sit eadem sub-  
stantia , quatenus utriusque est eadem  
conjunctio ; & si non in totum , saltet  
pro aliqua parte ; quia aliquid etiam de  
substantia Patris decidit in creatis , & in  
Filii substantiam transit . Et in hoc , ait  
Magnanus , sitam esse similitudinem na-  
turæ ; quatenus scilicet vi præfatæ con-  
junctionis substantiæ generans producit  
sibi simile in natura ; ut homo hominem.  
Insuper , definitio illa intelligi debet in  
sensu formalis ; scilicet , ut hisce formalis-  
bus verbis explicat Doctor profundissi-  
mus ; „ Ut ex propria , & formalis ratione  
„ ejus, quod origine, seu productione prima-  
„ rio , atque directe communicatur ; atque  
„ ex propria formalissima ratione talis com-  
„ municationis ; aut , ut communiter dici-  
„ tur , ex vi formalis processionis , sit inter  
„ generantem , & genitum similitudo natu-  
„ ræ ; non autem sit solum ex consequenti  
„ ob aliquid productione communicatum ,  
„ non directe , ac primario, sed solum con-  
„ sequenter , sive utsunque comitantur; hoc  
„ est non ex vi formalis processionis , sed  
„ solum ex vi alicujus aliunde connexi cum  
„ eo , quod fuit primario , atque directe  
„ communicatum . „

Hæc autem sic ab eo accipiuntur , ut duo  
alia velit esse formaliter accipienda . Pri-  
mum , ut hæc productio viventis a vi-  
vente sit prima naturalis actio in genere  
vitæ . Secundum , ut quod communica-  
tur ea actione directe sit primum in ge-  
nere vitæ , quod est in communicante ,  
& quod sit proprie ejus natura . Si sunt  
hæc duo , est sensus formalis , & produc-  
tio est generatio ; si non sunt hæc duo ,  
non est sensus formalis , & productio non  
est generatio .

His positis , pergit Magnanus , & docet ; quod  
quum productio ideo sit productio , quia  
est formalis ratio tribuendi , vel commu-  
nicandi esse alteri a producente ; unum  
ex his duobus sequi debet ; scilicet , ut vel  
ambæ productiones , quæ in Deo sunt ,  
indifferentes ex vi sui sint rationes for-  
males tribuendi directe , & æque primo  
totum , & adæquatum esse , quod est in  
producente ; Vel ut quælibet in parti-  
culari productio secundum suum specia-  
lem conceptum sit ratio tribuendi directe  
id solum formale totius esse , quod est spe-  
cialiter formale fundamentum , & radi-  
calis fœcunditas cujusque . Primum dici

non potest ; sic enim actiones duas illæ  
confunderentur ; quum præstaret secunda ,  
quod dedisset prima ; & daret prima , quod  
datura esset secunda . Dicendum est ergo  
secundum ; & cum hoc dicemus pariter ,  
quod quæ est actio productiva primaria  
in genere vitæ , ac prima , & per se natu-  
ralis producenti , sit simul communicati-  
va directe ; atque formaliter ejus , quod  
in genere vitæ primum est producentis ,  
ejusque natura . Hæc se dixisse , ait Do-  
ctor , quoad generationem propriæ dictam  
secundum se ; venit modo ad divinam ex-  
plicandam .

In prima persona , negari non potest , quod  
sit vis producendi aliam personam ; &  
producendi de sua substantia . Ulterius ,  
prima persona producens est vivens , &  
secunda persona producta pariter est vi-  
vens . Dicitur enim Joann . 5. *Sicut Pater  
habet vitam in semetipso , sic dedit & Filio  
vitam habere in semetipso .* Insuper , con-  
juncti , immo conjunctissimi , sunt , vi-  
vens , & vivens , producens , & produ-  
ctus ; quia producens non communicavit  
ei partem substantiæ ejus , ut sit in creatis ,  
sed totam substantiam suam , quæ indivi-  
sibilis , simplicissima , & eadem prorsus est  
in utroque ; unde inter eos est similitudo  
perfectissima secundum naturam . Conclu-  
dit denique , quod hæc omnia sunt secun-  
dæ , & tertæ personæ communia ; unde  
secundum hæc videri potest , quod ambæ  
sunt genitæ . Attamen aliquid aliud est  
addendum , quod uni sit speciale , & per  
quod est genita , & alteri non convenit ,  
& ideo una processio sit generatio , & al-  
tera non sit generatio .

Hoc autem dicit esse , quod producentis  
actio sit in genere vitæ primaria , & pri-  
mo-naturalis ; & quod id sit in genere  
vitæ primum , atque naturam producen-  
tis , quod ea actione directe communica-  
tum est . Sic modo aptat ad rem , de qua  
loquimur , hoc alterum , quod explicavit .  
Naturam Dei explicat per principium  
motus , & quietis ; principium motus  
agnoscit in intellectione ; unde in intel-  
lectione Dei naturam constituit . Sic deinde  
argumentatur . Dictio , seu intellectio  
notionalis non solum est prima Dei actio  
vitalis , sed etiam est maxime naturalis ,  
& in genere vitæ primo-naturalis ; sed  
per hanc actionem producitur secunda  
persona : ergo secunda persona produci-  
tur per actionem , quæ est maxime , &  
primo-naturalis primæ personæ ut viven-  
ti . Atqui eidem secundæ personæ per  
hanc

hanc actionem primæ communicatur directe, & formaliter intellectus ipse, ex cuius fœcunditate est intellectio: ergo eidem secundæ personæ ex vi productionis ejus communicatur id, quod in producente vivente est internum primo, ac per se vitale principium motus, & quietis; scilicet natura ejus ut viventis. Iterum subsumimus: Sed productio secundæ personæ, hoc modo explicata, habet conditiones omnes, quas diximus requiri ad verificationem definitionis generationis sumptæ in sensu formali: ergo productio secundæ personæ vere est generatio; ac per consequens secunda persona est vere genita, est vere Filius.

Descendens postmodum ad productionem Spiritus Sancti, hæc superaddit. Productio Spiritus Sancti non est actio intellectus, sed voluntatis: ergo non est prima actio vitalis producentis, neque primo-naturalis illi ut viventi: ergo nec directe communicat id, quod in producente est primum in linea viræ, & proprie ejus natura: ergo solum directe commu-

nicat id, quod est voluntatis, nempe solius virtutæ secundariæ, ex cuius fœcunditate procedit. Sed hæc omnia probant ex dictis, actioni huic non convenire generationis definitionem in sensu formalis sumptam: ergo pariter probant, Spiritum Sanctum non esse genitum, non esse Filium, & producentem eum, secundum quod ejus est productor, non esse Patrem.

Videri potest fortassis quibusdam hic P. Magnani explicandi modus similis alicui ex impugnatis; sed si bene perpendantur, quæ Magnanus requirit, & qua ratione accipiat illa, & qua explicet, invenietur, non unum, sed plura esse discrimina inter hunc explicandi modum, & quemlibet ex allatis. Interim nos illum non probamus, quia probatum supponimus, satis esse ad explicandum, quod requiriunus. Si quæ tamen Adversarii opponunt, praesto erimus, ut solvamus; profecto nulla usque modo allata sunt, quæ nos sciamus, quum nulla in editis legerimus.

## DISSESSATIO CXXV.

*De tertia Trinitatis Persona, & de Nominibus,  
quæ eidem, vel a Patribus Ecclesiæ, vel a  
Theologis de Schola, tribuuntur:*



Eritæ Trinitatis Personæ nomina ad tria reducuntur; suntque Spiritus Sanctus, Donum, Amor. Hæc eadem ab aliquibus extenduntur ad quatuor; dicendo nimis, quod unum sit Spiritus, aliud sit Sanctus, tertium sit donum, quartum sit amor. Unde dicunt, characteres, sive proprios, sive appropriatos, hujus tertiaræ personæ, esse Spiritum, sanctitatem, donum Dei, ac charitatem, seu amorem Dei. De his hinc agere intendimus, quemadmodum de nominibus, seu characteribus, aliarum duarum personarum in præcedentibus Dissertationibus egimus.

Dicimus I. Hæc tria, sive quatuor, nomina tertiaræ Trinitatis personæ convenire.

I. probatur ex Scripturis. Matth. ult. Baptizantes eos in nomine Patris, & Filii, & Spiritus Sancti. I. Joan. 5. Tres sunt, qui testimonium dant in celo, Pater, Verbum, &

Spiritus Sanctus. Joan. 20. Insufflavit in Discipulos, & dixit: Accipite Spiritum Sanctum. Joan. 4. Si scires Donum Dei. Actorum 8. Existimasti, Donum Dei pecunia possideri posse. Ad Romanos 5. Charitas Dei diffusa est in cordibus nostris per Spiritum Sanctum, qui datus est nobis. Joan. 7. Flumina de ventre ejus fluent aquæ vivæ; hoc autem dicebat de Spiritu, quem accepseri erant credentes in eum.

II. probatur ex Conciliis. Sexta Synodus Constantinopolitana generalis aët. I. Dominus noster Jesus Christus cum Patre, & Spiritu Sancto, divinam, & omnipotentissimam naturam communem habet. Concilium Vvormatiense, in Confessione fidei: Spiritum Sanctum, tertiam in Trinitate personam, unum, & aequalem cum Deo Patre, & Filio credimus esse Deum, unius substantię, unius quoque naturæ. Concilium Tolaternum IV. c. I. Patrem, Filium, & Spiritum Sanctum unius deitatis, atque substantię confitemur. Concilium Tolaternum VI. c.

I. Cre-

I. Credimus, & profitemur sacratissimam, & omnipotentissimam Trinitatem, Patrem, & Filium, & Spiritum Sanctum, unum Deum solum &c. Concilium Tolitanum XI. in confessione fidei: Confitemur, & credimus, sanctam, & ineffabilem Trinitatem, Patrem, & Filium, & Spiritum Sanctum, unum Deum naturaliter esse. Synodus Alexandrina, celebrata ann. 430. in ep. ad Nestorium: *Etsi Spiritus in propria persona subsistat, ea[st] tenique in seipso consideretur, quatenus Spiritus est, & non Filius; non est tamen ab eo alienus, quandoquidem Spiritus veritatis nominatur; Christus autem veritas est; sed & perinde quoque ab illo, atque a Deo Pater procedit.* Concilium Ephesinum probat hanc Epistolam, quemadmodum Synodus IV. act. 1. & 5. Synodus V. act. ult. Synodus VI. act. 17. Synodus VII. act. 7. His adjungi possunt Concilia Lateranense IV. Florentinum, Tridentinum &c.

III. probatur ex Patribus: Ambrofius in Symbolo c. 1. *Licet enim Pater sit Spiritus, & Filius sit Spiritus, & Pater sit sanctus, & Filius sit sanctus; sola tamen tertia persona Spiritus Sanctus nominatur.* Hieronymus in c. 4. ad Galat. de Davide, qui psal. 50. tres divinas personas Spiritus nominat, scribit: *Principalem Spiritum Patrem appellat, quia Filius ex Patre, & non ex Filio, Spiritum autem rectum, veritatis, atque justitiae Christum Dominum significat, quia Pater omne judicium dedit Filio, ut David ait: Deus judicium tuum Regi da.. Porro Spiritum Sanctum aperto nomine vocat.* Chrysostomus hom. 3. de Spiritu Sancto: *Dicitur Spiritus; ista enim est prima, & propria appellatio; & ut evidenter habens intelligentiam Spiritus Sancti naturam demonstrat.* Cyrillus lib. 13. thesauri c. 3. *Spiritus Sanctus ex ipsa Dei substantia procedit, sicut & spiritus, qui ex humano prodice ore.* Idem lib. 9. c. 44. *Propterea corporaliter Christus sufflavit; ostendens hoc signo, quod quemadmodum ab ore humano corporaliter humanus spiritus procedit, sic ex divina substantia, Deitati congruenter, Spiritus, qui ab ea est, profunditur.* Augustinus lib. 5. de Trinit. c. 14. *Exiit non quomodo natus, sed quomodo datus.* Et c. 15. *Quia sic procedebat ut donabile, jam donum erat, & antequam esset, cui daretur: Aliter enim intelligitur cum dicitur donum, aliter cum dicitur donatum; nam donum potest esse & antequam detur; donatum autem, nisi datum fuerit, nullo modo dici potest: Et post pauca: Semperne Spiritus donum, temporaliter au-*

tem donatur. Idem lib. 15. de Trinit. c. 18.: *Dilectio, quae ex Dno est, & Deus est, proprius Spiritus Sanctus est; per quem diffunditur in cordibus nostris Dei Charitas, per quam nos tota inhabitat Trinitas.* Et c. 19. *Etsi Charitas, qua Pater diligit Filium, & Patrem diligit Filius, ineffabiliter communionem demonstrat amborum; quid convenientius, quam ut ille Charitas dicatur proprio, qui Spiritus est communis amborum?* Probationes ex rationibus theologicis, objections, & responsiones ad illas, mox afferemus, de unoquoque de his nominibus sigillatim pertractantes.

Dicimus II. Nomen Spiritus Sancti convenire tertiae Trinitatis personæ, proprium accipiendo proprio, prout distinguitur a metaphorico, tum prout opponitur communi.

I. probatur ex S. Cyrillo, qui sanctitatem asserit tertiae personæ proprio convenire, dialog. 7. de Trinit. *Sanctus est Spiritus ipsius, non participatione, neque externa ad Filium habitudine, sed natura, & veritate.* Nam ut stupidum, & insulsum est hominem appellari, revera quidem hominem, tamen aliud ab eo quiddam intelligi; ita stultum admodum est, Spiritum quidem Sanctum nominare Spiritum, & tamen ipsum excludere ab eo, ut natura sit sanctus, & absurde alias in naturam excludere. Non enim gloria, aut excellentia modum aliquem nomen istud illi significabit, quemadmodum hac Principatus, & Thronus, & Dominatio, quæ iis tribuuntur, quæ ab illo sunt condita; sed substantiale potius qualitatem exprimet, veluti nomen illud Pater Patri, & Filius Filio &c. Si enim convenit Spiritus Sancti nomen tertiae personæ, uti convenit primæ nomen Patris, & secundæ nomen Filii, ut ultima verba declarant, quis negabit, Spiritus Sancti nomen tertiae personæ proprio convenire? Dicit ulterius, non convenire participatione, sed substantialiter, non externa habitudine, sed re vera: ergo proprio.

II. probatur ex S. Augustino, qui lib. 10. de Civitate c. 24. *Spiritum Sanctum appellat sanctitatem Patris, & Filii; & deinde appellationis hujusc rationem lib. 11. pariter de Civitate c. 24. expendens, hæc scribit: Verum boni Patris, & boni Filii Spiritus Sanctus, quia communis ambo-bus est, recte bonitas dici possit amborum, non audeo temerariam precipitare sententiam. Verumtamen amborum eum dicere Sanctitatem, facilius ausus fuero, non amborum quasi qualitatem, sed ipsam quoque substantiam,*

tiam, & tertiam in Trinitate personam. Ad hoc enim nec probabilius dicit, quod cum sit & Pater Spiritus, & Filius Spiritus, & Pater Sanctus, & Filius Sanctus; proprieta-  
tamen ipse vocatur Spiritus Sanctus, tanquam sanctitas substantialis, & consubstantialis amborum: ergo saltem ex his Augustini verbis tertia persona dicitur Spiritus Sanctus proprio, prout proprio a metaphorico distinguitur; immo etiam prout communi opponitur, quum dicat, quod vocatur proprio ipse Spiritus Sanctus, cuiusmodi supponit non vocari Patrem, & Filium, quanvis dicantur & Pater Spiritus, & Filius Spiritus, & Pater Sanctus, & Filius Sanctus.

III. probatur. Iisdem Scripturæ locis, quibus prima persona dicitur Pater, secunda Filius, tertiæ pariter nominatur Spiritus Sanctus; sed in illis locis nomen Patris, & nomen Filii, conveniunt primæ, & secundæ personæ proprio, non metaphorice: ergo pariter nomen Spiritus Sanctus in iisdem locis convenit proprio tertiæ personæ, non metaphorice. Major patet ex textibus Scripturarum, quos paulo ante adduximus; in iis enim legitur Joan. 5. *Tres sunt, qui testimonium, dant in cœlo, Pater, Verbum, & Spiritus Sanctus.* Matth. 28. *Baptizantes eos in nomine Patris, & Filii, & Spiritus Sancti:* Minor probata in superioribus supponitur. Consequentia sequitur.

IV. probatur. Si Spiritus Sancti nomen per translationem tertiæ personæ in divinis Scripturis tribueretur, vel dicendum esset, nobis esse liberum ad metaphoras currere, quoties Scripturas interpretamur, vel Scripturas ipsas loquutionibus impro priis passim, & sine necessitate, uti; at neutrum est dicendum: ergo nec illud, ex quo utrumlibet sequitur. Probatur sequela. Nullum enim metaphoræ signum deprehendimus in iis Scripturarum locis, in quibus Spiritus Sancti nomen tertiæ personæ tribuitur; si ergo adhuc licet nomen illud improprie intelligere, quæcumque alia nomina poterimus etiam metaphorice interpretari. Similiter; si hic aperiretur aditus dicendi, Scripturas uti loquutionibus impro priis, in hoc nomine, idem de aliis nominibus possemus dicere; quod quidem idem esset, ac reddere divinum. Verbum multis obnoxium illusionibus; & infinitis scatens erroribus.

V. probatur. Nomen Spiritus Sancti dicit nomen Spiritus, & nomen Sancti; sed hæc duo nomina proprio, non metapho-

rice, tertiæ personæ conveniunt: ergo pariter nomen Spiritus Sancti. Probatur minor. Quælibet persona divina est vere sancta; Isaiæ enim 6. ter clamabant Sanctus Seraphim illi; cuilibet ex illis nimis sanctitatem celebrantes. Spiritus vero ut significat spiritualem substantiam, & immaterialem, naturam divinam, quæ in tribus personis est eadem, importat, & quidem non metaphorice, sed vere, & proprio.

VI. probatur. Et quidem volunt aliqui, quod hoc nomen Spiritus Sancti non proprio, prout proprio opponitur communi, sed appropriate, tertiæ personæ conveniat; quanvis limitent dicendo, hoc intelligi secundum communiorum, & usitatiorem significationem acceptum; & deinde subdunt; convenientissima tamen, & accommodissima appropriatione. Sic Cache ranus defendit. Ex suis tamen probationibus eruimus, suum explicandi modum ad proprium etiam reduci; unde tota quæstio fit, ut sit de nomine. Concedimus enim, quod quælibet persona est substancia spiritualis, ut modo diximus; concedimus, quod sit sancta; unde secundum primævum modum loquendi, potest dici, quod hoc nomen sit appropriatum; at secundum usitatiorem, & communiorum loquendi modum, quem usurpant Scripturæ, Concilia, Patres, Theologi, totus Catholicus orbis, adeo soli tertiæ personæ nomen hoc tribuitur, ut per ipsum distinguatur ipsa in omnium ore a prima, & secunda. Unde assertum nostrum intelligimus de communiori, & usitatori nomine, non vero de significato ipsius ex prima sui institutione; & hoc pacto absque controversia probatum supponimus. Quod quidem clarissime patet, quia Spiritus Sancti nomen tribuitur tertiæ personæ per oppositionem ad alias personas, & tribuitur a Scripturis, Conciliis, Patribus, Theologis, a toto mundo: ergo proprio illi convenit, non solum prout proprio distinguitur a metaphorico, sed etiam prout opponitur essentiali, & communi.

Arguunt I. Prima persona, & secunda persona, sunt Spiritus, & quidem Sanctus: ergo hoc nomen non convenit proprio tertiæ personæ. II. Nomen Spiritus Sancti non significat relationem: ergo non est proprium solius tertiæ personæ. Con sequentia sequitur; quia si non significat relationem, non est nomen relativum; si non est nomen relativum, est nomen ab-

solutum, si absolutum: ergo non convenit  
uni personæ, sed tribus.

Respondemus ad I. distinguendo antecedens  
cum Juenino; si sumantur voces illæ *Spiritus Sanctus* secundum sensum grammaticum, conceditur; si sumantur secundum sensum ecclesiasticum, negatur. Hinc subdit citatus Auctor. „Sensu grammatico, qui ex duplice hac dictione *Spiritus Sanctus* petitur, non aliud significatur, quam ens immateriale, ac cuiusvis impuritatis expers. Sensu vero ecclesiastico significatur persona, quæ in divinis spiratur, hoc est per amorem, tanquam principii spiritualis impulsus, producitur. Ideo autem tum Scriptura, tum Patres, alium sensum eis vocibus *Spiritus Sanctus* affinxerunt, quam is, quem illis Grammatici tribuerunt, quod sicut defensum terminorum productio tertiaræ personæ non exprimitur nomine speciali, sed generali tantum, productionis nimirum vocabulo: Ita tertia persona defectu termini specialis in Scriptura, & traditione significatur hocce nomine generali *Spiritus Sanctus*. „

Ad II. eadem adhibetur distinctio, dicendo nimirum, quod nomen hoc non est relativum in sensu grammatico, est tamen relativum in sensu ecclesiastico. Et de facto dicunt omnes Scholastici Theologici, quod Spiratus dicit relationem ad Spiratorem; Spiratus autem est *Spiritus Sanctus*; & Spirator sunt Prima Persona, & Secunda; quemadmodum etiam usurpant spirationis activæ, & spirationis passivæ, nomina. Audiatur Angelicus I. p. q. 36. ar. I. Ad Secundum dicendum, quod licet hoc, quod dico, *Spiritus Sanctus*, relative non dicatur, tamen pro relativo ponitur, in quantum est accommodatum ad significandam personam sola relatione ab aliis distinctam.

Dicimus III. Nomina Doni, & Amoris, convenire etiam proprie tertiaræ Trinitatis personæ, sive proprie distinguatur a metaphorico, sive ab essentiali, & communis.

I. probatur de Dono. Nomine Doni exprimitur modus, quo tertia persona procedit a prima, & secunda: ergo est nomen, quod vere, & proprie ipsi convenit. Probatur antecedens. Modus, quo procedit tertia persona est per amorem; sed hoc nomen *Donum* exprimit processionem per amorem: ergo &c. Probatur minor. Ipsamet amor est donum; quia in eo consistit, ut alicui objecto velimus bonum;

quod quidem bonum est donum, & est principium omnium donorum.

II. probatur. Scripturæ, & Patres, soli tertiaræ personæ fere semper tribuunt nomen Doni: ergo signum est, quod hoc nomen sit solius tertiaræ personæ proprium. Probatur Antecedens. Actorum 2. Accipietis Donum Spiritus Sancti. Actorum 8. Existimasti Donum Dei. Joan. 4. Si scires Donum Dei. Ad Ephes. 4. Ascendens in altum &c. dedit dona hominibus. Unde Augustinus lib. 15. de Trin. c. 19. *Spiritus Sanctus* ita datur sicut Dei donum, ut etiam seipsum datur, sicut Deus. Et lib. 4.c. 2. Sicut natum esse est Filio a Patre esse; ita mitti &c. Et sicut Spiritui Sancto donum Dei esse est a Patre procedere &c. Et lib. 5.c. 15. Quemadmodum Filius non hoc tantum habet nascendo, ut Filius sit, sed omnino, ut sit; sic etiam *Spiritus Sanctus*, eo quod datur, habet non tantum, ut donum sit, sed omnino, ut sit. Ibidem quoque: *Exit non quomodo natus, sed quomodo datus;* ut supra etiam citavimus.

III. probatur de Amore. Augustinus lib. 15. de Trinit. c. 17. Si ergo proprie aliquid bonum trium Charitas nuncupanda est, quid aptius, quam ut hoc sit *Spiritus Sanctus*? Et quia per amorem procedit tertia persona, ideo in Scripturis, & Patribus invaluit usus, ut charitatis nomen, sive amoris, tertiaræ personæ tribueretur. Unde idem Augustinus cit. loc. Tamen proprie *Spiritus Sanctus* Charitas nuncupatur. Utitur pariter S. Augustinus similitudine, quod quemadmodum Legis nomen sumitur proprie, & singulariter pro Decalogo, quavis universaliter aliquando pro integro testamento veteri, vel saltem pro Pentateuco, accipiatur; ita pariter licet charitatis nomen toti Trinitati conveniat, ut dicitur, *Deus charitas est*; attamen usus Ecclesiæ est, ut soli tertiaræ Trinitatis personæ tribuatur. *Hac ideo dixi, ne quisquam propterea nos inconvenienter existimat Charitatem appellare Spiritum Sanctum, quia & Deus Pater, & Deus Filius, potest charitas nuncupari.* Sicut ergo unicum Dei Verbum proprie vocamus nomine Sapientie, cuius sit universaliter & *Spiritus Sanctus*, & Pariter ipse Sapientia: Ita *Spiritus Sanctus* proprie nuncupatur vocabulo Charitatis, cum sit universaliter Charitas & Pater, & Filius.

Arguunt I. Nomen Doni tribuitur Filio Isaiae 9. *Filius datus est nobis*: ergo non est nomen, quod proprie tertiaræ personæ conveniat. II. Tertia persona non potest dici *Lignum respectu aliarum personarum*,

rum, quia illis non datur; neque respectu creaturarum; quia, quum creaturæ creatæ fuerint in tempore, in tempore etiam fuisset Donum; hoc autem dici non convenit, nec potest: ergo &c. III. Spiritus Sanctus datur a Creaturis: ergo non est semper Donum Dei. Probatur antecedens. Astorum 8. Per manuum Apostolorum impositionem dabatur Spiritus Sanctus: ergo dabatur a Creaturis. IV. Ad Colos. 1. dicitur: *Transfultis nos in regnum Filii dilectionis sua*: ergo nomen amoris, seu charitatis, est proprium Patris. V. Spiritus Sanctus dicitur amor vel proprie, vel appropriate; non proprie, quia amor non est nomen ejus proprium, quum proprium, ut diximus, sit Spiritus Sanctus; neque appropriate, quia amor est proprium Dei, nequit proinde appropriari uni personæ, quando omnes tres personæ æqualiter sunt Deus.

Respondemus ad I. quod Filio convénit dari improprie, non proprie; quia sicut ille proprie generatur, quod suæ processionis vi procedit in similitudinem naturæ, & ille non generatur, qui procedit in similitudinem naturæ, sed non suæ processionis vi: Ita pariter id proprie datur, quod datur vi suæ processionis; & id improprie datur, quod datur quidem, sed non datur vi processionis suæ; & ita est Filius.

Ad II. Spiritus Sanctus est Donum respectu aliarum personarum, tanquam principium, a quo datur; est Donum respectu creaturarum, tanquam subjectum, cui communicatur. Ad illud, quod dicitur, quod est donum in tempore, respondemus, quod in tempore est donum instanti, donum autem in potentia est ab eterno. Ita Augustinus, cujus verba reculimus supra: *Quia sic procedebat ut donabile, iam donum erat, & antequam esset, cui daretur; aliter enim intelligitur cum dicitur donum, aliter cum dicitur donatum; nam donum potest esse, & antequam detur, donatum autem, nisi datum fuerit, nullo modo dici potest*. Et post pauca: *Sempiternus Spiritus Donum, temporaliter autem donatur*.

Ad III. Spiritus Sanctus datur quatuor modis; & ab eo, qui præparat, seu sacramenta ministrat; & ab eo, qui annunciat monita salutis; & ab eo, qui impetrat, sive per bona opera, sive per orationem; & ab eo, qui producit. Sive boni, sive mali, conferunt primo, & secundo modo; soli boni conferunt tertio modo; quartro autem confert solus Deus, quia a solo

PAR. II.

Patre, & Filio producitur, & Creaturis donatur. Ita responderet Seraphicus Doctor, S. Bonaventura in 1. dist. 14. ar. 2. q. 2.

Ad IV. Secundum textum hebraicum Filius dilectionis idem est ac Filius dilectus; sicut filius perditionis idem est ac filius perditus: Unde verba illa intelligenda sunt; *transfultis nos in regnum filii sui dilecti*. Et quanvis Ecclesia in festo Sanctissimæ Trinitatis canat: *Charitas Pater est, Gratia Filius, Communicatio Spiritus Sanctus*; quæ verba videntur sumpta ex 1. ad Corinth. 13. *Gratia Domini nostri Jesu Christi, & Charitas Dei, & Communicatio S. Spiritus*: Attamen clare patet, quod Apostolus loquatur de charitate creata, quam ipse Corinthiis a Deo precabatur. Ecclesia vero loquitur per accommodationem; & rationem accommodandi Patri potius charitatem, desumptam Theologi volunt ex illo Joan. 3: *Sic Deus dilexit mundum, ut filium suum unigenitum daret*.

Ad V. dicimus, posse Spiritum Sanctum nominari amorem tum proprium, tum appropriate. Appropriate quidem, quia procedit per amorem, cuius est amare; proprie etiam, quia est terminus per amorem spiratus, seu amor productus; & effectiva quoque; nam *Charitas Dei diffusa est in cordibus nostris per Spiritum Sanctum*. Unde Bernardus ep. 107. O geminum ipsum firmissimum erga nos amoris argumentum! *Christus moritur, meretur amari: Spiritus afficit, & facit amari*. Ille facit, cur ametur; iste, ut ametur: *Ille multum dilectionis in nobis commendat, iste dat: In illo cernimus, quod amemus; ab isto sumimus, unde amemus*. Charitas ergo ab illo occasio; ex isto affectio. Et S. Petrus Diamiani in Opusc. 1. c. 2. scribit: *Et hæc summa illa Charitas, qua genitus a gignente diligitur, sumique diligit genitorem; ideoque non amplius, quam tria sunt, & essentialiter indivisa, & tripartita proprietate distincta: Unus diligens illum, qui de illo est; unus diligens eum, a quo est; & ipsa dilectio, de qua dicitur, quia Deus Charitas est*.

Remanet tandem, ut dicamus aliqua pauca de aliis nominibus, quibus Spiritus Sanctus, vel a Scripturis, vel a Patribus, vel ab Ecclesia, appellatur. Et ex his quædam sic a S. Bonaventura explicantur in compendio theologicō lib. 1. c. 9. Fons vivus; quia septemplici rivo donorum in nos fluit. Ignis; quia affectum in nobis accedit. Charitas; non solum quia est amor Patris, & Filii, sed quia nos amat̄ facit.

X 2

Spi-

Spiritualis unctio; quia omnes tribulaciones mundanas suaves facit, & mundas. Dexteræ Dei digitus; quia sicut corporales res digito demonstrantur, ita per Spiritum. Sunt ostenduntur res spirituales oculo spirituandi. Paracletus; quia consolationes caritatis mentibus instillat. Magistrorum optimus; quia intellectum ad Dei cognitionem, & sui ipsius, illuminat. Referuntur a Frassen; qui & ulterius sequentia narrat.

Sunt pariter characteres ipsius; quos explicat Cornelius Muscus lib. 3. hist. sac., & desumpti sunt ex libro Sapientiae c. 7. Rectus; quia prava convertit in directam, & aspera in vias planas. Bonus; quo omnia mala pelluntur, vel cooperantur in bonum. Principalis; quia Principes nos facit, perturbationum Dominos, vitiorum triumpha-

tores. Dulcis; per quem amera omnia dulcescunt, dum charitas diffunditur in cordibus nostris. Sanctus; quo peccata remittuntur, & peccatores sanctificantur. Mundus; quo nihil mundius, qui facit mundos, cui non placent, nisi mundi. Simplex; qui effugit fictos, & odit omnem dolum. Subtilis; ad illudendum, & ad scrutanda, & examinanda judicia profunda Dei. Modestus; sancti pudoris, & terebrantie author. Discretus; qui aperit ora mutorum, & lingues infan- tium facit esse discetas. Securus; futuri, & presentis. Certus; quia nec fallitur, nec fallit. Mobilis; abrumpens omnes injustas moras impii otii, negligenter, & tarditatis impatiens. Humanus; omnium hominum amans animas.

## DISSERTATIO CXXVI.

### *De Erroribus contra Processionem Spiritus Sancti a Patre, & Filio; & de Propugnatoribus illorum.*



RIMO Eunomius occurrit, ut primus errorem contra Spiritus Sancti a Patre, & Filio processionem inventor, & propugnator; ejusque insanias mentionem facit S. Basilis ad finem lib. 2. contra Eunomium. Error ejus fuit, quod Spiritus a Filio procederet, & non a Patre. Refertur a Coccio lib. 1. thesauri catholici de Deo & SS. Trinitate ar. 7. Verum, ait Frassen, hoc Eunomius asserebat, quia insane putabat, Spiritum Sanctum, a solo Filio originem ducentem, non Deum, sed facturam Verbi, esse; sicut Verbum ipsum facturam Patris esse somniabat. Unde idem Basilis cit. loc. inquit ex eodem Eunomio: *Si e creaturis subveniatur aliquis ad substantiae comprehensiones, intelligit Filium Ingeniti esse facturam, Unigeniti vero Paracletum.* Ideo infert idem Frassen; Spiritum Sanctum a Patre procedere in confessu habere omnes, quicunque ejus divinitatem fatentur. Eunomii occasione adhuc Ariani erroris hujuscce accusantur; sed eadem est ratio de Arianis, ac de Eunomio dicta est.

Secundo Nestoriani occurunt, qui in Confessione fidei, quæ exrat in actis Concilij

Ephesini t.2. c. 3. dicebant, quod Spiritus Sanctus est Deus, utpote ejus substantiae existens, cuius est Deus, & Pater; ex quo etiam secundum substantiam procedit. Afferebant textum Apostoli, qui I. ad Corinth. 2. 12. dicit: *Nos non spiritum hujus mundi accepimus, sed Spiritum, qui ex Deo est.* Ex quo inducebant, quod Apostolus peculiari quadam ratione Spiritum Sanctum ab universa creatura se jungens, Deoque, ex quo proprio secundum substantiam promanat, conjungens, Filium ramen non nominavit, neque per Filium substantiam suam sortitum dixit. Ex praefato Coccio habemus. Bellarminus autem de Christo lib. 2. c. 21. afferit, obiter hoc Nestorianos dixisse, quia alia erat causa, quæ tunc serio agebatur; ac proinde errorem tunc temporis radices altius non egisse. Unde post Nestorianos, & post Theodoreum, de quo mox, usque ad ann. 767. nulli inveniuntur, qui hanc insaniam defenderint.

Tertio advenit Theodoreus, qui contra Cyrilli Alexandrii anatematismum nonum dicebat: *Proprium Filii semper confitemur Spiritum Sanctum; si quidem ejusdem cum eo naturæ, & ex Patre procedens est.* Si vero tanquam ex Filio, aut per Filium; effen-

*essentiam habere dicas, blasphemum hoc est, tanquam impium aspernabimur. Credimus enim Domino dicenti: Spiritus, qui a Patre procedit. Idem Coccius narrat, & Iucinlus afferit, quod primus, qui aper- te negavit, Spiritum Sanctum a Patre, Filioque procedere, post Nestorium fuit Theodoretus; scribens, proprium esse Filii Spiritum, esse tamen blasphemum, & impium dicere, aut ex Filio, aut per Filium existentiam habere. Hic idem Theodoretus fuit postmodum, opera S. Leonis Papæ, Ecclesiæ reconciliatus in Concilio Chalcedonensi, & in suam Se- dem, ex qua fuerat pulsus, restitutus, si- mul cum aliis, qui Nestorio favebant, ut ait Bellarminus, circa ann. 430,*

Quarto est Rusticus quidam, Diaconus, qui contra Acephalos scribens, ait, teste Coccio supracitato: *Utrum Spiritus San-ctus a Filio sempiterne procedat, nondum, perfecte habeo satisfactum.* De hoc alii; quos vidimus, non meminerunt; sicut etiam quia dubitando, non afferendo, loquutus est. Et quum hoc tempore illo non fuisset satis discussum, & ab Ecclesia definitum, crediderunt, non potuisse trahi in errorem, vel hæresim.

Quinto fuerunt ann. 767. Græci, qui incep- perunt hujusce erroris se reddere fauto- res, immo auctores, atque demum etiam apertissimos, & pertinacissimos propugna- tores. Scribit enim Ado Viennensis in Chronico, quod præfato anno Concilium magnum coactum est Gentiliaci ad Lutetiam, Imperante in Oriente Constantino Copronymo, & in Gallia Regnante Pipi- no; in quo coram eodem Pipino, qui erat Caroli magni Pater, disputatum est acri- ter inter Latinos, & Græcos, de Trini- tate, & Imaginibus. Hujusce Concilii meminerunt Rheginus, Sigebertus, & Ab- bas Uspergensis in Chronico. Nulla au- tem tunc temporis inter Latinos, & Græ- cos, esse poterat de Trinitate controver- sia, quam circa Spiritus Sancti processio- nem; unde disputatio illa de Trinitate, quam prælaudati Scriptores memorant, nulla alia esse potuit, quam de Spiritus Sancti a Filio processione, & tunc pri- mum, Scriptores communis calculo ob- servant, auditos fuisse Græcos, hujusce- modi processionem in aperio negantes.

Sexto iidem Græci ann. 860., in romana ca- thedra sedente Nicolao I., iterum se pro- palarunt falsi dogmati hujusce acerrimos defensores. Ea enim tempore floruit Theophylactus, qui scribens in c. 3. Joan. aper-

te, ac nominatum Latinos arguit, ut asse- rit Bellarminus, quod credant Spiritum Sanctum ex Filio procedere. Hæc sunt Theophylacti verba apud Coccium: *Za- zini male exponentes, quid sit Deum mittere Spiritum Filii sui, vel etiam nos habere Spiritum Christi, dicunt, quod Spiritus etiam a Filio procedat. Ceterum esse ex Filio Spi- ritum nulla Scriptura testatur, ut ne dua principia introducamus, Patrem, & Filium.* Joannes Diaconus, eodem tempore scri- bens, lib. 4. vitæ S. Gregorii c. 75. testa- tur, Græcos in linguam suam Dialogos S. Gregori transtulisse, & particulam illam, Filioque procedit, abrasiſſe.

Septimo ante hæc tempora erroris hujus in- simulatur Joannes quidam, dictus Pithæus, & cognominatus etiam Monachus, qui fuisse suspicatur Joannes Damascenus, qui Hierosolymis degebat ann. 730. sancte vivens, & sancte scribens. Si quidem, ut narrat Ado sub ann. 809., Aquisgrani coactum est aliud Concilium, Imperante Carolo magno, in quo actum est, de pro- cessione Spiritus Sancti a Patre, & Filio. Quam questionem Joannes quidam Monachus Hierosolymis primo concitatavit, cuius defi- nienda causa Bernharicus, Episcopus Vor- matiensis, atque Jesse, Episcopus Ambia- nensis, & Adbelardus, Abbas Monasterii Corbejæ, Romam ad Leonem Papam missi sunt &c. Ceterum Joannes Damascenus lib. 1. de fide c. 11, quum plures affirma- set, Spiritum Sanctum a Patre procedere, circa capitum finem scribit: *Ex Filio autem Spiritum Sanctum non dicimus, sed Spiritum Filii nominamus.* Et c. 8. *Spiritus Sanctus a Patre procedit, & in Filio quiescit.* Et c. 7. *Spiritus Sanctus ex Patre quidem est, non autem ex Filio.* Unde Coccius inter illos Damascenum adnumeravit, qui Spiritus Sancti processionem ex Filio negant. Im- mo & S. Thomas i. p. q. 36. ar. 2. ad 3. do- quicuit: *Plures ex Græcis in hoc fuisse sequen- tos Theodoreum Nestorianum, inter quos fuit etiam Damascenus.* Attamen Bessarion in Concilio Florentino Damascenum be- nigne interpretatus est, dicens in orat. pro unione c. 6., quod Damascenus non ab- solute negavit, Spiritum Sanctum a Filio pro- cedere, sed tantum in modo loquendi a Catholicis dissensisse. Putabat enim, tu- tius esse dicere *per Filium*, quam *ex Filio*; quia videbatur illi, propositionem *ex de- notare primam causam*, ab alia causa non procedentem; & propositionem *per deno- tare causam*, sed non primam; quod Fras- sen refex.

Octa-

Octavo adnumeratur a Coccio Nicæphorus Constantinopolitanus, qui in epistola ad Leonem scripsit: *Spiritus Sanctus ex Patre, non nativitate, sed processione, subsistentiam habens*. Non negat quidem processionem ex Filio, sed tacet; quod quidem in Græco Homine non rectæ doctrinæ indicium est. Hic floruit ann. 800. juxta eundem Coccium.

Nono appetet Photius, celebris quidem doctrina, ac famosior impietate, ac iniuritate sua. Photius auctor fuit, ut Ignatius, Patriarcha Constantinopolitanus, e sede sua per injuriam pelleretur a Barda Imperatore, quod ipsum excommunicasset, & propter incestuosam consuetudinem cum nuru, & propter violentiam illatam Theodoræ, Michaelis Imperatoris matri, eam invitam tondere faciens, quod illa omnimode renuebat. Pulso Ignatio Photius sedem Constantinopolitanam invasit ann. 858., & postea in Conciliabulo ann. 861. eundem Ignatum damnavit. Ex adverso Nicolaus, Romanus Pontifex, Photium damnat, & uti per vim in cathedram illam intrusum, & quia ex laico per saltum Episcopus factus fuerat. Photius ann. 863. Nicolaum, Romanum Pontificem, in Conciliabulo pariter damnat, eique, & Latinis omnibus errores plures objicit; inter quos unus erat, quod Latini docerent, Spiritum Sanctum ex Patre, Filioque, procedere. Ann. 866. occisus est Barda; & Bafilius Macedo, a Michaeli in Collegam in imperio adscitus, rejicit Photium, & Ignatum restituit. Ann. 889. in Concilio Constantinopolitano VIII. generali Photius damnatus fuit; at postmodum etiam denuo fedem invasit, & iterum catholicum dogma aperte impugnare aggressus est. Et quo factum est deinde, ut Græci omnes errorem suum defenderent eo conatu, ut veluti hac tessera Græci a Latinis distinguerentur. Librum edidit, in quo manifeste defendit: *Spiritus Sanctum a solo Patre, & non a Filio, procedere*. Testantur Hugo Etherianus de processione Spiritus Sancti lib. 2. c. 15. Nilus Thessalonicensis ex MS.

Decimo post fere annos biscentum, ann. scilicet 1054. incepit schisma Photii tempore, sub Michaeli, Patriarcha Constantinopolitano, qui Cœrularius dicebatur, perfectum est. Romæ sedebat Pontifex Leo IX, & Constantinopoli regnabat Imperator Constantinus X., datus Monomachus; quando Michael præ-

dixtus, Romanum Pontificem, Latinosque omnes, excommunicatos esse, pronunciavit; quod, contra Concilii Ephesini decreum, Symbolo Nicæno, & Constantinopolitano particulam *Filioque* addidissent. Unde Græci suum Patriarcham sequentes, qui se, Romano Pontifice detegto, universalem Episcopum appellabat, Spiritum Sanctum a solo Patre procedere conclamarunt, & Romanam Ecclesiam eum aliis omnibus, qui cum eadem communicant, anathematizarunt. Hæc omnia testantur Epistolæ Leonis IX. ad Constantinum Imperatorem, & Michaelem Patriarcham; S. Anselmus, qui eodem seculo scriptis librū suum de processione Spiritus Sancti contra Græcos; Sigibertus in Chronico ad ann. 1054., S. Antoninus in hist. p. 3. tit. 22. c. 13. §. 11.

Undecimo hoc eodem seculo undecimo contra catholicum dogma scripserunt ann. 1060. Nicetas, qui librum contra Latinos edidit, quo afferit, Spiritum Sanctum a solo Patre, non item a Filio procedere. Ait Coccius, librum hunc servari in Bibliotheca Vaticana; citatur autem, & refutatur ab Hugone Etheriano. Fuit pariter ann. 1080. Euthymius ad cap. 16. Joan. hæc scribens: *Vide quod mittit quidem Spiritum & Filium, tanquam ejusdem cum Patre honoris, verum a Patre puta procedentem. Procedit itaque a Patre, tanquam de ejus substantia.* De utroque testis est Coccius. Hoc eodem seculo celebratum est Concilium Bärense, ann. 1097. sub Urbano II. Romano Pontifice, in quo Græci acetrime suum errorem defenderunt, & ex parte Latinorum S. Anselmus illis omnibus se objecit, illorumque imperium sic confregit, ut de illis plenissimam victoriā reportaverit.

Duodecimo Nicolaus Methonensis seculo duodecimo ann. 1140. apparuit, qui contra Latinos edidit librum, in quo afferuit, Spiritum Sanctum a solo Patre, & non a Filio, procedere. Librum hunc pariter Romæ servari, testatur Coccius; quem quoque ait, citari, & confutari ab Hugone Etheriano.

Decimotertio Nicolaus Cabasitas, inquit Coccius, scripsit contra Thomam Aquinatem de *Spiritus Sancti processione a solo Patre*; cui respondit Demetrius Cydonius, Græcus Græco; & librum vult etiam Romæ affermati. Hic floruit seculo decimotertio ann. 1260., & eodem seculo, ann. 1215. celebratum est Concilium generale Lateranense IV. sub Innocentio III., in quo iterum

iterum pax inter Latinos, & Græcos sancta est. Attamen post annos triginta sub Joanne Duca, Theodori Lascaris genero, iterum contentio exarsit. Nicephorus Gregoras lib. 5. hist. refert, quod tempore illo alter Nicephorus pro catholicō dogmate egregie scripsit. Attamen nos invenimus, Nicephorum Callistum, qui in Synopsi de Trinitate hæc scribit: *Mens, & Verbum, & Spiritus ex Patre solo.* Et in dedicacione laudat Andronicum seniorem Palæologum, quod liquido declaraverit, *Spiritus Sancti processionem a solo Patre, & non a Filio.* Floruit hic Nicephorus Callistus juxta Coccium ann. 1300. Eodem seculo, ann. scilicet 1261. Michael Pelæologus ad Gregorium X. Romanum Pontificem recurrit, opem suam implorans contra Carolum Andegavensem, primum Siciliæ Regem; & ut eum alliceret, consilium proposuit de pace inter Latinos, & Græcos restauranda. Quod factum est in Concilio Lugdunensi II. ann. 1274. sub Gregorio X. celebrato. At postmodum sub Andronico Palæologo, Michaelis filio, qui Constantinopoli imperium regebat, iterum ad contentionem redierunt Græci, & schisma renovatum apparuit.

Decimoquarto acerrimus pene omnium fuit Marcus Ephesinus in Florentino Concilio, qui nunquam concordia initæ inter Latinos, & Græcos subscribere voluit. Porro in hoc generali Concilio, quod ann. 1439. actum est, Græci primum moridicuſ defendebant, Spiritum Sanctum a solo Patre procedere. Postmodum Latinorum rationibus pressi, confessi sunt, procedere etiam a Filio. Marcus Ephesinus cum quibusdam paucis Concilio non adhaesit, & communib⁹ omnium pene votis reluctavit. At ultimo Græci fere omnes, in Græciam reversi, priorem errorēm amplexati sunt, & antiquum schisma renovarunt.

Decimoquinto ponimus Navatores, qui postremis temporibus fere omnia Ecclesiæ dogmata perturbarunt; & hoc quoque, de quo loquimur, illæsum non relique-

runt. Joannes de Vesalia non credit Spiritum Sanctum procedere a Patre, & Filio, tanquam ab uno principio; pro ratione addens, quod non possit in textu sacrae Scripturæ inveniri. Ita Fasciculus rerum expetendarum, & fugiendarum, Coloniae impressus, in examine Joannis de Vesalia. Petrus Martig in epist. ad Romanos scribit: *Disputationem inter Theologos de processione Spiritus Sancti esse meram scholasticam contentionem.* Joannes Cazonius in epist. ad Joannem Calvinum, Spiritum Sanctum ex Patre, & Filio procedere, expresse negat. Valentinus Gentilis prothec 36., & 37. afferit, solum Patrem esse essentiatorem Filii, & Spiritus Sancti. Joannes Sommerus contra Petrum Carolum lib. 2. c. 1. inquit: *Dicat Carolus, quomodo ex Patre, & Filio, mutuo se amantibus procedat spiritus nostra: Filio, & Spiritu, vel Patre se amantibus, nihil procedat?* Item quomodo Spiritus Sancti proprietas erit procedere, cum Christus quoque dicitur procedere a Patre; imo cum de pluribus aliis rebus, etiam de Diabolis, hoc ipsum verbum dicat? Christianus Francus lib. cont. Trinitatem, Cracoviæ impresso: *Fixerunt Spiritum Sanctum: mutuo se amantibus quidem esse Patri, & Filio, & ab utroque producendum, non tamen genitum; quam communitiam, sicutamque doctrinam communis totius sacrae Scripturae refellit consensus.*

Ultimo demum hujus erroris accusatur Macedonius cum Sectatoribus suis. At immrito; hic enim Hæresiarcha quum Spiritum Sanctum omnino negaverit, de ejus processione non curabat. Affertur Epistola quædam Justiniani, Episcopi Siciliæ, ad Petrum, Episcopum Antiochenum, quæ habetur in Concilio generali V., & in qua legitur: *Macedonius spirat a Patre solo Spiritum Sanctum.* Attamen Bellarminus pro spirat legendum putat separat; quod sane magis congruit hæresi Macedonij; qui Spiritus Sancti divinitatem negans, negabat pariter ejusdem consubstantialitatem cum Patre; adeoque illum a Patre separabat.

# DISSERTATIO CXXVII.

*De Processione Spiritus Sancti a Patre, & Filio,  
divini Testamenti vocibus, Conciliorum votis,  
Patrum dictis, ac Theologorum ratio-  
ciniis demonstrata.*

I. **D**ebatur ex divini testamen-  
ti libris . Joan. 15. dicitur,  
quod Spiritus Sanctus a Fi-  
lio mittitur: *Cum venerit Pa-  
racletus, quem ego mittam vo-  
bis a Patre, Spiritum veritatis, qui a Patre  
procedit, ille testimonium prohibebit de me.* Et Joan. 16. Si non abjero , Paracletus non  
veniet ad vos: Si autem abjero , mittam eum  
ad vos. Ulterius , Joan. 16. dicitur , quod  
Spiritus de Filio accipit : *Ille me clarifica-  
bit, quia de meo accipiet, & annuntiabit vo-  
bis.* Et rationem reddens , cur de suo ac-  
cipiat, subdit: *Omnia, quacunque habet Pa-  
ter, mea sunt ; propterea dixi, quia de mea  
accipiet.* Et Joan. 17. *Omnia tua mea sunt.*  
Item , ad Galatas 4. dicitur Spiritus San-  
ctus Spiritus Filii : *Misit Deus Spiritum  
Filii sui in corda vestra :* Et Astorum 16.  
*Tentabant ire in Bithiniam, & non permisit  
eos Spiritus Iesu.* Praeterea, Joan. 20. dicitur,  
quod Christus , quando post suam  
resurrectionem Spiritum Sanctum Apo-  
stolis insuf-  
flavit , usus est cæremonia insuf-  
flandi , seu inspirandi : *Hæc cum dixisset,  
insufflavit, & dixit eis : Accipite Spiritum  
Sanctum.* His positis, eruitur processio Spi-  
ritus Sancti ex Filio . Primo , quia in di-  
vinis missio supponit processionem : ergo si Spiritus Sanctus mittitur a Filio , a  
Filio procedit . Probatur antecedens . Pa-  
ter a nullo mittitur ; quia a nullo pro-  
cedit : et ergo in divinis missio supponit pro-  
cessionem . Antecedens est Augustini lib.  
4. de Trinitate c. 19. *Pater cum ex tempore  
& quoquam cognoscitur, non dicitur missus.* Non enim habet a quo missus sit , aut de quo  
procedat. Et clarius est Athanasii in epist.  
ad Serapionem : *Hic est ordo naturæ divinae  
a Patre, & Filio , ut qui a nullo est, a nullo  
mittatur ; & qui est ab alio , in nomine sua  
non veniat , sed in nomine illius , a quo exi-  
stit. Ita & Spiritus Sanctus, qui a se non est,  
a se venire non debuit , sed in nomine illius,  
a quo est , & a quo habet , ut hypostasis sit  
Deus, quemadmodum de eo dicit Filius , Pa-  
racletus Spiritus Sanctus , quem mittet Pater*

*in nomine meo.* Est etiam Ambrosii lib. 1.  
de Spiritu Sancto c. 4. & 5. Chrysostomi  
in c. 5. ad Romanos, Cyrilli in c. 16. Joan.  
& interum Augustini lib. 15. de Trin. c.  
26. Secundo , quia Spiritus Sanctus reci-  
pit essentiam a Filio: ergo a Filio procedit .  
Probatur consequentia . Procedere im-  
portat recipere esse, seu essentiam, & exi-  
stentiam, ab illo , a quo proceditur: ergo  
si Spiritus Sanctus recipit a Filio essentiam,  
a Filio procedit . Probatur antece-  
dens . Recipit aliquid ; non accidentale ,  
quod locum in divinis non habet ; ergo  
essentiale : ergo essentiam . Tertio ; In  
Scripturis ideo dicitur , Spiritum San-  
ctum a Patre procedere, quia dicitur Spi-  
ritus Patris : ergo si dicitur etiam Spiritus  
Filii, a Filio procedit . Ulterius , quando  
dicitur Spiritus Sanctus Spiritus Filii, vel  
intelligitur, quod sit Filio inferior, vel su-  
perior, vel æqualis; non primum, vel secun-  
dum, ut patet: ergo tertium; sed non potest  
esse æqualis, nisi ab eo procedat: ergo &c.  
Quarto ; Insufflare Spiritum Sanctum  
ostendit, Spiritum Sanctum procedere ab  
eo, qui insufflat; sed Filius insufflat : ergo  
a Filio procedit . Major est Augustini lib.  
3. con. Maximum c. 14. *Nisi procederet  
& de ipso, non diceret Discipulis ; Accipite  
spiritum Sanctum, eumque insufflando daret,*  
ut a se quoque procedere significans , aperte  
offenderet flando , quod spirando dabat oc-  
culte .

Respondent Græci I. Per missionem Spi-  
ritus Sancti , de qua Scripturæ loquuntur,  
non intelligi, quod Spiritus Sanctus mit-  
tatur , sed quod mittantur dona Spiritus  
Sancti , quæ Spiritui Sancto per appro-  
priationem tribuuntur . II. quod Christus  
non dixit de Spiritu Sancto, de me accipiet,  
sed de meo ; hoc est de meo Patre : unde  
ex illis verbis non inferri , quod nos in-  
tendimus . III. Verba illa intelligenda es-  
se de scientia Filii, quatenus Spiritus San-  
ctus nihil doceret , quod iis , quæ Filius  
docuit , contrarium esset . IV. Spiritum  
Sanctum dici Spiritum Filii , quia simul  
cum

cum Filiō a Patre procedit; vel quia est illi similis, vel ex alia causa, non autem, quod a Filio spiretur. V. Isaiae 48. & 61. etiam Filius dicitur mitti a Spiritu Sancto; & tamen Filius a Spiritu Sancto non procedit. VI. Deridet Theophylactus argumentum petrum a cæremonia illa, tanquam nihil concludens; & potius quid puerile præferens; sic ipse in c. 3. Joan.

Contra autem sic nos procedimus. Et quidem contra primum dicimus, quod ex Scriptura patet, personas divinas nobis dari, non vero communicari effectus carum. Dicitur enim Joan. 14. Si quis diligenter me, sermonem meum servabit, & Pater meus diligit eum, & ad eum veniemus, & mansionem apud eum faciemus. Ulterius, si ipsorum responso subsisteret, posset etiam dici, mitti Patrem a Filio, & Patrem, & Filium mitti a Spiritu Sancto, quia dominorum illorum auctor est qualibet persona. Posset etiam dici, quod Filium mitti a Patre, est mitti aliquod donum creatum. Denique dona, seu effectus, non mittuntur, sed dantur; ut ex terminis patet. Contra secundum; quia etiam admissio, quod Spiritus Sanctus recipiat a Patre de substantia Filii, adhuc stat, quod recipiat pariter a Filio. Quum enim omnia, quæ habet Pater, paternitate excepta, habeat Filius; optime sequitur, quod accipiendo a Patre, accipiat quoque Spiritus Sanctus a Filio. Contra tertium; scientia enim est communis Patri, & Filio; unde si Spiritus Sanctus accipit scientiam a Patre, accipit pariter a Filio. Cæterum quomodo potest Spiritus Sanctus accipere scientiam a Filio, si a Filio non accipit essentiam. Et si a Filio accipit essentiam, utique a Filio procedit. Contra quartum; admissa response illa posset etiam secunda persona dici Filius Spiritus Sancti, & Verbum Spiritus Sancti, quia Filius simul cum Spiritu Sancto a Patre procedit, & est illi similis. Si dicant, Filius habere relationem ad Patrem, & Verbum ad dicentem; nos quoque dicimus Spiritum Sanctum habere relationem ad spirantem. Contra quintum; dicitur, quod Filiusmittitur a Spiritu Sancto, ut homo est; & hoc modo vere Filius est a Spiritu Sancto tanquam a causa efficiente. Unde dicitur Lucæ 4. Spiritus Domini super me, eo quod unxerit me, evangelijs pauperibus misit me. Contra sextum; si Theophylactus hoc argumentum rideret, nona rideret certe Augustinus lib. 3. cont.

PAR. II.

Maximinus c. 14., non rideret Cyrilus lib. 12. in Joan. c. 56., qui verba illa exponentes, dixerunt, per eadem significare voluisse Christum, Spiritum Sanctum a se procedere.

II. probatur ex Conciliis Orientalibus. Concilium Nicænum I. generale in Symbolo hæc sola verba de Spiritu Sancto recitat: *Et in Spiritum Sanctum*. Non intendimus nos ex illo probare, quod Spiritus Sanctus ex Filio procedat, quia Symbolum sileat; sed neque audeat Hieremias, qui se Patriarcham Occumenicum appellabat, in censura sua ad Confessionem Lutherorum scribere, quod ab hoc eodem Concilio sit definitum, Spiritum Sanctum, a solo Patre procedere. In 1. cap. Censuras inquit: *Nicæna Synodus*, & reliqua cum ea consentientes, omnes decreverunt, Spiritum Sanctum ex ipso solo Patre procedere. Sed quibus verbis? Symbolum nec affirmat, nec negat. Quod autem non affirmat, hanc rationem reddit Nazianzenus in ep. 2. ad Celidonium; apud Bellarminus Nicænam Synodum non tradidisse perfectam doctrinam de Spiritu Sancto, propterea quod nondum exorta erat quæstio de Spiritu Sancto. Concilium Constantiopolitanum I. generale Symbolo, in Nicæno Concilio edito, hæc tantum addidit verba: *Qui ex Patre procedit*. Nec nos pariter intendimus ex hoc Concilio dogma catholicum probare, quia non aperte affirmat; sed nec Hieremias scribat cit. loc. Quod quidem sacra illa, & incorrupta fidei christiana confessio, sacrum, inquam Symbolum, hoc ita esse certissimum verbis explicat: *Spiritum scilicet Sanctum ex solo Patre procedere*; quam quidem sententiam a trecentis decem, & octo plenis Deo Patribus, in Nicæna primum Synodo, deinde in Constantinopolitana a 150. confirmata; reliqua item universales quinque Synodi, nihil addentes, nihil detrahentes, verum in idem plane uno Spiritu Sancto conspirantes obsignarunt. Hoc pariter Concilium nec affirmat, nec negat; dicit enim: *Qui a Patre procedit*; sed non a solo Patre. Hoc tamen de suo dicit Hieremias; cui nulla fides, quum contrarium clament ex Græcis Cyrilus lib. 1. de Trin., & in lib. de explicant. Symboli, & ex Latinis Ruffinus lib. 10. hist. c. 6., qui totum symbolum recitant. Cur autem Concilium, addidit Bellarminus, non adjecerit ex Filio, sed satis esse censuerit dicere, qui ex Patre procedit, ratio est certissima, quia eo tempore dubium non erat, an Spiritus San-

X

, etus

„ Etus ex Filio procederer; id enim haeretici contendebant, ut constat ex Basilio lib. 2. in Eunom., sed dubium erat de Patre, & quo alienum omnino Spiritum, „ Sanctum, tanquam solius Filii creaturam, „ haeretici esse dicebant. Concilium igitur „ ut remedium morbo afferret, id posuit in „ Symbolo, quod necesse erat., Post haec Concilia habemus alia, in quibus expressa mentio dogmatis nostri facta est. Concilium Alexandrinum, in quo Cyrilus epistolam ad Nestorium scripsit, & in ea verba haec posuit: *Spiritus appellatus est veritatis; & veritas Christus est;* unde & ab isto similiter, sicut ex Patre, procedit. Legitur epistola haec in Concilio Ephesino L. c. 14., & fuit ab eodem Concilio approbata; sicut etiam eam approbarunt IV. Synodus act. 5. V. Synodus act. ult. VI. Synodus act. 17. VII. Synodus act. 7. Denique in eodem Concilio generali VII. act. 7. lectum fuit Symbolum cum additione *Filioque*; & Graeci non reclamarunt. Haec autem omnia Concilia fuerunt Orientalia.

III. probatur ex Conciliis Occidentalibus. Concilium Barense, ad quod Latini, & Graeci intervinerunt, ann. 1090. sub Urbano II. S. Anselmus, Archiepiscopus Cantuariensis, in hoc Concilio rationibus suis efficacissimis ad deponendum errorem Graecos perduxit. Ipsi autem Concilium meminit Anselmus ipse lib. de processu Spiritus Sancti c. 4., & Auctor vita ipsius, qui ibidem interfuit lib. 2. vit. diserte narrat. Concilium Lateranense IV. sub Innocentio III. ann. 1215. c. 1. de fide catholica decrevit: *Pater a nullo, Filius autem a solo Patre, ac Spiritus Sanctus ab utroque pariter, absque initio semper, & fine.* Concilium Lugdunense II. sub Gregorio X. ann. 1273. in eo interfuerunt Graeci, & decantantibus Latinis Symbolum cum additione *Filioque* latinis verbis, Graeci græcis verbis cum eadem additione deoantarunt. In Sexto Decretalium eit. 1. c. 1. hujus Concilii definitio legitur. Concilium Florentinum sub Eugenio IV. ann. 1438. hanc edidit definitionem, quæ promulgata est pridie nonas Julii anni 1439. In nomine igitur sanctæ Trinitatis, Patris, & Filii, & Spiritus Sancti, hoc sacro universali approbante Florentino Concilio, definimus, ut bac fidei veritas ab omnibus Christianis credatur, & suscipiatur, sive que omnes profiteantur, quod Spiritus Sanctus ex Patre, & Filio aeternaliter est, & essentiam suam, suumque esse subsistens habet

ex Patre simul, & Filio, & ex utroque aeternaliter tanquam ab uno principio, & in inspiratione procedit. Insuper in eodem Florentino Concilio haec sententia est declaratio: Declarantes, quod id, quod sancti Doctores, & Patres dixerunt, ex Patre per Filium procedere Spiritum Sanctum, ad hanc intelligentiam tendit, ut per hoc significetur, Filium quoque esse, secundum Graecos quidem, causam, secundum Latinos vero, principium, subsistentia Spiritus Sancti, sicut & Patrem. Denique concludit Concilium: *Et quoniam omnia, qua Patris sunt, Pater ipse unigenito Filio suo gignendo dedit, præter esse Patrem, hoc ipsum, quod Spiritus procedit ex Filio, ipse Filius a Patre aeternaliter habet, a quo etiam aeternaliter genitus est.* Huic Florentino Concilio omnes Graeci subscripterunt, uno solo Marco Ephesiorum Episcopo, Ephesino propere dicto, excepto. Haec omnia, præter Barense, Concilia sunt generalia. Ex particularibus tandem proferimus Toletanum I. c. 21. III. c. 1. IV. c. 1. VIII. c. 1., & IX. c. 1. quæ omnia fuerunt celebrata ante ann. 700., hoc est ante Graecorum schismata, atque etiam ante eorundem dissidium. Et quidem in Tolerano I. sub Anastasio Papa ann. 400. legitur: *Credimus Spiritum quoque esse Paraclitum, qui nec Pater sit ipse, nec Filius, sed a Patre, Filioque procedens.* In Tolerano III. sub Pelagio II. ann. 589., in quo 150. Patres interfuerunt, can. 3. habetur: *Quicunque Spiritum Sanctum non credit a Patre, & Filio procedere, anathema sit.* In Toletano IV. c. 1., & in VIII. sub Martino, & in IX. sub Adeodato, eadem pene verba leguntur. Habetus quoque Concilium Gorfeldense ann. 650., quod memorat Beda lib. 4. hist. anglicanæ c. 17. ubi dicitur apertissime, Spiritum Sanctum a Patre, & Filio procedere. Concilium Gentiliacense ann. 766., Aquisgranense circa ann. 809., Vvormatiense ann. 860. idem dogma tractarunt, ac de eo judicium, juxta catholicam Latinorum fidem, omnino tulerunt.

IV. probatur ex Patribus Graecis. Epiphanius multis in locis nobis favet, quorum aliqua, quibus Latini in Florentino Concilio usi sunt, in ejusdem Concilii Actis leguntur. Igitur haeres. 69. quæ est Arianorum, scribit: *Sed neque Sanctus Spiritus aliis Spiritibus ad aquatyr, quoniam unus est Spiritus Dei, Spiritus ex Patre procedens, ex Filio accipiens, hi vero volunt hunc creaturam creatura esse.* Quibus verbis intendit dicere Epiphanius, Spiritum San-

**S**anctum non esse creaturam Filii, ut dicebant Ariani; & proinde si verba illa ex *Filio accipiens intelligi non possunt de creatione, opus est, ut de æterna emanatione, seu processione, intelligantur.* In Anchorato n. 67. Jam vero cum Christus ex Patre creditur Deus de Deo, & Spiritus ex Christo, sive ab ambobus, ut Christus his verbis afferit: *Qui a Patre procedit, & hic de meo accipiet.* His verbis docet Epiphanius, Spiritum Sanctum esse Deum ex Christo, sicut Christus est Deus ex Patre: unde intendit, quod sic Spiritus Sanctus a Filio procedit; sicut procedit Filius a Patre. Clariora sunt verba, quæ leguntur in eodem Anchorato n. 72. Igitur si a Patre procedit, & de meo, ut ait Dominus, accipiet, quemadmodum nemo novit Patrem, nisi Filius; neque Filium, nisi Pater; & ita dicere audeo, neque Spiritum, nisi Pater, & Filius, a quo procedit, & a quo accipit; & neque Filium, ac Patrem, nisi Spiritus Sanctus, qui vere glorificat, & qui docet omnia, qui testatur de Filiō, quia a Patre, & ex Filiō. Basilius lib. 3. cont. Eunomium docet; Spiritum Sanctum esse quasi secundum a Filio, eo quod esse ab illo habeat, & ab ipso accipiat, & annuntiet nobis, & omni no ex illa causa pendeat. Habere autem esse, accipere esse idem est ac procedere. Idem expressius lib. 2. cont. eundem: *Illud vero cui non patet quod nulla Filiī operatio a Patre divisa est?* Nec est aliquid in rebus, quod Filius insit, & a Patre alienum sit: Omnia, inquit, mea tua sunt, & tua mea. Quomodo ergo Spiritus causam, & originem Unigenito soli attribuit, & ad ejus accusandam naturam hujus creationem accipit? Nazianzenus or. 49. Misit nobis Christus Spiritum Sanctum de propria sua, & ex una, eademque substantia, protectorem, signatorem, & ductorem in vitam aeternam, sicut scripsum est de voce Dei: *Effundam de Spiritu meo super servos meos, & ancillas meas.* Et iterum: *Spiritus ex me prodiet.* Et ipse Dominus, Salvatorque noster: *De meo, inquit, accipiet.* Nyssenus hom. 3. super Pater noster: *Filius Spiritus neque est, neque dicitur;* neque haec relativa consequentia converitur; sed Spiritus Filius dicitur, qui ab eo accipit, ab eo procedit, & ex eo est, quemadmodum ex Patre. Joannes Chrysostomus hom. 1. in Symbolum: *Iste est Spiritus procedens de Patre, & Filio, qui dividit propria dona singulis prout vult.* Cyril. Ius Alexandrinus de recta in Deum fide: *Immittit Christus Spiritum baptizatis, non alienum, sed eum, qui ex illo, & per illum*

RAR. II.

*est. Idem lib. 13. thesaur. c. 2. ex Filio naturaliter, ac essentialiter Spiritum Sanctum, sicut ex Patre, provenire, credimus, per quem Filius omnia inungens sanctificat.*

V. probatur ex Patribus Latinis. Tertullianus lib. adv. Praxeam c. 4. *Hoc mihi, & in tertium gradum dictum est, quia Spiritum non aliunde puto, quam a Patre per Filium.* Hilarius lib. 2. de Trinit: *De Spiritu Sancto nec tacere oportet, nec loqui necesse est: Sed Sileri a nobis eorum causa, qui ne- sciant, non potest. Loqui autem de eo non est necesse; quia de Patre, & Filio authoribus confitendus est.* Et quidem puto an sit, non esse tractandum. Ambrosius de Spiritu Sancto ad Gratianum lib. 1. c. 10. *Spiritus Sanctus cum procedit a Patre, & Filio, non separatur a Patre, non separatur a Filio.* Hieronymus dial. 2. adv. Pelagianos c. 6. *Nota, quod Spiritus Iesu Spiritus Sanctus sit, qui in alio loco, propter unitatem substantiae Patris. Spiritus appellatur.* Damasus Pontifex Romanus in Confessione fidei ad Paulum Antiochenum: *Credimus, Spiritum Paracletum neque Patrem, neque Filiū; sed ex Patre procedentem, & Filio;* Est igitur ingenitus Pater, genitus Filius, non genitus Paracletus, sed ex Patre procedens, & Filio. Philastrius c. 45. de heresi triformi Deum faciente: *Est ergo vera Persona Patris, qua misit Filiū; & est vera persona Filiī, qua advenit de Patre; & est vera persona Spiritus Sancti, qua a Patre, & Filio missa est.* Augustinus lib. 4. de Trinit. c. 20. Non possumus dicere, quod Spiritus Sanctus & a Filio non procedat; neque enim frustra idem Spiritus & Patris, & Filii Spiritus dicitur; nec video, quid aliud significare voluerit, cum suffans in faciem Discipulorum, ait: *Accipite Spiritum Sanctum.* Neque enim flatus ille corporeus, cum sensu corporaliter tangendi procedens ex corpore substantia Spiritus fuit, sed demonstratio per congruam significationem, non tantum a Patre, sed & a Filio procedere Spiritum Sanctum. *Quis enim dementissimus dixerit, alium fruuisse Spiritum, quem suffans dedit, & alium, quem post ascensionem misit?* Et lib. 15. c. 26. *Quapropter qui potest intelligere sine tempore generationem Filii de Patre, intelligat sine tempore processionem Spiritus Sancti de utroque....* Et sicut Pater habet in semetipso, ut de illo procedat Spiritus Sanctus, & utrumque sine tempore, atque ita dictum Spiritum Sanctum procedere de Patre, ut intelligatur, quod etiam procedit de Filio, de Patre esse, & Filio. Et lib. 3. adv. Maximinū c. 14. *Spiritus est utriusque,*

X. 2

qno-

quoniam de utroque procedit; sed ideo cum de illo Filius loqueretur, ait: de Patre procedit; quoniam Pater processionis ejus est author, qui talem genuit Filium, & gignendo ei dedit, ut etiam de ipso procederet Spiritus Sanctus. Nam nisi procederet & de ipso, non diceret Discipulis; Accipite Spiritum Sanctum; eumque insufflando daret, ut, a se quoque procedere significans, aperte ostenderet flando, quod spirando dabat occulte. Leo magnus ser. 2. c. 2. Sempiternum est Patri consempiterni sibi Filii sui esse genitorem; sempiternum est Filio intemporaliter a Patre esse progenitum; sempiternum quoque est Spiritui Sancto, Spiritum esse Patris, & Filii. Et epist. 3. ad Turibium c. 1. Priscillianista impie sentiunt de Trinitate divina, qui & Patris, & Filii, & Spiritus Sancti, unam, atque eandem afferunt esse personam; tanquam idem Deus nunc Pater, nunc Filius, nunc Spiritus Sanctus nominetur; nec aliis sit, qui genuit; aliis, qui genitus est; aliis, qui de utroque processit. Eucherius Lugdunensis in qq. vet. & nov. test. in Genes. Spiritus Sanctus nec genitus, nec ingenitus; ne, si ingenitum dixerimus, duos Patres dicere vereamur; & si genitum, duos Filios; sed potius qui ex Patre, & Filio procedat, venit quædam Patris, & Filii concordia. S. Prosper de vit. contemplativa lib. 1. c. 18. Spiritus Sanctus a Patre, Filioque procedit. Fulgentius de fide ad Petrum c. 11. Firmissime tene, & nullatenus dubites, eundem Spiritum Sanctum, qui Patris, & Filii unus est Spiritus, de Patre, & Filio procedere. Et resp. 3. ad Ferrandum Diaconum: Non potuit Spiritum Sanctum divinitas Filii accipere, cum ipse Spiritus Sanctus sic procedat a Filio, sicut procedit a Patre; & sic datur a Filio, sicut datur a Patre. Gregorius magnus in Confessione fidei: Credo in Patrem ingenitum, Filium unigenitum, Spiritum vero Sanctum neque genitum, neque ingenitum, sed coeternum, de Patre, & Filio procedentem.

**VI.** Probatur Rationibus. I. Qui habet perfectum principium productivum, quod a passivo non dependeat, nec possit per aliquid aliud impediri, habet hoc ipsa productionem; sed Filius habet perfectum principium productivum, a passivo independens, & a quoquunque alio inimpedibile, respectu productionis Spiritus Sancti: ergo ipsam productionem hoc ipso habet. Probatur minor. Filius habet voluntatem perfectissimam, & independentem, & inimpedibilem; sed voluntas divina est principium producti-

vum amoris adæquati: ergo filius habet, &c. Probatur major. Inter generationem, & spirationem est aliqualis ordo, quo aliquo modo generatio sit prior spiratione, & in illo priori genito omnis perfectio communicetur, quæ eidem non repugner: ergo communicatur etiam voluntas: ergo Filius habet voluntatem, &c. II. Ab eo procedit Spiritus Sanctus, qui habet operationem, per quam ipse procedit; sed Filius habet operationem, per quam Spiritus Sanctus procedit: ergo ab eo Spiritus Sanctus procedit. Probatur minor. Operatio illa est spiratio activa; sed Filius habet spirationem activam, ergo Filius habet operationem, per quam Spiritus Sanctus procedit. Probatur minor. Excepta paternitate, id omne habet Filius, quod habet Pater; sed Pater habet spirationem activam, & spiratio activa non est paternitas: ergo Filius habet spirationem activam. III. Ideo Spiritus Sanctus non operatur, quia nulla ei communicatur fœcunditas; sed Filio communicatur fœcunditas: ergo Filius operatur, sed fœcunditas, quæ Filio communicatur, non est intellectus, sed voluntatis: ergo Filius operatur per voluntatem; atqui operari per voluntatem est producere Spiritum Sanctum: ergo Filius Spiritum Sanctum producit. IV. Ideo Filius non potest alium Filium producere, quia per sui productionem expleta est tota fœcunditas divini intellectus; sed non est expleta fœcunditas divinæ voluntatis, & a Patre eidem Filio communicatur: ergo potest Filius operari per voluntatem, & producere; sed per voluntatem non potest producere, nisi Spiritum Sanctum: ergo Filius per voluntatem Spiritum Sanctum producit. V. Spiritus Sanctus a Filio distinguitur: ergo a Filio procedit. Probatur consequentia. In divinis non est distinctio, si non est productio: ergo si inter Filium, & Spiritum Sanctum est distinctio, est productio. Probatur antecedens. In divinis omnia sunt unum, ubi non obstat relationis oppositio: ergo in divinis non est distinctio, si non est productio. Vis autem argumenti hujusce in Dissert. 29. exponetur.

Arguunt Adversarii I. Non continetur in Scripturis, quod Spiritus Sanctus a Filio procedat; sed nullum est admittendum dogma, quod in Scripturis non continetur: ergo non est admittendum, quod Spiritus Sanctus a Filio procedat. IL

In Scripturis continetur potius oppositum : ergo a fortiori non est admittendum . Probatur antecedens . In Scripturis continetur , quod a solo Patre procedat : ergo continetur potius oppositum . Probatur antecedens . Joan. 15. dicitur : *Cum venerit Paraclitus , quem ego mittam vobis a Patre , qui a Patre procedit .* III. Ex Marco Ephesino Basilius non loquitur ex propria sententia , sed ex sententia Eunomii : ergo illius auctoritas non est ad rem . Subdit insuper , se non legis se in germano Basiliī textu verba , quæ allegantur . IV. Aliæ Patrum auctoritates sunt intelligendæ dumtaxat de consubstantialitate Spiritus cum Filio , non vero de productione Spiritus a Filio ; unde sensus illarum est , quod Spiritus Sanctus sit consubstantialis Filio , quia est ex substantia Filii , quæ ipsi communicatur a Patre . V. Concilium Ephesinum approbat , Spiritum Sanctum non procedere a Filio : ergo non est aliter sentendum . Probatur antecedens . In Concilio Ephesino fuit lectum Symbolum Nestorii , fuit lectus liber Theodoreti contra anathematismos Cyrilli ; & in his habebatur manifeste , quod a Filio non procederet Spiritus Sanctus ; & tamen Concilii Patres nihil dixerunt contra : ergo Concilium Ephesinum approbat , &c. VI. Nazianzenus or. ad Episcopos Ægypti inquit : *Omnia , qua habet Pater , habet Filius , excepta causalitate ; sed spiratio activa est causalitas : ergo illam non habet Filius .* VII. Basilius ep. 43. scribit : *Nul lam secundum propriam notionem communianem habet Filius cum Patre ; sed spiratio activa est notio : ergo nec illam habet Filius .* VIII. Concilium Constantinopolitanum non posuit in Symbolo , Spiritum Sanctum procedere a Filio : ergo Patres illius non credebant hanc processionem . IX. Patres Græci , loquentes de processione Spiritus Sancti a Patre , utuntur præpositione *ex* ; loquentes vero de processione ejusdem a Filio , utuntur præpositione *per* : ergo non crediderunt , Spiritum Sanctum procedere a Filio , sicut procedit a Patre : ergo nullatenus processionem hanc crediderunt . X. Unum est Spiritus Sancti principium ; sed si Spiritus Sanctus a Filio procederet , duo essent ipsius principia : ergo a Filio non procedit . XI. Filius vel producit Spiritum Sanctum ratione personæ , vel ratione essentiaz ; si ratione personæ : ergo spiratio non est communis Patris ; Si ratio-

ne essentiaz : ergo spiratio est communis Spiritui Sancto . XII. Vel sufficit solus Pater ad productionem Spiritus Sancti , vel non sufficit : si sufficit : ergo superfluous est Filius : Si non sufficit : ergo imperfectus est Pater . XIII. Non daretur æqualitas in divinis , si Spiritus Sanctus a Filio procederet , quia similior Patri esset Filius , qui spiraret , quam Spiritus Sanctus , qui non spiraret , nec generaret . Respondemus ad I. quod non sola regula fidei est Verbum Dei scriptum , hoc est sacra Scriptura , sed etiam Verbum Dei non scriptum , scilicet Traditio . Dato ergo , quod dogma , de quo loquimur , in Scriptura non contineatur , continetur tamen in Traditione . Hanc confessi fuerunt Patres Græci in Concilio Florentino , quando illorum omnium nomine Josephus , Constantinopolitanus Patriarcha , dicens pro unione sententiam , subdidit : *Quoniam Sanctorum Patrum Occidentalium , & Orientalium dicta audivimus , Occidentales suscipimus afferentes , Spiritum Sanctum esse ex Patre , & Filio . Tamen etiam in Scriptura continetur , si non explicite , implicite certe ; ut Scripturarum auctoritates , quas adduximus , manifestant .*

Ad II. dicit Augustinus lib. 3. adv. Maximinum c. 14. quod Pater nominatur , non ut excludatur Filius , sed quia Pater est principalis Spiritus Sancti auctor ; quum Filius , ut spiret , a Patre habeat . Cæterum non excludi aliquem per hoc præcise , quod non nominetur , multa alia Scripturæ testimonia ostendunt . Matth. 16. habetur : *Caro , & sanguis non revelavit tibi , sed Pater meus , qui in cælis est ; & tamen revelatio illa a tribus personis facta est .* Joan. 15. dicitur de Spiritu Sancto : *Ille vos docebit omnia ; & nihilominus etiam Pater , & Filius nos omnia docent .* Dicit etiam Anselmus lib. de process. Spir. Sancti , quod si Evangelista dixisset : *Nemo producit Spiritum Sanctum , nisi solus Pater , adhuc Filius non esset exclusus .* Matth. 11. dicitur : *Nemo novit Filium , nisi Pater ; & tamen Filius , & Spiritus Sanctus non excluduntur , quum eundem habeant intellectum .* Dicitur etiam in eodem Matthæi loco : *Neque Parentem quis novit , nisi Filius , & cui voluerit Filius revelare ; & nihilominus non excluduntur Pater , & Spiritus Sanctus .* Multo minus autem non excluditur Filius a verbis illis , quum in iisdem null sit exclusio , nulla negatio . Dicit denique Bellarminus , quod quando dicitur , a-

Patre procedit, non intelligitur Pater ut Pater est formaliter; sic enim Spiritus Sanctus esset Filius: ergo intelligitur Pater, ut habet communem essentiam cum Filio: ergo etiam intelligitur Filius.

Ad III. Basilius non in uno solo loco, sed in pluribus, docuit, Spiritum Sanctum esse secundum a Filio, & tertium in Trinitate, & præcipue habet in ep. 100., ubi ex baptismi forma probat ordinem illum, dicens: *Spiritus vero Sanctus ex collocatur ordine, quem nos in Evangelio Dominus dedit, dicens: Euntes, baptizate eos in nomine Patris, & Filii, & Spiritus Sancti.* Unde non ex Eunomio, sed ex Evangelio, loquitur. Cæterum verba illa legebantur in codicibus, qui scripti sunt ante sexcentos annos, quam Florentina Synodus celebratur; ut in eadem Synodo Joannes, qui pro Latinis contra Græcos argumentabatur, invictè probavit.

Ad IV. Si esset verum Adversiorum effugium, plura sequerentur absurdita. Sequeretur primum, quod possit dici, æque Filium procedere a Spiritu Sancto per Spiritum Sanctum, ac dicitur Spiritum Sanctum procedere a Filio per Filium; Pater enim non minus communicat Filio substantiam, quæ est Spiritus Sancti, quam Spiritui Sancto substantiam, quæ est Filii. Et nihilominus Nyssenus or. 3. in Orat. Dominic. docet: *Filium Spiritus Sancti neque esse, neque dici, neque hanc relativam consecutionem converti, cum tamen Spiritus Christi nominetur.* Sequeretur secundum, voces illas: *A Patre; Per Filium; de meo;* quem ego mittam vobis a Patre: intelligentias esse secundum substantiam, quum tamen nemo negare possit, quod debeant secundum proprietates relatives intelligi; exprimunt enim ordinem, & habitudinem, quam inter se invicem habent personæ. Sequeretur tertium, quod Filius, quia est ex eadem substantia, quam habet Spiritus Sanctus, esset proprius Spiritus Sancti; atque hoc pariter Patres scripsisse; quod est omnino falsum. Denique nullibi gentium dixerunt Patres, Spiritum Sanctum procedere a Filio, quia ipsi est consubstantialis; sed ipsi esse consubstantiale, quia ab ipso procedit. Eodem sane modo, quo contra Arianos dicebant, Filium esse consubstantiale Patri, quia a Patre procedit.

Ad V. In eodem Ephesino Concilio, & deinde in IV. & V. Synodo lecta etiam est Epistola Cyrilli cum anathematismis ad Nestorium, in qua continetur iterato,

quod Spiritus Sanctus a Filio suum habeat esse; & in his omnibus Synodis Patres non contradixerunt: ergo approbarunt. Præterea; si approbatus fuit Liber Theodorei, hic non solum negabat, Spiritum Sanctum procedere a Filio, sed etiam per Filium; & ramen Græci volunt, procedere per Filium: ergo silentium Patrum illorum non minus fuit contra nos, quam contra illos; quod ipsi nunquam admittent. Denique Concilium Ephesinum tunc temporis de alia controversia tractabat; unde hanc, de qua loquimur, nunquam instituit examinare. Significavit tamen mentem suam ex approbatione doctrinæ Cyrilli, & ex damnatione heresis Nestorii, & Theodorei.

Ad VI. Nazianzenus loquitur de caussalitate respectu ipsius Filii, quæ est proprietas solius Patris, & Filio incommunicabilis; & idem est suorum verborum sensus, ac si dixisset: Filius habet omnia, quæ habet Pater, præter esse Patrem: ergo habet esse Spiratorem. Attamen ibidem ipsum de Spiritu Sancto sic loquitur: *Omnia, quæ habet Filius, habet Spiritus Sanctus, excepta filiatione, idest excepta proprietate ejus persona, a qua ipse producitur.*

Ad VII. Basilius non loquitur de omni notione, sed de illa tantum, quæ est proprietas; & sensum verborum ejus hunc dicit esse Bellarminus: *Filium, ratione filiationis, quæ sola est ejus propria notio, non convenire cum Patre, aut Spiritu Sancto.*

Ad VIII. In Concilio Constantinopolitano fuit tantummodo actum de divinitate Spiritus Sancti; & ad hanc definiendam sati esse censuerunt Patres dicere, quod Spiritus Sanctus a Patre procederet. Hoc ipso enim, quod una persona ab alia procedit, jam cum ipsa consubstantialis est; quemadmodum de Verbo actum est in Concilio Nicæno contra Arianos. Cæterum neque in Concilio Nicæno prolatum fuit verbum de Spiritus Sancti divinitate; non tamen ex hoc inferent Adversarii, quod Nicæni Patres illam non agnoverint. Non enim Concilia debent de dogmatibus omnibus pertractare, sed de illis tantum, quorum causa coadunantur.

Ad IX. Sensus Patrum Græcorum, quando dicunt, Spiritum Sanctum procedere ex Patre, & procedere per Filium, hic est, quod a Patre procedat per actionem ab alio principio non receptam; & quod actio

actio spirativa non sit in Filio tanquam in primo principio, quia eam Filius a Patre recipie. Et ratio est, quia præpositio ex denotat aequalitatem; præpositio per significat ordinem, seu relationem, quam unus ad alium habet. Unde Patres, ut probarent contra Arianos, Filium esse aequalem Patri, dicebant semper, Filius ex Patre esse. Filius autem, etiam quando spirat Spiritum Sanctum, habet ordinem ad Patrem; unde Graeci, ut exprimerent ordinem illum, usi sunt præpositiones per; Latini vero autem rurunt, satis esse adhibere præpositionem etiam respectu Patris, quam respectu Fili; quia, quam per illam denotetur aequalitas, haec implice quoque ordinem servabat. Falsum est autem, quod per præpositionem per significetur medium, per quod actio principii transit in terminum; quia multoies in Scripturis significat actionem principii operantis. Dicitur enim Gen. 4. Posse di hominem per Deum; Joan. 1. Omnia per ipsum facta sunt. Dicunt pariter Patres; Cyrilus in ep. ad Theodosium Imperatorem de Christo: *Natus est per sanctam Deiparam Virginem; Nazianzenus lib. 1. cont. Eunomium; Per ipsum Filium apparuit. Rursus autem a creatura, quæ per Filiū est producta distat.* Ubi præpositio per applicatur tum Spiritus Sancti productioni, tum creationi creaturarum.

Ad X. Ut principia multiplicentur, non sufficit, quod multiplicentur supposita, sed debent etiam multiplicari actiones. Pater & Filius quanvis sint duo supposita, unam tamen habent voluntatem, unam habent volitionem; & per hanc sunt unum Spiritus Sancti principium. Et hinc est, quod non duo, sed unus dicuntur Spirator, quanvis duo dici possint spirantes. Quod pater, quia Pater, & Filius, & Spiritus Sanctus, producunt res ad extra; & tamen non tres creatorē dicuntur, sed unus creator; quia operantur per omnipotentiam, quæ una est in tribus illis. Unde Concilium Lugdunense sub Grego-

X. proficitur: *Ideli, ac devota professione facientur, quod Spiritus Sanctus eterniter ex Patre, & Filiō, non tanquam ex duobus principiis, sed tanquam ex uno principio, non duabus spirationibus, sed unica spiratione, procedit.* Et Concilium Florentinum: *Spiritus Sanctus ex Patre, & Filiō eternaliter est, & essentiam suam, suumque esse subsistens, habet ex Patre simul, & Filiō, & ex unoque eternaliter tanquam ab uno principio, & unica spiratione procedit.*

Ad XI. Productio Spiritus Sancti non est essentialis, sed personalis; proprietates personales non sunt communes toti Trinitati, sed possunt aliquæ duabus personis convenire. Et in hoc sita est praesens quæstio; unde illam sumentes Adversarii pro ratione, principium absque dubio petunt. Quis autem ex illis neget, amorem duabus personis convenire? Et hunc amorem, unum, atque eundem esse? Si ergo per amorem producunt, utraque persona producit, non ut duo principia, sed ut unum, quia una est voluntas, unius est amor.

Ad XII. Si argumentum valeret, posset dici, quod etiam Filius, & Spiritus Sanctus, superflui fuissent ad mundi creationem; quia sufficiens fuisset solus Pater ad mundum creandum. Concedimus ergo, satis fuisse in Patre virtutem spirativam ad producendum Spiritum Sanctum; sed illa virtus eadem est in Filiō; quia Filius non per aliam virtutem spirativam, ab illa Patris distinctam, Spiritum Sanctum producit. Quemadmodum etiam per unicam actionem creativam tres divinæ personæ mundum crearunt.

Ad XIII. Si Spiritus Sanctus procederet solo Patre, esset similior Filius Spiritui Sancto, quam Patri; quia Filius procederet, ut procedit Spiritus, & non produceret, ut producit Pater. Attamen argumenta hæc nihil in divinis concludunt; quia in illis non attenditur similitudo ex parte relationum, sed tantum ex parte essentiaz.

# DISSESSATIO CXXVIII.

*De Additione particulae Filioque Symbolo facta;  
quando nam fuerit facta; & an fuerit  
legitime facta?*



Deo Græcis invisa evasit additio, Symbolo Nicæno, & Constantinopolitano facta, circa particulam illam *Filioque*, qua nimirum dicitur, Spiritum Sanctum a Patre, & Filio procedere; ut illius causa a Latinis discedere, & perniciosum schisma conflare, non dubitaverint. Hæc enim additio, inquit Frassen, fuit istmus, qui duo maria, nemus semi-Orbes terræ, sed & utræque Ecclesiam, Orientalem, & Occidentalem, divisit; & Græcis ansam præbuit, se ab unione, & obedientia Romanæ Ecclesiæ subducendi. Sic primo restatus est Photius, de quo dicitur, quod incepit schisma, in epistola Encyclica ad Patriarchales Sedes Orientis; in qua sui a Romana Ecclesia discessus rationem reddens, hanc præ cæteris prætexuit: *Quæ est malorum summa, & apex, sacrum etiam Symbolum, quod ab omnibus Synodicis, & Oecumenicis calculis vim habet irrefragabilem, & autoritatem, spuriis, & falsis quisibusdam disceptationibus . . . adulterare, non dubitabant, Spiritum Sanctum non ex Patre solo, sed ex Filio, procedere noviter docentes.* Atque ita pariter postmodum confirmavit in Florentino Concilio Marcus Ephesinus, obtektans, additionem illam neque veram esse, neque legitime fuisse factam. Quam sane constat nostri schismatis, ac dissidii præcipuam causam fuisse: Et post pauca: *Romana Ecclesia dogma sibi proprium fixerat; idque propterea solvenda amicitia nostræ causam, simultatumque nostrarum initium, dubio procul, fuisse constat.*

Diximus usque modo, dissidii causam additionem hanc extitisse; dicamus modo, quare hæc additio Græcis invisa fuerit adeo fortiter, ut illius ratione a Latinis discedere, non modo non piaculum, sed religionem quoque, judicaverint. Prætexus quidem religionis in iis fuit, quod credentes oecumenicis Conciliis per additionem hanc fuisse derogatum. Siquidem

in Conciliis Ephesino, & Chalcedonensi cautum fuerat, nemini licitum esse, aliquis addere Symbolo Nicæno, & auctiori eidem Constantinopolitano; & qui hoc auderent, anathemati subiiciendos. Quum autem particula hæc *Filioque* in Nicæno Symbolo non legatur, nec pariter in auctiori Constantinopolitano inveniatur; si qui illam deinde addiderunt, male quidem, & irreligiose addidisse, Græci existimabant; ac proinde censuram incurrisse, a Conciliis præteritis inflatam, Latinis omnibus opponebant. Ut hæc autem recto historiæ ordine, & perspicuo rationis criterio, discutiantur, primum examinandum suscipimus rem facti, quando scilicet additio hæc facta fuerit; secundum vero rem juris, an nimirum legitime fuerit facta?

Pro primo, sunt qui putant, additionem fuisse factam sub Damaso I. Papa, eundemque additionis ipsius fuisse auctorem. Ita sentit Manuel Calecas in lib. contra Græcos, cui ad hæc Genebrardus, aliquis postmodum subscripterunt. Rem gestam sic narrat Stanislaus Socolovius in c. i. annotationis censuræ orientalis Ecclesiæ factæ per Hieremiam, Patriarcham Constantinopolitanum. Damasus evocavit Romanam Ecclesiæ orientalis Episcopos, qui Constantinopoli Concilium peragebant, ut simul cum Latinis Romæ concilium generale celebrarent. Orientales Patres, ob multa impedimenta, quæ advenierunt, & ob majora incommoda, quibus se exponere debuissent, si Romanæ venirent, se excusarunt ab itinere suscipiendo; & suam fidem ad romanum Concilium sub Damaso transmiserunt. Eam probavit Damasus cum toto Concilio Romano, & in Fidei Symbolo particulam *Filioque* addiderunt, ad majorem Nicæni Symboli explicationem; quam quum iterum ad Constantinopolitanos Patres emisisset, iidem receperunt illam, ratamque habuerunt. Ad hoc probandum profert Epistolam Concilii ad Damasum; profert Symbolum

bolum Damasi, quod apud Hieronymum habetur; profert denique Scriptores non exigui meriti, nec pauci numeri, qui, ut dictum est, rem narrant.

Verum non probatur nobis hæc sententia, hisque rationum ponderibus movemur, ut eidem nullo pacto assentiamur. Primo, Epistola Constantinopolitani Concilii ad Damasum de hac additione nihil habet, & additionem ipsam non exhibet; nec enim in ipsa legitur *Filioque*. Secundo, inter decreta ipsius Concilii Romani, quæ leguntur in lib. 9. Historiæ Tripartitæ c. 16. nullum est decretum, quod processionem Spiritus Sancti a Filio definiat; & solummodo damnantur in canonе 16. illi, qui negaverint Spiritum Sanctum a Patre procedere. Tertio, Symbolum Damasi norunt Eruditi cujus sit fidei; a multis enim negatur, Damasi genuinum fœrum fuisse. At dato quod sit, non est idem Damasi Symbolum ac Nicenum, vel Constantinopolitanum; nobis autem non est quæstio, ubi primum Spiritus Sancti processio a Filio definita fuerit, sed ubi primum fuerit addita particula *Filioque* Symbolo Niceno, vel Constantinopolitano. Quarto denique, si Damasi tempore additione hæc fuisset facta, quare Leo III., qui a Damaso non parum distat, a Gallis de additione consultus, eam non approbavit; & non approbavit, quia Romæ suo tempore in usu non erat Symbolum cum additione hac decantare?

Alli vero existimant, inter quos est etiam Manuel Calecas, additionem fuisse factam tempore sexti generalis Concilii circa ann. 680.; & hoc probant ex quadam S. Maximi ad Marinum Epistola. Sed nec pariter sententia hæc est admittenda; quia in Epistola Maximi continetur quidem dogma catholicum de processione Spiritus Sancti a Patre, & Filio; sed non dicitur, quando additione fuerit Symbolo facta; immo nec verbum de additione ipsa legitur; ut cuilibet accurate legendi facile innotescit.

Alli volunt, additionem factam fuisse jussu Septimæ generalis Synodi, ann. 787., & hujus sententiæ fuerunt Cardinalis Julianus Cæsarini, & Andreas Colossensis, in Concilio Florentino sess. 5. & 7. At nec placet sententia hæc; si enim Septima generalis Synodus decretum hoc fecisset, Graeci utique cognovissent, quia attente illius acta observabant; ac prouinde novum non fuisse illis additionem vi-

PAR. II.

dere, nec Latinis objecissent eam, quasi ab illo factam. Ulterius, Anastasius Bibliothecarius post septuaginta annos Concilium hoc ex græco in latinum transtulit, & nec verbum de decreto, de quo Scriptores isti loquuntur, verbum posuit. Igitur Historicus, quo Cardinalis Cæsarini utebatur, quum nullum ex antiquitate testimonium proferat, nullam quoque fidem meretur.

Alli putant, additionem fecisse primum Padres Concilii Toletani I. ann. 400. Et probant, quia in Confessione fidei, quæ in hoc Concilio facta fuit, ex Idatio Lemovicensi, leguntur hæc verba: *Spiritum quoque esse Paracletum, qui nec Pater sit ipse, nec Filius, sed a Patre, Filioque procedens*. Attamen idem replicamus, quod modo diximus; non esse scilicet quæstionem de tempore, quo dogmatis confessio fuerit facta, sed de tempore, quo dogmatis confessio Niceno Symbolo futris addita. In hoc Concilio nec verbum de Symbolo legitur; igitur fidei confessio, quæ profertur, non est ad rem, de qua agitur.

Dicimus ergo I. hanc additionem primum legi in Concilio Toletano III., celebrato ann. 589. sub Rege Recaredo. Rex enim, ut fidem suam redderet omnibus manifestam, Symbolum Constantinopolitanum recitavit, & in eo hæc verba dixisse, Acta illius Concilii nos edocent: *Credimus & in Spiritum Sanctum, Dominum, & vivificatorem, ex Patre Filioque procedentem*. In Concilio Toletano IV. ann. 633. replicatur, at non in Symbolo, verum in fidei expositione, quæ in c. 1. Synodi sic legitur: *Spiritum vero Sanctum, nec creatum, nec genitum, sed procedentem ex Patre, & Filio, profitemur*. In Concilio Tolerano VI. ann. 639. pariter in fidei expositione c. 1. habetur: *Spiritum vero Sanctum, neque genitum, neque creatum, sed de Patre, Filioque, procedentem*. In Concilio Toletano VIII. ann. 653. inserta etiam Symbolo legitur: *Credimus in Spiritum Sanctum, vivificatorem, ex Patre, & Filio procedentem, cum Patre, & Filio adorandum, & glorificandum*. In Concilio Tolerano XII. ann. 681. lecta est etiam in Constantinopolitano Symbolo, quod c. 1. recitatum fuit: *Credimus & in Spiritum Sanctum, Dominum, & vivificatorem, ex Patre, & Filio procedentem*. In Concilio Toletano XIII. ann. 683., & in Concilio Toletano XV. ann. 688. continetur quoque additione, & quidem pariter Constantinopolitano Symbolo inserta. Et hæc quidem

Z

de

de Hispaniarum Ecclesiis diximus, in quibus, ut visum est, primum sub finem sexti seculi additio fieri incepit, & postmodum in septimo seculo continuata fuit.

Modo loquimur de Ecclesiis Galliarum, & Germaniarum; & in ipsis puramus, additionem fuisse factam, vel potius receptam, quam alibi prius facta fuerit, seculo octavo. In Concilio Aquisgranensi, ann. 809. a Galliarum, & Germaniarum Episcopis celebrato, lecta est additio in Symbolo Constantopolitano, a Patribus recitato. Ex hoc eodem Concilio missi sunt ad Leonem III., Romanum Pontificem, Bernarius, Vvormatiensium Episcopus, & Jessie, Episcopus pariter Ambianensium, & Adalardus, Corbejensis Abbas, ut illum rogarent, primo, ut additionem factam suæ auctoratis pondere confirmare dignaretur; deinde, ut Symbolum cum additione eadem in Romana Ecclesia inter missarum solemnia cantari præciperet. Quum hoc autem fuerit factum ann. 809., ut dictum est, initio scilicet seculi noni, credendum sane est, ante Concilium morem illum in Galliis, & in Germania, obtinuisse. Si enim non fuisse ita observatum, aliquis ex Patribus illis in Aquisgranensi Concilio novitati illi se opposuisset; quod quum nemo fecerit, immo quum omnes in unum converterint; argumentum nobis profecto est, ut credamus, additionem, de qua loquimur, agnitam fuisse apud Gallos, atque Germanos, seculo octavo labente salem, aut etiam incunre, vel procedente.

Tandem in Romana Ecclesia nono seculo desinente additio fuit recepta, atque probata. Etenim Leo III. noluit eam probare ad Legatorum preces Aquisgranensis Concilii sub initium noni seculi, ut diximus: unde iisdem respondit: *Si prius quam ita cantaretur interrogatus essem, ne inserretur, utique respondisssem;* ut refert Cardinalis Baronius ad ann. 809. Nec sua negatione, & hac response contentus, iussit pariter, ut Symbolum Nicænum absque additione tabulis argenteis incideretur, in una quidem latino, in altera vero græco idiomate, sive in Ecclesia expositæ haberentur. Et hoc pariter restatus est Photius in sua ad Patriarcham Aquilejensem epistola: *Leo junior, pietatis servens zelator, ut nullo patto barbara lingua corrumperetur immaculata nostræ fidei doctrina; græca lingua Occidentalibus sanctam Trinitatem glorificandam, & celebrandam tradidit.* Et non solum sermone,

& mandato id faciendum curavie, verum etiam quibusdam ancilibus, quasi clypeis constructis, & columnis erectis, illum inscripsit, & in conspectu omnium statuens ad Ecclesia valvas collocavit, ut hoc patto facile, & incorrupte possent omnes pietatem ediscere. Testatur etiam Magister Sententiarum in dist. 11. c. 2. Immo apud Baronium cit. loc. etiam legimus, Leonem III. in sua sententia confirmationem hanc rationem dictasse: *Nunquid magis salutare est credere, periculose non credere, Spiritum Sanctum a Filio, sicut a Patre, procedere, quam Filium Sapientiam, Deum, a Sapientia, Deo, veritatem, Deum, a veritate, Deo, genitum esse?* Et tamen utrumque unam sapientiam, unam veritatem, essentialiter Deum esse: *Quum tamen id a Sanctis Patribus eidem Symbolo constet non additum esse.*

Verum quod Leo III. non concessit, nec fecit, alii subsequentes Pontifices approbarunt, concesserunt, atque fecerunt. Etenim eodem seculo nono, Photius, in epistola ad omnes Orientis Episcopos, querebatur, a Pontificibus Romanis esse factum; & præcipue Nicolaum I. carpit, quasi hic idem efficerit. Scribens enim contra prædictum Nicolaum, inquit: *Præter illa, qua commemoravimus absurdum, sacrum etiam, & sanctum Symbolum, cui Synodica omnia, O Ecumenica suffragia, inexpugnabile robur addiderunt, adulterini sermonibus, non sine incredibili audacia, falsare aggressi sunt. O mali Daemonis medicamenta! Spiritum Sanctum non ex Patre solo, sed etiam ex Filio procedere, vanissime prædicantes.* Confirmat hoc Ratramnus, Corbejensis Monachus, in lib. 2., pro romana Ecclesia contra Græcos scripto, afferens, circa ann. 858. Nicolai I. temporibus, fuisse factum. Modo remanet, ut statuamus, additionem hanc legitime, & jure, Romanos Pontifices admisisse temporibus succedentibus, ac in usu in quibuslibet Ecclesiis Occidentalibus, præcipue in Romana, posuisse; proinde

Dicimus II. Additionem Filioque in Symbolo Nicæno, vel auctiori Constantopolitan, legitime factam fuisse.

I. Probatur. Additio hæc necessaria fuit, & vera: ergo legitime facta. Probatur antecedens pro prima parte. In Symbolo legebatur, Spiritum Sanctum a Patre procedere; propter hæc verba vigebat contentio, aliis dicentibus, procedere a Patre solo, aliis afferentibus, procedere a Patre, & Filio; atqui necessarium erat hoc dogma Ecclesiæ proponere ut erat ab

ab Ecclesia declaratum, ac definitum: ergo additio necessaria fuit. Probatur etiam pro secunda parte. Jam definitum fuerat, Spiritum Sanctum a Filio procedere: ergo verum erat dogma, cuius facta est addition: ergo vera erat additio. Pro Ecclesiis autem Hispaniae si non Ecclesiæ expressa definitio, traditio certe dogma reddebat innegabile.

**II.** Probatur. Si non esset additio legitime facta, ideo esset, quia Ecclesia non habuisset potestatem eam faciendi; sed hanc potestatem Ecclesia habuit: ergo fuit legitime facta. Major est certa. Minor probatur. Ecclesia habet potestatem condendi Symbolum: ergo habet potestatem addendi ad Symbolum. Antecedens negari non potest; jam enim legitimus symbola ab Ecclesia condita. Consequentia sequitur; quia majus est condere symbolum, qua symbolo jam condito inserere expunctionem, quæ sit necessaria, & vera.

**III.** Probatur. Ecclesia potest id totum, quod jus divinum non prohibet, nec excipit, nec reservat; sed jus divinum non prohibet, non excipit, non reservat, aliquid Symbolo addere, quod sit necessarium, & verum: ergo Ecclesia legitime fecit additionem illam. De majori non est dubium, nec potest esse; minor probatur. Si jus divinum hoc prohiberet, vel exciperet, vel reservaret, illegitime fuissent condita ab eadem plura Symbola; neque post illud Apostolorum, aliud Nicænum; post Nicænum, aliud austius Constantinopolitanum; sed nemo ex Græcis dicit hæc Symbola fuisse non legitime condita: ergo jus divinum non prohibet, nec excipit, nec reservat, aliquid Symbolo addere, quod sit necessarium, & verum.

**IV.** Probatur. Eadem erat in Ecclesia potestas tempore, quo facta est additio *Filioque*, ac tempore, quo Symbolum Nicænum, vel Constantinopolitanum, conditum est; sed tempore, quo Symbolum Nicænum, vel Constantinopolitanum, conditum est, Ecclesia habebat potestatem faciendi additionem hanc: ergo etiam illam habuit tempore, quo illam fecit. Major negari non potest, quia semper una, & eadem est Ecclesia, nec sua potestas diminuta est tempore. Probatur Minor. Sicut potuit Ecclesia tempore Nicæni Concilii facere additionem in Symbolo particulæ *co-substantialis*; sicut potuit tempore Concilii Constantinopoli I. facere additionem articuli divinitatis Spiritus Sancti, per hæc verba:

P.R.II.

*Et in Spiritum Sanctum Dominum vivifican-tem, qui ex Patre procedit; Qui cum Patre, & Filio simul adoratur, & conglorificatur: ita etiam potuisset facere additionem particulae Filioque, si tunc fuisset necessitas; non enim est major ratio pro una additione, quam pro altera: ergo Ecclesia habebat tunc potestatem faciendi additionem vocis Filioque.*

**V.** Probatur. Si additio posset jure improbari, ideo fieret, quia contra leges Ephesini, & Chalcedonensis Concilii esset facta; sed hoc est falsum: ergo jure improbari non potest. Probatur minor. Additio facta est eo modo, quo factæ sunt aliæ additiones ad Concilium Nicænum antea Concilium Ephesinum, & Calcedonense; sed hæc duo Concilia non improbarunt additiones factas ante ipsorum celebationem: ergo neq; improbabilem dixerunt additionem faciendam post ipsa. Probatur major. Ephesini, Constantinopolitani, & Chalcedonensis Concilii Patres addiderunt *cæli*, & *terrae*, quæ in Nicæno Symbolo non habentur; alii addiderunt ex *Maria Virgine*, quæ nec etiam in Nicæno inveniuntur; Sed Græci volunt, quod Concilio Nicæno ne verbum quidem addere licet ex Concilio Ephesino, & Chalcedonensi: ergo additio *Filioque* facta est, sicut aliæ additiones præcedentes factæ fuerunt: ergo vel omnes illegitime, vel omnes legitime factæ.

**VI.** Si est improbanda additio, ideo est, quia facta fuit sine consensu utriusque Ecclesiæ Orientalis, & Occidentalis; sed hoc nil officit: ergo improbanda non est. Probatur minor. Romana Ecclesia, quum sit omnium Ecclesiarum mater, & magistra, hoc ipso quod aliquid præcepit, approbat, confirmat, in Ecclesia, aliarum Ecclesiarum consensu non indiger: ergo sufficit, quod additionem Romana Ecclesia probaverit, ut dicatur legitime facta. Præterea prioribus seculis Ecclesiæ orientales multa de fide statuerant, multa etiam symbola condebant; & nihilominus occidentales Ecclesiæ non improbabant, quando nihil a fide alienum continebant. Et hoc probatur ex ipsiusmet Marci Ephesini confessione in eo, quod Symbola respicit. Etenim in Concilio Florentino hæc afferere non renuit: *Inter pri-mum Concilium, a quo divinum illud Nicænum Symbolum fuerat editum, ac secundum, non parum sane temporis intercesserat, in quo quidem temporis intervallo fere triginta alia Symbola a particularibus, ac privatis*

Z 2

Con-

*Conciliis prodita fuere;*

VII. Debuit Ecclesia, non solum potuit, Symbolo inserere tesseram, qua Catholici ab Hæreticis discernerentur: ergo debuit, non tantum potuit, in Nicæno, vel Constantinopolitano Symbolo inserere particulam Filioque. Probatur consequentia, Ecclesia declaraverat ut fidei dogma processionem Spiritus Sancti a Filio; atqui erant Catholici, qui eam profitebantur, & erant Schismatici, qui eam negabant: ergo debuit Ecclesia inter illos tesseram statuere; atqui hæc tressera alia esse non poterat, quam additio particulæ Filioque: ergo si Ecclesia debuit inserere Symbolo tesseram, qua Catholici ab Hæreticis distinguuerentur, debuit quoque particulam Filioque Nicæno, vel Constantinopolitano Symbolo inserere.

VIII. probatur. Si additio dicitur facta sine auctoritate, ideo est, quia eam particulares Ecclesiæ, vel Hispaniarum, vel Galliarum, vel Germaniæ, fecerunt; sed hoc nil obstat legitimati additionis: ergo semper dicenda est legitime facta. Probatur minor. Nec particulares Ecclesiæ sibi auctoritatem sumperunt introducendi eam in totam Ecclesiam absque Romani Pontificis imperio; nec nos dicimus, illam fuisse legitime factam, absque Romani Pontificis approbatione: ergo nil officit legitimati additionis, quod fuerit primum à peculiaribus Ecclesiis facta, dummodo accesserit deinde Romani Pontificis, eam confirmantis, auctoritas. Cæterum nec novum, quod peculiares Ecclesiæ hoc faciant, ut vidimus ex Marco Ephesino factum post Nicænum Concilium a peculiaribus Orientis Ecclesiis, qui triginta Symbola condiderunt.

Arguunt I. Concilium Ephesinum p. 1. act. 6. prohibuit sub anathematis poena prolationem alterius fidei a Nicæna; sed particula Filioque continet prolationem alterius fidei a Nicæna: ergo est ejus additio ab Ephesino Concilio prohibita. II. Idem Concilium Ephesinum cit. loc. vetuit pariter compositionem alterius fidei formulæ præter Nicænam; sed additio particula Filioque est compositio alterius fidei formulæ a Nicæna: ergo est ab eodem Concilio interdicta. III. Concilium Chalcedonense act. 11. noluit aliam exponere fidei formulam præter Nicænam; & respondentes Patres Judicibus, qui eam exposcebat, dixerunt: *In scriptis expositionem non facimus. Regula est, quæ predicit, sufficere quæ sunt exposita. Regula*

*vult; aliam expositionem non fieri. Ez, quæ sunt Patrum, teneantur: ergo a Concilio etiam Chalcedonensi omnis immutatio, additio, diminutio, in Nicæno Symbolo est prohibita. IV. Concilium generale VII. pariter anathematizat illos, qui Symbolo aliquid addunt, vel demunt: Nos leges Patrum custodimus. Nos eos, qui addunt quid, vel adimunt, anathematizamus: ergo additio, de qua loquimur, est quoque ab hoc Concilio improbata. V. Cyrillus in ep. ad Joannem Antiochenum, cuius initium est, Latentur Cæsi, & quæ Orientium confessionem complectitur, hæc scribit: Nullo autem modo permittimus, ut ab aliquo fides illa, sive fidei Symbolum, concipiatur, quod a sanctis quondam Patribus Nicenis editum est. Neque enim aut nobis, aut ulli omnino alteri, vel unam vocalam ibi positam immutare, aut unam etiam syllabam præterire, permittimus: ergo ex Cyrillo illegitime facta est additio. VI. Ex Leone III. supra citato habemus, quod non per hoc, quod nova dogmata exponuntur, & declarantur, debent in Symbolo ponii; quod in Verbo exemplificat: ergo neque per hoc, quod de Spiritu Sancto fuerit novum dogma explicatum, ac declaratum, debet illud in Symbolo ponii. VII. Fuit etiam definitum, ac expositum, B. Virginem esse Dei Mætrem, Corpus Christi vere sub eucharisticis speciebus contineri, Confessionem auricularem dari, & similia; & tamen hæc in Symbolo non continentur: ergo non per hoc, quod processio Spiritus Sancti a Filio fuerit definita, addi poterat Symbolo. VIII. Aliud est Fidei Symbolum; aliud præseferit fidei Confessio; hæc quidem variari potest, dummodo substantia fidei invariata constat. At fidei Symbolum est prorsus immutabile, nec quidem vocis, aut syllabæ, mutationem suffert. Et hinc est, quod in Conciliis saepè Confessiones exhibentur, non Symbola; quod quidem in omnibus Conciliis semper est idem.*

Respondemus ad I. primo, Ephesinum Concilium esse intelligendum de mutatione, quæ sit privata auctoritate, non vero de illa, quæ sit auctoritate Ecclesiæ. Vel enim de Conciliis loquimur, quorum auctoritate fit mutatio, & par in parem non haber imperium: Vel loquimur de Pontifice summo, & multo minus auctoritatem haber in Pontificem, qui est superior, Concilium, quod est inferius. Secundo, intelligitur Concilium de iis, quæ sunt contraria illis, quæ in Symbolo continen-

nentur, non vero de iis, quae illis non  
opponuntur.

Ad II. Proferenda sunt verba Concilii, &  
occasio perquirenda, propter quam fuc-  
sint a Patribus scripta. Verba sunt.  
*Decreverit sancta Synodus, alteram fidem ne-  
mini licere proferre, aut scribere, aut expo-  
nere, prater eas, quae definita fuit a sanctis  
Patribus apud Nicenam Urbem in Spiritu  
Sancto congregatis. Eos autem, qui fuerint  
ausi alias fidem componere, sive porrigitere,  
aut proferre, bis, qui volunt ad veritatis  
cognitionem converti ex Gentibus, vel ex  
Judaïs, vel etiam ex qualibet barese: istos,  
si quidem Episcopi fuerint, aut Clerici, dia-  
coni, Episcopos quidem ab Episcopatu, Cleri-  
cos a clericatu; si vero Laici fuerint, ana-  
thematizatos. Occasio autem fuit haec.*  
Charisius Presbyter Ephesino Concilio  
præsentavit Symbolum Nestorii; Symbo-  
lum autem Nestorii contrarium erat Ni-  
cænae fidei; & tamen Nestorius volebat,  
quod infideles omnes, qui catholicæ Ec-  
clesiae adscribabantur, illud amplecten-  
tentur. Hoc certe Concilium improba-  
vit, & decretum, quod recitavimus,  
promulgavit. Cæterum Charisius, ut se  
catholicum ostenderet, Symbolum Nicæ-  
num, vel Constantinopolitanum recita-  
vit, quod deprehensum a Patribus fuit  
cum vero Nicæno, vel Constantinopolitano  
non convenire; & tamen non per  
hoc Charisius vel accusatus fuit, vel uti  
catholicus non fuit admissus.

Ad III. IV. & V. eadem est responsio; loqui  
nimicrum in testimonii citatis de voculis,  
& syllabis, quæ essent Nicænae fidei con-  
trariæ, non vero de illis, quæ oppositæ  
non essent. Et hoc quidem hac ratione  
probatur, quia Cyrillus præcipue probat  
confessionem fidei Episcoporum Orienta-  
lium in epistola citata; in qua confes-  
sione Joannes Antiochenus, & Episcopi ei-  
dem adhærentes, profitebantur, se in sua  
confessione nihil Nicænae fidei addidisse.  
Hæc sunt verba Episcoporum Orienta-  
lium: *De Virgine autem Dei genitrice quo-  
modo sentiamus, & loquamur, deque naige-  
niti Filii Dei incarnationis modo, breviter  
dicemus, nihil omnino addentes fidei in Ni-  
cæna a sanctis Patribus expositorum. Illa nanque,  
qua prius dictum est a nobis, ad omnem pietati-  
cis cognitionem, omnisque heretice pravita-  
tis refutationem, sufficit. Igitur æque Con-  
cilium Chalcedonense, Concilium gene-  
rale VIII., & Cyrillus, intelligi debent  
de voculis, & syllabis, quæ contrariæ  
sunt Nicæno Symbolo, non vero de iis,  
quæ eidem non opponuntur.*

Ad VI. & VII. dicimus, quod non omnia  
quidem ponendebent in Symbolo, quando  
peculiaris ratio, & urgens causa non po-  
scunt. Attamen ad particulam *Filioque*  
in Symbolo ponendam urgebat, & hære-  
sia exorta, quæ quidem ab eodem Symbolo  
occasione accipiebat, quatenus in ea  
dicebatur *Spiritus Sanctus a Patre proce-  
dens*; unde in Symbolo, a quo Adversa-  
rii Schismatici virus arripiebant, medici-  
nam ponere consultum quam maxime  
visum est: Et pariter suadebat facilias  
ponendi additionem illam sine novi articuli  
multiplicatione, sed tantum cum ex-  
positione, vel prorogatione ejusdem  
articuli, qui jam positus in Symbolo inven-  
iebatur. Rationes autem hæc, vel cau-  
sa, pro aliis additionibus, de quibus vel  
loquebatur Leo Pontifex, vel Adversarius  
loquitur, locum omnino non habent.  
Dogmata enim essent multa; hæreses  
iisdem oppositæ, non essent a Sectatori-  
bus illarum a Symbolo depromptæ, &  
non facile ita possent verbis restringi,  
ut Symbolum interminabile non redde-  
rent.

Ad VIII. Fecimus nos quoque distinctionem  
illam inter Symbolum, & fidei confessio-  
nem, ut supra scriptum est; pariterque  
observavimus in Tolitanis Conciliis, non  
fuisse Symbolum in omnibus recitatum,  
sed in quibusdam Symbolum, in aliis ve-  
ro solam fidei confessionem. Unde in-  
casum Adversarii hoc nobis opponunt,  
quasi pro eodem summissemus utrumque,  
vel pro uno aliud, aut unum pro alio, in-  
telligendum esse voluissemus. Verum  
non in hoc stat distinctionem inter Symbo-  
lum, & fidei confessionem, quod hæc  
capax sit additionis, illud vero minime;  
sed potius consistit, quod fidei confessio  
quibusunque verbis potest concipi, &  
quibusunque articulis exponi; non sic  
vero Symbolum, quod præscriptis verbis,  
& statutis articulis comprehenditur; quia  
fidei confessio privata auctoritate sit, sym-  
bolum publica Ecclesiæ auctoritate con-  
cipitur, efformatur, ac promulgatur. Un-  
de sit, quod accedente Ecclesiæ auctori-  
tate, vel in Concilia congregatae, vel in  
ipsius capite, quod est Romanus Ponti-  
fex, contentæ, Symbolum est solummo-  
do capax accipiendo additionem, quæ sit  
necessaria, convenientis, vera, cuiusmodi  
fuit illa, de qua scribimus. Confessio ta-  
men fidei nil obstat, quiq; a privatis etiam  
personis sit, verbis ad eorum libitum  
adhibitis, dummodo fidei substantia non  
varietur.

DIS.

# DISSESTITO CXXIX.

*De Scholasticorum Controversia ; Si Spiritus Sanctus a Filio non procederet, an ab eo distingueretur; an Hypothesis sit admittenda, & quid de Controversia dicendum?*



HEOLOGI de schola, ut contra Græcos probarent, vere Spiritum Sanctum a Filio procedere, hoc argumento usi sunt; adeo scilicet veram esse unius ab alio processionem, ut si illa non esset, non esset Trinitas, sed esset dualitas; Spiritus Sanctus enim non distingueretur a Filio, adeoque non essent duæ personæ, sed una. Et quidem præ cunctis Angelicus Doctor rationis hujuscem vel inventor, vel promotor, vel propugnator fuit acerrimus; eam enim expresse docet 1. p. q. 36. ar. 2. At Doctor subtilis ex adverso stat in 1. dist. 11. q. 2. fortissime defendens, quod etiam si Filius a Spiritu Sancto non procederet, adhuc ab eo realiter distinguatur; adeoque rationem Si Thomæ non esse adeo firmam, ut communiter Theologici existimant. Et quidem Scotus duas in Filio relationes distinguit, Filiationem, scilicet, & Spirationem activam, non realiter quidem, quod dici non potest, sed formaliter, aut saltem modaliter. Filiatione vult Filium constitui non solum in ratione Filii divini, sed etiam in ratione Personæ divinæ omnimode completæ, & perfectæ. Spiratione vero activa, quæ ex Filiatione resultat, eamque supponit, & adeo supponit, ut persona Filii supponatur quaque omnimode completa, & a qualibet alia persona distincta, non constitui proinde in ratione personæ divinæ utcunque, sed in ratione tantum Spiratoris. Distinguit etiam in divinis præter relationes originis, relationes alias, quas nominat disparatas; ut sunt filatio, & spiratio passiva, & inter eas realem distinctionem agnoscit, absque eo, quod originis relatio intercedat.

Non de sunt quidem Scriptores, qui quæstionem hanc inutilem omnino judicent; inter quos est Godfredus quod lib. 7. q. 4., qui eam etiam dicit solutionis indignam, quia impossibile supponit. Et re vera P. Magnus in Philosophia sacra c. 20.

prop. 15. facetur, haud libenter assentiri, ut hujusmodi quæstiones proponat, quæ procedunt ex hypothesi impossibili; aut si proponat, facile adduci, ut ex hypothesi impossibili conclusionem deducat impossibilem. Unde subdit; quod si a Filio non procederet Spiritus Sanctus, nullus esset Spiritus Sanctus; immo nec ullus esset Filius, nec ullus esset Pater, nec prorsus ullus esset Deus. Quod hoc patet probat: Secundum intrinseca Dei non est minus necessaria immutabilitas ejus, quam ejus existentia; sed si Spiritus Sanctus a Filio non procederet, tolleretur Dei intrinseca immutabilitas: ergo tolleretur Dei existentia: ergo nullus esset Deus. Major est certa; si enim quis tolleret necessitatem immutabilitatis, in suppositione, quod Deus aliter intrinsece se habeat, quam re vera se habet, hoc ipso auferret necessitatem existentiae. Deus enim ita necesse est, ut sit intrinseco omni eo modo, quo est, ut impossibile sit, ullo alio modo esse. Sic Magnanus. Præter Godfredum, & Magnanum, sunt etiam Gregorius Ariminensis in 1. dist. 11. q. r. ar. 2., Gabriel q. 2., aliique pauci, qui ex principio illo; ex impossibili sequitur quodlibet, putant, ex hypothesi illa impossibili; Si Spiritus Sanctus a Filio non procederet; quodlibet ex contradictoriis sequi; nimisrum, & quod Spiritus Sanctus a Filio distingueretur, & quod non distingueretur: unde inferunt, inutilem esse quæstionem hanc, qua sub tali hypothesi de distinctione Spiritus Sancti a Filio quæritur.

Atamen P. Latlemander de Deo trino disp. 4. partit. 5. disputabilem ait sub hac hypothesi inquisitionem, de qua loquuntur, & rationem supponit ex Aureolo, quæ sub ejus formalibus verbis mox afferetur; & hanc, dicit, esse communem Theologorum sententiam. Hanc eandem assertit, & probat Catheranus tract. 2. de Deo trino c. 4. §. 9.: ubi firmat; valde utile, ac necessarium esse agitare controversiam.

de

de distinctione Spiritus Sancti a Filio, si a Filio non procederet; & citat Scotum, Vasquez, Lugum, Arriagam, Ruiz. Asserit pariter, & probat Frassen trac. 3. disp. 3. ar. 2. q. 2., dicens, quod omnes Scholastici tanti fecerunt hanc quæstionem, ut accuratas, & subtileas in ejus resolutione disputationes texuerint, nec sicut cassus eorum labor. Immo sustinendo illorum sententiam, qui volunt, in facta hypothesis Spiritum Sanctum a Filio non distingui, multum juvat contra Græcos probare, vere Spiritum Sanctum a Filio procedere; quod per se clarum omnino est.

Dicimus I. Hypothesim hanc recte, & utiliter fieri, ut processio Spiritus Sancti a Filio magis innoscatur.

I. Probatur a P. Lallemandet ex Aureolo. Illa inquisitio est rationabilis, & disputabilis, quæ formatur de propositione hypothetica, cuius categorica æquipollens est dubitabilis, & sub inquisitione cadens; sed talis est inquisitio, de qua loquimur: ergo, &c. Probatur major. Hæc propositione. An Asinus volaret, si haberet alas, est dubitabilis, quia non omne habens alas volat; ut est Strutio, qui habet alas, & non volat: ergo illa inquisitio est rationabilis, & disputabilis, quæ formatur de propositione hypothetica, cuius categorica æquipollens est dubitabilis, & sub inquisitione cadens. Minor. primi argumenti est manifesta, quia jam de facto controvertitur inter Scholasticos, an sub illa hypothesis Spiritus Sanctus a Filio distinguatur, vel ne?

II. Probatur a Cacherano. Argumentari ab impossibili non est inutile, immo est utile, quando impossibile non involvit contradictione. ex terminis, & arguitur illatione formalis, & per locum intrinsecum; sed in hypothesis, de qua loquimur, ita argumentamur: ergo utiliter, & non inutiliter, argumentamur. Major patet; quia tunc est inutile argumentari ab impossibili, quando ex impossibili sequitur quodlibet; sed quando impossibile non involvit contradictione ex terminis, & arguitur illatione formalis, & per locum intrinsecum, ex impossibili non sequitur quodlibet: ergo, &c. Probatur autem minor. Hypothesim hanc nos præcise consideramus, & non cum addito, nimirum, & remaneret idem Filius, & idem Spiritus Sanctus, qui nunc sunt; sed sub hac consideratione non involvit contradictione ex terminis, & argumentamur illatione.

formali, & per locum intrinsecum: ergo in hypothesis, de qua loquimur, ita argumentamur. Minor constat terminos considerant; major probatione non indigeret; consequentia sequitur.

III. Probatur ab eodem. Utile est querere, an processio Spiritus Sancti a Filio sit tota ratio distinctionis inter Spiritum Sanctum, & Filium; item, an Spiritus Sanctus possit realiter distingui a Filio, absque eo, quod a Filio realiter procedat; Sed hoc idem continet hypothesis, de qua loquimur: ergo non est inutile argumentari per illam. Probatur minor. Propositio hypothetica, de qua loquimur, æquivalens quoad rem duabus illis categoricis; & idem est dicere per illam, ac per hanc: ergo hypothesis, de qua loquimur, idem continet.

IV. Probatur a Frassen. Hypotheticæ quæstioni, de qua tractamus, aliæ similes sunt, quæ pariter a Theologis agitantur, & utiliter agitantur: ergo & hæc. Probatur antecedens. Tractantur nimirum; an si Deus non esset immutabilis, foret æternus? An si homo non peccasset, Verbum venisset? An si homo non esset risivus, distinguetur ab equo; sed quæstiones istæ utiliter tractantur: ergo, &c. Probatur minor. Ex eo utiliter tractantur, quia prima inservit ad investigandum, an immutabilitas sit formalis ratio æternitatis? Secunda, an peccatum primi hominis fuerit Incarnationis motivum; Tertia, ad cognoscendum formale principium constitutus hominem, & eum a brutis distinguens; sed hoc etiam verificatur in nostra hypothesis: ergo, &c. Probatur minor, & simul consequentia primi argumenti. Nostra quæstio hypothetica inservit ad investigandum, an vere Spiritus Sanctus a Filio procedat; vel melius, ad confirmandum, quod vere Spiritus Sanctus a Filio procedit: ergo hoc etiam verificatur in nostra hypothesis.

V. Probatur. Controversia hæc hypothetica utilis est admodum ad explicandam simul, & tuendam veritatem processionis Spiritus Sancti a Filio: ergo non est inutile, & responsione indigna. Probatur antecedens. Ut videbimus, Sancti Patres ex distinctione Spiritus Sancti a Filio inferunt processionem ejusdem a Filio; & in Concilio Florentino Latini Græcos urgabant, quod negantes processionem Spiritus Sancti a Filio, tenebantur etiam negare ejusdem a Filio distinctionem, & per consequens Trinitatem personarum: er-

go dum in hac questione hypothetica dis-  
cūtitur Spiritus Sancti a Filio distinctio,  
vere etiam processio ejusdem a Filio fir-  
matur: ergo utilis est admodum ad expli-  
candam simul, & tuendam veritatem pro-  
cessionis Spiritus Sancti a Filio.

Arguunt I. ex P. Magnano. Si Spiritus Sanctus a Filio non procederet, aut nullus omnino esset Spiritus Sanctus, aut non es-  
set is, qui jam est, sed alius; Si nullus;  
questio jam est de subjecto, quod non  
supponitur; si alius; is non poterit esse,  
nisi chimæricus. Hic autem, qui modo  
est, esse non potest; quia hic, qui jam  
est, a Filio procedit; & hoc est ita immu-  
tabile, ut non possit esse is, qui est, si a  
Filio non procedat; quia ab eo accipit  
esse suum, & ad eum referuntur velut ad  
suum principium; & proprietas, quæ illi  
fundamentum est ejus relationis, est ipsius  
constitutiva. Hæc Magnanus. II. Ex  
impossibili sequitur impossibile; sed nul-  
la utilitas infertur ex impossibili conclu-  
sione; ergo plane inutilis est controversia  
hæc. III. Si hæc impossibilis suppositione ad-  
mitteretur, redargui posset admittens eam,  
& adigi ad concedenda contradictoria; sed  
hoc urgeret maxime respondentem, & in  
errorem pariter induceret: ergo, &c.  
IV. Similes impossibiles hypotheses a  
Theologis tantum de Schola fiunt, qui  
dugas adamant, & tricas amplectuntur,  
non vero a primis Theologis magistris,  
qui sunt Sancti Patres, apud quos nullam  
ex his inveniet quicunque eos etiam ac-  
curate revolvat.

Respondemus ad I. P. Magnanum suppo-  
nere, questionem fieri de Spiritu Sancto  
pro ut modo est, ita ut remaneat Filius  
idem ac est, & idem ac est Spiritus Sanctus. Quod plane a nobis negatum fuit.  
Alius est ergo, nimirum qui a solo Patre  
procederet, & non a Filio, uti est qui modo est, & qui ab utroque procedit; & ta-  
men non esset chimericus; vel si esset,  
hoc est, quod queritur, an in tali hypo-  
thesi esset Spiritus Sanctus, vel non esset.  
Cæterum P. Magnanus, agnoscens dein-  
de utilitatem hujuscem hypoteticæ con-  
troversiæ, sic se explicat: „ Verum quia  
„ solet hæc in scholis passim agitari quæ-  
„ stio, & potest in tantum esse utilis, in-  
„ quantum ordinari potest ad probandum  
„ contra Græcos necessitatem, qua tene-  
„ mur fateri, Spiritum Sanctum a Filio pro-  
„ cedere, hoc ipso, quod ab invicem distin-  
„ guit eos, habemus ex fide; idcirco susci-  
„ pio, & dico breviter: Si per impossibile

„ Spiritus Sanctus a Patre solum, non item  
„ a Filio procederet, nullum fore nobis ar-  
„ gumentum distinctionis inter Filium, &  
„ Spiritum Sanctum realis, sed ad summum  
„ formalis,..

Ad II. dicitur, quod ex impossibili sequitur  
impossibile; hoc est ex contradictoriis,  
quorum intuitu sit impossibilis supposi-  
tio; quo est impossibile involvens contra-  
dictoria ex terminis; vel est impossibile,  
ex quo fiat illatio materialis, & per lo-  
cum extrinsecum; quæ illatio in re  
transfert suppositionem præcise impossi-  
bilem ad suppositionem ex terminis con-  
tradictoriam, sive destruit ipsam sup-  
positionem. Ita loquitur Cacheranus; qui  
subdit etiam ex Vasquez, recte valere il-  
lationem ex impossibili, quando illatio  
fit manente ipsa suppositione impossibili.

Ad III. jam diximus, quod nos loquimur de  
suppositione impossibili, quæ non invol-  
vat contradictoria ex terminis; quod cla-  
re patet de hypothesi nostra; quia si con-  
siderantur illius termini, illico constat,  
ipsos ex se non exprimere affirmationem,  
& negationem ejusdem. Unde ratio non  
est contra hypothesis nostram, nec con-  
tra nos.

Ad IV. proponimus Augustinum, qui lib. 3.  
de Trin. c. 6. hanc impossibilem quæ-  
stionem proponit: Si Pater Filium non  
genisset, nihil prohiberet cum dici ingenitum.  
Patrem non gignere Filium in divinis est  
omnino impossibile; & nihilominus ex  
hac impossibili suppositione recte Augu-  
stinus concludit, quod etsi in divinis per-  
sona non esset generans, non minus ta-  
men foret ingenita. Non solum ergo  
Theologi de schola quæstiones hasce de  
hypothesi impossibili proponunt, verum  
quoque veræ Theologias magistri, Sancti  
Patres, inter quos omnes eminere Augu-  
stinum, illi solum ignorant, qui ignorant  
Augustinum.

Ad principalem controversiam tempus modo est ut accedamus examinandam, ac di-  
rimendam. S. Thomas, qui nullam agno-  
scit realem distinctionem inter Filium,  
& Spiritum Sanctum, si hic ab illo non  
procederet, ultra suos Thomistas, festa-  
tores pariter habet Aegydiū, Molinām,  
Arrubal, Granados, Montoyam, Bellar-  
minūm, Vasquez, Valentiam, Lugum, Arriagam, Marchinum, De Quiros, Ca-  
cheranum, P. Magnanum, Jueninum, aliosque plurimos; quibus adduntur  
Alensis, S. Bonaventura, B. Albertus mag-  
nus, Durandus &c. Scotus vero, qui rea-  
lem

Iem propugnat distinctionem inter Filium, & Spiritum Sanctum, si ab illo hic non procederet, asseclas habet; præter suos Scotistas, Henricum Gandavensem, P. Lallemander, & alios paucos. At Valentia volens medium ingredi viam hac utitur distinctione apud Cauvinum tract.

i. de Trinit. disp. 7. q. 1. §. 1. Si quæstio agitatur theologice, inquit, id est, innicendo principiis revelatis a Deo, negare, quod sit distinctio; Si vero metaphysice, sive adhærendo soli lumini naturæ, & principiis illius, affirmare, quod distinctio intercedat.

Dicimus II. Quod Spiritus Sanctus non distinguetur realiter a Filio, si ab illo non procederet.

I. Probatur ex Conciliis. Concilium Toletanum I. in assertione fidei: *Credimus . . . Spiritum quoque esse Paracletum, qui nec Pater sit ipse, nec Filius, sed a Patre, Filioque procedens. Est ergo ingenitus Pater, genitus Filius, & non genitus Paracletus, sed a Patre, Filioque procedens.* Ab aliis citantur hæc Concilii verba eum altero verbo adjuncto; scilicet ubi primo dicitur, *sed a Patre, Filioque procedens;* ponunt, *eo quod a Patre, Filioque procedat.* Unde Frassen infidelitatem citationis opponens, ab ulteriori responsione se abstinet. At nos verbum illud, quod vere in Concilio non reperitur; non recitantes, ex aliis tamen, quæ remanent, vere putamus, assertione nostram probari. Idem enim est sensus, etsi eadem non sint verba; & sensus quidem est, quod ideo Spiritus Sanctus non sit Pater, nec Filius, quia a Patre, & a Filio procedit; unde verbum illud *sed in eo loco æquivalet alteri verbo,* forsitan majoris explicationis gratia ad juncto, *eo quod.* Frassen responsionem, & dissimulationem, sequitur etiam Henno. Concilium Toletanum XI. in Expositione fidei: *Ergo hoc solo numerum insinuant, quod ad invicem sunt, & in hoc numero carent, quod in se sunt.* Explicat Frassen hæc verba de relationibus disparatis, non autem de oppositis; at perperam, quia si de disparatis intelligerentur, deberent etiam de paternitate, & spiratione activa, de filiatione, & de spiratione pariter activa, intelligi; quod nemo dicere audebit, quia hæc relationes numerum in divinis non faciunt: ergo intelligenda sunt de relationibus oppositis, quæ sunt illæ originis. Concilium Florentinum sess. ult. Nam credentes, Spiritum Sanctum ex Filio nequam procedere, necesse est, ut intelligant, PAR. II.

Spiritum Sanctum ex solo Patre procedere, ac consequenter eum esse Filium. Frassen etiam opponit nobis infidelitatem in recitatione verborum, dicens, quod hæc ultima sic leguntur in omnibus Codicibus; ac consequenter non esse Filium. Quod sic legantur, non contendimus; quod sic legi debeant, omnino negamus. Contrarius enim sensus, & nulla esset cum præcedentibus verbis connexio. Spiritus Sanctus ergo non est Filius, quia a Filio non procedit; nulla est illatio; sed potius est Filius, quia a Filio non procedit. Et hic debebat esse loquendi modus Latinorum, atque Græcis deditissim ansam inferendis, quod possit Spiritus Sanctus non procedere a Filio, & distingui a Filio, & personarum Trinitas persistere. Quod quidem est maxime advertendum, verba illa non Græcorum Patrum, sed Latinorum fuisse. Et noster legendi modus conformatur aliis verbis ejusdem Concilii confess. 18. qmimirum: Secundum omnes Doctores, tam Græcos, quam Latinos, solas processionum differentias, quæ principalius dicitur, multiplicat personas in divinis; ad quam solam accommodantur, qui est ab alio; & a quo est alius. Ad quæ verba responderet Frassen, quod Concilium loquitur de facto, & non de possibili. Valeret sua responsio, si de possibili esset alia Trinitas, quam quæ modo est; & personarum constitutiva alia essent, quam quæ modo sunt. Re vera Concilium solas processiones oppositas in personarum multiplicatione cognoscit, non vero disparatas, quæ Conciliis, & Patribus, erant omnino incognitæ.

II. Probatur ex Patribus. Augustinus lib. 2. de Civit. Dei c. 10. Ideo simplex Deus, quoniam quib[us] habet, hoc est, excepto eo, quod relative quæque persona ad alteram dicitur, sicut Pater habet Filium, & non est Filius; Esset ergo Filius Spiritus Sanctus, si a Filio non procederet, quia ad illum relative non diceretur. Negat Consequentiā Frassen cum Scoto, dicens, quod Augustinus non vult, quod persona una, non habens correlationem cum altera, non sit realiter ab ea distincta; sed tantum vult, quod habeat quicquid habet altera, præter relationem ipsius personalem: Sed contra. Præter quidem relationem ipsius personalem, quam habet cum illa; sed cum illa nullam habet relationem personalem: ergo haberet quicquid habet altera: ergo est eadem cum altera. Nec recurrat ad relationem disparatam; quia

A a

S. Do-

S. Doctor de relatione opposita loquitur; ut patet in exemplo, quod afferit, Patris, & Filii. Boetius lib. 1. de Trinit. c. 22. *Essentia continet unitatem; relatio vero multiplicat Trinitatem*: Ergo in divinis est multiplicatio tantum per relationes: non per relationes disparatas, quia aliter Pater, & Spirator, essent duas personas; Filius, & Spirator, essent duas personas; ergo per relationes oppositas. Unde præcluditur effugium Frassen, qui intelligit Boetii verba de relationibus disparatis. Anselmus lib. de proces. Spir. Sanct. c. 3. *Unitas non amittit suam consequentiam, ubi non obviat aliqua relationis oppositio*. Ex quibus vulgarium habetur effatum: *Omnia in divinis idem sunt, ubi non obviat relationis oppositio*. Nec dicat Frassen, quod Anselmus agnovit relationes disparatas, nempe nativitatis, & precessionis; adeoque de his intelligendus est. Ne dicat quidem, quia relationes disparatas compatiuntur cum unitate; ut pater in paternitate, & spiratione activa, filiatione, & spiratione pariter activa. Anselmus autem loquitur de relationibus, quae cum unitate non compatiuntur: ergo non loquitur de relationibus disparatis.

III. Probatur Rationibus. I. Si Spiritus Sanctus a Filio non procederet, ideo ab eo distingueretur, quia darentur inter ipsos relationes disparatas; sed relationes disparatas non sufficiunt ad distinctionem realem inter personas divinas; ergo in facta hypothesi Spiritus Sanctus a Filio non distingueretur. Major est doctrina Adversariorum. Minor probatur. Relationes disparatas distinguere non sunt aptae ut relationes formaliter, & modo proprio relationum; sed relationes in divinis non distinguunt, nisi ut relationes formaliter, & modo relationum proprio: ergo relationes disparatas non sufficiunt ad distinctionem realem inter personas divinas. Probatur major. Relationes disparatas non se habent ut relationes formaliter, & una relatio disparata ad aliam disparatam non se habet modo relationum proprio: ergo relationes disparatas distinguere non sunt aptae ut relationes formaliter, & modo relationum proprio. Probatur antecedens. Quae in se sunt absoluta, vel imitantes absoluta, non sunt relationes formaliter; & quae inter se non se habent modo relativo, & non explicant habitudinem ad, non se habent modo relationum proprio; sed sic se habent relationes disparatas: ergo relationes disparatas

non se habent ut relationes formaliter, & una relatio disparata ad aliam disparatam non se habet modo relationum proprio. Probatur minor. Relationes disparatas ex suo conceptu non involvunt realem distinctionem inter se; ut patet inter paternitatem, & spirationem activam, inter filiationem, & spirationem pariter activam; sed quae non involvunt ex suo conceptu realem distinctionem, non sunt relationes formaliter, quae ex suo conceptu important realem distinctionem; nec se habent modo relationum proprio, qui est dicere realem distinctionem inter relativa: ergo relationes disparatas non sunt relationes formaliter, & inter se non se habent modo relationum proprio. Sic argumentatur Cacheranus.

II. Ideo in creatis relationes disparatas fundant realem distinctionem inter creaturas, & etiam inter personas divinas, & creaturas, quia distinctivum creaturarum ab invicem, vel divinarum personarum a creaturis, & possunt esse rationes absolutae, & possunt esse relationes imitantes formas absolutas, seu quae se habent modo absoluto, ut sunt relationes disparatas; sed hoc non sufficit ad distinctionem personarum in divinis: ergo relationes disparatas quanvis sufficientia ad fundandam distinctionem inter creaturas, & inter personas divinas, & creaturas, non sunt tamen sufficientes ad fundandam distinctionem realem inter personas divinas. Probatur minor. Distinctivum divinarum personarum ab invicem sunt solae relationes ut relationes formaliter; sed quae possunt esse relationes absolutae, & possunt esse relationes formas absolutas imitantes, & quae se habent modo absoluto, non sunt solae relationes ut relationes formaliter: ergo illud, quod explicatur per relationes disparatas, non sufficit ad distinctionem personarum in divinis: ergo relationes disparatas non sufficientia in divinis, quanvis sufficientia in creatis.

III. Si Spiritus Sanctus non procederet a Filio, Filius etiam distingueretur realiter a Patre: ergo non distingueretur realiter a Spiritu Sancto. Probatur consequentia. In principiis Adversariorum Filius non posset distingui a Patre quia Filius in illa hypothesi: ergo quia spiratus: ergo esset realiter Spiritus Sanctus. Probatur antecedens. Filiatio, & paternitas sunt compossibilis in eadem virtute spirativa, seu in eadem ratione principii ad spirandum; quod de fide habemus: ergo Filius non

non posset distingui a Patre quia Filius. Probatur consequentia. In principiis Adversariorum, ubi est incompossibilitas duorum in eodem, est perpetuo, & in omni eventu distinctio realis inter illa, ergo ubi est compessibilitas duorum in eodem, erit inter illa realis identitas. Antecedens est Adversariorum doctrina; dicunt enim, inter filiationem, & spirationem passivam esse perpetuo distinctionem realem, etiam remora oppositione relativa, & non aliunde, nisi quia in illis est incompossibilitas in eodem. Consequentia sequitur, & ex admissione hujus doctrinæ, & ex lege contrariorum; nam si negatio compessibilitatis est causa negationis identitatis, affirmatio illius erit causa affirmationis identitatis. Unde a primo ad ultimum hoc absurdum devorare Adversarii coguntur, quod si admittant in facta hypothesi distinctionem Spiritus Sancti a Filio, admittere etiam debeant indistinctionem Filii a Patre. Sic Cauvinus.

**IV.** Non implicat, quod ratio producti per intellectum, & ratio producti per voluntatem, eidem omnino personæ convenient, si una ab alia non procedat: ergo in nostra hypothesi magis deberet distingui Filius a Patre, quia spiratus, quam quia Filius. Consequentia sequitur; quia ratio spirati, tam de facto, quam in hypothesi, est incompossibilis cum Patre; ratio vero Filii sicutem de facto est compessibilis cum illo in ratione principii, seu in virtute spirandi. Antecedens probatur. Non repugnat, unam personam, & eandem esse genitam ratione unius formalitatis, & esse spiratam ratione alterius: ergo non implicat, quod ratio producti per intellectum, & ratio producti per voluntatem, eidem omnino personæ convenient, si una ab alia non procedat. Probatur antecedens. Non repugnat, quod una, & eadem persona sit improducta ratione essentiæ, & sit producta ratione relationis: ergo non repugnat, unam, & eandem personam esse genitam ratione unius formalitatis, & esse spiratam ratione alterius. Probatur consequentia. Magis distant produci, & non produci, quam produci duabus formalitatibus distinctis: ergo si illud non repugnat, neque hoc repugnabit. Ad hæc autem absurdia impedienda non sufficit relatio quæcumque, nisi sit oppositionis; quia in divinis, sublata hac oppositione, ob eorum infinitatem, omnia transeunt in identitatem.

Par. II.

**V.** Divinas personæ de facto sunt idem realiter in omni eo, in quo relative non opponuntur, etiam in eo, in quo disparate referuntur: ergo, quia in nostra hypothesi filius, & Spiritus Sanctus, non haberent oppositionem relativam, quanvis haberent relationem disparatam, essent tamen una, & eadem persona. Antecedens negari nequit; quia in Patre paternitas & spiratio activa, et si sint relationes disparatae, sunt tamen unum, & idem. Consequentia sequitur ex paritate rationis. Possent tamen Adversarii assignare discrimen inter principium, & terminos; dicendo nimurum, quod in eodem principio possunt identificari relationes disparatae, non sic autem in duobus terminis; quia termini ex se poscent realem distinctionem. Sed hoc effet petere principium, quum hoc sit in questione; Verum nos in ratione quarta nuper probavimus, non repugnare, quod in uno, & eodem termino identificantur relationes disparatae.

**VI.** Sine summa necessitate non est in Deo admittenda realis pluralitas, & realis distinctio; sed facta nostra hypothesi, non effet hæc summa necessitas: ergo non effet admittenda. Major constat; quia in Deo ponenda est semper major perfectio; unitas autem ex genere suo perfectior est, quam pluralitas, & identitas, quam distinctio; & hoc etiam patet, quia distincta in inferioribus sunt, in superioribus autem sunt unita, collecta, & magis ad unitatem accedentia. Minor probatur. Necesse illa nobis omnino non innotescit: ergo non effet. Probatur antecedens. Si innotesceret, vel innotesceret ex fide, vel ex naturali ratione; sed non innotescit neque ex fide, neque ex naturali ratione: ergo nobis non innotescit. Probatur pro prima parte. Fides solum docet, esse Spiritum Sanctum, qui de facto existit, & consequenter realiter a Filio procedere, & realiter a Filio distinguiri: ergo ex fide non innotescit. Probatur pro secunda parte. Hoc solum nobis est certum, & suo modo quoque evidens, esse realem distinctionem ubi est oppositio relativa, seu relatio originis; quod vero sit pariter realis distinctio ubi est disparata relatio, nec certum, nec evidens, ipsime Adversarii dicere audebunt.

Arguunt Adversarii I. Ex Augustino lib. 5. de Trinit. c. 14. de Spiritu Sancto loquente: *Exit enim non quomodo natus, sed quomodo datus;* & ideo non dicitur *Filius, quia*

A a 2

nec

*nec natus est sicut Unigenitus:* Ergo ex Augustino non distinguitur Spiritus Sanctus a Filio præcise, quod ab eo procedat, sed quia productio ipsius est alterius rationis a productione Filii. II. ex Nysseno, quem citat Beffario in Orat. pro unione ex lib. I, in Evangelia: *Spiritus Patri conjunctus est, & secundum quod uterque increatus, & secundum quod uterque ex primo principio suam substantiam habet conjunctus; distinguuntur sua proprietate, qua est, quod nec unigenitus, ex Patre productus est, & quod per ipsum Filius sic manifestus.* Si ergo Nyssenus distinctionem Spiritus Sancti a Patre non a spiratione desumit, sed a proprietate eorum constitutiva; ita pariter distinctione Spiritus Sancti a Filio desumenda est. III. ex Anselmo tract. cont. Græcos de processione Spiritus Sancti c. 2. *Quoniam Filius existit de Deo nascendo, & Spiritus procedendo, ipsa diversitate nativitatis, & processione referuntur ad invicem, ut diversi, & alii ab invicem.* Idem in eodem loco. Filius autem, (ut interim aliam ratiōnē causam, quoniam nondum constat, quod Spiritus Sanctus de ipso sit, & procedat) ideo non est Spiritus Sanctus, nec Spiritus Sanctus est Filius, quia Filius nascendo habet esse de Patre, Spiritus Sanctus autem non nascendo, sed procedendo. Idem in eodem tract. c. 3. Alii sunt ab invicem per hoc distincti, ut puta quia alter nascitur, alter vero procedit; & ideo cum nascitur unus, non potest cum eo nasci ille, qui per hoc est alius ab eo, quia non similiter nascitur, sed procedit; & cum unus procedit, nequit ille simul procedere, qui per hoc est alius ab illo, quia non similiter procedit, sed nascitur. Et c. 4. concludit: *Si per aliud non essent plures Filius, & Spiritus Sanctus, per hoc solum essent diversi, scilicet, quia alter nascendo, alter existit procedendo.* Verba ita sunt clara, ut expositione non egeant. Subdunt tamen Adversarii; quod Urbanus Pontifex, qui in Barense Concilio S. Anselmi doctrinam cum omnibus Concilii Patribus probavit, videtur etiam eorum sententiam probasse. IV. Damascenus lib. I. de fide c. 7. 9. 10. 11. & 18. vult, Spiritum Sanctum a Filio distingui, quia a Patre procedit; non filialiter, sed processibiliter. V. Athanasius Filium, & Spiritum Sanctum distinguit, quod unus ex utero sit, alter ex ore. VI. S. Thomas quod lib. 4. ar. 3. docet, rem distingui per suam formam non solum ab opposita, sed etiam a disparata; & assert exemplum saphiri, quem vult distingui per suam formam.

non solum ab aliis lapidibus, sed pariter a planetis: Unde concludit: *Sic ergo dicendum, quod Filius sua filiatione distinguitur quidem a Patre secundum oppositionem relativam filiationis ad paternitatem; sed a Spiritu Sancto distinguitur filiatione, per quod Spiritus Sanctus non habet filiationem, quam Filius habet.*

Respondemus ad I. quod utique Filius, & Spiritus Sanctus distinguuntur, quia diverso modo procedunt; attamen nequeunt diverso modo procedere, si Spiritus Sanctus a Filio non procedat; quae est responsio S. Thomæ q. 10. de pot. ar. 5. ad 2. Quod vero non possent diverso modo procedere, si Spiritus Sanctus a Filio non procederet, ostendit S. Doctor in corp. docens, quia ex æquo respiceret Patrem quantum ad originem, unde vel non essent duas personæ, vel esset ordo inter eos perfectionis secundum Arianos (qualis scilicet ab his heretice statuitur secundum majoritatem unius ad aliam, ut immediate antea explicat); vel esset inter eos materialis distinctione, quod est impossibile. Sic ex S. Thoma Cauvinus.

Ad II. Si valeret argumentum, quod ex verbis Nysseni Adversarii deducunt, posset etiam dici, quod si Spiritus Sanctus a Patre non procederet, etiam ab eo distinguatur per relationem disparatam; quod tamen Adversarii non dicunt, docentes, in illa hypothesi distinguiri per relationem originis, si non immediatam, sicutem mediataam. Cæterum Nyssenus intelligendus est de paternitate prout sibi identificat spirationem activam, & sic pariter debet intelligi de filiatione prout sibi eandem spirationem identificat; sive nihil ex illis verbis Adversarii in favorem suarum sententiarum inferunt.

Ad III. Dicit S. Thomas cit. loc. mentem Anselmi in lib. de process. Spir. Sanct. esse, ut prius ponat ea, in quibus nos convenimus cum illis, qui Spiritum Sanctum a Filio esse negant, & dicunt a Filio distinguiri; unde S. Doctor concludit: *Verba Anselmi inducta sunt magis, ut disputativa suppositio, quam veritatis definitio.* Nec credibile est, Anselmum ex sua propria opinione loquutum fuisse; quia aliter an siam dedisset Græcis in sua obstinatione persistendi, quando ipse tam acriter, ut omnes sciunt, contra Græcorum errorem dimicabat.

Ad IV. Damascenus, ut cum amice exponamus, intelligitur de processione utriusque, prout modo sunt; scilicet de Filio filia-

*filialiter*, quatenus filiatio sibi identificat spirationem activam; Spiritus Sanctus *processibiliter*, quatenus dicit spirationem passivam etiam a Filio. Quod si dicatur, Damascenus non admisit in Spiritu Sancto spirationem passivam a Filio; tunc respondemus, illius auctoritatem nobis non imponere onus, ut eam vel recipiamus, vel exponamus.

Ad V. Athanasius unum ex capitibus distinctionis intercedentis inter Filium, & Spiritum Sanctum exponit, sed non afferit, totam ipsorum distinctionem in eo solo capite consistere; nec pariter a Filio positive excludit rationem spirationis activae, quanvis expresse non innuat; immo supponit, quatenus loquitur de Filio prout nunc est.

Ad VI. Responder Cacheranus, S. Thomam loqui de filiatione non utcunque, sed ut cali, qualis de facto est; quæ quidem distinguunt Filium a Spiritu Sancto penes habere; & non habere, at hoc ipsum non habere filiationem convenit Spiritui Sancto ex vi oppositionis correlativæ fundatæ in processione a Filio; ideo negata oppositione correlativa, & processione Spiritus Sancti a Filio, filiatio evaderet diversa ab ea, quæ nunc est, nec amplius foret fundamentum distinctionis penes habere, & non habere, sed haberetur ab eadem persona filiatio, & spiratio passiva, sicut modo habetur ab eadem persona paternitas, & spiratio activa. Hæc Cacheranus.

Arguunt Rationibus I. Ideo in Patre relationes disparatæ non fundant distinctionem realem, quia in eodem principio non sunt incompossibles processiones illæ; sed in eodem supposito sunt incompossibles: ergo ratio deducta a Patre non valet in Filio. Probatur minor. Impossibile est, idem suppositum produci duplice totali productione passiva: ergo in eodem supposito sunt incompossibles duas relationes disparatæ, quanvis non sine incompossiblēs in eodem principio. II. Admittitur de facto realis distinctio inter filiationem, & spirationem passivam; sed hæ sunt relationes disparatæ: ergo de facto admittitur realis distinctio inter relationes disparatas: ergo quemadmodum admittitur de facto, ita in hypothesi admittit etiam debet. III. Constitutivum, cuiuscunq; rei est ejusdem distinctivum; sed filiatio est constitutiva Filii: ergo est ejusdem distinctiva a quocunque alio, & per consequens a Spiritu Sancto. Proba-

tur major. Quia rationale constituit hominem, pariter hominem ab omni eo, quod non est homo, distinguit. IV. Si Spiritus Sanctus procederet a solo Filio, etiam realiter distingueretur a Patre; ergo a pari si procederet a solo Patre, etiam realiter distingueretur a Filio. V. Ex hoc, quod Spiritus Sanctus active non generet, non infertur, quod passive generetur: ergo ex hoc, quod Filius active non spireret, neque infertur, quod passive spireretur. VI. Spiritus Sanctus non opponitur Patri ut generanti, neque opponitur Filio ut genito, & nihilominus neque a Patre participat generare, nec a Filio generari: ergo pariter Filius in hypothesi neque opponeretur Patri ut spiranti, neque Spiritui Sancto ut spirato, & nihilominus neque a Patre participaret spirare, nec a Filio spirari: unde distingueretur a Patre, & Spiritu Sancto, absque eo, quod spiraret, vel spiraretur.

Respondemus ad I. Non esse impossibile in creatis, eundem numero effectum posse duplice caussa totali per duplē actionem totalem produci, saltem de omnipotentiâ Dei; ut ex Physicis: ergo non est universaliter verum assumptum secundi argumenti. Attamen in casu dicimus, quod in nostra hypothesi relationes filiationis, & spirationis passivæ non essent realiter distinctæ, nec distinguerentur magis, quam modo distinguuntur paternitas, & spiratio activa. Si una ergo esset operatio, unum quoque esset suppositum. Responso est Cacherani.

Ad II. Idem Cacheranus ait, quod disparatæ relationes sunt duplicis generis; quædam sunt pure tales, carentes scilicet omni oppositione, tum radicali, tum formali; aliæ vero non sunt pure tales, quia licet careant oppositione formalis, habent tamen oppositionem radicalem. In hypothesi filiatio, & spiratio passiva essent relationes disparatæ primo modo; de facto sunt relationes disparatæ secundo modo. Nulla admittenda est distinctio realis inter relationes disparatas primo modo; admittitur tamen inter easdem secundo modo; sive non valet argumentum a relationibus disparatis, quæ de facto sunt in Filio, & Spiritu Sancto, ad illas, quæ in hypothesi in iisdem essent.

Ad III. dicitur ex Cauvino; quod constitutivum Filii est sola filiatio, at non sub hoc explicito tantum conceptu filiationis, sub quo dicitur ad Patrem, sed etiam sub implicito radicis, quo exigit, Spiritum San-

**S**anctum a Patre, & a Filio procedere. Adæquatum igitur constitutivum personæ Filii non est sola filiatio, qua præcise dicitur ad Patrem, sed conjuncta cum se ipsa ut radice processionis exigentia Spiritus Sancti a se ipso; quemadmodum paternitas non constituit personam Patris præcise sub hoc conceptu relationis ad Filium, sed conjuncta cum vi spirativa, qua respicit Spiritum Sanctum.

Ad IV. Negatur paritas; quia si Spiritus Sanctus non procederet a Patre immedia te, procederet ab eo mediate, quia procederet a Filio, qui a Patre producitur. Hæc mediate processio sufficit ad realem distinctionem inter Patrem, & Spiritum Sanctum; quæ quum non sit, nec esset in illa hypothesi, inter Filium, & Spiritum Sanctum, nulla proinde realis distinctio inter illos esset.

Ad V. Negatur consequentia. Ratio est, quia linea spirativa est posterior origine linea generativa; unde Patrem spirare est po-

sterius origine ad hoc quod est Filium nasci. Si Filius autem non acciperet a Patre vim spirativam, esset quia inter ipsos inveniretur aliqua oppositio; & ratione hujus oppositionis, si Filius non spiraret, recte inferretur, quod deberet passive spirari. Hæc autem oppositio non est in hac ratione inter Patrem, & Filium, est tamen inter Patrem, & Spiritum Sanctum, & inter Filium, & Spiritum Sanctum; & hæc est differentia, & disparitas inter utrosque ex eodem Cauvino.

Ad VI. Idem Cauvinus dicit, quod quum Pater sit principium fontale totius deitatis procedentis, necessario radicat vitam spirativam; pariter Filius quum sit genitus consubstantialiter a Patre, & a Patre accipiat illa omnia, in quibus illi non opponitur; accipit etiam ab illo vitam spirativam, utpote sibi non oppositam; unde utriusque est necessarium opponi intra hanc lineam cum Spiritu Sancto, quem producunt.

## DISSESSATIO CXXX.

*De Existentia Angelorum; de Heresibus contra illam, & de earundem Auctoribus; ac de illius probationibus, tum ex auctoritate, tum ex ratione.*



Ngelorum nomen exponimus primo, deinde rem, quæ sub nomine continetur. Angelus vox græca est, ἄγγελος, quæ latine vertitur, nuncius; derivata a græco verbo, ἀγγέλειν; latine nunciare. Non autem est nomen naturæ, sed officii: Unde Augustinus in psal. 103. *Spiritus Angelii sunt, & cum spiritus sunt, non sunt angelii; cum vero mittuntur, sunt angelii. Angelus enim officii nomen est, non naturæ. Queris nomen hujus naturæ? Spiritus est: Queris officium? Angelus est.* Concinit Ambrosius in c. 1. epist. ad Hebræos: *Angelus nomen officii est, non naturæ: Qui etiam semper sunt spiritus, sed non semper angelii vocari possunt. Queris hujus naturæ nomen? Spiritus est. Queris officium? Angelus; quia Angelus græco, Nuntius latine dicitur. Sic erit homo nomen naturæ, miles officii: Sic qui erant jam spiritus conditi a creatore Deo, facit eos angelos, mittendo eos nuntiare, quod jussit.*

Concinit & Gregorius magnus hom. 34. in Evangelante medium: *Angelorum vocabulum nomen est officii, non naturæ. Nam sancti illi cœlestis patriæ spiritus semper quidem sunt spiritus, sed semper vocari angelii nequaquam possunt; quia tunc solum sunt angeli, cum per eos aliqua nuntiantur. Unde & per Psalmistam dicitur: Qui facit angelos suos spiritus. Ac si patenter dicat: Quis eos, quos semper habet spiritus, etiam cum voluerit, angelos facit.*

Hinc nomen idem, tum in sacris, tum in profanis libris, aliis etiam tributum legitimus, et si spiritus non sint; quia officium, quod Angeli exercent, & propter quod Angeli dicuntur, exercebant. Mercurius a Græcis græco vocabulo dictus est angelus, quum Jovis nuncius esse putaretur. Eodem nomine iris, quæ serenitatis, & aurora, quæ solis, nunciarum sunt. Hæc apud prophanos Scriptores. In sacris vero Bibliis Malachiæ 2. Angelii nomen tribuitur Sacerdoti: *Lobia Sacerdotis custodiunt scient-*

*scientiam , quoniam Angelus Domini exercitum est. Matth. 11. a Christo Domino datur Joanni Baptista: Ecce ego mitto Angelum meum . Et Isai. 11. ipsemet Christus magni consilii angelus vocatur; quia , ut ait Basilius lib. 2. cont. Eunomium, Patris voluntatem Sanctis suis annuntiat . Et , ut alia omitamus , in Joannis Apocalypsi Episcopi Angeli appellantur c. 2. Angelo Epibesi Ecclesia scribe ; & num. 12. Et Angelo Pergami Ecclesia scribe ; & num. 18. Et Angelo Thyatira Ecclesia scribe ; & sic deinceps . Denique ex Irenæo lib. 4. advers. hæres. c. 79. advertimus , quod si angelii nomen piis hominibus datur , quando cœlestia annuntiant , datur etiam impiis , quando scelerum sunt ; & malorum operum hominibus ex Diabolo nuntiatoris ; unde dicuntur angeli Satanae , quod pariter in Evangelio observamus , quando legimus , & Matth. 25. Diabolo, & angelis ejus ; & II. ad Cor. 12. Angelus Satanae &c. Hæc de nomine sint satis.*

*Rem , quæ sub nomine continetur , modo exponentes , dicimus pro nunc , majora inferius dicturi , quando de Angelorum natura sermo erit ; quod Angeli sunt naturæ quædam intellectuales , quæ sunt mediæ inter Deum , & homines : Deo sunt quidem inferiores , superiores vero hominibus ; unde psal. 8. dicitur de homine: minuisti eum paulo minus ab Angelis; quemadmodum explicant ex Patribus non pauci . Etiam II. Petri 2. habetur : Angelis fortitudine , & virtute cum sint maiores , non portant &c. Gentiles Philosophi eos appellare consueverunt Intelligentias , Genios , Dæmones , Deos secundarios , cælorum animas , species separatas , motores cælorum &c. ; ut ex antiquissimo Ethnicon Theologo , ac Poëta , meminit Hesiodus in lib. 1. apud Petavium theolog. dogmat. t. 3. lib. 1. c. 1. n. 1. , & tit. 1. lib. 8. c. 4. : Ex ex nostris testantur Tertullianus in apologet. c. 22. , & Cyprianus lib. de Idolor. vanit. At in sacris libris , præter Angeli nomen , habent quoque alia ; nimirum , ut ait Rab. Moïses , Elohim , hoc est Deos , tanquam divini consilii participes ; & Augustinus lib. 9. de civit. Dei c. ult. ostendit , Angelos in Scripturis vocari Deos; ut quando dicitur in psal. 49. Deus Deorum Dominus loquens est. Vocantur etiam Spiritus ab Apost. ad Hebr. 1. Omnes sunt administratorii Spiritus in ministerium missi; quod quidem nomen , ut vidimus , naturam explicat , non officium . Unde Auctor libri de cœlesti*

Hierarchia , qui dicitur Dionysius Areopagita c. 2. Non existimemus cœlestes , ac divina specie præditos Spiritus &c. Et Tertullianus apologet. c. 22. Omnis Spiritus ales est ; hoc est Angeli , & Dæmones . Cæterum apud Hebraeos

מֶלֶאכִים,

hoc est ἀρχῆς , videlicet Nuntii , communi vocabulo dicti sunt ; & invisibilis substantia esse , seu Spiritus , reputati. Ad eorundem existentiam devenientes , errores contra illam enumeramus , & qui fuerint auctores , referimus ; ut postmodum existentiam ipsam , tum auctoritate , tum ratione , probemus.

Primo ponimus Atheos ; qui nihil , præter visibilia , & corporalia , credunt . Quum autem sint Angeli spirituales creaturæ , non generatione propagatae , sed a Deo omnes , & singulæ creatæ ; si illas Athei admitterent , omnino deberent concedere creatorum illarum , quem tamen , ut corrupto cordi assentiantur , cæca prorsus mente , inficias eunt .

Secundo sunt aliqui Ethnici Philosophi antiqui , quos memorat Aristoteles lib. 8. physic. tex. 52. , & 57. , & lib. 12. metaphysic. , & quorum meminit quoque S. Thomas lib. 2. con. Gentes c. 46. , & opusc. 15. c. 1. & 2. , & 1. p. q. 50. ar. 1. Ubi ait. Ignorantes vim intelligendi , & non distinguentes inter sensum , & intellectum , nihil esse existimaverunt in mundo , nisi quod sensu , & imaginatione apprehendi potest . Et quia sub imaginatione non cadit nisi corpus , existimarunt , quod nullum ens esset , nisi corpus .

Tertio adducimus Sadducæos , qui , ut refert S. Lucas Actor. 23. 8. neque resurrectionem fore credunt , neque Angelum esse , neque Spiritum . Cum Sadducæis Samaritani pariter conveniebant . Et adeo illis Spiritus idea impossibilis erat , ut Deum quoque corporeum esse sentirent ; ut testatur Epiphanius hæres. 14. , & Leonius lib. de Sectis . Hoc tamen mirum . Scriptoribus omnibus accedit , quod quum Sadducæi quinque Moysis libros recipient , seu Pentateuchum , Spiritus deinde , & Angelos negarent , quorum mentio in libris illis est pervia , & frequentissima . Immo magis admirari pergunt , observantes , quod Angelorum notitiam , quam Gentiles Philosophi sine sacrorum librorum adjutorio assequuti sunt , ipsime Iudei , quales erant Sadducæi , & Samaritani , cum suis quoque Bibliis assequi decretarunt .

Quarto

Quarto Georgius David, Delphis in Batavia natus, circa annum 1555. ex Sectariis Lutheri haud alteri secundus in impietate, & hæresi, negavit apertissime, Angelos esse. Testatur Cochlaeus de dictis, & factis Lutheri de anno 1545. ; pariter Lindanus in Dubitantio ; & Coecius lib. 4. de Angelis ar. 1.

Quinto Libertini statuunt, unum esse immortalem Dei Spiritum, qui omnia in omnibus operetur; unde Angelos nihil esse fingunt. Apud Coecium citatum referunt Joannes Calvinus, contra Libertinos, Lindanus in Dubitantio, & Præclus de hæresibus.

Sexto scribitur Andreas Hiperius, qui floruit 1560., & ex aliorum sententia lib. 2. methodi theologici afferuit, ut refert cit. loc. Coecius, at non explicans, num Hiperius sequutus fuerit errorem, quem narravit, an vero impugnaverit. Dicit enim: Nonnullos imaginari, Angelos esse mortui, vel affectiones animorum in nobis, qui tacite subinde irrepunt; bonos autem vocari, quando ad rem bonam, malos, quando ad rem malam, instituunt, vel exercent. Negant igitur spiritales, & per se subsistentes, esse substantias. „Ceterum hoc ipsum Sadducæos intellexisse, habemus apud Estium in II. dist. 2. §. 1. qui scribit. „Per Angelos non Spiritus, aut substantias, aut personas alias intelligi volebant, sed occultas inspirationes, quibus, quasi Dei nunciis, homines admonerentur voluntatis divinae. „

Septimo subdit idem Estius, quod Sadducæorum errorem ex parte resuscitarunt hodie Anabaptistæ, dum Angelorum custodiā, & Dæmonum oppugnationem, ad solas transferunt cogitationes, vel bonas, vel malas. Verum eidem Estio afferiri nullatenus possumus, quando afferit, quod nulli post Christum natum Hæretici leguntur eo progressi, ut cum Sadducæis Angelicam naturam prorsus negarent; quum ex iis, quæ modo retulimus, contrarium plane habeatur. Modo ad erroris impugnationem descendimus, Angelorum existentiam tum auctoritate, tum ratione, probantes.

I. Probatur ex veteris testamenti libris. Gen. 16. 7. Cum invenisset Agar Angelus Domini, dixit ad illam: Agar, ancilla Sarai, unde venis? & quo vadis? Qua respondit: A facie Sarai, dominæ meæ, ego fugio. Dixitque ei Angelus Domini: Revertere ad dominam tuam, & humiliare sub manu illius: multiplicans multiplicabo semen tuum, &

non numerabitur præ multititudine. Eæ sunt circumstantiae in hoc fatto, quæ nullatenus possunt internis motibus, aut cogitationibus, aut inspirationibus, applicari. Numer. 22. 31. Protinus aperuit Dominus oculos Balaam, & vidit Angelum stantem in via evaginato gladio, adoransque eum pronus in terram. Josue 5. 13. Cum autem esset Josue in agro urbis Jericho, vidit virum stantem contra se, evaginatum tenentem gladium, perrexiturque ad eum, & ait: Noster es, an Adversarius? Qui respondit: Nequaquam, sed sum princeps exercitus Domini, & nunc venio. Cecidit Josue pronus in terram, & adorans ait: Quid Dominus meus loquitur ad servum suum? Psal. 102. 20. Benedicite Domino omnes Angelos ejus; potentes virtute, facientes verbum illius, ad audiendam vocem sermonum ejus. Psal. 103. 4. Qui facis Angelos tuos Spiritus, & ministros tuos ignem urentem. Psal. 148. 2. Laudate eum omnes Angelos ejus: Laudate eum omnes virtutes ejus. Daniel 7. 10. Millia millium ministrabant ei, & decies millies centena millia affiebant ei. Tobia 12. 15. Ego sum Raphael Angelus, unus ex septem, quia sum ante Dominum. 18. Cum essem vobiscum per voluntatem Dei eram. 19. Videbar quidem vobiscum manducare, & bibere, sed ego eibo invisibili, & potu, quæ ab hominibus videri non potest, utor. Tempus est ergo, ut revertar ad eum, qui me misit. 21. Et cum hec dixisset, ab aspectu eorum ablatus est, & ultra eum videre non potuerunt. His addimus, & duos Angelos Sodomam missos; Gen. 19. & Angelum, quem deprecatus est Abraham, ut famulum suum, in Mesopotamiam missum, comitaretur. Gen. 24. Item Judic. 2., Iai. 6., Psal. 99. 7., & alibi passim; in quibus omnibus locis de Angelis Scripturæ divinae loquuntur, tanquam de personis, officia exercentibus, munera variæ obeuntibus, cum hominibus tractantibus, loquentibus, bellantibus &c.; quæ quidem omnia non possunt de motibus, cogitationibus, & inspirationibus, explicari.

II. Probatur ex novi testamenti libris. Lucæ 1. 26. Mense sexto missus est Angelus Gabriel ad Virginem, desponsatam Viro, cui nomen erat Joseph &c. Lucæ 12. 9. Ecce Angelus Domini stetit juxta Pastores, & claritas Dei circumfulsit illos, & dixit illis Angelus: Ecce evangelizo vobis gaudium magnum, quia natus est vobis bode Salvator. Et subito facta est cum Angelo multitudo militia caelestis, laudantium Deum, & dicentes

rium: *Gloria in altissimis Deo; & in terra pax hominibus bona voluntatis.* Heb. 12. 22. *Accessit ad multorum millium Angelorum frequentiam.* Et n. 13. *Ad quem autem Angelorum dixit aliquando: Sede ad dextris meis, quo ad usque ponam inimicos tuos scabellum pedum tuorum?* Nonne omnes sunt administratiorii Spiritus, in ministerium missi propter eos, qui hereditatem capient salutem? I. Petr. 3. 22. *Profectus est Christus in celum, subjectis sibi Angelis, & Potestatibus, & Virtutibus.* Apocalyp. 5. 11. *Et vidi, & audiri vocem Angelorum multorum in circuitu throni, & animalium, & Seniorum, & erat numerus eorum millia millium, dicentium voce magna: Dignus est agnus &c.* Eadem habentur Heb. 1. 14. Apocalyp. 22. 9. II. Petr. 2. Verba autem ita sunt clara: ut nullo modo possint ad motus, cogitationes, inspirationesque, detorqueri.

III. Ex Conciliis. Concilium Nicænum I., & Concilium Constantinopolitanum I. in Symbolo: *Visibilium, & Invisibilium.* Nominis creaturarum invisibilium veniunt Angelii. Expressius Concilium Lateranense IV. sub Innocentio III., & habetur in cap. firmiter &c. *Deus est creator omnium visibilium, & invisibilium, spiritualium, & corporalium, qui condidit utrunque naturam, spiritualem, & corpoream, angelicam videbit, & mundanam.* A Cardinale Brancato de Lauræa citantur hæc alia Concilia in sua Epitome Canonum verb. *Angelus.* Concilium Ephesinum generale I., ubi dicitur, quod Angelii nomen est officii, non naturæ. Concilium Bracarense I. c. 5. ubi habetur, quod Angelii non habent substantiam divinam. Concilium Romanum II. sub Zacharia, ubi legitur, quod Angelorum nomina non alia sint suscipienda, nisi quæ habentur in Scriptura; alia enim sunt nomina Daemoniorum.

IV. Probatur ex Patribus Græcis. Auctor libri de coelesti Hierarchia c. 2. Non existimus coelestes, ac divina specie præditos Spiritus, multis pedibus, multisque esse faciebus &c. Eadem scribit in eodem libro c. 4. Justinus Martir Dialog. cum Tryphon: *Quod quidam ederint Angelii scriptum est; non tamen eodem, quo nos, alimento utuntur.* Irenæus lib. 2. c. 6. Multi sunt, & innumerabiles circa Factorem Angelii, quemadmodum omnes confitentur Prophetæ, dena millium denum millium assistere ei, & multa millia millium ministrare ei. Origenes hom. 1. in Genes. Cum ea, quæ facturus erat Deus, ex spiritu constarent, & corpore, ista de causa in principio, & ante om-

nia, Cælum dicitur factum; id est omnis spiritusualis substantia, super quam, velut in throno quodam, & sede Deus quiescit. Eusebius Cæsariensis de demonst. evangelic. lib. 4. c. 1. *Cum Deus vellet divitiarum suarum cœburos pluribus impetriri, essetque jam omnem rationalem creaturam in lucem producturus, incipit pœnas videlicet quodam, atque intelligentes, & divinas potestates, Angelosque, atque Archangelos, materiæque expertes, & omni parte puros Spiritus præduxerit.* Basilius ad Psal. 32. *Angelos initio ut essent, Verbum opifex omnium condidit.* Nazianzenus orat. 38. *Primum angelicas, & cœlestes virtutes cogitavit.* Nyssenus or. 4. *Est autem angelica quidem incorporeæ, altera vero species nos homines sumus.* Chrysostomus ad c. 6. Isai. Seraphim Spiritus dicuntur Virtutes incorporeæ superne illius, ac numerosissima multitudinis, quarum virtutem, & beatitudinem, per earum nomen claturam, quis possit nosse?

V. Probatur ex Patribus Latinis. Tertullianus in apologet. c. 22., cuius verba recitavimus supra. Lactantius lib. 4. instit. c. 6. *Magna inter hunc Dei Filium, & cœstros Angelos differentia est.* Illi quidem ex Deo taciti Spiritus exierunt, quia non ad doctrinam Dei tradendam, sed ad ministerium creabantur. Ille vero cum sit & ipse spiritus, tamen cum voce, ac sono ex ore Dei processit. Hilarius ad Psal. 118. *Si enim Angelii parvolorum Patrem nostrum quotidie vident, qui in cœlis est, possumus testimonia eorum metuere, quos & nobiscum manere, & Deo quotidie scimus assistere.* Ambrosius ad c. 1. Lucæ: *Apparuit Angelus, & nunc præsto est, sed non videtur.* Neque enim in potestate nostra est videre, sed in potestate illius apparet. Tamen etsi potestas non est videndi, est gratia promerendi, ut videre possimus. Augustinus lib. 11. de civit. Dei c. 32. Ut volet quisque accipiat, dum tamen Angelos sanctos in sublimibus cœli sedibus, non quidem Deo coæternos, sed tamen de sua sempiterna, & vera felicitate securos, ac certos esse, nemo ambigat. Hieronymus ad psal. 46. *Deus sedet super sedem sanctam suam.* Angelii pro innocentia eorum dicuntur sedes, quia non peccarunt. Inde dixit: *Cœlum mihi sedes est.* Fulgentius de fide ad Petrum c. 3. *Ilos, quos terrenorum corporum gravat nulla lutulenta materia, id est angelicos Spiritus, quis non videat non unius naturæ esse cum Deo, sed factos ex nihilo?*

VI. Probatur ex antiquioribus Scholasticis. Magister Sententiarum in 11. dist. 2. *Sicut creata est spiritualis creatura, id est an-*

gatica, & corporalis'; Secundum quod accipi potest illud Salomonis: *Qui vivit in aeternum, creavit omnia simul; id est spiritualem, & corporalem creaturam.* Hugo Victorinus trac. 2. eruditionis theologicae c. 1. *Cum in Angelos, & Homines distincta sit rationalis creatura, primum de Angelis agendum videtur &c.* Albertus magnus ad c. 1. *Lucæ: Angelus definitive est in loco; & cum est in uno loco, non est in alio; & cum est in celo, non est in terra; & cum est in medio, non est in extremis.* S. Thomas 2. cont. Gent. c. 46. & 47., de potentia q. 6. ar. 10. p. 1. q. 50. ar. 1. & q. 52. ar. 2. *Esse in loco diversimode convenit corpori, & Angelu.* S. Bonaventura p. 2. Breviloquii c. 8. *Sicut Angelii a Deo aversi statim sunt oblinati per inpanitentiam, sio Angelii ad Deum conversi statim fuerunt confirmati per gratiam, & gloriam in voluntate.* Aegidius Romanus lib. 1. Hexamer. c. 15. *Prima fuerunt producti Angelii, postea fuerunt distincti.*

VII. Probatur ex Philosophis Gentilibus. Hostenes, antiquissimus Philosophus citatur a S. Cypriano lib. de Idolorum vanitate sub his verbis: *Magorum principis Hostenes, & formam veri Dei negat conspi- ci posse, & Angelos veros sedi ejus assistere, dicit.* Idem afferit in eodem loco de Platone Cyprianus: *In quo & Plato pari ratione consentit, & unum Deum servans, ca- seros Angelos, vel Dæmones, dicit.* De Platone testatur etiam Tertullianus in apologetico c. 22. Plato insuper testatur de Socrate; ait enim Ammonius in Comment. ad librum Aristotelis de Categoris in c. de substantia: *Interrogante Timaeum Socrate, quid est Deus?* Ait ille: *Quid non sit, equidem scio: quid autem sit, nescio.* Nam non esse corpus, neque colorem, neque Angelum, nec hujusmodi quicquam, sed bis omnibus praestare novi: *Quid autem sit, ignoro.* Et quanvis Plato Angelorum nomen non usurpet, sed Dæmonum, testatur tamen Augustinus lib. 9. de civit. c. 19., eosdem esse apud nos Angelos, qui apud Ethnicos Dæmones dicebantur: *Eosdem ab aliis Angelos dici, quos ipsi Dæmones nuncupant;* & ex Labeone refert. Augustinus insuper lib. 2. de civit. c. 14. de Labeone, & de aliis Ethnici Philosophis testatur. Aristoteles lib. 1. de Cœlo c. 9. ex motu cœlorum infert Angelos esse: Item lib. 8. Physicorum ait, astra ab Angelis moveri. Etiam lib. 12. Metaphys. eadem afferit: De Platone insuper, & Aristotele, testi- monium habemus S. Thomæ opusc. 15. c. 1. & 2.

VIII. Rationibus. I. Ex S. Thoma; quæ sic proponitur a Cauvino: Id, quod præci- pue intendit Deus in rebus creatis est bonum Universi consistens in assimilatione ad seipsum, sed perfecta assimilatio non habetur, effectu non imitante causam in eo, per quod causa agit, vel producit: ergo in Universo debet dari creatura sic imitans Deum; nempe intellectualis tantum, vel incorporeæ, aut complete spiri- tualis; sed hujusmodi creatura non potest esse, nisi Angelus: ergo &c. Minor sub- sumpta negari non potest, quia nos loqui- mur de majori assimilatione, quæ non in animabus rationalibus, sed in Angelis, verificatur. Sed de hoc fusius in solutio- ne argumentorum. II. Sine Angelis non habetur perfectio Universi; sed perfecta sunt quæcunque creavit Deus: ergo Universum creavit Deus perfectum: ergo in illo creavit Angelos. Major probatur: Sunt in mundo creaturæ pure materiales, & corporeæ, sunt creaturæ ex parte materiales, & corporeæ, ex parte vero immateriales, & incorporeæ: ergo debent esse pariter, ut mundus sit perfectus, creaturæ pure immateriales, & incorpo- reæ; sed isti sunt Angelii: ergo sine An- gelis non habetur mundi perfectio. III. Sicut esset improrium, quod Pictor ex- ponenter tabulam eximia arte depictam solis cæcis, & cæcutientibus; aut Musi- cus harmonici cantus chorum solis surdis, & surdastris: Ita fuisse Deo non con- veniens exhibere mirabilem mundi stru- cturam cæcis, & surdis, quæ sunt creaturæ materiales, & cæcutientibus, & surdastris, quæ sunt homines; & illam non exponere creaturis perfecte videntibus, & intelligentibus, quales sunt Angelii. Ita Esparza lib. 2. q. 1. ar. 18. IV. ex mira- bilibus, quæ operari videmus a Magis, & quæ naturæ vires superare cognoscuntur: Hæc autem dici non potest, quod ope- rentur a Deo, nec ab hominibus, nec ab animabus separatis: ergo a Dæmonibus: ergo ab Angelis. V. ex aliis, quæ operan- tur ab Energumenis & Arreptitiis, quæ nec pariter possunt auctorem habere, nec homines, nec animas separatas: ergo Dæ- mones: ergo Angelos. Hæc duæ ultimæ rationes a quibusdam tribuuntur naturali- bus causis, quibus non assentimur, ut mox videbimus. Assentimur autem iis, qui dicunt, nec has duas ultimas, nec priores alias esse rationes demonstrativas; ut sunt Estius, Frassen, Cacheranus, Jueninus, Vasquez, aliquie, contra quosdam Tho- mistas,

mistaſ , & præcipue contra Caſuinum, putantes , priuam S. Thomæ perfectam esse demonstrationem . VI. rationem Aristotelis ex Cœlorum motu peritam non approbamus , ut plerique etiam ex suis non approbaue; quia motus illi rectius ab aliis Philosophis refunduntur , ut ait Catheranus, vel in formam propriam corporum celestium, vel in impulsu corporibus celestibus a Creatore creationis initio impressum , vel immediate in ipsum Deum, Cœlos conservantem cum virtute illa, cum qua ipsos condidit. Et quia etiam multo plures sunt Angeli , quam Cœli; unde illi , qui supersunt , intelligentie Cœlorum non essent ; ac per consequens iuxta Aristotelis mentem orientarentur. A primo autem ad ultimum dicimus, allatas naturales rationes non ut demonstrativas nos proponere , sed ut mere probabiles; & sic eas intendimus quoque , & non aliter, sustinere .

Arguunt Adversarii I. Moifes in mundi creatione Angelos non recensuit ; debet tamen illos recensere , ne increati a Judæis crederentur : ergo si non sunt increati , nec pariter fuerunt a Deo creati: ergo non sunt. II. Angeli nec in Scripturis, nec apud Patres, habent nomen, quod ipsorum naturæ conveniat , sed tantum nomen , quod convenit ipsorum officio: ergo non sunt , quantum attinet ad naturam , sed solum quantum attinet ad officium . III. Ratio S. Thomæ pœnit a similitudine Universi ad Deum nihil probat pro intento : ergo inefficax. Probatur antecedens. Nullum agens per intellectum, & voluntatem sibi assimilat effectum in natura sua, sed tantum in idea , quæ est in ipso: ergo pariter Deus sibi assimilat effectus in idea . IV. Effectus Magorum agantur a multis , & dicuntur vel illusiones, vel apparentias , vel præstigia: ergo nihil ex illis infertur pro existentia Angelorum . V. Negantur etiam a plerisque mirabilia , quæ operari videmus ab Energumenis, dicendo quod proveniant vel a Deo, vel a naturalibus cauſis: ergo pariter nihil ex illis concluditur ad præfatae existentiae favorem . VI. Ex Augustino lib. de quantitate animæ c. 34. Quemadmodum fatendum esset animam humanam non esse Deum , ita præsumendum nihil inter omnia, quæ creavit , Deo esse propinquius: ergo non sunt Angeli ; quia si essent , Deo essent propinquiores anima . VII. Angeli non sunt præstantiores anima rationali: ergo secunda ratio a nobis allata corruit,

PAR. II.

Sequitur consequentia ; quia ex illa probatur existentia Angelorum , supponendo Angelos esse medios inter animas rationales, & Deum , adeoque animabus superiores, & præstantiores. Antecedens probatur ex S. Augustino cit. loc. *Aliquid effäderetur anima hominis, scilicet anima Bruti; aliquid par, ut Angelus, melius autem nihil.* Et lib. 3. de libero arbitrio: *Animas rationales superioribus Potestib[us] esse officio impares, natura vero pares.* Et lib. 83. qq. quest. 54. Nihil est melius anima rationali, nisi Deus . Et ex S. Bernardo lib. 5. de consider. c. 3. *Spiritus est Deus, sicut & Angeli, & bi super te, sed Deus natura; Angeli gratia superiores sunt.*

Respondemus ad I. Nihil Moifen de Angelis dixisse, quia Judæorum Populus non erat affuetus res spirituales audire , vel percipere , sed tantum corporeas , & materiales ; unde mias ap[osto]los putavit eos ad ipsorum intelligentiam. Responsio est S. Joannis Chrysostomi hom. 2. in Genesim dicentis : *Nihil de invisibilibus virtutibus differit, neque dicit: In principio fecit Deus Angelos, vel Archangelos. Non simpliciter, neque tamere, hanc nobis doctrinam paravit; Judæis enim loquebatur, qui toti presentibus rebus inhibabant, neque spirituale quicquam comprehendere valebant. Itaque eos a sensibilibus ad cognoscendum Universi Opificem inducit.*

Ad II. vel dicitur , quod officii nomen supponit naturam; ut quando dicimus Principem , Legatum , &c. supponimus hominem , qui est Princeps , vel Legatus ; non enim exerceri potest officium , quod personam exigit , ab eo, qui non est. Vel dicitur , quod officii vocabulum ad naturam translatum est , ut in aliis quoque observamus : unde factum est , quod Angeli communi vocabulo , tum in Scripturis , tum in Patribus , sive Latinis , sive Græcis , tum in Theologis, & in Scriptoribus omnibus , spirituales illæ substantiae vocarentur. Utraque responsio est Estii , Juenini , &c.

Ad III. Discrimen est inter agentia creata , & Deum ; nam illa quum producant effectus, non naturales, sed artificiales, non imitantur naturam , sed artem , & ideam sui . Non sic vero Deus, qui in effectibus suis intendit similitudinem suam imprimeret; unde Gen. 1. dixit de homine, quem creare volebat: *Faciamus hominem ad imaginem, & similitudinem nostram;* quæ quidem verba intelliguntur per intellectum, & voluntatem , ut cum S. Thoma commun-

B b 2

niter

niter explicant Theologi , hoc est .  
Ad IV. immerito tribuuntur causis natura-  
libus Magorum effectus ; vel enim pro  
naturalibus causis intelligunt irrationales  
creaturas , vel animas separatas . Non pos-  
sunt tribui irrationalibus creaturis ; quia  
istae verborum vim , quæ adhibentur a  
Magis , non praesentiunt ; nec pariter ob-  
sidere possunt signis quibusdam , pactis , ac  
foederibus , quibus utuntur Magi . Nec  
pariter animabus separatis adscribi va-  
lent ; quia animæ non habent , nec habe-  
re possunt , plus naturalis virtutis , quan-  
do sunt separatae , quam habeant , quando  
sunt corporibus unitæ . Sunt igitur Da-  
mones , quorum auxilium Magi implo-  
rant , & illis præsto sunt , ut operentur il-  
la , ad quæ per pacta , sive expressa , sive  
tacita , se obligarunt .

Ad V. Quæ vero operantur Energumeni ,  
majora sunt , quam quæ agi possint a crea-  
turis irrationalibus , vel ab animabus se-  
paratis . Non possint per has quidem igno-  
ritis , & alienis linguis , de repte , & ex-  
pedite loqui ; non possint res occultas , vel  
in longinquο positas manifestare ; non  
possint de scientiis , quas nunquam excœ-  
luerunt , ex professo tractare . Est ne-  
creaturarum irrationalium hæc facere ,  
quarum est incapax ipsarum natura ? Vel  
animarum separatarum hæc præstare , quæ  
corporibus unitæ omnino nesciebant .

Ad VI. Augustini auctoritas Angelos non  
negat , sed ad summum vel facit aequales  
animabus nostris , vel illis non tribuit ,  
quæ Scriptores alii ad eorum excellen-  
tiā adscribunt . Unde ex hoc potius  
Angelorum existentia confirmatur , quan-  
vis ipsorum præstantia diminuatur . Ve-  
rum , si bene Augustini verba intelligan-  
tur , nec etiam diminuitur ; quia non lo-  
quitur de naturæ , sed de gratiæ , dñis ,  
quæ aliquando in hominibus possunt esse  
aequalia , vel etiam majora , illis , quæ  
sunt in Angelis . Potest etiam dici , quod  
humanae animæ nomine intelligat sub-  
stantiam omnem spiritualem , qua vere  
nihil est , quod sit Deo propinquius . No-  
mine autem spiritualis substantiæ intelli-  
guntur etiam Angeli .

Ad VII. negatur , Angelos non esse natura  
præstantiores hominibus ; quia , ut de ho-  
minē dicitur psal . 8. , minoratus est pau-  
lo minus ab Angelis ; & ut Augustinus  
lib . 11. de Civit . c . 5. ait : Angelica natura  
omnia cetera , que Deus condidit , naturæ  
dignitate præcedit . Cæterum Augustinus  
ipse lib . 1. retractat . c . 26. explicans verba  
illa prædictæ quæst . 54. sic eadem emen-  
dere videretur : Vbi dixi , quod omni animæ  
melius , id Deum dicimus ; magis dici de-  
buit ; omni creato spiritu melius . Sic pa-  
riter intelligendus est Bernardus ,

## DISSESTITO CXXXI.

*De Auctore , & creatione Angelorum ; de erroribus  
antiquorum , & de sententiis recentiorum , circa  
illa ; & de loco , & tempore creationis  
ipsorum , juxta Patrum traditionem ,  
& Theologorum doctrinam .*

**A**ngelorum Auctorem Deum so-  
lum esse , de fide est ; at non  
ideo apud omnes hoc fuit adeo  
exploratum , ut errores contra  
hanc fidei veritatem non fue-  
rint . Fuerunt sane , & illorum , qui eos  
genitos dicere ausi sunt , & illorum , qui  
a Deo non creatos affirmare non erubue-  
runt . De his primo loco in hac Disserta-  
tione tractabimus ; postmodum de aliis ,  
quæ in ejusdem titulo præmisimus .

Primo ponitur Basilides , qui dixit , alias An-

gelos ex aliis esse natos , ac eorum quem  
libet unum fecisse cœlum , usque dum  
cœlos tercentos sexagintaquinque condi-  
sissent . Testantur Epiphanius , Phila-  
strius , & Theodoreetus , in Basiliis hæ-  
resi recensenda .

Secundo Faustus Manichæus singit Deorum  
agmina , & Angelorum cohortes innume-  
rabilis ; at negat hæc omnia fuisse a Deo  
creata , verum de sua substantia genuisse  
affirmat . Citatur Augustinus lib . 15. con-  
tra Faustum c . 5.

Ter-

**Tertio** Proclus Philosophus in Elementis Theologicis somnianavit, minores Angelos a majoribus generari. Refert Coccius lib.4. de Angelis ar.1.

**Quarto** Hermannus Risvuijch commentus est, Angelos, sive boni sint, sive mali, a Deo creatos non esse; quum hoc nullibi in Scriptura inveniatur. Ex Bernardo Lutzeburgio narrat Coccius cit. loc.

**Ex adverso** alii a Deo creatos Angelos volunt, sed ab æterno. Tribuitur I. hic error Platoni, qui, Augustino teste, lib.8. de civit. Dei c.14. 15. 16., docuit, Dæmones esse genere animalia animo passiva, mente rationalia, corpore aerea, tempore æterna. Nomine autem Dæmonum Angelos intelligit, ut in præterita Dissertatione diximus.

**Secundo** adscribitur Aristoteli; quia, quin posuerit mundum ab æterno, ab æterno etiam posuit cœlos, qui sunt mundi partes; & ab æterno quoque admittere debet Angelos, quos voluit esse Cœlorum intelligentias, & qui cœlos movebant.

**Tertio** impingitur S. Basilio hom.1. Examendicenti: Erat sane status quidam mundi generatione superior, abstractis illis a concrezione materiae potentissimis, mundo præstantioribus, pro decore accommodatus, temporis etiam conditione anterior, aeternus nimis, ac perpes.

**Quarto** imponitur Hieronymo sup. Epist. ad Titum c.1. scribenti: Sex millia nondum nostrum temporis complentur annorum, & quantata tempora, quantasque seculorum origines fuisse arbitrandum est, in quibus Angelii, Throni, Dominationes, caterique Ordines, Deo servierunt:

Verum utrumque Ecclesiæ Doctorem ab hac labe liberandum putamus, si pro primo dicamus, in ea fuisse opinionem, ut voluerit Angelos ante mundum, adeoque ante cœlorum motum, fuisse a Deo creatos; & quum tempus in cœlorum motu constat, si Angelii ante hunc motum creati fuerunt, fuerunt pariter ante omnem tempus creati. Quod autem ante tempus creatum dicitur, dicitur etiam largo modo aeternum; quatenus nimis, quod nullo tempore præcedatur. Pro Hieronymo vero dicimus, in ipsius verbis non legi aeternitatem creationis Angelorum, sed quod fuerint per longa tempora a Deo Angeli creati ante rerum omnium creationem; hoc autem non est, fuisse Angelos ab æterno creatos.

Dicimus ergo I. de fide esse, Angelos fuisse

a Deo creatos, & tempore, non ab æterno, creatos.

**I. Probatur ex Scripturis.** Esther 13. Tu fecisti cœlum, & terram, & quicquid cœli ambitu continetur; Dominus uniuscœlorum tu es. Quum ergo Deus fecerit cœlum tempore, non ab æterno, tempore pariter & ipse fecit quicquid cœli ambitu continetur, hoc est Angelos. Psal. 148. Laudate eum omnes Angeli ejus, laudate eum omnes virtutes ejus: Laudate eum sol, & luna, laudate eum omnes stella, & lumen: Laudate eum cœli cœlorum, & aqua omnes, quæ super cœlos sunt, laudent nomen Domini: Quia ipse dixit, & facta sunt; ipse mandavit, & erata sunt. Si creature aliae, quæ Deum laudant, a Deo factæ sunt, a Deo etiam facti suar Angelii; & si aliae tempore, non ab æterno creatæ sunt, tempore etiam, & non ab æterno, creati sunt Angelii. Joani.1. Omnia per ipsum facta sunt, & sine ipso factam est nihil. Ad Rom. 11. Ex ipso, & per ipsum, & in ipso, sunt omnia. Ad Coloss.1. In ipso condita sunt universa, sive throni, sive dominationes, &c. Omnia per ipsum, & in ipso creata sunt, & ipse est ante omnes. Ergo omnia a Deo creata, & tempore creata.

**II. Probatur ex Conciliis.** Concilium Nicænum I., & Constantinopolitanum I., In Symbolo fatentur, Deum esse creatorem visibilium, & invisibilium; nomine invisibilium veniunt Angelii. Concilium Bucarensis I. c.5. decernit, Angelos non habere substantiam divinam: ergo vult esse creature: ergo a Deo creatas. Concilium Lateranense IV. sub Innocentio III. in cap. firmiter, in quo legitur: Unum est universorum principium, Creator omnium visibilium, & invisibilium, spiritualium, & corporalium, qui sua omnipotenti virtute simul ab initio temporis utramque de nihilo condidit creaturem, spiritualem, & corporalem, angelicam scilicet, & mundanam; & deinde humanam, quasi communem ex spiritu, & corpore constitutam. Quibus verbis declaratur, & Deum creasse Angelos, & non ab æterno, sed tempore creasse. Concilium Constantinopolitanum generale VI. action. 11., in qua lecta est epistola Sophronii, & probata a Patribus omnibus. In ea autem epistola continetur, Deum condidisse omnia invisibilia, & visibilia, creaturem spiritualem, & corporalem, & omnia tempore, non ab æterno, creasse.

**III. Probatur ex Patribus.** Epiphanius. hæc ref.65. Clare indicat divina Scriptura, quod

ne-

neque post fyderis facti sunt Angelii; neque ante cælum, & terram; cum palam intrapsa mutabile sit dictum hoc, quod ante cælum, & terram, nihil erat ex creatis. Victor Antiochenus ad c. 12. Marci: Angelorum multitudo, tametsi ingens, per generationem non est multiplicata, neque unquam multiplicabitur, sed tantum per creationem. Theodoreus in Epitome divinorum decreorum c. de Angelis: Angelos, nec ut Generum Poeta, & Philosophi, in Deos referimus; nec in masculinum, & femininum sexum incorpoream naturam distinguimus; nec intemperantis coitus, qua sub aspectum non cadunt, Potestates accusamus; neque, ut statuunt Hæreticorum fabula, esse creationis efflores desinimus; neque coaternas esse dicimus Deo universorum, &c. Immortalis natura supervacanea est generis divisio; neque enim incremento opus habent, cum non diminuantur; neque coitu, cum sint a corporibus liberi. Cyprianus in proemio libri de Operibus Christi: Deus vero his omnibus (Angelis) non arctatur, sed excedens omnia, & aeternaliter antecedens potestas, & virtus, nihil habet coarctum, nec immensitas ejus profundum ulla creatura, vel cælestis, vel terrena, metitur. Ambrosius ad c. 1. ep. ad Hebr. Sic qui erant jam Spiritus conditi a Creatore, facit eos Angelos, mitendo eos nuntiare, quod iussit. Augustinus de Genes. ad liter. lib. 4. c. 24. Procul dubio universam creaturam, in qua ipsi (Angelii) sunt principaliter conditi, in ipso Verbo Dei prius neverant.

IV. Probatur Rationibus I. Si Angeli non fuissent creati, sed geniti, vel fuerunt geniti per externam generationem, vel per internam: Non per externam; quia non sunt corporei: Neque per internam; quia haec soli Deo convenit, qui est infinite intelligens: ergo non fuerunt geniti, sed creati: ergo a Deo creati; quia non est aliud vim creativam habens praeter solum Deum. II. Nulla creatura fuit ab æterno a Deo creata: ergo neque Angeli. Probatur antecedens. Omnia creavit Deus tempore; ut ex Scripturis, & Patribus innotescit: ergo nulla creatura fuit a Deo ab æterno creata. III. Ut Patres probarent contra Arianos Verbum esse Deum, hoc argumento utebantur; quia scilicet Verbum in divinis Scripturis dicitur æternum: ergo intelligebant Patres, æternitatem nulli creaturæ convenire: ergo neque Angelis convenit. IV. Deus creavit mundum ut opus suum præstantissimum, ac absolutissimum; ergo eum creavit ut

constantem ex creaturis omnibus, quæ ipsum componere debabant: ergo etiam ex spiritualibus creaturis, quales sunt Angelii. Probatur prima consequentia; quia aliter universum non fuisset integrum in sui productione, ne sis partibus æque constans. V. Angelii peccaverunt post creationem cælorum: ergo non fuerunt ab æterno creati. Antecedens constat ex Scriptura. Consequentia probatur. Non potuerunt Angelii ab æterno permanere in gratia, & postmodum peccare post cælorum creationem; quia status viae ipsorum non potuit esse ita longus, ut non solum excederet statum viae primi hominis, sed etiam omnium aliorum hominum: ergo, &c.

Opponunt I. Apostolus c. 1. Ep. ad Titum ait de Verbi Incarnatione: Quam promisit, qui non mentitur Deus, ante tempora secularia. Sed quibus promisit? Non hominibus; quia isti non fuerunt ante tempora secularia: ergo Angelis: ergo Angeli fuerunt ante tempora secularia: ergo fuerunt ab æterno. II. Job, 38. dicitur: Ubi eras, quando ponebam fundamenta terra.... cum me laudarent simul astra matutina, & jubilarent omnes Filii Dei? Sed isti sunt Angelii, ut communiter explicant sacri Interpretes: ergo Angelii jam erant priusquam mundus creatus esset: ergo ab æterno erant, quum Scriptura non affigat, quo tempore creati fuerint. III. Job, 4. dicitur de Behemoth, qui intelligitur Diabolus: Ipse est principium viarum Domini; id est creaturarum: ergo Diabolus fuit ab æterno creatus: ergo quoque Angelii cæteri omnes. IV. Clemens Romanus lib. 8. Constit. apost. c. 12. scribit: Deus, qui ante omnia, Cherubim, & Seraphim fecisti, & secula, & exercitus, virtutesque, & potestates, principatus, & thrones, Archangelos, & Angelos: qui fabricatus es post haec omnia hunc mundum, qui cernitur, & omnia, quæ in eo continentur; sed ante secula est æternitas: ergo Angelii fuerunt creati ab æterno. V. S. Damascenus lib. 2. de fide: Quidam dicunt, quod ante omnem creationem geniti sunt Angelii, ut Theologus dicit Gregorius. Primum quidem Deus excogitavit angelicas virtutes, & caelestes, & excogitatio opus ejus fuit; ergo ex mente Patrum Angelii ab æterno creati sunt. VI. Conveniens erat, ut Deus ab æterno laudaretur a creaturis suis; non a creaturis materialibus, quæ tempore creatæ sunt: ergo a creaturis intellectualibus: ergo istæ ab æterno creatæ sunt a Deo,

Re-

Respondemus ad I. Per verbum promisit non significari promissionem verbis alicui expressam, sed æternam Dei prædestinacionem de futura Verbi sui Incarnatione. Sic explicant verbum illud Chrysostomus, Anselmus, aliquie in locum illum. Et confirmatur explicatio ex verbis ejusdem Apostoli II. ad Timoth. c. 1. Secundum propositum suum, & gratiam, quæ data est nobis in Christo Jesu, ante tempora secularia.

Ad II. Angeli fuerunt a Deo creati cum omnibus dotibus intellectus, adeoque statim post eorum creationem Deum noverrunt, & laudaverunt; erantque pariter, quando Deus creavit Solem, Lunam, & astra; quia hæc non fuerunt primo die condita, quando creati sunt Angeli; ut mox dicemus.

Ad III. Behemoth secundum literam est Elephas, aut animal ex genere draconum; dicitur principium viarum Dei, non prioritate durationis, sed virtute corpori, squa aliis animalibus præstat, magnitudine scilicet, ac fortitudine. Si velimus autem intelligere de Dæmone, dicimus cum Beda q. 9. ex variis, Luciferum dici primum, ordinis prælatione, non temporis quantitate.

Ad IV. Non est ille verus Clemens Romanus, sed ficticius; non enim quod citatur, est opus ejus genuinum, sed suppositum; ut omnes scribentes de Scriptoribus Ecclesiasticis clamant. Cæterum verborum illorum legitimus sensus est, quod Angeli fuerunt creati ante res corporeas; quæ fuit sententia multorum etiam Patrum; de qua mox loquemur; non vero quod fuerint creati ab æterno.

Ad V. eadem est responsio; Non enim dicit aut Damascenus, aut Nazianzenus, quod ab æterno Angeli sunt creati; sed fuerunt creati ante omnem creaturam, vel ante omnem creationem. Si inferatur ex hoc: ergo ab æterno sunt creati; inepta est illatio; datur enim in tempore prius, & posteriorius, ut omnibus notum est.

Ad VI. Non indiget Deus creaturarum laude ad beatitudinem suam; sufficit enim ipse sibi. Nec beator, nec gloriösior, evasit postquam Angelos, & Homines creavit, quod prius erat. Communicavit uti que bonitatem suam in creatione rerum, sed ante illam pro pérfectione suæ bonitatis satis erat, quod poterat illam communicare quandoquaque veller. Et quia libere hoc faciebat, poterat a nemine cogi, ut creaturam aliquam ab æterno crearet.

Statuto jam, quod Deus, non ab æterno, sed tempore, Angelos creaverit, videndum superest, quo temporis momento creavit illos. Hoc ad fidem non pertinere plerique afferunt cum S. Thoma, & cum S. Bonaventura; alii autem volunt, de fide esse, saltem ad præsens; ut apud Estium legitur, & nos infra disciriemus. Apud Sanctos Patres tres inveniuntur sententiæ de hoc; quorum aliqui volunt, Angelos ante mundum corporeum fuisse a Deo creatos; & sunt Origenes, Nazianzenus, Basilius hom. 1. & 2. in Exameron; Hieronymus in c. 1. ep. ad Tit. Hilarius & alii, quos refert Sixtus Senensis lib. 5. biblioth. annot. 5. Alii vero tuentur, creatos fuisse post mundum corporeum, quemadmodum, dicunt, hominis anima post ejusdem corpus creata a Deo fuit; & sunt Gennadius, Achacius, aliquie relati a Lippomano in sua catena in Genes. Alii denique defendunt, creatos fuisse simul cum mundo corporeo; & sunt Epiphanius hæres. 65. Augustinus lib. 11. de civit. c. 9. Gregorius magnus lib. 32. moral. c. 10., & communiter omnes Scholastici cum Magistro Sententiarum in 2. dist. 2. S. Thoma 1. p. q. 61. ar. 3.

Dicimus II. Angelos fuisse a Deo creatos simul cum mundo corporeo.

I. Probatur ex Scripturis. Gen. 1. In principio creavit Deus cælum, & terram. Quid nomine cœli intelligatur, sunt deœm, & osti explicandi modi apud Ricciolum in Almagesto t. 2. pag. 2., quos nuper attulit Cherubinus a S. Joseph, Carmelita Discalceatus in summa criticæ sacræ disp. 1. ar. 2. In iis tamen legimus, quod nomine cœli intelligantur Angeli, est sententia, quam plurimi tuentur; scilicet Ambrosius, Augustinus, Gregorius magnus, Albertus magnus, S. Bonaventura, Lyranus, Tostatus, Hugo Victorinus, Alensis, Rupertus, Guillelmus Parisiensis, Ambrosius Catharinus, aliquie. Exod. 6. Sex diebus fecit Deus cælum, & terram, & omnia, quæ in eis sunt. Angeli autem comprehenduntur inter illa, quæ in cœlis sunt; quia Psal. 148. ii, quæ sunt in cœlis, Angeli adnumerantur. Item Genes. 1. Dixitque Deus: fiat lux. Nomen lucis intelligunt etiam plerique Angelos; & sunt præcipue Augustinus, Gregorius magnus &c. Verum etsi nomine cœli, & nomine lucis, non intelligantur Angelos; adhuc tamen ex verbis illis: in principio creavit Deus cælum, & terram; & ex aliis Psal. 101. initio tu Domine terram funda-

*fundasti ; eruitur sufficientissime, Angelos non fuisse creatos ante cœlum, & terram. Quum enim ibi dicatur, in principio ; & ibi etiam, initio ; hæc verba profecto significant ante omnia; ut explicat Augustinus lib. 11. de civit. c. 6. & probat ex aliis consimilibus verbis Proverb. 8. Dominus possedit me in initio viarum suarum, antequam quicquam ficeret a principio. Sic pariter exponit Rupertus lib. 1. de Vist. V. Dei c. 28. Immo ex præfatis Proverbiorum libris infertur quoque, Angelos non fuisse antequam cœlum, & terra fierent; quia aliter Sapientia Dei, quum vellet se ostendere priorem omni re creata, non dixisset, se fuisse ante creationem cœli, & terræ, sed potius ante Angelorum creationem. Quod quum non dixerit, dat nobis argumentum dicendi, Angelos non ante, sed post cœlum, & terram, fuisse a Deo creatos.*

**II.** Probatur ex Conciliis. Concilium Lateranense IV. sub Innocentio III. in c. firmiter, decernit : *Unum est universorum principium, creator omnium visibilium, & invisibilium, spiritualium, & corporalium, qui sua omnipotenti virtute simul ab initio temporis utrunque de nihilo condidit creaturam, spiritualem, & corpoream, angelicam scilicet, & mundanam; & deinde humanam, quasi communem ex spiritu, & corpore constitutam. Adnotandum est verbum illud simul, quod intelligi debet de simultate temporis; quod sequentia verba ostendunt; Deus simul ab initio temporis. Verum est, quod verbum simul aliquando accipitur in sensu collectivo, & idem sonat ac aque; ut quando dicitur psal. 48. Simul insipiens, & stultus peribunt; hoc est aque peribunt; eodem scilicet mortis fine, sed non eodem temporis momento: Attamen in allatis verbis accipitur in sensu temporali; quod patet non solum a verbis, quæ subjunguntur, & diximus; simul ab initio temporis: sed pariter ab aliis, quæ sequuntur; deinde humana &c. Verbum deinde significat etiam tempus, & temporis posterioritatem; unde omnia ad temporis simultatem referenda sunt, ad distinctionem illorum, quæ præfervunt temporis vel prioritatem, vel posterioritatem. Concilium Constantinopolitanum VII. act. 11. pariter indicat in epistola Sophronii, quam approbat, se probare simultatem creationis in Angelis cum mundo corporeo.*

**III.** Probatur ex Patribus. Epiphanius hæres. 65. *Hoc enim evidenter divinus sermo de-*

*clarat, neque post sydera productos Angelos: neque ante cœlum, terramque constitutos. Cyriillus Alexandrinus lib. 11. cont. Julianum: Primum, quod creavit Deus, fuit cœlum, & terra. Theodoretus q. 4. Quo ministerio fungebantur Angelii, qui creationem praecedeant, cum nullus esset, qui indigeret, ut adjuvaretur eorum opera? Augustinus lib. 11. de civit. c. 6. Porro si literæ sacrae, maximeque veraces, ita dicunt, in principio fecisse Deum cœlum, & terram, ut nihil annata fecisse intelligatur, quia hoc potius in principio fecisse diceretur, si quid fecisset ante cetera cuncta, quæ fecit. Beda t. 4. in Exameron. dicens, terram fuisse dictam inanem, & vacuam, quia carebat hominibus, & plantis; non sic vero dictum est cœlum; quia mox creatum suis incolis, hoc est beatissimis Angelorum Spiritibus repletum est; unde Moïses subdit: Perfecti sunt cœli, & omnis ornat us eorum. Gennadius Massiliensis lib. de dogmatibus ecclesiasticis c. 10. In principio creavit Deus cœlum, & terram, & aquam ex nihilo. Etcum adhuc tenebrae ipsam aquam occultarent, & aqua terram absconderet, facti sunt Angelii, & omnes cœlestes virtutes, ut non esset otiosa Dei bonitas.*

**IV.** Probatur rationibus. I. Angelii sunt pars Universi hujus: ergo simul cum hoc Universo creati sunt. Antecedens est certum, non enim seipso totum aliquod constituunt, quod sit ab hoc Universo distinctum, ac separatum. Consequentia probatur. Nulla pars, a suo toto separata, perfecta est; sed Angelii sunt pars universi perfectissima: ergo non debebat esse temporis aliquo intervallo a suo toto separata; aliter imperfecta fuisset, quod non est dicendum. II. Absolum est dicere, creatum fuisse mundum, & in mundo non fuisse qui Dum laudaret; sed hoc queretur admissa sententia dicentium, Angelos fuisse creatos post creatum mundum corporeum: ergo hæc sententia admitti non debet. Probatur minor. Quinque diebus illis ante hominis creationem quisnam laudabat Deum? Non homo, qui creatus fuit sexta die: Non Angelii, qui creati sunt post mundum: ergo Deus quinque illis diebus absque laudatore fuit in mundo, quum alias mundum ad sui gloriam manifestandam creasset. III. Sicut post terram Deus creavit hominem, ita post cœlum, vel in ipsam creatione cœli, creavit Angelos: ergo Angelii non sunt creati nec ante mundum, nec post mundum. Probatur antecedens. Sicut

**T**unc terra erat locus hominum, ita erat cœlum locus Angelorum; sed quia terra erat locus hominum, homo post terram creatam statim factus est; ergo etiam quia cœlum erat locus Angelorum, Angeli statim post creatum cœlum conditi sunt.

**I**V. probat Estius ex Cantico Ecclesiæ: *Gloria Patri, & Filio, & Spiritui Sancto: Sicut erat in principio, & nunc, & semper &c.* Hæc verba intelligenda sunt, in principio creatura; scilicet; ab initio, quo facta est creatura, fuisse Deum a creature, glorificatum; sed hoc verum non esset, si Angeli non fuissent prima die creati; quia non erat alia creatura, quam angelica, quæ potuisset laudare Deum. Unde sit, quod Angeli glorificaverunt Deum, ab initio creaturæ; hoc est nec ante mundum conditum, nec post ejusdem creationem; non ante mundum conditum, quia non glorificassent in principio, sed ante principium creaturæ: Non post mundum conditum, quia non fecissent in principio, sed in fine creationis creaturæ.

**O**bstant I. Ex S. Thoma omnes Græci Patres nostræ sententiæ opponuntur: ergo saltem ob reverentiam tot, tantorumque Patrum non esset nec a nobis, nec ab aliis defendenda. II. Celebriores Latini Patres nostram sententiam respnuunt; puta Ambrosius, Hieronymus, Hilarius; eam tamen totis viribus amplexantur in magno numero post Magistrum sententiarum, & S. Thomam, Scholastici, sed sanctis Patribus non sunt præponendi Scholastici: ergo Scholasticorum opinionem non debemus Patrum sententiæ præferre. III. Deus tot seculis ante mundi creationem non debebat esse otiosus; sed sic fuisset, si Angelos ante mundum conditum non creasset: ergo illos antequam conderet mundum creavit. IV. Si Deus Angelos cum mundo corporeo simul creasset, hoc sane expressissime Moïses, corporei mundi creationem describens; sed Moïses nihil de Angelis dixit: ergo Deus simul illos cum mundo corporeo non creavit. V. Incertum est apud nostræ sententiæ Affertores, quando Deus Angelos creaverit; si quidem dicunt quidam, illos intelligi nomine cœli, alii nomine lucis, alii nomine ignis, alii nomine aeris: ergo incertum est quoque, si non etiam falsum, saltem tamen improbabile, quod super incertum fundatur. VI. Angeli, quia sunt præstantiores inter cæteras creaturas, debebant priori loco creari,

*PAR. II.*

& ante ordinem illarum, ob eorum præ excellentiam: ergo non simul creati sunt cum creaturis.

**R**espondemus ad I. Traditionem Patrum tunc facere conclusionem theologicam, quando vel est omnium Patrum, vel majoris partis ipsorum. In casu autem non est sic; quia ex parte nostra in majori numero sunt Patres. S. Thomas docet quidem i.p. q.61. ar.4.: *Hieronymus loquitur secundum sententiam dñorum Græcorum*, qui omnes hoc concorditer sentiunt, quod Angeli sunt ante mundum corporeum creati. Sed ejus verba non sunt universaliter, ac cum exceptione, intelligenda; quia Epiphanius, Theodoretus, & alii plures apud Petavium, sunt Patres Græci, & tamen contrarium docent, & pro nostra stant sententia. Aliorum vero Græcorum Patrum, & præcipue Basili, Chrysostomi &c. verba non ita sunt perspicua, ut explicari non possint; & de facto a Theologis explicantur, ut videre quisquis poterit apud Petavium, Estium, Frazieri, Juenium &c.

**A**d II. Stat pro nostra sententia Augustinus, qui unus est pro multis. Sed stant etiam alii, quibus adjuncti Scholastici fere omnes, sententiam nostram probabiliorem oppositis reddunt. Sunt pariter, qui Hieronymi, & Bedæ, & Ambrosii verba ita exponunt, ut nostræ sententiæ contradicere non videantur. Non ergo nos præferimus Scholasticorum opinionem sententiæ Patrum; sed Scholastici ex oppositis Patrum sententiis, unam eligunt, Patrum etiam auctoritate vallatam, quibus nos adhæremus.

**A**d III. dicitur, quod si ratio valeret, sequetur, Deum ab æterno debuisse Angelos creare, ne momentum temporis esset, in quo Deus otiosus fuisset. Si enim Deus Angelos creasset ante mundum per decies centena millia secula, ante hæc secula otiosum dicendum est fuisse; quod nemo dicer. Responsio est Theodorei q.3. in Genes. Cæterum Deus nunquam est otiosus, quando intra seipsum operatur, & in se ipso ab æterno est, & solo se ipso beatus.

**A**d IV. aliqui dicunt, Moïsen non omisisse creationem Angelorum, sed eam expressisse vel sub nomine cœli, vel sub nomine lucis: & sunt Augustinus lib. de Genes. ad liter. Beda in Examer. aliique. Cæteri vero docent, omisisse, ne Judæis, qui rudes erant, & ad Idola inclinati, Idolatriæ occasionem daret. Nos vero cum

Cc alii

aliis dicimus ; quod omisit , quia sui instituti ratio de Angelis loqui non postulabat . Ut enim scribit Hieronymus ep. 139. solum voluit Moyses rerum corporalium creationem describere, a quibus Angeli alieni erant.

Ad V. non valet argumentum ad probandum incertitudinem substantiarum rei ex incertitudine circumstantiarum ejus. Multa enim sunt , quae certa habentur in sua substantia , quam certam utique reddunt, vel fides , vel experientia , vel naturalis ratio ; & tamen circumstantiae illorum sunt omnino incertissimæ . Et hoc præcipue habet locum in explicandi modis, qui varii possunt esse , secundum Scriptorum varietatem ; & tamen res, quae explicatur, non est dubia .

Ad VI. si argumentum valeret , nec etiam homo debuisset post cætera corporalia creari . Attamen Angeli creati sunt post creatum cœlum, quod ipsorum erat sedes; sicut homo post creatum mundum, in quo habitare debebat .

Controvertitur modo inter Scholasticos, an hæc sententia , qua diximus , Angelos simul cum mundo corporeo fuisse creatos , sit de fide ; itaut contraria dicenda sit , vel hæretica , vel erronea , vel saltem temeraria ? Gregorius Ariminensis , Ferrariensis , Melchior Canus , & alii nonnulli , docent , de fide esse . Alii vero magis communiter negant ; S. Thomas hujus est sententia , docens , quia de fide determinatum non est ; ac proinde contrarium nec esse hæreticum , nec erroneum . Plerique tamen distinguunt inter tempora , quæ Concilium Lateranense præcesserunt , & tempora , quæ subsequuta sunt ; & dicunt , quod vere temporibus illis non erat nec hæreticum , nec erroneum contrarium assertere , quia Ecclesia nihil definierat . At quia Concilium Lateranense definivit , post ipsum assertere illud idem , est hæreticum , erroneum , & omnino temerarium . Estio tamen non assentimur dicenti , quod S. Thomas , & S. Bonaventura, qui posteriores Concilio Lateranensi fuerunt , hanc quæstionem tractantes , decreti illius non fuerint memores ; & rationem subdit , dicens : „ Nam alioqui mentionem aliquam ejus fecissent , nec de sententia contraria , tanquam de libera opinione fuissent locuti ; quandoquidem & hi , qui etiam nunc fidei quæstionem , hanc esse negant, tamen propter verba decreti , saltem alicujus temeritatis notant dictam opinionem . „ Etenim S. Thomas

vere meminit Concilii Lateranensis ; & ipsius decretum explicavit ; ut docet Petavius dicens : „ At Sanctus Thomas in Opusculo , quo Decretalem illam exposuit , censet ita decretasse Synodus ad versus Origenis errorem ; qui spirituales creature solas , ac per se , ab initio conditas asserebat ; corporeas vero ex accidenti , non autem ex primaria destinatio ne , ut eo velut carcere Spirituum delicta plesteret ; contra quos Innocentius iter sanxit ; utramque simul , hoc est pari consilio , & primario constitutam a Deo , id que ab initio temporis , hoc est non ex omni æternitate . „ Etsi tamen , & Jueninus , hanc explicationem Cajetano , non S. Thomæ , tribuunt . Verum hæc explicatio nec satisfacit aliis , qui putant , initium illud temporis verborum Concilii , & que significare tempus creationis Angelorum , ac rerum visibilium ; ut nos paulo ante probavimus . Denique pro hoc nostrum est judicium , quod vere quæstio hæc ante Concilii Lateranensis tempus ad fidem non pertinebat ; unde salva fide pro utraque parte poterant Patres , & Scriptores , libere opinari ; post vero Concilium , quia Concilium non ex proposito hoc definit , sed quasi ex accidenti protulit , nec quoque expresse ad fidem pertinere ; attraenit negandum non est , quod contraria sententia , si non hæretica , nec erronea , est sine dubio praesenti tempore temeraria ; quod ex dictis patet .

Remaneat tandem , ut de Loco creationis Angelorum pauca dicamus . Existimant quidam Angelos fuisse creatos in cœlo Sydereorum , quod est proximum empyreo ; hujus opinionis est Frassen , qui Hieronymum pro se citat . Alii vero volunt , conditos fuisse in cœlo empyreo , quod est Beatorum sedes ; sic intelligit Etsius , qui S. Thomam pro se allegat . Quidam assertunt , non omnes Angelos fuisse in cœlo empyreo creatos , sed illos , qui mortui cœlorum deputati sunt , fuisse conditos unumquemque in suo cœlo , cuius motio ni deputatus est . Plerique creatos dicunt in aere ; uti sunt Rupertus , Eugubinus , &c. Denique non pauci sustinent , incertum esse locum creationis Angelorum ; quam opinionem communissimam profert Cacheranus , & eam ex professo tuctus Jueninus .

Dicimus III. Angelos fuisse creatos in cœlo empyreo .

I. Probatur . Nullus est Scripturæ locus , qui huic

Huic assertioni opponatur; nullum est Paratum testimonium, quod contra eam faciat; nulla est ratio convincens, quae pro oppositis opinionibus urgeat: ergo assertio nostra præ cunctis aliis est probabilior; quod solum nos intendimus. II. Omnes congruentiae pro nostra sententia faciunt; quod sic de singulis probatur: Summus locus deputandus erat creationi summae creaturæ; sed summa creatura est angelica, & summus locus est cœlum empyreum: ergo cœlum empyreum deputari debebat Angelorum creationi: Iterum; creatura spiritualis præsidet creaturæ corporeæ: ergo creanda erat in supremo corpore, in quo poterat toti naturæ corporeæ præsidere: Rursus; Homo si in innocentia permanisset, in meliori terræ parte habitasset; ergo quia Angelii in gratia permanserunt in digniori cœlo habitarunt: ergo in eodem cœlo creati sunt. Consequentia ultima probatur. Non enim Scriptura mentionem facit de translatione Angelorum, sicut narrat translationem hominis in paradisum: ergo quum Scriptura silent, quum silent traditione, quum ratio non convinçat, dicendum est, Angelos ibi creatoros fuisse, ubi habitarant, ut ubi habitare debebant. III. Beda in Genes. i. afferit, quod supremum cœlum, hoc est empyreum, a volubilitate mundi secretum est mox ut creatum fuit; unde eodem momento fuit Angelis repletum. IV. Lucas 10. Videbam Satanam sicut fulgur de cœlo cadentem; Isai. 14. quomodo cœdisti de cœlo Lucifer? Apocalyp. 12. factum est prælium magnum in cœlo. Scimus ab Adversariis in præfatis locis cœlum non explicari de empyreo, sed vel de aereo, vel de sydere; at non ita explicavit Augustinus lib. 11. de civit. c. 33. scribens; Sanctorum Angelorum societatem illam in cœlis Angelorum habitantem, istam, diabolicam, inde e cœlis cœlorum dejecit. Scimus pariter, verba illa ab Adversariis explicari de habitatione, non de creatione; sicut homo extra paradisum fuit creatus, & in paradyso habitavit: At non ostendunt de Angelis, quæ de primo homine narrantur; & quum non ostendant, non possunt absque claro, & solidi fundamento inter Angelorum creationem, & habitationem, distinctionem effingere.

Arguunt I. Isai. 14. In cœlum descendam; dicebat Lucifer: ergo in empyreo non habitabat: ergo in Empyreo creatus non fuit. II. Hieronymus lib. 6. in Isai. c. 14. dicitur

PAR. II.

Lucifero loquens; ale. Si adhuc in cœlo positus, quomodo dicit, ascendam in cœlum? Sed quia legimus, cœlum cœli Domino, cum esset in cœlo, in cœlum cœli, ubi solium Domini est, cupiebat ascendere, III. Si Angeli creati fuerunt in empyreo, habitarunt pariter in empyreo: ergo mali Angeli in empyreo quoque peccarunt; sed hoc indignum est dicere; quia esset ante faciem throni Deli peccare: ergo dici non debet, quod Angeli in cœlo empyreo creati sunt. IV. Angeli pro illo temporis momento, quo erant in via, non debebant esse in termino: ergo extra cœlum empyreum habitare debebant; quia cœlum empyreum erat terminus Angelorum bonorum, infernum vero malorum: Unde in altero cœlo præliaentes, in sydere scilicet, vel aereo, postmodum victores ad empyreum ascenderunt, vicii vero in infernum præcipitati sunt.

Respondemus ad I. Verba illa Isaiae non sunt proprie Luciferi, sed Babyloniorum Regis, Lucifer autem attribuuntur, & hoc propter ejus superbiam, cuius ratione de Rege illiq dicta sunt. Cæterum si Lucifer, & Angelis ejus tribuuntur, cœli nomine intelligunt Scriptores cœlum Sanctissimæ Trinitatis, cui aliquo modo se æquales facere volebant. Sic S. Thomas i. p. q. 63. ar. 4. Ad tertium dicendum, quod loquitur ibi non de cœlo aliquo corporeo, sed de cœlo Sanctissimæ Trinitatis, in quod Angelus peccans ascendere voluit, dum voluit aliquo modo Deo equiparari. Addimus, quod si verba illa proprie de Lucifero intelligi deberent, de eodem quoque sequentia verba intelligeremus: Nempe; Super astra Dei exaltabo solium meum &c. Ascendam super altitudinem nubium &c. Quod si hoc conceditur, sic argumentamur. Quia Lucifer ascendere volebat in cœlum empyreum, dicitur non in eodem cœlo creatus: ergo quia Lucifer volebat pariter ascendere in cœlum sydereum; super astra Dei &c. nec etiam in cœlo sydereo dicendus est creatus: ergo etiam, quia Lucifer volebat ascendere in cœlum aereum; super altitudinem nubium &c., nec quoque dicendus est in aereo cœlo conditus. Remanet ergo, ut in terra creatus fuerit; quod nullo modo Adversarii dictabunt.

Ad II. Cœlum cœli vel significat cœlum, Sanctissimæ Trinitatis, ut explicat S. Thomas, a nobis allatus, exponens verba illam, in cœlum descendam, quæ sibi exponenda assumit S. Hieronymus: Vel

Cc 2

cœlum

cælum cœli denotat omnes cœlos, ut habetur ex illo Psal. 113. Dicitur enim ibi cælum cœli prout oppositionem dicit ad terram; sed ad terram omnes cœli oppositionem dicunt: ergo per verbum illud omnes cœli significantur. Quod ibi dicatur cælum cœli per oppositionem ad terram, patet ex verbis illis Psalmi: *Cælum cœli Domino, terram autem dedit filius hominum,*

Ad III. Numquam potuit cælum empyreum Angelorum peccato contaminari; & quanvis ex sanctitate loci gravius reddatur peccatum, non per hoc tamen loci sanctitas peccati labem contrahit. Ezechiel. 28, Lucifero dicuntur verba hæc: *Tu Cherub extensus, & protegens, & posui te in monte sancto Dei..., & peccasti; & ejeci te de monte Dei, & perdidì te, o Chernub protegens &c.* Quibus verbis clare ostenditur peccati gravitas, quia commissum est in monte sancto Dei; at per montem sanctum Dei quodnam aliud cælum, quam empyreum, commodius potest in-

telligi? Et numquid per Luciferi peccatum mons sanctus Dei contaminatus est, ut non fuerit deinceps nec sanctus, nec mons Dei?

Ad IV. Etiam primus homo in paradiſo voluptatis peccavit. Unde per peccatum fuit ab illo dejectus. Quid igitur mirum, si Lucifer cum sociis suis in Empyreo conditus, postquam peccavit, meruit quoque, ut ab illo dejiceretur. Status autem viæ non desumendus est in Angelis. a loco, in quo erant, quando erant in via, sed a libertate merendi, & demerendi, in quo pro illo temporis momento inventiebantur. In quoquaque proinde loco essent, semper fuissent in via, dummodo fuissent liberi ad merendum, vel demerendum. Differentia tantum fuit inter bonos Angelos, & malos, quod boni, perseverantes in Dei obedientia, non sunt ejecti e loco illo, in quo erant; mali vero, ob inobedientiam, & rebellionem, ejeciti, in profundum inferni descendunt.

## DISSERTATIO CXXXII.

*De Natura Angelorum; de Philosophorum, & Hæreticorum, erroribus, & de opinionibus Patrum, circa illam; & quid modo catholica Fides nobis credendum proponat?*



Pirituales substantias Angelos esse usquemodo obiter diximus; nunc tempus est, ut hoc ipsum probemus, & ab adversantium vel opinione, vel erroribus, vindicemus. Attamen priusquam hoc a nobis praestetur, juxta nostram consuetam methodum, illos recensere oportet, quos, & erroribus, & contrariis opinionibus, aut ortum, aut sequelam, comperimus dedisse.

Primo ponuntur Sadducæi, & Athei; quatenus crediderunt, nullam esse in mundo spiritualem substantiam, ac proinde Angelos negarunt. Verum aliud est spiritualem substantiam negare, ac proinde Angelos quoque; aliud est Angelos admittere, at illos negare spirituales substantias esse. Primum examinavimus in Dissert. 130., & ibi etiam Sadducæos, &

Atheos, recensuimus. Unde hoc in loco, in quo illos adducimus, qui Angelos admiserunt, & spirituales substantias esse negarunt, locum vere non habent.

Secundo ex Philosophis ponitur Plato, qui, ex Augustino lib. 8. de civit. c. 14. 15. & 16. apud Coccum, dixit, Dæmones esse animalia genere, & animo passiva, mente rationalia, corpore aerea, tempore æterna. Plutarchus lib. 1. de Placit. Philosoph. c. 8. afferit, Platonem una cum Thalete, Pythagora, & Stoicis, Heroas putasse animas esse corporibus perfundas: ac bonos quidem esse animas bonas; malos autem malas: Porro Dæmones dixisse esse substantias animales. Refert Petavius lib. 1. de Angelis c. 1.

Tertio Philo Judæus Angelos, sive Dæmones, ut idem narrat Petavius, ejusdem atque hominum animos generis esse docuit; & animalium vocabulo, ac natura com-

complexus est. Subdens, quod Philo de somn. fol. 586. distribuit naturam animantium in rationalem, & rationis experientiam; priorem rursus in mortalem, & immortalem; mortalem, ut hominum; immortalem, ut animalium corporis experientiam, que in aere, ac calore volitantes, pravitate carent omni.

Quarto inter Haereticos est Mahometus, qui hoc etiam somniis suis adjunxit, Angelos nimirum ex igne creatos esse, & quemadmodum corpus hominis ex terra compactum est, ita etiam ex igne, seu materia, compactos Angelos, eosque peccare, & mori posse. Refert Coccius ex Joanne Cantacuzeno or. 2. cont. Mahometum, & ex Aenea Sylvio epist. ad Morbianum, Turcarum Principem.

Quinto adnumerantur Faustus Rheyensis, qui epist. ad Paulinum afferuit, Angelos esse corporeos; Psellus, qui lib. de Daemonibus Angelis corpora tribuit; Rupertus Tuitiensis, qui lib. 1. in Genes. c. 1. dixit, Angelos ex sua origine subtilia corpora habere; hi omnes apud Coccium leguntur. Apud Cacheranum vero inveniuntur Elias in orat. 1. Nazianzeni §. nihil enim mihi; Cassianus collat. 7. c. 13. Gennadius lib. de eccles. dogmat. c. 11. & 12.

Ad Patres modo devenimus; sed antequam illos recensemus, aliqua praemittere oportet. Primum est, quod nomen *Spiritus* quinque potest significaciones habere; nempe significat primo tenuissimas partes corporis organici, que si per nervos a cerebro emisisti permeant, vocantur spiritus animales, si per arterias, & venas a corde, vel ab hepatate transmittuntur, dicuntur spiritus vitales; secundo denotat ventum, aerem, ethereum &c. unde dicitur in Scriptura *spiritus procellarum*; & nos quando aerem trahimus, dicimus spirare, respirare &c., tertio importat animam, sive rationalem, sive sensitivam; unde Eccles. 3. habetur: *Quis novit, si spiritus Filiorum Adam ascendat sursum, & si spiritus jumentarum descendat deorsum?* quarto dicit substantiam incorpoream prout corpori crasso, & compacto ex carne, & ossibus componitur; unde Lucæ 24. legitur: *Palpate, & videte, quoniam spiritus carnem, & ossa non habet;* quinto significat naturam immaterialem, hoc est nulla constantem materia, nulloque corpore, quavis sit tenuissimum, ac subtilissimum. Secundum quod praemittimus est, substantiam omnino spiritualem tripliciter etiam accipi; primo nimirum

apud quosdam Patres spirituale idem sonabat, ac increatum; unde quia solus Deus increatus est, solum Deum spiritualem dicebant; & omne, quod creatum est, corporeum appellabant. Ita loquitur Hilarius cap. 5. in Matth. *Nihil est, quod non in substantia, & creatione corporeum sit,* sive in celo, sive in terra, sive visibilium, sive inuisibilium elementa formata sunt; nam & animalium species, sive obtinentium corpora, sive corporibus exulancium, corpoream tamen naturam sua substantiam fortiuntur; quia omne, quod creatum est, in aliquo sit necessarie est. Secundo alii accipiunt incorporeum pro illimitato, & sic videtur accipisse Eliam or. 1. Nazianzeni. Solus Deus circumscriptiois expers est, quia solus proprii corpore vacat; circumscripti autem Angeloi, quia nec incorporei proprie sunt, etiam si nostri respectu incorporei dicantur; & Faustus citatus, qui vult, Angelos, & animas esse materiales, eo quod locis circumscribantur. Tertio alii usurpat corporeum pro incommutabili; & hoc legitur apud Augustinum ep. 28. ubi postquam statuit animam esse corpoream, subdit: *Ne verbè controversiam vel superflue faciam, vel invitus patiar.* Si corpus est omnis substantia, vel essentia, vel si quod aptius nuncupatur, id quod aliquo modo est in se ipso, corpus est anima. Item si eam solam placet incorpoream appellare naturam, que summe incommutabilis, & ubique tota est, corpus non est anima, quoniam tale aliquid ipsa non est. Porro si corpus non est, nisi quod per loci spatium aliqua longitudine, latitudine, altitudine ita sustinet, vel moveatur, ut majori sui parte maiorem locum occupet, & breviore breviorem, minusve sit in parte, quam in toto, non est corpus anima.

Deberemus hic quoque Spiritus essentiam inquirere, ac stabilire; sed quum eam in Physicis explicatam, ac probatam, supponamus, non puram hinc necessarium repetere, quae alibi dicta supponuntur, & quae hic vere locum non habent. Ceterum in quoquaque consistat Spiritus essentia, quando de Angelo probamus Spiritum esse, illud quoque Angelo essentialiter convenire, probandum est. Sive ergo Spiritus essentia consistat in penetrabilitate, sive in indivisibilitate, & extensione, sive in esse intellectivo; ut plerique volunt; sive in intellectione actuali, ut defendit Cartesius; sive in penetrabilitate ad libitum, ut P. Magnus tuerit; has omnes rationes necesse est ut probemus convenire Angelis, relista post-

postmodum quæstione, quænam ex his ut essentia, quænam ut proprietas, conveniat; quæ certe ad præsens nostrum institutum non facit. Nos enim hic quærimus tantum de natura Angelorum; an ea scilicet sit materialis, an immaterialis; an Angelus sit spiritus, an corpus; an sit compositum, an simplex. Ulterius dupliciter res aliqua potest dici spiritualis; primo quod non sit corpus; secundo quod nullum ordinem dicat ad corpus; ordinem vero ad corpus dupliciter etiam potest dicere; & ut forma corporis, dicit ordinem ad corpus tanquam ad materiam, faciens cum eo compositum; & ut operans utatur corpore tanquam instrumento ad operandum, itaut non possit sine instrumento hoc suas operationes exercere. Et quia dicemus, Angelos esse natura spirituales; hoc ipsum intelligemus, & prout spirituale opponitur corpori, & prout non constat ex spiritu, & corpore; & prout demum non indiget corpore ut instrumento, per quod suas naturales operationes exerceat; & hoc est esse substantiam omnino spiritualem, & pure spiritualem.

Ex una parte modo scribemus Patres illos, qui spirituali substantiæ Angelorum se visi sunt opposuisse; & quos explicare, & sano modo intelligere poterimus, sic omnino intelligemus; quos nulla eos excusandi vel recto sensu interpretandi spes affulgeat, dicemus qualitatè temporum concessisse, quibus non adeo perspectæ erant res, vel ad fidem, vel ad Scripturas, vel ad dogmata, spectantes, ut modo perspicuae, firmæ, ac communiter receptæ, manifestantur. Ex altera vero parte adducemus Patres, qui eidem Angelorum spirituali substantiæ suffragium tulerunt, eam scriptis suis amplectentes, exponentes, & aliquando etiam propugnantes.

Primo nobis occurrit Justinus martir in Dialogo cum Tryphone, qui putavit Angelos corporibus esse præditos, cibum sumere in cœlo, nobis incognitum, sed quem nominat Scriptura psal. 77. *panem Angelorum*; apud homines vero fuisse aliquando visos comedere, sed re vera non comedisse; & si dictum fuerit, quod comedent, intelligendum est, ut de igne dicimus, combustibilia devorare.

Secundo Origenes lib. I. Periarchon c. 6. dicit, quod solius Dei est proprium, ut sine materiali substantia, & absque ulla corporea adjunctionis societate intelligatur subsisteret.

Et lib. 2. c. 8. dicit: *Non videri absurdum de sanctis Angelis, ceterisque cœlestibus virtutibus, vel dicere, vel sentire, illos animas habere.* Hæc & similia dicunt, Origenem ex Platonicorum philosophia desumptissimæ, quæ quidem nullam admittunt excusationem. Cœterum idem Origenes lib. 6. cont. Celsum, ut testatur Peravius, afferit verbis sequentibus, Angelos carere corpore: *Nos corpoream substantiam non putamus igne conflagrare, neque in ignem resoluti hominis animas, vel Angelorum, sive thronorum, aut dominationum, aut principatum, aut potestatum, substantiam.* Tertio Clemens Alexandrinus lib. I. Pædagog. c. 6. inquit, manna esse cibum Angelorum. Item in fine Operum ejus leguntur quædam excerpta ex scriptis Theodoti, in quibus Angeli dicuntur corporei. At non putamus hæc somnia Clementem approbasse; quia aliter approbasset etiam quæ in eadem libro continentur deliramenta; scilicet Angelos, animas hominum, & ipsum Dei Verbum, cœlestia corpora habere, formosa, & intelligibilia. Quod vero dixit de Angelorum cibo, quod sit manna, potest pariter symbolice intelligi, & explicari.

Quarto Basilius lib. de Spiritu Sancto c. 16. docet de Angelis. *Substantia quidem ipsorum spiritus putatur placere, aut ignis expers materia..... Ideo & in loca sunt, & siue aspectabiles, in specie priorum corporum iis, qui digni sunt, apparere.* At si miti interpretatione utamur, explicare possumus Basilius, dicendo, quod metaphorice loquatur, illo quidem modo, quo loquitur Psalmus, cuius verba ipsemet citat, subdicens immediate ad priora verba: *Secondum id, quod scriptum est: Qui facit Angelos suos spiritus, & ministros suos ignem urentem.* Quomodo enim potuisse corporeros dicere Angelos, quos materia dicit expertes? Per verba posteriora intelligit propria corpora, hoc est propria repræsentative, non vero propria entitative; quatenus scilicet sunt sua propria illa corpora, quæ ipsos repræsentant, & non alios. *Quod magis confirmatur, quia idem Basilius in homil., in qua probat, Deum non esse malorum auctorem, Angelos vocat intelligibilem creaturam, & eos a corporeis distinguit:* Ibidem eosdem in fine nominat *naturam corporis expertem*: In lib. 4. cont. Eunomium eandem dicit *corpore carentem, & ratione prædictam*: Et in cit. lib. de Spiritu Sancto c. 16. paulo ante allata verba dixerat: *esse cœlestes*.

*lestes virtutes puras, & intellectu præditas,  
ac supra mundum sitas.*

Quinto Cyrillus Alexandrinus lib.9.in Joan. docet, solum Deum esse incorporeum. At incorporeum, ut paulo ante diximus, accipitur vel pro increato, ut explicavimus S. Hilarium; vel pro illimitato, ut intelleximus Eliam; vel pro incommunabili, ut interpretati fuimus Augustinum: Unde nil vetat, ut pariter sic pro Cyrillo intelligamus. Et sic intelligentes, re vera solus Deus est incorporeus. Immo ex ipsomet Cyriollo patet, quia ideo dixit, solum Deum esse incorporeum, quatenus solus ipse circumscribi non potest, quum cætera circumscribantur, quia corpora sunt; unde incorporeum accipit pro immenso, quod non circumscribitur a loco; & idem est ac illimitatum in loco;

Sexto Athanasius sic naturam Angeli definit: *Angelus est animal rationale, materia expers, hymnis Deum prædicans, immortale.* Sed primo dicitur, hæc verba desumpta esse ex Quæstion. ad Antiochum; at hic liber Athanasio est suppositus, ex concordi Criticorum mente. Secundo pro animali intelligitur vivens; aliter quomodo verificaretur, esse animal, & esse materiæ expers? Tertio si esset animal, esset compositum ut homo, ex corpore, quia animal, ex anima, quia rationale; quomodo autem esset immortale, vel incorruptibile, saltem ab intrinseco?

Septimo Tertullianus lib. de carne Christi. c. 6. inquit: *Constat Angelos carnem non propriam gestasse, ut puta naturæ substantia spiritualis; & si corporis alicuius, sui tamen generis; in carnem autem humanam transfigurabiles ad tempus; ut videri, & congrèdi cum hominibus possent.* Et lib. 2. cont. Marcionem c. 8. Nam et si Angelus, qui seduxit, sed liber, & sua potestate qui seductus est: sed imago, & similitudo Dei fortior Angelo; sed ad fatus Dei generosior spiritu materiali, quo Angeli constituerunt. *Qui facit, inquit, Spiritus Angelos, & apparitores flammam ignis.* At quis non videt, Angelis tribuisse in prioribus verbis, aliorum corpora, suam vero substantiam spiritualem, Tertullianum appellasse? In posterioribus vero verbis animam dixit adflatum, & Angelum spiritum, phrasi utens Scripturarum, quæ ad metaphoram in hoc loquuntur sunt; ut nuper de Basilio explicavimus.

Octavo Hilarius in cap. 5. March. hæc scribit: *Nihil est, quod non in substantia sua, & creatione corporeum sit; & omnium sua*

*in celo, sive in terra, sive visibilium, sive invisibilium elementa formata sunt. Nam & animarum species, sive obtainientum corpora, sive corporibus exulantum, corpoream tamen naturæ sua substantiam sortiuntur; quia omne, quod creatum est, in aliquo sit, necesse est. Et ad calcem lib.2. de Trinit. Spiritus nec circumscribitur, nec tenetur, quia per natura sua virtutem ubique est. Si, ut diximus, incorporeus aliquando sumitur pro increato, quid mirum, si corporeus pro creato intelligitur? Et si Spiritus accipiebatur pro illimitato, seu immenso, consequenter quod limitatum erat non spiritus dicebatur, quia loco circumscribi oportebat. Et hæc verborum Hilarii germana est intelligentia.*

Nono Ambrosius lib.2.de Abraham c.8.dum confutaret sententiam Peripateticorum, qui dicebant, Cœlum constare quintæ substantia quadam, quæ esset diversa ab illa quatuor elementorum, inquit: *Nos autem nibil materialis compositionis immune, atque alienum putamus, prater illam solidam veneranda Trinitatis substantiam, quæ vere pura, & simplex sinceræ, impermixtaque naturæ est.* Dicunt, quod per hæc verba intelligat Ambrosius, omnes creaturas, sive Angelos, sive coelos, sive animas, ex illa eadem materia constare, ex qua omnia elementa constant. Attamen non sic explicant plerique, sed dicunt, solum Deum, intellexisse Ambrosium, nullam in se admittere compositionem; creaturæ vero omnes aliquo modo compositæ sunt, vel ex substantia, & accidenti spiritualibus, ut ajunte Aristotelici, vel ex esse, & essentia, vel ex genere, & differentia, &c. Et sic pariter intelligunt Damascenum lib. 2. de fide orthod. c.3. hæc scribentem: *Comparatione quidem nostrorum corporum Angelii spiritus sunt; sed comparatione summi, & incircumscripsi spiritus, sunt corpus.* Et quanvis Ambrosius dicat materialis compositionis; tamen materia largo modo accipitur, prout scilicet significat subjectum, cui juxta Aristotelis hypothesis accidentia inhærent.

Decimo. Augustinus multis in locis de Angelorum natura loquutus est; & præcipue in psal.85. docet, dum homo vivit, vitam habere, sed vitam hanc esse mortuam, & corpus mortuum; quia comparatum corpori illi, quod futurum est; qualia sunt Angelorum corpora. Item lib.2. de Trinit. c. 7. dicit Angelos, corpus suum; cui non subduntur, sed subditum regunt, in species, quas uelint, accommodare. Insuper ep.115. respondit:

spondet Nebridio, & ait: *Nequaquam est absurdum eos, qui aereo, vel ethereo corpore aliiquid in corporibus agunt, qua naturali ordine penetrant, longe majori uti facultate ad movendum quicquam volunt.* Et ser. 102. de diversis facit comparationem inter celeritatem motus cælorum, & corporis angelici. At hæc omnia faciliter negotio explicantur; dicendo scilicet, quod pleraque Augustinus ex aliorum, non ex propria, sententia scripsit; alia dubitando, non afferendo, protulit; & alia demum expresse docuit pro spiritualitate Angelorum, & ea retractavit, quæ forsitan contra illam antea docuerat. Quæ ut videantur, noramus loca, in quibus ipse scripsit, quæ nos pro ipsius defensione induximus. In Enchiridio c. 59. se exprimit dicens, difficultiam esse de corporibus Angelorum quæstionem. In lib. 1. retract. c. 26. retractat quod dixerat in lib. 83. qq. q. 67., scilicet, quosdam Angelos ad animalium instar vivere; retractat quidem tanquam dictum audacius, & sine fundamento. In lib. 21. de civit. c. 10. afferens, Dæmones ex aere constantia habere corpora, subdit: *Si autem quisquam nulla habere corpora Dæmones affererat, non est hac de re aut labandum operosa inquisitione, aut contentiosa disputatione certandum.* In lib. 3. de Genes. ad literam c. 10. agens de Angelorum corporibus, dicie: *Si hæc ita sint.* Dubitando etiam loquitur lib. 15. de civit. c. 23. & epist. 157. Verum in ep. 174. clarius se explicat, dicens: *Nam hoc nomen, quod spiritus dicitur, non secundum id, quod referatur ad aliquid, sed secundum id, quod aliqua natura significatur, omnis incorporeæ natura spiritus in Scripturis appellatur.* Unde non tantum Patri, Filio, & Spiritui Sancto, sed omni rationali creature, & anima, hoc vocabulum congruit. Igitur per Augustinum Angelus est spiritus, sicut est anima; at per eundem anima est merus spiritus, dictus spiritus humanus, a corporeo, idest a vento, distinctus; ut docet lib. 2. de Trin. c. 18., ep. 28., ep. 157., & in tract. ad psal. 145. ergo, &c. Item Augustinus lib. 2. retract. c. 11. negat, Angelos habere animam: aut igitur Angelii per ipsum erunt mera corpora, aut erunt meri spiritus: non mera corpora; ut ex ipso afferit Clidianus contra Faustum. lib. 3. de statu animæ: ergo erunt meri spiritus.

Undecimo Petrus Chrysologus ser. 52. afferit, Dæmones habere corpus aereum. Cassianus Collat. 7. c. 13. dicit, & Angelos;

& animas hominum, esse corpora; ut nos etiam in hac Dissertatione adnotamus. Fulgentius in lib. de Trinit. docet, Angelos constare ex spiritu incorporeo, & ex corpore. Maximus Taurinensis hom. de S. Michaeli, pariter corporeos Angelos esse vult. Gennadius, de quo etiam diximus, in lib. de ecclie. dogmat. c. 11. & 12. profert, omnia esse corporea, praeter solum Deum. Rupertus in lib. 1. de Trin. c. 11. Angelis tribuit corpora aerea, vel ætherea. Bernardus idem docet lib. 5. de consider. c. 4. Arnobius in disp. cum Serapione de Deo trino uno dicit, Angelos, & animas esse corporeos. Sed hi omnes Patres facile etiam explicantur, & ad catholicum sensum reducuntur. Petrus Chrysologus similitudinem auræ spirantis Angelis tribuit propriæ motus velocitatem; dicit enim: *Velut aura spirans orbem totum temporis transeat in momento: respicit autem ad illud psalmi: Qui facit Angelos suos spiritus,* &c. Cassianus accipit incorporeum pro immenso, & corporeum pro limitato, quod sit circumscriptive in loco; dicit enim cit. loc. solum Deum esse incorporeum, quia est ubique, & omnino penetrat. Fulgentius loquitur de corporibus, quibus Angeli aliquando hominibus apparent; ait enim; & ex corpore, per quod ex tempore hominibus appareat. Maximus intelligendus est de habitibus, quibus apparent Angelii vestiti, quando hominibus se videndos exhibent; de palliis enim, & de tunicis loquitur, non de corporibus. Gennadius accipit corporeum pro limitato, & incorporeum pro illimitato, & immenso, ut diximus. Rupertus inquirendo loquitur, non affirmando; et si alibi affirmat, metaphorice intelligendus est, ut intelliguntur verba psalmi, quibus innititur. Bernardus se explicat ser. 5. in Cant. se dubitando loqui de Angelorum substantia; dicit nanque: *Ceterum angelica corpora veramnam ipsis spiritibus naturalia sint, sicut hominibus sua.... Nolo, ut a me requiratis. Videntur Patres de hismodi re diversa sensisse, nec mihi perspicuum est, unde alterum doceant, & nescire me fateor.* Arnobius demum expresse loquitur de modo standi in loco; unde dicit: *Quicquid mensuram habet, corpus est, non humanus, sed divinis oculis patens.* Immensus autem, & incorporeus solus Deus est. Omnes enim Angelii a Deo facti inveniuntur habentes. En quomodo accipit incorporeum pro immenso, illimitato, in creato; corporeum vero pro limitato, & pro creato.

Duo-

Duddecimē ponuntur duo recentiores, Catheranus scilicet, & Eugubinus; ille in adnotat. ad c. 2. ep. ad Ephes., iste in lib. 8. de perenni philosophia c. 26. Petavius dicit, quod de solis Dæmonibus ita senserint, quorum naturam ab Angelorum bonorum conditione secernunt veteri aliqui Patres. Eliam illum, quem posuimus n. 5. inter Hæreticos, ut re vera ponit Catheranus, excusandus etiam venit; uti cum explicavimus nuper, antequam ad Patres recensendos deveniremus; ubi etiam expositus Fauskum, quem quoque in eodem numero ex Coccio reposuimus; sicuti modo saniori modo intellectimus Gennadium, & Rupertum, in eodem catalogo recensitos.

Dicimus modo, Angelos esse omnino incorporeos, & pure spirituales.

I. Probatur ex Scripturis. Psal. 103. *Qui facis Angelos tuos Spiritus.* Quæ verba sic explicantur a Nazianzeno or. 34., & a Damasco lib. 2. de fide c. 3. Eos, quorum substantia spiritus est, & quorum natura spiritualis est, facis ministros tuos, & nuntios tuos, & exequutores mandatorum tuorum. Apostolus ad Hebræos 1. hæc eadem verba reportat: Et ad Angelos quidem dicit. *Qui facit Angelos suos Spiritus, & ministros suos flammam ignis.* Ibidem Apostolus: Nonne omnes sunt administratōrī spiritus? Et ad Ephesios 6. Non est nobis colūctatio adversus carnem, & sanguinem, sed adversus spiritualia nequitia in cœlestibus. Matth. 8. Ejiciebat Spiritus. Lucæ 10. Spiritus subjiciens vobis, & c. 11. Assumit septem alios Spiritus nequiores se. In iisdem Scripturis nomen spiritus Deo, & animæ hominis tributum, omne corpus excludit; ut quando dicitur Joan. 4. *Spiritus est Deus;* & 1. ad Cor. 4. tradere bujusmodi Satana in interitum carnis, ut *spiritus salvus fiat in die Domini:* ergo quando etiam Angelis datur, excluditur orans ratio vel corporis, vel ordinis ad corpus, vel corporeitatis, vel cuiuscunq; materialis compositionis.

II. Probatur ex Conciliis. Concilium Lateranense IV. sub Innocentio III. in c. firmiter habet: *Vnum esse universorum principium, cratorem omnium spiritualium, & corporalium, qui sua omnipotenti virtute simul ab initio temporis utranque de nibila condidit creaturam, spiritualem, & corporalem, angelicam videlicet, & mundanam, & deinde humanam, quasi communem ex spiritu, & corpore constitutam.* Verbis hisce primo decepuntur, animam esse cre-

tam; ergo non productam ex aere, vel ex æthere; secundo, esse spiritum, & spiritualem, sicut spiritus, & spiritualis est anima humana; sed anima humana est pure spiritualis, & incorporea; ut definitum est in Concilio Lateranensi VI. sub Leone X. ergo pariter Angeli; tertio doceatur, hominem esse substantiam medium inter substantiam angelicam, & substantiam humanam; sed ideo est substantia media, quia humana nihil habet de spiritu, & angelica nihil habet de corpore; homo vero habet de utroque: ergo vere Angeli sunt substantiae pure spirituales, & incorporeæ. Concilium Nicænum I. act. 2. in professione fidei Sophronii probat, quod ibidem dicebatur, nimirum; animas rationales, & Angelos positos in eodem ordine intellectualium, seu spiritualium substantiarum: ergo vere Angeli sunt pure spirituales, ut sunt animæ rationales. Concilium Nicænum II. generale VII. act. 4. in professione fidei Angelos vocat incorporeos: *Veneramur imagines Sanctorum, & incorporeorum Angelorum,* utpote qui tanquam homines figura humana justis apparuerunt. Concilium Ephesinum I. probans Epistolam Cyrilli ad Reginas: *Angeli carent carne.* Concilium Bracarense I. c. 5. *Angeli non habent substantiam divinam.* Hæc duo postrema Concilia referuntur a Cardinali Branca de Lauræa in sua Epitome canonum, verb. Angelus.

III. Probatur ex Patribus. Ignatius martir in ep. ad Trallenses vocat Angelos Cœlites incorporeas maturas. Gregorius Thaumaturgus, vel quisquis est auctor homiliae in Theophania inter Opera Chrysostomi t. 7. pariter nominat incorporeas virtutes. Didymus lib. 1. de Spiritu Sancto inter Opus. Hieronymi: *Spirituales substantias non circumscribi loco, & finibus, tamen proprietate substantia finiri;* has autem spirituales substantias Angelos esse dicit. Basilius lib. de Spir. San. c. 1. incorpoream substantiam Angelos esse ait. Nyssenus lib. 12. cont. Eunomium incorpoream creaturam appellat. Nazianzenus or. 34. in intelligibilem, & incorporam vocat. Eusebius Cæsariensis lib. de demonstr. evang. c. 1. nominat incorporeas quasdam, & intelligentes, ac divinas virtutes, Angelos, & Archangelos, materia carentes, & puros omnino spiritus. Chrysostomus hom. 22. in Genes., & hom. 1. in Matth., & lib. 1. ad Stagirium, inquit: *Fecit Angelos, & Arcangelos, ac reliquias incorporeorum substantias.*

Dg Hie-

Hieronymus ep. ad Avitum confusat Originem, docentem Dæmones ob delitta corporibus esse vestitos. Leo magnus ep. ad Tauribium, quæ est 93. c. 6. *Fidem veram*, quæ est catholica, omnium creaturarum, sive spiritualium, sive corporearum, bonam consideri substantiam. Gregorius magnus moral. lib. 4. c. 19. *Angelus nanque solummodo spiritus est; homo vero & spiritus est, & caro.*

**IV. Probatur Rationibus.** I. Productio creature omnino incorporeæ fuit Deo possibilis, & conveniens: ergo est de facto. Probatur antecedens; tum quia non est chimæra creature omnino incorporea: ergo est Deo possibilis; cum etiam quia universi ordo exigebat, ut quemadmodum erat creature omnino corporea, & creature ex parte corporea, & ex parte incorporea; ita etiam esse deberet creature omnino incorporea. Consequentia sequitur. II. Ubi datur unum extremum, & medium, debet dari aliud extremum; sed inter creaturas datur unum extremum, hoc est substantia corporea, & medium, tempore substantia composita ex corporeis, & incorporeis: ergo dari debet aliud extremum, videlicet substantia pure incorporea. III. Per corpus non differunt Angeli ab hominibus, si corpus haberent: ergo ejusdem speciei cum hominibus essent. Probatur antecedens. Ipsorum corpus esset aereum, vel æthereum, hoc est subtilius humano corpore, quod est crassius; sed subtile, & crassum non differunt specie: ergo &c. IV. Multæ sunt implicantiæ, quare Angelorum corpus non possit esse aereum; sed qui corpus Angelis tribuunt, aereum dicunt: ergo si aereum non habent, corpus non habent. Probatur major. In corpore aereo non possunt esse organa, & nervi, quæ exiguntur ad motum; non est nisi unum elementum; & unum elementum non facit corpus etherogeneum, sed homogeneum; quod in rigore non est compositum; constat ex particulis flexilibus, quæ sunt pronae ad dissolutionem: &c. V. Angelus deberet habere corpus humano corpore præstantius; sed corpus aereum est humano corpore inferius: ergo &c. Probatur minor. Quia corpus aereum est corpus elementare, corpus humanum est corpus mixtum, seu compositum; hoc autem est perfectius illo. VI. Si Angeli essent corporei, quando in terram descendunt, aut debet cœlum scindi, aut Angelus cum cœlo penetrari; nullum

ex his admittendum est: ergo &c. VII. Si Angeli haberent corpora, moverentur corpora in instanti; & aer deberet simul speriri celerrime, & celerrime claudi, hec autem fieri non possent sine magno sibili, & sonitu, quem nunquam percipimus. VIII. Luce 6. habemus integrum Dæmonum Legionem in uno hominis corpore fuisse; sed si Dæmones corpora haberent, hoc incredibile esset; ut ait Richardus Victorinus lib. 4. de Trinitate: ergo &c.

**Arguunt I. Concilium Nicænum II. a. 3.** probavit Dialogum Joannis Thessalonicensis, in quo Sanctus cum Gentili disputat; & Sanctus pro Christianis loquens primo dicit, Angelos, & Archangelos esse corporeos, quum solus Deus sit incorporeus: *Solus revera Deus incorporeus, & incircumscribens est. Intelligibiles vera creatura non penitus incorporeæ sunt.* Secundo dicit, Angelos circumscribi posse, quia sunt corporei: *Ideo in loco sunt, & circumscriptiuntur.* Tertio intendit, Patres, qui dicunt, Angelos esse incorporeos, intelligi debere de carentia corporis crassi, solidi, & impenetrabilis, non vero corporis subtilis, quod ex elementis non constat. Quarto affirmit, Angelos in propriis corporibus visos fuisse aliquando ab hominibus: *In sp. tis propriorum corporum visi sunt ab iis, quorum Deus oculos aperuit.* Quinto assertit, Basilianum, Athanasium, & Methodium, cum ipso sentire. Perfecto Dialogo, Tarasius, Patriarcha Constantinopolitanus, hæc dixit: *Ostendit Pater, etiam Angelos oportere pingui, quoniam circumscripsi sunt, & hominum specie multis apparuerunt.* Tota autem Synodus ad Tarasii verba conclamavit: *Sancta Synodus dixit: Etiam Domine.* II. Angeli, præcipue Dæmones, habent cum rebus quibusdam materialibus, vel amorem, vel odium; sic Dæmon recedebat a Saule, quando David citharam pulsabat; apud Tobiam Dæmen quoque fugatus est fumo jecoris piscis; Delrius testatur lib. 2. disp. magic. q. 30. Dæmones exagari ad odorem rutæ, balneorum, stercoreis caprini &c. Hi autem, & his similes effectus, in Angelis ostendunt corpoream naturam; quia aliter ad corporea inclinationem, & amorem non haberent; nec pariter a corporeis quid sibi contrarium patarentur. III. S. Gregorius magnus hom. 10. in Evangel. nominat Angelum rationale animal: ergo secundum ipsum habet Angelus & corpus, per quod est animal, & ani-

& animam, per quam est rationalis. IV. Nullum mutabile est simplex; sed Angelus est mutabilis ex sua natura: ergo non est simplex, sed compositus; sed quod est compositum, & mutabile constat ex materia, quæ est principium mutabilitatis, & compositionis: ergo &c. Argumentum est S. Bonaventuræ. V. Angeli Genes. 6. dicuntur, quod habuerint carnale commercium cum hominibus, & filios genuerunt: ergo non sunt pure immateriales. VI. Angeli apparent cum corporibus humanis: ergo vere habent corpora. Antecedens patet ex variis Scripturarum locis, in quibus dicitur, Angelos visibiliter hominibus apparuisse, comedisse, bibisse, aliquos fuisse &c.

Respondemus ad I. Tarasium non probasse omnia, quæ scripta erant in Dialogo Joannis Thessalonicensis, sed tantum quod Angeli poterant pingi, quia multis apparuerunt, non sub propria, sed sub aliena specie, scilicet hominum specie. Hæc sunt verba Tarasi. Offendit Pater, etiam Angelos oportere pingi, quoniam circumscripti sunt, & hominum specie multis apparuerunt. Et quum hæc sola probaverit Tarasius, hæc etiam sola determinavit Concilium; subdit enim ad verba Tarasi: Sancta Synodus dixit, etiam Domine. Cætera autem, quæ Joannes Thessalonicensis dixerat, remanserunt in privatæ opinionis linea ejusdem Joannis, cuius non est tanta auctoritas, quæ tot Sanctis Patribus, quot recensuimus, præferri debeat.

Ad II. dicimus, quod effectus illi non proveniunt ex vi naturalis oppositionis inter res ipsas, & Daemones; sed vel quia

Deus rebus illis utitur tanquam instrumentis ad hoc assumptis ad Daemones abigendos; vel quia movetur ex sanctorum hominum, aut Angelorum, virtute, & sanctitate; ut in Davide, & in Raphaele, contigit; vel quia demum moventur per res illas hominis obfessi humores nocturni, quibus infidet Daemon, & iisdem ad hominem vexandum utitur; ut Frassen responderet.

Ad III. diximus etiam nuper, animalis nomine venire vivens; ita ut per animal rationale intelligatur vivens rationale; quod multis probat Petavius, ad quem Legentes, qui plura cupiunt, remittuntur.

Ad IV. responderet in suis principiis Frassen, negando minorem subsumptam; quia Angeli, inquit, sunt mutabiles secundum perfectiones accidentales; & sic compositionem habent, non solum ex essentia, & existentia, sed etiam ex subjecto, & accidente. Et sic, ait, explicando esse Augustinum, & Boetium, quos S. Bonaventura in probationem suæ sententiae laudat.

Ad V. & VI. responsiones peculiaribus Dissertationibus dabimus, quas mox instituemus.

Quæ diximus de natura Angelorum multorum est sententia ad fidem pertinere; unde contrarium ad hæresim trahunt: Alii vero temeritatis tantum censura inurunt. Nos distinguimus & ante Concilium, & post Concilium Lateranense IV. ut in præterita Dissertatione diximus. Hinc nostris temporibus præcipue putamus, catholica fide credendum esse, Angelos esse pure, & omnino spirituales, & incorporeos!

## DISSESTITO CXXXIII.

*De carnali cum mulieribus commercio, quod Angelis falso tribuitur; germana Scripturarum intelligentia afferitur; Errores proscribuntur; Patres vindicantur.*

 N libro Genesis c. 6. v. 1. & 2. hæc leguntur: Cunque capiissent homines multiplicari super terram, & filias procreassent, videntes filii Dei filias hominum, quod essent pulcræ, acceperunt sibi uxores ex omnibus, quas elegerant . . . . Gigantes autem PAR. II.

erant super terram in diebus illis. Postquam enim ingressi sunt filii Dei ad filias hominum; illaque genuerunt, isti sunt potentes a seculo viri famosi &c. Et quia in quibusdam Codicibus habebatur loco filii Dei, Angelii Dei; & Philo pariter lib. de Gigantibus, sic legit; inde fuit, quod Patres

Dd 2 qui-

quidam lectionem hanc amplectentes, occasionem aliis dederunt credendi, quod vere Angeli cum mulieribus congressum habuissent, & ex illis Gigantes genuissent. Patres, qui illorum Codicum, & Philonis, lectionem amplexati sunt, fuerunt, Eusebius lib. 5. de præpar. evangel. c. 4. Augustinus lib. 15. de civit. c. 23., aliqui. Fuerunt præterea alii Patres, qui non legerunt, sed interpretati sunt verba illa *Filios Dei* pro Angelis; nimirum Chrysostomus hom. 22. in Genes. , & Theodoretus interrog. 47. Verum non omnes in eandem abierunt sententiam; quia quidam credentes, Angelos esse corporeos, ut afferit Cornelius a lapide, voluerunt, hoc primum suum peccatum luxuriæ in corpore admisisse, & ob hoc fuisse cœlo dejectos. Hujus opinionis nominat ex Judæis Josephum, & Philonem; ex Christianis vero Justinum apolog. 1. Clementem Alexandrinum lib. 3. Stromatum, Tertullianum lib. de habitu mulierum, Laetantium lib. 2. c. 15. Alii vero dixerunt, filios Dei, scilicet in natura, esse Dæmones, qui ex se, suaque natura, & corpore, homines, instar hominum, generarunt; & opinionis hujuscemodum vult, Platonicos, & Franciscum Georgium tom. 1. probl. 74. Præter hos memorat Burgensem, & Franciscum Valesium c. 8. sacræ philosophiæ, qui afferuerunt, esse Dæmones, primum succubos, a potentissimis viris validissimum semen excipientes, & postmodum incubos semen illud in validissimas foeminas transfundentes, Gigantes hoc modo generantes. Et quanvis Pererius dubitet, an ex incubis Dæmonibus generari possit homo, quod Cyrillus negat; affirmant tamen Cardanus, Cajetanus, & probat insuper Delrio lib. 2. Disquisit. magic. q. 15. Hæc omnia apud A lapide.

Attamen Natalis Alexander in hist. eccl. vet. test. t. 1. disserr. 7. prop. 1. alios addit iis, quos Cornelius enumerat. Scilicet, Athenagoram in legation. pro Christianis, Cyprianum lib. de discipl. & habit. Virginum, Minutum Felicem in Octavio, Ambrosium lib. de Noe, & arca c. 4. , & lib. 1. de Virginibus. Sententia nihilominus communis, & vera est, quod nomine filiorum Dei vocati sunt filii Seth; tum quia ob sanctitatem, justitiam, temperantiam, cæterasque virtutes, Dei imaginem sic in scipis præferebant, ut Filii Dei meruerint dici; & sic intelligunt Chrysostomus, Cyrilus, Hilarius, Theo-

dorus, & Rupertus; tum etiam, quia juxta hebraicam phrasim omnia fortia, magna, & egregia, dicuntur esse Dei; ut montes, & cedri, altissimi, & maximi, vocantur montes Dei, cedri Dei; ita pariter filii Seth vocantur filii Dei, quia robusti viribus, forma pulcherrimi, statura proceres; & hujus opinionis est Olearius. Filii vero, & filiae Cain dicebantur filii, & filiae hominum; tum quia perversi, mali, & terrenis rebus erant additi; tum etiam quia robore, pulcritudine, procere statura, prædicti non erant; unde ob immodicam libidinem, quam exarcuerant, generandi virtutem non habebant, nisi ut foeminas, non autem mares, adeoque filias, non vero filios, generarent. Sunt præterea alii, qui per filios Dei vertunt filios potentum; ut sunt Symmachus, Pagninus, & Chaldei; & filias hominum intelligunt mulieres plebis, quibus viri potentes per superbiam, & tyrannidem abutebantur. Et hujus opinionis est Molina; ea fretus ratione, quia Deus a prævidendo, & providendo sic dicitur; unde potentes, atque regnantes, Dii pariter appellantur; & hoc pacto Moises Deus Pharaonis dictus est: *Constitui te Deum Pharaonis*. Genes. His positis.

Dicimus, nomine filiorum Dei non intelligi nec Angelos, nec Dæmones, sed tantum filios Seth; unde Angeli nullum cum mulieribus habuerunt carnale commercium; ut proper hoc dici possit, corporeos esse.

I. Probatur. Matth. 22. 30. *In resurrectione neque nubent, neque nubentur, sed erunt sicut Angelii Dei in cælo*; sed in illis Genes. verbis dicitur, quod filii Dei elegerunt sibi mulieres, sibi easdem matrimonio conjunxerunt, illarum pulcritudine capti, cum iisdem proper matrimoniū firmum, & stabile, cohabitationem fixerunt: ergo verba illa de Angelis intelligi nullo modo possunt.

II. Probatur. Filii Dei, qui filias hominum sibi in uxores junxerunt, illi fuerunt, quibus Deus in eodem loco maledictionis suæ poenam inflixit; sed isti fuerunt homines, non Angelii: ergo filii Dei, cum Filiabus hominum copulati, non fuerunt Angelii, sed homines. Major est certa; non enim poena, ibidem comminata, alios percutere debuisset, quam quos ibidem peccantes descriperat. Minor probatur verbis illis, quæ subjunguntur: *Dixitque Deus: Non permanebit spiritus meus in homine in æternum, quia caro est; eruntque dies illius*

*illius centum viginti annorum. Quæ quidem verba homines afficiunt, non Angelos; dicit enim, in homine; dicit etiam, qui caro est; qui sane homo est; dicit tandem, quod eis concedebat spatiū centum viginti annorum, ut pœnitentiam agerent; hominibus sane, non Angelis, pœnitendi tempus impetrabatur.*

**III. Probatur.** Propter commixtionem Filiorum Dei cum filiabus hominum Deus homines diluvio castigavit: ergo non fuerunt Angeli, qui cum filiabus hominum commixti sunt, sed homines. Sequitur consequentia; pœna enim consequitur culpam, & suos tenet autores. Antecedens probatur verbis Scripturæ, quæ in codem loco superadduntur. *Videns autem Deus, quod multa malitia hominum esset in terra, & cuncta cogitatio cordis intenta esset ad malum omni tempore, pœnituit eum, quod hominem fecisset in terra. Et tactus dolore cordis intrinsecus, delebo, inquit, hominem, quem creavi, a facie terræ. Profecto quis credet, homines subituros pœnam, qui non peccaverant, & Angelos, qui peccaverant, evasuros; si vere illi filii Dei, qui cum filiabus hominum commixti sunt, Angeli & non homines, fuissent?*

**IV. Probatur ex Patribus.** Cyrillus Alexandrinus lib. 2. Glaphyrorum in Genes. *Néque vero ignoramus in quibusdam exemplaribus ita aperite legi: Videntes autem Angeli Dei filias hominum: Propterea detorquent quidam voluptaria hujus vita inquisitionem, adeoque turpium cupiditatum culpam in perditos Angelos conjiciunt, quia a principio suo desciverunt. Prosequitur postmodum rationibus quidem efficacissimis errorem hunc propulsare. Chrysostomus hom. 20. in Genes. Afferunt enim, quod non de hominibus hoc dictum sit, sed de Angelis. Hos enim filios Dei appellavit. Primum ostendant, ubi Angeli filii Dei appellari sint; sed non poterunt usquam monstrare. Homines quidem filii Dei dicti sunt, Angeli autem numquam.... Ceterum quid dicunt? Profecto Angeli quidem erant, sed quia ad iniquum hoc opus descenderunt, dignitate sua exciderunt. En iterum fabulosius aliud. Itaque nunc exciderunt, & hac ruine illorum causa. Verum Scriptura nos aliter docet; quod antequam formaretur primigenius homo, & sua dignitate exciderunt, & Diabolus. & qui cum eo majorem, quam decebat, dignitatem ambiebant. Denique post multa concludit: *Prius docuimus vos, monrem esse Scripturæ, ut homines filios Dei vocet. Et quia isti a Setho originem trahabant,**

*& ab ejus filio, qui appellatus est Enos: dicit enim: Iste speravit vocari nomine Domini Dei: ab illo postea nati vocati sunt Filii Dei in divinis Scripturis, propterea quod eo usque parentum virtutem imitati sunt. Filios autem Cain, & qui ex eo nati, & qui ante Seth geniti fuerunt, filios hominum vocat. Augustinus lib. 15. de civit. c. 13. Potuerunt ergo Gigantes nasci, & priusquam filii Dei, & Angeli Dei dicti sunt, filiabus hominum, hoc est, secundum hominem viventium, miscerentur, filii scilicet Seth filiabus Cain. Eadem docent Theodoretus interrog. 47. in Genes., Basilius Seleucensis orat. 6., Philastrius Brixiensis lib. de hæref. c. 59.*

**Arguunt I.** Ex S. Juda Apostolo, in sua epistola canonica v. 6, ubi dicitur: *Angelos vero, qui non servaverunt suum principatum, sed dereliquerunt suum domicilium, in iudicium magni diei, vinculis æternis sub caligine reservavit. Verba hæc aperte ostendunt Angelos, seu illos filios Dei, qui coelo relicto, in terram descenderunt, & cum mulieribus commixti sunt. Fit enim sermo non de primo lapsu Angelorum; quia ille dicitur præcipitum, hic vero descensus: ille fuit propter superbiam, hic propter luxuriam; unde subditur exemplum Sodomæ, & Gomorrhæ.* II. ex libro Enoch, in quo pariter sic legitur; unde in citate Judæ Epistola dicitur: *prophetavit & de his septimus ab Adam Enoch: ergo vere de Angelis Dei intelligenda sunt verba illa.* III. Possunt Dæmones incubi cum mulieribus carnale exercere commercium: ergo non est repugnans, quod Spiritus cum feminis miscantur: ergo potuerunt Angeli nomine filiorum Dei in loco illo intelligi. IV. Tot Patres, qui contrariam docuerunt sententiam, probabiliter saltē reddunt illam; quum inter illos reperiantur, & qui fuerunt in Ecclesia ex antiquioribus, & qui inter doctiores non insimum locum sibi merito vindicarunt.

**Respondemus ad I.** quod S. Judas Apostolus loquitur de primo Angelorum lapsu, qui lapsum hominis præcessit. Diabolus duo vertit in culpam; unum, quod suum non servaverint principatum; alterum, quod suum dereliquerint domicilium. Hæc duo ad primam prævaricationem referuntur; & quidem de primo testatur Augustinus lib. 13. de civit. c. 1, illud intelligens, quod in veritate non steterint. Secundum quoque; quia quanvis dicatur, quod sponte de cœlo, hoc rāmen idea dicitur,

tur, quia libere peccaverunt. Cain quoque pulsus a Deo in exilium, dicitur tamen Gen. 4. 16. Egressusque Cain a facie Domini habitavit profugus in terra ad orientalem plagam Eden.

Ad II. Apocryphus, immo suppositus omnino est liber Enoch. Judas Apostolus non citat librum, sed prophetiam; unde librum canonicum non reddit. Prophetia autem poterat esse voce tradita, non litteris scripta. Verum hæc prophetia non de Angelis fuit, sed de aliis celestissimis, de quibus loquitur Judas. Perperam ergo ex prophetia Enoch sumitur argumentum ad probandum, quod nomine filiorum Dei in illo Genesis loco Angelii intelligentur. Audiatur Augustinus de libris Enoch nomine vulgaris lib. 15. de civit. c. 23. scribens: *Cur non sunt in canone? Nisi quia ob antiquitatem suspectæ fidei judicata sunt, nec utrum hæc essent, quæ ille scripsisset, poterat inventari; non proferentibus ea talibus, qui ea per seriem successionis reperiuntur rite servasse.*

Ad III. Incuborum commercium cum mulieribus, primo non probat, Angelos esse corporeos, quod nos omnino in præterita Dissertatione impugnabamus; quia possunt exercitum illud peragere, sicuti peragunt alia, sub alienis corporibus, ut in sequenti Dissertatione videbimus. Secundo non probat de Angelis bonis, sed de Dæmonibus; Dæmones autem non sunt Angelii Dei, filii Dei; unde stat, quod verba illa Genesis de Angelis accipi non possint.

Ad IV. Quod Patres in illa fuerint opinione, non mirum; non enim fuerunt omnes, sed pauci; & pauci illi ex varia Scripturarum versione decepti sunt. Attamen quæ possumus pro Patrium illorum defensione proferre, hæc sunt.

Primo Justinus in apologia I. dixit quidem, quod Angelii mulierum amore capti, cum illis commercium habuerunt; sed non expressit, quod hi Angelii fuerint, qui in Genesis libro vocantur Filii Dei. Potuerunt in sua sententia esse Angelii mali, qui ad modum incuborum rem venereum exercuerint. Et quavis dicatur, quod isti filios generarent, quos Dæmones appellamus; omnibus nihilominus liquet, Græcis ut plurimum, Dæmones esse genios, qui apud Platonicos Dæmones pariter dicebantur. Semper igitur sunt genii mali; & quod Justinus crediderit incubos generare, tolerabilius est, quam di-

cere, Angelos genuisse.

Secundo Athenagoras in Legatione pro Christianis multa quidem dicit de Angelis bonis, & malis, quæ temporibus illis, quibus adhuc res fidei nostræ, & quæ illas conseqüebantur, satis explicare non erant, tolerari ullatenus poterant; at non exprimit, quod Angelii illi, de quibus ille scribit, sint filii Dei, de quibus loquitur Moïses in Genesis libro.

Tertio Clemens Alexandrinus lib. 11. pag. dag. c. 11., & lib. 3. Stromat., & lib. 5. dicit quidem, quod Angelii pulcritudinem Dei reliquerunt, ut mulierum pulcritudine fruerentur; at neque etiam explicat quinam fuerint hi Angelii. An illi qui in Genesis loco filii Dei dicti sunt, an alii? Potest quidem cum illis aliqualis applicatio fieri; at non potest absolute dici, quod memorati Patres de illis expresse, & manifeste loquantur. At dicitur, quod faltem non negarunt, habuisse corpora; sed jam diximus, quod vel potuerunt assumere corpora, vel potuerunt agere, ut corpora ipsa agunt; ut in seq. Diff. dicetur.

Quarto Tertullianus filios quidem Dei in illo Genesis loco legit, sed deinde de Angelis interpretari videtur; non vocat autem illos Dei Angelos, sed desertores Dei; unde nobis aperit viam, ut illum de Dæmonibus intelligamus. Quod si intelligat, malos Angelos esse factos ob illud cum feminis commercium; non potest quidem negare prælum illud magnum, quod factum est in cœlo, priusquam fieret commixtio illia in terra, quam ipse putat. Igitur prius Angelii facti sunt Dæmones, quando in cœlo peccaverunt; & per consequens, quando cum feminis tangessum habuerunt, Dæmones erant, non Angelii Dei, si vult ille congressum illum de Angelis, non de hominibus, intelligere. Loquitur Tertullianus lib. de Idolatria c. 9., lib. de cultu femin. c. 21., lib. de Virgin. veland. c. 7.

Quinto Cyprianus lib. de discipl. & habit. Virg. loquitur de Angelis, qui fuerant Apostatae, a quibus mulieres de corporis ornatu, & fuso edoctas esse, dicit. Angelii autem, qui fuerant Apostatae, non sunt Angelii Dei, qui videntes filias hominum, eas concupierunt, & cum hisdem commixti sunt. Nec pariter ipse verbum scribit, quos Apostatas hosce intelligat esse illos filios Dei, de quibus Scriptura citato Genesis loco loquitur.

Sexto Minutius Felix in Octavio apertissime

Loquitur de Dæmonibus, quos dicit in solarium suæ pœnæ, postquam a Deo de cœlo fuerunt dejecti, cum mulieribus se conjunxisse. Ait enim: *Spiritus sunt insinciari, vagi a cœlesti vigore, terrenis labibis, & cupiditatibus degrevati: Ibi igitur Spiritus, posteaquam simplicitatem substantię sua onusti, & immersi vitiis perdidérunt, ad solarium calamitatis sua non desinunt jam perditæ perdere, & depravati errorem pravitatis infundere, & alienati a Deo, inductis pravis religionibus a Deo segregare.* Nec pariter in his fit mentio de filiis Dei, qui in Genesis loca describuntur; immo nec verbum commercii cum mulieribus; sed loquitur solummodo de malis artibus, quibus Dæmones utuntur ad homines perdendos, vel intelligit idolatriam, vel alia crimina, ad quæ homines inducunt.

Septimo Lactantius lib. 2. c. 14., & cum ea Eusebius lib. 5. de præparatione evangeliæ c. 4., & Methodius or. de resurrectione, adducuntur. Verum apud Lactantium lib. 4. c. 8. legimus hæc: *Magna sineer bunc Filium Dei, & ceteros Angelos differentia est. Illi enim ex Deo taciti Spiritus exierunt; quia non ad doctrinam Dei tradendam, sed ad ministerium creabantur. Ille vero cum sit & ipse Spiritus, tamen cum voce, ac sono ex ore Dei processit. En Angelos per Lactantium Spiritus, si ergo per ipsum cum mulieribus se immiscuerunt, non fecerunt per propria corpora, sed per aliena; igitur non fuerunt Angelii boni, sed mali, qui incubi esse solent.* Eusebius lib. 4. demonstr. evangel. c. 1. scribit: *Cum Deus vellat dirittiarum suarum ab eo sibi pluribus impertiri, effetque iam jam omnem rationalem creaturam in lucem prodactus, incorporeas videlicet quasdam, atque intelligentes, & divinas Potestates,*

*Angelosque, atque Archangelos, materiasque expertes, & omni parte puros spiritus produxit. Credibile ne est, quod Eusebius, qui Angelos voluit incorporeos, intelligentes, materias expertes, & omni parte puros spiritus, crediderit eosdem cum mulieribus carnale commercium habuisse? Ubi corpora in incorporeis, in materias expertibus, in puris spiritibus? Si autem corpora habuerunt, aliena fuerunt; sed hisce utuntur ad peccandum Dæmones, & non Angeli. Eadem de Methodio dici poterunt.*

Octavo Ambrosius lib. de Noe, & arca c. 4.; & lib. 1. de Virginibus, asserit, Gigantes ex Angelis, & mulieribus fuisse genitos; item & Angelos propter intemperantiam fuisse de cœlo dejectos. Sed primo, non distinguit inter Angelos bonos, & malos; unde poterit etiam explicari de malis, si-  
cure & alii intellecti sunt. Secundo, superbia Angelorum potest quoque intemperantia appellari; & plerique eam nominant luxuriam spiritualem: Unde Angeli, qui de cœlo fuerunt dejecti propter superbiam, potest bene dici, quod per intemperantiam de cœlo ceciderint. Cæterum Ambrosius ad c. 1. Ep. ad Heb. Angelos dicit esse spiritus: *Quaris hujus naturæ nomen & Spiritus est.* Et lib. de fide cont. Arianos docet: *Angeli in figura hominum sapientia sunt, & tamen non aliud sunt, quam quod se esse norunt; neque substantiam mutant, cum formam humani corporis sumunt: Ergo semper ipsorum propria substantia spiritus est. Quomodo igitur poterant cum mulieribus coire? Sub forma humani corporis, si dicent: Nos redicemus: ergo non fuerunt Angelii boni, sed mali, quorum est sub forma humani corporis venerem exercere,*



# DISSESTITO CXXXIV.

*De Apparitione Angelorum sub aliena forma . Apparitionis substantia in sacris libris continetur ; Modus autem Scholasticorum disputationibus controvertitur : Communis sententia explicatur ; & peculiaris P. Magnani opinio de hoc eodem modo exponitur :*



ANGELOS multoties hominibus apparuisse , s<sup>e</sup>pe s<sup>e</sup>pius Scripturæ testantur , Patres enunciant , Historici manifestant . At quibusnam apparent corporibus ? Propriis nequaquam ; ut fortassis credere se dicunt illi , qui corporeos Angelos suspicantur . Si non propriis : igitur alienis ; quod quidem modo in comperto est apud omnes , tum Bibliorum Interpretes , tum Theologizæ Professores . At quomodo alienis corporibus uuantur . Angeli , ut hominibus apparent , & cum iudicem conversentur . Hoc est , quod apud Scholasticos controvertitur ; & nos cum illis in hac præsentí Dissertatione investigamus .

Prima opinio est illorum , qui putant , omnes Angelorum apparitiones , quarum sacrae literæ reminerunt , non fuisse vere exterius exhibitas , sed tantum fuisse phantasticas ; per solam scilicet immutationem factam in iHorum imaginatione , quibus Angeli apparuisse dicuntur . Sic Prophetæ omnes videbant illa omnia , quæ , vel scribebant , vel manifestabant ; non corpore nimirum , sed spiritu , percipiebant ; quemadmodum Joannes Apocalypsim vidit , Petrus linteum serpentibus , aliisque animalibus plenum , Paulus tertium cœlum , ad quod per raptum , sive per ecstasim , ascendit .

Secunda est aliorum opinio , qui afferunt , apparitiones hasce fuisse factas per quasdam sensuum exteriorum immutationem ; per quam accidie , ut quæ non sunt , appareant , & quæ sunt , diverso appareant modo ab eo , quo sunt . Sic in iride , in columba collo , in nubibus aliquando , apparent colores , qui non sunt ; ita pariter in aquis remus appeter ruptus , qui est sanus ; navigantibus montes videntur

moveri , qui sunt immobiles ; & vertigine correptis omnia moventur per gyrum , quæ nullo pacto moventur .

Tertia afferit , Angelos mutare ipsum corpus suum , ac vertere in species , quas volunt accommodatas , arque aptas actionibus suis . Opinionis hujuscem meminit Augustinus lib. 2. de Trinit. c. 7. , & lib. 3. c. 1.

Quarta opinio est dicentium , Angelos de creatura corporea assumere corporalem speciem in usum ministerii sui . Citatis locis etiam Augustinus hanc opinionem affert .

Quinta opinio huic quartæ accedere videatur , quatenus afferit , apparitiones hujusmodi fieri in corporibus assumptis ; quæ quidem corpora nec sint de novo creata , quatenus simul initio tota materia corporæ creata est ; nec habent naturam corporum , quæ representant ; ut putavit Tertullianus ; quatenus non erant veri homines corpora illa , in quibus humana specie Angeli apparebant ; sed sint corpora ex aere , vel ex æthere , vel ex alio quocunque apto , & formabili ad hunc usum , facta , & assumpta . Sic explicat Estius , & defendit , cum Frazzen , Juenino , aliisque communiter .

Sexta est peculiaris opinio P. Magnani , quam ipiusmet verbis exponere , satius judicamus . Ait igitur in Philosophia Naturæ c. 33. prop. umq[ue] de anima rationali separata : „ Animas corpore exolutas , pariter que alias intelligentias , aliquando mortaliibus apparere sub specie humana , vel alia , habemus ex historia , tum sacra , tum ecclesiastica : modus autem , quo hujusmodi fiuine apparitiones facillime intelliguntur ex physicis principiis ; ut tamen cum breviter explicem , dico sic . Res corporæ , cum , ut haec tenus ostensum est , nullam aliam agendi vim habent , quam ut „ mo-

„ moveant localiter, vel resistant motui loci; consequenter non alia vi se praebent sensibus; seu non alia vi faciunt, ut sic dicam, sentiri se, quam ea, qua proprios motus, tanquam proprios characteres, seu species imprimunt sensibus; vel quae resistunt alienis motibus. Itaque si intelligatis, posse substantiam immateriale exerceere in sensu eos omnes motus, quos potest haec, aut illa corporea substantia in eisdem sensu exercere; itemque resistere motibus alienis ad modum, & mensuram resistentiae, quam ad eisdem motus exercet substantia corporea. Hoc ipso intelligentes, eandem immateriale substantiam posse percipi sensibus sub specie non propria, sed aliena; id est posse apparere sub specie, & forma corporeæ, videlicet ejus corporreas substantias eujus imitabitur movendi, aut motui resistendi, modum, atque mensuram, .

Post hæc pergit Doctor profundissimus magis in particulari modum hunc suum, a se ipso scilicet subtiliter quidem, & germando excogitatum explicare, & expone-re, hisce aliis verbis: „ Igitur anima separata, vel Angelus, ut dent sese in conspectum nostrum; minime egebunt, ut vulgo putatur, compingere sibi, & coquare corpus aërum tali modo opacatum, constitutum, figuratum, &c. ut contorlorem habeat, & figuram, & duritiem, & pondus ejus corporis, in cuius specie optante apparere; sed ut visui v.g. se exhibeant, omnino sufficiet eis, quod est longe facilius, & expeditius, si illa ipsa vi, qua putantur compingere, formare, movere, &c. aërum illud corpus; lucem incidentem refringant, & reflectant ad oculum eadem mensura, & eodem modo, quo eam refringeret, & reflecteret, si adesset corpus illud, cuius in specie volunt apparere: Ac similiter ut auditui sese offerant; sufficiet si aërem velut ex arte, nempe imitando naturam, eodem modo pellant, & verberont, quo eum pelleret; ac verberaret, si adesset res corporea sonora, cuius imitari cupiunt sonum: Sic enim aer verberatus motum illum ab immateriali substantia receptum communicabit tympano auris, & consequenter hæc percipiet sonum omnino similem ei, quem ederet, vel edere solet res illa corporea; & ita substantiam immateriale percipiet auditus sub specie talis rei sonoræ. Et ita de aliis sensibus. Atque, ut vides, hac arie potest facillime Angelus, vel anima, dare se in conspectum unius, & se o-

PAR. II.

„ cultare alteri; quod sane esset illis impossibile in eo aëreo, ut putatur, involucro assumpti corporis; hujusmodi enim corpus, quantum est de se, omnibus indifferenter, & æque daret species sui, .

Igitur ex Magnano potest substantia spiritualis immittere in sensu nostro species, quas immitteret res corporea, si nobis præsens esset; hoc enim, & non aliud est, agere in sensu, movere sensus &c. Et ille species immittendo, quæ sane non sunt sui propriæ, sed alienæ, illa corpora a sensibus percipientur, quorum species sunt propriæ; hoc est, quorum sunt propriæ, & genuinæ actiones objectivæ, per quas movent sensus, & a sensibus percipiuntur. Sub iisdem principiis ipsem docet, quod quia Christus sub speciebus eucharisticis agit non modo proprio Christi, sed modo proprio panis, in sensu; inde est, quod non videtur, non tangitur, non odoratur Christus, sed panis. Ita pariter egit idem Christus, quando Magdalena apparuit sub specie Hortolani, & Discipulis peregrinantibus in Emmaus sub specie Peregrini. Quod autem sic agendo res spiritualis, agendo scilicet ut ageret res materialis, si adesset, non videatur ipsa, sed illa, cuius agendi modum imitatur, patet apertissime, tum ex allatis exemplis, tum etiam, quia motus illi sunt species impressæ ab objectis, & species sunt viae cariae objectorum, non prout sunt, sed prout agunt; ergo percipiuntur objecta, non ut sunt, sed ut agunt, ut movent, ut species immittunt.

Neminem autem credimus hunc agendi modum rei spirituali denegaturum; scilicet ut agat modo illo materiali, quum sic ipsa spiritualis substantia; & quanvis dicatur, vel dici possit, quod Deus etiam aliquando sic agat, diversus. Tamen est agendi modus Dei, & creaturarum. Quæ opponi possent, ut candide dicamus, duo sunt; & quod Christus sic agat ut panis in eucharistia, & quod Deus sic agat in cœlo, ut a corporeo sensu suo modo percipiatur ut in t.r. Diff. LIX. ex P. Magnani mentem diximus. Christus quidem est res materialis ratione corporis sui: unde non mirum, si potest alterius rei materialis agendi modum in sensu imitari. Deus vero, quia Deus est, eminenter continet omnes agendi modos creaturarum, in se ipso; adeoque continet etiam modos agendi creaturarum in sensu. At Angelus, vel anima, est res spiritualis, & est creatura; sicutque non potest agere in sensu

E<sup>c</sup>

sus

sus ut res materialis , quomodo agit Christus ; nec pariter quomodo agit Deus , quia modum illum agendi in sensus eminenter non continet . At quis dicet , quod agendi modus supponat existentem in agente mutari , non vero virtutem ? Non tribuimus rei immateriali nec quidem minimam rei materialis particulam , quae sit omnino cum sua substantia incompossibilis ; sed virtutem damus , seu modum agendi ; qui quidem , ut diximus in praefata Dissert. LIX. exercetur a Deo non tantum secundum esse participabile , quod est in se ipso solo , sed etiam secundum esse participatum , quod est in creatura ; & inde est , quod si Deus agat secundum modum participatum a creatura , non Deus , sed creatura percipitur ; si vero Deus agat secundum modum participabilem , qui est in se ipso , non percipitur creatura , sed Deus . Et ita duo illa objecta evanescunt .

At aliud est , quod citato loco sibi objicit Magnanus verbis sequentibus . „ Hæc tamen , quæ jam dixi de modo , quo substantia immaterialis creata potest in sensus corporeos agere ad instar alicujus rei sensibilis corporeæ , & ita in specie ejus apparere ; minime repugnant dictis a me num. 23. , ubi fatebar , non posse Angelum quidditative cerni , tangi &c. sensu corporeo ; quanvis Deum ita posse videxi &c. afferuerim . Nam quoad hoc est inter Deum , & Angelum , seu aliam quanti vis immateriale substantiam creatam , discrimen hujusmodi ; quod cum Deus contineat eminenter virtutem omnem , cuiuslibet rei sensibilis , potest , ut nū. 22. exposui , virtute illa sua eminentiali agere in sensum eo modo primigenio , cui ob virtutem participatam respondet naturalis modus agendi rei sensibilis : Angelus vero non ita contineat eminenter virtutes cuiuslibet rei sensibilis , quasi hæc sint virtutis angelicæ eminentialis participationes quædam ; sicut sunt participationes virtutis divinæ eminentialis : Unde licet possit in sensum agere Angelus quemadmodum agit res sensibilis ; hic tamen modus non est Angelo , sicut Deo , prius , ac naturalis ( propereaque num. 23. dicebam , Angelum non in eo esse activum ) sed solum ei convenit per imitationem , ac per artem : adeoque ut sic agens Angelus in oculum v. g. , non patiter ac Deus , dicendus est quidditative , seu in specie propria , cerni , sed solum apparere in aliena . „

Cæterum hoc quod est Angelum sibi com-

pingere corpus ex aere , ex æthere , vel ex aliqua alia materia , plus quidem est , quam solummodo rei materialis agendi modum in sensus imitari . Et si incompetens dicitur spirituali substanciali agere , ut substantia materialis agit , multo magis ab Angelo alienum erit rem materialem componere , ac conflare in corpus , quod assumat . In sententia quidem P. Magnani Angelus , ut quæunque alia spiritualis substantia , est penetrativa ad libitum ; adeoque potest cum re corporea penetrari , & non penetrari , prout vult ; unde Angelus , qui revolvit lapidem in Christi Domini sepulcro , non fuit cum eodem lapide penetratus , aliter non potuisset illum revolvere . Quomodo autem penetratus non fuit ? Quia egit modo illo , quo egisset alia materialis substantia , si illum revolvere intentasset . Et si potest agendi modum corporeæ substantiae in hac linea motus imitari , quare non poterit etiam in alia motus linea , scilicet agendi in sensus ? Nec dicere quisquam poterit , quod hoc idem esset , ac per præstigias agere ; non enim Angelus agere ostendit , & non agit : neque apparenter agit ; sed vere agit , quanvis non modo sibi proprio , sed alieno . Aliter etiam Christus per præstigias egisset , quando Magdalæ ut Hortolanus , & Discipulis ut Peregrinus apparuit . Denique sec dicatur , quod opinio P. Magnani eadem est cum illa , quam quinto loco reportavimus . Dissert enim quammaxime ab illa ; quia illa supponit speciem distinctam , ac separabilem a creatura corporea , cuius est species corporea : unde illius opinionis Auctores dicebant , quod Angelus hac speciem desumit , & sibi ipsi adaptat . At P. Magnanus non dicit , quod desumit speciem , quam vult realiter indistinctam , sed quod imitatur modum agendi in sensus rei corporeæ ; licet postea in hoc agendi modo species impressa consistat . Adductis , expositis etiam , atque explicatis , opinionibus hisce , modo devenimus ad probandum , quod in Dissertatio- nis titulo proposuimus . Et quidem , quod in sacris libris contineatur apparitionis Angelorum substantia , atque etiam apud Sanctos Patres , & Ecclesiasticos Historicos , nemini dubium esse putamus . Quod si aliqui dubitare voluerint , testimoniosis , quæ subjungimus , tum ex illis , tum ex istis depromptis , hoc pacto probamus . Genes. 18. de Angelis , qui Abraham apparuerunt , sic sermo : Cumque sublevasset

ocu-

beulos; apparuerunt ei tres viri stantes prope eum; quos cum vidisset, eucurrit in occursum eorum de ostio tabernaculi sui, & adoravit in terram. Genes. 19. describuntur Angeli, quos vidit Lot: Veneruntque duo Angeli Sodomam vespere, sedente Lot in foribus civitatis. Qui cum vidisset eos, surrexit, & ivit obviam eis; adoravitque pronus in terram. Genes. 28. sunt Angeli, quos vidit Jacob: Videntur in somnis scandam stantem super terram, & cacumen illius tangens celum; Angelos quoque Dei ascendentes, & descendentes per eam. Genes. 32. de Angelis etiam, qui Jacob apparuerunt, sermo habetur: Jacob quoque abiit itinere, quo caperat; fueruntque ei obviam Angelii Dei. Quos cum vidisset, ait: Castra Dei sunt haec; & appellavit nomen loci illius Mahanaim, idest, castra. Etiam in libro Danielis, in libro Tobiae, & in aliis quoque, aperta est mentio apparitionis Angelorum. In novo testamento pariter in Apostolorum Actis habetur Angelus, qui Petrum de vinculis liberavit, in Evangelio Angelus, qui apparuit Mariæ Virginī, canque salutavit, Sponso ejus virginī Josepho, Zachariæ, S. Joannis Baptiste Patri, alisque: ergo vere ea Scripturis constat, Angelos apparuisse multis. Ex Patribus proferimus Augustinum, qui lib. 4. de Trin. c. ult., docet, apparitiones factas ante Christi adventum per Angelos fuisse factas; immo etiam illas, quæ post Christi incarnationem leguntur factæ; ut notat Eftius, qui etiam eundem Augustinum citat lib. 2. de Trin. c. 5. 6. & 7., & lib. 3. c. 10. & 11. Adduntur ad Superabundantium Leo magnus ser. 2. de ascens. Dom. c. 4. Sicut concipiendum Cbrisum de Spiritu Sancto B. Virginis Angelus nuntiavit; sic & editum de Virgine vox Celestium Pastoribus cecinit. Sicut resurrexisse a mortuis supernorum nuntiorum prima testimonia docuerunt; sic ad judicandum mundum in ipsa carne venturum, Angelorum officia predicabunt. Eucherius ser. in dedicati Eccles. Angeli, quando volunt, ex aere corpus assumunt, quo videri, & tangi, & loqui, & manducare, & bibere possant. Claudianus Mamertus de stat. anim. lib. 3. Satis, ut arbitror, patet, Angelos utrinque substantia & incorporeos esse in ea sua parte, qua ipsis visibilis Deus; & in ea itidem parte corporeos, qua hominibus sunt ipsi visibles; quoniam nec Deus ab Angelo per corpus, nec Angelus ab homine sine corpore, videri potest. Eadem docent Alcuinus lib. 2. de Trin. c. 17., Ambrosius Ansbertus

PAR. II.

In lib. 3. in Apocal. c. 6., Petrus Alphonsus tit. 5., Damascenus lib. 2. de fide c. 3. Non quales sunt, apparent, sed aliæ, atque aliæ formam, prout videri ab hominibus possint, affununt; ut cæteros, brevitatis ergo, omittamus.

Ex dictis confutata remanet prima, & secunda opinio; Non enim referri possunt ad solam imaginationem, & prophetam visionem, cuncta quæ in Scripturis narrantur de Angelorum apparitionibus. Testantur enim scriptissime sacræ literæ, Angelos ab hominibus visos, adoratos, conrectatos, etiam per pedum ablutionem; ut constat de Abrahamo, Lot, Jacob, Tobia, & aliis. Insuper, Angelicus I. p. q. 51. ar. 2. sic contra duas illas opiniones discurrat. Quæcunque imaginaria visione videntur, solum sunt in imaginatione videntis, non vero videntur ab aliis præter ipsum; sed Angelii, qui apparuerunt Abrahamo, visi sunt a tota ejus familia; illi, qui visi sunt a Lot, visi etiam fuerunt a civibus Sodomorum; Raphael, qui apparuit Tobiae, a cæteris etiam videbarur; & sic de aliis ferre omnibus dicendum est: ergo illi iidem Angelii non videbantur solum aut imaginaria visione, aut exteriorum sensuum immutatione. Ulterius; apparitiones illæ non unius sensus actione probatae sunt, sed multoties etiam multorum sensuum operatione confirmatae; sed quæ multorum sensuum testimonio probantur, non possunt ad imaginariam visionem, & ad ficticiam apparentiam reduci: ergo &c. Tobias enim non solum vidit Raphaelem, sed cum eo alloquutus, & peregrinatus est, & insuper cum eo multoties comedit. Denique, si hic explicandi modus sufficeret, posset etiam idem adhiberi in explicandis aliis apparitionibus a Christo factis, de quibus loquitur Evangelium; & præcipue de illa, qua Apostolis apparuit, & Apostoli crediderunt, ipsum esse phantasma; at non potest illis applicari; Christus enim dixit, quod tangerent, & palparent eum, quia Spiritus carnem, & ossa non habet; ergo &c.

Tertia opinio confutata remanet ex dictis superiorius. Supponit enim, Angelos habere corpora; & dicit, Angelum mutare corpus suum, ac vertere in species, quas vult accommodatas, atque aptas actionibus suis. Sed nos probavimus, Angelos non habere corpora: ergo nequeunt mutare corpora, quæ non habent, nec species desu-

Ecc 2

desumere a corporibus, quibus carent -  
**Quarta opinio**, quanvis, ut diximus, accedat  
& communi opinioni de corporibus as-  
sumptis, & peculiari P. Magnani senten-  
tia, de actionibus objectivis; nihilominus  
ut jacer, pariter refellitur: Hæc enim  
species, quæ ab Angelo desumitur, est  
species corporea, petimus, vel est distin-  
cta realiter a corporeæ creatura, ex qua  
desumitur, vel indistincta? Si indistincta  
realiter; ergo non solum desumitur cor-  
poreæ species, sed etiam corporeæ ipsæ  
creatura, cujus est species; quod non  
dicunt. Si distincta realiter; nemo dixit  
usque modo ex Peripateticis, quod species,  
quæ sunt accidentia, quibus sunt separabili-  
les a potentia, vel ab objectis suis; quan-  
vis dicant accidentia, quæ voçantur ac-  
cidentia quæ, sunt a subjectis suis separa-  
bilia miraculose; ut in venerabili Eucha-  
ristiæ Sacramento. At si nomine specie-  
rum intelligat actiones, non easdem nu-  
mero, sed specie, coincidit cum opinione  
P. Magnani.

Communem opinionem modo proponimus,  
& explicamus, atque probamus. Augusti-  
nus lib. 3. de Trin. c. 1. apud Estium que-  
rit; an Angelii assumant ex inferioribus  
elementis corpulentioribus corpus sibi  
coaptatum, quod deinde mutent quasi  
vestem in quaslibet species corporales,  
easque veras? Et huic opinioni accedit.  
Etiam ser. 16. de Divers. qui est tractatus  
3. cont. Manichæos docet, quod Deus  
corpoream substantiam potest Angeloi-  
gum ita subdidit, ut possent ex illa verum  
corpus assumere, quod pro sui libito con-  
verterent ex qualibet specie in quamlibet  
speciem, prout exigeret sui officii, & sui  
ministerii ratio. Hoc idem afferit Grego-  
rius magnus lib. 27. moral. c. 2. docens,  
quod Angelii visi fuerunt oculis corpo-  
reis assumptis, & ex aere formati. Etiam  
Beda lib. de natur. rer. c. 7. afferit, Ange-  
los assumere ætherea corpora. Dispicet  
Estio hic dicendi modus, arguens; quod  
æthereum corpus vel importat cœlestis,  
& non est aptum ad hunc usum; vel im-  
portat æthereum, hoc est aereum subti-  
lius, & purius, & posse concedi, ait; sed  
non esse necesse, ut hoc assumant. Si  
Estius observasset differentiam, quam  
modo Philosophi constituunt in aereum,  
& ætherem, scilicet, quod aer dicat com-  
mixturem aliorum corporum cum sua  
substantia, æther vero nullam dicat com-  
mixturem; adeoque aer sit aer impurus,  
æther vero sit aer purus; nullam contra-

Bedam adversandi occasionem habuisset,  
In his corporibus assumptis possunt Angelii  
exercere primo operationes intellectus, &  
voluntatis, eodem prorsus modo, quo  
extra corpus exercent. Ratio est, quia  
Angelii non sunt formæ corporum, quæ  
assumunt; adeoque ab illis nec depen-  
dientiam, nec impedimentum habere  
possunt in operationibus suis exercendis.  
Secundo, non possunt exercere opera-  
tiones sensitivas; adeoque habere nequeune  
sensationem ullam, sive externam, sive  
internam, nec ullum sensitivi appetitus  
actum. Ratio est, quia operationes sensi-  
tivæ sunt essentialiter vitales, Angelus  
autem est principium extrinsecum; sed  
operationes essentialiter vitales requirunt  
principium intrinsecum, & non sufficit  
eis extrinsecum: ergo, &c. Tertio, pos-  
sunt Angelii exercere in corporibus as-  
sumptis modo non vitali operationes ali-  
quas materialiter, & secundum quid simi-  
les operationibus vitalibus. Ratio est, quia  
quanvis ab Angelis exerceantur opera-  
tiones similes ambulationi, loquutioni, co-  
mestioni; atramen hujusmodi opera-  
tiones non exercent modo vitali, ut dictum  
est: ergo exercent modo non vitali; &  
dum exerceantur ab Angelis vitales non  
sunt nec formaliter, nec simpliciter, sed  
materialiter tantum, & secundum quid  
assimilantur operationibus vitalibus. Un-  
de quando denominatur Angelus come-  
dere, sic dicitur, quatenus localiter mo-  
vet cibum, ore sumit, dentibus frangit,  
in ventrem mittit. Verum quia in corpo-  
re assumpto non est verum os, verus ven-  
ter, veri dentes; ideo cibus Angelo non  
inservit nec ad gustum in ore, nec ad nu-  
tritionem in ventre; & sic illa sumptio  
cibi, trituration, conglutio, non est vitalis  
comestio. Quod dixit Raphael Angelus  
Tob. 12. Videbar quidem vobis manducare,  
& bibere; sed ego cibo intusibili, & potu,  
qui ab hominibus videri non potest, utor:  
Quod quidem & de aliis quoque con-  
gruenter explicat Cacheranus.

Si autem queratur, an in assumptione cor-  
porum utantur Angelii naturali sua vir-  
tute, an supernaturalis vis, adeoque mi-  
raculum interveniat? Haeret Estius in  
quæstionis hujus decisione; siquidem ex una  
parte affert S. Thomam, qui cit. loc. sibi  
proponens hoc argumentum: Angelii non  
assumunt corpora de terra, nec de aqua,  
quia statim disperarent; non de igne,  
quia comburerent ea, quæ contrectarent;  
non ex aere, quia aer nec patitur figuram,  
nec

nec colorem : ergo non assumunt corpora ; eidem argumento responder S. Doctor, quod quanvis aer manens in suaritate, non retineat figuram, nec colorum, quando tamen condensatur, & figurabilis est, & colorabilis. Unde concludit, quod Angeli assumunt corpora aerea, condensando illa virtute divina, quantum est necesse ad corporis formationem. Subdit Estius ; si virtute divina: ergo per miraculum. Quod pariter confirmat ratione ; tum quia aer non potest naturaliter redigi ad densitatem, & soliditatem corporis ; tum etiam quia non potest naturaliter recipere colorem; tum denique quia sic repente efformari corpora illa, & illico disparere, non est sine miraculo. Ex altera vero parte, addit etiam Estius, si haec per miracula fierent, non possent Dæmones corpora quoque assumere, & cum illis apparere, quia non est credibile, quod Deus cum iisdem per miracula cooperetur. Concludit ergo Estius, quod assumpta corpora non sint ex solo aere, pro quo satis urgent argumenta S. Thomæ; sed ex mixtura quoque aliorum corporum crassorum; & in horum compositione nullum putat miraculum intervenire. Ait enim juxta sua principia : „ Possunt enim Angeli naturali sua virtute celeriter colligere diversa corpora, diversis qualitatibus affecta, quibus inter se commissis, fiat unum corpus, humano corpori viventi simile; scilicet compactum, solidum, grave, calidum; & quodammodo carneum, & osseum, habens distincta sua quasi membra, & membrorum proprietates. Quod tamen corpus, non natura, sed compositione quadam unum sit, & proinde non unius speciei, sed diversarum, ad quas pertinent corpora componentia . „ Concludit denique Estius, quod huic explicacioni faver Augustinus lib. 3. de Trin. c. 1. & Scotus adhæret, dicens, hujusmodi corpora fieri ex aere imperfecte misto; eo quia aliter non haberent figuram, neque colorem. Quod si haec est virtus naturalis in Angelis, nulla est repugnantia, quod etiam a Dæmonibus exerceatur. Et quod Dæmones hac virtute utantur, probat ex apparitione unius ex illis Christo facta in Deserto. „ Non enim verosimile est, Diabolum, quando permisus est Christum tentare, tantam in illum accessisse potestatem, ut sensibus ejus illudaret; aut phantasiam ejus quibus veller imaginibus commoveret; sed in assum-

„ pro vero corpore, humanam formam habente, ei apparuisse, quando & allocutus est eum, & e loco in locum duxit, „ Matt. 4. „

Opponunt I. Multorum est opinio, quod assumpta corpora ab Angelis, de novo producantur ex nihilo : ergo creata; & quod in nihilum revertantur, quando ab Angelis derelinquuntur : ergo annihilata; repugnat autem Angelis creare, & annihilare : ergo, &c. II. Si Angeli operationes sensitivas in corporibus assumptis exercere non possunt, cur in iisdem corporibus assumunt organa, per quæ operationes istæ fiunt? ergo si haec organa assumunt, iisdem utuntur; si iisdem utuntur, operationes sensitivas exercent. III. Angeli in corporibus assumptis aliquando excrementa quædam effuderunt; videlicet lacrimarum, quando dicitur, quod Angeli pacis amare flebant; salivæ, quando expuunt in faciem illorum, quibus Dæmones apparent; sed haec excrementa provenire non possunt, nisi ex operationibus vitalibus: ergo operationes istæ vere ab Angelis exercentur. IV. Vel Angeli possunt efformare veras humani corporis organizationes, vel non possunt: Si possunt: ergo possunt etiam efformare corpus humanum, & ita ipsum disponere, ut animam recipiat, adeoque hominem producent: Si non possunt: ergo apparenter assumunt corpus, seu assumunt corpus apparends, non verum, nec tale, quale apparet; hoc vero non est assumere corpus, sed est illusorie apparet, non realiter. V. Sancti Patres Angelis, & Dæmonibus aliquando tribuunt sensum; docet S. Augustinus in psal. 96. & alibi: ergo exercent operationes sensitivas; quia sensus est principium ad hujusmodi operationes exercendas. VI. In Christo post resurrectionem fuit vera comestio: ergo est etiam in Angelis. Probatur consequentia. Corpus Christi post resurrectionem omnibus dotibus gaudebat corporum Beatorum; & tamen vere comedebat: ergo pariter Angeli in corporibus assumptis.

Respondemus ad I. Calvinus in ea fuit sententia, ut crederet, corpora assumpta ab Angelis, his disparentibus, in nihilum converti; & Tertullianus putavit, quod eadem dum assumuntur, creantur. At communis & Patrum, & Theologorum est vox, corpora assumpta ex aere, vel ex alio crassiori corpore efformari; & dum Angeli disparent, eo redire, unde sumpta

pta fuerant; in aerem scilicet, vel in alia corpora, ex quibus commissa sunt.

Ad II. dicit Cacheranus, quod Angeli ut plurimum assumunt corpora cum organis sensuum, solum quoad exteriorem figuram perfectis; quoad interiorem vero symmetriam insufficientibus ad operationes sensitivas; & non per hoc esse frustanea, quia deserviunt fini, ad quem apparitiones illæ ordinantur. Responsio est S. Thomas I. p. q. 51. n. 3. ad 2. dicentis: Non ad hoc sunt formata (organa), ut per ea sentiantur, sed ad hoc ut virtutes spirituales Angelorum designentur; sicut per oculum designatur virtus cognoscitiva, &c.

Ad III. Nulli apparuerunt Angeli, qui proprie flerent; sed tantum metaphorice fuit dictum, quod flerent; quod si proprie flerissent, similitudinem quidem habuissent fletus, non proprietatem. Excrementa autem illa, etiam dici potest, quod ex eodem aere formentur.

Ad IV. dicitur, quod Angeli assumendo corpora assumunt corpus verum sub ratione communis corporis, non vero sub ratione corporis particularis, videlicet hominis; unde sat est Angelo efformare corpus, quod sufficiat ad assumptionem veram; ut sit vero sufficiens ad assumptionem veram, non est necesse, ut sit perfecte organizatum, & proxime dispositum ad rationalem animam recipiendam. Unde verum corpus efformat Angelus, & assumit, sed verum corpus humanum, non disponit, non organizat, itaut sit proxime aptum ad animæ receptionem.

Et sic nec hominem producit, nec appetens corpus efformat.

Ad V. responderet Estius, quod sensus, ut tribuitur Angelis, significat in genere facultatem cognoscendi, seu percipiendi res sensibiles; quomodo cumque id fiat, sive per intellectum, cuius objectum etiam sensibilia complectitur, sive per sensum proprium dictum. Ita Estius. At credimus, solum id fieri per intellectum; quatenus nulla sensitiva operatio tribuenda est Angelis, qui sensus habent potius ad ornatum corporum, quam ad operationum exercitium.

Ad VI. dicimus, quod Christus post resurrectionem vere comedit, ut se non phantasma, sed verum, & vivum hominem ostenderet. Non fuit tamen cibo illo nutritus; potest enim stare vera comedio absque nutritione. Et hoc quanvis fuerit post resurrectionem Christi corpus glorificatum, atque beatificatum; semper enim corpus remanebat, etiam cum beatitudine, & cum glorificatione. At Spiritus angelicus semper est spiritus; & per consequens cum materialibus hisce operationibus incompatibilis. Audiat S. Thomas I. p. q. 51. ar. 3. Et quanvis in corpus Christi post resurrectionem cibus non converteretur, sed resolveretur in praecurrentem materiam; tamen Christus babebat corpus talis naturæ, in quod posset cibus converti, unde fuit vera comedio. Et quia Angelus non habet tale corpus, in quod possit cibus converti, ideo veram habere, nullo modo potest comedionem.

## DISSERTATIO CXXXV.

*De Immortalitate, & incorruptibilitate Angelorum; de Acatbolicorum erroribus, & de Scholasticorum disputationibus de illa. Errores impugnantur, Opiniones examinantur, probabilior eligitur.*



Ngelos esse aliquo modo immortales, & incorruptibles, afferit Cacheranus, esse de fide; atque insuper, in eo convenire omnes Theologos, immo omnes Catholicos, & quod magis est, pene omnes etiam Ethnicos, Plutarcho excepto. Ve-

rum nos aliter legimus, quod modo referimus, recensendo errores illorum, qui contra Angelorum immortalitatem, & incorruptibilitatem male senserunt.

Primo scribimus Plutarchum, qui, secundum citatum Cacheranum, voluit lib. I. de defectu oraculorum, post certa temporum intervalla Daemones occumbere, co-

corumque viræ novies mille sepringentos  
viginti annos esse tribuendos.

Secundo ponimus Mahometum, qui somnia-  
vit, Angelos peccare, & mori posse.  
Referit Coccius ex Joanne Catacuzeno  
orat. 2. contra Mahometum, & ex Aenea  
Silvio ep. ad Marbisanum, Turcarum  
Principem.

Tertio adduntur a Frassen Hæretici dicti  
Libertini, qui negarunt, Angelos, & ra-  
tionales animas, esse immortales; adden-  
tes, quod sicut initium habuerunt, ita pa-  
riter finem habebunt; & ratio ipsorum  
est, quod solius Dei propria sit immorta-  
litas, adeoque non possint creaturæ im-  
mortalitatis esse participes.

Quarto idem Frassen adducit aliquos, quos  
non distinguit proprio iporum nomine,  
qui affirmant, Angelos esse naturaliter,  
& intrinsecè defectibiles, & solo Dei be-  
neficio perseverare, sicut cætera entia  
perseverant; quum enim ex nihilo educti  
fuerint, etiam ex se postulant in nihilum  
abire. De his etiam loquitur Petavius lib.  
1. de Angelis c. 5., qui pariter adducit  
aliquot Pares, qui videntur in eandem  
sententiam abire; sed horum verba infe-  
rius explicabimus.

Quinto apud Petavium quoque habemus  
Platonem in Timæo, in persona summi  
Dei, ut ipse ait, alloquenter minores  
Deos verbis hisce, quæ Cicero latine redi-  
dit, & in suo lib. de Univers. afferit:  
*Hac Vos, qui Deorum satu orti estis, atten-  
dite; quorum operum ego parens, effectorque-  
sum, que per me facta, non sunt diffoluta me-  
invito, quanquam omne colligatum solvi po-  
test; sed haud quaquam boni est, ratione vin-  
clum velle dissolvere. Sed quoniam orti estis,  
immortales vos quidem esse, & indissolubili-  
les non potestis: neutquam tamen dissolve-  
minis; nec vos illa mortis fata perirent; nec  
fraus valentior, quam consilium meum; quod  
majus est vinculum ad perpetuitatem ve-  
stram, quam illa, quibus estis cum, cum gi-  
gnebamini, colligati. Quæ quidem omnia  
possunt etiam Angelis convenire juxta  
ipsorum discurrendi modum.* De hac  
Platonis sententia loquitur etiam Estius  
dicens: „Nam Platonis quidem in Ti-  
mæo sententia est, Deos minores, id est  
Angelos, natura dissolubiles, id est cor-  
ruptibles esse. Cui sententiae Gabriel.  
„q. 1. sup. dist. 2. hujus libri eatenus acce-  
dit, ut doceat, Angelos, natura sua cor-  
ruptibles, per manutenceriam Dei ex-  
trinsecam perpetuo in esse conservari.  
„Qui ita sentiunt, idem par ratione tra-

, dunt de animabus humanis. „

Ad Scholasticorum modo descendimus opi-  
niones. At prius adnotare oportet, im-  
mortalitatem, & incorruptibilitatem mul-  
tipliciter posse intelligi; & quidem primo  
prout negat mortem, & corruptionem,   
quæ consistat in separatione animæ a  
corpore in homine, & in animalibus; vel  
in recessione formæ principalis a sua ma-  
teria. Secundo prout negat quilibet  
desitionem esse, etiam per annihilationem;  
ita ut quod annihilatur, dicatur  
quoque, quod moriatur, & corrumpa-  
tur. Tertio prout negat corruptionem  
præcise, scilicet separationem partium,  
in quorum unione compositum consistit,  
& in qua separatione intelligatur etiam  
mortis; cum hac ratiō differentia a primo  
modo, quod ibi sit sermo de partibus es-  
sentialibus, hic vero de partibus inte-  
gris.

Rursus observare convenientiam immortalitatem,  
& incorruptibilitatem posse alicui entis  
convenire vel ab extrinseco, vel ab in-  
trinseco. Ab extrinseco convenient, quan-  
do provenit ab aliqua causa extrinseca,  
quæ impedit entis corruptionem. Ab in-  
trinseco vero, quando provenit ex ipsius  
entis natura, quæ non est susceptiva cor-  
ruptionis. Ulterius, potest etiam immor-  
talitas, & incorruptibilitas convenire ali-  
cui per naturam, & alicui per gratiam.  
Per naturam quidem, quando eam habet  
aliquid ens a se ipso, & non ab alio; & in  
hoc sensu solus Deus est immortalis. Per  
gratiam vero, quando eam habet ab ali-  
quo, a quo eandem participavit; & sic  
eam habent creaturæ, sic a Deo factæ, ut  
sint natura immortales, & incorrup-  
tibles, sed non sine tales ex sui natura, qua-  
tenus sunt ex libera Dei productione.  
Denique, ut observat Petavius, id etiam  
dicitur natura mortale, & corruptibile,  
quod et si re ipsa non corrumpatur, quia  
fortior vis aliqua illud conservat, habet  
tamen in se ipso corruptionis principium;  
quodcumque illud sit, juxta Philosopho-  
rum varia rerum principia. Si autem hoc  
principio corruptionis careat, natura erit  
incorruptibile, & immortale; at non per  
naturam, sed per gratiam; hoc est per li-  
berum Dei beneplacitum, ac liberam vo-  
luntatem, qua voluit aliqua sic creare,  
& alia non voluit.

Prima Scholasticorum opinio est illorum  
qui putant, Angelos naturaliter exigere  
incorruptionem; & ita exigere, ut per  
solam potentiam Dei extraordinariam &  
abso-

absolutam, non vero per ordinariam, destrui possint, & annihilari. Referuntur a Frafen.

Secunda est opinio Cajetani, quam refert P. Neri in QQ. selectis theologicis t. 3. q. 1. sect. 2. subsect. 4. Admittit Cajetanus duplēm potentiam corruptivam, physicam scilicet, & logicam. Illa est talis secundum aliquam naturae inclinationem; & est materia ad corruptionem inclinata. Hæc vero est sola non repugnativa. Negat Cajetanus in Angelis primam, quia materiales non sunt; concedit secundam, quia potest Deus illos annihilare.

Tertia opinio ab eodem P. Neri tribuitur Vasquez, sic docenti; quod quum omne corruptibile ad corruptivum comparetur, sequitur, quod vel corruptibile comparatur cum potentia creata, vel increata, & divina: Si cum creata, Angeli sunt incorruptibles; si cum increata, & divina, Angeli sunt corruptibles.

Quarta opinio est Scotti in I. dist. 8. q. 5. §. ad questionem; & in IV. dist. 49. q. 6. §. hic duo sunt; quem citat Cacheranus, negantis immortalitatem, & incorruptibilitatem Angelis convenire ab intrinseco, & per naturam, sed tantum ab extrinseco, & per gratiam. Citantur etiam a Cacherano Gabriel, Ochamus, Vasquez, Martinonus, aliique nonnulli. Attamen Frafen, qui est unus ex discipulis Scotti, fidenter affirmat, atque defendit, Angelos esse incorruptibles, & immortales ex suis interinseatis; quum in altera conclusione antecedenter firmaverit, Angelos non esse absolute incorruptibles, & respectu potentiarum extraordinariae Dei; & pro hac conculione citat Scotorum in I. dist. 8. q. 5. n. 22.

Sexta tandem opinio est S. Thomæ I. p. q. 9. ar. 2., & 2. cont. Gent. c. 55. docentis, immortalitatem, & incorruptibilitatem convenire Angelis ab intrinseco, & per naturam, non ab extrinseco, & per gratiam. Angelicum Doctorem sequuntur omnes Thomistæ communiter; & cum eis Sylvius, Estius, Valentia, Lugs, Herincx, aliique multi.

Dicimus I. Dogma fidei esse, quod Angelii sint incorruptibles, & immortales.

I. Probatur ex Scripturis. Psal. 148. postquam David Rex loquutus fuisset de cœlis, & de Angelis, statim subdidit: Statuit in aeternum, & in seculum seculi. Si aeterni: ergo incorruptibles, & immortales. Matth. 15. Ite in ignem aeternum, qui parvus est Diabolo, & Angelis ejus. Si poena

Angelorum est æterna: ergo aeterni erunt Angelii, qui illam subibunt: ergo incorruptibles, & immortales. Matth. 22. Erunt, hoc est homines beati, sicut Angelii Dei in cœlo. De hominibus beatis dicitur etiam, quod in æternum regnabunt: ergo pariter Angelii. In epist. canon. Judæ Apostoli num. 6. Angelos vero, qui non servaverunt suum principatum, sed dereliquerunt suum domicilium, in judicium magni dei, vinculis aeternis sub caligine reservavit. Item Apocal. 2. 1., & Luc. 20. idem est præmium Angelorum, & hominum justorum, eadem mensura, & describitur æqualitas: ergo utriusque in æternum Dei visione fruentur, & per consequens Angelii immortalitate gaudebunt.

II. Probatur ex Conciliis. Concilium generale Lateranense sub Leone X. animas humanas decernit esse immortales sess. 8. Angelii autem perfectiores sunt animabus humanis, II. Pet. 2., & ad Hebr. 2. Verba Concilii sunt: Sacro approbante Concilio damnamus, & reprobamus omnes afferentes animam intellectivam esse mortalem; cum illa non solum vere, & per se, & essentialiter humani corporis forma existat, verum & immortalis. Concilium generale VI. act. 11. recitans epistolam Sophronii, & act. 13. eam approbans. In illa autem hæc legebantur: Deus suis operibus praesidens, principiumque omnibus temporale constituens, sensibilia quidem fini temporali supposuit, intellectualia vero, & invisibilia hæc meliore dignitate dignatus est; & nullatenus quidem moriuntur, neque corruptiuntur, juxta quod sensibilia deflunt, atque pertransiunt, sed gratiam eis largitus est a corruptione ea, & a morte coercientes. Sic hominum animæ permanent incorruptæ, sic Angelii immortales perseverant. Concilium Ephesinum in epist. Cyrilli ad Reg., quod citatur a Cardinali Brancati de Lauræ, sub his verbis: Angelii sunt incorruptibles.

III. Probatur ex Patribus. Auctor libri de divin. Nomin., qui creditur S. Dionysius Areopagita, c. 4. Angelos habere vitam sempiternam, & qua imminui non potest, ab omni interitu, & morte solutam, & liberam. Athanasius tract. de definition. volens, Angelum, & Animum appellari posse aeternos, quia licet initium habuerint, immortales sunt, & aeternum vivunt. S. Basilius in Psal. 44. docens, Angelos non esse mutabiles in suo esse, quia, in quo statu creantur, in eo perpetuo remanent, servata simplici, & eadem immutabili proprietate substantia. Theodoreetus in epit. divin. decr.

decr.c. de Angelis: *Immortali natura supervacanea est generis divisio; neque enim incremento opus habent, cum non diminuantur; neque coitu, cum sint a corporibus liberi. Et hac docet sacra Scriptura: Angelos enim non duos ab initio solos, quemadmodum homines, fabricatus est; sed quotquot voluit produxit myriadas. Quæ enim ab interitu aliena est natura, non eget incremento.* Lactantius instit. lib. 2. c. 16. *Deus neque nomine, cum solus sit, egit: Neque Angelii, cum sint immortales, dici se Deos aut patiuntur, aut volunt.* Fulgentius de fide ad Petrum: *Etsi inhaerentibus Deo nihil in est de varietate temporis, quia collato sibi aeterna incorruptionis, atque incomutabilitatis munere, nihil in se sentiant immutationis; iesit tamen singulis naturalis terminus, quo a se invicem discernuntur, quia nullus eorum in alio est.*

**I.** Probatur Rationibus. I. Angelii non sunt geniti: ergo sunt incorruptibles. Antecedens constat ex dictis; probavimus enim, Angelos esse creatos; ergo non sunt geniti. Consequentia sequitur; quia corruptio responderet generationi, sicut creationi annihilationis; quod ergo non est genitum, non est corruptibile; quod non est corruptibile, est incorruptibile. II. Angelii sunt essentialiter, & integraliter simplices: ergo sunt incorruptibles. Antecedens supponimus superius probatum, quando probavimus, Angelos esse puros spiritus; si enim sunt puri spiritus, non habent nec partes essentiales, scilicet materialiam, & formam; nec partes integrantes. Consequentia non potest negari; quia, sive corruptio consistat in materialis formæ corruptione, & in immaterialis separatione a materia, juxta principia Peripateticorum; sive explicetur per separari, & uniri, juxta Atomistarum hypothesisim; semper supponit partes: ergo si Angelii non habent partes, quia sunt omnino simplices, non sunt corruptibles. III. Angelii sunt substantiaz complete spirituales: ergo nec possunt mori, nec corrupti. Antecedens patet ex dictis. Consequentia probatur. Quicumque spiritus, sicut non habet nativitatem, ita non habet mortem; sicut non nascitur per generationem, ita non moritur per corruptionem; quia enim spiritus est, nec generat, nec generatur: ergo si Angelii sunt substantiaz complete spirituales, nec possunt mori, nec corrupti: ergo sunt incorruptibles, & immortales. IV. ex S. Thoma apud Illustriss. P. Palanco t. 2. de peccabilit., & impeccabilit. creaturæ intellectualis q.

PAR. II.

19. Substantia nullum principium intrinsecum corruptionis habens est incorruptibilis ab intrinseco; quilibet Angelus est substantia, quæ nullum habet principium intrinsecum corruptionis: ergo est ab intrinseco, seu ex natura rei, incorruptibilis. Probatur minor. Angelus nullam habet contrarietatem intrinsecam, quia est omnia in simplex; non est potentia passiva materiæ ad non esse formæ, ut loquuntur Aristotelei; quia caret materia, & forma: ergo Angelus est substantia, quæ nullum habet principium intrinsecum corruptionis. V. ex eodem S. Doctore apud eundem P. Palanco: Ens, quod subsistit per se, seu, ut illi loquuntur, forma per se subsistens, non potest ex natura rei modo corrupti; sic est Angelus: ergo &c. Probatur major. Forma per se subsistens perit ex natura sua conservacione: non esse: ergo non potest destrui. Probatur antecedens. Forma per se subsistens adæquate est apta nata per se ad sui esse in se ipsa: ergo exigit ex natura sua permanentiam in sui esse. Has duas posteriores rationes multis responsibus debilitare contendunt Herrera, Vasquez, Arriaga; sed ab omnibus eas vindicat subtiliter P. Palanco, quem consulent, qui ulteriora desiderant.

At tempus est, ut Scholasticorum opiniones examinemus. Et quidem prima opinio ex adductis a nobis confundit corruptionem cum annihilatione, quæ re vera sunt distinguendæ, sicut distinguuntur generatio, & creatio; Hæc sunt verba Frassen, qui hanc refert opinionem: „ Tertio denique contendunt alii, illos naturaliter, incorruptionem exigere; ita quod per somnam extraordinariam Dei potentiam destrui possint, & annihilari „. Aut enim opinionis hujuscem propugnatores loquuntur de annihilatione; & non sumus in causa; quia nos loquimur de corruptione, & non de annihilatione: Aut discurrunt de corruptione, & hæc non est annihilation. Sicut generatio, & creatio in hoc differunt, quod creatio nihil presupponat, & generatio presupponat aliquid; ita corruptio, & annihilation in hoc diversificantur, quod in annihilatione nihil remanet, in corruptione vero remanet aliquid. Unde si Auctores isti ita discurrunt, ut intelligant, Angelos esse incorruptibles, quia non sunt geniti; & esse annihilabiles, quia sunt creati; & per consequens iisdem negant corruptionem, & corruptibilitatem, bene discurrunt, & nos ab ipsi-

F f

sis

sis non discrepamus. Concedimus quidem Angelos naturaliter incorruptionem exigere, quia non sunt geniti; generationi enim responderet corruptio; & quia incorruptibles sunt, possunt a Deo annihilari, quia creationi responderet annihilation. Quod autem hoc fiat per extraordinariam Dei potentiam; ut Auctores isti contendunt; dicimus, quod annihilation creationi responderet; & quemadmodum Deus creat, ita pariter annihilat.

Pro secunda opinione, quæ est Cajetani, nimis impropre vocatur corruptio, quæ propriissime est annihilation. Si enim concedit Cajetanus, esse incorruptibles Angelos, quia non sunt materiales; sequitur, quod solum sint annihilabiles. Et quidem res ita se habet, ut generationi respondeat corruptio, creationi annihilation; unde si Angelii non sunt geniti, neque sunt corruptibles, & si sunt creati, sunt etiam annihilabiles. Cæterum illa non repugnantia ad corruptionem, quam supponit Cajetanus in Angelis, a nobis nullo modo conceditur; quia quum Angelii non sunt geniti, sed creati, ex eodem Auctore, nullam habere possunt non repugnantiam ad corruptionem. Unde sunt omnino incorruptiles, quia non sunt geniti; & sunt solummodo annihilabiles, quia sunt creati; ita enim apud Philosophos stat sive rerum, sive terminorum connexio, ut generationi respondeat corruptio; creationi annihilation.

Pro tertia opinione dicimus, quod semel ac aliquod ens non est corruptibile, neque per Dei potentiam corrumphi potest; quanvis possit quidem annihilari. Corruptio enim responderet generationi, sicut annihilation creationi. Quod non est genitum est simplex, quod est simplex annihilari potest, non corrumphi; quia quum non habeat partes, neque essentiales, neque integrales, ut supponimus; si perit, totum perit, & totaliter perit, & nihil ex eo remanet: ergo annihilatur quidem, sed non corruptitur. Et hoc præcipue in sententia illorum, qui volunt, generari idem esse ac uniri, corrumphi idem ac secerni; Potentia autem increata annihilare potest Angelos, quod facere non potest potentia creata; sed corruptere nullo modo potest; quum non possit facere, quod sint compositi, qui sunt simplices; quod sint corpora, qui sunt spiritus; & maxime in sententia illorum, apud quos generari idem est ac uniri, corrumphi idem ac secerni.

Pro quarta opinione, quæ tribuitur Scoti, dicimus, quod incorruptio potest quidem convenire ab extrinseco illis, quæ sunt ab intrinseco corruptibilita; at non vero incorruptibilitas. Unde si Angelii ab intrinseco, & per naturam non sunt incorruptibles, & immortales, non potest illis ab extrinseco, & per gratiam convenire incorruptibilitas, sed incorruptio. Quod autem Angelis etiam ab intrinseco incorruptibilitas conveniat, pater, quia non sunt compositi, non sunt geniti, non sunt misti, ut loquuntur: ergo incorruptibles sunt quidem, quanvis sint annihilabiles, quia sunt creati, sed simplices, & indivisibles, & non compositi, neque misti. His positis.

Dicimus II. Immortalitatem, & incorruptibilitatem convenire Angelis ab intrinseco, & per naturam, non ab extrinseco, & per gratiam.

I. Probatur a Cacherano. Duratio æterna, non potest negari Angelis actione externa Dei annihilante, & contra naturalem ipsorum rationem: ergo sunt incorruptibles ab intrinseco, & per naturam. Probatur antecedens. Possibilis est creatura, quæ naturaliter poterat semper durare, & cui negari non possit &c. sed talis est Angelus: ergo duratio æterna non potest negari Angelis sine actione externa Dei annihilante, & contra naturalem ipsorum naturam. Major patet; quia non repugnat creatura, cui sit naturaliter debita duratio pro sequenti instanti: ergo pro aliis instantibus; non enim est major ratio pro uno, quam pro pluribus. Probatur minor. Angelus de facto nullum habet intrinsecum principium corruptionis, & mortis, quia est spiritualis, & simplex: ergo est illis naturalis duratio æterna a parte post, & non potest ipsi negari sine actione externa Dei annihilante.

II. Probatur ab eodem. Angelii sunt incorruptibles, & immortales; sed tales non sunt per donum aliquod gratuitum, a creatione, & conservatiōe distinctum: ergo sunt immortales ab intrinseco, & per naturam. Probatur minor. Dæmones, quanvis spoliati fuerint donis omnibus gratuitis, permanserunt nihilominus incorruptibles, & immortales: ergo Angelii non sunt tales per donum aliquod gratuitum, quod sit a creatione, & conservatione distinctum.

III. Probatur: Angelii non sunt susceptivi principii corruptionis: ergo sunt immortales,

tales, & incorruptibles ab intrinseco, & per naturam. Probatur antecedens. Princium corruptionis est dissolutio partium; sed Angelica natura non est susceptiva hujusmodi dissolutionis: ergo Angeli non sunt susceptivi principii corruptionis. Probatur minor. Angelica natura est omnino spiritualis: ergo non est susceptiva dissolutionis partium. Probaetur consequentia. Angelica natura non habet partes; sed non habet partes quia est omnino spiritualis: ergo quia Angelica natura est omnino spiritualis, non est susceptiva dissolutionis partium.

**IV.** Probatur. Angelica natura corrupti non potest: ergo Angeli sunt immortales ab intrinseco. Probatur antecedens. Forma per se subsistens corrupti non potest; sed Angelica natura est forma per se subsistens: ergo corrupti non potest. Major patet; quia forma, quae non est in aliquo subjecto, & non exigit in eo esse, & est per se subsistens, corrupti non potest. Minor probatur. Angelica natura habet esse independenter a quocunque subjecto: ergo est per se subsistens.

Arguunt contra utrunque Conclusionem. I. 1. ad Timoth. 6. dicitur, quod solus Deus sit immortalis: *Qui solus habet immortalitatem: ergo immortalitas Angelis non convenit.* II. Ex Patribus Angeli non sunt naturaliter immortales: ergo immortalitas non competit ipsis ab intrinsecō. Probatur antecedens. Ambrosius lib. 3. de fide c. 2. *Nec Angelus immortalis est naturaliter, eius immortalis in voluntate est Creatoris.* Cyrillus lib. 20. thesauri: *Nam eti si Angelus immortalis quedam res est, propter ita constitutam de eo Conditoris voluntatem, & gratiam; nihilominus quoniam existendi principium habet, posset utique finem etiam sortiri; naturales enim prerogativa habentibus quidem valide sunt, non autem earum Opifici Deo.* Quemadmodum ignis urendi vim habet, sed non Deo; & Angelus immortalis est quidem, sed non Deo. Damascenus lib. 3. de fide c. 2. *Immortalis est Angelus, non natura, sed gratia; nam quicquid initium habuit, & definere suam natura potest.* III. Concilia, & Pares docent, Angelos esse immortales non ex natura, sed ex gratia: ergo falsa nostra Conclusio. Probatur antecedens. In sexta Synodo act. 13. habetur: *Sic hominum anima permanent incorrupta, sic Angeli immortales perseverant, non naturam re verae, proprieve immortalem habentes essentiam;* sed gratiam a Deo sortiti sunt, quae immor-

talitatem targitur, & incorruptionem eis provideret. Hieronymus dial. 2. com. Belagianos: *Solus Deus habet immortalitatem, quia per naturam habet, & non per gratiam.* Bernardus lib. 5. de considerat. c. 4. *Angelos beatos esse immortalitate perpetua impossibilis, non creatos, sed factos, & id est gratia, non natura.* Cyrilus Alexandrinus lib. 3. thesauri. c. 2. *Angelus immortalis quedam res est propter voluntatem, & gratiam Salvatoris.* Damascenus lib. 2. de fidē c. 3. *Angelus est substantia, per gratiam, non per naturam, immortalitatem consecuta.* IV. Rei finitae non potest correspondere duratio infinita; sed Angelus est res finita: ergo non potest habere durationem infinitam. Probatur major. Rei finitae, debet correspondere duratio proportionata; sed duratio proportionata est duratio finita: ergo rei finitae non potest correspondere duratio infinita. V. Saltem Angelus in ratione personæ est proprie corruptibilis: ergo in aliquo sensu Angelii sunt corruptibles. Probatur Antecedens. Potest Angelo deficere sua subsistentia, & non per annihilationem: ergo saltem Angelus in ratione personæ est proprie corruptibilis. Probatur antecedens. Potuisse angelica natura assumi a Persona divina; sed in hoc casu deficeret propria subsistentia, & non per annihilationem: ergo potest Angelo deficere sua subsistentia, & non per annihilationem. VI. Angelus non est perfectionis infinitæ: ergo non debetur ei naturaliter immortalitas. Probatur consequentia. Res quæcunque eo est perfectior, quo majorem exigit durationem: ergo si Angelus exigit durationem infinitam, erit perfectionis infinitæ; atqui ex concessis non est perfectionis infinitæ: ergo non debetur ei duratio infinita: ergo non debetur ei immortalitas.

Respondemus ad I. triplex esse mortalitatis, & immortalitatis genus. Unum, quo res ab uno statu ad alium mutatur; alterum, quo res non a se, sed ab altero habet, ut mori non possit; tertium, quo res a se habet, ut non possit nec ex se, nec per aliud deficere. Secundum primum genus Augustinus ep. 28. animam hominis modo mortalem, modo immortalem dicit: *Animam hominis immortalis est secundum quendam modum suum, non enim omnimodo sicut Deus, de quo dictum est; quia solus habet immortalitatem: Nam de anima mortibus sacra Scriptura multa commemorat; quale est illud: Sinite mortuos sepelire mortuos.*

PAR. II.

Ff 2

Et

## 228. Diss. CXXXV. De Immortalitate, &c.

*Et in lib. 2. de Trin. c. 9. Ipsa mutabilitas non inconvenienter mortalis dicitur, secundum quam & anima dicitur mori; non quia in corpore, vel in aliis aliquam substantiam mutantur, & veritatis; sed in ipsa sua substantia quicquid alio modo nunc est, aut fuit, secundum id, quod deficit esse, vel quod erat, mortale reprehendatur. Juxta secundum modum etiam Angelii dicuntur a patribus modo immortales, modo mortales; ex se enim immortales sunt, sed quia possunt a Deo annihilari, dicuntur aliquando mortales. Secundum tertium modum solus Deus est immortalis; & sic verba Apostoli intelliguntur.*

**Ad II.** dicitur, quod Patres vocant Angelos immortales non natura, sed gratia, quatenus dicere intendunt, immortalitatem non esse illis debitam natura, sed gratia; & nomine gratiae intelligunt creationis donum, non autem intelligent donum supernaturale. Intelliguntur ergo, quod Angelii immortalitatis donum non habuerint a se, sed a Deo; & dicunt donum, quia creaturæ nondum existenti non debebatur. Non est vere gratia, supernaturalis scilicet, quia eam tam Angelis quam Daemonibus, communem faciunt. Auditur Hieronymus in Comment. Epist. Pauli ad Titum, per cuius verba Patrum allata testimonia explicantur: *Et nisi fallor, quomodo solus habere dicitur immortalitatem, cum & Angelos, & multas rationabiles fecerit creature, quibus dederit immortalitatem: Ita & solus dicitur verax; non quod & ceteri non immortales, & veritatis sint amatores; sed quod ille solus naturaliter sit & immortalis, & verus; ceteri vero immortalitatem, & veritatem ex largitionis illius dono consequantur.*

**Ad III.** Hæc duo sunt distinguenda, Angelum scilicet esse immortalem, & incorruptibilem per naturam, & non esse talis ex natura. Primum sonat, quod sit talis ab intrinseco, & non ab extrinseco; secundum importat, quod sit talis non a

se, sed ab alio. Et quum possint aequales stare, Angelum esse immortalem ab intrinseco, & non ab extrinseco, & non esse immortalem a se, sed ab alio; hinc possunt quoque convenire, esse talem per naturam, & non esse talem ex natura. Si immortalitas Angelii esset tantum ab extrinseco, in tantum esset, in quantum ejus corruptio semper impedietur a causa extrinseca; sed non est talis; quia ex suis intrinsecis impeditur, quum sit simplex, quum sit spiritus &c. *Esse autem tale ex intrinsecis est idem ac esse tale per naturam; non autem ex natura, quia hoc non a semetipso habet, sed a Deo.*

**Ad IV.** dicimus, quod ad salvandam in Angelo rationem finiri, & rationem creari, sufficit, quod possit annihilari a Deo, qui ipsum creavit, & non ab alio. Non potest autem corrumpi, quia hoc repugnat suis intrinsecis, quum non sit genitus, non sit compositus, sed sit creator, & simplex, & purus spiritus.

**Ad V.** dicit P. Palanco, quod in casu proposito Angelus melioraretur, non corrumpetur, quia subsisteret per personam, quæ eminenter continearet suam propriam personalitatem. Una Persona divina non corrumperet Angelum in ratione personæ, sed potius perficeret, & completeret.

**Ad VI.** quod Adversarius nullam facit distinctionem inter annihilationem, & corruptionem. Angelus non potest corrumpi, potest autem annihilari a Deo. Et quomodo non deberur ei duratio infinita, excludens omne genus, quod sit contrarium durationi. Ulterius, et si habeat durationem infinitam, hoc est aeternitatem a parte post, illam non a se ipso habet, sed a Deo; unde non per hoc in illo dirivatur aliquid, quod ipsum Deo similem reddat. Ex his facilis est ad argumentum responso in forma.



DIS-

# DISSERTATIO CXXXVI.

*De multitudine, & distinctione Angelorum. Error res proscribuntur, Opiniones referuntur, quæ verosimilior est sententia defenditur.*



IHIL certi habemus, nec de Angelorum multitudine, nec de eorundem distinctione, sive Scripturas, sive Concilia, sive Patres ipsos, consulamus.

Theologi tantum de schola hanc sibi provinciam attribuerunt, ut congruentiis quibusdam, ex sacris paginis desumptis, immo etiam rationibus, quas theologicas appellant, de utraque dicerent aliqua, probabiliter quidem, opinando, ac disputando. Nos horum sequentes exemplum, primo loco de multitudine Angelorum pauca differimus, posteriori vero de eorundem distinctione latius disputabimus. Interim ad opiniones recitandas accedimus:

Prima opinio est nonnullorum, qui putarunt, Angelos esse numero infinitos. Hos nomine suppresso referit Frassen; eosque ex Guillermo Parisiensi par. 2. secundæ partis de Universo c. 17. invicte etiam refutat.

Secunda opinio est dicentium, Angelos esse plures numero, quam sive omnes corporæ creaturæ, sive in specie, sive in individuo, considerentur. Hi pariter citantur a Frassen, sed etiam absque nomine.

Tertia est opinio existimantium, Angelos sic ad homines haberi, ut ex parabola evangelica centum ovium habentur nonaginta novem, quibus Angeli significantur, ad unam, qua homines intelliguntur. Vel aliorum putantium, Angelos haberi ad homines, ut ex alia parabola pariter evangelica decem drachmarum, novem habentur ad unam, per novem accipiendo Angelos, per unam vero homines, interpretando. Auctor Quæstionum ad Antiochum, qui non est Athanasius, quanvis opus hoc inter Athanasi opera conincatur, opinionis hujuscem meminit, illius autem propugnatores non dominat.

Quarta opinio est aliorum, qui volunt, Angelos, & homines, æqualem numero esse. Hæc etiam opinio referit a Frassen absque Auctorum nomine. Cacheranus

quoque meminit; afferitque, illam defensisse nonnullos, quos refert Auctor, quem Athanasium, sed immerito vocat, quæstionum ad Antiochum, quas modo indicavit q. 2.

Quinta opinio est aliorum, qui credunt, majorem esse numerum hominum, quam Angelorum. Ex Rubalo q. 50. ar. 3. quæsit. unic. difficult. 3. refert similiter Cacheranus.

Sexta opinio est illorum, qui afferunt, homines prædestinatos ad gloriam tot esse, quot fuerunt Angeli damnati ad pœnam; unde numerum Angelorum longe major rem hominum numero credunt, quia maior est absque dubio numerus Angelorum, qui persistunt in gratia, numero hominum, qui ad gehennam damnantur. Hi quoque a Frassen referuntur, sed absque nomine.

Ex his opinionibus prima recensenda potius est inter errores; adeoque adnumeratur utri primus error in hac re, qui proscriptus omnino est. Loquitur pariter de hoc errore Cacheranus, cum superadiens aliis, quos antecedenter retulerat, & nos modo subnectimus.

Secundus error est illorum Hæreticorum, quorum idem Cacheranus testatur meminisse S. Thomam in II. dist. 3. q. 1. ar. 3. in corp. Hi quidem ponebant unum tantum Angelum, qui diversa habeat nomina, prout diversi sunt actus, quos exercet.

Tertius error est antiquorum Philosophorum, qui admittebant tot solum Angelos, quot sunt Cœli, quos movere pro munere habebant. Unde Aristoteles 12. metaph. ix. 48. quum poneret quadraginta septem orbes, seu cœlos, totidem quoque intelligentias, seu Angelos posuisse dicendus est. Quavis alio in loco; nimisrum 1. de cœlo c. 9. maiorem numerum intelligentiarum adstruere conetur.

Quartus error est Rabb. Moysis, qui modò scribit, Angelos non esse in numero determinato, sed tot esse, quæ sunt in Scripturis virtutes, sive corporales; sive spi-

spiritualis; quibus Deus utitur tanquam suæ voluntatis nuntios; per quos ordinem Tuæ providentiae explet: Modo vero asserit, tot determinate Angelos esse, quòd sunt cætorum orbes, ad quorum motum, juxta antiquorum Philosophorum, & præcipue Aristotelis, placitum, sunt deputati.

Dicimus I. Angelos multos esse, sed non infinitos. Et hoc fidei certitudine firmissimum contra relativos errores habemus.

I. Probatur ex Scripturis. Job. 25. *Nunquid est numerus Militum ejus?* Daniel. 7. *Milia millium ministrabant ei, & decies millies centena millia assistebant ei.* Matth. 26. *Exhibebit mihi modo plusquam duodecim Legiones Angelorum.* Ad Hebreos 12. *Accessistis ad multorum millium Angelorum frequentiam.* Apocal. 5. *Audivi vocem Angelorum multorum, & erat numerus eorum millia millium.* His quidem, aliisque Scripturarum oraçulis, ostenditur, maximum esse Angelorum numerum, sed non esse infinitum. Quum enim Angeli numerentur, hoc sufficit ad probandum infinitos non esse; infinitum namque comprehendendi numero non potest. Quod vero numerus ad millia, & ad centena millia, extendatur, hoc non probat, infinitos esse, sed in maximo quidem numero, quod nos atque asserimus, quando negamus infinitos esse.

II. Probatur ex Patribus. Ireneus lib. 2. c. 6. *Multi sunt, & innumerabiles circa Factorem Angelum, quemadmodum omnes confitentur Prophetæ, dena millia denum millium assistere ei, & multa millia millium ministrare ei.* Cyrilus Hierosolymitanus catechesi 15. *Cogita primum, quantum sit Romanorum genus; cogita, quot gentes Barbarorum nunc viventes, & quot ante centum annos mortui; cogita, quot ante mille annos sepulti sunt; cogita eos, qui fuerunt ab Adam usque ad hodiernum diem: magna quidem hac multitudo, sed hac tamen parva est.* Plures enim Angeli. Novaginta novem oves sunt illæ, tu vero centesima. Theodoreetus in epit. divin. decret. c. de Angelis: *Angelos enim non duos ab initio solos, quemadmodum homines, fabricatus est; sed quotquot voluit, produxit myriadas.* Et de curatione græc. affection. lib. 3. de Diis, & Angelis: *Naturam Spirituum, qui videri non possunt, nequam ex duobus constituit, sed universa simul, semelque creavit.* Quos enim millia eorum Spiritum ab initio esse sanxit, tot reperente simul produxit. Hieronymus ad c. 7. Danielis: *Millia millium assistebant ei;* in-

quit: *Non quod iste Ministerorum Dei numerus definitus sit, sed quod majorem multitudinem humanus sermo explicare nequiviterit.* Ista sunt millio, & ista myriades, de quibus in Psalmis legimus: *Curus Dei decem millibus multiplex millia latantum Dominus in eis:* Et alio in loco: *Qui facit Angelos suos Spiritus, & ministros suos ignem urentem.* S. Isidorus Hispalensis lib. 1. de sum. bon. c. 12. *Banorum Angelorum numerus, qui post ruinam malorum Angelorum est diminutus, ex numero electorum hominum supplebitur, qui numerus soli Deo cognitus est.*

III. Probatur Rationibus. I. Angeli sunt creaturæ cæteris perfectiores: ergo esse debent in magno numero. Probatur consequentia; Antecedens enim non negatur; a S. Thoma 1. p. q. 50. ar. 3. in corp. Cum perfectio universi sit illud, quod præcipue Deus intendit in creatione rerum, quanto aliqua sunt magis perfecta, tanto in majori excessu sunt creata a D:o; sicut autem in corporibus attenditur excessus secundum magnitudinem, ita in rebus incorporeis potest attendi excessus secundum multitudinem.

II. Quo major est Princeps, eo amplior est Aulicorum numerus; sed Deus est Rex Regum, & Dominus Domini nostri: ergo amplissimus Angelorum, qui sunt Aulici ejus, numerus esse debet. Major est Proverb. 14. In multitudine populi dignitas Regis. III. Angeli semel fuerunt a Deo creati, non autem in dies creantur; ergo non possunt nec per generationem, nec per ulteriorem creationem, juxta præsentem providentiam, multiplicari; ergo in tanta multitudine fuerunt a Deo creati, ut ulteriori multiplicatione non egeant; sed hoc esse non potuit, nisi fuerint a Deo in magno numero creati: ergo &c. IV. Omnia creavit Deus in numero, pondere, & mensura: ergo pariter Angelos; sed creare in numero, pondere, & mensura, est creare in numero finito, in pondere finito, in mensura finita: ergo Angelos in numero finito creavit. V. Probatur a Guillelmo Parisiensi apud Praffen multis rationibus, quibus intendit, non posse esse numerum, & esse infinitum; at multitudo Angelorum dicitur numerus: ergo non potest esse infinitus: ergo finitus.

Arguunt I. Illarum rerum, quorum non est numerus, multitudo est infinita; sed Angelorum non est numerus: ergo multitudo Angelorum est infinita. Probatur minor ex illo Job. 25. *Nunquid est numerus militum ejus?* Ex his verbis nos: probavimus multitudinem Angelorum; Adversarii

rii probare intendunt infinitatem. II. ex Chrysostomil. 2. de Incompr. De non sunt millia myriadum Angelorum supra, & decies centena millia Archangelorum: Item Throni, & Dominationes, & Principatus, & Potestates, & infiniti populi corpore carentium Virtutum, ac gentes innumerabiles; & tamen hæc omnes virtutes tanta facilitate condidit, quam sermo nullus aequi potest: ergo per Chrysostomum Angelii sunt infiniti, & innumerabiles. IV. Si argumentum S. Thomæ valerer, probaretur illo, divinas Personas esse innumerabiles; quia sunt perfectissimæ; & quia res quo sunt perfectiores, eo debent in majori numero esse: ergo personæ divinæ, quia sunt perfectissimæ, debent esse numero infinitæ. Est argumentum Durandi in II. dist. 3.q.4.n.8.IV. In creatis materialibus videmus, creature minus perfectas esse in majori numero, perfectiores vero in minori: ergo pariter in Angelis. Probatur Antecedens. Unus est Sol, & stellæ plures; plures sunt formicæ, quam homines; plures passeræ, quam aquila; plures mures, quam elephantes &c. V. Numerus finitus Angelorum, vel est limitatus ex parte creantis, vel ex parte creatorum, vel ex utraque parte: Non creantis; quia hujus potentia est infinita, & hujus voluntas est sine limite: Non creatorum; quia ipsi non respuant sc̄ios, nec se invicem impediunt: igitur ex neutra parte est finitus; ergo infinitus. VI. Angeli non in ea sunt substantia, ut unus possit alterum impedire; non in eo sunt loco, ut infiniti numeri illorum non sit capax; non in ea sunt munere, ut ipso superiores reputentur: Substantia est spiritualis, penetrabilis ad libitum &c. Locus est amplitudo cœlorum; munus est laudare Deum, qui infinite est laudabilis, & nunquam satis laudatur.

Respondemus ad I. quod verba illa Job intelliguntur respectu nostri, non autem absolute; quia et si respectu nostri non sit determinatus numerus Angelorum, est determinatus tamen respectu Dei. Sic Gregorius magnus ad verba illa Job: *In cognitione humana rationis supernorum Spirituum numerus non est; quia quanta sit illa frequentia invisibilis exercitus, nescit.* Et lib. 27. moral. c. 9. idem Pontifex sanctissimus, & doctissimus, verba Danielis cum verbis Job conferens, scribit: *Supernorum civium numerus infinitus est, & definitus est, & exprimitur; ut qui Deo numerabilis est, esse hominibus innumerabilis demonstretur.*

Ad II. Verba Chrysostomi sunt pari modo intelligenda; nimirum, quod ingens Angelorum numerus, qui a solo Deo determinate cognoscitur, nobis infinitus appetet, quanvis in rei veritate sit finitus, & determinatus.

Ad III. Angelicus Doctor non assignat illam pro ratione, sed pro congruentia, pro multitudine Angelorum; quam quidem multitudinem Angelorum supponit antecedenter probatam. Probet igitur Durandus prius ratione pro Personis Divinis multitudinem, quam probavit S. Thomas pro multitudine Angelorum, & postea congruentia illa pro multitudine Personarum Divinarum utatur, qua S. Doctor utitur pro multitudine Angelorum. Et quum illud facere non possit Durandus, illius responsio inutilis remaneat.

Ad IV. S. Thomas loquitur de præcipuis universi partibus, non autem de singulis cuiuscunque speciei individuis, multo minus de personis divinis. De præcipuis autem universi partibus ratio ejus subsistit; quia ex his consurgit universi perfectione, quam Deus intendit. Ulterius tunc arguitur ex majori perfectione excessus in multitudine, quando non est excessus in magnitudine; quia ergo homo excedit formicas in magnitudine, aquila etiam passeræ; non est necesse, ut inferamus ex majori perfectione in multitudine excessum. Sunt responsiones Cacherani.

Ad V. responderet Guillelmus Parisiensis apud Frassen verbis hisce, quæ etiam ad literam Frassen adducit, provenire illud non ex parte Creatoris, sed creature; & quemadmodum non defuit Creatori virtus, sive potentia, ut mundum infinitum creare posset, sed mundo defuit potentia, cuius defectu infinitus creari non potuit; defuit enim ei receibilitas infinitæ magnitudinis. At nos aliter respondemus; dicendo nimirum, quod argumentum probat, Deum potuisse infinitos Angelos creare, quod non negamus; ut non probat de facto creasse, quod negamus.

Ad VI. dicitur, quod pari modo probat, Angelos potuisse a Deo creari in multitudine infinita; quod nos, admittentes in Philosophicis possibilitatem infiniti categoriaci, non inficias imus; quum præcipue esset multitudo infinita Angelorum infinitum in multitudine, quod a pluribus possibile admittitur.

Quanta autem sit Angelorum multitudo, plures indagare non curant, illam divinæ cogni-

cognitioni remittentes; alii vero per congruentias discurrentes, vel dicunt, Angelos numero plures esse, quam sint species corporeæ, & præstantiorum specierum individua, quanvis non videantur tot esse, quod sunt individua specierum corporarum minus nobilium; & hujus opinio-  
nis est Frassen: Vel afferunt absolute, plures esse, quam sint species rerum materia-  
liorum, ut Cacheranus defendit. Conveniunt  
tamen & illæ, & hic, in afferendo, quod  
Angeli sint plures, quam homines quo-  
unque tempore existentes; homines scilicet,  
qui sunt, qui fuerunt, & qui erunt.  
Cacheranus cam opinionem ex S. Tho-  
ma probat, Frassen ex Scoto; apud quos  
Legentes remittimus, si de his volunt  
instructiores, ac certiores, reddi.

Devenimus modo ad secundam Dissertatio-  
nis partem, scilicet de Angelorum distinc-  
tione. Pro certo hic supponimus, que-  
stionem hanc ad fidem non pertinere;  
quod sic probat Jueninus. Non est de fide  
questio, circa quam nihil Ecclesia defini-  
vit unquam, & de qua cum dubio loquun-  
tur Patres; sic est illa, de qua loquimur;  
ergo ad fidem non pertinet. Ut mino-  
rem probet, adducit verba Augustini lib.  
ad Orosium cont. Priscill., & Origen. Et  
esse itaque sedes, dominationes, principatus,  
potestates, in caelestibus apparatibus, firmis-  
sime credo; & differre inter se aliquid, indu-  
bitata fide teneo. Sed quo me contemnas, quoniam  
magnum putas Doctorem, quoniam ista sint,  
& quid in se differant, nescio, nec sane igno-  
rantiæ periclitari me puto. Hoc suppedito,  
Scholasticorum opiniones de Angelorum  
distinctione afferimus.

Prima sententia est illorum, qui docent,  
omnes Angelos differre specie inter se, es-  
seque impossibile, dari Angelos inter se  
solo numero distinctos. Hæc sententia est  
S. Thomæ 1. p.q.50. ar.4. & in quæst.de  
spiritualibus creaturis act. 8. Sequuntur  
eam omnes Thomistæ, ex exteris Estius,  
Sylvius, Bubalus, Lugus, & ex nostris P.  
Palanco, P. Neri, aliisque. Illud impossi-  
bile explicant; quod nimis possit intel-  
ligi vel absolute, & simpliciter, & sic sen-  
tit Cajetanus, qui alios citat; vel de po-  
tentia ordinaria; & sic opinantur quidam,  
intelligendum esse S. Thomam opusc. 16.

Secunda sententia est aliorum, qui putant,  
Angelos differre solo numero, non autem  
specie. Tributur hæc opinio S. Bonaven-  
turae, Alberto, Guillelmo Parisiensi, aliis-  
que apud Molinam. Volunt quidam, opi-  
nionem hanc accedere errori Origenis,

quem ex Platonici accepit, putantis, non  
solum Angelos esse ejusdem speciei, ve-  
rum quoque omnes animas esse ejusdem  
speciei cum Angelis. Hic idem error Ter-  
tulliano etiam imputatur a Bubalo q. 50.  
ar. 4. quæ sitio r. difficit. g. i.

Tertia sententia est plurimorum, qui sen-  
tient, Angelos partim specie, partim so-  
lo numero differre. Citantur pro hac sen-  
tentia Molina, Valentia, Arriaga, Aver-  
sa, Mastrius, Frassen, Cacheranus, &  
quanvis loquatur de possibili, ejus tamen  
rationes probant etiam de facto. De Sco-  
to dicunt plures, quod idem sentit, sed  
de possibili etiam, atque vero afferunt, cum  
intellexisse pariter de facto; quod quo-  
que de S. Bonaventura propugnant.

Dicimus I. Angelos plures inter se specie  
differre, alios vero differre etiam nume-  
ro; unde non dari sub qualibet specie an-  
gelica unicum individuum.

I. Probatur ex Patribus. Athanasius; vel  
quisquis alius est. Author Quæstionum ad  
Antiochum q. 4. inquit. Una, & eadem  
essentia Angelorum, sicut etiam una est es-  
sensia hominum. Intelligenda sunt hæc ver-  
ba de Angelis infimi ordinis, qui consti-  
tuunt unam speciem aromam, sub qua  
continentur individua, quæ proprie vo-  
cantur Angeli; quanvis Angelorum no-  
men ex communi loquendi usu toti mul-  
titudini Angelorum convenire experia-  
mur. Basilius lib. 3. cont. Eunomium: An-  
geli omnes ut appellationis unius, sic ejusdem  
etiam sunt naturæ inter se. Anselmus lib. 2.  
cur Deus homo c. 21. Omnes Angelæ sunt  
unius naturæ. Quorum verba, vel intelli-  
guntur, ut diximus de verbis antecedenti-  
bus; vel saltem probant, Angelos differ-  
re numero, si non differunt specie. Clas-  
sius loquitur Damascenus lib. 1. inst. c.  
7. Eas, quæ sola individua continent, species  
infimas vocari, cajusmodi sunt Angelus, ho-  
mo, equus.

II. Probatur Rationibus. Non est necessitas  
diversificandi Angelos omnes inter se  
specie: ergo Angelos omnes inter se spe-  
cie non diversificantur. Consequentia se-  
quitur; quia sicut non sunt multiplicanda  
entia sine necessitate, ita nec pariter sine  
necessitate sunt diversificanda; & ratio  
est, quia diversitas major est quædam ma-  
jor multiplicatio, si non ad numerum re-  
rum, quæ sint realiter distinctæ, saltem  
ad numerum prædictorum, quæ iisdem  
rebus convenient. Ut enim ait Cacheran-  
nus, duæ entitates specie diversæ con-  
tinent plura prædicata, quam duæ entita-  
tes

tes solo numero diversæ ; ut patet in Petrus, & Bucefalo, qui continent plura prædicata, quam Petrus, & Paulus; unde Petrus, & Bucefalus habent prædicata omnia, quæ habent Petrus, & Paulus, & continent insuper hinnivitatem, quam Petrus, & Paulus non continent. Sic pariter, subdit cœtus Auctor, duo Angeli diversi specie plura prædicata habent, quam duo Angeli solo numero diversis. Unde non est admittenda in Angelis hæc major diversificatio absque necessitate. Probatur modo antecedens. Si quæ esset necessitas, ab Adversariis esset afferenda; sed Adversarii nullam adducunt, quæ faciat satis: ergo &c. Minor in objectionibus, quas afferent Adversarii, & in responsionibus, quas dabimus illis, examinabitur.

III. Probatur. Ex Augustino in Enchiridio c.28. Ideo Deus reparavit naturam humanam, non Angelicam, quia natura humana perire tota, non sic autem angelica; atque non esset rationabilis hæc totalitas, & partialitas, nisi ponatur, quod nulla species angelica quoad omnia individua, totaliter periret: ergo sub qualibet specie angelica dantur plura individua. Minor, quæ est Scoti in II. dist. 3. q. 7. §. qui dicunt, probatur sic: Si Angeli differrent solum specie, tot species Angelorum periissent, quot Angeli perierunt: ergo species illæ, & quidem plurimæ, totaliter periissent; sed hoc non est dicendum ex Augustino: ergo dicendum est, quod ex qualibet specie plura individua remanserunt, & aliqua perierunt: ergo jam datur in Angelis non solum specifica, sed etiam numerica diversitas.

IV. Probatur a Scoto. Non implicat, quod species infima pluribus communicetur: ergo de facto in Angelis communicatur. Probatur antecedens. Si implicaret, vel implicantia proveniret ex perfectione, vel ex imperfectione speciei infimæ; sed ex neutra provenit: ergo non implicat. Probatur minor. Non provenit ex perfectione; quia aliter natura divina, quæ est perfectissima, non esset communicabilis: Non ex imperfectione; quia aliter species infimæ substantiaz corporeæ, quæ sunt imperfectiores speciebus infimis naturæ angelicæ, non essent communicabiles; quum tamen eas communicari pluribus videamus: ergo si nulli speciei infimæ implicat pluribus communicari, neque angelicæ speciei implicabit. Responsiones etiam Thomistarum ad hanc ratio-

PAR. II.

nem afferentur in objectionibus.

V. Probatur ab eodem ibidem. Quælibet natura, quæ potest intelligi ut universalis sine contradictione, est communicabilis; sed omnis natura creata potest intelligi ut universalis absque contradictione: ergo omnis natura creata est communicabilis; sed natura angelica est natura creata: ergo est communicabilis. Major patet; quia naturæ divinæ repugnat ut sit communicabilis, & plurificabilis numero, quia est de se hæc; adeoque non potest ut universalis intelligi: ergo quia alia natura non est de se hæc, potest ut universalis intelligi, & ideo ei non repugnat, ut sit communicabilis, & plurificabilis numero. Minor negari non potest; quia, ut diximus, quælibet natura creata non est de se hæc; & hoc patet, quia aliter non posset per potentiam Dei absolutam deque specie multiplicari.

VI. Probatur ab eodem ibidem: Destruat Deus per annihilationem Angelum unum; in hoc uno Angelo per Thomistæ tota ejus species esset annihilata. Reproducat Deus eandem speciem annihilationem; quod quidem posse Deum facere, Thomistæ non negabunt: Petimus; vel Deus reproduceret Angelum annihilatum, vel alium; Non Angelum annihilatum, quia hic in sententia Thomistarum reproduci non potest. Docent enim Thomistæ, quod si anima destrueretur simul cum corpore, & postea reproduceretur anima, & cum corpore conjugetur, non resurgeret idem numero homo: ergo reproduceret Deus alium Angelum, non vero Angelum annihilatum: In hoc casu hic alius Angelus cum Angelo destruto vel esset ejusdem, vel diverse speciei; non diversæ, quia est contra hypothesim: ergo ejusdem: ergo possibilia sunt plura individua Angelorum ejusdem speciei angelicæ: ergo jam sunt de facto; nihil enim implicat, quominus de facto sint, quæ de possibili esse non repugnant.

VII. Ideo Thomistæ distinctionem numericam in Angelis non agnoscunt, nec de facto, nec de possibili; immo etiam per absolutam Dei potentiam; quia per ipsos principium individuationis est materia, & Angeli sunt materia expertes; sed hæc ratio per S. Thomam locum habet solummodo in materialibus, non vero in immaterialibus: ergo non obstante illa Thomistarum hypothesi Angeli numero differunt. Probatur minor. Angelicus Doctor in opusc. 16. de unitate intellectus contra

Gg

Aver-

Averroistas, quem citat Frassen, hæc scribit: *Sic ergo intellectus, si naturaliter esset unus omnium, quia non haberet naturalem causam multiplicationis, posset tamen sortiri multiplicitatem ex supernaturale causa, nec esset implicatio contradictionis.* Quod non tantum dicimus propter propositum, sed magis ne hec argumentandi forma ad alia extendatur: *Sic enim possent concludere, quod Deus non potest facere, quod mortui resurgent, & quod cæci ad visum reperantur.* Nec dicat Gonetus, quod S. Thomas non loquitur de Angelis, sed tantum de intellectuali natura, quam asserit non implicare, ut multiplicetur etiam ut intellectualis, dummodo ad materiam ordinem dicat; Angelii autem nec materiales sunt, nec ordinem ad materiam dicunt. Etenim Gonetus aperte loquitur contra mentem, & contra verba Angelici; quia S. Doctor docet absolute; si intellectualis substantia non haberet naturalem causam multiplicationis, posset sortiri multiplicationem per causam supernaturalem; & hoc absque eo, quod dicat ordinem ad materiam, de qua nec verbum facit, ut legentibus innescet; sic Goneto occurrit Frassen.

**VIII. Probatur.** Angeli differunt ratione hypostasis, non naturæ: ergo differunt numero, & non specie; saltem aliqui, quanvis non omnes, ut diximus. Probatur antecedens. Maximus martir in c. 5. libri de coelesti hierarchia, cuius auctor circumferritur sub nomine S. Dionysii Areopagitæ, docet, *ousiam*, per quam Dionysius, sive alias, docuit, Angelos differre, non esse substantiam, sed hypostasim tantum. Item Cyrillus Alexandrinus lib. 2. in Joan. *Angelus ab altero Angelo nulla re differt secundum id, quod sunt Angelii; nempe pra eo, quod cum sint ejusdem omnes speciei, in unam naturam colligantur.* Item Damascenus in lib. de duab. volunt. *Angelii, & homines suarum quique divisiones, & distinctam habent hypostasim, et si ejusdem naturæ sint: ergo jam Angelii differunt ratione hypostasis, & non naturæ; atqui hi solum sunt Angelii intime speciei, qui numero differunt, & vocantur Angelii; ergo hi etiam ab Archangelis specie differunt; & per consequens dicendum est, Angelos aliquos differre specie, aliquos numero; nempe Angelos unius speciei differre specie ab Angelis alterius speciei; & Angelos ejusdem speciei numero tantum inter se differre.*

**IX. Probatur auctoritate, & ratione S. Bonaventuræ, in dist. 3. p. par. distinctionis ar. 2. q. r.** quam sub iisdem verbis assert Frassen, & nos cum ipso: *Quidam dixerunt, quod in Angelis est discretio personalis, sed nunquam pure, immo sicut tot species, quos individua, similiter dicunt in luminaribus.* Sed licet hoc probabilitatem habeat in corporibus celestibus, non tamen videtur rationabile in spiritibus, ut nullus communicet eum alio in natura spirituali, & specifica. *Sicne enim innescit per Scripturam, multi Angeli ad idem officium ordinantur, & communem videntur habere operationem eandem:* Non autem per Scripturam, nec per dicta Sanctorum, nec per officia, innescit tanta diversitas. Ideo non videtur, nisi presumpta hoc dicere, maxime cum non appareat in promptu alia ratio cogens. Alia est positio sobria, & catholica, quæ in Angelis distinctiones ponit quantum ad personalitatem tantummodo aut in omnibus, aut in aliquibus.

**X. Probatur facto,** quod narrat Frassen anno scilicet 1325. a sacra facultate Parisiensi, Stephano Episcopo agente, hos sequentes articulos fuisse proscriptos, atque damnatos. I. *Quia intelligentia non habet materiam, Deus non potest facere plures eiusdem species.* II. *Deus non potest multiplicare individua sub una specie sine materia.* III. *Forma non recipiunt divisionem, nisi secundum materiam.* Non per hoc tamen, ne quidem in minimo, derogatum volumus sententiaz Thomistarum, quam absque fidei discrimine quisque amplecti, ac defendere tuio potest. Pro nostra vero subdimus, quod et si plene, & evidenter non percipiatur, quomodo illi duo Angelii intra eandem speciem distinguerentur, non per hoc dicendum est, non distingui, si alias vel rationes, vel conjecturæ, vel auctoritates, vere distingui suadeant. Plura enim Deus potest facere, quam nos cognoscere; & de pluribus certitudinem circa illorum substantiam habemus, sed circa modum evidentiam non habemus.

**Argunt Adversarii I.** Ideo multiplicantur individua aliarum rerum materialium, ut conserventur species ipsarum; sed in rebus incorruptilibus, quales sunt Angelii, non est hæc necessitas: ergo Angelii non multiplicantur numero. Major est Aristotelis 2. de anima tex. 35., qui etiam experientia ostendit, res incorruptibiles in unico individuo conservari. II. Angelis tribui debet ordo perfectior; sed perfectior est ordo specificus, quam numericus, quia numericus ordo est per accidens,

dens, & minus perfectus: ergo Angelis tribuendus est ordo specificus, & non numericus. III. Bonitas Dei magis communicatur, & Sapientia Dei magis explicatur, in majori diversitate, & varietate specierum in Angelis: ergo haec major diversitas, & varietas specierum est Angelis tribuenda. IV. Differentia individualis est differentia materialis, & materialiter differunt, quæ individualiter differunt: ergo quia Angeli materiales non sunt, nec possunt individualiter differre. V. Auctoritates Patrum intelligendæ sunt de essentia sumpta incomplete, scilicet pro genere tantum; non vero complete, hoc est pro genere, & differentia simul: ergo non sunt aptæ ad nostram sententiam probandam. VI. Omnis differentia petitur vel a materia, vel a forma; a forma specifica differentia, a materia vero numerica; sed Angeli materiam non habent: ergo non habent differentiam illam, quæ sumitur a materia: ergo habent illam, quæ habetur a forma; sed haec est specifica: ergo, &c. VII. Supponantur duo Angeli ejusdem speciei, & diversi tantum numero; petunt Adversarii, haec diversitas unde haberetur? Non a forma, quæ est eadem; non a diversa participatione, formæ facta a materia, unde sumitus differentia individualis, quia non supponitur materia: ergo non esset caput, a quo in Angelis sumeretur differentia numerica. VIII. Omnis forma, quæ sit à materia separata, habet totam perfectionem suæ speciei: ergo quia Angelus est forma separata a materia, habet totam perfectionem, quæ suæ speciei sit debita: ergo non possunt esse plures Angeli solo numero distincti in eadem specie. Antecedens probatur. Non participat suam perfectionem a materia, quam sit forma separata a materia: ergo illam continet in seipso; si continet in seipso, nequit dari Angelus ejusdem speciei, quia aliter tota perfectio speciei non esset in uno. IX. Si Angeli differenti numero deberent esse infiniti; sed nequeunt infiniti esse: ergo &c. Probatur major. Pluralitas numerica in entibus perfectis, & a materia independentibus, non est a quo limitatur: ergo si est in Angelis, est illimitata: ergo infinita. Probatur antecedens. Non limitatur a materia: ergo non est a quo limitetur. X. Si principium individuationis fundatur in inconvenientia in prædicatis non quidditativis, haec non reperitur in Angelis: ergo Angeli non differunt numero.

PAR. II.

Probatur antecedens. Disconvenientia illa solum convenit rebus materialibus: ergo non reperitur in Angelis. Probatur antecedens. Prædicata non quidditativa desumuntur ut plurimum a productionis circumstantiis, a tempore, a loco, a modo &c. sed haec prædicata convenienter solum rebus materialibus: ergo disconvenientia illa solum convenit rebus materialibus. Probatur minor. Res immateriales, ut pote Angeli, convenient in productione, & in productionis circumstantiis, in modo existendi in loco, in creationis, & durationis tempore, in modo essendi, & operandi: ergo prædicata, quæ ab his desumuntur, non convenient rebus immaterialibus: ergo rebus materialibus tantum competunt.

Respondamus ad I. Esse unam ex causis multiplicationem individuorum conservacionis speciei, at non esse unicam. Ad experientiam rerum incorruptibilium dicitur, quod in aliquorum sententia aliqua astralibunt incorruptibilia, & tamen sunt ejusdem speciei; item aliqui orbis coelestes sunt incorruptibles, & nihilominus solo numero differunt. Ulterius aliqua etiam corruptibilia, vel saltem materialia, conservantur in uno, absque multiplicatione, ut videmus in sole. Et hoc quidem, vel quia alia individua non pertinent, nec faciunt ad perfectionem universi, vel sunt necessaria ad finem, ad quem Deus illud unum individuum produxit.

Ad II: Perfectio Angelorum considerari potest dupliciter, vel absolute, & secundum se, vel comparative, & in ordine ad totum universum. Primo modo transferat, quod ordo specificus conveniat magis perfectioni Angelorum; secundo modo nequaquam. Ratio est, quia bonum universi non tantum exigit ordinem majoris perfectionis, sed etiam varietatis perfectionis; unde exigit modum perfectionis substantialis, & accidentalis, quanvis perfectio accidentalis minor sit substantiali. Sic Angeli ad rationem perfectionis majoris absolute, & secundum se, exigunt perfectionem multarum specierum; ad rationem vero perfectionis comparative, & in ordine ad eorum universum, exigunt perfectionem multorum individuorum.

Ad III. dicimus primo per instantiam, quod magis communicatur divina bonitas, & explicatur divina sapientia, per infinitas naturas, quam per finitas: ergo admittendæ erunt infinitæ naturæ? Nequaquam. Secundo subdimus, quod ad maiorem

G g 2 com-

communicationem bonitatis Dei, & ad maiorem explicacionem sapientiae Dei, non facit major, vel minor perfectio objectorum; sed sufficit, quod Deus operetur quicquid operatur bonitate summa, ac summa sapientia. Denique haec major communicatio, & haec major explicatio, non solum est attendenda secundum quid, & comparative ad perfectionem eiuslibet Angeli secundum se, sed etiam simpliciter, & comparative ad bonum vel totius universi, vel Reipublicæ Angelorum; ut Cacheranus inquit.

Ad IV. Fix sequivocatio in ulla materiali. Materiale enim vel sumitur prout spirituali opponitur, vel prout ab essentiali, & a quidditativo distinguitur. In antecedente argumenti accipitur materiale hoc secundo modo; in consequenti vero sumitur primo modo. Unde facta convenienti distinctione terminorum, argumentum nihil concludit. Et re vera differentia individualis dicitur materialis, quatenus differentia individualis non est essentialis, & quidditativa, sed est accidentalis, & provenit ab aliquo, quod non est materia, sed imitatur materiam; ut est scilicet genus respectu differentiarum &c. Magna autem est distantia inter hoc materiale, & materiale alterum, quod spirituali opponitur.

Ad V. dicitur, quod arguento illo non ad rem, ipsorum pace, Adversarii loquuntur. Et quidem primo Patres loquuntur de natura prout opponitur hypostasi, seu personæ: ergo loquuntur propriæ de specie, quæ sola opponitur hypostasi, & individuo. Secundo dicunt Patres, differre Angelos uti differunt homines, & esse ejusdem speciei, ut sunt homines: ergo de specie, non de genere, & loquuntur de individuis, quæ sub tali specie continentur. Tertio assertunt Patres, Angelos distinguui penes dignitatem: ergo per accidentalia; per accidentalia autem individua distinguuntur: ergo volunt, Angelos numerice distinguui. Quarto magis proprium est, quod quando dicitur, talia esse ejusdem naturæ, intelligantur de natura specifica, quam de generica; sicut quando dicimus, equus, & homo sunt ejusdem naturæ, posset juxta Adversariorum argumentum sustineri propositio, quia vere sunt ejusdem naturæ genericæ; at in rigore logico non sustinetur, quia non sunt ejusdem naturæ specificæ.

Ad VI. Omnis differentia specifica peritur a forma, omnis differentia numerica a

materia. Quando dicitur, quod Angeli materiali non habent, intelligendum est dictum de materia prout opponitur spiritui; non vero de materia prout distinguatur ab essentia, ut dictum est. Unde differentia materialis est accidentalis, qualis esse debet numerica, & individualis.

Ad VII. Limitatio, ac finitus & inadæquatus modus habendi formam non peritur tantum ex materia, sed ex Dei voluntate, quæ non communicat singulis individuis ejusdem speciei unum, & adæquatum modum habendi formam. Desumitur etiam ex propria eccentricitate cuiuslibet rei particularis, quæ consistit in praedicationis numericis, quæ ipsam in individuo constituunt. Quod videmus quoque non solum in duobus Angelis, sed in duabus etiam animabus rationalibus separatis, quando supponantur destructa corpora, quibus uniebantur. Iste quidem animæ numero distinguuntur, quia limitato, & inadæquato modo participant speciem humanam; & ramen hic limitatus, & inadæquatus modus non habetur a corporibus, quæ supponuntur destructa. Nec dicant Adversarii, quod remanet ordo, quem dicebant ad corpora; cum quia potuerunt creari sine ordine ad corpora, ut ait Jueninus; cum etiam quia ordo ad corpus, quando corpus non est, non potest limitare naturam; nemo enim operatur, quando non est.

Ad VIII. dupliciter responderet Scorus apud Frassen. Primo, quod non sequitur præcise, aliquid habere totam perfectionem suæ speciei ex hoc, quod careat materia; quia quum natura illa sit multiplicabilis in infinitum, si unum individuum haberet totam perfectionem suæ speciei, haberet perfectionem infinitam, saltem in extensione. Secundo distinguit propositionem, quæ est probatio antecedentis: Debet habere rationem materiæ physicæ, negat; materiæ metaphysicæ, scilicet naturæ specificæ, quæ dicit ordinem ad formam metaphysicam, hoc est ad differentiam individualem, quæ ipsam contrahit, & determinat ad esse individui, concedit.

Ad IX. pariter responderet Scorus dicendo, quod pluralitas numerica potest esse infinita, sed non est infinita, nec debet necessario esse infinita. Limitatur autem in substantiis spiritualibus non a materia, cujus sunt expertes, sed a voluntate Dei, determinantis eis individua, & non plura. Et hoc pariter debent dicere Adversarii;

sarii; si enim queratur ab ipsis; a quo limitetur materia, quæ per ipsos limitat pluralitatem? A Deo, respondebunt, determinante materiam; ita & pariter dicimus nos, a Deo limitari numerum individuorum, absque superfluo recursu ad materiam.

Ad X. Cacheranus responderet, quod quanvis in rebus spiritualibus non sic elucet disconvenientia in prædicatis non quidditativis, ut elucet in rebus materialibus; non desunt tamen aliqua disconvenientiarum capita, quæ nos inducunt ad cognoscendum differentiam numericam inter illas. Et sunt; Raphael potest esse sine Gabriele; at sine Raphaele non potest

esse Raphael; Michael potest habere hanc speciem infusam, quam non habet Gabriel; Gabriel missus est ad Mariam Virginem, ad quam non est missus Raphael; Raphael comitatus est Tobiam, quem non est comitatus Michael. Insuper duo Angeli possunt esse in diversis locis, eu-studiunt diversas animas, respiciunt diversos fines, quanvis omnes laudabiles, & bonos; ut dicitur in Scriptura de Angelo, seu Principe Persarum, qui resistebat Angelo Populi Judaici, ne e captivitate exirent Judæi; hic, ne contaminarentur Judæi, ille ut converterentur Persæ; Daniel. 10. 13.

## DISSERTATIO CXXXVII.

*De Hierarchiis, Ordinibus, & Nominibus Angelorum;  
Sectariorum insanæ confutantur; Theologorum  
sententiae amplectuntur.*

 IERARCHIÆ vocabulum à duabus græcis vocibus derivatur, nimirum *bieros*, & *arcōs*; quarum prima idem significat ac *sacrum*, secunda vero idem ac *principatus*. Sic communiter Scriptores cum S. Thoma 1.p. q. 108. ar. 1. in c. sub *principatus* nomine continetur & *princeps*, & *multitudo*, quæ est sub *principe*. Ex his inferunt Theologi, quod sub una hierarchia sunt omnes rationales creature, quæ solae sacrorum sunt capaces, & quæ dicunt ordinem ad Deum, etiamquam ad unum Principem. In participatione deinde sacrorum distinguuntur duæ multitudines, quarum una est *terrena*, & ecclesiastica, altera coelestis, & angelica; quæ diversimode ad Deum ordinantur, & a Deo illuminantur. Prima vocatur hierarchia Ecclesiastica, de qua non est sermo in praesenti. Altera dicitur hierarchia angelica, de qua nunc sermonem instituimus. Hierarchia igitur est *principatus*, qui comprehendit multitudinem ordinatam; & quia multitudo ordinata exigit ordinum diversitatem, inde est, quod sub qualibet hierarchia diversi ordines continentur. Plures proinde hierarchiæ ponuntur in Angelis, & sub qualibet hierarchia plures ordines. Hierarchiæ sunt tres, & sub qualibet hierarchia tres ordines, qui constituunt no-

vem ordines, seu choros Angelorum. Ratio hujus divisionis est, quia in qualibet multitudine distinguere debemus principium, medium, & finem; unde proveniunt tres hierarchiæ Angelorum, prima scilicet, media, & infima. Sub qualibet deinde hierarchia tres ordines, quia, ut videbimus, non plures, quam novem ordines, seu chori Angelorum in Scripturis, & Patribus inveniuntur.

Primo ex Sectariis Calvianis in lib. instit. c. 14. §. 8. contra Angelorum hierarchias, & ordines, blaterat: *De multitudine Angelorum, & Ordinibus qui definire audent, viderint, quale habeant fundamentum.* Idem haeresiarcha delirat, dicens Paulum Apostolum in epistola ad Ephesios, & in epistola ad Romanos, loqui quidem de Angelis, sed non ut certos eorum designet ordines, at ut ipsorum præstantiam designet: *quod Dens per ipsorum manum suam potestatem, virtutem, & dominationem exerceat.* Testantur Petavius, Estius, Coccius, Frassen, aliique.

Secundo Theodorus Beza negat, in Epistola ad Ephesios Angelos nominari; ait enim: *Simpliciter Apostolus supra omnem omnium rerum creatarum præstantiam Christum evexit.* Hinc appellare non erubescit inepte curiosos, qui ex hoc loco, & similibus, occasionem accipiunt garriendi de Angelorum ordinibus. Sic in Scholiis ad c. 8. epist.

ad

ad Romanos . Pariter testantur Petavius ,  
Frasen , aliquie ,

Tertio Erasmus afferuit , Apostolum in illis locis non loqui de Angelis tantum , sed de universis in genere ; „ quasi dicat , ait „ Peravius , Christum erectum esse supra „ creata omnia quamlibet excelsa , & sublimia ; qualia sunt , quæ illis vocabulis ex primuntur ; imperium , auctoritas , potestas , dominatus , aut si qua ejusmodi sunt nomina , quæ hominum usu , & opinione excellens aliquid continent . „ Ultterius , ex Coccio habemus , eundem Erasmum lib. , cui titulus : *Nova methodus in præcipuos Scriptura locos.*, tit. de Angelis pag. 100. vocare „ errorem , & Scholasticorum figmentum , sine Verbo Dei „ excogitatum , affere hierarchias , & prælaturas Angelorum , quæ in Angelos simili pliciter , Archangelos , Thronos , Dominationes , virtutes , potestates , Cherubim , & Seraphim , dividantur . „

Quarto Centuriatores Magdeburgenses cent.  
3. 4. & 5. &c. c. 4. communem Patrum doctrinam de Angelorum ordinibus nugas vocant . Tradit Coccius .

Quinto Hermannus Hamelmannus de Traditionibus par. 3. lib. 1. hæc insulse haber. „ Quemadmodum ex diversitate nominum possunt diversi Ordines Angelorum colligi ; ita subtilius , more Dionysii , de illis inquirere , & gradus statuere , non modo stultæ est curiositatis , sed temeritatis etiam impia , & periculosæ . „

Dicimus I. tres esse hierarchias , & novem Angelorum ordines , sub tribus hierarchiis contentos . Est communis Patrum , & Theologorum sententia .

I. Probatur ex Scripturis . Genes. 3.24. Collocavit Deus ante paradisum voluptatis Cherubim . Isai. 6.1. Seraphim stabant super illud . Daniel. 10.13. Michael unus de principibus primis . Ad Ephes. 1.20. Supra omnem principatum , & potestatem , & virtutem , & dominationem . Ad Coloss. 1.16. Sive throni , sive dominationes , sive potestates . Ad Roman. 8. Certus sum enim , quia neque mors , neque vita , neque Angeli , neque Principatus , neque virtutes &c. Ad Thessalonicens. 4. Quoniam ipse Dominus in jussu , & in voce Archangeli , & in tuba Dei descendit de cælo . I. Petri 3.22. Profectus in cælum , subiectis sibi Angelis , & potestatibus , & virtutibus . Judæ vers. 9. Cum Michael Archangelus cum Diabolo disputans altercaretur de Moyssi corpore . Omnes novem Ordines Angelorum , qui sub tribus hierarchiis continentur , in relatis sacrae pagi-

næ verbis enumerantur . Namrum Angeli , Archangeli , Principatus , sub infima hierarchia ; Potestates , Virtutes , Dominationes , sub hierarchia media ; Throni , Cherubim , & Seraphim , sub suprema hierarchia .

II. Probatur ex Patribus . Auctor libri de cœlesti hierarchia , sub nomine S. Dionysii Areopagitæ , c. 6. Omnes simul cœlestes , immortalesque substantias in novem ordines divinus sermo distinxit , propriisque , ac significantibus vocabulis appellavit . Has eximius Preceptor noster in ternas tertio repetitas distinctiones ad sancta Trinitatis divisit imaginem . Ac primam quidem esse , ait , quæ coram Deo vescetur semper , idque ex divina dignatione suscepit , ut illi inhæreat jugiter , nullisque mediis interjectis spiritibus inseratur . Nam sanctissimos Thronos , & oculis plurimis , aliisque præditos Ordines , Cherubim scilicet , & Seraphim , Hebraorum voce appellatos , juxta Deum , nullis mediis insertis agminibus , eminenti propinquitate locatos , ait , idque sanctorum Scripturarum tradere expositionem . Hanc igitur ternariam distinctionem , ut unam , & per omnia aqualem , primamque re vera bierarchiam , illustris Dux noster , ac Magister esse , ait , quæ non sit præstantior altera , primoribusque Dei summi splendoribus majori propinquitate conjuncta . Secundam vero afferuit , quæ Potestatibus , Dominationibus , Virtutibusque conficitur . Tertiam item , quæ in cœlestibus functionibus extreum teneat locum , ex Angelis , Archangelis , Principibusque constantem . Ignatius martir epist. ad Trallianos , de cuius genuitate S. Hieronymus non dubitat : Etenim & ego , non quoniam virtutis sum , etiam cœlestia intelligere possim , angelicos ordines Archangelorum , militiarumque cœlestium discrimina , Virtutum , Dominationumque differentias , Thronorum , Potestatumque arietates , Principatum magnificencias , Cherubim , Seraphimque excellentias , Spiritus sublimitatem , & Domini regnum , & incomparabilem Dei Patris omnipotentis divinitatem . Hac cum noverim , non continuo perfectus prorsus sum , aut discipulus , qualis Paulus , qualis Petrus . Irenæus lib. 2. c. 54. Post deinde , etiam si per ipsos ea , quæ sunt super cælos , facta sunt , dicant nobis , quæ sit invisibilium natura , enarrant numerum Angelorum , & ordinem Archangelorum , demonstrant Thronorum sacramenta , & docent diversitates Dominationum , Principatum , Potestatum , atque Virtutum . Clemens Alexandrinus ad c. 3. primæ Petri Epiz. filiæ :

Nolæ: Subjectis sibi Angelis, qui sunt primus Orda; & subditis Potestatibus, qui sunt secundi ordinis; subditis quoque Virtutibus, qui ad tertium ordinem pertinere declarantur. Athanasius ser. 4. cont. Arianoe: Nam & Angelis, & Archangeli, & Dominationes, Throni, & reliqua Potestates, Verbi particeps effecti, vident perpetua faciem Parris Christi. Hilarius ad psal. 134. Praterito Threnorum, Dominationum, Principatum, & Potestatum, Cherubim, & Seraphim. Angelorum, & Archangelorum, miraculo, in his omnia Deus, qua voluit fecit in cœlo, & in terra. Hieronymus lib. 2. adv. Julianum c. 15. Quare in regno cœlorum Archangeli sunt, Angeli, Throni, Dominationes, Potestates, Cherubim, & Seraphim, & omne nomen, quod nominatur non solum in praesenti seculo, sed etiam in futuro? Sine causa diversitas nominum est, ubi non est diversitas meritorum. Augustinus ad Orosium contra Priscillianistas, & Origenistas c. 1. Certe, ait Apostolus: Sive Sedes, sive Dominationes, sive Principatus, sive Potestates. Et esse itaque Sedes, Dominationes, Principatus, Potestates, in cœlestibus apparatibus, firmissime credo, & differre inter se aliquid indubitate fide teneo. Gregorius magnus hom. 34. in Evang. Novem Angelorum Ordines diximus, quia videlicet esse, testante sacro eloquio, scimus Angelos, Archangulos, Virtutes, Potestates, Principatus, Dominationes, Thronos, Cherubim, atque Seraphim. Bernardus lib. 5. de consider. c. 4. Angelii, Archangeli, Virtutes, Dominationes, Potestates, Principatus, Throni, Cherubim, & Seraphim.

III. Probatur Rationibus, seu potius conguentiis, & conjecturis. I. Tres sunt hierarchicæ operationes: ergo tres hierarchias Angelorum. Probatur antecedens ex lib. de cœlest. hierar. c. 3. Sunt nimirum purgare, & purgari, illuminare, & illuminari, perficere, & perfici. Prima hierarchia a nulla alia hierarchia, sed a solo Deo purgatur, illuminatur, perficitur; & illa purgat, illuminat, perficit media hierarchiam. Media purgata, illuminata, perfecta a prima, purgat, illuminat, perficit infimam. Infima purgata, illuminata, perfecta a media, purgat, illuminat, perficit humanam. Purgatio non sit a culpa, ab errore, ab ignorantia, quæ in Angelis non reperiuntur, sed a nescientia, quæ in iisdem, quum non omnes supernaturales veritates intelligent, reperitur. Sic pariter dicendum est de illuminatione, & de perfectione.

II. Apud Regem magnum, & potentissi-

mum primo assistunt, qui sunt illi charores, & illius amantissimi; secundo sapientissimi; tertio Judices, vel magistratus; & hi apud Deum in Angelis constituunt tres Ordines, nempe Seraphim, Cherubim, Thronos, qui primam hierarchiam componunt. Quarto assistunt Magnates, & Regni proceres; quinto Praesides Provinciarum; sexto Duces Legionum; & hi sunt in Angelis Dominationes, Principatus, & Potestates, qui medium hierarchiam efficiunt. Septimo assistunt Centuriones, Ministri scilicet vindicatarum, & justiciarum executores; octavo Legati magni; nono Legati minores; & hi sunt Virtutes, Archangeli, Angeli; quia infinitam hierarchiam formant. III. In qualibet ordinata multitudine tria conveniens est distinguere, principium, medium, & finem: ergo pariter in multitudine Angelorum congruum est tres hierarchias ponere, primam, medium, & infimam. Eadem ratione convenit qualibet hierarchiam in tres ordines secerere, primum, medium, & infimum. IV. In rebus, quæ nostrum captum excedunt, illas divisiones, & ordines illos, ponere debemus, quos in Scripturis, & Patribus invenimus; sed in Scripturis, & Patribus invenimus tres hierarchias, & novem ordines, ut visum est: ergo hos, & non alios ponere debemus.

Arguunt I. Etsi reperiuntur in Scriptura novem nomina, non tamen potest inde inferri, quod novem sint ordines; quia unus ordo potest habere non unum, sed plura, nomina, quæ sine ipso synonima: ergo ex Scripturæ verbis non satis colligitur, novem esse ordines Angelorum. II. Scriptura non enunciat simul ordines hosce, sed sparsim innuit: ergo signum est, quod illos intendit manifestare, at non enumerare; si non enumerare: ergo non faciunt numerum, quem nos dicimus. III. Nomen Archangeli non invenitur in Scripturis in plurali, sed in singulari: ergo signum est, esse nomen unius particularis Angeli, non vero unius ordinis Angelorum. IV. Michael vocatur Archangelus; sed Michael est primus in supremo ordine: ergo non bene dicitur Archangelus, qui spectat ad hierarchiam infimam. V. Non omnes Patres convenient in enumeratione ordinum Angelorum, alii enim enumerant plures, alii pauciores; & de facto Hieronymus, Ambrosius, Cyrillus, quatuor tantum recentent. VI. In sacris Canonibus legitimus decimus

cimum ordinem Angelorum , scilicet c. hi-  
duo de consecrat. dist. I. qui dicitur ordo  
Angelorum , qui ceciderunt , & quem di-  
cit Magister sententiatum in II. dist. q. lit.  
G. restaurandum ex hominibus , qui salvi  
stani . VII. Si haec divisio esset inter An-  
gelos , esset etiam inter Dæmones ; inter  
Dæmones non est : ergo neque inter An-  
gelos . Major probatur ; quia dicitur , ex  
quoilibet ordine Angelos cecidisse . Minor  
patet , quia in inferno nullus ordo , sed  
sempiternus horror inhabitat . VIII. Hæc  
distributio ordinum , & hierarchiarum  
vel fuit facta ab initio creationis Angelor-  
um , vel post casum . Non ab initio ,  
quia nondum erant confirmati in gratia ,  
& erant in via : Non post casum ; quia  
aliter nesciremus quales fuissent Angelii ,  
qui ceciderunt ; quem nihilominus , ut  
dictum est , afferant , ex quoilibet ordine  
cecidisse . IX. Hi ordines vel post judicium  
permanebunt , vel non : Si permanebunt ;  
quos homines purgabunt , illuminabunt ,  
perficiant Angelii ; si homines in mundo  
non erunt ? Si non permanebunt ; ergo  
in ipsis post judicium erit confusio , &  
nullus ordo . X. Augustinus in psal. 79.  
non distinguit Cherubinos a Virtutibus ,  
& Potestatibus ; ait enim : Cherubim subli-  
mes esse cælorum Potestates , atque Virtutes ;  
ergo per Augustinum ordines Angelorum  
non sunt novem .

Respondeamus ad I. quod ubi Scriptura non  
satis se explicat , supplet traditio . Tra-  
ditio autem est antiquissima , quæ in com-  
muni Patrum auctoritate fundatur , & in  
universalis Ecclesiæ consensu elucet , per  
novem relecta vocabula novem Angelor-  
um ordines significari ; non vero , quod  
uni , aut alteri ordini plura ex illis nomi-  
nibus convenient ; ut clarius , & fusius  
apud ipsos Patres invenitur .

Ad II. Enumerat quidem Scriptura novem  
Angelorum ordines , sed non enumerat  
ordines in eodem loco . Non enim Scrip-  
tores sacri intendebant illos ex proposi-  
to enumerare , sed indicare tantam prout  
ibi offerebatur de his occasio loquendi .  
Sat autem est , quod omnes in diversis lo-  
cis enuntientur simul , & enumerentur ;  
ut inde sufficiens habuerint Patres funda-  
mentum eisdem expresse enumerandi ,  
prout de facto ipsorum plurimi enum-  
rarunt , & explicarunt .

Ad III. Nomen Archangeli aliquando sumi-  
tur pro Nuntio principali , & insigniori ,  
qui ad opus magnum a Deo deputetur ;  
sicut pariter Angeli nomina , quod tribui-

tur etiam in Scriptura Gabrieli , & Ra-  
phaeli , quos nemo dubitat ex primariis  
ordinibus esse ; unde non mirum , si Mi-  
chaeli etiam , Principi militæ celestis ,  
Archangeli nomen tribuatur . Parum ve-  
ro refert , quod Archangelus in singulari  
scribatur ; quia aliquando mos est Scrip-  
turae in singulari exprimere , quæ plu-  
ruli nomine intelliguntur .

Ad IV. Michaeli tribuitur Archangeli no-  
men ratione , quam modo diximus ; hoc  
est tribuitur nomen vel officium Archan-  
geli , non vero ordo . Nec enim assenti-  
mur illis , qui putant apud Estium in II.  
dist. 10. q. 6. Michaelem esse ex supremo  
ordine infinitæ hierarchiæ , qui Principa-  
tes appellatur . Hi enim ab Estio quoque  
impugnantur , & Michaelis Principatus  
super omnes Angelos vindicatur .

Ad V. dicitur , Patres , qui paucos ordines  
scribunt , non excludere alios ; non enim  
ex propôsito intendunt enumerare illos ,  
& illorum numerum definire , sed tantum  
incidenter de illis loqui . Subdit nihilo-  
minus Estius , quod si illorum Patrum  
omnia Opera evolvantur , fortassis in alio  
opere invenientur nomina ordinum , quæ  
in uno deficiunt .

Ad VI. dicunt , quod ordo ille decimus , de  
quo canonicus textus loquitur , vocatur  
ordo , non gradu , sed numero . Unde  
Glosa exponit , sensum esse , quod tot An-  
geli ceciderunt , qui possent facere unum  
ordinem , seu melius , qui possent consti-  
tuere numerum unius ordinis . Hic autem  
numerus , juxta Magistrum , restauratur  
per numerum hominum electorum ; qua-  
tenus omnes Electi æquabuntur numero  
Angelorum reproborum , & juxta ipsorum  
meritum inter beatorum Angelorum or-  
dines miscebuntur .

Ad VII. primo dicitur , quod quum in Dæ-  
monibus nihil sit sacrum , dari non potest  
hierarchia , cuius nomine sacer principa-  
tus importatur . Datur tamen aliqualis  
ordinatio , quæ est physica , & naturalis ,  
ex inæqualitate naturarum orta . Hæc  
autem est ipsis ad poenam , non solum sub-  
ordinatis , sed etiam superioribus Ange-  
lis ; quia ut docet S. Thomas I. p. q. 109.  
ar. 2. ad 3. Quod superioribus inferiores sub-  
dantur , non est ad bonum superiorum , sed  
magis ad malum eorum ; quia cum mala fa-  
cere maxime ad miseriam pertineat , praesse  
in malis est esse magis miserum . Secundo ,  
nullus quidem ordo est in inferno , quatenus  
ibi totum est confusione , & horrore  
plenum ; sed non per hoc non est unius  
Dæ-

Dæmonis ab alio distinctio, nec omnes Dæmones æqualem habent pœnam; quæ quidem justitiae ordinem, immo & naturæ ordinem compleant.

Ad VIII. dicitur, quod distributio ordinum sicut facta ab initio creationis Angelorum; quia statim ac Angeli creati fuerunt, habuerunt diversas naturas, & diversa donatum naturalia, tum gratuita; & per diversitatem tum naturalium, tum donorum, diversas quoque constituerunt hierarchias, & ordines. Nihil autem obstat, quod non erant in gratia confirmati; quia vel fuerunt in gratia creati, & habuerunt etiam gratiarum diversitatem, quæ pariter diversitas ad diversitatem hierarchiarum, & ordinum, concurrebat; si vero non fuerunt creati in gratia, juxta diversitatem sententiarum, habuerunt diversas hierarchias, & diversos ordines inchoate, & incomplete, hoc est per dona naturæ, non vero complete, & perfecte, per dona scilicet naturæ, & gratiæ.

Ad IX. Remanebunt post judicium in Angelis hierarchiæ, & ordines quoad substantiam, non vero remanebunt quoad aliqua accidentalia. Diversitas quidem donorum naturæ, & gratiæ etiam post judicium, perdurabit; & hæc est substantia diversitatis hierarchiarum, & ordinum. Diversitas functionum, quas exercent respectu Dei, remanebit; & hæc dicit aliqua accidentalia, in quibus duratura est. Diversitas functionum, quas peragunt respectu hominum, non remanebit; & hæc importat aliqua accidentalia, in quibus deficit.

Ad X. Augustinus vocavit Cherubim potestates, & virtutes, ob ipsorum potentiam, & scientiam, non vero quod intellexerit vel illa nomina, vel illos ordines, in unum confundere, & inter se non differre. Satis illius mens ex aliis ipsius verbis, a nobis superiorius allatis, constat. Verum quod magis est, Augustinus in Enchiridio c. 58. ingenue fatetur, de ordinibus Angelorum se non multa loqui, quia scientiam non habet de illis, de quibus veller loqui: *Dicant, qui possunt, si tamen possunt probare, quod dicunt: Ego me ista ignorare profiteor.*

Pro secunda Dissertationis parte, in qua de nominibus Angelorum inquiritur, primo statuendum videtur, an Angeli propria habeant nomina? Et secundo, quænam illa sint? Pro ueroque.

Dicimus II. Probabilius esse, quod Angelis singulis quibusque Deus propria assignaverit nomina; illa autem solum a Catho-

P AR. II.

licis recipi, quæ in divinis Scripturis, vel in catholicis Scriptoribus, inveniuntur.

I. Probatur a S. Gregorio Homili: de centum oibus. Conveniens est, Angelos sua propria habere nomina, ut a Beatis cognoscantur: ergo vere sua habent nomina. Antecedens est certum; aliter non posse clare, & in individuo cognosci. Consequentia sequitur; major enim convenientia in re factibili est apud Deum ratio facti. II. Debent quoque Angeli sua propria habere nomina, ut illis utantur Beati, quando inter se de iisdem Angelis loquuntur: ergo de facto propria nomina habent. Antecedens quoque constat; non enim apparet, quo alio medio uti possint Beati, dum inter se loquentes, nominare habent Angelos. Consequentia pari modo sequitur. III. Etiam ad præsens & Angeli, & Animæ beatæ, quando inter aliquid modo suo, & de quo inferius dicetur, nominare habent Angelum, vel Animam, si cor. nominibus non exprimitur, quonam pacto, vel quo signo, distinguunt? Quodcumque dicatur, sive signum, sive character, sive quodquunque aliud, illud ipsum est nomen: ergo vere Angeli sua propria habent nomina. IV. Mali Angeli habent sua nomina; ergo etiam boni. Probatur Antecedens. Christus Dominus Dæmonem quendam in Evangelio interrogavit, quoniam nomen haberet; si Dæmon ille suum proprium nomen non habuisset, frustra illum Christus interrogasset: ergo vere mali Angeli sua habent nomina. Consequentia pariter prioris argumenti probatur. Non enim est ratio, cur mali Angeli sua habeant nomina, & boni non habeant; nec videtur assignabilis diversitas inter illos. V. Catholici Scriptores septem tantum Angelorum nomina memorant: ergo si plura adducuntur, non sunt Spiritu Sancto dictante inventa. Probatur antecedens a Serario in 12. cap. Tobiae, & a Salmerone t. 3., qui enumerant hæc septem Angelorum nomina: Michael, Gabriel, Raphael, Uriel, Salathiel, sive Sealtiel, Jehudiel, & Barachiel.

De his autem nominibus, & appellations mysticæ adduci solent, & significationes propriæ verborum, & rerum. Pro significationibus mysticis enumerant septem lampades Apocalypsis; septem cornua agni etiam Apocalypsis; Septem oculos apud etiam Apocal., & Zachariam; & hoc pacto explicant. Apocal. 4. dicitur: *Septem lampades ante thronum Dei; illuminant H h enim*

enim homines, ad quos mittuntur; eo fulgore, quo in se ipsis maxima claritate resurgent. Ibidem habetur: *Vidi Agnum stantem tanquam occisum, habentem cornua septem, & oculos septem, qui sunt septem spiritus Dei, missi in omnem terram. Cornua dicuntur propter fortitudinem, qua Ecclesiam tacentur, Dæmones debellant, justos protegunt, implis resistunt; dicuntur aurem oculi propter vigiliam, qua humani generis salutem procurant, Ecclesiae tranquillitatem servant, & aeterni Dei mandata percipiunt, & exequuntur. Unde Zachar. 4. legitur: *Septem isti oculi sunt Domini, qui discurrunt in universam terram.* Apocal. cap. 8. etiam legitur: *Et vidi septem Angelos, stantes in conspectu Dei.* Ulterius Tobiæ 12. Raphael de se ipso dixit: *Ego sum Raphael Angelus, unus ex septem, qui adstamus ante Dominum.* Unde Clemens Alexandrinus lib. 6. Stromat. prope finem apposite scribit: *Septem sunt, quorum est maxima potentia, primogeniti Angelorum Principes, ob sua munia nomen Dei secum præferentes.**

Explicamus modo nomina. Michael idem est ac *Quis ut Deus.* Gabriel, fortitudo Dei; Raphael, medicina Dei; Uriel, lux, vel ignis Dei; Jehudiel, confessio, vel laus Dei; Salathiel, vel Sealiel, oratio Dei; Barachiel, benedictio Dei. Ex his Michael, Gabriel, Raphael, in divinis Scripturis inveniuntur; Uriel legitur in lib. 4. Esdræ; sed hic liber e Canonorum librorum catalogo expungitur. Salathiel, Jehudiel, Barachiel, a catholice Scriptoribus adnumerantur; nimirum ab Antonio Duca in hymno de septem Angelis assistentibus, qui floruit sub Paulo III. ut etiam a Serario, Salmerone, aliisque, quod nuper diximus. Verum, quod ad rem maxime facit ann. 745, sub Zacharia Papa coactum fuit Concilium Romanum, a quo damnata fuit oratio cuiusdam Aldeberti, in qua osti Angelorum nomina, eaque incognita, præter Michaelis, invocabantur. *Precor vos, & conjuro vos, & supplico me ad vos, Angelus Uriel, Angelus Raguel, Angelus Tabuel, Angelus Michael, Angelus Adimis, Angelus Tubias, Angelus Sabaoth, Angelus Limihel.* Acta autem Concilii narrant: *Qua lecta oratione, dixit Zacharias Papa: Hac nomina, prater Michaelis, omnia sunt nomina Dæmonum.* Quid aliud agendum, nisi ut omnia, qua lecta sunt, igne concrementur; anuerunque omnes Episcopi, dicentes: *Non plusquam tria Angelorum nomina agnoscimus, id est Gabriel, Raphael, Michael.* Vi-

deatur Cardinalis Baronius ad ann. 745. Hi tres tantum in Scripturis sunt. Ex his Michael inter sanctos Angelos supremus, & princeps est; quod late, & fortiter probat Estius, afferens Rupertum lib. 1. de Victoria Verbi Dei c. 18. scribentem: *Michaem eo prælio, quod cum Diabololo commisit, meruisse principatum Angelorum, & hominum.* Similia adhibet Ecclesia, cum in Officio Angelorum; cum in precibus pro illis, qui in agone mortis sunt positi. Eadem sententiam tenuisse Hieronymum, & Thodoretum, idem Estius afferit; ac demum concludit, hanc esse hodie communem, & ut ita dicat, ecclesiasticam sententiam.

Arguunt. I. Beda in Collectaneis alia nomina commemorat; nimirum Rumiellis, & Phaniellis; sic enim se Angelis commendat: *Gabriel esto mihi latus, Michael esto mihi balteus, Raphael esto mihi scutum, Uriel esto mihi protector, Rumiell esto mihi defensor, Phaniel esto mihi securitas.* II. In libris Sybillinis lib. 2. alia nomina Angelorum leguntur; nempe, Eroniel, Samiel, Azael, Uriel; *Tunc Eromiel, Uriel, Samiel, Azaelque, que mala quisque hominum patraverit, ante scientes, e terris animas tenebris caliginis omnes Judicio sistent, ad formidabile patris, magni immortalis solium.* III. S. Bernardus ser. 13. in Psal. Qui habitat, septem Angelos malos enumerat quoque, videlicet: Leviathan, principem superbiae; Beerith, principem iræ; Mammon, principem avaritiae; Beelsbuth, principem invidie; Beelphegor, principem gulæ; Asmodeum, principem luxuriae; Astaroth, principem acedie, seu pigritiae: sicut igitur habentur nomina Dæmonum, ita pariter Angelorum nomina probari debent. IV. Daniel. 10. Michael dicitur unus de Principibus primis: ergo non est omnium Princeps supremus, ac primus.

Respondemus ad I. Bedæ dictum non probari, nec ab Ecclesia, quæ nunquam nominibus illis invocationes direxit, nec ab aliis Patribus, qui nunquam eadem nomina usurparunt. Præcipit quoque Apostolus, novitates vocum virandas esse; & Concilium Romanum allatum cuicunque contrario exemplo prævalet.

Ad II. Sybillini libri apud Eruditos sunt suppositi, & tantum carmina illa admittuntur, quæ apud antiquos Patres, vel Ecclesiasticos Scriptores, inveniuntur.

Ad III. Nomina illa Dæmonum, quæ a Bernardo commemorantur sunt ut plurimum in sacris libris, non sic autem sunt illa An-

gelo-

gelorum bonorum nomina, quæ præter ariæ, ibidem non leguntur. Vel dici etiam potest, quod illa septem nomina indicant septem virtutem capitalia, quibus datur septem Dæmones, ut principes, ab illis septem virtutis desumptis nominibus, quæ septem Dæmonibus appropriantur. Ad IV. dicit Estius, quod verborum illorum Danielis sensus est, Michaelem fuisse pri-

mum, & summum inter primos Principes; eo quidem sensu, quo dicitur Gen. 1. *Fætus est dies unus*; idest, primus; Luc. 24., & ad Cor. 16. Una Sabbati pro prima Sabbati. Immo apud ipsum Danielem legimus c. 9. *Anno uno regni Darii*; & intelligitur, primo. Unde id est Estius concludit, hanc esse phrasim Scripturæ satis familiarem.

## DISSERTATIO CXXXVIII.

*De Statu beatitudinis, & gratiæ, in quo fuerunt  
Angeli creati. Quod certum est, proponitur;  
quod probabile est, probatur.*



Væstiones, quas hac in Dissertatione pertractamus, mere sunt scholasticæ; in iis proinde nulli nobis offeruntur errores, qui sint confutandi, nullæ hæreses, quæ sint impugnandæ. Scholastico-sum opiniones habemus solummodo examinandas, & consueta methodo ab iisdem nos expedimus.

Pro prima Dissertationis parte duplex distinguenda est beatitudo; naturalis una, quæ dicitur a P. Palanco juxta Aristotelem, & S. Thomam, perfectissima contemplatio, quæ natura intellectualis contemplatur optimum intelligibile, quod est Deus; & hanc virtute suæ naturæ Angelii assequuntur; supernaturalis altera, quam, idem ait, in clara Dei visione consistere. Frassen ex Scoto sic explicat primam; scilicet, quod si ultima perfectio, quam natura angelica comparare potest per vires habi ingenitas, cognitione scilicet, & amore Dei, ut Auctoris naturæ: Idem sic alteram describit; nimirum, quod si ultima perfectio naturæ angelicæ, excedens omnem ejus naturalem facultatem, & quam comparare non potest sine divino auxilio eam supernaturaliter elevante. Cuius se expedit Jueninus, dicens, quod naturalis beatitudo posita est in ea perfectione, quæ omnem omnino miseriam excludat; supernaturalis addit intuitivam Dei visionem. Rursus Frassen subdistinguit beatitudinem supernaturalem in illam, quæ est in via, & in illam, quæ est in patria; illam inchoatam, hanc vero consummatam appellat; illam afferit fieri per fidei cognitionem, qua cognoscimus Deum obscure, & in ænigmate, & per PAR.II.

supernaturalem charitatem; hanc vero consistere in clara Dei visione, ejusque perfecta fruitione, quam habent in cœlis Angeli, & Beati. His positis.

Prima sententia est illorum, qui doceperint, Angelos habuisse perfectam essentiæ divinæ visionem, non permanentem, sed transiuentem, a suæ creationis initio: Unde consequenter afferunt, omnes Angelos, sive bonos, sive malos, per nonnulla temporis instantia habuisse jucundam Dei fruitionem, quæ sit per cognitionem, & per amorem. Hæc opinio refertur, & explicatur a Frassen, sed nullum ejus nominar defensorem. Cacheranus vero afferit fuisse Ludovici Vives sup. lib. 11. Augustini, de civit. Dei c. 9., existimantis, Angelos bonos & creatos fuisse, & semper permanuisse in Dei visione; quam etiam, ait, fuisse malis Angelis ab initio communicata transiunter, non permanenter. Credit pro se habere S. Fulgentium lib. de fide ad Petrum c. 3., & S. Bernardum, ser. 7. in psal. *Qui habitat*; immo S. Augustinum, qui docet c. 9. cit., Angelos nunquam fuisse peregrinatos; & in lib. de Genes. ad lit. tribuit Angelis omnibus cognitionem matutinam rerum in verbo ab initio, & antecedenter ad vespertinam; unde videtur consequenter illis omnibus concedere ab initio cognitionem intuitivam, & beatam. Sed de his infra.

Secunda sententia est omnino opposita primæ, quam communiter Theologi amplectuntur, atque defendunt; dicentes, nullos Angelos creatos fuisse de facto in statu beatitudinis supernaturalis. Citantur S. Thomas p. p. q. 62. ar. 1. Magister sententiarum in II. dist. 4., Scotus eadem dist.,

H. 2. dist.,

dist., & seq. Amicus, Lugus, Aversa, Henrincx, ex nostris P. Palanco, P. Neri, &c.

**Tertia sententia** est illorum, in quos divisi sunt secundæ sententiæ propugnatores; alii enim ex his dicunt, quod quanvis de facto Angeli non fuerint creati in statu beatitudinis supernaturalis, potuerunt tamen creari; alii vero mordicus sustinent, quod nec creati fuerunt in statu illo, nec creari potuerunt. Inter primos recensetur Scotus a Frassen; inter secundos alii.

**Quarta sententia** est aliorum, in quos etiam dividuntur, qui dicunt, Angelos fuisse creatos ab initio in statu beatitudinis naturalis; quidam enim dicunt, quod fuerunt sic creati secundum quid, non vero simpliciter; alii vero contendunt, quod fuerunt sic creati & secundum quid, & simpliciter. Per simpliciter intelligunt, quod status ille semper perduraverit; per secundum quid vero, quod non perduraverit semper, sed aliquando amissus fuit. Pro beatitudine naturali secundum quid stat Cacheranus, qui pro se citat Albertum, Bonaventuram, Richardum, Vasquez, Amicum, De Quiros &c. Pro beatitudine vero naturali simpliciter stant Durandus, Cajetanus, Aversa, Gonetus, & ex nostris P. Palanco.

Dicimus I. Angelos fuisse ab initio creatos a Deo in statu beatitudinis naturalis simpliciter, caruisse vero de facto beatitudine supernaturali simpliciter, quanvis potuerint in illa creari. Tres habet partes Conclusio.

I. Probatur pro prima. Augustinus docet lib. 4. sup. Genes. c. 30. Tunc nox ad diem pertinet, non dies ad noctem; cum sublimes, & sancti Angeli illud, quod est creatura in ipso Creatore neverunt, referunt in ipsis honorem & amorem, in quo aeternas rationes, quibus creata est, contemplantur ea, quæ concordissima contemplatione sunt unus dies, quem fecit Dominus; cui conjangitur Ecclesia ex hac peregrinatione liberata, ut & nos exultemus, & latemur in eō; His verbis continetur, quod Angeli habuerunt cognitionem naturaliter in Verbo, & hæc cognitio præcessit cognitionem creaturarum in se ipsis; sed in illo instanti Angeli erant in statu innocentiae, & non erant beati; ergo fuit cognitio Angelorum non beatorum: ergo fuit cognitio Angelorum in naturalibus. Minor pater; quia fuit aliqua temporis morula inter creationem Angelorum, & illorum lapsum. Et quidem cognitio hæc distincta non potuit haberis sine specie impressa, quam Deus Angelis

concessit, & qua possent Deum distincte cognoscere. Sic argumentatur Scotus apud Frassen.

II. Probatur. Angelis in suæ creationis instanti fuerunt integri, & perfecti, loquendo de integritate naturali, & de naturali perfectione: ergo fuerunt naturaliter beati. Antecedens negari non potest; quia opera Dei perfecta sunt, & numeris omnibus absoluta, quando a Deo creata sunt. Consequentia sequitur.

III. Probatur. Naturalis beatitudo consistit in perfectione, quæ excludat omnem omnino miseriam; in hac fuerunt Angelis creati: ergo in naturali beatitudine creati fuerunt. Probatur minor. Miseria est pena peccati; & nemo sub Deo justissimo potest esse miser, nisi mereatur: ergo Angelis fuerunt a Deo creati in perfectione excludente omnem omnino miseriam. Unde Augustinus lib. de corrept. & grat. c. 10. dicebat: *Diabolus, & Angeli ejus beati erant, antequam caderent.*

IV. Probatur. Naturalis beatitudo posita est per alios, ut dictum est, in cognitione, & dilectione perfecta Dei, ut Auctoris naturæ; sed hanc habuerunt Angelis ab initio creationis: ergo habuerunt naturalem beatitudinem. Probatur minor. Angelis fuerunt creati cum virtute perfecte intelligendi, & amandi: ergo potuerunt cognoscere, & amare, objectum intelligibile, & amabile super omnia, quod est Deus.

I. Probatur pro secunda Conclusionis parte. Si Angeli habuissent beatitudinem supernaturalem in primo creationis instanti, nec boni fuissent liberi ad merendum, nec mali ad peccandum; sed hoc est falsum: ergo & illud, ex quo sequitur. Probatur sequela majoris. Supernaturalis Dei visio est incompossibilis cum peccato; ergo si illam habuissent Angelii in primo creationis instanti, nec illi, qui permanserunt boni, libere permanissem, adeoque nec fuissent liberi ad merendum; nec illi, qui fuerunt mali, potuissent esse mali peccando; quia ubi non est libertas, nec est meritum, nec est peccatum.

II. Angelii fuerunt a Deo creati, ut per ipsorum merita supernaturalem beatitudinem a Deo consequerentur ut præmium; sed in primo creationis instanti nullum meritum habere potuerunt; vel saltē nullum præmium, quod supponit meritum antecedens in alio instanti: ergo in illo non potuerunt habere supernaturalem beatitudinem. Major est S. Augustini lib.

ni lib. de corrept. & grat. c. 10. Diaboli & Angeli ejus beati erant, antequam caderent, & se in miseriam casuros esse nestiebant; erat tamen adhuc quod eorum addereur beatitudini, si per liberum arbitrium in veritate stetissent, donec istam summa beatitudinis plenitudinem, tanquam præmium ipsius permanisionis acciperent; id est, ut magna per Spiritum Sanctum data abundantia charitatis Dei, cadere ulterius omnino non possent, & hoc de se certissime noſſent.

**III. Probatur.** Angeli in primo creationis instanti merebantur supernaturalem beatitudinem, & ad eam tendebant: ergo non habebant. Antecedens est S. Prospere lib. 1. de vit. contemplativ. c. 3. Voluntatis sanctorum Angelorum fuit, quod malis sponte cadentibus, ipsi in sua dignitate manserunt; & divino justoque judicio absum est, ut quo fuit cum Deo suo manendi voluntas, fieret permanendi voluntaria felixque necessitas. Et ideo quia nec peccaverunt unquam, nec peccare jam possunt, illius contemplativa via semel facti participes, inexplicabiliter Authorum beatitudinis sua conspiciunt; ac merito sua stabilitatis in aeternum felices effecti de sua mensione securi sunt.

**IV. Probatur.** Mali Angeli in primo instanti non fuerunt certi beatitudinis suæ; sed si non fuerunt certi de beatitudine sua, non fuerunt beati: ergo vere non fuerunt beati: Major probatur; si fuissent certi de beatitudine, non cecidissent; ergo non fuerunt certi beatitudinis suæ: Atqui boni & mali Angeli fuerunt a Deo creati uniformes: ergo si mali Angeli non fuerunt beati supernaturali beatitudine in primo creationis instanti, nec pariter fuerunt boni.

Probatur denique tertia Conclusionis pars. Deus potest dare beatitudinem cuiuscunq[ue] creature intellectuali, vel ut præmium, vel ut donum, si velit: ergo potuisse illum dare Angelis in primo creationis instanti. Probatur antecedens. Nulla enim fuisset repugnantia nec ex parte Dei, nec ex parte Angelorum; non ex parte Dei, quia potens est illum dare, & liber est ut donet; non ex parte Angelorum, quia creaturæ intellectuales sunt, & in gratia, adeoque capaces supernaturalis beatitudinis.

Probatur etiam contra Cacheranum, quod Angeli habuerunt in primo instanti beatitudinem naturalem simpliciter. Ratio ipsius est, quia mali Angeli illum amiserunt; at hoc non obstar, vel non est absolute verum: ergo &c. Probatur minor;

primo quod non obstar. Beatitudo naturalis amitti non potest ab Angelo in pars naturalibus constituto; at Angelus elevarus ad ordinem supernaturalem potest illam amittere per accidentis & indirecte, peccando scilicet directe contra supernaturalia præcepta. Secundo quod sit falsum. Daemones non perseveraverunt in illa dilectione Dei, ut auctoris naturæ: ergo habuerunt.

Arguat I. S. Augustinus docet lib. 12. Confess. c. 9. Angelos fuisse beatos illa beatitudine, quam nos speramus; sed hæc est supernaturalis beatitudo: ergo &c. Probatur major. Augustinus explicans verba illa Genes. 1. In principio creavit Deus cœlum & terra; intelligit cœlum intellectuale, hoc est angelicam naturam, quam, afferit, esse factam participem aeternitatis, & in barentem Deo, ex quo facta est, & ex dulcedine felicissimæ contemplationis super omnem mutabilitatem & volubilem vicissitudinem temporum fuisse. II. idem Augustinus lib. de ecclesiast. dogmat. c. 9. asserit, Angelos sanctos perseverare in ea beatitudine, in qua creati sunt; sed perseverant in beatitudine supernaturali; ergo in ea creati sunt. III. idem Augustinus lib. 11. de civit. c. 9. scribit, bonos Angelos nunquam esse peregrinatos a Domino: Magna pars est, & eo beatior, quam nunquam peregrinata. Peregrinari idem est, ac ambulare per fidem; 11. ad Cor. 2. Quia sumus in corpore peregrinamur ad Dominum: ergo semper fuerunt visione Dei beati. IV. Bernardus ser. 13. & 17. sup. Cantic. docet, Diabolum ante suum lapsum vidisse res in Verbo, adeoque Verbum: Potuit autem contingere, si tamen incredibile, non putetur, plenum sapientia, & perfectum decorum, homines præscire potuisse futuros etiam, & profecturos in parem gloriam: Sed si præscivit, in Dei Verbo absque dubio vidit, & suo labore invidit. V. Ezechiel. 28. Lucifero in persona Regis Tyrriorum dicitur: Tu signaculum similitudinis, plenus sapientia, & perfectus decorum, in deliciis paradisi fuisti; sed paradisi deliciae non aliæ possunt esse, quam Dei visio, in qua supernaturalis beatitudo consistit: ergo &c. VI. Christus Dominus in primo suto conceptionis instanti fuit liber ad merendum, & fuit supernaturali beatitudine beatus: ergo non est incompossibilis beatitudinis status cum merito. VII. Angeli non erant certi in primo instanti, se nunquam futuros esse miseros: ergo non fuerunt beati supernaturali beatitudine.

Ante-

**A**ntecedens paret; non enim sciebant Angeli, an essent in statu, in quo creati fuerant, perseveraturi. Consequens sequitur; quia incertitudo illa satis fuerat ad torquendum illos. **VIII.** In primo instanti non potuerunt Angeli esse miseri miseria poenae: ergo neque potuerunt esse beati beatitudine supernaturali, etiam si Deus sic ordinasset.

**R**espondemus ad I. quod S. Augustinus aliquando intelligit per cognitionem matutinam visionem beatam, aliquando vero cognitionem supernaturalem, & fidei, quae dici etiam potest matutina, quanvis obscura, respectu cognitionis naturalis. Dici etiam potest, quod Augustinus quandoque accipiat cognitionem matutinam pro illa cognitione abstractiva Dei, quam Angeli habuerunt per speciem initio suae creationis sibi a Deo impressam; ut dicit Scotus apud Frassen.

**A**d II. idem Frassen explicat Augustinum, & intelligit, non de beatitudine supernaturali consummata, quam modo Angeli habent, sed de illa inchoata, quae consistit in cognitione, & amore Dei. Ratio ipsius est, quia Augustinus pari modo loquutus est de primo homine in statu innocentiae; primus autem homo in statu innocentiae generalem habuit beatitudinem, quae consistebat in Dei gratia, ac justitia originali cum aliquo felici statu, ac tranquillo.

**A**d III. Loquitur Augustinus non de peregrinatione viæ simpliciter, quae sit per fidem, sed de peregrinatione peccati; de qua loquitur etiam S. Petrus 1. epist. c. 4. *Nolite peregrinari in fervore, qui in tentationem vobis sit.* Potest etiam dici, quod Angeli non sunt peregrinati, quia brevissimo tempore fuerunt in via; vel quia fuerunt semper in celo; vel quia per peccatum nunquam relinquerunt Deum; vel tandem quia nunquam miseriam sustinuerunt, sicut peregrinantes homines sustinent.

**A**d IV. Bernardus non afferendo, sed dubitando, loquutus est; dicit enim; *si incredibile non putetur; ulterius, conditionare, non absolute, afferuit; subdit namque; sed si præscivit.*

**A**d V. Deliciae paradisi non significant claram Dei visionem, sed Dei amorem per charitatem, & cognitionem per fidem, & alias gratias, quibus fruebatur Lucifer, antequam peccaret, & quas perdidit, postquam peccavit.

**A**d VI. dicitur, quod meritum est compendi-

bile cum statu beatitudinis, quando abest peccandi periculum; non vero quando adest. Christus Dominus non habuit periculum, nec libertatem peccandi, quam Angelii habuerunt; cum hac autem est incompossibilis beatifica visio.

**A**d VII. Angeli certo sciebant, se habuisse media, quibus perseverare possent in statu, in quo creati fuerant. Hoc satis erat ad beatitudinem eorum naturalem, quanvis certi non essent, se nunquam miseros esse futuros.

**A**d VIII. dicit Scotus, quod Angeli potuerunt esse miseri in primo suæ creationis instanti miseria poenæ, quæ culpam non supponat. En sua verba dist. 5. q. 5. *Quia non videtur contradicere, quod in primo instanti pena aliqua angelica naturæ insuisset; subindeque potuit etiam immediate a Deo dari pro primo illo instanti, sicut & beatitudo.* Et quidem repugnancia nulla est, nec physica, nec moralis: Non physica, quia si hæc esset, esset pro omni instanti: Non moralis, quia Deus est dominus vitæ, & mortis omnium creaturarum; unde potest etiam sine culpa poenam infligere, & non per hoc esset injustus.

**P**ro secunda Dissertationis parte, notandum, quod questio procedit tam de gratia habituali, quam de actuali, & de bonis Angelis, & de malis. Circa eam autem sequentes opiniones feruntur.

**P**rima opinio est docentium, Angelos non recepisse ab initio creationis gratiam habitualem, seu non fuisse in ipsa creatos. Hujus opinionis dicuntur Magister sententiarius in II. dist. 3. c. 6., & dist. 5. c. 2., Hugo Victorinus in sum. tract. 2. c. 2., Egidius, Richardus, Marsilius, Altisidorensis, aliique. Ad eam quoque dicitur accessisse Scotum, Henricum, S. Bonaventuram; quanvis alii velint, hos postremos problematice fuisse loquitos. Ex nostris hanc opinionem amplectitur P. Neri.

**S**ecunda opinio docet, Angelos in primo creationis instanti recepisse gratia habitualem, & actualem. Ita S. Thomas 1. p. q. 62. ar. 3., & in II. dist. 4. q. 1. ar. 3., & quodlib. 9. q. q. 4. ar. 3. Quem sequuntur Cajetanus, Ferratiensis, Gonetus, Suarez, Vasquez, Amicus, cum omnibus Thomistis; & ex nostris P. Palanco, aliisque.

**D**icimus II. Angelos ab initio creationis suæ, seu in primo instanti ipsius, recepisse a Deo gratiam habitualem, & actualem.

I. Pro-

I. Probatur prima pars. *Gratia habitualis* consistit in bona voluntate, & in amore casto, per quem justi in terris, & beati in cœlis adhærent Deo; sed hanc ab initio creationis Angelii a Deo habuerunt: ergo in primo creationis instanti receperunt a Deo gratiam habitualem. Probatur minor. Augustinus lib. 12. de civit. docet c. 9. *Et istam (bonam voluntatem) quis fecerat, nisi ille, qui eos cum bona voluntate, id est cum amore casto, quo illi adherent, creavit, simul in eis et condens naturam, et largiens gratiam?* Unde sine bona voluntate, hoc est, Dei amore, nunquam sanctos Angelos fuisse, credendum est.

II. Probatur. Qui ordinatur ad aliquem finem debet habere medium maxime necessarium ad talem finem; sed Angelii ab initio creationis fuerunt ordinati ad finem supernaturalem, & gratia habitualis est medium maxime necessarium ad talem finem: ergo Angelii ab initio creationis habuerunt gratiam habitualem. Major negari non potest; minor probatur pro prima parte. Angelii elevandi erant ad finem supernaturalem: ergo ab initio creationis fuerunt ad talem finem ordinati; omnes enim res, quando primo existunt, ordinantur a Deo ad finem illum, ad quem deinde sunt perducendæ. Minor etiam probatur pro secunda parte. Gratia habitualis est illa, sine qua nemo consequi potest finem supernaturalem: ergo est medium maxime necessarium ad illum. Nec dici potest, quod ex parte Angelorum erat obex, sicuti est modo ex parte hominum; quia Angelii potius in illo primo instanti se disponuerunt ad gratiam, quam contra ipsam obicem posuerint.

III. Probatur a S. Thoma. *Gratia habitualis* est semen gloriae: ergo debet dicere illum ordinem ad beatitudinem, quem dicit ratio seminalis ad effectum naturalem; sed in prima creatione creaturæ fuerunt illi inditæ a Deo rationes seminales omnium effectuum naturalium: ergo pariter in creatione prima Angelorum fuit ipsis infusa gratia habitualis.

IV. Probatur. Nullum est assignabile impedimentum, quominus Angelis habitualis gratia fuerit a Deo infusa in primo suæ creationis instanti: ergo vere tunc fuit illis infusa. Probatur antecedens. Nulla est assignabilis ratio, qua debuerit differri talis infusio Angelis post primum creationis instans: ergo nullum est assignabile impedimentum &c. Probatur antecedens. Non fuit in Angelis impotentia se-

disponendi ad gratiam, ut probabitur in responsionibus ad objectiones; Non fuit prioritas, qua natura debet gratiam precedere; quia hec prioritas non debet esse temporis, sed sufficit, ut sit naturæ.

V. Probatur ex Scripturis, & Patribus. Judas Apostolus in epist. canonic. num. 6. *Angelos vero, qui non servaverunt suum principatum, sed reliquerunt suum domicilium.* Ezech. 28. de Lucifero dicitur allegorice: *Perfectus in viis tuis a die conditionis tuae, donec inventa est iniquitas in te.* Eccles. 7. *Deus fecit hominem rectum; quod confirmat Concilium Tridentinum sess. 5. de peccato originali c. 1. Adam per peccatum iustitiam, & sanctitatem perdidisse, in qua fuerat conscientus:* Cur non idem de Angelis debemus dicere? S. Cyprianus lib. de zelo, & labore, in principio: *Demone aliquando suffe Deo acceptum, & charum.* S. Basilis ep. 141. Itaque cum ab unitate recessisset, & angelicam dignitatem abierisset, *Diabolus ab moribus appellatus est: Postquam prior ille, ac beatus habitus extintus est, & huic opposita vis accensa.* Hieronymus in illud Osee 3. *Et diligit vinacia ntarum, scribit: Quæ vina non bebent, & pristinam gratiam perdidunt, sicut Demones, qui lapsi de propria dignitate, & antiquam gratiam non possidentes, aridi sunt.* Augustinus lib. 12. de civit. c. 9. *Unde sine bona voluntate, hoc est Dei amore, nunquam sanctos Angelos fuisse credendum est;* illi autem cum boni creati essent, tamen mali sunt, mala propria voluntate, quam bona natura non fecit, nisi quando a bono sponte defecit; & mali causa non sit bonum, sed defectus a bono; aut minorem accepit amoris divini gratiam, quam illi, qui in eadem persistunt; aut si utrique boni æqualiter creati sunt, istis mala voluntate cadentibus, illi amplius adjuti ad eam beatitudinis plenitudinem, unde se nunquam casuros certissimi fierent, pervenerunt.

Secunda vero Conclusionis pars probatur

I. Angelis in primo creationis instanti erat necessaria gratia, qua peccatum vitarent: ergo illam a Deo receperunt. Antecedens probatur; quia aliter sine culpa cecidissent. Sic enim ait Augustinus lib. de corrept. & gratia c. 11. *Si autem hoc adiutoriam Angelos, vel homini, cum primum facti sunt, defuerint, non utique sua culpa cecidissent.* II. Voluntas Angelii, ut pote corpori non unita, in primo illo instanti non poterat non amare; vel ergo amat Deum, vel creaturam; non creaturam: ergo Deum; atqui Deum sine gratia ad-

jun-

jutorio amare non poserat: ergo in primo creationis instanti habuit gratiam actualēm. Augustinus lib. de corrept. & grat. c. 11. *Quoniam non talis natura facta erat, ut sine diuino adjutorio posset permanere, si velle.... Nanque ut reciperet bonum, gratia non egebat, quia nondum perdiderebat; ut autem in eo permaneret, egebat adjutorio gratia, sine quo id opus non posset.*

Obstat I. Job. c. 4. *Deus in Angelis suis reperit pravitatem; in Hæbreo legitur: In Angelis suis non posuit laudem, vel lucem; sed laudis, & lucis nomine venit gratia sanctificans: ergo &c.* II. *Dæmones nunquam habuerunt charitatem: ergo nunquam habuerunt gratiam sanctificantem.* Antecedens est Joannis Papæ in ep. ad Isaac Syracusanum: *Dolee satis, & erubescit, charitatem, quam in cælo habere nequit, homines confantes ex lutea natura, tenere in terris.* III. *Diabolus ab initio formationis suæ peccavit, nec poenituit: ergo gratiam sanctificantem non habuit.* Antecedens habetur Joan. 3. *Qui facit peccatum ex Diabolo est, quia ab initio Diabolus peccat; & Joan. 8. Vos ex Patre Diabolo estis, & desideria Patris vestri vultis facere: Itle homicida erat ab initio, & in veritate non stetit.* IV. Augustinus lib. 2. de Genesi ad liter. c. 1. docet, angelicam naturam fuisse ab initio informiter creatam, & fuisse dictam cœlum; postmodum vero fuisse formatam, & fuisse appellatam lucem: ergo a primo instanti non fuit lux. V. Deus in Angelis voluit ostendere, quid posset gratia sine libero arbitrio, in primo instanti creationis ipsorum: ergo in instanti illo non habuerunt gratiam habitualēm. Antecedens est Augustini lib. de corrept. & grat. c. 10. *Credimus, Deum sic ordinasse Angelorum, & hominum vitam, ut in ea prius ostenderet, quid posset eorum liberum arbitrium, deinde quid posset sua gratia beneficium, iustitiaque judicium.* VI. Si Angeli habuissent gratiam sanctificantem ab initio, fuisse ad Deum conversi: ergo nuquam ab eo averti potuissent. Consequētia probatur. Et quia Angelorum voluntas difficile mutatur; & quia si conversi fuissent, consequenti fuisse beatitudinem: ergo non potuissent a Deo averti. VII. *Conveniens fuisse, ut Angeli prius crearentur in statu puræ naturæ, postea reciperent gratiam, & deinde reciperent ad gloriam:* ergo a principio non fuerunt creati in gratia. Probatur antecedens: *Gratia mediata inter*

naturam, & gloriam.

VIII. *Vel Angelii habuerunt æqualem gratiam, vel inæqualem;* si æqualem; cur ergo aliqui cediderunt, & aliqui steterunt? Si inæqualem; non est ratio inæqualitatis hujuscē: ergo non est affirmanda. IX. Non fuit in Angelis dispositio ad gratiam sanctificantem recipiendam in primo creationis instanti: ergo in illo instanti illam, non receperunt. Probatur antecedens. Nihil in illo instanti operati sunt, quo ad gratiam se disponerent: ergo non fuit in Angelis dispositio &c. X. Si Deus contulisset gratiam Angelis pro illo instanti, quo ipsos creavit, simul contulisset naturam, & gratiam; sed simul conferre naturam & gratiam indicasset gratiam esse naturalem: ergo ne hæc suspicio Angelis inesset, debuit Deus pro primo instanti conferre naturam, hoc est nativitatem, & creationem, & pro altero gratiam.

Respondemus ad I. quod versio hebraica intelligitur de laude, & luce consummata, & perfecta, quam modo habent Angelii beati, qui propterea Job. c. 38. dicuntur: *Astra matutina, Deum laudant.* Alii dicunt, quod intelligatur de laude, & luce gloriae, non vero de laude, & luce gratiae. Alii subdunt, quod verbum illud non posuit intelligendum sit firmiter, & permanenter.

Ad II. Textus canonicus in c. visis literis, 16. q. 2., vel a quibusdam legitur *ne quis pro nequivit;* vel explicatur post peccatum, non ante; unde fuit impotentia secundum quid, ex suppositione scilicet suas malitiae; vel denique interpretatur *Glossa,* quod intelligendus sit de perseverantia finali in charitate, quam Diabolus non habuit; non quia habere non potuit, sed quia retinere non voluit.

Ad III. Initium illud explicatur moraliter, non mathematice; & sensus est, quod Diabolus peccavit paulo post suam creationem. Reus autem homicidii fuit ab initio mundi, non ab initio creationis suæ; quia ab initio mundi impulsit Cainum ad Abelis homicidium, & per peccatum fecit introire mortem in mundum. Cæterum dicitur, quod Diabolus non stetit: ergo fuit, quanvis stabilis, & perseverans in gratia non fuerit.

Ad IV. S. Thomas dicit, angelorum naturam ex Augustino fuisse informem in sui productione, in instanti quidem naturæ, non vero in instanti temporis; quod ex Augustino confirmatur lib. 11. de civit.

de

de Angelis scribente : *Simul ut facti sunt, lux facti sunt*. Alii dicunt, eam appellasse informem per respectum ad gloriam, non vero per respectum ad gratiam; quia Angelus habuit quidem gratiam, quæ conveniens sit viatori, non vero illam habuit, quæ convenit possessori.

Ad V. Augustinus intelligendus est vel de illo instanti priori naturæ, in quo Angeli intelliguntur sine gratia, & solum cum libero arbitrio; vel de majori, & minori gratia, qua fuerunt Angeli à Deo donati. Alii dicunt, intelligendum esse de gratia non efficaci, non vero de efficaci; ut putat Juveninus; sed hæc responsio nobis non arridet, propter rationem, quam dabimus, quando de gratia efficaci agemus.

Ad VI. dicitur, quod Angeli cum illa gratia adhuc remanserunt liberi; & quoniam non moveantur ita facile, ut homines, ab eo, quod semel elegerunt, non sunt tamen prorsus immobiles in electione, quam semel fecerunt, quando sunt in via. Audiatur Nazianzenus or. 38. *Velim dicere eos immobiles ad malum, atque ad bonum, dumtaxat agitationem habentes; utpote Deum circumstantes, ac primas a Deo illustrationes haurientes . . . . Verum ut non omnino immobiles, sed agre mobiles existimem, ac dicam, mibi persuader illi ab splendoris Lucifer, qui propter superbiam caligo effectus est, & nominatur, ac subiecta illi rubelles potestates, qua per boni fugam vitium effecerunt, & nobis contraxerunt.*

Ad VII. Respondeatur per instantiam, quia ex ratione illa sequeretur, nec hominem fuisse creatum in gratia. Directe dicitur, quod melius sit creature rationali semper fuisse in gratia, quam recepisse gratiam in instanti subsequenti, & non in primo; quia status puræ naturæ non dicit perfectionem, quam dicit status gratiæ. Ulterius elucet quoque magis potentia Dei, ejusque liberalitas, donando gratiam simul cum natura, quam donando prius naturam, & deinde gratiam.

Ad VIII. dicimus, Angelos inæqualem gratiam habuisse, juxta majorem, aut minorem perfectionem eorum. Hanc, asserie Frassen, esse communem Theologorum opinionem. Profert S. Ambrosium, qui lib. 1. de Spiritu Sancto c. 7. hæc scribit: *Si putat, non esse spiritualem in Angelis sanitatem, sed aliam quandam gratiam sua proprietate natura, hi inferiores perfecta Angelos hominibus judicabunt. Cum enim & ipsi fateantur, quod Spiritui Sancto Angelos conferre, non audeant, nec possint ne-*

*PAR. II.*

*E*gare, quod hominibus infundatur Spiritus Sanctus, sanctificatio enim Spiritus donum munusque divinum est; invenientur tamen homines, qui meliorem sanctificationem habent, Angelis preferendi: Sed cum Angelis hominibus in adjumentum descendans, intelligentium est, quod creatura quidem superior Angelorum sit, quæ plus recipit gratia spiritualis, ejusdem tamen & erga nos & illos munus Authoris sit. Si ergo ex Ambroso Angelis uberior gratia confertur quam hominibus, quia sunt hominibus præstantioris naturæ; sequitur, quod quum Angeli sine aliis aliis præstantiores in natura, iisdem quoque uberiorem gratiam præ aliis fuisse collatam. Idem docent Basilius lib. de Spir. Sanct. c. 16., Damascenus lib. de fid. orthod. c. 3., Auctor lib. de coelest. hierarch. c. 6. & 7.

Ad IX. dicitur, quod Angeli habuerunt dispositionem ad gratiam sanctificantem, & se ad illam disposuerunt in ipso instanti creationis per actum charitatis, & conversionis ad Deum ut ad finem supernaturalem; ut asserit Cacheranus ex communi opinione Cajetani, Zumel, Goneti, Suarez, Vasquez, Valentiae, aliorumque, contra Sotum, Capreolum, Molinam, Amicum, Arriagam &c. Ratio ipsorum est: Angeli potuerunt in primo instanti disponere se ad actum charitatis: ergo de facto se disposuerunt: ergo de facto recuperunt gratiam habitualis ex propria dispositione. Probatur antecedens: In instanti illo potuerunt Angeli libere operari: ergo potuerunt disponere se ad actum charitatis. Antecedens probabitur in sequenti Dissertatione; consequentia sequitur.

Ad X. dicimus, ita fuisse Angelis collatam gratiam simul cum natura, ut potuerit non conferri, vel pro alio tempore, vel pro nullo tempore. Hoc quidem cognoverunt Angeli, saltem per fidem: ergo cognoverunt pariter auxilium sibi datum ex mera Dei voluntate provenisse, & vires ipsorum naturales excedere. Et ita quidem ex Dei voluntate proveniebat, quod Deus esset omnino liber ad eam concedendam, vel negandam; & quemadmodum eam concessit, ita potuisset non concedere. Hoc totum cognoscebant Angeli, quod quidem multum conferre poterat ad firmandam constantiam, & ad custodiendam humilitatem ipsorum.

Hæc, quæ diximus in præsenti Dissertatione, tam de beatitudine, quam de gratia Angelorum, non ut dogma fidei diximus,

Ii

sed

sed tanquam theologicam probabilem, vel si mavis, probabiliorem, communiorum autem certe in praesenti, opinionem, asseruimus, probavimus, atque defendimus. Ita pariter de hac re eadem se explicavit Angelicus Doctor i. p. q. 62. ar.

3. in c. docens: Respondeo dicendum, quod quavis super hoc sint diverse opinione... hoc tamen probabilius videtur tenendum, & magis dictis Sanctorum Patrum consonum est, quod fuerunt creati in gratia gratam faciente.

## DISSE

# TATIO CXXXIX.

*De celebri inter Scholasticos Controversia; An Angeli potuerint in primo suæ creationis instanti peccare.*



Ontroversiam hanc ideo inter antiquos, ac modernos Scholasticos celebrem factam esse, scribit P. Palanco, quia respicit prima & occultissima naturæ angelicæ principia, ex quibus ipsa incipit voluntarie moveri, & a primo instanti sui esse, ac suæ intellectualis viræ, operari. Et quia hæc principia admodum sunt abstrusa, profunda, intima, non facile a nobis percipiuntur; & hinc oritur opinionum diversitas. Pro secernendis eam certis ab incertis, supponere debemus primo, Angelos principio creationis suæ fuisse a Deo creatos liberos. Hoc apertissime docet Augustinus lib. de correpte. & grat. c. 10. Saluberrime confitemur, quod rectissime credimus, Dominus Dominus que rerum omnium, qui creavis omnia valde bona, & mala ex bonis oritura esse præscivit, & scivit magis ad suam omnipotentissimam bonitatem pertinere, etiam de malis bene facere, quam mala esse non sinere; sic ordinasse Angelorum & bonorum vitam, ut in ea prius offendere, quid posset eorum liberum arbitrium, deinde quid posset sua gratia beneficium, justitiaque judicium. Et post pauca: Angeli quidam, quorum princeps est qui dicitur Diabolus, per liberum arbitrium a Domino Deo refuga facti sunt; refugientes tamen ejus bonitatem, qua beati fuerunt, non potuerunt ejus effugere judicium, per quod miserrimi effecti sunt. Ceteri autem per ipsum liberum arbitrium in veritate steterunt. Unde secundum Augustinum omnes Angeli, tam boni, quam mali, ab initio conditi sunt liberi; ex ipsis tamen mali a Deo libere se averterunt; boni suo libero arbitrio, & actuali gratiæ adjutorio, in veritate, & in observantia steterunt.

Supponere debemus secundo, nullum An-

gelum in primo creationis instanti peccasse: Constat manifeste ex S. Thoma i. p. q. 64. ar. 5. in corp. Respondeo dicendum, quod quidam posuerunt, quod statim Damones in primo instanti sua creationis malis fuerunt; non quidem per naturam, sed per peccatum propria voluntatis, quia ex quo factus est Diabolus, justitiam recusavit. Cui sententia (ut dixit D. Augustinus 11. de civit. Dei) quisquis acquiescit, non cum illis Hereticis sapit, idest Manichais, qui dicunt, quod Diabolus habet naturam malis. Sed quia hac opinio autoritati Scriptura contradicit, (dicitur enim sub figura Principis Babylonis de Diabolo, Isai. 14. Quemodo cecidisti de calo Lucifer, qui mane eribaris; & Ezechiel. 28. In deliciis paradise Dei fuisti, dicitur de Diabolo sub persona Regis Tyri) ideo a Magistris hac opinio tanquam erronea rationabiliter reprobata est. Verum quum nos in praeterita Dissertatione probaverimus, Angelos in primo creationis instanti sanctificantem gratiam habuisse; & quum peccatum simul cum gratia stare non possit; inde certum redditur, Diabolum, aliosque Angelos malos in primo suæ creationis instanti non peccasse. Questio igitur non est de facto, sed de possibili; an scilicet Angeli, qui in primo creationis instanti non peccaverunt, potuerint peccare? His supposi-

Prima sententia est illorum, qui docent, quod via ordinaria procedendo Angeli potuerunt in primo suæ creationis instanti peccare. Tribuitur hæc sententia Scoto, & quam Scotistæ omnes amplectuntur. Eam etiam ex antiquis Scholasticis docuerunt Ochamus, Aureolus, Gabriel, Marsilius, Bachonis; & ex modernis tuerunt Vasquez, Valencia, Aversa, Arriaga, Madernus &c. ex nostris eas susti-

sistinet P. Neri, aliquique plurimi in Massu scriptis. Unde liquido apparet, quod opinione huic tres scholæ favent, Scotti statum scilicet, Nominalium, & Bartholomitarum, ut ait Cacheranus, qui secundum sequitur.

Secunda opinio est illorum, qui assertunt, Angelos non posuisse nulla Dei potentiam in primo sua creationis instanti peccare. Eam docet S. Thomas pluribus, in locis vi & ceteris ipso Thomistæ dominis; ex antiq[ue] scolasticis docuerunt pariter illam; Alensis, Albertus, Richardus, Argentina, Holchoc, Henricus, Hugo de S. Viator, Egidius, S. Bonaventura, Durandus, Granados; & ex recentioribus Artibal, Turrianus, Quiros, aliquique; ex nostris P. Palacio &c.

Terria sententia est illorum, qui media via incedentes dicunt, Angelos de potentia Dei ordinaria in primo sua creationis instanti peccare non posuisse, de potentia vero Dei absoluta posuisse. Refert hanc sententiam P. Neri, sed ejusdem propugnatores non nominat. Cacheranus dicit, Suarium, Atnicum, Esparzam, aliosque, docuisse opinionem Thomistarum cum aliqua limitacione, quae quidem limitatio alia, quam haec, esse non potest; & de facto hanc docet esse, subdeneam sic pariter docuisse Malonium, Lezanam, &c.

Quarta opinio videtur esse Cacherani, sub his terminis concepta: Angelii, quantum est de se, potuerunt, potentia etiam moralis & ordinaria, peccare in primo instanti creationis, sumendo tale instantis rigorose, prout responder nunc nostri temporis, non vera ratione prout responder instanti theologico, seu instanti temporis angelici. Explicat suam assertionem. Quantum est de se, intelligit Angelos sine gratia, sansibante; non tamen in pura natura, sed sine gratia, at cum ordine ad finem supernaturalem, & cognitione illius per fidem. Distinguit ulterius instantis angelicum, quod constare potest ex pluribus instantibus temporis rigorosis; quatenus instantis temporis angelici est prima operatio angelica. Igitur admittit pro instanti nunc nostri temporis, quod eti si indivisibile, recipit tamen prius & posterioris natura, nisi non duratione.

Dicimus, Angelos de qualunque Dei potentia posuisse in primo sua creationis instanti peccare.

I. Probatur. Angelus in primo sua creatio-

PAR. II.

nis instanti habuit volitivam potentiam perfectam, & non limitatam, nec determinatam necessario ad operationem rectam: ergo in illo instanti potuit habere operationem non rectam: ergo potuit peccare. Consequentia secunda negari non potest; hoc est enim peccare, scilicet habere operationem non rectam. Consequentia prima sequitur; quia omnis potentia, quae potest habere operationem perfectam, & non limitatur, nec determinatur necessario ad operationem rectam, potest habere operationem non rectam. Antecedens autem probatur. Voluntas Angeli non habuit maiorem determinationem in primo instanti, quam in secundo; nec fuit minus libera in primo, quam in secundo; ergo Angelus in primo sua creationis instanti habuit volitivam potentiam perfectam, & non limitatam, nec determinatam necessario ad operationem rectam. Probatur Antecedens. Angelus nihil reale intrinsecum habuit in sua volitiva potentia in primo, quod non habeat in secundo instanti: ergo voluntas Angeli non habuit maiorem determinationem in primo instanti, quam in secundo; nec fuit minus libera in primo, quam in secundo. Argumentum est, Scotti apud Frassen.

II. Probatur. Non minus in primo instanti, quam in secundo, habuit Angelus usum liberis arbitrii, & rationis: ergo si potuerit peccare in secundo, potuit etiam in primo. Probatur antecedens. Non minus in primo instanti, quam in secundo, per Adversarios, fuit Angelus liber ad merendum: ergo non minus in primo instanti, quam in secundo, habuit Angelus usum liberis arbitrii, & rationis. Probatur consequentia. Nequit quis mereri sine ratione, & liberis arbitrii usu; tum quia creaturæ rationis expertes, incapaces sunt merendi; tum etiam, quia ubi cessat liberum arbitrium cessat meritum, ut patet in damnatis, aliosque: ergo si Angelus tam in primo, quam in secundo instanti, per Adversarios, est liber ad merendum, tam in uno, quam in alio, habuic usum liberis arbitrii, & rationis.

III. Probatur. Si non potuerint peccare Angelii in primo instanti, ideo fuisse, quia non habuissent libertatem, vel non habuissent libertatem ad peccandum; primum assertunt Richardus, Alensis, Henricus &c. valentes, nullam creaturam posse libere operari in primo sua existentiae instanti; secundum docent Thomistæ,

I. i. 2

aff-

affidentes, Angelos in primo instanti habuisse libertatem sufficientem ad merendum, non ad peccatum; Sed hoc falso est: ergo falso est quoque, quod non potuerint Angeli in primo sue creationis instanti peccare. Probatur primo minor contra negantes libertatem operantibus in primo instanti. Operari necessario non repugnat Angelis in primo instanti: ergo neque repugnat operari libere. Antecedens patet; quia angelicæ operationi non repugnat esse in instanti maxime cum sit spiritualis, & indivisibilis; operationi necessariæ non repugnat esse in instanti primo productionis sui principii, quia semper esset suo principio posterior naturæ, & hæc posterioritas sufficit: ergo operari necessario non repugnat Angelis in primo instanti: Prima consequentia probatur. Posterioritas in operatione respectu sui principii requiritur ratione dependentiæ; sed hæc dependentia non minus salvatur per posterioritatem naturæ, quam per posterioritatem temporis: ergo si per posterioritatem naturæ salvatur dependentia operationis necessariæ, non minus salvatur dependentia operationis liberæ: ergo si operari necessario non repugnat Angelis in primo instanti, neque repugnat operari libere. Probatur modo eadem minor, contra negantes libertatem peccandi in operantibus in primo instanti, quanvis concedant libertatem merendi: Angeli in primo instanti habeat libertatem ad merendum: ergo habent libertatem ad peccandum. Antecedens est doctrina Adversiorum; Consequentia probatur. Si esset differentia inter unam & alteram libertatem, ideo esset, quia Christus Dominus habuit libertatem ad merendum, non vero ad peccandum; sed hæc ratio nulla est: ergo &c. Probatur minor. Ideo in Christo est una, & non alia libertas, quia Christus est impeccabilis; sed Angeli non sunt impeccabiles: ergo nulla est differentia, & nulla ratio.

IV. Probatur. Si Angeli non potuerint in primo instanti peccare, ideo esset, quia non habuissent in illo primo instanti defectum in cognitione, qui repugnaret intellectui angelico pro primo instanti; sed talis defectus non repugnat: ergo &c. Probatur minor; Defectus negativus in cognitione, consistens in carentia cognitionis non debitarum, quæ si adesset, esset impeditiva peccati, non repugnat intellectui angelico in primo instanti: ergo talis defectus in cognitione non repugnat.

Probatur antecedens. Cognitio specialiter proveniens a Deo potest esse negative, defectuosa, & carens perfectione sibi non debita: ergo talis defectus negativus non repugnat intellectui angelico in primo instanti.

V. Probatur. Ideo non potuerint Angeli in primo instanti peccare, quia peccatum tribueretur Agenti, a quo habuissent esse, hoc est Deo; sed hoc est falso: ergo &c. Probatur minor. Operationis, quæ non pertinet ad constitutionem rei in proprio statu, quanvis incipiat eum esse rei, non tribuitur specialiter principio, a quo rea habet suum esse; sed operatio libera non pertinet ad constitutionem rei in proprio statu: ergo falso est, quod tribuitur Agenti &c. Major patet; quia producitur esse, non operari: ergo ratione productionis vel multa operatio tribuenda est Agenti, vel saltem non est tribuenda operatio illa, quæ non spicit ad constitutionem rei in proprio statu. Minor probatur. Status de esse rei dicunt quid permanent, & operatio autem libera non est quid permanent, ergo &c.

VI. Probatur. Si repugnaret Angelos potuisse peccare in primo instanti, ideo esset, vel quia productio Angelorum fuit omnino grata, & liberalis; vel quia cognitio Angelorum fuit omnium perfectissima; vel quia Deus habuit de illis specialē manutencionem; sed hæc rationes nullæ sunt: ergo &c. Probatur minor quoad primam partem. Quanvis Angelorum productio fuisse liberalis & grata, tandem semper fuit in ordine naturali; unde in solo ordine naturali fuerunt Angeloi in primo instanti opus gratiae & misericordiae; sed cum opere gratiae & misericordiae non implicat conjungi in primo instanti peccatum: ergo &c. Probatur minor. Opus gratiae & misericordiae in ordine naturali importat quidem aliquid non debitum, ut non importat aliquid indebitum positivæ; importans autem peccandi est aliquid positive indebitum creature intellexuali secundum se considerat. Probatur eadem minor pro secunda parte. Non debetur Angelo in primo instanti cognitionis omnium perfectissima: ergo nulla est ex hoc capite Adversiorum ratio. Probatur antecedens. Potest Angelus ad primam cognitionem existiri vel a Deo, vel ab alio Angelo, qui supponatur præexistens: ergo non habet Angelus in primo instanti cognitionem perfectissimam; quia si hanc non haberet,

'Angelus excitans inferre Angelo excita-  
to injuriam; quod non est dicendum. Cæ-  
terum ad Adversarios spectat probare  
debitum cognitionis perfectissimam, quod  
usque modo non probarunt. Probatur ea-  
dem minor pro tertia parte. Leges ma-  
numentariae esse leges providentiae or-  
dinariae moralis; sed contra has Deus non  
potest operari nec etiam de potentia ab-  
soluta: ergo dum Adversarii dicunt, quod  
Deus de potentia absoluta posset illam  
manumentam suspendere, non satis si-  
bi constat. Ulterius, quia leges provi-  
dentiae ordinariae se accommodant crea-  
tutatum exigentias, & non impediunt  
causas secundas ne agant motus suos. Has  
omnes rationes Cacherano debemus;  
apud quem latiores invenier, qui sic eas  
desideret.

Argunt Adversarii I. Ad operandum libe-  
re prærequisitur indifferentia; sed haec  
debet præcedere tempore, & non tan-  
tum natura, operationem: ergo non suf-  
ficit posterioritas naturæ in operatione,  
sed requiritur etiam temporis. Probatur  
minor. Si non præcederet tempore, in-  
codem temporis instanti principium ope-  
ranti est determinatum, & indifferens;  
sed hoc involvit contradictionem: ergo  
indifferentia debet præcedere non tan-  
tum natura, sed etiam tempore. II. In-  
stantium operatio necessaria potest esse in  
primo instanti non sic autem libera, quia  
operatio necessaria est operatio prima;  
sed operatio libera non est operatio pri-  
ma: ergo operatio libera non potest esse  
in primo instanti. Probatur minor. Ope-  
ratio libera est operatio voluntatis; sed  
operatio voluntatis non est operatio pri-  
ma: ergo operatio libera non est opera-  
rio prima. Probatur minor. Operatio vo-  
luntatis supponit operationem intellec-  
tus, quia nil volitum, quin præcogni-  
tum: ergo operatio voluntatis non est  
operatio prima. III. Potest salvati in  
Angelis in primo instanti libertas absque  
eo, quod possint in instanti illo peccare;  
ergo etiam supposita in ipsis libertate,  
peccare non possunt. Probatur Ante-  
dens. Est in Angelis in primo instanti li-  
bertas contradictionis ad omittendum  
physice & naturaliter, non moraliter &  
culpabiliter; sed haec sufficit: ergo potest  
salvari &c. Probatur major. Omissio mor-  
alis & culpabilis debet esse volita: ergo  
est actus voluntatis: ergo non potest esse  
in primo instanti. Ulterius; importat  
actum pravum omissio moralis & culpa-

bilis; sed hic actus est positivus, & impor-  
tat libertatem contrarieratis: ergo ut sit  
libertas conradictionis, sufficit ut sit ad  
omittendum physice & naturaliter, non  
moraliter, & culpabiliter. IV. Voluntas  
peccar volendo malum ut bonum; sed  
non potest voluntas hoc velle, nisi intel-  
lectus ei proponat malum ut bonum; &  
intellectus hoc proponendo errat, & ope-  
ratur actu positive defectuoso: ergo non  
potest voluntas peccare, nisi intellectus  
erret actu positive defectuoso; sed hie  
actus non est in Angelis in primo instan-  
ti: ergo in eodem instanti non potest in  
Angelis esse peccatum. V. Actus intellec-  
tus in Angelis, non præsupponens  
actum voluntatis, provenit a Deo; sed  
actus intellectus in primo instanti, ad  
quem consequeretur peccatum, non præ-  
supponeret actum voluntatis: ergo pro-  
veniret a Deo; atqui adhuc actum intel-  
lectus consequeretur peccatum: ergo si  
hic actus intellectus esset a Deo, a Deo  
etiam esset peccatum. VI. Angelus in pri-  
mo instanti habuit gratiam sanctifican-  
tem; sed cum gratia sanctificante non  
potest stare peccatum: ergo Angelus in  
primo instanti non potuit peccare. VII.  
Omnis operatio libera præsupponit ope-  
rationem necessariam; sed Angelus in pri-  
mo instanti habuit operationem nece-  
ssariam: ergo in primo instanti non potuit  
habere operationem liberam. Probatur  
major. Electio libera procedit ex præ-  
xidente necessaria intentione finis: ergo  
omnis operatio libera &c. VIII. In pri-  
mo instanti nullus Angelus peccavit: er-  
go nullus Angelus peccare poterat. Pro-  
batur consequentia. Ex tot millibus An-  
gelorum, si potuissent Angeli peccare,  
imperceptibile est, quod nullus ipsorum  
in primo illo instanti peccaverit: ergo si  
nullus peccavit, signum est quod nullus  
peccare poterat IX. Operatio, que inci-  
pit cum primo esse rei productæ, est con-  
nexa necessario cum natura ipsius: ergo  
debet procedere ab agente, ac illius esse  
auctore: ergo actio peccaminosa si fui-  
set in Angelis in primo instanti, fuisse  
a Deo; quia fuisse cum primo esse Angeli  
producti, & necessario connexa cum na-  
tura ipsius. X. Nullus potest peccare, ni-  
si sit justitiae debitor; Angelus in primo  
instanti non fuit justitiae debitor: ergo  
&c. Probatur minor a S. Anselmo de casu  
Diaboli c. 12. & 14. Angelus in primo  
instanti justitiam non accepit: ergo non  
fuit justitiae debitor. XI. Operatio proce-  
dens

dens a natura , secundum inclinationem naturæ , tribuitur ipsius naturæ auctori ; sed operatio , quæ incipit cum primo esse rei , est operatio procedens a natura secundum inclinationem naturæ ; ergo tribuitur ipsius naturæ auctori ; ergo peccatum Angelorum in prima instanti Deo tribueretur . XII. Angelus primum velle non habet a se , sed ab alio ; sed nemo peccare potest per velle non habitum a se , sed ab alio ; ergo Angelus non potest habere primum velle peccaminosum . Major est S. Anselmi de easa Diaboli . c . 13 . Si primum velle a se habet , aut hoc est volent , aut nolens . Si volens : igitur illud non est primum velle : Si nolens , idem sequitur : quia ante illud velle illud : Igitur voluit illud non esse : igitur aliud volvit .

Respondemus ad I. dicendo , quod cum indifferentia non est incompossibilis determinatio , sicut cum actu primo , non est incompossibilis actus secundus . Ratio est , quia determinatio libera addit quidem aliquid supra indifferentiam , at non destruit ipsam indifferentiam , sicut destruit determinatio necessaria . Et quanvis videatur , quod indifferentia sit indeterminatio , adeoque carentia determinationis , huc tamen est verum de indeterminatione negative accepta , non vero de indeterminatione sumpta positiye ; & sic potest cum una stare determinatio libera , & non cum altera . Quod si cum indifferentia potest stare determinatio libera , potest etiam utraque esse in eodem temporis instanti , & sufficiens est , quod una alteram natura , non tempore , praecedat .

Ad II. Dicitur , quod operatio libera non potest esse prima primitate naturæ , potest autem esse prima primitate temporis , adeoque non potest esse operatio primi instantis naturæ , potest tamen esse operatio primi instantis temporis . Instant autem creationis est instant temporis ; unde ad hoc ut aliqua operatio sit ab Angelo in primo instanti creationis , sufficit , ut sit prima primitate temporis , quanvis non sit prima primitate naturæ . Verum est autem , quod subditur , nihil scilicet esse volutum , quod non sit præcognitum , si intelligatur vel tempore , vel natura , non autem si intelligatur semper tempore . Et si dicatur ; quod cognoscere & velle sunt duo actus , adeoque requirunt differentiam temporis ; dicimus , hoc esse verum in substantiis intellectualibus , qui mota temporis discurrunt ,

& volunt ; non autem in Angelis , qui discursu non indigent , & omnia possunt simplici & instantanea inspectione percipere .

Ad III. Argumentum non potest procedere in sententia illorum , qui sustinent , omissionem etiam culpabilem posse esse puram , nec debere esse volitam actu positivo . Quod dicitur , omissionem actus volunti per actum positivum pertinere ad libertatem contrarietas , negatur , & est ab Adversariis probandum . Tandem , si libertas in Angelo in primo instanti est ad omittendum physice tantum , & naturaliter , erit etiam ad operandum physice tantum , & naturaliter : Unde si Angelus in primo instanti non potest omittere culpabiliter , & demeritorie , neque pro eodem instanti poterit operari meritorie , & laudabiliter .

Ad IV. Intellectus proponit malum ut bonum , quod simul existat cum tali malo , non vero ut bonum , quod sit oppositum tali malo . Si enim proponatur actus libidinosus , qui est malus malitia honestati opposita , ut bonus bonitate delectabili vel utili , quæ revera in tali actu cum illa malitia conjungitur , non est error , nec actus positive defectuosus : Unde in rigore hoc non est proponere malum ut bonum , vel malum sub ratione boni ; sed est proponere in objecto tam rationem mali , tam rationem boni ; quanvis illud sit verum malum , & hoc falsum bonum ; unde decipitur voluntas illud non evitando , & hoc amplectendo , & peccat .

Ad V. Actus intellectus est applicatio voluntatis angelicæ ad primo operandum per modum conditionis , quæ requiritur ad primo operandum , non vero per modum determinationis ad primo operandum , potius hoc modus , quam illo . Voluntas enim a seipso determinatur , non a judicio practico , vel intellectus imperio , ut contendunt Thomistæ .

Ad VI. Angelus potuit peccare antecedenter ad gratiam , & absolute , nulla scilicet facta suppositione gratiae , & in hoc sepsu a nobis , & ab aliis , defenditur conclusio . Quod idem est ac dicere , ut dicere solent in aliis Thomistæ , non in sensu composito cum gratia , sed in sensu diviso ; unde dicebas Cacheranus , quod potuerunt peccare Angeli in primo instanti ; quantum est de se ; hoc est præscindendo ab infusione gratiae , & ab ordinazione ad supernaturalem finem ,

Ad

**Ad VII.** distinguitur major : Omnis operatio libera præsupponit operationem necessariam , quæ præexistat prioritate naturæ, conceditur; prioritate temporis, negatur . P. Neri distinguit sic : Præexistente in aliquo tempore, seu in aliquo priori temporis in quo , negat ; a quo , concedit . Distinguit pariter ; peccatum supponit antecedenter aliam actionem necessariam in aliqua prioritate a quo, concedit; in quo , negat .

**Ad VIII.** Ab eo , quod est de facto , ad illud , quod potest esse , non valet consequentia ; quando illud , quod potest esse non repugnat intrinsecis rei . Homo de facto , creatus est rationalis , non potuit creari irrationalis , quia essentia ipsius est rationalitas ; idem homo de facto creatus est loquens , potuit creari non loquens , quia loquela non est ex intrinsecis ipsis .

**Ad IX.** Si peccatum in primo instanti tribueretur Deo , ut illius peccati caussæ , quia Deus Angelis tribuisset voluntatem in illo instanti , seu potius produxisse , ipseque infudisset omnia principia , quibus peccare possent ; quum hæc omnia Deus pro aliis instantibus subsequentibus fecisset , sequeretur , quod etiam peccari pro alio sequenti instanti auctor fuisset Deus; quod non est dicendum . Ulterius; si Angelii non potuerunt in primo instanti peccare , quia peccatum fuisset Dei: ergo neque potuerunt mereri , quia totum meritum fuit Dei ; quæ quidem est responsio Scoti .

**Ad X.** Negamus majorem cum Scoto; & ra-

tio est , quia si semel est verum , quod Angelus in primo instanti non fuerit justitiae debitor , quia eam non acceperat ; sequitur pariter , quod Angelus semper existens in peccato mortali , nunquam esset justitiae debitor , quia nunquam eam accepisset . Quod omnino est improbandum; ut ait Frassen .

**Ad XI.** Defectus caussæ secundæ in agendo nunquam tribuendus est primæ , sed ipsi met caussæ secundæ ; & hoc non minus , quando recipit primum esse , sed pro omni instanti consequente ; quia pro omni instanti consequente conservatur illi esse a Deo ; conservatio autem est continuata productio . Ulterius cum concursu Dei creature operantur : ergo quemadmodum ipsarum peccata Deo non tribuuntur , qui cum ipsis concurrit ; ita nec Deo peccatum Angelorum fuisset Deo tribuendum , quia Angeli a Deo primum esse receperunt .

**Ad XII.** dicit Scotor , quod sicut Angelus potest habere a se velle secundum , ita & potuit a se habere primum velle ; & pro ratione ponit , quod alioquin poneretur processus in infinitum . Hæc sunt verba Scotti , quæ afferuntur a Frassen : Quaro , a quo primum habet velle ? Aut a se , per aliam volitionem , aut sine alia volitione : Si sine alia volitione : ergo voluntas potest a se habere primam volitionem absque alia : Si per aliam : ergo illam aliam debet habere per aliam , & illam rursus per alteram , & sic necessario erit processus in infinitum .

## DISSERTATIO CXL.

*De Loco Angelorum ; An Angeli sint in loco ? In quibus reperiantur locis ? Quomodo , & per quid , sint in loco ? Ubi de Sphæra praesentie Angelorum , secundum P. Magnum .*



Riscis sane temporibus , quibus nondum satis perspectæ theologicæ res erant , Patres aliquot de Angelorum loco per opposita , & quidem extrema , loquuti sunt .

Siquidem affirmantes quidam Angelos esse in loco , eos tamen non spiritus , sed subtilia corpora , vel ex acre , vel ex igne ,

conflata , asseverabant . Alii vero negantes esse corpora , in loco esse , omnino sunt inficiati . Ex primis fuisse volunt Basilium lib . de Spiritu Sancto c. 16 . sic loquentem : *Substantia eorum est aereus , si forte , spiritus , aut ignis expers materia ; quemadmodum scriptum est : Qui facit Angelos suos Spiritus , &c.* Ideo & in loco sunt , & spectabiles fiunt , atque in iis , qui digni sunt ,

sunt, apparent in propriorum corporum forma. Quomodo Basilius verba sint intelligenda, absque Basilius censura, suo loco diximus. Ex aliis vero fuisse asserunt Nyssenum, qui in lib. I. contra Eunomium hæc scribebat: *Nemo adeo puerili est ingenio, qui in natura intelligente, & incorporeo, differentiam loci reperiri existimet. Loca enim positio propria est corporum; quod autem natura est intelligens, & materia caret, longe ab omni ratione loci est, ut omnes confitentur.* Sine etiam censura Nysseni verba intelligimus, si dicamus, illum avertere ab Angelis modum essendi in loco circumscriptive, qui proprius est corporum, non vero definitive, qui spiritibus convenit; ut suo loco fusius explicabitur.

Post horum Patrum varium, & non satis congruum, discurrendi modum, Scholasticorum quorundam magis quidem improprium, & non satis sibi constantem, opinandi sensum superaddimus. Siquidem dixisse fertur, Angelos, aut ubique, aut nullibi, else. Immo & Durandus in I. dist. 37. 2.p. distinet. q. i. scripsit, substantiam Angeli esse præsentem ubique, & modo illo, quo ipsi convenit esse in loco, non esse magis in hoc, quam in alio loco. Unde non vult Angelos esse præsentes in loco nec per substantiam, nec per operationem, sed per præsentiam ordinis; per quam Angelus est præsens, ut ait, cuilibet corpori, quod movere potest. Et quia omnia corpora Angelus movere potest, inde ipsum asserit ubique esse.

Ex his autem opinionibus, illa, quæ asserit, Angelos nullo modo esse in loco, a. S. Thomas in I. dist. 37. q. 3. ar. 1., heretica dicitur; Sententia vero eidem opposita a Vasquez appellatur sententia catholica, & a Valentia asseritur ex fide certissima. Opinio vero Durandi ab eodem Valentia temeritatis nota inuritur; a Molina parum tuta in fide vocatur; ab aliis mitius scribentibus dicitur, quod censuram effugere non possit. At sunt quoque qui Durandum excusant, asserentes, quod ipse aperte dixerit, se non asserendo, sed inquirendo, disputare.

Dicimus I. Angelos vere esse in loco certo & determinato; non vero nullibi, nec ubique.

I. Probatur ex Scripturis. Apocal. 12. *Locus eorum non est amplius inventus in cœlo.* Zachariæ 2. *Ecce Angelus, qui loquebatur, egrediebatur in occursum ejus, & dixit ad eum, curre, loquere ad puerum istum.* Job.

I. Satan dicit: *Circuvi terram, & perambulavi eam.* Tobiae 5. Raphael Angelus inquit: *Omnia itinera ejus frequenter ambulavi.* Ex his, aliisque similibus, habetur primo, Angelos non esse nullibi, sunt enim alibi; ut in iisdem conspicitur; secundo, non esse ubique; dicitur enim, quod sine in determinato loco, & quod de loco ad locum progrediuntur; tertio manifestatur, esse in loco certo, & designato; ut consideranti innotescit.

II. Probatur ex Patribus. Basilius de Spiritu Sancto c. 6. *Caterarum porro virtutum singula certo circumscriptæ loco esse creduntur;* Etenim Angelus ille, qui Cornelio afflitit, non erat eodem tempore apud Philipum; neque qui ex altari Zachariam allocubatur, eodem tempore propriam in cœlo stationem obibat. *At Spiritus semel & in Habacuc operatus est, & in Daniele apud Babilonem creditur.* Theodoretus q. 3. in Genes. *Quæ autem ab initio aliquo cœperunt esse, sunt circumscriptæ; quare licet expertam corporum fateamur esse naturam Angelorum, circumscribi tamen asserimus illorum substantiam.* Nyssenus lib. I. cont. Eunomium: *Fieri non potest, ut qua creatione producta sunt, aut fiunt, non omnino in loco, vel in tempore habeant, ut existant.* Sola nullius egens, & aeterna, ac res omnes complexa natura, neque in loco est, nec in tempore. Gregorius magnus lib. 2. moral. In hoc est nunc natura angelica a naturæ nostra conditione distincta, quod nos & loca circumscribimur, & cœcitatris ignorantia coarctamur; Angelorum vero Spiritus loco quidem circumscripti sunt; sed tamen eorum substantia longe super nos incomparabiliter dilatantur. Damascenus lib. 2. de fide c. 3. *Circumscripti sunt, (Angeli) quoniam cum in cœlo sunt, non sunt in terra; cum in terram a Deo mittuntur, non manent in cœlo.*

III. Probatur Rationibus. I. Ideo Angelii essent nullibi, quia sunt spirituales; sed Deus etiam est purissimus spiritus, & tamen non est nullibi, quia est ubique: ergo ratio illa non concludit. II. Angelii sunt Deo intime præsentes: ergo sunt in aliquo determinato loco. Antecedens est certum; consequentia sequitur; quia intima præsentia debet esse in aliquo determinato loco. III. Quando fuerunt Angelii creati, vel steterunt semper in eo loco, in quo creati fuerunt; vel se moverunt; si primum: ergo modo non sunt in cœlo empyreo, quum ex probatis a nobis extra hoc cœlum creati fuerint: ergo a Deo non mittuntur, contra expressa Scripturarum

rarum testimonia: ergo non sunt in inferno , etiam post peccatum & expulsionem; quæ omnia sunt manifesta absurdæ : Si secundum: ergo habent determinatum locum , quum illum mutare possint , & mutant. IV. Angeli operantur in loco : ergo sunt in vero & determinato loco . Consequentia sequitur ; nulla enim effectrix causa operari potest , ubi non est . Antecedens est certum ; quia movent corpora in obsecsis , apparent hominibus , & alia operantur , quæ in Scripturis legimus. V. Angelus , quanvis sit spiritus , est tamen limitatus: ergo non est ubique . Probatur consequentia. Deus est ubique , non quia spiritus est , sed quia est illimitatus , & immensus : ergo si Angelus est limitatus , quantumvis sit spiritus , non est immensus: ergo non est ubique . VI. Inter articulos damnatos a Stephano , Parisiensi Episcopo , in cap. 1. hic tertius scribitur: Angelus , vel Anima separata , nusquam est. Testatur Sylvius 1.p. q.52. ar. 1. , & refert Jueninus , Frassen , aliisque passim.

Objiciunt I. Didymus lib. 1. de Spirit. Sanct. negat expresse , spirituales creaturas loco & finibus circumscribi ; & lib. 2. inquit: Loca & commutaciones locorum ab incorporalibus separamus. II. Basilius hom. 30. de Paradiso: Locum esse præcipue corporis , animam vero ex consequenti , ac velut accessionis instar , esse in loco propter habitudinem ad corpus , cum ex naturæ sua proprietate loco minime circumscribatur . Multo magis hoc dicendum est de Angelis , qui Spiritus sunt , & ordinem ad corpora non dicunt. III. Boetius de Hebdomadibus: Communis animi conceptio , qua omnibus videretur , est , incorporeum non esse in loco : Angelus ergo quum sit incorporeus , non est in loco. IV. Loci nomine intelligunt Philosophi ultimam superficiem corporis continentis immobilis; implicat autem ut Angelus a corpore continetur : ergo Angelus non est in loco . Probatur minor . Continens esse debet actualius contento; sed nullum corpus est actualius Angelo: ergo implicat ut Angelus a corpore continetur . V. Angeli vel sunt in loco circumscriptive , vel definitive ; non circumscriptive , quia est proprium corporum esse circumscriptive in loco ; non definitive , quia est proprium Dei esse in loco definitive: ergo nullo modo sunt in loco . VI. Admissio quod Angelii sint definitive in loco , non possunt dici in rigore esse in loco : ergo non sunt in certo & determinato loco . Probatur antecedens . Esse definiti-

P AR. II.

ve in loco est esse in loco improprie & metaphorice : ergo non possunt dici in rigore esse in loco . Probatur antecedens . Esse definitive in loco non convenit univoco , sed analoge cum esse in loco circumscriptive : ergo est esse in loco improprie , & metaphorice .

Respondemus ad I. intelligendum esse Didymum de loco circumscriptive , & commensurative considerato , non vero definitive . Certum est , quod esse circumscriptive in loco tantum convenit corporibus compositis ; spiritibus vero dicimus convenire esse in loco definitive . Audiatur Damascenus loco nuper citato ; Cum autem Angeli intelligentiae sint , etiam intelligibiliter in locis sunt , non corporum more circumscripti . Non enim ut corpora secundum naturam figurantur , neque triplici dimensione constant , sed eo ipso sunt in loco , quod intelligibiliter praesentes sint .

Ad II. eadem est responsio ; & explicatur ac confirmatur ab Augustino ep. 28. ad Hieronymum : Porro si corpus non est , nisi quod per loci spatium aliqua longitudine & latitudine , ita sistitur , vel movetur , ut maiore sui parte majorem locum occupet , & breviore breviorum , minusve sit in parte , quam in toto , non est corpus anima . Per totum quippe corpus , quod animat , non locali diffusione , sed quadam vitali intentione porrigitur . Nam per omnes ejus particulas tota simul adest ; nec minor in minoribus , & in majoribus major , sed alicubi intensius , alicubi remissius , & in omnibus tota , & in singulis tota est .

Ad III. eadem quoque est responsio ; quum enim incorporeum non habeat partes , non potest ita esse in loco , & totum correspondat toti loco , & quævis ejus pars cuilibet parti loci ; quod est esse circumscriptive in loco . Est tamen definitive , scilicet ut totum sit in toto loco , & in qualibet parte loci ; ut de anima rationali dicimus respectu corporis ; & alii etiam dicunt de anima sensitiva animalium perfectorum , quam volunt indivisibilem , & extensam ; & nonnulli quoque afferunt de minimis physicis ; quibus pariter indivisibilitatem cum extensione , non quidem formalis , sed virtuali , ut ajunt , tribuunt .

Ad VI. dicitur , quod continens est actualius contento , si accipiatur per modum caussæ , non vero per modum loci , ita ut reperiatur locatum totaliter intra locum . Ut autem percipiatur , qualiter Angelus indivisibilis contineri possit inter ali-

K k quam

quam corporis superficiem, sufficit, ut intelligamus, Angelum esse huic superficii praesentem. Unde non requiritur, ut sit illa ultima superficies Angeli, quia Angelus, quem non habeat partes, non potest in loco esse cum partium extensio-  
ne. Est autem ita, ut sit penetrative intra partem illius corporis, cui præsens est. Ita ex Scoto responderet Frasen.

Ad V. Angeli non sunt in loco circumscriptive; quod est proprium corporum; non sunt definitive immensive, ut est Deus; sed sunt definitive tantum, quod est proprium spirituum. Sic autem esse definitive in loco participat de circumscriptivo, & de immensivo, aliquo modo; quatenus scilicet dicit, esse totum in toto, & totum in qualibet parte loci, de immensivo participat, quia Deus, qui est immensus in loco, est etiam in toto, & in qualibet parte loci. De circumscriptivo etiam, quatenus facit, ita rem esse præsentem uni loco, ut non sit alteri loco præsens, quod competit quoque corporibus.

Ad VI. dicimus, quod sufficit quod Angelus, per hoc quod est definitive in loco, sit quoad substantiam, & entitatem suam vere præsens loco, ad hoc, ut dicatur esse in loco. Cæterum parum refert, an modus iste essendi in loco sit proprius, vel improprius, sit verus, vel metaphoricus, respectu alterius; & quod non univoce, sed analoge dicitur, nec pariter probat, quod intelligi debeat improprie, & metaphorice; nam, inquit Cacheranus, quod in omnium sententia plura analoga dicuntur proprie, & rigorose de suis analogatis.

Pro secunda vero Dissertationis parte, in qua queritur, in quibus locis reperiantur Angeli, non intendimus loqui de locis, in quibus non permanendo, nec tanquam, ut sic dicamus, in domicilio, sed tantum transeundo, & per accidens reperiuntur. Si enim de his locis loqui velimus, innumera pene essent, quæ assignare debemus; & nec quoque enumerare possemus omnia, quem nos omnino lateat Dei voluntas, quæ illos modo hoc, modo illuc, mittit. Cerrum, enim primo est, cujuslibet hominis, vel provinciæ, vel regni, vel ecclesiæ, custodem Angelum, apud illum esse, cuius est custos; adeoque multos Angelos in terris degere; ut inferius videbitur. Certo quoque est, in Ecclesiis Catholico-  
rum, & præcipue in illis, in quibus Chri-

sti corpus adservatur, plurimos esse An- gelos, ut illud perpetuo venerentur. Quod asseruit Concilium Aquisgranense, sub Ludovico Pio, c. 132. Nec dubi- tare licet, ubi corporis, & sanguinis Do- mini geruntur mysteria, supernorum ciruum adesse conventus. Et antea S. Joannes Chry-  
sostomus lib. 6. de Sacerdotio expreßerat: Per id tempus ( sacrificii scilicet tempus ) & Angeli Sacerdoti affident, & cœlum potestatum universus ordo clamores excitat, & locus altari vicinus in illius honorem, qui immolatur, Angelorum chorus plenus est. Certum insuper est, malos Angelos in- terris & Obscuros possidere, & homines tentare, & mala multa in probationem, vel in punitionem hominum, Deo sic permittente patrare. His rāmen in locis non permanentes, & tanquam in pro- prio loco, Angeli sunt, sed transeunter a Deo mittuntur, ut propria munera ex- pleant, si sunt boni; & si sunt mali, etiam Deus permittit illis, ut in alieno lo- co officia illa in hominum aut bonum, aut malum, exequantur.

Dicimus II. Triplicem esse Angelorum per- manentias locum; cœlum scilicet, infer- num, & aerem.

I. Probatur ex Scripturis. Marci 13. De die illo, vel hora, nemo scit, neque Angeli in cœlo. Luc. 2. Discesserunt ab eis Angeli in cœlum. Luc. 22. Apparuit illis Angelus de cœlo. Matth. 28. Angelus Domini descendit de cœlo. Apocal. 12. Locus eorum non est amplius inventus in cœlo. II. Petri 2. Si enim Deus Angelis peccantibus non perciret, sed rudentibus inferni detractos in tartarum, tradidit cruciandos in judicium reservari. Judas Apostolus in sua epist. canon. n. 6. Angelos vero, qui non servaverunt suum principatum, sed reliquerunt suum domiciliū, in judicium magni dici vinculis eternis sub caligine reservavit. Job. 1. Satan Deo respondit dicens: Circuvi terram, & perambulavi eam. I. Pet. 5. Adversarius vester Diabolus tanquam leo rugiens circuit, querens quem devoret. Ad Ephes. 2. In quibus aliquando ambulastis secundum Prin- cipem aeris bujus. In eadem epistola c. 6. dicuntur Dæmones mundi rectores tene- brarum harum, spiritualis nequitie in cœlestibus; & quod hic Apostolus intelligat aerea loca, testatur Hieronymus ad illa verba: Hac autem omnium Doctorum opinio est, quod aer iste, qui cœlum, & terram medius dividens inane appellatur, plenus sit contrariis fortitudinibus.

II. Probatur ex Patribus. Irenæus lib. 2. c. 6.

Multi

*Multi sunt, & innumerabiles circa Factorem Angelii, quemadmodum omnes confitentur Prophetae, dena millia denuo millium affi- stere ei, & multa millia millium ministrare ei. Theophilus Alexandrinus, qui circa initium quarti seculi floruit, ep. 2. pascha- li: Festinemus ad Angelorum metropolim, qua libera est, & nulla malitia sorde macu- latetur. Augustinus lib. 11. de civit. c. 32. Ut volet quisque accipiat, dum tamen An- gelos sanctos in sublimibus cali sedibus, non quidem Deo coeternos, sed tamen de sua semi- piterne, & vera felicitate securos, & certos esse, nemo ambigat. Irenaeus lib. 5. c. 24. Diabolus, cum sit unus ex Angelis bis, qui super spiritum aeris propositi sunt, quemadmodum Panlus Apostolus, in ea, que est ad Ephesios, manifestavit, invidens homini, apostata a divina factus est lege. Nyssenus or. 1. Neque tamen (Diaboli) idcirco vel die, vel nocte per aera oberrare unquam- cessant, flagitorum autores, & ministri. Ambrosius ad c. 6. ad Ephes. Ipse enim est, cuius satellites sunt, quos tenebrarum harum dicunt rectores, spiritus nequissimi, qui degunt in caelstibus, in firmamento mundi. Hiero- nymus ad c. 25. Isai. Hos igitur principes, qui sumum non servaverunt principatum, con- gregabit Dominus in die iudicii, quasi in- seno fasce pariter colligatos, & mittet in la- tum inferni, &c. Augustinus lib. 8. de ci- vit. c. 22. In hoc quidem aere habitant. Et lib. de natura boni cont. Manichæos c. 33. Quanvis jam penaliter bunc infernum, hoc est inferiorem caliginosum aerem tanquam carcerem acceperint; quia tamen aer quandoque & cælum dicitur, non illud, in quo sunt sydera, sed hoc inferius, cuius caligine nubila congregantur, & ubi aves volitant, &c.*

**III. Probatur Rationibus.** I. Ex Angelis ali- qui permanerunt boni, aliqui effecti sunt mali; sed boni debebant a Deo præmium habere, mali autem supplicium: ergo ex illis aliqui præmio in cœlo perfruuntur, & aliqui supplicium in inferno sustinent. II. Potuit Deus alium carcerem præter infernum Angelis malis dare; sed hic car- cer alias non est per sanctos Patres, nisi aer iste, qui mediat inter cœlum, & ter- ram: ergo vere in aere isto tanquam in loco permanenti mali Angeli habitant. Probatur minor ex S. Hieronymo ad cap. 6. ad Ephes. ubi testatur, omnium Do- storum opinionem esse, quod aer iste plenus sit contrariis fortitudinibus. Hoc ipsum affirmant Augustinus lib. 3. de Gen. ad lit. c. 10., idem Hieronymus in PAR. II.

c. 2. ad Ephes. , Basilius hom. 9. , idem Augustinus Enchirid. c. 26. , lib. 1. de ci- vit. c. 19. , lib. 11. c. 33. , lib. 14. c. 3. , lib. 11. , de Gen. ad lit. c. 26. , lib. 3. de Trinit. c. 7. , lib. de natur. boni c. 33. III. Sicut in cœlo sunt boni Angeli, qui sunt sanctorum animarum socii, ita sunt in inferno mali Angeli, qui sunt damnatarum animarum tortores; at quia etiam præter cœlum sunt Angeli in terra, qui animas custodiunt: ergo non mirum, si pariter in aere sunt Dæmones, qui animas tentant; non sunt autem in terra, ut ait Magister sententiarum apud Estium, ne homines nimis infestent; quamquam & aliqui sunt etiam in terra, sed transentes, non per- manentes, ut diximus.

Obstant I. Ex II: Petri 2. dicitur, omnes ma- los Angelos in infernum descendisse: Rudentibus inferni detractos in tartarum tradidit cruciandos: ergo non sunt in aere, tanquam in loco proprio, ac firmo. II. Omnes Angeli, tanquam in proprio, ac permanenti loco, sunt in cœlo: ergo omnes Dæmones, tanquam in proprio, ac permanenti loco, sunt in inferno. III. Ex Epistola Judæ n. 6. habetur, Angelos omnes apostatas reservatos fuisse vinculis æternis sub caligine: ergo nulli in aere remanerunt. IV. Ex Scripturis, & Patri- bus pariter habemus, malos in terris ver- fari; & experientia etiam docet, tum ex obfessione hominum a Dæmonibus, tum ex familiari Dæmonum cum hominibus habitatione, & conversatione, tum deni- que ex fere continua Dæmonum cum ho- minibus, & in homines, tentatione, & conflictatione: ergo potius in terra, quam in aere versantur.

Respondemus ad I. cum S. Thoma 1. p. q. 64. ar. 4. ita S. Petrum dixisse Angelos omnes prævaricantes fuisse detrusos in infernum, ut intellexerit de majori eorum parte, non vero rigorose de omnibus. Cæterum verbum illud omnes in Petri au- toritate non legitur; unde non est con- vincens ratio, qua vere de omnibus, & non de majori parte, eam intelligamus.

Ad II. Idem S. Thomas cit. loc. apud Estium dicit, duplum esse locum a Deo assignatum Angelis, & Dæmonibus; unum, qui respondeat meritis illorum, & hic locus pro Angelis est cœlum, pro Dæmonibus infernus; alterum ex divina peculiari or- dinatione, facta propter homines; & hic locus pro Angelis est terra, pro Dæmo- nibus est aer; in terra enim degunt An- geli, qui homines custodiunt, regunt, &c.

& in aere sunt Dæmones, qui homines tentant, persequuntur, atque divexant.

Ad III. Quanvis Angeli mali in infernum fuerint a Deo detrusi, permittit tamen illic, ut ex illo exeat, & per aerem cursent, ad homines infestandos. Sic permisit Dæmonum principi, ut in voluptatis paradiſo primos homines ad peccatum induceret; & post illorum peccatum permittit quoque aliis Dæmonibus, ut ex inferno exeat, & in aere permaneant, tanquam in proprio loco, ut homines ad peccandum provocent. Et quanvis dixerimus, terram non esse ob inde Angelorum locum proprium, & permanentem, Dæmonum tamen aer hujusmodi est locus, quia Scripturæ, & Patres, sic eum indigitare non semel videntur.

Ad IV. Versantur quidem mali Angeli in terris, sed non tanquam ad vexandum homines proprio, & permanenti loco. Igitur duplex est locus permanentiæ malis Angelis; infernus ad supplicium ipsorum, aer ad infestandos homines; unus vero est locus transitus, scilicet terra, in qua homines tentant, obsident, decipiunt, divexant, &c. Angeli vero boni solum paradisum habent permanentiæ locum; habent etiam terram, in qua homines custodiunt, & regunt, sed non ut domicilii, at tantum ut hospitiī locum. Scripturæ enim, & Patres, quæ de Dæmonum habitatione in aere proferunt, de Angelorum in terra non docent.

Pro tercia Dissertationis parte, in qua quæritur, quomodo Angeli sint in loco, sensus est, an sint circumscriptive, an vero definitive? Et pro ea explicanda

Dicimus III. Angelos non esse circumscriptive, sed definitive, in loco, non vero immensive.

I. Probatur. Esse in loco circumscriptive importat in locato esse partes, quæ respondeant partibus loci; atqui Angeli nullas habent partes: ergo Angeli non sunt circumscriptive in loca. Minor patet ex dictis; quum enim Angeli sint puri spiritus, sunt omnino simplices, indivisibles, ac partibus expertes. Major probatur. Esse circumscriptive in loco est ita esse, ut totum locatum respondeat toti loco, & quælibet pars locati respondeat cuiilibet parti loci; sed ita respondere importat, in locato esse partes, sicut sunt in loco, quibus partibus locati partes respondeant: ergo esse in loco circumscriptive importat, in locato esse partes, quæ respondeant partibus loci,

II. Probatur. Esse in loco definitive est ita esse in loco, ut locatum respondeat toti loco, & cuilibet parti loci; sed Angeli hoc modo sunt in loco: ergo sunt definitive in loco. Probatur minor. Res, quæ est omnino simplex, non composita, indivisibilis, ita est in loco; sed Angeli sunt substantiæ omnino simplices, non compositæ, indivisibiles: ergo Angeli hoc modo sunt in loco. Minor patet ex superiorius probatis; quum enim Angeli sint puri spiritus, sunt substantiæ omnino simplices, non compositæ, indivisibiles.

III. Probatur. Rem esse definitive in loco, non vero immensive, est eam comprehendi loco, itaut contineatur certo spatio, & non sit alibi; sed Angeli ita sunt in loco: ergo sunt in loco definitive, & non immensive. Probatur minor. Angeli ita sunt in uno loco, ut non sint in alio, & ita certo spatio continentur, ut non contineantur alio spatio: ergo &c. Antecedens pater; quia in hoc Angeli a Deo distinguuntur, quia Deus, quum sit immensus, nullo spatio, nullo loco comprehenditur.

IV. Probatur ex P. Magnano. Angeli non sunt formaliter extensi, sed tantum virtualiter: ergo non sunt circumscriptive in loco, sed tantum definitive. Antecedens est cerrum; quia extendi proprie, & formaliter convenit solis quantis habentibus partes impeneratas, seu extra se invicem positas; res autem simplices, nullas habentes partes, extensionem propriam, & formalem habere non possunt, ut patet: At quia sunt in loco æquivalenti modo dictæ extensioni, quatenus res indivisibilis correspondet loco divisibili; inde est, quod habent extensionem æquivalenter extensioni formalis, quæ est extensio virtualis. Consequentia sequitur ex explicatione modo facta extensionis formalis, & virtualis; si enim extensio formalis dicit partes: ergo importat esse in loco circumscriptive; & si extensio virtualis non dicit partes, nisi tantum æquivalenter: ergo importat esse tantum in loco definitive. Unde P. Magnus in Philosophia naturæ c. 17. proposit. 1. ait: „ In loco est alio quodam modo, „ qui æquivaleret eidem dictæ extensioni, ex „ quo vocatur extensio virtualis; videlicet „ per suam substantiam ut indivisibiliter se „ tota respondentem toti extensioni loci, & „ singulis ejus partibus; quod quidem „ prop. 8. dixi, esse id, quod communiter „ vocatur, esse definitive in loco. Ratio- „ na-

, nalis anima est in toto corpore, quod in-  
,, format ; & Angelus est in toto spatio ,  
,, quod est æquale sphæræ præsentiae ip-  
,, sius ; ita est Deus in toto hoc universo . , ,  
Arguunt I. Athanasius in epist. ad Serapio-  
nem docet : *Angeli consistunt in certis locis,*  
*loco circumscribuntur: ergo sunt circumscrip-*  
*tive in loco . II. Gregorius magnus lib.*  
*2.moral. c.3. inquit: Circumscriptus est An-*  
*gelicus Spiritus : ergo convenit Angelis*  
*esse circumscriptive in loco . III. Unus*  
*Angelus divinitus esse potest in pluribus*  
*locis ; quem ergo sit definitive in loco ,*  
*& ab uno loco non coarctetur ; sequitur ,*  
*quod sit eodem modo in loco , quo Deus*  
*est ; atqui hoc dici non potest : ergo non*  
*est Angelus definitive in loco ; vel saltem*  
*non valet allata differentia inter Ange-*  
*lum, & Deum, quoad locum . IV. Exten-*  
*sio virtualis est insufficiens ad proban-*  
*dum, esse Angelos definitive in loco : ex-*  
*go nulla est ratio P. Magnani . Probatur*  
*antecedens . Extenso virtualis tribuitur*  
*etiam ab aliquibus Peripateticis anima-*  
*bus animalium perfectorum ; & ab aliis*  
*Philosophis adhuc conceditur minimis*  
*physicis ; & tamen ista non sunt definiti-*  
*ve in loco , quia non sunt spiritus , sed*  
*corpora: ergo extenso virtualis est insuf-*  
*ficiens ad probandum , esse Angelos defi-*  
*nitive in loco .*

Respondemus ad I. Athanasium per verbum *circumscribi* non intelligere aliud, quam *comprehendi*; hoc est coarctari Angelum in uno loco, non vero extendi ad omnia loca, sicut extenditur Deus, quia est immensus. Unde per verbum illud voluit distinguere Angelum a Deo; quatenus Deus nullis locis circumscrimitur, comprehenditur, coarctatur, sed omnia excedit; Angelus vero, quia est finitus, limitatus, non immensus, suo tantum loco circumscrimitur, comprehenditur, coarctatur, & ad alia loca non se extendit.

Ad II. Gregorius pariter facit differentiam inter Spiritum Deum, & Spiritum angelicum; quatenus Spiritus, qui est Deus, non est circumscriptus, quem sit infinitus, illimitatus, immensus; Spiritus vero angelicus est circumscriptus, quia est finitus, limitatus, non immensus. Unde quanvis aliquo modo convenienter in ratione spiritus, & per hoc etiam convenienter in ratione essendi in loco, quæ est propria spiritus, hoc est esse definitive; disconveniunt tamen in ratione immensitatis; quia, ut diximus, Deus est in loco definitive, immensive, Angelus vero definitive, non immensive.

Ad III. primo dicimus, quod Angelus po-  
test esse in pluribus locis non naturaliter,  
sed supernaturaliter; Deus autem quia  
natura sua est immensus naturaliter est ,  
& non esse potest, in multis locis. Secun-  
do subdimus, quod Deus non est in mul-  
tis locis, in quibus non sunt, sed possunt  
esse Angelii divinitus, sed est in omnibus  
locis, & est etiam extra omnia loca ; in  
quibus nec est, nec potest esse Angelus ,  
quia non est immensus.

Ad IV. In sententia illorum, qui ponunt  
animas animalium perfectorum indivisi-  
biles, & extensas, & in illorum hypothesi,  
qui admittunt minima physica pariter in-  
divisibilia, & extensa; quia tam anima  
est in toto animali, & in qualibet anima-  
lis parte, quam minimum physicum est in  
toto loco , & in qualibet loci divisibilis  
parte , tam anima illa , quam minimum  
physicum, dicuntur esse definitive in loco .  
Nec per hoc dici possunt spiritus , quia  
per alia capita a spiritibus secernuntur; ut  
apud illarum opinionum propugnatores  
videre est .

Pro quarta demum Dissertationis parte , in  
sua queritur, per quid Angelii sint in loco ,  
intelligimus, quod Angelii ita sunt in ali-  
quo certo, ac determinato loco, ut tales  
locum respiciant vague , & indeterminate;  
unde secundum se sunt indifferentes, ut  
sint in hoc, vel alio loco . Hinc opus est ,  
ut ab aliquo determinetur, ut sint potius  
in uno, quam in alio. Hoc quidem forma-  
le determinativum est illud, per quod An-  
geli sunt in loco . In hoc vero determina-  
tivo assignando variæ sunt Scholastico-  
rum opiniones, quas hic enumeramus .

Prima opinio est illorum, qui dicunt, hoc  
determinativum esse simplicem entitatem  
superadditam angelicæ substantiæ . Mo-  
daliste omnes hanc opinionem defendunt ;  
inter se tamen dividuntur, quia aliqui ipsorum dicunt, entitatem illam  
esse modum absolutum, quo substantia  
angelica unitur corpori ; & hujus senten-  
tiæ est Vasquez, Alarcon, qui citant etiam  
Henricum . Alii vero afferunt, esse mo-  
dum quendam, cuius effectus formalis est  
reddere Angelum præsentem tali deter-  
minato spatio loci , vel realis , vel imagi-  
narii; & hanc sententiam tuentur Molina,  
Suarez, Lugus, Bubalus, Arriaga, Quiros ,  
Aversa, Herinæ &c.

Secunda opinio est docentium, Angelos esse  
formaliter in loco per complexum, seu si-  
multatem propriæ substantiæ cum loco .  
Defenditur a Richardo , Madero , Ga-  
brie.

briele, Scoto, S. Bonaventura, aliisque. Aliqui tamen admittunt ubi superadditum, seu ubi intrinsecum distinctum; ut sunt Richardus, & Madernus, P. Neri &c., alii vero nulla facta hujus mentione volunt, Angelos esse in loco ratione suæ limitationis, seu ratione substantiæ limitatae; ut sunt Scotus, Bonaventura, Gabriel &c., alii denique negantes ubi superadditum, afferunt, Angelos esse in loco præcise per propriam substantiam; ut sunt VVadimus, Martinon, P. Magnanus &c.

Tertia sententia est Thomistarum, qui defendunt, Angelos esse in loco per operationem. Sed inter se dividuntur Thomistæ; aliqui enim tuentur operationem immaterialis, applicativam tamen Angeli ad transunter operandum; vel clariss intellegunt operationem per applicationem virtutis angelicæ ad operationem transunter in tali loco habendam; et sunt Medina, Bannez, Cajetanus, Thomas de Argentina, &c. Alii defendunt operationem transunter, quam Angeli actu exercent in loco; et dum de operatione non constat, recurrunt ad operationem occultam; & sunt Ferrariensis, Egidius, Salmanticenses, &c. Alii denique intelligunt vel operationem transunter, vel aliquid, quod sit instar operationis; et sunt Joannes a S. Thoma, Gonetus &c.

Dicimus IV. Angelos esse in loco non per operationem, quomodounque a Thomistis explicatam, sed per propriam substantiam præcise absque ubi intrinseco superaddito.

I. Probatur ex Scripturis, in quibus Angeli dicuntur prius ad loca aliqua accessisse, quam fuerint in iis aliquid operati. Luc. 2. *Missus est Angelus Gabriel ad Mariam, & ingressus dixit.* Matth. 4. *Accesserunt Angeli, & ministrabant ei.* Matth. 28. *Et accedens revolvit lapidem.* Luc. 43. *Apparuit autem illi Angelus de celo confortans eum.* Actorum 10. *Is vidit in visu manifeste, quasi hora diei nona, Angelum Dei introeuntem ad se, & dicentem sibi, Cornelii.* In his quidem locis aperte habetur, Angelum primo ingressum, & postea dixisse; Angelum primo accessisse, & deinde lapidem revoluisse; Angelum primo apparuisse, & de hinc confortasse; Angelum primo introeuntem, & postmodum dicentem, &c.: ergo jam Angeli prius erant in locis illis, quam ibi aliqua operarentur.

II. Probatur a Scoto in II. dist. 2. q. 6. n. 1. dicente, contrariam opinionem a Ste-

phano, Episcopo Parisiensi, fuisse proscriptam, his verbis, quæ apud eum aperte leguntur: *Quidam articulus damnatus ab Episcopo Parisiensi (nempe Stephano) & excommunicatus. Quod si dicatur, quod excommunicatio non transeat mare, vel diæcessim; si tamen fuit articulus condemnatus sicut articulus hereticus ubique est condemnatus sicut hereticus; non auctoritate Diæsani tantum, sed etiam auctoritate Papæ, extra de Hæres. ad abolendam; vel saltē sententia est suspicita, quando in aliqua Universitate solemniter est damnata.*

III. Probatur. Angeli sunt in cœlo empyreo, & nihil in cœlo empyreo operantur: ergo supposita Adversariorum opinionē, vel nullibi sunt, vel non sunt alicubi per suam operationem; dici non potest, quod sint nullibi: ergo sunt alicubi non per suam operationem. Antecedens probatur. Angeli cœlum empyreum nec mouent, nec transmutant; non est enim mobile, nec ab Angelo mutabile: ergo nihil in cœlo empyreo operantur: Gratias dicit Gonetus ex Cajerano, Angelos operari in empyreo operationes, quæ nobis non innotescunt; vel producere aliquod lumen, quo cœli empyrei splendor perficitur. Etenim illud est recurrere ad cauñas ignotas, per quas argumenta omnia facile solvi possunt, sicut salvantur omnia phænomena ab Aristoteleis per occultas qualitates. Hoc vero lumen, vel emanaret ab Angelis, & ab Angelis, qui sunt puri spiritus, emanare non potest lumen corporeum; vel produceretur ab Angelis per creationem, & Angeli non creant; vel per generationem, & Angeli non generant, nisi præcedat corruptio; corruptio autem in cœlo incorruptibili præcedere non potest.

IV. Probatur. Ad operationem Angelorum prærequiritur existentia in loco: ergo Angeli non existunt in loco per operationem. Consequentia sequitur; si enim Angeli existunt in loco antequam operentur: ergo non sunt in loco per operationem. Antecedens probatur. Per Thomistas approximatio agentis ad passum presupponit existentiam agentis in loco, in quo circa passum operatur: ergo ad operationem Angelorum prærequiritur existentia in loco. Nec dicant Thomistæ, distingui præsentiam incompletam, & inchoatam, qualis est in agente, quod approximatur ad passum, a præsentia completa, & consummata, quæ includit conjunctionem agentis, & productio-

ductionem effectus. Etenim etiam nos distinguimus praesentiam localem, & praesentiam effectivam; & hanc utique dicimus consistere in operatione; illam vero probamus præcedere operationem. Ad operationem igitur si præcedit praesentia incompleta, & inchoata, haec est praesentia localis, quæ sufficit nobis ad intentum nostrum probandum; quanvis postea subsequatur praesentia effectiva, quæ est completa, & consummata, & quæ in operatione consistit, de qua non loquimur.

V. Probatur. Operari sequitur ad esse: ergo est prius esse, quam operari: ergo prius est esse in loco, quam operari in loco; atqui quod est posterius nequit esse causa illius, quod est prius: ergo operari, quod est posterius, nequit esse causa esse, quod est prius. Nec occurant Thomistæ dicentes cum Cajetano, quod argumentum valet in substantiis materialibus, in quibus prior est substantia, quam quantitas, & prior est quantitas, quam relatio; non autem valet in rebus spiritualibus, in quibus prior est operatio, quam substantia. Etenim nomine operationis intelligunt applicationem, seu contactum virtutis angelicæ ad locum. Hoc posito, querimus; vel applicatio est actus primus Angeli, vel secundus: Si primus: ergo est ipsa substantia Angeli; actus enim primus a facultate substantiali, seu a substantia non distinguitur: Si secundus: vel est actus transiens, vel immanens; non immanens, ut Adversarii faciuntur; neque transiens, quia haec commensuratur loco, & si per hanc Angeli essent in loco, circumscriptive, non definitive essent in loco.

VI. Probatur. Non sunt Angelii in loco per modum distinctum, aut per ubi intrinsecum distinctum; haec enim omnia impugnata supponimus in Philosophicis; non sunt per operationem, ut probavimus usque modo: ergo remanet, ut sint per propriam substantiam, ejusque praesentiam, per quam tali loco, & non alteri, determinatur. Quod idem est ac dicere cum P. Magnano Philos. nat. c. 9. prop. 10. Itaut Angelus (cujus sine dubio sphæra, praesentia non est infinita)revera sit in loco aliquo, sive alicubi: nimirum intra aliquod extrellum immobile primum, continentis seu ambientis saltem, ut dixi, ratione spatii imaginarii; quod addo quia etiam secluso omni corpore ambiente, sphæram praesentia Angeli, Angelus ta-

, men intelligitur esse in loco, & quidem unus in uno, alius in alio, vel etiam duo in uno quando sunt simul quasi penervative; & quando singuli sunt in singulis diversis locis contiguis, vel dissipatis, intelliguntur distare, vel habere distantiam; hoc, inquam, ita intelligimus secluso omni corpore; sicut positis corporibus intelligimus Angelum unum esse in cœlo; alium in terra, Daemonem in inferis; imo eundem Angelum nunc in terra custodem, mox in cœlo socium beatitudinis; item intelligimus, Angelum Romæ existentem, & alterum Tolosæ ab invicem distare toto interfecto spatio, quo nihilominus æque distarent, si totus aer, & reliqua Tolosam inter, ac Romam posita corpora cæteris illæsis annihilarerentur.,,

Opponunt I. Substantia angelica sine operatione non est determinata ad locum: ergo per operationem determinatur. Probatur antecedens. Si esset determinata, maxime esset per determinationem, aut limitationem in ordine ad locum; sed hic ordo non est essentialis, immo est accidentalis Angelo: ergo sine operatione non est determinata substantia angelica ad locum. II. Angelus est secundum se indifferens ad quemlibet locum in particulari: ergo indiget determinativo, ut sic potius in hoc loco, quam in alio; sed hoc determinativum non potest esse nisi operatio Angeli transiens: ergo Angelus per hanc constitutur formaliter in loco. III. Si Angelus esset in loco per suam substantiam, esset semper in uno loco; hoc autem non potest dici: ergo &c. Probatur major: Substantia Angeli semper est eadem: ergo per eam Angelus semper esset in eodem loco. IV. Substantia corporea non potest esse in loco, nisi per quantitatem: ergo substantia incorporea non potest esse in loco, nisi per operationem. Sequitur consequentia; majorem enim connexionem haber substantia corporea cum loco corporeo, quam substantia incorporea; ergo si illa esse nequit in loco sine quantitate, pariter haec non potest esse sine operatione. Probatur antecedens. Substantia corporea per id est in loco, per quod tangit locum; sed tangit locum per quantitatem: ergo per quantitatem est in loco. Probatur major. Homo vestitus non dicitur vestitus per vestem, si vestem habeat, & eam non tangat: ergo pariter homo locatus non dicitur locatum, si locum habeat, & cum non tan-

tangat. V. Angelus, & locus A. semper sunt in mundo, & tamen Angelus non est semper in loco A: ergo vel determinatur per operationem, vel per ubicacionem distinctam. VI. Angeli per S. Thomam possunt esse sine omni loco; sed hoc non esset possibile, si non essent in loco per operationem: ergo sunt in loco per operationem.

Respondemus ad I. Determinationem, seu limitationem in ordine ad locum intelligi vel caussaliter, vel fundamentaliter; primo modo dicit caussam, per quam Angelus determinatur potius ad hunc locum, quam ad alium; secundo modo dicit existentiam ipsius Angelii in hoc loco. Utrunque Angelus potest habere sine ulla sua operatione; primum quidem per voluntatem Dei, vel per voluntatem ipsius Angelii, qua determinatur ad subeundum potius hunc locum, quam alium; secundum vero per presentiam ipsius Angelii in hoc loco. Non est igitur necessaria operatio Angelii ad determinandum ipsum in loco.

Ad II. negatur minor subsumpta. Quia, ut diximus, determinativum vel est caussale, vel fundamentale; primum habetur a virtute motiva Angelii, qua se libere transfert ad hunc locum, & a virtute extrinseca Dei, per quam in eo loco vel fuit productus, vel est detenus, vel ad eum est translatus; secundum habetur a presentia ipsius Angelii, qua determinat ipsius substantiam modo dicto de caussali determinativo.

Ad III. Substantia Angelii est semper eadem secundum suam entitatem, variatur tamen per respectum ad locum, cui applicatur; & quia haec applicatio sit a Dei, & ab Angelii voluntate, ut diximus; hinc est, quod nulla ipsius operatio requiritur ad determinandum eum potius ad hunc locum, quam ad alium.

Ad IV. Contactus realis, & physicus requiritur quidem, ut corpora sint formaliter in loco, non tamen requiritur contactus virtutis, ut spiritus sit formaliter praesens loco. Primum ideo requiritur, quia corpora sunt in loco divisibiliter, & per commensurationem, & ideo partes ipsorum debent correspondere partibus locorum; non potest vero haberi haec correspondencia, & commensuratio sine contactu reali, & physico. Angelii autem, quum sint definitive in loco, & modo indivisiibili, non requirunt aliud, ut sine in loco, quam suæ substantiae realem praes-

sentiam, quæ sine ullo physico contactu haberi potest.

Ad V. dicitur, quod quando Angeli praesentia non est in loco A. Angelus non est in loco A., unde potest esse Angelus, & non esse praesens loco A., & in tali casu quanvis esset Angelus, quanvis esset locus A., Angelus tamen non esset in loco A. Praesentia autem habetur potius in uno loco, quam in alio, per ea, quæ diximus in response ad I. & ad II.

Ad VI. Si per locum extrinsecum intelligitur immensitas Dei, vel spatium, ut intelligunt moderniores Philosophi, hypothesis est impossibilis; si vero intelligitur quod Philosophi de Peripato intelligunt, nec etiam inter illos unanimiter admittitur hypothesis: unde ex illa nihil, quod sit certum, vel probabile, concludi potest.

Denique pro Dissertationis coronide addimus, P. Magnanum primo docere, Angelii praesentiam non esse infinitam; secundo, quanvis Angelii sint omnino penetrabiles, quia sunt spiritus, penetrari tamen, & non penetrari ad libitum; tertio sphæram praesentia Angelii & restringi posse in puncto, & dilatari posse ad libitum quoque; quæ quidem omnia optimè coherent cum sententia, quam ipse tenet, Angelos scilicet esse in loco per solam sui praesentiam, & non per operationem.

Primum docet Magnanus in Philos. nat. c. 9. prop. 10. num. 2. ubi ait: *Ita Angelus v.g. (cujus sine dubio sphæra praesentia infinita non est) re vera sit in loco aliquo, sive alibi &c.* Et hoc quidem negari non potest; quia quum Angelus non sit infinitus, suæ praesentia sphæra infinita esse non potest. Et quanvis sphæra praesentia ipsius dilatari possit, non potest dilatari in infinitum; quia aliter esset Angelus immensus, ut solummodo est Deus.

Secundum docet in Appendice 2. de minimis physicis p. 2. ubi asserit primo secundum Aristotelem ab Intelligentiis moveri corpora coelestia; si autem necessario Intelligentiae penetrarentur cum corporibus coelestibus, non possent ea movere. Secundo ex Scripturis habemus Dan. 14. Habacuc Prophetam ab Angelo Domini apprehensem, & capitis capillo portatum, & in Babylonem possum super lacum; habemus quoque Matth. 28., Angelum Domini descendisse de celo, & accedentem revolvisse lapidem. Si autem Angelus necessario penetrari debuisset, utique cum lapide, & cum Habacuc capillo fuisse

set penetratus; adeoque nec illum potuerit revolvare, nec hunc apprehendere, & deportare. En Magnani verba : „ Di- „ ci non incongrue potest, Angelum, qui „ lapidem ab ostio monumenti Domini re- „ volvit, & sic de aliis, ad hoc opus id so- „ lum egisse, quod est virtualibus suis, „ quas habet naturaliter, dimensionibus „ tribuere vim, & efficaciam dimensionum „ formalium; idest, ita lapidem subtilitate „ suæ substantiæ impetrissse quasi mole; aut „ ita penetrasse, si penetravit, ut nihil- „ minus erga eum exhibuerit se tanquam si „ esset cum eo impenetrabilis, de quo vide „ &c., Hæc eadem docet in Philosophia entis c. 6. num. 15., in Philosophia naturæ c. 7. prop. 4. c. 19. prop. 6. Et in cit. Append. num. 73. concludit: Verum in eo differunt, quod Spiritus sit impenetrabilitas tantum ad nūm, ac voluntaria, & etenim per accidens; corpori vero sit per se naturalis, ac necessaria.

Tertium demum Magnanus docet in cit. Append. n. 73. his verbis: *Et similiter formales dimensiones ad locum occupandum tantum, vel tantum corpori convenienter actualiter necessario, seclusa Dei operatione in contrarium miraculosa: Et dimensiones virtuales quoad loci extensi, vel non extensi occupatione actuali-lem, ac multo magis quoad prædictam impenetracionem, sunt spiritui libera, atque ad placitum.*

Hæc autem æque possunt rationibus suadendi, ut ab ipsomet P. Magnano probantur. Et quidem nemini dubium esse debet, posse Angelum existere in puncto loci, quando sciat, Angelum esse indivisibilem, quia est Spiritus. Si enim punctum loci est indivisible, quid repugnans invenietur, ut indivisible in indivisibili existat?

Quod vero sphæra præsentia Angelii possit esse major, & minor, quum ille pariter sit Spiritus, nec mirum nobis esse debet, si videamus, rationalem animam, quæ etiam est spiritus, modo occupare minorem præsensiam corporis minoris parvu-

li, & infantis, modo majorem corporis hominis, & staturæ sublimis, quod informat. Hoc idem Angelo non est denegandum, ut nimirum possit modo minorem, modo majorem locum occipare, sua præsentia. Quod vero hoc possit facere ad libitum, non est denegandum, substantiæ spirituali intelligenti, quæ hanc virtutem a Deo habuit, ut sit loco ex libera sui determinatione. Unde Angelus sphæra suæ præsentia & potest solum punctum occupare, & potest solam hanc aulam, & potest totam hanc domum, occupare; immo totam provinciam, totum regnum; finite quidem, quia, ut diximus, sphæra ipsa finita est. Et congruum hoc etiam est; quia, quum dentur, ut videbimus, Custodes Angeli non solum hominum, & singulorum hominum, verum quoque singularum urbium, provinciarum, regnum; quique Angelus, qui custos est regni unius, provinciæ, urbis, occupare debet sua præsentia totum regnum, totam provinciam, totam urbem; ut modo hoc suum monus per se ipsum præsentem exerceat. Si autem contrarium dicatur, vel cogitur quisquis dicat admittere actionem in distans, quæ nec Angelo conceditur; vel tenetur dicere, quod Angelus Custos Petri etiam in cœlo permanens potest Petrum custodi- re, regere, & gubernare, si Angelus regni Custos in uno regni angulo residens potest totum regnum custodire, regere, & gubernare. Nequit autem dici, quod singuli homines apud se non habeant suum Custodem Angelum; quemadmodum ergo habent homines singuli, habent pariter singula regna, singulæ provinciæ, & civitates. Sed de his fusius agetur, quando de Angelorum custodia differemus. Cæterum de majoritate, & minoritate sphæræ præsentia Angelorum, & quod ipsa possit in indivisibili loci puncto restringi, Cacheranus, P. Neri, aliquique etiam, P. Magnano subscribunt.



# DISSESSATIO CXLI.

*De motu Angelorum; An scilicet sit, qualis, & quotplex? Et an possint Angeli de uno extremitate ad aliud moveri, absque eo quod medium pertranscant?*



Rimo contra Angelorum motum habemus Durandum, qui afferens, Angelos esse ubique, consequenter afferere debuit, Angelos non moveri; motus enim importat transitum de loco ad locum. Et quanvis nos in praecedenti Dissertatione ad Durandi defensionem dixerimus, illud non afferendo, sed dubitando, dixisse; quomodounque tamen protulerit, semper stat consequentia, & connexio hypothesis. Durandus igitur in I. dist. 37. p. 2. illius quæst. 1. n. 26. Angelum dicebat esse in omni loco, in quo operari potest, sive simul, sive successive; & quia in omni loco operari potest, in omni loco est; & quia in omni loco est, ad nullum locum movetur. Unde q. 2. infert, Angelum non posse localiter moveri proprio, itaut de loco ad locum transferatur, quia non est in loco nec circumscriptive, nec definitive, sed simul est in omni loco, in quo esse potest; potest tamen successive apparere in diversis locis per varios effectus, quos in illis producit.

Secundo habemus Hervæum, qui, quem afferat, Angelos vere non esse in loco, consequenter etiam Angelis inquit convincitur denegare. Et ita de eo sentit Cacheranus; qui ulterius afferit, Durandum, & Hervæum communiter redarguit, tanquam temere, & periculose loquentes.

Tertio habemus Cajetanum, qui docet, motum localem proprio loquendo substantias spiritualibus non convenire. Atamen plerique volunt, Cajetanum comparative, & non absolute, loquuntur fuisse; comparative scilicet ad motum rerum corporalium, qui sit per successivam commensurationem partium mobilis ad partes spatii. Hoc autem etiam docuit S. Thomas, dicens, esse in loco, & moveri secundum locum, convenire Angelo æquivoce respectu corporum. Cum hoc autem stat, & Angelos vere esse in loco, & stat pariter, Angelos moveri secundum locum.

Inter Scholasticos igitur prima opinio est Thomistarum docentium, motum localem proprie non convenire substancialibus; sed quemadmodum dicitur abusivè, & æquivoce, substancialibus spiritualibus esse in loco, ita & pariter dicitur, quod moveantur. Unde quando dicuntur moveri, non est sensus, quod sint subjectum motus; sicut quando dicuntur locari, non intelligitur, quod sint subjectum ubi; solummodo igitur intelliguntur, quod virtualiter tangent diversa loca in genere causæ efficientis, & sic sint in loco per operationem, ut dictum est, & sic pariter de loco ad locum moveantur.

Secunda opinio est Scotistarum, qui cum Scoto in II. dist. 2. q. 9. & seqq. afferunt, sicut Angelum vere, & proprie constitui in loco per suam substancialiam, ita pariter vere, & proprie per suam substancialiam de loco ad locum moveri. Ita Frasen, qui pro omnibus suæ scholæ Theologis testatur; ex nostris est P. Magnanus, P. Neri, &c.

Dicimus I. Angelos vere, & proprie moveri localiter, motu scilicet proprio dicto. Cacheranus dicit, esse veritatem de fide, aut fidei proximam.

I. Probatur ex Scripturis. Job. 1. Circuisti terram, & perambulavi eam. Daniel. 14. Angelus tulit Habachuc e Judea in Babylonem, & posuit super lacum leonum. Et c. 3. Angelus Domini descendit in fornacem, ubi tres pueri erant. Isai. 13. Quomodo cecidisti de caelo Lucifer & Joann. 1. Videbitis Angelos ascendentibus, & descendentes supra Filium hominis. Et c. 5. Angelus Domini descendebat secundum tempus in piscinam. Lucæ 1. Missus est Angelus Gabriel ad Mariam Virginem. Apocalyp. 12. Non est inventus amplius locus eorum in caelo. Ex quibus liquidò constat, Angelos mutare locum; atqui mutare locum importat verum, & realem motum localem: ergo, &c.

II. Probatur ex Patribus. Auctor libri de cœlesti hierarchia sub nomine S. Dionyssi Areo-

Arcopagitæ c. ult. *Angeli atati pinguntur ob eorum velocitatem motus localis.* Ambrosius lib. 1. de Spir. San. c. 10. *Ubique præsto sunt propter motus celeritatem.* Et post pauca : *Spiritus Sanctus non movetur, quia est infinitus, & ubique existit;* at alii *Spiritus moventur de loco in locum, quia sunt finiti, & creati.* Augustinus lib. 1. retract. c. 24. *Quia Filius Dei non descendit, neque venit, ubi antea non erat : Angelus autem revera secundum substantiam deferrit cælum, & caput esse, ubi antea non erat.* Chrysostomus hom. 3. in ep. ad Heb. In multa loca propter nos mittuntur, & ad nostram ministrant salutem .. circa nos curvantur, hoc est eorum ministerium, propter nos in omnes mitti partes. Nazianzenus or. 34. *Quod omnia loca peragunt, omnibus ubique impigre adsunt ; tum ob ministerium promptitudinem, tum ob natura levitatem.* Tertullianus in apologet. c. 22. *Omnis spiritus ales est ; hoc est Angelii, & Demones : Igitur momento ubique sunt ; totus orbis illis locus unus est.*

III. Probatur Rationibus. I. Angelii nec sunt ubique, nec sunt semper in eodem loco: ergo habent verum, & proprium motum localem. Antecedens constat ex probatis in praecedenti Dissertatione; consequentia sequitur; si enim non sunt semper in eodem loco: ergo mutant locum; non possunt autem mutare locum, nisi per motum localem: ergo, &c. II. Angelii habent motum illum localem, quem habet anima separata; sed anima separata habet verum motum localem: ergo & Angelii. Major est certa; quia omnes sunt æque spirituales substantias. Minor probatur ex Concilio Lateranensi IV. sub Innocentio III. cap. firmiter, ubi dicitur, quod anima Christi in mortis triduo ad inferos descendit: *Descendit in anima, resurrexit in carne, ascendit in utroque.* III. Substantiis creatis eo modo convenit moveri, quo convenit esse in loco; sed Angelis vere, & proprie convenit esse in loco: ergo vere, & proprie convenit moveri. IV. Qui sunt in loco per suam substantiam, per suam substantiam pariter moventur; sed Angelii ex probatis sunt in loco per suam substantiam: ergo per suam substantiam moventur. V. Qui deserit unum locum, & aliud acquirit, vere, & proprie movetur; sed Angelus dum de cælo ad terram descendit vere deserit cælum, & terram pertingit: ergo vere, & proprie movetur. Minor constat, quia ex SS. Parribus non possunt esse Angelii

PAR. II.

naturæ viribus in cælo, & in terra: VI. Angelii, intellectu, & voluntate polentes, possunt cognoscere, & appetere novum locum; sed si acquirere non possent, frustra cognoscerent, & appeterent: ergo si cognoscunt, & appetunt, etiam acquirunt: ergo vere, & proprie de loco in locum moventur.

Objiciunt I. Mobile movetur, ut per motum acquirat aliquam perfectionem; sed Angelus nullam potest acquirere perfectionem per motum: ergo non movetur. Major est definicio motus ex Aristotele 3. Physic. tex. 6. Minor probatur. Perfectio, quam acquireret Angelus per motum, esset locus; sed locus non est perfectio Angelii: ergo, &c. II. Angelus est indivisibilis, quia est simplex, & spiritus; sed indivisibile nequit moveri: ergo Angelus nequit moveri. Minor est pariter doctrina Aristotelis 4. Physic., major non negatur, & consequentia sequitur. III. Augustinus lib. 8. de Gen. ad lit. c. 20. docet, quod corpus moverur per tempus, & locum; spiritus vero non per locum, sed tantum per tempus: ergo ex Augustino Angelii locali motu non moventur. IV. Bernardus fer. 5. in Cantic. afferit: *Non est discurrere, nec de loco in locum transire, nisi corporum, quod Angelos facere tam indubitate, quam nota probat autoritas:* ergo non sunt Angelii capaces motus per se. V. Motus localis importat correspondentiam variis partibus spatii; sed hæc correspondentia non potest habere locum in Angelis, qui quantitate carent: ergo, &c. VI. Quodcumque mobile, quod movetur, partim est in termino, a quo, & partim in termino, ad quem; sed Angelus non potest esse in his duobus terminis simul: ergo non movetur. Major est doctrina Aristotelis 6. Physic. Minor probatur. Mobile est in illis duobus terminis per partes; sed Angelus non habet partes: ergo non est, nec potest esse.

Respondemus ad I. Perfectio, quam acquirit Angelus per motum, est perfectio potentiarum locomotivarum Angelii, non vero naturæ Angelii; sicut intellectio est perfectio potentiarum intellectivarum Angelii, non vero Angelii naturæ; unde nulla est repugnancia, quod Angelus eam perfectionem per motum acquirat, quæ non perficiat naturam ipsius, sed ipsius potentiam locomotivam; quemadmodum nulla est repugnancia, quod Angelus habeat intellectiōnem ut perfectionem non naturæ ejus, sed ejus potentiarum intellectivarum.

L 1 2

Ad

Ad II. Explicant Peripatetici , Aristotelem loqui de indivisibili quantitativo , ut est punctum, quod non movetur motu proprio disto , per quem acquirat locum circumscriptivum ; non vero loqui de indivisibili substantiali , ut est Angelus . Attamen melius dicimus , intelligi de indivisibili , quod nullas habeat dimensiones nec formales , nec virtuales , non vero de illo , qui dimensiones virtuales habet , quanvis formales non habeat . Distinctio patet ex dictis in praeced. Dissert.

Ad III. Augustinus intelligitur de motu circumscriptivo , qui convenit corporibus , non vero definitivo , qui competit Angelis . Sic eū explicat Hugo a S. Victore c. 16,

Ad IV. Bernardus non loquitur de Angelis spectatis , & intellectis secundum se , sed prout exercent ministeria , quæ nos respi ciunt . Dicit enim : *Quonam ergo modo implente ministerium suum absque corpore , præsertim apud viventes in corpore ?* Post quæ addit : *Denique non est discurrere , nec de loco in locum transire , &c.*

Ad V. dicitur , quod major est vera in rebus corporeis , quæ sunt circumscriptive in loco , non vero in spiritibus , qui sunt in loco definitive ; his enim sufficit correspondencia virtualis , & non requiritur formalis , qualis est in corporibus .

Ad VI. Aristotelis Discipuli dicunt , ipsum fuisse loquutum de mobili corporeo , quod habet partes , non vero de mobili spirituali , quod partibus est expers . At melius dicitur , ad propositionem illam verificandam sufficere partes sive formales , sive virtuales , non vero requiri semper formales . Unde quum res indivisibilis possit correspondere partibus loci formalibus per suas virtuales partes , nulla est repugnantia , quod Angelus indivisibilis sit in loco divisibili .

Secundæ Dissertationis partis sensus est , An Angelus moveantur motu per accidens , vel motu per se ? Et in hoc discrepant Scholastici , prout scilicet explicant motum per accidens . Quidam volunt , illud moveri per accidens , quod movetur ad motum alterius , cum quo habet connexionem . Et hoc pacto moveri dicunt animam ad motum corporis , partem integrantem ad motum totius , contentum ad motum continentis , ut aqua ad motum lagenæ , navicularius ad motum navis , &c. Hæc autem omnia supponunt naturalem unionem , & conjunctionem , cum corporibus , in quibus existunt ; quam quidem unionem , & conjunctio-

nem , habere non possunt Angelii cum quocunque mobili : unde inferunt , Angelos motu per accidens moveri non posse . Quod Angelii habere non possint unionem hanc , & conjunctionem , cum quocunque mobili , ex eo probant , quia Angelii nec sunt per modum formæ substantialis , ut anima in corpore ; nec per modum formæ accidentalis in ipsorum hypothesi , ut color in subjecto ; nec per modum contenti in continente , ut homo in navi , aqua in vasculo , &c. nec per modum partis integrantis in toto . Plura etiam congerunt absurdia , quæ sequentur , si Angelus posset motu per accidens moveri , quæ apud Frassen videri poterunt . Cacheranus tamen ultra motum per accidens , qui est ratione alterius efficienter , ut motus nautæ in navi ; & ultra motum per accidens formaliter , ut motus animæ in corpore ; alium assignat motum per accidens , quem dicit esse , quando unum moverur ad comitandum allud , motu tamen proprio , & ab intrinseco proveniente . Et hunc motum dicit Angelis convenire , præsertim , ut ait , in corporibus assumptis ; quia dum Angelus caussat motum in corpore assumpto , simul etiam caussat motum in se ipso ad comitandum corpus ; & eadem ratione deberet in se ipso caussare motum , si corpus assumptum supponatur moveri ab aliquo alio motore .

Quod vero Angelus moveatur per se , explicant per hoc , quod Angelus sit re vera per se subjectum motus . Et hoc pariter probant , quia Angelus eo modo moveatur , quo modo est in loco ; sed ex probatis in praeced. Dissert. per suam substantiam est in loco : ergo per suam substantiam pariter moverur : ergo est re vera per se subjectum motus . Insuper , quia Angelus per suam substantiam est subjectum motus in facto esse : ergo etiam per suam substantiam est subjectum motus in fieri : ergo est subjectum motus localis per se .

Præter hæc autem etiam firmandum est , quod Angelus sit causa , non solum subjectum ; motus sui ; hoc est , quod Angelus moveat se ipsum localiter ; ut plena notitia qualitatis motus Angelorum habeatur . Et quidem cum communi Theologorum affirmamus , Angelos posse se ipsum movere , atque de facto etiam movere . Hoc autem Scripturæ docent aperte . Job. 1. Circuivi terram , & perambulavi eam . I. Petri 5. Circuit quarens , quem devoret . Matth. 12. Cum immundus Spiritus exie-

*exierit ab homine, ambulet per loca arida, quarens quietem, & non invenit: Tunc dicit: Revertar in domum meam, unde exivi, & veniens invenit eam, &c. Tunc vadit, & assumit septem alios spiritus requiores se, & intrantes habitant ibi. Rationes etiam probant. I. quia aliter motus Daemonum ad nocendum nobis, ad tentandum, ad inducendum nos ad peccatum, si non essent ab ipsis, essent a Deo; quod non est dicendum. II. quia si Angelus habet potentiam passivam ad motum, debet etiam habere potentiam activam ad eundem; aliter esset deterioris conditionis, quam homo, qui utranque habet. III. quia Angeli fruuntur omni gradu vitae, qui non sit ipsis repugnans; sed movere se est gradus vitae, & Angelis non repugnat: ergo, &c. Quae contra haec opponuntur, levia sunt, & apud alios soluta facile invenire quisque poterit. Unde ad tertiam Dissertationis partem accedimus.*

**Tertia Dissertationis pars** quoquicunque motus Angelorum respicit. Et quidem quadruplex assignatur motus; continuus scilicet, discretus, successivus, & instantaneus. Per continuum deserit mobile per partes terminum, a quo, & per partes acquirit terminum, ad quem. Per discretum deserit totum terminum, a quo, & immediate acquirit terminum, ad quem. Successivus motus idem est ac continuus, cum hac tamen differentia, quod continuus acquirit totum terminum adaequatum, ad quem; successivus vero sicut in medio; unde omnis motus continuus est successivus, non vero omnis motus successivus est continuus. Instantaneus tandem est motus ille, quo eodem momento deseritur terminus, a quo, & acquiritur terminus, ad quem. Aliter alii explicant hos motus; sed diversitas vel est in solis verbis, vel in anterioribus ambagibus, quibus potius rem involvunt, quam expllicant.

Angelis convenit primo motus continuus, & successivus. Et probatur; quia potest Angelus transire ab uno ad aliud locum, transiendo per omnia loca inter media, ita nullum non pertransferat, & in nullo quiescat; sed hoc est moveri motu continuo, & successivo: ergo &c. Probatur major. Potest corpus illud efficere: ergo potest & Angelus. Probatur consequentia. Si Angelus non posset, ideo esset, quia est indivisibilis; sed hoc non officit: ergo &c. Probatur minor. Ad continuatatem, & successionem motus sufficit,

quod spatium sit divisibile: ergo quanvis Angelus sit indivisibilis, non repugnat ipsi moveri continue, & successive: ergo non officit indivisibilitas Angelis motui ipsius continuo, & successivo.

**Secundo de motu discreto** dicunt Thomistæ, ipsum convenire Angelis, negant vero Scotistæ. Hi moventur; quia nequeunt dari duo instantia immediata indivisibilia, in quibus deseratur unum, & acquiratur aliud; quod requiritur, ut diximus, ad motum discretum, in quo per ultimum suum esse mobile deserit totum terminum a quo, & immediate post, sine ulla successione, acquirit totum terminum ad quem. Thomistæ vero dicunt, quod quanvis in tempore nostro non possint sibi immediate succedere duo instantia, possunt tamen in tempore discrete, & angelico; quo quidem tempore mensurantur operationes liberæ Angelorum, adeoque ipsorum motus discretus. Hoc autem tempus angelicum dicunt esse numerum durationum indivisibilium, siue instantium. Ulterius dicunt Scotistæ, motum localem necessario importare medium transitum inter duos terminos; sed inter duos illos terminos non esset hic transitus medius, quatenus illa duo indivisibilia deberent esse immediata: ergo &c. Verum Thomistæ respondent, pro medio haberi successionem, & habitudinem unius termini ad alium. Quae quidem apud eosdem videtur poterunt ab iis, qui exactiorem exoptant cognitionem; nos enim superfluum ducimus in his amplius immorari, & ad ulteriora progredimus.

**Tertio de motu instantaneo** dissentient patriter Scholastici, quorum aliqui ipsum Angelis concedunt, & sunt Scotistæ; alii vero negant, & sunt Thomistæ quoniam plures. Nos omnino negamus; quia cum P. Magnano intelligimus, motum instantaneum omnimodam importare contradictionem. Haec autem est P. Magnani ratio, quae æque locum in substantiis materialibus, ac in spiritualibus, habet. Sunt ejus verba in Philos. nat. c. 10. prop. 4., "Motus localis instantaneus est impossibilis. Naturaliter hujusmodi motus est evidenter impossibilis, quia mobile idem non potest naturaliter simul esse in pluribus locis; at si esset motus instantaneus mobile idem foret eodem instanti in terminis a quo, & ad quem, ac in toto medio; videlicet in loco majori se, vel in pluribus æqualibus; ut est evidens: ergo &c.

Pra-

, Præterea vero motus instantaneus est ab-, solute impossibilis, quia implicat contraria- , distinctionem; nam esse simul in terminis a-, quo, & ad quem, ac in toto medio (quod, ut dixi, sequitur necessario ex motu in-stantaneo) non dicit relinquere locum in termino a quo, & acquirere locum in termino ad quem; sed dicit oppositum, videlicet retinere utrumque; at moveri dicit relinquere locum unum, & acquiri rere alium: ergo moveri velocitate instantanea esset moveri, & non esset moveri, in quo est contradicatio . ,

Pro quarta demum Dissertationis parte, An scilicet Angelii moveri possint de uno extremitate ad aliud, absque eo quod per medium transeat; illi, qui dicunt, Angelos esse in loco per operationem, affirmant; alii vero, qui afferunt, Angelos esse in loco per substantiam, negant. Hinc Sueninus affirmativam suam conclusionem sic probat: „Motus Angelii positus est in illius operatione ad extra: porro Angelus potest operari in uno spatii extremo, quanvis nec in alio extremo, nec in medio, operetur; ac proinde a uno extremo moveri potest in aliud, impetrans locum, si non transit per medium, nusquam sit in medio, ut est evidens; etiam solummodo in terminis a quo, & ad quem, prius in illo, & mox in isto; & quia in his, ut dixi, non potest esse motus, mutans locum non movebitur.”

Unde

Dicimus II. Angelos non posse moveri de extremo ad extremum, sine transitu per medium.

I. Probatur a P. Magnano. Cuicunque mobile non alia est facultas mutandi locum a natura, quam potentia motiva; sed hæc non potest non movere per medium: ergo quocunque mobile non potest moveri de extremo ad extremum sine transitu per medium. Major patet a posteriori; quia si auferatur, vel si impeditur, motiva facultas, hoc ipso tollitur, vel impeditur omnis facultas mutandi locum; hoc autem non eveniret, si facultas mutandi locum ab alia facultate, quam a motiva, proveniret. Probatur minor. Quum sit motiva potentia, non potest exerceri, nisi motu; sed motus necessario est in medio: ergo potentia motiva non potest non movere per medium.

II. Probatur ab eodem. Motus non est nisi in medio: ergo sine transitu per medium non est motus: ergo Angelus &c. Probatur antecedens, & sic etiam minor ultimi-

præcedentis argumenti. Motus non est in termino a quo, nec in termino ad quem: ergo est in progressu, aut latrone ab illo in istum: ergo est in medio. Antecedens constat; quia in termino a quo, & in termino ad quem, est quies, & non est motus; quiescit scilicet mobile, & si quiescit, non moverur, quia quies est oppositum motus. De consequentia probanda sic discurrit P. Magnanus: „Hic autem progressus, vel hæc latio constituit mobile, primo in loco proxime communicante cum eo, qui deseritur; ac inde in alio etiam communicante, licet minus; ac ita deinceps, donec transcurrit omnibus hujusmodi communicantibus perveniat ad non communicantia; quibus pariter successive occupatis, ac derelictis, attingatur terminus ad quem; & hic etiam licet attingatur, non tamen statim possidebitur totus; sed prius omnia, ac singula, quæ cum eo communicant loca, percurrenda sunt. Cum ergo mutans locum, si non transit per medium, nusquam sit in medio, ut est evidens; etiam solummodo in terminis a quo, & ad quem, prius in illo, & mox in isto; & quia in his, ut dixi, non potest esse motus, mutans locum non movebitur.”

Obstane. I. P. Magnanus in cit. loc. scil. in Phil. nat. c. 10. prop. 2. non loquitur de Angelis, sed de rebus corporeis: ergo male nos extendimus ejus verba, & ejus mentem, ad res incorporeas, & spirituales, quales sunt Angelii. Probatur antecedens ex ejus verbis; dicit enim: Quod scilicet rei materiali; non enim hic ago de spiritibus: ergo non loquitur de Angelis, sed de rebus corporeis. II. Sancti Patres docent, Angelos esse velocissimos ad motum quemlibet, & ideo pingi cum aliis; sed non essent, si transire deberent per quodlibet medium: ergo &c. III. Angelus non dependet a spatio: ergo potest transire ab extremo ad extremum sine medio. Probatur antecedens. Angelus, qui est indivisibilis, non commensuratur spatio, quod est divisibile: ergo non dependet a spatio. IV. Corpus Christi moveretur de cœlo in altare absque eo, quod transeat per medium: ergo a fortiori Angelus, qui est spiritus.

Respondemus ad primum, verum esse, quod P. Magnanus in loco illo loquatur de substantia corporea; atamen facetur, illud ipsum de substantia spirituali posse etiam dici. Loco enim citato inquit: Non enim hic ago de spiritibus; quantvis non putemus, esse

*esse meliorum eorum bac in parte summa.*  
Quid clarius, ut profundissimi Doctoris  
mentem assequamur? Ratio etiam suadet;  
scilicet, quod aequo corporeis, ac spiritua-  
libus substantiis repugnat progrederi de  
loco in locum sine medio. Sola enim dif-  
ferentia est inter corpus, & spiritum,  
quod corpus est circumscriptive in loco,  
spiritus vero definitivus. Conveniunt  
autem in hoc, quod uterque sit finitus,  
& limitatus; adeoque debet esse in certo,  
ac limitato loco, vere, & proprio per  
suam presentiam. Ratione autem hu-  
iusmodi limitationis repugnat transitus  
de extremo ad extremum sine medio:  
ergo aequo repugnat substantiae corporeae,  
ac incorporeae. Quam quidem rationem  
maxime urget Mastrius apud P. Neri.

Ad II. quidam explicant Patres de operatio-  
nibus Angelorum; Angelus enim est to-  
tus in toto corpore, & totus in qualibet  
parte corporis; unde operans in manu  
illico operatur in pede. Alii vero intel-  
ligunt Patres de maxima quidem veloci-  
tate motus, quæ non sit contraria ratio,  
ni ipsius motus, sed sit cum ea compoffi-  
bilis; illa autem velocitas sine transitu non  
est compofibilis.

Ad III. distinguitur antecedens; Angelus  
non dependet a spatio, scilicet in com-

measuracione totius cum toto, & partium  
cum partibus, sicuti dependet corpus,  
concedimus; non dependet a spatio, hoc  
est a spatio motivo per successionem in-  
vero motu locali, negamus antecedens,  
& consequentiam. Alii alio modo distin-  
guunt; non dependet a spatio in muta-  
tionibus simpliciter acceperis, concedunt;  
in vero motu locali, negant. Verus enim  
motus localis fit per acquisitionem par-  
tium post partes interjectas, & non so-  
lum per acquisitionem partium post par-  
tes existentes in terminis. Haec autem  
acquisitio, absque eo, quod mobile tran-  
seat per medium, non potest dari.

Ad IV. negatur antecedens. Falsum enim  
est, quod corpus Christi movetur de  
caelo, ut descendat in terram super alta-  
re per consecrationis verba; replicatur  
quidem idem corpus supernaturaliter,  
ita ut sit in pluribus locis; quæ replicatio  
convenit quoque Angelis, immo & ho-  
minibus, divina virtute, non naturali.  
At replicatio non importat localem mo-  
tum; quia per localem motum deseritur  
unus locus, & acquiritur aliis; per repli-  
cationem vero retinetur prior locus, &  
occupatur alter; unde non mirum, si re-  
plicatio non subjetat legibus motus, qui-  
bus subest localis motus.

## DISSERTATIO CXLII.

*De objecto cognitionis Angelorum; quænam cognoscant  
Angeli, & quomodo cognoscant? Ubi de futuris  
liberis, & fortuitis, de secretis cordium,  
& de Mysteriis Gratiae, an ab Angelis  
cognoscantur, & quomodo?*

**P**RIMUM cognitionis Angelo-  
rum objectum est Deus ipse,  
quem per naturæ vires cogno-  
scunt; & hoc a nemine nega-  
tur. Et quia Deus potest cogni-  
tione abstractiva, ex creatis scilicet esse.  
Etibus, cognosci; & cognitione intuiti-  
va immediate in seipso; in hoc pariter  
conveniunt omnes, quod Angeli per na-  
turæ vires cognoscant quidem Deum ab-  
stractive, intuitivæ autem non cognoscant.  
Primum ex his duobus patet cuique; quia  
si homines per cognitionem creaturarum  
possunt in cognitionem Creatoris deve-  
nire; quanto magis Angeli? Alterum

quoque probatum supponimus, ubi ostendim-  
us, Deum a nullo creato intellectu  
naturaliter esse visibilem, seu posse intui-  
tiva cognitione videri. Et quanvis in his  
conveniant Scholastici, discrepant tamen  
in aliis, quæ sibi examinanda proponunt.  
Et quidem primo disputant, an Angeli  
habeant cognitionem, quæ sit media in-  
ter abstractivam, & intuitivam, quæ qui-  
dem esse abstractiva, sed immediata? Et  
admissa quod habeant, an illam habeant  
per speciem infusam divinæ essentiae pro-  
priam, & repræsentativam ipsius abstra-  
ctive; an vero habeant cognitionem na-  
turalem immediatam Dei per propriam  
essen-

essentiam, tanquam per speciem Dei? Redato, quod non habeant, an habeant cognitionem naturalem Dei mediataam, sicutem remote & radicaliter; quae scilicet supponat cognitionem præteritam aut propriæ substantiæ, aut alterius creaturæ? Hæc quidem omnia illis remittimus discutienda, quibus in iis est solarium, & pro iisdem est tempus. Nobis solum sufficiat indicasse, ut qui vult, apud alios assequatur.

Alterum objectum cognitionis Angelii est ipsem Angelum; cognoscit enim seipsum; cum quia ipse proportionem habet cum sua propria vi intellectiva; cum etiam quia est sibi ipsi intime præsens; arqui duo hæc sola requiruntur, ut aliquid ab aliquo cognoscatur: ergo vere Angelus cognoscit seipsum. Major probatur. Angelii substantia, & Angelii vis intellectiva, proportionem habent, sunt enim ejusdem ordinis; unde habetur primum; habetur quoque secundum, quia Angelus vi illius potentiarum intellectivæ est sibi intime præsens. Ulterius neque habet Angelus animæ impedimentum, dum hæc est corpori unita, a quo dependet; unde non potest seipsum perfecte cognoscere. Angelus enim solitus a corpore, est a corpore independens, & nullum ab eo patitur impedimentum.

Tertium angelicæ cognitionis objectum, alios Angelos complectitur, qui a quoquaque Angelo cognoscuntur. Primo ex Scripturis habemus Angelos inter se colloquentes: ergo qui ad invicem cognoscuntur. Consequentia sequitur; prius enim cognoscimus illos, quibuscum loquimur. Antecedens habetur Isai. 6. Clamabant alter ad alterum: Zacharie 2. Curre, loquere ad puerum istum. Apoc. 5. Et dixit quatuor Angelis . . . Nolite nocere terra, & mari. Secundo omnes Angelii in cœlo unam constituunt societatem: ergo se ipso mutuo cognoscunt. Quis enim dicet, quod socius non cognoscat collegam suum, civis concivem, servus conservum; quem præcipue omnes in eadem domo, in eadem aula, in ejusdem Domini obsequium, intime versentur?

Quartum continet res omnes materiales, non solum in universalis, verum quoque in particulari. Ratio est, quia si sumuntur secundum rationes communes, cognoscuntur ab Angelis res materiales; continentur enim in ipsis tanquam in superioribus; si vero accipientur secundum rationes particulares, cognoscuntur pariter

ab Angelis, qui sunt administratorii spiritus ipsarum; dicitur enim ad Hebr. 1. Omnes sunt administratori Spiritus. Et vera non possunt Angeli custodes esse singulorum hominum, urbium, provincialium, regnum; nisi hæc omnia in particulari cognoscerent.

Quintum continet futura necessaria, & quidem hæc ab Angelis certo cognoscuntur. Et ratio est, quia Angelii certo cognoscunt illa omnia, quæ habent cum suis causis necessariam connexionem; sed futura necessaria habent cum suis causis necessariam connexionem: ergo certo ab Angelis cognoscuntur. Probatur major. Angelii comprehendunt causas necessarias: ergo certo cognoscunt illa, quæ cum suis causis habent necessariam connexionem. Probatur antecedens. Angelii properter suæ naturæ perfectionem cognoscunt omnia, ad quæ potest se extenderet virrus naturalium caussarum: ergo comprehendunt causas necessarias; adeoque &c.

Sextum, quod continet intra objectum cognitionis Angelorum, sunt futura contingentia, quæ ut plurimum accidunt; at hæc non certo, sed per conjecturam ab Angelis cognoscuntur. Si enim hæc ipsa cognoscuntur ab hominibus, multo magis cognoscuntur ab Angelis. Quod autem non cognoscantur certo, inde est, quia non habent infallibilem cum suis causis connexionem. Certum tamen est, quod si probabili modo illa cognoscunt homines, Angelii cognoscunt probabiliter, & verosimiliori. Hæc, quæ enarravimus Angelorum cognitionis objecta, apud omnes in confessio sunt; modo ad ea devenimus, quæ vel negantur, vel controvertuntur.

Dicimus I. Futura libera, & fortuita ab Angelis certo non cognoscuntur per naturæ vires, sed tantum conjecturaliter, & probabiliter.

I. Probatur ex Scripturis. Isai. 41. Annuntiate quæ ventura sunt in futurum, & sciemus, quia Dii estis vos. Et cap. 46. Ego sum Deus, & non est ultra Deus, nec est similis mei, annuntians ab exordio novissimum, & ab initio, quæ nondum facta sunt, dicens. Daniel. 2. Est Deus in cœlo revelans mysteria. II. Petri c. 1. Non humana voluntate allata est prophetia, sed Spiritum Sanctum inspirati, locuti sunt Sancti Dei homines: ergo proprium Dei tantum est futura libera, & fortuita certo cognoscere per proprias vires.

II. Pro-

**II. Probatur ex Paribus:** Tertullianus in *Apologet. c. 20.* *Idoneum, ut arbitror, testimoniis divinitatis, veritas divinizationis.* Origenes lib. 6. cont. Celsus circa initium: *Divini sermonis characterem esse prædictionem futurorum.* Hilarius lib. 9. de Trinitate circa finem: *Proprium Deo quid aliud, quam cognitio futurorum?* Chrysostomus hom. 18. in Joan. *Prædictione futurorum immortalis Dei dumtaxat opus est.* Cyrill. lib. 4. in Joan. *Nutli alii, quam uni, ac soli naturali Deo futura nosse convenit.* Hieronymus in c. 2. Daniel. *Confidentur Magi, confidentur Arioli, & omnis scientia secularis literatura, præscientiam futurorum non esse hominum, sed Dei.* Damascenus lib. 2. de fide c. 3. *Futura quidem tametsi nec Dei Angeli, nec Dæmones norint, utrique tamen prædicunt, sed dispari modo.* *Angeli enim futuros eventus non aliter prædicunt, quam Deo ipsis quæ futura sunt detegente, quo sit, ut ea omnia eveniant, quæ ab ipsis prædicuntur.* *Dæmones autem ipsi quoque prædicunt, interdum videlicet, quia ea, quæ procul geruntur, cernunt interdum sola conjectura duci; ex quo etiam efficitur, ut plerumque mentiantur.*

**III. Probatur Rationibus.** I. *Futura libera, & fortuita non habent necessariam, & determinatam connexionem cum suis caussis:* ergo ab Angelis non cognoscuntur certo, & evidenter. II. *Quanvis creatura voluntas determinata sit, potest nihilominus ex se ipsa mutari, potest etiam ab extrinseco, a Deo præsertim impediiri, ita ut suum effectum non sortiatur:* ergo quanvis Angelus possit cognoscere, creatæ voluntatis determinationem, non per hoc potest cognoscere certo, & evidenter effectus liber illius determinationis futuritionem. III. In naturalibus non sunt Dæmones deterioris conditionis, quam Angeli boni; sed Dæmones non cognoscunt certo futura libera, & fortuita: ergo neque Angeli boni. Probatur minor. Qui falluntur in prædictione illorum, non cognoscunt certo; sed Dæmones falluntur, ut experimento constat: ergo &c. IV. *Quæ Deus sibi soli reservavit nulla creatura potest naturaliter, & certo scire; sed ex productis Scripturarum, & Parrum testimonii cognitionem futurorum liberorum, & fortitorum sibi soli Deus reservavit: ergo nulli creaturæ, nec etiam angelicæ, convenire potest.*

**Arguunt I.** *Tum Angeli boni, tum mali, multa futura libera, & fortuita prædicunt: ergo illa certo cognoscunt.* II. **Dæ-**

**mones et si aliquando prædicendo illa mentiantur, non est quod illa ignorent, & fallantur, sed potius ut decipient homines, qui sibi credunt: ergo non bene infertur ex fallacia prædictionum ignorantia futurorum.** III. *Anima humana libera ab operatione sensuum multa prædicta, quæ eveniunt; quod præcipue accidit in somniis:* ergo multo magis Angelus, qui nullum a sensibus patitur impedimentum. IV. *Sybillæ multa prædixerunt, Caiphas pariter prophetavit, prophetavit etiam Balaam; non quidem per revelationem Dei; quia illæ erant Gentiles, isti vero mali homines, Deo nullatenus accepti: ergo ex revelatione Demonum: ergo Dæmones certo futura libera, & fortuita cognoscunt.*

**Respondemus ad I.** Angelos bonos ex Dei revelatione prædicere, & quæ prædicunt, omnino verificari; Angelos malos non certo, sed conjecturaliter cognoscere, & sic quoque prædicere; & obinde ut plurimum falsa esse, quæ prædicunt. Quod si aliquando sunt vera; hoc evenire, vel in poenam curiosorum hominum; vel ex cognitione, quam habent Dæmones revelationum a Deo factarum sanctis hominibus; vel denique quia ipsi sunt Dæmones facturi sunt, quæ prædicunt. Primum docet Augustinus lib. 2. de doctrina christi c. 23., alterum Tertullianus in *Apologet. c. 22.*, tertium pariter Augustinus lib. 2. de Genesi ad littera c. 17.

**Ad II.** dicitur, verum esse, aliquando Dæmones ex industria mentiri; at nemo debet credere, mentiri illos voluisse in futurorum prædictione, qua sibi divinitatem adscribere, ac probare nescibantur. Quod si de facto mentiri voluerint, non dedissent obscura responsa, quibus in quoquaque eventu se eximere a mendacio possent. Et hoc est signum ignorantiae ipsorum.

**Ad III.** *Somnia ex quinque generum varietate diversa assignantur; nimirum ex corporis dispositione, ex mentis sollicitudine, ex Diaboli illusione, & boni Angeli revelatione, & ex Dei visione.* Prima duo, docet S. Bonaventura dist. 7. q. 3., esse præfigia futurorum, quatenus illa sunt signa infirmitatis, alia sunt signa affectuum, vel passionum. At cætera non sunt signa de se, sed possunt ab extrinseco esse talia: unde humanæ cognitionis non sunt effectus.

**Ad IV.** Dæmones a Deo aliquando accipere, quæ vult Deus, ut hominibus, impiis quidem, & sceleris, revelent. Hoc docet

ter Augustinus lib. 2. de Genes. ad liter. c. 17. Dignatur enim Deus aliquando Dæmones alloqui, ut suæ justitiae ministros, vel per se ipsum, vel per bonos Angelos; quod patet ex Job. 1. & 2., & ita eis aliqua manifestat, quæ sunt occulta hominibus, ut exequantur.

Dicimus II. Angelos non cognoscere naturæ viribus certo, & infallibiliter secreta cordium.

I. Probatur ex Scripturis. III. Reg. 8. *Tu solus nostri cor omnium filiorum hominum.* II. Paralipom. 6. *Tu enim solus nosti corda filiorum hominum.* Psal. 7. *Scrutans corda, & renes Deus.* Jerem. 17. *Pravum est cor omnium, & inscrutabile; quis cognoscet illud?* Ego Dominus scrutans cor, & probans renes. Ad Hebr. 4. *Discretor cogitationum, & intentionum cordis.* Si igitur solus Deus scrutator est cordium, non possunt Angelii naturæ viribus certo, & infallibiliter secreta cordium cognoscere.

II. Probatur ex Patribus. Origenes hom. 7. in Genes. *Verbi causa, propositum babeo martirium, non ex hoc dicere ad me Angelus poterit, quia nunc cognovi, quod tu times Deum.* Deo enim soli cognitum est propositum mentis. Si vero accessero ad agones, proutero bonam confessionem, qua inferuntur, constanter cuncta suscepere; tunc potest dicens. *Angelus velut confirmans me, & corroborans: nunc cognovi, quod tu times Deum.* Hilarius in psal. 139. *Cogitationes cordis noſſe non nostrum est, sed ejus, de quo dixi: Scrutans corda, & renes Deus;* ejus quoque, qui dixit: *Sciens cogitationes eorum, quid cogitatis mala in cordibus vestris?* Ille occultos omnes malignorum cordium sensus penetrabili, atque pervio aditu obteunte natura virtutis sua contuetur. Hieronymus in c. 9. Matth. *Dominus videns cogitationes eorum, se Deum ostendit, qui possit cordis occulta cognoscere.* Ambrosius in c. 5. Lucæ: *Dominus salvos volens facere peccatores, & occulorum cognitione Deum se esse demonstrat.* Cyrilus 2. in Joan. *Hec quoque dignitas, uti & cetera, qua sunt in Christo, Deo competit; nec ineſt ulli rei creatæ.* Soli enim vero Deo ipsam tribuit Psalmista, dicens: *Qui finxit ſigillatum cor da eorum, qui intelligit omnia opera eorum.* Chrysologus ser. 5. *Cape ejus diuinitatis insignia, audi eum pectoris tui penetrasse secretum: aspice eum ad cogitationum tuarum latebras pervenisse.* Intellige eum cordis uitacita nudare conſilia. Et ser. 94. *Dum Pharisæi cordis patefecit arcanum, se ipſum fuisse totius Prophetia demonstrat autorem,*

III. Probatur Rationibus. I. Si Angeli cognoscerent secreta cordium, æque cognoscerent Angelorum, & hominum: ergo Angeli cogniti non possent sua servare secreta; hoc dicendum non est: ergo nec illud. II. Nos homines habemus ius ad servandam propriam famam, tam erga alios homines, quam erga Angelos; sed si Angeli secreta cordium cognoscerent, hos ius vanum nobis esset: ergo secreta cordium non cognoscunt. III. Nos omnes habemus perfectum dominium nostrorum actuum; non haberemus, si illos occultos Angelii cognoscerent; quia intuitive cognoscerent; cognoscere autem intuitive est possidere, dum de rebus spiritualibus agitur: ergo &c. IV. Nobilitas humanæ mentis talis est, ut soli Deo patet, ut ait S. Thomas: ergo Angelis naturaliter non patet, ipsam humana mente nolente.

Obstant I. Ex S. Gregorio lib. 18. moral. c. 27. *In beatitudine resurgentium perspicibilis alteri sicut ipse sibi; & cum unusquisque intellectus attenditur, simul conscientia penetratur.* Hinc infert: *Civitatem Beatorum allegorice vocari vitrum mundum.* Et post pauca: *Nunc autem corda nostra quandiu in hac vita sumus, quia ab altero in alterum videri non possunt, sed intra lutea vascula concluduntur.* II. Ex Beda lib. 2. in Job. c. 7. Non enim quidquam affectuum suorum ad invicem latere spiritus potest; simplices enim creature nullum babentes quasi obſtaculum corporulentum, perspicua sibi sunt. III. Augustinus testatur lib. 1. cont. Academicos c. 6., quendam Magum, Albericum nomine, cogitationes internas hominum prodidisse, & secreta cordium manifestasse; quod etiam de aliis Magis, & Energiumentis confirmat Martinus Delrio lib. 4. disquis. magic. c. 2. q. 2. Sed nisi a Dæmonibus scire non poterant: ergo &c. IV. Angelii, sive boni, sive mali, comprehendunt essentiam animæ rationalis: ergo cognoscunt omnes modificationes ipsius; sed inter modificationes ipsius sunt secreta cordium: ergo hæc quoque cognoscunt.

Respondemus ad I. Verborum S. Gregorii sensum esse, quod animæ separatae, atque etiam Angelii, non impedianter, sicut homines, a corporum mole, quo minus alter alterius mentem assequatur; non autem affirmat, an infallibiliter, & certo, an vero per conjecturas, id ipsum cognoscant.

Ad II. eadem est responsio; ut ex ipsiusmet Be-

Beda verbis innotescit . Verum subdimus quoque ad maiorem rei explicacionem ; quod Spiritus , si sint boni , aliquando id percipiunt per revelationem ; si vero sint mali , per conjecturas attingere pertinent . Unde ait Damascenus lib. 2. de fid. orthod. c. 3. de fidei contingentibus , quae possunt non in epte se-cretis cordium applicari .

**Ad III.** Augustinus de conjecturali , non de infallibili cognitione intelligendus est . Idem enim ipse lib. de divina. Dæmonum scripsit : *Angelos hominum dispositio-nes non solum voce prolatas , verum etiam cogitatione conceptas , cum signa quadam exprimuntur in corpore , tota facilitate per-discre .* Verum hoc ipsum deinde lib. 2. Retract. c. 30. explicavit : *Rerum dixi oculi-tissimam audaciore asseveratione , quam debui ; nam pervenire ista ad notitiam . Dæmonum per nonnulla etiam experimenta com-pertum est : Sed utrum signa quedam dentur ex corpore cogitantium , illis sensibilia , nos autem latentia ; an alia vi , & ea spirituali , ista cognoscant ; aut difficillime potest ab ho-minibus , aut omnino non potest inveniri .*

**Ad IV.** dicitur , quod satis est ad comprehensionem animæ , quæ in Angelo supponitur , si Angelus cognoscat quæ necel-sario , & naturaliter ex substantia animæ sequuntur , non vero quæ libere ; liberæ autem sunt cordium cogitationes ; ac proinde non cognoscuntur ab Angelo , etiam si animam comprehendat .

**Dicimus III.** Angelos naturæ viribus non cognoscere mysteria gratiæ ; quæ non sunt penes modum tantum , sed etiam quoad substantiam , seu in entitate , su-pernaturalia .

**I.** Probatur ex Scripturis . I. ad Corinth. 2. *Quis hominum scit quæ sunt hominis , nisi spiritus hominis , qui in ipso est ? Ita & quæ Dei sunt nemo cognovit , nisi Spiritus Dei .* Sensus autem hujusmodi verborum est ; neminem posse cognoscere , quæ pendent ex sola , & libera Dei voluntate , nisi Deus ipse tribuat . Subdit proinde Apostolus ; spiritum mundi , hoc est spiritum creatum , ut interpretatur Theodoreetus , non posse intelligere mysteria fidei , nisi Deus revelet ; quod quoque de Angelis verificatur . Nos autem non spiritum hujus mundi accepimus ; sed spiritum , qui ex Deo est , ut sciamus , quæ a Deo donata sunt nobis . Nimirum , quæ credimus , Spiritu Dei reuelante credimus , non vero spiritu mundi asequente intelligimus . Ad Ephes. 3. asserit Apostolus , sibi datam hanc

PAR. II.

esse gratiam , ut illuminaret , qua sit dispen-satio sacramenti absconditi a seculo in Deo , qui omnia creavit , ut innotescat Principati-bus , & Potestatibus in cælestibus per Eccle-siam multiformis sapientia Dei . Ignora-bant ergo Principatus , & Potestates , quæ Paulus sciebat ; quia quæ ipsi revelaverat Deus , illis non nota fecerat .

**II.** Probatur ex Patribus . Ambrosius in comment. ad I. ad Corinth. 2. *Sensum Dei nemo novit , nisi qui de Deo est spiritus Dei . Inferiora enim non possunt superiorum scire consilium ; neque creatura Creatoris sui di-gnoscere voluntatem . Nyssenus hom. 8. in Cant. Etenim habentes simplicem , & unius-modi potentiam Dei , & efficientiam intelli-gabant Angeli , qui una , & simplici Dei vo-luntate , ac solo verbo omnem illam condi-tarum rerum varietatem extitisse viderant . Karium autem illud , & multiplex genus sa-pientia , quod ex contrariis rebus invicem-nexis , aptisque constat , per Ecclesiam mani-feste cognoverant : Quemadmodum Verbum caro factum est , ut pote quod vita cum mor-te miscetur ; quomodo labore suo vulnera nostra persanat ; quomodo crucis infirmitate vires hostis evertit ; quemadmodum id , quod asperiatile non est , in carne manifestatur , ut qui captivos redimit idem ille , qui empor est , & pretium ; tum quemadmodum mor-tem sic obiit , ut a vita non recederet . An-selmus ad Epist. Pauli : Per Ecclesiam pro-fecisse in cognitione hujus sapientia etiam angelicos spiritus asserit ; quia dum eame Christus vel per se , vel per Apostolos , in-situeret , plurima secreta didicerunt Ange-li , quæ ignorabant .*

**III.** Probatur Rationibus . I. Nulla est pro-portio inter potentiam intellectivam an-gelicam , & mysteria gratiæ : ergo ne-queunt hæc ab Angelis naturæ viribus cognosci . Probatur antecedens . Myste-ria gratiæ sunt in ordine altiori , & supe-riori ad angelicam naturam : ergo nulla est proportio &c. Probatur antecedens . Sunt in ordine supernaturali ; angelica-vero natura , & potentia intellectiva , sunt in ordine naturali : ergo &c. II. Myste-ria gratiæ pendent a Dei voluntate : ergo ab illis cognoscuntur , a quibus vult Deus , ut cognoscantur ; sed hoc non est naturæ viribus cognosci : ergo naturæ viribus ab Angelis non cognoscuntur . III. Si Ange-li cognoscerent mysteria gratiæ , vel ea cognoscerent per eorum species , quas ab ipsis exciperent , vel per eorum species , quas Deus ipsis infunderet : Non primum , quia improportionatae essent Angelis eo-

M m 2 rum

rum species : Neque secundum , quia si Deus ipsis species infunderet, non naturæ viribus cognoscerent . IV. Mysteria gratiæ sunt quidem credibilia , non autem scibilia : ergo ab Angelis sciri naturaliter non possunt , quanvis possint supernaturaliter credi ; sed quæ creduntur supernaturaliter revelationem supponunt : ergo mysteria gratiæ ab Angelis per revelationem cognoscuntur : ergo non viribus naturæ .

Objiciunt I. Dæmones cognoverunt Christum esse Filium Dei ; ergo cognoverunt Incarnationis mysterium ; non cognoverunt per revelationem , neque per speciem divinitus inditam : ergo naturæ viribus . II. Mysteria gratiæ sunt supernaturalia quoad entitatem , non vero quoad cognoscibilitatem : ergo possunt ab Angelo cognosci . Probatur antecedens . Sunt supernaturalia quia nequeunt naturaliter fieri : ergo sunt supernaturalia quoad entitatem , non vero quoad cognoscibilitatem . III. Mysteria gratiæ licet sint entia supernaturalia , sunt tamen entia creata ; sed entia creata non sunt supra activitatem intellectus angelici : ergo , &c. IV. S.Thomas 1.p. q.64. ar.1.ad 4. docet , Angelos a principio cognovisse mysterium regni Dei ; ait enim : *Mysterium regni Dei , quod est impletum per Christum , omnes qui-dem Angeli a principio aliquo modo cognoverunt ; sed non cognoverunt per revelationem , nec per visionem ; quia aliter Dæmones non cognovissent ; & nihilominus S.Doctor afferit , quod omnes Angeli cognoverunt ; ergo naturæ viribus cognoverunt .*

Respondemus ad I. Dæmones suspicatos fuisse , Christum esse filium Dei , vi-dentes mirabilia , quæ faciebat ; adeoque adulatriæ illum filium Dei appellasse ; ut scilicet assequerentur , an vere filius Dei esset . Hoc pacto sacri Interpretes verba illa exponunt ; unde fit , quod Dæmones vere non cognoverunt , Christum esse filium Dei . Augustinus de ci-vit. Dei c.21. hæc ad rem scribit de Dæmonibus : *Tantum eis innotuit , quantum voluit ; tantum autem voluit , quantum oportuit ; sed sic innotuit , non sicut Angelis sanctis , qui ejus secundum id , quod Dei Verbum est , participata aeternitate perfruuntur ; sed sicut eis terrendis innotescendum fuit , nimirum per quadam temporalia sua virtutis ef-fecta , & occultissima signa praesentia , qua Angelicis sensibus etiam malignorum spiri-tuum potius , quam infirmitati hominum pos-*

*sunt esse conspicua . Denique quando ea paulum suppressimenda judicavit , & aliquando ali-tius latuit , dubitavit de illo Dæmonum Princeps , cumque tentavit , an Christus esset . Audiatur etiam S.Leo magnus ser.de pas-sion. de Christo Domino scribens : Qui ut humanum genus vinculis mortifera prævaricationis absolveret , & serviensi Dia-bolo potentiam suæ majestatis occuluit , & bumilitatem nostræ infirmitatis objecit . Si enim crudelis , & superbis inimicus consilium misericordia Dei nosse potuisset , Indao-rum animos mansuetudine potius temperare , quam injustis odiis studuisse accendere ; ne omnium captivorum amitteret servitium , dum nihil sibi debentis persegitur liberta-tem .*

Ad II. dicimus , quod ens supernaturale quoad substantiam non dicitur tale præcise per habitudinem ad caussam ; quia si hoc esset , nullum haberetur discrimen inter ens supernaturale quoad substantiam , & ens supernaturale quoad modum . Ens enim supernaturale quoad substantiam requirit caussam supernaturalem ratione propriæ entitatis , & semper , non vero ratione alicujus circumstantiæ , & aliquando : unde est ipsi essentialis , & intrinseca ad caussam supernaturalem habitudo ; & per consequens importat in sui entitate supernaturalitatem pro omni respectu , & ratione ; & proinde pariter pro cognoscibilitate .

Ad III. Verum est , quod entia creata non sunt supra activitatem intellectus angelici sub ea ratione , sub qua sunt termini , & objecta intellectivæ facultatis finita , & limitata ; quia sub hac ratione proportionem habent cum intellectu angelico finito , & limitato ; at sub ratione , sub qua sunt supernaturalia , excedunt virtu-tem , & activitatem naturalis cuiuslibet intellectus ; unde cum illo proportionem non habent .

Ad IV. intelligendus est Doctor Angelicus de imperfecta revelatione , quæ fuit aliquo modo facta Angelis a principio . Et hanc imperfectam revelationem factam fuisse omnibus Angelis a principio , do-cet S.Doctor , & nos cum ipso sentimus . Perfectam vero revelationem Sanctis An-gelis tantum fuisse factam docet 1.p. q.57. ar.5. verbis hisce : *Ad primum ergo dicendum , quod de mysterio Incarnationis dupliciter contingit loqui . Uno modo in ge-nerali , & sic omnibus revelatum est a prin-cipio suæ beatitudinis . Alio modo possumus loqui de mysterio Incarnationis quantum ad speo-*

*speciales conditiones , & sic non omnes An-  
geli a principio de omnibus sunt edicti ; ima-*

*quidam, etiam superiores Angelis, postmodum  
didicerant .*

# DISSERTATIO CXLI.

*De Medio , quo Angelis propria objecta cognoscunt ;  
& de Dotibus cognitionis ipsorum .*



Uæstio est inter Scholasticos, in quo Angelis propria objecta cognoscantur. Et quidem est celebris præcipue inter Thomistas, & Scotistas ; verum & inter alios quoque , qui iisdem in aliquo accedunt , in aliq vero ab ipsis recedunt. Id , in quo cognoscunt Angelis objecta sua , est medium cognitionis ipsorum ; & hoc dicitur consistere , vel in ipsa substantia angelica , vel in speciebus , quæ fuerint a Deo Angelis infusæ , vel fuerint illis congenitæ . Scotus cum suis ponit in speciebus ; S. Thomas cum suis non sic ; alii vel huic , vel illi , subscribunt , varie quidem , prout varia sunt objecta , quæ ab Angelis cognoscuntur . Juxta varietatem pariter objectorum nos etiam nostrum sensum aperiemus.

Dicimus I. Angelos se ipsos circa ullam speciem intelligere . Probatur I. Non est opus specie , quando objectum est intelligibile , & est intime conjunctum intelligenti ; sed Angelus est objectum intelligibile , & est intime conjunctum sibi ipso : ergo non eget specie , ut seipsum cognoscat . Major probatur . Species ponitur ut vicaria objecti : ergo supponit objectum absens , & distans : ergo quando objectum est præsens , non est opus specie ; sed quando est intime conjunctum intelligenti , est sibi intime præsens : ergo , &c. Minor probatione non indiget . II. Anima rationalis dum est soluta corpore , seipsam circa ullam speciem intelligit : ergo pariter Angelus . Consequentia sequitur , immo a fortiori sequitur . Antecedens probatur . Ideo anima corpori unita non intelligit seipsam intuitivæ , quia corporis impedimentum non facit illam sibi intime præsentem : ergo quando in ejus separatione cessat impedimentum corporis , est sibi intime præsens : ergo dum est soluta corpore , seipsam circa ullam speciem intelligit . III. Species , in qua Angelus cognoscet seipsum , vel esset distincta ab Angelo , vel

indistincta : Si indistincta : ergo Angelus cognosceret seipsum in seipso : Si distincta : ergo Angelus non cognosceret seipsum intuitivæ . Probatur hæc ultima consequentia . Species ponitur , ut conjungat objectum cum potentia ; sed species distincta sejungeret objectum a potentia in Angelo , quia poneret distinctionem inter Angelum cognoscendum , & Angelum cognitum , qui est omnino idem : ergo faceret , ut Angelus non cognosceret seipsum intuitivæ , sed abstractive .

Dicimus II. Angelos cognoscere Deum in seipso immediate . I. probatur . Angelus Deum intueretur : ergo Deum in seipso immediate cognoscunt . Antecedens est certum ; consequentia probatur . Si cognoscerent in speciebus a Deo distinctis , cognoscerent non in seipso , sed in alio : ergo Deum non intuerentur , si Deum in seipso non cognoscerent immediatus . II. Si pro specie intelligitur Dei manifestatio , quæ sit a Deo indistincta , adeoque etiam species a Deo sit indistincta , concedimus sane Angelos cognoscere Deum per speciem , at non in specie ; at qui hoc est cognoscere Deum in seipso : ergo &c. III. Potest etiam intelligi , quod Angelus in seipso cognoscat Deum , adeoque specie non egeat ad Deum cognoscendum . Et hoc pariter probatur , quia Angelus , quem sit Dei effectus , & quidem nobilior , cognoscendo seipsum , hoc ipso cognoscit suam causam ; & quo ipse nobilior est , eo perfectius suam causam cognoscit ; sed hoc fieri potest absque ulla specie : ergo in nullo casu Angelus indiget specie distincta , ut Deum cognoscat .

Dicimus III. Angelos cognoscere in seipsis multa alia , sine specierum adjutorio . I. probatur . Angelus intueretur seipsum : ergo in seipso videt ea omnia , cum quibus connexionem , aut relationem , habet ; sed hæc multa sunt : ergo multa alia in seipsis Angelis cognoscunt . Probatur prima

ma consequentia. Quo perspicacior est cognitio, eo est intimior; sed perspicacior est in Angelis cognitio, quum sit intuitio, quae est perspicacior; ergo est intimior; sed non potest esse intimior, quia cognoscatur connexiones, & relationes, quas habet res cognita cum aliis rebus: ergo si Angelus intueretur seipsum, in se ipso videt ea omnia, cum quibus connexionem habet, aut relationem. II. Ex Sanctis Patribus habemus, Angelos non per creaturas, sed suæ naturæ vicinitate ad Deum, & ad Dei contemplationem, & in divina luce omnia intueri; sed hoc non importat cognoscere per species, immo species omnino excludit: ergo &c. Major probatur ex Bernardo ser. 5. in Cant. Porro autem supercalostis Spiritus absque adjutorio corporis, & absqua intuitu eorum, qua per corpus sentiuntur, sola profecto sue vicinitate, ac vivacitate natura sufficit apprehendere summa, & intima penetrare. An non hoc Apostolus intellexit, qui cum diceret: Indivisibilia Dei per ea, qua facta sunt, intellecta conspicuntur, adjecte protinus, a creatura mundi; nimis, quoniam a creatura cœli non ita. Et ex Augustino lib. 11. de civit. Dei c. 11. Similiter facti sunt, non ita tantum creati, ut quoqu modo vivere, sed etiam illuminati, ut sapienter, beateque viventes. III. Lumen divinum in Angelo praestat illud omne, quod communiter dicitur praestari per species infusas; sed est conformius menti Sanctorum Patrum dicere, cognitionem rerum universalium, & intelligibilium, Angelos habere non ab objectis, sed a Deo, vel a seipso, lumine illo perfusis: ergo illud omne, quod per species infusas explicatur, congruentius per lumen hoc exponitur. Totum hoc manifestatur ab Augustino pluribus in locis, & præcipue lib. 11. de civit. Dei c. 10. Ut non inconvenienter dicatur sic illuminari animam incorpoream luce incorporea simplificis Sapientia Dei, sicut illuminatur aeris corpus luce corporea; & sicut aer tenebrescit ista luce desertus, ita tenebrescere animam sapientia luce privatam. Et lib. 2. de lib. arb. c. 12. Quapropter nullo modo negaveris immutabilem veritatem, bac omnia, quæ incommutabiliter vera sunt, continentem, omnibus incommutabilia vera cernentibus tanquam miris modis secretum, & publicum lumen, præsto esse, ac se præbere communiter. Et ser. 8 de verb. Dom. Dic quia tu tibi lumen non es, ut multum oculus es. Quid prodest patens, & sanus oculus, si

lumen defit? Ergo dic a te tibi lumen non es, & clama quod scriptum est: Tu illuminabis lucernam meam Domine.

Dicimus IV. Angelos cognoscere res particulares per species, quæ non sunt realiter ab objectis distinctæ. Conclusio explicatur, & probatur a P. Magnano Philos. Nat. cap. 33. de Anima separata, n. 10. ubi sic discurrit de anima, & consequenter de Angelo: „Non existimo, species proprias objectorum illi infundi a Deo solo, quasi objectorum vice, agente; „tum quia anima sine infusionis potest cognoscere veritates omnes, quas ex una „jam cognita colligere potest, ut dixi n. 7., „tum etiam quia singularia prout occurrerint, ac de novo præsentia illi fuerint, „potest immediate cognoscere accipiendo „ab eis ipsis species proprias; prout occurrerint, inquam, quia id jam concipio „ad eum modum, quo sensibilium species „proprie accipiuntur ab eis dum occurserunt, vel de novo existunt præsentialiter: Nec enim haec tenus persuadere mihi potui deesse objectis intelligibilibus „id, quod convenit sensibilibus; nimis, „posse species sibi proprias in intellectum „imprimere, quanvis nos non probe concipiamus modum, quo imprimunt; siquidem non esset bonum argumentum, quo „cæcus negaret, aut omnino esse lucem, „aut eam esse speciem &c, eo quod non „potest ipse concipere lucem, aut modum, „quo ea visioni servit: Nam hoc argumentum est, ut patet, negativum, adeoque nihil probat; aliunde vero positivum argumentum, quo id sufficienter probetur, haec tenus non vidi: Imo ego pro mea sententia positivum habeo argumentum, quod scilicet phantasma corporeum animam materialem determinet, ut nemo negat, ad intelligendum; adeoque anima hoc ipso speciem ab objecto materiali accipiat ad intelligendum immaterialiter, quando unita est; & consequenter, ut inde colligere licet, similiter accipere potest, & multo facilius, ac nobilius, quando est separata,. Et numer. II. Profiteor sane, me non omnino scire modum, quo intelligibilia proprias sui species imprimunt intellectui; nec puto cum a mortali posse sciri per rationem, naturalem; cum nullam haec tenus ejus rei propriam speciem habere potuerimus, nec sit spes eam in posterum habendi, tantibus rebus ut sunt: tamen, ut dixi numero præcedenti, non dubito quin intelligibilia omnia, tum immaterialia, „tum

„ cum corporea (quæ, etiam ipsa, sunt suo  
 „ modo intelligibilia, id est intelligi, seu ab  
 „ intellectu cognosci possunt, secundum  
 „ quod sunt, & ut talia sunt) species sui  
 „ proprias communicare possint, & de fa-  
 „ cto communicent intellectui. Et quia  
 „ in objectis materialibus respectu sensuum  
 „ corporeorum, species cuique objecto  
 „ propria non est aliud, quam actio ejus  
 „ ipsi connaturalis, qua se facit sentiri a  
 „ sensu, ex dictis c. 28. n. 10.; ideo cum  
 „ proportione, videri potest non multum  
 „ alienum a vero, si dicatur, objecta intel-  
 „ ligibilia agere etiam suo modo in intel-  
 „ lectum; & ita eidem communicare pro-  
 „ prias experimentales species sui ipsorum:  
 „ Unde habes, ut dicebam num. 10., non  
 „ esse necesse, ut a Deo infundantur spe-  
 „ cies; imo neque id esse conveniens, quia  
 „ ita infundere species esset, Deum agere  
 „ loco, & vice objectorum, quod licet possit  
 „ Deus, quatenus nihil ipsi est impossibile;  
 „ tamen nec videtur conveniens, ut passim  
 „ ita fiat, nec appareat in hoc ulla necessi-  
 „ tas. „ Et n. 12., „ Et quanvis objecta corpo-  
 „ rea, hoc ipso, quod corporea sunt, nullā, ut  
 „ alias dixi, actionem habeant, præter im-  
 „ pulsū, motumque localem; & hunc non  
 „ videantur ullatenus exercere posse imme-  
 „ diate in intellectum, nempe in substanciam  
 „ immaterialem, seu non impenetrabi-  
 „ bilem; recte tamen conjicere licet, hanc  
 „ ipsam pellendi, ac movendi actionem  
 „ objecti corporei talem esse, ut aliquo  
 „ (licet nobis ignoto) modo afficiat intel-  
 „ lectum; & ita se faciat ab eo intelligi.  
 „ Neque hoc ita est a communī conceptu  
 „ alienum, ut desint qui putent, Cacodæ-  
 „ mones affligi quibusdāta fumigationibus,  
 „ etiam extra ipsas sacras exorcismi cære-  
 „ monias; & hoc forte modo bene explicata  
 „ retur per causam physicam igni mixtam,  
 „ aut aliter inditam infernali (Deo specia-  
 „ liter id agente, & ita ignem illum, ut di-  
 „ citur, elevante, sicut cum proportione  
 „ græcanicus ignis est ignis elevatus ad ar-  
 „ dendum in aquis) tormentum physicum  
 „ Cacodæmonum. Sed quidquid sit de  
 „ hoc; ego non video repugnantiam quo-  
 „ minus possit res corporea intellectum  
 „ actione quadam sua immediate excitare  
 „ ad sui cognitionem, & ut est vox etiam  
 „ communiter usitata, movere motu scili-  
 „ cert intentionali, ut alias explicatum est;  
 „ & aliunde video non levem in hoc pro-  
 „ babilitatem, quam dixi: Unde in præsens  
 „ mihi persuadeo, prorsus rem ita esse, ut  
 „ scilicet quivis intellectus creatus ab obje-

„ Etis suis quibuslibet species ipsorum pro-  
 „ prias accipiat modo cuique proprio; &  
 „ sic ea non per accidens intelligat, sed per  
 „ se. Vide Philos. sacram c. 2. prop. 4. a  
 „ num. 30., „ Et num. 13., „ Præter autem  
 „ assignatam illam, quam a num. 10. dixi  
 „ probabilitatem; addo & modum, quo id  
 „ possit non inconvenienter concipi. Cer-  
 „ tum est, actionem, qua unum corpus  
 „ agit in aliud, duo præstare, seu duos  
 „ quasi formales effectus habere in passo;  
 „ primus est, mouere ipsum passum e suo  
 „ loco, vel etiam in suo loco; alter est,  
 „ ipsum passum delectare, vel affligere.  
 „ Primum habet propter impenetrabilita-  
 „ tem duorum ex dictis cap. 19. prop. 6. Se-  
 „ cundum habet ratione naturalis conve-  
 „ nientiæ, vel disconvenientiæ, qua fit  
 „ formaliter, ut sit grata, vel injucunda  
 „ passio. Cum itaque hoc modo actio cor-  
 „ porea sit aliquid amplius quam motio lo-  
 „ calis; quidni possit in passo pure immate-  
 „ riali præstare id, cujus illud est per se  
 „ capax, nimirum delestante, vel afflige-  
 „ re, aut alio modo indifferenti afficere;  
 „ quanvis in eodem non possit id, cujus il-  
 „ lud ob suæ substantiæ omnino penetrabi-  
 „ lis tenuitatem, est incapax, nimirum per  
 „ loci ejus totalis aut partialis invasionem  
 „ ipsum inde excludere? „ Et num. 14.  
 „ Equidem cognoscere rem immediate non  
 „ per accidens, sed per se, ut dicitur, est  
 „ eam cognoscere per propriam speciem;  
 „ quare cum actio connaturalis cuiuslibet  
 „ rei sensibilis sit propria ejus species, qua  
 „ scilicet facit se ut talem sentiri ex dictis  
 „ cap. 28. num. 10., consequens est a pari,  
 „ ut quodlibet cognoscibile tunc immedia-  
 „ te per se cognoscatur, quando cognosci-  
 „ tur per sibi propriam & connaturalem  
 „ actionem, qua scilicet facit se cognosci  
 „ ut tale est. Et confirmatur, quia cujuslibet  
 „ rei natura est esse principium sui  
 „ proprii motus sive operationis: igitur  
 „ qui probe cognoscet operationem, ea-  
 „ dem opera, ac per eam quasi per identi-  
 „ tatem objecti cognoscet ipsam naturam  
 „ sicuti est; præsertim quia ex prop. 6. cap. 6.  
 „ constat, actio prout se tenet ex parte sui  
 „ principii, non distinguitur ab eo, nisi  
 „ nostro imperfecto & inadæquato conci-  
 „ piendi modo; sive, ut ibi dixi, meta-  
 „ physice. „

Ex his P. Magnani verbis eruuntur rationes  
 ad Conclusionem probandam, & pariter  
 responsiones ad argumenta, quæ oppo-  
 nuntur. I. Igitur probatur. Objecta intel-  
 ligibilia per proprias actiones agunt in

potentias intellectivas, ut intelligantur; sed actiones istae non sunt ab objectis distinctæ, & sunt species ipsorum, ut supponimus alibi probatum: ergo objecta intelligibilia per proprias species indistinctas ab Angelo concipiuntur. II. Objecta materialia possunt etiam per proprias actiones percipi a potentia intellectiva: ergo pariter per species indistinctas. Probatur antecedens. Si quæ esset repugnantia, esset quia materiale non potest agere in spirituale; sed hoc non obstat: ergo &c. Probatur minor. Phantasmatata sunt materialia, & tamen agunt in intellectum, quando anima est corpori unita, ut materialia ab intellectu percipientur: Similiter fumigations materiales agunt in Cacodæmones, qui sunt puri Spiritus, extra exorcismos: ergo extra elevationem aliquando materiale agit in spirituale: ergo non est universaliter verum principium illud. III. Si implicat hoc fieri per motum physicum, non implicat fieri per motum intentionalem; atqui hic motus intentionalis non repugnat rei materiali: ergo non repugnat, ut per proprias actiones, quæ sunt species indistinctæ, materialia ab intellectu angelico percipientur. Probatur minor. Motus intentionalis est motus analogicus cum motu physico, qui potest quidem convenire rei materiali, quanvis a nobis concipi, & explicari non possit; ut paret in exemplis allatis phantasmarum, & fumigationum: ergo motus intentionalis non repugnat rei materiali. IV. Objectum materiale potest delectare, vel affligere potentiam spiritualem; sed hoc non potest facere nisi per motum, & hic motus non potest esse physicus: ergo datur motus iste, seu actio rei materialis in spirituale, qui quanvis non sit physicus, est tamen intentionalis, ad instar scilicet motus physici. Antecedens supponitur certum a P. Magnano, & a nobis, ut ab ipso, alibi probatum; consequentia sequitur; si enim materiale potest agere in potentiam spiritualem, prout volitiva est, potest etiam agere in eandem prout est intellectiva; & quemadmodum pro una non requiritur motus physicus, sed sufficit intentionalis, ita & pro alia.

Arguunt I. Quanvis species indistinctæ, explicatae per actiones objectivas, faciant intelligi ab Angelis objecta praesentia, non possunt facere, ut pariter intelligent objecta absentia, sive præterita sint, sive futura: ergo ad hoc ut intelligent ista,

requiruntur species distinctæ, quæ sunt vel Angelis congenitæ, vel a Deo infusæ. II. Dum unus Angelus cognoscit alium Angelum, vel cognoscit per speciem, vel in se ipso; non per speciem; quia si est Angelus superior, non est commensuratus inferiori, adeoque non potest ipsi propriam exhibere speciem; si vero est Angelus inferior, quia non est æque immaterialis cum superiori, nec quoque propriam exhibebit speciem: ergo cognoscitur per speciem vel congenitam, vel infusam; quia in se ipso cognosci non potest. III. Modus agendi rei materialis est sensibilis: ergo non habet proportionem cum potentia, quæ non dependet a sensu, quemadmodum est intellectus Angelicus. IV. Ex P. Magnano cit. loc. n. 17. modus intelligendi animæ separatae non est univoce idem cum modo intelligendi Angelorum: ergo non valet argumentum ab anima separata ad Angelum; sed nos usque modo loquuti fuimus de modo intelligendi Angelorum per comparationem ad modum agendi animæ separatae: ergo non bene loquuti fuimus. Respondemus ad I. quod si objecta illa, quæ non sunt praesentia, fuerunt aliquando cognita ab Angelis, & tunc cognoscunt illa per species expressas, quæ non sunt distinctæ realiter ab ipsis; vel non fuerunt alias cognita, & tunc cognoscuntur per lumen, inditum a Deo ipsis; ut in tertia conclusione diximus.

Ad II. Unus Angelus cognoscit alterum per speciem alterius, ab hoc altero indistinctam; hoc est per actionem objectivam ipsius, per quam agit in potentiam cognoscitivam Angeli intelligentis. Et in hoc nil aliud necesse est, quam quod Angelus, qui cognoscitur, sit intelligibilis, & Angelus, qui cognoscit, sit intelligentius; ut dictum est.

Ad III. Utique modus agendi rei materialis est sensibilis, sed quia habet aliquam analogiam cum modo agendi rei immaterialis in ordine ad intellectivam potentiam; ideo per hanc analogiam modus ille habet rationem aliquam, ut res illa materialis ab intellectiva potentia intelligatur. Quinam proprie sit hic modus, nemus haecenus explicavit; sicut nec explicari potest, quomodo phantasma agat in intellectum, & nihilominus agit; quomodo fumigations torqueant Cacodæmones, & tamen torquent; unde sicut non negantur isti modi, quanvis non explentur, ita nec negari debet hic aliis, licet

bet explicari non possit :

**Ad IV.** Magnanus explicet Magnanum, cuius haec sunt verba citato loco . , , Mo-,, dum intelligendi animæ separatae non,, existimo esse prorsus univoce eundem,, cum Angelorum intelligendi modo,quan-,, vis uterque pariter sit immaterialis, & in-,, tellectualis ; ito nec existimo , Angelos,, novem Ordinum habere omnes univoce,, eundem intelligendi modum ; sed puto,, eos saltem in singulis choris habere suum,, sibi proprium ab aliis diversum . Ratio,, quæ me moveret, est, quia & hi Angelos, &,, anima, habent suum sibi proprium speci-,, ficum essendi modum , alii ab aliis di-,, versum ; at modo essendi proportionatur,, modus operandi : ergo secundum speci-,, ficam diversitatem modi essendi erit di-,, versitas specifica modi operandi. Et con-,, firmatur minor , quia natura est princi-,, piuum operationis ; adeoque talis natura,, (talis, inquam , secundum modum talem,, essendi ) erit principium talis operatio-,, nis , seu talis modi operandi : ergo licet,, generice sit idem modus cognoscendi ,,, sive intelligendi immaterialiter, commu-,, nis animæ separatae, Angelisque omnibus;,, tamen non est idem specifico, &c. , , Con-,, veniunt igitur Anima separata, & Ange-,, li, in eo, quod utrique immaterialiter in-,, telligant ; & hoc nobis sufficit , ut salve-,, mus comparationem a nobis factam inter,, animam separatam, & Angelos : Et quan-,, vis disconveniant in modo agendi, seu in,, modo intelligendi specifico ; hoc nihil,, obstat comparationi a nobis factæ , in-,, qua non de hoc, vel tali modo intelligen-,, di , sed de modo intelligendi generice,, loquuti fuimus .

Devenientes modo ad enumerandas dores cognitionis Angelorum, sic progredimur. Prima est, ut cognitio Angelorum sit semper in actu respectu objectorum, quæ vi- dent in Verbo ; non sit vero semper in- actu objectorum, quæ vident extra Ver- bum . Ratio primi dicti est , quia quum- cessare non possint a visione Verbi , nec pariter cessare possint a visione objecto- rum, quæ in Verbo vident. Et sicut quia cessare non possunt a visione Verbi , co- gnitio Verbi est semper in actu ; ita etiam , quia non possunt cessare a visio- ne objectorum , quæ vident in Verbo , cognitio respectu horum objectorum est similiiter semper in actu . Ratio secundi dicti est: quia cessare possunt a cognitio- ne horum objectorum ; & in hoc distin- guitur cognitio Angelorum a cognitione

PAR. II.

Dei , quia Deus quæ vider semper vider, unde semper in actu fertur ad quodcum- que objectum ; non sic vero Angeli , qui non semper cognoscunt eadem objecta , & ideo non semper in actu fertur ad illa; & per consequens cognitio ipsorum re- spectu ad hæc objecta non est semper in actu .

Secunda dos cognitionis Angelorum est, ut attingat plura simul, at non omnia ; scilicet videat simul omnia individua Leonis e.g., at non simul etiam omnia individua bovis ; & ratio est, quia omnia individua leonis continentur in idea leonis , non vero in eadem idea continentur indivi- duia bovis. Unde videns Angelus in Ver- bo simul ideam leonis, vider omnia indi- vidua leonis , & non vider individua bo- vis ; videns deinde pariter in Verbo si- mul ideam bovis , vider quidem omnia , individua bovis, at non vider simul in ea omnia individua leonis .

Tertia dos est , ut non sit cognitio Angelo- lorum discursiva pro objectis, quæ natu- raliter cognoscunt ; sit vero discursiva pro objectis, quæ naturaliter non cogno- scunt . Hoc pacto conciliantur sententia Scoti , qui vult , Angelos discurrere , & S. Thomæ , qui docet, non discurrere . Ratio prioris est ; quia cognitio Angelo- rum in iis , quæ naturaliter cognoscunt , est comprehensiva : ergo non est discur- siva ; discursus enim procedit de noto ad ignotum ; comprehensio vero ita cogno- scit uno actu , ut nihil lateat cognoscen- tem . Ratio posterioris est ; quia Angelos cognoscunt secreta cordium , & futura li- bera , per conjecturas , ut diximus : ergo per illationes .

Quarta dos est , quod cognitio Angelorum non potest esse falsa, nec respectu eorum, quæ naturaliter cognoscunt, nec respectu eorum, quæ cognoscunt supernaturaliter; non sic autem cognitio malorum Ange- lorum . Ratio est pro primo, quia Angelos quæ naturaliter cognoscunt, comprehend- sive cognoscunt : ergo ipsorum cognitio non potest esse falsa . Ratio pro secundo, quia quæ cognoscunt supernaturaliter , cognoscunt per revelationem divinam ; sed revelationi divinae non potest subesse falsum : ergo &c. Ratio pro tertio , quia cognitio malorum Angelorum est inor- dinata , adeoque judicant de naturalibus absque respectu ad supernaturalia; & ideo est falsa . Sic enim judicabant Christum non esse Deum, & similia .

Quinta dos est, ut sit matutina, & vesperti- na.

N n

na. Matutina cognitio Angelorum est quando vident objecta in Verbo; vespertina est quando vident objecta in seipsis. Mane, & vespere faciunt unum diem; mane tamen dies est clarior, quam vespero: Sic eadem cognitio Angelorum respectu unius objecti, est clarior, quando est matutina, hoc est vident Angeli objectum illud in Verbo; minus clara est, quando est vespertina, scilicet vident idem objectum in seipso. Hoc doget Augustinus in lib. 4. de Genes. ad literam, cap. 24., & communiter a Theologis omnibus admittitur. Hoc autem, ut patet, dici non potest de malis Angelis, qui Dei visione privantur.

Obstant I. Auctor libri de divinis nominibus, qui dicitur S. Dionysius Areopagita c. 7. de Angelis haec docet: *Simplices, & beatas intelligentias non indivisibilibus aut divisibilibus, sive sensibus, sive verbis & rationibus divinam colligere scientiam.* De Anima vero sic loquitur: *Per divinam item sapientiam, & anima ratiocinandi vim babent discursivee, & longo habitu ad rerum veritatem adnitentes, atque in eo singularibus illis spiritibus inferiores: ergo per ipsum Animæ sunt discursivæ, non sic vero Angeli.* II. ex S. Bernardo ser. 5. in Cantic. habetur, quod Angeli non cognoscunt spiritualia ex corporalibus, sicuti cognoscimus nos; sed sola sua virtute ac vivacitate natura summa, & infima penetrant: ergo non discurrunt. III. Angelicus intellectus distinguitur ab intellectu humano per hoc, quod ille simpliciter intuitu veritatem assequitur, hic vero per discursum; unde ille nominatur intelligentia, hic vero rationalis dicitur.

Respondemus ad I. verba illa intelligi de scientia divinorum, quam Angeli utique per discursum non habent, sed per simpliciter intuitum, in quo consistit visio Dei intuitiva. Posteriora vero verba innunt majorem facilitatem, perspicuitatem, ac felicitatem, quam Angeli habent in cognitione objectorum, illa, quam habent animæ in eorumdem perceptione.

Ad II. dicitur S. Bernardum in eodem loco explicare seipsum. Docet enim: *Eo ille caelestium habitator ingenita subtilitate, ac sublimitate sua, omni velocitate facilitaque pertinet.* Quibus verbis intendit, laborem, quem nos patimur in cognitione objectorum, obscuritatem, tarditatem, demissionem quoque, coelestes illos habitatores non subire; quia velocitas, subtilitas, ac sublimitas, & facilitas discurrunt.

Ad III. negatur Assumptum, non enim per hoc Angeli ab animabus rationalibus distinguuntur, sed per aliud, quod non est modo adsignare. Cæterum aliqui Angeli etiam inter se distinguuntur specie, & tamen in Adversariorum sententia omnes non sunt discursivi: ergo pariter Angeli, & homines distinguuntur, et si omnes sint discursivi. Ulterius, Homines circa objecta omnia discurrunt, quia comprehensionem non habent; Angeli vero, quia de objectis, quæ naturaliter cognoscunt, comprehensionem habent, de iisdem non discurrunt. Denique nominantur Angeli Intelligentiae, quia plura sunt, quæ cognoscunt per simplicem intelligentiam, quam per discursum; animæ vero dicuntur rationales, quia ferunt omnia per discursum assequuntur.

## DISSE

# RAT

## TIO CXLIV.

*De Voluntate Angelorum, & de precipuo ejus actu, qui est Amor; an sit in Angelis, & qualis, & ad quæ objecta se extendat?*



SSE voluntatem in Angelis Scripturæ docent, Patres prædicant, Rationes demonstrant. In I. Petri c. 1. legimus: *In quem desiderant Angelii prospicere; desiderium est voluntatis actus.* In II. Petri c. 2.

*Deus Angelis peccatoribus non pepercit; peccatum nequit esse, nisi sit voluntarium.* Origenes lib. 4. contra Celsum scribit: *Novimus Angelos tanto præstantiores esse hominibus, ut homines perfectionem adepti aequentur Angelis.* Et quidem haec est perfectio moralis, quæ non accipitur, sed acqui-

acquiritur; perfectio autem moralis, quæ consistit in virtutum exercitio, sine voluntate esse non potest. Basilius de Spir. Sanct. c. 16. *Throni, & Dominationes, Principatus, & Potestates, quomodo beatam illam vixissent vitam, nisi semper viderent vultum Patris, qui in cœlis est.* Adæquata autem beatitudo nequit sine voluntate dari. Hieronymus lib. 2. adv. Jovinian. c. 15. agnoscit in Angelis, & merita, & meritorum diversitatem, quæ nequeune sine voluntate esse: *Quare in regno cœlorum Archangeli sunt, Angeli, Throni, Dominationes, Potestates, Cherubim, & Seraphim, & omne nomen, quod nominatur non solum in præsenti seculo, sed etiam in futuro?* Sine causa diversitas nominum est, ubi non est diversitas meritorum. Fulgentius de fide ad Petrum c. 3. Sed hoc ipsum, quod ab eo statu beatitudinis, in quo sunt, mutari in determinis nullatenus possunt, non eis naturaliter insitum, sed postquam creati sunt, gratia divina largitate collatum: Si enim Angeli naturaliter incommutabiles fierent, nunquam de eorum consortio Diabolus, & ejus Angelis recidissent. Rationes vero sunt, & quia si Angelus voluntatem non haberet, non esset capax beatitudinis, non fuisset capax peccandi, non esset anima rationali præstantior, intellectivam potentiam otiosam, & inertem haberet; & alia humanæ generis, quæ ex dictis a nobis concedi nullatenus in Angelis possunt, & tamen legitimæ illationis vi optime sequentur.

Actus autem voluntatis variis enumerantur in Angelis, at quidam in eis admittuntur proprie, quidam vero improprie, & metaphorice. Auctor libri de divinis nominibus c. 4. tribuit Dæmonibus iram a ratione aversam, vel furorem irrationalib[er]em, & cupiditatem amentem; sed a S. Thoma 1. p. q. 59. ar. 4. ad 1. explicatur, quod intelligendus sit metaphorice, sicuti intelliguntur Scripturæ, & Patres, quando Deo iram, cupiditatem, & furorem tribuunt; propter scilicet similitudinem effectus. Et re vera, quam voluntas in Angelis sit diversa, & perfectior voluntate hominis, nec habeat sensum neque internum, neque externum; sequitur, quod sit voluntas pure spiritualis, absque scilicet sensitivi appetitus confortio; & per consequens absque parte irascibili, & concupisibili; ut post Angelicum Doctorem docet Cacheranus trac. 3. de Angelis c. 4:

Amor vero, qui nemine negante est præc.

PAR. II.

pius voluntatis effectus, rationalis quidem, non vero sensitivus, videndum hic est, an detur in Angelis? Et quatis sit hic amor? Et ad quæ se extendat objecta?

Dicimus I. Dari in Angelis amorem.

I. Probatur ex Scripturis. Lucas 15. 10. *Gaudium erit coram Angelis Dei super uno peccatore paenitentiam agente.* I. Petri 1. 12. *Spiritu Sancto misse de celo, in quem desiderant Angeli prospicere.* Primitis verbis indicatur amor complacentie in Angelis, qui habetur per objectum praesens; secundis vero amor desiderii, qui habetur per objectum absens; non quod vere objectum beatificum sit absens, sed quod Angelita eo fruuntur, ut nunquam satientur: unde mirabiliter eodem tempore fruuntur, & desiderant. Matth. 18. 10. *Videte ne contemnatis unum ex his pusillis; dico enim vobis, quia Angelii eorum in celis semper videne faciem Patris mei, qui in celis est.* Videre autem in hoc loco, per Augustinum, mox afferendum, idem est, ac perfriu.

II. Probatur ex Patribus. Augustinus lib. 4. de Genes. ad literam c. 2. 4. *Cum sancti Angeli, quibus post resurrectionem coequabimur, si viam, qua nobis Christus factus est, usque in finem tenuerimus, semper videant faciem Dei, Verboque ejus unigenito Filio, sicut Patri aequalis est, perfruantur &c.* Prosper lib. 1. de vita contemplativa c. 3. *Voluntatis sanctorum Angelorum fuit, quod malis sponte cadentibus, ipsi in sua dignitate transserunt;* & divino iustoque iudicio aeternam est, ut quæ fuit cum Deo suo manendi voluntas, fieret permanendi voluntaria felixque necessitas. Eo ideo quia nec peccaverant unquam, nec peccare jam possunt; illius contemplativa vita semel facti particeps, inexplicabiliter auctorem beatitudinis suæ conspicunt, ac moris sua stabilitatis in aeternum fedices effecti, de sua permansione securi sunt. Qui summa solidumque gaudium, quo insatiabilitate perfruuntur, de divina contemplatione percipiunt, ac Deo suo infatigabilius & amanter inserviunt, ita perfecte beati, ut nec cupiant beatores fieri ultra, nec valeant. Fulgentius de fide ad Petrum c. 3. *li, qui depravati non sunt, licet illius dono, a quo, cum non essent facti sunt, indefessa, & in quantum creature angelica gracie datum est, perfecta dilectione, contemplatione, atque exultatione, multitudinem dulcedinis Domini incessabiliter sentiant &c.*

III. Probatur Rationibus. I. Ex probatis est in Angelis intellectus, quo cognoscunt

N n 2

scunt bonum; est voluntas, qua feruntur in bonum: ergo est amor, complacentia, quidem, si sit praesens, & desiderii, si sit absens. II. Bonum, quo perfectius cognoscitur ab intellectu, eo intensius amatatur a voluntate; sed in Angelis est perfectior cognitio, quam in hominibus: ergo est intensior amor, quam in hominibus. III. Angeli boni vident Deum, intuitive; sed videre Deum intuitive, importat beatitudinem formalis latrem, adequate dicit etiam fruitionem in voluntate: ergo Angeli boni ex quo Deum intuitive vident, Deo etiam perfruuntur: ergo in Deum amore fruitivo feruntur. IV. Pœna est cognoscere objectum amabile, & illud non amare; sed Angeli boni non merentur hanc pœnam: ergo si objectum amabile cognoscunt, illud etiam amant.

Dicimus II. Amorem Angelorum non esse naturaliter immutabilem.

I. Probatur ex Patribus. Augustinus lib. 22. de civit. Dei c. 1. Casum Angelorum voluntarium justissima pars sempera infelicitatis obstrinxit; atque in eo summa permanentibus cateris, ut de sua sine fine permanescerit esset, & anquam primum ipsius permanescionis dedit. Fulgentius de fide ad Peccatum c. 23. Hoc ipsum quod ab illo statim beatitudinis, in quo sunt, mutari deserius nullatenus possunt, non est eis naturaliter insitum; sed postquam creati sunt, gratia divina largita est collatum. Isidorus lib. 2. de summo bono c. 12. Gratia dicimus, non natura, esse immutabiles Angelos: Nam si natura immutabiles essent, Diabolus non utique cecidisse: Bucherius lib. 1. in Genes. Qui quidem dum sunt mutabiles natura, facit tamen eos immutabiles atque incorruptos gratia sempiterna.

II. Probatur Rationibus. I. Angeli malantequam caderent, amabant Deum, postquam ceciderunt, amplius non amaverunt: ergo ex amantibus Deum facti sunt non amantes: ergo mutatus fuit ipsorum amor. II. Daemones antequam suspicitionem haberent de Christo, an esset filius Dei, volebant ejus mortem; postquam vero dubitare coepersunt de illo, ejus mortem potius impediabant: ergo mutata fuit eorum voluntas. III. Si amor Dei in Angelis bonis esset naturaliter immutabilis, adscribi deberet ipsorum naturæ, & non gratiæ: sed gratiæ adscribendus est, & non naturæ Angelorum: ergo non est naturaliter immutabilis. Major est cer-

ta, quia ipsorum natura semper est eadem, adeoque semper idem debuisset esse amor. Minor est doctrina Patrum, quam paulo ante attrulimus.

Dicimus III. Amorem Angelorum habere pro objecto Deum, scipios, & creature, quæ mente sunt præditæ; at non eodem amore hæc objecta prosequi. Quatuor habet partes Conclusio.

I. Pars probatur. I. Deus, quia est summum bonum, est primum amabile; & voluntas Angelorum, quia non habet impedimenta sensuum, & habet intellectum majori lumine præditum, quam sit intellectus hominum, majori pondere fertur in summum bonum, & primum amabile, quam hominum voluntas: ergo amor Angelorum habet pro objecto Deum. II. Amare objectum aliquod est velle ei bonum; sed Angeli, quia voluntate sunt prædicti, volunt Deo bonum: ergo Deum amant. Probatur minor. Volunt Deo summum honorem, & summam gloriam: ergo volunt Deo bonum.

II. Pars probatur. I. Angeli volunt bonum sibi: ergo scipios amant. Probatur antecedens. Volunt sibi pacem, quam non assequuntur, nisi per finis ultimi assequuntibacem; volunt insuper conservationem sui; ut Deum in æternum laudent, & honorent; volunt beatificam visionem, per quam Deo indeficienter consequuntur: ergo volunt bonum sibi. II. Ex quo amant Deum, amant pariter Angelis scipios, ut opera Dei, ut instrumenta Deum laudantia, ut ministros excupatores ordinacionum Dei: ergo vere ipsorum amor pro objecto scipios habet.

III. Pars probatur. I. Omnes creature, quæ mente sunt præditæ, ordinantur ad Deum, & capaces sunt possessionis Dei, ut finis ultimi, propter quem creatæ sunt: ergo ab Angelis amantur. Probatur consequentia. Amant Angelii hæc in scipios, ut probatum est: ergo amant pariter in aliis creaturis mente prædictis. II. Si per ordinem ad Deum Angelii amant scipios, ut opera Dei, instrumenta Dei, ministros Dei; amant etiam, proportione data; creature mente prædictas, quæ sunt quoque opera Dei, instrumenta Dei &c.

IV. Pars probatur. I. Angeli recte, & ordinato amant: ergo magis, & minus diligunt, quæ magis, & minus diligenda sunt; sed magis diligendus est Deus, quam quælibet creatura mente prædicta: ergo magis diligunt Deum Angelii, quam quamlibet creaturam, quæ mente sit prædicta.

II. An-

**II.** Angeli Deū diligunt propter se ipsum, creatureas vero in ordine ad Deum : sed diversus est amor , quo aliquod objectum propter se ipsum diligitur, & amor , quo diligitur objectum in ordine ad alium : ergo non eodem amore Angeli objecta sua prosequuntur . **III.** Amor , quo Angelus diligit Deum , ut auctorem naturae, super omnia , non est amor naturalis; naturalis vero est amor, quo diligit se ipsum, vel alias creatureas mente praeditas : ergo non est idem amor. Probatur antecedens. Amor Dei super omnia , etiam ut auctoris naturae, ex Augustino, est amor castus; sed ex eodem Augustino amor castus est charitas : ergo &c.

Arguunt I. Tunc esset mutabilis amor Angelorum , quando in ipsis remaneret post electionem factam indifferentia iudicij circa objectum electum ; sed non remanet indifferentia iudicij : ergo est immutabilis amor ipsorum . Probatur minor . Quia perfectus est intellectus Angelorum, ideo unico instanti videt rationes omnes, quæ ipsum movent vel ad amandum, vel ad non amandum ; sed hoc dicit non remanere post electionem indifferentiam iudicij: ergo &c. II. S.Thomas 1.p. q.64. ar.2. manifeste nostræ Conclusioni opponitur; docet enim : Differt apprehensio Angelii ab apprehensione hominis in hoc , quod Angelus apprehendit immobiliter per intellectum , sicut & nos immobiliter apprehendimus prima principia , quorum est intellectus: Homo vero per rationem apprehendit mobiliter , discurrendo de uno ad aliud , habens viam procedendi ad utrumque oppositorum . Unde & voluntas hominis adhæret alicui mobiliter , quasi potens etiam ab eo discedere , & contrario adhærere: Voluntas autem Angelii adhæret fixe , & immobiliter ; & ideo si consideretur ante adhesionem , potest libere adhærere & brue , & opposita , in his scilicet , qua non naturaliter vult . III. S.Damascenus lib.2. c. 5. docet : Minime capax pœnitentie , quoniam corporis est expers . Nam homo propter corporis imbecillitatem pœnitentiam est consecutus : ergo vere Angeli sunt immutabiles , quia corporis sunt expertes . IV. Postea nostra sententia verificaretur error Origenis , qui , referente S.Thoma 1.p. q.64. ar.2. , affectuit , voluntatem Daemonum ob libertatem arbitrii non ita esse obstinatam in malo , quin converti possit per pœnitentiam , & beatitudine frui; & contra , bonos Angelos posse fleti in malum , & ita damnari; sed hic error ab eodem Angelis

co,& ab omnibus Theologis communiter expungitur: ergo &c.

Respondemus ad I. cum Juenino , quod quanvis Angelus suo intellectu perfecto detegat omnes rationes, propter quas objectum debeat vel amari , vel odio haberi ; & licet rationes illæ remaneant in intellectu etiam post factam electionem ; atamen ubi Angelus elegit objectum aliquod propter hanc , vel illam rationem , adhuc in apprehensione habet rationes alias , proprieas quas idem objectum potest post electionem deserere ; & hoc quidem si objectum illud sit ex numero objectorum , quæ non sunt ultimus finis, aut cum eo necessariam connexionem non habent . Cum hujuscemodi enim objectis , propter impeccabilitatem , quam habent , ratione visionis beatificæ , adhaerere semper debent , & discedere ab iisdem sine peccato non possent . Cæterum impeccabilitas illa exprimetur est Angelis, quum proveniat a beatifica visione , quæ pariter est illis ex irinsecus proveniens.

Ad II. dicimus , Angelicum Doctorem loqui de objecto, quod vel est ultimus finis, vel cum eo necessariam connexionem habet ; & hoc quidem objectum Angelus apprehendit immobiliter ; non vero loqui de aliis objectis, quæ rationem ultimi finis non habent , nec cum eo importante necessariam connexionem . Et ad hoc dicendum de S. Thomæ mente ex eo movemur , quia idem docet , Angelos sanctos consequentes fuisse beatitudinis præmium per primum suæ voluntatis actum; malos vero etiam per primum suæ voluntatis actum æternam damnationem receperisse . Unde quando loquitur S.Doctor , Angelos bonos , & malos , apprehendere immobiliter objectum , & illi immobiliter adhaerere , intelligendus est de objecto , per quod boni Angelii effecti sunt beati , illud amando , & de peccato , per quod Angelii mali facti sunt reprobi , & in æternum infelices , illud prosequendo .

Ad III. Du-Hamel occurrit dicendo , illa Damasceni verba non eo pertinere , ut Angelii a proposito dimoveri non possint; sed ut ostendat destitutos divina gratia , quia corpore careantes , gravius quam homines peccaverint . Cæterum Angelos esse corporis expertes facit , ut ferantur velocius in id , quod elegetint , quia corporis pondere non retardantur ; non vero importat , quod confitum morare non possint . Et pro hac sua responsione corroboranda

boranda eundem affert Damascenum dicentem: *Dificiliter in malum mobiles, sed non immobiles; nunc vero & immobiles, non natura, sed gratia, & adhesione ad id, quod solum bonum est. Quid clarius?*

Ad IV. Quum Origenis error fuerit circa objectum, quod est ultimus finis, vel cum eo necessariam connexionem habens, nihil haber cum nostra sententia communione. Utique nos admittimus cum Theologis omnibus, immo cum omnibus Catholicis, nec bonos Angelos posse mutari a Dei amore, nec malos ab amore peccati, sed illos in suæ dilectionis præmium, hos vero in suæ aversionis poenam; unde plane Origeni adversamur, ejusque errori contradicimus; ut nuper cum Dama-

sceno dicebatur. At sententia nostra intelligenda est de objectis, quæ nec sunt ultimus finis, nec cum eo necessariam connexionem habent; circa quæ volumus, nec bonos, nec malos Angelos ita immobiliter ferri, ut mutari omnino non possint. Dissertationem denique concludimus verbis Gregorii Papæ lib. 5. Moral. c. 28., & lib. 25. c. 4. *Natura Angelica, et si contemplationi Authoris inhabendo in status suo immobiliter permaneat, eo ipso tamen quo creatura est, in semetipsa vicissitudinem mutabilitatis habet. Eadem habent Faustinus cont. Arianos scribens t. 4. bibliot. PP. p. 670., Nyssenus, Maximus, aliqui Patres apud Petavium lib. 1. de Angelis c. 11.*

## DISSE

# RAT

## TIO CXLV.

*De Loquitione Angelorum; qui sint contra ipsam Hæreticorum errores, & quæ Scholasticorum circa eandem explicationes? Veritas contra primos defenditur, & probabilior sententia inter secundos eligitur.*



NGELORUM loquitiones Petavius lib. 1. de Angelis c. 12. n. 1. describit, dicens, quod sit intelligentis natura cogitatio ad notitiam alterius certo indicio perducta. Universem vero loquutio est interna cogitatio per aliquid signum alteri manifestata. Unde hæc intercedit differentia inter loquitionem Angelorum, & hominum; quod hæc per signum sit, signum quidem materiale, & corporeum, quale est motus linguae &c.; illa vero sit per certum indicium, quod potest esse, immo debet esse, spirituale, quale est directio voluntatis Angeli, qua vult aliis suas cogitationes, vel suas affectiones, manifestare; vel quid aliud spirituale, secundum varios Theologorum explicandi modos, ut mox dicemus. Interim audiatur S. Gregorius Papa lib. 2. Moral. c. 5. *Aliter Deus loquitur ad Angelos, aliter Angelii ad Deum; aliter Deus ad Sanctorum animas, aliter Sanctorum anima ad Deum; aliter Deus ad Diabolum, aliter Diabolus ad Deum. Nam quia spirituali nature ex corporeis appositione nihil obstat, loquitur Deus*

*ad Angelos sanctos eo ipso, quo eorum corporibus occulta sua invisibilia ostendit; ut quid agere debeant, in ipsa contemplatione veritatis legant; ut velut quadam præcepta vocis sint ipsa gaudia contemplationis. Quæ enim accendentibus dicuntur, quod videntibus inspirantur.... Deus ergo Angelis loquitur, cum eis voluntas ejus intima videnda manifestatur. Angeli autem loquentur Domina cum per hoc, quod super semetipos respiciunt, in motum admirationis surgunt. Et cap. 6. Animarum verba ipsa sunt desideria; nam se desiderium sermo non esset, Propheta non diceret: Desiderium cordis eorum audiret auris tua. Modo quicquid male feriati homines effinxerunt circa vel contra Angelorum loquitionem afferre nobis incubit; ut deinde proposito ordine procedentes, quicquid Scholastici Theologi ex cogitare conati sunt, expenderemus.*

Primo se objicit nobis Theodorus Mopsuestenus, qui sensibilem loquitionem quandam non solum Angelis, verum etiam Deo visus est adscribere. Tribuitur hic error Theodoro a Philopono lib. 1. de officio mundi c. 22. De Deo quidem dicebat, quod quando primo creavit res, non usus est

est voce, quia nullum audientem habebat, unde illas sola voluntate creavit; quando vero Angelos audientes habuit, in creatione aliarum rerum usus est vox. Hæc sunt Theodori verba apud Philoponum cit. loc. In principio creavit Deus cœlum, & terram, quoniam sola voluntate illos condidit, sine ulla voce, eo quod nullus existet, quem ex ejus voce discere aliquid oporticeret. In ceteris præcessisse vocem aliquam indicat. Cum enim jam essent illa, qua creatorum suum, cuius non est aspectabilis substantia, discere deberent, tunc vox secundum Dei placitum antecedebat; vocem opus suum sequebatur. Disciplina porro baceras substantiis ratione præditis, & sub aspectu minime cadentibus, ab eo proposita, qui creaturam suopè condebat imperio. Unde Philoponus contra Theodorum deridendo dicebat, & quod per ipsum Deus externa aliqua vox, quæ veller, Angelis indicaret; & quod Angeli aures, ac sensus haberent, quibus illam perciperent. Cæterum nec Theodorus afferebat, Angelos esse corporeos, sed potius spirituales, ac invisibles; quo posito, nullo modo poterant nec aures, nec linguam habere; ut apposite scribit Damascenus lib. 2. c. 3. Non lingua, aut auditu egent illi Spiritus, sed sine prolatio sermone suas invicem notiones, & consilia communicant.

Secundo advenit Theodoretus, de quo scribit cit. loc. n. 3. Petavius: Hæc Thedorus, cui quidem more suo Theodorus assentitur quæst. 9. in Genes. Attamen idem Petavius n. 2. aliter sententem affert Theodoretum in c. 13. ep. 1. ad Cor. ad illa verba Apostoli: *Si linguis hominum loquar, & Angelorum &c.* Ubi hæc habet: Angelorum linguas dicit, non quæ sensu, sed quæ intelligentia, percipiuntur; per quas & universorum Deum laudant, & inter se differunt. Eos enim laudantes audierunt Esaias, & Ezechiel. Quin etiam Daniel eos inter se loquentes audiit, & Zacharias, & Michæas.

Tertio Didymus Alexandrinus lib. 2. de Spiritu Sancto, pertractans de loquutione divinarum Personarum, cum inter se, tuta ad creaturas, tribuere videtur quandam generalem formam loquutionis rebus, quæ corporis sunt expertes, ut valent aliorum mentibus voluntatem suam quomodo liber aperire. Et quanquam hoc Deus faciat quadam præcipua, & excellenti ratione, ut ait Petavius citatus; quomodo autem hoc ipsum possint facere Angelii, vel animæ separatae, quæ cor-

poris sunt expertes, inintelligibile omnino videtur.

Quarto Theodurus Beza, Scurra Calvinianus, exponens locum illum Apostoli I. ad Cor. c. 13. *Si linguis hominum loquar, & Angelorum;* impudenter æque ac insolenter vocat eos ineptos plane, qui hoc loco disputant de Angelorum linguis. Scilicet inepti sunt, Beza Judice, Chrysostomus, Occumenius, Theophylactus, aliquæ Patres; quorum primus hæc scribit: *Linguam Angelorum hic appellat, non corpus Angelis attribuens, sed ejusmodi est quod ait: Quanvis ita loquar, ut Angeli inter se colloquuntur.* Cæteri mox afferentur.

Ad Scholasticorum explicationes devenientes, Primo afferimus illam Thomistarum docentium, Angelos inter se loqui per conceptus internos ordinatos, & manifestatos mediis actibus voluntatis, quos volunt se habere per modum conditionis. Traditur a S. Thoma p. p. q. 107. ar. 1., & de verit. q. 9. ar. 4. quem sequuntur Cajetanus, Sylvius, Capreolus, Joannes a S. Thoma, Gonterus, Lagus, Valentia, Eparza, Tannerus &c.

Secunda explicatio est Scotti in II. dist. 9. q. 2. §. ad quæstionem istam, & §. ad ultiorem, ubi docet, Angelum unum loqui ad alium per hoc, quod in ipso causat, aut conceptum, aut speciem, aut utrumque illius objecti, de quo loquitur. Hanc opinionem sequuntur omnes Scottistæ, & præcipue Frazeri, quanvis hic loquatur solum de conceptu, & non de specie.

Tertia explicatio est Ochami, & Gabrielis, qui volunt ad loquitionem angelicam concurrere simul & intellectionem elicitem ab Angelo loquente, illius objecti, de quo loqui intendit, & conceptum expressivum illius intellectionis produtum in Angelo audiente. Unde differe hæc opinio ab illa Scotti, quod in illa Scotti potentia intellectiva Angeli audentis mere passive se habet, in hac vero operatur producendo conceptum illum, qui exprimat verbum mentis, seu intellectionem, existentem in loquente, & rem, quæ per tales intellectionem exprimitur.

Quarta explicatio est Richardi, qui ponit radium quendam spiritualem, & connaturalem Angelis, per quem Angelus loquens educit speciem proprii conceptus, eoque medio alteri manifestat; audiens autem ex specie illi oblata haurit aliam speciem, eamque imprimendo proprio intel-

intellectui, auditionem elicit, quæ est notitia conceptus existentis in loquente. **Quinta explicatio** tribuitur etiam Scoto, & ex recentioribus Suarez, Becano, Maistro &c. putantibus, angelicam loquitionem fieri per speciem productam de novo, non autem in radio spirituali receptionem, sed impressam immediate intellectui Angeli audientis. Hæc vero species aliqui volunt ut producatur a specie objecti loquitionis existente in Angelo loquente; ut Scotus; alii vero dicunt produci per conceptum, seu loquitionem Angeli, qui libere, & voluntarie applicet conceptum illum ad imprimendam sui speciem intellectui unius potius Angeli, quam alterius; & ita sunt recensiti alii hujuscce explicationis propugnatores.

**Sexta explicatio** est Durandi, qui voluit loquitionem angelicam fieri per signa materialia; quæ sint vel soni sensibiles formati in aere ad modum vocum, vel tactus in corporibus assumptis facti.

**Septima** est explicatio Ægydii Romani, Thomæ de Argentina, Gregorii Ariminiensis, Marsili &c. qui ruentur, quod Angeli in seipsis forment signa spiritualia; quæ sint naturaliter significativa illarum rerum, de quibus loqui volunt, & quæ instrumentaliter ducant in hujusmodi rerum notitiam illum, ad quem diriguntur.

**Octava** est altera Molinæ, De Quiros, Albertini &c. qui defendunt, quod Angeli loquantur per signa spiritualia significativa ad placitum. De Quiros explicat hæc signa per motus locales varios; Albertinus per qualitates spirituales; Molina intelligit, quod sint externa, quæ potius in Angelo audiente, quam in loquente, recipientur.

Hos omnes explicandi modos refert Cachebanus, qui & pariter confutat, primum tantummodo eligens, ac defendens, cumque hoc pacto explicans, & distinguens. De facto datur in Angelis triplex loquendi modus; primus fit per conceptus ordinatos mediis actibus voluntatis; secundus fit per signa sensibilia, quando Angeli in corporibus assumptis loquuntur cum hominibus; tertius fit per signa spiritualia, quæ significant ad placitum. His præmissis.

Dicimus I. Angelos inter se, & cum hominibus, loqui.

I. Probatur ex Scripturis. Isaiae 6. Duo Seraphim clamabant alter ad alterum. Daniel. 8. Et clamavit, & ait: Gabriel, fac intelligere istam visionem. Zachar. 1. Et dixit ad me Angelus, qui loquebatur in me: Ego ostendam tibi, quid sint hæc. Et respondit vir, qui stabat inter myrtæa, & dixit: Ipsi sunt, quos misit Dominus, ut perambulent terram. Et responderunt Angelo Domini, qui stabat inter myrtæa &c. Et cap. 2. Et ecce Angelus, qui loquebatur in me, egrediebatur; & Angelus alius egrediebatur in occursum ejus: Et dixit ad eum: Curre, loquere ad puerum istum. I. ad Cor. 13. Si linguis hominum loquar, & Angelorum. Judas in Epist. cathol. num. 9. Cum Michael Archangelus cum Diabolo disputans altercaretur de Moysè corpore, non est ansus judicium inferre blasphemia &c.

II. Probatur ex Patribus. Nyssenus lib. 12. cont. Eunom. In experta materia, & intelligibili natura mentis actio sermone est, nequaquam materiali utens organorum ministerio. Etenim in humana natura nihil opus habemus verborum, ac nominum usu, si nudos animi motus mutuo demonstrare possemus. Theophylactus in c. 13. primæ epist. ad Cor. Angelis porro lingua est intellectiva, vis nimis illa, quæ sibi mutuo divinarum rerum intellectum, ac divinas cogitationes impertunt. Oecumenius in eundem locum: Ex ejus voce, quod nobis cognitum est, mutuum inter se sermonem Angelorum exprimi. Habent enim illi significacionem aliquam, qua ultero, citroque colloquuntur: Quemadmodum alio in loco dicit: Omne ipsi genuflectendum cœlestium, & terrenorum. Gregorius Papa lib. 2. moral. c. 5. Cum linguas Angelorum audimus, dignum est ut mens nostra qualitatem corporeæ locutionis excedens ad sublimes, atque incognitos modos locutionis intimæ suspendatur.

III. Probatur Rationibus. I. Angeli loquuntur sibi ipsis: ergo loquuntur aliis. Antecedens est certum; nos enim etiam nobis ipsis loquimur, quando reflexe cognoscimus, hoc est quando conceptus nostros directos nobis ipsis cognoscendos proponimus. Consequentia sequitur; quia sicut nobis manifestamus conceptus nostros, ita pariter aliis pandere possumus; & eodem modo Angelii manifestando aliis conceptus suos. II. Angeli habent inter se perfectam societatem: ergo habent inter se loquitionem. Antecedens non negatur a quoquam, qui rationis sit compos; consequentia bene infertur; non enim esse potest perfecta societas sine communicazione, nec communicatio sine loquitione. III. Si Angelii inter se non loquerentur, vel ideo esset, quod quisque videret in cor-

in corde alterius quæ sibi ab altero possent communicari; vel quod nemo ex illis facultatem haberet alteri communicandi, quæ in corde haberet; utrumque est repugnans dignitati Angelorum: ergo &c. Probatur minor. Si esset primum: ergo Angeli non essent liberi ad occultandos, vel pandendos, conceptus suos, quam quidem libertatem habent homines: Si esset secundum: ergo Angeli, si nollent, non haberent amorem cum aliis Angelis; si non possent, non haberent potestatem, quam habent aliae rationales creaturæ. IV. Non possent Angeli canere, & laudare Deum, si non loquerentur; non possent concentum facere &c.

Pro explicatione vero modi loquendi Angelorum, hæc subdimus de prompta ex P. Magnano in Philos. natur. c. 33. de anima rationali separata n. 25. Sicut res corporea agit in sensum, & per actionem hanc suam a sensu percipitur; ita substantia spiritualis agit in mentem, & per actionem hanc suam a mente cognoscitur. Ulterius; sicut res corporea agit in potentiam visivam, & ab hac percipitur, ita diverso modo agit in potentiam auditivam, & ab hac suo modo pariter sentitur. Ad instar quoque rei sensibilis substantia spiritualis, & agit modo proprio in aliam spiritualem substantiam, ut ab ipsa videatur, & agit alio modo proportionato, ut ab ipsa audiatur. Unde si hoc ultimo modo non vult agere, actus suos, seu conceptus, occultat; si vult agere, & agit, manifestat; primo modo filer, secundo modo loquitur. En Magnani verba loquentis de anima separata, quæ possunt quoque Angelis applicari. Ex prædictis

autem mihi videtur, non aliam esse causam hujus secreti, sive causam, quæ occultet hujusmodi tum intellectus tum voluntatis actus, eosque reddat, ut sic dicam, invisibles; nisi eam (cum proportione) quæ divinam, ut dictum est, redit invisibilem substantiam, pariterque decreta, & cogitationes &c. Videlicet facultatem ad placitum agendi in intellectum alienum, & imprimendi ei speciem suæ cogitationis, & affectus. Sed quia nullas ego habeo proprias species, quibus hoc totum secreti cordis negotium intellegam, quomodo nempe in corde teneantur non propalatum, & quomodo propagetur ad placitum; id concipio nostro modo humano, accomodando nimirum species motus physici ad motum intentionalem, ejusque proprietates, prout

PAR. II.

„ possum concipiendas; jam enim cap. 31.  
„ nu. 4. & 6. dixi, actus mentis, in quibus  
„ consistunt secreta illa cordis, tum cognoscitivos, tum affectivos, esse motus quosdam intentionales. „

Deinde, meliori quo potest modo, exemplo loquutionis, quæ sit per os nostrum, & per labia nostra, conatur explicare modum, quo animæ rationales, & Angelii inter se loquantur. Quod quidem ut fidelius, ita & exactius præstems, suis quoque verbis exponimus. Itaque sicut motibus labiorum, & lingue exprimo exterioris interiorem affectus, aut cogitationis motum; ita tamen, ut si voluero, nullus hominum intelligat, vel audiat, quid motus ille significet, seu quid ego velim illo motu; aut solus is audiat, quem ego voluero participem esse arcani mei: nimirum quatenus vel moveo tacitus labia formando quidem voces, sed cohబendo intra me sonos exiles, quos nemo possit audire; vel ad aurem amici os applico, ut solus audiat; & quanvis tunc alii quoque videant me ita applicantem os, & obseruent labiorum motum; ac si vis etiam videant me loqui; tamen amicus est solus particeps mei secreti. Ita cum quadam proportione existimo peragam negotium occultandi, promendique arcani apud immateriales substantias, animas videlicet rationales, & Angelos; ut in primis, sicut ego libertatem exerceo edens motu labiorum submissam aut clamam vocem, & eatenus speciem ejus motus emittens libere, vel retinens, agens videlicet eo ipso motu in auditum prouoluero; ita (& multo perfectius) puram, intelligentias separatas modum habere, quo libere motuum suorum species excrant, vel cohibeant: ac deinde, ut quemadmodum in aurem libere loquor, cui voluero, videntibus quidem sed minime audientibus cæteris; ita purem separatas mentes habere modum, quo uni altera colloquatur, cæteris inspectantibus, id est colloquentes videntibus, & colloqui bene observantibus; sed tamen nec scientibus seu non percipientibus quid loquantur. „

Postmodum examinans aliorum explicandi modos circa Angelorum colloquitionem, hæc superaddit P. Magnus cit. loc. n. 29. Alii vero omnes modi collocutionis Angelorum, vel animarum, afferri soliti, saltem mihi noti, multas habent vel repugnantias, vel absurditates, quas bene detegit Martinus tom. I. disp. 39. sect. 7.

Oo

„ ta-

„ tamen rejiciendus ipse , primo in hoc ,  
 „ quod existimat , conceptum unius Ange-  
 „ li ( item animæ ) occultum esse tantum  
 „ modo ob impedimentum quoddam mora-  
 „ le , nimirum quod Deus ob angelicæ rei-  
 „ publicæ bonum , impedit ne conceptus  
 „ unius Angelii determinet intellectum al-  
 „ terius ad sui cognitionem , alias de facto  
 „ & ex natura rei determinaturus : secun-  
 „ do in hoc , quod existimat , Angelum lo-  
 „ qui alteri a se distantii , per actionem de-  
 „ terminativam , quæ in intellectum au-  
 „ dientis exerceatur in distans nihil confe-  
 „ rentie medio ; rejiciendus , inquam , quoad  
 „ primum , quia jam ex dictis num. 25. ha-  
 „ bemus causam physicam secreti cum reti-  
 „ nendi cum propalandi : ergo in hoc fru-  
 „ stra recurritur ad causam moralem : quoad  
 „ secundum vero ; quia actio immediata  
 „ & simul in distans , est , ut dixi num. præ-  
 „ cedenti , impossibilis ; adeoque non potest  
 „ eo modo Angelus hinc existens alloqui  
 „ alium hinc longe distans ; quod tamen  
 „ in mea sententia per facile est absque  
 „ actione ulla in distans . „

Dicimus II. cum Thomistis , Angelos loqui per conceptus inter nos ordinatos , & manifestatos mediis actibus voluntatis ; & cum P. Magnano , manifestationem , & ordinationem conceptuum fieri per libera- ram actionem Angelorum loquentium in intellectum Angelorum audientium , modo explicato ,

I. Probatur prima Conclusionis pars . Homines inter se loquentes loquutione sua manifestant inter se libere conceptus suos inter nos : ergo Angelii dum inter se manifestant conceptus suos internos per actus voluntatis , pariter inter se loquuntur : ergo non aliud ad ipsum loquutionem requiritur . Antecedens negari non potest , & consequentias optime inferuntur . II. Per conceptus manifestantur res , ut conceptibus substanti , per loquutiones nostras , quas ut libere faciamus , voluntatis actus concurrit ; sed hoc totum verificatur in explicatione propria loquutionis Angelorum : ergo &c.

II. Pars Conclusionis probatur I. Et quidem quanvis firma remaneat explicatio Thomistarum , adhuc tamen explicandum remanet , quomodo sit illa manifestatio conceptuum in Angelis loquentibus per actus voluntatis Angelis audientibus ; sed hoc totum praestat explicatio P. Magnani : ergo ad rem nostram facit & explicatio Thomistarum , & illa P. Magnani . Major est manifesta , quia alter semper queri-

posset , quomodo unus Angelus alteri conceptum suum ordinet , & manifestet . Minor ex ipsomet dicendi modo P. Magnani innotescit . II. Analogia , quam exhibet P. Magnanus inter loquclam nostram , & loquclam Angelorum , proportione servata , non solum probat illud , quod intendimus , verum etiam illud ipsum exponit , explanat ; & suo modo exemplificat : ergo illa non tantum explicationem Thomistarum firmat , sed etiam eandem illustrat , & intelligibilem reddit : ergo vera est admittenda ; præcipue si nullam habeat implicantium , quod in argumentorum solutione praestabimus .

Arguunt I. S. Maximus in Scholiis ad c. 2. libri de Ecclesiastica Hierarchia , qui S. Dionysii Areopagitæ nomine circumfertur , putat , Angelos in se invicem cunctes , & recedentes , explicatius , quam ulla sermone , suas mutua cogitationes inspicere , ac velut inter se colloqui , silentio sermonem conferentes : ergo substantiaz Angelorum sese mutuo pervadunt , ut sic alloquantur ; hoc autem non est verisimile : ergo non alloquuntur inter se invicem . II. Ex aliis Patribus manifestatio tantum conceptus exprimitur in loquutione Angelorum : ergo non requiritur actus voluntatis . Probatur antecedens . S. Fulgentius in lib. cont. Sermonem Fastidiosi c. 15. Quid est cogitatio , nisi interna loquutio ? III. In quaunque loquutione diversa est voluntas loquendi ab ipsa loquutione ; sed in explicatione Thomistarum voluntas esset eadem ac loquutio : ergo explicatio ipsa non subsistit . Probatur minor . Voluntas loquendi est voluntas manifestandi conceptum ; sed per Thomistas voluntas manifestandi conceptum est loquutio : ergo pariter per eosdem voluntas loquendi erit loquutio . IV. Modus loquendi sensibilis sit per aeris undulationem , adeoque per medium , quod est aer ipso ; sed hoc medium assignari non potest in explicatione P. Magnani : ergo ejus explicatio claudicat . V. Communiter docent Theologi , localem distantiam non impedire , quin Angeli , qui sunt in terris , loquantur cum Angelis , qui sunt in Cœlis ; ut apud Estium , Juveninum , &c. sed hoc in explicatione P. Magnani nequit habere locum : ergo &c. VI. Adhuc in præfata explicatione remanet inexplicatum , quid sit illud agere Angelii loquentis in intellectum Angelii audientis : ergo non est illa talis explicatio , quæ intellectum omnino faciat in sua perplexitate quietum , fir-

firmum, ac sibi placentem.

Respondeamus ad I.S. Maximum non negare loquitionem Angelorum, sed loqui de modo, quo fiat. An autem in eo explicando verum terigerit, an non; nullam in eo arguit vel erroris, vel falsitatis, suspicionem.

Ad II. occurrit Petavius dicendo n.8., quod veteres illi Patres, qui in mentis cogitatione constituere videntur locutionem Angelorum, non sic intelligendi sunt, ut aut sola cogitatione circumscribant, exclusa voluntatis actione, quæ eam ad alterum dirigat; aut omnem cuiuslibet cogitationem ab ceteris videri sentiant. Sed hoc unum docere voluisse, nullis ex trinsecus signis, itidem ut nos, ea representare invicem Angelos, quæ quidem nota esse velint; verum illas ipsas in sece notiones intueri. Unde excludebant actus sensuum, non vero actus voluntatis, quando loquitionem Angelorum per solos mentis conceptrus explicabant.

Ad III. dicimus, verum esse, quod voluntas sit diversa ab actione, quando actio pertinet ad aliam potentiam, quam ad voluntatem. Quando vero actio est ejusdem voluntatis, eadem est voluntas amandi, & actio amoris: unde non mirum, si in voluntate loquendi Angelorum ipsa voluntas est loquatio, quia loquio etiam voluntatis est actus in Angelis.

Ad IV. responderet P. Magnanus num. 28. verbis hisce: „ Nisi ergo dicas, mentem communicare menti suum verbum mediante aere, vel alio quopiam subjecto corporeo (nam immateriale vice aeris fungens, haud scio an sis admissurus) quod forte sufficere eis posse; sicut nobis non aer solus, sed alia etiam sufficiunt, quibus signa damus nostrorum conceptuum; nisi, inquam, id dicas, dicendum existimo, mentem (quæ uestore immaterialis, nullis adstringitur certis dimensionibus, & nihilominus habet limitata mense presentia sphæram) posse ex hoc loco e. g., in quo supponatur esse, accedere velocissime ad aliam longe, immo longissime, distans, & sic ei loqui, seu communicare immediate suum arcanum; eo fere modo, quo quis amici tenens in occulto manum, aucter feriens pedem pressu quodam aut alio genere motus variato, ut opus fuerit, clamculum communicare signum, seu speciem sui conceptrus, vel affectus. Et cum dico accedere, non est necesse, ut hinc migret, sed solum ut eo se extendar; hoc est sphæ-

„ ram suæ præsentie, v. g. aquilonem i. s. autem disponat in arctum & in longum; ita ut longitudo major cum latitudine minori compenset, non autem superet hanc veluti cubicam autem amplitudinem; ut facile intelligent, qui norunt aurum v. g. pedale bacillum posse duci longissime in flava temnia: in his autem, ut patet, nulla est repugnancia, & insuper magna est cum aliis hactenus dictis consonantia. Nullum igitur requiritur medium, ut unus Angelus loquutio ad alium perveniat, sed immediate fit Angelorum inter se colloquutio.

Ad V. Falsum est, quod assumitur in argumento; etenim, ut Petavius docet n.3. „ I. neque satis illud convenit, an ex omni intervallo mutuo sibi loqui, sequentia audire possint Angelii; an potius iuxtra certum ac definitum spatium id fiat; quem prius ar.4. S. Thomas assererat; ideo quod intellectus actio nullius loci vel temporis nexibus teneritur; tum quod altius Angelii substantiam quolibet in loco intueri potest Angelus. At ex adverso pugnant alii, qui hoc ex sacris literis asserunt, Angelos, uti cum distantibus aliis loquerentur, ad eos advolasse. Ut apud Prophetam Zachariam c. 2. Et ecce Angelus, qui loquebatur in me, egrediebatur; & Angelus alius egrediebatur in osculum ejus. Et dicit ad eum: Curre, loquere ad puerum istum. Igitur non est communis Theologorum sententia, quod Angelii loquuntur in distans; immo contraria opinio magis conformis Scripturæ dicitur.

Ad VI. Illud agere diximus esse mouere; in sensibilibus quidem mouere physice, in immaterialibus mouere per modus intentionales, qui alibi a P. Magnano, & a nobis, explicati supponuntur. Nec pariter alii satis usque modo explicarunt quid sit physice quod illi dicunt manifestare, ordinare &c. Multa enim sunt in substantiis spiritualibus, quæ per analogiam ad res materiales explicantur; quia nec conceptrus, nec nomina habemus, quæ ad illa explicanda sint apta, & re vera proportionata. Unde ingenue fassus est Magnanus, se illa proponere, quæ secundum mentis nostræ opificiam in spiritualibus substancialibus cognoscendis, & in iisdem explicandis secundum lingue nostræ imperitiam, visa sunt ipsi probabilius, non vera.

# DISSESTITO CXLVI.

*De Illuminatione Angelorum ; qui sunt inter illos illuminantes, & qui illuminati ? & quomodo illorum illuminatio fiat .*



Urandus, qui omnem loquutionem pure spiritualem inter Angelos negavit , ne ab argumento illuminationis , quæ etiam est loquutio, premeretur, negavit pariter Angelos ab se illuminari. Docuit proinde in 2. dist. 11. q. 3. omnes Angelos caussaliter, & proprie illuminari a solo Deo; & obiciendo sibi Patres , qui de illuminatione Angelorum loquuntur , eos interpretatur de mediatione , ut ait, consequentæ , & ordinis , non vero de mediatione caussalitatis . Unde postmodum concludit, Angelos inferiores illuminari a Deo mediis superioribus ; non quod isti illuminationem in ipsis caussent, sed quod istos prius, quam ipsos, per se ipsum Deus illuminet . Omnes tamen Theologi sunt contra Durandum, immo omnes etiam Patres ; ita ut ejus interpretationem Cacheranus academ dicat , & Amicus ejus sententiam terminariam appellat . Communè igitur sententiae adhærentes

Dicimus I. Angelos illuminari non omnes immediate a Deo , sed alios ut plurimum ab aliis .

I. Probatur ex Patribus. Auctor libri de cœlesti hierarchia sub nomine S. Dionysii c. 7. de Seraphinis hæc scribit : *Quod inferiora agmina ad sui similitudinem potentissime subveniunt , lucida illuminantque proprietate totius obscuritatis expultrice.* Et de Cherubinis : *Quod indultam sibi sapientiam in sequentia & inferiora transfundunt .* Athanasius lib. de com. effen. Cherubim , & Seraphim sine ullo mediatore , ac interprete a Deo condiscunt, & ab his erudiuntur inferiores ordines , atque ita deinceps cateri pro suo gradu . Sophronius in Encomio de Angelis , Seraphinos alloquens inquit : *Splendorem , quantum fas est , absque ulla medio excipitis , exceptumque cateris mebus & intelligentiis communem facitis.* Damascenus lib. 2. c. 3. *Illud quidem perspicuum est , eos , qui præstantiores sublimioresque sunt , splendorem & cognitionem inferioribus impetriri .* Bernardus lib. 5. de consid. c. 4. *Ex ipso Sapientia fonte ore Altissimi*

*summi haurientes, & refluentes fluente scientie universis civibus suis .*

II. Probatur Rationibus . I. Dantur Angelii superiores, & inferiores: ergo dantur Angelii illuminantes, & illuminati: ergo datur illuminatio Angelorum , per quam Angelii alii ab aliis illuminantur . Probatur prima consequentia . Angelii, qui sunt superiores, sunt proximiores Deo , & qui sunt inferiores , non sunt ita proximi; sed qui sunt proximiores uberioris , & clarissim vident quæ Dei sunt , quam videant qui non sunt ita proximi, utpote minoris activitatis, & virtutis: ergo &c. II. Inter Angelos est arcta amicitia ; sed amicitia pariter inter amicos mutuam communicationem: ergo Angelii superiores communicant inferiortibus quæ vident. Minor patet ex illo Joan. 15. 15. *Vos autem dixi amicos; quia omnia , quæcunque audivi a Patre meo , nota feci vobis .* III. Etiam in sublunaribus inferiora corpora a superioribus illuminantur : ergo pariter in cœlestibus Angelii . Antecedens probatur. Superiora corpora lucida illuminant inferiora. Unde Auctor libri de cœlesti hierarchia c. 4. Statuit summus ille , ac supsubstancialis omnium ordo per singulas distributiones primos , & medios , extremitosque esse ordines, atque virtutes ; ut scilicet inferiorum Spirituum excellentiores quique præceptores, ac duces sint.

IV. Deus in materialibus rebus non omnia per se ipsum producit : ergo in cœlestibus non omnes per se ipsum illuminant . Antecedens patet ; quia , virtutem producendi tribuit creaturis. Consequentia sequitur . Proinde citatus Auctor c. 3. laudati libri : *Indultum sibi sacratissimum jubar affatim bausserint , hoc ipso postmodum absque invidia sequentibus fundunt .*

Arguunt I. Angelii illuminantes non habent aliam cognitionem de objectis , quorum dicitur illuminationem facere , quam illum , quam habent in Verbo ; sed cognitionem , quam habent in Verbo, non possunt aliis Angelis communicare: ergo non possunt illos illuminare. Probatur minor. Cognitione, quam Angelii habent in Verbo, est visio beatifica ; sed visio beatifica , quam

quam haber unus beatus, non potest in alio producere: ergo &c. Illuminatio est beatitudo accidentalis; sed a Deo solo habetur beatitudo tam essentialis, quam accidentalis: ergo a solo Deo habetur illuminatio: ergo non habetur ab Angelis. III. Non potest dari illuminatio, nisi illuminans proponat objectum, & confortet intellectum illuminati; sed proponere objectum, & confortare intellectum, est solius Dei; ergo solius Dei est illuminare. Probatur minor. Objectum est supernaturale, confortatio intellectus est actus supremæ virtutis; sed solius Dei est proponere objectum supernaturale, & exercere actum supremæ virtutis: ergo solius Dei est proponere objectum, & confortare intellectum. IV. Illuminatio in illuminato supponit tenebras; sed nullus beatus dici potest, quod sit in tenebris: ergo nec dici potest, quod possit esse illuminatus. V. Illuminans habet majorem lucem, quam qui dicuntur illuminati; sed qui habet majorem lucem obscurat potius alios, quam illuminet: ergo non datur hæc illuminatio in Angelis. Probatur minor paritate solis, qui per hoc, quod habet majorem lucem, obscurat astræ, quæ habent minorem. VI. Apoc. 24. dicitur, quod coelestis Jerusalem non egreditur sole, neque luna, quia claritas Dei illuminavit eam: ergo solus Deus est illuminans.

Respondemus ad I. negando, quod omnis visio in Verbo communicari non possit; & negando pariter, quod omnis visio in Verbo sit beatificativa. Datur visio in Verbo, qua videtur Verbum, seu essentia divina, & videntur pariter objecta aliqua secundaria, quæ in ipsa divina essentia relucent. Datur insuper visio in Verbo, qua potest videri cognitio Verbi, prout hæc dicebat ordinem ad objectum aliquod particulare extrinsecum; v. g. ad Antichristi futuritionem. Prima visio est beatificativa, & non communicatur; altera non est beatificativa, & communiciatur.

Ad II. dicimus, quod beatificare essentialiter, tam effective, elevando scilicet, confortando &c. quam objective, spectat ad solum Deum; beatificare vero accidentaliter primario spectat ad Deum, secundario vero, manifestando scilicet veritatem aliquam, quæ intellectui beatifico conferre potest perfectionem, ad solum Deum non pertinet; unde potest hoc ipsum ab Angelo cum altero Angelo exerceri.

Ad III. negatur, quod objectum sit supernaturale, & quod confortatio intellectus ad videndum hoc, aut illud particulare, objectum sit actus solius Dei. Intellectus enim jam supponitur a Deo elevatus, & confortatus ad visionem sui intuitivam; unde postmodum ut cognoscat objectum aliquod particulare sibi ab Angelo superiori proposito, non eger majori, & ulteriori elevatione, ac confortatione; sicque potest ab Angelo illuminante modo suo confortari, determinari, &c. accidentaliter nimirum, quia essentialiter supponitur a Deo confortatus.

Ad IV. Si tenebrarum nomine intelligatur carentia illius visionis, in qua est beatitudo, falsa est propositio; si vero intelligatur carentia cognitionis alicujus alterius objecti, conceditur; & nihil officiunt intellectus angelico tenebræ istæ. Vel potest etiam dici, quod magis, & minus illuminatus non dicit tenebras, quæ excludunt omne lumen; sicut magis, & minus purus non dicit impurum, quod negat omne purum. Unde non per hoc quod Angelus illuminatus habeat minus lumen, dicendus est in tenebris esse.

Ad V. negatur minor, ejusque probatio ex paritate solis deducta. Nec enim solis lumen extinguit, vel obscurat lucem stellarum, quæ etiam in meridie in profundo puto aliquando videntur. Auger potius lumen illuminati major lux illuminantis, quam minuar; unde cum illo lucis adjuvamento majori claritate vider.

Ad VI. Scripturæ verba intelliguntur de visione beatifica, per quam videtur divina essentia, & personæ, & attributa, &c. & hæc conferri non potest, nisi a Deo. Illuminatio vero, quæ est circa veritates quasdam supernaturales, quas Deus potest revelare uni beato, & non alteri, non est soli Deo affixa, sed potest etiam Angelis convenire.

Dicimus II. Angelos illuminare alios Angelos idem esse ac docere illos; unde illuminationem esse loquutionem, sed doctrinalem, ac magistralem. Est communis inter Thomistas, atque Scotistas, contra quasdam paucos.

I. Probatur. Illuminare est loqui; sed non est loqui quomodounque: ergo est loqui cum aliqua superioritatis prærogativa; sed hæc non potest esse, nisi doctrina: ergo illuminare est docere, ac proinde illuminatio est loquutio doctrinalis, ac magistralis. Major est communis doctrina Scholasticorum contra solos Caprealum,

lum, & Hervæum, aliter opinantes; & a S. Thoma i.p. q. 106. ar. 1. in c. docetur, quod lumen, secundum quod spectat ad intellectum, est quadam veritatis manifestatio; juxta illud ad Ephes. 5. Omne quod manifestatur, lumen est. Minor subsumpta probatur. Est prærogativa illuminationis, sed prærogativa illuminationis est prærogativa doctrinæ: ergo prærogativa illa non potest esse, nisi in doctrina. Probatur minor. Prærogativa illuminationis respicit intellectum; sed intellectus non illuminatur, nisi per doctrinam: ergo prærogativa illuminationis est prærogativa doctrinæ.

II. Probatur. Loquutio cum doctrina illa est, per quam manifestantur veritates, quæ illustrant intellectum audientis illuminati; sed hæc est illuminatio Angelorum: ergo illuminatio Angelorum est loquutio doctrinalis, ac magistralis. Probatur minor. Angeli, qui sunt superiores habent perfectiorem naturam, habent majorem gratiam, & gloriam; & per hoc etiam habent majores, & clariores cognitiones veritatum supernaturalem, & naturalium; sed cognitiones hasce docent Angelos inferiores, quando ipsos illuminant: ergo illa loquutio jam dicta est illuminatio Angelorum. Probatur minor. Non docent quæ inferiores Angeli sciunt; non docent quæ scire in inferioribus Angelis non est perfectio: ergo illa docent, quæ ipsi superiores Angeli a Deo sciunt per hoc quod habent perfectiorem naturam, majorem gratiam, & gloriam, & majores, ac clariores cognitiones veritatum supernaturalem, ac naturalium.

III. Illuminatio est loquutio illuminans vel illustrans illum, cui loquimur; sed hæc fieri non potest sine perfectione intellectus: ergo non potest esse sine doctrina. Consequentia sequitur; quia sola doctrina perficit intellectum: ergo si sit illuminatio cum perfectione intellectus, fieri non potest sine doctrina. Minor probatur. Angelus non habens sensum habet solum intellectum, & voluntatem; voluntas non illuminatur ab altero Angelo, sed a proprio intellectu: ergo solus intellectus illuminatur: perfectio intellectus consistit in majori, & clariori cognitione; major, & clarior cognitio est effectus doctrinæ: ergo loquutio illuminans, seu illustrans illum, cui loquimur, non potest fieri sine perfectione intellectus, adeoque non potest esse sine doctrina.

Obstant I. S. Thomas docet i.p. q. 106. ar. 1.

in c., quod virtus intellectiva Angeli inferioris confortatur ex illuminatione superioris, ut minus calidum crescit in calore ex praesentia magis calidi; sed magis calidum influit in minus, & participat ei calorem suum, & calorem illius intendit: ergo pariter Angelus illuminans respectu Angeli illuminati. II. Deus illuminat nos, & tamen quando nos illuminat, nobiscum non loquitur: ergo illuminatio non est loquutio. Probatur antecedens. Inspirationes divinæ in nobis sunt cognitiones, quas Deus excitat in nobis, & quæ dicuntur illustrationes, seu illuminationes; per has tamen Deus nobis non loquitur, quia nullum suum conceptum nobis manifestat: ergo Deus quanvis nos illuminet, nobis tamen non loquitur. III. Imperceptibile est magisterium hoc, quod fiat uno actu; itaut Angelus inferior per illum solum actum cognoscat objecta, quæ prius non novit, & cognoscat etiam objecta, quæ non sint ab ipso naturaliter cognoscibilia: ergo illuminatio Angelorum non est loquutio doctrinalis, & magistralis. IV. Angeli superiores manifestant inferioribus per illuminationem quæ ipsi pariter per illuminationem a Deo habuerunt; sed illuminatio facta a Deo Angelis superioribus non fuit loquutio, nec fuit doctrinalis, ac magistralis: ergo nec ita erit illuminatio facta Angelis inferioribus ab Angelis superioribus. Probatur minor. Quæ a Deo habent Angeli non a Deo audiunt, sed in Deo vident; sed visio non est loquutio, multo minus est doctrinalis, ac magistralis: ergo illuminatio facta a Deo Angelis superioribus non fuit loquutio, nec fuit doctrinalis, ac magistralis. Respondemus ad I. S. Thomam cit. loc. ar. 1. ad 2. docere, unum Angelum non illuminare alium per hoc, quod tradat ei lumen vel naturæ, vel gratiæ, vel gloriæ. Hoc ipsum pariter docet q. 9. de verit. ar. 1. ad 2. Ne igitur dicamus S. Doctorem esse contrarium sibi, dicimus, paritatem ab ipso allatam debere cum restrictione intelligi. Restrictio autem hæc est, quod Angelus illuminans per objecti exteriorum propositionem, seu per loquutionem, quomodo cumque explicatam, præstet in illuminato totum id, quod magis calidum præstet in minus calido per efficientiam physicam; & hoc quidem modo suo, analogico quidem, non univoco; ut per se patet.

Ad II. dicimus, utique Deum illuminare, omnem hominem venientem in hunc mun-

mundum, seu omnes rationales creaturas, lumine tum naturae, tum gratiae; ut dicitur Joan. i. At non accipitur eo loci illuminationis, ut intelligitur illa Angelorum, quae est socialis loquutio, per quam revelationes fiunt docendo, & discendo accipiuntur.

Ad III. Non viderur hoc imperceptibile, cuicunque neverit Angelorum sive in operando, sive in cognoscendo agilitatem. Unico quidem actu, vel pluribus etiam actibus, quod non implicat, percipit Angelus illuminatus objecta revelata; scilicet aliquid futurum, aliquid secretum, aliquid distans &c., & non solum illa percipit ut ab Angelo illuminante, sibi revelata, sed etiam ut revelata Angelo revelanti a Deo; unde possit omnem abjecere dubitationem, & certitudinem de illis habere. Quae quidem certitudo necessaria est, ut loquutio Angeli revealantis sit doctrinalis, ac magistralis; quia aliter Angelus revelatus posset habere formidinem, si non haberet certitudinem; & formido redderet ipsum potius obtenebratum, quam illuminatum.

Ad IV. Esto ponatur differentia, quae objicitur, inter illuminationem, quam Angelii habent a Deo, & illuminationem, quam habent ab Angelis, nihil proinde sequitur contrarium assertioni nostrae. Non enim est de essentia illuminationis, ut fiat uno modo, & non altero; unde si altero modo fiat, non possit in rigore dici illuminatio. Admitimus ergo illuminationem, quam Angelii immediate

a Deo habent, quoque modo explicetur; & admittimus illuminationem, quam Angelii inferiores habent ab Angelis superioribus; & dicimus has esse loquutiones, doctrinales quidem, ac magistrales, quia sunt de veritatibus antea non cognitis, & post revelationem cum certitudine cognitis. Si velint Adversarii ratione ejusdem effectus sic etiam nominare illuminationes a Deo factas, vocent ut lubet, nos ipsis non contradicimus; si polint ita easdem appellare ratione diversi modi, quo agit Deus, non appellant sane, nec ipsis quoque obstatamus. Sufficit nobis, quod superiores Angelii, quando inferiores illuminant, ipsos loquantur, & doctrinaliter loquantur.

Quæritur; An Angelus inferior possit aliquando illuminare superiorem?

Affirmative responderet Scotus apud Frazzen, de potentia tamen absoluta, non ordinaria. Et ratio ipsius est, quod Deus sit absolutus dominus suorum donorum; ergo potest ea libere donare cuicunque voluerit. Attamen si illuminare est loqui cum doctrina, & magisterio, durum viderur, Deum permittere, ut Angelus inferior sit Angelii superioris magister, & Doctor. Utique Deus absolutus est dominus suorum donorum; attamen semper ea cum ordine, & nunquam inordinate disponit, & clargetur. Verum quia in questionibus hisce de possibili, quæ parum juvant, immorandum non ducimus; ideo de haq plura dicere supersedemus, & ad ulteriora transimus.

## DISSESTITO CXLVII.

*De Missione Angelorum; an a Deo mittantur  
Angeli? qui Angeli mittantur? quibus,  
& ad quæ, mittantur?*



NGELORUM nomen a missione derivatum esse, in superioribus adnotavimus; Angeli enim dicuntur, quia missi, hoc est nuncii, legati, &c., ut docet S. Gregorius Papa hom. 34. in Evangelia; & Apostolus docuerat antea in ep. ad Hebreos c. 1. *Nonne omnes sunt administratores Spiritus, in ministerium missi?* Et quia ut plurimum ad custodiam hominum mittuntur; ideo plerique cum missione

Angelorum custodiam quoque Angelorum connectunt. Nos vero cognoscentes non omnem missionem esse ad custodiam, quanvis omnis custodia sit ex missione; & pariter considerantes, custodiam esse effectum missionis, non vero missionem ipsam: ideo de missione hac in Dissertatione instituimus agere, in sequenti vero de custodia acturi.

Quod primo in hac Dissertatione pertractandum venit, est; an a Deo mittantur Angeli? Quod quidem intelligendum volumus

lumus de sola missione; quia in sequentibus videbitur a quo mittantur, an a Deo immediate, an vero mediate a Deo, & ab aliis Angelis immediate? Si enim omnes Angeli mittuntur, quod in secunda conclusione decidetur, a Deo immediate mittuntur; si vero non omnes, illi qui mittuntur, Theologi, qui hoc afferunt, volentes, ut mittantur ab Angelis immediate, qui non mittuntur.

Dicimus I. Angelos a Deo mitti.

I. Probatur ex Scripturis. Exodi 33. *Mittam praecursum tuum Angelum.* Exodi 23. *Ecce ego mittere Angelum meum, qui precedat te in via.* Tobiae 12. Raphael inquit: *Tempus est, ut revertar ad eum, qui me misit.* Lucæ 2. *Missus est Angelus Gabriel a Deo.* Actorum 12. *Nunc scio vere, quia misit Dominus Angelum suum, & eripuit me de manu Herodis.* Unde Frassen inquit, hanc Conclusionem esse de fide.

II. Probatur ex Patribus. Gregorius hom. 32. in Evangelia: *Hi, qui minima nuntiant, Angeli: qui vero summa annuntiant, Archangeli vocantur.* Athanasius orat. 2. contra Arianos: *Et Angeli quidem sursum deorsumque commeantes, Ministros se præbent.* Nazianzenus orat. 34. circa finem: *Illos divina voluntatis ministros loca omnia peragrare, omnibus ubique adesse promptos, cum ministerii alacritate, cum natura agilitate.* Nyssenus lib. 1. cont. Eunomium: *Ministras porro esse virtutes istas facientes voluntatem Dei, per eam, qua facta est, peccatorum purgationem, secundum voluntatem ejus, qui misit, per unum Seraphinorum tacite significavit.*

III. Probatur Rationibus. I. Convenit bonitati divinae Angelos mittere: ergo vere a Deo mittuntur. Consequentia sequitur; antecedens probatur. Convenit bonitati divinae nostram salutem procurare per ministros suos: ergo convenit bonitati divinae Angelos mittere. Antecedens non negatur; consequentia bene inferitur; etenim ad hoc præcipue mittit Deus Angelos suos, ut nostram salutem obtineat. II. Convenit angelicæ charitati, ut mittantur: ergo vere mittuntur. Probatur antecedens. Quo ardenter est Angelorum charitas, eo ipsorum operatio est promptior ad exequendum quæcunque sunt ad Dei gloriam, & hominum salutem: ergo convenit angelicæ charitati, ut mittantur. III. Convenit charitati hominum, ut mittantur Angelii: ergo vere Angelii mittuntur. Probatur antecedens. Quo tenuior est charitas, eo majori in-

diger auxilio, ut exciteretur, nutritur, & soveatur; sed tenuis est hominum charitas, validum Angelorum auxilium: ergo convenit charitati hominum, ut mittantur Angelii.

Objiciunt I. Si Angelii mitterentur, mittentur, ut sua ministeria hominibus exhiberent; sed hoc inconveniens est Angelis: ergo non mittuntur. Probatur minor. Inconveniens est Angelis, ut sint ministri hominum: ergo inconveniens est, ut sua ministeria hominibus exhibeant. II. Si Angelii mitterentur, impeditur a sua beatitudine; sed hoc dici non potest: ergo nec etiam dici potest, quod mittuntur. Probatur antecedens. Per ministerium enim interrumperetur eorum contemplatio: ergo impeditur eorum beatitudo. III. Deus est ubique præsens, & omnia potest facere per se ipsum: ergo frustra adhiberet ministerium Angelorum; nihil autem facit frustra: ergo Angelos non mittit. IV. Post missionem secundæ, & tertiaræ Trinitatis Personæ superflua est Angelorum missio: ergo admitti non debet. V. Si Deus mitteret Angelos bonos ad homines, mitteret etiam malos; sed hoc alterum non est dicendum: ergo neque primum. VI. Si Angelii mitterentur, non omnes a Deo mitterentur; sed hoc dici non debet: ergo nec illud, ex quo sequitur. Probatur major. Quia Angelii inferiores quum a superioribus illuminantur, a superioribus etiam deberent mitti. Minor etiam patet; quia sequetur, Angelos superiores exercere erga inferiores imperium, quod erga omnes Angelos exercet Deus; quod quidem non est dicendum.

Respondemus ad I. negando majorem. Ratio est, quia nunquam dicuntur Angelii ministri hominum, sed Dei; & hoc quidem tam apud Scripturas, quam apud Patres. Apocal. 19. & 22. *Angelus non dixit, se esse Joannis servum, sed conservum; servum scilicet Dei, ut erat Johannes.* Daniel. 10. non dicitur servus, sed princeps regni Persarum &c. Matth. 4. *Angeli accesserunt, & ministabant ei;* hoc est Christo; ex quo S. Leo magnus ser. 2. de quadrages. infert, Christum esse Deum, quia Angelii soli Deo serviunt. Bernardus ser. 11. in psal. *Qui habitat,* &c. vocat quidem Angelos hominum ministros, sed intelligendus est de ministerio laboris, & operis, non vero subjectionis. Quemadmodum est Pastor ovium, qui non dicitur ovium servus, quanvis pro ovi-

ovibus labore. Et sic intelligi familiariter debet Thomas a Kempis lib. 3. de imit. Christi c. 11. Sic pariter Christus dixit Matth. 20. Non veni ministrare, sed ministrari. Et sumus Pontifex se vocat servum servorum Dei. Apostolus etiam ad Heb. 1. scripsit: Nonne omnes sunt administratorii Spiritus, in ministerium missi propter eos; hoc est propter homines. Ad quæ dicit Estius: Nec Apostolus eos in ministerium hominum missos esse dicit, sed in ministerium missos propter homines, qui habentem capient salutis. Unde in locum illum Chrysostomus scripsit: Angelorum munus est ministrare Deo propter nostram salutem.

Ad II. negatur pariter major, ejusque probatio. Non solum enim non impediuntur Angeli per sua ministeria, quominus videant Deum, & visione illa beatificentur; sed nec quoque retardantur quominus videant ita perfecte, ac si nullo ministerio fungerentur. De Custodibus Angelis dixit Christus Dominus Matth. 18: Angelii eorum semper in caelis vident faciem patris: ergo pariter dum aliis ministeriis funguntur. Insuper; Deus est ubique praesens, & non tantum in caelo: ergo ubique etiam Angeli possunt illum videre, & illo frui; & hinc est, quod etiam dum sunt in terra, dicuntur esse in caelo; ut ex prefatis verbis. Nec a ministeriis suis distrahuntur; quia, ut ait S. Gregorius, sic ad exteriora procedunt, ut ab interioribus nunquam recedant.

Ad III. quod quanvis Deus ubique sit praesens, nos tamen vel sensum, vel passionem, vel peccatorum, onere pressi, absentem judicamus. Proinde Angeli mitentur, ut nobis suam voluntatem manifestent. Plura etiam per se ipsos possunt facere Principes, plura Duces exercituum; sed eadem per ministros operantur; & ut in operando servetur rectus ordo, & ut in operationibus habeatur decens operandi ratio.

Ad IV. Non mittuntur Angeli ad nos, quasi missio Fili; & Spiritus Sancti sufficiens ad nostram salutem procurandam non fuerit; sed ad nostram negligentiam excitandam, ut illorum missione cooperemur. Visitat aliquando Rex vel urbes, vel agmina, per se ipsum; & deinde iterum visitat per ministros; quorum est munus, ut a subditis, & ministris, Regis præcepta exequutioni mandentur, & promissæ largitiones adimpleantur.

Ad V. conceditur major, & negatur mi-

PAR. II.

nor. Ratio est, quia ex Scripturis, & ex Patribus colligitur, aliquando a Deo mitti Angelos malos. Legitur 3. Reg. c. ult. Egressus est autem Spiritus coram Domino, & ait: Ego decipiam illum; cui ait Dominus: in quo? Et ait: Egregiar, & ero spiritus mendax in ore omnium Prophetarum. Et Dominus respondit illi: Decipiés, & prævalebis, egredere, & fac ita. Et S. Gregorius lib. 2. moral. docet: Sicut de bonis Angelis in hac vita laborantibus auxilium, pietatis inspenditur; ita isti occulta ejus justitia nesciendo servientes, ministerium exequi reprobationis conantur. Non enim ministrant Deo soli qui adjuvane boni, sed etiam mali, qui probat non solus qui redeuntes a culpa sublevent, sed etiam qui redire volentes gravent. Verum non mittit Deus Angelos malos, ut perdat homines, sed ut tenter, ut exerceat, aliquando etiam, nostris sic exigentibus culpis, ut perdat. Et quanvis intentio Dei mittentis sit bona, intentio Diaboli missi sit mala; tamen semper Deus uitatur operatione Diaboli ad bonum.

Ad VI. nullum esse inconveniens, si dicatur, aliquando Angelos inferiores a superioribus ad homines mitti. Siquidem in Scripturis legitur, & in Patribus. Zacharie 1. Angelus, qui loquebatur in me, egrediebatur, & alius Angelus egrediebatur in oculum eius, dixit ad eum: loquere ad puerum istum dicens: absque muro habitabitur Ierusalem. Ad quæ verba S. Gregorius Papa in moralibus scribit: In conspectu Conditoris angelica ministeria ordinata sunt, ut pro communi felicitate beatitudinis opifices suum videntes, gaudent: cum pro dispositione dignitatis alii aliis subministrant. Ad Prophetam Angelus Angelum mittit, & que secum de Deo communiter conspicit, edocet, & eligit; quia eum per superiorum scientiam virtute cognitionis, & præstantiore gratiam culmine potestatis. Verum hoc proprius respicit secundam Dissertationis partem, quam subdimus.

Pro altera Dissertationis parte non una est sententia Theologorum. Sunt nonnulli, qui negant, mitti omnes promiscue, & præcepit illos, qui supremæ sunt Hierarchiæ; non tamen determinat, quinam mittantur, & quinam remaneant. Alii volunt, solos tres Ordines ultimæ Hierarchiæ mitti; tres ordines primæ Hierarchiæ nunquam mitti; tres vero ordines medieæ Hierarchiæ accipere mandata ab illis primæ, & illis ultimæ communicare; & opinionem hanc, ait Petavius, a Lombardo refer-

Pp

ri.

ri. S.Thomas i. p. q. 112. ar. 4. & in Com. ad ep. ad Heb. c. 1. leq. 6. docet, quinque solos postremos Ordines mitti; quatuor vero superiores Ordines, hoc est tres primae Hierarchiae, & Dominationes, nec a Deo discedere unquam, nec inferiora tractare. Alii demum volunt, omnium Ordinum Angelos mitti; ad ministeria grandiora supremos, inferiores vero mitti ad alia minora.

Dicimus II. Non tantum Angelos ex ultimis Ordinibus, sed ex omnibus, etiam primis, mitti & ad hominum regimen, & ad corundem salutem. Ex recentioribus defenditur a Petavio, ab Estio, a Du-Hamel, a Juenino, & Brassen, qui citat Scotum &c.

I. Probatur ex Scripturis. Isai. 6.6. *Et volerit ad me unus de Seraphim, & in manus eius calculus, quem forcipe tulerat de altari. Seraphim autem sunt de suppressione Ordine Hierarchie primae.* Ad Hebr. 1. *Nonne omnes sunt administratorii Spiritus, in ministerium missi propter eos, qui hereditatem capiunt salutis.* Quae quidem verba de omnibus Angelis intelligi debent, etiam primorum ordinum Hierarchie supremarum; cum quia nullam faciunt inter Angelos distinctionem & cum principiis, quia ex illis verbis intendit Apostolus probare divinitatem Christi, ex eo scilicet, quod omnes Angeli sunt ministri eius; sed hoc non minus verificatur de Angelis ultimis, quam de illis primis Hierarchie: ergo &c. Quam rationem, & explicationem diserte expendit Petavius; explicans pariter alia Apostoli, quae sequuntur, verba: *Tanto melius Angelis effectus, quando differentius præ illis nomen hereditavit.* Et alia: *Ad quem autem Angelorum dixit aliquando: Sed & dextris meis?*

II. Probatur ex Patribus. Athanafius or. 3. cont. Arian. Multi sunt Archangeli, multi Throni, & Potestates, & Dominationes, millies millia, & decies millies centena milia Ministrorum assistunt, & apparent, qui se promptos offerunt, ut mittantur. Chrysostomus hom. 8. in Genes. Non est Angelus tributum, ut sint consilii participes; sed ut assistant, & ministerio fungantur. Quod ut discas, audi magnilaquentissimum Esaiam de superioribus Angelorum virtutibus loquenter: *Vidi Cherubim stantia a dextris Dei, & Seraphim, & rogebant facies suas; sed unus ex his missus fuit ad Esaiam, ut eum purgaret: ergo etiam ex supra Hierarchia Angeli mittuntur.* Eusebius Cœxiensis lib. 7. præpar. evangel. *Divinas Vir-*

*tutes natu Patris toti mundo praesidentes, & administratos Spiritus ad ministerium missos, propter eos, qui hereditatem capiunt regni: ac sacros Angelos Dei, & Archangelos, & intelligentem omnem naturam, bonorum ministerium, lucidam, & omnium bonorum, quae a Deo communicantur hominibus, administratum, regem universorum quodam satellitio habere. Hieronymus ep. 142. ad Damascum: Quidam Gracorum in Scripturis ap prime eruditus, Seraphim virtutes quasdam in talis esse exposuit, que ante tribunal Dei assistentes laudent cum, & in diversa ministeria mittantur, maximeque ad eos, qui purgatione indigent, & ob pristina peccata, aliqua ex parte suppliciis purgari merentur. Bernardus ser. de S. Benedicto: Cherubim, ait Propheta, stabant, & non sedebant: Quid laborasti, ut jam sedeas? Omnes administratorii sunt Spiritus, missi in ministerium propter eos, qui hereditatem capiunt salutis; & tu sedebis?*

III. Probatur Rationibus. I. Illi Angeli mittuntur, qui sunt Filio Dei inferiores; sed omnes Angelorum ordines sunt Filio Dei inferiores: ergo ex omnibus Angelorum ordinibus mittuntur. Major est doctrina Apostoli, & Parum consensu, atque traditione firmata; ut dictum est; minor negari non potest; consequentia sequitur. II. Angelis qui mittuntur, explicantur in Scripturis per verbum omnes; sed verbum omnes in Scripturis, dum loquuntur de Angelis, significat omnes ordines: ergo ex omnibus ordinibus mittuntur. Major constat ex illo Apostoli: *Omnes sunt administratorii Spiritus missi &c.* Minor ex illo ejusdem: *Adorene eum omnes Angeli Dei;* consequentia sequitur. III. Michael, & Gabriel, fuerunt, & sunt de primis Angelis, sed missi fuerunt: ergo Angeli etiam supremi mittuntur. De Michaeli alibi loqui ut suimus; de Gabriele probatur; nam ipsi innotuit mysterium Incarnationis, quod inferioribus Angelis non innotescerat. IV. Ecclesia majori veneratione prosequitur Michaelem, quam ceteros Angelos: erga ceteris Angelis dignior est Michael. Unde de Michaeli dixit Basilius hom. 1. de Angelis: *Michael Dux supernorum Spirituum, qui dignitate, & honoribus prælatus est omnibus Spiritibus.* Et Pantaleo Diaconus hom. de S. Michaeli apud Surius: *vocavit eum Seraphorum primum.* Et S. Laurentius Justinianus ser. de S. Michaeli: *In spirituali primo conflictu ceteris Spiritibus sanctis prælatus est Michael, & sicut Lucifer malis. Michael autem*

autem in Scripturis dicitur missus; ut Daniel. 18. *Michael unus ex Principibus primis venit in adjutorium meum: ergo &c.*

Opponunt I. S. Thomas in 2. dist. 1. docet, Michael esse unum ex Principatibus; & ideo in loco illo Danielis dici: *Michael unus ex Principibus: ergo non est ex ordine supremo II.* S. Gregorius magnus ad verba illa Daniel. 7. *Millia millium ministrabant ei, & decies millies centena millia assistabant ei;* lib. 17. Moral. c. 9. scribit: *Aliud est assistere, aliud ministrare. Assistunt enim illa procul dubio potestates, qua ad quendam hominibus nuntianda non exirent: Ministrant vero bi, qui ad explenda officia Nuntiorum veniunt. Sed tamen ipsi quoque contemplatione ab intimis non recedunt. Et quia plures sunt, qui ministrant, quam qui principaliter assistunt, assistentium numerus quasi definitus, ministrantium vero infinitus ostenditur.* III. Verba ab Heb. I. probant solum, quod lex vetus data fuerit per ministerium Angelorum; sed hoc non est necesse, ut factum fuerit per supremos Angelos: ergo ex verbis illis non eruitur, supremos Angelos etiam mitti. IV. Ex Auctore libri de cœlesti Hierarchia c. 13. habemus, Angelum purgantem Isaiæ labia non fuisse ex ordine Seraphinorum, sed habuisse nomen Seraphim, ex illa actione, quam operabatur, fuisse tamen ex ordinibus inferioribus. V. Ex communi Theologorum consensu Angeli dividuntur in assistentes, & ministrantes: ergo sunt assistentes Angeli, qui non ministrant; aliter nulla esset divisio.

Respondemus ad I. S. Doctorem esse contrariæ sententiæ propugnatores, & ideo de Michael illa docuit; ipsi tamen opponimus Basiliū, Pantaleonem, Laurentium Justinianum, qui aliter de Michaeli scriperunt, & quorum verba nuper recitavimus.

Ad II. pariter S. Gregorium magnum favere contrariæ sententiæ; & ipsi pariter opponimus Athanasium, Nazianzenum, Nyssenum, Chrysostomum, Hieronymum, aliosque. Cæterum in Scripturis Angeli, qui dicuntur assistentes, dicuntur etiam missi. Uti est Raphael, qui Tobiae 12. afferit, se esse unum ex septem, qui adstant ante Deum; & ad Tobiam fuit missus. Gabriel Luke 1. de se dicit: *ad te ante Deum;* & ad Zacharium fuit missus &c.

Ad III. negatur, Apostolum loqui de lege veteri; loquitur enim de Christo, ut diximus; & hoc testantur Patres multi,

*PAR. II.*

quos recensuimus, & quorum verba retulimus.

Ad IV. Interpretatio illa vocis Seraphim, non bene convenit cum aliis Prophetæ verbis. Dicit enim Isaías: *Seraphim stabant super illud &c.* Non ergo fuit unus Seraphim, sed plures; & incredibile est, quod omnes habuerint idem nomen, præcipue quum omnes non eandem actionem exerceant.

Ad V. dicitur, quod distinctio cadit supra exercitium Angelorum, non vero supra Angelos. Et sensus est, quod Angeli vel assistunt, vel ministrant; unde idem Angelus potest modo assistere, & modo ministrare; ut de Gabriele, & de Raphaele diximus.

Pro tercia Dissertationis parte, in qua queritur, ad quos mittantur Angeli, & ad quæ officia obsecunda? Loquitur hic de præcipuis officiis, & de ordinariis, non vero de extraordinariis, quæ possunt quidem plura esse, & varia; unde

Dicimus III. Angelos mitti ad homines, vel ad animæ purgationem, vel ad intellectus illuminationem, vel ad affectus inflammationem. Dicit S. Bonaventura dist. 10. ar. 2. q. 1. & 2. apud Krasen.

Probatur, & explicatur Conclusio ab eodem Seraphico Doctore, in Compendio theologicæ veritatis lib. 2. c. 18., si hoc Opus ipsius genuinus est foetus, de quo Eruditæ dissentient. Tres actus communiter a Patribus, & præcipue ab Auctore libri de cœlesti Hierarchia, tribuuntur Angelis; nimirum purgare, illuminare, & perficere. Purgant removendo impedimenta ad illuminationem, quam in nobis facere intendunt; illuminant revelando veritates, quas intellectus vel minime, vel difficulter assequebatur; perficiunt inflammando voluntatem ad effectus divinorum.

Obstant I. Angeli quidam movent orbes caelestes, nec ab illorum motu possunt unquam recedere; aliter cœli quiescent; sed ex hoc primo sequitur, quod non omnes Angeli mittuntur; & sequitur secundo, quod admitto, quod mittuntur, non mittuntur ad homines dirigendos, sed ad cœlos movendos; quod utrumque est contra a nobis firmatas Conclusiones. II. Ex Scripturis habemus, plerumque fuisse Angelos a Deo missos ad homines juvandos circa temporalia, & corporea: ergo non semper mittuntur ad animæ purgationem, ad intellectus illuminationem, ad voluntatis inflammationem.

PAR. 2 Re-

Respondemus ad I. Admissio, quod Angeli moveant orbes cœlestes, dicitur, quod illi, qui movent, missi sunt ad movendum eos. Et hoc quidem proper homines; cœlum enim Deus, & astra, & superiora, alia corpora, si quæ sunt, creavit in ministerium hominum. Cæterum motio orbium cœlestium ab Angelis est doctrina Aristotelis, non Scripturarum; unde nemo cogit nos, ut eam recipiamus; præcipue quum Aristoteles multos docuerit errores circa intelligentias, quas affixas voluit orbibus cœlestibus, ut eos moverent. Audiatur Estius: *Doctrina ponens intelligentias orbibus cœlestibus perpetuo assidentes, nos tam in Scripturis fundata est, quam in Aristotelica Philosophia, quam doctrina Scripturarum cedere necesse est.*

Ad II. Etiam beneficia, quæ Deus confert hominum corporibus, animabus illorum

profundunt. Per corpora enim aliquando animas medetur, intellectus illuminat, voluntates inflamat. Raphael quidem Tobie, & Saræ, corpora a Dæmone liberavit, domos ditavit, cœxitatem ab unius Patre avertit, & mortem ab alterius Viro eliminavit. Omnia videntur fuisse temporalia, & corporalia beneficia; at per hæc eos movit ad benedicendum, atque laudandum Deum, qui per ipsum mirabilia operatus fuerat ad ejus gloriam, & ad illorum corporalem, spiritualemque salutem. Unde dicebat illis Tob. 12, 18. *Ipsum benedicite, & cantate illi. Et n. 20. Vos autem benedicite Deum, & narrata omnia mirabilia ejus. Et n. 22. Tunc prostrati per horas tres in faciem, benedixerunt Deum; & exgentes narraverunt omnia mirabilia ejus.*

## DISSERTATIO CXLVIII.

*De Custodia Angelorum; & de erroribus Hæreticorum, ac opinionibus Scholasticorum, contra, & circa illam. Quibus detur; ad quæ se extendat; & an cuique detur etiam Angelus malus?*

**D**imo erravit Origines contra Angelorum Custodiam, assertor ex Antipatro, Bostrorum Episcopo, lib. cont. impium Originem, apud Joannem Damascenum in Eclogis lit. A., illam fuisse Angelis a Deo data in poenam, & in supplicium, quod ab ipsius dilectione considerint. Credidit enim, beatas mentes, a Deo creatas, & cum Deo, cuius fructione lætabantur, arctissime conjunctas, ab hoc felicitatis statu decidiisse, & redactas in gradum infimum, fuisse factas Angelos, & Archangelos; & in poenam implicatas deum fuisse in mundanarum rerum procreatione; ut explicat Petavius lib. 2. de Angelis c. 7. n. 15.

Secundo erravit idem Origines credens, Angelos, qui sunt Custodes, præcipue parvolorum, certos de sua salute non esse; immo custodiā nostram exercentes, salutem propriam mereri. Hæc sunt verba ipsius ho n. 35. in Luc., & hom. 23. in eund. *Quam ob causam Angelū pro bonis*

*soliciti sunt, scientes, quod si nos bene gubernaverint, & ad salutem usque perduxerint, habebant etiam ipsæ fiduciam videndi faciem Patris. Quomodo enim si per curam eorum & industriam salus hominibus compatur, faciem Patris semper attendunt: sic si per negligentiam eorum homo corruerit, etiam sui periculi rena esse non nesciunt. Et sicut bonus Episcopus, & optimus Ecclesia dispensator, scit, sui meriti esse, atque virtutis, si oves gregis sibi crediti fuerint custoditatis intelligere & de Angelis. Ignorans Angelō est, si homo justus creditus fuerit, & peccaverit: ut e contrario gloria est Angelo, si creditus sibi saltet, minimus in Ecclesia fuerit. Videbunt enim non aliquando, sed semper faciem Patris, qui est in cœlis, cum aliis semper non videant. Secundum meritum enim eorum, quorum Angeli sunt, aut semper, aut nunquam, vel parum, vel plus, faciem Dei Angelī contemplabuntur. Eadem habet hom. 20. in Num.*

Tertio erravit Auctor Quæstionum ad Orthodoxos, quæ falso Justino Martiri & Phi-

Philosopho tribuuntur , q. 30. dicens , Custodes Angelos singulorum hominum assistere usque ad resurrectionem animabus illorum hominum , qui mortui sunt , & quorum custodes erant . Refert etiam Petavius cit. loc. n. 14.

Quarto erravit Calvinus ad cap. 32. Genes. v. 1. scribens: *Maligne Dei gratiam extenuant, qui tantum ab uno Angelo quenque nostrum defendi putant. Nec dubium est, quis Diabolus hoc nostra fiduciam nostram aliqua ex parte minovere conatus sit.* Et lib. I. Instit. c. 14. §. 7. *An singulis hominibus singuli Angelii attributi sint ad eorum defensionem, pro certo afferere non ausim. Hoc quidem pro certo habendum, non tantum uni Angelo unumquemque hominem esse cura, sed omnes uno consensu vigilare pro salute humana.* Eo ad cap. 15. Act. 9. 15. ad verba illa : *Angelus ejus nominant, qui divinitus ejus appositus sit custos, & salutis minister.* Quod vulgo. hinc eliciunt, singulis hominibus attribui singulos Angelos, qui eorum curam gerunt, nimis infirmum est. Nam Scriptura testatur, magno populo interdum unum dari Angelum: Ergo segmentum, quod passim invalidis, de binis cuiusque geniis, profanum est. Et ad psal. 90. Falsum illud est commentum, suum cuique singularem Angelum esse.

Quinto errarunt Magdeburgenses Centuratores cent. 3. 4. 5. 6. &c. c. 4. negando singulos Angelos singulis hominibus deputatos esse. Unde cum Calvinus putant, omnes Angelos curam omnium hominum gerere, & hoc non semper, sed quando Deo id placuerit; ut ex allatis Calvini verbis innotescit.

Sexto fuerunt Haeretici quidam secundo seculo currente, Apulejani dicti a quodam Apulejo, natione Afro, & Medauri nato, & de Platonica Secta Philosopho, qui dicebant, Demones esse medios inter Deum, & homines, qui hinc ferant petitiones nostras, & inde referant deversum suppeticias; quod refert Petrus Annatus in apparatu ad positivam theologiam lib. 7. ar. 3. Unde videbantur afferere, non solum Angelos bonos, verum quoque malos, in hominum custodiam deputatos esse; quanvis etiam in hoc errarent, quod crederent, utrosque Mediatores esse.

Inter Scholasticos Theologos fuit Petrus Lombardus, cognomento dictus Magister sententiarum, qui, Esto tele, manifeste descendit in sententiam, quae afferit, non singulos singulis, sed unum eundemque Angelum multis hominibus a Deo

adsignari; eo ductus argumento, quia homines electi tot sunt, quot sunt boni Angelii; homines autem electi & reprobri plures sunt: ergo non essent custodes Angelii numero pares hominibus. Communis autem Theologorum omnium sententia contrarium docet, singulos scilicet homines suum habere Angelum custodem, unicuique illorum a Deo deputatum.

Dicimus I. de fide esse, sanctos Angelos deputari a Deo ad custodiam hominum.

I. Probatur ex Scripturis. Psal. 90. 11. *Quoniam Angelis suis mandavit de te, ut custodiant te in omnibus viis tuis.* Et n. 12. *In manibus portabunt te: ne forte offendas ad lapidem pedem tuum.* Judith 13. 20. *Vixit Dominus, quoniam custodivit me Angelus ejus, & hinc eum, & ibi commorantem, & inde huc revertentem, & non permisit me Dominus ancillam suam coquinari.* Matth. 18. 10. *Videte, ne contemnatis unum ex his pusillis: dico enim vobis, quia Angeli eorum in celis semper vident faciem Patris mei, qui in celis est.* Actorum 12. 7. *Ecce Angelus Domini astigit, & lumen refluxit in habitaculo, percuessoque latere Petri, excitavit eum, dicens: Surge velociter.* Et ceciderunt catena de manibus ejus. Dicit: autem Angelus ad eum: *præcingere, & cacea te caligas tuas.* Et fecit sic. Et dixit illi: *Circunda tibi vestimentum tuum, & sequerere me.* Et exiens sequebatur eum, & nesciebat quia verum est quod siebat per Angelum: existimabat autem se visum videre. Et exentes processerunt vicum unum; & continuo discessit Angelus ab eo. Et Petrus ad se reversus dixit: *Nunc scio vere quia misit Deus Angelum suum, & eripuit me de manu Herodis.* Pulsante Petro osium jannaei processit puella ad ridentem, nomine Rhode. Et ut cognovit vocem Petri, præ gaudio non spernit jannam, sed intro cyprens, nuntiavit stare Petrum ante jannam. Illi autem dicebant: *Angelus ejus est.*

II. Probatur ex Patribus. Basilius hom. in psal. 33. *Omni in Christum credenti Angelus assistit.* Et hom. in psal. 48. *Cuilibet fideli est Angelus assistens, & adjunctus, qui in celo est videre dignus.* Hilarius in psal. 129. *Meminimus esse plures spirituales virtute, quibus Angelorum est uomen, Ecclesiis praesidentes.* Sunt enim secundum Joannem Asianis Ecclesiis Angelii. Ambrosius lib. de Viduis: *Observandi sunt Angelii præ nobis, qui nobis ad præsidium dati sunt.* Hieronymus in cap. 66. *Ilaice: Quod unusquisque*

nostrum habet Angelos, multa Scriptura docent. Et ep. 27. ad Eustochium c. i. Testor Jesum, & Santos ejus, ipsumque proprius Angelum, qui custos fuit, & comes admirabilis femina, me nihil in gratiam dicere. Isidorus Hispalensis de sum. bon. seu lib. 1. sent. c. 12. Singula gentes prepositos Angelos habere creduntur. Beda in lib. qq. quæst. 9. Boni Angeli ad ministerium salutis humanae deputati sunt, ut curas administrarent mundi, & regane omnia iusta Dei. Petrus Damianus ser. de exalt. S. Crucis: Angelos ad nostri custodiam deputatos quotidie multipliciter offendimus, & offendam negligenter cumulamus.

III. Probatur ex veteribus Judæis. Auctor libri Michael hæc dicit: Principio ponimus coram te sententiam Rabbinorum, qui dicunt, non est herba infra, qua non habeat fatum supra. Et si ita res se habet in plantis corporeis, quanto magis animalibus viventibus, & spiritualibus, comparatione ad corporea, est aliquis, qui ea curet supra, ut infundat super ea virtutem suam: Qui vero curat animalia viventia vocatur Dominus, aut Angelus. Rab. Salomon. Ad illa verba Danielis 10. Vidi ego Daniel &c. scribit: Angelus uniuscuiusque hominis supra se ipsum &c.

IV. Probatur ex Gentilibus Philosophis. De Platone testatur Eusebius Cæsariensis lib. 13. de prepar. evangel. c. 7. Angelum unicuique ad custodiām divinitus datum a Scriptura. Nos didicimus, & Plato scribere non dubitavit hoc modo: Quoniam, inquit, omnes anima sorte vivendi modum elegere, ordine ad sortem suam progrediuntur mota a Dæmoni, quem singula fortia sunt, qui ad custodiām banc vitam, & ad perficiendā, qua elegerunt, una cum eis metuntur. Hoc ipsum credo Socratem etiam significasse, cum Dæmon quodam sapientem gubernari se dixerit. Menander apud eundem Eusebium lib. 12. habet: Unicuique genitus viro adstat statim nato, Mythagorus vita bonus. Epictetus apud Arrianum Acta Diff. lib. 1. c. 14. Tutorēm unicuique Deus assignavit singulorum genium; & hunc ipsum custodiendum tradidit; & quidem bujusmodi qui neque dormias, neque falli posset. Seneca epist. 110. Unicuique nostrum pedagogum dari Deum, non quidem ordinarium, sed hunc inferioris nota, ex eorum numero, quos Ovidius ait, de plebe Deos. Ita tamen hoc seponas volo, ut memineris maiores nostros, qui crediderunt hoc, Stoicos fuisse. Singulis enim & Genium, & Junonem dederunt.

V. Probatur Rationibus. I. Ratione divinæ

potentiae; quia enim Deus est summe, potens non solum creando Angelos prævidit gloriæ suæ, sed etiam necessitatæ creaturæ suæ: unde creavit Angelos, ut sibi assisterent, & ministrarent; & creavit quoque ut homines custodirent, & adjuvarent. II. Ratione divinæ sapientiæ; quia consonum est huic deducere postrema ad summa per media; quum ergo Angeli, tum propter immortalitatem naturæ, tum propter consu mimationem gratiæ, sint quid medium inter Deum, & hominem; conveniebat, ut homines, qui sunt postremi, custodiendo, & adjuvando, ad Deum, qui summus est, perducerent. III. Ratione divinæ misericordiæ; quæ quum nunquam a justitia redat, conveniens fuit, ut si homo lapsus per Dæmones ad malum incitaretur, per Angelum quoque excitaretur ad bonum. IV. Deus haberet in mundo Dæmones, qui sunt adversarii sui, & inimici nostri: ergo debebat mittere in mundum Angelos, qui Dæmones debellarent; unde nec sibi bellum, nec nobis damnum parare ausi fuissent. V. Hoc officium indecens non est Angelis, immo ipsorum charitati, pietati, ac zelo, apprime consonum; hominibus vero est valde utile, & honorificum; cur ergo negandum? VI. Homines non sunt sufficiētes rectores hominibus, nec congruentes: ergo debebant eis præfici a Deo Angeli. Probatur antecedens. Homines deficiunt in multis, vel propter malitiam, vel propter ignorantiam; in quibus Angeli, qui sunt boni, & sapientes, non deficiunt: ergo Homines non sunt sufficiētes rectores hominibus, nec congruentes.

Opponunt I. Si Angelus est custos hominis, homo nec habet libertatem, nec meritum; hoc non est dicendum: ergo &c. Probatur major. Angelus, quando homo est determinatus ad peccandum, vel opponitur ei, vel non? Si non: ad nihil ergo inservit: Si sic: ergo laedit ipsius libertatem, & impedit meritum. II. Homo per liberum arbitrium & gratiam, vel potest ad malum compelli, vel non potest? Si non potest: ergo ad nihil inservit Angelus custos; si potest: ergo Angelus custos violentiam ei infert, non confert adjumentum. III. Si homo vincere absque subficio Angelorum, ejus meritum efficit maius, & ejus gloria excellit: ergo custodia Angelorum deservit potius ad diminutionem meriti, & gloriæ Angelorum. IV. Quod Angeli sint custodes

des hominum vel a natura, vel a gratia habent? Si a natura: ergo etiam Dæmones, qui naturalia non amiserunt, possunt esse custodes nostri. Si a gratia: ergo etiam animæ perfectiores possunt curam gerere animarum, quæ minus sint perfectæ. V. Angelus, qui est custos, est minister hominis: ergo est minor homine; hoc dici non potest: ergo &c. Minor habetur Luc. 22. Major est qui recumbit, quam qui ministrat. VI. Solus Deus dicitur in Scripturis hominum custos: ergo superflui sunt Custodes Angeli. Antecedens probatur ex illo Job. 7. *Quid faciam tibi o Custos hominum?* Ex illo psal. 120. *Ecce non dormitabit, neque dormiet, qui custodit Israel . . . . Dominus custodit te ab omni malo custodiatur animam tuam Dominus: Dominus custodiat introitum tuum, & exitum tuum.* VII. Solus Deus nos a captivitate liberavit: ergo solus Deus nos a captivitate custodit. Antecedens negari non potest; consequentia sequitur, quia ejusdem est potentia præservare in libertate, ac a captivitate redimere & liberare. VIII. Custodes Angeli dicuntur mediatores inter Deum, & homines; sed unus est mediator noster ex Scripturis, solus scilicet Dominus noster Jesus Christus: ergo alias mediatoribus non est nobis opus.

**Respondemus ad I.** Angelum se opponere homini determinato ad peccandum, sed suadendo, exhortando, alliciendo; non autem vim faciendo voluntati ojus; unde illæsa remanet libertas ejus, & meritum auctum, si non peccat; deperditum vero, si peccat. Ex enad quid infelix sunt Angelii, qui custodes hominum sunt.

**Ad II.** Homo ab extrinseco non potest compelli ad malum, & quando ad malum determinatur, a se ipso per suum liberum arbitrium determinatur. Efficit vero Angelus custos, ne Diabolus, qui extrinsecus operatur, objecta alliciens proponat, occasionses peccandi paret, & socios peccatorum adhibeat. Juvat insuper, ne voluntas, & a Diabolo per intensiones motus inclinata ad malum, & a passionibus tracta, ad malum plene consentiat; non quidem viro faciendo, sed illuminando, inflammando, removendo &c.

**Ad III.** Non pugnat homo cum altero homine, sed cum spiritibus tenebrarum, cum principibus, & potestatibus; ipse autem est natura pulveris figuratum, est peccatio infirmus, & conluetudine debi-

lis; unde indiger auxilio Angelorum ut vincat. Propteræ Petrus Damiani scribebat Alexandro II. Rom. Pont. in sua quadam epistola: *Neque enim versutia tam callidi & exercitati hostis posset fragilitas humana resistere, nisi eum a tentationibus Eleitorum virtus angelica propulsaret.*

**Ad IV.** Habent Angeli ut sint custodes hominum, a natura, quia natura sunt hominibus fortiores, & potentiores; habent a gratia, quia sunt hominibus præstantiores, & firmiores; habent præcipue a divina ordinatione; Deus enim mandavit Angelis suis, ut nos custodiant. Quis autem decretorum Dei intendit esse scrutator, ut assequi omnino velit, cur Deus hoc fecerit, vel non fecerit; ad quid ordinaverit, ad quid vero non ordinaverit?

**Ad V.** Negavimus supra, Angelos esse ministros hominum, et si sint hominum custodes. Verum si velint, quod sint ministri, non sunt certe tales ministerio subjectionis, sed ministerio præsidentiae. Custodes Angeli utique homines gubernant, regunt, docent, dirigunt, hortantur ad bonum, ut magistri, duces, paedagogi; non vero serviunt, obediunt, ministrant, ut famuli, vel mancipia.

**Ad VI.** S: Bonaventura responderet dicendo apud Frassen, quod perfectio divinæ custodiarum non excludit utilitatem angelicæ. Et exemplum affert; quia sicut Deus dando creaturis virtutem operandi, a se ipso virtutem hanc non aufert, sed cum illis etiam producit, & cooperatur: Ita dando Angelis custodiam hominum, custodiam hanc a se ipso non removet, sed cum Angelis etiam ipse homines custodit.

**Ad VII.** Plus est redimere, quam custodire, quia redimere est mortuum vivificare, custodire est in vita conservare. Ille est actus solius Dei, cuius est proprium vitam primo conferre; hic vero est etiam actus creaturæ, quæ præstantioris sit naturæ, & virtutis etiam potentioris; quales sunt Angelii. Unde si Angelii non potuerint hominem a Dæmonum captivitate erubere, possunt quidem hominem sic custodire, ne denuo in Dæmonum incidat servitutem.

**Ad VIII:** Solus Christus est mediator immediatus, per naturam, & primarius; Angeli vero dicuntur mediatores, ut pariter dicuntur Sancti apud Deum, mediati, per gratiam & divinam ordinationem, & secundarii, aut minus principales. Hoc autem non officit dignitati Christi; sicut non

non officit filio Regis ministros habere , qui deserviant ei in administratione regiminis , quod sibi a Patre est demandatum .

Dicimus II. Singulos custodes Angelos a Deo deputari singulis hominibus, sive parvulis, sive adultis, sive fidelibus, sive infidelibus, sive prædestinatis, sive reprobis, sive iustis, sive peccatoribus . Est communis non solum inter Theologos , verum quoque inter Catholicos ; non est tamen de fide ; quia nec Ecclesia hoc aperie definiuit , nec unquam in Scripturis manifeste legitur , nec de eo est unanimis Patrum sententia . Attamen quum ex Scriptura colligatur, quum Patres majori ex parte eam doceant , quum Theologi in ipsa convenienter , temeraria esset propositio , quæ eidem adversareretur . Unde afferit Estius :

„ Valde probabile est , unumquenque hominem , præsertim fidem & electum , habere deputatum sibi peculiarem Angelum bonum , velut custodem , ducem , ac directorem , inter tot pericula tam animi , quam corporis , quibus hæc vita plena est : Etenim id est Scripturis admodum consentaneum , & sententiis Patrum celebratum „ . In editione neapolitana anni 1720. apud Parrinos , in notis sic legitimus verbum illud , valde probabile , explicatum . „ Valde probabilem appellat ; quod non ita accipendum esse censeo , ut a modernis moralibus Theologis , qui vulgo Probabilistæ audiunt , communiter explicatur ; itaut in utramlibet partem disceptari possit : sed eo sensu , quo Augustinus , & non semel S. Thomas , hoc nomen Probabile acceperunt ; nimirum : ut rem probaram , & de qua prudenter dubitari non possit , significet . Certe Dionysius Petavius t. 3. theol. dog. lib. 2. de Angelis c. 4. christianum dogma ; & num. 7. Christianorum Theologorum decreta , eam sententiam dicere non dubitavit „ . Est contra Calvinum , Magdeburgenses , nuperum Heterodoxum & librorum plurimorum eruditione notissimum , Joannem Clericum , aliosque ejusdem furoris homines ; est etiam contra Magistrum sententiarum , ut diximus .

I. Probatur ex Scripturis . Matth. 18. Angelorum eorum in celis semper vident faciem Patris &c. Non dixit Angelus eorum , sed Angelus eorum: ergo singuli pueri illi singulos habebant custodes Angelos. Acto. 12. Petro pulsante dicunt fideles: Angelus ejus est: ergo compertum illis erat , Petrum habere custodem Angelum , qui Angelus

eius erat ; & sic pariter credebant de ceteris hominibus. Judith 13. etiam dicitur: Angelus ejus . Et Genes. 48. Jacob loquitur dicens: Angelus , qui eruit me de cunctis malis ; ergo erat Angelus ejus; hoc est peculiaris illius custos a Deo deputatus .

II. Probatur ex Patribus . Hieronymus sup. Matth. 18. ad verba illa : Angeli eorum : subdit : Magna dignitas Animarum , ne unaqueque babeat ab ore nativitatis in custodiā sui Angelum deputatum . Et ad verba Eccl. 5. Ne dicas coram Angelo : Non est providentia; exponit: Non enim in vento dicta transiunt , sed a presente Angelo , qui unicuique adhæret comes , statim perferruntur ad Dominum . Basilius lib. 3. cont. Eunomium: Quod autem unicuique fidelium adsit Angelus , tanquam pedagogus aliquis , & pastor vitam gubernans , nemo contradicat , qui Domini verborum meminerit dicentis : Ne contemnatis unum ex his pusillis ; quoniam Angelii eorum semper vident faciem Patris mei , qui in celis est . Idem in Psal. 48. Cui libet fidelium est Angelus afflens . Chrysostomus in c. 18. Matth. His manifestum est , quia omnes Sancti Angelos babeant . Origenes hom. 11. in Num. Ex illo Astorum 12. Angelus ejus est ; habet : Ergo intelligitur esse & alius Pauli Angelus , sicut est Petri & & alius alterius Apostoli , & singulorum per ordinem . Eusebius lib. 13. præpar. evang. Angelus unusquisque ad custodiā divinitus datum .

III. Probatur Rationibus . I. Si quilibet homo suum non haberet Angelum custodem , vel ideo esset , quia unus custos daretur pro omnibus hominibus , vel quia daretur pro duobus , aut tribus , aut quatuor &c. ; sed neutrum dici potest : ergo &c. Probatur minor. Non posset dari duobus , aut tribus ; quia non posset esse comes , ut est Angelus custos , duorum , vel trium ; si enim illi in diversas se conferrent plagas , non posset Angelus se ipsum multiplicare , ut cum iisdem pergeret . Neque posset esse unus Custos pro omnibus hominibus ; quia hic satis esset ad gubernandam speciem , non vero singula individua ; quæ quidem singula , ut pote animalia , & rationalia , peculiari gubernatione , & custodia indigent: ergo singulis dantur hominibus . II. Ratio Magistri Sententiarum est , quia plures sunt homines , quam Angeli ; & proinde Angeli non sufficerent ; sed hoc est falsum ; quia , ut ait Frassen , verisimile est , quod in infima Hierarchia plures sint Angeli , quam homines actu , & de facto existentes ;

tes; non est proinde necessitas, ut dicamus, unum Angelum plures homines custodire. III. Hoc magis convenit magnificientiae ac liberalitati Dei, quod plures Angelos mittat in custodiam hominum, & in cuiuslibet hominis tutelam Angelum suum peculiarem ac designatum. Deus enim in aula sua non habet hanc Ministrorum penuriam, ut non possit singulis hominibus singulos adsignare custodes. IV. haec est differentia inter speciem humanam, & species aliarum rerum, quae intellectivæ non sunt; quod pro unaquaque specie unus fatis est Angelus; pro humana specie vero pro unoquoque individuo unus debet Angelus esse. Alter facere, esset contra dignitatem humanae naturæ supra cæteras materiales creaturas.

Probatur modo de Parvulis, & Adultis. I. Ex Hieronymo cit. loc. *Supra hoc unaquaque anima ab ortu nativitatis sibi deputatum habet Angelum.* Ergo habet ab infancia, deinde habet in pueritia, postea in adolescentia; & sic deinceps. II. Sive ut explicat & intelligit S. Thomas, quod loquatur Hieronymus de nativitate extra uterum, non intra uterum; sive ut sensuunt alii de nativitate intra uterum, & non extra; semper quidem, sive extra uterum, sive intra, infantes & parvuli Angelorum custodia indigent. Et quidem intra uterum docet S. Anselmus in Elucidario: *Unaquaque anima dum in corpus mittitur Angelo committitur.* Ulterius, postquam anima corpori unitur, ad ejus custodiam, Angelo indiget. Et indiger ad multa, tum ut custodiat corpus a conterraneis potestatis vexatione, tum ut anima tunc creata tunc etiam disponatur ad bonum, tum ne moriatur, & baptismi beneficio privetur: Ergo etiam pro tempore illo Angelum habet. Quod si recurratur ad Angelum Marris, & dicatur, quod hic idem custodiat puerum in utero ejusdem existentem, dicitur, quod Angelus matris custodit illum quantum pertinet ad bonum matris; quantum vero spectat ad bonum pueri consonum est, ut illum custodiat Angelus, qui ipius sit custos.

Probatur insuper de Reprobis I. quia Reprobis datur auxilium sufficiens ad salutem: ergo datur Angelus custos. Probatur consequentia. Custodia Angelorum est auxilium sufficiens ad salutem: ergo si datur unum, datur aliud. Probatur antecedens. Deus permitit Reprobos ten-

*PAR. II.*

tari a Dæmone: ergo debet illum defendere per Angelum, ad hoc ut der ei sufficiens hoc auxilium ad resistendum Diabolο II. quia etsi Angelus non perducat Reprobum ad vitam æternam, revocat nihilominus illum a plurimis peccatis, quæ committeret, si Angelus ei non assisteret. III. quia si Deus permittit, quod Prædestinati habeant Dæmonem tentantem, permittit quoque, quod Reprobi habeant Angelum auxiliantem.

Probatur similiter de Infidelibus, & Peccatoribus quibuscumque. I. Quia de quocunque homine viatore, etsi infideli, etsi peccatore, possumus sperare salutem usque ad vitæ suæ finem: ergo ad hanc procurandam Angeli custodia indiget. II. Quia si datur fidelibus, & justis, Dæmon tentans illos; ita etiam datur infidelibus, & peccatoribus, Angelus adjuvans eosdem. III. Quia potest infidelis, vel peccator, evadere pejor per majora & & atrociora peccata: ergo ad impedendum illa datur Angelus custos. IV. Quia SS. Patres Hieronymus, Bernardus, aliquique, docentes, unumquemque hominem suum habere custodem Angelum, non distinguunt inter fidelicem, & infidelem, prædestinatum ac reprobum, justum & peccatorem.

Arguunt I. Pueruli nec possunt peccare, nec possunt mereri: ergo custodiā Angelorum non habent. II. Verba illa psal. 90. *Angelis suis mandavit de te,* ad custodiā te, dicta sunt tantummodo iustis: ergo peccatores non habent custodes. III. Ex Chrysost. hom. 3. sup. Coloss. i. *Id est tam* tum homines habent Angelopam custodiā: ergo infideles non habent. Sunt Chrysostomi verba: *Olim congruentes numero Gentium erant Angeli, nunc autem congruentes numero fidelium.* IV. Ex Didymo apud Damascenum lib. 4. Parallel. c. 7. *Probi ac sancti viri lucidos Angelos custodes habent; mali autem tenebrojos.* V. Ex S. Basilio in Com. in Isai. ad verba illa: *Et anferam sepem ejus &c.* scribente: *Fieri etiam potest Angelum ut cum unusquisque nostrum habeat sanctum, qui casta metatur in circuitu timentium Dominum, in peccatis deprehensus, huic plaga, quam minatur, fiat obnoxius, & muro privetur, hoc est sanctarum virtutum tutela.* Et in Psal. 3. *Cuique credenti in Dominum Angelus assistit, nisi forte nos ipsum improbis factis effugemus: nam ut apes sumus in fugam agit, & columbas malus odor abigit; ita vita nostra custodem Angelum lacrimosum, factidum pec-*

*Qq*

*catum.*

*catum repellit : ergo ex Basilio soli fideles, & soli justi custodes Angelos habent.* VI. *Unus homo multis regendis hominibus sufficit: ergo unus Angelus multis hominibus custodiendis sat est.* VII. *Ex nostra Conclusione sequeretur, quod si singuli homines singulos habuerunt custodes: ergo etiam Christus suum habuit custodem; hoc autem non est dicendum: ergo neque illud.* VIII. *Pariter ex nostra assertione inferretur, quod etiam Antichristus suum habebit custodem Angelum; sed hoc dici non potest: ergo neque primum.*

Respondemus ad I. quod quanvis pueruli pro tempore illo nec peccare, nec mereri possunt, quia rationis usum non habent, poterunt tamen temporibus subsequentibus, quibus usum habebunt. Unde custodes Angeli illis prosunt, sic eos illuminando, disponendo, aprando, ut peccare vel nolint, vel rarius velint, in aetate illa, in qua valebunt peccare.

Ad II. quod per verba illa intelligitur quidem speciale mandatum, datum a Deo Angelis, ut custodiant homines justos; sed non per hoc excluditur mandatum, iisdem impositum, ut custodiant peccatores, vel reprobos. Et quidem speciale mandatum est pro justis, ut custodiant eos in omnibus viis eorum; quia hoc mandatum de injustis verificari non potest, quum non omnes viæ eorum ita sint rectæ, ut in iis possint illos Angeli eorum custodire, protegere, & adjuvare.

Ad III. Chrysostomum intelligit Estius de peculiari & efficaci custodia, qua homines ad æternam vitam dirigantur. Cæterum nunquam Chrysostomus aperte affectuit, infideles Angelorum custodia carere. Et aliquando etiam dixit; fideles habere custodes Angelos excellentiores: ergo non negat, quod infideles non habeant, sed tantum inferri potest ex ipso, quod custodes habeant Angelos minus excellentes.

Ad IV. Intelligendus est Didymus de illis Angelis, quorum nutibus assentiunt viri boni, & viri perversi. Lucidi quidem sunt Angeli illi, quibus adhaerent justi, quia sunt Angeli lucis; tenebrosi vero sunt illi, quibus obediunt perversi, quia sunt Angeli tenebrarum.

Ad V. Basilius in utroque loco loquitur de custodiæ exercitio respectu hominum impiorum, quod ab iisdem pravis eorum operationibus impeditur: Non autem loquitur de custodia, quæ vere de illis a-

Deo demandata est Angelis. Hoc vero, quod dicit, Angelos elongari, abesse &c. intelligitur, quod locum non habent in perversis hominibus bororum Angelorum hortamenta, & admonitiones; & proinde peccatores recedendo ab eis voluntate, faciunt, ut dicatur, Angelos ab ipsiis metu recedere, & abesse. Cæterum aliquando etiam Angeli a justis abesse dicuntur; sed qua ratione, explicatur ab Ambrosio ad verba psal. 35. Qui juxta me erant, de longe steterunt, dicente: Ne abhorreat mysticus pietatis affellus, ut pro Angelis dixerit, qui prætendunt timentibus Dominum, ut expiari eos de tentationibus, quas ferre non possunt: quomodo ergo longe stand, qui in adjumentum sunt attributi? Sed non illi se separant, sed qui prægetur temptationibus putat eos longe abesse, quos proprius adest desiderat, & arbitratur dissimilare, cum illi juvandi tempus nunc sui Superioris expesset, qui athletam suum, quo gloriose vinceret, diutine certare precepit.

Ad VI. responderet S. Thomas, deputari unum Angelum ad custodiæ unius hominis, quatenus hic est talis singularis homo, non vero prout est alicujus communis membra, vel alicujus collegi pars. Nec mirum; quia etiam aliquando unus homo deputatur ad custodiæ unius hominis; & unus homo ad gubernium civitatis, vel provinciæ, vel regni. Addunt, quod Angelorum potestia est finita, & proinde major ubi est unita, & non dispersa; & hinc colligitur dignitas animarum, quum ad quamlibet illarum totam unius Angelis virtutem Deus deputaverit.

Ad VII. Re vera Christus Dominus custodem Angelum non habuit, quia nunquam fuit homo viator, nos autem de hominibus viatoribus loquimur. Unde docet S. Bonaventura dist. 11. q. 3. Christus non indigebat Angeli custodia, nec ipsa cum decebat. Non egebat, quia adversarius ejus nec poterat opprimere per violentiam corpus Divinitati unitum; nec poterat seducere penitentias intellectum a Verbo plenarie illustratum; nec poterat allicere per blanditias affectum plenitudine gratia confirmatum... Nec etiam ei competit. Custodia enim in custodiente respectu custoditi dicit præsidentiam quandam; & quia Angeli Christo Domina suberant, non præerant; ideo nec aliquod officium præsidentia ipsius Angelis respectu Christi committi debebat; & propterea nullus Angelus debuit deputari ad custodiendum Christum.

*Christum, sed Angelorum multitudine debuit deputari ad ejus ministerium.*

Ad VIII. Antichristum habiturum quoque suum Angelum custodem, docent S.Thomas, S.Bonaventura, & Alensis, apud Frassen. Quod colligunt ex eo, quod Deus velit omnes homines salvos fieri; unde nullum excipit, omnes comprehendit, etiam peccatores, & consequenter ipsum quoque Antichristum. Præterea, custodia Angelorum est auxilium generale commune, quod nulli hominum denegatur; quanvis aliquibus quædam specialia auxilia denegentur; igitur nec Antichristo denegari debet.

Dicimus III. Angelos deputari ad custodiam hominum propter sex; quæ sunt; increpare pro delictis, a peccatorum vinculis absolvere, Dæmones coercere, obstatua ad virtutem removere, orationes hominum offerre Deo, & mærentes consolari. Enumerantur a S.Bonaventura, & referuntur, explicantur, ac probantur a Frassen.

Objiciunt I. Admittuntur custodes Angeli pro aliis rebus præter homines; sed cum aliis rebus non possunt hos effectus exercere; ergo vel verum non est, quod alias res custodiant; vel falsum est, quod effectus illos exerceant. II. Dantur quoque custodes regnum, provinciarum, urbium, ecclesiæ, collegiorum &c. munus autem horum non intelligitur quale sit, quum satis intelligatur præfata munia exerceri ab unoquoque singulorum hominum custode. III. Beatissima Virgo vel habuit custodem, vel non habuit? Si habuit; non potuit cū illa prædicta munera exercere; si non habuit; non ergo est verum, quod quilibet homo suum Angelum custodem habeat. IV. Adam in statu innocentiae vel habuit pariter custodem, vel non habuit? Si primum; non verificatur tertia conclusio: Si secundum; non verificatur secunda.

Respondemus ad I. Utique admittuntur custodes Angeli pro aliis rebus. Docet enim Augustinus lib. 83. qq. quæst. 79. *Unaquæque res visibilis babet angelicam potestatem sibi præpositam.* Docet quoque Origenes c. 8. in Jeremiam: *Omnibus rebus Angeli præsident, tam terra, & aqua, quam aeri, & igni; id est principalibus elementis; & in hoc ordine pervenire ad omnia animantia, ad omne germen, ad ipsa quoque astra cœli.* Effectus autem illas non est necesse ut producant in omnibus rebus, sed sat est, ut producant in hominibus, propter quos

P.R. II.

res illæ conditæ a Deo fuerunt. Servant vero res illas propter homines, quibus etiam consulunt in rerum illarum conservatione.

Ad II. dicitur, quod effectus illos producunt in hominibus illis, quorum gubernio regna, provinciæ, urbes, & cætera subsunt. Angelus enim custos personæ providet de iis, quæ spectant ad personam; Angelus vero custos Ecclesiæ, providet de illis, quæ ad ecclesiam pertinent. Quod autem regna, provincias, ecclesiæ, &c. Angeli vere custodiant, docet Origenes hom. 35. in Lucam: *Principibus, id est Angelis, ab exordio terra divisa est.* Docet Theodoretus in c. 10. Danielis, ex Matth. 18. concludens: *Archangeli vero illud munus impositum, ut Gentium sint prefetti.* Docet Clemens Alexandrinus lib. 6. Stromat. *Per Gentes, & Civitates diversæ sunt Angelorum prefectoria.*

Ad III. Beata Virgo, quia intrinsece non erat impeccabilis, sed tantum extrinsece, ideo habuit quoque custodem Angelum. S.Bernardus ep. 77. vult, fuisse Gabriælem Archangelum; qui, ut ait S.Ambrosius, *ipsam consolabatur in angustiis, & diuina ipsi mandata & arcana intimabat.*

Ad IV. De primis parentibus idem est iudicium apud S.Bonaventuram, Alensem, &c. Ratio est, quia in statu innocentiae habuerunt malum Angelum, qui eos tentavit; ergo etiam habuerunt bonum, qui eos adjuvit.

Dicimus IV. non habere hominem quemlibet Angelum malum, sicut habet Angelum bonum. Est communis inter Theologos, quanvis unus aut alter contrarium assertat.

I. Probatur. Opinio, quæ nostræ opponitur conclusioni, nullum habet fundatum, nec in Scripturis, nec in Patribus: ergo non est admittenda. Antecedens patet; quia nulla testimonia afferuntur a tuentibus eam; & si qui Patres nominantur, eorum verba in responsionibus ad argumenta explicabimus. Sequitur consequentia; in rebus enim, ut dicitur, de facto, & quæ a Dei voluntate pendent, nihil ex nobis possumus affirmare, nisi Scripturæ doceant, aut Patres.

II. Opinio hæc nititur Gentilium errori, quo credebant, quemlibet hominem habere duos genios, unum bonum, & alterum malum; cui etiam congruit Mahometanorum superstitionis, qua credunt, singulis hominibus binos Angelos assistere,

Qq. 2 unum

unum a dextris, alium a sinistris, quorum ille scribit benefacta, hic vero malefacta hominis illius; ut legitur in libro, cui titulus: *Doctrina Mahometi*; & refert Estius. Unde ex his idem Estius concludit, opinionem hanc de malo Angelo cuique homini adhaerente, spectare magis ad fabulas falsarum religionum, quam in doctrina christiana solidum habere fundatum.

III. Scimus ex historiis sacris plures Dæmones tentasse unum hominem; & scimus etiam aliquando Dæmones quibusdam perversis hominibus, qui culpas suas Dæmonibus imputabant, objecisse, ex semetipsis tantummodo periisse; ergo si vera sunt exempla ita; nec unus homo habet unum Dæmonem, sed aliquando plures; nec singuli homines singulos Dæmones habent, quandoquidem homines interdum ita sint pessimæ voluntatis, ut absque Dæmonis tentatione peccent, & sine Dæmonis labore damnentur.

Obstant I. Origenes hom. 12. & 13. super Lucā opinionem nostræ contrariam docuit: ergo habet fundamentum in Patribus. II. Cassianus collat. 8. c. 17., & collat. 13. c. 12. eandem sequutus est doctrinam: ergo non est singularis. III. Magister Sententiæ eandem amplexus est

Sententiam, & pro se citat S Gregorium Papam: ergo opinio defensores habet Scholasticos, & Patres.

Respondemus ad I. In homiliis illis, in quibus hanc tradit opinionem, multa alia tradere absurdâ; unde non mirum si inter tot absurdâ hoc etiam commentum inveniatur. De cætero Origenes illud a Platonici didicit, & Christianos docere conatus est; sed in cassum, quia cæteri Patres ei non adhaerunt.

Ad II. In hoc errore, sicut & in aliis, Cassianum reprehendit S. Prosper lib. cont. Collatorem, hoc est cont. Cassianum c. 27. Petavius aliter intelligit Cassiani errorem, & Prospere reprehensionem, i. 3. theol. dogm. lib. 2. de Angelis c. 6. n. 9. Utitur Cassianus, utitur & Origenes, auctoritate libri Pastoris; sed ex Hieronymo in prol. galeat. hic liber apocryphus est, & eum Gelasius Pontifex inter apocrypha rejecit; ut legitur in c. sancta romana Ecclesia dist. 15.

Ad III. Verba illa, quæ dicit Magister esse Gregorii, apud Gregorium non inventiuntur; leguntur tamen in libro sententiæ Hugonis a S. Victore; unde deceptus est Magister, credens habere pro se Gregorium, quum haberet Hugonem, qui multum Gregorio est inferior.

## DISSESTITO CIL.

### De Merito Angelorum: An meruerint; quid vero, & per quid meruerint?

**A**ngelos ab initio creatos non fuisse a Deo in statu beatitudinis supernaturalis, in Dissertat. CXXXVIII. probavimus; hinc sequitur illos ex proprio merito eam obtinuisse. Quod adeo certum & extra controversiam est inter Theologos, ut contrariam opinionem Valentia temerariam dicat, & erroneam; Molina vero periculosa in fide affere. se non dubitet, Unde Vasquez disp. 229. c. 1. n. 1. credat, vel neminem eam ha- stenus docere ausum fuisse, vel solum habuisse innominatos Auctores, quos Magister sententiæ in II. dist. 5. c. ult. insinuare tantum videtur. Pro certo igitur habentes Theologi de schola, fuisse in Angelis meritum, querunt; an meritum fuerit duratione ac tempore præce-

dens; an subsequens; an duratione concomitans; & natura præcedens, beatitudinem? In qua quidem controversia opiniones, quæ inter se discrepant, sic nostra consueta methodo enumeramus.

Prima opinio est Magistri sententiæ cit. loc. volentis, Angelos habuisse beatitudinem ex meritis subsequentibus; quam sequitur Alcisiorense, & probabilem, censent Albertus, S. Bonaventura, & Major. Attamen Molina opinionem hanc judicat non satis tutam; & Estius afferit, eam talem esse, ut Scholastici omnes selectis erroribus annumerent.

Secunda opinio docet, Angelos meruisse beatitudinem per gratiam, qua confirmati sunt; hoc scilicet pacto, ut fuerit simul præmium cum merito; ita ut meritum nec præcesserit, sed subsequutum fuc-

fuerit. Hanc etiam opinionem, assert Estius, placuisse S. Bonaventurę, & Marsilio; immo etiam S. Thomę in II. dist. 5. & quodlibet. 9. ar. 8. Quanvis deinde S. Doctor ab hac opinione recesserit, eanque refutavit in Summa I. p. q. 62. ar. 4. in corp.

Tertia opinio est directe contraria primę, & docet, Angelos non habuisse beatitudinem ex meritis subsequentibus. Et in ea convenientiunt Doctor Angelicus, & Doctor subtilis; prior I. p. q. 62. ar. 4., alter in II. dist. 5. q. 1. §. ideo tenetur. Et præter utriusque scholę affectas eam quoque amplectuntur Amicus, Vasquez, Estius &c. Immo assertunt Vasquez, Molina, & Arriaga, quod neque etiam secundum diversam providentiam Dei potuerunt Angeli habere beatitudinem ex meritis subsequentibus; quanvis potuerint ex talibus meritis habere aliquod beatitudinis augmentum.

Dividuntur ulterius Scholastici, qui convenient, quod ex meritis subsequentibus Angeli beatitudinem non habuerint, in hoc, quod disputant, an merita præcesserint tempore etiam, an vero solummodo natura? Et in hoc etiam hæc sunt divisorum opiniones.

Prima est illorum, qui docent, Angelos bonos non habuisse beatitudinem ex meritis præcedentibus tantum natura, sed plene & consummate meruerunt eam, tempore & duratione prius, quam receperint. Defenditur ab Estio, Joanne & S. Thoma, Goneto, Vasquez, Amico, Lugo, Cacherano, &c.

Secunda vero defendit præcessionem meritorum natura tantum, & non tempore. Tribuitur S. Bonaventurę, Egidio, Richardo, Alberto, Cajetano, &c. Non convenient tamen hi omnes in explicandi modo; ideoque inter se acris di gladiantur. His prænotatis

Dicimus I. Angelos meruisse.

I. Probatur ex Scripturis. Ad Hebr. I. Cum iterum introducit Primogenitum in orbem terrę, dixit: Adorent omnes Angelii ejus. Hæc autem adoratio in Angelis fuit meritum, quia erant in via, & propterea credebant, quod adorabant: Unde habuerunt etiam ineritum fidei, spei, charitatis, & virtutis religionis, quam in adoratione exercuerunt. Apocalyp. 21. Mensura hominis, quæ est Angelis; quæ verba, ut ait Fraisen, quidam interpretantur, quod eadem ratione Deus se habeat erga homines, ac se habuio erga Angelos.

in danda illis gloriam; & quia hominibus dabit post merita præcedentia, ita etiam dedit Angelis.

II. Probatur ex Patribus. Augustinus lib. 4. de Genes. ad lit. c. 24. Angelos beatitudinem consequutos, quia omnia sua ad Dei gloriam retulerunt. Et lib. de correptione & gratia c. 11., de primò homine loquens: Noluit permanere; profecto ejus culpa est; cuius meritum fuisset, si permanere voluisset. Sicut fecerunt Angelii sancti, qui cadentibus aliis per liberum arbitrium, per liberum arbitrium steterunt ipsi, & hujus mansionis mercedem recipere meruerunt; tantam scilicet beatitudinis plenitudinem, qua eis certissimum sit semper, se in illa esse mansuros. Et lib. de dono perseverantie c. 7. Diabolo cum suis cadente, in veritate steterunt, & ad securitatem perpetuam non cadendi, in qua nunc eos esse certissimi sumus, pervenire meruerunt.

III. Probatur Rationibus. I. Beatitudo est finis creature rationalis; at non est finis consequendus per operationem, quam dicunt factivam: ergo est consequendus per operationem, quam dicunt meritoriam. Explicatur argumentum. Distinguit Scotus duplēm operationem, quæ ducat in finem; alteram vocat factivam finis, & est quando finis non excedit virtutem operantis propter finem; aliam nominat meritoriam finis, & est quando finis excedit virtutem operantis propter finem; & afferit, quod tunc finis expectatur ex dono alterius. Negari igitur non potest, quod beatitudo sit finis creature rationalis; negari insuper non potest, quod beatitudo excedat omnem naturam creatam; sequitur ergo, quod quum eam non possit Angelus consequi per operationem effectivam, per meritoriam consequatur. II. Eadem capacitas consequendi beatitudinem est in homine, & in Angelo: ergo sicut homo consequutus est eam per propria merita, ita etiam per propria merita consequutus est Angelus. Consequentia probatur. Angelii sunt aptiores ad merendum, quam homines: ergo a fortiori Angelii per merita consequuti sunt. Insuper; Homines sunt infirmi, & imbecilles, & tamen illis non datur gloria sine merito: ergo a fortiori nec dabitur Angelis. III. Angelii acceperunt beatitudinem a Deo, sed non acceperunt ab inicio creationis: ergo acceperunt post tempus viæ; atqui in via meruerunt: ergo beatitudinem meruerunt. Probatur minor subsumpta. Via est

est locus & tempus pugnæ, & laboris; terminus deinde est status victoriae & quietis: ergo in via meruerunt, & meruerunt beatitudinem, quam in termino obtinuerunt.

Dicimus II. Angelos meruisse & obtinuisse, non per merita subsequentia, nec concomitantia, sed præcedentia, non solum natura, verum quoque duratione.

I. Probatur. Homo consequitur beatitudinem per merita præcedentia: ergo pariter Angelus. Probatur consequentia. Conveniunt homines, & Angeli, in multis, quæ beatitudinem respiciunt, tam in consequiture, quam in conservatione, ipsis: ergo convenient etiam in hoc. II. Instantum Adversarii dicunt, quod per merita subsequentia consequunti sint Angelii beatitudinem; quia afferunt, merita Angelorum esse obsequia, quæ hominibus præstant in custodia, quam de illis habent; sed hoc est commentum Hæreticorum: ergo &c. Probatur minor. In antecedenti Dissertatione diximus, hunc fuisse errorem Origenis; contra quem omnes Theologi clamant; tum quia nunquam consuevit Deus dare præmia antecedenter ad merita; tum etiam, quia custodia Angelorum non est causa meritoria beatitudinis Angelorum, sed illius est effectus; quum procedat ex illorum charitate, quæ in illo statu perfecta est in illis; quod mox in 4. concl. videbimus. III. Neque potest dici per merita concomitantia; quia vel esset idem actus meriti, & præmii, vel essent duo actus distincti: Non idem actus, & probatur sic a S. Thoma: Hic actus ut sit meritorius debet esse gratia informatus, & gratia quidem imperfecta, quæ est principium merendi; ut vero sit præmii, debet esse cum gratia perfecta, quæ est principium fruendi; atqui nequeunt stare in uno eodemque actu: gratia imperfecta, & perfecta: ergo &c. Nec distincti actus; quia si non possunt esse simul in eodem gracia perfecta & imperfecta, & ideo non possunt esse simul meritum & præmium; hæc repugnantia non minus habet locum respectu unius actus, quam duorum actuum, dummodo sint in eodem subjecto: ergo æque implicant merita illa concomitantia respectu unius actus, quam respectu duorum.

Dicimus III. Angelos meruisse augmentum gratiæ sanctificantis, & beatitudinem supernaturalem.

I. Probatur. Sicut modo viator est homo,

ita & tunc viator fuit Angelus; sed homo, qui est viator per actus ordinis supernaturalis meretur augmentum gratiæ sanctificantis, & beatitudinem supernaturalem: ergo pariter meruit Angelus, qui erat viator. II. Angeli in statu viæ meruerunt, quod consequuti sunt in termino; atqui in termino consequuti sunt beatitudinem supernaturalem: ergo eam etiam in statu viæ meruerunt. III. Tam augmentum gratiæ sanctificantis cadie sub meritum, quam ipsa supernaturalis beatitudo: ergo utrumque Angeli meruerunt. Probatur consequentia. Angeli erant in statu merendi, quia erant in via; augmentum gratiæ sanctificantis, & beatitudo supernaturalis, cadebant sub meritum: ergo utrumque merebant.

Dicimus IV. Angelos non meruisse per obsequia, quæ Deo circa homines exhibuti erant; sed per suos supernaturales actus tunc temporis elicitos.

I. Probatur. Si Angeli meruissent per obsequia, quæ Deo circa homines exhibuti erant, a termino pervenissent ad viam; sed hoc est implicans, & absurdum: ergo & illud. Minor patet; quia via est medium, per quod pervenitur ad terminum. Sequela probatur. Obsequia illa nondum erant, & tamen erant loco viæ; beatitudo jam ab Angelis supponebatur acquisita, & tamen erat terminus: ergo a termino pervenissent ad viam. II. Obsequia illa, ut dictum est, procedunt ex charitate perfecta: ergo procedunt ex beatitudine: ergo non cauissent beatitudinem. Prima consequentia patet; quia charitas perfecta est principium fructus, ut diximus: ergo beatitudinis. Secunda consequentia sequitur. III. Sancti homines vita functi etiam exercent hujusmodi actus charitatis orationibus præcipue suis circa homines; & tamen non per illos beatitudinem consequuntur: ergo pariter Angeli. Probatur consequentia. Ideo Sancti homines per illos actus beatitudinem non consequuntur, quia actus illi non possunt habere rationem meriti respectu præmii essentialis, qualis est beatitudo supernaturalis; sed hoc non minus verificatur respectu hominum, quam respectu Angelorum: ergo &c.

Arguunt contra præfatas omnes Conclusiones. I. Angeli habuerunt majus meritum, quam habent homines; sed majus meritum non potuerunt acquirere per brevissimum instans: ergo meritum ipsorum

I. **forum non fuit præcedens, sed subsequens ipsorum beatitudinem.** II. **Obsequia hæc, quæ exhibent Angelii Deo circa homines, est meritum in ipsis; at nullum meritum apud Deum est sine præmio: ergo obsequia illa habuerunt præmium; non subsequens: ergo præcedens.** III. **Nulla difficultas fuit in Angelis in prosequendo bonum: ergo nullum meritum fuit in ipsis.** Sequitur consequentia; non enim potest esse meritum sine labore merentis in superanda difficultate, quæ ipsis opponitur, quando operatur. **Antecedens etiam patet; quia natura angelica non erat ut est natura humana, infirma, debilis, & saucia per peccatum;** & quæ proinde magnam experitutur difficultatem in bono, quod operatur, vel prosequitur. IV. **Si Angelii tunc meruerunt, maxime meruerunt per actus fidei erga mysteria revelata;** sed hæc mysteria non fuerunt illis tunc revelata: ergo per actus fidei non meruerunt. Probatur minor ex Apostolo ad Ephes. 3., & 1. ad Timoth. 3. docente, mysterium Incarnationis fuisse absconditum a seculis in Deo, & per Ecclesiam, & Evangelium, innocentissimis Principatibus, & Potestatibus in cœlo. V. **Angeli non cognoscebant Christum, quando in cœlos ascendebat:** ergo non habebant fidem de mysterio Incarnationis ejus. Probatur antecedens. Psal. 23. dicebant Angelii: *Quis est iste Rex gloriae?* Et Isaiae 63. *Quis est iste, qui venit de Edom, tinctis vestibus de bosra?* VI. Cognitio, quam habebant Angelii, erat evidens: ergo non erat per fidem; hæc enim non est evidens. VII. Nullum est assignabile tempus, quo potuerint Angelii mereri: ergo vere Angelii non meruerunt. VIII. Merendi tempus est in via; sed Angelii nunquam fuerunt in via: ergo non meruerunt.

**Respondemus ad I. distinguendo minorem;** non potuerunt Angelii acquirere meritum extensive majus per brevissimum instans, conceditur; intensive majus, negatur. Præmio non tantum responderet meritum majus extensive, hoc est per plura opera, & longo temporis intervallo acquisitum; sed etiam meritum intensive majus, scilicet perfectius, & præstantius, vel ratione principii, vel ratione objecti, vel ratione perfectionis actus; quale fuit meritum Angelorum. Hoc autem potuit etiam per brevissimum instans acquiri.

**Ad II. aliqui dicunt, quod per obsequia il-**

**la non merentur Angelii beatitudinem,** essentiale, sed tantummodo beatitudinem accidentalem; alii vero sentiunt, quod neque accidentalē beatitudinem mereantur, quia non sunt in statu merendi, quum non sint in via, sed in termino. Sicut ergo per assistentiam, quam Deo faciunt in cœlo, nihil merentur, ita per ministeria, quæ exerceant in terra; adimplent tantummodo quicunque officia illis a Deo imposita; & in adimplitione illorum gaudent, & lætantur; quod si hæc dicatur beatitudo accidentalis, hanc habent quidem ex Dei dispositione, sed non merentur.

**Ad III. distinguit Scotus antecedens:** Nulla difficultas fuit in Angelis in prosequendo bonum, quia non habebant sensibilem inclinationem ad oppositum, conceditur; quia non habebant proportionem ad objectum, ad quod tendere debebant, negatur. Explicatur distinctio. Difficultas ad bonum duplex est, una quæ provenit ex inclinatione voluntatis ad oppositum, altera, quæ oritur ex excellentia operis excedentis naturam operantis. Prima difficultas non fuit in Angelis, fuit autem secunda.

**Ad IV. plerique respondent,** ex Apostolo etiam ad Heb. 1. haberis, quod Angelii agnoverunt Incarnationis mysterium ab ejus initio, & Christum in ipso ejus conceptionis, vel nativitatis punto, adorarunt. Alia autem Apostoli verba intelligenda sunt de cognitione intuitiva ejusdem mysterii, quam tunc Angelii non habuerunt, quum cognoverint eam tantum per fidem.

**Ad V. dicimus cum Auctore libri de cœlesti Hierarchia c. 4. Divinum etiam humanitatis Iesu mysterium Angelis primum patet factum esse video;** deinde per eos ad nos cognitionis beneficium pervenit. Et cum S. Augustino lib. 7. de civit. Dei c. 32. *Ab exordio generis humani Incarnationis mysterium fuisse Angelorum ministerio prenuntiatum, & prefiguratum.* Interrogationes autem illæ vel Davidis, vel Isaiae, sunt qui dicunt, quod sint interrogations Prophetarum, non Angelorum; vel si Angelorum, non sunt Angelorum ignorantium, sed admirantium.

**Ad VI. distinguitur antecedens:** Cognitio, quam habebant Angelii, erat evidens, ex parte attestantis & revelantis, conceditur; quatenus Angelii evidenter cognoscabant, revelationem seu manifestationem posteriorum a Deo fieri: Ex parte rei

rei revelatae, negatur. Non repugnat autem fidei evidentia ex parte attestantis; quatenus nos quoque evidentiam habemus de eo, qui nobis afferit esse Americam, & tamen Amerieam esse credimus, & non evidenter scimus.

Ad VII. ut respondeamus, explicare oportet durationem vias Angelorum. Distinguunt in hac explicanda Theologi instantia nostri temporis, & instantia angelica; illa enim indivisibilia ponunt, haec vero divisibilia, & pluribus temporis instantibus æquivalentia. S. Thomas duo tantum instantia Angelis concedit; unum, quo creati sunt in gratia, & meruerunt; alterum, quo boni acceperunt esseentiale præmium æternæ beatitudinis, & mali supplicium æternum. Magister sententiarum distinguit tria instantia; unum, quo Angeli creati fuerunt beati in puris naturalibus; secundum, quo iusti meruerunt, & mali peccarunt; tertium, quo omnes fuerunt in termino, boni in beatitudinis, mali autem in tormentorum termino. Scotus insuper tria instantia ponit, non quidem indivisibilia, ut dicebatur, sicut instantia nostri temporis; in quorum primo vult Angelos fuisse creatoros, & accepisse naturam, & gratiam sanctificantem, & Creatori per amorem castum adhæsisse; etiam in instanti illo meruisse ratione amoris illius, sed in merito non omnes stetisse. In secundo vero instanti addit, fuisse factam discretionem inter bonos, & malos, perseverantibus bonis in merito, malis autem in perduellionem, & culpam ruentibus. In tertio denique instanti subdit, consum-

maram esse discretionem illam, quia boni fuerunt beatificati, mali vero damnati. Quæcumque eligatur ex his opinioribus, semper habetur sufficiens temporis morula, in qua Angeli meruerunt. Et hoc sat est ad responsonem proposito argumento dandam.

Ad VIII. Nemo Theologorum dixit, Angelos nunquam fuisse in via; solummodo inter ipsos dubitatur, quandiu Angelorum via duraverit. Et re vera, ut ait Frassen, res est incerta; quia aliqui volunt, Angelorum viam fuisse primam diem creationis mundi; alii sentiunt fuisse secundam diem; alii etiam putant fuisse omnes sex dies creationis; quia Deus post illas sex vidit omnia, quæ fecerat, & erant valde bona: ergo non adhuc inter illa erant Angeli mali, quia aliter non fuisse cuncta valde bona. Verum recentiores Theologi convenienter omnes, Angelorum viam breviorern valde fuisse illa, quam induxerunt in citatis tribus opinionibus veteres Scholastici; & hoc probant, cum ex multitudine auxiliorum, quæ fuerunt Angelis data; cum ex perfectione angelicæ naturæ in cognoscendo, & in assentiendo, vel dissentiendo; cum denique ex præstantia præmii illis propositi; quæ omnia breve tempus in Angelorum via requirebant. Ut autem de hoc sit, certum nobis est, quod ex omnium Theologorum, cum veterum; cum recentium consensu, Angeli habuerunt viam; quod pariter nobis sufficit, ut sufficientem proposito argumento demus responsonem.

## DISSESTITO CL.

*De Adoratione, & Invocatione Angelorum. Hæreses, earumque Auctores, enumerantur, ac proflicantur. Catholica veritas explicatur, ac defenditur.*



RIMO enumeramus Hæreticos illos, qui secundo instanti seculo, sub Severo Imperatore, & Victore I. Romano Pontifice, floruerunt, & Angelici dicti sunt. Originem nominis plerique repetunt, quia eis idolatriam abominarentur,

& unum Deum dicerent solum & unice esse colendum; Angelos nihilominus etiam cum Deo ipso adorabant. Alii putant, illos sic dictos, quia ipsorum aliqui, mundum ab Angelis factum fuisse, crediderunt. Sunt etiam qui volunt, ita appellatos fuisse, quod se ipsos in Angelorum ordine scriberent, & angelicam vi-

tam degere, gloriarentur. Denique non pauci ab Angelina nominatos credunt, qui locus est ultra Mesopotamiam situs, & in quo primum orti sunt. Re vera Epiphanius haeres. 60. fateatur, se hujus nominis caussam ignorare. S. Augustinus lib. de haeres. c. 39. hanc haeresim memorat, eamque afferit non diu, sed brevi, & ad modicum stetisse. Annatus denique in apparatu t. 2. lib. 7. scribit, hos haereticos fuisse Philosophos illos, sive Platonicos, sive alios, qui docendo, mundum ab Angelis conditum, Colossensibus, qui Christo nomen de recenti dederant, superstitionem Angelorum religionem suadere conabantur. Unde illis imponebant, colendos ac venerandos esse Angelos, ut mediatores inter Deum, & homines, & non Christum Dei Filium. Subdit quoque, contra hos scripsisse Apostolum in sua ep. ad Coloss. c. 2. n. 8. *Videte, ne quis vos decipiatur per Philosophiam, et inanem fallaciam;* & n. 18. *Nemo vos seducat, voleus in humilitate, et religione Angelorum.* Explicans scilicet verba haec:  
 „Seu in errore, & superstitione de indebitate colendis Angelis. Hoc est, videte, ne quis volens, idest haereticus, seu propria voluntate & electione ambulans, seducat vos, in hac falsa Angelorum religione, sponte excogitata, & sita in humili & superstitione gestu se prosternendi, & adorandi Angelos, ut mediatores, loco Christi Filii Dei unigeniti, & mediatoris unici, juxta illud ejusdem Pauli t. ad Tim. c. 2. v. 5. dicentis: *Unus enim Deus, unus & mediator Dei & hominum, homo Christus Jesus.* „

Secundo enumerandi sunt Haeretici quidam a Laodicæna Synodo II. can. 37. damnari, qui suscitantes Angelicorum errorem, Angelos adorabant in Christi Domini contemptum. Hi vero non a Philosophis, sed a Judæis dicebatur, quod ortum accepisset; quia Judæi Angelos adorabant, quod per eos legem accepissent. Dicebant insuper, Angelos esse mediatores inter Deum, & homines, cum Jesu Christi exclusione. Refert Theodoretus ad c. 3. ep. ad Coloss.

Tertio possunt etiam enumerari Origenes, Eusebius, aliquique apud Petavium, qui propter præsidentiam, quam Angeli habent regnum, eos quasi Numina illarum regionum reputabant; & in hoc convenire videbantur cum Gentilibus, quatenus in illorum Diis videbantur Angelos agnoscere. Sicque aliquo modo

PAR. II.

non colebant illos ut ministros, ut vere sunt colendi, sed ut Principes regnum illorum, & ut Gentiles dicebant, fortassis veluti Dii secundarii.

Quarto loco enumerandus est Calvinus, qui lib. 1. instit. c. 14. §. 12. dixit ex adverso: *Valeat Platonica illa Philosophia de querendo per Angelos ad Deum aditus, et ipsis in hunc finem colendis, quo Deum faciliarem nobis reddant, quam superstitionis curiosique homines conati sunt in religionem nostram ab initio invehere, et in hanc usque diem perseverant.* Et ad cap. 24. Genes. vers. 33. *Angeli non ideo nobis constituti benedictionum Dei ministri, ut a nobis invocentur, vel Dei cultum in se transferant.* Et ad cap. 2. Epist. ad Coloss. *Omnem cultum Angelorum a Paulo prohibitum esse.*

Quinto VVolfangus Musculus in locis communibus de oratione, haec habet: *Esto orent pro nobis Sancti, ex eo ne sequitur, esse illos invocandos, dicendumque ad eos; Sancte Gabriel, Sancte Michael &c. Ora pro nobis?* Possunt ne omnium necessitatum nostrarum esse gnari? Et in commentariis in psal. 33., & in c. 18. Matth. negat aperte, & ex professo, sanctos Angelos colendos, & invocandos esse.

Sexto adnumerantur a Coccio lib. 4. de Angelis ar. 4. Erasmus Sacerdos, in methodo in præcipuos Scripturæ locos c. de Angelis. Bartholomæus VVesteimerus ad psal. 33. Oecolampadius ad c. 6. Isaïæ. Bullingerus ad c. 19. Apocal. Roldolphus Gualtherus hom. 9. in Lucam. Augustinus Marloratus ad cap. 19. Apocal.

Catholica autem veritas est, Angelos adorandos ac invocandos esse, non quidem ut adoratur, & invocatur Deus, sed ut adorantur, & invocantur Sancti, cum Deo regnantes.

I. Probatur ex Scripturis. Genes. 19. 1. *Venerunt duo Angeli Sodomam vespere, sedente Lot in foribus civitatis. Qui cum vidisset eos, surrexit, & ivit obviam eis; adoravitque pronus in terram, & ait: Obscura, Domini, declinate in domum pueri vestri.* Num. 22. 31. *Protinus aperuit Dominus oculos Balaam, & vidit Angelum stantem in via evaginato gladio; adoravitque eum pronus in terram.* Josue 5. 13. *Cum esset Josue in agro Urbis Jericho, levaverit oculos, & vidit virum stantem contra se, evaginatum tenetem gladium, perrexitque ad eum, & ait: Noster es, an adversariorum? Qui respondit: Nequaquam, sed sum princeps exercitus Domini,*

R. mini,

mini, & nunc venio. Cecidit Josue pronus in terram. Et adorans ait : Quid Dominus meus loquitur ad servum suum ? Solve, inquit, calceamentum tuum de pedibus tuis: locus enim in quo stas sanctus est. Fecitque Josue ut sibi fuerat imperatum. Zachariæ I. 12. Respondit Angelus Domini, & dixit: Domine exercitum usque quo tu non misereberis Jerusalēm, & urbium Iuda, quibus iratus es; iste jam septuagesimus annus est ? Et respondit Dominus Angelo, qui loquebatur in me verba bona, verba consolatoria. Tobiæ 12. 12. Dixit Angelus ad Tobiam: Quando orabas cum lacrimis, ergo obtuli orationem tuam Domina. Job, 5. Voca ergo, si est qui respondeat, & ad aliquem Sanctorum convertere. Ubi nomine Sanctorum Angelos intelligit Augustinus. Et c. 33. Si fuerit Angelus loquens pro eo unus de millibus, miserebitur ei, & dicet: Libera eum, ut non descendat in corruptionem.

II. Probatur ex Conciliis. Nicænum II. Concilium generale VII. Act. 3. & 6. Cum Dei timore omnia agamus, postulantes intercessionem intemerata Deipara & semper Virginis Mariæ, item Angelorum, omniumque Sanctorum. Consonat Ecclesiæ praxis, quæ in Canone Missæ post consecrationem quotidie Angelos, vel Deum per Angelos, rogat: Suplices te rogamus, Omnipotens Deus, jube, bac perfervi per manus sancti Angeli tui in sublime altare tuum in conspectu divinae majestatis ine. &c.

III. Probatur ex Patribus. Chrysostomus de incomprehensibili Dei natura hom. 3. cont. Anomæos: Rogant pro genere humano, quasi dicant: Pro his, Domine, rogamus, quos tu adeo dilexisti, ut pro eorum salute mortem obires, animam in cruce efflares; pro his supplicamus, pro quibus ipse tuum largitus es sanguinem; pro his oramus, pro quibus corpus tuum immolasti. Anastius Synaites lib. 1. Hexameron. Superne Potestates valde & vehementer defendunt, diligunt, ac protegunt, humanum genus, & pro eo orant, & intercedunt: quoniam per nos dignati sunt videre, quod per se non potuerunt. Hilarius in psal. 129. Sunt secundum Rappaelem ad Tobiam loquentem Angelii assistentes ante claritatem Dei, & orationes deprecantium ad Deum deferentes . . . Intercessione harum non natura Dei eget, sed infirmitas nostra. Missi enim sunt propter eos, qui hæreditabunt saluem. Deo ex his, quæ agimus, nihil ignorante, sed infirmitate nostra ad rogandum ac promerendum spirituallis intercessionis ministerio indigente. Hic-

ronymus ad c. 10. Danielis, ad verba illa: Nemo est adjutor meus in his omnibus, nisi Michael Princeps uester, inquit: Ego sum Angelus ille, qui offero Deo orationes tuas, & nullus est alius, qui adjutor meus sit, rogandi pro vobis Deum, nisi Michael Archangelus, cui creditus est Populus Judeorum. Augustinus ep. 120. ad verba: annuntiabitur Domino generatio ventura: scribit: Non sic accipiendum est, tanquam ne scienti aliquid annuntietur, ut sciat, sed sicut annuntiant Angeli non solum nobis beneficia Dei, verum etiam illi preces nostras. Bernardus ser. 12. in psal. 90. Adsunt igitur, & adsunt tibi, non modo tecum, sed etiam pro te adsunt, ut protegant; adsunt, ut profint. Quid retribues Domino pro omnibus, quæ retribuit tibi ? . . . Simus erga devoti, simus grati tantis Custodibus, redmemus eos, honoremus eos, quantum possumus, quantum debemus.

IV. Probatur Rationibus I. Angeli boni jam sunt in gratia confirmati, & Dei beatifica visione fruuntur: ergo merito a fidelibus adorantur: Non quidem adoratione, quæ Deo debetur, & Latria dicitur: ergo adoratione, quæ datur Sanctis, & Dulia vocatur. Prima consequentia sequitur ex ratione, qua Sancti adorantur in Ecclesia, quando eos Ecclesia declarat, cum Deo in celo regnare, in quo in gratia sunt confirmati, & beatifica Dei visione fruuntur. II. Angelus saltem Custos offert Deo orationes nostras: ergo orat pro nobis: ergo recte a nobis invocatur. Antecedens est certum; quia hoc est unum ex præcipuis custodiæ munib; consequentia sequitur; quia non est credibile, ut non oret pro nobis, quando orationes nostras Deo offert, & cum illis suas etiam non adjungat orationes. III. Angeli in Verbo vident indigentias nostras, sicut Sancti etiam vident: ergo non deest illis scientia eorum, pro quibus orare habent; amant etiam impense homines, præcipue qui juste vivunt; accessum insuper ad Deum habent, ut possint pro nobis fiducialiter intercedere. Quæ tria si concurrant semel in Angelis, cognitio, amor, & facilitas accessus ad Regem; non est cur dubitemus, an Angelii pro nobis orent in celo ad Deum. Quod si orant; recte invocantur; quod si invocantur, rite etiam adorantur. IV. Angelus Custos, qui nobis præsto est, videns tentationes, quibus urgemur, & percipiens clamores, quos dirigitus ad eum, ut pro nobis ad Deum inter-

intercedat; nemo credat, ut pro nobis Deum non orer; & eo magis, quod hoc etiam spectat ad sibi impositum custodiæ officium: Unde S. Bernardus ser. 12. in psal. Qui habitat, nos exhortatur: Quoties ergo gravissima cernitur urgente tentatio, & tribulatio vehemens insinuere, invoca Custodem Angelum tuum, Doctorem tuum, Adjutorem tuum in opportunitatibus, & tribulationibus; inclama eum, & dic: Domine, salva nos; perimus.

Arguunt I. Apostolus ad Colos. 2. prohibet dari Angelis sacrum & religiosum quemcunque cultum: ergo Angeli non sunt adorandi. Probatur antecedens per verba Apostoli: Nemo vos seducat volens in humilitate & religione Angelorum, quæ non vidit, ambulans frustra inflatus sensu carnis suæ. II. Laodicæna Synodus can. 37. prohibet etiam Angelos adorare; ergo superstitione est quæ datur Angelis adoratio, & Ecclesiæ canonibus opposita. III. Ex Theodoreto exponente verba Apostoli ad Colos. 3. Omnia in nomine Domini Iesu facite, & dicente: Hanc legem sequuta Laodicæna Synodus, ut veteri illi morbo remedium afferret, decrevit, non esse supplicandum Angelis, neque derelinquendum esse Dominum nostrum Iesum Christum. IV. Deus non indiget ministerio Angelorum, ut sciat orationes nostras; neque exigit preces Angelorum, ut succurrat necessitatibus nostris; sat enim per se ipsum, & est infinite sapiens, ut omnia cognoscat, & infinite providus, benignus, ac misericors, ut omnibus, & in omnibus succurrat: quum ergo Angeli nihil pro nobis præstare possint apud Deum, frustra a nobis invocantur. V. Solum Angelum Custodem nostrum adorare, & invocare debemus, & non alios Angelos, quia ille solus orat pro nobis: ergo cæteri Angeli non sunt a nobis collendi, & obsecrandi. Antecedens est doctrina Alensis, qui p. 4. q. 26. ar. 4. §. 2. docet: Unicuique nostrum Angelus bonus adest, qui regat, moneat: qui pro astibus nostris corrigendis, & miserationibus exposcendis, faciem Dei quotidie videat. VI. Leo magnus ser. 5. de Epiphania c. 4. amicitiam nobis habendam imponit cum Angelis, non vero adorationem; dicit enim. Confirmate amicitias cum sanctis Angelis: ergo non sunt vere a nobis Angeli adorandi, quanvis sint amandi.

Respondeamus ad I. cum Chrysostomo hom. 6. in c. 2. ad Colos. explicante verba illa Apostoli in argumento allata, & scri-

PAR. II.

bente: Quid sibi omnino volunt ista verba? Erant nonnulli dicentes: Non oportet nos per Christum aditum habere ad Deum, sed per Angelos; illud enim captum nostrum superat. Et hinc Apostolus inculcare pergebat, de Christo loquens: Per sanguinem crucis ipsius reconciliati sumus, & pro nobis passus est.

Ad II. afferimus verba can. 37. Laodicæna Synodi, quæ hæc sunt: Non oportet Christianos Ecclesiam Dei relinquere, & ire, atque Angelos nominare, atque Congregaciones facere, quæ interdicta noscuntur. Si quis igitur inventus fuerit huic occultæ idolatriæ inserviens, sit anathema, quia reliquit Dominum nostrum Iesum Christum Filium Dei, & se idolatriæ tradidit. Ex quibus pater, per Concilium non prohiberi omnem cultum Angelis, sed solum illum, quem in contemptum Domini nostri Iesu Christi Angelis Hæretici illi offerebant, quem nos quoque damnamus.

Ad III. Theodoreto opponimus Theodoretum, seu melius Theodoretum per Theodoretum explicamus. Ait Theodoretus cit. loc. Pertinere hæc ad quorundam bæresim, qui tanquam humilitate dotti, cum asserebant invisibilis universorum Deus nea attingi, nec comprehendendi possit, oportere per Angelos divinam fibi conciliare benevolentiam. De his autem Hæreticis idem Theodoretus ait: Morbus hic in Phrygia, & Pysidia longo tempore habet; cujus gratia Synodus apud Laodicæam, Phrygiae oppidum, habita lege voluit Angelos orare, hodieque oratoria S. Michaelis apud illos & eorum finitos videre licet. Unde Theodoretus nunquam intendit damnare quemcunque cultum Angelis exhibitum, sed illum dumtaxat, quem hæretici illi admittabant, & quem Laodicæna Synodus damnaverat. Tempore quoque Theodoreti fuisse oratoria in honorem S. Michaelis, & Angelorum, testatur Sozomenus lib. 2. c. 3., qui æqualis tempore eidem Theodoreto fuit; quod etiam confirmat Nicephorus lib. 7. c. ult.

Ad IV. Nec Angelos, dicimus, nec Santos, orare pro nobis ad Deum, quod Deus aut nesciat necessitates nostras, aut illis nolit succurrere; sed quod pro indignitate nostra quum nos deberemus ab illo non audiri, adhibemus amicos suos, qui pro nobis apud eum interpellent. Unde Angelicus Doctor 2.2. q. 83. ar. 4. docet: Oraçio porrigitur alicui duplicitate: uno modo quasi per ipsum implenda: alia modo sicut per ipsum impetranda. Primo

R r 2 qui-

quidem modo soli Deo orationem porrigimus : secundo modo orationem porrigimus sanctis Angelis , & hominibus , non ut per eos Deus petitiones nostras cognoscat, sed ut eorum precibus , & meritis orationes nostrae fortiantur effectum . Et ideo dicitur Apocal.8. ascendit fumus incensorum de orationibus Sanctorum de manu Angeli coram Deo . Et Durandus a S. Porciano in IV. dist.45. q. 4. ait : Beneficia divina descendunt in nos medianibus tam Angelis, quam animabus sanctis , non propter defectum divinae misericordiae , sed propter ordinem divinum considerandum , quo Deus vult bonitatem suam communicare inferioribus per superiores .

Ad V. Falsa est consequentia ; quia alias neque omnes Sanctos adorare , & invocare deberemus , sed solos illos , qui nostri sunt protectores . Possimus & alios Angelos , & alios Sanctos invocare , & debemus quoque adorare . Unde mos est

quibusdam invocare Angelos , qui sunt custodes vel Praetorium , vel Principum , a quibus gratiam obtinere sperant ; ad hoc ut Angeli illi iisdem inspirent affectum ad gratiam illam impertiendam . Alensis affirmit pro Custodibus , sed non negat de aliis .

Ad VI. Amicitia non opponitur adoracioni ; Christus enim Apostolos vocabat amicos , & ab iis adorabatur . Deus ab animabus justis , quae ejus sunt sponsae , amari vult tanquam ab amicis , & vult adorari , ut a creaturis , quae omnes debent illum amare , & illi servire . Sic de Angelis afferit S. Bernardus ser. 12. Simus ergo devoti , simus grati tantiis Custodibus , redamemus eos , honoremus eos , quantum possimus , quantum debemus : totus tamen ei redditur & amor , & honor , a quo tam ipsis , quam nobis est totum , unde honorare possimus , vel amare ; unde amari , honorari meremur .

## DISSESTITO CLI.

*De primo Angelorum Peccato , Heretici adducuntur;  
& impugnantur , afferentes , malos Angelos natura,  
non culpa , fuisse malos . Primi Angelorum  
Peccati adducitur origo , & species ;  
& qui fuerint Angeli prævarica-  
tores , illorumque Princeps ,  
investigatur .*



E malis Angelis acturi , quos-  
quunque erroris , sive de-  
illorum existentia , sive de  
malitia , sive etiam de essen-  
tia , aut Philosophi , aut  
Judæi , aut Hæretici , in-  
duxerunt , hoc in loco aggredimur ex-  
ponere . Ita tamen , ut expleto munere ,  
quod historiam respicit , ad dogma sta-  
tuendum deinde de Angelorum peccato ,  
& postmodum ad scholasticas con-  
troversias de eodem pertractandas , deve-  
niamus .

Primo est Aristoteles , qui malos esse An-  
gelos negavit . Putat Guilhelmus Alver-  
nus , deceptum a Dæmone familiari suo ,  
insaniam illam docuisse . Sunt verba Al-  
verni trac. de Legibus c. 24. apud Coc-  
cium : *Aristoteles malos esse Angelos , cre-*

*dere noluit , deceptus ab ipso familiari Da-  
mone suo , quem de oculo Veneris descendisse  
opinabatur .*

Secundo Cassius , Epicureus Philosophus ,  
nullos esse Dæmones , quos Genios vo-  
cabat , opinatus est . Sic enim dicebat  
apud Plutarchum in Bruto : *Non proba-  
bile est , Genios esse .*

Tertio Michael Balbus , Imperator Orien-  
tis , afferere pariter non erubuit , *nullos  
esse Dæmones* ; quod de ipso testatur Zo-  
naras in eodem Michaeli .

Quarto Georgiodavidici inficias etiam ire  
gloriantur , Diabolum esse . Testantur  
Lindanus in Dubitantio ; Cochlaeus de  
actis Martini Lutheri de anno 1545 . ,  
Sleidanus in historia ; Surius in Com. ,  
Prateolus de hæresibus .

Quinto Libertini , ut de iisdem narrat Cal-  
vinus

vinus cap. 10. de Libertinis , pro imaginatione , quam nihil esse dicunt , accipiunt Dæmonem , mundum , & peccatum . Et hoc significare voluisse , ait Calvinus , imaginations tantum frivolas , & inanes concipi , quando aliquid de Diabolo , aut de peccato , opinamur .

Sexto Joannes Aponensis , Medicus Italus , qui vixit ann. 1420. suadere conabatur amicis suis , nullos esse malos Spiritus ; quod refert Joannes Bodinus præfatione in Dæmonomaniam .

Septimo erravit Basilides circa essentiam Diaboli , quum erraverint alii , quos modo enumeravimus , circa ejus existentiam ; si quidem ex Diabolo Deum fecit . Clemens Alexandrinus lib. 4. Stromat. refert : *Quomodo non est vere impius (Basilides) , qui Diabolum quidem inter Deos referat ; bominem vero , peccandi potestate præditum , ausus est dicere Dominum ?*

Octavo Marcion , & Cerdon , nominant Diabolum beneficum , & Deo , rerum opifici , ipsum impie præferunt . Testis est Nicetas lib. 4. de Orth. c. 14.

Nono Hermogenes voluit , Diabolum , & Angelos , in materiam esse refundendos . Habetur ex Theodoreto lib. 1. hæreticorum fabularum .

Decimo Lucius Apulejus lib. de Deo Socratis , inquit , Dæmones esse generem animalia , corpore aeria . Legitur apud Coccum .

Undecimo Mahometus dixit , Deum Diabulos ex igne pestifero effecisse , eosque habitasse in terra ante Adamum septem millibus annis . Azoara 25. & 65. Liber de colloquio Mahometi cum Judæis ; Cantacuzenus in Apologia ; Æneas Sylvius epist. ad Morbisanum .

Duodecimo Bogomili dixerunt , Dæmonem , quem Christus appellavit Satanam , esse filium Dei Patris ; & vocari Satanam , & majorem esse Filio Verbo , ac præstantiorem , utpote primogenitum : Unde Satanas , & Christus , per ipsos erant fratres . Euthymius in Panoplia par. 2. tit. 23. c. 6.

Decimotertio Judæi quidam dicere non erubuerunt , annis centum viginti , quibus Adam non cognovit Evam , ad ipsam venisse Dæmones , & ab eo concepisse , sive genuisse Dæmones , & Spiritus malos , Lamias , Lemures &c. Testis adducitur Elias Levita in voce Lilith .

Decimoquarto circa malitiam Diaboli errarunt Priscillianistæ antiqui , contendentes , Diabolum nunquam fuisse bo-

num , nec naturam ejus Dei opificium esse ; sed ex chaos ipsum , & tenebris emersisse ; nullum insuper sui habere auctorem , sed omnis mali esse principium , sive substantiam . Ita Leo magnus epist. 91.

Decimoquinto iterum Priscillianistæ nondum extinti volunt , Diabolum non esse a Deo creatum , nec unquam fuisse bonum Angelum , sed a semetipso extitisse . Habemus ex Concilio Bracarense cap. 7. His quidem enarratis erroribus contra Dæmonum existentiam , essentiam , ac malitiam , modo de iisdem catholicam veritatem proponimus , ac probamus .

Dicimus I. Dæmones existere , esse malos Angelos , seu malos Spiritus , qui non natura , sed culpa , fuerunt mali .

I. Probatur ex Scripturis . Psal. 77. 49. Misit in eos iram indignationis sue : indignationem , & iram , & tribulationem : immisiones per Angelos malos . Psal. 90. 5. Scuto circumdabit te veritas ejus , non timebis a timore nocturno . A sagitta volante in die , a negotio perambulante in tenebris , ab incurso , & Dæmonio meridiano . Isai. 14. 12. Quomodo cecidisti de celo Lucifer , qui mane oriebaris & corruisti in terram , qui vulnerabas gentes & qui dicebas in corde tuo : In celum descendam , super astra Dei exaltabo solium meum , sedebo in monte testamenti , in lateribus aquilonis . Ascendam super altitudinem nubium , similis ero Altissimo . Verumtamen ad infernum detraheris in profundum laci . In quibus verbis continetur culpa , per quam Lucifer ex bono factus est malus , & continetur pena , quæ consequuta est ad culpam . Lucæ 10. 18. Videbam Satanam sicut fulgur de celo cadentem . Joann. 8. 44. Vos ex Patre Diabolo estis , & desideria Patris vestri vultis facere : ille homicida erat ab initio , & in veritate non fletit ; quia non est veritas in eo &c.

II. Petri 2. 4. Deus Angelis peccantibus non pepercit ; sed rudentibus inferni detraetos in tartarum tradidit cruciandos , in iudicium reservari . Judæ v. 6. Angelos , qui non servaverunt suum principatum , sed dereliquerunt suum domicilium , in judicium magni diei , vinculis æternis sub caligine reservavit . Apocal. 12. 7. Michael , & Angeli ejus præliabantur cum dracone , & draco pugnabat , & angelii ejus : & non valuerunt , neque locus inventus est eorum amplius in celo . Et projectus est draco ille magnus , serpens antiquus , qui vocatur Diabolus , & Satanás , qui seducit universum orbem;

*orbem; & projectus est in terram, & Angelii ejus cum illo missi sunt.*

II. Probatur ex Conciliis. Concilium Bracarense l. c. 7. Si quis dicit, *Diabolum non fuisse prius Angelum bonum, a Deo factum, nec Dei opificium fuisse naturam ejus, sed dicit, eum ex tenebris emersisse, neque aliquem sui habere auctorem, sed ipsum esse principem absque substantia mali, sicut Manichaei, & Priscillianus dixerunt; anathema sit.* Concilium generale Lateranense IV. sub Innocentio III. eundem damnat errorem c. i. de Trinit. &c. Habetur etiam definitum in Concilio Carthaginensi IV. can. i. apud Estium.

III. Probatur ex Patribus. Eusebius lib. 7. de prepar. evangel. c. 6. *Virtutes ministrantes, & Spiritus, qui ad Dei ministerium mittuntur, propter eos, qui eterna consecuturi sunt vita hereditatem; sanctos dico Angelos Dei divina luce frui, ac idcirco luminaribus caeli conferri, docti a Scriptura credidimus; a quibus perversi quidam Spiritus, cum sua nequitia divinam lucem suscipere nequiverint, tenebrae facti sunt. Quorum primum, qui etiam aliis affectionis causa fuit, quoniam penitus propter impietatem suam in terram decidit, qui que totius venenosae pravitatis auctor est, sponte a lumine ad tenebras lapsus, draconem, serpentemque, lethiferi veneni productorem, atrocem belluam, & leonem humanis carnibus viventem, ac denique basiliscum Scriptura solet appellare &c.* Athanasius in vita S. Antonii: *Hoc primum debemus mentibus affigere, nihil Deum fecisse, quod malum est, nec ab ejus institutione Dæmonum capisse principia: perversitas ista non natura, sed voluntatis vitium est. Boni enim utpote a Deo conditi, ex proprio mentis arbitrio ad terras ruere de cælis, ibique in cœni soribus voluntati, Gentilitatis impias constituere culturas, & nunc de nobis torquentur invidia, atque universa mala commovere, non cessant, ne pristinis eorum sedibus succedamus.* Basilius homil. quod Deus non sit auctor malorum: *Hinc consequenter alia questio de Diabolo nascitur: Unde Diabolus sit, si non ex Deo sunt mala?* Quid igitur dicemus? *Unde iniquus est homo?* Ex ipsius libera voluntate. Unde malus Diabolus? ex eadem penitus causa. Cyrillus Jerosolymitanus catechesi 2. Peccavit autem, (Diabolus) non ex necessitate vitium naturae suscipiens, quo sic peccati occasio rursus in Opificem retorqueatur; sed bonus creatus, propria voluntate factus est Diabolus, ab actione capiens cognomen. Epiphanius hæ-

ref. 66. *Diabolus non a creatione naturaliter malus creatus est, sed sibi ipsi post tempus malum facere excogitavit, de quo ignotum non est, qualis futurus fuerit. Verum creatus est una cum omnibus bene, cum Deus propter excellentem justitiam, & ob existiam bonitatem, omnes, & omnia utilissima esse voluerint, & sua bona omnibus proposuerit.* Chrysostomus hom. 3. de patientia Job: *Nam Diabolus non naturæ non men, sed presumptionis.* Non enim Diabolus factus a principio, sed Angelus creatus est. *Diabolus vero quia detrahebat, & Deum apud homines, & apud Deum hominibus, appellatur.* Lactantius lib. 2. c. 8. Itaque suapte invidia tanquam veneno infectus est, & ex bono ad malum transcendit, suoquo arbitrio, quod illi a Deo liberum datum fuit, contrarium sibi nomen ascivit. Augustinus de natura boni advers. Manichæos c. 33. *Quia vero & ipsi mali Angeli non a Deo mali sunt conditi, sed peccando facti sunt mali &c.*

IV. Probatur Rationibus I. Deus non potest esse causa mali: ergo Dæmones non fuerunt a Deo creati mali. Antecedens est certum; aliter Deus malus esset, si causa esset mali; consequentia sequitur; si enim Dæmones a Deo creati sunt, & Deus est causa efficiens ipsorum, & Deus non potest esse causa mali: ergo Dæmones non sunt a Deo creati mali. II. Deus nequit ad malum, seu ad peccatum, inclinare: ergo Dæmones, qui sunt opus Dei, non habent inclinationem naturalem ad malum: ergo non sunt natura mali. Probatur antecedens. Deus nequit esse causa deficiendi: ergo nequit ad malum, seu ad peccatum, inclinare. III. Si Dæmones non fuissent mali ex propria culpa, sed ex ipsorum natura, injuste a Deo fuissent puniti; sed hoc dici non debet: ergo nec illud. Probatur major. Ut dicatur quis juste punire, debet supponere delictum; sed delictum non est, ubi non est culpa: ergo si Deus punivisset Dæmones absque culpa ipsorum, injuste eos castigasset. IV. Si voluisset Deus punire malum Dæmonum, & hoc malum fuisset in ipsis ex natura, potius debuisset punire seipsum; hoc dici non potest: ergo nec unde sequitur. Probatur major. Malum, quod fuisset in Dæmonibus ex natura, fuisset malum Dei, quatenus a Deo in ipsis caussatum: ergo Deus debuisset punire seipsum.

Obstant I. Ex Porphyrio Philosopho apud Augustinum lib. 10. de civit. c. 11. Dæmones

mones sunt natura fallaces: ergo sunt natura mali . Probatur antecedens . Sunt Dæmones ex natura sagaces : ergo sunt ex natura fallaces . II. Bestiæ ex natura sunt prænæ ad aliqua vitia , ut vulpes ad dolositatem , lupi ad rapacitatem , canes ad rabiem , & aliæ ad luxuriam: ergo etiam Dæmones sunt ex natura proni ad fallaciam . III. Tertullianus in Apologet. c.22. afferit , Dæmones esse spiritus immundos , verbis hisce : *Quod ex pabulis torum sanguine, & fumo, & putidis rogis pecorum, & impurissimis linguis ipsorum natum intelligi debet.* IV. Multi ex veterotestamentis Patribus doçuerunt , Angelos , qui antequam peccarent habebant coelestia corpora; post peccatum habuisse corpora materialia , & præcipue æteria ; immo in Concilio Florentino quidam ex Græcis hanc etiam insaniam defendebant . V. Psal. 103. *Draco iste, quem formasti ad illudendum ei :* ergo ad hoc formatus fuit Diabolus , ut illudetur , hoc est ut falleret . Et confirmatur hoc ex illo Job 4. secundum versionem septuaginta Interpretum : *Hoc est principium figimenti Dei, quod factum est, ut illudatur ei ab Angelis ejus.* Et clarius patet Eccl.39. *Sunt Spiritus, qui ad vindictam creati sunt.* VI. Augustinus in psal. 96. ait : *Est insita malevolentia quadam malis Spiritibus :* ergo est a natura . VII. Rupertus lib. 13. in Matth. opinatus est, Angelum non cecidisse de virtute in vitium , sed de virtu in vitium : ergo in vitio , seu in malitia creatus fuit . Antecedens probatur ex ejus verbis ; ait enim : *Superbivit, & sibi nec ipse placuit, tanquam sufficiens:* quæ significant factum fuisse in vanitate , & de vanitate in superbiam cecidisse . VIII. S. Basilius or.9. inquit , Diabolum semper habuisse malum , quum ab initio habuerit eandem cupiditatem ambitionis , ut veller esse similiis Altissimo , quam habuit , quando *causus* est , ut hominem deciperet . Si ergo Diabolus fuit ab initio malus , fuit semper malus ; si fuit semper malus , fuit natura malus .

Respondemus ad I. Porphyrii errorem ab Augustino reprobari , & auctorem ejus redargui . Nec valet probatio , quam a sagacitate sumit , ut prober Dæmonum fallaciam . Si enim pro sagacitate intelligit sapientiam , hæc non includit fallendi artem : unde etiam concedendo , Dæmones fuisse natura sapientes , non per hoc cogimur admittere , fuisse etiam fallaces . Si vero intelligit calliditatem , fraudem ,

decipiendi studium , quæ eadem est cum arte fallendi ; hanc negamus , fuisse in Dæmonibus a natura .

Ad II. cum Estio , quod ea est præstantia intellectualis naturæ , sive ea angelica sit , sive humana , quod quæ bestiæ est natura , illi sit vitium . Ad hæc adducit verba psalmi 48. *Homo cum in bonore esset, non intellexit; comparatus est jumentis insipientibus, & similis factus est illis;* & explicationem Augustini in eundem psalmum : *Tanta nanque excellentia in comparatione pecoris est homo, ut vitium hominis natura sit pecoribus.* Insuper , quum bestiæ legem non habeant , nihil refert , qualis sit in iis naturæ inclinatio . Angeli vero , & homines , qui legem habent , si quæ in eis est ad malum inclinatio , non est dicenda a natura , quæ a Deo secundum legem , & non contra legem , creata supponi debet .

Ad III. Tertullianus vitium illud applicat Dæmonibus propter ingentem anxietatem , quam habent Dæmones , ut homines ad foedum crimen impellant . Nos etiam vocamus illos Spiritus immundos , non quia natura immundi sint , nec quia ad immunditatem naturalem habeant inclinationem ; sed quia nos ad immunda allicitur , & oblectationibus suis quodammodo trahuntur . Si vero alia sit Tertulliani mens in verbis illis , non est cur formidemus , non amplecti eam ut doctrinam , sed rejicere potius ut errorem .

Ad IV. Quanvis quidam ex veteribus hoc senserit , & quanvis Græculi illi moderni , tempore Florentini Concilii , hoc idem propugnare tentaverint ; nunquam tamen illorum probavit errorem catholica Ecclesia ; quod ad satieratem vidimus in Disser. 132. , ad quam Legentes remittimus .

Ad V. Non est sensus verborum Psalmi , & Job , ut Dæmones illudant , sed potius , ut illudantur . Unde argumentum corruit totum . *Qua ratione fieret,* inquit Estius , *ut ei a Sanctis, vel Angelis, vel hominibus, conatus, & machinationes ipsius frustrantibus, illudetur.* Et in probationem adducuntur fragmenta quædam sermonis de S. Job S. Hilarii , quæ extant apud Augustinum lib. 2. cont. Julian. c.8. Verba autem Eccl. de ventis , & procellis explicantur a quibusdam ; vel si de Angelis intelligi volunt , dicitur a Deo deputari in vindictam malos Angelos hominum perverorum .

Ad VI. Augustinus dicit insitam Diabolo malevolentiam ; sed non a natura , neque ab

ab initio , at quia ita radicitus inest per propriæ voluntatis obstinationem , ut quasi a natura in sita videatur; ait Estius , Re vera Augustinus , ut fuit Manichæis adversus , nunquam admittere posuit hunc errorem , quem Manichæi totis vixibus tuebantur . Dicendum ergo , Augustinum loquutum fuisse de malignitate Dæmonum erga homines , quos ita exagitant , vexant , persequuntur , ut hoc videatur fuisse illis a natura insitum , ac inspiratum .

Ad VII. Rupertus explicatur de vacuitate , quando loquitur de vanitate ; & sensus ipsius est , quod Deus creavit Angelos , & homines , gratia Dei vacuos ; quod quidem in ejus sententia admittitur . Cæterum subdimus , quod in re , de qua loquimur , Ruperti mens lib. 3. de process. Spir. Sanc. c. 9. clarissime patet , in favorem esse catholicæ dogmatis ; quatenus aperte doceat , inter Diaboli creationem , & lapsum ejus , moram aliquam intercessisse .

Ad VIII. Duæ sunt assertiones inter se diversæ ; quarum una est : Diabolum fuisse natura malum ; altera vero : Diabolum fuisse ab initio malum ; hoc est a primo creationis instanti . Unde Basilius intelligi posset de secunda , & non de prima . Sed quia etiam secunda communiter recedit , ideo Basilium explicamus dicendo , quod Diabolus statim ac creatus fuit , seu postquam creatus fuit subito concepit animo cupiditatem illam , quam postea ostendit , ea utens , ut hominem deciperet . At Basilius clarissima sunt verba pro dogmate , quod tuemur , in aliis ejus operibus , quæ Legentes facile invenient .

Ad scholasticas modo disceptationes devinentes , primo loquimur de origine primi peccati Angelorum , & postmodum de ejus specie differemus . Origo peccati potest esse , vel fomes concupiscentiæ , cum quo nascimur omnes , & qui in omnibus ad mortem usque perdurat ; vel prava consuetudo ; vel passio immoderata ; vel rerum agendarum ignorantia . Nulla autem ex his potuit in Angelis habere locum ; vel quia corporei non sunt , vel quia ignorantibus non erant , vel quia peccandi usum non habebant . Igitur alia ab his esse debet peccati Angelorum origo . Nec pariter possumus recurrere ad judicium errans ante peccatum , ad primum aliquid principium malum , nec ad pravam aliquam inclinationem ; primum enim includit errorem ; at error sequutus est culpam , ut pena , & non præcessit , ut

causa : neque secundum ; quia esset amplecti Manichæorum errorem : neque tertium ; quia inclinatio ad malum esset a natura , & consequenter a Deo , ut diximus . Restat ergo , ut recurramus ad voluntatem defectibilem , quæ potest se libere avertire a majori bono ad minus .

Dicimus II. Originem primi peccati Angelorum fuisse solam voluntatis potestatem ; non vero aut ignorantiam mentis , aut cordis passionem .

I. Probatur . Origo peccati debet esse ante peccatum ; sed ante primum peccatum in Angelis non fuit nec passio cordis , nec ignorantia mentis : ergo neutra ex his fuit in Angelis primi corum peccati origo . Major patet ; quia si est origo , est causa ; si causa , præcedere debet effectum suum . Minor probatur . Siue ignorantia , siue passio , faciunt miseram naturam , in qua seperiuntur ; sed natura non est misera sine peccato : ergo si faciunt miseram naturam , supponunt in ea peccatum : ergo non præcedunt : ergo non fuerunt in Angelis ante peccatum .

II. Probatur . Docent Augustinus lib. 11. de civit. Dei c. 11. & lib. 14. c. 10. 1. 1. & 13. & S. Thomas 1. p. q. 63. ar. 1. ad 4. , & in 11. dist. 5. q. 1. ar. 1. Angelorum peccatum non habuisse ortum ex errore aliquo prævio : ergo ex horum doctrina origo primi peccati Angelorum non fuit error intellectus .

III. Admisso in Angelis recto rationis iudicio , quod negari non potest , in voluntatis potestate erat , & avertire intellectum a consideratione melioris boni , & movere ad considerandum id , quod minus erat : ergo semper Angelorum peccati origo voluntati ipsorum est tribuenda . Antecedens patet ; quia rectum rationis iudicium omnem inconsiderantiam excludit ; adeoque si illud ponitur in Angelis ab instanti creationis eorum , nulla in iisdem concedenda est inconsiderantia intellectus , quæ sit origo primi eorum peccati . Consequentia sequitur ; quia si a voluntate dependet avertire , & moveare intellectum , non intellectus , sed voluntatis vitium est , si intellectus non avertatur , quando debet averti , & si quando moveri debet , non moveatur .

IV. Probatur . Augustinus Dæmonum arbitrio absolute tribuit Dæmonum culpam : ergo sola voluntas ipsorum fuit origo primi ipsorum peccati . Probatur antecedens . Inquit Augustinus : Angelii sancti , cadentibus aliis per liberum arbitrium ,

trium, per idem liberum arbitrium fiererunt ipsi. Et rationabiliter quidem; quia ex una parte in Angelis erat summa arbitrii indifferentia, summa liberas, quae negari non potest; ex altera parte nullum erat agens extrinsecum, quod ipsos ad peccandum determinaret: ergo si peccaverunt, ex sua sola voluntate peccaverunt.

**Opponunt I.** Antecedenter ad determinationem voluntatis fuit in Angelis inconsideratio: ergo inconsideratio fuit prima origo peccati. Probatur antecedens. Angeli, antequam peccarent, attenderunt ad rationes, quae sibi persuadebant, posse se ipsos amare, & non attenderunt ad rationes, quae sibi fortius persuadere poterant, debere amare Deum, qui erat finis ultimus, ad quem propria ipsorum excellentia dirigebatur; sed haec est inconsideratio: ergo &c. II. Quicumque peccant, errant; ut habetur Proverb. 14., sed Angeli peccarunt: ergo erraverunt; ergo error fuit peccati eorum origo. III. Nihil vult voluntas, nisi ab intellectu proponatur: ergo quum voluntas vicit malum, ei ab intellectu proponitur; non sub ratione mali: ergo sub ratione boni: ergo semper ad intellectus errorem applicari debet voluntatis defectio. IV. S. Thomas in 1. dist. 5. q. 1. ar. 1. afferit, & probat, Aristotelis auctoritatem, qui lib. 3. Ethicorum ait: Omnis malus est quodammodo ignorans: ergo semper ignoratio præcedit malitiam.

**Respondemus ad I.** quod inconsideratio illa, quae fuit in Angelis, dicitur inconsideratio privativa, hoc est non advertentia itei; hanc autem Angeli adverte-re potuerunt, & debuerunt: ergo si non adverte-rent, peccarunt: ergo talis inconsideratio non fuit peccati origo in Angelis, sed fuit peccatum. Et re vera, hujusmodi inconsideratio non potuit esse involuntaria, quia in Angelo innocentia non debet admitti morus inordinatus, qui prævehiat ejus voluntatem: si vero dicatur, quod fuit voluntaria: ergo fuit culpabilis: ergo peccatum, & non origo primi peccati Angelorum.

**Ad II.** Vérum est, quod qui peccant, semper errant; at falsum est, quod semper errant mentis errore. Semper errant errore voluntatis, & errore mentis aliquando errant, & aliquando non errant. Qui peccant in statu innocentiae, peccant sublum voluntatis errore; qui vero peccant postquam innocentiam amiserunt, pec-

PAR. II.

cant mentis, errore, & voluntatis. Audiatur Augustinus quæ proferat de homine innocentem, & quæ pariter possunt Angelo innocentem applicari; lib. 3. de libero arbitrio c. 8. *Approbare falsa pro veris, ut quis erret invitus, non est natura instituti hominis, sed pars damnati.*

**Ad III.** In peccato Angelorum fuit materiale peccati, quod fuit amor propriæ excellentiæ, & hic amor erat in se bonus; fuit formale peccati, quod fuit privatio debitæ rectitudinis, seu defectus relationis propriæ excellentiæ ad Deum, veluti ad ultimum finem. Intellectus non erravit proponendo materiale peccati, errasset, si proposuisset formale; & proponendo formale non solum errasset, sed etiam peccasset: ergo suus error non fuisset causa peccati, sed peccatum. Quod non erraverit proponendo materiale peccati ut bonum, patet; quia, ut diximus, re vera bonum erat.

**Ad IV.** Ad S. Thomam dicimus, quod omnis malus est ignorans errore voluntatis semper, errore intellectus non semper; ut dictum est in responsione ad II.

**Pro tercia Dissertationis parte,** multæ sunt opiniones de primo Angelorum peccato; quas omnes referunt Theologi, & præcipue Estius enumera, & impugnat; Petavius etiam, Frassen, aliisque, elucidant, & ad trutinam revocantes reuiciunt, unam felientes, quæ ipsis probabilius videtur. Hoc idem post eorum vestigia præstabi-mus & nos.

**Prima opinio** est illorum, qui putarunt, Angelorum primum peccatum fuisse amorem mulierum, quo capri turpiter per libidinem peccaverunt. Tribuitur haec opinio quibusdam ex antiquis Patribus; at a nobis Dissert. 132. fuit ipsa impugnata, & Patres fuerunt pariter vindicati.

**Secunda opinio** afferit, primum Angelorum peccatum fuisse peccatum linguae. Habetur in Commentario in Psalmos, qui tribuitur Hieronymo, sed alium re vera habet auctorem, in 2. expositi psal. 115. & quæ in fine operis legitur.

**Tertia opinio** ponit pro primo Angelorum peccato odium Dei. Non nominat Estius qui eam docuerint; sed eam impugnat.

**Quarta** adsignat fuisse ingratitudinem in Deum. Impugnat etiam Estius, sed pro-pugnatores ejus non exprimit.

**Quinta** scribit invidiam in homines, & tribuitur Cypriano in lib. de zelo, & li-vore. At Augustinus refellit eam lib. 11. de

Ss

Ge-

Genes. ad literam c. 14.

**Sexta opinio** afferit, fuisse luxuriam spiritualem, qua plus nimio in scipis, & in propriis excellentiis fuerunt delectati. Defenditur a Scoto, a Gabriele Biel, aliisque.

**Septima opinio** est illorum, qui docent, fuisse superbiam; & haec est communis sententia plurimorum Patrum, fere omnium Theologorum, & sacrae Scripturæ conformior.

Dicimus III. primum peccatum Angelorum fuisse superbiam.

I. Probatur ex Scripturis. Ecclesiast. 10. *Initium omnis peccati superbia*. Tobiae 4. *In ipsa (superbia) enim initium sumpit omnis perditio*. Proverb. 16. *Ante ruinam exaltabitur cor*. Ibai. 14. *Detraction est ad inferos superbia tua: Quomodo cecidisti de celo Lucifer, qui dicebas in corde tuo, in Cælum concendam, super astra Dei exaltabo solium meum*? Job. 41. *Ipse est Rex super omnes filios superbia*, Lucæ 10. *Videbam Satanam sicut fulgur de celo cadentem*.

II. Probatur ex Patribus. Chrysostomus hom. 15. in Joann. *Neque in Diabolum versus fuisse Angelus, nisi hoc scelere (superbiæ intelligit) se coquinasset*. Hieronymus ep. 83. *Judicium, & ruina Diaboli nulli dubium, quin arrogancia sit*. Augustinus explicans verba psalmi: *Si mei non fuerint dominati, tunc immaculatus ero*; intelligit superbiam, dicens; *Hoc est delictum, quod dejectit Angelum, quod ex Angela fecit Diabolum*. Quibus addendi sunt Basilius hom. 6. quod Deus non est auctor malorum; Nazianzenus or. de nativ. Christi; Auctor questionum ad' Antiochum, quæ feruntur sub nomine Athanasii, q. 6., vel alias q. 10., Ambrosius in psal. 36. ad verba: *vidi impium superexaltatum*; & in psal. 118. ad verba: *inoreasti superbos*; Cassianus collat. 8. c. 8. & 10. Leo magnus ep. 93. ad Turibium, cap. 6., Gregorius etiam magnus lib. 34. moral. c. 14., & lib. 4. reg. ep. 38., aliquique multi, quorum numerum claudat Bernardus tract. de modo bene vivendi ser. 37. *Superbia radix omnium malorum, Angelos deposuit*.

III. Probatur Rationibus. I. Angelica natura utpote spiritualis peccare non poterat appetendo bonum corporeum: ergo appetendo bonum spirituale; sed in appetentia boni spiritualis consistit superbiam: ergo angelica natura non potuit primo peccare, nisi peccato superbiam. Probatur major. Spiritualis natura non

afficitur bonis, nisi illis, quæ sunt sibi convenientia; sed bonum corporeum non est sibi convenientia: ergo &c. Minor subsumpta probacione non indiget. II. Peccatum superbiam est inordinatus amor propriæ excellentiæ; hoc peccato Angelii peccaverunt: ergo peccato superbiam peccaverunt. Major est Augustini lib. 14. de civit. Dei c. 13., Minor est ex illo Ibai. 14. *Ascendam in celum, similis pro Altissimo*. III. Diabolus primo peccavit peccato illo, ad quod primo homines tentavit; sed primo homines tentavit ad peccatum superbiam: ergo peccato superbiam primo peccavit. Major est congruentissima; quia eodem illo peccato volebat homines de gradu dejicere, quo ille de gradu suo dejectus fuit. Minor patet; dixit enim illis Gen. 3. 5. *Eritis sicut Dii, scientes bonum, & malum*. IV. Præcipua Christi virtus, quæ etiam est præcipua virtus Christianorum, & quam Paganorum Philosophi imitari non valuerunt, fuit humilitas: ergo ex opposito primum Diaboli peccatum fuit superbiam. V. Illud peccatum commisit primo Diabolus, quod debellator ipsius S. Michael Archangelus primum reprehendit; sed hic primum reprehendit peccatum superbiam: ergo &c. Probatur minor: *Dixit enim: Quis ut Deus; quæ verba explicantur: quis est iste, qui se audiat Deo comparare?* VI. Peccatum superbiam est non subdi superiori in eo, quod debetur; sed hoc peccatum primo commisit Angelus: ergo &c. Probatur minor. Angelus utpote naturæ spiritualis non potuit primo peccare, nisi per effectum ad bona spiritualia; sed effectus ad bona spiritualia non est peccaminosus, nisi quia in tali affectu non servatur regula superioris: ergo peccatum, quod primo commisit Angelus fuit non subdi Superiori in eo, quod debebat.

Objiciunt I. Si Angelus peccavit, quia noluit se subdere superiori in eo, quod debebat: ergo potius peccavit peccato inobedientiæ, quam superbiam. II. Si Angelus peccavit per inordinatum amorem propriæ excellentiæ: ergo potius peccavit luxurie spiritualis peccato. III. Peccavit Angelus, quia voluit esse similis Deo; sed haec similitudo defiderari ab eo non poterat, nisi quatenus esset independentia a Deo: ergo Angelus peccavit peccato invidiæ, per quod independentiam, Deo propriam, appetivit. IV. Ex Augustino lib. de Genesi ad literam

## De Primo Angelorum Peccato, &c. 323

ram c. 15. Diabolum amasse propriam potestatem, & per verso sui amore privatum sancta societate turgidum spiritum: ergo primum ipsius peccatum fuit inordinatus amor sui ipsius. V. Primum Angeli peccatum fuit primus actus concupiscentiae inordinatus Angeli; sed hic primus actus non processit ex affectu justitiae, quia aliter non fuisset injustus: ergo processit ex affectu commodi; sed peccatum, quod procedit ex affectu commodi potius, & proprius reducitur ad luxuriam, quam ad superbiam: ergo &c. VI. Appetitus Angeli non fuit de bono honesto, quia aliter honestus fuisset; non de utili bono; quia non erant in statu indigenitiae: ergo fuit de bono delectabili; atqui nequivit esse de delectabili sensibili, quum Angeli non sint corporei: ergo de delectabili spirituali; sed delectabile spirituale nil aliud esse poterat, quam beatitudo supernaturalis: ergo appetitus hujuscemodi beatitatis fuit primum Angelorum peccatum.

Respondemus ad I. non negatur, fuisse peccatum inobedientiae in Angelis prævaricatoribus, sed negatur fuisse primum; antecedenter enim ad hoc fuit peccatum superbie, scilicet inordinatus amor erga se ipsos.

Ad II. neque negatur, fuisse in Angelis delectationem propriæ excellentiæ, at negatur, ab hac constitui peccatum luxuriae spiritualis. Delectatio enim ex seipso est indifferens ad constituendum peccatum, & specificatur tantum ex objecto suo. Si est delectatio rei venerea, constituit peccatum luxuriae; si rei comestibilis, peccatum gulæ; si rei honorificæ, peccatum superbie. Et revera peccatum inanis gloriae, quæ est superbia, vocatur a virtute spiritualis magistris, luxuria spiritualis. Unde si Adversarii hoc explicant modo luxuriam spiritualem, ipsis non contradicimus.

Ad III. negatur omnimode primum peccatum Angelorum fuisse invidiam; hæc enim est dolor conceptus ex alieno bono; hic autem dolor non fuit in Angelis, quando primo peccaverunt. Et patet, quia si primo amaverunt inordinate propriam excellentiam: ergo primo respergerunt proprium bonum, & deinde alienum, ex quo non complacentiam, sed dolorem conceperunt. Rursus, hoc invidiae peccatum potest etiam ad superbiam reduci; quarehuc dolor conceptus ex alieno bono oritur ex amore

proprii boni, in quo consistit superbia: Ad IV. admittimus auctoritatem Augustini, & recipimus eam pro nobis, non contra nos. Amor nanque ille propriæ potestatis, & amor sui ipsius, est formalissime superbia, quæ consistit in propriæ excellentiæ complacentia.

Ad V. Concupiscentia proprii commodi est superbia, & non luxuria spiritualis, ut dictum est. Non enim est concupiscentia objecti delectabilis, neque objecti utilis, sed objecti honorifici; in qua consistit superbia.

Ad VI. dicitur, aut fuisse non de bono delectabili, si bonum delectabile respicit sensum; aut fuisse, si respicit spiritum. At bonum delectabile, quod respicit spiritum, est objectum superbie, non luxuriae; & si dicitur luxuriae, non proprie, sed metaphorice dicitur; quatenus ita Spiritualis creatura delectatur honore, gloria &c. sicut creatura corporea, & sensualis delectatur bono sensibili.

Quæritur I. Quænam fuerit superbia Angelorum?

I. Respondemus, non fuisse, quod Angeli mali noluerunt adorare Christum; quæ est sententia aliquorum, qui dicunt, fuisse Angelis propositum incarnationis mysterium, ac a Deo revelatum, illisque præceptum, ut latræ cultu Christum adorarent; quod boni Angeli illico exequuti sunt, mali vero renuerunt. Et probatur I., quia sancti Patres de hoc nihil afferunt; ut testatur Jueninus: ergo sine ipsorum auctoritate nihil de hoc est afferendum. II. quia quando peccaverunt Angeli non erat homo prævisus: ergo neque incarnatio Verbi, quæ ratione hominis fieri debebat. III. quia in sententia multorum Angeli boni non habuerunt perseverantium, & alia gratia bona, per Christi merita: ergo non fuit prævisio illa.

II. Respondemus, non fuisse, quod mali Angeli concupierunt aequi propriis naturæ viribus, & absque Dei supernaturali auxilio, similitudinem cum Deo, in intuitiva visione consistentem. Est aliquorum putantium, id Angelos absolute voluisse; at refutantur, quia si id concupierunt Angeli, illud ipsum judicarunt esse possibile; at non potuerunt judicare, illud esse possibile: ergo &c. Major patet; quia voluntas nunquam desiderat absolute objectum aliquod, cuius aequationem possibilem non judicat. Minor etiam patet; quia si illud

Angeli judicassent; omnino errassent; & ipsorum error fuisset etiam hæresis; ut dicit Jueninus.

III. Respondemus, non fuisse, quod mali Angeli independentiam a Deo exoptaverint, per quam intelligunt cum Deo æqualitatem concupisse. At hæc etiam opinio nuper facto argumento refutatur; quia si id absolute Angeli desiderarunt, errarunt in intellectu, & in voluntate, ante peccatum: ergo altero peccato peccaverunt, quod fuit prius primo ipsorum peccato. Si vero dicatur, quod desideraverint conditionate, ut afferit Jueninus; nec etiam stare potest opinio, quia talis conditio jam debebat innoscere Angelis ut impossibilis: ergo sub impossibili conditione non poterant æqualitatem illam, seu independentiam, desiderare.

IV. Respondemus, fuisse, quod mali Angeli ira de propriæ excellentiæ cognitione sibi complacuerunt, ut per eam solam crediderint, esse beatos, tam naturali, quam supernaturali, beatitudine; adeoque per eam cæteris creaturis omnibus esse præferendos. Est plurium sanctorum Patrum, & Theologorum, inter quos ponunt S.Thomam 1.p. q.63.ar.3.S.Angelum lib. de casu Diaboli c.4., Ægidium, Richardum, Durandum, Yasquium, Esparzam, Cacheranum &c. Reponsio hæc ex aliarum responsonum impugnatione probatur, & per ejusdem explicationem apud præfatum Cacheranum confirmatur.

Quæritur II. Quinam fuerint Angeli prævaricatores?

Respondemus, fuisse ex singulis ordinibus aliquos. I. probatur ex Scripturis. Ad Roman. 8. recensentur Angeli, Principatus, & Virtutes: *Neque Angeli, neque Principatus, neque Virtutes &c.* I. ad Cor. 15. numerantur Potestates: *Cum evanaverit omnem Principatum, & Potestatem, & Virtutem.* Ex Seraphinis fuit Princeps prævaricantium, ut mox probabitur. Ezech.28. Cherubim accipiuntur in maxime partem; tandem Archangeli sub nomine Angelorum, & Throni, & Dominationes, ut Seraphinis, & Cherubinis inferiores comprehenduntur. II. ratione ex S.Thoma q.61. ar.9. ad 3., quia vera simile est, homines beatos assumendos esse, ad quemlibet ordinem Angelorum, quum assumi debeant ad instaurandas ruinas illorum, qui ceciderunt: ergo ex omni ordine ceciderunt.

Non vero tot Angeli ceciderunt, quot steterunt; sed in majori numero steterunt, in minori ceciderunt. Ratio desumitur ex illo Apocal.8. *Et percussa est pars tercia stellarum.* Et c. 12. *Et cuncta ejus trahebat tertiam partem stellarum cali, & misit eas in terram.* Subdit ad hoc idem probandum S.Thomas q.63. ar. 9. Peccatum est contra naturalem inclinationem ea vero, que contra naturam fiunt, ut in paucioribus accidunt.

Quæritur III. Quinam fuerit Dæmonum princeps?

Respondemus, Dæmonum Principem fuisse Angelorum supremum. Docet S.Thomas q.63.ar.7., & est communis Patrum, & Theologorum, doctrina. I. probatur ex Scripturis. Job.40. Ipse est principium viarum Dei. Ezech. 31. Cedri non fuerunt altiores illo in paradyso Dei. Omne lignum paradisi non fuit assimilatum illi, & pulcritudini ejus. II. ex Patribus; Tertulliano lib.2. cont. Marcionem, Hieronymo in c.4. Daniel., Augustino lib. 2. de Genes. ad lit. c. 19., Gregorio magno lib. 32. moral. c. 24. Bernardo ser. 1. de Adventu; Isidoro lib. 1. de sum. bon. c. 12., Ruperto lib. 1. & 2. de victoria Verbi Dei. III. Rationibus. I. Quia si peccatum Angelorum fuit superbia, orta ex complacentia propriæ excellentiæ, quia in superioribus Angelis erat major excellētia, & in supremo etiam plusquam major; ideo illi fuerunt ad peccandum præniores, & qui primo exemplum dedit fuit supremus. II. quia Deus permisit casum Angelorum, ne crederemus sine gratia posse viribus naturæ in bono perseverare; hoc autem magis ostendebatur in casu superiorum Angelorum, & in illorum supremi peculiarter præcipitio. III. quia si princeps Dæmonum habuisset superiorem, non pugnasset primo contra Deum, sed contra superiorem suum, supra illum se extollendo; quum ergo primo fecerit contra Deum, constat, quod superiorem non habebat; adeoque ille supremus erat. Aliae rationes, vel congruentiæ, apud Eftium videbuntur.

Arguunt I. Ezech.28. Dæmonum princeps vocatur Cherub: *Tu Cherub extensus, & protegens:* ergo fuit ex ordine Cherubinorum: ergo non fuit supremus, qui debebat esse ex ordine Seraphinorum. II. ex Ruperto lib.3.de proceſ. Spir.Sanct. c. 17. ordines Angelorum fuerunt constituti post perseverantiam bonorum, & post

post lapsum malorum: ergo Angeli, qui ceciderunt, non fuerunt ex singulis ordinibus.

Respondemus ad I. cum S. Gregorio lib. 32. moral. c. 24., non vocari Cherub ratione ordinis, sed ratione scientiae. Cum aliis, non vocari Seraph, quia per hoc nomen importabatur charitas, quæ extincta in malo Angelo erat; & loco Se-

raph fuisse dictum Cherub.

Ad II. Fuit quidem sententia Ruperti, Ordines fuisse constitutos post pugnam; at non fuit, quod ex singulis ordinibus non ceciderint. Erant Angeli, qui ordines constituere debebant in illius sententia. At in nostra ordines jam prius constituti a Deo supponuntur, ut suo loco diximus.

## DISSESTITO CLII.

*De Pœna peccati Angelorum. Quænam fuerit? an æterna? ad quæ se extendat? & an Angelos malos omni principatu, sive erga Angelos, sive erga homines, sive erga res alias, privaverit?*

*Hæreses profligantur, dogmata statuantur, scholasticæ opinions justo examini subjiciuntur.*



Rimo erravit circa malorum Angelorum pœnam Origenes; afferens, Diabolum, & Angelos ejus, post longissima tempora cœlo redendos esse; & rationem

afferre volens, dicebat; quod Christus etiam pro iis passus sit. Tribuunt hunc errorem Origeni Theophilus Alexandrinus ep. 2. paschali, Hieronymus ep. 59. ad Avitum, Epiphanius, Augustinus lib. de hæresibus c. 18., & V. Synodus Occumenica action. 2.

Secundo Priscillianistæ dicebant, quod substantia in Diabolo bona facta perire non possit; & in totum exulta Diaboli malitia, aliquando salvandam esse substantiam. Testatur Orosius in Commentario ad Augustinum, & refert Coccius.

Tertio Mahometus somniatus est, Diabulos tandem aliquando salutem consequuturos. Citantur a Coccio Azoara 25. & 65. liber de colloquio Mahometi cum Judæis, Cantacuzenus in apologia, Æneas Sylvius epist. ad Morbianum.

Quarto Lollardi ex Trithemio in Chronico Hirsaugiensi de anno 1315. dicebant, Luciferum cum Dæmonibus suis cœlo injuria pulsum, tandemque beatitudini cum omnibus suis restituendum. Michaellem, & Angelos omnes, æternis crucifixibus esse depurandos. Unde mutuo se

salutantes, hæc verba usurpabant: Salutem te injuriatum passus; idest Lucifer. Sic apud eundem Coccium.

Quinto Anabaptistæ, qui Dæmoniaci vocantur, dicunt, Dæmones post finem mundi salvandos: unde illi decies per diem colunt Dæmones, & invocant. Testatur Lindaqus in Dubitatio.

Sexto Sociniani, afferit Jueninus, quod postremis hisce temporibus Origenis errorum amplexati sunt; dicentes nimirum, & que impie, ac insulse, justum non fore Dei judicium, si creatura ob unum lethale peccatum, & quod illud minus facit, non quidem operis, sed cogitationis, æternis suppliciis deputetur.

Veritas Catholica est, Voluntatem Dæmonum ita esse in malo obstinatam, ut non possit resipiscere, ac proinde ipsorum pœnam esse æternam; quam mox contra recensitos hæreticos probabimus. Verum inter Scholasticos adhuc controvexitur, unde in Dæmonibus proveniat hæc obstinatio voluntatis, seu quæ sit hujusmodi obstinationis causa? Quinque opiniones enumerat Frassen, quarum prima est Thomistarum, purantium, obstinationis Dæmonum caussam esse voluntatis eorum immobilitatem, & inflexibilitatem circa actum, quem semel voluntarie, & determinate elicuerunt; & huic accedit Henricus Gandavensis. Secunda

cunda est Aureoli dicentis, obstinatio-  
nem in Dæmonibus provenire ab habitu  
quodam virtioso, quem Deus in eorum  
voluntate producit in suorum delicto-  
rum pœnam. Tertia est Marsilius cum  
aliis volentis oriri ex eo, quod Deus  
nolit concurrere cum eis ad ullum bo-  
num opus eliciendum. Quarta Ochami  
putantis provenire ex eo, quod sit ali-  
quis actus in Dæmone, qui non sit in  
eius potestate: Unde Deus totaliter, &  
immediate cauſaret in voluntate Angeli  
mali actum illum. Quinta tandem est  
Scotistarum, credentium, provenire ex  
denegatione divini auxilii ad refipiscen-  
dum, & ex perversa Dmanatorum vo-  
luntate. Unde ultimæ opinionis defen-  
ſores dicunt, quod mali Angeli potue-  
runt post lapsum pœnitere; ut videre est  
apud Cacheranum citantem Scotum,  
Gabrielem, Vasquez, Suarez, Lugum,  
Salmeronem &c. Contra vero Thomistæ  
cum Molina, Arriaga, Amico, Aversa,  
Estio, afferunt, quod nullo modo pœ-  
nitere potuerunt, ex intrinseca nimis  
immobilitate ipsorum in quolibet actu;  
unde etiam si Deus dedisset ipsis auxilia  
ſufficientia ad refipiscendum, nunquam  
ſe tamen pœnitueret.

Deveniendo modo ad pœnam peccati An-  
gelorum, certum est, Angelos omnes  
post peccatum fuisse damnatos pœna-  
damni, & ignis. Sed præter has pœnas,  
alias etiam habuerunt in intellectu, in  
voluntate, in potestate ipsorum, seu  
principatu. In intellectu quidem, quia  
licet intellectus in naturalibus nullum  
passus sit detrimentum, in gratuitis ve-  
ro, quæ erant mere speculativa, ipsius  
cognitio imminuta est; & in gratuitis,  
quæ erant simul gratuita, & in Deum  
affectiva, totaliter ablata est. In volun-  
tate etiam, quia obſtinatio in malo est  
pœna, qua Dæmonum voluntas a Deo  
punitur. In potestate demum, seu prin-  
cipatu, quia quanvis Angeli apostaræ in  
Angelos, qui sequaces eorum fuerunt,  
eandem habeant potestatem, & prin-  
cipatum, quem antea habebant, nullum  
tamen habent in hominem, resque illi  
subjectas. Hæc autem omnia probanda  
ſunt.

Primo de igne, quod non ſit metaphoricus,  
vel spiritualis, ſed verus, corporeus, &  
proprius, ac ejusdem cum nostro ratio-  
nis. Contrarium putat errorem Joannes  
a S. Thoma; & S. Hieronymus ep. 59.  
inter Origenis hærefes ponit, quod dixe-

rit, ignem inferni non confiſtere in ſup-  
pliciis, ſed in peccatorum conſientia.  
Bellarmine t. 1. controv. 2. lib. 4. de  
Christo c. 8. inter Calvini errores ponit  
eriam, quod dixerit, in inferno nil aliud  
effe, quam timere Deum iratum. Et  
quanvis veritas hæc non ſit adhuc ab  
Ecclesia expreſſe definita, ut teſtantur  
Bellarmine cit. loc. contr. 6. lib. 2. de  
Purgatorio c. 11., & Vasquez; nihilomi-  
nus Catharinus, qui lib. de præmiis bo-  
norum, & suppliciis malorum dixit,  
ignem inferni non effe corporeum, &  
materiale, ſed spirituale, & meta-  
phoricum, apud Catholicos non bene  
audit. Minus vero male audiunt aliqui,  
qui apud Cacheranum dicunt, ignem in-  
ferni effe verum, & corporeum ignem,  
ſed diversæ ſpeciei a noſtro; & hi ſunt  
Clethovæus, & Alphonsus a Castro,  
qui item effe ſub Judice, affirmat. I.  
Ignis, quo torquentur Dæmones, eſt  
idem ignis, quo torquebuntur homines  
poſt judicium; ille eſt verus, & corpo-  
reus: ergo & hic. Major eſt certa; non  
enim in Scripturis de diverso igne fit  
mentio. Minor probatur. Scripturæ lo-  
quentes de igne inferni ſimpliciter lo-  
quuntur, & uniformiter, & frequenter:  
ergo de vero, & proprio igne ſunt intel-  
ligendæ. Antecedens negari non potest;  
consequentia ſequitur, quia hæc eſt re-  
gula intelligentiæ, & explicationis Scrip-  
turarum. II. Sancti Patres ignem inferni  
corporeum effe non inficiantur; ſiquidem  
Augustinus lib. 21. de civit. Dei c.  
10. ſcribit: *Cur non dicamus, quanvis mi-  
ris, tamen veris modis, Spiritus incorporeos  
poſſe pœna corporalis ignis affligi?* Eadem  
habet S. Hieronymus ep. 59., & in c. 5.  
ep. ad Ephes. Gregorius magnus lib. 4.  
dial. c. 31. afferit, inferni ignem corpo-  
reum effe non ambigo.

De pœna intellectus probantur quæ dixi-  
mus. Intellectus enim non minatur, ſeu  
non minuitur, niſi quando minuitur na-  
tura, cuius eſt facultas; & ratio eſt, quia  
facultas ſequitur naturam; ſed natura An-  
gelorum poſt peccatum non eſt mutata:  
ergo neque in naturalibus intellectus.  
Uterius; grauita speculativa speculati-  
vam cognitionem faciunt; cognitio spe-  
culativa habetur per revelationem; ſed  
cognitio per revelationem imminuta eſt  
in Angelis poſt peccatum: ergo &c. Mi-  
nor probatur a S. Thoma 1. p. q. 64. ar.  
1. quia Angeli ante lapsum plura cogno-  
ſebant per revelationem, poſt vero co-  
gnoscere.

gnoscunt pauca. Demum; gratuita , quæ sunt simul in Deum, affectiva, omnia perdidérunt Angeli post peccatum ; quia carent charitate , & per consequens carent virtutibus illis omnibus , quæ ad charitatem referuntur .

De pœna voluntatis , quæ est obduratio , probatur quoque . Obstinata dicitur voluntas illorum , qui non possunt a peccato resipiscere; Dæmones non possunt a peccato resipiscere: ergo ipsorum voluntas est obdurata , & obstinata in malo . Subdit Angelicus . Dæmones in omnibus actibus suis lethaliter peccare , quia in eis includitur semper summum odium Dei . Verum non demerentur , quia ad demerendum non sufficit peccare , sed requiritur etiam in peccante status viæ .

Pœna tandem amissionis principatus , & potestatis , sic simul explicatur , atque probatur . In Scripturis habemus , & Dæmoniorum principem , & Satanæ regnum; sed hæc duo important superioritatem , & subjectionem : ergo in Dæmonibus est principatus , & potestas , quæ prius erat in ipsis erga Angelos inferiores , antequam caderent . Major probatur ex Matth. 12. Hic non eiicit Dæmones , nisi in Beelzebub , principe Dæmoniorum ; & ex eodem loco : Si Satanas Satanam eiicit , adversum se divisus est : quomodo ergo stabit regnum ejus ? Insuper ; Post casum retinent mali Angeli nomina imperii , & potestatis , quæ habebant ante lapsum ; scilicet Potestatum , Principatum &c. ergo retinent pariter superioritatem , quam antecedenter habebant . Antecedens patet ex ep. ad Rom. c. 8., ex I. ad Cor. c. 15., ex ep. Ephes. c. 6. Denique ; potestas illa , & subjectione , proveniebat in Angelis ex natura : ergo non deperdiderunt per culpam . Consequentia sequitur ; quia remanserunt in Angelis malis , quæ per naturam habebant . Antecedens est manifestum , quia Angelorum alii alii erant natura excellentes , ut omnes fatentur . In homines vero nullam habent potestarem , præter eam , quam illis tribuit Deus ut justitiae suæ ministris ; quæ quidem in rigore non est potestas , sed ministerium , & servitus . Quis enim dicet , potestatem esse illam , quam Tortores habent , ut homines reos torqueant , vel etiam occidunt ? Et quia hæc servitus , quam Deo tribuunt , homines persequendo , a Deo est ; ideo orationibus utimur , quibus non Dæmones , sed Deum , oramus , ut illis

imperet , ne amplius nos persequantur . Et sic intelligenda sunt verba Augustini lib. 4. cont. Julianum c. 4. Ecclesia filios fideliū nec exorcizaret , nec exsufflaret , si non eos de potestate Dæmonum erueret . Addimus ; quod si innocentie status in hominibus perseverasset , non habuissent apostatae Angeli hoc ministerium in homines , qui non fuissent peccatores , sed justi . Et ob hanc eandem rationem Dæmones nec potestatem habent in res nostras , sed Dei mandata execuantur , quando , vel in nostrorum delictorum pœnam , vel in virtutis exercitium , vel ad meriti augmentum , res nostras divexant , perturbant , disperdunt . Et hoc in Job patuit , cui nihil Dæmones , nec in rebus , nec in filiis , nec in persona facere contrarium potuerunt , nisi Deus ip-sis aut permisisset , aut imperasset .

Arguunt I. Ignis plures in sacris literis intelligitur metaphorice , non propriæ ergo sic pariter intelligendus est inferni ignis , qui in sacris literis legitur . Probatur antecedens . Luc. 3. & Matth. 3. dicitur : Ipse vos baptizabit in Spiritu Sancto , & igne ; sed in hoc loco metaphorice intelligitur : ergo &c. II. Ambrosius in c. 24. Luc. , Hieronymus in c. 65. Isai , & Damascenus lib. 4. de fide c. ult. nomine ignis in inferno intelligunt tristitiam , & dolorem spiritualem , quem propter beatitudinis amissionem Dæmones patiuntur : ergo non est ignis materialis , & corporeus inferorum ignis . III. Augustinus lib. 21. de civit. Dei c. 10. afferit , in Epulonis parabola Lucæ 16. ita intelligendam esse flamnam gehennæ , sicut intelliguntur aqua , digitus , lingua &c. , sed hæc metaphorice intelliguntur : ergo pariter ignis . IV. Gregorius magnus lib. 15. moral. c. 17. ignem inferni apertis verbis vocavit incorporeum : ergo &c. V. In peccati pœnam Angelii superiores perdere debebant superioritatem , quam in inferiores habebant ; ergo illam modo non habent . VI. Angelii antequam caderent vel habebant superioritatem in homines , vel non habebant ? Si habebant ; illam non perdiderunt , sicut non perdiderunt quam habebant in Angelos ; quia erat a natura , ut dictum est ; si non habebant : ergo nec modo habent Angelii , qui sunt boni ; atqui hoc dici non potest ergo &c.

Respondemus ad I. quod eadem vox aliquando in Scripturis accipitur proprie , aliquando improprie ; prout scilicet eam

er-

exprimunt vel res, quæ narratur, vel verba, quæ adhibentur, vel contextus, ad quem refertur. Accedit, quod majoris ponderis est, quando eam in aliquo loco proprio intelligunt Ecclesiae Patres, & Doctores. Unde non mirum, si vox ignis aliquando in Scripturis accipitur proprio, aliquando improprio, ac metaphorice.

Ad II. Ambrosius explicatur ab Estio in IV. dist. 44. §. 13. ad 8. de igne, qui est in inferno præcipuum tormentum, non vero de igne, qui est tormentum minus præcipuum, & quem Ambrosius intellexit esse corporeum. Hieronymus dicitur quod cit. loc. loquutus fuerit recitative, non vero assertive, sicut loquutus est in locis illis, quæ nos in probationibus allegavimus. Damascenus vero solummodo negat, inferni ignem esse corporeum, quia non indiget pabulo corporali, ut conservetur, & ardeat.

Ad III. Augustinus loquitur de parabola Epulonis, & consequenter de omnibus, quæ in parabola continentur; & in hoc solum sensu dixit, ignem parabolæ esse metaphoricum. At inferni ignem esse verum, & proprium alia ipsiusmet testimonia superius allata ostendunt.

Ad IV. Gregorius Magnus ideo vocat incorporeum gehennæ ignem, quia corporeo pabulo non alitur, ut ignis, quem nos habemus. Quod vero sit corporeus, ut nos intendimus, asserit loco, quam nos citavimus.

Ad V. dicit S. Thomas I. p. q. 109. ar. 2. principatum illum non perdidisse Angelos superiores, quia post peccatum non cedit illis in bonum, sed in malum: Quod autem superioribus inferiores subdantur, non est ad bonum superiorum, sed magis ad malum eorum: quia cum mala facere maxime ad miseriam pertineat, praesse in malis, est esse magis miserum.

Ad VI. negamus ultimam minorem subsumptam. Ratio est, quia nec modo Angelii boni ullam superioritatem in homines habent ex natura, sed tantum ex Dei ordinatione. Nec omnes Angeli habent; at illi tantum, qui a Deo ita sunt ordinati. Nec quia præstantiores sunt natura hominibus, ideo natura quoque debent illis esse superiores; non enim semper natura excellentior superioritatem importat ex se ipsa, quanvis ex Dei ordinatione aliquando dicat; ut rem bene consideranti innotescit. Quod si adhuc admittamus potestatem illam in homines

habuisse, quando erant boni; quia ramen non ex natura habuerunt, ideo eam in peccati poenam amiserunt.

Dicimus, Angelorum malorum poenam esse æternam.

I. Probatur ex Scripturis. Matth. 25. Discedite a me maledicti in ignem aeternum, qui paratus est Diabolo, & Angelis ejus. Ibidem: Et ibunt hi in supplicium aeternum: justi autem in vitam aeternam. Marci.

3. Qui autem blasphemaverit in Spiritum Sanctum, non habet remissionem in aeternum II. ad Thessalonicenses 2. Qui pernas dabunt in interitu aeternas a facie Domini. Judæ v.6. Anglos vero, qui non servaverunt suum principatum, sed derelinquerunt suum domicilium, in iudicium magni diei, vinculis aeternis sub caligine reservavit.

II. Probatur ex Conciliis. V. Synodus generalis hæc in Origene damnavit: Omnia impiorum hominum, ipsorumque etiam Daemonum, tormenta finis habitura: atque impios, & Demones in priorem suum statum restitutum iri. Præterea Christum operare pro Daemonibus crucifigi, & id ipsum sapientem per futura secula perpeti a spiritibus iniquitate, qui sunt in cœlestibus. Concilium Florentinum generale definivit de hominibus quod potest etiam Angelis applicari. Animas illorum, qui post baptismum suscepimus nullam omnino peccati maculam incurverunt; eas etiam animas, quæ post contractam peccati maculam, vel in suis corporibus, vel iisdem exules corporibus sunt purgatae: in calum nulla mora recipi, & intueri clare ipsum Deum Trinum, & Unum sicuti est; meritorum tamen diversitate alium alio perfectius: Illorum autem animas, qui in actuali mortali peccato, vel solo originali, decedunt, mox in infernum descendere, tamen disparibus puniendas.

III. Probatur ex Patribus. Tertullianus lib. de carne Christi c. 14. Nullum mandatum de salute Angelorum suscepit Christus a Patre. Quod Pater neque repromisit, neque mandavit, Christus administrare non potuit. Ireneus lib. 4. adv. hæres. c. 4. Quibuscumque dixerit Dominus: Discedite a me maledicti in ignem aeternum; illi erunt semper damnavi. Hieronymus ad verba Matthei: Et ibunt hi in supplicium aeternum, justi autem in vitam aeternam: inquit: Prudens. Lector adverte, quod & supplicia aeterna sint, & vita perpetua metum deinceps non habeat ruinarum. Augustinus lib. de correp. & grat. c. 10. patrem esse, inquit, causam miseria in Demonibus,

nibus , & beatitudinis in Angelis . Beda in c. 3. ep. Jacob. exponens verba illa : inflammat a gehenna , ait : A gehenna dicit, a Diabolo, & Angelis ejus, propter quos gehenna facta est: & qui ubique vel in aere volitant, vel in terris, aut sub terris vagantur, sive detinentur, suarum semper secum ferunt tormenta flammarum instar ferbicitantis, qui etsi in letis eburneis , etsi in locis ponatur apricis , fervorem tamen , vel frigus insiti sibi languoris evitare non potest . Sic ergo Dæmones , etsi in templis colantur auratis, etsi per aera discurrant , igne semper ardentes gehennali ; & ex ipsa sua poena commoniti deceptis quoque hominibus fomitem viciorum , unde & ipsi perent , invidendo suggerunt .

IV. Probat Rationibus . I. Tandem dura-  
re debet poena Dæmonum , quamdiu du-  
rabit obstinatio ipsorum ; sed obstinatio  
ipsorum erit semper : ergo semper erit  
ipsorum poena . Major est certa ; non  
enim remitti debet culpa non retracta-  
ra ; minor patet ex dictis ; consequentia  
sequitur . II. Si poenitentia non subeat  
vicem poenæ , poena semper durabit ; sed  
in malis Angelis nunquam poenitentia  
subibit vicem poenæ : ergo poena semper  
durabit . Et hanc rationem sic illustrat  
S. Cyprianus in fine lib. ad Demetrianum :  
*Quando istinc excessum fuerit , nullus jam  
penitentia locus , nullus satisfactionis effe-  
ctus . III. Quando æternum est agens ,  
& actio pariter est æterna , æterna etiam  
est poena ; sed æternus est ignis , & æter-  
na est combustio ignis : ergo æterna est  
poena ignis . Augustinus lib. de fide c. 15.  
hanc rationem exprimit : Neque illud dici  
hic potest , in quo nonnullos seipso seducunt,  
ignem æternum diatum , non ipsam combu-  
stionem æternam . Per ignem quippe , qui  
æternus erit , transituros arbitrantur eos ,  
quibus propter fidem mortuam per ignem  
promittunt salutem : ut videlicet ipse ignis  
æternus sit ; combustio vero eorum , hoc est  
operatio ignis , non sit in eos æterna . Cum  
& hoc prævidens Dominus sententiam suam  
conclusit , ita dicens : Sic ibunt illi in com-  
bustionem æternam : justi autem in vitam  
æternam .*

Opponunt I. Est contra justitiam Dei pec-  
catum momentaneum , etsi gravissimum ,  
æterna poena punire : ergo Dæmonum  
poena non debet esse æterna . II. Ambro-  
sius in com. ad Ep. ad Ephes. c. 3. expli-

cans verba illa psalmi 23. Tollite portas ,  
principes , vestras , & elevamini portæ ater-  
nales , & introibit Rex gloria : ea intelli-  
git de Dæmonibus , qui aliquando relin-  
quent Principem suum Diabolum , &  
Christo adhærebunt : Dicitur ergo his  
principibus , qui in errore sunt , in cœlesti-  
bus , sive ministris ejus in terris , ut aufer-  
ant portas principis sui Diaboli de menti-  
bus suis , per quas multorum Deorum asse-  
vendorum error intravit . III. Ambrosius  
etiam in psal. 118. Distinguit inter poe-  
nam Dæmonum , & poenam hominum ,  
quatenus proportionem dicat culpæ , quæ  
scilicet fuit brevissima , & altera culpæ ,  
quæ fuit longior : Diabolus enim , & mi-  
nistri ejus cum hominibus non flagellabun-  
tur . Separata est poena , ubi distat & cul-  
pa .

Respondemus ad I. cum Augustino lib. 21.  
de civit. Dei : Nulla unquam justitia , nec  
lex decrevit , ut tanta mora temporis quisque  
puniatur , quanta mora unde puniretur ad-  
misit . Eadem habet Gregorius lib. 34.  
moral. c. 16. Ad districti judicis justitiam  
pertinet , ut nunquam careant supplicio ,  
quorum mens in hac vita nunquam voluit  
carere peccato ; & nullus detur iniquo ter-  
minus ultionis , qui quandiu valuit noluit ba-  
bere terminum criminis .

Ad II. Commentaria in ep. S. Pauli , quæ  
sub nomine Ambrosii circumferuntur ,  
non sunt Ambrosii , ut Eruditi omnes  
consent . Bellarminus putat fuisse illo-  
rum Auctorem Hilarium , aut Pictavie-  
sem , aut Arelatensem ; Petavius negat , &  
alium suspicatur auctorem . Quicquid de  
hoc sit , dicimus cum eodem Petavio , per  
principes illos non alios intelligi , quam  
impios spiritus , qui fide carent , & in-  
errore sunt , ac tyrannici affensi sunt Dia-  
boli ; qui tamen prædicatione Ecclesiæ  
ab errore illo liberabuntur .

Ad III. Distinguit Ambrosius Dæmonum  
supplicia a suppliciis hominum , hac qui-  
dem ratione ; quia Dæmonum vult esse  
sempiterna , hominum vero putat miseri-  
cordia temperari . Cæterum Ambrosius  
de æterna Dæmonum poena sic loquitur  
lib. 2. de fide c. 4. Tu te a Diabolo crea-  
tum , Manichæi , arbitraris . Ad illius ergo  
festina sedem , ubi ignis , & sulphur ; ubi non  
restingitur ejus incendium , nec unquam po-  
ena moritur .

# DISSE

# R T A T I O C L I I I .

*De Angelorum , sive bonorum , sive malorum , extraordinariis operationibus ; ubi de Spectris , Energumenis , Magis , Maleficis , Pythonibus , Lamis , Incubis , & Succubis , aliisque similibus .*



Ontra a nobis in hac Dissertatione dicenda, quoscunque potuimus colligere errores, quascunque invenire sententias, contigit; hic primo referre, consilium est; ut deinde servato ordine de singulis pertraetare, non quidem ex instituto, sed stricto calamo, consueta tamen methodo, pergamus.

Primo illi omnes, quos in antecedenti Dissertatione diximus, Dæmones negare, eorundem pariter sive apparitiones, sive operationes, negant. Unde Cassius putavit, sensus potius decipi, & imagines illas fingere; sic pariter Michael Balbus, Orientis Imperator. Quod referunt Plutarchus in Bruto, & Zonaras, apud Coccum.

Secundo apud eundem est Andreas Tiranguillus ad c. 10. lib. 2., & ad cap. 23. lib. 5. Alexandri ab Alexandro genialium dierum, qui voluit, Dæmonum apparitiones, & spectra, mera esse somnia.

Tertio Levinus Lemnius lib. 2. de abditis naturæ miraculis c. 1. afferit, humores, non malos genios, inducere morbos; quanvis aerei spiritus illis aliquando se immisceant, ut tempestatibus quoque se immiscent, & irritare, ut nobis acrius noceant. Et c. 2. subdit, quod Malancholici, Maniaci, Phrenetici, quique alia ex causa perciti sunt furore, alienam linguam aliquando usurpant, quam nunquam didicerunt; & non per hoc Dæmoniacos esse.

Quarto Calvinus lib. 4. instit. c. 19. §. 24. hæc scribit: *De clementiis illis Exorcistis quis unquam fando audivit, quod specimen unum sue professionis ediderint?* Fingitur illis potestas data imponendi manus super Energumenos, & Catechumenos, & Dæmoniacos; sed tali se potestate præditos Dæmonibus persuadere non possunt: non modo

quia eorum imperii non cedunt Dæmones, sed etiam quia ipsis imperant.

Quinto Hieronymus Vvellerus ad c. 2. posterioris epistolæ ad Thessalonicenses, apud Coccum, fatetur quidem, & olim, & nunc, expulsa esse Dæmonia in Papatu, sed negat, aut expulsa fuisse, aut expelli per exorcismos, quos afferit meras præstigias esse.

Sexto Henricus Cornelius Agrippa, verba sunt Coccii, „ scripsit adversus Lamium Inquisidores librum, quo reprehendit eos, qui maleficas mulieres ob id infestantur, quod eas rem venereum cum Dæmonibus habere compertum fuerit: „ quam quidem rem ipse dederit seu fabulosam, & a somniis, & imaginationibus delirantium anicularum innatam, quæ „ cum sape dormientes per somnia decipi, plantur, & interdum quoque vigilantes, vehementi libidinis imaginatione eludantur, tamen vere arbitrantur, ea sibi contigisse, quæ sola imaginatione peracta sunt „.

Septimo Joannes Vvierus lib. 6. de præstigiis Dæmonum c. 27. apud eundem ait: „ Lamiæ commiseratione potius, quam poena chormi, dignæ sunt: omnique potius auxilio, quod dolum, vim, metum, passis, furiosis, deceptis, ignorantibus, impotentibus, aut ipso jure competit, aut ratione suadente tribuitur „.

Octavo a Martino del Rio lib. 2. magicanum disquisitionum q. 1., ubi quærens; an sit aliqua magia dæmoniaca; respondet his verbis, quæ fideliter reportamus.

Hanc etiam esse negarunt, qui Dæmones esse negant, cum Sadducæis, Democrito, Aristotele, Averroc, & Simplicio, quorum sententia est impia, & hæretica. Nam & Dæmones esse, & dæmoniacam magiam, quæ nec industria, nec naturalibus causis, sed immateriali quapiam, & separata virtute nititur; hoc „, &

, & sacræ Scripturæ testimo niis, & omnium actuum memoria, atque experientis, tam est compertum, ut velle probare, nihil sit aliud, quam lycnis accensis meridianæ luci opitulari. Hoc probant cum B. Augustino lib. 11. de civ. Dei c. 6. Theologi catholici omnes, & Philosophi plerique Trismegistus, & Pthagoræi; ex Platonicis Psellus, Plotinus, Proclus, Jamblicus, Chalcidius, & Apulejus, .

Nono apud eundem del Rio sunt, qui Dæmones esse farentur, sed negant magiam a Dæmonibus vel manasse, vel exerceri. Unde quidam ejus effectus tribuunt immediate Deo per Magos operanti; alii Deo perficienti per bonos Angelos; alii adscribunt bonis Angelis, quorum absolute dicunt effectus esse. Et ita opinatus est Scotus Parmensis; & antiquitus quoque imposturam fuisse Magorum, præcipue Platonicorum, Jamblici, Porphyrii, Plotini, Procli, & Juliani Apostatæ.

Decimo Dæmones Incubos, & Succubos, complures Hæretici negarunt; & ex Catholicis etiam nonnulli, ut ait del Rio lib. 2. q. 15., quos enumerans, afferit, fuisse ex Belgis Philippum Broidens, ex Italis Cardanum, Poncinibum, & Joannem Baptistam a Porta.

At quia ex his, qui cum Dæmonibus commercium habent, plurimi etiam Dæmonibus cultum exhibent, & adorationem; uti sunt Magi, Malefici, Pythones, Lamiae &c., & quem præstant cultum ex iisdem etiam non pauci debitum; ac justum esse volunt; hinc etiam prævinciam hic sumimus referre illos, illorumque insanias manifestare.

Primo ponitur Zeroaster, qui floruit ante Christum natum anno fere 1750., & in oraculis magicis c. de Dæmonibus, & Sacrificiis, probare voluit, magiam esse exercendam, & cultum Dæmonibus exhibendum. Et hinc est, quod hic ident Zeroaster primus magicæ artis invento dicitur a Plinio ex Gentibus, & ab Epiphano ex nostris.

Secundo dicitur Mercurius Trismegistus, vel quisquis alius sub ejus nomine latet, qui in Asclepio c. 13. sicut magica multa docere conatur; sic Dæmonibus cultum præstandum præcipit.

Tertio scribunt fuisse post Christum natum Romæ Simonem Magum; de quo dicunt, quod prius in Iudea magicam artem exercuerat, atque docuerat, Dæmones prædicando, ac invocando; postmodum

PAR. II.

Romæ seipsum uti Deum adorandum a Populo voluisse, afferunt; ut Eusebius, Irenæus, Justinus &c. Quarto hæretici plures, qui ex Simonis schola exierunt, magiam exercere sunt visi. Nimirum Gnostici; ut testatur Eusebius lib. 4. hist. c. 7. Basiliiani; quod afferit Irenæus lib. 1. c. 23., & Epiphanius hæres. 24. Carpocratiani, Dæmones invocantes; uti narrat Theodoreus lib. 1. hæret. fabul. Helcesitæ, invocationes pariter, & incantamenta Dæmonum adhibentes; quod refert Nicephorus lib. 5. c. 24. Manichæi invocantes quoque, & adorantes; uti scribit Cyrillus catech. 6. Sataniani, qui Sanatam adorabant, ei que laudes canebant; unde Sataniani dicti sunt apud Epiphanium hæres. 80.

Quinto Constantinus Copronymus, Orientis Imperator, delectabatur plurimum magicis maleficiis, cruentis sacrificiis, fædissimis luxuriis & sacrilegii Dæmonum invocationibus. Testis est Otto Friesingensis lib. 5. c. 9., cui accedit Abbas Urspergensis ad ann. 742.

Sexto fuerunt circa ann. 1050. Manichæi Agannenses, qui occulte Diabolum adorabant, quia illum sui corporis conditorem credebant; ut refert Rodulphus Ardens Dom. 8. post Trinit. Et fuerunt pariter ann. 1270. in Aragonia hæretici alii, qui docebant, licitum esse Dæmones adorare, & honorare latræ mitrorie, si suum Crætorem repræsentent. Et quod non tantum absque vizio hæreticos, sed etiam absque peccato ullo, possint Dæmones latræ cultu adorari, si hoc ab Ecclesia Dei prohibatum non esset. Scribit Nicolaus Eymeticus par. 2. q. 10.

Septimus de Guillermo Linensi, Doctore Theologo, hæc scribit Coccius: „Magicarum artium accusatus, & condemnatus, cum resipiscientia tandem afficeretur, confessus est: se per noctem cum Magis aliis persæpe deportatum esse, ut Diabolum adoraret, modo humana specie, modo hircina conspicuum, & religioni toti renunciasse. Quin etiam penes ipsum instrumentum obligationis contractæ cum Satana fuit deprehensus, quo sponsiones reciprocæ continebantur. Inter alias autem hæc: Doctorem obligatum esse, ut publice concioneretur; quicquid de Magis prædicetur, fabulam esse, non posse fieri: nullam fidem sermonibus istis haberi oportere, Atque his conditionibus augebatur mirum

T. 2

„ in

, in modum Magorum numerus, & se confirmabat, dum ab illis persequendis cef- farent Judices, : Petrus Marmorius lib. de Lamiis pro teste adducitur.

Ostovo ex Paulo Jovio in elogiis hæc idem Coccius narrat de Henrico Cornelio Agrippa . , Scriptit adversus Lamiarum inquisidores librum , quo reprehendit eos , qui maleficas mulieres ob id inse- stantur , quod eas rem venereum cum Dæmonibus habere compertum fuerit . Quam quidem rem ipse deridet seu fabulosam , & a somniis , & imaginationibus delirantium anicularum innatam , &c. quod modo diximus . Verum , quod deterius est, subdit : , Epistola quam ad- jecit ad finem libri tertii de occulta Phi- losophia , scribit clavem occultæ Philo- sophiæ a se amicis solum asservari . Is autem liber quartus est , discipulorum ejus opera post mortem Magistri manda- tus typis ; qui liber tanquam clara luce detectabile magiæ venenum retegit , omnes Dæmonum invocationes , circulos , characteres , & sacrificia Saranæ obla- ta, .

Devenientes modo ad extraordinarios bo- norum Angelorum effectus , dicimus , inter illos enumerari , quod in corpori- bus assumptis hominibus aliquando appa- reant . Hoc pariter explicamus eo mo- do , quo in superioribus , ex P. Magnani sententia , exposuimus . Afferunt autem Scriptores , hoc ipsum prioribus mundi , & ecclesiæ seculis frequentius , quam posterioribus temporibus , fieri consue- viisse . Ulterius , sanctis Angelis in sacris libris tribui etiam aliquando regnorum eversionem , regnorum ad alias gentes translationem , exercituum clades ; quod testatur S. Augustinus lib. 4. de civ. Dei c. 17. ubi Gentilium vanitatem deridens , qui hæc omnia Diis suis tribuebant , di- centes , quod Deam Victoriae Juppiter mit- dat , atque illa tanquam Regi Deorum ob- styperans , ad quos jussérat , veniat , & in ea- rum parte considat ; inquit apposite : Ho- zere dicitur non de illo Iove , quem Deorum Regem pro sua opinione configunt , sed de illo vero Rege seculorum , quod mittat non Victoriae , quæ nulla substantia est , sed An- gelum suum , & faciat vincere quem voluerit . Denique scribunt , quod boni An- geli erga iustos homines divinæ miseri- cordiæ effectus exerceant , justitiæ vero in perversos ; quod pariter Augustinus , explicans verba illa Psal. 77. immisiones per Angelos malos , probat : Si propterea

per malos Angelos illa Deum fecisse putave- rimus , quia pœna infligebantur , non bene- ficia præstabantur , tanquam nemini Deus pœnas irroget per Angelos bonos , sed per illos veluti militiae celestis carnifices ; con- sequens erit , ut etiam Sodomam per Angelos malos eversam esse credamus , & malos An- gelos Abraham , & Lot hospicio suscepisse videantur ; quod absit , ut contra Scripturas apertissimas sentiamus . Unde patet , Augu- stini mentem fuisse , in illo Psalmi loco Angelos fuisse dictos malos , quia malum pœnae infligebant hominibus scelestis , non vero quod mali per malum culps Angelii ipsi fuisse.

Ad malorum Angelorum extraordinarios effectus modo devenientes , non pauci Scriptores asserunt , quod Dæmones applicando activa passivis producunt aliquando animalia , quæ non ex ovo , sed ex putri generantur ; & exempla produ- cunt in ranis , muscis , muribus , vermi- bus &c. Attamen hoc non pro certo ha- bendum est ; quum plurimum Philosophorum sit sententia , omnia animalia ex ovo generari ; sive per veram genera- tionem produci . Unde in hac hypothesi dicendum est , ranas illas , muscas , mu- res , vermes &c. apparentes quidem fuisse , non veros . Et hoc pacto intelligen- dus est Augustinus lib. 15. de civ. Dei c. 23. , & quest. 21. in Exodus , quem in suæ opinionis patronum profert Ju- nius . Scimus , Estium , judicare , fuisse illa vera animalia , & per Magos natu- rali modo producta , non quidem per creationem , sed per generationem , vul- gari modo intellectam . Non negat ta- men , apparentia multa Dæmonum ope produci ; de quibus , ait , S. Augustinus loqui lib. 18. de civ. Dei c. 18.

Certum nihilominus est apud omnes , non posse Dæmones vera miracula efficere . Et Ratio est , quia quodcumque operan- tur Dæmones , naturalis potentiaz fines non excedit ; miracula autem excedunt cujuscunque creaturæ naturalem virtu- tem : Additur , quod aliter sequeretur , miracula illa , a Dæmonibus facta , vel confirmare errorem , cuius Dæmones sunt magistri , vel approbare veritatem , cuius Dæmones sunt inimici ; neutrum autem ex his dicendum est . Ulterius ; miracula sunt sigilla potestiaz divinæ ; absolum autem est , ut perduelles Regis sigillis utantur , Rege permittente , ad fraudes suas obfirmandas . Denique sequeretur , nos non posse esse certos de miraculis divinis , si pos-

Si possent in mundo esse dæmoniaca miracula; hæc autem certitudo admodum nobis necessaria est, ut verum a falso discernamus.

Objicitur I. Angeli boni possunt vera miracula patrare, immo homines etiam, qui sancti habentur, & sunt: ergo etiam Dæmones, qui naturalem virtutem æqualem habent cum Angelis bonis, & majorem, quam homines sancti. II. Magi Pharaonis vera miracula perpetravunt, convertendo virginem in draconem, aquam in sanguinem &c. producendo ranas, mures &c., atqui illa omnia virtute Dæmonum effecerunt: ergo &c. III. Pythonissa Saulis ex mortuis suscitavit Samuelem; hoc autem verum miraculum fuit, & Dæmonis virtute factum. IV. Homines mali possunt vera miracula efficere: ergo etiam Angeli mali. Antecedens constat. Matth. 7. ubi reprobi homines dicebant: Domine, nonne in nomine tuo prophetavimus, & Demonia ejecimus, & virtutes multas fecimus? Dominus autem respondebat illis: Nunquam novi vos; discedite a me, operarii, non miraculorum, sed iniuritatis. Cæterum etiæ effecissent, non fecerunt tamen in falsitatis confirmationem; quod utique facerent Dæmones, si miracula perpetrarent.

Respondemus ad I. nec bonos Angelos, nec sanctos homines, propria virtute miracula facere, aut facere posse; sed tantum dicuntur facere, vel quia Deus ad illorum preces talia operatur, vel quia ad hæc facienda illorum ministerio utitur; quod docet S.Thomas secund. secund.q. 178. ar. 1. Non autem Deus Dæmonum preces audit, nec illorum ministerio utitur, quando miracula facit. Non currit igitur paritas ab Angelis bonis, & ab hominibus sanctis ad Dæmones.

Ad II. dicitur ex sententia Josephi lib. 2. antiquit., & Tertulliani lib. de anima c. 57., aliorumque multorum, mutationes illas non suisse veras, sed apparentes; quatenus Pharaonis Magi per suas præstigias effecerunt, ut illorum oculis apparerent dracones, ranæ, sanguis &c. quum re-

vera essent virgæ, fluvius, aquæ &c. quæ in sua naturali substantia persistebant. Aliter rem explicat S. Thomas ex S. Augustino; sed nos, cohærenter ad dicta, data responsione utimur.

Ad III. ipsemet Augustinus lib. 2. ad Simplicianum qu. 3. docet, Samuelem non suisse a mortuis suscitatum vere, & realiter, sed tantum apparenter. En Augustini verba: In hoc facto potest esse alius simplicior intellectus, & expeditior exitus, ut non vere spiritum Samuelis excitatum a requie sua credamus, sed aliquod phantasma, & imaginariam illusionem, Diaboli machinationibus factam; quam propterea Scriptura nomine Samuelis appellat, quia solent imagines rerum eorum nominibus appellari, quorum imagines sunt.

Ad IV. dici potest, quod ex Matthæi verbis habetur, homines malos dixisse quidem se miracula effecisse, Deum autem responsione sua non approbasse; immo potius negasse, quum dixerit: non novi vos; discedite a me, operarii, non miraculorum, sed iniuritatis. Cæterum etiæ effecissent, non fecerunt tamen in falsitatis confirmationem; quod utique facerent Dæmones, si miracula perpetrarent.

Ad V. Exponuntur communiter verba illa de signis, & prodigiis apparentibus, non veris; vel quæ ab hominibus reputabuntur signa magna, & prodigia, quia erunt præter solitum mundi ordinem, sed vera miracula non erunt; vel tandem, ut ait Estius, quia talia erunt in oculis hominum, qui ad ea tanquam ad magna miracula, valde stupebunt.

Ad VI. Antichristus quæcumque faciet, Diaboli virtute faciet. Diaboli autem virtus naturalis quorumcumque hominum naturalem virtutem superat: unde Antichristi operationes respective ad modum operandi hominum miracula videbuntur, sed absolute miracula non erunt. Videbuntur autem iis, quibus Diaboli virtus non est perspecta, vel quibus a Deo cæcitas data est in pœnam. Audiatur Augustinus lib. 20. de civ. Dei c. 29. Solet ambigi, utrum propterea dicta sint signa, & prodigia mendacii, quoniam mortales sensus per phantasmatæ decepturus est, ut quod non facit, facere videatur: An quia illa ipsa, etiamsi erunt vera prodigia, ad mendacium pertrahent credituros, non caputisse nisi divinitus fieri, virtutem Diaboli nescientes, maxime quando tantam, quantum nunquam habuit, accipiet potestatem.

Modo

modo de singulis, quæ in Dissertationis titulo proposita sunt, agamus.

Spectrum idem est ac simulacrum, idolum, phantasma, imago rei alicujus, quæ oculis sese offert, vel phantasæ occurrit; ut ait Ambrosius Calepinus. Phantasma, proprie est similitudo individualis, seu rei particularis, in sensu interiori, ut docet S. Thomas. Attamen, quod subdit Mortier, „quia phantasia, seu imaginativa, aliquando ex coniunctione variarum rerum horribiles format imagines; „etiam illa spectra, quæ dum videntur, terror hominibus esse solent, phantasmata vocantur. „Tribuuntur Dæmonum operationibus hæc spectra, vel phantasmata duplice ex via; primo scilicet, quia Dæmones variis modis phantasmam immutant, spiritibus animalibus varios motus imprimento, unde procedunt somnia, varia &c. in somno, & etiam in vigilia fascinationes, ludificationes &c.; secundo vero, quia Dæmones etiam hæc extrinsecus operantur, sive, ut dicitur, efformando corpora aerea, sive alio modo; unde procedunt spectra, seu phantasma ex exterius apparentia; quæ omnia explicantur a S. Thoma 1. p. q. 111. ar. 3. in c. De his Spectris fuse loquitur Martinus del Rio disquis. magic. lib. 2. sec. 2., & multas affert auctoritates, & plura exempla, quibus illa fuisse, & esse, apparuisse, & apparere, hominibus ut plurimum probet. Nos adducimus testes S. Hieronymum in vita S. Hilarionis c. 3., S. Athanasium in vita S. Antonii, Severum Sulpitium in vita S. Martini c. 24., S. Paulinum in ejusdem S. Martini vita lib. 5., &, ut alios omittamus, S. Augustinum lib. 22. de civ. Dei c. 8. Qui plura de Spectris scire cupit, legat Fassen trac. 1. de Angelis disp. 3. ar. 3. appendic. unic., ubi de variis apparitionibus, & spectris tractat, & præcipue de Dæmoniacis spectris, & rationem reddit, qualiter Dæmones spectris assumptis hominum oculos ludere possint. Denique in sacris utriusque foederis paginis Spectrorum, seu phantasmatum hujusmodi memoriam habemus. Psal. 90. Non timebis a timore nocturno, a sagitta volante in die, a negotio perambulante in tenebris, ab incurso, & Dæmonio meridiano. Ubi tam de diurnis, quam de nocturnis spectris fit mentio. Pariter Matth. 14. de Apostolis legitur: Videntes cum super mare ambularem, turbati sunt dicentes, quia phantasma est, & propter timore clamaverunt. Non credidissent

autem, Christum esse phantasma; nec timuerunt, nisi phantasmata dæmoniacæ esse scivissent.

Energumeni, græco vocabulo dicti, latine idem sonant ac interius acti, seu agitati, vel ad opus adacti; quia re vera Energumeni a Dæmonibus male agitantur, & in operibus suis violenter aguntur. Hinc S. Thomas 3. p. q. 71. ar. 2. ad 1. docet, Energumenos dici quasi interius laborantes ex extrinseca Diaboli operatione. Hoc idem docuerat Concilium Illiberitanum can. 9. de Energumeno, qui ab erratico spiritu agitur, statuens, quod bujus nomen neque ad altare cum oblatione sit recitandum, neque permittendum, ut sua manu in Ecclesia ministret. Dicuntur etiam Arreptiti; & de illis, qui se tales esse fingunt, Concilium Constantinopolitanum III. c. 6. in Trullo, decrevit: Arreptitos se simulantes, & qui morum improbitate eorum figuram, & habitum simulate præferunt, visum est omnino puniri. Pariter Obsessi appellantur; ut scribit Cæsarius lib. 3. c. 2. quidam Obsesus; & lib. 5. c. 11. mulier obessa; & eodem libro c. 14. puella obessa. Obsessi scilicet a Dæmonibus intelliguntur; quemadmodum Energumeni ab energo, quasi a Dæmonibus vexati; & Arreptiti, nempe a Dæmonibus arrepti. Antiquis temporibus Energumeni templa intrabant, ut patet ex can. omni die, de consecr. dist. 5., sed consecrationis tempore a Diacono, alta voce dicente: Ita Energumeni: expellebantur; quod legitur in Liturgia S. Clementi Papæ attributa. Hos quidem Energumenos fuisse in mundo, seu Dæmones interdum humana corpora subiisse, ex Scripturis, & ex Patribus, apertissime constat. Lucæ 3. Scribæ, & Pharisæi de Christo dicebant: In Beelzebub Principe Dæmoniorum ejicit Dæmonia. Credebant ergo, Dæmoniacos, seu Energumenos esse. Christus non eos reprehendit, quia hoc credebant, sed quia dicebant, se in Dæmonum virtute Dæmones expellere. Item apud Lucam, Marcum, & Matthæum, Dæmoniaci Lunatici, historia narratur. Apud Lucam pariter dixerunt Apostoli: Etiam Dæmonia subjiciuntur nobis in nomine tuo; & apud Marcum Christus immundo Spiritui dicebat: Exi Spiritus immunde ab homine isto. Hanc autem potestatem Dæmones ejiciendi Christus Dominus non tantum Apostolis tribuit, sed etiam Ecclesiæ ministris, & fidelibus quoque morum sanctitate ornatis. Unde legimus apud Tertullianum ad

Sca-

Scapulam c. 2. *Dæmones non tantum respulimus, verum & revincimus, & quotidie traducimus, & de hominibus expellimus, sicut plerisque notum est.* Et apud Cyprianum in epistola ad Demetrianum, Africæ Proconsulem: *O! si audire eos velles, & videre, quando a nobis adjurantur, & torquentur spiritualibus flagris, & verborum tormentis, de obsecsis corporibus ejiciuntur, quando ejulantur, & gementes voce humana, & potestate divina flagella, & verbera sentientes, venturum iudicium confitentur.*

Objiciunt I. Non est assignabilis causa, propter quam Dæmones hominum corpora intrent, eaque possideant; & nimis dum videtur, Deum illis hoc ipsum permettere, aliquando etiam sine hominum culpa: ergo non est hoc asserendum. II. Si Dæmones hominum corpora intrarent, duo Spiritus eundem locum definitivum omnino occuparent; hoc autem dici non potest: ergo &c. III. Legitur in vita S. Ildegaridis lib. 3. c. 20. fuisse eidem revelatum, Dæmones non in sua forma, seu substantia, humana corpora intrare, quia sic humana membra solverentur citius, quam stipula a yento dispergitur; sed homines obumbrare, & tegere suæ nigredinis umbra, & fumo; unde ad insaniam concitantur, & ad mira quædam alia, ad quæ anima non concurrit, remanet enim quasi sopita, & ignorans, quid caro corporis faciat: igitur non est verum, quod Dæmones hominum corpora intrent. IV. Mulieres præsertim in majori numero obsecræ dicuntur, sed quæ factæ inveniuntur ut plurimum; & si non fingunt, credunt tamen sic esse, quum plerumque tales ex infirmitate reddantur: ergo non est ratio, ut credamus, Energumenos in mundo esse.

Respondemus ad I. adsignando quinque causas, quas reddit Joannes Nider in suo Formicario c. 11. relatus a Frassen. Et sunt; pro majori merito possessi; pro alieno levi delicto; pro suo veniali delicto; pro gravi peccato alieno; pro magno proprio facinore. Cujuscumque causæ exemplum profert Nider, & rationem adsignat; quæ possunt apud ipsum videri.

Ad II. occurrit Frassen dicendo, quod diverso modo corpus occupant Anima, & Dæmon; Anima enim occupat informando, Dæmon vero tantummodo afflendo. Sed responsio hæc difficultatem non solvit, quæ tota versatur in ratione loci, non vero in ratione occupationis;

quanvis enim Dæmon diversimode occupet corpus, est tamen in eodem loco definitivo, ac anima; sed argumentum supponit, hoc repugnare: ergo ad hoc respondendum erat. Dicimus igitur, quod loquendo de Spiritibus, qui penetrari possunt, non est repugnantia, ut duo sint simul in eodem loco etiam definitivo.

Ad III. dicimus revelationem non satis constare; vel enim assuta fuit vita Sanctæ illius, vel eidem Sanctæ non fuit bene perspecta. Multa enim continet, quæ cum sana Theologia non cohaerent, & quæ omnino Patrum, & Theologorum loquendi modo repugnant. Potest etiam fieri differentia inter possessos a Dænone, & inter obsecros ab eodem; possessi enim non ea patiuntur, nec operantur illa, quæ patiuntur, & operantur obsecros. Unde revelatio si admittenda putatur, de possessis a Dænone explicari aliquatenus poterit, non vero de obsecrosis.

Ad IV. concedimus, aliquando mulierculas, se fingere obsecras, vel credere se obsecras esse, quum tamen infirmæ sint, aut corpore, aut mente; sed non per hoc dicendum est, omnes Energumenos esse factos. Audiantur iterum Patres, de Energumenis tanquam de re certissima in Ecclesia Christi loquentes. Irenæus lib. 2. c. 57. In Christi nomine, qui vere illius sunt discipuli, ab ipso accipientes gratiam, perficiunt ad beneficia reliquorum hominum, quemadmodum unusquisque accepit donum ab eo. Alii enim Dæmones excludunt firmissime, & vere, ut etiam sapissime credant ipsi, qui emundati sunt a nequissimis, & sint in Ecclesia. Origenes lib. 7. cont. Cellum: Non pauci Christiani Dæmonia ejiciunt ex obsecris corporibus, sine omni curiositate Magorum, & Veneficorum, sed solidis precibus, adjurationibusque simplicibus, quæ sunt artes hominum simplicium, per verbum suum caargente Dæmonum infirmitatem Christi gratia. Lactantius divin. instit. lib. 2. c. 15. Dæmones Justos, id est cultores Dei metuunt; cuius nomine adjurati, de corporibus excent; quorum verbis tanquam flagris, verberati, non modo Dæmones esse se confitentur, sed etiam nomina sua edunt &c. Eadem habent Hieronymus cont. Vigilantium c. 2., Augustinus lib. 8. de civ. Dei c. 26., aliique Patres pasim.

Magi universim dicuntur illi, qui magicam artem exercent. Nomine autem artis magicæ

gicæ venit omnis illa noticia, seu observatio, qua homines operantur aliquid cum exspectatione alicujus effectus a Dæmonie, ratione pactionis cum eo factæ quotunque modo, sive expresse, sive tacite. Ad hanc spectat omnis superstitione, quæ dicitur divinatrix; & sub hac continentur pyromantia, quæ in igne, aeromantia, quæ in aere, hydromantia, quæ in aqua, & geomantia, quæ in terra exercetur; item necromantia, quæ est divinatio per mortuos, vel per cadavera; chiromantia, quæ fit per manus inspectionem; & sciomantia, quæ est divinatio per umbram. Ad hanc ipsam reducuntur augurium, omen, aruspicium, pythonia, responsum ex tripode, ex specu, ex idolo; divinatio per somnum, per speculum, per fumum, per pelvum, per securim, per dolabram, per cibrum, per sortes, per constellationes, per sternutaciones, per characteres, per vocabula peregrina, per inspectionem Scripturæ sacrae, & per ipsum Evangelium, per temporis, diei, horæ observationem, & per alia similia, quæ innumera sunt quidem, & adhibentur a superstitionis hominibus ex pacto diabolico ad divinandum sive futura, sive occulta. De his agit S. Thomas 2.2.q.95. per toram; & cum eo Estius in 2. dist. 7. §. 21. Qui quidem ad hanc quoque reducunt artes, seu observationes omnes, quibus per pactum cum Dæmonie aut quæritur scientia, aut procurantur corporum immutationes, vel expectantur; item artem notoriam, & artem maleficiandi, per quam nocentia inferuntur; ligaturas quoque, quæ fiunt certo modo, aut figura, aut ex certi generis materia; denique infinita alia observationum genera, quæ adhibentur ad pellendos morbos, ad evertenda infortunia, & ad alia similia.

Hæc autem omnia fiunt per societatem cum Dæmonie; quæ quidem societas vel est explicita, per quam quis expresse Dæmonem consulit, vel per se, vel per alium, aut ei conjungitur quolibet alio aperto modo, & societatem init: vel est occulta, seu tacita, aut implicita, quæ non sit expresse cum Dæmonie, sed sit operatio cum exspectatione alicujus effectus, qui nec potest, nec debet a Deo, vel a natura rationabiliter expectari. Et hujusmodi sunt plurima a Dæmonibus instituta, & hominibus tradita; aut etiam ab hominibus sunt excogitata, qui vel scientes, vel nescientes, diabolicæ ne-

quitiae inserviunt; ut ait Estius: Et de his pariter omnibus scribit Augustinus lib. 21. de civ. Dei c. 6., & lib. 2. de doctrina christiana cap. 20. & quatuor seqq. Magi isti sunt etiam Pythones appellati a verbo græco πύτων, quod latine idem sonat ac serpens, & draco; qui ita dictus est a verbo πύτης, quod est putrefactio; ille enim, quem Apollo sagittis interfecit, halitu pestifero omnia putrefaciebat; & hinc Apollo dictus est πύτης. Ali vero deducunt a græco verbo πυραύλιος quod latine importat sciscitor, interrogator &c. Et ob inde dicunt, divinandi artem Apollini fuisse a Gentilibus attributam; & ab ipso fuisse python dictum Spiritum divinatorem, & divinatores ipsos pythones, & mulieres pythonissas etiam fuisse appellatas. Testis est Isidorus lib. 8. orig. c. 9. Pythones a Pythio Apolline dicti, quod is author fuerit divinandi. Vocantur etiam Malefici, quia malefacient di artem exercent.

Hæc autem ars quæcumque, pactum aliquod, aut societatem cum Dæmonie continens, omnino illicita est, & mala, quia divinæ legi, Ecclesiæ judicio, & rationis dictamini, repugnat; quod sic pergitus ostendere autoritatibus, & rationibus, quas subnecimus.

I. Probatur ex Scripturis. Deuter. 18. Non inveniatur in te, qui ariolos sciscitetur, & obseruet somnia, atque auguria, nec sit maleficus, nec incantator, neque qui pythones consulat, nec divinos, & querat a mortuis veritatem. Omnia enim hæc abominatur Dominus. Levit. 19. Non declinetis ad Magos, neque ab ariolis aliquid sciscitemini, ut polluamini per eos. Exodi 22. Maleficos non patieris vivere. I. Reg. 15. Quasi peccatum ariolandi est repugnare. I. ad Cor. 10. Nolo vos socios fieri Damonum. II. ad Cor. 6. Quæ societas lucis ad tenebras? Aut quæ conventio Christi ad Belial?

II. Probatur ex Conciliis. Concilium Anticyranum c. 24. Qui vaticinantur, & Gentium consuetudines sequuntur, vel in suas ædes aliquos introducunt, ad medicamentorum inventionem, vel lustrationem, in quinquennii canonem incident, secundum gradus præfinitos, tres anni substrationis, & duo anni orationis sine oblatione. Concilium generale Nicænum I. can. 20. Arabico: Nemo fidelium conversetur cum Maleficiis, & Divinis; & qui hoc fecerit, & eos interrogaverit, & eorum dicta approbaverit, in domumque eorum intraverit, aut in suam eos receperit, & eorum cibis & potionibus usus

*usus fuerit, si Sacerdos est, movendus est gradu suo, ac prohibendus communione fideliū, & ingressu Ecclesiae, & communione sacra prohibendus; si vero laicus fuerit, prohibendus est Ecclesia. Quod si agendum paenitentiam venerint, agenda est eis paenitentia annis viginti, quo tempore pane tantum ac sale vesci debent, & a vino abstinere, aqua contenti, ut sic castigati non redeant. Concilium Laodicenum can. 36. Non oportet eos, qui sunt sacrati, vel clerici, esse magos, vel incantatores, vel mathematicos, vel astrologos, vel facere ea, quae dicuntur amuleta, quae quidem sunt ipsarum animarum vincula; eos autem, qui ferunt, ejici ex Ecclesia iussimus. Eadem habent Synodus Trullensis can. 61. Concilium Agathense cap. 68. Concilium Aurelianense I. c. 32. Concilium Veneticum cap. 16. Concilium Francicum, vel Parisiense lib. 3. c. 2. Concilium Saleguntiadense cap. 10. Concilium Trevirens, celebratum ann. 1548. cap. de sortilegis Sacerdotibus, & Laicis.*

**III. Probatur ex Romanis Pontificibus.** Leo I. ser. 7. de nat. Dom. c. 3. *Habet Diabolus multos ex iis, quos tenacius obligavit, aptos suis artibus, quorum ad alios decipiendos, & ingenii utatur, & linguis. Per istos remedia agritudinum, indicia futurorum, placationes Dämonum, & depulsiones promittuntur umbrarum. Gregorius I. lib. 9. reg. ep. 47. Pervenit ad nos, quod quosdam incantatores, & sortilegos fueris insecurus. Et omnino nobis solicitudinem, zelumque tuum gratum fuisse cognoscas: sed moleste talimus, quod te dubitare, ne ab eis nobis, contra experientiam tuam sutripi potuisset, didicimus; cum certus esse, ac scire debueras, hoc tibi apud nos ad commendationem magis proficere, non ad culpam adscribi. Et ideo studii tui sit sollicite querere, & quosunque hujusmodi Christi inimicos inveneris, ita disticta ultione corrigere, ut & nos de experientia tua melius debeamus habere iudicium, & Deo nostro te, quod maxime studendum est, valeas commendare. Eadem habet lib. 7. reg. ep. 67., & lib. 1. Dialog. c. 4. Gregorius III. cap. 12. Decret. Si quis Ariolos, aruspices, vel incantatores observaverit, aut phylacteris eorum usus fuerit, anathema sit. Zacharias Papa ep. ad Bonifacium Episcopum: *De Kalendis Januariis, vel ceteris auguriis, phylacteriis, & incantationibus, vel aliis diversis observationibus, quae gentili more observari dixisti apud B. Petrum Apostolum, vel in urbe Roma, hoc nobis, & omnibus Christianis PAR. II.**

*detestabile, & perniciosum esse judicamus, dicente Deo: Non augurabimini, nec observabis soomnia: Et iterum: Non est augurium in Israel, nec observatio in domo Jacob. Ita & a nobis cædendum esse censetur, ut nullis auguriis, vel observationibus attendamus, quia omnia haec abscissa esse, a Patribus edocti sumus. Et quia per instigationem Diaboli iterum pullulabant a die, quan nos jussit divina clementia ( quamquam immeriti existamus ) Apostoli vicem gerere, illico omnia haec amputavimus. Eadem prohibiciones habentur apud Leonem IV. ep. ad Episcopos Britanniæ, Alexandrum III. Extra de Sortilegiis, Innocentium VIII. ep. adversus mulierum maleficarum hæresim, Alexandrum VI., Leonem X., Sextum V., Urbanum VIII. in suis Constitutionibus.*

**IV. Probatur ex Patribus.** Eusebius Cæsariensis lib. 5. præpar. evangel. c. 7. *Magicæ artis ipsi Dii Gentilium & inventores & doctores fuerunt. Unde nanque homines, quibus Dämones cogantur, quam ab ipsis Dämonibus discere potinissent? Neque putes id ita a nobis dici. Nihil enim nos barum rerum scimus, nec scire volumus. Chrysostomus hom. 8. in ep. ad Coloss. *Citius mors homini Christiano subeunda, quam vita ligaturis redimenda. Tertullianus lib. de idolatria c. 9. Cum magia punitur, cuius est species astrologia, utique & species in genere damnatur. Post Evangelium nusquam invenias aut Sophistas, aut Chaldaeos, aut incantatores, aut conjectores, aut magos, nisi plane punitos. Loquitur pariter lib. de anima c. 28. & c. 57. Hieronymus ad c. 5. Ep. ad Galar. Et ne forsitan veneficia, & maleficæ artes non widerentur in novo prohibita Testamento, ipsæ quoque inter carnis opera nominantur. Quia sæpe magicæ artibus & amare miseric evenit, & amari. Inimicitia quoque, qua post veneficia ponitur, quem habeat reatum, manifesto criminis subjecta declarat. Loquitur quoque ad c. 2. Danielis, ad c. 6. Ep. ad Ephes. Augustinus lib. 8. de civ. Dei c. 19. Adversus magicæ artes, de quibus quosdam nimis infelices, & nimis impios, etiam gloriari libet, in nomine Dämonum, ipsam publicare lucem in testem citabo. Cur enim tam graviter ista plectuntur severitate legum, si opera sunt Numinum colendorum? An forte istas leges Christiani instituerunt, quibus artes magicæ puniuntur, secundum quem alium sensum, nisi quod haec maleficia generi humano perniciosa esse, non dubium est? Eadem scribit lib. 2. de doctrina christia-**

Vuna

na c.20. lib.4. de Trin. c.10. & 11.

V. Probatur ex Principum laicorum legibus. Constantinus magnus in Cod. Theodos. l.3. C.de Maleficis : Nullus Aruspex, nullus Sacerdos, nullus eorum, qui huic ritui adsolent ministrare, ad limen alterius accedat; sed bujusmodi hominum amicitia, quanvis vetus, repellatur, concremando illo aruspice, qui ad domum alienam accesserit; & illo in insulam deportando post ademptionem bonorum, qui eum advocaverit suasionibus, vel pramiis. Accusatorem autem bujusmodi criminis non delatorem esse, sed dignum magis praemio declaramus. Eadem præcipit l.4. sub eod. tit. Constantius Augustus, & Julianus Cæsar in eod. Cod. l.5. C.de Maleficis : Nemo aruspicem consulat, aut mathematicum; nemo ariolum: augurum ac vatuum prava confessio conticeat. Chaldaei, ac Magi, & ceteri, quos Maleficos, ob facinorum magnitudinem, vulgus appellat, nec ad banc partem aliquid moliantur; sileat omnibus perpetuo divinandi curiositas. Etenim suppicio capitis ferietur, gladio ultore prostratus, quicunque iussis nostris obsequium denegaverit. Replicatur iussio in l. 6. & 7. sub eod. tit. Valentianus, Theodosius, & Arcadius in eod. Cod. l. 9. C. de Maleficis : Quicunque maleficiorum labo pollutum audierit, deprebenderit, occupaverit, illica ad publicum pertrahat, & Judicum oculis communis hostem salutis ostendat &c. Et iterum l. nemo deinceps C. de Episcopali audentia. Leo Imperator, cognomento Philosophus, Const.65., Theodoricus, Rex Italiæ, apud Cassiodorum lib. 4. ep. 22., Athalaricus apud eundem lib.9. ep. 18., Carolus magnus lib. 1. legum c.64., & lib.7. c.285., & addit. 3. c.61. eadem quoque præcipiunt.

VI. Probatur Rationibus. I. Nihil boni possunt homines ab implacabili hoste exspectare; nullumque proinde debent cum eo commercium inire; quia nullam eis fidem servabit unquam, nullamque amicitiam, vel societatem, custodiet; hujuscemodi esse Dæmonem cum hominibus, quis non adfirmabit? ergo &c. II. Perfecta societas importat inter Socios idem velle, ac idem nolle; sed non possunt habere homines cum Dæmonibus idem velle, ac idem nolle: ergo &c. sed si perfectam societatem non possunt homines habere cum Dæmonibus, neque possunt imperfectam: quod sic probatur: Ubi perfecta malitia est illicita, est etiam illicita imperfecta; quæ est inchoatio

mali, quum perfecta sit consummatio: ergo si perfecta societas est illicita cum Dæmonibus, est etiam illicita imperfecta. III. Non est licitum communicare cum Infidelibus, cum Hæreticis, cum Excommunicatis: ergo a fortiori cum Dæmonibus. IV. Non est licitum societatem habere cum perduellibus proprii Principis, ac cum ejusdem hostibus; tales sunt Dæmones respectu Dei, cujus sunt perduelles perfidi, ac hostes irreconciliables: ergo cum ipsis nullam debemus inire, ac servare societatem.

Arguunt I. Diabolus neminem ad peccatum inducit, nisi volentem: ergo nullum est periculum hominibus propter societatem cum illo, si ipsi peccare nolint; sed velle, aut nolle peccare ab hominum voluntate dependet, non a Diaboli arbitrio: ergo &c. II. Possunt homines licite facere societatem cum Turcis, aliisque Infidelibus: ergo pariter cum Dæmonibus. III. Possumus in multis casibus cum Excommunicatis communicare: ergo possumus etiam cum malis Angelis. IV. Nos in necessitate gravi constituti possumus a Patriæ, vel Principis hoste petere auxilium; panem scilicet in fame extrema, remedium in mortis periculo &c. ergo in simili necessitate possumus quoque a Dæmonibus subsidium implorare.

Respondemus ad I. quod etiam tenemur nos occasiones ad peccandum fugere, quanvis ipsæ nos ad peccatum non cogant. Peccat quidem homo, quia vult; sed quum sit fragilis, imprudens, ignarus, ex natura, & ex culpa, vitare tenetur quocunque commercium, quod ipsum ad peccandum proxime inducat. Nullum autem ex omnibus fortius est ad inducendum illum ad peccatum commercio, quod cum Dæmons habet; ut ex se satis constat.

Ad II. Paritas non currit, quia Turcæ, aliique Infideles, converti possunt ad bonum, Dæmones autem non solum converti non possunt, sed possunt ulterius nos a bono retrahere. Unde quum non valeant Dæmones mutari a sua malitia, & quum valeant nos a nostra bonitate mutare, jure cum ipsis nullum est nobis licitum habere commercium.

Ad III. Casus illi, in quibus possumus cum Excommunicatis communicare, nullo modo in Dæmonibus verificantur; neque enim illis, ob necessitates, vitæ indigemus; neque cum iisdem retractare in-

rebus civilibus, vel politicis, oportet; neque spem habere possumus, ut eosdem a sua malitia retrahamus; qui sunt præcipue casus, in quibus licitum est cum Excommunicatis communicare.

Ad IV. dicimus, quod quemadmodum nemo in terra est Dominus hominum, ut est Deus; ita nemo est ita hostis subditorum, quia est hostis Domini ipsum, sicut Diabolus est hominum hostis, quia est hostis supremi Domini Dei. In aliquibus non tenentur Subditi Dominis suis obedire, in omnibus tene-  
mur Deo; quemadmodum ergo non sunt casus, in quibus non teneamur obedire Deo, ita non sunt, in quibus possimus auxilium petere a Diabolo. Additur quoque, quod multoties petunt Subditi ab hoste, quod non possunt a Domino obtinere; a Deo autem nihil possumus non obtinere, si ad eum sincera fide, & continua oratione, accedimus.

Lamiae ex Macri, a quo exscriptis Mortier, dicuntur mulieres sagae, vel striges; quæ credebantur infantium sanguinem sugere. Alii Lamias vocabant larvas, seu phantasmata quædam, quæ dicebantur pariter lemures, & empusæ. Hæc nanque in forma mulierum formosarum apparebant, ad libidinem homines alliciebant, quos deinde occidebant, ac devorabant. Ab aliis Dæmones succubi intelliguntur. Verum in Scripturis divinis sunt bestiæ quædam truculentæ, quæ in superiori parte mulieres pulcras præseferunt, in inferiori vero speciem ha-  
bent draconum, vel aliarum ferarum, quæ sunt maxime feroce, ac crudeles. Unde Thren. 4. Jeremias dixit: Sed & Lamiae nudaverunt mammam, laetaverunt catulos suos. Legunt autem Septuaginta Interpretes: Dracones; quod pariter ha-  
bet hebraicus textus. Isai. 34. legitur: Ibi cubavit Lamia, & invenit sibi requiem; Septuaginta vertunt: Onocentauri; & textus hebraicus; strix; hoc est bestia solitaria, vel avis noctu volans.

Nomine autem Lamiarum cœperunt vocari Sagae, ut ait Pitiscus, quod crederentur illa omnia facere, quod veteres Lamias facere, dicebatur. Ait enim in suo Lexico ad verbum *Lamia*: „Etiam Sagæ, hoc nomine cœperunt vocari, quod & hæ in aliena specie apparere, imaginariis ædificiis, suppellectile, cibis, misere, fucum aliis facere, saepe eosdem maximo mactare damno, veterum Lamiarum, instar crederentur. „Quibus verbis satis

PAR. II.

innuit suam de Lamiis, vel Sagis, vel Strigibus, opinionem; quod scilicet in imaginatione tantum sint ea omnia, quæ peragere dicuntur. Ejusdem etiam sententiae fuit Juveninus, qui agens de mulierum sagarum translatione, scripsit diss. 1. de Angelis q. 7. „Nimirum hujusmodi translatio tribui potest imaginatio- „„, a qua mulieres, quæ dicuntur sagæ, ita „„, decipiuntur, ut credant, licet falso, se „„, translatas fuisse ad nocturnos conventus, „„, in quibus ventrem, & libidinem, exple- „„, verint. „

Attamen communis Scriptorum consensio est, revera dari mulieres, quæ Striges dicuntur, quia sicut Strix, nocturna avis, pueros lactentes aggreditur, ita ipsæ sub forma felis, vel canis, vel alterius bestiæ, puerorum dormientium ab inguine sanguinem fugunt; quæ pariter vocantur Lamiae, quia tanquam Lamiae pueros occidunt, ac devorant, ipsorum sanguinem bibendo; quæ denique Sagæ appellantur, quia multa scire volunt, præsertim venefica, & quæ malis artibus boni aliquid, vel mali alicui conciliar; unde dicuntur a sagiendo, ex Cicerone lib. 1. de Div. c. 31. Sagire enim sentire acute est, ex quo sagæ anus, quia multa scire volunt, & sagaces dicti canes; & ex Festo; Sagæ dicitur mulier perita sacrorum; & ex Horatio lib. 1. od. 27. Quia Saga, quis te solvere Thessalis Magus venenis, quis poteris Deus? & ex Tibullo lib. 1. eleg. 5. Pollux est Magico Saga ministerio. Quæ omnia apud Calepinum verb. *Saga*.

Quia mulieres proniores sunt ad libidinem, & faciliores ad deceptionem, hinc est, quod quanvis etiam sint homines diabolicæ artis hujuscæ professores, longe tamen sunt plures mulieres, quam viri; & sub professorum nomina mulieres ut plurimum veniunt, non viri; adeoque mulierum, Sagarum scilicet, Lamiarum, & Strigum vocabulo cuncti nuncupantur. Multi de iisdem pertractant; præcipue autem Paulus Grillandus tract. de Sortilegiis n. 26. Martinus del Rio Disquisitionum Magicarum lib. 2. q. 16., Laurentius Anianus de natura Dæmonum lib. 4. c. 4., Alphonsus a Castro lib. de impia Sortilegarum hæresi c. 4., Frassen tract. 1. disp. 3. ar. 3. q. 3. de infestatione Dæmonum &c. Hic posterior ex antecedentibus Scriptoribus afferit sequentia scitu digna. Primo, quod profiteri volens hanc diabolicam sectam adducitur in Conventum ante tribunal Dæ-

V u 2 monis,

monis, ibique baptismum abnegat, & totam fidem Christi relinquit; sacramenta omnia rejicit, Crucem, & imagines B. Mariæ Virginis, ac aliorum Sanctorum, pedibus calcat. Secundo Dæmoni obedientiam profiteretur, eique perpetuam fidelitatem vovet; & tactis quibusdam obscuris, & ignotis scripturis, promittit, se nunquam ad Christi fidem rediturum. Tertio promittit, quando cunque vocatus fuerit, se venturum ad conventus nocturnos, ibique sacrificia facturum, omniaque alia, quæ alii fecerint, peracturum. Quarto post hæc, qui in folio sedebat Dæmon, hilari facie se illi exhibens, eidem perpetuam felicitatem spondet, ac unum alium Dæmonem ad illius custodiam deputat, cuius sit munus vocare illum ad nocturnas congregations, ac ad locum ipsarum illum ducere; hunc autem Dæmonem vocant Magistrum, Martinetum, seu Martinellum. Hæc ex Alfonso a Castro refert Frassen. Quinto addit ex del Rio, in Conventibus omnes primo præstare obsequia Dæmoni in folio sedenti, & postmodum in convivio sedere. Varie instituuntur mensæ, in quibus cibi ubi insulsi, ubi sapidissimi apponuntur; & cuilibet assidenti suus assistit Dæmon. Post convivium fiunt choreæ, & post chores, carnalia exercentur commercia. Sexto faciunt sacrificia, aliquando in Conventu, aliquando extra Conventum; & post sacrificia narrant quæ commiserunt scelera; quæ si gravia sunt, laudantur, si minus gravia, corripiuntur, & aliquando etiam verberantur. Deinde pulveres ex hirco colligunt, quibus utuntur ad nocendum; dicitur enim eis: *Viciscimini vos; alioqui moriemini.* Septimo Dæmon Striges non transfert, nisi prius fuerint unguento oblinitez; idque variis ex caussis, quas Frassen adducit. Octavo demum conventus aliquando fiunt noctis tempore, aliquando meridie; unde dicitur in psalmo 90. 6. *Ab incursu, & demonio meridiano.* In quibusdam regionibus fiunt nocte, quæ sextam feriam præcedit; in aliis, vel nocte, quæ præcedit quintam, vel quæ ante est dominicum diem. Vocantur vel a Martinello, vel a vocibus mulierum, quæ comitantur Sagarum Reginam, & quæ tantum ab ipsis Sagis percipiuntur. Ita ex Spino cap. 30., & ex Remigio lib. 1. c. 14., & ex Binsfeldio, narrat luculuntissime Frassen.

Hæc autem omnia non vere, & realiter

fieri, sed tantum in imaginatione Sagorum, plerique putant, ultra Pitiscum, & Jueninum, quos modo diximus, & Calmetum, verbo Lamina in suo Dictionario historico &c. sacrae Scripturæ, ubi ait: „Nullibi, præterquam in nutricum, & feminarum mente, Lamias extitisse, credimus; non secus ac nocturnæ striges, quæ sabbati nocte per aera ferri dicuntur. „Multos alias affert Martinus del Rio disquis. magic. lib. 2. q. 16., sunt que Lutherus, Melanchton, aliique Seetarii passim; ex Catholicis vero Martinus de Arles, Ponzinibus, Joannes Baptista a Porta, Alciarus, Duarenus, Aerdius, Michael Montanus, Samuel Minorita, Auctor fortalitii fidei, Joannes Salisburiensis, Philippus Camerarius, Leonardus Vairus, Ulricus Molitor, aliique. Attra men plures quidem numero sunt, ac merito graviores, Scriptores alii, qui contrarium sentiunt, afferentes, revera Striges a Dæmonibus in conventicula deportari. Inter hos enumerantur Ananias lib. 4. de natura Dæmonum, Joannes Franciscus Leonis, Episcopus Thelesinus, lib. de Sortilegiis, Alphonsus a Castro Opus. de Sortilegiis, Grillandus lib. 2. de sortilegiis q. 7., Spinetus, scrip. apostolici palatii magister q. de Strigibus c. 17. Remigius lib. 1. Dæmonolatriæ c. 14. Martinus del Rio loc. cit. addit Albertum magnum apud Cantipratensem, Cardinalem de Turrecremata, Cirvelum, Guillelmum Neoburgensem, Basinum, Pennam, Cardinalem Petrum, Damianum, Rosseum, Cæsalpinum, Guillelmum Parisensem, Joannem Dodò, Silvestrum, Cardinalem Cajetanum, Sextum Senensem, Abulensem, Crespetum, aliosque plurimos. Cum quibus dicimus; aliquando Sagas vere transferri a Dæmonibus de loco ad locum, inequitantes hirco, vel alteri animali, vel arundini veræ, vel scoparum baculo etiam vero, sed acto, & a Dænone sublevato; & interesse corporaliter nefario conventui; ita del Rio cum cæteris.

I. Probatur a del Rio auctoritate S. Hypolyti, Episcopi, & martiris, qui tertio seculo floruit, & cujus verba sunt in libro de consummatione seculi prope principium: *Tunc iniquus ille elato animo Dæmones suos congregabit humana specie, & eos, qui illum ad regnum invitaverunt fastidet, animasque multas inquinabit, quippe Principes eis constitueret ex Dæmonibus.* Hunc librum, seu Opusculum, pro legitimo

gitimo haber Bellarminus, pro dubio multos habere afferit Cave, Ufferius tandem illegitimum, & adulterinum omnino pronuntiat; cuius verba apud Cave sunt hæc: „Apparet igitur tum ex ipso, græcæ dictionis genere, quod plerumque puerile est, tum ex rei veritate, atque pondere, libelli hujus authorem hominem illiteratum fuisse atque indutum. „Idem del Rio probat auctoritate Tertulliani lib. de anima dicentis: *Domus quoque hominum Daemonis patet, nec tantum in adytis, sed etiam in cubiculis homines eorum imaginibus circumvenire.* Quibus quidem verbis, uti etiam aliis Hippolyti, si ejus vere sunt, an quod afferimus probetur, an non, judices esse nolumus; alii judicabunt.

II. Probatur. Corporalis hæc asportatio, & alia, quæ consequuntur ad ipsam, nullam ex parte Dæmonum dicit implacantiam: ergo non est cur eam non admittamus. Probatur antecedens. Angeli possunt movere corpora, & de loco ad locum transferre; quod quidem tam de bonis, quam de malis afferendum est, quia Dæmones naturæ dotes non amiserunt; Hoc patet in Angelo, qui Habacuc deportavit; in Angelo, qui Philippum detulit; patet etiam in Dæmonibus, qui porcos in mare præcipitaverunt. Pariter Archangelus Raphael cum Tobia comedit, comedenterunt alii Angeli in domo Abrahæ, luctam Angelus iniit cum Jacob. Non est ergo repugnantia ex parte Angelorum, ut illa omnia faciant, vel per corpora assumpta, ut communiter dicitur, vel per actiones objectivas, ut ex P. Magnano retulimus.

III. Probatur exemplis. Simon magus virtute Dæmonis volavit. Habetur in lib. 6. Constitutionum Apostolicarum, quæ quanvis falso S. Clementi attribuantur, antiquum tamen, & orthodoxum habent auctorem. Referunt quoque Egesippus lib. 3., Cyrillus Jerosolymitanus catech. 6. Quidam Abbas Scytha Dæmonis etiam virtute volabat. Testantur Origenes lib. 3. cont. Celsum, & Nazianzenus ep. 22. Hoc idem refertur ab Historia Anglorum de Badudo, Britanniæ Rege; a Joanne magno lib. 17. de Erico, Rege Svecorum; a Nangiaco in Chronico de Beringario, Hæretico &c.

IV. Probatur factis. Repertæ aliquando fuerunt mensæ cum cibis, vasæ argenteæ, &c. propter conventum ex accidenti subito

dissoluto. Mulieres etiam interdum deprehensæ sunt nudæ ab hominibus inviis. Quod signum est manifestum, illa omnia non in imaginatione fuisse facta, sed vere, & realiter; uti deposuerunt ipsæmet Sagæ, juridice apud S. Inquisitionis tribunal examinatae. Rationes alias, aliaque exempla, vel facta, legenda relinquimus apud del Rio, Fassen &c.

V. Probatur Bullis Romanorum Pontificum, quibus Sagæ damnantur, & ab Ecclesiæ ministris puniendæ ordinantur. Sunt autem Bulla Innocentii VIII. la prima, quæ incipit: *Summis desiderantes;* alia Leonis X. 43. quæ incipit: *Honestis;* alia Hadriani VI. 2., quæ incipit: *Dudum;* alia Sixti V. 17., quæ incipit: *Celi His omnibus supponuntur sagæ in mundo esse, aliter non proscriberentur, nec punirentur.*

Objiciunt I. Concilium Ancyranum in quodam suo canone hæc afferit: *Illiud etiam non est omittendum, quod quedam scelerata mulieres retro post Satanam conversæ, Dæmonum illusionibus, & phantasmatibus seductæ, credunt, & proficiunt, se nocturnis horis cum Diana Paganorum Dea, vel cum Herodiade, & innumera multitudine mulierum equitare super quasdam bestias, & multa terrarum spatia intempestæ noctis spatio pertransire, ejusque iussionibus velut Dominæ obedire, & certis noctibus ad ejus servitium revocari.* Post quæ subdit hæc alia: *Et cum solus spiritus hoc patitur, infidelis mens hæc non in animo, sed in corpore opinatur evenire.* Quis enim non in somniis, & nocturnis visionibus extra se educitur, & multa videt dormiendo, quæ nunquam videret vigilando? *Quis vero tam stultus & bebes est, qui hæc omnia, quæ in solo spiritu sunt, etiam in corpore accidere arbitretur?* Postmodum concludit: *Omnibus itaque annunciatum est publice, quod qui talia & similia credit, fidem perdit, & qui fidem rectam in Domino non habet, hic non est ejus, sed illius, in quem credit, id est Diabolus: ergo Concilii Patres putarunt, illa omnia non revera, sed tantum in imaginatione fieri.* II. Multa adducuntur exempla, quibus constat, Sagas vias fuisse in cubilibus, in domibus, in carceribus, temporibus illis, quibus illæ dicebant, se fuisse in conventus Dæmonum deductas, ibique impia illa exercitia explevisse. III. Non est credendum, Deum permittere, tot mala fieri per Sagas innocentibus infantibus, quot fieri dicuntur. IV. Quæ fieri dicuntur in conventibus illis

## Dissertatio CLIII.

342

illis possunt facere Dæmones cum mulieribus in privato, non in communi, & singulos Dæmones cum singulis Strigibus: non est ergo afferendum comuentibus, & conventiculis.

Respondemus ad I. primo, canonem illum non esse Concilii Ancyranum, ex eo quia in hujus Concilii sive græcis, sive latinis exemplaribus non invenitur. Secundo, in eodem canone non loqui de Lamis, & Strigibus, sed de Hæreticis quibusdam credentibus, Dianam fuisse in Deam conversam, unde posse creaturam mutari, & substantiam unam posse in aliam converti: unde subdit canon: *Quisquis ergo credit, posse fieri aliquam creaturam aut in melius, aut in deteriorius mutari, aut transformari in aliam speciem, vel similitudinem, nisi ab ipso Creatore, qui omnia fecit, & per quem omnia facta sunt, procul dubio infidelis est, & Pagano deterius.* Hæc est responsio Francisci Pennæ. Tertio, canonem loqui de quibusdam, quæ per naturam rerum non possunt perfici a Dæmone; ut sunt equitare cum Diana, vel cum Herodiade; equitare supra veras bestias, & multa spatia citissime peregrinare; quæ omnia fieri a Dæmone non possunt, & ideo a canone improbantur; multo magis autem improbatum, quod dicitur, cognosci ab illis aliquam divinam naturam præter Deum; quod omnino impium est, & falsum. Hæc autem longe distant ab illis, quæ nos dicimus revera a Sagis operari. Et responsio est Alphonsi a Castro, & del Rio, apud Frassen.

Ad II. Exempla illa concedimus aliquando evenisse, sed varias ob caussas, & ex parte Dei, & ex parte Dæmonis. Deus enim aliquando impedit servari pœta cum Dæmonibus inita, ut revincat hominum curiositatem. Diabolus quoque decipit mulieres, ut decipiatur Iudices, qui quum videant illas non moveri, transvectiones illarum non credunt, & illas non puniunt, sed absolvunt. Aliquando etiam moventur mulieres, & in conventus ducentur, sed earum loco remanent in dominibus, in cubilibus, in carceribus, simulacra a Dæmonibus efficta, quæ mulieres repræsentent; unde credatur, illas non fuisse translatas, sed illic semper remansisse.

Ad III. Si quæ mala infantibus innocentibus a Sagis fiunt, omnia sunt in corporum perniciem, at sunt etiam eodem tempore in animarum salutem. Deus autem nec hominibus, neque Dæmoni-

bus volens libertatem impedire, permittit, ut mala illa fiant, ex quibus etiam non paucæ virtutes in hominibus promanant. Cæterum si argumentum valeret, neque permittere Deus deberet, ut alio modo ab hominibus mors infantibus inferretur, neque ut innocentibus damnum fiat, neque ut Sancti tribulationes patiantur. Quod non dicimus, quia Dei providentia universale bonum respiciens, aliquando damnum particulare permittit, ut ex eo utile colligat animarum; ut dictum est.

Ad IV. occurrit del Rio dicens, quod ex conventibus illis multa commoda percipit Dæmon; quæ sunt obduratio in malo ob plurimum in malo consortium, & socieratem; aggravatio peccatorum ob criminis participationem in singulis; audacia in peccando ob multitudinis prævaricationem, & exemplum; voluptas nefaria major, quia pluribus innoescit; difficultas conversionis, quia quum Dæmoni dedicentur pluribus præsentibus testibus, ac multorum actuum publicorum multiplicatione, difficilius a Dæmone recedunt, & ad Deum converuntur.

Denique, ut Dissertationi finem imponamus, agendum est de Incubis, & Succubis. Horum nomine veniunt Dæmones, qui cum hominibus venerem exercent; si enim exercent cum viris, Dæmones dicuntur succubi; si vero cum mulieribus, dicuntur incubi. Vocis ratio desumitur ab incubo, vel succubo, quæ a cubo derivantur; quatenus scilicet significat dormire, vel quiescere; quod si fiat suptus alium, dicitur succubare; si vero supra, dicitur incubare. Hinc deducta fabula, quod olim Cupidinem, aut Semideum putarent antiqui incubum esse; ut ait Calepinus, qui & subdit: „Dæmones tamen incubos existere, qui cum mulieribus vel noctu, vel diu, rem veneram interdum agant, non omnino absurdum videtur. „Et hos, ait, esse, quos antiqui Panes, Faunos, & Silvanos vocabant. Succubus vero est, qui sub alio cubat; & speciatim, ut inquit citatus Scriptor, qui in re venerea se alteri subjicit. Mulier adultera, quæ in locum legitimæ uxoris se alteri viro prostrat, ab Ovidio ep. 6. v. 153. dicitur succuba; ut apud eundem Calepinum legitimus. Hinc apud Martinum del Rio disquis. magic. lib. 2. q. 15. firmatur conclusio his verbis: *Solent Malefici, & Lamiae, ex Dæmo-*

Demonibus; illi quidem succubis, ha vero incubis, atum venereum exercere. Subdit, hoc perperam ab Hæreticis negari, quod tamen communiter ab omnibus fere admittitur. Inter negantes autem adnumerat Philippum Broidens, Cardanum, Ponzinibum, & Joannem Baptistam a Porta: At affirmantem sententiam dicit esse communem Patrum, Theologorum, & Philosophorum doctiorum, & omnium fere seculorum, atque nationum experientia, comprobata.

I. Probatur ex Patribus. Augustinus lib. 5. de civ. Dei c. 23. Criberrima fama est, multosque se expertos, vel ab eis, qui experti erant, de quorum fide dubitandum non est, se audivisse, confirmant, Silvanos, & Faunos, quos vulgus Incubos vocat, improbos extitisse mulieribus, ac earum appetisse, ac peregrisse concubitum; & quosdam Dæmones, quos Dufios Galli nuncupant, affidue & immunditiam & tentare, & efficiere plures, talesque asseverant, ut hoc negare impudenter sit. Del Rio citat etiam S. Cyprianum, Justinum martirem, Tertullianum, Clemensem Alexandrinum, Hieronymum, S. Isidorum, aliosque Patres.

II. Probatur ex Bulla Innocenti VIII. Rom. Pont. I., quæ incipit: Summis desiderantes; contra hæresim, seu sectam Maleficorum, edita, in qua legitur §. I. Sane ad nostrum non sine ingenti molestia pervenit auditum, quod in nonnullis partibus Alemaniae superioris, neconon in Maguntien. Colonien. Treviren. Saltzemburgen. & Bremen. provinciis, civitatibus, terris, locis, & diæcessibus, complures utriusque sexus persona, propria salutis immemores, & a fide catholica deviantes, cum Dæmonibus incubis, & succubis abuti &c.

III. Probatur ex plurimis exemplis, quæ afferuntur ab Auctoribus gravissimis apud del Rio, & Frassen, quæ omnia negare, non prudentis, sed impudentis hominis esset. Ulterius, ex implicantiis, quas congerunt Adversarii, & nos in argumentorum solutione, diluemus. Adhuc, ex consensu tot, tantorumque Scriptorum, qui in idem conveniunt, & de eo dubitare minime pariuntur.

Obstant I. Dæmones, utpote puri Spiritus, incapaces sunt omnis carnalis delectationis: ergo fabula est, ut facere se velint vel incubos cum mulieribus, vel succubos cum viris, in carnali commercio. II. Non est intelligibile, nec explicabile, quomodo Dæmones, sive incubi, sive

succubi, actum venereum exerceant, qui ne quis exerceri sine sensu, cuius Dæmones sunt expertes. III. Cum Incubis mulieres succubæ vel libere consentiunt coire, vel coguntur; si coguntur: ergo non peccant; si libere, est potius ipsarum immaginatio, quæ operatur, non autem corporis exercitum. IV. Debet rent etiam generare; sed hoc implicat: ergo &c. Et probatur minor. Semen aliunde transportant, quum proprium non habeant: ergo naturali sua virtute destitutum: ergo incapax ad generandum. V. Proles, quæ nasceretur, esset alterius speciei; quia Dæmon, & homo, specie differunt; hoc autem est repugnans: ergo &c. VI. Non potest Dæmon esse origo, & auctor actus vitalis, qui mortem potius homini inferre cupit, quam vitam: ergo non est credendum, quod ab eo humana species per nova individua multiplicetur..

Respondemus ad I. cauissam, quare Dæmones se faciant incubos, vel succubos, non esse carnalem delectationem, cuius sunt incapaces; sed esse impiam complacentiam, quam sentiunt, dum per luxuriarum vitium utriusque hominis natura, & in anima, & in corpore, foedatur, & adeo criminosa redditur, ut per hoc vitium ad cetera alia crimina sive viri, sive mulieres, proniores reddantur. Non igitur ex hominibus delectationem trahunt, sed illis perniciem moliuntur; adhuc quando eos amplexibus, & osculis, simulant se amare, ac iisdem delectari.

Ad II. Non se sum habent, sed actum venereum commixtionis, Incubi, & Succubi; quemquidem actum exercere optimè possunt; vel in corporibus assumptis, ut communis fert opinio, vel per actiones objectivas, ut est opinio P. Magnani. Quanvis autem libidinis sensationem, Dæmones non habeant, sufficit ipsis, quod habeant illi, cum quibus commiscetur, ut ipsorum peccata procurent, iisdemque delectentur. Et hoc est solatum, quod humani generis hostis ex immundo & incubitu percipit, criminum scilicet multiplicationem, Dei offendarum gravitatem, animarum perdicionem, quoque ex parte inducere, ac procurare.

Ad III. Certum est, quod si coguntur non peccant; peccatum enim non est, si non est voluntarium. Igitur si consentiunt mulieres incubis, & viri succubis, libere

con-

## 344 Dissertatio CLIII. De Angelorum, &c.

consentiant; si libere consentiant, peccant. Potest etiam dari casus, quod mulieres cum quibus incubi exercere venereum volunt, non sint sagae, sed pudicæ, & castæ; unde nullum cum illis pactum inierunt, ita ut assentire teneantur. Has autem mulieres Dæmones alliciunt, oblectant, commovent, ut consentiant; sed consensus semper est liber iisdem, ita quidem ut si veline, præstent cum, denegent vero, si nolint. Hoc idem evenit in viris, qui vel a succubo exter-  
no, vel ab interno Dæmon agitantur ad turpia; ut luculenter explicat Illustrissimus noster P. Palanco in suo tractatu de impeccabilitate, & peccabilitate crea-  
turæ q. 11. n. 19. & seqq.

Ad IV. concedunt plures, inter quos est del Rio, quem sequitur Frassen; & ad argumentum respondent, quod per suam virtutem Dæmon potest humanum semen ita servare, ut sit aptum ad proli conceptionem. Et quanvis ipse non se habeat per modum causæ principalis, sed instrumentalis, quæ applicat semen hominis; illud tamen in sua naturali virute perfistens applicat, & ad generandum aptum reddit, quando operatur ut incubus.

Ad V. dicitur cum S. Thoma quodlib. 6. ar. 8. ad 6. generationem in præsenti ca-  
su non tribui Dæmoni, sed homini, cu-  
jus est semen; unde proles non nascere-  
tur ex Dæmonie, & muliere, sed ex vi-  
ro, & femina. Cærerum ex diversis spe-  
ciebus individua coeuntia etiam prolem generant; ut patet in Mulis, Leopardis, Pantheris, aliisque hujus generis anima-  
libus.

Ad VI. Si physice loquimur, vita hominis

geniti non tribuitur Dæmoni, sed hu-  
mano semini, quanvis hoc a Dæmonie deportetur. Et hoc non mirum, quum etiam vires agnoscamus a cibis, quos sumimus, non vero ab illis, qui eosdem ad nos deportant; & calefieri nos sentiamus ab igne, non vero a loco, in quo ignis adseratur, & qui nobis approxi-  
matur. Si vero moraliter discurrimus, verum est, quod Dæmon per se non in-  
tendit conservationem nostram, at po-  
tius destructionem; attamen per accidens vult conservationem corporum, quan-  
do per se inducere intendit, & conatur animarum perditionem. Sibi blandiri etiam potest, quod si multiplicantur ho-  
mines in mundo, multiplicentur pariter animæ hominum in inferno; unde ex hoc non impedit hominum multiplicatio-  
nem. Sed neque impedit hominum vi-  
tam, quando sperat eam hominibus fu-  
eturam ad mortem. Unde, omnia diri-  
gens ad malum nostrum, & ad delecta-  
tionem, quam ipse percipit ex malo no-  
stro, omnia operatur, etiam fœdissima,  
uti sune incubum, & succubum se præ-  
bere, ut nostram perniciem conseque-  
tur. Deus autem, qui adjutor noster est,  
& qui nunquam patitur, nos tentari su-  
pra vires nostras, ipse nobis dabit vir-  
tutem, qua simul fraudes illius dereg-  
mus, illiusque viribus resistamus.

Verum pro omnibus supradictis, an vera, an dubia, an falsa sint; & quomodo re-  
gulanda sint videndum omnino Eminen-  
tissimus Cardinalis Albitius in pretioso  
integro opere de Incompatibilitate in-  
fidei, & præsertim toto cap. 32. ubi In-  
structiones Sacrae Congregationis.



DIS:

# DISSERTATIO CLIV.

*De operibus prime, & secundæ diei in prima  
rerum creatione :*

*Ubi an materia aliqua res productas præcesserit? an  
omnia simul, vel distinctis diebus creata fuerint?  
& quid per res prima & secunda die  
creatæ intelligatur?*



RO prima Dissertationis parte, putarunt Patres quidam, & modo Theologi, præsertim qui sunt ex Peripato, docent, extitisse aliquando materiam aliquam informem, non quidem Deo coævam, ut plures Hæretici errarunt, sed a Deo creatam; ex hac vero materia, quæ dicitur informis, & invisa, Deum omnia creasse. Patres, qui pro hac sententia citantur, sunt Basilius, hom. 2. Hexamer., Ambrosius lib. 1. ejusd. argum. c. 8., Chrysostomus hom. 2. sup. Gen., Lactantius lib. 2. divin. institut. c. 8. Beda, & alii. Theologi vero Peripatetici pro hac materia intelligunt materiam primam Aristotelis, quæ est nec quid, nec quale, nec quantum, sed est prope nihil, ex qua Deus omnes rerum formas produxit; & quam sine forma existere posse ex ipsis quidam, præter Thomistas, assertunt. Alii vero pro contraria sunt opinione, quam etiam ex Aristotelis mente defendendam scribunt; ut mox videbimus. Estius in II. sent. dist. 12. §. 4. hac utitur distinctione. Si materia intelligatur omni prorsus forma nuda, & vacua, res productas non præcessit. Si materia accipiatur non omnem simpliciter excludens formam, sed vel formam rei præstantioris, vel ejusdem rei ornatum, ac pulcritudinem, dupliciter etiam potest explicari. Primo modo, quod fecerit Deus ab initio chaos, in quo cœlum, & terra & omnia alia virtute, & quasi in semine continebantur, non autem secundum suas formas substanciales. Secundo modo quod ab initio vere fecerit Deus cœlum & terram, & alia omnia secundum suas formas substanciales, at non cum dispositio- ne illa, ornata, ac pulcritudine, quas deinde acceperunt. Ex his explicandi

PAR. II.

modis rejicit Estius primum, & secundum, & amplectitur tertium; & in corroborationem suæ sententiæ adducit, & explicat Augustinum, quem Adversarii pro se ipsis maxime stare, jaetant; adducit etiam alios Patres, & ex Scholasticis S. Thomam; & cum ipso nos pariter stantes, sic procedimus ad probationes. Primus dicendi modus impugnatur, quod scilicet non præcesserit materia omni prorsus forma nuda & vacua, res productas. Genesis enim I. dicitur, Deum non creasse materiam, sed cœlum, & terram a principio, hoc est ante omnia alia producta. Nomine autem cœli & terræ materia omnino informis intelligi non potest. Et ratio est, quia cœlum & terra exprimuntur ut diversa; diversitas non provenit a materia, quæ in omnibus est eadem: ergo a forma: ergo non intelligitur illorum nomine materia sine forma, sed materia cum forma. Ad hoc confirmandum profert Estius verba Augustini lib. 1. de Genes. ad lit. c. 15. scribentis: *Non est informis materia rebus formatis tempore prior, cum sit utrumque simul creatum, unde factum est & quod factum est, sicut vox materia est verborum, verba vero formatam vocem indicant.* Non autem qui loquitur prius emittit informem vocem, quam possit postea colligere, & in verba formare. Hæc repetit Augustinus lib. 1. cont. Adversarium Legis & Prophetarum c. 9., & lib. 12. Confess. c. 29. Postmodum S. Thomas I. p. q. 66. ar. 1., & q. 44. a. 2. ad 3., & de Potentia q. 4. a. 1., & in Quodlibet. q. 3. a. 1., & in II. sent. dist. 12. a. 4. subscribit apertissime. Et ratio per ipsum est, quia materia prima Aristotelis non potest, vel momento existere sine forma; quanvis alter Scotus de eadem materia sentiat. At nos ad nostrum probandum intentum, non

X x Ari-

Aristotelis, sed Scripturæ verbis innitimus; quæ quidem sufficiunt, ut primum explicandi modum rejiciamus.

Secundus dicendi modus refellitur etiam ex eodem Genes. cap. 1., quia ibi dicitur, Deum fecisse in principio cœlum, & terram, non vero chaos confusum, ex quo cœlum & terram produixerit. Ulterius in Aristotelis systemate nec quoque potest habere locum, quia dum tribuitur materiæ initio conditæ forma aliqua communis, & cui deinde supervenissent formæ speciales, per quas distincta fuisse, jam illorum ponitur opinio, qui putant materiam non esse ens in potentia, sed esse ens in actu; quod est contra materiæ primæ rationem, quam Aristotelei propugnant; ut argumentatur S. Thomas in Summa ex Aristotele.

Verum ex hoc fit, quod hujusmodi dicendi modus si in Aristotelis principiis locum non haberet, habeat tamen in systemate aliorum Philosophorum, in quorum principiis non repugnat, materiam esse ens in actu. Scilicet in systemate P. Magnani, vel Petri Caffendi, vel Renati des-Cartes; qui omnes convenienter in hoc, ut materiam per ens in actu explicant, & ponant, quanvis in ea postmodum adstruenda, & exponenda discrepent. Siquidem Gassendus ponit secundum Epicurum plenum, & inane, & plenum explicat per atomos figura diversas, & indivisibiles in actu, atque extensas, quæ non sint in potentia, sed in actu; & hoc pacto explicatur chaos, quod hic dicendi modus supponit. P. Magnanus ponit etiam minima physica indivisibilia quomodolibet & extensa, & non solum figura, sed specie etiam diversa, quæ pariter sunt in actu. Et Renatus ponit tria illa sua elementa, vel unum, ex quo tria nascuntur, quod etiam est in actu.

Unde fit, quod in horum Philosophorum principiis nullum inducitur inconveniens, si materia in actu ponatur, & sine forma; & si ponatur etiam chaos, quod plerique ex iisdem pariter ponunt. Attra-  
men quia secundum Scripturæ verba, ut diximus, non subsistit; ideo in ea fir-  
mata opinione non amplius hæremus.

Terius dicendi modus, afferit Estius, quod sit omnino admittendus; & pro ratione adducit, quod cœlum ab initio carebat pulcritudine lucis, ac ornatu stellarum; terra vero aquis immersa, ac tenebris ob-  
voluta, non habebat pulcritudinem,

ornamentum, quæ modo habet. Et hoc pacto vult intelligi verba illa Genesis: *Terra autem erat inanis, & vacua; qua-  
rum ratione primæ opinionis defensores dicunt, materiam illam informem, incompositam, ac invisibilem præcessisse.* Sed hoc clarius in argumentorum solu-  
tione apparebit.

Opponunt I. Verba illa Genesis: *Terra erat inanis, & vacua;* a Septuaginta Interpretibus vertuntur: *erat invisibilis & incom-  
posita:* ergo nomine terræ intelligitur materia, omni prorsus forma destituta. II. Sapientiæ 11. 18. dicitur: *Non enim impossibilis erat omnipotens manus tua, quæ creavit orbem terrarum ex materia invisa;* græce legitur: *ex materia informi:* ergo vere materia præcessit omni carens forma. Et hoc pacto Beda verba illa expo-  
nit. III. Ad Hebreos 11. 2. habetur: *Fide intelligimus aptata esse secula verbo Dei, ut ex invisibilibus visibilia fierent.* ergo materia illa, ex qua visibilia facta sunt, invisibilis erat, adeoque rūdis, indigesta, ac vacua formarum. IV. Au-  
gustinus pluribus in locis docet, & præ-  
sertim lib. 12. Confess. c. 3. & seqq. usque ad 12. fuisse a Deo creatam materiam in-  
formem, hoc est omni forma carentem, ita ut esset prope nihil; & illam fuisse significatam per terram Gen. 1. invisibi-  
lem, & incompositam; ut Septuaginta vertunt.

Respondemus ad I. quod terra erat invisibilis, quia eam aquæ regebant, & tene-  
bræ occultabant; erat pariter incompo-  
sita, quia inulta erat sine herbis, sine  
animalibus, sine arboribus. Et hoc pa-  
cto fuisse dictam informem, etiam Scri-  
pturæ verba, quæ subsequuntur, ostendunt; dicitur enim: *Et tenebra erant su-  
per faciem abyssi.* Et hoc pacto præfata  
verba interpretantur Basilius, Chrysostomus, Ambrosius, Theodoreetus &c.; qui per cœlum intelligunt cœlum, & per terram terram, sed sine ornatu, sine pul-  
critudine, adeoque hac ratione informes.

Ad II. materia invisa, seu informis, est materia sine pulcritudine, & sine ornatu; & hæc quidem materia præcessit crea-  
tionem aliarum rerum, non solum natu-  
ra, verum etiam tempore. Et hoc ex eo  
pater, quia ubi Vulgata legit: *Orben-  
terrarum;* Interpres Græcus legit: *κόσμος,*  
hoc est mundus; dicitur autem mundus  
ab ornatu: & sensus est, quod Deus ex  
materia nullam habente pulcritudinem,  
& nullum ornatum, produxit orbem ter-  
rarum,

rarum, hoc est mundum, pulcrum, scilicet, & ornatum. Et ita exponi debent, ait Estius, Beda, & Laßtantius.

Ad III. occurrit S. Thomas i.p. q.65. ar.4. ad primum, dicendo, Apostolum intelligi de rerum ideis, quæ sunt in mente divina. Alii exponunt, ex invisibilibus, hoc est ex non apparentibus, ut habet Græcus Interpres, quod idem est ac ex non existentibus. Deum fecisse omnia, quæ appareat; quia revera omnia fecis ex nihilo. Alii denique volunt, quod terra a principio erat æterna, hoc est invisibilis; & ita ex terra, formata quidem, sed invisibili propter tenebras, & aquas, visibilia omnia creavit Deus.

Ad IV. Augustinum ex Augustino explicamus, docente, informitatem materiæ præcessisse formationem ejus, non tempore, sed natura, vel origine, adeoque tantum nostræ intelligentiaz signo; quod paritate vocis & verbi, quam supra attrahimus, satis explicat. Vox enim præcedit verbum, non tempore, sed natura, origine, & ratione. Sicque adducta Augustini loca exponuntur per alia Augustini etiam verba in lib. 1. de Gen. ad lit. c. 15., & lib. 12. Confessionum c. 17. & seqq. usque ad 29., & alibi etiam.

Pro secunda vero Dissertationis parte duplex est sententia; altera, quæ asserit, Deum creasse mundum, non per sex dierum intervalla, sed simul; & sex dies illos allegorice esse intelligendos; quatenus scilicet designant, non usitata spatia temporum, sed cognitionem Angelorum, qua Angeli ipsi cognoscunt gradus & perfectiones rerum creatarum; & quia Angeli habent cognitionem matutinam, & cognitionem vespertinam, ut suo loco dictum est; inde ipsorum cognitionem modo appellari vespere, modo mane, diversa quidem ratione; & sic allegorice facere diem. Hujus sententiaz fuit Philo Judæus lib. de mundi opificio, & lib. 1. Allegoriarum legis; eandemque amplexus fuit Augustinus multis in locis, & præcipue lib. 1. de Gen. ad lit. c. 15. lib. 4. c. 8. 22. 32. 33. 34. & seqq. lib. 5. c. 4. 5. & 23. lib. 6. Etiam lib. 12. de civ. Dei c. 7. 9. 30. 31. lib. 65. quæstionum ad modum Dialogi inter Augustinum, & Orosium, q. 26.; quanvis revera hæc quæstiones utrique sint suppositæ, & alium habeant auctorem, sententiam tamen Augustini auctor larvatus sequi studuit. Mens Augustini fuit, simul fuisse facta cœlum, terram, lucem, firma-

mentum, aridam, maria, luminaria cœli & cætera omnia, quæ in creatione rerum a Moysè describuntur facta per sex dierum intervalla. Et in suæ sententiaz explicationem hæc ulterius scribit Augustinus lib. 11. de civ. Dei c. 7. Nam scientia creatura in comparatione scientia Creatoris quodammodo vesperascit; lucefecit vero & mane fit, cum ad laudem & dilectionem Creatoris ipsa refertur. Eandem sententiam sequutus fuerat Origines lib. 6. cont. Celsum; Procopius etiam Com. in Gen. docuit. Dicitur quoque in eam propendisse S. Thomam, sed de hoc infra; certe tamen Cajetanus S. Thomæ discipulus in expos. c. 1. Gen. eam prot pugnavit, & cum ipso postea Melchior Canus.

Alia vero sententia, quæ est communior, docet, res omnes in prima mundi creatione fuisse a Deo factas, non uno simul die, vel momento, sed sex diebus distinctis, eo prorsus modo, quo Scriptura narrat, secundum literalem sensum, non vero allegoricum. Hujus sententiaz sunt Chrysostomus hom. 3. sup. Genes., Epiphanius in epist. a S. Hieronymo in latinum versa contra Origenem, Basilius hom. 2. Hexameron., Damascenus lib. 2. de fide; ex Græcis; ex Latinis vero Ambrosius lib. 1. Hexameron. c. 7. & lib. 6. c. 2., Gregorius magnus lib. 32. moral. c. 10., Beda in Hexameron., Rabanus Maurus, Strabo, aliisque passim.

De Angelico Doctore nihil asserit Natalis Alexander, qui hanc quæstionem in hist. eccl. ver. test. pertractat; Estius vero dicit, quod i. p. q. 74. a. 2. suam sententiam suspenderit, dicendo, se nulli parti præjudicare velle; unde utriusque opinionis argumenta dissolvit. Attamen in Opusculo 15. & 17. videtur, S. Doctorem magis in Augustini sententiam propendisse. Quod ex hoc ratiocinio innoscit. Docet enim, Augustini sententiam, quæ ponit omnia fuisse creata simul magis convenire cum sententia, quæ asserit, Angelos fuisse simul cum corporeo mundo creatos; sed Angelicus docuit sententiam afferentem, Angelos fuisse simul cum corporeo mundo creatos: ergo ex cohærentia doctrinæ docere etiam voluit sententiam, quæ ponit, omnia fuisse creata simul, absque senario dierum intervallo. Cardinalis Norisius, doctus quidem, & fortis Augustini defensor, in Vindictis Augustinianis §. 9. expresse tradit, S. Thomam pro Augustini sententia ste-

tisse; pro qua etiam superis temporibus stetérunt Emanuel Cerdá, Lusitanus, Carolus Moreau, Bituricensis, Ludovicus ab Angelis, pariter Lusitanus, P. Macedo in altero theologicō tomo Collationum de Angelis, ubi plures Recentiores laudat, qui Augustini sententiam amplexati sunt; aliique plures; ut apud eundem Norisium. Cohærenter Cajetanus in Summa nihil de hac quæstione protulit; in Expositiōne vero Genesis satis se declaravit, ut dictum est. His prænotatis.

Dicimus, Deum in mundi exordio omnia creasse simul, non servato sex dierum spatio, quod non literaliter, sed allegorice, intelligendum est.

I. Probatur ex Scripturis. Genes. 2. 4. & 5.  
*Ista sunt generationes cœli & terra, quando creata sunt, in die, quo fecit Dominus Deus cœlum, & terram, & omne virgultum agri, antequam oriretur in terra, omnemque herbam regionis priusquam germinaret.* Quibus verbis adscribitur uni tantum dici creatio cœli, terræ, & omnium plantarum; quæ tamen diversis diebus creatae in Genesis exordio describuntur: ergo descriptio illa non est literaliter, sed tantum allegorice, intelligenda. Et quod dicitur de cœlo, terra, & plantis, de aliis rebus creatis eadem erit dicendi ratio. Respondet Natalis Alexander, pro die non intelligi unicam diem, sed unam sciem, successionemque continuam dierum, sive unum temporis tractum; ita ut idem sit dicere *in die*; ac *in tempore*, vel *in diebus*. Respondet Estius etiam, diem intelligi propriè, sed acceptiōne confusa, ut non intelligatur unus, idemque dies, sed aliis, atque aliis. At contra utrumque argumentamur sic primo; quod non opponant nobis Adversarii, nos perspicuum loquendi modum Scripturarum invertente, quando sex dies creationis pro uno diei momento intelligimus; quum ipsi quoque hac simili inversione utantur, quando unum diem pro pluribus interpretantur. Secundo, minus sapit imprædictatis accipere plures pro uno die, quam unum diem intelligere pro multis; quatenus in primo casu non potest habere locum sensus ille allegoricus Augustini, qui locum habet in secundo. Tertio, quia quum uniantur simul cœlum, & terra, & virgulta eadem die, & eadem die dicantur creatæ cœlum, & terra in altero Scripturæ loco, debemus intelligere virgitorum creationem pro eodem

temporis spatio, pro quo cœli, & terræ creationem intelligimus; hoc est pro cœdem proprie, ac rigorose, die, absque extensione, vel ad seriem dierum, vel ad confusam dicti extensionem.

II. Probatur Eccl. 18. 1. *Qui vivit in eternum, creavit omnia simul.* Et hac auctoritate motus Augustinus, suam opinionem firmavit lib. 4. de Genes. ad lit. c. 33. dicens: *Quid ergo opus erat sex dies tam distincte, dispositaque narrari? Quia scilicet si, qui non possunt videre quod dilectum est, creavit omnia simul, nisi cum ejus sermo tardius incedat, ad id, quo eos ducit, pervenire non possunt.* Neque valent responsiones Estii, & Alexandri, qui dicunt, verbum simul referri non ad *creavit*, sed ad *omnia*; quatenus scilicet Deus creavit generaliter omnia rerum, sed non eodem tempore, hoc est non eadem die, creavit. Ulterius, quod Deus primæ tantum die creavit, hoc ex nihilo produxit; aliis vero diebus non creavit, quia ex præsupposita materia eduxit. Certe non valent responsiones hæc; non prima, quia nequit referri *To simul ad nomen omnia*, quin referatur ad verbum *creavit*; & ratio est, quia si omnia simul creavit, non creavit divisim; si non divisim creavit, unitim creavit: ergo simul creavit. Ulterius, in sensu ab Adversariis intento de rebus omnibus dici potest, quod Deus eas simul creavit, quatenus creavit eas omnes, & non creavit unam sine alia, quanvis alio, & alio tempore eas creaverit: ergo ut *To simul* aliquid amplius in verbis illis significet, opus est, ut ejus significationem, non tantum ad unionem rerum, sed etiam ad unitatem actionis extendamus. Neque valet responsio altera; dicitur enim ibi, *quod creavit omnia*; si igitur omnia creavit, verbum creavit non est restringendum ad solam materiam rerum, quam proprie, & rigorose principio creavit. Si dicatur, quod creavit simul materiam omnium rerum, adeoque creavit omnia simul; nec etiam ad rem dicitur; quatenus hic dicendi modus faceret, quod posset vere dici, tunc quoque creasse Deum omnia, quæ posterioribus seculis producta sunt, quia omnium creaturarum tunc etiam materiam creavit. At Scripturæ locus non est extendendus ad res, quæ fuerunt productæ post primam rerum creationem; ut satis cuiuslibet innoscit.

III. Probatur Exodi 31. 17. *Sex enim diebus fecit Dominus cœlum, & terram; sed secundum*

idem eundem Moysen Gen. 1. Deus creavit cœlum, & terram in principio, & prima die: ergo secundum Moysen sex dies sunt una dies. Respondet Estius, quod verba Exod. 31. suppleri debent per alia verba Exod. 20. addendo hanc clausulam: Et omnia, quæ in eis sunt. Legitur enim quoque Exod. 20. & I. sex diebus fecit Dominus Cœlum, & terram, & mare, & omnia, quæ in eis sunt. At in contrarium inflatus dicendo; quod si sex illi dies Exod. 31. intelliguntur pro una die, ut probatum est; etiam sex dies Exod. 20. pro una die accipiuntur; & sensus est, quod quemadmodum per priora verba intelligitur creatio cœli, & terræ una die facta, ita etiam per alia verba intelligitur creatio cœli, & terræ, & maris, & omnium, quæ in eis sunt, facta pariter una die. Nomine autem scenario, intelliguntur cognitiones Angelorum, ut diximus, & fusius inferius dicemus.

IV. Probatur Job. 40. 10. & 14. Ecce Behemoth, quem feci tecum . . . Ipse est principium viarum Dei, qui fecit eum. Quibus verbis sive intelligatur Dæmon, sive animal, semper evincitur, Deum omnia simul creasse, quia eadem die simul creavit Angelos, & homines, hominēs, & animalia, quæ tamen allegorice in Genesis exordio diversis diebus creata dicuntur. Natalis Alexander responderet dicens, per verbum tecum non significari unitatem temporis, sed similitudinem conditionis; ulterius addit, non significari idem tempus, sed eundem locum, quatenus eorum creatio fuerit a Deo facta in eodem loco, licet non eodem tempore. Sed insistimus contra; primo, quia est arbitraria explicatio, quam suppetunt cum Alexander Adversarij, & secundo, quia est contra verborum illorum sensum. Verbis enim illis tempus denotatur, non locus; quum dicatur; ipse est principium viarum Dei, qui fecit eum: ergo cohærente ad hæc verba explicari debet verbum tecum; sed hæc verba denotant principium temporis, non loci: ergo verbum illud importat unitatem temporis, non loci. Insuper, quæ conditio esse poterat homini vel cum Dæmonie, vel cum bestiis, eadem, nisi quia homo fuerat a Deo creatus eodem tempore, quo fuerunt Angeli, & animalia? Ergo adhuc per explicationem Adversiorum, quæ inducunt per verbum tecum similitudinem conditionis in homine, & Dæmonie, vel in homine, & bestiis, infertur unitas tem-

poris, in coram eam creatione.

V. Probatur ax. Augustino variis in locis, & præcipue lib. de Gen. ad lit. Impensis. Cato: Quoniam ergo sine productione temporis facias Deum, cui subest posse secundum suum arbitrio, ipse tam in natura temporales, & mortales suos temporalia penitus, ita forsitan dicitur. Et facta est vespere, & facta est matutina, dies unq[ue] sicut ratione progressus diuinæ fieri debere, non posse, non ita ut sic temporalibus transibit. Nam in ipsa generatione operationem contemplatus, est in Spiritu sancto, qui dicit: Qui manet in aeternum ostendit omnia simul: Sed cognoscit finem in illo libro, quasi morarum per insuperabilem factarum, a Deo rerum digesta narratio est, ut ipsa dispositio, qua ab infirmioribus animis contemplatione stabili videri non poterat, per hujusmodi ordinem servandis expedita quasi istis acutis serueretur. Et lib. 4. de Genesi ad liter. o. 22. Sed quoniam lux corporalis, antequam fieret cœlum, quod firmamentum vocatur, in quo etiam lumina facta sunt, & quod circumit, vel quod processu, ruices diei. Et noctis exhibere potuerit, non intemperie; istam questionem relinquere non debemus sine aliqua nostra prælatione. Senectus, ut si lux illa, que primis crea- ta est, non corporalis, sed spiritualis est, scilicet post tenebras facta est, ubi intelligitur, & sua quodam informitate ad Creatorem converfa, atque formata, ita & post vesperam has mane, cum post cognitionem sua propria natura, qua non est quod Deus est; mane autem post hanc vesperam, quo concluditur dies unus, & inchoatur secundus, conuersio sit ejus, qua id quod creata est ad laudem referat Creatoris, & percipiat de Verba Dei cognitionem creature, qua post ipsam fit, hoc est firmamenti, quod in ejus cognitione fit prius cum dicitur: Et sic est factum; deinde in natura ipsius firmamenti, quod conditur, cum additur etiam postea, jam dicto: Et sic est factum, Et fecit Deus firmamentum. Deinde fit vespera illius lucis, cum ipsum firmamentum non in Verba Dei sicut ante, sed in ipsa ejus natura cognoscit. Quæ cognitione quoniam minor est, re- fit vespera nomine significatur. Postquam

fit

fit mane, quo contineatur secundas dies, & incipit rectius: In quo istud mane conuersio est lucis basius, id est diei, & huiusmodi laudandum Deum, quod operatus sit firmamentum, & percipiendam de Verbo ejus cognitionem & creaturis, quae condenda est post firmamentum. At per hoc cum dicit Deus: Congregetur aqua, quae est sub caelo, in collationem unam, & appareat aridus, tunc scilicet hoc illa lux in Verbo Dei, qua id datur, & ideo dicitur: Et sic est factum, hoc est in ejus cognitione ex Verbo Dei. Deinde cum additur: Et congregata est aqua, & cum jam dictum esset: Et sic factum est, in suo genere ipsa creatura finit, item cum in suo genere facta cognoscatur ab ea luce, que jam in Verbo Dei facienda cognoverat, sic crevit respera. Et inde modo cetera usque ad mane post vesperam sexti dies. Multum quidem interest hanc cognitionem rei cuiusque in Verbo Dei, & cognitionem ejus in natura ejus, non videlicet merito ad diem pertinente, hoc ad vesperam. In comparatione enim lucis illius, que in Verbo Dei conspicitur, omnis cognitione, quae creaturam quamlibet in seipso novimus, non inmerito nox dici potest. Quia pars eius tantum differt ab errore, vel ignorantia eorum, qui nec ipsam creaturam sciunt, ut in ejus comparatione non incongrue dicatur dies. Addit cap. XXXIII. Quid ergo opus erat sex dies tam distincte, dispositaque narrari? Quia scilicet it, qui non possunt videre quod dictum est: Creavit omnia simul, nisi cum eis sermo tardius incedat ad id, quo eos ducit, pervenire non possunt. Et lib. etiam XI. de Civitate Dei cap. XXIX. Ipsam quoque creaturam melius ibi, hoc est in sapientia Dei, tanquam in arte, qua facta est, quam in ea ipsa sciunt. Multum enim differunt in ea ratione cognoscatur aliquid secundum quam factum est, an in seipso. Sicut aliter scitur rectitudo linearum, seu veritas figurarum, cum intellecta conspicitur, aliter cum in pulvere scribitur; & aliter iustitia in veritate incommutabili, aliter in anima iusti. Sic deinde cetera sicut firmamentum, inter aquas superiores, & inferiores, quod celum vocatum est, sicut deorsum aquarum congeries, terraque nudatio, & herbarum institutio, atque lignorum, sicut Solis, & Luna, Stellarumque conditio; sicut ex aquis animalium, volucrum scilicet, atque piscium, belluarumque natantium, sicut quorundamque in terra gradientium, atque repentium, & ipsius hominis, qui cunctis in terra rebus excelleret. Omnia hac aliter in Verbo Dei cognoscuntur ab Angelis, ubi habent causas,

rationesque sunt, & id est secundum quas factis sunt, incommutabiliter permanentes, aliter in seipsis; illic clariore, hic obscuriore cognitione, velut artis, atque operum. Quae tamen opera cum ad ipsum Creatoris laudem, veneracionemque referuntur tanquam manu factos in montibus contemplantium. Haec inde proper senarii numeri perfectionem, eodem die sexies repetito, sex diebus perfecta narrantur. Non quia Dea necessaria fuerit nostra temporum, quasi qui non potuerit creare omnia simul, quia deinceps congruis motibus peragerent tempora; sed quia per senarii numerum isti operum significativa perfectio.

VI. Probatur. Sententia nostra magis coheret sententiae docenti, Angelos simul cum mundo corporeo fuisse creatos; sed haec sententia magis coheret Scripturam. mense, Patrum judicio, ac Scholarum scitorum fere omnium assertioni: sergo pariter sententia nostra sic judicari debet, ac approbari. Major patet ex testimonio Doctoris Angelici, quod etiam recognovit Estius, quanvis sit nostris sententiae adversarius; immo ex ipsa principiorum connexione innotescit. Si enim semel dicamus, Deum omnia quum visibilia cum invisibilia, creasse simul, hoc ipso etiam fit, quod simul cum visibilibus creaverit Angelos, qui inter invisibilia numerantur. Minor ex iis, quae nos suo loco scripsimus, pariter innotescit. Consequentia autem optime infertur.

VII. Probatur auctoritate S. Athanasii or. 3. pag. 233. apud Petavium discentis, & probantibus, Verbum non esse creaturam, quia quum Proverb. 8. scriptum sit: Ante omnes colles genuit me: significatur, Verbum fuisse genitum ante omnes res creatas: ergo non est in numero rerum creatarum, quia res creatae non fuerunt. creatae una ante aliam, sed omnes simul; quod & lib. 3. cont. Arianos scribit. En sua verba: Ante omnes colles genuit me. Nam cum dicit, ante omnia generat me, ostendit, se ab omnibus esse diversum; quum superius probatum sit, nullam ex rebus creatis ante alteram extitisse: Verum consertim simul omnia genera uno, eodemque momento esse prodotta.

VIII. Probatur ex Procopio in Genesim scribente: Ceterum mundi dies enumerat, quod factum est accurate, monstrare volens; non enim tempore opus habet in condenda Deus: neque ramen temere, nec sine ordine, qua molitur, efficit. Porro numerus ordinens facit

facit: *Iccirco non prima dixit, sed una. Si quidem in iis, que simul existunt, non est primum, ac secundum. Verum quoniam narratio suum ordinem habet: ideo post unam, & secundam dictum est, & usque ad sex ordinis gratia. Ad quæ subdit Petavius: Hic uno die, immo vero momento uno, procreasse Deum afferit opera illa, quæ in sex a Mose distributa sunt: nec alio spectare numerum illum, quam ad naturæ seriem, & ordinem. Ut si arborem cum fructu temporis eodem punto producat Deus: & qui id refert, prius arborem dicat esse procreatam, deinde fructum.*

**IX.** Probatur ex Origene lib. 6. cont. Celsus; ubi eos reprehendit, qui putant, vera sex dierum spatia a Mose fuisse descripta subdit, se contra eosdem disputasse in Commentariis ad Genesim; quæ testatur Petavius esse perdeperdita. Utitur etiam ad hoc probandum testimonio Genes. 2. 4. deducto ex illis verbis, quæ nos attulimus, & perpendimus; nimirum: *Ista sunt generationes cœli, & terræ, quando creata sunt; in die, quo fecit Dominus Deus cœlum, & terram.*

**X.** Probatur ex Philone Judæo lib. de mundi opificio; ubi postquam explicavit singillatim dies illos creationis mundi, deinde subdit, dies illos adhibitos fuisse a Mose magis ad distinguendum ordinem rerum, quam ad significandum vera intervalla: *Tunc omnia simul condita. Cum autem omnia constarent, necessaria fuit ratio servandi ordinis, propter mutuam, quæ deinceps futura erat, ex sece propagacionem.* Et initio lib. 1. Allegoriarum inquit: *Stultum est arbitrari sex diebus, aut omnino in tempore mundum extitisse; proptereaque quod mundus universus intervallum est dierum, ac noctium. Atque hac solis supra terram, & infra banc, cunctis, motus necessario efficit &c.* Et post pauca: *Itaque eum audis: complevit die septimo opera, intelligere non debes de dierum aliquot intervallis, sed de scenario perfecto numero.* Et in eodem loco: *Rusticanæ simplicitatis esse, putare sex diebus, aut utique certa tempore, mundum esse creatum.*

Argunt Adversarii I. Sicut aliis verbis Gen. 1. quæ res narrantur, proprie, & non allegorice, intelliguntur; ita etiam intelligi debent dies, quæ per alia verba exprimuntur. Per terram enim proprie, & non allegorice, intelligitur terra, per cœlum, cœlum, per aquam aqua, per ignem ignis, & sic de ceteris: ergo pa-

riter per dies, & per dierum numerum, intelligi debent proprie, & non allegorice, intervalla dierum. II. Exod. 20. redditur ratio sanctificationis sabbati verbis hisce: *Sex enim diebus fecit Dominus cœlum, & terram, & mare, & omnia, quæ in eis sunt, & requievit in die septimo; ideo benedixit Dominus diei sabbati, & sanctificavit eum.* Hæc autem ratio nihil probaret, si dies illi veri dies non essent, quia non esset verus seprimus, adeoque non esset verus dies sabbaticus, quem Dominus ideo sanctificandum præcepit. III. Quando Scripturæ possunt literaliter explicari absque incommodo, nulla est necessitas, ut in explicatione earum ad allegorias recurramus; sed historia creationis rerum in c. 1. Genes. contenta, & a Mose descripta, potest sine incommodo literaliter explicari: ergo nulla est necessitas, ut in ejus explicatione ad allegorias recurramus. Probatur minor. Quia nulla est implicatio dicere, Deum per sex realia intervalla temporis res omnes in prima creatione produxisse. IV. Admissa nostra opinione, sequeretur, quod instanti eodem fecisset Deus tenebras, & lucem, diem, ac noctem; hoc autem implicatio dicere, propter eorum oppositionem; & dicit adhuc Scripturæ contrarium, quum in illa dicatur, Deus prius fecisse tenebras, & deinde lucem. V. Sequerentur etiam alia Scripturæ opposita; nimirum, quod eodem momento aquæ fuissent confusæ, & divisæ, terra aquis cooperata, & discooperata, vespera, & mane; quod pariter & repugniantiam importat, & Scripturæ perturbationem. VI. Ex Augustino Angelus in uno instanti creatus est, & in alio instanti peccavit; sed ex eodem Augustino homo creatus est post Angeli peccatum: ergo plura instantia inter creationem Angeli, & hominis intercesserunt: ergo non omnia entia fuerunt a Deo creata simul. VII. Homo non fuit conditus quando fuerunt conditæ plantæ: ergo non simul. Probatur antecedens. Gen. 2. dicitur, quod quo die fecit Deus cœlum, & terram, & virgulum agri, & herbam regionis, nondum erat homo, qui terram operaretur. VIII. Augustinus lib. de Catech. rudibus c. 17. docuit; Deum sex diebus operatum, die septimo requieuisse; subdens: *Poterat enim omnipotens & uno momento temporis omnia facere: Hoc autem idem est ac dicere, potuisse Deum res omnes uno temporis momento*

mento efformare ; at ob fines , & ob rationes , quos ipse cognovit , non effecisse . IX. Idem Augustinus lib. 2. *Reract. c. 24.* fatetur , in Lib. de Genes. ad lit. plura quæsita esse , quam inventa , & multa ita posita , quasi adhuc requirenda ; sed opinio de instantanea mundi creatione ab Augustino in lib. de Gen. ad lit. fuit tradita : ergo secundum ipsummet Augustinum non est tam inventa , quam quæsita , & ita posita , quasi adhuc requirenda . X. Idem quoque Augustinus init. lib. 8. de Gen. ad lit. docet : *Narratio Mosis in libro Genesios non est genus locationis figuratarum rerum , sicut in Cantico Cantorum , sed est expositio rerum omnino gestarum , sicut in Regnorum libris , & ceteris hujusmodi :* ergo non est locus Allegoriis , sed omnem locum historica veritas debet omnino occupare .

Respondemus ad I. disparitatem esse , quia res creatæ jam videntur aperte , quod non allegorice , sed historice narrantur , quum existant ; at tempus , quo creatæ fuerunt , quum non existat , non videtur ; unde non potest de illo dici , quod de rebus dicitur , fuisse scilicet historice , & non allegorice dictum . Ulterius pro rebus creatis non sunt alia Scripturarum testimonia , quæ eas diversimode explicent , ac sunt in Genesi descriptæ ; at pro tempore creationis sunt ; ut in probationibus vidimus ; & hæc est altera diversitas inter hoc , & illas . Denique res alias allegorice explicare censura notatur contra Origenem , ut apud Patres , & Theologos ; at non sic creationis dies allegorice cum Augustino , & cum aliis Patribus , & Theologis , intelligere . Et quanvis Augustini opinio censuretur a Molina , Suarez , Arriaga , Martinone , aliisque recentioribus , attamen optime a censuris omnibus vindicatur ab eruditissimo Cardinali Norisio in Vindiciis Augustinianis , testimoniis pro Augustino productis S. Thomæ , Alberti magni , S. Bonaventuræ , Egidii Romani , aliorumque Scholasticorum Doctorum ; ut apud ipsum Norisium , si velint , Legentes invenient .

Ad II. Ut ratio sanctificationis sabbati verificetur sufficit enumeratio dierum in numero senario ; quicquid autem sit , an enumerati dies fuerint veri , an vero allegorici . Enumeratio ipsorum certe legitur in Genesi , & conformatur non nihilo , sed alicui ; scilicet cognitionum angelicarum senario numero . Igitur ac-

cipiendo dies , non prout fuerint veritates , quia sic non fuerunt , sed prout conformati cognitionibus illis , formant pauperiter senarium numerum , post quem venit septimus , cui sabbatum respondet .

Ad III. Incommodum non provenit ex ipsa repugnantia rei , quæ narratur , sed ex diversa loquutione aliarum Scripturarum , quæ cum literali intelligentia loci illius Genesis pro diebus creationis rerum non convenit . Et propter hoc incommodum maxime recurrit ad allegoricas explicaciones . Quod autem potuerint res sex diebus vere distinctis a Deo produci , probat quidem possibile , sed non factum . Possimus etiam nos dicere , quod nulla est repugnantia , instanti temporis potuisse Deum res omnes producere ; quod sane nec Adversarii inficiantur ; & nihilominus ex hoc possibili deducere factum nobis non permittunt .

Ad IV. Etsi negemus successionem temporis , non negamus autem successionem ordinis ; & propter hanc ordinis successionem , quæ etiam potest in instanti temporis habere locum , non sequitur implicantia , quam Adversarii intendunt . Sane si argumentum valeret , non soluta probaret , res non fuisse productas instanti temporis momento , sed nec potuisse ; quod tamen Adversarii concedunt . Denique per nos tenebræ non dicunt aliquod ens existens , sed solam lucis vel privationem , vel negationem , hoc est non lucem ; vel clarius , corpus non luctans , corpus scilicet , & non lucem : sic tenebras explicando , non sequitur inconveniens intentum .

Ad V. eadem est responsio ; successio scilicet ordinis , non temporis , satis fuit ad salvandam creationem terræ , & aquæ ; terris aquis cooperata , & discooperata ; aquarum confusarum , & divisarum &c. Fit etiam instantia in praecedenti response facta pro possibili , & non tantum pro facto . Et suo modo possumus etiam eodem pacto discurrere de aquis divisis , & non divisis , hoc est confusis ; de terra cum aquis , & sine aquis , hoc est cooperata , & discooperta ; ac de corpore lucido , & non lucido , scilicet tenebroso , vel tenebris , loquuti fuimus .

Ad VI. Si Adversarii fecissent distinctionem inter instantis reale temporis , & instantis angelicum , quam nos suo loco fecimus , & explicavimus ; utique contradictione-

ditionem hanc Augustino non objecis-  
senz . Ceterum si quæstio reducitur ad  
unum , aut aliud instans , non est am-  
plius de diebus , sed potius de instanti-  
bus . At quæstio principalis est de sex  
creationis non instantibus , sed diebus ;  
unde parum refert , si unum , aut aliud  
ponatur instans , præsertim quum ima-  
ginarium potius , non reale esse , videa-  
tur .

**Ad VII.** Erat homo , sed non adhuc ope-  
rabatur , quando statim fuerunt plantæ ;  
quum eodem tempore simul produxerit  
Deus plantæ , & hominem . Non erat  
autem homo , qui terram operaretur ; quia  
hoc muneris post rerum creationem fuit  
homini demandatum .

**Ad VIII.** Augustinus in loco illo admisit  
non repugnantiam , sed non negavit fa-  
ctum . Et quia factum valebat admittre , &  
ad admittendum factum præcede-  
re debebat possibilitas ipsius ; ideo præ-  
misit non repugnantiam ; & deinde non  
deduxit ex non repugnantia factum ; jam  
enim sciebat , quod a possibili ad exi-  
stens non valet argumentum ; sed ex aliis  
Scripturæ locis factum probavit ; & si  
quæ videbantur Scripturæ , non possibi-  
li , sed facto contrariæ , ex illis iisdem lo-  
cis explicavit .

**Ad IX.** Deberent probare Adversarii , ve-  
re Augustinum inter illa quæstia , & non  
inventa , inter illa posita , & requiren-  
da , comprehendere voluisse , non suc-  
cessivam , sed instantaneam rerum crea-  
tionem . Quod quum non faciant , quia  
hoc Augustini verbis opus esset ut pro-  
barent , & Augustinus nunquam hoc ef-  
fatus est ; nihil certe probant ex illis Au-  
gustini verbis nec contra nos , nec contra  
ipsum Augustinum .

**Ad X.** Coæcedimus totum Augustini dictum  
de rebus creatis , & quæ creatæ in Ge-  
nesi narrantur ; quia contra harum veri-

tatem nihil alibi scripsit Augustinus . Sed  
negamus de tempore creationis illarum ,  
quia de hoc aliter ipse scripsit aliis in  
locis : unde non est credendum , quod  
de hoc intellexerit , illa dicere , sine  
ulteriori explicatione , & clara retrac-  
tatione , quæ necessaria erat , vel ad  
reformanda , quæ antecedenter scrip-  
serat , vel ad firmando , quæ in loco illo  
scribebat .

Devenimus modo ad explications rerum ,  
quæ fuerunt prima , & secunda die crea-  
tæ , secundum ordinem , quem Moyse  
nobis proponit . Opera primæ diei sunt  
cœlum , terra , lux ; divisio lucis a tene-  
bris ; quæ videri possunt enarrata Gen.  
c. 1. Nomine cœli venit pars mundi su-  
prema , nomine terræ pars infima . Hæc  
Deus produxit a principio , hoc est ante  
omnia ; ut ait Augustinus lib. 2. de civ.  
Dei c. 9. , & non ex præexistente materia  
produxit , ut voluit Hermogenes ; & ideo  
creavit , produxit scilicet ex nihilo . Per  
lucem sunt qui intelligunt Angelos , alii  
nubem , alii columnam , alii corpus lu-  
cidum , quod per utrumque hemisphe-  
rium pertransiret .

Opus autem secundæ diei fuit firmamen-  
tum ; quod in eodem Genes. c. 1. legitur .  
Nomine firmamenti intelligunt exten-  
sum quidpiam , per quod aquæ ab aquis  
dividantur . Spatium illud dicunt quidam  
esse aerem , alii aliud solidum corpus ,  
& acre superius . Nomine vero aquarum ,  
qui volunt firmamentum solidum dicunt  
intelligi aquas ejusdem speciei , cum no-  
stris , quanvis nostris sint puriores ; qui  
vero sentiunt firmamentum esse aerem ,  
dicunt aquas esse aquarum terrestrium  
vapores , qui in nubibus condensati ,  
pluvias efficiunt . Unde nubes , seu aquæ ,  
quæ sunt super firmamentum , medio ae-  
re dividuntur ab aquis nostris , quæ sunt  
super firmamentum .



## DISSERTATIO CLV.

*De Operibus tertiarum, & quartarum diei; ubi, an dies fuerit prior nocte, an contra? Et an mundus fuerit autumno, an vere, conditus? & quid per res tertiarum, & quartarum diei productas intelligatur?*



RIMAM Dissertationis partem examinandam suscipimus, in qua quaeritur, an in mundi exordio dies praecesserit noctem, an nox anteiverit diem? Dies autem artificialis intelligitur, non naturalis; & ratio est, quia nocti opponitur. Singularum opiniones referimus, & deinde quae nobis videbitur probabilius, eligimus.

Thales Milesius voluit, noctem praecessisse diem, noctis nomine intelligens chaos, & perpetuas tenebras, quas Poetæ, & Philosophi etiam aliqui, uti noctem longissimam, ante mundi nativitatem adstruebant. Sed hoc fabulosum putantur, adeoque ab omnibus Scripturæ Interpretibus improbarunt.

Alii voluerunt, quod dies fuerit nocte prior. Pro hac sententia citantur Basilius hom. 2. Hexameron. Ambrosius lib. 1. Hexameron. c. ult., Chrysostomus hom. 3. & 5. in Genes., Augustinus lib. 1. de Genes. cont. Manichæos c. 10. & lib. de Genes. Imperf. c. 7. & lib. 4. de civ. Dei 6.6. & lib. 12. Confession. c. 8. 9. 12. & 15. ubi asserit, ante omnem diem fecisse Deum cœlum, & terram. Hugo Victorinus in annotationibus sup. Genes. c. 6., Magister sententiæ in II. dist. 13. lit. B.D.E.

Alii vero docuerunt, quod nox fuerit prior die. Et pro hac opinione adducuntur Hilarius lib. de Synodis prope finem, Hieronymus in comment. sup. Jonah ad c. 2., Alphonsus Tostatus, Episcopus Abulensis, in Genes., Eugubinus in Cosmopeja, Hesselius in II. sent. dist. 13. Estius in eadem dist. Jueninus &c. Cum hac ultima opinione.

Dicimus, in mundi exordio noctem praecessisse diem.

I. Probatur. Ab illo mundi exordium incepit, quod tempore mosaicæ legis ha-

bitum fuisse ut prior pars naturalis diei; sed nox habita est semper ut prior pars naturalis diei: ergo a nocte mundi exordium incepit. Major constat, quia legis mosaicæ usus mundi exordii constitutionem imitabatur. Minor probatur. Levit. 23. præcipitur, ut sabbatum a vespera usque in vespere celebretur; & observatio usus appetet quoque Marci 15., & Joannis 19. Ulterius probatur hæc minor. Si hoc non admittatur, verificari non potest, Christum tribus diebus in sepulcro fuisse, nec etiam per synecdochen; quum enim nocte Christus resurrexerit, si nox illa non fuisset principium diei subsequentis, sed finis præcedentis, jam Christus nulla parte diei tertiaz in sepulcro fuisset. Major primi argumenti probatur adhuc. Usus inchoandi, & terminandi sabbatum in lege mosaica quod pertinuerit ad primam dierum institutionem, eruitur ex eo, quod Deus Exod. 20. præcepit quietem sabbati ad imitationem quietis septimæ diei in prima rerum productione: ergo sicut sabbatum apud Hebræos habuit initium a nocte præcedenti, ita habuit septimus dies, in quo Dominus in mundi creatione requievit. Sed si septimus dies a nocte incepit, a nocte etiam incipere debuit primus dies: ergo &c.

II. Probatur. Homo fuit ultimum opus creationis mundi, & homo creatus est sexta die: ergo totius mundi creatio completa fuit ante noctem septimæ diei: ergo septima dies incepit a nocte, quæ subsequuta est sextam diem. Quod si septima dies a nocte incepit, a nocte etiam præcedentes sex dies inceperunt: ergo semper stat, quod prima dies a nocte habuit initium suum.

III. Probatur. Prima die creavit Deus cœlum, & terram; ut dicitur Gen. 1. & Exod. 20. & 31.; sed cœlum, & terram fecit Deus ante lucem: ergo primi diei initium

initium non fuit lux, sed tenebrae; sed nomine lucis venit dies, nomine vero tenebrarum venit nox: ergo in rerum creatione nox præcessit dies. Neque dicant Adversarii cum Magistro, & aliis, ante primam lucem nec fuisse diem, nec noctem, & tempus illud præcedens lucem non fuisse primæ diei partem, sed quoddam velut ejus præambulum; Ne dicant hoc, quia præambulum hujusmodi est vere diei initium, est vera temporis pars: ergo est vera illius primæ diei pars, & exordium: ergo vere prima dies a nocte incepit.

**IV. Probatur.** Tenebrae in mundi productione fuerunt ante lucem: ergo nox fuit ante diem. Antecedens est clarissimum in Scriptura. Consequentia probatur. In eadem Scriptura tenebrae appellantur nox, lux vocatur dies: ergo si tenebrae fuerunt ante lucem, nox fuit ante diem. Antecedens est clarum in verbis illis: *Appellavitque lucem diem, & tenebras noctem.* Unde ruit assertio Basilius dicentis hom. 2. Hexam., quod primus ille status mundi, præcedens lucem, non sit dicendus nox, sed tenebrae. Idem enim sunt in Scriptura nox, & tenebrae; & Deus ipse tenebras appellavit noctem. Nec sunt alias tenebrae in Scriptura, quas Deus noctis nomine vocaverit.

**Obstant I.** Scriptura semper præponit diei appellationem noctis voci: ergo per hoc indicare vult, quod dies noctem præcessit. Probatur antecedens: *Appellavitque lucem diem, & tenebras noctem:* en diei nomen primo loco positum. **II.** Dicitur etiam in Scriptura: *Factumque est vespero, & mane dies unus;* sed vespero est finis præcedentis diei, & mane est finis præcedentis noctis: ergo per synedochem per vespero, & mane significatur dies, & nox; dies quidem præcedens, & nox subsequens, tanquam duas partes, ex quibus naturalis dies coalescit; sed primo loco ponitur dies: ergo &c. **III.** Admissa semel nostra sententia, Ecclesia imitatur ritus Judæorum; sed hoc non est dicendum: ergo nec illa est admittenda. **IV.** Quanvis Moyses diem incepit a nocte, non per hoc tamen dici debet, quod in prima creatione nox præcesserit diem; quia homo creatus in luce gratia figurat primam rerum creationem incepit a die; postea homo in peccatorum tenebras lapsus figurat observantium mosaicam, secundum quam dies incepit a nocte; demum homo per Chris-

*PAR. II.*

sum a tenebris revocatus ad lucem figurat ritum Christianorum, secundum quem dies naturalis incipit a die, & nocte terminatur.

**Respondemus ad I.** Moysen ideo appellasse primo loco lucem, quia pridem lucis creationem descripsérat. Cæterum aliis in locis nox primo loco dicitur, dies autem secundo; ut Gen. 8. *Nox, & dies non deficient.* Daniel. 3. 71. *Benedicite noctes, & dies Domino;* & aliis in locis. Ulterius; dies quanvis fuerit nocte tempore posterior, dignitate tamen, & excellentia aliquando uti prior nominatur, & appellatur.

**Ad II.** Per vespero significatur nox, cuius est principium, & per mane dies, cuius etiam est initium. Unde ex verbis illis: *Factumque est vespero, & mane dies unus;* potius sententia nostra confirmatur, quam impugnetur. Confirmat hoc ipsum hebraica phrasis, qua vespera semper accipitur pro nocte, & mane pro die; ut haberetur Marci 1. *Vespere facto, cum occidisset sol;* & ultimo cap. *valde mane orto jam sole;* & psal. 91: *Ad annunciatum mane misericordiam tuam, & veritatem tuam per noctem.*

**Ad III.** quod aliud est, diem naturalem incepere a vespera in celebratione divinorum officiorum, aliud incepere a media nocte in abstinentia ab operibus servilibus. Primum servat Ecclesia, ut legitur in Concilio celebrato apud Compendium, & refertur extr. de feriis c. omnes. Secundum permittit Ecclesia regionum consuetudini, ut legitur in c. proxime subsequenti, & sub eodem titulo c. quantum habetur ex Alexandro III. Non per hoc tamen Ecclesia sequitur in primo Iudæorum morem, sed primam dierum institutionem; ut contra Hæreticos calumniatores Estius observat, & scribit.

**Ad IV.** Pias illæ, ac mysticæ explicationes nihil ad rem probant, quum supponant, non probent, historiæ factum, quod controvertitur. Verba autem Scripturæ, quibus illas addicunt, aliter a nobis explicata sunt; unde non cogimur eas admittere illo modo, quo Adversarii explicare intendunt. Possumus & nos quoque alias pias, ac mysticas explicationes reddere, dicendo nimurum, quod nox significet quando homo non erat; dies, quando fuit homo in gratia creatus; & sic deinceps.

**Ad Dissertationis partem alteram accedimus, pro qua præmissimus, esse sententiam**

Xy 2

tiam multorum ; qui docent , mundum vere primo fuisse a Deo creatum. Ita putarunt Patres Synodi , quæ habita fuit Palestine sub Theophilo , Cæsaræ Episcopo, & sub Vito I. Rom. Pont., pariter Cyrillus Hierosolymitanus catech. 14., Basilius in Hexameron., Nazianzenus or. in Nativit. Dom. 42., Ambrosius lib. 1. Hexameron , Leo magnus ser. 9 de Passione Domini, Theodoretus q. 72. in Exodum, Damascenus lib. 1. de fide orthodoxa c. 7. , Beda lib. de ratione temporum c. 28. , aliisque , quos citant Torniellus, & Salianus .

Alii vero dixerunt , mundum a Deo fuisse creatum autumno . Et sunt Josephus lib. 1. antiquit. c. 4. , Hieronymus in Comment. ad c. 1. Ezechielis , Lactantius lib. 1. divin. instit. c. 4. , quos sequuntur Lyranus , Abulensis , Picus Mirandulanus lib. cont. Astrologiam c. 7. , Scaliger, Pererius , Serrarius , Petavius lib. 9. de doctrina temporum c. 6. , & in Rationario p. 2. lib. 2. c. 1., Usserius, aliisque, quos citat , & sectatur Natalis Alexander .

Dicimus, Autumno, non primo vere, mundum fuisse a Deo conditum .

I. Probatur. Ante Moysis tempora initium anni civilis ab autumno erat, & non a vere : ergo signum est , quod autumno, & non vere , traditio vigebat fuisse conditum mundum . Probatur antecedens. Moyses præcepit , ut primum anni civilis, & ecclesiastici exordium haberetur a mense Nisan, qui est vernalis, quum usque ad tempus illud fuisse a Tisri , qui erat mensis autumnalis . Et probatur hoc Exod. 12. *Dixitque Dominus ad Moysen, & Aaron in terra Ægypti: Mensis iste vobis principium mensium , primus erit in mensibus anni . . . . Primo mense quartadecima die mensis ad vesperam comedetis azyma; & replicatur Exod. 13. & 34. ergo ante Moysen ab autumno , & non a vere primo, annus civilis incipiebat .*

II. Probatur Josephi verbis lib. 3. antiquit. c. 4. , quibus sit palam & qualis fuerit apud Hebreos usus circa anni exordium ante , & post Moysis tempora . Scribens de tempore noctici diluvii, inquit : *Contigit autem hac vastitas anno etatis Noe sexcentesimo , mense secundo , qui Dius a Macedonibus vocatur, ab Hebreis Marsonane, sic enim Ægyptii distinxerunt annum . Moses autem Nisan, qui est Xantichus, mensem primum in suis fastis ordinavit , quod per hunc Hebreos ex Egypto eduxisset.*

Eundem etiam omnium ; qua ad rem diuinam pertinerent, exordium fecit : alioquin quod ad nundinationes rerum venalium, reliquamque dispensationem anni attinet , nihil de pristino ritu innovavit .

III. Probatur testimonio S. Hieronymi in Com. c. 1. Ezechielis dicentis : *Apud Orientales populos post collectionem frugum, & torcularia , quando decima deferebantur in templum, october erat primus mensis. M. Tullius Cicero lib. 2. de natur. Deor. testatur quoque Ægyptios a mense septembri initium anni duxisse; quod & Lactantius lib. 1. divin. instit. c. 4. confirmat .*

IV. Probatur. Illo anni tempore creatus est mundus, quo fructuum maturitas, & tempestivitas apparuit ; sed hæc apparet autumni, non veris tempore: ergo autumno, non vere , conditus est mundus . Major probatur. In descriptione mundi conditi fit mentio de frugibus , de fructibus, segetibus , quibus vescuntur homines , & bestiæ , quos Deus considerat : ergo illo anni tempore creatus est mundus , quo fructuum maturitas , & tempestivitas apparuit . Minor primi argumenti patet; consequentia sequitur .

Opponunt I. ex S. Ambroso lib. 1. Hexameron. c. 4. loquente de primo mense, quo celebratur pascha , & scribente ad illa Exodi 12. verba : *Mensis hic initium mensium est vobis: inquit: In hoc ergo principio mensium cælum & terram fecit , quod inde mundi capi oportebat exordium , ubi erat opportuna omnibus verna temperies. Unde & annus mundi imaginem nascentis expressit, ut post hybernas glacies atque hemales caligines , serenior solito vernali temporis splendor eluceat . Dedit ergo formam futuris annorum curriculis mundi, primus exortus, ut ea lege annorum vices surgerent, atque initio cujusque anni produceret terra nova seminum germina , quo primum Dominus Deus dixerat: Germinet terra herbam fructu . . . . Erga ut ostenderet Scriptura veris tempora in constitutione mundi , ait: Mensis hic vobis initium mensium , primus est vobis in mensibus anni . Primum mensem vernum tempus appellans . Decebat enim principium anni principium esse generationis, & ipsam generationem moltioribus auris foreri . Neque enim possent tenera rerum exordia aut asperioris labore tollere frigoris , aut torrentis asperius injuriam sustinere . II. Deus ex libro Genesis creavit mundum tempore florum ; sed tempus florum est ver: ergo veris tempore Deus*

Deus creavit mundum. Unde scripsit Theodorus q. 72. in Erod. Nam in eunte vere prata florent, & segetes fluctuant, & fructum arbores emittunt. III. Illo anni mense Deus creavit hominem, quo Christus, hominem redempturus, carnem assumptis humanam; sed tempore verno Christus est formatus: ergo eodem tempore homo, & cum homine mundus est conditus. IV. Ex Astrologis, & Poetis mundus est conditus vix primo; & ob eam caussam Arietis signum est initium, & caput cæterorum signorum Zodiaci; quod & ex Vergilio confirmant.

Respondemus ad I. quod S. Ambrosii opinioni aliorum Patrum, quos pro nostra sententia habemus, opponimus sententiam; quod & pariter dicendum est de similibus Leonis magni verbis, quæ Adversarii nostri nobis objiciunt.

Ad II. in mundi primordio non solum pullulasse herbas, germinasse arbores, apparuisse flores, sed segetes quoque maturas, ac fructus, quibus homines, & bestiae, & in paradyso, & extra paradisum, vescerentur. Unde dicitur Genes. 2. *Produxitque Dominus Deus de humo omne lignum pulchrum visu, & ad vescendum suave.... Tulit ergo Dominus Deus hominem, & posuit eum in paradyso voluptatis.... Præcepitque ei, dicens: Ex omni ligno paradiſi comedere: De ligno autem scientia boni, & mali ne comedas. Et c. 3. De fructu lignorum, quæ sunt in paradyso, vescimur. Fructuum autem maturitas, bonitas, ac tempestivitas, non verno tempore, sed autumno, convenit.*

Ad III. dicimus, itam esse conjecturam, at non rationem; & conjecturam quoque satis debilem, & infirmam. Deus enim condidit mundum quo voluit tempore; Filius ejus carnem assumptis tempore etiam, quod sibi magis placuit; passus autem est mortem Christus verno tempore, quia tempore illo pascha celebrabatur; & memoriam recolabant Judæi libertatis, quam per exitum ab Ægypto, & per primum pascha illo tempore celebratum, acquisierant.

Ad IV. Astrologis, & Poetis opponuntur Scripturæ, per quarum verba, & non per illorum somnia, controversia hæc est dirimenda.

Opera modo tertiarum, & quartarum diei exponimus. Tertia die congregatæ sunt aquæ; ut Genes. 1. *Dixit vero Deus: Congregantur aquæ, quæ sub celo sunt, in locum unum,*

*& appareat arida. Aquæ autem congregatae fuerunt vel in terræ cavitatibus, quæ continent maria; vel in meatus subterraneis, in quos defluunt aquæ; vel in ipsa superficie terræ, ad quam aquæ decurrunt. Hæc aquarum congregatio facta est per hoc, quod vastitas aquæ tenuis, ac nebulosæ voraginis, quæ prius terram cooperiebat, in parte sui inferiore condensata, in uno loco consedit. Sic docet Augustinus lib. de Genes. ad liter. c. 12. Cum totam omnino terram undosa materia cooperiret, quo cederet, ne nudaret aliquas partes? An forte rario aqua velut nebula terras tenebat, quæ congregatione spissata est; ut ex multis partibus eas, in quibus arida posset apparere, nudaret? Ante hanc congregationem aquarum terra desinebat ex omni parte in æquabilem sphærā; post vero illarum condensationem terra in multis partibus fuit depresso, & excavata. Et ob inde evenit, ut aliquæ ejus partes exurerent, & montes appaserent, & aliæ partes depresso manerent, & planities, & valles viderentur. De loco autem, in quem congregatae sunt aquæ, Expositores dicunt, quod vel est sermo de primaria, & præcipua congregatione, & hæc fuit facta in unum locum; vel Scriptura intelligenda est distributive; hoc est; congregantur aquæ in locum unum; in suum quemque locum; & per hoc sic, quod plures sint collectio[n]es; attamen omnis aqua in sud certo, ac definito loco remaneat, atque consistat. Hac etiam die apparuit terra, quæ vocata est arida; vel quia propter collectiō[n]em aquarum in locum unum terra, seu terræ superficies, ex siccata visa est; vel quia propter terræ exsiccationem sciremus, ipsam fuisse impotentem ad germinandum, nisi a Deo virtutem accepisset proferendi herbas, & fructus.*

Quarta autem dic Deus solem fecit, lunam, & stellas; ut Gen. 1. narratur. Hoc in loco nomine firmamenti non intelligitur spatium illud dividens aquas ab aquis, de quo in præcedenti Dissertatione loquuti sumus; sed venit ingens ille tractus, qui ab inferioribus aquis, & tenuioribus, quæ supereminunt aeri, fere protenditur in immensum. Sol, & Luna dicuntur luminaria magna, quia cæteris astris majora apparent; cæterum ex paralaxi observant Astronomi aliqua esse sydera, quæ sunt majora sole, & luna; quanvis minora appearant.

DIS-

# DISSESTITO CLVI.

*De Operibus quintæ, & sextæ diei ; ubi an cœlestia corpora sint animata? an bestiæ, & berbæ noxiæ fuerint ab initio creatæ?  
Et quid per res quinta, & sexta  
die conditas intelligatur?*

**D**icitur Rima Dissertationis pars intellegenda est de cœlo, & de astris: nullæ enim aliae sunt cœli partes; quemadmodum pariter intelligitur de anima rationali; an scilicet illam habeant, ut habent homines, an saltem habeant intellectum, & mentem, ut habent Angeli? Aliqui extendunt quoque quæstionem ad animam sensitivam, & vegetativam, ut videbimus infra. Quæ fuerint Philosophorum, ac Patrum, hac de re opiniones, adducemus primo; deinde nostram firmabimus sententiam, & ab Adversantium ratiunculis vindicabimus.

Primo Platoni, ac Stoici, dixerunt, cœlos esse animatos; & in eorum opinionem pariter iverunt Cicero lib. 2. de nat. Deor., Plinius lib. 2. hist. nat. c. 9., Peripatetici aliqui etiam, ut testatur Raguinus t. 1. Philosophiae disp. 14., & Alexander Achillinus lib. 3. de Orbibus c. 3. diffuse probat, opinionem hanc ex Aristotele deduci. Quanvis, ut afferit Cardinalis Norisius in Vindiciis Augustinianis c. 4. §. 2. communior Peripateticorum pars ex Aristotele velit, intelligentias assistentes cœlis esse, non vero eosdem informantes.

Secundo idem Norisius testatur, non unam suisse Patrum opinionem de Cœlorum anima; unde Augustinus, nolens se tantis litigiis immiscere, judicium suspendit; nempe, ut ait, an Angeli vere Orbes informarent, vel eos solummodo in gyrum propellerent. Attamen Estius absolute docuit, Augustinum de hac re dubitasse semper, ad finem usque vitæ. Sed in Neapolitana editione corrigitur; ubi habetur in postillis, quod quanvis Augustinus de hoc aliquando dubitaverit, postmodum tamen docuit ex propria sententia, cœlos sine anima melius statuendos. Hoc docent Petavius t. 3. lib. 1. de Opificio sex dierum c. 12. num. 10., Laudatio

tus Norisius cit. loc. , Natalis Alexander t. 5. hist. Eccl. sec. 5. c. 4. ar. 3. §. 10., ubi refellit Calvinianum Dallæum, qui ob hoc Augustinum reprehenderat. Refertur etiam pro hac opinione Hieronymus ab Estio, adducente testimonium S. Thomæ in Quodlib. 12. ar. 9.

Tertio ex Scholasticis multi afferuntur ab Estio, qui saltem hac de re dubitarunt; ut sunt S. Thomas, de cuius mente, ut de illa Augustini, fuisus dicemus infra; Scotus, & plures Scotistæ; Aureolus, Cardinalis Cajetanus, aliquie pauci.

Vera tamen sententia est, quæ docet, cœlestia corpora animata non esse; ut communis est Patrum, & Theologorum assertio. Cum qua

Dicimus, cœlestia corpora animata non esse.

I. Probatur de anima proprie dicta. Corpus animatum debet esse organicum; sed cœlestia corpora organica non sunt: ergo non sunt animata. Major pater ex animæ definitione; anima enim est actus corporis organici; scilicet, ut explicat Estius, compositi ex partibus, quibus ipsa utatur ut instrumentis diversis situ, & figura ad functiones diversas. Minor etiam est evidens; non enim cœlum, aut sydus aliquod, hujusmodi partibus constat.

II. Probatur ab eodem Estio: Corpus, ut sit aptum recipere animam, debet esse temperatum primis qualitatibus, & secundis; sed neque cœli capaces sunt, neque astra, qualitatum hujusmodi: ergo capaces non sunt, ut animam recipient.

III. Probatur, cœlos, & sydera intellectu, ac mente experies esse. Si enim intellectum haberent, haberent etiam voluntatem; si voluntatem, haberent quoque liberum arbitrium; si liberum arbitrium, liberas alias actiones etiam exercerent; sed hoc falsum omnino est: ergo &c. Probatur minor. Motus cœlorum, atque astrorum, sunt omnia naturales: ergo sunt.

sunt necessarii : ergo non liberi . Probatur antecedens . Illa sunt naturalia , ac necessaria , quæ semper eodem modo fiunt ; sed cœlorum influxus , operaciones syderum , aliique motus illorum omnium , semper eodem modo fiunt : ergo sunt naturales , & necessarii : ergo non sunt liberi .

**IV.** Probatur . Astra , & cœli vel sunt in statu merendi , & demerendi , vel sunt damnati , vel sunt beati , si sunt anima , vel mente , vel intellectu prædicti ; neutrum dici potest : ergo sunt anima , & mente expertes . Major pater ; hec enim est conditio creaturæ rationalis , vel intelligentis . Minor probatur . Non sunt in statu merendi , vel demerendi , quia si hoc esset , deberent vel virtutes exercere , vel viae servari . Neque sunt damnati ; quis enim afferet , cœlos , vel cœlorum animas , astra , vel animas ipsorum , in inferno torqueri ? Neque sunt beati ; quia si essent beati , possent a nobis adorari , ut adorantur Angeli ; hoc autem est illicitum ; quia Deut . 4 . damnatur omnis adoratio , omnis honor , omnis cultus , exhibitus astris .

**V.** Probatur ex Epistola , quam Justinianus scripsit ad V. Synodum adversus Origenis errores , in qua sextus anathematismus hic ponitur : *Si quis dicit cœlum , solem , ac lunam , & stellas , necnon aquas , quæ sunt supra cœlos , animatas , & materiales esse virtutes , anathema sit .* Epistolam autem Justiniani approbavit Vigilius , Rom . Pont . cum universa catholica Ecclesia ; quod testatur Liberatus , Diaconus Cartaginensis c. 23 . Breviarii . Anathematismum etiam approbavit eadem V. Synodus ; ut refert Nicephorus Callistus lib. 17 . c. 27 . ; unde illum ut canonem illius Synodi eruditus Christianus Lupus notis , ac scholiis illustravit . Quod docet Cardinalis Norisius , & cum eo Editores Estii neapolitanæ editionis :

**VI.** Probatur ex censuris , quibus contraria opinio inurritur . Hieronymus in epist . ad Avitum recenset opinionem Adversariorum inter Origenis errores . Fulgentius in lib . de fide ad Petrum c. 24 . ac altis in locis , vulnus , habendum ut dogma , quod in omni creatura soli Spiritus angelici , & humani facultatem habent intelligendi . Rupertus lib . 9 . de glorificatione Trinitatis c. 4 . dicens , Sapientes hujus mundi putasse astra vivere , subdit : *Quod recipere nec voluit , nec debuit Ecclesia Dei .* S. Bonaventura in II .

dist . 14 . vocavit contrariam nostræ opinionem falsam , & erroncam . Joannes Gerson in Trilogio Astrologie prop . 13 . afferens , Angelos , vel Intelligentias , non animare , sed regere cœlum cum syderibus , & planetis ad Dei voluntatem ; subiungit , hanc propositionem esse certa fide tenendam .

Arguunt I. Job . 38 . *Cum me laudarent simul astra matutina , & jubilarent omnes filii Dei : ergo astra sunt mente prædicta , qua Deum laudant , & desiderant .* II. Job . 15 . *Cœli non sunt mundi in conspectu Dei ; quod nequit intelligi nisi de immunditia peccati , quia per Apostolum omnis creatura Dei munda est de alia immunditia loquendo .* III. Nehemias 9 . *Et exercitus cœli te adorat ; sæpe autem in Scripturis nomine exercitus cœli veniunt sol , luna , & astra .* IV. Isaiae 24 . *Visitabit Dominus super malitiam cœli in excelso : quæ verba de astris Hieronymus interpretatur , & illa afferit a Deo visitanda , ut a Medico visitatur Ægrotus .* V. Eccl . 43 . *In verbis Sancti stabunt ad judicium ; subdit Estius , scilicet ut judicandi .* VI. Baruch 3 . *Stelle latata sunt , & vocata dixerunt : Adsumus , & luxerunt ei cum jucunditate , qui fecit eas .* VII. II. Machab . ult . Omnes cœli benedixerunt Dominum . VIII. in Praefatione Canonis ad Missam , & in Canzico *Te Deum laudamus , eodem* prorsus modo dicitur , quod cœli Deum laudene , ac dicitur de Angelis omnibus . IX. In Officio S. Agnetis recitat Ecclesia . *Cujus pulchritudinem sol , & luna mirantur .* X. S. Hieronymus sup . Eccl . 1 , afferit , solem vocari spiritum ; & hoc vel quia animet , inspirat , ac vegetat ; vel quia ipse spiritu alatur . XI. Augustinus in prefac . sup . psal . 93 . assertive putat , luminaria cœlestia esse animata . XII. S. Cyprianus in lib . de bono Patientiæ afferit , solem oculos clausisse , ne Judæorum facimus videret . XIII. S. Thomas lib . 2 . cont . Gentes c. 69 . & 70 . , & in Quæstionibus disputatis q. de anima ar . 8 . , & in Opusculo de Angelis c. 2 . multas affert rationes , quibus probat , cœlos esse anima intellectiva animatos . XIV. Idem Doctor Angelicus Quodlib . 12 . ar . 9 . de hac quæstione , scribit , Ecclesiæ Doctores varie sensisse , sicut varie opinati sunt Philosophi . Subdit deinde : *Ego autem dico secundum Augustinum lib . 2 . de Genes . ad lit . , quod non refert ad fidem , utrum sic , vel aliter sit .* XV. Idem S. Doctor cit . loc . de Augustino addit : *Vnde hoc non determin-*

determinat in *Enchiridio*, addens, quod si panamus corpora cœlestia animata, non idea-  
erunt in judicio tres ordines judicandorum,  
scilicet Angelorum, Hominum, & Anima-  
rum; quia illa animæ comparabuntur cum  
Angelis. Et hoc sensisse videtur ille, qui fe-  
cit *Prefationem*, cum dicit: *Cœli Cœlorumque*  
*virtutes*. Hec omnia apud Estium.

Respondemus ad I. Si argumentum valeret,  
etiam ignis, grando, nix, pluvia &c. essent  
anima prædicta, quia cum cœolis, & astris  
pariter adducuntur ad Deum laudandum,  
& psal. 18., 103., 148. & præcipue Da-  
niel. 2. in *Hymno trium puerorum*. Hinc in verbis illis figura locum habet,  
quæ dicitur prosopopeja. Dicuntur autem  
laudare Deum, qui Deum faciunt a nobis  
laudari. Nec refert, quod conjungantur  
cum Angelis ad Deum laudandum, per  
verba illa; & jubilarent omnes filii Dei:  
quia etiam ignis, grando, pisces &c. in  
hymno illo ad Deum laudandum cum  
Angelis, cum Hominibus conjuguntur.

Ad II. Verba illa non sunt Scripturæ, sed  
Eliphaz, qui erat amicus Job. Verum si  
admitti volunt, dicitur, significari per  
cœlos Spiritus cœlestes; & hoc rationabi-  
liter, quia de iis proxime ante scripsérat:  
*Ecce inter Sanctos ejus nemo immutabilis*.  
Vel si de cœlis intelligi cupiunt, dicitur,  
quod cœli non sunt omnino perfecti co-  
ram Deo; quatenus omnis creatura est  
defectibilis.

Ad III. Adorare Deum in loco illo idem est  
ac obediere Deo, & ejus exequi volunta-  
tem, & imperium. Hoc patet, quia ibidem  
immediate ante dicitur: *Et tu vivificas*  
*haec omnia*: Inter haec omnia adnumeran-  
tur cœlum, terra, & omnia, quæ in eis  
sunt. Si igitur haec adorant Deum, & non  
per hoc sunt animata; neque animati  
erunt cœli, quia Deum adorant.

Ad IV. verba illa Isaiae sic exponuntur ab  
Estio: Visitabit Dominus super militiam  
cœli disperdendo de terra idola, & cul-  
tum eorum: Unde sequuntur haec verba:  
*Et erubescet luna, & confundetur sol*. Cul-  
tores igitur astrorum, vel cœlorum dicitur  
per figuram esse visitandos, ac confun-  
dendos, & destruendos. Hieronymus lo-  
quutus est ex sententia Origenis, non ex  
propria; ex propria autem scripsit in co-  
dem Commentario ad c. 45. ubi se clari-  
rius expressit.

Ad V. Idem Estius sic verba illa interpre-  
tatur: „Luminaria Cœli in verbis San-  
cti, idest ad imperium Dei, stabunt secun-  
dum judicium (sic enim est in Græco)

„ idest in ordine suo confitentes, quem cer-  
to judicio, ac ratione Deus illis præscri-  
psit, . Unde ait esse metaphoram ab or-  
dine; & disciplina militari desumptam;  
vel maxime, quia sequuntur hæc verba:  
*Et non deficient in vigiliis*; hoc est in ex-  
cubiis suis; quod idem est ac dicere; sta-  
tiones suas perpetua lege servabunt; cui  
simile ait Ilud Habacuc 2. Sol, & Luna  
steterunt in habitaculo suo.

Ad VI. Propheta Baruch loquitur etiam  
per figuram; quemadmodum loquitus est  
David in psal. 104. *Vocavit famam super*  
*terram*; & Matth. 8. *mare*, & venti obe-  
diunt ei.

Ad VII. In Græco legitur: *Omnies in cœlum*  
*benedixerunt Dominum*. Vel dicitur, ut  
dictum est ad I.

Ad VIII. Per cœlos significantur Spiritus,  
seu Intelligentia cœlestes per tropum,  
per quem continens aliquando accipitur  
pro contento; ut terra etiam non semel  
pro hominibus sumitur, qui sunt in terra.

Ad IX. Sensus loquutionis impropriæ qui-  
dem, non propriæ, est, quod tanta, &  
talis in Christo est pulcritudo, ut si ha-  
berent mentem sol, & luna, eam adama-  
rent, quia propria illorum pulcritudine  
ipsam comperirent pulcriorem.

Ad X. dicit etiam Estius, quod Hieronymus  
duas assignat rationes, properas quas sol di-  
ci potest spiritus; quatum si una sit vera,  
sufficiens est Commentatori. Veram au-  
tem dicit illam, quam priori loco po-  
suit.

Ad XI. dicimus, Augustinum aliquando  
de hoc loquutum fuisse figurate, ut  
etiam loquutæ sunt Scripturæ; & præ-  
cipue hoc fuit in loco in objectione ci-  
trato: aliquando dubitando scripsisse;  
quanquam, ut ait Natalis Alexander, t. 5.  
sec. 5. hist. eccl. nov. test. c. 4. ar. 3. §.  
10: in eam magis propenderet senten-  
tiām, quæ syderibus animam negat.  
Quod ex ipsius verbis lib. 13. de civ.  
Dei c. 16. Platonis sententiam referentis,  
innovescit. Ait enim. *Et hoc quidem utrum*  
*Plato verum de syderibus dicat, alia quæstio*  
*est*. Neque enim continuo concedendum est  
globos istos luminum, sive orbiculos luce-  
corpora super terras seu die, seu nocte ful-  
gentes, suis quibusdam propriis animis vi-  
vere, iisque intellectualibus, & beatis. Et  
lib. 2. Retractionum c. 7. libros con-  
tra Faustum scriptos recensens, ait: *In de-*  
*cimoquarto de sole, & luna talia dicta sunt,*  
*tanquam sentiant, & ideo tolerent vanos*  
*adoratores suos; quamvis verba ibi accipi*  
*pos-*

possit ab animali ad inanimale traslata modo locutionis, qui vocatur græce metaphora. Idem Augustinus de damnata Origenis opinione hæc afferit in lib. contra errores Priscillianistarum c. 8. apud Norisium citatum: *De sole, & luna, ceterisque syderibus, quod cœlestia sunt corpora, videntur; quod animata sunt, non videntur. De divinis hoc libris legatur, & credimus.* Apud eundem Norisium Fromondus lib. I. de anima c. 1. ar. 8. facetur, cum qui animam vegetativam, aut etiam sensitivam, astris concederet, in Synodus V. non peccare, quæ animas tantum intellectivas a cœlestibus corporibus exclusit. Afferit quoque idem Norisius cit. loc. „ An vero modo defendi possit anima cœlorum post damnatam illam Origenis opinionem, nolo disputare; posset enim quis reponere, damnatam solummodo illam sententiam: juxta mentem Origenis intellectam, de quo hæc scribit S. Hieronymus ep. 61. contra Joannem Hieronymitanum: *Origenes docet solem ipsum, & lunam, & omnium astrorum eborum esse animas rationaliunquorundam, & incorporealium creaturarum, qua nunc vanitatis subiecta, ignitis videlicet corporibus, que nos imperiti, & rudes luminaria mundi appetimus, liberabuntur a servitute corrupti, per nos in libertatem filiorum Dei.* „ Verum, eminentissimi, utique doctissimi, Cardinalis pace, quod ipse non vult disputare, nos indubitanter afferimus, post damnatam Origenis opinionem, nullo modo defendi posse animam cœlorum; ut in probationibus exhibuimus.

Ad XII. dicitur quoque S. Cyprianum rhetoricae figuris usum fuisse, dum illa de sole, & astris scriberet; quod pariter de Elementis dixit, scribens: *in execrationem iudaici sceleris opnia elementa unam proculisse sententiam:* & non per hoc quis dicit, elementa esse animata.

Ad XIII. Admissio, quod S. Thomas illa scripterit in recentis locis, attenuat in Summa I. p. q. 70. ar. 3. controversiam hanc præcipue pertractans, expresse docuit, cœlestia corpora non esse animata. Sua verba sunt: *Similiter etiam apud Doctores fidei fuit circa hoc diversa opinio. Origenes enim posuit corpora cœlestia animata. Hieronymus etiam idem sentire videtur. Grc. Basilius vero, & Damascenus afferunt corpora cœlestia non esse animata. Augustinus vero in dubio dereliquit in neutrâ partem declinans. Post quæ, rationes affert, quibus probet, corpora cœlestia,*

PAR. II.

*nec rationali, nec sensibilia, nec vegetativa anima esse praedita; & rationes in contrarium solvit.*

Ad XIV. S. Thomas loquebarur de temporibus Augustini, quibus adhuc V. Synodus habita non fuerat. At post illam Synodum, in qua probatus est anathematismus contra Origenem, & recepta per Vigilium epistola Justiniani Imperatoris ad Mennam, Constantinopolitanum Patriarcham, dici non potest, quod ad fidem non referat, utrum sic, vel aliter sit.

Ad XV. eadem est responsio; & additur, quod pro Augustino recolenda sunt, quæ scripsit in Retractionum libro, & pro S. Thoma, quæ exaravit in Summa; us diximus ad XI. & ad XIII.

Altera Dissertationis pars complectitur bestias, & herbas noxias. Bestiae noxiæ dicuntur serpentes, accipitres, leones, ursi, lupi, aliæque, vel veneno, vel feritate, nocentes hominibus. Putarunt aliqui, eas fuisse post hominis transgressionem a Deo creatas; verum communior est sententia, Deum creasse illas cum cœbris ejusdem generis animalibus; non fuisse tamen noxias hominibus ante peccatum, sed post peccatum; idemque iudicium de herbis, quæ pariter dicuntur, noxiæ, proferunt. Cum quibus

Dicimus Deum creasse: cum cœbris animalibus, & cum aliis herbis, illa, & illas, quæ noxiæ dicuntur; fuisse tamen innocentes ante peccatum hominibus, post peccatum vero fuisse noxias.

I. Probatur Exod. 20. 11. sex enim diebus fecit Dominus cælum, & terram, & mare, & omnia, quæ in eis sunt; sed inter haec omnia numerantur, & comprehenduntur etiam animalia noxia, & herbae noxiæ: ergo illæ pariter a Deo cum aliis animalibus, & cum aliis herbis, creatæ sunt.

II. Genes. 12. 19. voluit Deus, ut Adam cunctis animalibus nomina imponeret: Formatis igitur Dominus Deus de humectis animalibus terra, & universis volatilibus cœli, adduxit ea ad Adam, ut videres quid vocares ea. Et num. 20. Appellavitque Adam nominibus suis cuncta animalia, & universa volatilia cœli, & omnes bestias terre; sed inter hæc universalia comprehenduntur etiam bestiae noxiæ: ergo &c.

III. Genes. 1. inter animalia die quinta, cœrata numerantur quæ noxia sunt hominibus; videlicet cœre grandia &c.: ergo

Z z

quin-

quinta die fuerunt omnia animalia, etiam quæ postmodum fuerunt noxia, creata. IV. Genes. 3. fuit serpens, qui dicitur a Deo creatus; ait enim Scriptura num. 1. sed & serpens erat; & quidem erat ante hominis peccatum; hic autem est maxime homini noxius: ergo ante hominis peccatum fuerunt a Deo animalia noxiæ creatae.

V. Ante peccatum nullum animal fecit homini noxiū; quod probatur, & ex eo, quod Adam omnibus nomina imposuit, & nullum ex illis tanquam noxiū expavix; & ex eo, quod Eva non fugit serpentem, sed cum eo fuit blande alloquia; & ex eo, quod post peccatum, fuit a Deo inter serpentem, & hominem inimicitia constituta.

VI. Probatur ex Patribus. Hilarius in exposit. psal. 18. docet, venena, & alia nocumenta ex hominum nequitis initium habuisse. Augustinus idem afferit lib. 3. de Genes. ad lit. c. 15., tract. 1. in Joan., lib. 1. cōn. Julianum c. 6., ubi refert quoque verba Chrysostomi pro hac sententia: Eadem docet Augustinus lib. 8. de Genes. ad lit. c. 18. de herbis noxiis; ut enim ait Estius de herbis, ac de animalibus noxiis eadem est ratio; sicut pariter eadem est ratio de animalibus immunidis.

Objiciunt I. Basilius hom. 5. Hexameron docet, rosas ab initio fuisse a Deo factas sine spinis; quæ iisdem adnatæ sunt post quam homo peccavit. Alcuinus etiam, ut refert S. Thomas 2. 2. q. 164. ar. 2. ad 1. scribit, spinas, & tribulos non fuisse prodituros e terra, nisi homo peccasset. II. Genes. 3. 18. dicitur a Deo Adæ: Spinæ, & tribulos germinabit tibi; & hoc fuit post peccatum: ergo post peccatum enatæ sunt herbæ homini noxiæ. III. Augustinus lib. 1. de Genes. cont. Manichæos c. 13. docet, spinas, & herbas venenosas ad poenam peccati fuisse a Deo creatas. IV. Eccl. 39. 35. habetur: Ignis, grando, fames, & mors, omnia hæc ad vindictam creatæ sunt: ergo idem est judicium de animalibus, ac herbis noxiis. V. Si homo non peccasset bestiae fuissent aliis bestiæ noxiæ; etiam herbas: ergo pariter fuissent hominibus, si homo non peccasset. Antecedens est doctrina Augustini pluribus in locis; & S. Thomæ.

Respondemus ad I. quod Ambrosius in Hexameron, quanvis sequatur Basiliū in multis, in hoc tamen non sequitur: S.

Thomas opponit Alcuino Augustinum, dicens: Spinas, & tribulos germinasset terra, si homo non peccasset; in cibis animalium, non autem in hominis poenam; quia scilicet propter eorum exortum nullus labor aut punitio homini operanti in terra accideret, ut Augustinus dicit super Gen. ad literam; quanvis Alcuinus dicat, quod ante peccatum terra omnino spinas, & tribulos non germinasset. Sed primum est molitus.

Ad II. Verba illa non simpliciter a Deo fuerunt dicta: Spinas, & tribulos germinabit; sed cum addito, Tibi; hoc est in poenam tui peccati. Si enim homo non peccasset, germinasset quidem terra spinas, & tribulos, sed non in hominis poenam, ad usum vero animalium, & ad commodum etiam hominis, qui illis usus esset, ut igne, aliisque, quæ deinde ceserunt in poenam.

Ad III. Augustinus explicatur dicendo, quod vel spinæ, & herbæ venenosæ, in peccati supplicium, factæ sunt homini poenales, quum prius essece innoxiae; vel quod non natae sint ad poenam, sed a Deo factæ, idest ad poenam ordinatae.

Ad IV. dicimus præfarum textum potius esse pro nostra sententia, quam contra illam. Siquidem sicut ignis, grando &c. omnibus erant ante peccatum ad usum, & non ad poenam; ita etiam descendunt est, fuisse herbas, & bestias innoxias.

Ad V. Lis est inter Expositores, & Patria de re illa; sed quomodounque habeatur, nil ex illa potest legitime inferri, quod sit contra nostram sententiam. Siquidem bestiarum natura dici non potest propter peccatum mutata, quanvis in illius poenam obedientiam, & submissiōnem, homini debitam, perdiderit.

Opera quintæ, & sextæ diei explicatione demum complectimur. In opere diei quintæ adnumerantur pisces, & volucres, ex aquis producti. Quod habetur Gen. 1. 20. Dixit etiam Deus producunt aquæ reptile anima viventis, & volatile super terram sub firmamento cœli. Per Reptile intelliguntur pisces, quia repunt in aqua, sicut serpentem in terra, quum pedibus careant. Tam pisces, quam aves, producti dicuntur ex aqua; quia, ut inquit Basilus hom. 8. in Hexameron. Cognitio quadam est avium cum piscibus. Etenim quemadmodum pisces aquam secant, pinnarum agitatione progredientes; sic etiam in volucribus lices cernere.

Sexta

Sexta autem die animalia, & hominem produxit Deus. Legitur Gen. 1. 24. *Dixit quoque Deus: producat terra animam viventem in genere suo, jumenta, & reptilia, & bestias terra secundum species suas.* Et n. 27. *Et creavit Deus hominem ad imaginem suam: ad imaginem Dei creavit illum, masculum, & feminam creavit eos.* Animalia in tres classes ab Expositoribus dividuntur. Jumenta nimis, Reptilia, & Bestiae terræ. Jumenta, a juvando dicta, hominem juvant, & in laboribus, ut equi, cameli, asini &c. & incibis, ut oves, boves &c. Reptilia super terram repunt, ut sunt serpentes; & super terram saltant, ut sunt lacerti. Bestiae terræ sunt omnia alia animalia, ultra jam dicta, & præcipue feræ. His addunt animalia, quæ generantur ex putri, uti pulices, ranæ, mures &c. & dicunt, non esse a Deo immediate, at me-

diate, producta. At politiores Philosophi, qui tuentur, omnia animalia ex ovo generari, in contrarium sentiunt. Animalia etiam heterogenea, quæ nascuntur ex diversarum specierum animalibus, ut sunt muli, leopardi &c., posthunc dici a Deo producti, quatenus Deus eorum parentes creaverit, & virtute, quam illis dedit, pariter eos creavit.

Quæ vero dici possunt de homine, sexta etiam die a Deo creato, non paucorum versuum terminis restringenda sunt. Ampliorem siquidem exigunt tractationem; unde sequentes instituimus Dissertationes, in quibus de terrestri paradyso, in quo omnia præter hominem a Deo creata sunt, & in quem fuerunt primi parentes a Deo etiam deportati; de homine in statu, seu in ordine creationis; de homine in statu innocentia; de homine in statu culpæ, & pœnæ, erit sermo.

## DISSESTITO CLVII.

*De Terrestri Paradyso; an fuerit corporeus, an spiritualis? In qua orbis parte situs? An modo extet? Et quid in eo fuerint Arbor scientiæ boni, & malii, & Arbor vite?*



RIMO Philo Judæus, allegoricis Scripturarum explanationibus plus æquo additus, putavit, paradiſum, a Moysè descriptum in libro Genesis, deberi juxta sensum spiritualem tantummodo intelligi, & explicari. Sic habet sub finem libri de Opificio mundi, & in libro de Allegoriis legis mosiacæ.

Secundo Origenes paradiſi historiam allegorice interpretatus est, excludens obviūm Scripturarum sensum, & simplicitatis illos accusans, qui illas non allegorice, sed literaliter intelligebant. Hinc fuit Origenes hæreticos notatus ab Epiphanius in epist. ad Joannem Hierosolymitanum, & in Ancorato; a Methodio apud citatum Epiphanium in Origenis hæresi; a Hieronymo in epist. cont. errores Joannis Hierosolymitani c. 3., & in Commentariis super Daniel. c. 10., a S. Augustino lib. 23. de civ. Dei c. 21., PAR. II.

& lib. 14. c. 11., & lib. 15. c. 27.; & lib. 8. de Genes. ad liter. c. 1., & lib. 12. c. 34.

Tertio Hæretici Seleuciani, & Hermiani visibilem paradiſum negarunt. Inter eorum errores adnotat Augustinus hæres. 59., & refert Estius in II. dist. 17. §. 16., & pariter narrat Natalis Alexander t. 1. hist. eccl. vet. test. dissert. 2. de Paradyso n. 8. in fin.

Quarto S. Ambrosius dicitur ad eodem Estio, quod in libro, quem scripsit de Paradyso, videtur hac de re cum Origenе sentire. Et in ep. 42. ad Sabinum scripta, aperte afferit, probabilius sibi videri paradiſum non fuisse terrestrem locum, sed aliiquid spirituale, & intelligibile. Ad quæ subdit Estius. „Verum, hæc S. Ambrosii sententia velut a concordi reliquorum Patrum sententia discrepans, non est recipienda; tametsi prorsus vindicanda ab hæresi, propter ea quod hujusmodi opinio illius ætate ne-

Zz 2 „ que

que satis adhuc esset excusia , neque Ecclesiae judicio condemnata . Attamen Natalis Alexander t. i. hist. eccl. vet. test. dissert. 2. de Paradiso , hæc Ambrosii verba in lib. de Paradiso in medium affert : *In hoc ergo paradiſo hominem Deus posuit ; quem plasmavit . Intellige etiam , quod non eum hominem , qui secundum imaginem Dei est , posuit , sed eum , qui secundum corpus . Incorporalis enim in loco non est . Posuit autem eum in paradiſo , sicut solem in cœlo , expectantem regnum cœlorum , quemadmodum creatura expectat revelationem filiorum Dei . Quid clarius verbis hisce , ut Ambrosii mens percipiatur ?*

Quinto apud eundem Estium accusatur Hieronymus , quod in libro Traditionum Hebraicarum dixerit , paradiſum ante cœlum , & terram conditum a Deo fuisse ; ac proinde Origenis errori per hæc verba suscipserit . Refert hoc etiam Beda ; & contra ambos arguunt ; quod non possit intelligi sententia illa creationis paradiſi ante cœlum , & terram de paradiſo corporeo ; quia quum hic pertineat ad mundum corporeum , quæ primo mundi corporei creata fuerunt , sunt cœlum , & terra , non paradiſus : ergo superest , ut de paradiſo spirituali , & allegorico intelligatur . Verum clarissima est Hieronymi mens in epist. 61. ad Pamphiliū recensentis inter octo Origenis errores hunc sexto loco , & dicentis : *Quod si paradiſum allegorizet , & historia auferat veritatem , pro arboribus Angelos , pro fluminibus virtutes cœlestes intelligens , totamque paradiſi continentiam tropologica interpretatione subvertat .* Et in Commentariis ad c. 10. Danielis : *Unde eorum deliramenta conticeſcant , qui umbras & imagines in veritate querentes , ipsam conantur evertere veritatem : ut flumina , & arbores , & paradiſum putent allegoria legibus se debere subruere .* Igitur patet , ut ait Estius , quod si quid erroris est in sententia illa Hieronymi , non ad substantiam paradiſi pertinet , sed ad tempus creationis illius . Attamen dici potest , quod Hieronymus non ex propria sententia , sed ex Cabalistarum mente scripsit . Vel si ex propria sententia scripsit , motus est , quia Scriptura dicit Gen. 2. 8. *Plantaverat autem Dominus Deus Paradiſum voluptatis a principio .* At in loco illo principium non refertur ad tempus , sed ad locum ; scilicet , quod plantatus fuerit in oriente , vel ad orientem .

Dicimus , terrestrem paradiſum fuisse cor-

porum , non spiritualem , mysticum , & allegoricum . Ita omnes Patres , & Doctores Scholastici , ac divinæ Scripturæ Expositores .

I. Probatur . Genes. 2. 8. *Plantaverat autem Dominus Deus Paradiſum voluptatis a principio , in quo posuit hominem , quem formaverat :* Ergo si paradiſus creatus a Deo fuit uti locus habitationis in terra hominis corporei , fuit etiam ipse corporeus . Non enim in eo habitare debebat Angelus , qui est immaterialis , & incorporeus , sed homo , qui est corporeus , & materialis ; ac proinde esse non poterat , nisi materialis etiam , & corporeus , non spiritualis , & allegoricus .

II. Genes. 13. de Sodoma , & Gomorra ; antequam incendio perirent , dicitur : *Eran sicut paradiſus Domini , & sicut Ægyptus venientibus in Segor :* Inepta esset comparatio , si paradiſi amænitatis non fuisset corporea , & materialis ; non enim respondisset amænitati Sodomæ , & Gomorræ , nec sequentibus verbis concordasset .

III. Probatur ratione S. Methodii , cuius verba leguntur apud S. Epiphanius hæref. 63. , & hæc sunt : *Imprimis enim paradiſus ille , de quo in primo nostro Parente dejecti fuimus , eximius quidam haud dubio hac in terra locus est , & ad exquisitam quandam ac jucundissimam Piorum requiem habitationemque secretus . Indidem parro Tigris , & Euphrates , ceteraque flumina proficiuntur ; quorum in continentem nostram derivationes ac decursus exundant . Non enim in terras e cœlo delapsa præcipitare . Neque enim tantam aquarum molem cum ingenti ex alto impetu depressam sustinere terra potuisset . Sed nec Apostolus Paradiſum tertio in cœlo collocat . . . Nam , & Adamus neutquam e cœlo dejectus est : sed ex eo paradiſo , qui in Eden fuerat ad Orientem confitus . Si enim Paradiſus allegorice intelligitur , allegorice etiam intelligenda sunt omnia , quæ in paradiſo continebantur ; ac proinde flumina , quæ tamen hucusque videntur ; homo , cuius progenies adhuc perseverat ; ejecțio ab illo , cuius poenam jugiter sentimus ; & sic alia omnia , quæ in sacra historia narrantur , & ad allegoriam applicari , vel rerum evidētia prohibet , vel Dei verbi auctoritas interdicit .*

IV. Probatur ratione & verbis S. Joannis Chrysostomi hom. 8. in Genes. *Et plantavit Deus paradiſum in Eden , secundum Orientem , & posuit illis hominem , quem for-*

formavit. Et idcirco nomen loci Scripturis inseruit B. Moyses, ut non liceat nugari violentibus imponere simpliciorum auribus, & dicere, Nullum esse in terra paradisum, sed in celo, & fabulas quasdam ejusmodi somniare. Nam cum divina Scriptura tanta usit diligentia, non refugiunt quidam loquacitate, sapientiaque peregrina inflati, adversa Scripturis loqui, & dicere; Non esse super terram paradisum. Multaque alia praeterea, quae dicta sunt, introducentes, quod non sicut scripta sunt, sed alia ratione sint intelligenda, & quod ea, quae de terra, de his, quae in celis sunt, dicta esse arbitrandum sit: Nisi humilitate, & congruente nobis sermonum familiaritate B. Moses usus foret, Spiritu Sancto linguam ejus movente, quo non devoluti essent?

V. Probatur etiam ratione & verbis S. Augustini lib. 8. de Genes. ad liter. c. 1., ubi alienas exponens opiniones, hæc de propria scribit: Non ignoro de Paradiso multos multa dixisse. Tres tamen de bac quasi generales sunt sententiae. Una eorum, qui tantummodo corporaliter Paradisum intelligi volunt. Alia eorum, qui spiritualiter tantum. Tertia eorum, qui utroque modo Paradisum accipiunt, alias corporaliter, alias autem spiritualiter. Breviter ergo ut dicam, tertiam mihi fateor placere sententiam. Secundum hanc suscepit nunc loqui de Paradiso, quod Dominus donare dignabitur, ut homo factus ē limo, quod utique corpus humanum est, in Paradiso corporali collocaens intelligatur; ut quemadmodum ipse Adam, et si aliquid aliud significat secundum id, quod eum formam futuri dixit esse Apostolus, homo tamen in natura propria expressus accipitur, qui vixit certo numero annorum, & propagata numerosa prole, mortuus est, sicut moriuntur ceteri homines, et si non sicut ceteri ex parentibus natus, sed sicut primitus oportebat, ex terra factus est: Ita & Paradisus, in quo eum collocavit Deus, nihil aliud quam locus quidam intelligatur, terra scilicet ubi habitaret homo terrenus. Narratio quippe in his libris non generale locutionis figuratarum rerum est, sicut in Canticō Canticorum, sed omnino gestarum, sicut in Regnorum libris, & hujusmodi ceteris. Sed quia illis ea dicuntur qua vita humana usus notissimus habet, non difficile, imo prontissime primitus accipiuntur ad literam, ut deinde ex illis quid etiam futurorum res ipsa significaverint excusat: Hic autem quia ea dicuntur, que usitatum naturæ cursum intuentibus non occurrant, nolunt ea quidam propriæ, sed figura-

rate dicta intelligi, atque ex illo loco volunt incipere historiam, idest rerum propriæ gestarum narrationem, ex quo dimissi de Paradiso Adam, & Eva convenerunt, atque generunt. Quasi vero usitatissimum nobis sit, vel quod tot annos vixerunt, vel quod Henoch translatus est, vel quod & grandæva, & sterilis peperit, & cetera hujusmodi. Sed alia est, inquit, narratio factorum mirabilium, alia institutarum creaturarum. Illic enim ea ipsa insolita ostendunt, alios esse tanquam naturales modos rerum, alias miraculorum, quæ magnalia nominantur: hic autem ipsa insinuat institutio naturarum. Quibus respondetur: Sed ideo insolita & ipsa, quia prima. Nam quid tam sine exemplo, & sine pari facto in rerum mundanarum constitutione, quād Mundus? Nunc ideo credendum non est Deum fecisse Mundum, quia jam non facit Mundos; aut non fecisse Solem, quia jam non facit Soles? Et hoc quidem non de Paradiso, sed de ipso homine permotis debuit responderi. Nunc vero cum ipsum sic credant a Deo factum, sicut aliis nullus factus est, cur Paradisum nolunt ita factum credere, quemadmodum nunc vident sylvas fieri? Ad eos quippe loquor, qui auctoritatem harum literarum sequuntur: Eorum enim quidam non frōgiē, sed figuratè Paradisum intelligi volunt. Nam qui omnino adversantur his literis, alias cum eis, atque aliter agimus: Quanquam & bac in hoc opere nostro, quantum valemus, ita defendamus ad literas, ut qui non rationabiliter moti propter animum pervicacem, vel bebetem credere ista deterrant, nullam tamen inveniant rationem unde falsa esse convincant. Verum isti nostri, qui fidem habent bis divinis libris, & nolunt Paradisum ad proprietatem literæ intelligi, locum scilicet amanissimum, fructuosis nemoribus opacatum, eundemque magnum, & magno fonte fœcundum, cum videant nulla humana opera tot, ac tanta vireta sylvestre occulito opere Dei, miror quemadmodum credunt ipsum hominem ita factum, quemadmodum nunquam viderunt. Aut si & ipse figuratè intelligendus est, quis genuit Cain, Abel, & Seth? An & ipsi figuratè tantum fuerunt, non etiam ex hominibus nati? De proximo ergo attendant istam præsumptionem quod tendat, & contentur nobiscum cuncta primi, quæ gesta narrantur in expressionem proprietatis accipere. Quis enim eis postea non fareat intelligentibus quid ista etiam figurata significatione commoneant, siue ipsarum spiritualium naturarum, vel affectionum, siue rerum etiam futurarum? Sane si nullo

nullo modo possent ; salva fide veritatis, ea, qua corporaliter hic nominata sunt, corporaliter etiam accipi , quid aliud remane-ret, nisi ut ea potius figuratē dicta intellige-remus, quam Scripturam sanctam impiè cul-paremus? Porro autem si non solum non i-m-pedirent, verum etiam solidius afferunt divi-ni Eloquii narrationem hac etiam corpora-liter intellecta ; nemo erit , ut opinor , tam infideliter pertinax , qui cum ea secundum Regulam fidei exposita propriè viderit , ma-lit in pristina remanere sententia , si forte illi visa fuerant , nonnisi figuratē posse ac-cipi .

Opponunt I. In multis Scripturæ locis Pa-radisus spiritualiter intelligitur , hoc est pro deliciis , & voluptate spirituali ; ut Lucæ 13. hodie mecum eris in paradi-so; Apocal. 2. Vincenti dabo edere de ligno vi-tæ, quod est in paradi-so Dei mei . II. Para-disus proprie est in cœlo,in terra autem dicitur improprie, & allegorice ; Etenim Apostolus II. Cor. 12. ubi dicit, se rap-tum fuisse in paradi-so , statim docet, paradi-so esse terrum cœlum , quod vocat S. Augustinus lib. 12. de Gen. ad lit. c. 34. *Paradisum Paradisorum*. III. Augustinus etiam spiritualiter intellexit paradi-so , & explicavit lib. de Genes. conser. Manichæos 2. , & lib. 13. de civ. Dei c. 21. IV. Si paradi-so fuisset pro-prius, & verus , primus homo fuisset in eo creatus ; at non fuit in eo creatus, quum extra ipsum in campo damasceno eum Deus produxerit : ergo &c. Et ideo dicitur, quod fuerit postea in paradi-so translatus , quia paradi-si deliciis frueba-tur ; sed hoc ipsum est spiritualiter , non literaliter , paradi-so intelligere : ergo &c.

Respondemus ad I. concedendo , quod in quibusdam Scripturæ locis paradi-so ac-cipitur pro voluptate , & deliciis spiri-tualibus ; at in multis aliis accipitur pro-loco corporeo ; horto scilicet amæno , & ad hominis delectationem a Deo forma-to; & sunt Genes. 13. Cant. 4. Ezechiel. 13. & 28. Eccl. 24. Eccl. 2. juxta lectionem hebraicam , & versionem Sep-tuaginta . Unde potius secundum poste-riores hascæ Scripturas intelligendus est paradi-so , qui dicitur a Deo factus Gen. 2. , quam secundum illas, quæ ab Adver-sariis addicuntur .

Ad II. dicimus cum S. Epiphanius , qui in-Ancorato n. 64. Origenis opinionem refert, & n. 65. confutat : Ejus verba hæc sunt: *Ad eundem modum plerique de-*

*paradiso allegorice disputant : atque inter ceteros furiosus Origenes adumbratam ne-scio quam speciem pro veritate in mundum invexit. Sic enim differit : Non est paradi-so in terris: Et hoc Apostoli testimonio nititur: Vidi hominem ante annos quatuordecim, sive in corpore, nescio, sive extra corpus, nescio: Deus scit; raptum hujusmodi usque ad ter-tium cœlum . Scio hujusmodi hominem rap-tum in paradi-so, & audisse verba, quæ non licet homini loqui... Quod si nusquam est in terra paradi-so, neque vera sunt quæ in Ge-nesi continentur, sed allegorice dicuntur; ni-bil deinceps consequens, ac veritati con-sen-taneum erit , sed ad allegoriam univer-sa transferentur . In principio enim creavit Deus cœlum & terram : quæ non allegorice significata , sed aspectabilia sunt . Tum fir-mamentum, inquit , & mare , germina, ar-bores , herbas , gramen , animalia , pisces , aves, cetera denique, quæ oculis usurpantur, ac revera producta sunt ; atque hominem , quem revera produxit . Hunc igitur , quem formarat , in paradi-so collocavit . Nomen igitur paradi-si loco illi , seu horto am-e-nissimo , prius tributum, ad cœlestem pa-radisum significandum translatum est deinde; quod potius innuit, deberi priori loco corporaliter intelligi , posteriori autem spiritualiter; quemadmodum etiam dicitur Luc. 13. hodie mecum eris in pa-radi-so .*

Ad III. dicitur , quod Augustinus non per hoc , quod dixerit paradi-so posse spiri-tualiter intelligi, negavit paradi-so cor-poram fuisse. Multa enim sunt in divi-nis Scripturis , quæ utroque modo acci-piuntur . Et hæc enumerans cit. loc. in-quirit : *Quasi proptera non potuerit esse pa-radisus corporalis, quia potest etiam spiri-tualis intelligi . Tanquam ideo non fuerint duæ mulieres , Agar, & Sara, & ex illis duo filii Abrabe , unus de ancilla , alius de libera-, quia duo testamenta in eis figurata dicit Apostolus . Aut ideo de nulla petra Moysè percutiente aqua defluxerit , quia potest il-lic figurata significatione etiam Christus in-telligi , eodem Apostolo dicente : Petra au-tem erat Christus. Nemo itaque prohibet in-telligere paradi-so vitam Beatorum ; & prosequitur deinceps alias afferre allego-rias de iis , quæ in paradi-so contineban-tur ; in fine concludens : Hac , & si quæ alia commodius dici possunt de intelligendo spiritaliter paradi-so, nemine prohibente di-cantur : dum tamen & illius historia veri-tas fidelissima rerum gestarum narratione commendata credatur . Post Augustinum S. Jo-*

S. Joannes Damascenus lib. 2. de fid. or-  
thod. c. 11., & Moyses Bar-Cepha in  
lib. de paradiso, & Beda lib. Hexameron,  
paradisum utroque modo, literali scili-  
cer, & spirituali, intelligunt, & expli-  
cant.

Ad IV. Aliæ sunt rationes, propter quas  
primus homo fuit extra paradisum a  
Deo creatus, quas suo loco adducemus.  
Pro re tamen præsenti, idem evincitur  
ex eo, quod fuerit Adam in paradisum  
translatus, ac si fuisse in eo creatus; pa-  
radisum scilicet fuisse corporeum, quia  
pro delectatione corporeæ creaturæ for-  
mabatur. Si enim deliciæ illæ primi ho-  
minis tantum spirituales fuissent, ubique  
potuisset ille iisdem frui, & non fuisse  
opus, ut in paradisum a Deo transferre-  
tur. Quod si fuit a Deo translatus in il-  
lum, signum est, quod ibi erant illæ cor-  
porales deliciæ ad hominis oblectamen-  
tum a Deo creatae, quæ alibi non erant.  
De Paradisi loco, seu de illa orbis parte, in  
qua fuit Paradisus situs, non una est scri-  
ptorum sententia; ex qua quidem varie-  
tate doctus Huetius arguit sumam in  
paradisi loco statuendo difficultatem.  
Opiniones, quas legitimus, adducemus,  
ut deinde inter illas probabiliorem seliga-  
mus.

Prima sententia est illorum, qui terrestrem  
paradisum extra hanc terram habitabilem  
constituerunt. Nam, Huetio testis,  
aliqui collocarunt eum in tertium co-  
lum, alii in quartum, alii in cœlum Lu-  
næ, alii in ipsa Luna, alii in montem  
vicinum cœlo Lunæ, alii in media aëris  
regione, extra terram, super terram,  
subter terram, in loco abdito, & ab ho-  
minum notitia remoto. Et insuper Nata-  
lis Alexander in hist. eccl. vet. test. re-  
fert, Moysen Bar-Cephah putasse, pa-  
radisum constitutum inter firmamentum,  
ac terras; cuius sententiae patronus lau-  
datur etiam Philoxenus, Mabugæ Epi-  
scopus: Rabanum Maurum, & Strabum,  
voluisse situm in oriente, a nostro orbe  
longissime remotum, impenso oceano in-  
terjecto, & qui pertingat usque ad luna-  
rem circulum, & quod ad eum aquæ di-  
luvii non pervenerint; & hæc sententia  
tribuitur etiam Bedæ a Magistro Senten-  
tiarum, & a S. Thoma; quavis apud  
Beda nullum hujus sententiae vesti-  
gium inveniatur; ut afferit idem Ale-  
xander: Rupertum Abbatem lib. 1. de  
Trinitate, & Operibus ejus, c. 37. va-  
luisse paradisum locum amoenitatis sum-

ma fuisse caelo proximum.  
Secunda sententia est illorum, qui puta-  
runt, paradisum, cuius meminit Moyses  
Gen. 2., non fuisse certam aliquam re-  
gionem, aut peculiarē aliquem terræ  
locum, sed fuisse totam terram, quæ in  
mundi initio erat velut hortus amoenissi-  
mus, ob eius bonitatem, amoenitatem,  
ac fœconditatem. Hujus opinionis me-  
minit Huetius, meminit etiam Natalis  
Alexander, qui ait, eam commemorasse  
Hugonem a S. Victore lib. adorat. in  
Genes., tamque ex recentioribus sequen-  
tum fuisse Joannem Noviomagum in  
Scholiis ad c. 2. libri de Natura rerum,  
qui est venerabilis Bedæ.

Tertia sententia est illorum, qui constitu-  
erunt paradisum in antiquo terræ peculiari  
loco. At isti quammaxime etiam divisi  
sunt; nam quidam collocarunt sub Polo  
Artico in Tartaria, in eo loco, ubi mo-  
do videatur caspium mare; alii in extre-  
ma Meridiei, in terra ignis; plures in  
Oriente, vel ad ripas Gangis, vel in In-  
sula Ceylan, derivantes nomen Indiarum  
ex verbo Eden, quod erat nomen illius  
provincie, in qua a Moysi situs dictus  
est Paradisus; quidam in China, immo  
trans Orientem in loco inhabitabili; alii  
in America, alii in Africa sub Äquatore,  
alii in Oriente æquinoctiali; multi in  
Asia; plures in Armenia majore; alii in  
Mesopotamia, vel in Assyria, vel in  
Persia, vel in Babylonia, vel in Ara-  
bia, vel in Syria, vel in Palæstina;  
aliqui etiam in Europa; & quidam  
ad Hesdinum, oppidum Artesier; quod  
Hesdinum conveniret cum voce Eden;  
ut refert citatus Huetius. Alexan-  
der autem etiam citatus assert Malven-  
dam pro India, alios pro Armenia, alios  
pro Arabia felice, alios pro Mesopora-  
mia, corumque rationes adducit, sed pro  
neutra se profert; afferens cum Augusti-  
no lib. 8. de Genes. ad liter. c. 5. Melius  
est dubitare de occulis, quam litigere de  
incertis.

Dicimus, his omnibus sententiis probabi-  
liorem esse illam Huetii, qua docet, Pa-  
radisum terrestrem fuisse situm ad al-  
veum, quem conficit confluens Tigridis,  
& Euphratis; nempe inter locum quo  
flumina hæc conjunguntur, & locum,  
quo dividuntur, antequam in sinum per-  
ficium se infundant. Quia tamen hic al-  
veus quosdam continet anfractus, in  
uno ex his anfractibus constitutus est pa-  
radisus, majore scilicet ex illis, qui sic  
ad

ad brachium meridionale :

I. Probatur evertendo alias opiniones, & nostram firmando, verbis Moysis, paradisum in Genesi describentis. Verba Moysis sunt hec Genes. 2. 8. Plantaverat autem Dominus Deus paradisum voluptatis a principio, in quo posuit hominem, quem formaverat. Et num. 10. Et fluvius egrediebatur de loco voluptatis ad irrigandum paradisum, qui inde dividitur in quatuor capita. Et num. 11. Nomen uni Pheison; ipse est qui circumvenit terram Havilah, ubi nascitur aurum. Et num. 13. Et nomen fluvii secundi Gebon; ipse est, qui circumvenit terram Aethiopiae. Et num. 14. Nomen vero fluminis tertii, Tigris; ipse dividit contra Assirios. Fluvius autem quartus, ipse est Euphrates. His verbis primo impugnantur illi, qui paradisum ponunt extra terram, & in celo; ubi enim sunt in celo regiones illae, quas jam scimus esse in terra? Flumina illa, quae nobis notissima terram irrigant? Secunda refelluntur illi, qui totam terram pro paradiso posuunt; regiones enim peculiares sunt illae, quae in paradisi delineatione describuntur: non est ergo paradiſus universa terra. Tertio confutatur illi, qui paradisum constituant in Syria post Damascum; ubi enim sunt in regione haec quatuor illa flumina, & regio Chavilah, atque Chus? Quarto impugnantur, qui paradisum ponunt in Mesopotamia, aut in Babylonie supra confluente Tigridis, & Euphratis; nec enim pariter inibi sunt regio Chavilah, & regio Chus. Quinto doneque refelluntur cæteri, qui cum constituant in aliis terræ partibus, quæ a regionibus illis, & a fluminibus, quam maxime distant; ut omnibus patet. Si, autem ad miracula recurrent; absque necessitate quidem, & quod magis est, non pro veritate recurrent. Sicque configuratione aliarum sententiarum firma remanet nostra,

II. Probatur, proprius, & directe firmando sententiam nostram. Tigris, & Euphrates ante conjunctionem, & duo illi alvei, per quos in mare illabuntur, postquam se dividere, ait Huetius, quod sint quatuor hujus fluvii capita; & quod occidentalior ipsorum alveorum sit Phison; & quod regio Chavilah, quam secat, sit pars Arabie felicis, & pars Arabie desertæ; & quod Geron sit ex duobus istis alveis orientalis; ac tandem quod regio Chus sit regio Suhana. Hæc autem presquisiuntur ab Huetio, & ante ipsum.

a Josepho Scaligero lib. 5. de emendatione temporum, & lib. 4. Epistolarum ep. 441., & denique a Bocharto Hierozoi p. 2. lib. 3 c. 5., qui citantur ab Huetio, & hujus ultimi verba, quæ sunt in Bocharti MS. non adhuc edito, recitantur a Natali Alexandro in Scholio ad propositionem secundam loci citati; quos Auctores Legentes, si velint, consulant.

Objiciunt I. Non sunt attendenda in regionibus describentis loca, quæ temporis diuturnitas, & diluvii vastitas commutarunt; atqui ita fuerunt flumina, & regiones, quæ a Moysi in paradisi delineatione describuntur: ergo non sunt attendenda. II. Ante peccatum fuit dicatum primo homini replete terram; sed si homo non peccasset non existet e paradiſo: ergo nomine terræ venit paradiſus: ergo consistebat in universa terra. III. Eden est ad Orientem; sed paradiſus ex verbis Moysis positus fuit in regione Eden: ergo positus fuit ad Orientem. IV. Athanasius in Questionibus ad Antiochum q. 47. ponit paradiſum in India, & pluribus rationibus probat; quem sequuntur Alcimus Avitus, Vienensis Episcopus, lib. de initio mundi; Anastasius Nicænus q. 24. in Scripturam; & Moyses Bar-Cepha lib. de paradiſo c. 28. V. Nomine Havilah intelligitur Ophir; quia de prima dicit Scriptura; ubi nascitur aurum; sed ex eadem Scriptura Ophir aurum producit; Ophir autem est in India: ergo in India positus est paradiſus. VI. De flumine Geron; quod circumvit terram Chus, Vulgatus Interpres reddit, quod circuit terram Aethiopie; ergo si terra Chus est Aethiopia, & paradiſus fuit positus prope terram Chus, dicendum est, quod constitutus fuit in Aethiopia.

Respondemus ad I. Loqua illa non fuisse a Moysi descripta ante, sed post diluvium: ergo post diluvium ætate Moysis extabane eo quidem modo, quo a Moysi describabantur. Alter Moyses illa diverso modo descripsisset; quod Estius hac ratione probat, quia si duo flumina mutarent origines, non essent amplius duo illa flumina, quæ prius erant, sed diversa; a diversitate enim originum, alveorum, & locorum, per quæ perfluent, flumina diversificantur.

Ad II. ait idem Estius, quod genus humanum, etiam Adamo non peccante, non fuisset inter paradiſi terminos conclusum, sed

sed per totam terram diffusum, & multiplicatum. Et quanvis tota terra æqualem non habuisset cum paradiſo amænitatem, & fœcunditatem, fœcunda tamen, & amæna etiam fuisset hominibus, quia non fuisset a Deo maledicta, immo potius benedicta; quanvis non æqualiter in omnibus suis partibus, quum diversos habuisset felicitatis gradus, quemadmodum in cœlo diversi sunt gradus beatitudinis.

Ad III. concedimus totum argumentum; nihil enim sententiae nostræ officit, quæ paradiſum in Edem, & in Oriente ponit. Opportunitas autem poscit, ut hic aliqua de Eden cum laudato Huetio dicamus. Verbum hebraicum Eden vel accipitur ut nomen appellativum, & significat voluptatem, delicias &c. vel sumitur ut nomen proprium, & significat locum, aliquem, vel regionem, Symmacus, Severianus, & Leonius, accipiunt primo modo. Septuaginta in sua versione intelligunt secundo modo. Auctor vulgaris in 2. Gen. accipit primo, & in 4. Gen. accipit secundo modo. Attamen testatur Huetius, quod fere omnes Ecclesiæ Patres, Græci, & Latini, omnes Scripturæ Interpretes, antiqui, & moderni, conueniunt in afferendo, Eden nomen esse, locale, desumptum quidem a pulcritudine loci. Et quia nomen Eden ab amænitate, & pulcritudine loci desumptum est, hinc plura loca eodem nomine Eden appellata inveniuntur. Cæterum Eden, in Oriente optime convenit sententiae nostræ; ut Huetius ostendit.

Ad IV. dicitur, Quæstiones illas ad Antiochum non esse Athanasii, quanvis sub ejus nomine circumferantur; ut omnes eruditæ Critici fatentur. Cæteri autem Scriptores non tantæ sunt auctoritatis, ut illis subscribere, vel eos explicare, cogamur.

Ad V. Ophir duplex est, ex Natali Alexander, una in Arabia prope Sabæos, altera in India. In utraque nascitur aurum optimum. Job. 22. 24. habetur mentio auri Ophir: *Et instar petrae torrentium aurum Ophir.* At intelligendus est Job de Ophir Arabiæ, quia tempore ipsius, hoc est tempore Patriarchæ Jacob, cui fuit æqualis, non erat adhuc constituta a Judæis ad Ophir indicam navigatio.

Ad VI. Duplex etiam est Æthiopia, major scilicet, seu Abissinorum terra, & minor, quæ confinis est Arabiæ, a qua dicta fuit Æthiopissa Moysis uxor, quæ erat M. P. A. R. II.

dianitis. Texus noster intelligendus est de minori, non de majori Æthiopia; sicque nulla est oppositio.

Pro tertia autem Dissertationis parte; scilicet terrestris paradiſus nunc extet, plures sunt etiam inter se diversæ opiniones. Prima est illorum, qui putant, paradiſum adhuc extare etiam in amænitate, quam primum habuere. Hujus sententiae fuisse, rumor invaluit, Justinum martirem, & philosophum, Terrullianum, Irenæum, Presbyteros Apostolorum discipulos, a quibus scriptis se accepisse Irenæus, Theophilus Antiochenus, Isidorus; & etiam ex Scholasticis Magistrum sententiarum, cum aliis pluribus; adducitur quoque S. Augustinus. Altera est illorum sententia, qui docent, paradiſum extare quidem quoad locum, non vero quoad amænitatem, delicias, & fœcunditatem. Sequuntur hanc sententiam Jansenius, Episcopus Gandavensis, in Comment. in Concordiam Evangelicam c. 143., Cardinalis Bellarminus lib. de beatitudine Sanctorum c. 3. Estius, Natalis Alexander, aliique multi. Cum quibus

Dicimus, Paradiſum terrestre quoad amænitatem, fœcunditatem, & delicias, non extare, quanvis extet quoad locum, in quo erat.

I. Probatur. Genes. 7. constat, universam terram fuisse aquis diluvii obrutam: ergo si paradiſus erat in terra, & non extra terram, non probatum est, fuit etiam aquis diluvii inundatus, adeoque quoad amænitatem desit. Ex illa autem generali Scripturæ assertione discedere non debemus; tum quia aliter occasionem haberemus variis aliis exceptionibus Scripturarum veritatem, & fidem elevandi, ac enervandi; tum etiam, quia alii possent quoque excipere insulas, & restringere Scripturarum verba ad terram solummodo continentem; tum pariter, quia possent alii limitare eadem ad terram tunc habitatam, & non extende-re ad illam, quæ fuit postmodum ab hominibus habitata; tum quoque, quia aliter non fuisset opus arcæ, quum potuisset Noe cum aliis in paradiſo a diluvio salvari; tum maxime, quia a Patribus in arca Noe figuratur Ecclesia, extra quam non est salus; si ergo extra arcam fuit salus a diluvio, & fuit in paradiſo; ergo extra Ecclesiam est salus; quod non est dicendum.

II. Probatur. Non solum ex sententia no-

Aaa

stra

stra de paradisi loco ; sed etiam ex aliis aliorum sententiis, qui paradisum posuerunt in aliis terræ regionibus, constat, loca illa extare, esse ab hominibus habitata, sed inibi paradisum non esse.

III. Probatur. Quando Deus fecit terram maledicto obnoxiam, universam terram complexus est : ergo terram illam, in qua paradisus erat positus, non exceptit.

Arguunt I. S. Justinus, martir, & philosphus, in questionibus ad Orthodoxos, q. 75. 76. & 85. aperte afferit, paradisum adhuc existere, etiam quoad ornatum, & amoenitatem. II. S. Irenæus lib. 5, adv. haereses, afferit, se accepisse a presbyteris, Apostolorum discipulis, Enoch, & Eliam, in paradyso versari : ergo etiamnum extat, etiam in deliciis ; alioquin Enoch, & Elias inibi non in deliciis, sed in ærumnis, viverent. III. Eccl. 44. habetur, Enoch translatum fuisse in paradyso, ut suo tempore prædicet Gentibus pœnitentiam; idem dicitur de Elia a sanctis Patribus. IV. S. Augustinus lib. de peccato originali c. 23. dicens, posse salva fide dubitari de loco, ubi sit paradyso, subdit: *Cum autem esse illum paradysum fides christiana non dubitet; ergo ex Augustino non potest salva fide dubitari, paradysum etiamnum existere.* V. Tertullianus in Apologet. & in lib. de anima in fin. loquitur de paradyso adhuc permanente, & afferit, usque ad finem mundi permanens. VI. Lucæ 23. 43. Christus dixit Latroni: *Hodie mecum eris in paradyso:* Sed hæc verba intelligi non possunt de coelesti paradyso : ergo de terrestri.

Respondemus ad I. Quæstiones illas non esse Justini, quanvis ipsius nomen præferant; citantur enim in illis Origenes, & Irenæus, qui fuerunt Justinus posteriores; & hic est communis eruditorum. Criticorum sensus. Additur, quod in citatis locis alia docentur, quæ cum catholica fide non consentiunt; & præcipue Chiliaistarum error docetur; quod nimis in paradyso Justorum animæ usque ad Judicii diem detineantur.

Ad II. Idem S. Irenæus testatur, a Presbyteris Asiae, qui erant Apostolorum discipuli, se accepisse Chiliaistarum errorrem; pariter Christi Domini ætatem, quinquagenariam, quando vivere desit; cum his aliis poruit hanc quoque ab illis accipere de paradyso existentia sententiam. Cæterum res hæc non est pertinens ad fidem; unde locum habere debet regula, quam proponit Vincentius,

Lirinensis in Commonitorio: *Antiquæ sanctorum Patrum consensio non in omnibus divinae legis quæstiunculis, sed solum in fidei regula, magno nobis studio, & investiganda est, & sequenda.*

Ad III. Locum illum Ecclesiastici in Graeco Codice non habere paradyso vocem, sed tantum dicere Enoch translationem, absque expressione loci, in quem fuerit translatus. Etsi autem dicat paradyso, ut dicit Vulgata, non per hoc intelligi debet paradyso ille, de quo loquitur, sed alius, in quo Enoch, & Elias feliciter vivant, & qui ob inde paradyso vocetur. S. Augustinus in lib. de pecc. original. docet, esse incertum, nec ad fidem pertinere, utrum in paradyso sint Enoch, & Elias, an alibi. S. Thomas non affirmavit simpliciter, Enoch, & Elias degere in paradyso illo, ex quo Adam fuit pulsus; semper enim addit: *ut dicitur: vel: ut creditur.* Videatur S. Doctor p. p. q. 103. ar. 2., & 2. q. 64. ar. 2., & 3. p. q. 49. ar. 2. Gregorius magnus hom. 29. in Evangelia afferit quidem Eliam fuisse in æra sublatum, ut duceretur in secretam terræ habitationem, sed paradyso non nominat. Denique, ut alios omitramus, Rupertus lib. 3. in Genes. c. 33. aperte negat, Scripturam afferere, Enoch, & Elias, in paradyso illum translatos fuisse, ex quo ejus est Adam.

Ad IV. ait Estius, Augustinum non assertare, quod sit certum secundum fidem, paradysum nunc existere; sed quod fuerit secundum aliquam temporis differentiam, & illam quidem, quam ejus descripsio in Genesi postulare videtur. Ejus autem descripsio in Genesi postulat, quod fuerit olim, quod nos concedimus; non vero quod sit modo, quos nos negamus. Et quod verum sit hoc ex eo patet, quia Augustinus loquitur contra Originem, qui allegorica interpretatione paradysum nunquam fuisse vere, & realiter dicebat. Contra hoc autem sufficit fuisse, sed non requiritur esse. Vel dicitur Augustinum loqui de loco, ubi fuit paradyso, non vero de permanentia amoenitatis paradysi.

Ad V. Tertullianus pariter dicitur, quod Chiliaistarum errore deceptus, paradysum dixit extare, in quo animæ usque ad diem Judicii permaneant. Unde cum Estio dicimus, quod si Tertullianus, & alii cum ipso, fundant hanc suam sententiam in propositionibus aut incertis, aut falsis, non cogimur illis adhærere.

Ad VI. dicitur, Christum in suæ mortis tri-duo in terrestri paradyso non fuisse, sed secun-

secundum animam in Limbo Patrum, & secundum corpus in sepulcro. Fides enim docet, quod Christus descenderit ad Inferos, & tribus diebus, ac noctibus fuerit in corde terrae; nulla in his est paradisi mentio. Unde in allatis Lucæ verbis non intelligitur terrestris, sed coelestis paradiſus; in quo Latro poenitentia fuit cum Christo; quemadmodum etiam accipitur paradiſus, in quem S. Paulus rapta fuit; ut diximus.

Ad Arborem scientia boni & mali devenientes modo, dicimus, fuisse sententiam quorundam dicentium, hujuscemodi arboris fructum fuisse connubii usum, quem Deus, donec ipse permitteret, prohibuerat primis Parentibus. Moyses Bar-Cepha refert in lib. de Paradiso, arborem illam fuisse ignotam, nec alibi fuisse, quam in paradiſo; quod autem opus nupiale dictum fuerit cognoscere uxorem, ab hoc provenisse, quod conjugii usus cognitionis boni, & mali nomen habuerit; quemadmodum quod pueri statim ac adipiscuntur notitiam boni & mali, hujusmodi cupidine tentari incipiunt. Sed ridicula haec opinio ex Scripturae verbis Gen. 2. apertissime rejicitur; quum ibi dicatur lignum; & c. 3. habeatur, fuisse aptum ad vescendum, pulcrum oculis, delectabile aspectu; primos parentes de illo comedisse, quæ quidem conjugii exercitio convenire non possunt. Alii proinde dixerunt, arborem illam fuisse frumentum, alii vitam, quidam sicutum, nonnulli malum; & proficisci sunt Theodoretus interrogat. 28. in Genes. Isidorus Pelusiota lib. I. ep. 51. Moyses Bar-Cepha, aliqui. Insuper Joseph lib. I. antiquit. c. I., Nemesius lib. de natura hominis c. 5., & Damascenus lib. 2. de fide orthod. c. I. volunt, fuisse a Deo arbori illi naturalem vim tributam, qua boni, & mali notitiam haberent, qui illius fructu vescerentur.

Nobis placet sententia Augustini docentis, arborem illam fuisse ejusdem conditionis ac cæteræ aliæ arbores, & nomen illud accepisse ab eventu. Genus arboris non fuit a Moysi expressum, nec nos illud divinare intendimus. Vis naturalia arbori non poterat esse indira, ut per illum fructu ejus vescentes cognoscerent bonum, & malum; nequit enim rei corporeæ esse naturalis vis, quæ sit apta ad spirituale effectum producendum. Audiamus Augustinum lib. 8. de Genes. ad lit. c. 6. haec scribentem: *Mibi autem PAR. II.*

etiam, atque etiam consideranti, dici non potest, quantum placet illa sententia, non fuisse illam arborem cibæ noxiæ; neque enim qui fecerat omnia bona valde, in Paradiſo instituerat aliquid mali: Sed malum fuisse homini transgressionem præcepti. Oportebat autem ut homo sub Domino Deo positus aliunde prohiberetur, ut ei promerendè Dominum suum virtus esset ipsa obediens. Quans possum verissimè dicere solam esse virtutem omnis creature rationali agenti sub Dei potestate; primumque esse maximum vitium tumoris ad ruinam sua potestate. vellet uti, cuius virtutis nomen est inobedientia. Non esset ergo unde se homo, Dominum habere cogitaret, atque sentiret, nisi ei aliquid inhiberetur. Arbor itaque illa non erat mala, sed appellata est scientia dignoscendi bonum, & malum, quia si post probationem ex illa homo ederet, in illa erat præcepti futura transgressio, in qua homo per experimentum pœna disceret, quid interesset inter obedientia bonum, & inobedientia malum. Prinde & hoc non in figura dictum; Sed quoddam vere lignum accipendum est, cuius non de fructu, vel pomo, quod inde nasceretur, sed ex ipso re nomen imposuitur est, quo illa contra vetitum tacto fuerat secusura. Et Libro 14. de Civitate Dei, cap. 17. Aperti sunt ( inquit ) oculi amborum, non ad videndum, nam & antea videbant; sed ad discernendum inter bonum, quod amiserant, & malum, quo ceciderant. Unde & ipsum lignum, eo quod istam ficeret dignoscendam, si ad vescendum contra vetitum tangeretur, ex ea re nomen accepit, ut appellaretur lignum sciendi boni, & mali. Expertæ enim morbi molestia, evidentior fit etiam jucunditas sanitatis. Cognoverunt ergo quia nudi erant: nudati scilicet ea gratia, qua siebat, ut nuditas corporis nulla eos lege peccati, menti eorum repugnante, confunderet. Hoc itaque cognoverunt, quod felicius ignorarent, si Deo credentes, & obedientes, non committerent, quod eos cogere experiri infidelitas, & inobedientia quid nocerent.

Omittimus Ruperti opinionem putantis lib. 2. de Tripartite & operibus ejus c. 27. arborem illam fuisse dictam scientia boni & mali per ironiam; ut ipso nomine suo monumentum legentibus representaret diabolici mendacii. Sed quia Deus nomen illud usurpavit, non videtur conveniens fuisse Deo ironico nomine uti.

Ad arborem vitæ explicandam devenimus tandem. Putarunt quidam, quod plantæ illi erat innata vis, ut vitam in semper.

gernum, propagaret. Tribuitur haec sententia Nemeio Philosopho, a Moyse Bar-Cepha, a Procopio, & aliis. At ab eodem Moysè confirmatur, afferente, hoc credere, esse rudit, ac stulti ingenii. Porro quænam fuerit virtus arboris illius ab Augustino discimus, makis in locis de ea tractante; sed præcipue lib. 13. de civ. Dei c. 20, hæc scribente de primis illis parentibus, qui ea uici debebant: *Qui licet morituri non essent, nisi peccasset, alius tamen ut homines uechantur, nondum spiritualia, sed adhuc animalia corpora terrena gestantes.* Quæ licet sanio non veterascerent, ut necessitate perducerentur ad mortem (qui status eis de ligno vita, quod in medio paradisi cum arbore vegeta semul erat, mirabilis Dei gratia præstabatur). tamen & alios sumebant cibos, prater unam arborem, qua fuerat interdicta, non quia ipsa erat malum, sed propter commendandum puræ, & simplicis obedientiae bonum, quæ magna virtus est rationalis creatura sub Creatore domino constituta. . . . Alebanteur ergo aliis, que sumebant, ne animalia corpora molestia aliquid esuriendo, ac sitiendo sentirent: de ligno autem vita propterea gustabatur, ne mors eis undecunque subreporet, vel senectute confessa, decursus temporum spatiis, interterrent; tanquam cetera essent alimento, illud sacramento; ut sic fuisse accipiatur lignum vita in Paradiſo corporali, sicut in spirituali, hoc est, intelligibili Paradiſo Sapientia Dei, de qua scriptum est, *Lignum vita est amplectentibus eum.* Et cap. 23. Primus autem homo de terra terrenus in animam viventem factus est, non in spiritum vivificantem, quod ei per obedientiam meritum servabatur. Ideo corpus ejus, quod cibo, ac potu egebat, ne fame afficeretur, ac siti, & non immortalitate illa absoluta, atque indissolubili, sed ligno vita a mortis necessitate prohibebatur, atque in juventutis flore tenebatur, non spiritale, sed animale fuisse, non dubium est, nequaquam tamen moriturum, nisi in Dei prædicentis, minantisque sententiam delinquendo corruisset. Et alimentis quidem etiam extra Paradiſum non negatis, a ligno ramen vita prohibitus, traditus esset tempori, vetustatisque finiendus, in ea dumtaxat vita, quam in corpore licet animali, donec spirituale obedientia merito fieret, posset in Paradiſo, nisi peccasset, habere perpetuam.

Eadem habet Augustinus lib. 8. de Gen. ad lit. c. 4., & 5., & Pseudo-Augustinus in QQ. veteris, & novi testamenti q. 19.

scriptis: *Deus hominem fecit, qui quandiu non peccaret, immortalitate vigeret: ut ipse sibi auctor esset aut ad vitam, aut ad mortem: ut custodiens se peccato, labore suo gauderet, esset se immortalem; negligens uero factus, ipse sibi impunaret, quia expectat esse mortalitatem.* Quemadmodum enim in Creatoris lege duravit, dignus fuit edere de arbore vita, ut meni non posset. Nec enim corpus tale erat, quod dissolvi impossibile uidetur. Sed gustus arborum ræta corruptionem corporis inhibebat. Denique etiam post peccatum potuit indissolubilitatem inservire, si modo permisum esset illi edere de arbore vita. Nam quomodo immortale corpus habebat, quod cibo sustentabatur? Immortalis enim non eget esca, neque potu. Cibus enim vires præstebat, tamen autem arbor medicina & modo corruptionem omnem prohibebat. Sic enim homini erat quasi inexpugnabilis murus. Legi potest eo de argumendo S. Thomas i. p. q. 97. art. 4., & S. Bonaventura in 2. sententiarum dist. 17. ubi Magistri textum explicans, hæc habet: *Ergo sicut Sacramenta nostra non creant gratiam, sed divina virtus ipsis assistens in eorum legitima perceptione gratiam infundit; sic fructus ejus arboris non daba immortalitatem, sed divina virtus, cum fructus ille comedebatur, immortalitatem homini largiebatur.*

Igitur inter discordantes opiniones mediam selegitus, qua dicimus, virtutem illam fuisse in una ratione naturalem, & in altera supernaturalem; naturalem, quidem illi arbori, quæ fuit a Deo cum hac virtute producta; supernaturalem, vero aliis arboribus, quæ neque illam, neque similem virtutem habebant; naturalem etiam, quatenus sine miraculo exercebatur, & effectus ejus obtinebatur; supernaturalem vero, quatenus virtus illa à planta illa non exigebatur, sed a Deo supernaturaliter fuerat ei data; naturalem tandem, prout virtus illa continebatur in fructu arboris; supernaturalem vero, prout fructus arboris non habebat ab arbore virtutem illam, sed a Deo, qui eam arbori dederat.

Et ita, ut renmur, contrariæ opiniones conciliantur. Et præcipue S. Thomæ, qui ab unaquaque ex illis pro se assertur, mens asequitur, & aperitur. Estius enim, qui stat pro opinione virtutis naturalis, assert S. Doctorem i. p. q. 97. sr. ult., & Natalis Alexander qui stat pro opinione virtutis supernaturalis, profert eundem i. p. q. 97. ar. 4.: unde videtur, Angelicum

licum vel sibi pugnare , vel discordantia docuisse ; quod non est dicendum. Attamen considerentur S. Thomae verba , & videbitur , quod uno modo stat pro una opinione , alio modo stat pro altera ; & rem , ut nos explicavimus , explanat. Ait enim cit. loc. in corp. Dicendum ; quod lignum vita quodammodo immortalitatem causabat , non autem simpliciter . Ad enijs evidenter considerandum est ; quod duo remedia ad conservationem vita habebat homo in primo statu contra suos defectus . Primus enim defectus est desperatio humidi per actionem caloris naturalis , qui est anima instrumentum ; & contra hunc defectum subveniebat homini per esum aliorum lignorum paradisi , sicut & nunc subvenitur nobis per cibos , quos sumimus . Secundus autem defectus est per illud , quod generatur ex aliquo extraneo ; adjunctum ei , quod prius erat humido pre-existenti , immunit virtutem activam speciei . Sicut aqua adjuncta vino primo quidem convertitur in saporem vini ; sed secundum quod magis , vel minus additur , diminuit vini fortitudinem : Et tandem vinum fit aquosum . Sic igitur videamus , quod in principiis virtus activa speciei est adeo fortis , qua potest convertere non solum quod sufficit ad restauracionem desperiti , sed etiam quod sufficit ad augmentum . Postmodum vero quando aggeneratur non sufficit ad augmentum , sed solum ad restauracionem desperiti . Tandem vero in statu senectutis

nec ad hoc sufficit ; unde sequitur decrementum , & finaliter dissolutio corporis . Et contra hunc defectum subveniebatur homini per lignum vita . Habebat enim virtutem fortificandi virtutem species contra debilitatem preventivem ex admixtione extranei . Ex quibus verbis habemus , quod fructus arboris vitae erat homini ut medicina , qua senectutis infirmitates evitabantur , quod etiam dicit S. Thomas , & Augustinus ; fructus vero aliorum arborum erant homini ut alimentum . Medicina illa respectu aliarum arborum erat supernaturalis ; respectu illius arboris , cui Deus talam dederat virtutem , erat naturalis . Et sic intelligimus conclusionem Angelici Doctoris , dicens , lignum vitæ quodammodo causans immortalitatem , non autem simpliciter . Quanvis S. Thomas intelligat , quod non causasset pro omni tempore , vel quia post aliquod tempus debebat homo iterum de eo sumere , vel quia ad paradisum transferbatur . Nostro autem modo ipsum etiam explicare , & illius verba nostræ explicationi adaptare , nemo nobis prohibebit ; quam præcipue inveniat , mentem ejus non esse nobis oppositam ; ut possit nobis jure contendi , verbis ejusdem uti ; quod sane cayendum est maxime , ne vel controversiae fiant in verbis , vel ne verba in alienum , immo aliquando in contrarium etiam sensum detorquentur .

## DISSERTATIO CLVIII.

*De primi Hominis creatione ; an fuerit Adam primus Homo a Deo creatus , an vero fuerint Homines Præadamitæ ? De statu Gratiae , in quo fuit Adam creatus ; & de Beatitudinis dono , quo idem in sui creatione fuit a Deo exornatus .*

**A**Nequam deveniamus ad quæstionem decidendam , seu potius ad fabulam confutandam , de Hominibus Præadamitis , aliqua de Hominis creatione dicenda sunt . I. Hominis præstantiam supra res cæteras ex ejusdem creationis modo dignoscimus . Cætera enim omnia simplici Dei iussu facta sunt ; fiat lux , fiat firmamentum , germinec terra , producante

aqua &c. Dixit enim , ut ait Psalmista psal. 148. , & facta sunt ; mandauit , & creata sunt . In hominis vero creatione non dictum est : fiat homo ; nec germinet terra hominem , producant aquæ hominem : sed potius , quasi deliberans Deus , & consilens de illius creatione , dixit : Faciamus hominem ; quæ enim sunt magna , deliberatione siunt ; quæ digniora , consilio ; quæ excelsiora , & difficilio .

ra ,

ta, roboris virtute, atque præstantia...  
Sæculiunt hoc ipsum Tertullianus lib. 2.  
cont. Marcionem; Basilius hom. 10. in  
Hexameron; Gregorius magnus lib. 9.  
moral. c. 27., Rupertus in exordio lib.  
2. sup. Genes. II. Hominis quoque di-  
guitatem commendamus in eo, quod post  
alias creaturas ultimo loco sit creatus,  
tanquam finis, ad quem cætera a Deo  
ordinata sunt. Utuntur ad hoc explican-  
dum comparatione Principis, Sponsi, &  
Hospitis, introducti in preparatum sibi  
palatum, in sibi adornatum thalamum,  
in appositum sibi convivium, Basilius  
hom. 10. Hexameron; Nyssenus lib. 1.  
de creatione hominis c. 2. & 3., Chrysostomus hom. 8. in Gen., Ambrosius ep.  
38. ad Horuntianum. III. Hominis ex-  
cellentiam invenimus in eo, quod ipsi  
dominium in cæteras creaturas & inani-  
mes, & animas, ac sensu prædictas fue-  
xit a Deo tributum; immo etiam aliquo  
modo in cœlestes creaturas; quum dicatur  
Deut. 4. Astra cœli facta sunt in ma-  
nisterium cunctis gentibus. Quod fuit pe-  
culiariter observatum a S. Bernardo fer.  
14. in Psal. 90. IV. Hominis majestatem  
habemus in eo, quo dicatur factus ad  
imaginem, & similitudinem Dei. Philo-  
sophi Gentiles voçarunt hominem  
*μητροφόρον*, hoc est parvum mundum;  
restius Moyses, quando dixit illum fa-  
ctum ad imaginem, & similitudinem  
Dei, vocavit *μικρὸν*, scilicet parvum  
Deum. Quod habetur psal. 8. Ubi enim  
dicitur: *Minuisti eum paulo minus ab An-  
gelis*; in Hebreo habetur secundum Hiero-  
nymi versionem: *Minus eum paula  
minus a Deo*; id est, ut explicat Estius:  
fecisti eum paulo minorem Deum, & quasi  
parvum Deum.

Has Hominis prærogativas secundum se-  
totum consequuntur aliæ secundum par-  
tes ejus. Et loquentes de corpore I. cor-  
pus hominis fuit factum erectum, non  
pronum, ut sunt illa cæterorum anima-  
lium; quia cætera terram respiciunt, ho-  
mo ad cœlum tendit. II. magna est in-  
ter humani corporis partes congruentia,  
& ea quidem, quæ non minus hominis  
respicit utilitatem, quam venustatem, &  
decorum. III. Etiam in partibus, quæ in  
humano corpore non apparent, magna  
est proportio, ut qui eam contemplatur  
maxime delectetur. IV. Partes sunt quo-  
que in corpore humano, quæ inserviunt  
usui, & sunt partes, quæ inserviunt deco-  
ri. Fuit autem homo ex limo formatus,

ut immortalitatem suam, si non peccas-  
set, non naturæ, sed gratia, tribueret.  
Ut enim inquit Augustinus lib. 2. de Gen.  
ad lit. contra Manichæos disputans, c.  
7. *Quid mirum, aut difficile Deo, etiamsi  
de limo istius terra hominem fecit, tale ta-  
men corpus ejus efficere, quod corruptionis  
non subjaceret, si bono præceptum Dei custo-  
diens peccare noluisset?* Loquentes vero de  
Anima hominis I. anima non ex aliquo  
præsupposito facta est, sed ex nihilo,  
adeoque creata; & hoc, ut postmodum  
redeat, non ad terram, ex qua sumpta  
non est, sed ad Deum, a quo fuit creata.  
Ita Augustinus lib. 7. de Gen. ad lit. c.  
18. *Hoc testimonio sane satis admoneatur,  
ex nihilo Deum fecisse animam, quam pri-  
mo homini dedit, non ex aliquo iam facta  
creatura, sicut corpus ex terra:* & ideo cum  
redit, non habet quo redeat, nisi ad autho-  
rem, qui dedit eam, non ad eam creaturam,  
ex qua facta, sicne corpus ad terram. II.  
anima per synecdochen dicitur totus ho-  
mo, quando dicit Scriptura Gen. 2. 7.  
*Et factus est homo in animam viventem;* &  
hoc, ut ostendatur, hominem secundum  
animam non secundum corpus, debere  
vivere. III. dicitur anima *spiraculum vita*,  
quia anima in homine est viræ principi-  
um, & origo. IV. neque corpus homi-  
nis factum fuit ante animam, neque ani-  
ma ante corpus, sed simul utrumque fuit  
factum; id est homo ex utroque constans;  
quod docuit Augustinus lib. de Gen.  
cont. Manichæos c. 8., & S. Thomas  
I. p. q. 91. ar. 4. Unde animæ non ex-  
titerunt ante corpora, nec in corpora  
immittuntur tanquam in carcere; quod  
sönniarunt Platonici, & cum illis Orige-  
nes, Priscillianus, & problematice etiam  
Rufinus.

Prima autem mulier, seu Eva, post primum  
hominem facta, ex ejus costa formata  
fuit, & Adæ data est in adjutorium, hoc  
est ad filiorum procreationem. Ut enim  
ait Augustinus lib. 9. de Gen. ad lit. c.  
7. *Non video ad quod aliud adjutorium mu-  
lier facta sit viro, si generandi causa sub-  
strahatur.* Ambo fuerunt extra paradisum  
formati; quoniam sint qui velint Eam  
in paradiſo formatam; & deinde in pa-  
radiso a Deo positi, ut operarentur, sub-  
dit Augustinus lib. 8. de Gen. ad lit. c.  
10. *per agriculturam non laboriosam, sed  
deliciosa*. Et insuper ut custodirent il-  
lum; hoc est, addit idem S. Doctor; ipsi  
sibi, ne aliquid admitterent, quare inde me-  
terentur expelli.

Præada-

Præadamitarum modo fabulam expugnandum suscipimus. Isaacus Peyrerius, natus Gallus, religione Calvinianus, auctorem se prodit systematis præadamitici, in Epistola, quam scripsit ad Philotimum, & in Deprecatione ad Alexandrum VII. Pont. Rom. super libro editor, cuius titulus erat: *Pro-Adamites &c.*, sicut in epistola dicit, se rationes exponebat, propter quas ejuraverat Sectam Calvini, quam profitebatur, & librum de Præ-Adamitis, quem ediderat, Epistola prodiit Romæ ann. 1657., & pariter Deprecatio. Testatur ille idem ad fabulam concinnandam se fuisse motum, qui in Superstitione sua cuique liberum erat monstrare conflare, quanvis Partibus, & Ecclesiæ definitionibus contraria, dummodo Scripturarum juxta proprium sensum intellectarum suffragium haberet, & rationum momenta inveniret, quibus fabulae inniterentur. Cogitavit itaque, ante Adamum fuisse homines, qui omnes erant ex Gentibus; Adamum vero, quem commemorat Moses, fuisse primum hominem Judæorum, non vero totius generis humani. Evulgatum est opus Amstelodami, ipso nesciente, ut dicit; & quum Flandriæ esset servitio Principis Condæi mancipatus, catholicæ Religionis Ministri cum deprehenderunt, & carceribus manciparunt. Melior autem factus ad Alexandrum VII. configuit, & palynodiam canere non erubuit; immo Calvinianam Sectam ejuravit, & Catholicum se præstitit. Plerique Anonymum eum vocant, ut Petridier, Natalis Alexander &c. quia nomen suum libro Amstelodami evulgato non fuerat præfixum. Attamen deinde ipsemet se manifestavit, quando in epistola, & deprecatione prædictis sanior factus infaniam confessus, & derestatus est. Quæ quidem sic explicata, & Auctori suo restituta

I. Impugnatur. Genes. 1. Moses hominis creationem enarrans, illum dicit fuisse primum hominem absolute, scilicet ad Judæos restrictione; nullam insuper aliorum hominum antecedenter existentium commemorationem facit; illum quoque primum hominem constituit universæ terræ dominum, & ex ejus semine totam terram implendam fore, asseveravit Deus. Et creavit Deus hominem ad imaginem suam; ad imaginem Dei creavit illum; masculum, & feminam creavit eos. Benedixitque illis Deus, & ait: *Crescite, & multiplicamini, & replete terram, & subjic-*

*cite eam; & dominamini piscibus maris, & volatilibus caeli, & universis animalibus, quæ moventur super terram.* Ex eodem Gen. c. 2. & ex 3: & ex alijs sequentibus constat, hunc hominem fuisse Adam; præcipue vero ex c. 5. in quo dicitur: *Hic est liber generationis Adam. In die, quo creavit Deus hominem, ad similitudinem Dei fecit illum, Masculum, & feminam creavit eos, & benedixit illis; Et vocavit nomen eorum Adam in die, quo creati sunt.* Unde futulis redditur imaginatio Peyreri dicentis, primum hominem a Deo creatum non fuisse Adam, qui fuit deinde creatus; quod clarius in argumentorum solutione videbitur,

II. Impugnatur. Gen. 2. 5. dicitur: *Et homo non erat, qui operaretur terram.* Cur homo non erat, si ipse afferit, homines alios fuisse a Deo antecedenter creatos? Non operabantur terram homines illi, quos ipse comminiscitur? Vel tantum fuit Adæ, & posteriorum ejus munus terram operari, quum homines ante Adam creati absque opere terræ fructibus vescerentur? Quis non videt, quam sint absurdæ hæc, & fabulosa?

III. Impugnatur. Dicit ipse, fuisse Adam a Deo post diem septimam creatum; at Moses aperte dicit, die septima Deum ab omni opere cessasse, & requieuisse: ergo post diem septimam Adam non creavit: ergo Adam fuit ille idem, qui fuit sexta die creatus,

IV. Impugnatur. Gen. 10. omnes gentes, dicitur, originem duxisse a Sem, Chama, & Japheto, qui fuerunt Noë filii; sed omnes isti ab Adamo ortum ducebant: ergo omnes homines originem habent ab uno homine, qui fuit Adam. Unde Paulus Apostolus Actor. 17. in Areopago dicebat: *Fecitque ex uno omne genus hominum inabitare super universam faciem terræ.* Nec dicat, verba illa ex uno, quæ habet Vulgata, in textu græco legi: *Ἐν τοῖς ἀρχαῖς οὐκ εἶναι ἀλλὰ ἐξ ὕπαρχου;* hoc est ex uno sanguine; quatenus omnes homines ex eadem terra, quam sanguinis nomine intelligit, constabunt. Etenim hoc non solum est contra omnium Patrum mentem, verum quoque esse ex uno sanguine importat esse ex uno homine, hoc est ex unius hominis sanguine: Gratias autem ipse accipit pro sanguine terram, quum magis ad proprietatem accedat accipere hominem.

V. Impugnatur. Si fuerunt homines a Deo creati ante Adam, cur solus Adam fuit a Deo

Deo omnium animantium Dominus constitutus? Cur voluit Deus, ut a solo Adam nomen acciperent? Cur ad solum Adam fuerunt adducta, ut eidem obedirent, & ab eodem denominarentur? Alii homines ergo nulla habebant animalia pro usu; omnia animalia ipsis erant anonyma; nullum dominium super animalia exercebant? Devoret qui poterit hæc absurdæ.

**VI. Impugnatur.** Homines Præadamitæ vel contraxerunt originale peccatum, vel non contraxerunt? Si contraxerunt: ergo non fuerunt ante Adam, sed post ipsum; peccatum enim originale in Adam fuit actuale, & omnes qui contrahunt, ab Adamo originem ducunt. Si non contraxerunt: ergo non fuerunt morti abnoxii, nec tot ærumnis, quibus nos propter peccatum affligimur, vexati. Quæ responderet ad hanc rationem Peyerius, in argumentorum etiam solutione confutabimus. Unde

Arguit I. Duæ habentur hominum creationes in Genesis libro; una cap. 1. & illa est hominis creatio, a quo Gentiles originem ducunt; altera cap. 2., & illa est hominis, a quo nati sunt Judæi, hoc est Adæ. Hujus progeniem, relictæ illo primo, describit Moyses, quia quum Judæus esset, originem tantum, & posteritatem Judæorum scribere intendebat. Hoc autem probat, quia impossibile sibi videtur, ab Adamo usque ad Evæ formationem transacta fuisse illa omnia, quæ cap. 2. narrantur, per dimidium unius diei. II. Homines Præadamitæ etiæ cum Adamo non habuerint conjunctiōnem physicam, habuerunt tamen politicam, & mysticam; hæc sufficit, ut eis imputetur peccatum a solo Adamo commissum. III. Duplex est mors, naturalis nimis, & legalis; mors legalis fuit in poenam data Adæ ob præcepti transgressionem; homines vero Præadamitæ habuerunt mortem naturalem, quanvis non habuerint legalem. IV. Ad Rom. 5. scribit Apostolus: Usque ad Legem peccatum erat in mundo: peccatum autem non imputabatur, cum Lex non esset. Sed regnavit mors ab Adam usque ad Moysen etiam in eos, qui non peccaverunt in similitudinem prævaricationis Adæ, qui est forma futuri. Nomine Legis intelligitur Lex data Adæ: ergo usque ad Adam fuit peccatum, quum fuerit usque ad Legem Adamo datum: ergo ante Adam fuit peccatum; sed si fuit peccatum, fuerunt ho-

mines, qui peccaverunt: ergo fuerunt homines Præadamitæ; non fuit autem illis imputatum peccatum, quia non fuit illis data Lex, sicut data fuit Adæ. Nec possunt verba illa de Lege Mosaica intelligi; quia aliter sequeretur, non debuisse Adæ, nec aliis posteris ejus, imputari peccatum, quia erant ante legem. V. In Scripturis Judæi vocantur filii Dei, Gentiles filii hominum, atque etiam aliquando Terrigenæ; sed hoc non ex alio, quam quia Adam fuit a Deo creatus, alios vero homines ante Adam terra progenuit; unde Adæ posteri, hoc est Judæi, dicuntur filii Dei; & posteri Præadamitarum appellantur filii hominum, & filii terræ. VI. Genes. 4. v. 6. & 7. Deus hæc dixit Caino: Quare iratus es? Et cur concidit facies tua? Nonne si bene egeris, recipies: sin autem male, statim in foribus peccatum aderit? Ubi ait, in foribus idem esse ac in portis. In portis autem aderant Judices, qui iudicia exercebant; quod etiam ex aliis Scripturæ locis constat; hi Judices non erant posteri Adæ, quia præter Cainum, & Abelem nullum alium filium cum genuerat: ergo erant homines Præadamitæ. VII. Genes. 4. v. 14. dicebat Cain ad Dominum: Ecce ejici me bodie a facie terra, & a facie tua abscondar, & ero vagus & profugus in terra: omnis igitur, qui invenerit me, occidet me. Et Dominus dixit ad Cain: Nequaquam ita fiet; sed omnis, qui occiderit Cain, septuplum punietur. Posuitque Dominus Cain signum, ut non interficeret eum omnis, qui invenisset eum. Hæc verba, ait, ostendere, fuisse in mundo alios homines præter primos parentes, & Cainum; aliter frustra timuisset Cain, frustra Dominus signum in illo posuisset. VIII. Josephus Hebreus tradit, quod Cain profugus ad orientalem plagam Eden, habuit socios, cum quibus latrocinia exercebat: Accitis unquaque latrociniorum, & nequitia sociis; necnon magistrum illis ad faciotorosam vitam effecit: ergo erant alii homines in mundo; sed esse non poterant, nisi Præadamitæ; ergo &c. IX. Citato Genesis loco num. 2. dicitur: Fuit autem Abel Pastor ovium, & Cain Agricola; hæc autem exercitia fieri non possunt sine sociis, qui adjuvent, & sine artibus, quæ subministrent instrumenta, quæ ad eadem perageenda sunt necessaria; ex Moyisis vero historia, prout a nobis intelligitur, non erant adhuc artes in mundo adinventæ, nec alii homines erant præter

ter duos fratres; illorumque parentes: ergo dicendus est, fuisse alii homines Praeadamiræ; qui artes exercebant, & socii Abel, & Caino erant. X. Ibidem dicitur de Cain: *Et adificavit civitatem, vocavitque nomen eius ex nomine filii sui Ethan.* Si non erant aliae civitates in terra, ad quid dannum distinxisset Cain nomine illi proprius? Quibus autem fabris illum adificavit? Quibus civibus implevit? Erant ergo alii homines præster illi, qui a parte suo originem ducebant. XI. Si Deus mundi initio unicum tantum hominem condidisset, jam terra ante hominum multiplicationem in desertum, & solitudinem abiisset; jam bestiarum, quæ priusquam homines fuisserent multiplicaræ, eam reddidissent inhabitabilem; hoc autem non est dicendum: ergo &c. XII. Cain duxit sacerdotem suum, ut occideret extra omnium conspectum: ergo erant homines, quorum metuebat aspectum in fraticidio committendo. XIII. Fere omnes antiqui Philosophi aut mundum fecerunt æternum, aut ejus originem omnino occultam voluerunt; sed non abiissent Philosophi in has sentencias, si ea tantum fuisse mundi duratio, quæ ab Adamo fluxit: ergo mundus antiquior Adamo dicendus est. XIV. Multi Populi Gentiles longiorem ponunt suam Chronologiam Adami creatione; ut legimus de Chaldaeis, de Ægyptiis, de Sinenibus, aliisque: ergo Adamum Populi illi præcesserunt. XV. Hesiodus, & Aufanius referunt justam hominum ætatem esse annorum 96.: Corniculum 864. Cervorum 3456. Corvorum 10366. Phœnicis 93312. Nympharum 933120. Non potuisse autem hæc haberi numeratio, nisi prius fuisse homines, qui eam fecissent: ergo ante Adamum fuerunt alii homines. Respondemus ad I. cap. 2. Genesis describi creationem hominis ampliori modo, quo fuerat cap. 1. descripta, sed semper eisdem hominis, & non alterius. Quod ex eo patet, quia eodam cap. 2. describitur creatio etiam cœli, & terræ, & omnis virgulti agri; scilicet igitur non intelligitur creatio novi cœli, novæ terræ, & novorum virgultorum, ita nec est intelligenda creatio novi hominis. Nescit autem Peyerius infinitam Dei potentiam, quum eam velit tempore metiri; & quum omnia unico instanti creaverit, intendit ipse pluribus opus habuisse diebus, ut creationem hominis, & foeminae perficeret. Satis parce de

PAR. II.

omnipotentia sentie, qui eam hominum legibus in operatio coarctat. Ad II. dicitur, purum esse commentum illud, quod assertum de triplici illa communione, & conjunctione, physica, politica, & mystica; quam sine auctoritate fingit, & sine ratione evulgar. Ceterum quonodo poterant cum Adamo conjugi homines, qui Adamum prædebat? Nulla proorsus ex illis tribus uulnibus cum eo poterant communicari, qui adhuc non erat in mundo. Impunitio autem peccati, vel meritorum, est communem sectæ Calvinianæ, quemadmodum sola imitatione posse peccatores dici, est monstrum Pelagianæ sectæ; quæ omnia paratus fuit amplius homo, qui se ostendit ad omanem suam, nisi aliquando resipui. Ad III. Iterum tertium argumentum ex Pelagianorum penu defunctum est; Apôstolo reclamarite, qui docet, mortem in mundum subintrasse per peccatum, & peccati stipendum mortem fuisse: Audiatur Augustinus lib. 1. de pecc. merit. & remiss. c. 1. Qui dicunt Adam sic creatum, ut etiam sine peccato merito moreretur, non pœna culpe; sed necessitate naturæ, profecto illud, quod in lege dictum est, quæ die ederitis mortes morienti, non ad mortem corporis, sed ad mortem animæ, quæ in peccato est, referre contantur. Quia morte mortuos significavit Dominus Infideles, de quibus ait: *Sinite mortuos sepelire mortuos.* Quid ergo respondobunt, cum legitur, hoc Deum primo homini, etiam post peccatum, increpando & damnando dixisse: Terra es, & in terram ibis? Neque enim secundum animam, sed quod manifestum est, secundum corpus teum eras, & morte ejusdem corporis eras iterum in terram. Quanvis enim secundum corpus terra esset, & corpus, in quo creatus est, unum gestaret, tamen si non peccasset, in corpus fuerat spirituale mutandus, & in illam incorruptionem, quæ fidelibus ac Sanctis promittitur, sine mortis periculo, transiturus.... Proinde si non peccasset Adam, non erat expoliandus corpore, sed supervestiendus immortalitate, & incorruptione, ut absorberetur mortale a vita, id est, ab animali in spirituale transiret.

Ad IV. Lex, de qua scribit Apostolus, est mosaica, non adamica; & hoc ex ipsiusmet Apostoli verbis innotescit. Primo, quia Apostolus dicit, quod mors regnavit ab Adamo usque ad Moysen, etiam in iis, qui non peccaverunt; unde quum

B b b

cla.

clare nominet Maysen, de mosaica legi intelligendus est. Secundo, quia legem illam intellexit, per quam homo perficitur iustificari; et haec lex non alia est, quam mosaica per eundem Apostolum scribentem ad Romanos, ad Galatas, & ad Hebreos. Tertio quia dixit Apostolus, quod per Adamum intravit peccatum, & mors in mundum; hoc autem quae systematae praedamicis non coheret, per quod si suppeditatur aliis homines ante Adamum, isti debuerunt esse impeccabiles, & immortales. Ad illud autem, quod dicitur de imputacione peccati, dicitur, quod verba illa, *Peccatum non imputatur nisi efficit Lex*, non intelliguntur. Butchartonem ad Legem mosaicam, non habemus, sed in genere per oppositionem, inquit obra legem; secundum quod invenimus ad Romanos 4, scribit: *Ubique in omnibus est prævaricatio*. Ex quo Apud nos est, quod si peccatum regnavit antequam lex mosaica esset, alia lex fuit violata, propter cuius violationem originale peccatum fuit contractum. Sic responderet Petididier, si fuisse autem est Natalis Alexandri responsio, ad quam remittuntur Legenes.

Ad V. occurrit quoque Petididier dicendo, quod diversæ appellations non arguunt diversam originem, sed prærogativas tantum diversas. Ceterum populi illi, qui Iudeis opponuntur, etiam ex locis ab Adversario citatis, sunt Chanañei, Philistæi, Idumæi, aut Ægyptii; quos ab Adamo oriundos, sive ac Iudeos, Adversarius ipse fatebitur.

Ad VI. Peccatum esse in foribus non aliud significat, quam imminere peccari posnam; quemadmodum dicimus, quando aliquis est proxime accessurus, quod sit ad januas. Hac loquendi phrasu utitur alibi etiam Scriptura; nimicum Marci 13. 29. *Sic & vos cum videritis hac fieri, seitore, quod in proxima sit in ostiis*; Jacob. ep. 5. 9. *Nolite ingemiscere, Fratres, in alterutrum, ut non judicemini. Ecce Iudex ante januam afficit*; Ut cuncte quoque profani Scriptores; Plutarchus enim scribit de febri proxime accessura; febris est in foribus. Responsio est Alexandri.

Ad VII. Cain ex Ambrosio lib. 2. de Cain & Abel c. 9. timebat parentes. Potuit & parentes parricidas timere, qui docuerat parricidium posse committi. Parentes enim & parentes de filio discere, quod didicerant posteri de parente. Timebat quoque Cain

neptos suos, qui multi eunc temporis erant, & ad orientalem plagam Eden habitabant. Etenim Cain occidit Abelem anno mundi 130., ut haberetur ex Chrysico alexandrinus; & colligitur etiam ex Scriptura; nam Gen. 4. 25. dicitur, quod pro Abelo occiso datus est Adæ Seth; & Gen. 9. 3. habetur, quod Seth auctor est ann. 130. Adæ; per eum autem, & trigesima annorum spatium quis crederet, Adamum, & Evans nos generasse filios, & filias, & hos etiam aios, unde possident finitimas regiones habitari? Non timebat ergo Cain alienigenas, sed suos; non Praedamicas, sed Adamicas homines inveniebat.

Ad VIII. Si concedenda sunt quæ narrat Josephus, dicitur, socios illos, a Caino advocates, fuisse de sua familia; ipse enim jam etiam filios, & filias generaverat per tot annos, quibus vixerat: unde isti dicti sunt filii hominum ad differentias filiorum Seth, qui vocati sunt filii Dei.

Ad IX. Dicitur de Eva, quod quolibet anno tergeminos partus effundebat; quod testatur Natalis Alexander. Hoc posito, poterat Abel, & poterat etiam Cain, ex propria familia habere homines, qui eos adjuvarent. Instrumenta autem, quæ modo sunt in usu ad artes illas exercendas, tunc non erant; adeoque non est inquirendum, quis ea fabricasset. Adam ergo eos docuit artem, quam profitebantur, & sui cuique posteri adjumento erant in illa exercitio demandanda.

Ad X. sufficientissima erat multitudo in posteris Cain, ut civitatem conderent, & habitarent; & quanvis omnes a Moysi non enumerarentur, hoc nihilominus non officit; quia propositum Moysi erat illos tantum enumerare, qui propagarunt semen Adæ usque ad Abraham, & postmodum ex ejus semine ad populum Dei; quod diserte docet S. Augustinus lib. 15. de civ. Dei c. 8.

Ad XI. iam est dictum fuisse ad sufficientiam homines, ut terras colerent, in quibus vivebant, & in quas diffundebantur. Solitudo autem horrem iacutere non poterat, quia homines non habitabant in desertis, sed in habitatis locis. Nec bestiae poterant terras devastare, quia quemadmodum crescebant bestiae, ita etiam multiplicabantur homines, a quibus occidebantur, vel arcebantur a campis suis; nec bestiae fuerunt in maiori quantitate in genere, & specie suis a principio creatæ a Deo, quam homines.

Ad

Ad XII. Erant quidem homines, & præcipue de progenie Abelis, quorum conspectum timebat Cain; unde eum extra filios duxit, ut eum occideret. Non est igitur necessitas, ut per hoc ad prædationem homines recurramus.

Ad XIII. Omnes veteres illi Philosophi originem mundi ignorarunt; unde enim dixerunt æternum: Nil autem hoc favet Præadamitarum systemati. Nec pariter fabulam reddit credibilem, quod iidem Philosophi incognitam sibi mundi originem dixerint. Nullam mosaicæ historiæ cognitionem habuerunt; ac proinde divinando proœcesserunt.

Ad XIV. Vere Peyerius fabulas Gentium adducit pro rationibus, ut fabulam suam jam collabentem aliquatenus firmare videatur. Chronologias enim illas, quas affere, fabulosæ sunt, & non debent in medio poni, ut veritas per illas inveniri rationabiliter possit. Cæterum si anni illi fuerunt menstrui, vel trimestres, vel bimestres, vel quadrimestres, quales erant in Ægyptio, juxta Diodorum Siculum, Varronem apud Laetantiu[m], Plinium, Proclum, Plutarchum &c. facile est, ut possint aliquæ epochæ cum Moysis chronologia conciliari, ut præsticit de Ægyptiis Capellus ad ann. mundi 1682.

Ad XV. Inepitæ sunt illæ, quæ in arguimento congeruntur, indignæ quidem, ut proponantur, & pariter indignæ, ut ad eas respondeatur. Abutitur autem Peyerius hominum fide, quum velit, ut deliriis supra deliria credant. Sibilis igitur ultimo argumento responsum detur; ut videatur somnia sua, plusquam ratiocinio, risu esse excipienda, ac confutanda; auctoremque, nisi resipuisse, magis scutica, quam calamo, refellendum, ac impugnandum.

De statu gratiæ modo loquentes, in qua creati sunt primi homines, queritur, an creati fuerint in statu gratiæ sanctificantis? Negant plerique Theologi de schola, qui enumerantur ab Estio; nimirum Magister sententiarum, Hugo de S. Victore, Rupertus Abbas, Alexander Alensis, S. Bonaventura, Scotus, Richardus &c. Affirmant vero S. Thomas, Albertus magnus, Durandus, Gregorius Ariminensis, aliique plures; cum quibus Dicimus, primos homines in statu gratiæ sanctificantis fuisse a Deo creatos.

I. Probatur ex Scripturis. Gen. i. Faciamus hominem ad imaginem, & similitudinem nostram. Eccl. 7. Hoc inveni, quod fecerit PAR. II.

Deus hominem rectum. Eccl. 17. Deus creavit de terra hominem, & secundum se vestivit illum virtute. Ad Ephes. 4. Regnavimus spiritu mentis vestra, & induitæ vobum hominem, qui secundum Daum creatus est in iustitia, & sanctitate veritatis. Ad Coloss. 1. Exspoliante vos veterem hominem cum actibus suis, & induentes novum, eum qui renatur in agnitionem, secundum imaginem ejus, qui creavit illum. Quæ quidem auctoritates fortius agunt accedencie Sanctorum Patrum explicazione, quam mox in ipsorum testimoniiis afferemus.

II. Probatur ex Conciliis. Concilium Araucanum II. can. 19. hæc habet: *Natura humana etiam si in illa integritate, in qua est condita, permanerer, nullo modo scipiam, Creatore suo non adjuvante, servaret. Unde cum sine gratia Dei salutem non possit custodi, quam accepit, quamodo sine gratia Dei poterit reparare, quod perdidit?* Quæ verba desumpta sunt ex Augustini epistola 106., vel secundum PP. Benedictinorum editionem 186. inter epistolæ tertiaræ classis; & scripta sunt circa medium anni 417. ad Paulinum ab Alypio, & Augustino; verba Concilii leguntur in modo dicta editione num. 17. c. 11. Concilium hoc convocabit Leonem Papam, ejusque auctoritate habitum esse, tradie Estius; sed in Scholio corrigitur, & dicitur, non a Leone I., sed a Bonifacio II. fuisse adprobatum epistola ad Caesarium Arelatensem. Subditur ex annotatione Jacobi Sirmondi t. 1. Conciliorum antiquorum Gallæ, in Codice Fossacensi, & altero consimili, qui extat in Bibliotheca S. Mariæ Laudunensis, epistolam præfaram Synodo ipsi propter reverentiam Sedis Apostolicæ præponi, & epistolæ brevem de Synodi ejusdem auctoritate præfixam esse annotationem, his verbis: *In hoc loco continetur Synodus Araucana, quam per auctoritatem Sanctus Bonifacius Papa confirmavit; & ideo quiunque aliter de Gratia, & libero Arbitrio crediderit, quam vel illa auctoritas continet, vel in illa Synodo constitutum est, contrarium se Sedi Apostolicæ, & universæ per totum mundum Ecclesia, esse cognoscat. Ad quæ Auctor Scholii adjungit: Vide antiquam, perpetuam, ac veluti ingenitam Ecclesiam Gallicanam erga Sanctam Sedem Apostolicam reverentiam, & de ejusdem auctoritate fidem, ac persuasionem.*

III. Probatur ex Patribus. Ireneus lib. 3. cont. heres. c. 20. inquit, nos in Jesu Christo

sto recuperare ; quod in Adam perdidimus . Et c. 37. introducit Adam hæc dicentem : *Quoniam eam , quam habui a spiritu sanctitatis stolam amisi per inobedientiam .* Cyprianus ep. 74. Spiraculum viræ , quod in faciem Adæ inspiravit Deus , exponit de Gratia Spiritus Sancti , in animam primi hominis a Deo infusa . Quod pariter exponit Methodius martir apud Ephiphanius in hæresi Origenis ; item Basilius in exposit. psalmi 48. At cæteris omissionibus Patribus adducimus Augustinum lib. 2. de Genes. ad lit. c. 31. de primis parentibus hæc scribentem : *Max ut præceptum transgressi sunt , intrinsecus Gratia deserente , omnino nudati in sua membra oculos congecerunt .* Idem repetit eadem lib. 13. de civ. Dei c. 13. Et lib. de Correptione & Gratiâ c. 11. ait : *Quid ergo , Adam non habuit Dei gratiam à immo vere magnam , sed dispares .* Et infra : *Nec ipsum Deus esse voluit sine sua gratia , quam reliquit in ejus libero arbitrio .* Eadem docet Prosper , Leo magnus , Gregorius magnus &c.

**IV.** Probatur Rationibus . I. Primus homo fuit a Deo creatus rectus : ergo cum gratia habituali . Antecedens est certum ex S. Thoma 1. p. q. 95. ar. 1. ubi docet , fuisse summam restitutinem primi status hominis . Consequentia probatur . Restitudo illa posita est in eo , quod ratio erat subdita Deo , animæ erat subditum corpus , & rationi inferior portio subdebat ; sed duæ ultimæ subjectiones non erant homini naturales , aliter eas per peccatum non amisisset : ergo supernaturales : ergo per donum gratiæ supernaturalis . II. Deus creavit primum hominem ad finem supernaturalēm : ergo creavit illum cum virtute consequendi finem supernaturalēm ; sed hæc virtus nequit esse , nisi gratia supernaturalis : ergo creavit illum cum gratia supernaturali sanctificante . III. Si Adam permanisset in statu innocentiae , filii ejus nati fuissent in justitia , & gratia ; sed Pater non debuit habere minora dona , gratiæ in sua creatione , quam filii in eorum generatione : ergo &c. IV. Primus homo creatus fuit in natura sana salva incoluī sine vicio , & sine culpa ; sed sic esse creatum est esse creatum in gratiæ sanctificantis statu : ergo &c. Major est Augustini dicentis ser. 11. de verb. Apost. c. 2. *Creatus est primus homo in natura sine culpa , in natura sine vicio .* Minor est ejusdem Augustini lib. 1. de pescatorum

meritis c. 24. *A salute , & vita aeternæ hominem nisi peccata non separant . Consequentia sequitur .* V. Adam fuit a Deo creatus cum perfecta charitate : ergo cum gratia sanctificante . Consequentia constat ex Augustino docente , charitatem esse bonam voluntarem ; bona autem voluntas est rectitudo , in qua fuit ipse creatus . Docet hoc Augustinus lib. de gratia Christi c. 1. *Quasi vero aliud sit bona voluntas , quam charitas , quam Scriptura nobis esse clamat ex Deo .* Et lib. 4. de civ. Dei c. 10. *Fecit Deus , sicut scriptum est , hominem rectum , ac per hoc voluntatis bona : non enim rectus esset , bona non habens voluntatem : bona igitur voluntas opus est Dei .* VI. Adam creatus est vel sapiens , vel stultus ; non stultus , quia creatus est sine vicio , ut diximus ex Augustino : ergo sapiens ; sed sapientia illa esse non poterat sine charitate : ergo &c. Minor subsumpta est etiam Augustini lib. 2. de libero arbitrio c. 9. , ubi docet , sapientiam esse veritatem , in qua cernitur , & cerneretur summum bonum ; quod saltem intelligendum est imperfecte .

Objiciunt I. I. ad Cor. 25. dicitur : *Factus est primus homo Adam in animam viventem , novissimus Adam in spiritum vivificantem : Ex quibus constat , quod Adam in sui creatione non habuit Spiritum Sanctum , sed tantum animam viventem ; Sed non prius quod spiritale est , sed quod animale , deinde quod spiritale : Ex quibus liquet , quod Adam initio non fuit spiritualis , sed animalis ; animalis autem homo non percipit ea , quæ sunt Spiritus ; ut docet idem Apostolus I. Cor. 2. *Primus homo de terra terrenus ; secundus homo de celo cœlestis : Ex quibus patet , quod Adam fuit terrenus , non cœlestis , deditus scilicet terrenis , non cœlestibus rebus .* II. Augustinus lib. QQ. ver. test. q. 123. *Quid tam apertum , quam quod Adam non habuit Spiritum Sanctum ? Addens , illum non nisi terrena , & sensibilia sapuisse ; & errare eos , qui dicunt , nos adoptionem filiorum Dei , quam perdidimus in Adam , in Christo recuperare .* Idem Augustinus asserit , quod Adam tunc factus est homo spiritualis , quando a Deo positus est in paradiso voluptatis : ergo non quando fuit creatus . Sunt ejus verba lib. 2. de Genes. contr. Manichæos c. 8. ad verba : *Insufflavit in faciem ejus spiraculum vita : Nondum tamen spiritalem hominem debemus intelligere , qui factus est in animam viventem , sed adhuc animalem .**

Tunc

Tunc enim spirituales affectus est, cum in paradiſo, hoc est, in beata vita conſtitueret, praecepimus eis iam perfectionis accepit, ut verba Dei consummaretur. III. Cyprianus epist. 74. ad Pompejum inquit: Non per manus impositionem quis nascitur, quapropter accipit Spiritum. Sanctum, sed in baptismō, ut Spiritum jam natus accipiat, sicut in primo homine Adam factum est. Ante enim Deus eum plasmavit, & tunc insufflavit in faciem ejus fūatum vitat. Nec enim potest accipi Spiritus, nisi prius fuerit, qui accipiat. IV. Hieronymus in epist. ad Philemonem inſtruicatur aperte, hominem ab initio conditum rectum, ac bonum. V. Angeli non fuerunt creati in statu gratiae sanctificantes: ergo multo minus homines. VI. Si nostra Conclusio effet vera, deberet esse de fide; sed de fide non est: ergo non est vera.

Respondemus ad I. Verbis illis. Apostolus facit discrimen inter corpus hominis, quale creatum est ab initio, & quale est post resurrectionem gloriosum; ut nunc est corpus Christi, & erit nostrum, si Deus dignabitur. Et discrimen dicit esse, quod primum indiger cibo, potu, somno &c. sicut indigent cætera animalia; secundum vero non indiger, quia spirituale, gloriosum, ut corpus Christi. Et ita explicat verba illa Augustinus lib. 6. de Gen. ad lit. c. 1., & lib. 12. c. 7., & ep. 146., alias 205., & lib. de Civ. Dei c. 2. & 23., & in Enchirid. c. 91., & lib. 1. Retract. c. 12..

Ad II. Liber QQ. veteris testameuti non est Augustini, ut omnes cruditi Critici farentur; sed est Hilarius Sardensis, Luciferianæ Sectæ affecta, ut plures conjiciunt. Ad alium Augustini locum dicit Jueninus, quod verba illa, nondum, tunc, significant tantum ordinem narrationis, non vero ordinem rerum gestarum; hoc est, dicere intendit Augustinus, quod Scriptura prius narret hominis creationem, & deinde illius per gratiam sanctificationem. Verum ad hanc, & alia similia Augustini loca, quæ possent objici, respondeatur, Augustinum illa omnia retractasse lib. 1. Retract. c. 10. 12. & 14. & lib. 2. c. 4.

Ad III. Cyprianus significat ordinem naturæ, non temporis. Cæterum illa Cypriani epistola, quæ fuit scripta contra epistolam Stephani, Rom. Pont., videant Theologi quam auctoritatem habere mereantur.

Ad IV. Hieronymus, si ex propria sententia loquitur, nam de hoc valde dubitatur, intelligendus est de bono meritorio, quod esse nequit sine libero arbitrio, de quo ipse principaliter facit verbum; meritum enim, ut patet, sine actu liberi arbitrii nullum est.

Ad V. negatur antecedens contrarium enim nos suo loco probavimus; quod inibi Legentes invenient.

Ad VI. Cornelius Jansenius, Episcopus Ypresensis, lib. de gratia primi hominis c. 1. concedit sequelam; ait enim: „Exstimamus non posse in controversiam, rem istam revocari, sed tanquam in Ecclesia definitam, & fide certam, debere supponi. „ At Etius, quem sequitur Jueninus, aliquique communiter docent, de fide non esse. Et ratio est, quia Ecclesia hoc non definivit expresse; et autem necessaria definitorio Ecclesiae expressa, ut sit de fide. Ulterius; quia Scousta, qui docent, in primis parentibus justitiam, & rectitudinem fluxisse a quodam naturalis integratis dono; & Adamum, quando fuit in paradiſo positus, fuisse per gratiam sanctificationem perfectum; non sunt ab Ecclesia proscripti. Rursus; qui Tridentinum Sess. 5. dum dicit, fuisse primum hominem in sanctitate, & iustitia constitutum, non dicit creatum, sed constitutum; etenim etiam primus homo fuit in paradiſo constitutus, sed non creatus. Et quanvis Jansenius dicat, pro constitutum intelligi conditum; hoc tamen non est de fide, ut sic debeat intelligi; unde nos dicimus, probabiliter pro nobis stare Tridentinum, sed non expresse; quod sufficit, ut non dicatur esse de fide. Igitur de fide est tantum, primos parentes habuisse gratiam sanctificationem, antequam peccarent; sed non est de fide, eam habuisse initio, quo fuerunt a Deo creati.

Denique de statu beatitudinis loquimur, in quo pariter fuerunt primi parentes a Deo conditi. Et quidem beatitudo vel intelligitur perfecta, vel imperfecta; perfecta est Dei visio intuitiva; imperfecta vero non includit visionem Dei intuitivam, sed abstractivam, atamen importat summam quietem, maximam felicitatem, aliaque dona, praeter intuitiōnem Dei, quam excepimus; ut diximus de beatitudine Angelorum. Unde

Dicimus, primos homines fuisse creatos a Deo non perfecta, sed imperfecta beatitudine, beatos.

I. Pro.

I. Probatur. Beatus est in homine, saltem inchoata, & imperfecta, diligere bonam voluntatem, in qua conditus est; ut ait Augustinus lib. 1. de lib. arb. c. 13. *Hoc gaudium, quod hujusmodi boni adeptio ne gignitur, etiam tranquille, & quiete, & constanter erigit animum, beata vita diciatur; nisi tu putes aliud esse beatitudinem, nisi veris bonis, certisque, gaudere; sed Adam statim dilexit bonam voluntatem, in qua conditus est: ergo &c.*

II. Probatur: Beatus est in homine, nullum adesse malum, quod timeatur, nullum abesse bonum, quod desideretur; sed primi homines in paradyso nullum habebant malum, quod timerent, nullum bonum, quod juste desiderarent: ergo &c. Minor est Augustini lib. 14. de civ. Dei c. 10. *Quid timere, vel dolere poterant illi homines in tantorum tanta affluentia bonorum, ubi nec mors metuebatur, nec ulla corporis mala valebant? Nec aberat quicquam, quod bona voluntas adipisceretur; nec inerat quod carnem, animumque hominis feliciter viventis offendiceret.*

III. Probatur. Beatus est, de qua loquitor, consistit praeципue in pace, in immortalitate, in securitate; sed haec omnia habuerunt primi homines: ergo &c. Minor etiam est Augustini lib. de corrept. & grat. c. 11. *Nulla rixa a se ipso adversus seipsum tentatus, atque turbatus, in illo beatitudinis loco, sua secum pace fruebatur. In eodem libro c. 10. Hominem fecit cum libero arbitrio, & quavis sui futuri casus ignorans, tamen ideo beatum, quia & non morti, & non miserum fieri, in sua potestate esse sentiebat. In quo statu recto, & sine vito, si per ipsum liberum arbitrium manere voluisse, profecto sine ullo mortis, & infelicitatis experimento, acciperet illam meritum hujusmodi permanzionis, beatitudinis plenitudinem, qua & sancti Angeli sunt beati; id est, ut cadere non posset ulterius, & hoc certissime scires.*

Quod autem perfectam beatitudinem non habuerint, hoc est intuitivam Dei visionem, probatur etiam I. quia intuitiva Dei visio nequit stare cum peccato; sed primi homines peccare potuerunt, & de facto peccarunt: ergo &c. II. quia primi parentes habuerunt fidem; sed fides est incompossibilis cum intuitiva Dei visione: ergo &c. III. quia primi homines non habuerunt ampliorem beatitudinem illa, quam habuerunt Angeli in via; sed Angeli in via non habuerunt intuitivam Dei visionem: ergo neque primi homines.

Opponunt I. Augustinus in psal. 70. sen. 7. docet, primos homines habuisse Dei visionem: *Dicatur mihi, quid illi dederat in paradyso constituto, in media opulence, modisque deliciis, cuius magna deliciae erant ipsa visio Dei; cuius faciem quasi inimici, timuit post peccatum & Sed visio Dei est perfecta beatitudo: ergo priores homines habuerunt perfectam beatitudinem. II. Primi Parentes fuerunt tentationibus obnoxii; sed hoc est cohersa beatitudinem adhuc imperfectam: ergo &c. Probatur minor: Omnis tentatio est persequutio quaedam saluti animae intentata; sed omnis persequutio, & quae praecipue animam turbat, pacem offendit; tranquillitatem, securitatem, gaudium obnubilat: ergo beatitudini etiam imperfectae adversatur. III. Primi homines erant in periculo constituti, ut Deo disperdere possent; sed hoc solum ingenerare potest magnam mortificiam illis, qui diligunt Deum, adeoque illos in sua beatitudine perturbare: ergo saltem per hoc non gaudebant illi beatitudine nec quidem imperfecta.*

Respondemus ad I. Augustinus dixit, primos homines habuisse visionem Dei, non vero habuisse intuitivam Dei visionem. Perfecta beatitudo non est quaecumque Dei visio, sed solum intuitiva. Et quavis dicat, quod faciem ejus videbant, dicit etiam, quod videbant faciem ejus quasi inimici; haec autem non est beatitudo, ut patet.

Ad II. Primi parentes non fuerunt tentati per tentationem internam, sed tantummodo per externam; sicut etiam per hanc fuit tentatus Christus. Et quemadmodum in Christo externa tentatio non turbavit ejus perfectam beatitudinem; ita nec in illis eadem externa tentatio perturbare potuit beatitudinem illorum imperfectam. Quod primi homines fuerint tantum tentati tentatione exteriori, est doctrina S. Thomae 2.2. q. 165. ar. 2. ad 2.

Ad III. Periculum nullum habuissent primi homines Deo disperendi, si ipsi noluissent. In ipsorum potestate erat non peccare, quia liberum habebant arbitrium. Vires & quidem maximas habebant resistendi externis Diaboli persequitionibus; quia majorem habebant gratiam ante peccatum, quam nos habemus. Unde periculum erat tantum ex seipsis; quod quidem vitare potuissent, si voluissent. Non erat ergo tale, ut ipsorum imperfectam beatitudinem perturbaret.

DIS.

# DISSESTITO CLIX.

*De statu Innocentiae in Homine; ubi de dotibus  
spectantibus ad intellectum, ad voluntatem,  
& ad corpus, hominis innocentis: An Ada-  
mus, & Eva, si non peccassent, gene-  
rassent cum libidine? Et quis in  
eo statu modus generationis  
filiorum fuisset?*



Innocentiae status in primo homine dicitur tempus illud, quo idem innocentiam, in qua creatus fuit, servavit, & in peccatum ruendo eam non amisit. In statu illo plurimas a Deo consequutas est prærogativas, quæ ad justitiam originalēm, consequebantur; & quia justitiam originalem adeo perdidit, ut eam non amplius recuperaverit, prærogativas quoque illas nunquam consequutus emisit. De his omnibus dotibus agere longum foret; de aliquibus quidem, quæ ad intellectum, ad voluntatem, & ad corpus, spectant, & quæ etiam virtutes appellantur, per tractabimus.

Primo homo in statu innocentiae scientiam habuit, a Deo sibi infusam, rerum illarum, quarum scientificam cognitionem potuisse procedente tempore ex se ipso comparare. Hoc I. probatur; quia creatus est a Deo uti totius naturæ princeps; ergo totius pariter naturæ debuit occultas causas cognoscere, & abdita phænomena scire. II. quia omnibus rebus totius naturæ nomina imposuit: ergo proprietates omnes rerum omnium assequens est; aliter inconsulto nomina impo- suisset, quod quilibet alias, etiam scientiae omnino expers, facere facile potuisse. III. quia caput fuit hominum omnium, quos regere, & gubernare, immo etiam docere, debuisset; si rufis autem suisset, & ignarus, nullum ex his munus potuisse perfecte implere.

Secundo homo in statu innocentiae errare non potuit. I. probatur; quia non potuit errare in iis, in quibus fuerat a Deo edocitus; aliter Deus illum docuisset errorum; quod non est dicendum, quia Deus nec possit falli, nec fallere; quia

est infinite sapiens, & summe bonus. II. quia nec potuit errare in illis, quorum noritiam a Deo non acceperat; de illis enim, quum sapientissimus in statu illo esset homo, nec affirmabat, nec negabat, quia eas certo non cognoscebat; adeoque non errabat. III. quia nec errare potuit occasione a sensibus accepta; quum enim in statu innocentiae ratio esset Deo subiecta, eam sensus fallere non poterant. IV. quia nemo cum potuit decipere; non nullus homo, quia non erat; non bonus Angelus, qui mentiri non poterat; non malus Angelus, quia illum sciebat esse mendacem, & mendacii patrem. V. neque potuit errare in rebus spectantibus ad mōres, ac pietatem; quia hoc fuisset maximum malum; at omne malum longe aberat ab homine in innocentiae statu: ergo &c. Patet minor; in eo enim statu, ut diximus, homo erat beatus; incompatibile autem est cum beatitudine etiam imperfecta malum. Hæc omnia confirmantur ab Augustino, & referuntur a Juenino. Docet enim S. Doctor lib. 3. de lib. arb. c. 18. *Approbare falsa pro veris, ut erret invitus, non est natura instituti hominis, sed pena damnati.* Eadem habet lib. 14. de civ. Dei c. 14.

Tertio homo in statu innocentiae non habuit in voluntate passiones, quæ respiciunt malum pœnæ, habuit tamen illas, quæ ordinantur ad bonum. Prima pars probatur. Timor, & dolor, sunt passiones, quæ respiciunt malum pœnæ; sed timor, & dolor non fuerunt in homine innocentia: ergo in illo non fuerunt passiones, quæ respiciunt malum pœnæ. Minor est doctrina Augustini lib. 14. de civ. Dei c. 10. docentis: *Timor quidem non erat; quid enim timere poterant primi homines in tantorum affluentia honorum, abi-*

*nec*

nec mors metuenda erat, nec nulla mala velletudo? Nec dolor, quandoquidem nibus inerat, quod carnem, animumve hominis feliciter viventis offenderebat. I. Erat devitatio tranquilla peccati, qua manente, nullum omnino aliunde malum, quod contristaret, irryebat. Secunda pars probatur etiam; quia Augustinus loco nuper citato docet, siue in homine innocente amorem, & gaudium, quae sunt passiones de bono presente; erant pariter passiones de bona absente, scilicet desiderium, & spes, licet sine animi solitudine; desiderabant enim, & sperabant aeternam beatitudinem, quam credebant; erant quidem passiones istae in illis, sed alio modo ab illo, quo sunt in nobis, quum in nobis aliquando praeveniant rationem, & usum ejus perturbent, non sic autem in illis, quia omnimode rationi parebant.

Quarto homo in statu innocentiae nullum habuit concupiscentiae motum. I. probatur; & quidem hic pro concupiscentia non intelligimus illam, quae fertur ad actum rationi consentaneum; sed illam, quae est propensio ad actum rationi contrarium; & ea est, de qua Apostolus loquebatur ad Gal. 5. 17. *Caro enim concupiscit adversus spiritum; spiritus autem adversus carnem.* Hoc igitur est probandum, quod in Adamo non fuerit propensio hæc ad actum rationi contrarium; & probatur. Adam in statu innocentiae nec habuit peccatum, nec bellum; sed concupiscentia ut est propensio ad actum rationi contrarium necessario includit vel peccatum, vel bellum: ergo in homine innocentie non fuit. Major est Augustini lib. I. oper. imperfect. c. 7. *Sed talis erat, qualis nunc est, vel illi resistebatur per temperantiam, vel per intemperantiam cedebatur; ac sic homo libidini aut peccando servire cogebatur, aut bello intimo repugnare, quorum alterum honestati, alterum paci felicitatis illius, si humanum sensum habetis, non convenire sentitis.* II. Concupiscentia prout est propensio ad actum rationi contrarium fuit in primis parentibus primo exorta post peccatum: ergo non ante peccatum: ergo non in statu innocentiae. Probatur antecedens. Tunc primum fuit, quando erubuerunt; sed erubuerunt post peccatum: ergo fuit post peccatum. Probatur major. Tunc erubuerunt, quando aliquod inordinatum in seipsis experti sunt; sed post peccatum inordinatum hoc experti sunt: ergo post peccatum erubuerunt: Argumentum est

Augustini lib. 5. cont. Iulianum §. 2. Ego vero non opere tantum figuratum, sed a scriptore divinarum didici literarum, quia illi primi homines nudi erant, & non confundebantur. In quibus absit ut tanta innocentia tam impudens esset; sed nondum inerat, quod puderet. Peccaverunt... & adhuc clamasi Nihil illic indecens, novumque senserunt. Hanc plane impudentiam tuam nimis incredibilem, absit ut dicam, nullus te Apostolus, aut Propheta, sed nec pictor docuit, nec poeta. III. Nullum malum erat in primis hominibus in statu innocentiae, quia, ut probatum est, erant sine culpa, & sine vicio; sed concupiscentia est magnum malum, quanvis non sit peccatum: ergo in illis in statu illo non erat. Probatur minor. Concupiscentia prout est propensio ad actum rationi contrarium, non attendit rationis imperium, invita ratione exurgeit, ratione imperante non cessat, non quiescit, non sedatur, moveret ad malum, allicit, pertrahit: ergo est magnum malum, quanvis non sit peccatum. IV. Concilium Tridentinum ses. 5. cas. 5. definivit, concupiscentiam ex peccato esse, & ad peccatum inclinare, verbis hisce: *Hanc concupiscentiam, quam aliquando Apostolus peccatum appellat, Sancta Synodus declarat, Ecclesiam Catholicam nunquam intellectisse peccatum appellari, quod vere, & proprio in Renatis peccatum sit; sed quia ex peccato est, & ad peccatum inclinat.* Si quis autem contrarium senserit, anathema sit. V. quia Augustinus articulum hunc, concupiscentiam scilicet non fuisse in homine in statu innocentiae, nomine totius Ecclesie contra Pelagianos declaravit, & propugnavit. Unde Juennius asserit, de fide catholica certum esse, nullum in primis parentibus fuisse concupiscentiae motum.

Quinto corpus hominis innocentis fuit a Deo immortalitate donatum. I. probatur. Mors intravit in mundum per peccatum: ergo ante peccatum non erat mors in mundo. Antecedens est Apostoli ad Rom. 5. scribentis: *Per unum hominem peccatum in hunc mundum intravit, & per peccatum mors.* Habetur etiam Gen. 2. *Quocunque die comederis ex eo, morte morieris.* Ad quæ verba Augustinus lib. I. de peccato merit. c. 16. *Quanvis annos multos postea vixerint, illo tamen die mori ceperunt, quo mortis legem, qua in senium vterascerent, acceperunt.* Habetur quoque sapientiae 2. Deus mortem non fecit; inuidia autem Diaboli mors intravit in-

mun-

mundum. II. Concilia docent; Cartaginense V. Placuit omnibus Episcopis, qui fuerunt in hac Sancta Synodo, ut quicunque dicit Adam primum hominem mortalem factum, ita ut si peccaret, si non peccaret, moreretur in corpore, hoc est de corpore exiret, non peccati merito, sed necessitate naturae, anathema sit. Trideatum scilicet. 5. can. I. Si quis non constitetur, primum hominem Adam . . . . incurrisse per offensam prævaricationis huiusmodi iram, atque indignationem Dei, atque adeo mortem, quam ante illi comminatus fuerat, anathema sit. Synodus Palestina damnavit ut hereticam Pelagii propositionem, qua dicebatur; Adam mortalem factum, qui si peccaret, si non peccaret, moriturus esset. De cuius Synodi definitione Augustinus lib. de gestis Pelagii c. 3. scripsit. Unde fit consequens, ne quisquis sequitur illius episcopalis autoritatem judicii, & ipsius Pelagii confessionem (quam Pelagius feste, & fraudulenter fecerat) haec tenere debeat, qua semper tenuit Catholica Ecclesia: Adam nisi peccasset, non fuisset moriturus. III. Patres omnes, & Augustinus praesertim, argumentum desumebant ad probandum contra Pelagianos peccati originalis existentiam, ex morte, qua nunc homines moriuntur; hoc autem argumentum nihil probasset, si Adamus in statu innocentiae mortaliter fuisset.

Sexto homo in statu innocentiae corpus habuit nulli miseriæ obnoxium. I. probatur. Patres etiam utuntur argumento deducto ex miseriis corporeis ad probandum peccati originalis existentiam: ergo si non fuisset peccatum, homo nullis miseriis fuisset subjectus: ergo ante peccatum non fuit. II. Quia Deus sit summe justus, non facit, ut sit miser, qui non meretur; & præcipue homo in statu innocentiae, qui nullum peccatum patraverat. III. Homo in statu innocentiae summa pace, ac felicitate fruebatur, & ab eo longe aberat omne malum, & in eo aderat omne bonum, quod homini viatori conveniebat; sed sic non fuisset, si corpus habuisset miseriis obnoxium: ergo &c. IV. Ex Augustino lib. 1. Retract. c. 11. Agitudinem ita nulla corpora (intelligitur post resurrectionem) illa patientur, sicut nec iste pati possent ante mortem. Et lib. 9. de Genes. ad lit. Non dum erat labor, ut adjumenta indigeret. Et lib. 2. de Genes. cont. Manichæos c. 7. Quid mirum, si corpus potuit ab omnipotente artifice tale fieri, ut nulla molestia,

PAR. II.

nulla indigentia cruciatum hominem ante peccatum, & nulla corruptione subesceret. Opponunt I. contra omnia, & singula dicta. Serpens decepit Eym adhuc innocentem: ergo in statu innocentiae errare potuit. Antecedens ipsam probat, factendo Gen. 3. Serpens decepit: me, & comedì. II. Adam speravit cum Deo æquilitatem manducando pomum debitum: ergo erravit quoque. III. Fuit in hominibus innocentibus quod est per se indifferentis ad bonum, & malum; sed concupiscentia est propensio ad bonum sensibile, & est indifferentis ad bonum, & malum: ergo fuit in hominibus innocentibus. Probatur minor. Desiderium cibi, potus, somni, & delectatio ex perceptione alicujus objecti jucundi, sunt propensiones ad bonum sensibile, & sunt indifferentes ad bonum, & malum. IV. Si fuisset negatio concupiscentiae in primis hominibus innocentibus, fuisset propter gratiam sanctificantem; sed haec post peccatum est etiam in hominibus, & ramen habeat concupiscentiam: ergo fuit etiam in primis hominibus innocentibus concupiscentia. V. Augustinus lib. 1. de peccat. merit. c. 3. docuit, Adamum fuisse mortalem etiam ante peccatum. VI. Etiam corpus hominis innocentis erat compositum: ergo erat corruptibile; hoc est dissolvi poterat in ea, ex quibus componebatur: ergo erat mortale. VI. Corpus hominis innocentis consenuisset: ergo fuisset subjectum, & senectuti, quæ est morbus, & morti, & qua senectutis morbus est insanabilis. VII. Christus reparavit omne malum, quod nobis intulit Adam: ergo etiam debuit repellere a nobis mortem; non repulit: ergo mors non fuit malum per Adæ peccatum nobis illatum. VIII. Poterat Adam violenter occidi quacunque ex causa, quæ esset extrinsecus; vel scilicet per lapidem, qui cum obrueret, vel per aquas, in quibus mergeretur, vel ex quocunque alio inopinato casu, ac fortuito: ergo non fuisset immortalis. IX. Primi homines innocentes habuissent famen, sitim, desiderium somni, quietis &c.: ergo haec etiam incommoda passi fuissent. X. Homo in statu innocentiae equissem fructu arboris vitae, ut vires repararet: ergo fuisset in eo fractio viuum, quacunque ex causa haec ei provenisset. XI. Immortalitas homini innocentis vel fuisset naturalis, vel supernaturalis; non naturalis, quia est contra-

Ccc Con-

**Concilium Milevitanum can. 1.** Concilium Arauficanum II, can. 2., Augustinum, aliosque Patres: si supernaturalis, sic etiam potest esse homini peccatori: ergo non fuit hominis innocentis prærogativa. XII. Est sententia Theologorum apud Eustatum, quod homo in statu innocentiae potuisse peccare venialiter, & non amittere innocentiam; sed peccata illa debuissent a Deo puniri ærumnis vitæ hujus: ergo etiam in statu innocentiae fuissent homines vitæ hujus miseriis subjecti, ac ærumnis obnoxii.

Respondemus ad I. Evam non fuisse deceptram a Serpente in statu innocentiae, sed in statu peccati; peccaverat enim ante deceptionem, non quidem peccato operis, sed peccato cordis, hoc est internæ elationis. Testis est Augustinus lib. 2. de Gen. ad lit. c. 3. asserens, quod mulier verbo serpentis non crederet, nisi jam in esset mente ejus amor propriæ potestatis, & quædam de se superba præsumptio; ut Juveninus refert.

Ad II. Dicimus, Adam non fuisse seductum; quia, ut docet Apostolus 1. ad Timoth. 2. Adam non est seductus, mulier autem seducta est. Exemplum affertur Salomonis, qui coluit Idola sine errore intellectus, at propter amorem mulierum; sic Adam comedit de pomo verito, ne contristaret Evam, non quod crederet vel ei, vel serpenti. Testatur etiam Augustinus lib. 14. de civ. Dei c. 2.

Ad III. Concupiscentiam, ad quæcumque objecta feratur, etiamsi objecta sensibilia per se, & ratione speciei sint indifferenter, semper esse malam; & hoc propter plures rationes: tum quia prævenit rationem; tum quia inclinat rationem ad objecta per fruitionem, & non per usum; tum etiam, quia moveat ad finem voluptatem, quæ rationem non decerit.

Ad IV. negationem concupiscentiae provenisse in primis parentibus ex justitia originali, quæ operabatur in ipsis subjectionem mentis ad Deum, & carnis ad spiritum. Justitia autem non est idem cum gratia sanctificante; & hoc vel ex eo patet, quia omnes Theologi faciuntur, primos homines fuisse a Deo creatos cum justitia originali, non convenienter autem de gratia habituali, & sanctificante; ut in præterita Dissertatione dictum est. Et nomine justitiae originalis venit restitudo, & ordo alicujus totius, & omnium ejus potentiarum, tam inter se, quam respectu suorum actuum; ut docet

Estius. Igitur subjectio illa proveniebat a justitia originali, quæ non est in homine post lapsum, non vero a gratia sanctificante, quæ potest esse in homine, quolibet post peccatum. Unde scribebat Augustinus lib. de nuptiis, & concupiscentia c. 6. Injustum erat, ut obtemperaret a servo suo, id est a corpore suo, ei, qui non obtemperaverat Domino suo.

Ad V. corpus hominis innocentis non habebat immortalitatem ex natura sua, hoc est ex propria sua compositione, sed ex speciali gratia Dei, qui conservabat illud in debita temperie, ut non corrumperetur. Igitur immortalitas erat ipsi extrinseca, non autem intrinseca; quia quod genitum est, corruptibile etiam est; quod est compositum, est resolvibile in ea, ex quibus est compositum.

Ad VI. In remedium senectutis Deus dedit Adamo cibum arboris vitæ, qui quidem cibus distinctus erat ab illo, quod ad sustentationem uebat. Potuisse quidem senescere ex propria natura, ut dictum est de morte; sed ex speciali Dei gratia non senescerat. Fructus enim arboris vitæ conservabat vires illius in juventutis temperie, ac integritate. Audiatur pariter Augustinus lib. 4. contra Julianum c. 14. Habebat ex hoc vita sustentaculum congruum, licet modo quodam immortali, tamen animali corpori necessarium, ne indigentia laderetur; de ligno autem vita, ne senectus perduceretur ad mortem.

Et lib. 1. de peccat. merit. Habebat, quantum existimo, & de lignorum fructibus reflectionem contra defecctionem, & de ligno vita stabilitatem contra vertutatem.

Ad VII. Christus reparavit mortem per resurrectionem, quam habebimus ex Christi meritis; quia per resurrectionem consequemur vitam, quæ amplius non erit obnoxia morti. Ad argumentum hoc, quod erat Peligianorum, respondebat sic Augustinus lib. 1. de peccat. merit. c. 30. Cur non potius hoc attendunt, quod Apostolus sine ambiguitate locutus est: Quia per hominem mors, & per hominem resurrectio mortuorum? Sicut enim in Adam omnes moriuntur, ita & in Christo omnes vivificabuntur: neque enim aliunde, quam de corporis resurrectione dicebat.... Quomodo ergo plus nocuit ille peccando, quam iste profuis redimendo, cum per illum peccatum temporaliter moriamur, per istius autem redemptionem non ad temporalem vitam, sed ad perpetuam resurgamus? Et c. 31. Poterat autem Deus etiam hoc donare.

cre-

credentibus; ut nec istius experientur corporis mortem: sed si hoc fecisset, carni quedam felicitas adderetur, minueretur autem fidei fortitudo.... Quid enim magnum erat videndo non mori eos, qui crederent, credere se non moriturum?

Ad VIII. Deus ex speciali, quam habebat, providentia pro humani corporis innocentis conservatione, omnia illa fortuita accidentia, quibus poterat illi mors inferri, impedivisset; unde homo innocens nec a lapidibus, nec a lignis, nec ab aquis, nec ab aliis rebus, mortem sustinuerat.

Ad IX. Cibus & potus non fuerunt dati hominibus innocentibus, ut se liberarent a fame, & siti; sed ut illis uterentur tamquam remedio, quod habebant, ut mala illa vitarent. Unde Augustinus lib. 3. de civ. Dei c. 20. Atebantur ergo aliis, quae sumebant, ne animalia corpora molestiae aliquid esuriendo, ac sitiendo sentirent. Inordinata autem fuisset voluntas ipsorum, si cibo, & potu uti noluissent; quod non est dicendum de homine recto, & sine vitio creato. Subdit Estius, quod per famem, & siti in hominibus innocentibus non debeat intelligi apperitus cibi, & potus ad restaurandum vires deperditas; sic enim in illis non fuerunt: nec apperitus immoderatus, & inordinatus, qui nec pariter fuit; sed generaliter naturalis apperitus edendi, & bibendi; & ita fuisset quidem in illis, sed cum summa tranquillitate, & absque molestia, non ad restaurandum defectum naturæ, sed ad occurrandum illi, ut dictum est. Quod autem dicunt Basilius hom. 2. de jejunio, & Ambrosius lib. de Elia, & jejunio, primos parentes in paradiſo jejunasse, intelligendum est, quod adhuc nullam habebant indigentiam, vel desiderium, ad sumendum cibum; vel dici etiam potest, quod jejunaverunt, hoc est se abstinerunt a cibo vetito per id temporis, quod eos serpens non fuerat alloquitus. Cæterum Augustinus lib. 1. cont. Adversarium Legis, & Prophetarum c. 15. putat, homines primos innocentibus comedisse de ligno vitæ, antequam peccarent.

Ad somnum modo dicimus, contra Alexandrum de Ales, qui 2. p.q. 89. memb.

3. putavit, hominem in primo statu somno non indiguisse, nec aliquando dormivisse, somnum in statu illo fuisse,

& necessarium fuisse; quæ est sententia S. Thomæ, & aliorum apud Estium citatum. Et ideo fuisse, ut præveniret cor-

poris defectum, ne eveniret; præveniret scilicet omnem languorem, & sensuum fatigationem. Subdit S. Thomas, ipsum dormire per se non removere hominem a naturali dispositione, sed potius ad bonum naturæ ordinari; unde sensuum oppressio a somno dici non debat poena, sed quedam sensuum vacatio naturalis. Nec repugnare somno continuam, & nunquam intermissam mentis contemplationem, quum tantum sit in illo quies animalium virtutum, ut dicit Estius. Verum & Gen. 2. 21. dicitur de Adamo: *Cunque adormisset;* & Cant. 5. 2. habetur: *Ego dormio, & cor meum vigilat.* Ad X. Fructus arboris vitæ non erat, ut repararet fractas, vel deperditas vires, sed ut impeditur, ne perderentur, vel frangerentur; ut dictum est saepius. Unde subdit ex Augustino lib. 1. de peccatorum meritis c. 3., lib. 8. de Gen. ad lit. c. Estius, „lignum vitæ daturum, „fuisse stabilitatem, contra verustatem: „Non enim unica ejus Iudicatione stabilem, idest perpetuam sanitatem homo, consecuturus erat, sed ad vigorem plenæ ætatis conservandum subinde ac saepius ei opus fuisset eſu ligni vitæ. „

Ad XI. Immortalitas homini innocentis secundum aliquam rationem erat naturalis, secundum aliam erat supra naturam; quemadmodum mors homini lapso in uno respectu est naturalis, in alio est contra naturam. Si enim pro naturale intelligitur quod inest a prima institutione naturæ, ut intelligit Cyrus lib. 3. cont. Julianum, immortalitas erat naturalis primo homini, & mors tam integro, quam lapso, contra naturam; & hoc patet, quia, ut ait Estius, homo initio institutus est immortalis, hoc est liber a moriendi necessitate. Si vero pro naturale accipitur, quod non habetur ex vi naturæ, sed ex vi gratiæ, immortalitas erat supernaturalis homini innocentis, & mors est naturalis cuiuscumque homini, praesertim lapso: Immortalitas erat in homine innocentie, & ratione optimæ corporis humani temperiei, tanquam ex causa interna; & ratione fructus ligni vitæ, tanquam ex causa externa; & ratione justitiae originalis, a qua dependebat illa corporis constitutio, & per consequens etiam immortalitas. Illa autem iustitia erat supernaturalis, & non potest in homine lapso habere locum; unde non mirum, si in homine lapso quum non sit illa corporis constitutio, illa ar-

PAR. II.

bōris vitæ commētio, illa originalis iūsticæ participatio, non sit immortalitas. Ad XII. dicimus, quod omnes Theologi excludunt ab homine in statu innocentiae peccatum veniale, quod vel ex passione, vel ex subreptione, committitur. Ratio est, quia in illo statu sensus erat perfecte subjectus rationi, unde nec poterat ejus imperium pervertire, nec illi resistere. Et ipsamē ratio ita erat ordinata, ut non poterat exire in actum, qui fuisset plene deliberatus. Ex illo nascitur, quod non poterat committere peccatum veniale ex malitia; ex hoc autem, quod non poterat illud facere ex subreptione. Est autem peccatum veniale, quod est tale ob imperfectionem actus, vel ob levitatem materiæ, quanvis plena delibera-  
tionē committatur; uti est risus immoderatus, verbum ociosum, mendacium jocosum, vel officiosum &c. Hoc peccatum affirmanc aliqui Theologi potuisse ab homine innocentē committi; & sunt S. Cötus, Altisiodorensis, Maioritis, aliqui pauci. At pro negativa sunt S. Thomas, Alesfis, S. Bonaventura, Albertus, Egydius, Durandus, Richardus, & alii communiter, ut dicit S. Bonaventura. Nobis placet hæc ultima, ac com-  
munior sententia; ac proinde argumen-  
tum nihil continet contra nos. Videatur  
Estius in II. dist. 21. §. 7.

Antequam deveniamus ad stabiliendum quod proposuimus in Dissertationis titulo; scilicet, an Adamus, & Eva, si non peccassent, generassent cum libidine; scire prius oportet, ante peccatum fuisse nuptias inter Adamum, & Evam. Hoc ex Scriptura clare patet Gen. 2. 24. verbis illis: *Quomobrem relinquet homo patrem suum & matrem, & abiurabit uxori sua; & erunt duo in carne una.* Hæc autem, quæ aperte indicant connubium inter primos parentes, immo per illa prima matrimonii institutio dicitur facta, ante illorum peccatum dicta fuerunt. Post hæc S. Augustinus lib. 14. de civ. Dei c. 22. tribus rationibus probat, & fuisse nup-  
tias in primo statu, & fuisse inter con-  
juges copulam carnalem, etiam si non peccassent. Primo, quia viro fuit datum adjutorium, non vir, sed foemina, & non ob aliud finem, quam ad prolis genera-  
tionem. Secundo, quia Deus primam il-  
lam institutionem nupiarum sua benedi-  
ctione confirmavit; unde dixit eis Gen.  
1. 28. *Crescite, & multiplicamini.* Ter-  
tio, quia non solum fuerunt nuptiae in

paradiso, sed futurus etiam fuisset coitus, nisi præcessisset peccatum; quod Augu-  
stinus docet.

Dicimus, Adamum, & Evans, si non pec-  
cassent, non generassent cum libidine.

I. Probatur. In statu innocentiae non erat in primis hominibus libido, nec futura fuisset, si in innocentiae statu perseveras-  
sent; sed si non peccassent, generassent etiam in innocentiae statu perseverantes: ergo sine libidine generassent. Major constat ex dictis in præcedenti Disserta-  
tione; & continet propositionem, quæ pertinet ad fidem, & quam Augustinus inviste contra Pelagianos propugnavit. Verum ulterius a nobis probatur, quum ab hac tota assertio nostra dependeat; mi-  
nor enim argumenti propositi non nega-  
tur, & consequentia sequitur,

II. Probatur. In illis est libido, quos pudet ad ejus morum; sed ante peccatum non puduit primos parentes: ergo ante peccatum non fuit in illis libido. Probatur minor. Tunc illos puduit, quando co-  
gnoverunt, se esse nudos; sed post peccatum cognoverunt, se esse nudos, & eos puduit nuditatis: ergo post peccatum puduit: ergo non ante peccatum. Augu-  
stinus lib. 5. operis imperfecti c. 16. sic introducit Deum prævaricantes homines alloquenter: *Nontibi nuptiæ esset nuditas tua, nisi esset prævaricata lex mea.* Et post hæc: *Quid est autem nuditas nun-  
tiata cui procul dubio ignota non erat, nisi  
eo motu stimulante, & usitato aspectu se-  
surgeret ad verti, pudoremque incuteret, quo-  
niam peccato factum erat, & hominis pars  
inferior contra superiorum, hoc est caro con-  
tra spiritum concupisceret?* Sed tu, sic mo-  
do Julianus dicit, *contra omnia claudis oculos,* & ita afferis fuisse institutum hominem, ut etiam si non peccasset, puderes cum nu-  
ditatis tua.

III. Probatur. Libido per se ipsam est ma-  
lum, & quidem magnum; sed homo in  
statu innocentiae fuit sine malo: ergo ge-  
nuisset sine libidine. Probatur major. Libido fertur ad illicita, & sine discrimine fertur; & si quis ei consensum præ-  
beret, peccatum facit; proinde in nullo casu licet ei consentire, nec etiam in  
materia quantumvis levi, nec quoque in  
ipso actu conjugii: ergo per se ipsam  
est malum, & quidem magnum. Minor  
constat; Deus enim, ut dictum est, fecit  
hominem rectum, sine vitio, & sine  
culpa.

IV. Probatur. Culpa præcedit poenam: er-

go libido non fuit in hominibus innocentibus. Antecedens est certum. Consequentia probatur. Libido fuit poena peccati: ergo si culpa praecedit poenam, non fuit in hominibus ante peccatum. Probatur antecedens. Si libido, etiam quae sentitur in actu conjugii, non esset poena peccati, membrum, in quo residet libido, deberet esse obediens voluntari aequa ac pes, manus, oculus &c.; at ita non est, ut infeliciter experimur: ergo &c. Argumentum assertur a Juçino, & desumitur ex Augustino lib. 14. de civ. Dci c. 23. & 24.

V. Probatur. Libido, quae modo comitatur generationem, est id, in multorum sententiis, per quod contrahitur peccatum originale; vel saltem comitatur necessario contractionem originalis peccati: ergo non fuit in parentibus innocentibus. Probatur Consequentia. Si fuisset in illis, in illis quoque fuisset aliquid vel necessario consequens ad peccatum originale, vel aliquid constitutus contractionem ejusdem peccati: ergo fuisset in illis idem peccatum; sed hoc non fuit: ergo &c.

VI. Probatur. Si primi homines generaliter cum libidine in primo statu, in eodem statu jam fuisset in illis libido: ergo fuisset illis naturalis; si fuisset naturalis, ergo fuisset illis ab auctore naturae indita: ergo portuissent illa licite uti: ergo nunc etiam possumus illi licite consentire, nec debemus illi obsistere; quae non sunt dicenda. Quod totum sic probatur; quando enim libidini, seu concupiscentiae, quae libidinis nomine venit, resistimus, aut resistimus bono, aut malo: Si bono: ergo peccamus; si malo: ergo malum ipsum Deum habet auctorem: ergo quando motibus concupiscentiae resistimus, Deo resistimus. Ita prorsus argumentatur Augustinus lib. 4. cont. Julianum c. 14. de concupiscentia loquens: *Quoniam nemo potest bonam dicere, nisi cuius adversarius eam non amat concupiscere spiritus. Quod si talis non est in moxa ardore genitalium, non adversus eam concupiscat spiritus, ne adversus donum Dei concupiscentio inteniatur ingratus; sed quidquid appetiverit, detur tanquam illi, que ex Patre est. Si autem non est quod detur, hoc potius petatur a Patre, non ut auferat, vel comprimit, sed ut explete concupiscentiam, quam donavit.*

Oblitare I. In brutis libido est naturalis, & non aliud, quam Deum habet auctorem;

ergo etiam in hominibus. II. Copula conjugalis non est malum: ergo concupiscentia carnis non est malum. Probatur consequentia. Copula conjugalis non potest esse sine concupiscentia carnali: ergo si concupiscentia carnalis est malum, etiam copula conjugalis est malum; sed copula conjugalis non est malum: ergo nec malum est concupiscentia carnalis. III. Non est aliud libido, seu concupiscentia, quam homo lapsus experitur in copula carnali, quam membrorum motus, quae sunt ad generationem data, seminatio facta in mulieris utero, & voluptas ex illo motu, & ex illa seminatione percepta; sed hæc omnia fuissent in hominibus innocentibus in usu conjugii, & in generatione prolixi: ergo &c. IV. Quan-  
tus excessus sit malus, non per hoc tamen est mala libido, per quam quis moveretur ad conjugii voluptatem; & excessus est malus, vel quia fertur ad voluptatem etiam extra conjugium, vel quia nullus prefigitur terminus voluptati: ergo remoto hoc excessu, libido non est mala; sed in primis parentibus fuisset in primo statu sine hoc excessu: ergo &c.

Respondemus ad I. assignando disparitatem inter bruta, & homines, quia bruta non habent rationem, cui sensus subiicitur; non habent mentem, cui dissonet libido; non habent superiorē portionem, cui inferior sit subdita. Perfruuntur igitur sensibili bono sine reputantia rationis, qua carent; quia non possunt veritatem, & virtutes mente considerare, illarumque honestate frui. Augustinus ait lib. 4. cont. Julianum c. 14. *Ideo in peccatis malum non est concupiscentia, quia non adversus spiritum concupisicit, sed eorum potius oblectat spiritum.*

Ad II. Nemis probat argumentum; nullum enim est malum sine aliquo bono: ergo malum est bonum? Nequaquam. Sic etiam, quanvis copula carnalis esse non possit sine aliquo malo, non est inferendum: ergo copula carnalis est mala. En Augustini verba lib. 3. cont. Julianum c. 23. *Concupitus equidem sine malo concupiscentiae esse non potest, sed non ideo malum est ipse concubitus: sicut e contrario, nullum malum sine aliquo bono esse potest, nec ideo bonum est: opus enim Dei bonum est in natura, sive quo tamen non potest esse voluntas mala; ac per hoc sicut adulterium non potest esse sine bona natura, nec ideo bonum est; ita connubium non potest esse sine malo concupiscentiae, nec ideo malum est;* *imo*

*S*imo potius bonum, quod bene malo utitur. Subdit idem Augustinus, concubitum in homine lapsi esse sicut virum, qui pede infirmo utitur ad aliquod bonum efficiendum; sic enim ait lib. r. de nuptiis, & concupiscentia c. 7. Proinde nuptiae quia etiam de illo malo aliquid boni faciunt, gloriantur; quia vero sine illo fieri non potest, erubescunt; tanquam si quispiam pede vietato ad aliquod bonum etiam claudicando perveniat, nec propter claudicantis malum mala est illa perventio, nec propter illius perventionis bonum bona est claudicatio: ita nec propter libidinis malum nuptias condamnare, nec propter nuptiarum bonum libides laudare debemus.

Ad III. negatur major; & ratio est, quia concupiscentia, sine qua modo non fit copula carnalis, dicit etiam motum ad voluptatem, qui quidem motus præveniat usum rationis, qui non cedat rationis imperio, qui inclinet rationem, ut consentiat voluptati, qui mentem impellat, ut ea voluptate fruatur; ut ait Julianus. Hic autem motus est magnum malum, quia adversatur rationi, quæ nunquam operatur propter voluptatem, sed propter honestatem. Unde Augustinus lib. 4. contr. Julianum c. 27. *A*llii sunt carnis sensus, quibus caro præsentia corporaliter spiritui quodammodo renuntiat, & alii sunt carnalis concupiscentiae motus, quibus caro aduersus spiritum concupiscens, in queque illicita, atque inhonesta præcipitat, nisi aduersus eam etiam ipsi spiritus concupiscat. Quæ discordia carnis, & spiritus non creatori carnis, aut sensus, sed mala suæ fori, & homini prævaricatori, tribuitur ab eis, quorum fide sanæ error insanis Pelagi anorum, & Manichaorum damnatur.

Ad IV. negatur pariter major; & ratio est, quia concupiscentia per se moveret ad voluptatem percipiendam ex quoconque concubitu sive conjugali, sive non conjugali; quando autem restringitur ad illam, quæ habetur ex conjugali, ex imperio rationis est, & per accidens est; unde semper stat, quod per se sit malum, & magnum malum. Ulterius, quia si restringitur, & refrænatur per rationem; ergo ex se mala est; indiget etenim freno non quod bonum est, sed quod malum. Libido autem etiam in actu conjugali eget freno: ergo etiam in actu conjugali est malum. Sic Augustinus lib. 5. contr. Julianum c. 6. Pelagium alloquitur: *Quid enim te adjurat, quod reprehendere videris ejus excessum, quia approbas*

*motum? Tunc enim excedit licitum limitem, quando ejus motibus ceditur. Mala est tamen & quando non ceditur, quia mala resistitur, ne bonum castitatis intereat.*

Denique pro ultima Dissertationis parte, in qua queritur, quis fuisset in statu innocentiae generationis filiorum modus; multi multa diversione opinati sunt, quæ hic afferre operæ pretium ducimus, ut deinde tuiori doctrinæ adhæreamus. Primo putarunt aliqui in illo statu nullam sexuum commissionem futuram fuisse; quia commissio sexuum nequit esse sine corruptione carnis, nec carere potest pudenda libidine, etiam si fiat solius generationis causa. Citantur pro hac opinione Auctor libri de Opificio hominis, qui tribuitur Gregorio Nysseno, c. 17., & 18., Damascenus lib. 2. de fid. orthod. c. 30. & lib. 4. c. 25. Procopius in Genes. ad cap. 4., Euthymius in psal. 50., Chrysostomus hom. 18. & 20. sup. Genes., & lib. de Virginitate c. 16. & 17. Augustinus quoque lib. 1. de Gen. cont. Manich. c. 19., & lib. de vera religione c. 46. & lib. 1. de ser. Dom. in monte c. 15. & lib. de bono conjugali c. 2. Hieronymus in disput. contr. Jovinianum; ex modernioribus autem Judocus Clitho-væus in Comment. in Damascenum, & in adnotat. ad lib. Richardi Victorini de Trinit. prop. 18. Secundo alii dixerunt, in statu innocentiae nullos alios homines fuisset procreandos; quod facetus Augustinus lib. 14. de civ. Dei c. 21. se aliquando sensisse; alii, in illo statu fuisset procreandos homines modo illo, quo factus est primus homo; quod posuisse videtur Damascenus; alii, multiplicandos fuisset homines in illo statu eo modo, quo multiplicati sunt Angeli, per operationem scilicet divinæ virtutis; quod voluit Nyssenus, vel quisquis aliis citati operis sit auctor; alii deum, nascituros fuisset homines modo nobis incognito, cognito autem soli sapientiae divinæ; quod tenuit Chrysostomus. At relatis opinionibus istis, seu portius commentis, ut ait Estius, communiores, & probabiliorem sententiam amplectimur, &

Dicimus, eundem fuisset modum generationis filiorum in statu innocentiae, ac modo, est.

I. Probatur. Deus creavit primos homines secu differentes; masculum enim, & feminas creasse eos, testatur Scriptura: ergo intendit in eis conjunctionem membrorum ad propagandam problem; aliter ad quid

quid non creasset illos ex uno tantum sexu? Quod confirmatur ex eadem Scriptura, quæ dicit: *Benedixitque illi Deus, & ait: Crescite, & multiplicamini; sed hæc verba ante peccatum fuerunt illis dicta; & postmodum eadem post peccatum fuerunt a Deo ipso Noë, & filii ejus replicata: ergo eodem modo ante peccatum, ac post peccatum, fuisse filiorum generatio.*

II. Probatur. Adam dixit Gen. 2. 24. *Erunt duo in carne una;* quæ quidem fuit vox prophetica; idem Christus Dominus confirmavit Matth. 19. dicens: *Masculum, & feminam creavit eos;* & erunt duo in carne una; Apostolus idem reperere non dubitavit I. ad Cor. 6. *Erunt duo in carne una:* Sed Adam illa dixit ante peccatum; Christus illa confirmavit post peccatum; Paulus post peccatum etiam eadem replicavit: ergo idem fuisse in utroque statu generationis modus.

III. Probatur ex Augustino, qui priorem sententiam retractavit, & nostram docuit pluribus in locis; nempe lib. 14. de civ. Dei c. 21. 22. 23. 24. 25. 26. & 27., lib. 9. de Gen. ad lit. c. 3. 4. 7. & 10., lib. de peccato originis c. 35. & 36., lib. de nuptiis, & concupiscentia c. 31. & seqq. usque ad libri finem; lib. 3. contr. Julianum c. 7., & lib. 4. c. 4., & lib. 6. c. 9., lib. 1. Retractat. c. 10. 13. & 19., & lib. 21. c. 22. S. Augustinum sequentes fuisse Richardum Victorinum, Magistrum sententiarum, ac concorditer Scholasticos omnes Doctores, testatur Estius.

IV. Probatur. Juxta omnes Philosophos omne animal generat sibi simile; sed homo in genere animalium est primus, ac perfectior: ergo ex sui natura generat etiam simile animal; quod si ex sui natura hoc habet: ergo eo modo perficere debet, quem exigit naturalis dispositio membrorum. Sed in statu innocentiae homo erat factus in animam viventem, habebat corpus animale ex Apostolo, quia habebat corpus indigens vitalibus actionibus ad conservationem sui, & speciei suæ: ergo debebat generationem facere, sicut cætera animalia faciunt, & eo modo facere, sicut faciunt illa, ad speciei conservationem; quemadmodum ad conservationem sui individui nutritiōnem facit, sicut cætera animalia faciunt.

Arguunt I. Luc. 20. habetur: *Filius hujus seculi nubique, & traduntur ad nuptias;* sed

filii hujus seculi sunt homines lapsi: ergo homines innocentes non contraxissent nuptias. II. Ideo Deus creavit primos homines masculum, & feminam, quia præsiebat hominem peccaturum; quod si non fuisse peccaturus, eos sic non creasset; & hæc est Damasceni conjectura, quæ tribuitur etiam Nysseno. III. Si in statu innocentiae idem fuisse usus connubii ac modo est, non potuisset vitari pudenda libido; hæc autem est maxime inconveniens statui illi: ergo &c. IV. Non fuisse in mulieribus in statu innocentiae integritas virginalis, si idem fuisse modus generationis filiorum modo, & tunc; sed hoc imporrat dolorem simul, ac defectum, incompatibilis cum statu illo: ergo &c. V. Admissa nostra sententia sequeretur, in statu illo fuisse laudabilius conjugium continentia; sed hoc dici non potest: ergo &c. VI. Filii, qui nasci debebant ex Adamo, & Eva, si innocentes permanissent, debebant esse justi, & in justitia confirmati; sed ut essent justi opus erat, ut nascerentur quemadmodum natus, seu factus est Adam: ergo non poterant eo modo generari, quo ad præsens filii generantur.

Respondemus ad I. Dominum dicere filios hujus seculi illos, qui animaliem vitam agunt, qualem etiam egit Adam in paradiiso; hoc est oppositam viæ, quam agente filii resurrectionis, qui per Apostolum I. ad Cor. 15. erunt in spiritu vivificantem. Et illsi quidem non convenient nec nubere, nec edere, nec hibere, quæ aliis convenient, dummodo in hoc seculo vivant.

Ad II. dicitur, quod si rexus diversitas provenit ex peccato præviso, potest optime inferri, quod post resurrectionem in Beatis non est futura, quia per resurrectione omnes peccatorum effectus sunt penitus abolendi; ut dicit Estius. Hoc autem est fidei contrarium, ut testatur Hieronymus in epistola, quæ est contra errores Joannis Hierosolymitani.

Ad III. negatur sequela majoris; & ratio est ex præcedentis conclusionis probatione in hac eadem Dissertatione manifesta; in ea enim ostendimus, in hominibus innocentibus fuisse generationem sine libido pudenda, seu sine concupiscentia. Unde afferit Estius: „Non enim, quia sine turpi libidine, & inordinato membrorum motu non sit ad generandum, conjunctio corporum, idcirco incredibile videri debet, sine hujusmodi malo futuram

„ turam eam esse in statu integritatis . „  
 Quod probat exemplo mortis , quæ subsequuta est post peccatum , dicens : „ Si „ cur ergo per peccatum mors in naturam „ subintravit humanam , ita & conjugium , „ sua institutione sanctum , erubescenda „ quedam turpitudo , ex peccato suborta , „ affecit , ac dehonestavit , Scriptura atte „ stante , dum ait : Et aperti sunt oculi am „ borum , & cognoverunt se esse nudos . „  
 Ad IV.S.Thomas,S.Bonaventura, Altisiodo rensis, aliquique plures dicunt, quod nullum sit absurdum, si dicatur, in illo statu per actum conjugalem furorum fuisse ut integritas feminae corporis violaretur, & quatenus significat integratem corporis , amitteretur. Attamen Augustinus lib. 14. de civ.Dei c.26. docet ; „ in illo „ statu, ut verbis Estii utamur, sic futurum „ fuisse concubitum , ut nulla corruptione „ integratis infunderetur mariti semen „ gremio uxoris . Ita nanque tunc potuisse „ utero conjugis , salva integritate feminae „ genitalis , virile semen immitti , sicut „ nunc potest , eadem integritate salva, ex „ utero virginis fluxus menstrui cruris „ emitte , eadem quippe via posse illud in „ jici, qua hoc potest ejici . Ad pariendum „ vero , inquit , non doloris gemitus , sed „ maturitatis impulsus feminine viscera re „ laxaret . „ Quæ quidem omnia sine mi „ raculo fuissent facta , quatenus viscerum muliebrium apertio , & relaxatio natura „ lis fuisset , & sine dolore, sicuti modo est naturalis oris apertio, vel alterius mem „ bri , quod potest naturaliter contrahi , & laxari . Et hoc in corpore muliebri non fuit amplius post peccatum , in poenam quidem peccati; & hinc est , quod modo non potest mulier a viro cognosci sine „ virginalis claustris effractione, & sine vio „ lenta viscerum divisione , quæ gravis-

simus affert dolorem . Docet etiam S. Augustinus lib.de peccato origenis c.35., & S.Thomas , rejecta priori sententia, hanc etiam amplexus est . Sequutus est etiam eandem sententiam Magister sententiarum , Haimo , aliisque Doctores Scholastici passim .

Ad V. dicitur , quod vere in eo statu fuisse laudabilius virginitate conjugium , quatenus in conjugii actu nulla fuisse turpitudo , nihil inordinatum , & permanenseret integritas carnis . Insuper nulla fuisse in ipso conjugio molestia , quæ præsertim ab Apostolo vocatur. tribulatio carnis ; & in eo quoque fuisse fecunditatis bonum , & quidem perpetuum , & conjugum fides intemerata , & amor castissimus ; quod docet S. Thomas in I. q. 98. ar. 2. ad 3. Unde in illo statu nulli fuissent, qui prædictam continentiam cohererent, quia ibi non fuisse virtus, sed vice;

ut afferit Durandus .  
 Ad VI. dicitur , quod filii erant nascituri , quales nunc nascuntur , exceptis ramentis peccato , & miseria , quæ consequuntur peccatum primorum parentum . Ut enim ait Estius , natura sequenda est , ubi divina non adest auctoritas . Unde nascituri erant filii & rationis usu prædicti , & justitiae dono ornati . Ad hoc autem non est necesse , ut facti fuissent eo modo , quo factus est primus homo ; quia in tantum factus est primus homo modo illo , quia non erat alius homo , ex quo nasceretur . At in casu nostro erant vir , & mulier , ex quibus nasci poterant , & insuper erant innocentes , & sine peccato; unde ex ipsis poterant etiam nasci sine peccato , & sine miseria ; ac illis dotibus ornati , quibus fuerant a Deo primi parentes in statu innocentiae prædicti .



DIS.

# DISSESTITO CLX.

*De peccato primorum parentum ; quænam fuerint  
caussæ ipsius ? quæ species ? quæ gra-  
vitas ? quæ pœna ?*



ERTUM est , Deum peccati primorum parentum causam non fuisse ; nam et si Deus fuerit auctor naturæ , quæ peccavit, nullam tamen eidem peccandi necessitatem imposuit ; quia dedit ei liberum arbitrium , per quod potuisset peccare , & non peccare . Dedit ei insuper gratiam , hoc est auxilium , quo potuissent perseverare in justitia , quam acceperant , si voluissent . Igitur Deus causa adamici peccati dici non debet ; nec quia Adæ naturam condidit , quum fecerit illam liberam ; nec quia auxilium ei denegavit , per quod in bono potuisset permanere , quum eidem cumulate donaverit . Remanet , an possit dici per hoc , quod creavit naturam , quam peccaturam prævidebat ; prævisio enim illa nullum habebat influxum in voluntatem primorum hominum ; unde nullam poterat eis peccandi necessitatem imponere . Non reddit autem Deus per suam gratiam hominem impeccabilem , quanvis potuisset , tum quia conveniens fuit , ut homo tanquam meritorum suorum præmium impeccabilitatem consequeretur ; tum etiam , quia maxime decebat , ut prius esset hominis institutio , & deinde plenissima ipsius beatitudo ; in qua impeccabilitas continetur . Neque etiam poterat facere hominem impeccabilem per naturam ; quia quælibet creatura , ex hoc quod creatura est , defectibilis est , mutabilis est , adeoque peccabilis . Unde Augustinus lib. 3. cont. Maximum c. 12. *Cuicunque creatura rationali præstatur , ut peccare non possit ; non est hoc naturæ propria , sed Dei gratia . Cur autem Deus non fecerit hominem , qui re ipsa nolle peccare , quanvis posset , rationem præstat ipsemet Augustinus lib. de correp. & grat. c. 12. Ut ergo non acciperet hoc donum Dei , idest , in bono perseverantiam primus homo , sed perseverare , vel non perseverare in ejus relinqueretur arbitrio , tales vires habebat ejus voluntas , quæ sine ullo*

*PAR. II.*

fuerat instituta peccata , & nihil illi ex se ipsa concupiscentialiter resistebat , ut digna tantæ bonitati , & bene vivendi facilitati perseverandi committeretur arbitrium : Deo quidem præsciente , quid esset faetus injuste . . . . sed simul sciente , quid de illo ipse ficeret juste .

Dicimus modo duplicem caussam fuisse peccati primorum hominum , externam unam , & hæc fuit Diabolus ; internam alteram , & hæc fuit sola hominis voluntas ; occasionem vero fuisse , non caussam , lignum scientiæ boni , & mali .

I. Pars Conclusionis probatur . Diabolus ille fuit , qui primos parentes ad divinæ legis transgressionem induxit : ergo fuit causa peccati illorum ; non interna , ut patet : ergo externa . Probatur antecedens ex verbis Genes. 3. *Dixit autem serpens ad mulierem : nequaquam morte moriemini : scit enim Deus , quod in quocunque die comederitis ex eo , aperientur oculi vestri , & eritis sicut Dii , scientes bonum , & malum .* Nomine autem serpentis nec venit serpentis simulacrum , ut asseruit Cyrillus lib. 3. cont. Julianum ; nec metaphoricus serpens , hoc est Diabolus , ut dixit cum Origene Cardinalis Cajeranus in Comment. in Genes. ad initium cap. 3. , sed verus serpens ; quod propugnant Patres fere omnes , & Scripturæ verbis magis aptatur . Ope autem Dæmonis , non propria loquutus est verus serpens , sicut Angelus per asinam deinde loquutus est Balaam Prophetæ . Etenim Diabolus per serpentis organa ita acerem movit , ut vocis sonum expresserit . Eva vero , cui loquutus est serpens , illum non exhorruit , quia sciebat , sibi nocere non posse , quum in illo innocentia statu omnia animantia in ejus , & Adæ essent potestates . Mirata est quidem , quod præter usum communem brutum animal loqueretur ; sed curiositate pressa hoc discutere noluit , quemadmodum nec observare , an spiritus nequam , an bonus , sub eo lateret , cupiens videre promissionis eventum ; ut docet S. Thomas s. p. q. 94. ar. ult.

D d d II. Pars

II. Pars Conclusionis probatur, In quoquinque peccato tres assignantur caussæ, quæ dicuntur internæ, ignorantia nimirum, concupiscentia, & voluntas; in peccato primorum parentum non possunt assignari pro causa internis ignorantia, & concupiscentia; quum probatum jam sit, in statu innocentia non fuisse in hominie nec ignorantiam, nec concupiscentiam: ergo remanet, quod sola voluntas fuerit interna causa peccati primorum hominum.

III. Pars Conclusionis probatur. Non movit Eam nec pulcritudo, nec suavitas ligni illius, quia reducebantur ad perceptionem sensibilem; nulla autem perceptio rei sensibilis movere poterat in primo statu primos homines ad amorem sui; & hoc ex eo, quod in illis nullus motus ad amorem, ad odium, aut ad aliam passionem oriebatur ex alia causa, quam ex deliberatione propriæ eorum voluntatis. Igitur lignum scientiæ boni, & mali non fuit causa; fuit autem occasio; quia aperte ex Scripturæ verbis habetur, Diabolum ex ligno illo ad alienandum primos parentes, & illos ad peccatum inducendum, occasionem sumpsisse. Et quavis etiam ex verbis Scripturæ videatur erui, Eam allestant fuisse ex pulcritudine fructus ad comedendum ex illo; attamen ante judicium Eam de pulcritudine, & sapore fructus fuit complacentia in independentia, quam ei serpens promiserat. Unde bene scripsit Rupertus lib. 3. de Trinit. c. 9. *Non temere dictum est, vidit mulier; quasi non eam arborum ante vidisset. Et reverendum eo modo viderat; quia cum bac presumptione, qua nunc intuita est, nondum consideraverat.*

De peccati autem specie, quod Eva commisit, & Adam perpetravit, non una est Scriptorum opinio. Loquimur primum de peccato Eam. Primo putarunt Rupertus lib. 3. in Genes. c. 5., & Johannes Ferus sup. Gen. 3. Eam peccasse antiquam serpens cum ea loqueretur; & peccasse, quod corpore vaga, & oculis curiosa, occasionem dederit serpentis cum ipsa alloquendi. Secundo Hugo Victorinus, & Magister sententiarum voluerunt, primum Eam peccatum fuisse, quod dubitaverit de mortis comminatione, quæ præcepto fuit a Deo apposita. Tertio S. Ambrosius lib. de paradiſo c. 10. docet, primo Eam peccasse, quod addiderit præcepto aliud, quod Deus non

dixerat; scilicet: ne tangeremus. Quarto Chrysostomus hom. 16. in Genes. vult, quod peccaverit, quia cum serpente sermonem habuit, ab eo interrogata respondit, præceptum manifestavit, & non rejecit illum tentantem, ac contra Dei mandatum falsa suggerentem. Quinto Augustinus lib. 11. de Genes. ad literam c. 30. docet, primum Eam peccatum fuisse superbiam. En Augustini verba cit. loc. *Quando verbis serpentis crederet mulier, a bona, atque utili re divinitus se fuisse prohibitos, nisi jam inesse menti amor ille propriæ potestatis, & quædam de se superba præsumptio.* Quod etiam docet S. Thomas p. 2. q. 98. ar. 3. ad 2., & 2.2. q. 163. ar. 1.; & est communis Theologorum sententia. Sexto Sectarii nostrorum temporum dixerunt, fuisse infidelitatem; contra quos pugnat Augustinus citatis locis, Prosper lib. 2. de vit. contemplat., cap. 19. Gregorius magnus lib. 4. moral. c. 9.

Primum autem Adami peccatum quodnam fuerit, nec pariter eadem est Doctorum sententia. Conveniunt autem omnes, non unum fuisse illius; peccatum, sed multa, quæ revocantur ad octo; scilicet: superbiam, amorem uxoris inordinatum, curiositatem experiendi fructum, yetitum, dubitationem de intellectu præcepti divini, opinionem, quod transgressio ejus esset venialis, peccatum guiltyæ, peccatum inobedientiæ, & excusationem peccati, quod commiserat, & in hoc continetur etiam accusatio Dei. In primo autem assignando primo sunt qui volunt, fuisse infidelitatem, ut sunt aliqui nostrorum temporum hæretici, ut tueantur, sola infidelitate amitti Dei gratiam. Secundo S. Bonaventura, & Scotus, defendunt fuisse amorem inordinatum erga uxorem; non quidem amorem carnalis concupiscentiæ, quæ in illo statu non erat in ipso, sed amorem socialis vitæ, & humanæ amicitiæ. Tertio alii dixerunt, fuisse inobedientiam. Quarto communior opinio afferit, fuisse superbiam; quam tradunt Augustinus lib. 8. de Gen. ad lit. c. 13. & 14., lib. 11. c. 5. 30. & 42., lib. 14. de civ. Dei c. 13. & 15., in Enchiridio c. 45. Chrysostomus hom. 16. in Genes., & hom. 2. ad popul. antioch., & lib. 1. de providentia, Basilius hom. quod Deus non est auctor malorum, Ambrosius in Luc. 4., Leo magnus ser. 5. de nativit. Domini, Prosper lib. 2. de vit. contemplat. c. 19., Fulgentius lib. 2.

lib. 2. de incarnat. & grat. Christi c. 22., Eucherius lib. 1. in Genes., Gregorius magnus lib. 4. moral. c. 9. lib. 3. c. 17., & lib. 34. c. 17., Damascenus lib. 2. de fid, orth. c. 10., Bernardus ser. 1. de adven-  
tu, Rupertus lib. 3. in Gen. & lib. 10. in Matth. 26., Magister sententiarum II, Sent. dis. 22. S. Thomas 2.2. q. 163. art. 1. Cajetanus, aliquis Scholastici communiter contra Scotum.

Dicimus, primum primorum hominum peccatum fuisse superbiam.

I. Probatur a S. Thoma. In actibus malis priores sunt interni, quam externi; quod nemo negabit. Inter actus internos priores sunt, qui a Deo avertunt, quam qui ad bonum sensibile convertunt, quia nequit esse in animo inordinata cupiditas boni sensibilis, nisi prius sit animus a Deo aversus; si enim animus fuisset Deo subjectus, fuisset quoque subjecta inferior portio superiori; adeoque non fuisset cupiditas inordinata. Ulterius, in actibus internis circa objecta spiritualia prior est ille, qui tendit ad finem, illis, qui tendunt ad media; media enim propter finem appetuntur. Sed finis hominis est excellentia propria, quae est proprium objectum superbie: ergo superbia fuit primum primorum parentum peccatum.

II. Probatur. Illud fuit primum peccatum in primis hominibus, ad quod fuerunt illi a Dæmonе primo tentati; sed ad peccatum superbie fuerunt primo tentati: ergo peccatum superbie fuit primum illorum peccatum. Probatur minor. Peccatum, ad quod fuerunt primo tentati fuit illud, quod continebatur in verbis, quibus primo illos tentavit; hoc fuit peccatum superbie: ergo ad peccatum superbie fuerunt primo tentati. Probatur minor ex verbis Gen. 3. 5. *Eritis sicut Dii &c.*

III. Probatur. Credibile est, quod Diabolus in illud peccatum voluerit primo trahere hominem, & per illud humanæ naturæ perditionem inducere, per quod perditi sunt ipse, & socii ejus; sed hoc fuit peccatum superbie, ut suo loco probatum est: ergo &c. Hanc rationem adhibent Basilius in homil. quod Deus non sit auctor malorum, & Gregorius magnus lib. 34. moralium c. 17.

IV. Probatur. Per illud peccatum perditus est primo homo, quod est directe contrarium virtuti, per quam fuit maxime a Christo reparatum; sed humilitas fuit

hæc virtus, quæ directe est superbie opposita: ergo per superbiam fuit primo perditus homo. Utitur etiam hac ratione Augustinus lib. 14. de civit. Dei c. 13., & plures Patres minorem propositionem docent; immo ipsamet Ecclesia in quadam Oratione dicit: *Deus, qui per Piliū tui humilitatem jacentem mundum erexit;* & Apostolus demum innuere videtur ad Rom. 5. ad Philip. 2., & alibi.

V. Probatur ex S. Augustino in Psal. 118: hæc scribente: *Primi homines per serpentem decepti, & dejecti non fuissent, nisi plusquam acceperant, habere, & plusquam facti fuerant, esse, voluissent.* Et lib. 2. de Genes. contr. Manichæos c. 15. ad verba illa: *Scit enim Deus, quod in quocumque die comederitis ex eo, aperientur oculi vestri, & eritis sicut Dii;* hæc habente: *Hoc est ergo, quod persuasum est, ut propriam potestatem nimis amarent, & cum Deo esse pares vellent...* atque ita quod acceperant amitterent, dum id, quod non acceperant, usurpare voluerunt. Non enim accepit hominis natura, ut per suam potestatem Deo non regente beata sit, quia nullo regente per suam potestatem beatus esse solus Deus potest. Et lib. 8. de Gen. c. 13. *Ab homine, peccante nihil aliud appetitus est, nisi non esse sub dominatione Dei,* quando illud admissum est, in quo, ne admitteretur, sola deberet iusso dominantis attendi. Et lib. 2. de peccat. merit. c. 19. *Præcedit in voluntate hominis appetitus quidam propria potestatis, ut fiat inobediens per superbiam.*

Arguunt I. Serpens primo conatus est hominibus persuadere infidelitatem: ergo hæc fuit primum peccatum. Probatur antecedens. Persuadere conatus est, quod non essent morituri: *Non moriemini:* ergo &c. II. Fides est initium justitiae: ergo infidelitas est initium peccati: ergo fuit primum peccatum hominum. III. Augustinus lib. 11. de Genes. ad lit. c. 42. docet, quod Adam nondum senserat in membris suis concupiscentiam, quando consensit uxori ad usum fructus veriti: ergo erat adhuc in statu innocentiae: ergo nondum peccaverat: ergo primo per eum poni, vel per consensum ad eum poni peccavit. IV. Idem Augustinus lib. 2. de Gen. ad lit. c. 42. favet opinioni de inordinato amore Adami erga Evam his verbis: *Noluit Adam Eram contristare, non quidem carnis uitius concupiscentia, quam nondum in membris suis senserat, sed amicali quadam benevolentia, qua plerunque fit, ut offendatur Deus, ne homo ex-*

D d d 2 amico

*amico fuit inimicus*. Et lib. 14. de civ. Dei c. 2. idem docet: *Credendum est illum vi-rum sua fæmina, uni unum, hominem ho-minis, conjugem conjugi, ad Dei legem transgrediendam, non tanquam verum lo-quenti credidisse seductum, sed sociali ne-cessitudine paruisse*. V. *Eva de morte*, quam Deus comminatus fuerat Adæ, du-bitavit; dixit enim: *ne forte moriamur*; quando Deus absolute dixit: *moriemini*: ergo hujusmodi dubitatio fuit primum. *Eva peccatum*. VI. *Eva dixit mendacium serpenti*, quando dixit: *ne tangeremus illud*; hoc enim Deus non præceperat: ergo primum ejus peccatum fuit menda-cium. VII. *Alloquutio Eva cum serpen-te* fuit occasio ad peccatum; sed occasio est peccaminosa, quando ad peccatum inducit: ergo alloquutio illa fuit primum *Eva peccatum*. VIII. S. Thomas 1. 2. q. 89. ar. 3. ad 2. docet, *Ebam ad verba illa: Cur præcepit, in elationem erupisse: ergo non ad verba illa: Eritis sicut Dii: ergo non fuit superbia primum pecca-tum, sed inobedientia*.

Respondemus ad I. *Serpentem usum fuisse verbis illis: non moriemini: tanquam me-dio, ut induceret homines ad illud: eritis sicut Dii*: quod respiciebat ut finem; unde illa verba fuerunt quidem priora in exequitione, sed posteriora in intentio-ne. Ulterius dicitur, quod tunc homo credidit, se non moriturum, quando in superbiam se elevavit per posteriora verba; tunc enim exacerbata est mens ejus, sicut & mulieris, ut crederet omne, quod ei Diabolus suadebat.

Ad II. Quanvis sit fides initium, radix, & fundamentum iustitiae, non per hoc tam-en sit, quod in iustitiae destructione, fides sit prima, & non potius postrema, quæ destruatur. Cor in homine est pri-mum, quod vivit, & est ultimum, quod moritur. Fundamentum in domo est primum in ædificatione, & ultimum in destructione. Primum in generatione est pariter ultimum in resolutione. Quod si ultimo fides moritur, non igitur primo infidelitas nascitur. Docet hoc Au-gustinus lib. de Pastoribus, & ovibus, qui est genuinum ejus opus, quum in Pos-sidi indiculo inveniatur, ubi habet c. 8. non superbiam ex infidelitate nasci, sed ipsius infidelitatis matrem esse superbiam.

Ad III. Non dixit Augustinus, quod tunc temporis Adam concupiscentiam in membris suis non habebat, sed quod non-dum senserat. Ut enim ait Estius, inest

concupiscentia etiam quando non senti-tur. Ulterius dici potest, quod dato, quod fuerit concupiscentia, non fuerit tamen ribellio illa in membris ejus, quam post consummatam transgressionem ex-pertus est. Tunc enim aperti sunt oculi eorum, & cognoverunt, se esse nudos; ut haberur Gen. 3. 7.

Ad IV. Augustinus intelligendus est in illis locis, quod amor viri erga uxorem fuit prior inobedientia aperta, qua vir di-  
num præceptum transgressus est. Hoc etiam dicit Scriptura Gen. 3. 17. *Quia i-  
audisti vocem uxoris tue, & comedisti de  
ligno*. At non per hoc sit, quod inordi-natus ille amor fuerit peccatum omnium: primum. Quod hæc fuerit Augustini mens, ab Augustino ipso discamus lib. 14. de civ. Dei c. 13. *Nisi enim ad sibi placen-  
dum averteretur a superiori immutabili da-  
no, non Dei mandata uxoris præponeret va-  
luntatem, puerisque se venialiter esse  
transgressor præcepti, si vita sua sociam  
non desereret etiam in societatem peccati*. Unde secundum Augustinum dicitur, quod amor inordinatus in Adamo præcessit externam inobedientiam Adami, non vero præcessit internam; quæ confiste-bat in eo, quod delectatus fuerit suæ ex-cellentiae contemplatione, & desiderio independentiæ, præter rectum ordinem; quod est superbiaz constitutivum.

Ad V. Non semper vox forte in Scriptura dubitationem significat; aliter dubitasset etiam Deus, quando dixit Gen. 3. 22. *Ne forte mittas minimum suum*; quod non est discendum. Insuper et si dubitatio ad-mittatur in verbo illo, argumentum dubita-tio pertinere potest non ad comminatio-nem, sed ad eventum rei comminatae propter transgressionis incertitudinem; ut ait Estius. Cæterum Sepruginta In-terpretes, quorum versione usi sunt Ba-silius, Ambrosius, Chrysostomus, Au-gustinus, verbum illud forte non po-nunt.

Ad VI. dicit Estius, quod Eva addendo ver-bum illud; *ne tangeremus*; nihil immu-tavit de sensu præcepti, immo magis il-lud confirmavit. Et ratio est, quia intel-lexit tactum illum, quo tangitur fructus, quando ex arbore decerpitur, & ori ap-ponitur ad manducandum; qui quidem tactus eodem præcepto intelligitur veri-tus, quo prohibita est cometio.

Ad VII. Eva tunc temporis adhuc erat in-no-cens, adeoque non ita fragilis, ut po-tuerit cum serpente colloquium forni-dare.

dare. Quod si postea serpenti cessit, hoc ipsa prævidere non poterat; adeoque per hoc præcise, quod cum serpente alloqua fuit, non videtur dicendum, graviter illam peccasse. Imprudens qui-dem fuit non respondendo serpenti, non ei resistendo; at hoc ab eventu dependentiam habuit; quia si respondisset, si restitisset, non imprudens, sed sapiens diceretur.

Ad VIII. Elatam quidem se sensit Eva ad illa verba: *cur præcepit*; sed nondum tentationi consenserat; consenserat postmodum, quando audivit: *eritis sicut Dii*; & haec est mens S. Thomæ; quem præcipue haec fuerit Augustini, quem ipse in hac re sequutus est. Quod ut clarius videatur distinguendi sunt gradus tentationis Evæ, & Adami. Primo fuit suggestio serpentis: *cur præcepit*; quæ aliquatenus Evans commovit: deinde successit serpentis promissio: *eritis sicut Dii*; quæ fortius ejus animo adhæsit: postmodum venit delectatio Evæ ad serpentis promissionem: dein accessit appetitus Evæ promissionis serpentis, de quæ sibi complacuerat, si possibilis esset: post hunc venit deceptio, quia veram creditit serpentis promissionem: postea supervenit consideratio ligni, & comedio, denique complevit opus porrectio facta Adæ de fructu, de quo ipsa gustaverat. In Adamo vero hi distinguuntur gradus. Primo audivit ab Eva promissionem serpentis: deinde delestatus est de illa promissione, & de propriæ excellentiæ contemplatione; postmodum appetivit similitudinem cum Deo, si esset possibilis: denique quanvis non crederet, sicut crediderat Eva, tamen ne contristaret Evans comedio, credens inobedientiam non fore mortalem, sed venialem. Per quæ verificatur quod dixit Apostolus, Evans scilicet fuisse seductam, non vero Adamum; quanvis nonnulli sint Patres, qui dicunt Adamum quoque fuisse seductum; & ad verba Apostoli respondent, quod ideo dixerit, Adam non fuisse seductum, vel quia non fuit primus seductus, quum fuerit Eva seducta prius, & posterius Adam; vel quia non fuit a serpente, sed ab Eva seductus. At nos putamus, Apostoli verba intelligenda esse quemadmodum Augustinus intellexit, quando dixit non scire, vere Evans fuisse seductam, non vero Adam.

De gravitate modo peccati primorum parentum scribentes, prius explicandum

volumus, quænam fuerit primorum parentum superbia? In qua re nec conveniunt Doctores; quidam enim ponunt in superbia tres gradus, nimirum initium, quod est inordinata consideratio propriæ excellentiæ; progressum, qui est rebellio contra Deum; & consummationem appetitus æqualitatis cum Deo; non quod simpliciter appetitur esse Deum, sed esse similem Deo in hoc, quod nulli subfit, & sit sui tantum arbitrii. Alii vero arbitrati sunt, ut proprie, atque expresse primi homines divinitatem appetiverint, ac voluerint esse Dii; sive que idem fuerit peccatum hominum, & Angelorum. Attamen communis sententia Theologorum est, quod superbia primorum hominum in eo fuerit, quod voluerint esse Dii, scilicet quandam cum Deo similitudinem appetiverint, non qualemcumque, quæ potest etiam in nobis esse, quando est per virtutis imitationem, sed homini indebitam, & impossibilem; qualiter nimirum sicut Deus omnium habet scientiam, nec ulli subest, ita ipsi omnia scirent, & nulli subefficerent. Ex hoc autem volunt inferri ex consequenti, quod primi homines appetiverint divinitatem; quatenus videlicet illa doxa divinitatis sunt propria, & non possunt illa appeti, quia divinitas etiam, saltem implicite, & ex consequenti, appetatur. Et pro hac explicazione afferrunt Augustinum multis in locis, quæ apud Eustium videri poterunt; aliosque Patres, & Scholasticos, qui citantur ab eodem.

Ex his habemus gravitatem maximam in primorum parentum peccato. Primo enim fuit ex parte objecti gravissima; quia complectebatur attributa Dei propria, & præcipue independentiam. Secundo fuit ex facilitate præcepti; quia, facillimum erat ab uno ligno se abstine-re, quando cætera in eorum erant portestate. Unde Augustinus lib. 14. de civ. Dei c. 12. Hoc itaque de uno cibi genere non edendo, ubi aliorum tanta copia subjacebat, tam leve præceptum ad observandum, tam breve ad memoria retinendum, ubi præser-tim nondum voluntati cupiditas resistebat, quod de pena transgressionis possea subsecutum est, tanto majore iniquitia violatum est, quanto faciliore posset observantia custodiri. Tertio ex bono, quod possidebat Adam antequam peccaret, & post peccatum amisit. Idem Augustinus lib. 21. de civ. Dei c. 12. *Quanto enim magis homo frue-batur*

batur Deo , tanto majore impietato denerat Deum , & factus est usalo dignus aeterno . Quarto ex eminenti dignitate , ex qua praecepitatus es ; de qua dicit Augustinus lib. 6. oper. imperfect. c. 22. Julianum confutans : Frustra peccato Adas peccata filiorum ejus , quamlibet magna , & horrenda , vel aquare , vel etiam preferre conaris ; illius quippe natura , quanta magis sublimior stabat , tanto magis graviter cecidit . Quinto ex gravitate supplicii , quo Adas peccatum a Deo punitum ; de quo pariter Augustinus lib. 6. oper. imperfect. c. 23. scribebat : Pomum lege Dei vetitum manducare leve videtur esse peccatum ; sed quanti hoc estimaverit qui non potest falli , satis appareat granditatem supplicii . Sexto ex Dei contemptu , de quo idem Augustinus lib. 14. de civ. Dei c. 15. dixit : Quia ergo contemptus est Deus jubens , qui hominem creaverat , qui ad suam imaginem eum fecerat , qui ceteris animalibus proposuerat , qui in paradi so constituerat , qui rerum omnium copiam , salutisque praesliterat , qui preceptis nec pluribus , nec grandibus , nec difficultibus , oneraverat , . . . justa damnatio subsecuta est , talisque damnatio , ut homo , qui custodiendo mandatum futurus fuerat etiam carne spiritualis , fieret etiam mente carnalis . Septimo ex eo , quod multa alia peccata in Adami prævaricatione contenta sunt ; de quibus quoque inquit Augustinus Enchirid. c. 45. Et superbia est illic , quia homo in sua potius esse , quam in Dei potestate , dilexit . Et sacrilegium , quia Deo non credidit . Et homicidium , quia semetipsum precipitavit in mortem . Et fornicatio spiritualis , quia integritas mentis humana serpentina suasione corrupta est . Et furium , quia cibus prohibitus usurpatus est . Et avaritia , quia plusquam illi sufficere debuit , usurpavit . Octavo fuit peccatum gravius in viro , quam in muliere ; tum quia magis in viro ratio vigebat , unde fortius resistere debuisset ; tum etiam , quia fortior fuit hostis mulieris , quam viri ; tum quoque , quia vir a Deo immediate legem acceperat , mulier vero a viro ; tum insuper , quia vir qua caput debebat esse in exemplum mulieris ; tum pariter , quia vir , se excusando , culpam visus est retorquere in Deum , quanvis retrorsiter in mulierem ; quia dixit ; mulier , quam dedisti mihi ; mulier vero absolute retrorsit in serpentem ; tum denique , quia vir gravius punitus a Deo fuit , quam mulier ; quaqvis aliter in hoc sentiant Ambro-

sius , Rupertus , Magister , S. Thomas , S. Bonaventura &c.

Demum ad poenam peccati primorum parentum descendimus , Sed antequam hanç videamus , advertimus ante illos etiam fuisse a Deo serpentes sua poena mulctatum . Quod ostendunt verba illa Gen. 3. 14. Quia fecisti hoc , maledictus eris inter omnia animantia : super peccatum tuum gradieris , & terram comedes cunctis diebus vita tuae . Inimicitias ponam inter te , & mulierem , & semen tuum , & semen illius : ipsa conteret caput tuum , & tu insidiaberis calcaneo ejus . Ex quibus colligunt quinque poenas in serpentem a Deo inflictas ; quarum prima est maledictio , de qua Chrysostomus hom. 17. Quia tali malitia ministriasti , ut impostura illa opere compleretur , malum consilium offerenda ; propterea quia te in his ut instrumento est usus , perpetuam poenam impono , ut per ea , que tibi fiunt , futuri homines erudiantur , non accedendum ad Diaboli consilia , neque illius fraudes accipientas , ut ne in easdem incident pœnas . Secunda est gressus super terram ; ante enim tentationem etiam serpens gradiebatur per naturam , sed postea habuit in poenam ut gradieretur super terram . Tertia est inimicitia inter ipsum , & mulierem , & inter semen ipsius ; hoc est genus humatum . Unde scripsit Damascenus lib. 2. de fid. orthod. c. 10. Serpens plus ceteris animalibus familiaris erat homini , ad ipsum frequentur accedens , eique placitis motibus corporis blandiens : unde per ipsum princeps malit Diabolus primis nostris parentibus inpietatis sua venenum instillavit . Quarta est contritio serpentis a muliere ; testatur nanque Rupertus apud Frassen , quod si pes nudus mulieris caput serpentis presserit , præveniendo ejus dentem , totum corpus cum capite perit . Quinta est comedio terræ , de qua poena Gregorius magnus , poenas omnes serpenti irrogatas , intelligens de Dæmone , hæc apud citatum Frassen scribit : Antiquus hostis terram comedit , quia peccatores quoque in ventrem sue malitiæ abscondit , isque hominum perditionem desiderans , quodammodo reficitur , dum pravis eorum operationibus delicitur .

A serpentis poena devenerint modo ad poenas primorum hominum , primo enumeramus illas , quæ viro , & mulieri fuerunt communes , & deinde illas , quæ fuerunt viro propriæ , & alias , quæ mulieri peculiares extiterunt , afficeremus .

Pri.

Prima poena fuit utrique communis, ac posteris ejus, concupiscentia carnis adversus spiritum; & ratio est, quia statim ac peccaverunt, inordinatos concupiscentiae motus experti sunt. Ita Augustinus lib. 13. de civ. Dei c. 13. Postquam precepit facta est transgressio, confessum gratia descrente divina, de corporum suorum nuditate confusi sunt: unde etiam foliis fuscis, quae forte a perturbatis prima comperta sunt, pudenda texerunt, quae prius eadem membra erant, sed pudenda non erant. Senserunt ergo novum motum inobedientis carnis sua, tanquam reciprocum panem inobedientia sua.

Secunda poena fuit fuga, & elongatio a Deo. Postquam enim peccaverunt, Deus vocavit Adam; at illi audientes vocem Dominis absconderunt se a facie sua; ut narrat Scriptura. Augustinus ser. 18. de verb. Domini hæc de hujusmodi poena scribit: *Sicne enim oculus factus ad hanc lucem temporalem videndam, tamen si injectum aliquid fuerit, vel irruerit, unde turbetur, secluditur ab hac luce;* & quanvis eum lux sua præsentia circumfundat, ille tamen avertit, atque absens est: non solum autem absens sic perturbatione sua a luce præsente, sed etiam penaliter illi est lux, ad quam videndam factus est. Sic & oculus cordis, perturbatus atque sauciatus, avertit se a luce justitia, nec audet eam contemplari, nec valet.... Nam & in paradiſo peccavit Adam, & abscondit se a fecie Domini. Cum haberet ergo cor sanum pura conscientia, gaudebat ad præsentiam Dei: postquam per peccatum sauciatus est oculus ille, caput lucem formidare divinam, refugit in tenebras, atque in devia, lignorum veritatem fugiens, umbras appetens.

Tertia poena fuit servitus sub libidine, seu concupiscentia, atque etiam sub peccato; immo sub peccatorum omnium cumulo. Amisa enim justitia originali, factus est homo ad omne peccatum pronus; & nisi eum divina gratia adjuvaret, non esset peccatum, quod non patraret.

Quarta poena fuit impotentia ad bonum operandum; nam nisi intellectus, & voluntas a medicinali gratia sanentur, nullum potest homo lapsus bonum operari. Et hæc est necessitas gratae, quain habemus; & quam tam formiter Catholici Doctores, præsertim Augustinus, propugnarunt, & quam hæretici, & præcipue Pelagiani, evertere conati sunt.

Quinta poena fuit ejusio a paradiſo, amissio beatitudinis, & vitæ hujus miseria-

rum acquisitio. Statim enim advenerunt omnia mala, infirmitates, ærumnæ, perturbationes, bella, intemperies, & alia hujusmodi.

Sexta poena fuit mors, sive prima, sive secunda. De utraque debere intelligi mortem, quam primis parentibus cominatus est Deus, plerique volunt; & de utraque etiam dixit Augustinus, quod prima animam nolentem pellit e corpore; secunda vero animam nolentem tenet in corpore; quatenus Damnati vocabunt in inferno mortem, & mors non veniet, immo fugiet ab eis; quod refert de Augustino Jueninus.

Dicimus modo de poena Evæ, triplicem ipsi, & posteris ejus poenam fuisse a Deo inflictam; scilicet in multitudine conceptuum multiplicationem ærumnarum; dolorem in partu, & subjectiōnem sub potestate viri. De his tribus poenis Evæ Rupertus lib. 3. de Trinit. c. 22. hæc scribit: *Tripli autem pena punitur mulier, quia triplo majus fuit peccatum ejus, quam Adami. Primo, quia credendo serpenti plusquam Deo, seducta est. Deinde, quia ligni vetiti pulcritudinem, & suavitatem delectabiliter concupivit. Tertio, quia non contenta transgressione propriæ, virum quoque ad transgressionem induxit. Merito igitur triplici peccato triplex vindicta, præter communem sibi cum viro mortem, redditā est. Nam quia serpenti creditit dicenti: eritis sicut Dii: juste ipsa contra hoc, quod Deus vivorum est, & non mortuorum, non vivorum, sed mortuorum mater esse meruit, dicente Deo: multiplicabo conceptus tuos. Omnes enim conceptus ejus anima, & corpore in peccato moriuntur, & nemo eorum vivit, nisi vivificetur per Christum. Item quia visa illius arboris pulcritudine intemperanter fructum ejus expetivit; pro illo visus delectamento contrarius redditur uteri dolor. In dolore, inquit, paries. Tertio, quia virum importunitate muliebri ad comedendum illexit: idcirco, sub viri potestate potestate, inquit, eris, & ipse dominabitur tui. Ita pro seductione, conceptuum multiplicitas; pro gula oblectamento, uteri dolor; pro temerario imperio, & scandalo, quod viro exhibuit, servitutis viri pena redditā est.*

Affertur etiam Alexander de Aleſ a Frassen, qui q. 105. ar. 9. hæc habet, : Ponuntur tres poenæ ex parte mulieris. I. multiplicatio ærumnarum in multitudine conceptuum. II. dolor in partu. III. subjectio sub potestate viri. Est enim duplex

„ plex vis animæ cognoscitivæ, rationalis,  
 „ & sensibilis. Quantum ad rationalem su-  
 „ mitur pœna subjectionis. Quantum ad  
 „ sensibilem duplex pœna; una secundum  
 „ multitudinem, cum dicit: multiplicabo  
 „ ærumnas; altera secundum ægritudinem,  
 „ cum dicit: in dolore paries. Vel aliter:  
 „ Individuum ad duo tendit; ad conserva-  
 „ tionem sui secundum tempus determina-  
 „ tum; ad conservationem speciei simpli-  
 „ citer; mulier vero dicitur sexus passivi.  
 „ Juxta autem utrumque contrahit ex pec-  
 „ catu pœnam; nam juxta actum genera-  
 „ tioñis, qui est ad conservationem spe-  
 „ ciei, duplœ pœnam trahit; in por-  
 „ tando fœtum, & parturiendo; quorum  
 „ unum pertinet ad progressum, alterum ad  
 „ consummationem; in initio vero est ele-  
 „ ctio, & ibi videtur esse sine pœna; &  
 „ fortasse hoc voluit designare sub nomi-  
 „ me conceptus: vel hoc tacuit propter de-  
 „ lectionem, in qua non videtur esse  
 „ pœna. Ex parte vero actus, qui est ad  
 „ conservationem individui, cum bonum  
 „ sit libertas faciendi quod sibi est expe-  
 „ diens; malum per oppositum est servi-  
 „ tus, subesse scilicet alterius dominatio-  
 „ ni necessario, hæc est illa pœna, quæ  
 „ designatur, cum dicitur: sub potestate  
 „ viri eris.

Chrysostomus etiam hom. 17. in Genes. de  
 potestate viri supra mulierem hæc tradit,  
 Eam alloquens: Quia abusa es honoris  
 dignitate, subjicio te viro. Quia relisto,  
 eo, cui dignitati par, & cuius natura par-  
 ticeps, & propter quem formata es, fami-  
 liaritatem cum serpente, mala illa bestia, ba-  
 bene, & accipere voluisti consilium; propte-  
 rea posthac illi te subjicio, & illum dominum  
 tuum affero, ut illius scilicet dominium agne-  
 scas.

Dicimus etiam, Adamum triplici quoque  
 pœna fuisse a Deo punitum ob peccatum,  
 quod fecerat; nimirum, maledictione ter-  
 ræ in ipsius laboribus; in germinatione spi-  
 narum, & tribulorum; in victus parcitate,  
 & labore. Hanc triplicem primi hominis  
 pœnam Gen. 3. 17. 18. 19. habemus, ad il-  
 la verba, quæ Deus dixit Adamo: Quia  
 audisti vocem uxoris tuae, & comedisti de-  
 ligno, ex quo preceperam tibi ne comederes,  
 maledicta terra in opere tuo: in laboribus  
 comedes ex ea cunctis diebus vita tua, spi-  
 nas, & tribulos germinabit tibi, & comedes  
 herbas terra. In sudore vultus tui vesceris  
 pane tuo, donec revertaris in terram, de-  
 qua sumptus es; quia pulvis es, & in pul-  
 verem reverteris.

Probat modo & explicat has pœnas citatus  
 Alexander de Ales his verbis: „ Illis di-  
 „ vinæ Scripturæ verbis distinguuntur ho-  
 „ minis pœnæ cum in vita, cum in morte.  
 „ In vita quidem quantum ad initium,  
 „ quantum ad progressum, & quantum  
 „ ad consummationem. Quantum ad ini-  
 „ tiū, cum dicitur: maledicta terra in opere  
 „ tuo &c. Quantum ad progressum, cum  
 „ dicitur: Spinas, & tribulos germinabit ti-  
 „ bi. Quantum ad consummationem, cum  
 „ dicitur: comedes herbas terra; & in sudore  
 „ vultus tui vesceris pane tuo. In primo ap-  
 „ paret laborandi difficultas in terreæ cul-  
 „ tura; in secundo ejusdem in fructuositas,  
 „ cum dicitur: spinas, & tribulos; in tertio  
 „ victus parcitas. „

Arguunt I. Filiorum multitudo non potest  
 concipi, quod fuerit pœna mulieris: ergo  
 male assignata est. Probatur antecedens. Filiorum multitudo fuisset etiam  
 in statu innocentia; & in statu etiam  
 peccati non est, nisi bonum speciei huma-  
 ñæ, & parentum potius gaudium, quam  
 afflictio: ergo non potest concipi, quod  
 fuerit pœna mulieris. II. Etiam in statu  
 innocentia uxor debebat subjici viro suo:  
 ergo non potest esse pœna, quæ fuerit  
 data mulieri. Probatur antecedens. Mu-  
 lier a viro duxit originem; ergo ab eo  
 dependebat: ulterius, ambo independen-  
 tes esse non poterant; nec conveniens  
 erat, ut vir a muliere dependeret: ergo  
 potius mulier a viro: ergo etiam in statu  
 innocentia debebat uxor subjici viro. III.  
 Deus non maledixit Adamo, sicut male-  
 dixerat serpenti; & tamen Adamo pecc-  
 atum imputatum est, non serpenti: ergo  
 vel Deus cum Adamo justitiae leges non  
 observavit, vel dicendum est, etiam Adamo  
 maledixisse. Probatur antecedens.  
 Deus in maledictione Adæ maledixit  
 terræ, non Adæ: ergo non maledixit  
 Adamo, sicut maledixerat serpenti. IV.  
 Terra non peccavit, & tamen maledicta  
 a Deo est: ergo vel Deus maledixit ter-  
 ram innocentem, vel terra vere non fuit  
 a Deo maledicta. V. Si propter Adæ pecc-  
 atum maledicenda erat terra, cur non  
 etiam maledicta est aqua, vel aer, vel aliæ  
 res a Deo creatæ; quum omnia Deus fe-  
 cerit propter hominem? ergo vel male-  
 dicendus erat solus Adam, vel maledicen-  
 dæ omnes res, quæ creatæ erant propter  
 Adam. VI. Inter peccati pœnas enumera-  
 randa est etiam scientiæ amissio; multa  
 enim scivissent homines innocentes, quæ  
 postea nesciverunt homines lapsi: ergo  
 non

Non est bene a nobis facta enumseratio poenarum, quibus homo ob primum peccatum multatus a Deo fuit. VII. Poena, quibus Deus animadvertis in serpentem, vero serpenti convenire non posunt: ergo vel Moyse metaphorice, & lego-  
re loquutus est, vel nomine serpentis in-  
telligendus est Diabolus, qui serpentis  
organo utebatur. VIII. Poena datæ pri-  
mis hominibus peccatis a Deo, vi-  
dentur excedere peccati gravitatem,  
quod commiserunt; & quia unum fuit  
peccatum, & quia fuit commissum ob ve-  
hementem tentationem, quam Deus po-  
terat etiam avertire, ne peccarent.

Respondemus ad I. cum Pererio lib. 6. in Gen. c. 3., quem affert Frassen, ex qua-  
tuor causis multiplicationem conceperus esse poenam mulieris post peccatum quo-  
rum prima est ratione abortuum; secunda  
ratione monstrorum; tercia ratione re-  
proborum ad gehennam; quarta ratione paupertatis, quæ vel inducitur, vel au-  
getur a multitudine filiorum. Has qua-  
tuor causas habent quidem locum in ho-  
mīne lapsi, non habebant autem in ho-  
mīne innocentie; quia in illo statu non  
fuerint abortus, non monstra, non re-  
probi, non paupertas. Unde scribebat  
Rupertus lib. 3. de Trinit. 6. 22. Non est  
multiplicatio benedictionis, sed damnationis;  
non gratia, sed ira; non elemosia, sed vis-  
dicit. Unde non dixit tantum: multiplicabo  
conceptus tuos: sed insuper addidit: &  
ærumnas tuas: mulier quippe quanto facun-  
dior, tanto ærumnosior.

Ad II. Hæc est differentia inter subjectio-  
nem uxoris ad virum in statu i[n]no-  
centie, & inter eandem in statu peccati;  
quod illa fuisset voluntaria, & jucunda;  
hæc autem est involontaria, & ærumnosa.  
In illo statu non fuisset uxori gravis  
subjectio, quia quum esset Dei volunta-  
ti subordinata, quodcumque Deo pla-  
cuisset, alacri animo, & jucundo, non coa-  
cto, vel invito, suscepisset. Vir quoque  
non exercuisset imperium in uxorem in-  
supporabile, & durum, sed æquum, &  
dulce. Non sic autem in statu peccati, in  
quo ut plurimum uxor ut ancilla, & non  
ut socia habetur a viro. Dixit proinde  
Ambrosius in lib. de exhortatione ad  
Virgines: Quæ nupserit, ad servitutem sua  
pecunia venditus: meliore conditione man-  
cipia, quam conjugia comparantur; in illis  
meritum emitur servitutis, in ipsis pretium  
ad servitutem additur; nupta venalis auro  
gravatur, auro estimatur.

PAR. II.

Ad III. Ideo Deus non maledixit Adamo,  
sicut maledixerat serpenti, quia prius be-  
nedictione sua quasi consecraverat Ada-  
mum; quia Adamus per poenitentiam,  
quam acturus erat, gratiam etiam sancti-  
ficantem erat consequuturus; quia Ver-  
bum divinum Adæ naturam suo tempo-  
re erat assumpturus; Nullum autem ex  
his motivis in serpente verificabatur;  
ideo maledictus fuit a Deo serpens, &  
non Adam. Ita Frassen.

Ad IV. Terra fuit a Deo maledicta non  
absolute, & simpliciter, sed cum respe-  
ctu ad hominem. Hinc Deus Gen. 3. 17.  
dixit Adam: maledicta terra in opere tuo:  
Quod explicat Rupertus: Laboriosa sit ti-  
bi operatori, vel cultori; & Hugo a S. Vi-  
ctore: Quia non feret sponte fructus pen-  
se, unde vivas; vel quia non respondebit ti-  
bi aliquando secundum opus tuum. Homo  
igitur in poena sui peccati terram habuit  
a Deo maledictam; quia quando terra  
ipso debebat esse foecunda, & prompta  
ad dandum fructum suum sine labo-  
re, postea sterilis ut plurimum est facta,  
& quæ fructum dat cum labore, & ærum-  
nischominis operantis.

Ad V. Cum Alexandro de Ales dicit Fras-  
sen, quod ideo fuit terra maledicta, &  
non aqua, vel aliud elementum; quia  
mediante fructu ex terra oriundo pec-  
cavit Adam. Et cum Alcuino, quia ho-  
mo de fructu terre contra Dei prohibi-  
tionem manducavit, non de aquis bibit.  
Addunt quoque, quia peccatum contra-  
statum a posteris Adam propter ipsum fru-  
ctus terræ, quem ipse Adam fecerat,  
abluendum erat in aquis, in quibus Christus  
Dominus instituere debebat Bap-  
tismi sacramentum.

Ad VI. Scientie amissio, quæ est ignoran-  
tia, tripliciter considerari potest; una pu-  
ra negationis, altera privationis, tertia  
præve dispositionis. Illa prima nescitur  
aliquid, quod non est opus ut sciatur.  
Secunda, qua nescitur aliquid, quod lo-  
ea, & tempore convenit, & debet sciri.  
Tertia assentimur falsis tanquam veris,  
sive judicando, sive opinando; & hæc  
potius est error, quam ignorantia. Quia  
homines in statu innocentie multa ne-  
scierunt; ideo prima ignorantia fuit in  
illis, & est modo multo magis in statu  
peccati. Secunda, & tertia ignorantia  
non fuerunt in hominibus innocentibus,  
& sunt in hominibus lapsis. Et hæc est  
scientie amissio, quam homo lapsus per  
peccatum est passus. Et hæc poena com-

Ecc pse.

prehenditur in quicunq; ex illis, quas nos super enarravimus. Inter miseras vias humanae quis negabit, ignorantiam quoque comprehendit. In perditione bestiudinis, qua innocentes homines fruebantur, quis ambiget, contentam fuisse pariter scientiam amissionem; quem sciat, scelitus, illarumque confessionem, non parum conferre ad faciem dum dominum suo modo in hac via beatum?

Ad VII. Negatur antecedens; quia, ut vidimus supra, omnes poenae illae vero serpenti convenient. Hoc etiam docent Basilius, & Chrysostomus homilia in Genes., Theodorus interrogat. 32. Augustinus lib. 2. de Genes. ad lit. c. 27., & lib. 14. de civ. Dei c. 11. Damascenus lib. 2. de fid. orthod. c. 10. &c. Dato ratiōne, quod pēnat illae, non ad verum serpentem, sed ad Diabolum pertineant; non infertur per hoc, quod verus serpens non fuerit, quo usus, est Diabolus, ut primam mulierem seduceret. Pro prima respositione adducimus verba Chrysostomi hom. 17. in Genes. Sicut clementissimus Pater puniens eum, qui filium suum occiderit, & gladium, & ensim, per qua filius suus occisus est, destruit, & in multas partes dividit: Eodem modo Deus egit: quippe serpens quasi gladius quidam diabolica servit malitia; unde & perpetua ipso pena intentata est. Quo per visibile, & sensibile hoc ratiocinemur, & expendamus, in quanta ignominia sit & Diabolus. Nam si

is, qui ut instrumentum ministravit, tantam expertus est indignacionem, quale supplicium verisimiliter est suscepturn Diabolum? Pro secunda vero assertione Augustini verba lib. 2. de civ. Dei c. 27. Non est permittentare feminam nisi per serpenteum, nec virum nisi per feminam: Sed in serpente ipse loquens est, natus eo volut organo, movensque ejus naturam eo modo, quo movere ille, & moveri illa posuit, ad exprimendos verborum sonos, & signa corporalia, per qua mulier suadentis intelligere voluntatem.

Ad VIII. Respondemus opponentes aguenti hæc Augustini verba lib. 14. de civ. Dei c. 15. Quisquis huiusmodi damnationem vel nimiam, vel injustam putat, metiri profecto nescit, quoniam fuerit iniquitas in peccando, ubi tanta erat non peccandi facilitas. Sicut enim Abraha non immunito magna obedientia predicitur, quia ut occideret filium, res difficillima est imperata; ita & in paradyso tanto major inobedientia fuit, quanto id, quod praeceptum est, nullius difficultatis fuit. Et sicut obedientia secundi hominis eo prædicabilior, quo factus est obediens usque ad mortem: ita inobedientia primi hominis eo desestabilior, quo factus est inobediens usque ad mortem. Ubi enim magna est inobedientia pena proposita, & res a Creatore facilis imperata; quisnam satis explicet, quantum malum sit, non obedire in re facilis, & tanta potestatis imperio, & tanto terreati supplicio?

F I N I S.

# INDEX

## VERBORUM, ET RERUM.

### A

- A** Balaudus, Petrus, ejusque error aetate. 2.  
 Trinitatem, quoniam S. Bernardus exp. 2.  
 fort. 2.  
 Abramam fuit revelatum Trinitatis mysterium. 14.  
 Acciosani, & ipsorum Secta inter Arianos. 95.  
 Acadus, Episcopus Casarensis, Acciosanum Secta Author. 95.  
 Adams non fuit seductus. 386.  
 Quas peculiares penas ob suum peccatum habuerit. 400.  
 Fuit eidem revelatum Trinitatis mysterium. 14.  
 Adam, & Eva, non generarent cum libidine, si non peccasset. 388.  
 Aequalitas proprietas divinarum Personarum in communi, & quid? 121.  
 Tribuitur peculiariter Filio. 121.  
 Arius Ariannus, & Arianorum Secta caput. 98.  
 Aeternas ditonias tribuitur peculiariter Patri. 121.  
 Arius principalis Secta Arianorum Coriphæus. 94.  
 Ejus error contra Spiritum Sanctum. 114.  
 Aer continet vestigium Trinitatis ex Patribus. 6.  
 Agilitas Angelorum quam magna, & imperceptibilis. 295.  
 Albitius Cardinalis, ejusque liber de incompatibilitate in Fide, iudicatur. 244.  
 Alexander Constantinopolitanus Antistes, Nicana Fidei propugnator. 94.  
 Alexandrinum Concilium in causa S. Athanasii celebratum. 95.  
 Alogi, seu Alogiani, contra Verbi divinitatem errarunt. 85.  
 S. Ambrosius Arianos accrimine impugnavit. 99.  
 Ejus opinio de natura Angelorum. 207.  
 Ejus mens de terrestri paradiso. 364.  
 Amicitia non opponitur adorationi. 316.  
 Amor est Spiritus Sancti nomen. 159.  
 Est in Angelis. 283.  
 Non est naturaliter immutabilis. 284.  
 Habet pro objecto Deum, ipsos Angelos, & creature, que mente sunt prædicta. ibid.  
 Anabaptista quid de Angelis sentiante? 192.  
 Dicunt, Damones salvandos post mundi finem. 325.  
 Anastasius Imperator, ejusque Edictum contra PAR. II.

- Trinitatem. 25.  
 Angelis nomen quid importos? 190.  
 Logiorum num in sacris, nam in profanis libris. ibid.  
 Res importata per nomen quid significet? 191.  
 Angelorum existentia multipliciter probatur. 193.  
 Fuerunt a Deo creati non ab aeterno, sed tempore. 197.  
 Fuerunt creati simul cum hoc mundo corporeo. 199.  
 Sunt omnia incorporei, & pure spirituales. 209.  
 Nullum cum Adieribus habuerunt carnale commercium. 212.  
 Non sunt numero unus, qui diversa habent nomina. 229.  
 In sua creationis instanti fuerunt integri & perfecti in se integratæ & perfectione naturali. 244.  
 Ab initio sua creationis acceperunt gratiam habitualem, & attinetem. 246.  
 Angelis inaequalem acceperunt gratiam. 248.  
 Fuerunt a Deo creati liberi. 250.  
 Non peccaverunt in primo sua creationis instanti. 250.  
 Potuerunt eamem peccare. 251.  
 Nec sunt ubique, nec nullibi. 255.  
 Sunt Deo intime praesentes. 256.  
 Non sunt circumscribive in loco, sed definiti, non immensive. 258.  
 Quibus in locis sint vel permanenter, vel transienter? 258.  
 Non sunt formaliter extensi, sed virtualiter. 260.  
 Possunt esse in pluribus locis, non naturaliter, sed supernaturaliter. 261.  
 Non sunt in loco per operationem. 262.  
 Penetrari, & non penetrari possunt ad libitum. 264.  
 Mutant locum. 266.  
 Habent motum continuum, & successivum. 269.  
 Instantaneum non habent. ibid.  
 Angeli non possunt moveri ab extremo ad extremum sine transitu per medium. 270.  
 Cognoscunt seipso citra ullam speciem. 277.  
 Deum immediate cognoscunt. ibid.  
 Alia multa in se ipsis cognoscunt. ibid.  
 Res particulares cognoscunt per species, que non sunt ab objectis realiter distincta. 278.

Ecc 2 An-

# INDEX

- Angeli meruerunt non pro merita subsequentia,  
 nec concomitantia, sed praecedentia. 310.  
 Meruerunt augmentum gratia sanctificantis,  
 & beatitudinem supernaturalem. ibid.  
 Sed non per obsequia, qua Deo circa homi-  
 nes erant exhibituri, at per suos actus su-  
 pernaturales. ibid.  
 Sunt adorandi, & invocandi, non adora-  
 tur, & invocatur Deus, sed ne adorantur,  
 & invocantur Sancti, cum Deo regnat-  
 res. 313.  
 Angelici Hareccici quinam fuerint? 312. Alii  
 Hareccici, qui Angelorum errorum susci-  
 tarunt. 313.  
 Autem separata habet motum localem. 267.  
 Anima hominis, ex nihilo facta, dissipat totus  
 homo. 374.  
 Facta simul cum corpore in primo homine.  
 ibid.  
 Animalis nomine venit aliquando vivens. 211.  
 S. Anselmus, Cantuariensis Archiepiscopus, acer-  
 rimus defensor processionis Spiritus Sancti  
 a Filio. 170.  
 Antiochena Conciliabula in causa Arii. 95.  
 Anticbrisus an habebit Custodem Angelum? 307.  
 Apollinaris post Arium contra Trinitatem er-  
 ravit. 100.  
 Apparitiones Angelorum quomodo fiant? 216.  
 Ex Scripturis & ex Patribus probantur fa-  
 ita, & quod modo etiam fiant. 218.  
 Appropriatio proprietas divinarum Personarum  
 in communi; & quid significet? 121.  
 Apuleiani Hareccici errant contra Custodiem  
 Angelorum. 300.  
 Aqua continet vestigium Trinitatis ex Patri-  
 bus. 6.  
 Aquarum congregatio quid significet in prima  
 rerum creatione? 357.  
 Arbor scientia boni & mali fuit ejusdem condi-  
 tionis ac cetera arbores, & nomen desum-  
 psit ab eventu. 371.  
 Arbor vita quamam fuerit Et qua ejus virtus?  
 372.  
 Archangeli nomen quid significet in Scripturis?  
 240.  
 Arianiense Concilium in causa Ariorum. 96.  
 Aristoteles ratio pro existentia Angelorum an-  
 convinet? 195.  
 Probatur, sensisse, Angelos esse infinitos. 197.  
 Ejus error in alio loco circa numerum An-  
 gelorum. 229.  
 Negavit Magiam. 330.  
 Malos Angelos esse negavit. 316.  
 Aristotelei quidam putarunt, Caelos esse anima-  
 tes. 358.  
 Arius qui, & qualis? Principius contra Verbi  
 divinitatem adversarius. 84.
- Atca Schismatis, deinde Hareccius. 91.  
 Implicite, non explicite, Spiritus Sancti di-  
 vinitatem negavit; Ariani autem nega-  
 runt explicite. 113.  
 Arius Liddensis in Chilicia, inter primos Arii Se-  
 ttatores. 94.  
 Arnobius quid de Trinitate senserit? 21.  
 Ejus testimonium pro Verbi divinitate. 91.  
 Arnoldus Brixiensis, ejusque error contra Tri-  
 nitatem. 101.  
 Artemonos dicitur Allegorum, sive Alogianorum,  
 auctor. 85.  
 Arsenagoras quid de Trinitate senserit? Expli-  
 catur, & defenditur. 17.  
 S. Athanasius pro divinitate Verbi a Sociniano-  
 rum calumniis vindicatur. 87.  
 Sprevit Constantini mandatum ut Arius in  
 communionem recipere. 94.  
 Accrimus contra Arianos. 99.  
 Ejus opinio de natura Angelorum. 207.  
 Quid intelligat per vocem circumscribi?  
 261.  
 Favet instantanea potius, quam successiva  
 rerum creationi. 350.  
 Athanasius Nazarenensis inter primos Arii Se-  
 ttatores. 94.  
 Athei Angelos pertinaciter negant. 191.  
 Averroes negavit Magiam. 330.  
 Auctor Questionum ad Orthodoxos, qua tri-  
 buntur Justino, Philosopho, & Martiri,  
 erravit contra Custodiem Angelorum. 300.  
 S. Augustinus plures libros scripsit contra Ari-  
 nos. 99.  
 Ejus opinio de natura Angelorum. 207.  
 An tribueris Angelis motum? 268.  
 Ejus mens explicatur circa cognitionem  
 secretorum cordium, quano videtur tribue-  
 re Angelis, & animabus separatis. 275.  
 An dixerit, Caelos esse animatos? 358.  
 Qua ejus sententia de terrestri Paradiſo? 366.  
 Augustinus Marloratus, ejusque error contra  
 cultum Angelorum. 313.  
 Authoris nomen an possit tribui prima Trini-  
 tatis Persona? 136.  
 Autobeani, & ipsorum error contra divinas  
 Processiones. 60.  
 Autem, non primo vere, fuit mundus condi-  
 tus. 356.  
 Auxentius Mediolanensis Arianus Settator Eu-  
 nomii. 94.

## B

**B**aptismus continet Spiritus Sancti nomen;  
 ex quo Patres inferant Spiritus Sancti  
 divinitatem. 116.  
 Ba-

# VERBORUM , ET RERUM .

- B**arachiel, nomen Angelis quid significet ? 242.  
**B**arda Imperator, sacerdos Photii, occiditur. 165.  
**B**arensis Concilium sub Urbano II. 166.  
**B**arbetonanus Vescovarius, ejusque error contra cultum Angelorum. 313.  
**B**asilides Heterodoxi dicit, Angeles esse genitos. 196.  
**S.**Basilius Arianos Economianos impugnat. 99.  
**B**ius economia loquendo de Spiritu Sancto. 120.  
**S**emper creditur Spiritus Sancti dicitur. ibid.  
**E**xplicatur quando dicit nomen Patris non convenire prima Persona. 134.  
**E**xplicatur dum tribuit Spiritus Sancto nomen Verbi. 142.  
**E**ius verba, qua opponuntur, tanquam contraria processioni Spiritus Sancti ex Filio, explicantur. 174.  
**E**ius opinio de natura Angelorum. 296.  
**Q**uid intellexerit de loco Angelorum ? 245.  
**E**xplicatur circa custodiam Angelorum, quae datur bonis omnibus Peccatoribus. 306.  
**B**asilius Ancyranus, Princeps Semi-Ariano-  
rum. 95.  
**B**asilius Macedo Imperator rejicit Photium. 166.  
**E**rravit circa essentiam Demonum. 317.  
**B**eatitudo quotuplex, & qualis ? 243.  
**N**aturalem habentem Angeli ab initio, non vero supernaturalem, quanvis posuerint illam habere. 244.  
**N**aturalis excludit omnem omnino misericordiam. 244.  
**B**eatificare essentialiter est solius Dei; accidentaliter primario est Dei, secundario Angelorum. 293.  
**B**eda quid senserit de Cælo Empyreo ? 203.  
**N**umerat plura nomina Angelorum, sed non recipiuntur. 242.  
**B**ius mens explicatur circa cognitionem secretorum cordium, quam tribuere videntur Angelis, & Animabus separatis. 274.  
**B**ebemos secundum literam est Elephas, aut animal ex genere Draconum. 199.  
**Q**uid significet apud Job ? 349.  
**B**eneficia, qua Deus confert corporibus, prosumt animabus. 300.  
**B**enetellus, Aloysius Maria, Ordinis Mönimorum, in lingua hebraica peritissimus, lan-  
datur. 15.  
**B**ernardinus Ochinus, & ejus error contra Trinitatem. 27.  
**E**ius error contra Spiritum Sanctum. 114.  
**S.**Bernardus, & nomina Demonum, qua enu-  
merat : 242.  
**Q**uid senserit de Angelorum motu ? 268.  
**E**ius mens explicatur circa discursum An-
- golorum. 282.  
**B**estia noxia fuerunt a principio a Deo creata. 361.  
**B**erga, Theodoreus, ejusque error contra Trini-  
tatem. 102.  
**B**iterrense Conciliabulum in caffo. Arii. 96.  
**B**essius quonodo intelligatur, quando dicit, in-  
corporum non esse in loco ? 257.  
**B**ogomili Heterodoxi, eorumque contra Trinita-  
tem errores. 25.  
**D**ixerunt, Satanam esse filium Dei. 317.  
**S.**Bonaventura docuit, in Anglis fuisse simili-  
meritum cum pramio. 308.  
**B**onitas in divinis tribuitur Spiritui Sancto. 121.  
**B**onus dicitur peculiaritor Spiritus Sanctus. 164.  
**B**ullingerus, Henricus, ejusque error contra  
Trinitatem. 102.  
**E**jusdem error contra cultum Angelorum. 313.
- C
- C**ajetanus Cardinalis, ejusque opinio de na-  
ture Angelorum. 209.  
**A**n negaverit mortum localem substantias spi-  
ritualibus, & quo sensu ? 266.  
**C**ain post Abeli mortem timebat parentes, &  
nepones suos. 378.  
**C**alvinus, ejusque error contra Trinitatem. 27.  
**E**jusdem error contra Spiritum Sanctum. 114.  
**E**rravit contra Custodiā Angelorum. 301.  
**E**rravit contra cultum Angelorum. 313.  
**E**ius irrisiones de Exorcismis Ecclesia. 330.  
**C**apitis nomen an tributatur Patri in divinis ? 137.  
**C**ardanus negavit Demones Incubos, & Succu-  
bos. 331.  
**C**assianus, ejusque error circa Angelum malum,  
quem tribuit singulis hominibus. 308.  
**C**assius, Philosophus Epicureus, negavit, esse  
Damonēs. 316.  
**C**aufa nomen an possit tribui prima Persona in  
divinis ? 135.  
**C**erdo nominat Diabolum nobis beneficium. 317.  
**C**erinthius contra Trinitatem sensisse dicitur. 23.  
**C**eretus dicitur Spiritus Sanctus. 164.  
**C**hamai Gaon, Rabinus, ejusque testimonium de  
Trinitate. 15.  
**C**haos an fuerit in prima mundi creatione, &  
quid ejus nomine intelligatur ? 346.  
**C**haracter dicitur secunda Persona, & quare ? 138.  
**C**harisius, Presbyter, Symbolum Nestorii Conci-  
lio Epesino praesens. 181.  
**C**haritas dicitur Spiritus Sanctus. 163.

Chro-

# INDEX.

<i>Cherubim qua ratione vocentur ab Augustino Potestates, &amp; Virtutes</i>	24.	<i>Nullum inferius sit obnoxium.</i>	385.
<i>Chilpericus, Francorum Rex, ejusque Edictum contra Trinitatem.</i>	25.	<i>Creare proprium est Dei.</i>	119.
<i>Christianus Francus, ejusque contra Trinitatem error.</i>	27.	<i>Creatura an sint offitii divinae Trinitatis.</i>	4.
<i>Processionem Spiritus Sancti negat.</i>	367.	<i>Crescentius; ejusque error contra Spiritum San-</i>	
<i>Christus quare dicatur primogenitus omnis creature</i>	130.	<i>ctum.</i>	114.
<i>Qua ratione dicatur primogenitus</i>	154.	<i>Custodia Angelorum est de fidei.</i>	303.
<i>An habaverit Custodem Angelum</i>	306.	<i>Ad quid parvulus profitetur?</i>	306.
<i>Cibysoftemus non docuit, Infideles curere cu-</i>		<i>Custodia divina perficitur an impellat Conser-</i>	
<i>stodia Angelorum.</i>	306.	<i>vationem Angelorum?</i>	303.
<i>Cicero pseavit, Caelos esse animatos.</i>	358.	<i>Cyprianus quid de Trinitate senserit? Explica-</i>	
<i>Circumfessio in divinis quid significet</i>	48.	<i>tur, &amp; defenditur.</i>	20.
<i>Est proprietas divinarum Personarum em- communi.</i>	121.	<i>Circa Verbi divinitatem a Socinianorum calunnia vindicatur.</i>	99.
<i>Clandinus Mamertus, ejusque error circa co-</i>		<i>Cyrillus Alexandrinus Arianos impugna-</i>	
<i>gnitionem mysteriorum fidei.</i>	1.	<i>tur.</i>	99.
<i>A Petavio dicitur Mamertinus.</i>	2.	<i>Ejus opinio de natura Angelorum.</i>	207.
<i>Male intellexit Platonem, &amp; Platonicos ex eodem Petavio.</i>	ibid.		
<i>Clemens Alexandrinus quid de Trinitate sen-</i>			
<i>serit explicatur, &amp; defenditur.</i>	17.		
<i>Circa Verbi divinitatem defenditur a Socinianorum calunnia.</i>	88.		
<i>Ejus opinio de natura Angelorum.</i>	206.		
<i>Celi nomine quid significetur Genes. I. 199. &amp;</i>			
<i>353.</i>			
<i>Celum Celi significat Celum SS. Trinitatis secundum S. Thomam.</i>	203.		
<i>Celestia corpora non sunt animata.</i>	358.		
<i>Cognitio vel probabilis, vel evidens.</i>	1.		
<i>Cognoscibilitas divini mysterii implicita, &amp; explicita.</i>	1.		
<i>Concordia in divinis tribuitur Spiritui Sancto.</i>	121.		
<i>Concupiscentia, ad quacumque objecta feratur, semper est mala, &amp; quare</i>	386.		
<i>Concupiscentia carnis adversus Spiritum fuit prima pena primi peccati, communis Ada, &amp; Eva, &amp; ejus Posteris.</i>	399.		
<i>Concupiscentia motum nullum habuit primus homo in statu innocentia.</i>	384.		
<i>Constantia, Constantini magni Soror, Ariana protegebat.</i>	94.		
<i>Constantinopolitanum Conciliabulum ab Ariani celebratum.</i>	94.		
<i>Constantinus Copronymus magiam exercebat.</i>	331.		
<i>Constantinus magnus aliquando deceptus Ariorum Sclite adhescit, numquam berefi.</i>	98.		
<i>Consubstantialitas proprietas divinarum Personarum in communi, &amp; quid?</i>	121.		
<i>Cordium scrutator est Deus.</i>	118.		
<i>Corpus hominis innocentis fuit a Deo immortalitate donatum.</i>	384.		
<i>Nullum inferius sit obnoxium.</i>	385.		
<i>Creare proprium est Dei.</i>	119.		
<i>Creatura an sint offitii divinae Trinitatis.</i>	4.		
<i>Crescentius; ejusque error contra Spiritum San-</i>			
<i>ctum.</i>	114.		
<i>Custodia Angelorum est de fidei.</i>	303.		
<i>Ad quid parvulus profitetur?</i>	306.		
<i>Custodia divina perficitur an impellat Conser-</i>			
<i>vationem Angelorum?</i>	303.		
<i>Cyprianus quid de Trinitate senserit? Explica-</i>			
<i>tur, &amp; defenditur.</i>	20.		
<i>Circa Verbi divinitatem a Socinianorum calunnia vindicatur.</i>	99.		
<i>Cyrillus Alexandrinus Arianos impugnat.</i>	99.		
<i>Ejus opinio de natura Angelorum.</i>	207.		

## D

<i>Allans Calvinianus, reprehenditur a Natali Alexandro, quod dixerit, Augustinum putasse, Caelos esse animatos.</i>	358.
<i>Damasus Papa, ejusque definitio de Spiritu Sancti divinitate.</i>	116.
<i>Non fecit additionem particula Filioque Symbolo Constantinopolitano.</i>	176.
<i>Davidi fuit revelatum Trinitatis mysterium.</i>	14.
<i>Defectus causa secunda. in agendo an tribui debeat causa prima?</i>	255.
<i>Definitive sunt Angeli in loco; &amp; quomodo explicetur?</i>	260.
<i>Dei nomen secundum vim vocis significat scientiam, vel providentiam.</i>	110.
<i>Demetrius Cydonius respondet libro a Cakasila contra S. Thomam edito circa processione-</i>	
<i>nem Spiritus Sancti a Filio.</i>	166.
<i>Demonstratio a quiparantia quid sit apud Lal-</i>	
<i>lium?</i>	3.
<i>Denophilus Arianus Sectator Eunomii.</i>	94.
<i>Determinatio seu limitatio in ordine ad locum quomodo intelligatur?</i>	264.
<i>Deus dici potestens.</i>	49.
<i>An in creatione hominis more Principum sic in plurali loquuntur?</i>	29.
<i>Non fuit auctor peccati primorum parentum.</i>	393.
<i>Diabolus fuit causa externa peccati primorum parentum.</i>	393.
<i>Didymus Alexandrinus quomodo intelligatur, quando scribit, spirituales creaturas non circumscribi loco, &amp; finibus?</i>	257.
<i>Ejus error circa loquitionem Angelorum.</i>	
<i>Differentia inter aequalitatem, &amp; consubstan-</i>	
<i>tialitatem.</i>	122.
<i>Inter Symbolum, &amp; fidei Confessionem.</i>	181.
<i>Inter Missionem Angelorum, &amp; Missionem</i>	
<i>Fili, &amp; Spiritus Sancti.</i>	297.
<i>Difficile.</i>	

# VERBORUM, ET RERUM.

Dicitio in divinis, ejusque differentia, & Cognitione.	142.	Duidis dicens Spiritus Sanctus?	164.
Digitus Dei dextera dicitur Spiritus Sanctus.	164.	Durandus an dixerit, substantiam Angeli esse ubique?	236.
Dileximus venit propter commissiōnem filiorum Dei cum filiabus hominibus.	213.	Negat per sequelam motum Angelorum.	266.
Dionysius Romanus quid de Trinitate senserit?	21.	Ejus explicatio loquitionis Angelorum.	288.
Dionysius quidam dicitur ante Ariannum Verbi di- vinitatem negasse.	83.	Negavit illuminationem Angelorum.	292.
Dionysius Alexandrinus, ejusque testimonium pro Verbi divinitate.	88.		
Dionysius Romanus, ejusque testimonium pro divinitate Verbi.	90.		
Dionysius, Mediolanensis Episcopus non vult subscribere damnationi Athanasii.	96.		
Dionysius Alexandrinus accusatur origeniani erroris contra Spiritum Sanctum; defen- datur.	112.		
Discussionis argumentum quale?	44.		
Discrimen inter processionem Verbi, & proce- ssione Spiritus Sancti, quale sit, difficile est inventari.	153.		
Discursus dicitur Spiritus Sanctus.	164.		
Distinctio Angelorum non pertinet ad fidem.	232.		
Discursus an Angelis conveniat?	282.		
Divinitas Verbi asserta, & probata.	102.		
Damones an babuerint in statu via, saltante transunter, intuitivam Dei visionem?	243.		
Sunt permanenter in aere, ut homines infes- sent.	259.		
Quomodo intelligatur S. Petrus, quando di- xit, omnes Damones esse in Inferno de- trusos?	ibid.		
An vere cognoverint, Christum esse Filium Dei?	276.		
A Castribus Angelis impediuntur, ne homi- nibus nocent.	307.		
Error existentia probatur.	317.		
Sunt mali Angelis, seu mali Spiritus, non na- tura, sed culpa mali.	317.		
Nenquam habuerunt corpora coelestia, nec modo habent corpora aeria.	319.		
Fuerunt ab initio malis, non natura mali.	320.		
Quinam fuerint Provocatores?	324.		
Ipsorum Princeps quinam fuerit?	324.		
Apparitiones ipsorum, & operationes, ne- gantur a Cassio, Michaeli Balbo, Andrea Tiraquelle, & aliis.	330.		
Vera miracula effovere non possunt.	332.		
Donatis contra Trinitatem erravunt.	100.		
Eorundem error contra Spiritum Sanctum.	124.		
Donum est Spiritus Sancti nomen.	159.		
Dotes cognitionis Angelorum quae sunt?	281.		
		E	
		Eion contra Trinitatem sive dicitur.	23.
		Emanatio in divinis quid?	60.
		Emmanuel Magnanus, Ordinis Minimorum, & ejus responsiones ad Lullii argumenta circa Trinitatis cognitionem.	5.
		Ejus explicatio de Syllogismo expositorio.	8.
		Quomodo explicet relationes reales secun- dum esse Ad in divinis?	71.
		Quam differentiam ponat inter relationes, & relativum?	77.
		Empicum Cælum est locus permanentia Ange- lorum honorum.	258.
		Enoch liber est omnino suppositus.	214.
		Ens supernaturale quoad substantiam quodnam est?	276.
		Ephesini Concilii prohibito circa additionem ad Symbolum quomodo intelligatur?	180.
		S. Epiphanius mirifice facet processioni Spiritus Sancti ex Filio.	170.
		Arianos impugnavit.	99.
		Energumenta quid sunt? Et an in mundo sunt?	334.
		Rationes in contrarium solvantur. ibid.	
		Erasmus Roterodamus, ejusque opinio de Aria- nis.	101.
		Ejus mens circa Spiritum Sanctum.	114.
		Voluit Secundam Personam potius dicendam Sermonem, quam Verbum; impugnat.	141.
		Erasmus Sarcerius, ejusque error circa cultum Angelorum.	313.
		Eiectio a Paradise, misericordia beatitudinis, & mi- seriarum hujus vita acquisitio, fuit quin- ta pena peccati primorum parentum.	399.
		Errare non potuit primus homo in statu inno- centie.	183.
		Error quomodo, & quando sit in peccatis?	321.
		Essentia divina non est genus ad personalitates divinas.	8.
		In divinis quid significet?	48.
		Ethnici quidam Philosophi Angelos non admi- serunt.	191.
		Eudoxius, Arianorum Episcopus.	98.
		Eudoxinus, principalis Secta Arianorum Cori- phalus.	94.
		Ejus error contra Spiritum Sanctum.	114.
		An & quomodo dixerit, Spiritum Sanctum & Filium non procedere?	164.
		Eugu-	

# I N D E X

<i>Engelbinus, Stevius, ejusque opinio de natura Angelorum.</i>	209.	<i>Legitime fuit sylla.</i>	178.
<i>Eva trahit originem ad Adamo, quanvis non fuerit ab Adamo genita.</i>	157.	<i>Figura substantia dicitur secunda Persona dominica, &amp; quare</i>	138.
<i>Prima Mulier fuit post primum hominem facta extra Paradisum.</i>	374.	<i>Firmamenti nomine quid veniebat in prima rerum creatione.</i>	353.
<i>Tergeminos partus quolibet anno effundebat.</i>	378.	<i>Firmianus, ejusque error contra Spiritum Sanctum.</i>	113.
<i>Non fuit decepta a serpente in statu innocentia, sed in statu peccati.</i>	386.	<i>Fletus Angelorum quid significet?</i>	222.
<i>Ejus peccatum, dicit Rupertus, fuisse curiositatem; Hugo Victorinus dubitationem de comminatione mortis; alii mendacium, alii superbiam, alii infidelitatem.</i>	394.	<i>Fons vivus dicitur Spiritus Sanctus.</i>	163.
<i>Quas peculiares penas habuerit?</i>	399.	<i>Foatis nomen an tribuatur Patri?</i>	137.
<i>Eusebius, Nicomediensis Episcopus, ARII Sectator, fautor, &amp; protector.</i>	93.	<i>Franciscus Davidis, ejusque error contra Trinitatem.</i>	27.
<i>Fuit primus vocis homousion inventor.</i>	124.	<i>Fruitio in divinis tribuitur Spiritui Sancto.</i>	121.
<i>Eusebius Cesiensis inter primos Arii Sectatores.</i>	93.	<i>S. Fulgentius scribit contra Faustinosum Arienum.</i>	98.
<i>Eusebius Samosatenus Semi-Arianus.</i>	95.	<i>Alios libros contra Arianos scribit.</i>	99.
<i>Eusebius Vercellensis Episcopus, non vnde subscribere Athanasii damnatione, &amp; qua arte?</i>	96.	<i>Futura pradicare solius Dei est.</i>	119.
<i>Euthatius Sabastenus pricipius Arianus.</i>	98.	<i>Necessaria, &amp; contingentia, cognoscuntur ab Angelis; etiam futura libera, sed non certo &amp; infallibiliter, &amp; solum conjecturaverit, &amp; probabiliter.</i>	272.
<i>Ejus error contra Spiritum Sanctum.</i>	114.	<i>Puga &amp; elongatio a Deo fuit secunda pena primi peccati primorum hominum.</i>	399.

## F

<i>F Aculeas sacra Parisiensis, &amp; arcuuli ab ipsa damnati ann. 1325.</i>	234.
<i>Familiani, &amp; ipsorum error contra Spiritum Sanctum.</i>	115.
<i>Faustiosus, Apostata Arianus, contra quem scriptit S. Fulgentius.</i>	98.
<i>Faukynus Presbyter scriptit libram contra Arianos, illumque Flacilla Imperatrici dicavit.</i>	99.
<i>Faukynus Manicbaus, ejusque error contra Trinitatem.</i>	25.
<i>Contra unitatem naturae erravit, &amp; contra Personarum Trinitatem.</i>	100.
<i>Dixit, Angelos fuisse genitos.</i>	196.
<i>Voluit quoque, Angelos esse corporeos.</i>	205.
<i>Felicianus, Arianorum Sectator pricipius.</i>	98.
<i>Fides Christi non erat abolenda post Christi Ascensionem.</i>	110.
<i>Filius Dei qui sunt in Scripturis Sanctis?</i>	112.
<i>Filius nomen quamodo tribuatur secunda Persona?</i>	142.
<i>Filius in divinis quomodo intelligatur, &amp; explicetur a Socinianis; refelluntur.</i>	35.
<i>Filioque, additio facta Symbolo, quando, &amp; a quo facta?</i>	176.
<i>Legitur in Concilio Toletano III.</i>	177.
<i>Et in aliis subsequentibus?</i>	Ibidem.
<i>In Ecclesiis Galliarum, &amp; Germania seculo VIII. in Ecclesia Romana seculo IX.</i>	178.

<i>Gabriel quid significet?</i>	242.
<i>Gabrieli Theologi explicatio loquacionis Angelorum.</i>	287.
<i>Gemere Spiritum Sanctum pro nobis, quid significet?</i>	119.
<i>Generatio quid sit in divinis?</i>	152.
<i>Processio Verbi tantum est generatio, non vero ille Spiritus Sancti. Ibidem.</i>	156.
<i>Processio Verbi non est generatio, quia Verbum primo producitur.</i>	156.
<i>Nec quia Verbum procedit in similitudinem naturae secunda.</i>	Ibidem.
<i>Nec quia Verbum procedit ut image.</i>	157.
<i>Nec quia Verbum procedit per intellectum &amp; intellectio est formaliter, seu virtutiter natura.</i>	157.
<i>Nec quia Verbum procedit simile in proprietate personali.</i>	157.
<i>Generationis modus idem fuisse in statu innocentiae, ac modo est.</i>	390.
<i>Georgius Blandrata, ejusque error contra Trinitatem.</i>	27.
<i>Ejusdem error contra Spiritum Sanctum.</i>	114.
<i>Georgius David Angelos non admittit.</i>	192.
<i>Georgiodavidici Diabolum esse negant.</i>	316.
<i>Georgius Alexandrinus fuit socius Eunomii.</i>	94.
<i>Georgius Laodicanus Semi-Arianorum Secta Princeps.</i>	95.
<i>Georgius Pantae in Polonia, ejusque error contra</i>	

# VERBORUM, ET RERUM.

<i>tra Trinitatem.</i>	102.	<i>Hermogenes, ejusque error contra Trinitatem.</i>	.
<i>Germinius, Sirmiensis Episcopus Arianus, Se-</i>		<i>23.</i>	
<i>tator Eunomii.</i>	94.	<i>Voluit, Diabolos esse in materiam refunden-</i>	
<i>Gnostici magiam exercebant.</i>	331.	<i>dos.</i>	317.
<i>Gratia diffusio tribuitur Spiritui Sancto.</i>	116.	<i>Hervaeus quia negat, Angelos esse in loco, con-</i>	
<i>Gratia habitualis in quo consistat?</i>	245.	<i>sequenter negat istud motum.</i>	266.
<i>Est semen gloria.</i>	ibid.	<i>Herminiani Haretici negarunt visibilem paradi-</i>	
<i>Gratia actualis fuit in Angelis ab initio sua</i>		<i>sum.</i>	363.
<i>creationis.</i>	247.	<i>Hierarchia vox quid significet?</i>	237.
<i>An veniat in Scripturis nomine lucis &amp; lau-</i>		<i>Quid in re importet?</i>	237.
<i>dis?</i>	248.	<i>Quot sunt?</i>	ibid.
<i>Inequalis fuit a Deo data Angelis creationis</i>		<i>Hierarchias Angelorum Calvinus, Beza, aliqui</i>	
<i>initio.</i>	249.	<i>Heretici negarunt.</i>	237.
<i>Gratia mysteria an cognoscantur ab Angelis?</i>		<i>Hierarchia Angelorum sunt tres.</i>	238.
	275.	<i>Earundem operationes sunt tres.</i>	239.
<i>Et quae mysteria?</i>	ibid.	<i>Hieremias, Schismaticus Patriarcha Gracus, &amp;</i>	
<i>Gravitas maxima in peccato primorum Paren-</i>		<i>ejus infuse rationes contra Processionem</i>	
<i>tum.</i>	397.	<i>Spiritus Sancti a Filio.</i>	169.
<i>Gregorius Beryensis inter primos Arii Secta-</i>		<i>Hierax, Egyptius, Sectator Manicheorum, &amp;</i>	
<i>tores.</i>	94.	<i>plurium errorum auctor; principius autem</i>	
<i>Gregorius magnus quam faciat differentiam in-</i>		<i>contra Trinitatem ejusdem error.</i>	2.
<i>ter Spiritum Deum, &amp; Spiritum Angelicu-</i>		<i>S. Hieronymi verba de Angelorum creatione</i>	
<i>cum?</i>	261.	<i>explicantur.</i>	197.
<i>Explicatur ejus mens circa cognitionem se-</i>		<i>Ejusdem mens de terrestri paradyso.</i>	364.
<i>cretorum cordium, quam tribuere videtur</i>		<i>Hieronymus Vellerus, ejusque irrisiones de</i>	
<i>Angelis, &amp; animabus separatis.</i>	274.	<i>Ecclesia exorcismis.</i>	330.
<i>Gregorius Thaumaturgus, ejusque testimonium</i>		<i>Hierosolymitanum Conciliabulum ab Arianis</i>	
<i>de Verbi divinitate.</i>	88.	<i>coactum.</i>	94.
<i>Graci quando primo negarunt processionem Spi-</i>		<i>Hierosolymitanum Concilium legitimum in</i>	
<i>ritus Sancti a Filio?</i>	165.	<i>causa Athanasii.</i>	96.
<i>Guillelmus apud Coccum, ejusque error contra</i>		<i>Hilarius Diaconus, Legatus Apostolicus in Con-</i>	
<i>Spiritum Sanctum.</i>	114.	<i>cilio Nicano I.</i>	96.
<i>Guillelmus Linensis Magus fuit.</i>	331.	<i>S. Hilarius, Pictaviensis Episcopus, ab Arianis</i>	
		<i>infectatus.</i>	96.
		<i>Accerimus Arianorum hostis post Athana-</i>	
		<i>sium.</i>	99.
		<i>Ejusdem opinio de natura Angelorum.</i>	207.
		<i>Hiperius, Andreas, quid de Angelis senserit?</i>	
		192.	
		<i>Homo qua ratione sit divina Trinitatis imago?</i>	4.
		<i>Ex Patribus vere continet Trinitatis vesti-</i>	
		<i>gium.</i>	6.
		<i>Eius præstantia ex ipsius creatione.</i>	373.
		<i>Dignitas ex eo, quod post aliis creaturas ul-</i>	
		<i>timi loco fuit creatus.</i>	ibid.
		<i>Excellentia ex dominio, quod habuit in cate-</i>	
		<i>ras creaturas.</i>	ibid.
		<i>Majestas ex eo, quod dicitur factus ad ima-</i>	
		<i>ginem, &amp; similitudinem Dei.</i>	ibid.
		<i>Eius corpus erectum, &amp; quare?</i>	374.
		<i>Proportio partium corporis, congruentia, &amp;</i>	
		<i>venustas.</i>	ibid.
		<i>Homines singuli suum babent Custodem Ange-</i>	
		<i>lum.</i>	304.
		<i>Homines primi in statu gratia sanctificantis</i>	
		<i>fuerunt a Deo creati.</i>	375.
		<i>Fuerunt etiam a Deo creati beati, non per-</i>	
		<i>fecta, sed imperfecta beatitudine.</i>	381.
		ff	Ho.

## H.

<b>H</b> abitat Deus in anima intelligenti, tan-	
quam in templo.	118.
<i>Haccados, Rabinus, ejusque testimonium de</i>	
<i>Trinitate.</i>	15.
<i>Hai Gaon, Rabinus, ejusque testimonium de</i>	
<i>Trinitate.</i>	15.
<i>Heretici suas præcipuas heres ex antiquis</i>	
<i>Philosophis deduxerunt.</i>	12.
<i>Haribertus, ejusque error contra Trinitatem.</i>	
	26.
<i>Hebrei non babuerunt Trinitatis mysterium ex-</i>	
<i>preesse revelatum, &amp; quare?</i>	14.
<i>Helcesita dicebant, Spiritum Sanctum esse</i>	
<i>uxorem Verbi.</i>	112.
<i>Henricus Bullingerus, ejusque contra Trinita-</i>	
<i>tem error.</i>	102.
<i>Henricus Cornelius Agrippa, ejusque irrisiones</i>	
<i>de Ecclesia exorcismis.</i>	330.
<i>Herba noxia fuerunt a principio a Deo create.</i>	
	361.
<i>Hermannus Rishwiich dixit, Angelos non fuissent</i>	
<i>a Deo creates.</i>	197.

**PAR. II.**

# I N D E X

- Homousios in divinis idem ac consubstantialis.* 122.  
*Homousios idem ac similis substantia.* 122.  
*Hosius, Cordubensis Episcopus, Constantini epistolam defert Alexandro, & Ario, pro pace inter ipsos componenda.* 93  
*Alexandrino Concilio II. praesedit contra Arium.* 93.  
*Subscribit formulæ Arianorum; sed deinde pœnitent facti, & illud revocat.* 96.  
*Hosgenes, antiquus Philosophus, Angelos admisit.* 194.  
*Huetius, Daniel, doctus Episcopus Gallus temporum nostrorum, laudatur, ejusque dissertatione de terrestri paradiſo commendatur.* 367.  
*Humanus dicitur Spiritus Sanctus, & quare?* 164.  
*Hypostasis in divinis quid significet?* 48.  
*Hypothesis de Spiritu Sancto, si a Filio non procederet, an ab eo distingueretur? est admittenda.* 183. Non est inutilis, sed ad mysterii veritatem probandam confert. ibid.  
  
**I.**  
*Jacobo, Patriarcha veteris legis, fuit revelatum Trinitatis mysterium.* 14.  
*Jacobus, Nisibis Episcopus, Nicena Fidei propugnator.* 94.  
*Idea dicitur secunda Trinitatis Persona, & quare?* 138.  
*Jebudiel, nomen Angeli, quid significet?* 242.  
*S. Ignatius martir quid de Trinitate senserit?* 17.  
*Eius testimonium de divinitate Verbi.* 86.  
*Ignis dicitur Spiritus Sanctus.* 163.  
*Continet vestigium Trinitatis ex Patribus.* 6.  
*Iluminare in Angelis idem est, ac docere.* 293.  
*Iluminatio Angelorum est loquutio doctrinalis.* 293.  
*Non sit immediate a Deo, sed alii ut plurimum illuminantur ab aliis.* 292.  
*Major illuminatio quid faciat respectu minoris?* 293.  
*Quorum objectorum fiat a Deo, & quorum ab Angelis superioribus?* ibid.  
*Illæ, qua sit ab Angelis, quomodo differat ab illa, qua sit a Deo?* 294.  
*Imaginis nomen non importat solam similitudinem, sed similitudinem ex vi processionis.* 146.  
*Imago dicitur secunda Trinitatis Persona, & quare?* 138.  
*Imaginatio non operatur apparitiones Angelorum.* 219.  
*Immortales sunt Angeli.* 224.  
*Immortalitas convenit Angelis ab intrinseco; & per naturam, & non ab extrinseco, & per gratiam; explicatur assertio, & probatur, quia Angeli non sunt composti, sed simplices.* 226.  
*Impedimentum non est Angelis ipsorum missio ad visionem Dei.* 297.  
*Immundi Spiritus quare dicuntur Demones?* 319.  
*Impotentia ad bonum operandum fuit quare pœna primi peccati primorum parentum.* 399.  
*Incorructibiles sunt Angeli.* 224.  
*Incorructibilitas convenit Angelis ab intrinseco & ex natura, non vero ab extrinseco & per gratiam.* 226.  
*Inconveniens nullum est, si Angeli inferiores a superioribus mittantur.* 297.  
*Inconsiderantia an fuerit in Angelis, quando peccaverunt?* 320.  
*Incubi Demones a quibusdam negantur.* 330.  
*Sunt tamen vere, & dantur.* 342.  
*Individualizationis principium non est materia.* 233.  
*Individualium unicum sub qualibet specie Angelica non datur.* 232.  
*Individualium multiplicationis una ex causis est conservatio speciei, sed non unica.* 235.  
*Indifferentia est incompatibilis cum determinacione.* 254.  
*Increpat pro delictis Angeli Custodes.* 307.  
*Infernus est locus permanentia Angelorum malorum.* 258.  
*Ipsius ignis, quomodo intelligatur.* 328.  
*Inferior Angelus an aliquando possit illuminare superiorem.* 295.  
*Infideles habent custodiam Angelorum.* 303.  
*Infusam habuit a Deo scientiam in statu innocentia primus homo illarum rerum, quam potuisse procedente tempore scientiam cognitionem ex se ipso habere.* 389.  
*Ingenitus dicitur dupliciter.* 155.  
*Dicitur Pater, & quare?* 129.  
*Hoc nomen quare fuerit suspectum Athanasio?* 131.  
*Initium prima Persona non potest dici, quare dicatur principium.* 135.  
*Innascibilitas in divinis est notio.* 126.  
*Differentia inter ipsam, & ingenerabilitatem, & inspirabilitatem.* ibid.  
*Intellectus in creatis quare non generet, in divinis autem generet?* 155.  
*Intelligentia quare denominatur Angelis?* 282.  
*Innocentis status qui dicatur in primo homine?* 383.  
*Instantanea verum creatio fuit a Deo facta, non successiva.* 348.

# VERBORUM, ET RERUM.

<i>Inflamare, Spiritum Sanctum significat procedere ab insufflante.</i>	168.	<i>Lambertus Danicus, ejusque error contra Trinitatem.</i>	27.
<i>Interpellare Spiritum Sanctum pro nobis quid significet?</i>	119.	<i>Laodicenam Concilium non obstat adorationi Angelorum.</i>	315.
<i>Joachimus Abbas, ejusque error contra Trinitatem.</i>	100.	<i>Campsacenum Conciliabulum in causa Ariani-</i>	98.
<i>Joannes Cazonotius processionem Spiritus Sancti negavit.</i>	167.	<i>Eo illi quomodo se gesserit circa additionem Filioque?</i>	176.
<i>Joannes Aponensis negavit esse Demones.</i>	317.	<i>Leovicibildus, Rex Hispaniarum, ejusque error contra Spiritum Sanctum.</i>	114.
<i>Joannes Clericus heterodoxus negat singulos homines suum habere Custodem Angelum.</i>	304.	<i>Levitinus Lemnius, ejusque error circa opera-</i>	330.
<i>Joannes Baptista a Porta negavit Demones Incubos, &amp; Succubos.</i>	331.	<i>Liberius, Romanus Pontifex, nolens subscribe-</i>	
<i>Joannes Damaseenus an negaverit processionem Spiritus Sancti a Filio?</i>	165.	<i>re Albanasii damnationi, exul in Traciam mittitur.</i>	96.
<i>Joannes de Vesalia contra processionem Spiritus Sancti scripsit.</i>	167.	<i>Damnavit deinde Albanasium, &amp; subscriptis formulae Arianorum per vim; sed non ob-</i>	
<i>Joannes Philoponus, ejus error contra Trinitatem.</i>	100.	<i>inde hereticus.</i>	96.
<i>Joannes Pitheus negat processionem Spiritus Sancti a Filio.</i>	165.	<i>Libido hominis, &amp; libido bruti, quomodo dif-</i>	389.
<i>Joannes Sommarius, ejusque error contra Spiritum Sanctum:</i>	115.	<i>ferant?</i>	
<i>Processiones in divinis negavit.</i>	167.	<i>Libido, seu servitus sub libidine, fuit tercia</i>	
<i>Joannes Thessalonicensis, ejusque Dialogi au-</i>		<i>pena primi peccati primorum hominum.</i>	
<i>ctoritas.</i>	211.	<i>399.</i>	
<i>Joannes Vieri, ejusque judicium de Lamiis.</i>	330.	<i>Libertini Angelos non admittunt.</i>	192.
<i>Job verba de numero Angelorum quomodo in-</i>		<i>Negant immortalitatem Spiritum.</i>	223.
<i>telligentur?</i>	231.	<i>Pro Damone intelligunt mundum, &amp; pec-</i>	
<i>Josepho Patriarchae fuit revelatione Trinitatis mysterium.</i>	14.	<i>catum.</i>	317.
<i>Josephus Cianus in libra babuica peritus.</i>	15.	<i>Lignum scientiae boni, &amp; mali non fuit causa,</i>	
<i>Isaaco fuit revelatione Trinitatis mysterium.</i>	14.	<i>sed occasio peccati primorum parentum.</i>	
<i>Irenaeus quid de Trinitate senserit, explicatur, &amp; defenditur.</i>	17.	<i>393.</i>	
<i>Pro divinitate Verbi defenditur a Sociniano-</i>		<i>Locus creationis Angelorum fuit Cælum Empy-</i>	
<i>rum calumnia.</i>	87.	<i>renum.</i>	202.
<i>Isaacus Peyerius fabula Praadamitarum au-</i>		<i>Locus certus &amp; determinatus dari debet Ange-</i>	
<i>tor.</i>	375.	<i>lis.</i>	256.
<i>Palidoniam cecinit.</i>	ibid.	<i>Locus permanentie Angelorum, qui sit?</i>	258.
<i>Judeorum errores circa Demones.</i>	317.	<i>Locus terrestris paradisi quinam fuerit?</i>	367.
<i>Julianus Apostata, ejusque dictum de Christia-</i>		<i>Lollarij errarunt dicendo, Demones e cælo in-</i>	
<i>nis.</i>		<i>juria pulsos, &amp; aliquando esse salvandos.</i>	
<i>Justinus martir quid de Trinitate scripsit?</i>	17.	<i>325.</i>	
<i>Explicatur, &amp; defenditur.</i>	ibid.	<i>Lombardus, Petrus, dixit, non cuique homini</i>	
<i>Pro divinitate Verbi defenditur a Sociniano-</i>		<i>dari Angelum Custodem.</i>	301.
<i>norum calumnia.</i>	87.	<i>Dacuit, Angelos babuisse beatitudinem ex</i>	
<i>Eius opinio de natura Angelorum.</i>	206.	<i>meritis subsequentibus.</i>	308.
		<i>Loquutio Angelorum quanam sit?</i>	286.
		<i>Loquuntur Angeli inter se, &amp; cum hominibus.</i>	
		<i>288.</i>	
		<i>Quomodo loquantur ex P. Magnano?</i>	290.
		<i>Loysius, vel Lysius, ejusque error contra</i>	
		<i>Trinitatem.</i>	26.
		<i>Lucas Loffius, ejusque mens de Trinitatis my-</i>	
		<i>sterio.</i>	102.
		<i>Lucas Hernberger, ejusque error contra Spi-</i>	
		<i>ritum Sanctum.</i>	114.
		<i>Lucerna exemplo explicabat Trinitatis my-</i>	
		<i>sterium Hierax hereticus.</i>	2.
		<i>Lucianus, ejusque testimonium de Verbi divi-</i>	
		<i>nitate.</i>	88.
		<i>Lucifer, Episcopus Calaritanus, S. Sedis Apo-</i>	
		<i>stolica</i>	
		<i>Fff 2</i>	

L.

**L**attantius Firmianus quid de Trinitate senserit?

Pro Verbi divinitate a Socinianorum calumnia defenditur.

PAR. II.

# INDEX

- Stolica Legatus in Concilio Niceno I. 96.  
 Fuit implacabilis Arianorum hostis. 99.  
 Scripsit plures libros contra Constantium Imperatorem, Arianorum protellorem. 99.  
 Lucius Apulejus dixit, Demones esse genere animalia, corpore altria. 317.  
 Lutherus, ejusque error contra Trinitatem. 26.  
 Lux dicitur secunda Trinitatis Persona, & quare? 140.
- M.
- M**acedoniani putant, impossibile esse, Spiritum Sanctum esse Deum, & non esse genitum. 152.  
 Macedonius primum fuit Arii sectator, deinde Macedonianorum auctor. 98.  
 Ejus error contra Spiritum Sanctum. 113.  
 An dicendum sit, processionem Spiritus Sancti negasse? 167.  
 Magdeburgenses errarunt contra Custodiā Angelorum. 301.  
 Magia est in mundo. 336.  
 Est omnino illicita, & mala. ibid.  
 Eam Zeroastres invenit. 331.  
 Simon Magus, ejusque discipuli exercuerunt. ibid.  
 Magnanus, ejusque opinio circa apparitiones Angelorum. 216.  
 Ejus explicatio loquitionis Angelorum. 290.  
 Mahometus, ejusque error contra Trinitatem. 26.  
 Angelos ex igne creatos dixit. 205.  
 Male sensit de immortalitate Angelorum. 223.  
 Dixit, Diabolus productos fuisse a Deo ex igne, alisque ipsius errores circa Demoness. 317.  
 Erravit dicendo Demones aliquando salvandos. 325.  
 Malie an sint? Quae sint? Aliaque plura de ipsis. 339.  
 Mair Gabbai, Rabinus, ejusque testimonium de Trinitate. 15.  
 Malum Angelum non quilibet homo habet, sed cut habet Angelum bonum. 307.  
 Manichai Agannenses Diabolum adorabant. 331.  
 Manuel Calecas putavit, additionem Filioque factam fuisse a Damaso, Romano Pontifice. 176.  
 Marcellus Ancyranus Nicene fidei propagator. 94.  
 Marcellus, ejusque error contra Trinitatem. 24.  
 Ejusdem error contra Spiritum Sanctum. 113.
- Marcion ex Platonis doctrina suam barafem concinnavit. 12.  
 Nominas Diabolum nobis beneficium. 317.  
 Marcus Arethius, Semi-Arianus. 95.  
 Marcus Eplesinus, implacabilis Latinorum hostis, contra processionem Spiritus Sancti a Eilia in Florentino Concilio acerime pugnavit. 167.  
 Maria Virgo, Dei Genitrix, an habuerit Angelum Custodem? 307.  
 Maris, Chalcedonis Episcopus, Arianus. 94.  
 Marius Victorinus, Afer, Arianos impugnavit. 99.  
 Materiale quo modis accipiatur? 236.  
 Matangismenita contra Verbi divinitatem errarunt. 85.  
 Matthias Cervarius, Anabaptista, & ejus error contra Spiritum Sanctum. 114.  
 Matthias Steinbach dixit, sc esse Spiritum Sanctum. 114.  
 Maturina cognitio quid sis per S. Augustinum? 246.  
 Materia informis & invisa an fuerit, ex qua Deus omnia creaverit? 345.  
 S. Maximi mens circa loquitionem Angelorum. 291.  
 Maximinus, Arianorum Episcopus, contra quem S. Augustinus scripsit. 98.  
 Mediator immediatus, primarius, & ex natura est solus Christus; Angeli vero sunt Mediatores, ut etiam Sancti, mediati, secundarii, & per gratiam, & divinam ordinationem. 303.  
 Mediolanense Concilium in causa Arii. 95.  
 Mediolanense Concilium II., & III. in causa Arii. 96.  
 Mercurius Trismegistas an Trinitatem agnoverit? 10.  
 Ejus libri sunt suppositi. ibid.  
 Melarius Antiochenus Semi-Arianus. 95.  
 Meritum fuit in Angelis bonis. 308.  
 Methodius quid de Trinitate senserit? 21.  
 Ejus testimonium de Verbi divinitate. 89.  
 Michael Balbus, Imperator, negavit, esse Demones. 316.  
 Michael Servetus, ejusque error contra Trinitatem. 26.  
 Ejusdem error contra Spiritum Sanctum. 114.  
 Michael Carularius, Patriarcha Constantinopolitanus, schisma perficit. 166.  
 Michaelis Archangeli principatus supra omnes Angelos vindicatur. 240.  
 Michael quid significet? 242.  
 Michael Archangelus an sit ex ordine supremorum Angelorum? 299.  
 Minutius Felix, ejusque testimonium pro Verbi divinitate. 91.
- Misso

# VERBORUM, ET RERUM.

<i>Misso in divinis proprietas divinarum personarum in communi, &amp; quid?</i>	121.	<i>Nestorius, ejusque error contra Trinitatem:</i>	
<i>Est propria, &amp; impropria.</i>	127.	25.	
<i>Propria dividitur in activam, &amp; passivam; in visibilem, &amp; invisibilem.</i>	ibid.	<i>Nicanum Concilium generale I. contra Arium:</i>	
<i>Non importat majoritatem, nec minoritatem.</i>	128.	95.	
<i>Supponit processionem.</i>	168.	<i>Ejus descriptio.</i>	94.
<i>Missio, a qua Angelii denominantur.</i>	295.	<i>Nicephorus Constantinopolitanus an negaverit processionem Spiritus Sancti a Filio?</i>	166.
<i>Non omnis missio Angelorum est ad custodiā.</i>	ibid.	<i>Nicephorus Callistus, &amp; qua ejus mens circa processionem Spiritus Sancti a Filio?</i>	167.
<i>Quavis omnis custodia sit missio.</i>	ibid.	<i>Nicephorus Gregoras narrat, Niceporum pro processione Spiritus Sancti a Filio scriptissimē.</i>	167.
<i>Fit a Deo.</i>	296.	<i>Nicetas scribit contra Latinos Spiritum Sanctum a Filio non procedere.</i>	166.
<i>Ministri hominum non sunt Angeli, sed Dei.</i>	297.	<i>Nicolaus Methonensis contra processionem Spiritus Sancti a Filio librum edidit.</i>	166.
<i>Mittuntur Angeli, vel ad anima purgationem, vel ad intellectus illuminationem, vel ad effectus inflammationem.</i>	299.	<i>Nicolaus Cabasilas scribit contra S. Thomam processionem Spiritus Sancti a Filio impugnans.</i>	167.
<i>Misteri non potuerint esse Angeli in primo sue creationis instanti?</i>	246.	<i>Noetus, ejusque error contra Trinitatem.</i>	23.
<i>Modestus dicitur Spiritus Sanctus, &amp; quare?</i>	164.	<i>Noe fuit sezelatum Trinitatis mysterium.</i>	14.
<i>Mobilis dicitur Spiritus Sanctus, &amp; quare?</i>	164.	<i>Nomina absoluta abstracta non pradicantur de Personis in plurali, sed in singulari.</i>	57.
<i>Moerentes consolantur Angelii Custodes.</i>	307.	<i>Nomina essentialia abstracta non supponunt pro Personis.</i>	59.
<i>Molina explicatio loquacionis Angelorum.</i>	288.	<i>Essentialia concreta supponunt.</i>	ibid.
<i>Mors intravie in mundum per peccatum.</i>	377.	<i>Nomina illa Angelorum recipiuntur a Catholicis, quae in Scripturis, vel apud Catholicos Scriptores, inveniuntur.</i>	241.
<i>Sive prima, sive secunda, fuit sexta pena primi peccati primorum parentum.</i>	399.	<i>Nomina Angelos habere probabilius judicatur.</i>	241.
<i>Montani contra Trinitatem errarunt, &amp; quiam fuerint?</i>	22.	<i>Notio in divinis quid significet?</i>	46.
<i>Montanus, &amp; Montanista, &amp; eorum errores contra Trinitatem.</i>	23.	<i>Notiones proprietates divinarum Personarum in communi, &amp; quid?</i>	121.
<i>Dixit, se esse Spiritum Sanctum.</i>	111.	<i>Tria ad eas requiruntur.</i>	126.
<i>Motus per se, &amp; motus per accidens, quid sint?</i>	268.	<i>Notio in divinis est innascibilitas.</i>	126.
<i>Motus quonplex sit?</i>	269.	<i>Norisius Cardinalis doctus, &amp; fortis Augustini defensor, laudatur.</i>	347.
<i>Moyses Trinitatis nositiam in sacris libris non expresse docuit, sed minus expresse addidit.</i>	14.	<i>Novatores posteriorum temporum fere omnia Ecclesia dogmata perturbarunt.</i>	167.
<i>Nihil expresse dixit de Angelis, &amp; quare?</i>	195.	<i>Novorum Arianorum errores.</i>	101.
<i>Implicitè autem illorum creationis meminit.</i>	201.	<i>Nox praecepsit diem in prima mundi exordio.</i>	354.
<i>Mundus dicitur Spiritus Sanctus, &amp; quare?</i>	164.	<i>Numenius Pythagoricus an Trinitatem agnoverit?</i>	10.
<i>Multiplicitas recte in divinis usurpatur, &amp; quo sensu?</i>	53.	<i>Nuptia inter Adamum, &amp; Evi, fuerunt ante peccatum.</i>	388.

## N.

**N**arcissus in Cilicia Herodiadis inter primos Arii sectatores. 94.  
Nathanael Aelianus, ejusque error contra Trinitatem. 10.  
Nestoriani an senserint Spiritum Sanctum a Filio non procedere? 164.

<i>Nestorius, ejusque error contra Trinitatem:</i>	
25.	
<i>Nicanum Concilium generale I. contra Arium:</i>	
95.	
<i>Ejus descriptio.</i>	94.
<i>Nicephorus Constantinopolitanus an negaverit processionem Spiritus Sancti a Filio?</i>	166.
<i>Nicephorus Callistus, &amp; qua ejus mens circa processionem Spiritus Sancti a Filio?</i>	167.
<i>Nicephorus Gregoras narrat, Niceporum pro processione Spiritus Sancti a Filio scriptissime.</i>	167.
<i>Nicetas scribit contra Latinos Spiritum Sanctum a Filio non procedere.</i>	166.
<i>Nicolaus Methonensis contra processionem Spiritus Sancti a Filio librum edidit.</i>	166.
<i>Nicolaus Cabasilas scribit contra S. Thomam processionem Spiritus Sancti a Filio impugnans.</i>	167.
<i>Noetus, ejusque error contra Trinitatem.</i>	23.
<i>Noe fuit sezelatum Trinitatis mysterium.</i>	14.
<i>Nomina absoluta abstracta non pradicantur de Personis in plurali, sed in singulari.</i>	57.
<i>Nomina essentialia abstracta non supponunt pro Personis.</i>	59.
<i>Essentialia concreta supponunt.</i>	ibid.
<i>Nomina illa Angelorum recipiuntur a Catholicis, quae in Scripturis, vel apud Catholicos Scriptores, inveniuntur.</i>	241.
<i>Nomina Angelos habere probabilius judicatur.</i>	241.
<i>Notio in divinis quid significet?</i>	46.
<i>Notiones proprietates divinarum Personarum in communi, &amp; quid?</i>	121.
<i>Tria ad eas requiruntur.</i>	126.
<i>Notio in divinis est innascibilitas.</i>	126.
<i>Norisius Cardinalis doctus, &amp; fortis Augustini defensor, laudatur.</i>	347.
<i>Novatores posteriorum temporum fere omnia Ecclesia dogmata perturbarunt.</i>	167.
<i>Novorum Arianorum errores.</i>	101.
<i>Nox praecepsit diem in prima mundi exordio.</i>	354.
<i>Numenius Pythagoricus an Trinitatem agnoverit?</i>	10.
<i>Nuptia inter Adamum, &amp; Evi, fuerunt ante peccatum.</i>	388.
<i>Numerum Angelorum aliqui dixerunt esse infinitum.</i>	229.
<i>Alii voluerunt esse majorem numero omnium corporearum creaturarum, sive in specie, sive in individuo.</i>	ibid.
<i>Alii cum majori restrictione loquuntur.</i>	ibid.
<i>Nyssenus quid intellexerit de loco Angelorum?</i>	256.
<i>Ejus verba de processione Spiritus Sancti a Filio explicantur.</i>	188.

OB.

# INDEX

O.

- O**biectum cognitionis Angelorum primarium est Dens. 271.  
Alterum obiectum est ipsem Angelus. 272.  
Tertium obiectum sunt alii Angeli. ibid.  
Quartum obiectum sunt res omnes materiales in universali, & in particulari. ibid.  
Quintum obiectum sunt futura necessaria. ibid.  
Sextum sunt futura contingentia. ibid.  
Denique sunt futura libera, non certo, sed conjecturaliter. ibid.  
Objectum omne cognitionis Angelorum non est supernaturale. 293.  
Obstacula ad virtutes removent Angelici Custodes. 307.  
Obstinatio voluntatis in Demonibus unde proveniat? 325.  
Ochamus quomodo explicet loquitionem Angelorum? 287.  
Omissio pura an possit esse culpabilis? 254.  
Omnipotentia tribuitur Patri in divinis. 121.  
Oecolampadius, ejusque error contra cultum Angelorum. 313.  
Opposito Angelorum hominibus peccantibus. 303.  
Et quomodo fiat? ibid.  
Operatio libera non potest esse prima primitate naturae, potest tamen esse prima primitate temporis. 254.  
Opus gratiae & misericordiae quid importet in ordine naturali? 252.  
Operari in loco supponit esse in loco. 257.  
Operatio non constituit Angelos in loco. 262.  
Operantur ne Angelii in Calo Empireo? 262.  
Operatio Angelorum prærequisit existentiam in loco. 261.  
Operari sequitur ad esse, quomodo intelligatur 263.  
Operatio libera an presupponat operationem necessariam? 255.  
Optimus Magistrorum dicitur Spiritus Sanctus. 164.  
Orationes Ecclesia quare terminantur ad Patrem? 110.  
Orationes hominum offerunt Deo Angelici Custodes. 307.  
Orbes caelestes an moveantur ab Angelis? 300.  
Orbis totus aliquando ingemuit, & miratus est, se esse Arianum, secundum S. Hieronymum. 97.  
Et quo sensu intelligatur ibid.  
Ordinatio peculiaris Dei peculiares locos assignat Angelis bonis, & malis. 259.  
Ordinis praesentia quid sit apud Divandum? 256.

- Ordines Angelorum sunt novem. 238.  
Ex Traditione probatur. 240.  
Ordinum Angelorum distributio fuit facta a principio creationis ipsorum. 241.  
Ordinum quorumcumque Angeli mittuntur. 296.  
Ore Prophetarum tanquam organo uebatur Spiritus Sanctus. 116.  
Origenes ex Platonicorum Philosophia suas bases deduxit. 12.  
Quid de Trinitate senserit? 21.  
Dicitur negasse divinitatem Verbi ante Arium. 85.  
Quid revera de Verbi divinitate senserit? 89.  
Dixit Spiritum Sanctum esse factum per Christum. 112.  
Eius opinio de natura Angelorum. 206.  
Erravit contra Angelorum Custodiam. 300.  
Putavit Angelos esse quasi Numina regnum. 313.  
Erravit dicendo, quod Diabolus, & Angelii eius post longissima tempora reddendae sint Calo. 325.  
Favet instantanea rerum creationi. 351.  
Paradisum allegorice explicat. 363.  
Origo prima heresis Ariana. 92.  
Originis ordo consideratur in divinis. 129.  
Originis nomen an tribuatur Patri? 137.  
Origo peccati Angelorum fuit sola potestas voluntatis, non vero ignorantia mentis, nec affectus cordis. 320.  
Ortus heresis Ariana quo anno sit afferendus? 92.
- P.
- P**aracletus dicitur Spiritus Sanctus. 164.  
Paradisi delicia apud Scripturas & Patres an significant claram Dei visionem? 246.  
Pamphilus martir, ejusque testimonium de Verbi divinitate. 89.  
Pancratius Presbyter in Concilio Niceno I. Sedis Apolic Legatus. 96.  
Paratarum heresis contra Trinitatem. 100.  
Parentes primi an babuerint Angelum Custodem? 307.  
Parisense Concilium in causa Arianorum. 97.  
Paffiones, que respiciunt malum pene, non habuit primus homo in statu innocentia; habuit tamen illas, que ordinantur ad bonus. 383.  
Pastoris liber suppositius. 308.  
Patris nomen tripliciter in Scripturis accipitur. 132.  
Quare prima Persona in divinis vocetur potius Pater, quam Genitor, vel generans? 133.

Pa-

# VERBORUM, ET RERUM.

<i>Patrophilus Scytopoleos inter primos Arii Sectatores.</i>	94.	<i>Interminabilis schismatis auctor.</i>	176.
<i>Patrum plurium mens circa loquutionem Angelorum explicatur.</i>	291.	<i>Plato an Trinitatem agnoverit?</i>	9.
<i>Paulus Tyrius inter Arii Sectatores.</i>	94.	<i>Ejus verba expenduntur.</i>	ibid.
<i>Peccatum primum Angelorum non fuit amor mulierum.</i>	321.	<i>An Angelos admiserit?</i>	194.
<i>Non fuit peccatum lingue.</i>	ibid.	<i>Dixit, Angelos esse animalia.</i>	204.
<i>Non fuit odium Dei.</i>	ibid.	<i>Platonici dixerunt, Celos esse animatos.</i>	358.
<i>Non fuit ingratitudo in Deum.</i>	ibid.	<i>Plinius putavit Celos esse animatos.</i>	358.
<i>Non fuit invidia in homines.</i>	ibid.	<i>Pluralitas recte in divinis usurpatur.</i>	53.
<i>Non fuit luxuria spiritualis.</i>	ibid.	<i>Et quo sensu?</i>	ibid.
<i>Fuit superbia.</i>	322.	<i>Plutarchus male sensit de immortalitate Angelorum.</i>	222.
<i>Peccatum esse in foribus Gen. 4. quid significat?</i>	378.	<i>Pena Angelorum malorum quenam sit?</i>	326.
<i>Peccatum Adae extendunt Doctores ad octo; nimurum superbiam, amorem uxoris, curiositatem, dubitationem, opinionem, quod transgressio esset venialis, gulam, inobedientiam, excusationem peccati, quod commiserat, &amp; in qua continetur etiam accusatio Dei.</i>	394.	<i>Est aeterna.</i>	328.
<i>Peraticus Euphratenensis. Paratarum hereticorum auctor.</i>	100.	<i>Rationes in contrarium salvuntur.</i>	329.
<i>Persona in divinis quid significet?</i>	48.	<i>Polycarpus, S. Joannis auctor, quid de Trinitate senserit?</i>	17.
<i>Persona qualibet divina in ratione persona formaliter constituitur per relationem.</i>	77.	<i>Defenditur a Socinianorum calumnia circa Verbi divinitatem.</i>	86.
<i>Persona divina aliquantes inter se in hominis creatione.</i>	29.	<i>Porphyrii error de Angelis malis ab Augustino confutatur.</i>	319.
<i>Petilianus, ejusque error contra Spiritum Sanctum.</i>	114.	<i>Possibilitas probationis deducitur ex possibiliate cognitionis.</i>	1.
<i>Petrus Abailardus, ejusque error contra Trinitatem.</i>	101.	<i>Praxeas, ejusque error, contra Trinitatem.</i>	23.
<i>Eiusdem error contra Spiritum Sanctum.</i>	114.	<i>Prescriptionis argumentum quales?</i>	43.
<i>Petrus Goniezius, Polonus, dixit, nondum esse revelatum, Spiritum Sanctum esse Deum.</i>	114.	<i>Presentia Angelii non est infinita.</i>	264.
<i>Petrus Martir processionem Spiritus Sancti negare videtur.</i>	167.	<i>Preadamitarrum fabula impugnatur.</i>	375.
<i>S. Petrus Chrysologus, ejusque opinio de natura Angelorum.</i>	208.	<i>Ratiuncula pro ipsa adducta solvuntur.</i>	ibid.
<i>Phabadius, Aginnensis in Gallia Episcopus, contra Arianos scripsit.</i>	99.	<i>Principiatum an possint dici Filius, &amp; Spiritus Sanctus?</i>	135.
<i>Pbilippus Melanchthon, ejusque error contra Spiritum Sanctum.</i>	114.	<i>Principalis dicitur Spiritus Sanctus.</i>	164.
<i>Philo Judaeus Angelos animalium voce appellavit.</i>	204.	<i>Principium in divinis cui conveniat?</i>	
<i>Faver instantanea rerum creationi.</i>	351.	<i>Priscillianus, ejusque error contra Trinitatem.</i>	24.
<i>Paradisum allegorice explicat.</i>	363.	<i>Priscillianista, eorumque errores circa Demones.</i>	317.
<i>An Trinitatem agnoverit?</i>	10.	<i>Vulnerunt, Demones aliquando salvandos.</i>	325.
<i>Pbilosophi Geneiles an asequunt fuerint Trinitatis cognitionem?</i>	4.	<i>Probationes positive, &amp; negative, quid?</i>	1.
<i>Photinus an agnoverit Trinitatem?</i>	10.	<i>Processio quid, &amp; quomodo, in divinis?</i>	60.
<i>Ejus error contra Trinitatem.</i>	24.	<i>Non est in divinis tanquam a causa, sed tanquam a principio.</i>	63.
<i>Eiusdem error contra Spiritum Sanctum.</i>	113.	<i>Duae sunt tantum in divinis activa, &amp; duae passiva.</i>	64.
<i>Photinus acerrimus impugnat processionis Spiritus Sancti ex Filio.</i>	166.	<i>Sunt actiones vitales, non simplices emanationes.</i>	65.
		<i>Proculus Philosophus an Trinitatem agnoverit?</i>	10.
		<i>Dixit, Angelos fruisse genitos.</i>	197.
		<i>Promittere in Deo significat aliquando praedestinare.</i>	199.
		<i>Procopius faver instantanea rerum creationi.</i>	351.
		<i>Propheca erant a Spiritu Sancto inspirata.</i>	116.
		<i>Propositiones in divinis quomodo resolvenda.</i>	97.
		<i>Proprietas in divinis quid significet?</i>	48.
		<i>Pro.</i>	

# I N D E X

- Proprietates in divinis aliae sunt Personarum in  
communi, aliae in particulari.* 121.  
*Pulcritudo in divinis tribuitur Filio.* 121.

## Q.

- Q**uando nomini Deus nihil adjungitur,  
quod vel ampliet, vel restringat ejus significationem, supponit pro natura divina, ut est eadem in tribus personis. 60.  
*Quando nomen Filii sumatur proprius, & quando improrius?* 144.  
*Quando Graci negare incaperint processionem Spiritus Sancti a Filio?* 165.  
*Quando facta fuerit Symbolo Constantinopolitano additio Filioque?* 176.  
*Quaestionem non esse de Spiritu Sancto, dicebat Valentinus Gentilis, Spiritus Sancti negans divinitatem.* 115.  
*Quaestionem ortam de Spiritus Sancti divinitate Orientales Episcopi Romano Pontifici dirimendam uniserunt.* 116.  
*Quasi quid significet in Scripturis?* 152.  
*Quaestio de tempore creationis Angelorum ante Concilium Lateranense ad fidem non pertinebat; post Concilium neque est de fide; & contraria sententia non est heretica, neque est erronea; est tamen temeraria.* 202.

- Quaestionum veteris testamenti liber est Augustino suppositus.* 381.  
*Quiros explicatio circa loquitionem Angelorum.* 288.  
*Quinam Angeli mittantur?* 297.  
*Quomodo intelligatur prohibitio Concilii Ephesini de nihil addendo Symbolo?* 170.  
*Quot sint homines?* 301.  
*Quot sint Angeli?* ibid.

## R.

- R**adicis nomen an tribuitur Patri? 137.  
*Raphael quid significet?* 242.  
*Raymundus Lullius, ejusque opinio circa Trinitatis mysterii cognitionem, confutatur.* 2.  
*Ejus rationes adductae, & responsiones ad ilias et P. Magnano.* 4. & 5.  
*Ejus error contra Trinitatem.* 100.  
*Ejusdem error contra Spiritum Sanctum.* 114.  
*Recipere quando importat imperfectionem?* 111.  
*Rectius dicitur Spiritus Sanctus.* 164.  
*Redimere plus est, quam custodire.* 303.  
*Regeneratio tribuitur Spiritui Sancto.* 116.  
*Relatio in divinis quid significet?* 46.  
*Relationes, tum secundum esse in, tum secundum esse ad, vere dantur in Deo.* 68.  
*Secundum esse ad, qua ratione dicantur rea-*

- les secundum P. Magnandum?* 71.  
*Reales relationes originis quos sunt?* 72.  
*Quomodo distinguantur?* 74.  
*An dicant perfectionem, quotmodo intelligentiam?* 81.  
*Disparata non important realem distinctiorem in divinis.* 186.  
*Relativum inter, & relationem, qua differentia secundum P. Magnanum?* 77.  
*Relativa in divinis an, & quomodo, pradicentur de essentia?* 58.  
*Remittere peccata ad Deum spectat.* 118.  
*Reprobi habent suum Angelum Custodem.* 305.  
*Retardantur haudquam Angelii a visione Dei per ipsorum missionem.* 297.  
*Revelatio implicita, & explicita, quenam sint?* 13.  
*Quae dicatur facta Angelis ex mente S. Thomas?* 276.  
*Richardus, & ejus explicatio circa loquitionem Angelorum.* 287.  
*Rodolphus Gualterus, ejusque error contra cultum Angelorum.* 313.  
*Romanum Concilium in causa Arii celebratum.* 95.  
*Romanum Concilium II. & III. in causa Athanasii celebratum.* 95.  
*Ruficus quidam Diaconus afferuit, Spiritum Sanctum a Filio non procedere.* 165.

## S.

- S**abellius, ejusque error contra Trinitatem. 24.  
*Sadducei Spiritum Sanctum negabant.* 111.  
*Angelos non admittebant.* 191.  
*Salomon qua ratione dicitur unigenitus?* 154.  
*Salathiel, nomen Angeli, quid significet?* 242.  
*Samosatenus, Paulus, ejusque error contra Trinitatem.* 24.  
*Santificatio tribuitur Spiritui Sancto.* 116.  
*Sapientia quomodo intelligatur, quando dicitur a Deo creata?* 109.  
*In divinis tribuitur Filio.* 121.  
*Sardicense Concilium in causa Arii.* 95.  
*Secreta cordium non cognoscuntur ab Angelis certo & infallibiliter.* 274.  
*Scotista quomodo explicit loquitionem Angelorum?* 287.  
*Secundus, Plotmaidis Episcopus, primus Arii Sectator.* 93.  
*Secarus dicitur Spiritus Sanctus.* 164.  
*Seleucia Concilium in causa Arianorum evasit Conciliabulum.* 96.  
*Seleuciani heretici negarunt visibilem paradisum.* 363.  
*Semi-Ariani, & ipsorum Secta.* 95.  
*Seriphim quid significet ex vi vocis?* 299.  
*Ser-*

# VERBORUM, ET RERUM.

Sergius Monachus in condenda Secta Mahometi adjutor.	25.	Syllogismus expositorius an valeat in Trinitate?	9.
Serpens, qui decepit Ewam, non fuit serpens simulacrum, nec fuit serpens metaphoricus, sed verus serpens.	393.	Syllogistica principia an opposita sine Trinitate?	7.
Loquitur est ope Demonis.	ibid.	T,	
Fuit a Deo multatus quinque penes.	398.		
Setbo fuit revelatum Trinitatis mysterium.	14.		
Sigillum dicitur secunda Persona, & quare?	147.		
Silvianus Tarsensis Semi-Arianus.	95.		
Similitudo naturae, ad generationem requisita, quomodo intelligatur?	154.		
Simeon Rabinus, ejusque testimonium de Trinitate.	15.		
Simon Magus contra Trinitatem fuit.	22.		
Simplex dicitur Spiritus Sanctus.	164.		
Simplicius negavit Magiam.	330.		
Sirmiense Concilium in causa Arii.	96.		
Singedunianum Conciliabulum in causa Arianorum.	98.		
Sol continet vestigium Trinitatis ex Patribus.	6.		
Socipiani dicunt Demones aliquando satyros.	325.		
Somnia ex quibus causis proveniant?	273.		
Sopronius Pompejopolitanus Semi-Arianus.	95.		
Species dicitur secunda Persona, & quare?	147.		
Spectra quid sint? Et an dentur?	334.		
Spiritum Sanctum esse Deum probatur ex Scripturis, Conciliis, Patribus, & Rationalibus.	115. & seqq.		
Non procedit per artem.	120.		
Nec est genitus, nec ingenitus, sed procedens.	ibid.		
Spiritus nomen quomodo conveniat tertia Persona?	160.		
Spiritus essentia quamvis sit?	205.		
Sphœra presentia Angeli restringi posset in puncto, & dilatari ad libitum.	264.		
Sociniani dicunt, Demones aliquando satyros.	325.		
Stoici dixerunt, Cœlos esse animatos.	358.		
Substantia in divinis quid significet?	48.		
Subtilis dicitur Spiritus Sanctus, & quare?	164.		
Succubi Demones a pluribus negantur.	330.		
Sunt nibilominus, & dantur.	342.		
Superbia Angelorum malorum quamvis fuerit?	323.		
Fuit primus primorum Parentum peccatum.	395.		
Sybellini libri an genuini, an suppositi?	11.		
Cujus sunt auctoritatis?	242.		
Qua continens nomina Angelorum non recipiuntur.	ibid.		
<b>PAR. II.</b>			
<b>T</b> Aleja Arii quid?	92. & 93.		
Tarafius, & qua produxit de Joanne Thessalonicensi in Concilio Niceno II.	211.		
Tatianus quid de Trinitate senserit?	21.		
Temporis momentum, quo Deus creavit Angelos,	199.		
Tenebrae qua supponantur in illuminatione Angelorum?	293.		
Tentatio primorum Parentum non fuit interna, sed externa tantum.	382.		
Terra continet vestigium Trinitatis ex Patribus.	6.		
Quare in prima rerum creatione dicebatur inanis & vacua?	346.		
Eius nomine quid veniat in prima rerum creatione?	353.		
Terrestris Paradisus fuit corporeus, non spiritualis, nec mysticus, aut allegoricus.	364.		
Quod emanitatem non extat, extat tamen quoad locum.	369.		
Eius locus fuit ad alveum, quem conficit confluens Tigridis, & Euphratis.	367.		
Tertullianus quid de Trinitate senserit?	27.		
Explicatur, & defenditur.	ibid.		
Circa Verbi divinitatem a Socinianorum calumnia liberatur.	90.		
Dicitur, quod erraverit contra Spiritum Sanctum.	112.		
Eius opinio de natura Angelorum.	207.		
Thales Milesius volvit, noctem fuisse primo creatam, deinde diem.	354.		
Theodoreetus an senserit Spiritum Sanctum a Filio non procedere?	164.		
Eius error circa loquacionem Angelorum.	287.		
Eius verba contra cultum Angelorum explicantur.	315.		
Theodorus Mopsuestenus, ejusque error contra Trinitatem.	25.		
Eiusdem error circa loquacionem Angelorum.	287.		
Theodorus Dorschius, ejusque error contra Trinitatem.	27.		
Theodorus Berza, ejusque error, contra Spiritum Sanctum.	114.		
Eiusdem error circa loquacionem Angelorum.	287.		
Theodosius Bizantinus Coriarius fuit Alogorum Pater.	85.		
Theodosius, Laodicenus Episcopus, inter primos Arii	G 88		

# INDEX VERBORUM, ET RERUM.

- Arii sectatores.* 93.  
*Theognis Nicetus inter primos Arii sectatores.* 94.  
*Theonas, Marmarica Episcopus, Arienus ex primis.* 93.  
*Theophilus Alexandrinus quid de Trinitate senserit?* 21.  
*S.Thomas an concedat Paetri nouen Authoris?* 137.  
*Explicatur circa modum, quo sit illuminatio Angelorum.* 294.  
*Eius opinio de successiva, vel instantanea verum creatione.* 347.  
*Thomistae quomodo explicent loquitionem Angelorum?* 287.  
*Traditio sufficiit si in Romana Ecclesia servetur, ut dicatur, persistere in Ecclesia catholica.* 97.  
*Transilvani, & eorum argumenta contra Trinitatem.* 48.  
*Porundem errores contra Spiritum sanctum.* 115.  
*Negant Verbi generationem.* 152.  
*Trinitatis mysterium esse contra humana rationis vim, quidam Scholastici afferuerunt;* rejiciuntur. 2.  
*Communis sententia est, quod sit supra, non contra naturalem rationem.* ibid.  
*Eius vestigia contenta in quibusdam creaturis.* 6.  
*Ei non opponuntur syllogistica principia.* 7.  
*Trinitas est invocanda.* 111.  
*Trismegistus, Mercurius, an Trinitatem agnoverit?* 10.  
*Eius libri sunt suppositii.* ibid.  
*Tyri Conciliabulum ab Arianis coactum.* 94.
- V.**
- V** Alens Marca Arianus Sectator Eunomii. 94.  
*Valentinus, antiquus Haresiarcha, Verbum, & Spiritum sanctum, ad Angelorum conditionem rededit.* 111.  
*Valentinus Gentilis, ejusque error contra Trinitatem.* 27.  
*Calaber non fuit.* ibid.  
*Contra processionem Spiritus Sancti citatur.* 167.  
*Ubi intrinsecum an sit superadditum in Angelis, qui sunt in loco?* 262.  
*Velle secundum qui habet a se, an a se habeat etiam velle primus?* 255.  
*Verbi divinitas asserta, & probata.* 102.  
*Verbum dicitur secunda persona, & quare?* 138.  
*Ex quorum cognitione procedat?* 148.  
*Non procedit per cognitionem futurorum.* ibid.
- Procedit per omnem cognitionem divinam necessariam.* 149.  
*Vere primo non fuit mundus conditus, sed autumno.* 356.  
*Vesperis nomine in prima refectione an significetur nox?* 355.  
*Via peregrinatio quid significet per S. Augustinum?* 246.  
*Vigilius, Tapsensis, Episcopus, duodecim fratres contra Arianos scriptis.* 99.  
*Viri tres, qui Abraba apparuerunt, quid significabant?* 31.  
*Virtus dicitur secunda Persona, & quare?* 138.  
*Visio omnis in Verbo communicari potest.* 293.  
*Non omnis est beatificativa.* ibid.  
*Unitas in divinis tribuitur Patri.* 121.  
*Unctio spiritualis dicitur Spiritus Sanctus.* 164.  
*Voluntas an determinetur a se ipso, an a iudicio pratico, vel illius imperio?* 254.  
*Est in Angelis, & probatur ex Scripturis, Patribus, & Rationibus.* 282.  
*Actus voluntatis Angelorum quinam sine?* 283.  
*Demonum ita est in malo obstinata, ut resipescere non possit; & per hoc maxime ipsorum pena est aeterna.* 325.  
*Fuit crassa interna peccati primorum Parentum.* 393.  
*Vox Ex in divinis tribuitur Patri; Vox Pertribuitur Filio; Vox Intribuitur Spiritui Sancto; & quare?* 122.  
*Uranius Tyrus Arianus Sectator Eunomii.* 94.  
*Uriel quid significet?* 242.  
*Ursacius, Singidonis, Episcopus, Arienus Sectator Eunomii.* 94.  
*Wolfgangus Musculus, ejusque error contra Trinitatem.* 27.  
*Eiusdem error contra culsum Angelorum.* 313.
- Z.**
- Z** eroaster an Trinitatem agnoverit? 10.  
*Eius libri sunt suppositii.* ibid.  
*Dicitur, voluisse, Demonibus esse culsum exhibendum.* 331.  
*Zacharia Propeta testimonium de divinitate Verbi.* 103.
- E R R A T A**
- Autoris absentia, Correctoris infirmitas, Typorum fatalitas, inevitabilia reddiderant.
- C O R R E C T A**
- Letorum humanitas, discretio, sapientia, omnino reddens.







